



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>





61  
20173

3/2407.

Ex libris Bibliothecæ quam Illustrissimus  
Archiepiscopus & Prorex Lugdunensis  
Camillus de Neufville Collegio SS.  
Trinitatis Patrum Societatis JESU  
Testamenti tabulis attribuit anno 1693.


Claude Fauchet

314229





LES  
OEUVRES  
DE FEV M. CLAVDE  
FAVCHET PREMIER  
PRESIDENT EN LA COVR  
DES MONNOYES.



REVUES ET CORRIGÉES EN CESTE  
dernière édition, suppléées & augmentées sur la copie, memoires & papiers de l'Auteur, de plusieurs passages & additions en diuers endroits.

À VOY ONT ENCORE ESTE' ADIOUSTÉES DE NOUVEAV  
deux Tables fort amples, l'une des Chapitres & sommaires d'iceux, l'autre des  
matieres & choses plus notables.

Le contenu de ce Volume se trouuera au feuillet suivant.

20173



A P A R I S,

Par DAVID LE CLERC, rue Fremontel, au petit  
Corbeil, prez le puits Certain.

M. D C X.

AVEC PRIVILEGE DU ROY.

THE UNIVERSITY OF CHICAGO

LIBRARY OF THE UNIVERSITY OF CHICAGO  
540 EAST 57TH STREET, CHICAGO, ILL. 60637

THE UNIVERSITY OF CHICAGO PRESS



CHICAGO, ILL. 60637  
U.S.A. AND CANADA  
LONDON, ENGLAND  
WILSON & JOHNSON LTD.





CATALOGVE DES OEUVRES.  
DV SIEVR PRESIDENT FAVCHET  
CONTENVES EN CE VOLVME.

**A**NTIQVITEZ GAVLOISES OV FRANCOISES,  
Premier volume diuisé en cinq Liures, concernants les choses adue-  
nues en Gaule ou France, iusques en l'an VCCLI. de IESVS-CHRIST.

SECOND VOLVME DES ANTIQVITEZ FRANCOI-  
ses, Premiere partie, ou Fleur de la maison de Charlemagne, party en trois  
Liures, contenant les faits de Pepin, & ses successeurs depuis l'an VCCLI.  
iusques à l'an VCCXL.

SECONDE PARTIE DV SECOND VOLVME DES  
Antiquitez Françoises, ou Declin de la maison de Charlemagne, diuisé en  
quatre Liures, contenant l'Histoire de Charles le Chauue, & ses successeurs,  
depuis l'an VCCXL. iusques à l'an VCCCCLXXXVII. & entrée du re-  
gne de Hugues Capet.

ORIGINES DES DIGNITEZ ET MAGISTRATS DE  
France, deux Liures.

ORIGINES DES CHEVALIERS, ARMOIRIES ET  
Heraux.

SECOND LIVRE D'ORIGINES, OV PLVSTOST  
Mellanges, Del'Ordonnance, armes & instruments dont les François ont  
vsé en leurs guerres.

TRAITE' DES LIBERTEZ DE L'EGLISE GALLICANE.

RECVEIL DE L'ORIGINE DE LA LANGVE ET POE-  
sie Françoisse, ryme & Romans, diuisé en deux Liures.

TABLE DES MATIERES ET NOMS PROPRES FORT  
ample.

STATISTICS

THE

THE

THE

THE

THE

THE



AV TRES-CHRESTIEN  
ROY DE FRANCE ET DE  
NAVARRÉ, HENRY IIII.  
de ce nom.



I R E,

*I'auroy maintenant grande occasion de monstrier le profit que les Roys, voire les particuliers tirent de l'Histoire, si tant de fois, & par tant de gens de sçavoir il n'auoit esté publié. Et comme en vos Chasteaux, & Royales maisons, volontiers l'on rencontre un bien ordonné Portail, m'en seruir d'Avant-propos, ainsi que d'une entrée à ces Antiquitez Gasloises & Françoises. Mais estant chose toute confessée que l'Histoire est aussi necessaire pour la guide des grandes actions, que l'œil à la conduite du corps: Je n'empescheraï plus longuement vostre Maïesté pour escouter une redite: laquelle en fin se pourroit trouver aussi mal-plaisante, qu'une grande face de logis de plusieurs estages d'un seul ordre: ou qu'une bonne Musique trop souvent rechantée. Seulement ie regretteray le petit courage d'aucuns de nos predecesseurs: ausquels Gregoire Archeuesque de Tours, & Guittart petit fils de Charlemaigne, illustres Seigneurs, ayans monsté le chemin d'escrire les faicts de leur temps, ont craint ou dédaigné de les suyvre: pour nous laisser escrites tant de hautes entreprises, aussi bien conclues, que hardiment executées, par tant de sages & magnanimes Rois François dignes d'eternelle memoire, si iamais d'autres le meritent: & les exemples desquels representez, nous eussent d'autant plus esmeus qu'ils sont domestiques: & que ceux pris des anciens Autheurs ne parlans que de choses esloignées de nostre coustume & maniere de viure, leurs œuvres ne seruent gueres que de patrons, pour bien & proprement escrire. Que si l'on dit pour leur excuse, que quand les Rois cessent de faire des choses dignes d'estre ramentues, les bons esprits se faschent d'es-*

à ij

## EPISTRE

*crire ce qui est indigne d'estre escouté : outre que ceste opinion n'est pas tousiours veritable, l'on peut respondre (veu que les bons Autheurs n'ont laissé d'eloquemment escrire les faicts mesmes des Princes vitieux) qu'il ne se faut taire pour cela, ne enuier à la posterité, la conseruation des choses passées. Car tout ainsi qu'un Trucheman ne seroit loyal à celuy qui l'employeroit, s'il ne rapportoit que les belles parolles qu'un autre de langue diuerse luy auroit dittes: aussi l'Historien (interprete de l'Antiquité) qui ne voudroit escrire que les beaux faicts par luy veus, ou cogmus, trahiroit ceux qui viendroient apres luy, taisant les causes des maux, les fautes & vices des hommes de son temps : les conseils & motifs des choses passées, puis que son deuoir requiert, d'aduertir la posterité du bien, du mal, des abus & des inconueniens. A la façon de ceux, qui par les riuages posent, ou plantent des Balises, pour serair d'adresse aux mariniens : afin d'esuiter les escueils, & les bancs ; qui volontiers se rencontrent aux emboucheures des haures : ou par les deserts & montagnes desuoyées, fichent des pieux & des croix, pour enseigne du bon chemin. Ainsi qu'entre-autres, ont fait Tacite : nous laissant les rusés, les cruautéz & les vilenies de Tibere, & de Neron. Ammian Marcellin, & Zosime, les outrages des Empe-reurs qui vesquirent de leurs temps : & comme l'ont fait assez d'autres Au-theurs Grecs & Latins : voire entre les nouueaux, & du temps de nos peres, le grand & sans pareil Philippes de Commines : ou Guichardin : qui si franche-ment ont laissé par escrit les vices de ceux qu'ils ont veus. Bien est vray, que les grands Rois peuent beaucoup en cela, & pour la conseruation de la verité, & pour l'eternité de leurs noms, s'ils caressent ceux qui le sçauent bien faire : puis que l'honneur nourrit les Arts & les Sciences, & que tous vertueux s'es-chauffent d'auantage à renforcer ce qu'ils ont de bon, par la gloire, par la reco-gnoissance, & l'honneur que les Princes font à ceux qui meritent récompense : outre que c'est vne des principales marques d'un florissant Estat, de uoir tels hommes auancez : & l'Histoire est d'autant plus autorisée, quand ceux qui escriuent, sont, ou grands d'eux-mesmes, gens de bien, & de biens, ou d'au-thorité, ou employez aux charges honorables. Aussi fut-ce la vraye cause, qui produit tant d'excellents esprits du viuant d'Auguste & de Trajan Romains Empe-reurs, & n'agueres sous le Roy François premier de ce nom vostre grand oncle, Sire, de tref-heureuse memoire : plus iustement surnommé le Grand, pour l'affection qu'il portoit aux lettres, que pour l'excellence des magnifiques ouura-ges & bastimens par luy entrepris, ou l'estendue de son Royaume, quelque riche que lors il fut. Car encores que les Seigneurs, & autres qui s'estudient à mieux faire, soient louables, si est-ce qu'ils s'abusent grandement, s'ils s'addonnent tant à l'exercice des armes & du corps, qu'ils mesprisent ou delaissent celuy*

de l'esprit : lequel se plaist autant à voir une bonne police, le cherissement des lettres, de l'eloquence & des vrayes sciences, que Mars de contempler ses harmois bien fourbis, & d'executer les hardies entreprises : d'autant (ce dit un de nos vieux Trouverres, si j'ay bonne memoire) que

C'est parmi la Cheualerie,  
Que l'honneur est, & la Clergie.

Ceste cause, un Prince ne doit pas tousiours estre vestu de fer, puis que les habillemens Royaux, estans longs, monstrent que ses plus beaux paremens sentent la Paix : fille de la Victoire (le prix des Batailles) petite fille de la Iustice, l'aisnee fille de Dieu : & qui doit estre le but & la fin des guerriers. Mesme j'ose asseurer, que pour biendire des Historiens (qui bien souvent esmeuvent aussi à bien faire) Charlemagne tous les iours, & nos anciens Roys aux banquets des grands festes, lors qu'ils tenoient Court planiere & Royale, faisoient reciter les beaux faicts de leurs predecesseurs. Ce qui a duré (à tout le moins) iusques au Roy Charles VII. du regne duquel l'on trouue que le Comte de Tancarville tenoit l'estat de lecteur ausdites festes, par heritage : & (comme ie croy) en fief. Que s'il n'y a presque point de difference entre l'endormie fetardise, & la vertu qui est incogneue, ou celee, & si les faicts des Princes doiuent tendre à l'honneur, voire à l'eternité (autant que le raisonnable dessein d'entre nous humains peut se le promettre) comme est-il possible que nos Roys ayent mesprisé ce qui les pouuoit rendre immortels, laissant leur memoire boiteuse d'une hanche ? ou comme les grands & bons esprits. François, qui iadis se sont monstrez tant vifs en la Theologie, & autres sciences hautes, ont-ils peu mespriser le moyen de cognoistre les causes & les occasions de tant d'heureuses & belles entreprises, que celles que vos grands ayeulx ont executees par tout l'Vniuers ? Il faut donc recognoistre (Sire) que c'est un defect, que Dieu tout expres a voulu laisser en la maison de France, pour ne la rendre (non plus que toutes choses humaines) parfaite iusques à vostre temps : que sa bonté & misericorde ayant euidentement monstté sa Toute-puissance, par tant de miraculeuses victoires, & ceste triomphante Paix que n'agueres il vous a donnee, nonobstant les empeschemens de tant de vos ennemis secrets & descouverts, il a en mesme temps produit des hommes de lettres, desireux d'approcher du bien dire de l'Antiquité, s'ils voyoient l'espoir de la recompense. C'est donc à vous, Sire, sur qui toute la Chrestienté a l'œil, comme sur un diuin chef-d'œuvre, de continuer vos tres-grandes & tres-hautes entreprises, ainsi en paix, qu'auex fait durant la guerre : fournissant de matiere à tant de beaux esprits, qui se trouuent aujour d'huy : & par vostre liberalité, deliurant aucuns des empeschemens qui les peuuent garder de monter au

## EPISTRE AV ROY.

*Ciel ( par maniere de dire ) pour faire cognoistre à la posterité, lisant vos faiëts vertueux sciemment escripts, que vous avez esté un tres-grand & louable sujet d' Histoire, & eux non indignes trompettes de vostre renommee, laquelle, ie prie Dieu ( Sire ) deuoir estre eternelle, avec tres-longue & tres-heureuse vie de vostre personne, pour l'honneur & paix de la France, ensemble de la Chrestiensté. De Paris, ce 8. Septembre 1599.*

De vostre Majesté tres-humble &  
tres-affectionné sujet & seruiteur

CLAVDE FAVCHET, nagueres  
Premier President en Vostre Cour des  
Monnoyes.







### *L'Auteur au Lecteur.*

**E**s Antiquitez se sentent du mauuais temps, ayans esté aussi mal menées par la guerre, que moymesme : c'est à dire, transportées en diuers endroicts, perduës, deschirées, bruslées en partie, voire prisonnières & mises à rançon : tellement que n'ayant peu les racheter, estans transportées hors le Royaume, elles sont demourees en la main de ceux qui en ont cuidé faire profit, sans que ie les aye peu reconurer, mais seulement racoustrer, sur ce que i'en auois retenu. C'est pourquoy, Lecteur, tu trouueras tant de blanc, n'ayant peu avec la memoire remplir ce qui defailloit en ma copie : avec ce qu'à mon retour à Paris, i'ay trouué ma librairie dissipée : & en laquelle estoient mes Originaux, & plus de deux mille volumes de toutes sortes : principalement d'Histoires escrites à la main en tresbon nombre. Toutesfois ce qui deffaut esdits blancs, ne rompt point tellement le narré, que les moyennement scauans en l'Histoire, ne les puissent remplir, s'ils ont quantité de liures ; ce que ie prie faire quelqu'un pour moy : si aduient que ie meure auant que d'y satisfaire. Car veu mon aage, il est temps de songer à partir : & auant qu'estre surpris, d'amasser ce que ie veux laisser pour l'usage de la posterité. Car i'açoit que ce quint des Antiquitez que maintenant ie donne, ne soit pas en l'estat que i'eusse bien désiré, ains seulement publié, pour conseruer ceste planche de mon bras : si me semble-il pouuoir seruir, si non pour vn autre vaisseau, à tout le moins pour quelque parement. Que si me proumenant dauantage sur les bords de nostre mer ( Dieu mercy & nostre vaillant Roy, non plus tempestée ) i'en puis recouurer d'autres de mesme, i'essayeray sinon d'en bastir le nauire entier, dont i'auoy bien auancé le corps, à tout le moins d'en faire assez bon esquis, pour voguer par nostre Antiquité toute obscure qu'elle est. Ioüy donc, Lecteur, de ce que ie te presente, en attendant le reste, si Dieu me donne repos & plus longue vie.

---


I'ay sursui au conte des ans, ceux qui pensent que nostre Seigneur soit nay l'an du monde MMMCCCLXIII. De sorte qu'auant sa natiuité, il faut retrograder sus le piuoit de ladite année MMMCCCCXIII, & de là conter en auant iusques auioird'huy.




# TABLE ET SOMMAIRE DES CHAPITRES DV PREMIER VOLUME

des Antiquitez Gauloises, & Françoises.

## SOMMAIRE DES CHAPITRES DV PREMIER LIVRE.

	<b>VANT-PROPOS.</b>	fol. 1. a
CH. I.	 Division de la Gaule.	fol. 2. a
CH. II.	Origine des Gaulois.	fol. 3. a
C. III.	Dieux & Sacrifices des Gaulois.	fol. 3. b
C. IIII.	Qui furent les Druides, Bardes, Eubages, & quelle leur doctrine.	f. 4. b
CH. V.	Des Cheualiers, Solduriers, Ambaſſes Gaulois : leurs vestemens.	f. 5. b
C. VI.	Leurs manieres de Viure, baſtimens, & exercices.	fol. 6. b
C. VII.	Conqueſtes & paſſage des Gaulois en Germanie, Eſpagne & Italie.	fol. 7. b
C. VIII.	Rome priſe par les Gaulois.	fol. 9. a
CH. IX.	Les conqueſtes qu'ils firent en Hongrie, & deſſaite des Macedoniens.	fol. 10. b
CH. X.	Leur paſſage en Grece, & aſſaut du Temple de Delphes.	fol. 11. b
CH. XI.	Leur paſſage en Trace, & Natolie: La fondation du Royaume de Gaule-Grece.	f. 12. b
C. XII.	Guerre entre les Gaulois, Italiens, & Romains.	f. 13. b
C. XIII.	Bataille entre les Gaulois & Romains : & deſſaite des Geſſates.	f. 14. b
C. XIV.	Victoire des Romains ſur les Gaulois-Italiens. Deſſaite de Bituit Roy d'Auvergne, & auancement des Romains deçà les monts.	f. 16. a
C. XV.	Venue de Ceſar en Gaule : Sa victoire contre Ariouſte.	f. 17. b
C. XVI.	Conqueſte de la Gaule par Ceſar.	f. 18. b
C. XVII.	Changement de l'eſtat de Rome en Monarchie: Forts baſtis par Auguſte ſus le Rhin. Trans- port des Sicambres en Gaule.	f. 20. b
CH. 18.	Eſmouion des Gaulois.	f. 22. a
C. XIX.	Commencement du nom Chreſtien. Souleuement de Vindex Gaulois contre Neron.	f. 23. b
C. XX.	Eſmeute des Barbares pour chaſſer de Gaule les Romains.	f. 25. a
C. XXI.	Eſtat des Gaules depuis Veſpaſien inſques à Dioſetian.	f. 27. a

## SOMMAIRE DES CHAPITRES DV SECOND LIVRE.

CH. I.	 <b>D</b> IVERSES opinions ſur l'origine des François, Qu'ils ſont venus des Sicambres, & ont habité deçà & delà le Rhin, enuiron ſon emboucheure. Les Sicambriens ſont tranſportez en Gaule par Iules Ceſar. Depuis furent au ſeruiſe des Romains, comme ſoudoyers & ſous diuers noms : Sont logez en Hongrie pres Bude : & venus de Francus
--------	---

# TABLE DES CHAPITRES.

- Francus estimé fils d' Hector de Troie.* f.29.a
- Les Francs s'eslargissent en Gaule, sont deffaits par Constantin Clere. Viennent au service des* CH. II.
- Empereurs Romains, & sont avancez aux charges Romaines. Francs appellez Saliens, Ripuariens, & leur demeure.* f.30.a
- La querelle des enfans de Constantin le Grand donna occasion de ruiner l'Empire, durant laquelle les Francs & autres nations estrangeres s'esleuerent. Iulian surnommé l'Apostat est fait Cesar: chasse les Germains de Gaule. La vraye habitation des Francs en ce temps là.* C. III. f.31.b
- Iulian est declaré Empereur à Paris. Mort de Constance Empereur. Iulian tué il fut grand & C. III. Vaillant Prince. Iouinian luy succede, & aussy-ci Valentinian avec Valens son frere. & encores Gratian son fils par luy fait Empereur à Amiens. Bourguignons issus des Romains. La ruine de l'Empire commença à la mort de Valens. Gratian tenant trop grand compte des Alains, encourut la hayne des Romains: & ayant appelé à l'Empire Theodose, Maxime Espagnol se declare Empereur: lequel deffit Gratian pres Paris, puis le commanda estrangler à Lyon. Priamus, ou Priarius Roy des François. Maxime vaincu par Theodose, est tué, comme aussy Victor son fils.* f.32.b
- Genebold, Marcomir, Sunnum Ducs, ou Roys François entrent es Gaules. Se iettent en Hai- CH. V. naut. Nennin Capitaine Romain les va chercher en France, où il fut deffait. Valentinian second se gouverne par Arbogastes Franc, qui fait appoinement avec Marcomir, & Sunnum susdits. Valentinian second Empereur ayant esté estranglé. Eugene à la faueur d'Arbogastes prend l'Empire. Lequel vaincu par Theodose, Arbogastes se tue de sa main. Mort de l'Empereur Theodose. Hommes renomméz de sçauoir ou saine- f.34.a*
- Stilicon, Vaillant Capitaine Romain. Marcomir Roi Franc pris: estranglé en Toscanne. C. VI. Sunnum son frere tué par les siens. Constantinople appelée nouuelle Rome. Maxade & Honore, enfans de Theodose. Empereurs mariez par Stilicon qui marie ses filles. Une apres l'autre à Honore. Sa querelle avec Rufin. Il reconquit Afrique. Les Temples des Idoles abbatus. Victoires de Stilicon sur les Gots: tué pour le soupçon de s'entendre avec Alaric Roy des Visigoths. Les Chrestiens auoient mauuaise opinion de luy. Alaric Got assiege Rome: & la composition qu'il en prit.* f.36.a
- Masmeries de la garnison, estant en la grand' Bretagne. Le changement que les soldats firent C. VII. de diuers chefs, par eux esleus, iusques à un nommé Constantin. Baccandia, ou Sabaudia. Constans Cesar fils de Constantin, deffit Didime & Verinian Espagnols, cousins de l'Empereur Honore. Alaric Roi Got entre à Rome, declare Attale Empereur. Alaric déconfit Sarra Capitaine d'Honore, prend Rome.* f.38.a
- La Gaule assaillie d'Alains, Vandales, Bourguignons & Francs. Les Suauis conduits par C. VIII. Caisque leur Roi, gastent les Gaules: Lequel prins par Marian fut tué en Arles. Constantin prend le nom d'Empereur. Gerante fait Empereur Maxime en despit de Constantin. Le gouvernement de la plus part de la Gaule serroit lors sa Republique, & la multitude de royaumes qui se declarerent Seigneurs, affoiblissoit plus l'Empire Romain que les Barbares. Gerante ayant tué sa femme, de crainte qu'elle vint en la puissance de ses ennemis, se rua. C. IX. Constantin faux Empereur se fait Prestre: Est prins & tué. Arles Metropolitaine de sept Pruuinces.* f.39.b
- Maxime dégradé de l'Empire sans autre mal luy faire. Iouin & Sebastien son frere* CH. IX.

# TABLE

Emperours, aussi tost tuez à Narbonne. Astulf addouci par la beauté de Placide-fleur d'Honore Empereur, ne poursuit pas la guerre comme Alaric son predecesseur. Offre à l'Empereur de passer en Gaule pour en chasser les estrangers. Bourguignons se font maistres du pays des Heluetiens. Les Alains & Vandales, batuz par les Francs, se retirent en Espagne. Astulf prend la Septimanie, qui est Languedoc. Remet sus Attila Empereur degrade: lequel rendu vis à Honore, est enuoyé en exil. Astulf passe les monts Pyrenees, Est tuez par les siens. Valia luy succede. Constantin Comee fait Cesar. Septimanie demeure aux Visigots: Qui furent les Gots, Ostrogots & Visigots, Baltes & Amates. f.41.a

CH. X. Passage des Bourguignons en Gaule. Efforts des Allemands: Anglois-Saxons escouans la mer Gauloise: Francs pillent & brastlent Trénes. Faramond fait Roi des Francs. Mort d'Honore: Ican son premier Secretaire occupe sa place. Commencement d'Actie grand Capitaine Romain. Passage des Vandales d'Espagne en Afrique. Commencement du regne de Clojon deuxième Roi de France. Actie en Gaule. Bagaudes paysans Gaulois esmeus. Narbonne assiegee par les Gots. Vandales prennent Carthage. Les Pictis & Scots, assaillent la grande Bretaigne. f.42.b

CH. XI. Clojon prend Tournay & Cambray. Pourquoi appelle cheucl. Saints & sauans personnages de Gaule. Mort de Clojon. Merouee son fils: Concile de Calcedon contre Eutiches. Attila Roi des Huns, ennemi des Romains, à la suscitation de Genserik Roy des Vandales. Chasse Merouee de Colongne, qu'il fit brusler, comme aussi Trénes & Meis. Prend Reims, Besançon, Langres, Thoul, Troies: Viens assieger Orleans. Loup Euesque de Troie renommé. fol. 45. a

C. XII. Agnan Euesque d'Orleans, sollicite les Princes Romains & Rois Visigots pour resister à Attila. Actie fait leuer le siege d'Orleans. Pursuit Attila, & luy donne la bataille pres Chalons en Champagne, accompagné de Merouee & Thierry Roi des Francs & Visigots, où Attila fut vaincu, & Thierry tuez. f.46.b

C. XIII. Actie laisse échapper Attila. Ce qui luy cousta la vie, ayant esté occis de la main de l'Empereur. Attila retourné en Gaule est deffait par Torismond Roi des Visigots: Et l'Empereur tuez par un gendarme d'Actie. Maxime fait Empereur tuez à la suscitation d'Eudoxe femme du feu Empereur. Genserik Roi des Vandales pille Rome. Les Francs prennent la Belgique. Les Bourguignons le pays des Heluetiens. Estat des Gaules à la mort de Merouee. Childeric son fils. Miraculeuse conception de Merouee. Noms François significatifs. Saints & sauans personnages de ce temps. f.48.b

C. XIV. Childeric chassé pour sa paillardise. Les François establirent Roi Gillon Romain. Ausl Auvergnat Empereur à Trénes: depuis fait Euesque. Majoran mis en sa place. Puis Severian. Anthemie fait Empereur par Leon. Seruan Auvergnat, cuidant usurper l'Empire, est confiné. Anthemie tuez. Olimbre fait Empereur. Et apres luy Glicer. Puis Nepos. Euarie Roi des Visigots estans Arrian, traite mal les Euesques de Gascongne. Augustule est nommé Empereur par son pere Odaire Roi des Herulles vient en Italie: Confiné Augustule, auquel faillit l'Empire de Rome Italienne, Leon & Zenon tenans l'Empire Oriental, où de Constantinople. f.50.a

CA. XV. Guinemauz fait reuenir en France Childeric son maistre, & chasse Gillon qui se retire à Saisons. Vices des François, Gots, Alains & Saxons de ce temps là. Basine laisse Bisin Roi de Toringe son mari, pour espouser Childeric. Visions qu'elle lui fit voir la premiere naicté de ses nopces. f.51.a

## DES CHAPITRES.

*Narimité de Clouis, & que c'est le mesme nom que Louis. Childeric's aduancee en Gaule. Les C. XVI.*  
*Anglois chassent les anciens Bretons en Gaule. Et aucuns en l'Armorique, laquelle conuient*  
*ça d'estre appelée Bretagne. Bretons battus par Eoric. Saxons occupent l'Anjou. Auogre*  
*leur chef deffait pres Orleans par Childeric, qui estendit son Royaume iusques à ladite vil-*  
*le. France Austrasienne & Westrienne. Mort de Childeric. Sidoine Euesque de Clermont.*  
*Clouis Roi, chassé de Soissons. Siagre fils de Gillon. Romains entierement chassés du cœur de*  
*la Gaule. Les François traittent courtoisement les Senateurs Gaulois. Clouis Payen honore*  
*Sainct Remy.* f.52.b

*Querelle entre les Rois de Bourgongne. Vienne chef de leur Roiaume. Gombaut leur Roi fait C. XVII*  
*trancher la teste à Chilperic son frere, pere de Clotilde, laquelle Clouis enuioia demander pour*  
*femme. Et les moiens qu'Aurelian son Ambassade tint pour y paruenir. Clouis conquiert*  
*Toringe puis le pays iusques à la riuere de Loire. Donne Melun à Aurelian : fait la guer-*  
*re aux Allemans, en laquelle estant en danger, il vouë d'estre Chrestien.* f.54.b

*Allemans sujets des François, Thierry Roi des Ostrogots sage Prince, Baptisme du Roi Clouis. CH. 18.*

*La sainte Ampoule. Les fleurs de lis. Sacre & coronation des Rois de France,* f.56.b

*Quelle estoit la creance des Gaulois de ce temps-là, Et comme le Christianisme y entra. Quels C. XIX.*

*Euesques principaux y planterent la doctrine Chrestienne. Et l'origine de plusieurs ceremo-*  
*nies Ecclesiastiques.* f.58.a

*Les Verdunois rebelles. Clouis appellé par Godegisile Roi Bourguignon, vint faire la guerre à CH. XX.*

*Gombaut l'autre Roi de Bourgongne, lequel vaincu, s'enfuit en Anignon, puis ayant*  
*composé avec luy, vient assieger son frere dans Vienne, & le print. A massé les anciennes*  
*Loix des Bourguignons appellees Gombastes de son nom.* f.60.a

*Alaric Roi Visigot, saintement recherche l'amitié de Clouis. La ceremonie de toucher la C. XXI.*  
*barbe. Les Gots aians outragé l'ambassade de Clouis, sont condamnés en amende enuers*  
*luy, par Thierry Roi des Ostrogots, arbitre du differend. Clouis se preparant à la guerre*  
*contre les Visigots : enuioie au sepulcre de Sainct Martin de Tours en demander l'issue. Il*  
*gaigne la bataille de Vouglie.* f.61.a

*Clouis enuioie Thierry son fils prendre Auvergne, cependant qu'il occupe tout ce que les Vis- C. XXII.*  
*igots tenoient en Aquitaine. Fait apporter les tresors des Rois Visigots, qui estoient à*  
*Thoulouze. Recit de la deffaitte des Visigots selon Procope. Lesquels aians perdu Thou-*  
*louze, transporterent leur Royaume en Espagne. Clouis porte Couronne, & est fait Con-*  
*sul & Patrice. Ruse des Empereurs & Papes Romains. Premier Concile d'Orleans tenu*  
*par le commandement de Clouis.* f.63.b


*Paris capitale du Roiaume, où Clouis fit bastir l'Eglise de Saincte Geneuiefue. Assemblée de CH. 23.*  
*Paris tres-propre aux Rois François. Gladobert ayant fait tuer Siagre son pere, est luy mes-*  
*me tué : Et Clouis se saisit de son Roiaume. Alliance de Clouis avec d'autres Rois de Bel-*  
*ges.* f.65.b

*Clouis ayant pris Cararic Roi François avec son Fils, les fait Moines, & les tue. Ranchorre C. 24.*  
*Roi de Cambray François. Estendue du Roiaume de Clouis. Sa mort. Hommes renom-*  
*més de sauoir, ou de sainteté qui lors viuent. Geneuiefue Saincte Vierge Parisienne.*  
*fol. 66.b*

# TABLE

## SOMMAIRE DES CHAPITRES DV

### TROISIÈME LIVRE.

- CH. I.  **P**ARTAGE des enfans de Clouis esgal. Leurs fins & limites. Paris n'estoit pas le principal siege de France : ne les autres Royaumes Sujets des Roys de Paris. Danos escumans la mer de la coste de Terouenne sans defaits. Baudry, Hermenfroy, & Bertier freres, Roys de Turinge, s'entre-tuent. Brigide vierge prophetisse. f.68.b
- CH. II. Sigismond & Godemar Rois de Bourgongne, affoiblis par les François. Sigismond, prisonnier de Clodomir Roi d'Orleans, est par luy tué, avec sa femme & ses enfans. Amis Abbé de Saint Mesmin pres Orleans, renommé. Clodomir tué par les Bourguignons. S. Benoist pere de l'ordre des Moines noirs. Hormisdas Pape de Rome se fait appeller Archevesque, & à l'imitation des Orientaux, establir le chœur des Eglises. f.70.a
- CA. III. Qui fut Thierry Roi des Ostrogots d'Italie, il fait mourir Boèce & Symmachus Senateurs Romains, & Jean Pape. La mort estrange de ce Roi. Antioche Ville d'Asie, accablantee par un crouste & tremblement de terre. f.72.a
- C. IIII. Thierry Roi de Mets, conquiert Turinge. Ne garde la promesse faite à Clotaire son frere : qui donna occasion à l'inimitié desdits Rois. Thierry tue Hermenfroy Roi de Turinge. Ragonde fille d'Hermenfroy femme de Clotaire. f.73.a
- CH. V. Childébert Roi de Paris, & Clotaire Roi de Soissons son frere, conquerent Bourgongne, & chassent Godemar. Origine & auancement desdits Bourguignons. Thierry Roy de Mets pille l'Auvergne. Childébert pour venger sa sœur mal traittee du Roy des Visigots, leur fait la guerre : & de sa main tue Amaulry leur Roi. Rapporte de grandes richesses. Mort de Iustin Empereur. Auquel succeda Iustinian compilateur des loix Romaines. L'Abbé Denys auteur du Cicle pascal. Quelle date prenoient les Romains, Grecs, Iuifs, Gaulois & Espagnols en leurs chartes. f.74.b
- CH. VI. Mundetrix Roy disant Roi de France, est assiégué à Vitry par Thierry, & tué. Childébert & Clotaire font mourir leurs neueux, enfans de Clodomir, fors Cloud estimé Saint. f.76.a
- C. VII. Les enfans de Thierry, & Clotaire Rois de France chassent les Visigots de partie de Languedoc. Thiebert fils dudit Thierry, amene de ce pays Denterie, qu'il espousa : mais les François le contraignirent de la chasser. Maur & Fauste disciples de Saint Benoist, apportent sa regle en France. Amalasunte fille de Thierry Roi d'Italie, tuee par la connivence de son mary. f.77.b
- C. VIII. Visigots Roi des Ostrogots, ayant appelé les François en Italie leur quitte la Prouence. Ancon, & Francisque, armes des François. Testmoignage d'Agathie touchant les François viuant de son temps. Belissaire Capitaine de Iustinian se plaint de la venue des François en Italie. Inuet Franc Aleud, & non pas Royaume. f.79.a
- CA. IX. Childébert & Thierry freres, prests de combattre Clotaire leur autre frere, sont diuinement separer. Pourquoi les guerres ciuiles entra les François durioient peu. Mariage deffendu aux Prestres au Concile d'Orleans. Institution de la feste de la Purification. Childébert & Clotaire vont en Espagne, assiegent Sarragote, Leuent le siege. Appportent des reliques de S. Vincent. Mort de Saint Benoist. Guerre des Ostrogots & de Belissaire en Italie. Torile Roy Ostrogot prend Rome. Iustinian Empereur quitte Prouence aux François. Or




## DES CHAPITRES.

- monnoye de France. Mort de Thiebert Roy de Mets: Ses enfans. Parthenie inuenteur de subfides, lapidé par les François.* fol. 81. a
- CH. X.**  
*L'Empereur Iustinian femond Thiebaux Roy de Mets, venir en Italie guerroyer les Ostrogots: & quiste la Prouence aux François. Losaire & Buccelin Vassaux des Rois François, vont en Italie par la commission de Thiebaux: Leurs conquestes & mort.* fol. 83. b
- CH. XI.**  
*Childebert Roy de Paris, quiste la succession d'Austrasie à Clotaire son frere. Cimetières publics & sepulture des Anciens. Mort de Clote femme de Clouis. Le Roy Clotaire voulant auoir le tiers des fruits Ecclesiastiques, est contredit par l'Euesque de Tours. Les femmes, les concubines & enfans dudit Roy. Conan & Maclou Comtes hereditaires de Bretagne. Clotaire gaigne vne bataille sur les Sefnes, ou Saxons. Enuoye Chram son fils en Guyenne, qui s'y gouuerne mal. Le Roy Clotaire contraint par les François de combattre les Sefnes, est vaincu.* fol. 85. b
- C. XII.**  
*Chram rebelle à son pere, retiré vers Childebert son oncle, se saisit des pays de son gouuernement. Assaillz par ses freres, les met en fuise. Oracle tiré par luy des liures saints. Messe Gauloise differente de la Romaine. Les Thiefales Scythes, ont edifié Thisauges en Poitou. Mort de Childebert Roy de Paris. Ses filles ne succederent à la Couronne. La loy Salique: & origine des Loix Françoises. Clotaire poursuivant Chram son fils, gaigne la bataille & le fait brusler avec sa femme & ses filles. Mort dudit Roy Clotaire. Eglises cathedrales de France, à qui dédiées. Oraisons de la Messe, pourquoy appellees Collectes.* fo. 88. a
- C. XIII.**  
*Partage des enfans de Clotaire. Celse Patrice, & quelle dignité c'estoit. Mort de Iustinian Empereur. Iustin son neveu luy succede. Narsés fait venir en Italie les Lombards. Les Huns voulans entrer dans la Gaule sont battus. Chilperic Roy de Soissons guerroye Sigisbert son frere, Roy de Mets. Mariages & enfans de Gunthram, Roy d'Orleans & de Bourgogne. De Sigisbert Roy de Mets, & de ses enfans. D'Aribert Roy de Paris. Gogon Verrueux gentil-homme François, declare Chrodin Maire du Palais d'Austrasie.* fol. 90. b.
- C. XIV.**  
*Mariages & enfans de Chilperic Roy de Soissons. Fredegande sa femme, rufée. Huns retournent en France, & par art Magique vainquent Sigisbert Roy de Mets, qui leur eschappa par beau langage. Gregoire historien François fait Euesque de Tours. Aribert Roy de Paris meurt: & ses filles ne luy succedent point.* fo. 93. a
- CH. XV.**  
*Alboin Roy des Lombards conquiert l'Italie. Le Roy Gunthram prend Auignon & Prouence. Thonon Chasteau voisin de Geneue, tombe dans le Rhosne avec sa montagne hommes & maisons. Pestilence d'Auvergne. Et mort de Caron Prestre charitable. Lombards entrent en France par trois endroits. Sont deffaits par Mommoel Patrice de Bourgogne. Chromie, Capitaine François prend Trence. Mort de Iustin Empereur. Auquel Tibere succeda.* fol. 94. a
- C. XVI.**  
*Guerre entre Chilperic & Sigisbert freres, Rois de France. Clouis fils de Chilperic chassé & quitaine, par les capitaines de Gunthram & Sigisbert. Chilperic Roy poursuuy par Sigisbert son frere: & leur accord. Pays d'entour Paris pillé par les subiets de Sigisbert encore Payens. Chilperic abandonné de ses subiets s'enfuit à Tournay. Sigisbert venant pour l'assiéger est tui. La mort de saint Martin seruoit de cote aux contrails des Gaulois.* fol. 98. b
- CH. XVII.**  
*Childebert fils de Sigisbert sauué à Paris: déclaré Roy d'Austrasie, & les ceremonies de badi-  
 ce declaration. Germain Euesque de Paris de grande autorité. Bruncheaur Vefue du Roy*

# TABLE

- Sigisbert d'Austrasie, esbouse Meruee, fils de Chilperic. Meruee emprisonné par son pere. Referendaire estoit comme Chancelier. Iuifs baptisez. Le Dimanche des Aubes. Pourquoy ainsi appellez. Mommol Patrice gaigne vne bataille sur le Duc Diexier. Eulogies & pain benit. Remond Euesque de Paris. Marulf premier medecin du Roy. Faconnerie pratiquée par les François. Demineresse. Herpon Duc.* fol. 98. b
- CHA. XVIII.** *Sesnes ayans suyus les Lombards en Italie, voulans retourner en leur pays sont totalement desfaits par les Snaues. Marlon, Boudic & Varoch. Comtes de Bretagne, subiets des Roys de France. Guntchram Roy, declare Childbert son heritier. Jeux de cirques faits à Paris par le Roy Chilperic. Proces fait à Prexstat Euesque de Rouen, accusé de trahison.* fol. 101. a
- C. XIX.** *Meruee rebelle à Chilperic son pere, se fait tuer. Rouë punition. Poictou enuahi par les gens de Chilperic. Guntchram Boson Duc. Varoch Breton baille son fils en ostage au Roy. Sesnes ou Saxons Besins. Amende leuée sur gens d'Eglises. Defaillans à l'arriere-ban. Pape renouit vn proces d'Euesques Gaslois, par permission du Roy. Origine de la puissance du Pape.* fol. 103. b
- C. XX.** *Mort de Tybere Empereur. Maurice son successeur. Chilperic & Fredegonde se repentent d'auoir foulé le peuple. Marachere Euesque d'Angoulesme empoisonné par son clergé. Leuwichilde Roy d'Espagne, fait la guerre à son fils. Pourquoy les Arriens estoient rebaptisez par les catholiques.* fol. 106. a
- C. XXI.** *Clouis fils de Chilperic tué à la suscitation de Fredegonde. Chilperic adionste à l'alphabet des François quatre lettres. cupan comte de l'Estable. Proces fait à Gregoire l'Historien. Ja purgation. Gehenne de prisonnier.* fol. 107. b

## SOMMAIRE DES CHAPITRES DV QUATRIESME LIVRE.

- CH. I.**  *VERELLE entre les Rois Guntchram & Childbert pour Marseille. Alliance entre ledit Childbert & Chilperic. Presens de l'Empereur Tybere enuoyez à Chilperic. Loup Duc de Champagne fidelle à Brunehaut. cibart reclus d'Angoulesme. Theodore Euesque de Marseille prisonnier.* fol. 110. a
- CH. II.** *Disier Duc de Chilperic trauaille les subiets de Guntchram en Guyenne. Prodiges. Mortalité. Iuifs baptisez. Leuwichilde Roy des Visigots, fait la guerre à Hormenichilde son fils. Gardes du pont de Charanton tuez. Sang sorti d'un pain. Chartier Euesque de Limoges, faussement accusé. Gombaud se disant fils du Roy Clotaire, & venant de Constantinople, est receu par l'Euesque de Marseille.* fol. 111. b
- C. III.** *Riuieres de Seine & Marne desbordees. Guntchram Duc. vient faire la guerre à Mommol retiré en Auignon. Chilperic se saisit de Paris. Pays de Berry gasté par les gens de Chilperic. Comte de Rouën decapité pour les pilleries de ses gens. Le peuple d'Austrasie esmeu contre l'Euesque Gilles de Reims, le poursuit à coisi de pierre. Leudaste Comte de Tours, mal traitté par Fredegonde.* fol. 113. a
- C. IIII.** *Guntchram rend à Childbert la ville de Marseille. Leuwichilde Roy d'Espagne enuoye de-*

## DES CHAPITRES.

- mander à femme Rigunthe fille de Chilperic. Mommol Breuost de Paris estinté sorcier. Lipuence Abbé de Ladeue faussement accusé est tué. Sulpice Euesque de Bourges. Chilperic craignant ses freres animez contre luy se retira à Cambrai. fol. 114. b
- L'Empereur Maurice ayant donné de l'argent au Roy Childebert pour faire la guerre aux Lombards, est trompé. Leuwichilde Roy des Visigots fait mourir son fils. Preparatifi de Chilperic pour enuoyer Rigunthe sa fille en Espagne. Qui estoient les Fiscalis. fol. 115. b
- Chilperic tué par la malice de Fredegonde & Landris son aduultere. De quels liures Aymon a C. VI. compose son histoire. Fredegonde s'enferme en la franchise de Paris. Ceux d'Orleans & Dunois s'entrebruslent leur pays. Cloaire fils de Chilperic, reconnu par les vassaux de son pere. Protestation du Roy Guntchram au peuple, faite durant la Messe. fol. 117. b
- Rigunthe fille de Chilperic, allans en Espagne est arrestee à Thoulouze. Gumbaut se disant fils de Cloaire, est déclaré Roy des François par aucuns. Second Concile de Mascon. Pain benist. Pourquoi hospitaux sont pres les mascons Episcopales. Partisans de Gombaut. Austraziens demandent Fredegonde au Roy Guntchram pour en faire punition. Rois François non suiets les vns aux autres. Vmoient de mesnage. fol. 119. a
- Pretextat Euesque de Rouën confiné; retourne en son Euesché. Promot fait Euesque de Chateau-dun. Rueil pres Rouën. Habitation de Fredegonde: laquelle essaye de faire tuer Childebert & Brunehaut. Chancelier. Thresorier. Les communes gardoient les refugiez aux Franchises. Progrez de Gombaut. Maniere de desfer les Princes. Verges consacrées. fol. 121. a
- Gombaut assiégué dans Cominges. Occasion de sa venue en France. Sa mort & d'aucuns ses partisans. fol. 123. a
- Fredegonde resire sa fille de Thoulouze. Grand tresor de Mommol. Homme plus grand de trois pieds que le commun. Femme deuiniere coniueree. Famine. Entree du Roy Guntchram à Orleans: en laquelle habitoient des Siriens & Iuisi. Courtisane dudit Roy enuers les Euesques. Austrasiens refusent de se trouuer en Vn Sinode assigné par le Roy Guntchram. fol. 124. b
- Maurice se plaint de Childebert: & luy enuoye des Ambassadeurs pour le semondre d'aller en Italie. Remuemens d'estats en Austrazie. Assemblée à Mascon. Euesque de Cahors excommunié: & sa punition. Maladie du Roy Guntchram. Brunehaut prend le gouuernement de Childebert son fils. Lac pres de Vanez conuerty en sang. que les Chiens venoient licher. fol. 126. b
- Guntchram se prepare pour aller faire la guerre en Espagne. Fredegonde persuade à des Clercs de tuer Brunehaut, & son fils. Armee de Guntchram deffaitte pres Carcassonne. Reproche dudit Roy aux chefs de son armee. Les Espagnols courent le Languedoc, & Prouence. fol. 128. a
- Pretextat tué. Seigneur François qui en vouloit faire informer empoisonné. Vin d'absinte. Seigneurs de Neufstrie ne veulent souffrir que le Roy Guntchram cognoisse du fait des criminels, du Royaume, de leur Roy. Bepolen Referendaire de Fredegonde fait tuer Donnelle & ses Vandangeurs. Paris bruslee. Consacrée, ou plustost enchansee. Richard fils du Roy d'Espagne, vient courre le Languedoc. Euesque du Mans auoit sa femme viuante hors d'auec luy. Meurtriers de Pretextat liurez par Fredegonde, tuez par le noueu dudit Pretextat. Bepolen fait Duc des Villes de Cloaire, par le Roy Guntchram. Prodige. fol. 129. b
- Palais Euesque de Saintes faussement accusé de trahison. Guntchram rend la ville d'Alby

# TABLE

- du Roy Childbert. Lenuichilde Roy d'Espagne mourant renonce à l'Arrianisme. Richard son frere enuoye rechercher l'alliance de Childbert. Mort de Ragonde femme de Clotaire, fondatrice de sainte Croix de Poitiers. Meurdrier voulant tuer le Roy Guntchram, est laissé vif: pour auoir esté pris en vne franchise. Vaisseaux marquez de signes incognus. V'ilage perdu, & dissu. Gascons descendent des Pyrenées.* fol. 131. b
- C. XV.** Rauching s'efforçant de tuer Childbert, pour se faire Roy: estant descouuert par le Roy Guntchram est tué. Postes en France. Magnold est mis en la place de Rauching. Berterfred & Vrsion rebelles, & leurs complices. fol. 133. b
- C. XVI.** Traicté fait entre les Rois Guntchram & Childbert. fol. 134. b
- C. XVII.** Loup Duc de Champaigne. Cabsors rendue à Brunehaut. Vrsion & Berterfred compaignons de Rauching reserz à Vabres de Champaigne, tue. Costume de iurer l'innocence d'un criminel. Richard Roy d'Espagne, renonce avec tous les siens à l'Arrianisme. demande Clodesire sœur de Childbert. Bretons courent le pays Nantois. fol. 135. b
- CHA.** Ambassade de Gregoire de Tours vers le Roy Guntchram. Occasion d'assembler les Sinodes. XVIII. Peste commençant à Marseille, court les Gaules. Guntchram estimé pour sa sainteté. Abbés sous Euesque. Vn Euesque ne pouuoit laisser son Euesché pour prendre vn autre. Bretons courent la pays de Rennes. Ingoberge Roine, veufue d'Aribert Roy, morte aagée de nonante ans. Le Duc Arnalon tué par vne fille. Bachinon Vaisseau en façon de tasse. Enfants de Gombaut en Espagne. fol. 137. a
- C. XIX.** Childbert assemblant vne armee pour aller en Italie, en est destourné par Guntchram. Cens de Poitou. Touraine franche de Cens. Armee de Guntchram en Septimanie est battue. Xueuns Neustriens demandent à Childbert vn de ses fils pour estre leur Roy. Conspiration de Septimanie contre le Roy Childbert descouuerte, & sa punition. fol. 139. a
- C. XX.** Occasion de la querelle de Ragonde & Maroue Euesque de Poitiers. Le scandale aduenu entre les Religieuses de sainte Croix. Discord entre Ingeltrude & Berregonde sa fille. Entre Fredegonde & Rignunthe sa fille. Fredegonde s'efforce d'estrangler sa fille. fol. 140. b
- C. XXI.** Grippon Ambassadeur François resourne de Constantinople, outragé par le peuple de Cartage. Satisfaction de l'Empereur non acceptee. Grosse armee de Childbert pour aller en Italie avec vingt Ducs, passe en Bauieres, & remet Tassillon chassé par Garibault. Audonald Duc François, passe en Italie contre Anthar Roy de Lombardie. Fondation de l'auir. François recourments mal menez de peste & famine. Bretons ayans couru la frontiere, Guntchram enuoye vne armee contr'eux. Chefs d'armees accusez de negligence. Combat en champ clos pour la mort d'un boeuf sauuage, tué en la forest du Roy. fol. 142. b
- CHA.** Procs entre Lubouere, Crodielde, & Basine Religieuses de sainte Croix de Poitiers, & les XXII. scandales qui en aduindrent. Procs fait à Gilles Euesque de Reims pour sa trahison. Sa punition. Childeric le Sesne, & sa mort. Dispute pour la celebration de la feste de Pasques. Fontaines qui en Espagne s'emplissent diuinement le samedy de Pasques. fol. 144. b
- CHA.** Abuseur qui se faisoit adorer pour Christ, & menant vne femme qu'il appelloit Marie, est tué au Puy. Eusebe Syrien, fait Euesque de Paris. Seigneurs François ennemis combattent tellement qu'il ne demeura qu'un de leur famille. Guntchram parrain de Clotaire, fils du Roy Chilperic. La ville de saint Irier de la Perche. Iour de Dimanche pourquoy festoyé. Mort de Gregoire Archeuesque de Tours, estimé saint. Intention de l'Auteur de ces Antiquitez. Mort de Guntchram. Songe merueilleux de ce Roy. fol. 146. b

Sommaire

## SOMMAIRE DES CHAPITRES

## DV CINQUIESME LIVRE.



**REDEGONDE** & Landry gaignent vne bataille sur les gens de **CH. I.**  
 Childebert. Bretons courent la France. Mort de Childebert. Bataille  
 de Latofao gaignée par Fredegonde & Landry, sur les Austrasiens.  
 Saint Gregoire Pape soustient que les Euesques qui prennent tiltre d'V-  
 niuersels, sont precursseurs d'Antechrist. Tritons veus dans le Nil.  
 Huns se retirent de Germanie. fol. 149. a

**Mort de Fredegonde.** Miserable mort de l'Empereur Maurice. Brunchault fait tuer le Duc **CH. II.**  
 Vintion. Laconie, ou Lac de Dunois Bouillant rendit ses poissons cuits. Austrasiens  
 chassent Brunchault. Benoist Pape riers du nom, obtient de Phocas Empereur le tiltre de  
 Pape Vniuersel. Changement de la langue Latine en Vulgaire. Thiebert & Thierry  
 enfans de Childebert Roy d'Austrasie & de Bourgongne gaignent vne bataille sur Clo-  
 taire, qui perdit presque toute sa seigneurie. Denthelem Duché. Gascons domptez par  
 les François. Agille Patrice. Audouald Roy des Lombards. Institution de la feste de  
 tous les Saints. Berthoud Maire d'Austrasie. Prosade mignon de la Royne Brunchault  
 fol. 151. a

François commençoient l'année à Noel. Mort du Maire Berthoud. Paix entre les Rois Clo- **C. III.**  
 taire & Thiebert. Brunchault fait croire à Thiebert, que son frere est bastard. Docudie  
 Maire du Palais de Bourgongne. Le Roy Thierry renuoye la fille d'Espagne par luy es-  
 pousée. Deux-dedit Pape deffend le mariage entre les comperes. Sisibut Roy V'visigot, con-  
 quiert toute l'Espagne. Querelle entre Brunchault & Bilechilde femme du Roy Thiebert.  
 fol. 153. a

Columban Abbé de Laxeu reprenant le Roy Thierry encourut la male-grace de Brunchault: **C. IIII.**  
 & chassé de Bourgongne s'en va en Italie. Estrennes instituees entre les Payens, deffen-  
 dues au Concile d'Auxerre. Le feste des Rois. Scàre de François. Thiebert & Thierry  
 en querelle. Thiebert Roy, tue Bilechilde sa femme. Sa ruine. Sa mort, & de ses  
 enfans. Thierry son frere se saisit du Royaume d'Austrasie. Graffions quels officiers.  
 Vanité de ceux qui tirent la maison d'Austriche de celle de Clouis. fol. 154. b

Le Roy Thierry s'apprestant pour faire la guerre au Roy Clotaire est empoisonné. Clotaire de- **CH. V.**  
 clare Roy de toute la France, fait le proces à Brunchault. Panision de ladite Royne. Her-  
 pon tué. Euesque qui veut desbaucher la Royne, chassé. fol. 157. a

Parlement à Bonneuil en Brie. Sisibut Roy des V'visigots fait la guerre aux Romains de **C. VI.**  
 meure en Espagne. Hegire compte des années des Sarrazins. Lideric forestier de Flan-  
 dre. Lombards demandent aux François les villes de Suze & d'Turée, & estre des-  
 charger du tribut pareux deu aux François. Mort de Bertrade Royne. Clotaire es-  
 pouse Sichilde. Dagobert fils dudit Clotaire, fait Roy d'une partie d'Austrasie. Samon  
 marchand natif de Sens, est fait Roy des Vinides. Honneur de presenter au Roy la  
 seruiette pour lauer. Isidore Euesque Espagnol scauant. Pepin l'ancien. Dagobert con-  
 trainct son pere de luy quitter toute l'Austrasie. Bodin ayant espousé sa belle mere est

# TABLE

- tué. Bourguignons ne veulent point de Maire du Palais. Dagobert blessé en Saxe, est secouru par Clotaire son pere, qui de sa main tue le Duc de Saxe. fol. 159. a
- C. VII. Qui fut Mahomet. Sa mere. Et sa sepulture. Agnan Sefne tué. Ermenger gouverneur d'Aribert fils de Clotaire. Mort dudit Clotaire. Ses qualitez & partage de son Royaume. Saint Fiacre Hermise de Meaux en Brie. fol. 161. a
- C. VIII. Dagobert partage son frere en Guyenne. Fut bon iusticier, tant qu'il se gouverna par Arnoul & Cunibert. Fait sa residence à Paris. Il a plusieurs femmes & concubines. Mort d'Aribert Roy de Thoulouze & de son fils. Responce de Samon Roy des Finides à un Ambassadeur François. fol. 162. b
- CH. IX Bulgares chassés par les Auvernois, & retirez en Banieres, sont occis. Sisenand Roy d'Espagne à l'ayde des François chasse Suinille son frere du Royaume qu'il tenoit. Bassin Valant deux cens mille sols d'or. Sefnes promettans deffendre la frontiere de France sont battus par les Finides. Serment fait sur les armes. Gascons domptés par Dagobert. Destruction de Poitiers. Fondation de l'Abbaye saint Denys. Sigisbert fils de Dagobert fait Roy d'Austrasie. Denthelen Duché. Adon, Dadon, & Radon freres, fondateurs d'aucunes Abbayes de Brie. fol. 164. b
- CH. X. Enfans de Sadracigille tués. Prierez de la succession de leur pere, pour n'avoir point poursuivi sa mort. Raoul Duc de Turinge rebelle. Deuins predissent que les Circoncis travailleroient la Chrestienté. Referendaire chef de l'armée François, deffait les Gascons. Kikuel Comte de Bretagne, fait hommage au Roy Dagobert. Donations quand, & pourquoy faites aux Eglises. Mort du Roy Dagobert. Pourquoy il fit bastir l'Abbaye de saint Denys. Fables de Moynes ont gâté l'histoire François. fol. 166. b
- CH. XI Clouis fils de Dagobert Roy. Age Maire de son Palais. Comme se partageoient les meubles d'un Roy François apres sa mort. Qui furent les Sarrazins. Leur auancement & conquêtes. Mort d'Age. Mallus lieu de Justice. Archambaud Maire du Palais de Clouis. Mort de Pepin le Vieil, auquel Grimoald son fils succede en son estat. fol. 169. a
- C. XII. Raoul Duc de Turinge deffait les François. Othon tué par Luther Duc d'Allemagne. Flaoat Maire de Bourgongne. Nantilde Roine. Clouis va en Bourgongne. Mort de K'vilibaud tué. Mort de Flaoat. fol. 170. b
- C. XIII Le Roy Clouis épouse Baudour. Famine pour laquelle la Chasse de saint Denys est decouverte. Thresors des Eglises. Abus d'exempter les Moynes de la correction de leur Abbé, comme aussi les Chanoines de celle des Euesques. Sigisbert Roy d'Austrasie adopte le fils de Grimoald son Maire: qui envoya le fils dudit Sigisbert en exil. Grimoald chastié. Fondation de saint Maur des fossés. Mort de Clouis. Ebrouin Maire du Palais. Clotaire troisieme Roy & sa mort. Partage inegal des enfans de ce Roy. Thierry & Childebert Roys. Crauant d'Ebroin Maire. Thierry fait Moynes Ebrouin & saint Liger: & les confine à Luxeu. Childebert Roy fustueux. fol. 172. b
- C. 14. Childebert traitant mal sa noblesse, est tué par Bodille gentil-homme François. Saint Liger, & Ebrouin sortent de Luxeu. Thierry remis au siege Royal. Ebrouin par le conseil de saint Oen reprend la Mairie. Tue Leudesie. Fait des cruautés. Prend le Roy Thierry. chasse ses ennemis outre Loire. Monstra aux Maires le chemin de s'agrandir. Fait avengler & puis tuer S. Liger. Parlement auquel sont deposes deux Euesques. Agathon Pape ordonne que les decrets des Papes aient telle autorité que les saintes Escriptions. Martin fils de Cleodulf, & Pepin fils d'Ansegille faits Ducs d'Austrasie apres la mort de



## DES CHAPITRES.

- Vulfoald. Fondation de l'Abbaye saint Miel pres Verdun. Martin Duc tué par Ebrouin.* fol. 174. b
- Ebrouin tué par Hermenfroy. Varaton Maire. Mort de saint Oen & de Varaton. S. c. XV.*
- Vigille Euesque d'Auxerre tué. Pepin gaigne vne bataille sur Berthier Maire. Puis est fait Maire de Vestrie. Ses enfans. Gascons & Sefnes vaincus, sont contrainsts d'obeyr aux François.* f. 176. b
- Mort du Roy Thierry. Clouis troisieme Roy. Son fils. Sa mort. Childebert Roy. Dreux c. XVI.*
- Duc de Champagne. Pepin fait guerre à Rasbaud Frizon premier Duc de Venise. Espagnols en Languedoc. Mort du Roy Childebert. Fondation de saint Michel diocese d'Auranches. Dagobert deuxiesme Roy. Grimoald tué. Mort de Pepin. Plectrude sa femme. Ragenfroy Maire. Dagobert mort. Daniel Roy Prestre, est nommé Chilperic. Charles fils de Pepin perd vne bataille contre Ragenfroy. Estant remis sus, en regaigne vne autre. Il entre à Colongne. Se saisit des thresors de son regne, fait Roy Clotaire.* f. 178. a
- Eude Gascon & Ragenfroy Venu au secours de Chilperic. Sont mis en route par Charles. Le c. XVII*
- Roy Clotaire mort. Thierry de Chelles est fait Roy. Charles poursuit Ragenfroy iusques à Angers. Trauaille les Euesques, & Comtes ses ennemis. Gaudine & Neustrie appelees Charolie. Gascons battus.* f. 180. a
- Sarraxins conquierent l'Espagne sur Roderic Roy Visigot. Ils sont appellez en France par le CH. 18.*
- Duc Eude. Origine des Rois de Galice & de Nauarre.* f. 181. b
- Sarraxins vaincus en bataille par Charles Maire de France, qui en acquit le nom de Martel. c. XIX.* fol. 183. a
- Charles va en Bourgogne. Girard de Ronsillon. Charles conquier Gascongne. Sarrazins & CH. XX.*
- Vandales en Dauphiné. Ils assiegent Sens. D'où sont venus les noms de Cathalongne & d'Andalousie. Frizons battus sur mer par Charles. Espagnols chassez de Prouence, puis de Languedoc par Charles. Athon Roy Sarrazin tué par les François. Narbonne assiegee. Gregoire Pape demande secours à Charles, & luy enuoye les clefs du Sepulchre de saint Pierre. Charles partage sa seigneurie entre ses enfans. Mort du Roy Thierry. Childeric Roi insensé.* fol. 186. b
- Mort de Charles Martel. Il est diffamé par les Ecclesiastiques. Son epitaphe. Carloman & c. XXI.*
- Pepin ses enfans Maires. Emprisonnent Griffon leur frere. Parlemens à Leptines. Pepin ne peut persuader aux François de rendre le bien aux Ecclesiastiques. Pepin fait la guerre à Hunaud Duc d'Aquitaine. Carloman la fait aux Suabes. Boniface Euesque de Mayence grand amy des Papes. Tient vn Concile. Pepin en tient vn à Soissons.* f. 189. b
- Tassillon épouse Hiltrude contre le gré de Carloman & Pepin ses freres, qui luy vont faire c. XXII*
- la guerre en Basieres, puis s'accordent avec luy. La vont faire aux Sefnes. Carloman se rend Moine. Pipin contrainst les Sefnes de payer tribut aux François comme du temps du Roy Clotaire. Griffon mis hors de prison commence la guerre. Il est fait Duc de Dentelen. S'enfuit en Gascongne. Euesque soustenant qu'il y auoit des Antipodes est chassé comme fauteur d'une opinion reprouuee. Abus Romains.* fol. 191. b
- François enuoyent a Rome demander conseil pour deposer Childeric leur Roi insensé. Estat des CH. 23.*
- Rois François a ce temps. La responce de Zacharie Pape. Deposition de Childeric Roi* fol. 193. a
- Remonstrance aux Rois de ne laisser manier leur estat par autrui, & ne continuer les grands C. 24.* offices de Pere en fils. f. 194. b





# ANTIQUITEZ GAVLOISES ET FRANCOISES.



## AVANT-PROPOS.



ARADVENTURE sera-ce chose peu agreable, & encores mal à propos, de maintenant escrire les Antiquitez Françoises apres tant de sçauans personnages. Car si tout ce qui sert à la cognoissance des faicts de nos ancestres, semble plusieurs auoir esté suffisamment montré par les precedentes Croniques, Annales, Histories & Inuentaires, que me restera-il plus? A moy (di-je) qui viens sur le tard, pour adjouster à la simplicité des anciens Autheurs François, dignes d'honneur, ou à la curieuse diligence des nouveaux. Mais quand ie voy, que tant de gens publians les vns apres les autres, des liures de mesme sujet que celuy-cy, ont encores trouué place pour s'employer à vne si belle entreprise, non sans reputation d'auoir seruy au public, le cœur me reuient: & ie perds la crainte qui me pouuoit refraindre, en me meslant parmy de si grands hommes. Et comme rarement il aduient qu'un pere estouffe son enfant, l'enuie m'est aussi prinse de publier le Recueil, que depuis quarante ans & plus, j'ay fait de beaucoup de chartes, liures, & tiltres incognus à plusieurs, ou cachez dans les thresors & librairies, & feuillerez de peu de gens auant moy. C'est pourquoy garny, comme il me sembloit, de beaucoup de bons & singuliers Memoires, Au nom de Dieu tout-puissant (car ie croy qu'il est aussi bien seant de l'appeller au commencement de cest Oeuure, qu'en vn Poëme) **IE CLAUDE FAVCHET**, Conseiller du Roy, premier President en la Cour des monnoyes, natif de Paris, en mon aage soixante & dixiesme, & l'an de nostre Seigneur Iesus-Christ, Mil cinq cens quatre vingts dix & neuf, publie & mets par années les guerres & autres choses de marque aduenües és Gaules: l'origine & aduancement du Royaume François, tant estimé pour la pitié, la Iustice, l'entretienement des lettres, & de ceux qui les ont aimées: les grandes victoires, & sage gouuernement de ses Rois: la longue & incomparable continuation de leur Monarchie, sous le bonheur de laquelle (joint ses forces inuincibles) la Chrestienté s'est maintenüe iusques aujourd'huy: & en a faict espée & bouclier, pour assaillir ou se deffendre en toutes ses necessitez; avec telle recognoissance de la vertu Françoisé, que du consentement de l'Italie mesme, nos Rois ont esté iu-

A

## PREMIER LIVRE

gez dignes, de ramener en l'Occident l'Imperiale dignité. Honneur (certes) & enuie de plusieurs nations, & qui meritoit bien de rencontrer l'éloquence de quelqu'un de ces Grecs ou Latins, qui par leurs escrits ont tant donné de vie à la renommée de leurs nations, qu'elle dure encores maintenant: avec si grande reputation, qu'à bon droit l'on peut doubter si les faicts de ces peuples tant prizez, ont égalé le bien dire de ceux qui nous en ont donné la cognoissance. Or encores que Dieu semble iusques icy auoir priué la France de ce comble d'honneur, il y a neantmoins quelque espoir d'amander ce defaut, si tant de gentils esprits, dont elle se trouue aujourd'huy bien garnie, vouloyent travailler en cest endroit. Quant à moy, en attendant que la liberalité de nos Rois, ou le despit de voir les excellents faicts de leurs ancestres trop maigremét escrits, face naistre parmy nous des Thucidides, Salustes, & Tites Liues, ie ne puis me repentir d'auoir mis la main à si bon œuure. Que si mon effort ne répond à tant haute besoigne, pour le moins auray-ie ceste consolation, & d'auoir aydé à descouurir les thresors de nostre Histoire, enseuelis par l'iniure du temps passé, ou la negligence d'aucuns anciens: & selon ma puissance, cherché d'embellir ma patrie. Ce bon zele couurira aucunement la trop grande hardiesse de mon entreprise: me seruira de defence contre ceux qui n'estiment que les Histoires estrangeres: & enuers les debonnaires & courtois, trouuera quelque faueur: d'autant plus, que ie proteste (ensuiuant la verité des bons Auteurs) de m'euoigner des fables, qui par si long temps ont abusé aucuns de nos peres: voire excusera la foiblesse de mon style de soy plus mance, que ne semblent desirer les choses que i'escriray. Combien qu'en cela ie ne cherche pas grande faueur, puis qu'en considerat mon naturel (malaisé de renforcer en l'aage auquel ie suis) i'ay pensé que ceste façon d'escire ne seroit reiettée d'une bone partie de ceux, lesquels sur tous autres, doiuent manier & entendre les Histoires & Annales, cōme chose seruant aux Gentilshommes d'estat, ou bourgeois honorables, (& quelque fois à des femmes) les vns & les autres mieux instruits aux armes, & reiglement de la vie ciuile, qu'à iuger de la difference que pour ce regard l'on void aux Historiens du temps passé, lors que l'éloquence florissoit entre les Grecs ou les Latins. Que s'il s'en trouue parmy de sçauoir excellent (comme tousiours il y en a eu, & encores maintenant plus que iamais) s'ils me font cest honneur de lire ces Antiquitez: Je prieray ceux-là, soy contenter de mon travail, cōme de memoires simples & non fardez. Mais si quelqu'un desgousté de ces rences origines & faicts anciens, à son gré moins plaisans, desiroit tout aussi tost rencontrer les choses nouuellement passées, ie luy responds que ie les ay en horreur: & que tout expressément ie m'en destourne, content de représenter celles de nos vaillans & loyaux predecesseurs, franc de toute passion de faueur, ou de haine, dont ie n'ay aucune achoison. Ce pendant ie les puis asseurer qu'ils trouueront en ce liure d'assez bons preparatifs, pour l'auancement d'un plus grand ouurage que le mien; s'ils veulent y employer leur bien dire, qui en meilleur sujet par vrais François ne peut estre monstré.

## CHAPITRE I.

*Diuision de la Gaule.*

**V** OYANT escrire les faicts des Rois & du peuple de France, pour monstrier l'endroit où ils ont planté leur plus grand & florissant Royaume, ie n'ay besoin de luy donner d'autres limites, que ceux que les anciens Geographes & Historiens ont assigné aux Gaules en general. Car encores qu'il soit notoire, que le païs pour le jourd'huy appelé France, ne contienne qu'une partie des anciennes Gaules, si est-ce que durant la premiere & seconde race de nos Rois, elles ont entierement esté en leur obeissance: & par le droit des gens doiuent estre de leur hommage. C'est pourquoy auant que raconter leurs faicts, ie les descriray: pour plus facile intelligence des particularitez de ces Annales ou plustost Antiquitez.

La Gaule donc, de toute memoire a esté bornée vers l'Orient d'une partie de la riuere du Rhin, du costé de sa source: & par les Alpes aujourdhuy appellées Monts des Grifons, de sainct Bernard, sainct Gotard, Senis, Geneure, de Tende, qui la separent de la haute Allemagne & d'Italie. La mer Mediterranée & les monts Pyrenées, estans à son Midy, luy seruent de closture non moins ferme contre l'Espagne.

L'Ocean ou large mer de Ponent, enuironne sa coste Occidentale: & la met d'Angleterre avec le reste du Rhin, ce qui regarde le Septentrion. Parquoy ceste prouince estant presque de figure quarrée (sinon qu'elle s'estend vn peu plus du Midy au Septentrion, depuis le milieu du xliij. degré, iusques vers la fin du liij.) prend sa part du chault & du froid, & est attempée de tous les deux: ce qui la rend pleine d'hommes de bonne complexion, & la remplit de biens de la terre en si grande abondance, qu'encores aisément elle en fournit ses voisins: ayant ceste commodité que sans difficulté d'un passage marin, ses habitans peuuent aller aux plus nobles parties d'Europe. Et par le moyen de tant de grandes riuieres nauigables qui la trauersent en toutes ses parties, s'aider sans la mercy d'autrui, des mannes qu'elle produit.

Iadis, & mesme auant la conqueste que les Romains en feirent, on l'estimoit diuisée en trois peuples differens en mœurs & langages, comme ils estoient separez de grandes riuieres: les vns nommez Belges, les autres Aquitaniens, les troisiemes en leur propre langue appelez Celtes, & Gaulois par les Romains, qui aussi les surnommoient Cheueluz, d'autant qu'ils portoient longue perruque.

Les Celtes estoient separez des Aquitaniens par la riuere de Garonne, & des Belges par celles de Marne & de Seine. Leur pays commençoit à la riuere du Rhosne, & continuant par les Alpes iusques à celle de Var (qui coule entre Antiboul & Nice de Prouence) retournoit le long de la mer Mediterranée au port de Venus, maintenant nommé Cap de Creux, assis au Comté de Parpignan: Puis de la venoit joindre les monts Pyrenées, & prendre le cours de la

A ij

## PREMIER LIVRE

riuere de Garonne, s'estendant par la coste de l'Ocean, iusques à l'embouchure de Seine, en montant contremont, ceste riuere, & iusques à la source de Marne, & de là tirant au trauers des montaignes de Vauge iusques à la riuere du Rhin, comprenoit les pays aujourd'huy nommez Suisse, Sauoye, Dauphiné, Prouence, Languedoc, Vellay, Viarez, Lyonnais, Forests, Bourbonnois, Berry, Auvergne, Rouergue, Quercy, Limozin, Perigord, Xaintonge, Angoumois, Poictou, Bretagne, Anjou, Touraine, Maine, Perche, Normandie vers Bretagne, Chartrain, Hurepois, Beaulle, Gastinois, Brie, Champagne iusques à Marne, Duché & Comté de Bourgongne. Les Belges commençoient, où les Celtes approchoient du Rhin, estans flanquez d'un costé par ceste riuere, & d'autre par celle de Marne & Seine, comprenât Elface, VVestrich, Liege, Namur, Iuliers, Gueldres, Hollande, Zelande, Brabant, Flandres, Artois, Picardie, Caux, Beauuoisin, l'Isle de France, Vermandois, Hainau, Luxembourg, Lorraine, Barrois, & la Champaigne de Rheims. L'Aquitaine s'estendoit depuis la riuere de Garonne, iusques aux Monts Pyrenées, & celle partie de la mer Oceane qui est voisine d'Espagne, tenant tout ce que l'on appelle Gascongne: à sçauoir partie du Bourdelois qui est delà la Garonne, le Basadois, la Senechaussée des Landes, Basque, Bearn, Bigorre, Foix, Comminges, Armagnac & Albret. Auguste depuis l'essargit iusques à la riuere de Loire, y adioustant dix peuples: & encores aujourd'huy, l'on pense que ce soit la vraye borne du pays d'Aquitaine: & qu'il a prins son nom de la multitude des eaux qui le trauersent. A quoy il n'y a pas grande apparence, puis qu'auant la venue des Romains, & que les Gaulois parlassent Latin, ce pays portoit ja le nō d'Aquitaine. Les derniers Geographes ont retranché des Celtes, ce qui est entre Garonne, la mer Mediterranée, le Rhosne, les monts Cemeue & Gebene (qui est le costé des montaignes d'Auvergne, regardant vers Midy,) que ie pense auoir donné le nom aux Ceuenes & Geuodan: qu'on appelloit Gaule Braccate, pour vne sorte d'habillemens: & Narbonnoise, pour Narbonne Colonie des Romains: puis Septimanie, pour la longue demeure qu'y feist la septiesme legion Romaine: ou (comme d'autres veulent) pource que sept peuples l'habitoient: & Gothie, à cause des Gots, lesquels y planterēt vn Royaume, mais à present Languedoc. Les anciens ont encores separé de ceste derniere Gaule vn quartier, par corruption de langue aujourd'huy appellé Prouence, où est Marseille. Mesmes pource que ces deux contrées vindrent plustost en l'obeyssance des Romains, elles ne furent comptées sous le peuple Gaulois par Cesar, & autres qui l'ont suiny: jaçoit qu'en la generale description des Gaules, elles deussent estre comprises sous les Celtes, comme estans deçà les Alpes, & la riuere de Var. Car ie ne veux icy parler de la Gaule qui est delà les Monts, depuis nommée Lombardie, tant pour le peu de sejour que nos gens y feirent, qu'aussi pource que nature semble (par les Alpes) nous auoir separez du pays d'Italie. Au reste, toutes ces Prouinces ayans esté conquises par les François, le nom de France est demeuré à la plus grande partie, qui vse encores de mesme langue, & tient le Roy de France pour son Prince & souuerain Seigneur. Mais depuis les partages faicts entre les enfans de l'Empereur Louys Debonnaire, fils de Charles

le Grand, & ses successeurs, les autres pensans faire vn corps separé, & n'ayans peu estre ramenées en l'obeissance ancienne, pour la foiblesse des Rois de France Occidentale, apres auoir perdu le nom de France Orientale, ont mieux aymé prendre celuy des Allemans leurs sujets, que recognoistre la race du Roy Hugues Capet. Qui est la cause pour quoy ceux de Suisse, Elſace, Vestrich, Iuliers, Gueldres, Holande, Zelande, vne partie de Brabant & de Flandres, encores qu'ils soyent deçà le Rhin, ſ'ayment mieux dire Allemans ou Germainns, que Gaulois ou François, pource qu'ils begayent la langue Allemande.

## CHAP. II.

*De l'origine des Gaulois.*

L me semble n'estre hors de propos d'escrire sommairement & auant que passer outre, quels furent les Gaulois, non tant pour satisfaire à ceux qui n'ont grand loisir d'aller chercher en plusieurs liures ce qu'ils trouueront icy en vn: Ou pour monſtrer que les François se sont aysément remeslez & vnis avec les Gaulois estans de mesme origine & mœurs, approchant les vns des autres, que pour plus facilement entendre l'histoire; qui a l'aduis d'aucuns sera dauantage esclaircie, si l'on cognoist qui a tenu le pays des Gaules, les coustumes & manieres de viure des premiers habitans auant l'entrée de nos Frans.

Les anciens auteurs semblent auoir douté de l'origine des Gaulois, routes-fois l'opinion cōmune est, que les premiers qui furent ~~venus en ce pays~~ estoient appelez Celles, pour ~~un Roy ainsi nommé, fort aymé d'eux & Galatee à cause de Galatee sa meré,~~ comme encores ils sont appelez en langue Grecque, & selon Iosephe Gomerites, de Gomer. Autres disent que les Doriens (c'estoit vn peuple de Grece) qui suiuiroyent l'ancien Hercules, habiterent les lieux voisins del'Ocean. Les Drasides (quel'on pense estre les Druides) assermoient pour verité qu'une partie du peuple estoit naturel du pays, & neantmoins qu'il y vint aussi des gens des villes esloignees, & du quartier qui est le long du Rhin, chassés de leurs maisons par les guerres, & frequentes inondations de la mer impetueuse. Autres disent que quelque peu d'hommes fuyants les Grecs espars de tous costez apres le ſac & destruction de Troye, vindrent occuper ce pays lors vuide, qui pourroit estre la cause pourquoy les Auuergnats osèrent, ce dit Lucain, l'appeller freres des Romains. Mais les Gaulois qui viuiroyent enuiron l'an ccc. lxx. apres la mort de nostre Seigneur Iesus Christ, asseruoient (ce dit Ammian) & monstroient graué en tables & autres marques laissées pour seruir de memoire, qu'Hercules fils d'Amphitruon, vint deçà pour destruire Taurise & Gerion cruels tirans, l'un desquels trauailloit la Gaule, & l'autre l'Espagne. Qu'apres les auoir vaincus tous deux, il eut plusieurs enfans des gentil-femmes du pays, qui donnerét leurs noms aux Prouinces, esquelles ils commanderent. Diodore Sicilen adioute, que Hercules ayant basti la ville Alexie, la fille du Roy des Celles en deuint amoureuse, & eut de luy vn fils nommé

## PREMIER LIVRE

mé Galates, tant vertueux, que ses sujets voulurent porter son nom. Beroſe & ceux qui le croient, diſent que les plus renommez Seigneurs qui regnerent en Gaule, furent Lugdus Roy des Lionnois, Allobrox des Allobroges (ils tenoyent Dauphiné & Sauoye) Belgius, des Belges, Trebeta de Treues: Magus fondateur, ou cauſe du nom de Rhotomagus, (qui eſt Roüen) de Nouiamagus (c'eſt Neuers) & d'autres ſemblables qu'on peut lire dans ceſt auteur, ou celuy qui a emprunté le nom de l'ancien Beroſe de Chaldée, l'original duquel liure ne ſe trouue point. Ceſar dit que les Gaulois auoient opinion d'eſtre iſſus de Dis, qui eſt Pluton, qu'aucuns prennent auſſi pour Saturne Gaulois, d'autant que c'eſtoit la couſtume du temps paſſé, d'appeller Saturne le premier Seigneur d'un pays. Toutesfois laiſſant à part les choſes plus lointaines, & quaſi fabuleuſes pour leur antiquité, ou le peu de credit des auteurs qui en parlent (i'excepte Ceſar & Ammian) il eſt vray-ſemblable, que ceſte terre Gauloiſe ait eſté habitée & peuplée, non ſeulement des deſſuſdits, mais auſſi des voiſins: principalement Germains. Car la riuere du Rhin ne donnoit pas grand empeſchement aux hommes de ces deux nations, ſelon qu'ils ſe trouuoient les plus forts, de changer leurs habitations & demeures encores meſlées, & non ſeparées par bornes ou limites de Royaume. Parquoy la foreſt de Hercinie (aujourd'huy Schvarts Vvald) & le pays outre les riuieres du Rhin, & Mein, furent occupez par les Heluetiens (ils tenoient jadis vne portion de Suiſſe) & ce qui eſt plus auant, par les Boyens, peuple Gaulois. Au contraire les Néruiens, (qui eſtoient pres Tournay) & ceux de Treues, ſ'eſtimoient venir des Germains. Il y en peut encor auoir d'autres, qui ont leur origine eſtrangere, comme ceux de Marſeille, deſcendus des Phocennes peuple d'Asie, leſquels vn temps apres renforcez & acrus de nombre, edifierent maintes autres villes, de la fondation deſquelles ie parleray quand l'occafion ſe preſentera. Et neantmoins, l'on peut icy adiouſter que ſi la terre a commencé d'eſtre peuplée en Damas, (où l'on dit que le premier homme a eſté formé) que la Gaule eſtant de plus doux air que la Germanie, & plus accoſtable des Pheniciens (qui les premiers ſe hazarderent ſur la mer Mediterranée) ayant auſſi eſté la premiere peuplée, enuoya des eſſeins en Germanie, ſeparée d'une riuere, aiſée à trauerſer au commencement de ſon cours.

---

### CHAP. III.

#### *De la Religion, Dieux & Sacrifices des anciens Gaulois.*

**L**A Religion, police, & maniere de viure des habitans de la Gaule a eſté diuerſe; & toutesfois les anciens ſont d'accord, que les Gaulois (en general) furent tres-deuots & enclins à religion. Par deſſus tous les Dieux ils adoroient Mercur, appellé en leur langue Teutates, & en tenoient pluſieurs images, le diſant inuenteur de tous les arts. Apres luy Apollon, Mars, Iuppiter: nommez par eux Belenus, Helus, ou Heüs, Taramis. Minerue en eſtoit auſſi, & auoient d'eux telle opinion que les autres



natiōs: à sçauoir qu'Apollon chassoit les maladies, Minerue enseignoir & bailloit les commencemens des ouurages & artifices: que Iupiter auoit l'Empire & commandoit sur les choses celestes: Mars gouuernoit les batailles, auquel souuentefois ils voüoient les despoüilles de la guerre, & sacrifioient les animaux restants de leurs conquestes. Quant à l'autre butin, ils l'assembloient en vn lieu: & mesmes par les villes, on en voyoit des monceaux és lieux confarez. Que si aucun, par mespris de religiō, ou par conuoitise, en rauissoit quelque chose, incontinant il estoit puny bien griefuement. Et pource qu'ils se difoyent descendus de Dis (ainsi que les Druides leur auoient enseigné) ils finissoient le temps, non pas en nombre de jours, ains par les nuits: comptans ainsi toutes leurs natiuitez, mois & ans; tellement que le jour suiuiot la nuit. Ils portoient aussi grande reuerence à Hercules, nommé en leur langue Ogmios, ce dit Lucian, l'image duquel representoit vn vieillard ridé, noir, & haillé cōme vn nautōnier, chauue, ou auec peu de cheueux tous gris, & ressemblant plustost à vn Charon qu'à vn Hercules, s'il n'eust porté les despoüilles du Lion, la massuë en la main droite, l'arc tendu en la gauche, & le carquois sur le dos. Son image sembloit tirer vne multitude d'hommes liez par les aureilles, auec petites chaines d'or, toutes venants à finir & s'attacher à sa langue: & si auoit vn visage riant & ioyeux, sans que les enchainez monstassent contenance ou desir d'eschapper ces tant foibles chainettes. Voulans les Prestres Gaulois donner à entendre, qu'Hercules acheua ses entreprises par beau langage: & qu'estant sage & prudent, il fit de grandes conquestes. Que ses fiesches & traits signifioient les raisons & arguments auec lesquels il perçoit les aureilles des escoutans: & que pour telle affaire les hommes d'age sont plus propres, & volontiers beaux-diseurs, comme Homere feint Nestor. Cadre en l'antique Grec, adiouste qu'il tenoit trois pommes: & qu'ayant le cœur genereux (signifié par la peau de Lion) à l'aide de la Philosophie (monstrée par sa massuë) il auoit vaincu & dompté plusieurs, & diuerses conuoitises mauuaises: & que les trois pommes signifioient trois vertus par luy acquises: à sçauoir, ne se point courroucer, ne s'addonner point aux voluptez, n'aimer point ardemment l'argent: car voila comme nos Gaulois l'aideroient des images. Ceux qui auoient de griefues maladies ou se trouuoient en combats & dangers, sacrifioient ou voüoient sacrifier des hômes au lieu de victimes: & vsoient des Druides pour ministres de tels sacrifices, pensans que la vie d'un homme ne se peut rachepier, si la vie d'un autre n'estoit baillée en contre-eschange, affin d'appaiser les Dieux. Mesmes ils auoient de tels sacrifices ordonnez pour le public. Autres faisoient des images d'excessiue grandeur; les membres desquelles tissus d'ozier, ils emplissoient d'hommes, & d'animaux vifs, qu'ils faisoient mourir, mettans le feu dessous, estimans que la punition & mort des brigands, larrons & autres mal-faïcteurs, fust vne offrande plus agreable à la diuinité. Ce neantmoins, à faute d'autres ils y employoient des innocens: qui fut vne des couleurs que print l'Empereur Tybere pour defendre ces sacrifices, ou couper les bois où les Druides enseignoient, les contraignant se retirer ou fuir en Germanie.

## CHAP. IIII.

*Des diuerſes conditions d'hommes entre les Gaulois ; des Druides, Bardes & Eubages, & de leur doctrine.*



**V**ANT au gouuernement & maniere de viure des habitans du pays, il y auoit du temps que Cefar y vint, deux conditions d'hômes, deſquels on faiſoit eſtime : les vns appelez Druides, les autres Cheualiers: car on ne tenoit compte du menu peuple nō plus que des eſclaues: pour ce que de ſoy il n'eust oſé entreprendre choſe quelconque, & n'eſtoit appellé à conſeil aucun. La plus part de ce populace eſtant accablé de debtes, de tributs, & moleſté par la violence des plus puiffants, ſe rendoit ſujet des nobles : qui ſur telles gens auoient pareil droit, que les maiſtres ſur leurs eſclaues achep-  
tez à prix d'argent. Il y auoit auſſi des Philoſophes appelez Bardes, & Eubages: leſquels auec les Druides ou Draſides, apres que les habitans eurent eſté fa-  
çonnez, peu à peu monſtrerēt à ceux du païs les lettres & diſciplines louables. Quant aux Bardes, ils chantoient au ſon de la lyre, ou autre inſtrument de mu-  
ſique les faiſts des vaillants hommes mis en vers heroïques: & donnerent telle autorité à la Poëſie, qu'aucuns Poëtes ſe mettans entre deux armées, main-  
tes fois appaiſerent la fureur des gendarmes preſts à chocquer : tant noſtre Mars Gaulois reueroit les Muſes, & tant la ſageſſe de ce temps là auoit de puif-  
ſance ſur l'ire, & la fureur: qui ſont trouuer brutaux la plus part des hommes. Les Eubages (qui ſemblent auſſi auoir eſté nommez Semnothées) taſchoient de monſtrer les choſes ſecretes de Nature, leſquelles ils cerchoient par ſi gran-  
de curioſité, qu'Ariſtote eut opiniō, que la Philoſophie eſtoit venuë des Saronides Gaulois. Mais les Druides auoient l'eſprit plus haut, & plus eſueillé que les autres. Auſſi en leurs Colleges & ſocietez jurées, ils diſputoient de tou-  
tes les queſtions ſecrettes & grandes, qui ſont en la Nature : & outre cela auoient la charge des choſes diuines, accompliſſoient les ſacrifices publics, & interpretoient les poinſts de leur religion. Vne grande multitude de ieunes hommes ſe retiroit deuers eux, pour eſtre enſeignez aux ſciences. Ces Druides eſtoient honorez & priſez : auſſi reigloient-ils & vuidoient preſque tous les differents publics, & priuez, à certains jours de l'an ſe trouuans au païs Char-  
train, en vn lieu conſacré (l'on penſe que ce ſoit à Dreux, d'autant que le nom approche de celui des Druides) là où tous ceux qui plaidoient ou auoient dif-  
ferens, ſe preſentoient deuant eux, pour obeyr à leurs jugemens. S'il ſ'eſtoit commis quelque meſfait ou meurdre, ou ſ'il y auoit quelque debat pour vne ſucceſſion, pour des limites ou autre choſe, quelle qu'elle fuſt, ils en jugeoient: faiſants droit aux vns, & puniſſants les autres, ainſi qu'il appartenoit. Si quel-  
que peuple ou particulier n'obeiſſoit à leur ſentence, ils les mettoient en in-  
terdit, & leur deſſendoient l'aſſiſtance aux ſacrifices, qui eſtoit la plus griefue punition. Car l'on eſtimoit entr'eux, telles gens ſans religion & meſchans; eſtants abandonnez de tous les autres, qui fuyoient leur compagnie: afin d'e-  
uiter

## DES ANTIQVITEZ GAULOISES.

uiter que mal ne leur aduint par telle frequentation. Aucune iustice n'estoit faicte à ces excommuniez, non pas mesmes quand ils la demandoient : tant s'en faut qu'on leur fist part d'aucun estat, ou degré honorable. Ces Druides auoient vn chef, apres la mort duquel le plus apparent & excellent en dignité estoit mis en sa place: & quād l'on en trouuoit d'egaux, il estoit esleu par la voix de ceux du college, voire & quelquesfois ils combattoient pour telle principauté. Leur science (ainsi que dit Cesar) fut trompée en la grand Bretagne (que nous appellons Angleterre) & de là vint en Gaule, auquel pais de la grand Bretagne, ceux qui la vouloient apprendre & cognoistre plus diligemment, alloient mesme de son temps. Toutesfois (à l'aduis d'aucuns) il ne s'en suit pas qu'elle soit estrangere: puis que la meilleure & plus ciuiliisée partie d'Angleterre, a esté peuplée de Gaulois: qui en conquerant le pais, l'y peuuent auoir portée. Là où possible ayant esté plantée, entretenüe, & monstrée plus diligemment, elle auroit gaigné ceste auctorité par dessus l'escole Gauloise. Côme souuentefois il aduient que les enfans sont plus forts que leurs peres, & les plantes transportées fructifient d'auantage par vn labeur continuel. Les Druides n'auoient accoustumé de se trouuer à la guerre, & ne payoient tribut comme les autres, ests exempts de toutes charges. Parquoy les grandes despenses & honneurs, le propre mouuement aussi & l'inclination, faisoit embrasser telle discipline à plusieurs: ou bié estoient enuoyez par leurs parés, pour y estre instruits. Ces escoliers apprenoiēt vn si grād nōbre de vers, qu'aucuns employoient vingt ans en telle estude, n'estant loisible de les escrire, encores que les Gaulois ne fussent sans caracteres. Car en toutes leurs affaires publiques & priuées, ils vsoient de ceux des Grecs, ou plustost Gaulois: il est vray que Xenophon ait escrit que les caracteres que Cadmus apporta de Phenice en Grece, ressembloient à ceux des Galates & Meones. Mais ils ne vouloient que telle science fust cognüe du peuple, pour autant que sous ombre de l'escripiture, ceux qui apprennent sont inoins curieux d'entretenir leur memoire, laquelle au moyen des liures tombe en nonchalance par faute d'exercice. Les Druides disputoient aussi de l'estre des estoilles, de leurs mouuemēs, grandeur du monde, & de la terre, de la nature des choses, de la puissance des Dieux immortels, dequoy ils bailloient des enseignemens à leur jeunesse. Et combien qu'au demourāt ils tinssent secrette leur science, toutesfois pour rendre le cōmun plus hardy à la guerre, ils publicoiēt que les ames estoient immortelles: & qu'au partir d'un corps, elles alloient en vn autre. Et de fait quand ils brusloient leurs trespassez, ils mettoient avec le corps tout ce que le mort auoit aymé, iusques aux animaux, papiers de compte & obligations, comme si par delà ils eussent voulu payer, ou demander leurs debtes. De sorte que peu deuant que Cesar y vinst, il s'en trouuoit qui se jettoient sur le buscher où on brusloit le corps, ayans esperance de viure ailleurs, avec leurs parens, seigneurs & amis.

## CHAP. V.

*Des Cheualiers, Solduriers, Ambactes, Gaulois :  
Et leurs vestemens.*

**L'**AUTRE sorte d'hommes prisez en Gaule s'appelloit Cheualiers, ainsi que i'ay dit. Ceux-cy, quand il estoit besoin d'aller à la guerre (ce qui aduenoit souvent, soit qu'ils courussent sus à leurs voisins, ou qu'ils les repoulassent) s'y trouuoient tous: & selon leurs richesses, auoient plus ou moins de gens, appelez en leur langue Ambactes & Solduriers. La condition de ces Solduriers, estoit de courre meisme fortune, & à la vie & à la mort, que ceux à qui ils s'estoient donnez ou voüez en amitié: Et peut estre que les anciens vassaux François, voire les mots de soudoyers & soldats, en sont venus. Mais les Ambactes semblent auoir esté de moindre qualité, & comme sujets roturiers. Les seigneurs de Gaule, du temps que Cesar y vint, ne cognoissoient autre faueur & puissance, ne consistant leur grandeur en autre chose. Bien est vray, que ces Cheualiers montoient aucunes fois en si grande autorité, qu'ils estoient appelez Rois de leurs villes, & provinces: ainsi que Galbe, qui l'estoit en Soissonnois du temps de Cesar, & auant sa venue Diuitiac, qui comandoit aussi à la plus grand part de la Gaule, & de la grand Bretaigne, & autres par luy nommez en ses Memoires. Mais ceste puissance n'estoit absolue, hereditaire, ne continuée en mesme ville, ou famille, ains selon la vertu des peuples & des personnes, donnée ou gaignée par les vns, sur les autres. Comme pour exemple, les Berruyers furent maistres, ou vn de leurs citoyens principal Roy des Gaulles, l'an du monde 2200. ou enuiron. Les Authunois aussi auant la venue de Cesar, depuis sa venue, ceux de Rheims, & ainsi des autres villes, lesquelles se gouernoient par les nobles, souz le nom de Roy: & neantmoins, le cas aduenant que ces Rois choisis oubliassent leur deuoir, & fussent plus soigneux de leur profit que de l'vtilité publique, ou se portassent autrement que la coutume du pais ne le permettoit, voulans faire les choses à leur appetit, on les degradoit ou dechassoit, & (comme dit Cesar) ils n'auoient plus d'autorité au pais. Ceux d'Augstum appelloient leur grand magistrat Vergobret, que d'aucuns pensent auoir donné le nom aux Viguiers, mais faussement: car ceux-cy le tiennent de *Vicarius* mot Latin, & qui estoit comme Lieutenant d'un plus grand.

Or puis que ie suis entré si auant en la description des Gaulles, & qu'il eschet bien de scauoir quels estoient les Gaulois (veu la difference tant grande qui se trouue entre les anciens habitans, & ceux du jourd'huy) il ne sera hors de propos, mettre icy vn echanillon de l'histoire d'Ammian Marcellin, pour les représenter au vif. Les Gaulois (dit-il au xv. liure) sont presques tous de couleur blanche, de poil blond comme or, de grande stature, espouuantables pour leur regard affreux, querelleux, haults à la main. Vne troupe d'estrangers à peine en oseroit attendre vn en son courroux, principalement quand il est accompa-

gné de sa femme, qui a les yeux bleus, encore plus forte que son homme, quand la cholere luy a eschauffé la teste. Alors si elle esbranle les bras, & ses larges espaulles aussi blanches que neige, vous diriez que ses coups de pied & de poing sont traités laschez de puissantes arbalestes de passe. La voix mesme des Gaulois est effroyable, ne parlans iamais qu'en menassant, soyent courroucez ou paisibles. Et toutesfois, ils s'estudient d'estre habillez nettement & cointemét. Car en toutes les Gaules, (principalement en Aquitaine) on ne trouueroit vne femme deschirée, ou vestue de haillons sales, comme es autres païs, quelque pauvre qu'elle soit. Et voila comme cest auheur les peint. On peut adiouster de Polybe, Cesar, Strabon, Diodore Sicilien, & autres, que la plus part des Gaulois de leur temps, auoient les cheveux blonds, espais come crins de cheuaux; la couleur naturelle desquels ils efforçoient d'augmenter, avec vne lexure faite de chaux, les frisoient & releuoient en haut, afin qu'on les veist mieux. Aucuns d'eux rasoient leur barbe, & d'autres la portoient courte. Quant aux nobles, ils rasoient leurs joues, laissant au demourant croistre tellement le poil de leur barbe, qu'il couuroit leur bouche, de sorte qu'en mangeant, il s'emplissoit de miettes de viandes, & en beuuant le breuuage passoit par dedans comme par vn canal. Les hommes & les femmes se paroient de chaines, colliers, bracelets, anneaux & ceintures d'or, par eux cueilly en grande quantité parmy le sable des riuieres sortans de leurs montaignes. Le comun vestoit des petis sayons & hocquetons fendus, tissus d'une grosse laine à long poil, pour estre plus effroyables. Ces hocquetons estoient en hyuer espais, & l'esté plus legiers: que les nobles & gens de guerre portoient bigarrez de diuerses couleurs & brochez d'or ou d'argent, aucunes fois si fort serrez & joincts au corps, qu'ils representoient la façon des membres, & encores la plus part les auoient si courts qu'à peine leurs couuroient ils les fesses. Aucuns pensent que ces hocquetons s'appelloient Bracques en langage Gaulois, & les autres disent que ces Bracques estoient des hauts de chausses, ou brayes larges. Tant y a, que ceste façon d'habillement donna le nom à vne partie de la Gaule Celtrique. Ceux de Sainctonge, auoient vne autre sorte de vestement, qui leur couuroit & le corps & la teste, appellé Bardocucul & Bardiactre semblant possible à la chape que les religieux de S. Benoist appellent encores Coule, si l'habillement de ces moines n'estoit point si large, & que le capuchon serrast plus la teste & les espaulles, comme l'on en void le pourtrait dans aucunes medailles, où sont representez les soldats Romains nommez Euocati. Voire nos anciens Bergers en vsoient ainsi qu'on void aux vieilles peintures: & le portent encores les Capetes de Montagu à Paris, & les Oblats de Citeaux. Les Xainctongeois n'estoient seuls vestus de ce Bardocucul, pource que ceux de Langres & autres semblablement en portoient.

B ij

## CHAP. VI.

*De la maniere de viure des anciens Gaulois, de leurs  
bastimens, armes & exercices.*

**V**ANT aux villes, elles estoient closes de fossez, rempars, & murail-  
les: aucunes faictes d'une façon belle & tres-forte, à sçavoir de gran-  
des pièces de Charpenterie par dedans & iusques au front garnies  
de blocage, ou bonne pierre de taille: comme descript Cesar celles de  
la ville Avaricum, qui est Bourges, ou Viarron en Berry. La noblesse bastisfort  
volontiers dans les bois, & pres des rivières, à fin d'auoir le plaisir de la chasse,  
ou de la fraîcheur en temps d'esté & grandes chaleurs. Les maisons du com-  
mun peuple estoient ordinairement de bois, & torchis: & le feu se faisoit au  
milieu d'icelles (comme encores en Bourgogne & plusieurs autres provin-  
ces) autour duquel on voyoit force pots, & broches chargées de chair: car en  
general, ils aimoient la bonne chere, le vin, & tout breuuaige qui luy ressem-  
ble. Entre autres, vne composition qu'ils appelloient Cernisia ou Zithum,  
faicte d'orge, & d'eau, en laquelle on auoit lauë le marc des ruches à miel: Es  
banquets ils se faisoient seruir par jeunes garçons, comme pages: & là les  
viandes les plus exquis es estoient presentées, comme par honneur, aux gens  
de qualité. Et combien qu'ils vlassent de toutes sortes de chairs, le commun  
vinoit plus volontiers de lait, & porc frais ou salé, se montrans fort courtois  
aux estrangers qu'ils inuitoient en leurs maisons: là où apres les auoir bien  
traitez, ils demandoient la cause de leur venue, sans refuser à ces passans chose  
qui fust en leur puissance: Puis quand ils n'auoient plus rien que leur donner,  
ils les menotent chez d'autres. Les homes mettoient autant d'argent en com-  
munaute, que leurs femmes en apportoint en mariage, & le profit qui en  
venoit, ensemble le principal, appartenoit au fructuier. Mais les maris auoient  
puissance sur elles de vie & de mort, come sur leurs enfans, lesquels, tous non-  
neuleuz estoient par aucuns d'eux plongez en vne riuieré, tant afin de leur  
endurcir le cuir, qu'esprouuer s'ils estoient legitimes. Encores les peres ne les  
souffroient approcher d'eux, iusques à ce qu'ils fussent capables de porter les  
armes, estimans que ce leur fust honte, si leurs petits enfans se trouuoient de-  
uanc eux en public. Presque tous les Gaulois s'adonnaient & se trouuoient  
propres à la guerre en tous ages: le vieil y alloit d'aussi bon courage que le  
jeune, sans auoir peur de chose quelconque, tant fust elle rude ou terrible. Et  
toutefois ils n'estoient de maligne nature, ains ouuerts, & pource courtois à  
leurs ennemis, contre lesquels ils n'vsoient d'art, employans seulement la for-  
ce du corps pour auoir le dessus en bataille, & se laissant bien aisément persua-  
der à la raison & à l'utilité: qui fut la cause pourquoy ils s'adonnaient volon-  
tiers aux lettres & disciplines. Et d'autant qu'ils auoient accoustumé de tra-  
uailer en jeunesse, à la chasse & autres exercices de guerre, leurs corps estoient  
allaigres, & si peu chargez de graisse, que c'estoit honte d'auoir le ventre plus

grand que certaine longueur de ceinture : ne se trouuant point que iamais homme de ce pais, le soit couppe le poulce crainte d'aller à la guerre. Aussi estoient ils tant addonnez à ce mestier, que quand il n'y en auoit point chez eux, ils l'alloient chercher autre part. Mais s'il se trouuoit au pais capitaine qui fust vne leuée de gens, c'estoit grand deshonneur à eux de demeurer à la maison : car ils estoient reputez lasches, & l'on n'en faisoit plus de compte : & ces aduanturiers communément estoient appellés Gessates en leur langue. Les armes des Gaulois respondoient à leurs corps, car ils auoient des espées longues & mousses, qu'aucuns d'eux laissoient pendre au costé droit à des chaines : de grands escus embellis de diuerses images d'airin ; lances & picques de proportion conuenable, ayans vn fer d'vne coudée de long, & deux paulmes de large, & aussi vn dard ou janelot appellé Meris, & Gessum, pource que ces aduanturiers volontiers en portoient : & encores vne piece de bois qu'ils jetoient loing : l'armet du fer vn peu haut, & dessus les figures de diuerses bestes & d'oiseaux ; le halecret de fer. Ils vsoient aussi de sondes, d'arcs & fleches enuenimées, mesmes à la chasse : ayans opinion que cela rendoit la chair des bestes plus tendre & delicate, si on la cernoit à l'entour du coup. Ils mangeoient & couchoient communément sur la dure ; ou au mieux sur la paille en façon de lictiere ; & aucuns sur des peaux de chien & de loup : car c'estoient aussi les paremens des sieges de leurs maisons. Ils alloient tousiours l'espée au costé, aux champs & en la ville ; & les assemblées publiques se faisoient en armes, principalement quand il estoit dit qu'ils vinssent en equipage de guerre. Car lors tous ceux qui estoient en age de les porter, y deuoient comparoir ; & le dernier venu estoit mis en pieces par les autres. Là, & quelq'un rompoit le propos de celuy qui parloit, vn sergent luy faisoit signe que les autres, qu'il eust à se taire : s'il continuoit iusques à trois fois, il luy couppoit de son saye vne si grande piece, que le reste ne luy seruoit plus de rien : La pluspart des villes estoient gouvernées par les nobles, qui estoient vn Roy ou Chef pour vn an, ou pour conduire l'armée. Les republiques estimées les mieux policées auoient loy, par laquelle il estoit enjoint à ceux qui scatoient (tant par les voisins, que le bruit & renommée commune) quelque chose touchant l'Estat, de venir incontinent le rapporter au magistrat, & non à autre quel qu'il fust : d'autant que plusieurs hommes legiers, ou simples, ou malauisez, ou bien souuent espouuantez des choses faulces, sont poussez & prennent resolution sur de hautes entreprises ; là où les magistrats celent ou descourent à la commune, ce qu'ils voyent estre profitable ; n'estant au reste, permis de discourir des affaires d'Estat, qu'aux assemblées publiques. Et toutesfois leurs femmes auoient grande autorité en choses de consequence pour vne telle occasion.

Auant que les Gaulois eussent passé les Alpes, il suruint entr'eux (ce dit Plutarque) vne sedition horrible ; & fort malaisée d'appaiser : tellement qu'elle vint iusques à vne guerre ciuile. Mais leurs femmes se mettās au milieu d'eux, lors qu'ils estoient prests à choquer, prindrent la cognoissance de leurs differens en main, & les viderent avec vne telle equité & droicture, que de ces appointemens s'ensuyuit vne merueilleuse amitié entr'eux tous, non-seule-

ment de ville à ville, mais aussi de maison à maison. Depuis ce temps, ils eurent toujours coutume de consulter tant de la guerre, que de la paix avec les femmes; & de se conduire par leur avis, és différens & querelles qu'ils auoient avec leurs allies: Tellement qu'en la composition qu'ils firent avec Hannibal (quand il passa par la Gaule pour aller contre les Romains) ils mirent cest article entre autres de leur Traicté, qu'aduenant que les Gaulois se plainnissent des Carthageois, les gouuerneurs & chefs des Carthageois estans en Espagne, en jugeroient. Que si les Carthageois auoient à se plaindre des Gaulois, on se tiendroit au jugement qu'en donneroient les femmes Gauloises. Les hommes de cheual Gaulois ont toujours esté estimez: Et si l'on croit Pausanias, ils estoient ordinairement trois de compagnie, comme nostre homme d'armes, qui souloit auoir deux Archers: ce qui s'appelloit lors Trinitarchie, pource qu'il y auoit trois cheuaux: nommez Mark en leur langue, ce dit le mesme Pausanias: toutesfois les gens de pied n'estoient de moindre valeur. Encores en fait de guerres; ils vsoient d'Esledes, qui estoient chariots portans vn homme armé, & trainez par deux cheuaux conduits par vn chariton, aussi armé. L'effect d'iceux estoit contre à l'entour des troupes ennemies, lancer dards, & par impetuosité, frayeur & violence de cheuaux, ou bruit de roues, essayer de mettre en desordre, & rompre les bataillons ennemis. Car les Esledaires ayans enfoncé les rangs sautoient à bas, & combattoient à pied; pendant que leurs charitons retirez à l'escart, auoient rangé les chariots en telle façon, que si leurs maistres estoient pressés de plus grande force, ils les trouuoient tous prests pour leur retraite. Imitans en cela & la fermeté des pierons, & la vitesse des gens de cheual: avec si grande dextérité, qu'ils pouuoient en lieux pendans, & descentes, arrester les cheuaux & chariots, aussi bien qu'en plain: courir le long du simon, & demeurer fermes sur l'attelage, puis derechef gagner le corps du chariot. Ces chariots estoient de franche condition: mais qui pour leur pauvreté faisoient les riches, portans leurs escuz à la guerre, & guidans leurs cheuaux. Il semble, pource que dit Cesar, que les Gaulois combattissent par compagnons, & villes: gardans cest ordre, que les derniers portoient des faisseaux pour se scoir, en attendant que ce fust leur rang de combattre. Somme ils estoient tant adonnés à la guerre, qu'il n'y a contrée voisine laquelle n'ayt senty leurs armes, toutes les fois qu'il a fallu descharger ce pais d'excessive multitude de peuple.

C H A P. V I I.

*Conquestes & passages des Gaulois en Germanie, Espagne & Italie.*

L'an du  
Monde.  
MMM.  
CCC L.  
Auant  
Iesus  
Christ.  
VI. C.  
XIII.



A plus renommée sortie & dont les historiens dignes de foy parlent, fut environ l'an du monde MMM. CCC. 4. Que Tarquin appelle Prisc estoit Roy de la ville de Rome, & Nabugodonosor tenoit les Iuis captifs: six cens treize ans ou enuiron auant l'incarna-



tion de nostre Seigneur Iesus Christ. Or pour autant que les mœurs & les fa- L'an du Monde.  
çons de faire de ceste nation, qui tousiours (ainsi qu'auons dit) à fait son principal estat des armes, & de la guerre, ne se peuuent moins facilement cognoistre par leurs courtes & passages, faicts presques par tout le monde, que de leur maniere de viure en leur pais, ce nous fera occasion de toucher ce point en cest endroit, & monstrier comme estans de telle nourriture qu'auons dit, par la vertu & vaillance ils se sont rendus effroyables presques à tout l'univers. En ce temps doncq' les Berruyers, comme les plus forts, bailloient vn Roy aux Celtes: & celuy quilors viuoit se nommoit Ambigat, tres-puissant pour sa vertu, & les richesses tant de luy, que de son pais: & aussi pource que de son regne, la Gaule se trouua tant abondante en fruiçts & nombres d'hommes, que ceste multitude sembloit ne pouuoir estre gouuernée. Ce Prince ja sur l'aage, & desirant descharger son Royaume de telle presse de gens, feit publier qu'il estoit delibéré d'enuoyer Sigoneze & Belloueze enfans de sa sœur, és terres qu'il plairoit aux Dieux luy enseigner par les augures (c'estoit vne façon de deuiner & predire les choses à venir, par certains signes d'oyseaux) commandant à ses nepueux prendre tel nombre de gens qu'ils aduiferoient, pour empescher l'effort de ceux qui les voudroient arrester. La forest Hercinie qui est outre le Rhin escheut à Sigoueze, & à Belloueze le costé d'Italie, aussi mal plaissant chemin que l'autre. Sigoueze donc ayant pris sa route vers Germanie, & passé beaucoup de pais avec maintes aduantes, apres auoir marché vers le Septentrion, & logé ses gens sur l'Ocean, outre les Riphées (que ie n'ose appeller montagnes, pource que les nouveaux Geographes disent n'y en auoir point en Scythie, & que le pais est tout plain) occupa le bout del'Europe: ayant laissé en la Germanie des peuplades de Boyens (qui souloient tenir le pais de Bourbonnois) desquels sont venus les Bavières, & Bohemois: de Carnutes (c'estoient des Chartrains) qui ont donné le nom aux Carinthiens, & autres: entre lesquels peuuent aussi auoir esté les Volces & Tectosages, fort estimez du temps de Cesar, pour leur Iustice & vaillance: & qui estoient descendus des peuples de Languedoc, voisins d'Auignon & de Thoulouze. L'armée de Belloueze fut composée de Berruyers, d'Auvergnats, Senonois, Hedués, aujoud'huy Authunois, d'Ambarres (qui sont Niernois) & d'une autre partie de Carnutes, d'Aulerques (qu'on dit estre Cauchois) où y auoit plusieurs milliers de bons combatans, tant à pied qu'à cheual, & encores plus de femmes & de petis enfans, le tout montant à trois cens mil. Ce grand nombre de gens marcha vers le pais des Tricastins (Saint Paul de Tricastrau en Dauphiné en est le chef) & iusques au pied des montagnes de Sauoye, qui sembloient malaisées de traueser, & non sans cause, veu qu'aucun n'y auoit encores passé dont il soit memoire, si l'on ne veut croire les fables d'Hercules. Aussi leur hauteur aïant arresté les Gaulois, regardans comme au trauers de ces butes jointes au ciel, ils passeroient en vn autre monde, nouvelle frayeur, ou crainte des Dieux les faisoit, quand ils entendirent que les Saties (peuple assez prochain de là) combattoient contre ceux d'Arles & Tarraçôn, & cherchâs vne demeure. Ces estrangers estoient partie des Massiliens venus par mer de Phocide prouince d'Afie. Les Gaulois d'oc de plus pres

## PREMIER LIVRE

L'an du  
Monde.

considerans ceste guerre, prindrent pour bon augure & aduertissement des Dieux, de ne se voir seuls en peine de trouuer habitation. Toutesfois les prieres & remonstrances d'un Toscan nommé Auruns, autres fois habitant de Clusi, les animèrent dauantage. A ce gentil-homme qui au demeurant n'estoit point de mauuaise nature, aduint vn tel inconuenient. Il estoit tuteur d'un enfant orphelin, nommé Lucumon: le plus riche de sa ville, & outre cela doüé d'une admirable beauré. Cestuy-cy dès son enfance nourry dans la maison d'Auruns, n'en voulut point sortir quand il vint en adolescence, mais faisoit semblant d'estre volontiers en sa compagnie, pource que secrettement il entretenoit sa femme, laquelle dès long temps il auoit desbauchée, & elle luy. Or estans tous deux entrez si auant en ceste passion amoureuse, qu'ils ne s'en pouuoient departir, ne celer leur affection; le jeune homme essayoit d'enleuer l'amie par force ouverte, & la retenir: ce qui donna occasion au mary d'auoir recours à la Justice. Toutesfois voyant Lucumon plus fort d'amis, & de biens pour fournir à la despenſe, il abandonna son pays, & oyant parler des Gaulois vint à eux, & guida leur armée en Italie. Ils furent encor plus esmeus (si vous voyez Tite Liue & Plutarque) par le vin que cest Auruns leur auoit apporté d'Italie, dont ils trouuerent le breuuage si nouueau, & furent si transportez du desir & volupté d'en boire, que soudainement ils chargerent leurs armes, & emmenerent femmes & enfans, prenans le chemin des Alpes, pour aller chercher le pays qui produisoit vn tel fruit: estimans toute autre terre sterile & sauuage. Combien qu'il ne soit pas fort croyable qu'en ce temps les Gaulois fussent encores à gouter du vin, qu'ils pouuoient tirer de Languedoc, où il en croist d'aussi bon, voire meilleur qu'en Lombardie & Toscane, qui n'ont pas le terroir plus chaud que la Prouence & le quartier de Montpellier: lequel outre le trafic de la mer, en pouuoit communiquer au reste des Gaules: si vous ne dites que la vigne n'y fut pas si tost plantée qu'en Italie, chose malaisée d'asseurer. D'arr-  
~~riens~~ nos Gaulois conquirent toute ceste contrée qui commence aux pieds des monts vers l'Italie (& aujourd'huy nommée Lombardie) dès long temps possédée par les Toscans: qui lors ayans esté deffaits en vne bataille donnée pres la riuierre de Theſin, se retirerent dans les montagnes voisines de Germanie, avec Rhet leur Capitaine: & furent cause de faire nommer Rhetie, le pays où maintenant habitent les Grifons, & ceux de Tyrol. Les victorieux cognoissans la bonté du pays, & aduertis qu'on appelloit Insubre le champ où ils estoient, prirent cela pour vn bon presage: & d'autant que pres d'Augstum y auoit vn lieu ainsi nommé, ils appellerent ce nouueau séjour Insabrie: & comme disent aucuns, pource qu'ils y trouuerent vn sanglier ou truie, couuerte au lieu de poil à demy de laine, en bastissant vne ville sur le giste de ceste beste, ils la nommerent Mediolanum, aujourd'huy Milan. Laquelle peut aussi bié auoir pris son nom de la capitale ville de Xainctonge, lors ainsi appelée, & dont Stephane auteur Grec fait mention en son liure des villes: ou bien de Meung en Berry, qu'Aymon appelle encores Mediolanum: & de Mede, que le liure donné à Caton, dir auoir esté Capitaine des Insubiens. Si vous ne dites que le mot Mediolanum, estoit général entre les Gaulois pour les lieux d'une sem-  
blable

blable affiette, que celle qu'ils trouuer& lors en Italie. Depuis vne autre compagnie de Gaulois nommez Libuens, conduits par Elitouie, fuiuans les traces des premiers, passerent les Alpes au mesme endroi& : & par la faueur de Bello-ueze, prindrent place, & s'arrestèrent és lieux où maintenant sont les villes de Brexe & de Verone. Les Venetes d'Armorique (c'estoient ceux de Vannes en Bretagne) pource qu'ils estoient gens de mer, ou voisins de la marine, se logerent en vn quartier depuis appellé Venetie; comme celuy duquel ils estoient partis: qui a donné le nom à Venize, grande & admirable ville, & l'un des plus beaux ornemens de la Chrestienté. Toutesfois, aucuns disent qu'elle a pris le nom des Venetes peuples d'Asie. Les Boïens passerent apres, puis ceux de Langres, qu'on appelloit Lingones; lesquels pour auoir tout ce qui est entre la riuere du Po & des Alpes esté occupé par leurs cōpagnons, trauerferent ceste riuere sur des radeaux, & chasserent non seulement les Toscans, mais encores les Vmbriens, qui tenoient les Duchez d'Vrbain & de Spolete. Les Senonois (qui sont ceux de Sens) les derniers de tous se logerent iusqu&es pres la riuere jadis appellée Rubicon (maintenant Roncone) & celle d'Oesis (c'est Sino en la Marche d'Ancone) avec vne partie de Toscane. Tite Liue estime que ceux-cy assiegerent Clusi, & prindrent Rome: toutesfois on ne sçait s'ils estoient seuls à faire ceste entreprise, ou accōpagnés des autres Gaulois: Et neantmoins il est bien certain que Rome fut prinse CC. ans apres la venue des premiers. Or Bello-ueze ne fit passer en Italie tous ses g&es: car vne partie s'arresta entre les mōts Pyren&es, ainsi appelez en langue Grecque, pour le feu qui brulla les forests de ce païs, où ils demurerent long temps: & puis les ayans trauersez, occuperent la Prouince nommée Celtiberie, pource qu'elle fut lors habitée par les Celtes Gaulois, & Iberes peuple Espagnol: faisant maintenant partie d'Arragon. L'Espagne a aussi esté peuplée par d'autres, qui vindrent par mer, & nommerent Portugal le quartier de Lusitanie, où ils prenoient port & faisoient descente. Car Ptolemée dit, que les Gaulois tenoient le fonds de Lusitanie: Strabon & Lucain que les Betones & Asturiens (c'est Asture) estoient descendus des Gaulois: & l'on en peut autant croire de Galice. Toutesfois ces Gaulois Espagnols ne furent tant renommez, que ceux qui passerent en Italie; lesquels deuindr&ent tant puissans, qu'ils firent perdre le nom à ceste partie du pays occupé par eux, appellé (mesme durant la fleur de l'Empire Romain) Gaule Togate: comme qui eust voulu dire, Gaule vestu&e à la Romaine. Car la Togue estoit la robe des Romains qui auoient quelque moyen; & la Tunique celle du petit & pauvre peuple.

## CHAP. VIII.

*Rome prise par les Gaulois.*

Es Gaulois Italiens entrèrent si auant en Toscane, qu'apres auoir conquis grand pays, ils vindrent assieger Clusi, ville distante de Rome d'environ trois journées. Les habit&es de laquelle eurent recour& aux Romains, qu'ils pri&erent vōuloir en leur faueur enuoyer des

## PREMIER LIVRE

*L'an du monde.* lettres & des Ambassadeurs à ces estrangers. Trois de la maison des Fabiens, personnages de reputation, & qui tenoient les plus honorables charges de Rome, furent commis pour y aller, lesquels receus amiablement, les Gaulois, feirent cesser la batterie, & l'assault prest de liurer à Clusi, pour leur donner audience. Ces Ambassadeurs Romains, demanderent quel tort les Clusiens auoient fait aux Gaulois, pour lequel ils fussent venus assaillir leur ville : à quoy Brenne, qui pour ceste heure là estoit Roy, se souffriant, respôdit en telle sorte. Les Clusiens nous font tort, en ce que ne pouuans labourer que vn peu de terre, ils en desirent toutesfois tenir beaucoup, sans vouloir en faire part à nous qui sommes estrangers, pauvres, & en grand nombre. C'est le mesme tort que par cy deuant faisoient à vous autres Romains ceux d'Albe, les Fidenates, les Ardeates, & que maintenant vous font les Vejes, les Capenates, vne grande partie des Falisques, & Volsques ; que vous guerroyez tellement quand ils refusent vous departir de leurs biens, que les rendez voz esclaués, les pilliez & ruinez leurs villes. En quoy aussi, vous ne faites chose dont l'on doie auoir horreur, ou qui soit iniuste ; ains suyuez la plus ancienne de toutes les loix, qui donne aux plus forts ce qu'auoient les plus foibles : commençant par les Dieux, & acheuant aux bestes ; le naturel desquelles est tel, que les plus puissantes veulent estre aduantagées sur les moins fortes. Et pource, n'ayez plus de pitié des Clusiens assiegez, de peur que vous n'appreniez aux Gaulois à se monstrier aussi debonnaires, & pitoyables à l'endroit de ceux qui sont mal traittez par les Romains. Les Ambassadeurs cogneurent bien par ceste response, que Brenne n'auoit pas volonté de venir à aucun raisonnable appoinctement. A ceste cause, entrans en Clusi ils donnerent courage aux habitans, & les inciterent à faire vne saillie avec eux sur les Gaulois : soit qu'ils voulussent faire essay de la proüesse de ces estrangers, ou monstrier la leur propre. Tant y a, que les Clusiens ayans attaqué vne escarmouche joignant leurs murailles, vn des Fabiens nommé Quint Ambust, picqua son cheual contre vn beau & grand Gaulois, lequel aussi à cheual s'estoit beaucoup aduancé deuant les autres. Ambust ne fut point descouuert au commencement, tant pour la soudaineté de la mestée, que pour ses armes reluisantes, qui esblouissoient les yeux des regardans. Mais quand apres auoir porté, & jetté par terre le Gaulois, il vint à le despoüiller, Brenne le recogneut, & prit les Dieux à tesmoins, comme le Romain estoit venu en qualité d'Ambassadeur, & toutesfois contre le droit sainctement gardé entre tous les hommes, il auoit fait acte d'ennemy. Ayant donc commandé de cesser l'escarmouche, à l'instant mesme il laisse les Clusiens, & achemine son armée droit à Rome. Mais afin qu'on n'eust point ceste opinion des Gaulois, qu'ils embrassoient volontiers ce tort, par faute d'autre occasion ; il enuoya demander celuy qui auoit commis l'offence, pour en faire la punition ; & ce pendant poursuyuit son chemin vers Rome, marchant à petites journées. Le Senat & les Feciales (ils estoient gardes de la paix, & juges des causes pour lesquelles se pouuoit iustement commencer la guerre) furent d'adujs, afin de descharger la ville de Rome du crime de forfaiture, rejeter la pollution sur celuy qui auoit commis la faute. Mais le Senat

ayant renuoyé l'affaire au peuple, la commune feit si peu de compte de la religion, & des choses diuines; qu'au lieu de liurer Fabius, on l'essleut Tribun (alors le plus grand magistrat de la ville) avec ses freres : pour faire la guerre aux Gaulois. Ce qu'entendu par eux, ils le porterent tant impatiemment, qu'ils s'acheminèrent incontinent sans rien prendre par les champs : mais passans pres des villes, faisoient crier qu'ils alloient contre Rome, & n'en vouloient qu'aux habitans de ceste ville; recognoissans tous autres pour amis. Dont les Romains aduertis, les Tribuns meirent leur armée aux champs, non moindre que celle qui venoit contre eux ; pource qu'il y auoit quarante mil hommes combatans à pied; & toutesfois ils furent deconfits, pres l'endroit où la riuierre Allia (qu'on dit estre Curese) entre en celle de Tybre. Les Gaulois ne poursuuyrent leur victoire, comme ils deuoient, car rien n'eust peu sauuer Rome, qu'elle n'eust esté entierement destruite, & tous ceux qui estoient demeurez dedans mis à l'espée; tant ceux qui se sauuerent de viffesse, apporterent de frayeur à ceux qui les recueillirent, & tant ils emplirent ceste ville d'estonnement. Mais les Gaulois ignorans la consequence, le premier jour (suiuant leur coutume) samuserent à couper les testes des occis en la bataille, se resiouyr de leur victoire, & à partir le butin : donnans le temps & le loysir à ceux qui auoient fuy, de se retirer à leur aise, en lieu seur : & à ceux qui demourerent, de se pouoir sauuer, & s'apprestier à la deffence. Car les Romains apres auoir abandonné le reste de leur ville, fortifierent le mont du Capitol (qui est vne place d'icelle) qu'ils pourueurent de toutes sortes d'armes, & y retirerent la plus part des choses par eux estimées saintes & sacrées. Trois iours apres la bataille, & comme l'on dit, le xix. Iuillet, l'an du monde trois mil ccclxxvij. & auant Christ ccclxxxvj. Brenne la fit saccager. Le combat qu'il eust du commencement honnoré les vieillards Senateurs (par luy trouuez assis en leurs chaires) si est-ce que depuis ils furent tuez par les soldats ; pource que l'un d'eux auoit de son baston frappé vn Gaulois, qui trop priuément luy manioit la barbe, pensant que ce fust l'idole de quelque Dieu. Le siege planté deuant le Capitol, & les Gaulois descouverts au cry des oyes sacrées, ainsi qu'ils le cuidoient surprendre, furent repoussez par Manlie gentil-homme Romain. Ce qu'ayant asseuré les assiegez & refroidi les assaillans, mal logez en ceste ville bruslée, la peste se mit parmi eux avec autres maladies; lesquelles furent cause de faire entendre Brenne à la composition, qui luy estoit offerte par les assiegez pour s'en aller: à sçauoir mille liures Romaines d'or, reuenans à quinze cents marcs de nostre poids, qui sont enuiron cent huit mil sept cens & cinquante escus sol (si nos onces sont esgales aux Romaines) qu'il accepta, & partit de Rome pour venir faire teste aux Venetes molestans son pays. Iacoit qu'aucuns auteurs Romains pour sauuer l'honneur d'une ville paruenue depuis à si grande autorité, disent que les Gaulois n'emporterent l'or : & qu'en le deliurant, pource qu'un Gaulois insolemment adiousta son espée du costé du poids, il s'esmeut debat, durât lequel suruint Camil, qui rompit l'accord, & chassa Brenne hors de Rome, tuant beaucoup de ses gens. Mais Polybe qui vesquit enuiron cent cinquante ans apres, meisme Tacite & Suetoine sont d'aduins contraire; & cestuy cy dit

## PREMIER LIVRE

nommément, que Druse chef de la famille de Tybere Empereur, estant Pro-  
preteur, & ayant vaincu les Senonois Italiens, rapporta l'or baillé pour la ran-  
çon des Romains, qui n'auoit esté recous par Camil, ainsi que le bruit courroit.  
Aussi n'est-il pas croyable, que les Gaulois apres vne si notable defaite, eussent  
moyen d'entreprendre de telles & si grandes conquestes qu'ils firent depuis.  
Car l'on trouue que ceux qui auoyent bruslé Rome enuoyerent des ambassa-  
deurs vers le premier tyran de Siracuse, pour lors empesché à combattre les  
Locriens & Crotoniates (peuples d'Italie vers la Pouille & Tarente) luy of-  
frir leur amitié & alliance; remonstrent que leur peuple estant logé par ses en-  
nemis, ils luy pouuoient seruir de beaucoup, soit qu'ils l'accompagnassent en  
guerre, ou qu'ils les assaillissent par derriere. Denys feit accord avec eux, re-  
commençant la guerre plus fort que deuant; toutesfois la descente que les Car-  
tageois feirent en Sicile empescha son desseing.

### CHAP. IX.

#### *Les conquestes que firent les Gaulois en Hongrie, & la defaite des Macedoniens.*

L'an du  
Monde.  
M M M.  
VI. C.  
LXXXV.  
Auant  
Christ.  
C C.  
LXXVIII

**M**AIS les Gaulois ne s'amuserent pas tousiours en Italie; car ceux  
qui dès leur entrée n'y trouuerent point de place, ou possible les  
autres qui estoient passez en Germanie, suiuaus les augures dont ils  
entendoient la science par dessus toutes autres nations, trauerse-  
rent en Illyrie; (Esclauonie en fait partie) & marchans sur le ventre des peup-  
les, qui les voulsrent empeschier, vindrent se reposer en Pannonie (qui est  
Autriche) & le commencement de Hongrie, de laquelle ayans vaincu les ha-  
bitans, & combattu longuement contre les voisins, voyans leur bonne fortune,  
ils se partirent depuis en deux: & les vns tirerent en Macedoine, les autres  
en Grece, renuersans tout ce qu'ils rencontroient au chemin: avec si grande  
crainte de leur nom & armes, que les Rois (mesmes ceux qui n'estoient assail-  
lis) achetoient d'eux la paix bien volontiers, & à grand prix. Aussi les Gaulois  
mesprisoient tellement les autres forces, qu'Alexandre ayant demandé à vn  
de leurs ambassadeurs quelle chose ils redoutoient le plus (cuidant que ce fust  
sa puissance, ia cogneue par toute la terre) le Gaulois respondit qu'il craignoit  
la cheute du Ciel. Ptolemee surnommé Ceraune (c'est à dire le foudroyeur)  
lors Roy de Macedoine, & frere du Roy d'Egypte, par mocquerie appelé Phi-  
ladelphie, regnant enuiron l'an du monde trois mil VI. C. LXXXV. & auant Iesus  
Christ CCLXXVIII. fut seul qui sans crainte ouït parler de leur venue, se prepara  
& vint au deuant d'eux, accompagné de peu de gens, mal en ordre, transporté  
du remords de tant de mauuais actes, & parricides par luy faicts. Encores, com-  
me s'il eust esté aussi facile d'acheuer vne guerre à son aduantage, que commet-  
tre des meschancetez, il refusa vingt mille hommes que les Dardanois (ils ha-  
bitoient le pays qu'on appelle aujourd'huy la Bosse, ou la Bosnie) luy offroyent pour se-

cours: se mocquant d'eux, & disant, que c'estoit bien peu de chose que Macedoine, si apres auoir conquis l'Orient toute seule, elle ne pouuoit maintenant deffendre sa frontiere, sans l'ayde des Dardanois: & qu'il auoit des soldats, en-  
 sans de ceux qui souz la conduite d'Alexandre, conquerirent toute la terre. Les  
 Gaulois pour sonder les Macedoniens, par l'aduis de Belge leur chef, enuoye-  
 rent sçauoir de Ptolemée fil vouloit acheter la paix comme les autres Roys.  
 Mais luy qui se vantoit entre ses mignons de court que ceux-cy craignans sa  
 rencontre, demandoient la paix: respondit aussi brauement à leurs Ambassa-  
 deurs, qu'il ne vouloit point de paix, s'ils ne baillioient leurs Princes en ostage,  
 & mettoient bas les armes, ne se pouuant asseurer d'eux tant qu'ils seroient  
 armez. Ceste responce ouye les Gaulois en riant s'escrierent tous d'vne voix,  
 qu'il sentiroit bien tost au profit de qui ils luy auoient offert la paix. Peu de  
 temps apres la bataille est donnée, & les Macedoniens mis en route,  
 Ptolemée bien blessé demoura prisonnier: la teste duquel plantée sur y-  
 nelance, fut portée à l'entour de son camp, pour donner crainte à ses gens.  
 Peu de Macedoniens eschapperent de la defaite, & les autres furent ou pris,  
 ou tuez. Dont ceux qui estoient demourez prindrent si grand estonnement,  
 qu'ils fermerent les portes des villes: ayans tout loisir d'appeler à leur ayde  
 comme dieux Philippe & Alexandre: durant le regne desquels, non seulement  
 ils viuoient asseurez en leurs maisons, mais encores conqueroient les Royau-  
 mes estrangers. Comme ils estoient en ceste crainte & desespoir, Sosthenes  
 qui n'estoit pas des plus grands Seigneurs du païs, leur donna courage, & ar-  
 resta le cours de la victoire des Gaulois. Dont Brenne, vn autre que celui de  
 Rome, & appelé Prause, à qui le costé de Grece estoit escheu, marry que Belge  
 apres vné tant belle victoire, auoit perdu l'occasion de tourner à son profit si  
 riche proye que le pillage d'vn Royaume, auquel toutes les despoüilles d'O-  
 rient auoient esté apportées: ayant assemblé cent cinquante mille hommes de  
 pied, & douze mille de cheual, retourne en Macedoine, & desir en bataille So-  
 sthenes: qui eut bien la hardiesse de luy venir au deuant à main armée: & apres  
 ceste victoire, courut tout le pays, duquel il tira grand butin. Et neantmoins,  
 comme s'il n'eust assez eu de despoüilles humaines, il en voulut aux dieux: di-  
 sant qu'ils auoient trop de biens, & que c'estoit à eux d'enrichir les hommes.  
 Parquoy il s'adressa au temple d'Apollon estant en Delphi, renommé pour les  
 merueilles qui ordinairement y aduenoient. Car ceux qui desiroient sçauoir  
 leur aduventure de quelque chose, y couroient au Conseil: encores que le plus  
 souuent ils en rapportassent des responses doubles & incertaines.

L'an du  
 Monde.  
 3678.  
 Cravant  
 Christ.  
 278.

## CHAP. X.

*Passage des Gaulois en Grece, & assaut du  
Temple de Delphes.*

E Temple estoit au pays de Phocide ( qui est vn quartier de Grece ) assis, comme disent Pline & Iustin, sus vne roche du mont Parnasse, couppée & pendante de tous costez ; en laquelle souz ombre que les anciens Payens cuidoient le lieu estre vn séjour des Dieux, qui volontiers sy trouuoient ; vn nombre d'hommes assemblez, fut cause de bastir avec le temps vne ville, qui n'estoit close de murs, ains de precipices & falaises, la deffendans, non par ourage, ains par nature : qui laissoit incertain, lequel estoit plus admirable, ou la force du lieu, ou la grandeur du Dieu que l'on y adoroit. Il sembloit que le rocher se fust retiré, & courbé par le milieu en façon de theatre : tellement que la voix des hommes, & tout son quel qu'il fust, s'entonnent leans redoubloit, & se faisoit plus grand & diuers, qu'il n'estoit de vray : ce qui donnoit grande crainte de la majesté diuine, & faisoit esmerveiller ceux qui n'en sçauoient pas la cause. En ce destour de rocher, environ la moitié de la hauteur, y auoit vne petite plaine, & en icelle vn pertuis descendant bien auant en terre, qui seruoit pour les oracles : duquel sortoit vne haleine froide, comme vn vent poussé en haut, faisant perdre & aliener l'esprit des Prophetes hommes, ou filles (car il y en a eu aussi de ces deux sexes) lesquels eschauffez & pleins de ce Dieu (ou plustost diable) les sembloit forcer de rendre responce à ceux qui la demandoient. Parquoy l'on pouuoit voir sur le lieu plusieurs riches dons, tant des Roys que des peuples, qui par leur magnificence tesmoignoient des responces, & de la gracieuse recognoissance de ceux qui les auoient offerts & donnez. Brenne voyant le temple, delibera longuement s'il deuoit incontinent l'assaillir, ou laisser rafraichir & reposer ses gens, las du chemin. Euridame & Thessalon, seigneurs Grecs, qui l'estoient joints avec luy en esperance de piller, furent d'aduis de l'assaillir incontinent, pendant que les ennemis n'estoient prests, & que la frayeur de leur venue encores les tenoit. Car s'il attendoit la nuit, les Delphiens reprendroient courage, ou se renforceroient de secours, & empescheroient les chemins lors ouuerts. Toutesfois le reste de l'armée, & le commun qui auoit longuement enduré, trouuant la campagne pourueüe de vins & de viures, aussi ioyeux de rencontrer vne telle abondance, que d'une victoire entiere, s'espandit par les villages, abandonnant le camp sans tenir aucun ordre. Ceste remise seruit aux Delphiens, & fait entendre l'obscurité d'un oracle, qui auoit commandé laisser les villages garnis de biens. La verité duquel n'auoit esté cognüe iusques alors que ceste abondance arresta les Gaulois à faire bonne chere, pendant que le secours entra dans la ville, & que les Delphiens eurent loisir de la fortifier.



Brenne auoit en son armée soixante cinq mille pierons d'eslite, & les Delphiés avec leurs alliez n'estoient que quatre mille, ce qui luy faisoit despriser le petit nombre de ses ennemis. Encorès pour animer les gens d'auantage, il leur monstroir la proye, disant que les statues, cheuaux & chariots qu'ils voyoient à l'entour du temple en grand nombre, estoient massifs d'or, & plus pesans qu'il ne sembloit. Sous telle assurance, les Gaulois qui auoient en la teste le vin du jour precedent, se ruerent au combat, sans considerer aucun danger. D'autre part ceux de Delphi se fians plus aux dieux qu'en leurs forces, resistoient aux Gaulois: qu'ils accabloient & meurdriſſoient, tant avec de grosses pierres roulées à val, que de coups de main. Durant cela, les prestres de tous les temples, ensemble les Prophetes vestus de leurs ornemens presbyteraux, ayans les cheveux espars, tous affreux & insensz, courent à la premiere pointe de l'escarmouche, crias, que le Dieu estoit arriué, qu'ils l'auoient veu descedre par la faiste du temple. Et cōme ils l'eussent humblemēt appelé à leur secours, vn jouenceau de beauté nōmpareille, accompagné de deux pucelles armées, sorties de deux temples de Minerve & Diane, estoit venu au deuant d'eux: que non-seulement ils les auoient veus de leurs propres yeux, mais aussi entendu le cliquetis de leurs armes, & le sifflement de leurs arcs. Partant qu'ils n'eussent crainte de charger les ennemis, ayans les dieux pour guides & capitaines: de la victoire desquels ils seroient encores participans & compagnons. Les Delphiens esmeus de ces paroles, coururēt sus aux Gaulois de telle violence, & avec tel heur, qu'ils sentirent bien les dieux, ou plustost les diables, estre presens à la meslée. Car vne piece de la montaigne eslançee par vn tremblement de terre, agrauant la partie des assaillans, & les plus espais bataillons furent rompus, & ouverts à force de coups & de blessures. Apres cela, il se leua vne tempeste d'vn foudre, meslée de gresle, qui feit mourir les naurez: de sorte que Brenne ne pouuans endurer la douleur de ses playes, se tua soy-mesme de son poignard. Ainsi l'vn des chefs de ceste guerre estans pur, l'autre se retira bien vif hors de Grece avec dix mille hommes: qui n'eurent guerres meilleure fortune en fuyant, estans saisis de telle frayeur, qu'ils ne coucherent sous toict, & ne passerent jour sans peine ou danger. La pluye continuelle, la neige & le gresil, la faim & lassitude, & sur tout, faute de dormir, consommerent les miserables reliques de ceste armée, & les peuples où les Gaulois passoient, furēt tous ioyeux de les pourſuire & despoiller: tellement que de ce grand nombre, qui nagueres souloit despiter les dieux, à grand peine il en resta vn seul, pour tesmoignes de la deffaire. Mesmes aucuns des Tectosages retournerz en leurs pays pres Thoulouze, ne sceurent appaiser la peste, & la maladie qui les auoit saisis iusques à ce qu'ils eussent abandonné l'or & l'argent qui venoit du pillage de Delphi, lequel par le conseil de leurs diuins, ils jetterent dans vn lac ou marais voisin de ladite ville, en si grande crainte, qu'eux, ne leurs successeurs, ne l'oseroient oncques tirer, iusques à Cesion capitaine Romain: qui (à son dam) le feit pescher. Encorès cela est bien remarquable, que tous ceux qui participerent à ce butin de Cesion, s'en trouuerent mal: de sorte que quand on vouloit parler de quelque chose portant malheur, on disoit, Il a de l'or de Thoulouze, tant a esté grande la puissance du diable à venger les pillages faicts à ses temples.

*Autre passage des Gaulois en Grece & Natolie: & fondation  
du Royaume de Gallogrece.*



Es nouuelles de ceste deffaitte ouyes, les Gaulois laissez pour garder les frontieres de leur pais ( ie croy de conqueste ) craignans qu'on eust opinlon qu'ils eussent perdu le cœur, armerent quinze mil hommes de pied, & trois mil de cheual; avec lesquels ils mirent en route les Getes & Triballes: & comme ils estoient prests d'entrer en Macedoine, enuoyerent deuant leurs ambassadeurs, offrir au Roy Antigone fils de Demetrie la paix en payant, & aussi pour espier son armée. Lesquels recueillis, & honnestement traitez en magnificence Royale, voyants tant de vaisselle d'or & d'argent, en furent tous esbahis; & s'en retournerent plus mal ententez que deuant: iacoit qu'afin de les estonner d'auantage, ce Roy leur eult fait monstrier ( pour chose nouuelle ) ses Elephans, ensemble ses nauires, bien fretées & garnies: ne preuoyant pas que la monstre qu'il en faisoit faire pour les intimider, les incitoit d'auantage à venir conquerir vn si riche butin. Par quoy les ambassadeurs retournez vers leurs gens, & augmentans les choses, firent rapport des grandes richesses & nonchalance de ce Roy: & que son camp rempli d'or & d'argent, n'estoit fermé de palis ne de tranchées. Et comme si les richesses estoient d'elles mesmes vn assez bon ratiport, ou n'eussent besoin du secours de fer, que les Macedoniens auoient laissé tout exercice de la guerre, pource qu'ils auoyent beaucoup d'or. Ce rapport esmeut & poignit grandement l'esprit de ces gens aspres à butiner; avec l'exemple de Belgius, qui naguieres auoit deffait l'armée Macedonienne, & occis le Roy Peolemée. A ceste cause d'un commun consentement, ils assaillirent de nuit le camp d'Antigone, lequel preuoyant cet orage, le iour de deuant, auoit commandé à chascun de se retirer dans les forests prochaines. A lors les Gaulois trouuans le camp abandonné, entrèrent dedans; & apres l'auoir butiné, reprennent le chemin de la mer; où desrobans assez indiscrettement & pillans les nauires, ils furent massacrez par les mariniere, & vne partie de l'armée Macedonienne, retirée avec les femmes & les enfans. Ceste victoire rendit Antigone non seulement assésuré d'eux, mais aussi de ses voisins: combien que les Gaulois fussent encor si bon nombre, & leur ieunesse tant feconde, qu'ils emplirent l'Asie; sortans de leurs maisons & pais: ainsi que d'une ruche fait vn essain d'abeilles. Aussi auoient ils ailleurs tourné leur pensée. Car estans conduits par vn autre Brenne, ils trarserent iusques en Dardanie, & là, au moyen d'une sedition qui s'esmeut entre eux, vingt mil hommes abandonnerent ce Brenne: & sous la conduite de Lomorie & Luthaire ( nostre Lothaire en approche ) se destournerent en Thrace: où combattans ceux qui leur resistoient, & imposans tributs, & pensions à ceux qui leur deman-

demandoient la paix, estans venus à Bizance ( qui est Constantinople ) ils tin- *L'an de*  
drent quelque temps les villes de Propontide ( aujourd'huy Mer de Marmora ) *Monde.*  
leuans les peages par toute ceste coste. Et apres auoir vaincu les peuples de  
Thrace, establirent le siege de leur Royaume à Tille, laissant d'autres qui se  
vindrent loger aux confins de Saue & Danube, enuiron la ville anciennement  
appellée Taururum, & maintenant Belgrade. Lesquels prindrent le nom de  
Scordisques, tenans, ainsi qu'on pense, le país appellé Rascie. Quand ceux qui  
estoiient demourez en Dardanie furent aduertis de la fertilité des prouinces  
d'Asie, desir leur print de conquerir vne terre si grasse & voisine. Parquoy  
ayans surprins d'emblée la ville de Lyfimachie, & tenu par armes ceste es-  
tendue de país, qui s'aduanee en mer, depuis le destroit de Galipoli, ils tirerent de-  
rechef en Hellespont, aujourd'huy appellé le bras saint George. Lors voyant  
l'Asie tant proche, la volonté d'y aller leur en creut l'encor d'auantage: & la  
dessus ils enuoyerent vers Antipater maistre de ceste coste, pour traiter avec  
luy de leur passage. Toutesfois d'autant que la chose trainoit plus longue-  
ment qu'ils n'esperoient, nouuelle noise sourdit entre ces capitaines. Car Lon-  
norie avecq' la plus grand part de l'armée reprint le chemin de Bizance; &  
Luthaire trouua moyé d'oster aux Macedoniés (qu'Antipater sous nom d'am-  
bassade, auoit enuoyez pour les espier) deux nauires couuertes, & trois bri-  
gantins; avec lesquels jour & nuict il transporta ses gens l'un apres l'autre.  
Quelque temps apres, Lonnorie trauersa de Bizance avec l'ayde de Nicomede  
Roy de Bithynie (c'est Becsangie) & se yint joindre derechef avec les Gaulois,  
au secours du mesme Nicomede, qui faisoit la guerre à Siboée seigneur d'une  
partie de son país; lequel fut vaincu par leur moyen: & ~~tout ce Royaume con-~~  
quis au profit de Nicomede. ~~Les Gaulois entrerent par ceste Prouince en la~~  
petite Asie, qui est la Natolie du jourd'huy, n'ayans point plus de dix mille  
hommes de guerre du reste de vingt mil. Toutesfois avec ce nombre, ils don-  
noient si grande crainte aux nations de deça le mont de Taur, (qu'on pense  
estre auourd'huy Correstan) que tant celles qu'ils auoient guerroyées, que les  
autres où ils n'auoient esté, leur obeïssoient aussi bien loingtaines, que voisines  
d'eux. Finalement pource qu'ils estoient trois peuples & nations, à sçauoir  
Tolistoboges, Trocines, & Tectosages, ils aduiserent de partir la Natolie en  
trois, pour sçauoir de qui chacun deuoit leuer ses tributs. Les Trocines eurent  
le costé d'Hellespont, les Tolistoboges Æolide & Ionie (c'est Guiscon) & les  
Tectosages, le país plus auant en terre ferme, & leuans pension de toute l'Asie,  
qui estoit deça le mont de Taur: & plantans leur siege au long de la riuere  
Halis, qui separe la Paphlagonie de la Syrie. La Prouince où ces Gaulois habi-  
terent en Asie, depuis le temps de leur venue iusques à la grandeur de l'Empi-  
re Romain, retint le nom de Gaule-Grece, avec le langage que Sainct Hieros-  
me ( enuiron six ou sept cens ans apres ) dit auoir esté semblable à celuy qu'il  
entendoit parler en Gaule, au país de Tréues.

D

## CHAP. XII.

*Guerres entre les Gaulois, Italiens & Romains.*

R ces Gaulois Asiens donnerent si grâde frayeur de leur nom (auec ce qu'ils multiplierent en enfans & suite) que les Roys de Syrie ne refusoient point de leur donner pension. Et n'y auoit Roy d'Asie qui entreprist guerre sans des soudoyers Gaulois; ne les bânis de leurs Royaumes s'asseuroient en autre recours: tant estoit grande la crainte de ces gens, & leurs armes estimées inuincibles & heureuses. Aussi les Romains quelque reputatiô de vaillance qu'ils eussent acquise entre les Italiens, redoutoient tellement les Gaulois; que toutes les fois qu'ils oyent parler de leur venuë, ou qu'il falloit aller contr'eux, aucû estat de la ville (non pas les Prestres mesmes) n'estoit exépt du seruice deu en ceste guerre. Car ainsi que Saluste confesse, nonobstant qu'ils s'assurassent toutes choses deuoir ceder à leur proüesse, ils pensoient neantmoins, qu'il leur falloit combattre contre les Gaulois, nô pour acquerre gloire & honneur, ains pour sauuer leurs vies. Aussi fut-ce pourquoy ils tascherent d'en couper la racine par tous moyens; & se resolurent de les venir chercher en leur pais originaire. Toutesfois apres auoir domté maintes autres natiôs voisines, tant d'Italie, Grece, Sicile, que d'Espaigne, & conquis la Gaule Italienne: de laquelle ils apriuoiserent ou affoiblirent les habitâs, & y mirent tant de colonies ou peuplades, que ces Gaulois Italiens deuindrēt vn mesme peuple: voire iusques à changer leurs propres habits, & prēdre la longue robe Romaine, appellée Togue. Bien est vray que ce fut tard, & apres auoir longuement combatu, auec diuers euenemens; tantost victorieux, & autres fois vaincus Car L. Cecil preteur Romain, ayant auec son armée esté desconfit par les Gaulois Senonois d'Italie, enuiron l'an du monde MMM. ccccccLXXXI. & auāt Iesus Christ cclxxxii. les Romains eurent leur reuange puis apres: & non contens d'auoir chassé lesdits Senonois du quartier de la Marche d'Ancone, & de Romagne; ils firent encor la guerre aux Gaulois de ça les monts, par vne telle occasion. Les Senonois & Boyens d'Italie voyans que les Romains menoyent des peuplades au pais voisin d'eux, n'agueres gaigné; & que les dissensions les auoient peu à peu chassés de leurs conquestes, craignans que le reste qu'ils tenoient ne leur fust osté, enuoyerent des ambassadeurs de ça les monts, l'an du monde trois mil sept cens quarante, & auant Christ deux cens trente trois, prier les Roys Congolitan & Aneroëste, auec autres peuples habitans le long du Rhosne, & principalement les aduanturiers (en leur langue appelez Gessates, pour ce qu'ils vont à la guerre pour argent) de venir en Italie: leur faisant sur le champ de grands presens, & remonstrans le riche butin qu'ils pourroient gagner. Ils leur ramenoient aussi en memoire les proüesses de leurs ancestres, & comme apres auoir defait les Romains en bataille, ils auoient rendu Rome par sept mois, puis sans rien perdre, estoiet retournez en leur pais chargez de biens.

MMM.  
VI. C.  
LXXXI.  
Avant  
Christ.  
c c.  
LXXXII.

3740.

333.

Ces paroles animerent tellement à la guerre les Roys & le peuple Gaulois, que iamais armée ne sortit de Gaule en si bon equippage, ne fournie de meilleurs combattans. Aussi leur descente entendüe par les Romains, vne telle frayeur les saisit, que soudain ils ordonnerent nouvelles leuées de gend'armes, feirent apprests de toutes choses necessaires, & sortirent iusques sur leur frontiere: Combien que les Gaulois ne fussent encores bougez de leur pais. Qui plus est, ils laisserent toutes autres entreprises, ne songeans qu'à se deffendre: & donnerent aux Carthageois loisir de faire leurs besongnes en Espagne. Cependant les Gaulois ayans assemblé vne tres-grande armée sur le Rhosne, & traversé les Alpes, vindrent descendre le long de la riuere du Po, où les Insubres se joignirent incontinent à eux, avec les Boyens: Mais les Venetes & Cenomans Italiés, appaisez par les Ambassadeurs Romains, aymerét mieux demeurer en leur alliance, que suiure les autres: ce qui contraignit les Roys Gaulois, laisser vne partie de leurs forces pour la garde du pais, & prendre le chemin de Toscane; menans cinquante mille pietons, & vingt mille hommes de cheual, ou montez sur chariots armez & artelez à deux cheuaux. Les Romains ne furent si tost auertis que les Gaulois auoient passé les Alpes, qu'ils enuoyerent iusques à la ville de Rimini L. Emil Consul (c'estoit le plus grand magistrat ordinaire de Rome, lors qu'elle se gouernoit par Republique) avec forces: afin qu'estant campé là pres, ils empeschast les ennemis de passer outre. Et fut enjoint à l'un des Preteurs (c'estoit la seconde dignité de ladite ville) tirer vers la porte de Toscane, pource que l'autre Consul estoit passé en Sardaigne dès le commencement de son Consulat. Au reste, la ville de Rome estoit en vn grand soucy; & merueilleuse frayeur de l'éuenement de ceste guerre; se representant le danger qui alloit tumber sur sa teste, & demeurant encore imprimée en l'esprit d'aucuns Senateurs, l'ancienne crainte qu'ils auoient du peuple Gaulois. A ceste cause, combien que les Romains eussent pieça assemblé vne grande armée, ils ne laissoient de faire nouvelles leuées, & admonester leurs alliez de se tenir prests. Mandans outre cela à ceux qui estoient deputez pour cest effet, apporter le nombre des hommes qui estoient en aage de porter les armes: car ils desiroient sçauoir toutes les forces desquelles ils pourroient faire estat pour le present; & mettre ordre d'acheminer avec les Consuls toute leur plus grande puissance. D'auantage ils feirent vne telle prouision de bleds, armes, & autres prouisions necessaires à la guerre, qu'il n'y auoit memoire de plus grande. L'Italie ne se faignoit non plus; car la frayeur que l'on auoit des Gaulois estoit telle, que tous les habitans ne pensoient pas que ce fust la cause seule des Romains; mais qu'en ceste guerre, chascun deuoit combattre comme pour sauuer & ses biens, & son pais, & sa vie: de sorte que tous obeissoient promptement à ce qui leur estoit commandé. Aussi l'on trouua sur telles remonstrances, iusques à sept cens mille hommes de pied; & soixante & dix de cheual armez. Toutesfois nonobstant ce grand nombre les Gaulois descendirent en Toscane; mettrons à feu & à sang ce qu'ils rencontrerent, sans qu'aucun leur feist teste; & finalement tirerent vers Rome. Cômé ils estoient pres la ville de Clusi, on les aduertit que l'armée Romaine laissée en Toscane, les

## PREMIER LIVRE

*L'an du monde.* L'un d'eux suivoit en queue, & commençoit à les approcher. A ce rapport ils tournerent visage, faisant diligence de combattre les Romains; & s'approchant environ le soleil couchant, se contenterent pour l'heure de camper à quelque espace d'eux. La nuit venue les Gaulois ayans allumé des feux, laissent des gens de cheual, auxquels ils commandent qu'après s'estre postez à l'ennemy sur le point du jour, ils les suivent à la route que ceux de pied tiendroient. Quant à eux ils prindrent secrettement chemin de Fiesoles, en intention & de se joindre à leurs gens de cheual; & par mesme moyen dresser quelque embuscche aux ennemis. Le lendemain, si tost que le jour comença d'apparoistre, les Romains qui descoururent la cheualerie Gauloise, estimas qu'elle fust, se hastent d'aller apres. Mais ils ne furent pas si tost approchez, que les Gaulois tournent bride; & commencerent vne bien sanglante meslée de laquelle ils eurent la victoire, tant au moyen de leur grand nombre, que pour leur hardiesse. De sorte qu'il demeura sur le champ environ six mille Romains, s'estant le reste sauué à la fuitte, & dont la plus part gaigna vn terre fort de nature: là où ils furent premierement assiegez par les Gaulois; lesquels trauaillez & pour le chemin, & pour la peine endurée au combat, s'en retirerēt afin de reposer, & se rafraischir: apres auoir laissé aucunes troupes de cheual, pour garder que les Romains n'eschappassent: deliberez s'ils ne se vouloient rendre, les assieger le jour ensuiuant.

### CHAP. XIII.

#### *Bataille entre les Gaulois & Romains, & de- faicte des Gessates.*

**S**UR ces entrefaictes, L. Æmil Consul qui gardoit des places sur la mer Adriatique, aduertý du passage des Gaulois en Toscane, & comme ils approchoient de Rome; de bonne fortune se hastoit, pour à point se trouuer au secours des siens. Et s'estāt venu camper fort pres des ennemis, ceux qui estoient assiegez se doutans de sa venue par les feux qu'ils voyoient, reprindrent incontinent courage, & de nuit jeterēt en vn bois voisin, aucuns de leurs gens sans armes; par lesquels ils aduertirent les Consuls de leur estat, & cōme les choses estoient passées. Æmil qui n'auoit pas le loisir de deliberer sur ce qui se presentoit, commande aux colonnels de son armée, dès le point du jour mettre les pietons aux champs: & luy accompagné des gens de cheual; mene ses forces vers le Tertre, duquel nous auons parlé. D'autre costé les capitaines Gaulois, ayans opiniō de la venue des ennemis par les mesmes feux apperceus de nuit, suivirent l'aduis duquel Aueroeste fit lors ouuerture; qui estoit, qu'ayāt ja gaigné vn si grand butin (car il y auoit quātité de prisonniers, & autre proye) il ne falloit plus s'en hazarder. Et pource, il luy sembloit qu'apres s'estre deschargez du bagage en leur pays, ils pourroiet puis apres aduiser de retourner pour combattre les Romains. Ce cōseil pleut à cha-

cun; & suyuant iceluy les Gaulois chargez de pillage partent deuant le iour; *L'An du Monde.* prenâs le chemin de la coste de la mer de Toscane. Lors L. Æmil ayant recueilly le reste de l'armée assiegee au Tertre, se mit à suyure les Gaulois, resolu qu'il ne luy estoit expediât de hazarder vne bataille, mais plustost en les suyuant, espérer le temps & les cômoditez des lieux: pour (s'il luy estoit possible) leur nuire en quelque chose, ou recouurer partie du butin qu'ils emmenoiënt. Sur ce point Attil l'autre Consul qui reuenoit de Sardaigne avec son armée, descendit à Pise; & ayant mis ses gens à terre, print le chemin de Rome avec ses forces, tout par celuy mesme que tenoyent les ennemis, & comme s'il les eust voulu rencontrer. Or les Gaulois approchâs d'une ville de Toscane appelée Telamon, leurs auant-coureurs tombez entre les mains de ceux d'Attil, furent prins: & interrogez, declarerent au Consul comme les choses anoyent passé. Que toutes leurs forces estoient fort pres de là, & que L. Æmil les suyuoit en queue. Lors Attil, partie s'esmerueillant de telle aduanture, & aussi en partie rempli de bonne esperance, pour voir que les ennemis par le moyen du chemin qu'ils tenoyent estoient enclos entre deux armées Romaines; commande aux Tribuns (c'estoient des capitaines d'une cohorte ou Regiment de gens de pied, volontiers contenant mille hommes) de ranger l'armée en bataille, & aller le pas contre les Gaulois, faisant marcher leurs gens de front, tant que les lieux le permettoient. Et quant à luy ayant remarqué sur le chemin vne colline propre pour s'en seruir, au pied de laquelle il failloit que les Gaulois passassent, il picque deuant avec ses gens de cheual, à fin de la saisir; & se hazarder le premier: estimant que par ce moyen la plus grande partie de l'honneur luy demeureroit. Les Gaulois qui du commencement ignoroient la venue d'Attil, pensans qu'Æmil parti de nuit fust venu avec sa cheualerie, gaigner le premier les passages, enuoyerent incontinent leurs gens de cheual, & partie de ceux qui estoient plus deliures pour prendre la colline. Toutesfois aduertis de la venue d'Attil par les prisonniers qu'on leur amena, ils sont viftement passer leurs gens de pied, & dressent leur bataille de telle sorte, qu'elle auoit deux fronts tant en l'arriere, qu'auant garde, voyâs qu'ils estoient suiuis en queue par les vns, & s'attendoient de rencontrer les autres de front; tant pour les aduertissemens qu'ils en auoyent receus, que l'estat des choses presentes. Æmil aussi aiant encores bien entendu la descente de l'armée Romaine à Pise; toutesfois n'estimât pas qu'elle fust si pres; par l'escarmouche attaquée pour la colline, cogneut lors clairement qu'elle s'estoit approchée: ce qui fut cause qu'il enuoya tout soudain ses gens de cheual secourir les siens qui combattoient. Et encores ayât luy mesme ordonné ses gens de pied à la façon accoustumée, les mena contre les Gaulois; lesquels enclos par les Romains, mettent sur l'arriere-garde ceux d'entre-deux qui estoient des Alpes, nommez Gessares; s'attendants recevoir Æmil de ce costé là, & apres eux les Insubres. Ceux de Thurin & les Boïens habitans sur le Po, furent rangez en l'auant-garde, ayans au dos les Gessares, & regardant droit où Attil les deuoit charger. Quant aux chariots & biges, ils furent mis sur les aïsses, & le butin retiré en vne colline, avec aucuns soldats pour la garde. Ainsi les Gaulois dresserent vne armée à double front, terrible

## PREMIER LIVRE

*An du à voir; & quant & quant merueilleusement propre pour bien faire. Les Boïés*  
*deinde.* & Infubres, faisoient grand estat de ceux qui portoient des sayons & cuissots. Mais les Gessates tant par brauade que hardiesse, ostans tout cela se presenterent les premiers del'armée tous nuds avec leurs armes de mains; cuidās par ce moy- en estre plus à deliure, d'autāt que le lieu plein de brossailles, sēbloit les deuoir empescher, accrochans leurs vestemens, & les garder de manier leurs armes. Du commencement, le combat se faisoit sur la colline à la veuē de chascun, & entre les gens de cheual accourus des deux armées, en si grand nombre qu'ils s'estoiēt mezlez les vns parmi les autres. Là fut tuē le Consul Atil, pour s'estre trop aduancē; & la reste portée aux Roys Gaulois. Cēneantmoins, les gens de cheual Romains, qui brauement soustindrent l'effort, demeurèrent en fin maistres de la place; & incontīnēt apres les escadrōs de pied se venans heurter, commencerent vne bataille tres-cruelle. Or la contenāce de oes gens nuds qui marchoiēt deuant l'armée estoit effroyable, se faizans cognoistre & remarquer pour la grandeur de leur corps, & leur maniere de faire; avec ce que ceux qui commandoiēt parmy eux, estoient parez de coliers, chaisnes, & brasselets d'or. Ce que les Romains voyans, estoient en partie estonnez, & en partie aussi menez d'vne bonne esperance, laquelle doublement les encourageoit à se presenter au danger. En fin leurs archers ayans (comme de coustume) bien employē leurs fleches, & tirē dru & menu, les Gaulois par derriere se garantirēt aisement de telle gresse, par le moyen de leurs sayons & cuissots. Toutesfois ceux qui estoient nuds, & au deuant des bataillons furent deceus; voyās que la chose alloit autrement qu'ils n'auoient pensē. Car leurs escus ne pouans les couvrir entierement, pource qu'ils estoient nuds & auoient grand corps, ils en furent plus aisēmēt percez des fleches. A la fin blesez & molestez de plus en plus, & voyans qu'ils ne pouuoient s'en venger sur les archers, tant pour estre esloignez d'eux, que pour la quantité des traicts volants par tout; ils entrent en tel desespoir, que comme forcenez, les vns par colere & sans raison, se ietterent au milieu de leurs ennemis, où ils furent tuez sur le champ; & les autres estonnez de la mort des leurs, rompirent les rangs de leurs bataillons. Ainsi donc la brauade des Gessates, & leur orgueil, furent chastiez par le traict. Pour le regard des Infubres Boïens, & Turinois, incontīnēt que les archers Romains se furent retirez vers leurs gens, ils commencerēt le combat de main à main, & là fut grande & aspre la rencontre. Car encores que les Gaulois fussent mal menez, ils tenoient bon neantmoins, iusques au dernier soupir: combien qu'en general & particulier, l'aisance & commoditē des armes leur manquaist. Aussi Polybe en vn autre endroit racontant vne bataille d'euxmesmes, dit que leurs espées n'auoient qu'vn puissant coup en fendant, & incontīnēt apres le taillant s'en rabbatoit, demourans mousses & faussées: de sorte que qui ne leur donnoit loisir de les redresser (ce qu'ils faisoient, les appuyans contre terre) le second coup en estoit du tout inutile. Mais apres que la cheualerie Romaine rangēe sur vn costau à main droicte & à la poincte de la bataille, de grand randon se fut iettée sur les Gaulois, alors les gens de pied furent tous occis, au lieu où ils auoient esté rangez; & ceux de cheual le gaignerent



## DES ANTIQVITEZ GAVLOISES.

à la fuite. Il mourut en ceste bataille quarante mille Gaulois, & en fut pris non moins de mille: entre lesquels se trouua le Roy Congolitan. Aueroëste l'autre Roy, s'estant sauué en quelque lieu, se tua, & aucuns de ses plus proches parés. Ainsi deuint à neant ceste grosse puiffance, qui nagueres auoit mis en tres-grande crainte, non seulement la ville de Rome, mais aussi toute l'Italie. Ceste bataille fut donnée l'an du monde trois mil sept cens quarante vn, & auant Iesus Christ deux cens vingt vn.

*L'an du  
Monde.  
3741.  
Auant  
Christ.  
222.*

### CHAP. XIIII.

*Victoire des Romains sur les Gaulois Italiens. Defaite de Bituit Roy d'Auvergne, & aduancement des Romains de ça les monts.*

**Q**UOMBIEN que mon intention ne soit d'escrire les particularitez des choses aduenues en Italie, si est-ce que ie n'ay peu passer vn tel voyage, tant pource qu'il y auoit des Gaulois de deça les monts, que pour monstrier leurs armés & façon de combattre, ioinct que ceste deffaire, fut vne bonne cause de la ruine de ceux qui s'estoient logez en Italie. Car les Romains prenans là dessus occasion, l'an d'apres enuoyerent C. Fulue, & T. Manlie avec vne grosse armée, qui mit le pais des Boiens d'Italie sous leur obeissance, nonobstant qu'ils fussent empeschez de paracheuer le reste de leur entreprise, par les pluyes & maladies suruenues. Mais P. Furius, & C. Flamin Consuls apres eux, ayans receu en amitié & confederation le peuple des Auanes, qui est voisin de Marseille, passerent des legions Romaines en Insubrie, & quand ils eurent pris en leur alliance les Gaulois Cénomans, apres plusieurs batailles & rencontres, contraignirent les Insubres à demander la paix. Finalement la ville de Milan prise par le Consul Cn. Cornile, les Insubres se rendirent eux & leur pais, sous l'obeissance des Romains: lesquels aussi enuoyerent vn nombre de leurs Bourgeois (ils appelloyent cela Colonie, que nous pouuons dire peuplade) habiter Cremonne, Plaisance, & autres villes, à fin de tenir en bride les Gaulois; la seigneurie desquels eut telle fin, pour le regard de ceux qui iadis entreurent en Italie. Car encores que bien tost apres, ils semblassent reprédrer les armes à la venue d'Annibal capitaine Carthageois, ils ne feirent oncq' puis beau fait. Et apres qu'on eust contraint cest Afriquain d'abandonner sa conqueste, les Gaulois Italiens furent bien tost rangez par force ou de leur gté, sous la puiffance Romaine; quand ils furent vaincus par L. Furius: l'an du monde *mm. cccc. ccc. lxxv.*, cest à dire *ccvi.*, ans *3766.* auant Iesus Christ; & encores par L. Cornil son successeur, puis par L. Furius & Claude Marcel, l'an du monde *mm. vii. c. lxx.* Les Boiens d'Italie eurent pareille fortune sous le consulat de L. Cornile & Q. Minut. A la fin C. Nasica en receut l'obeissance, *clxxviii.* ans auant Christ. Et comme si la fatalité eust pour suyui ceste nation par tout, Cn. Manlius Consul, deux ans apres vainquit aussi les Gaulois Grecs habitans de l'Asie; & les Romains faicts seigneurs d'Italie, Sicile, Grece, & de la pluspart d'Espagne, appriuoiserent tellement le pais

*3766.  
Auant  
Christ.  
197.  
Du  
Monde.  
3770.  
188.  
186.*

# PREMIER LIVRE

*L'An du* conquis sur les Gaulois Italiens, & y menerent tant de Colonies, qu'à la fin ils  
*Monde.* se Romaniserent, & souffrirent appeller leur terre Gaule Togate, pour la raison que i'ay dite cy dessus. Quant à ce qui est deçà les monts, principalement le païs qui touche à l'Italie; comme Sauoye, Daulphiné, Prouence & Langue-

*Auant* qu'ad Fuluius Flaccus eut essayé & fondé les forces des habitans cxxii. ans auât  
*Christ.* la natiuité de Iesus Christ, lors que ce capitaine Romain fut éuoyé au secours,  
 123. des Maresillois cõtre les Falanes Gaulois. Et puis il fut couru & gasté de petites rencõtres par Sextius, lequel ayant vaincu les Saliés, bastit la ville d'Aix (main-

*L'An du* tenant capitale de Prouence) enuiron l'an du monde trois mil huit cens XLIII.  
*Monde* auant Christ cxx. ans inuité à ce faire par la bonté des eauls chaudes & froides,  
 3843. & pour seruir de garnison à l'encontre des Gaulois. Mais soit que les Romains  
*Auant* eussent desir de ioindre l'Italie à l'Espagne, ou trouuassent le terroir bon &  
*Christ* plaissant, ils nommerent ce quartier, la Prouince des Romains, comme par vne  
 120. excellence. L'essay qu'ils feirent lors des forces Gauloises, au païs mesme de

Gaule, fut cause du commencement de la guerre qu'ils entreprendrent avec vne telle occasion. Teutomal Roy des Saluuiens (qui est Saluces) fuyant de son païs n'agueres conquis par les Romains, fut receu des Allobroges comme voisin, & secouru par eux. Outre cela, les mesmes Allobroges auoient couru le païs des Authunois alliez des Romains. A ceste cause Cn. Domitius entra en Daulphiné, & cxix. ans auant Christ, gagna vne bataille pres Vandalie, ville  
 119. assise sur les conflans des riuieres de Sorgues & Rhosne, où mourut grãd nombre d'Allobroges. Iquesquels soustenus par Bituit Roy des Auerngnats, fort riche prince, Q. Fabius Maximus Consul, fut l'an d'apres enuoyé de Rome, accompagné de trente mil hommes pour acheuer ceste guerre. Ce Bituit estoit fils de Lucrie, prince tant pecunieux, que par magnificence, & pour monstrier son grand auoir, en allant par les champs il espandoit çà & là de l'or & de l'argent, que ceux qui suyoient son chariot pouuoient ramasser. Il presumoit aussi tant de ses forces (ce disent les auteurs anciens) qu'oyant parler du petit nombre des Romains, il les mesprisait, disant qu'il n'y en auoit pas, pour de leurs charongnes repaistre les chiens de son armée. Mais nonobstant qu'il fust suyui de cent quatre vingts mille hommes, il perdit la bataille: pour l'effroy que les cheuaux Gaulois eurent des Elephans de l'armée Romaine. La deffaitte fut aux conflans de l'Isaire, & du Rhosne, où il demoura des gens de Bituit, cent cinquante mille hommes, ou cent vingt, selon Appian: non que si grãd nombre eust esté tué sur le champ, ains par vn incohuenient. Car Bituit pensant que le pont ja fait sur le Rhosne, ne fust suffisant pour passer si grand peuple que le sien, en feit faire vn autre sur des radeaux couuerts d'aix; liez à chaines & cordages: lequel se trouuant à la deffaitte, ou trop chargé de fuyans, ou disjoint trop à la haste, feit noyer ceux qui se hazarderent de passer par dessus. La ioye de ceste bataille gagnée fut si grãde, que nonobstant que les Romains n'eussent accoustumé de reprocher leurs victoires aux peuples vaincus, Domitius & Fabius feirent dresser sur le lieu où les batailles auoient esté donnees, des tours de pierre chargées de despoilles pour marques & trophées de leurs victoires.

victoires. Et craignant que les Gaulois s'esmeussent d'auantage, quand Bituit *L'an du*  
 vint à Rome pour s'excuser, il fut retenu, nonobstant le sauf-conduit à luy *Monde.*  
 donné; & enuoyé prisonnier en la ville d'Albe, ne trouuans bon les Sena-  
 teurs, de le laisser retourner en son pais. Et qui plus est, ils ordonnerent que  
 Cogentiac son fils, seroit saisi au corps & amené à Rome. Ainsi print fin la  
 guerre des Allobroges, apres auoir duré cinq ans; & le pais reduit en Prouince.  
 L'on pardonna aux Auuergnats qui se disoient freres des Romains, & aux Ru-  
 tenois, qui peuuent estre ceux de Rhodéz. Et les Romains pour s'asseurer du  
 pais, se contenterent de mener des Colonies en Gaule Braccate; comme ia ils  
 auoient fait à Narbonne; surnommée Martienne; & peuplée cxxix. ans auant *389.*  
 la venue de nostre Seigneur Iesus Christ. Toutesfois la paix ne dura longue- *Auant.*  
 ment de ce costé, car les Gaulois eurent bien tost leur reuange, par le moyen *Christ*  
 des Tiguriens (c'est le canton de Zurich) qui l'an du monde M M M. VIII C LIX. *129.*  
 tuerent L. Cassius Consul: & deffirent son armée au pays des Allobroges: la-  
 quelle par mocquerie, ils contraignirét passer sous des picques croisées. Tost  
 apres voicy les Cimbres (aucuns disét ce mot signifier brigads en vieil langage  
 Gaulois: & ceux qui pensent que ce fut vn peuple, disent; qu'ils ont tenu le pais  
 de Frize, Dannemark & Saxe) lesquels ayans mis en pieces l'armée Romaine,  
 tué Scaure Lieutenant de Consul, & donné la chasse à celles de Manlius &  
 Scipion autres Lieutenans Romains, se ioignirent avec les Tigurins & Am-  
 brons peuples Gaulois, courans le pays du long du Rhosne, & tout le Langue-  
 doc. Ce fait ils vont en Espagne, d'où chassez par les Celtiberes, ils retourne-  
 rent en Gaule, & se ioignirent à vne vaillante nation appelée Teutones: venue  
 de Germanie. Ce neantmoins ils furent vaincus pres d'Aix en Prouence, par C.  
 Marius capitaine Romain: pour memoire de quoy aucuns (mal à propos) cui-  
 dent que fut dressé l'arc qui est pres de S. Remy, ville distante d'Arles de qua-  
 tre lieuës, & huit d'Aix. Car la bataille qui est représentée aux deux faces du  
 Mausolée voisin, est d'une autre nation. Côme aussi est faulx que les Romains  
 feirent saillir à leurs cheuaux les femmes Teutonnes. Ce que me voulant quel-  
 qu'un faire croire en contemplant la bataille représentée à demy bosse audit  
 Mausolée, j'ay remarqué, qu'un cheual sans cheuauteur se iettoit sur vne  
 femme renuersée (à la verité les iambes ouuertes) mais ayant un homme der-  
 riere, qui estoit son bras, comme pour garder le cheual de passer sus le ven-  
 tre de ceste femme cheant: & l'inscription qui porte ces lettres S B X. L. M.  
 I V L I A. I. C. F. P A R E N T I B V S S V I S. monstre que c'est vne autre bataille.  
 Le mesme Marius accompagné de Catul, deffit encores derechef en Italie les-  
 dits Cimbres: en si grand nombre, qu'on dit qu'il y mourut plus de deux cens  
 mille hommes, outre quatre vingts dix mille de prisonniers. Le courage de  
 leurs femmes merite bien d'estre remarqué; car apres la bataille gaignée, les  
 Cimbrienes enuoyerent prier qu'on sauast leur honneur, à la charge de seruir  
 aux Religieuses de Vesta (c'estoiet des filles fort honorées à Rome pour le vœu  
 de chasteté qu'elles faisoient entrans au seruice de ceste deesse) ce que leur  
 estant refusé, elles combattirent longuement de dessus leurs chariots; employas  
 toutes sortes d'armes pour leur deffense, & iusques aux corps de leurs petits

*L'An du monde.* enfans, qu'elles iettoient contre les soldats Romains: Finalement se voyans pressées de tous costez, les vnes se tuerent, les autres se pendirent aux cercles de leurs coches: ayans fait des laqs de leurs cheueux, pour estrangler leurs enfans demourez vifs. I'adiousteray que celuy qui a fait la carte du pays de Tirol remarque vn lieu qu'il intitule *Aqua Sextia*: comme si la premiere baraille auoir esté donnée en Italie; contre l'opinion de la pluspart des auteurs. Ces victoires sur les Cimbres & Teutones qui aduînèrent l'an du monde trois mil viii. c. lxiiii. & xcix. auant nostre Seigneur Iesus Christ, assuerent les Romains en leurs conquestes de Daulphiné & Prouence, voire par tout le Languedoc, lors reduit en Prouince Romaine, avec le pays (an lieu de Gaule Braccate) appellé Gaule Narbonnoise, pour la colonie enuoyée sur les confins de Gaule & d'Espagne. Bien est vray que Nysmes & autres villes alliées, encloses dans ceste nouvelle Gaule, furent laissées en leur liberté, sans estre sujettes aux Preteurs & loix Romaines.

3864.  
*Auant*  
*Christ.*  
99.

C H A P. X V.

*Venue de Cesar en Gaule: Sa victoire contre Ariouiste.*



**Q**UANT au reste des Gaules, il fut conquis en dix ans par Iules Cesar, sous vne telle occasion. Il y auoit en ce pays deux factions qui le tenoient en diuision; non seulement par les villes, mais aussi par les bourgs & villages, voire en chacune maison. Ceux qui pouuoient gagner le plus grand credit & autorité parmy eux, estoient chefs de ces partis, & gouernoient tout, ainsi qu'il leur plaisoit: ayant ceste façon de faire esté receüe de long tēps, à fin que le foible trouuant qui le soustint contre vn plus puissant, n'eust faute d'appuy. Car tels chefs de factions, ne souffrirent greuer ceux qu'ils auoient en leur protection. Ainsi estoient diuisées les Gaules & leurs citez du temps que Cesar y entra; qui fut l'an du monde trois mil neuf cens huit, & auant nostre Seigneur Iesus Christ, cinquante six ans. Les Edués (ils tenoyent le pays d'Augstun) estoient pour lors chefs d'un party, & les Sequanois de l'autre. Ceux cy comme moins puissans (pource que de tout temps les Edués estoient en autorité & auoient beaucoup de clients, ou vassaux) s'allierēt des Germains & d'Ariouiste, vn prince de Germanie, qu'ils gaignerent sous l'esperoir de grandes promesses: mais à leur grand dommage. Les Sequanois donc appuyez sur tel secours, combattirent tant souuent contre les Edués, qu'après la mort de plusieurs nobles Eduens, ils tirèrent quant & quāt la meilleure partie de leurs clients, & recourēt pour ostage les enfans des principaux, auxquels ils firent iurer publiquement de n'entreprendre aucune chose au domage des Sequanois, & qu'une partie des terres voisines occupées par eux, leur demeureroit en propriété avec la principauté sur tous les Celtes. Parquoy Diuitiac seigneur Eduen, fut cōtraint d'aller à Rome demander secours: mais il retourna sans rien faire pour ce coup, & jusques à ce qu'une autre occasiō se presentast. Il y auoit entre les Heluetiens,

3908.  
*Auant*  
*Christ.*  
56.

vn gentil-homme bien estimé, appelé Orgetorix; lequel desirant estre Roy, persuada à ceux du pays de sortir de leur contrée, qui (ce disoit-il) estoit trop petite pour nourrir si grand nôbre de peuple; & que sous la couuerture de telle sortie, facilement ils obtiendroient la principauté du reste de la Gaule, estans les plus vaillans de tous les autres. Toutesfois auant l'execution de ce dessein, Orgetorix adiourné en personne pour venir rendre compte de telle brigue, voyât qu'il ne pouuoit euer la punitiô du feu à laquelle il estoit destiné par les loix, nonobstant l'assemblée de ses clients, montâs iusques à dix mille hommes, fut trouué mort: soit qu'il se tuast soy-mesme craignât la peine, ou que ceux de son opinion repétis l'eussent fait mourir. Toutesfois les Heluetiens ne rôpirent l'entreprise. Car ayans fait par trois ans la plus grande semence de bleds qu'ils peurent, avec fort grand charroy; garnis de viures & farines pour trois mois, ils mirent le feu au reste; prenans la route du chemin entr'eux delibéré. Dont Cesar ( lors Consul de Rome, & à qui les Gaules estoient escheues à gouverner, ou guerroyer ) aduertty, se vint presenter aupres de Geneue, où ils deuoient passer: & ayant fait en ce destroit vne muraille & rampart bien flanqué les contraignit prendre le chemin plus haut, par les Sequanois; qui leur accorderent passage à la persuasion de Dumnoris Eduen, gendre de feu Orgetorix. Or Cesar qui sçauoit la deliberation des Heluetiens, estre d'aller loger au pays des Santones (aujourd'huy Xaintôgeois) assez prochains des limites de la prouince Narbônoise, & qu'il n'estoit vtile qu'une nation tant belliqueuse se mist en possession de terres si grasses, fromenteuses, & larges: & encores si pres des Romains (par cecy l'on peut iuger le territoire de Thoulouse, & de Xaintonge, auoir esté plus grand qu'il n'est aujourd'huy) se resolut de les empêcher; estant encores semons à ce faire par les Eduens, qui se plaignoient que leurs heritages, & ceux de leurs voisins & parens Ambares (on pense que ce soyent les Nivernois, ou Charrolois) estoient pillez des Heluetiens: & leurs enfans menez esclaves, à la veue de l'armée des Romains leurs alliez, qui ne le deuoient endurer. Ceste plainte accompagnée d'une autre pareille des Allobroges, esment Cesar à courre sus aux Heluetiens, qui s'aduançoient: ayans ia fait passer la riuere d'Arar (aujourd'huy la Saone) aux trois quarts de leur armée, & ne leur restant plus que l'autre quatriesme partie, composée de Tiguriens, qu'il deffit au passage de ceste riuere. Puis se mettant à la queue des autres, il combattit & vainquit pres Bibracte (qui est Beueret, vn village à quatre lieues d'Augstun, que d'autres pensent estre Beaune.) Le reste des Heluetiens comptez à cent trente mille, se sauua du costé de Langres. Et neantmoins, Cesar ayant pris ostages d'eux les renuoya en leurs maisons, de crainte que les Germains n'occupassent leur pays vuide d'habitans. Le nombre de ces Heluetiens montoit à trois cens mille, quand ils sortirent de leur pays, en y comprenant femmes & enfans, desquels il ne retourna que cent dix mille, de compte fait. Les Sequanois (comme cy deuant i'ay dit) auoient appelé les Germains afin de leur aider: mais Ariouiste ayant gagné vne bataille, & bien battu les Eduens, estoit deuenu tant insolent & rogue, qu'il vouloit chasser les Sequanois d'une tierce partie de leur terre, sous vmbre de la venue des Harudes,

## PREMIER LIVRE

*L'an du Monde.* peuple voisin de Constance, nouvellement passez en Gaule, qu'il vouloit loger pres de soy. Cesar donc tant pour la plainte que luy en feirent les Edués, que de crainte qu'Ariouiste & ses Germains ne deuinssent trop puissans es Gaulles, pressa ce Roy de rendre les ostages qu'il tenoit; & à faute de l'auoir fait, il luy donna bataille à cinq mil pres du Rhin; laquelle il gaigna: contraignant Ariouiste se sauuer en vn petit barreau, outre ceste riuere. Ie trouue que le Roy Germain auoit en son armée plusieurs nations, ou sortes de gens, à sçauoir les Harudes, les Triboces (que l'on pense auoir esté voisins de Strasbourg) les Vangions (ils tenoient le pays de Vormes) Nemetes (ils tenoyent celuy de Spire) Sedusiens (que d'aucuns prennent pour Sion, entre les montagnes de Sauoye) combien qu'il n'y ait pas grande apparence, veu qu'ils n'estoient pas de Germanie.

### CHAP. XVI.

#### *Conqueste de la Gaule par Cesar.*



Es victoires de Cesar ne donnerent pas moindre frayeur aux Gaulois, qu'auoit fait la venue d'Ariouiste: par ce que la Noblesse toute accoustumée de gaigner credit, & la principauté des villes par dons & courtoisies, craignoit estre empeschée d'y paruenir, si les Romains faisoient long sejour en leur pays. Ceste doute entra en l'esprit des Belges plus qu'aux autres, & seruit d'occasion pour leur faire prendre les armes, & s'assembler: de sorte que les Beauuoisins (lors estimez les plus vaillās des Belges, & auoir plus grand peuple) meirent aux champs soixante mille hommes armez. Les Soissonnois cinquante mille, tirez de douze villes à eux appartenantes. Les Neruiens (ils tenoient le pays voisin de Tournay) autant: les Atrebares (qui sont Artoisiens) & Ambianes (qui sont Amienois) auoyent dix mil hommes. Les Morines (qui sont Terouanois & partie de Flandres) vingt cinq mil. Les Menapiens (qui tenoyent vne autre partie de Flandres, ou de Gueldres) dix mil. Les Calètes (qu'on pense estre Calais, mais plustost ceux de Caux) dix mil. Les Velocasses (qu'on dit estre Casselet en Flandres) & les Vermandois, dix mil. Les Aduatiques (qui tenoient partie de Brabant, vers Bosleduc) dix sept mil. Les Condures (ce sont ceux de Condrots) Eburones (ils tenoient Liege Ceresiens (ce sont Ribarols) Poëmenes (habitans vne partie de Brabant) & Peelaudres, estoient quarante mille, faisans en tout, deux cens quatre vingts deux mille hommes. Mais nonobstant ce grand nombre, ils furent deffaits pres la riuere de Sambre, ioignant la ville de Bibras (qui est Bray de Rethelois, autres disent Brenne sus Vesle) ainsi qu'ils se vouloient retirer. Dont Cesar enfiery, apres auoir pris ostage des Soissonnois, Beauuoisins, Amienois & autres, vint chercher les Neruiens, les plus farouches de tous les Belges. Car ils ne souffroient que les marchans frequentassent en leur pays, ou leur apportassent du vin & autres denrées, qui pour leur plaissance amolissent & endor-

ment le courage & la vertu des hommes. Ce neantmoins Cesar les deffit, & gagna sur eux vne si grosse bataille, que de six cens Senateurs, il n'en resta que trois; & de soixante mil du peuple, que cinq cens. Cependant, Crassus ieune gentilhomme Romain, & Lieutenant de Cesar, receut l'obeissance des Venettes (c'est le pays de Vannes) Vnelles (qui sont Percherons, ou ceux de Caen) Osimes (qui est Landrignier, ou selon d'autres Yesme de Normandie) Curiosolites (c'est Cornouaille) Sefuuiens (c'est Sées) Aulerques (ce sont Cauchois) Rhedones (c'est Rennes) & la pluspart des villes maritimes, appellées Armoriques en langue Gauloise, pource qu'elles estoient assises sur la mer, & desquelles il prit ostages. Toutesfois ainsi qu'il huiernoit à Angers, les Venetes arresterent les ambassadeurs ou deputez Romains, comme aussi firent tous les autres peuples à leur exemple; cuidans recouurer leurs ostages. Dequoy Cesar aduertty, vint au pays pour chastier les Venetes. Et nonobstant qu'ils fussent appuyez des forces des Osimes, Lexouiens, Nanetes (ce sont Nantois) Ambliates (c'est Lamballe) Morines, Diablintres (c'est Leondoul) & Menapiens, & eussent amassé deux cens vingt cinq nauires, qui auoient les voiles de cuir, & les ancrs liées à chaines de fer, au lieu de chables, attendans encores secours de la grand Bretagne, ils furent vaincus en mer, & traittez bien rudement par Cesar (qui fit tuer tout le Senat de Vannes (c'est à dire la Noblesse, & vendit le reste) combien qu'ils se fussent rendus à sa mercy. Au mesme temps, Sabin vn autre lieutenant de Cesar, deffit les Aulerques, & les Eburonics (c'est Euxiens) & Lexouiens. D'autre costé, Crassus ayant forcé les Aquitans en leur camp mesme, contraignit les peuples cy apres nommez, tous habitans outre la Garonne, de luy bailler ostages. A sçauoir les Tarbelles (qui sont ceux d'Acs) Bigerrons, Vocates ou Voiates, Tarrusates, Elusates (plustost que Elusates) Garites, Lectoriens, Ausciens, Cocofates, qui ont donné le nom à ceux de Bigorre, Bazas ou Buch, Tursan, Eouse, & possible à ceux de Gabaret, de Lectoure, d'Aux & de Caucosat. Les Preciens Garronniens, & Sibutzates en furent aussi. Mais pource que ie n'ay peu remarquer ces trois derniers, ie pri-ray le lecteur m'excuser, en cest endroit, & par tout où j'auray oublié, ou ignoré le nom moderne des peuples, villes & prouinces. Car outre qu'il est impossible (& à tout le moins tres-difficile) d'en esclaircir la verité, il est aussi dangereux d'en asseurer quel que chose, de peur d'abuser ceux qui n'entendent les langues anciennes. Qui est la cause pourquoy ie me suis tenu à la commune opinion, & principalement à ceux qui ont parlé de leur pays naturel.

Or Cesar voyant que de tous les Gaulois il n'y auoit plus que les Morines, & Menapiens armez: & qui ne luy eussent enuoyé des ambassadeurs, fait marcher ses forces contr'eux. Toutesfois au moyen des pluies d'hier, & qu'ils s'estoient retirez aux marescages, il ne peut que faire couper vne partie des bois leurs seruants de forts, brasser & piller leurs pauvres maisons & villages. Ce neantmoins, à cause que les Tancteres & Vsiptetes (peuples habitans le long du Rhin de costé & d'autre, vers Iuliers, Gueldres, Berg & Hers) contrainsts de vider de leurs terres par les Suaves (aussi Germains) passez deça à l'édroit de l'emboucheure de Rhin, auoient chassé & deffait les Menapiens, habitans

## PREMIER LIVRE

*Van de* aussi des deux costez de ceste riuere, il luy fallut rassembler son armée. Lors se *Monde.* tournant contre eux, il les desconfit par vne ruse de guerre; encores qu'ils fussent iusques au nombre de quatre cens trente mille homes. Puis sur ce que les Sicambres (peuple de Germanie, demeurant outre le Rhin) auoit retiré partie des Vsiptes & Tacteres, il print occasion de les aller voir: inuité à ce faire par les Vbiés qui sont voisins de Cologne) au pays desquels il feit vn pont qui trauersoit le Rhin. Et apres auoir deliuré ces Vbiens des trauaux que leur faisoient les Suauens (par luy mis en route) retournant en Gaule, il rompit le pont, & vint guerroyer les Morines: desquels ayant bien tost eu la raison, & se voyât si pres de la grand Bretagne, il luy prit aussi enuie de passer la mer; faisant à ceste intention bastir des Nauires au pays de Meldes (c'est le territoire de Meaux & de la Brie, remarquable pour les forests) & les deualer iusques à la bouche de Seine: Lors par deux fois trauersant en la grand Bretagne, apres auoir estonné le Roy Cassinellaune, & tiré ostages du pays, il reuint en Gaule; ayant en ces deux voyages mis son armée en grand danger, tant pour ne cognoistre le naturel de ceste mer, sujette à flux & reflux, que pour la tempeste, qui endommagea ses vaisseaux. Or les Gaulois voyans comme Cesar conqueroit leur pays, s'esteuerent par le moyen d'Ambiorix, lequel vni avec les Neruiés, Eburons & Aduatiques, estoit aussi supporté par Induciomar Roy ou seigneur de Treues. Cest Ambiorix ayant taillé en pieces vne legion de soldats Romains (elle contenoit lors six mil deux cens homes de pied & sept cens trente de cheual) qui tenoient garnison au pays de Liège, soubz les Colonels Cotta & Sabin, donna la hardiesse à Induciomar d'assieger Q. Ciceron frere de l'Orateur. Pour lequel deliurer Cesar accourut vltiment; & deffit les Gaulois, dont il tua soixante mille. Cependant, Induciomar pensant surprendre Labien, vn autre Lieutenant de Cesar le vint charger: en intention que cestuy-cy deffait, il se ioindroit aux Eburons & Neruiens. Mais luy mesme perdit la bataille & fut occis en fuyant. L'hyuer d'apres assez paisible pour Cesar, fut suyui d'vn esté qui descourrit vne mutinerie, & souleuemēt de ceux de Chartres, Sens & Treues. Encores pour le comble, la guerre recōmença en Auvergne, à la sollicitation de Vercingetorix qui prit le nom de Roy, ainsi que Cotile son pere. La diligence de Cesar empêcha tous les moyens & preparatifs des Gaulois: Car ayant fait abandonner l'entreprise aux Chartrains, il enuoya Labien cōtre les Treuois, lesquels s'estās mis aux champs sous la charge d'Ambiorix, furent desconfits. Cesar deliuré de ce costé, apres auoir prins Genabe (qui est Orleans) plustost que Gyen (encores qu'il y ait vn faulx-bourg de ceste ville appellé Genabe) Auaricum aussi, & que Labien son Lieutenant, eut tué pres de Lutece (c'est Paris) Camulogene & tous ceux de sa suite, assieg. Alexie (qui est Aleize ville de Lauxois en-Bourgogne) & contraignit Vereingetorix à se rendre. Il deffit encores ceux de Beauuais, Caux, Amiens & Artois; tua Corbie chef des Beauuoisins, & mit en fuitte Comius chef des Artoisiens: qui pensoient recouurer leur liberté par le moyē des Beauuoisins: lesquels voyans Corbie mort, donnerēt ostages. En ce temps, ceux de Reims commencerent à se faire chefs & principaux des Gaules; chacun voulant estre en leur protection, à cause de la faueur que les Romains por-



roiet à ceste ville, laquelle aussi ne s'estoit armée cōtre eux. Or pēdant que Cesar passē en Italie, semble estre empeschē à d'autres affaires de la chose publique troublée par la mort de Clode factieux Tribun Romain, les Chartrains me nez par Cotuat & Conetodun, entreprennēt la deliurāce des Gaulois. Et d'autre part, Dunnac chef des Angeuins, ayā assemblē grand peuple de Poictou, vint assieger Dunnac, vn autre seigneur Gaulois qui s'estoit retirē dās Limoges. Dunnac Angeuin, aduerri que Canin & Fabie deux lieutenans de Cesar venoyent leuer son siege, ne se trouuant assez fort pour les combatre, & pensant soy retirer deçā Loire, par le pōt qui estoit sur la riuierē, fut chargē en chemin, & deffait par Fabius: qui tua douze mil de ses gens. Ceste route abbaissā les Chartrains si fort; qu'eux qui n'auoient iamais parlē de la Paix, quelque perte qu'ils eussent endurē, enuoyerēt des ostages; & se rendirent. Quant à Dunnac il s'enfuit au bour de l'Armorique, où il vesquit misérable. En ces entrefaites, Lucter & Drapes auoient releuē vne autre guerre au pays des Cadurques (c'est Quercy) & alliē ceste nation avec les Berruyers. Mais comme ils cuidoiēt attailler vne tref-forte ville du pays nōmée Vxellodun (qui est le Puy d'Yssoudū en Quercy, pres de Martel) ils furent desconfits par Canin; & Drapes fait prisonnier. Ce neantmoins les habitans ne se voulurent point rendre. Lors Cesar qui craignoit que les Gaulois se retirassent en lieux seurs, pour luy recōmancer la guerre, voyant aussi qu'il ne luy restoit plus qu'une annēe de sa charge, vint au siege de ceste ville, & en passant feit trācher la teste à Guturnat cause & chef de la rebellion des Chartrains. Vxellodun prins, il fait couper la main à tous ceux de dedans, qui pouuoiet porter les armes, à fin d'estonner les autres Gaulois; & par ceste punition exemplaire, retenir l'audace & l'ouurecuidance des meschans. Puis vint en Aquitaine, laquelle incontinent il conquist: pource que Crassus en auoit dontē vne partie. Et lors ayant mis quatre legions en Belges, deux au territoire des Eduens (qui s'apperceuaient trop tard de l'ambition de Cesar, s'estoient ioints avec les autres Gaulois) il en laissā aussi deux à Tours, cōtre ceux de Chartres, & le pays tirāt vers l'Ocean, & encores deux autres en Limosin, non gueres loing d'Auuergne, afin qu'il n'y eust partie de la Gaule sās garnison. Car ayant desir d'aller en Italie, il essayoit de laisser paisible le pays conquis, & entretenoit les villes en amitiē, sans leur donner occasion de prendre les armes, ne voulant à son partement faire ouuer ture à vne guerre, en laquelle les Gaulois bien volōtiers, & sans danger fussent entrez. A ceste cause, il caressoit les villes, il faisoit de grands presens aux chefs d'icelles, & n'y mettait aucunes impositions nouuelles, il contint en bonne paix le pays trauaillē de guerre, & qui voyoit bien que l'obeissance luy estoit plus profitable que la rebellion. Ainsi toutes les Gaules, hors mis ce qui est inaccessible à cause des marais & paluds, ie croy que les auteurs entendoient celles de Holande, Zelande & la basse Bretagne, furent conquises en dix ans par Iules Cesar: cōme il se peut voir aux Memoires par luy escripts de la guerre qu'il fit en ce pays. Où ceux qui voudrōt sçauoir plus particulierement l'estat des Gaules de ce tēps là, pourrōt trouuer grand contentement pour la gentille facon d'escrire de cest Empereur, non moins sçauant que vaillant. Qui est la cause pourquoy ie n'ay fait

*Plan de* *Monde.* ici qu'un abrégé de ce qu'il a dit: joint que son liure se trouue aussi tourné en langue François. I'adiousteray ce mot de Strabon auteur Grec, que les Gaulois estans d'un naturel simple & desirieux de suiure ce qui est droit & veritable, ils estoient faciles à esmouuoir, quand ils voyoient leurs parens & amis en dâger. Et pource qu'ils n'alloient tous ensemble à la guerre: aisement ils furent battus par un plus grand ou petit nombre mieux ordonné ou conduit. Si est-ce que Iosephe dit: Que les Romains ont guerroyé contre les Gaulois de deçà les monts l'espace de quatre vingts ans continuels, & il en appert par ce que i'ay cy dessus raconté. Car quand Cesar ou les autres disent, que les Gaules furent conquises en dix ans: ils entendent parler du pays qui est entre Lyon, la mer Occéane, la Normandie, Picardie, Flandres, & le cours du Rhin.

## CHAP. XVII.

*Changement de l'Estat de Rome en Monarchie: Forts bastis par Auguste sur le Rhein. Transport des Sicambres en Gaule.*



INSI donc Cesar enflé de la reputation de telle victoire, accompagné de bon nombre de gensdarmes Gaulois, s'achemina en Italie pour acheuer les autres entreprises; où il eut tant d'heur, qu'après auoir vaincu Pompée le Grand, & son party: appuyé des forces Gauloises non moins que des Romaines, il se fit Dictateur perpétuel de la chose publique de Rome: un magistrat d'autorité Royale, & duquel les Romains n'vsoient qu'en necessité. Vray est que Cesar épesché à poursuiure le reste des partisans de Pompée retirez en Afrique sous l'appuy du Roy Iuba, les Beauuoilins se reuolterent; & furent vaincus par Brut son Lieutenant: Ce qui fit demourer tout le reste de la Gaule en bonne paix. Mais Cesar tué l'an du monde trois mil neuf cens vingt & vn, & auant Iesus Christ quarante deux ans, l'estat de Rome tumba derechef en diuision, pour le differend surueni entre Antoine, Lepide & Octauian depuis nommé Auguste, trois seigneurs Romains, qui s'estoient saisis des principales prouinces. Antoine tenoit l'Orient, Lepide l'Afrique, & Octauian (petit fils de la sœur de Cesar) l'Italie, avec les soldats de son Oncle. Par le moyen desquels après qu'il eust despouillé Lepide de ses forces, abusé & depuis contraint Antoine de se tuer, il empieta l'Empire, y pratiquant les soldats par dons, le peuple par abondance de viures, & chacun par la douceur d'un paisible gouvernement. Puis s'agrandissant peu à peu, il tira à soy ce qui estoit de la charge du Senat, des magistrats & des loix, sans estre contredit d'aucun, pource que les plus farouches estoient morts en batailles, ou par proscriptions, & que le reste des Nobles voyans les plus prompts à seruir estre esleuez aux biens & honneurs, voire aduancez par le moyen de telle nouueauté, ayma mieux ce qui estoit assésuré & present, que les choses anciennes, mais dangereuses. Ainsi l'estat de Rome ayant par Auguste

392.  
Avant  
Christ.  
42.

guste esté changé de Republicque en Monarchie, les Prouinces de l'Einpire Romain ne trouuerent mauuais ce changement : pource qu'elles n'estoient point assés sous le gouvernement du Senat & du peuple ; à cause des querelles des grands, l'avarice des magistrats, & qu'il n'y auoit pas grand support aux loix; puis qu'elles estoient renuersées par force, par menées, & finalement par argent. Au reste, Auguste Cesar estant venu à bout des guerres ciuiles, redressa la police de Rome : enuoyant des magistrats par les Prouinces. Et apres que par le moyen d'Agrippe, il eut chastié les Aquitains, qui s'estoient souleuez durant la guerre des Cantabres (ce sont Nauarrois & Biscains) il vint luy mesme à Narbonne, donner ordre aux affaires de la Gaule; qu'il diuisa en quatre : auançant (comme i'ay dit) l'Aquitaine iusques à la riuere de Loire, & imposant les cens par toutes les Prouinces que Iules Cesar auoit conquises, & chargées seulement de quatre cens mille Sesterces, reuenans à vn million d'escus, au calcul de Budé. Le mesme Auguste voulut que la Narbonnoise payast vn cens reel, & les autres personnel; qui du commencement ne peut estre bien aisément leué, par la malice d'un Gaulois nommé Licinie, affranchi de Iules Cesar. Lequel estant employé par Auguste au gouvernement de Gaule, trouua la le pais de leuées tant extraordinaires, qu'il ne laissa rien d'entier aux habitants. Outre cela, il deuint si insolent, que nonobstant que le cens se cueillist tous les mois, il en vouloit compter quatorze en l'an; disant que Decembre estoit le dixiesme mois, côme il apparoiſſoit par son nom, & que les deux autres s'appelloient Augustes. Estant accusé deuant l'Empereur pour ses concussions, il le mena en sa maison; où luy monstrant de grands ras d'argent, il luy fait croire qu'il les auoit assemblez pour affoiblir les Gaulois; & les ayant gardez à ceste intention, il luy en faisoit lors vn present. Ce neantmoins la chose ne passa ainsi legierement; car les Gaulois auoient pris les armes: & les mutins retirez en Germanie vers leurs parens, voisins & allies, esmeurent les Siscambres: lesquels conduits par vn nommé Melon, furent accompagnez des Vespètes, & Tanctères. Puis apres auoir tué quelques Romains trouuez en leur pais, trauerſerent le Rhin, & coururent les Gaules: mettans en route la cheualerie Romaine. Cè qui fut cause qu'Auguste tint des garnisons le long du Rhin, pour empescher les Germains de passer deçà: d'autant que les Romains n'auoient fait cas que des parties mienx peuplées & labourées, laissant tout expres les autres qui leur sembloient de peu de valeur, froides & steriles. Et l'Empereur non content d'auoir repoussé les Germains outre le Rhin, pourſuiuit les Vespètes, Tanctères, & Castes. Lesquels par l'entremise de Druse fils de sa femme, il chassa delà les riuieres de Vefèr & d'Elbe: faisant bastir deux ponts, l'un à Bonne, & l'autre à Gesome; & plus de cinquante forts sur le bord de ces riuieres, & celle du Rhin: lesquels depuis habitez, ont esté cause de fonder plusieurs villes, telles que Constance, Balle, Argentine, ou Strasbourg, VVormes, Spire, Binge, Mayence, Cologne & autres. Nostre Seigneur Iesus Christ fils de Dieu, prit chair humaine au ventre de la Vierge Marie, l'an du monde MCM. IX. C. LXIII. & le quarante deuxiesme de l'Empire d'Auguste: le- 1963.

# PREMIER LIVRE

*L'An de* peuple des Sicambres, quelques Suaves, Cartes & autres; iusques au nombre  
*Iesus* de quarante mil : qu'il logea en l'Isle, que le Rhin fait en la mer ; ne voulant  
*Christ.* qu'ils retinssent le nom de leurs nations. Et combien qu'il les employast à  
son seruice, ainsi que gens de guet, ils estoient nommez Bataues : à cause de  
l'Isle qui portoit le nom de Batauië. Le farouche naturel des hommes de ceste  
frontiere, estoit cause que les Romains y tenoient tousiours forte garnison; &  
les Germains plustost vaincus que domptez, demourerent assez cois, tant que  
Druse vesquit. Quand il fut mort, & que Vare Proconsul vint tenir sa place,  
ils ne s'eschaufferent pas moins pour la paillardise, orgueil, cruauté & auari-  
ce de ce nouveau gouuerneur, que la crainte de la vaillance de son deuancier.  
Encores voyant qu'il estoit aussi cruel de passer par les coups de verges & ha-  
ches de ses lieuteurs (c'estoient sergens executeurs de iustice) que mourir en  
guerre, ils desrouillèrent bien tost leurs cousteaux, ne voulans que leurs che-  
uaux demourassent recreus par force de les employer. Le principal boute-feu  
de ceste guerre auoit nom Armine, ieune Seigneur, vaillant & bien-aymé, qui  
commandoit au pays de Saxe, Magdebourg, Goslarie & Brunswich (si vous  
croyez les auteurs Allemans) lequel ayant surpris Vare, comme il tenoit l'au-  
12. dience des Estats, l'an douzième de nostre Seigneur Iesus Christ, le tua : & mit  
au fil de l'espee trois legions Romaines, & six cohortes de gens de secours, qui  
le suiuiot. Ce qui donna tel effroy à Rome, & à Auguste mesme (craignant  
la rebellion des Gaules & de Rome) qu'il assit des corps de garde par la ville, &  
comme forcené heurtoit sa teste contre les murailles; criant, Vare, ren-  
moy mes legions. Aussi la deffaitte fut si grande, & haussa tant le cœur aux victo-  
rieux, que les Romains qui souloient tenir des garnisons en Germanie iusques  
fus l'Elbe, se contenterent d'auoir le Rhin pour frontiere : sans que les autres  
Empereurs feissent depuis grand estat de recouurer ce que lors ils perdirent :  
pour le peu de profit qu'il y auoit d'aller chercher de si vaillantes nations ius-  
ques dans leurs foyers. Auguste en parant à si grand coup, mir bon ordre à tout  
son Empire; & depuis vesquit en paix, pour estre de son naturel Prince doux,  
& tant humain que chacun le reueroit : Mais entre autres les Gaulois; qui en  
l'honneur de Rome & de luy, dresserent vn autel à Lyon (ville faite Colonie  
3963. Romaine par Munatius Plancus, vingt cinq ans auant la Natiuité de nostre  
Seigneur Iesus Christ) où depuis, par ordonnance de C. Caligule Cesar Empe-  
reur, se ioioient des jeux meslez de diuers esbattemens, & des Orateurs fai-  
soient preuue de leur eloquence Grecque & Latine; à telle condition, que les  
vaincus donnoient le prix aux victorieux à leurs despens. Mais ceux qui a-  
uoient esté les plus desaggreables, estoient contrains effacer leurs escrits d'v-  
ne esponge, ou avec la langue : sinon qu'ils aymassent mieux estre batuz de  
verges, telles que celles dont l'on chastidit les enfans, ou d'estre plongez dans  
la riuiera prochaine. Le paisible gouuernement d'Auguste, & la malice de son  
successeur le feir tant estimer, qu'il n'y auoit nation qui ne se tint heureuse  
de l'auoir pour maistre. Aussi les Gaules ne furent guerres trauaillées ne par Iu-  
les, ne par luy; pource qu'ils laisserent les villes alliées en leurs franchises, sans  
les contraindre (comme l'ay dit) de receuoir des loix Romaines, & vn Preteur

pout iuger leurs differens: comme aux autres pays entierement reduits en forme de Prouinces. Auguste enuoyoit pour les quatre parties des Gaules quatre seigneurs: premierement appelez Preteurs & Proconsuls; puis souz les autres Empereurs Prefects du pretoire de Gaule. Encores Iules & luy donnerent bourgeoisie, voire dignité de Senateur, à si grande quantité de Seigneurs de ce pais, qu'il couroit vn vau-de-ville à Rome; que les Gaulois auoient laissé leurs bracques en la court du palais, pour prendre l'habillément de Senateurs.

L'an de  
Iesus  
Christ.

## CHAP. XVIII.

*Esmotion des Gaulois sous Tibere.*

V. G. V. S. T. E mort le seiziesme an de nostre Seigneur Iesus 16.

Christ, le seiziesme de Juillet, le cinquante cinq de son Empire; & soixante & quinze de son aage, dix mois vingt & six jours d'auantage, Tibere fils de la femme dudit Auguste, luy succeda: durant le regne daquel les Gaulois s'esmeurent, pour le grand argent qu'ils deuoient à interest. Le principal autenz

de ceste rebellion entre les Treuois, estoit Iules Florus; & entre ceux d'Augustin, Iules Sacrouir: tous deux de bien noble maison. Les predecesseurs desquels auoient fait de si beaux actes & seruices, qu'ils en acquerirent le droit de Bourgeoisie à Rome; du temps mesme que telle grace n'estoit commune, ains donnée seulement pour recompense & loyer de vertu. Ceux-cy ayans par secrets parlemens tiré de leur party, les plus audacieux & farouches; avec ceux qui ont besoin de mal faire (soit pour remedier à leur grand pauvrete, ou obuiuer à la punition de leurs forfaits) entreprinrent d'esmouuoir, à scauoir Florus les Belges, & Sacrouir les autres Gaulois plus prochains d'Italie. A ceste cause en leurs assemblées secretes, ils mettoient auar plusieurs choses tendantes à seditiō; cōme de ce qu'on les surchargeoit de tributs, qu'on les mangeoit d'vsures excessiues, & de ce qu'ils estoient cōtraints endurer la cruauté, & l'arrogance des gouuerneurs. D'auantage, que les soldats Romains estoient rumebez en discord apres la mort de Germanio, nepueu de l'Empereur. Au moyen dequoy, ils auoient le temps tout à propos pour recouurer leur liberte, si cōsiderans leur grand pouuoir, ils prenoient aussi garde à la pauvrete d'Italie, à la cōtiardise des gens de ville, quand ils sont en guerre; & qu'il n'y auoit rien de bon en toute l'armée que des estrangers. Il ne se trouua quasi ville qui ne fust infectée de la semēce de telle sedition; toutesfois les Angeuins & les Tourangeaux s'esleuerent les premiers. Les Angeuins furent rembarrez par Elius Auiola, qui auoit appellé à son secours la compagnie tenat garnison à Lyon; & les Tourangeaux desfaits par les Legionnaires, que Vesel Varron Lieutenant de la basse Germanie, enuoya au mesme Auiola (il y a encores en ces quartiers là vne maison qui porte le nom d'Auailles) & avec ce qu'aucuns principaux seigneurs Gaulois, luy donnerent confort pour courir leur rebellion, & puis

## PREMIER LIVRE

*L'an de* apres la faire plus vifuellement cognoiftre. Car Sacrouir s'y trouua combattant  
*Iesus* avec les Romains, le chef decouvert; afin (disoit-il) de monstres sa vaillance;  
*Christ.* combien que les prisonniers l'accusassent que c'estoit pour se faire remarquer, & n'estre point offensé du trait. Tibere aduertie de ceste esmotion, n'en feit pas grand compte, & sembloit nourrir la guerre par sa longueur. Ce pendant, Flore poursuiuoit son entreprise, & taschoit de gaigner la compagnie des gens de cheual enroollée à Treues, & nourrie sous la discipline Romaine; ainsi qu'ayans tué aucuns marchands Romains, & les mutins obligez par ce forfait, la guerre print quelque commencement. Et neantmoins, peu de ces gens de cheual se laisserent practiquer, & la plus part demeura ferme. Le reste du petit peuple endertez, ou vassaux d'autrui, prindrent les armes, & se voulans sauuer en la forest d'Ardaine, furent repoussez par des legions tirees des deux armées. Lesquelles Vitel & Silie leur auoient mises en barbe. Iules Indien qui estoit de mesme ville que Flore, mais son contraire (& pour ceste cause plus deliberé de bien faire) fut chubyé deuant, avec vne compagnie de gens d'esslite, lequel escarta ceste multitude, encores confuse & mal ordonnée, Flore ayant abusé ceux qui le poursuyuoient, essaya de se retirer en lieux couuerts & incogneuz: puis voyant les gendarmes qui auoyent occupé les passages par lesquels il se cuidoit sauuer, se tua soy mesme: & telle fin eut la mutinerie des Treuois. Il eut d'auantage de difficulté au pays des Eduens, pour autant que ce canton estoit plus puissant, & le moyen de le chastier plus esloigné. Sacrouir emparé de la ville d'Augstun capitale du pays, auoit quant & quant prins & retenu les enfans des plus nobles maisons de Gaule, là enuoyez pour estudier: à fin que par ce gage, il alliait avec soy leurs parens & amis: distribuant sur l'heure aux ieunes gens des armes, qu'il auoit secrettement fait forger. Ils se trouuerent bien quarante mil, dont la cinquiésme partie estoit armée à la façon de Legionnaires: les autres de cousteaux, espieux & autres bastons de chasse. Outre ceux-là, il prit encores des serues destinez à l'escrime, suyuant la façon du pays, armez de pied en cap, & pour ceste cause mal propres à donner coups: mais aussi tellement couuerts qu'on ne les pouuoit bleffer, il s'appelloient Crupelaires. Ceste multitude estoit augmentee par ceux des villes prochaines, lesquelles ne s'estant encores declarees, ne laissoient d'estre particulierement affectionnees: avec ce que les capitaines Romains dabattoient qui auoit la charge de la guerre: toutesfois Varron, ja cassé de vieillesse, ceda à Silius qui estoit en la force. Or le bruit couroit à Rome, que non seulement les Augstunois & les Treuois s'estoyent rebellez: mais qu'il y auoit bien encor soixante & quatre villes de leur alliance, & que les Germains s'estoient ioints avec eux, & les Espaignens brandioient tellement que l'on en croyoit beaucoup plus qu'il n'y en auoit, comme il aduient en bruit de ville; & les gens de bien s'en lamentoient, pour le soin qu'ils auoient de la chose publique. Plusieurs aussi haïssans l'estat present & par conuoitise de voir ces changements, s'eiouïssioient mesmes en leurs dangers, & accusoient Tibere de ce que durant vn tel trouble il s'amusoit à voir les memoires des accusateurs, rendant par ses cruelles executions vne paix plus miserable que la guerre. Cependant Silius mar-

choit avec deux legions, & ayant enuoyé deuant quelques compagnies de gens de secours, pilloit les bourgs & villages des Sequanois voisins de ceux d'Augstun; s'efforçans porter enseignes, & soldats à qui mieux mieux, & difans, qu'il ne falloit prendre le repos accoustumé, n'attendre que les nuicts fussent acheuees. Car ils tenoient la victoire toute asseuree, moyennant qu'ils peussent voir leurs ennemis. Sur ce point Sacrouir apparut à huit lieux de là, logé avec son armée en vne plaine large & descouuerte, ayant mis à la pointe ses Crupelaires (que nos anciens jadis appelloient *Fer-de-fus*) les compagnies de cheval aux ailes, & les moins armez sur le derriere. Quant à luy accompagné des plus apparens de son armée, monté sur vn beau cheval, il vint abborder ses gens, leur remettant en memoire l'ancienne gloire des Gaulois, le travail qu'ils auoient donné aux Romains, & combien leur liberté seroit honorable, s'ils estoient victorieux, ou leur seruitude miserable derechef estans vaincus. Ces propos ne furent longs, n'estus à gens fort deliberez, car la pointe des legions Romaines s'approchoit, & ces paisans non accoustumés à la guerre, & encore en plus mauvais ordre, ne voyoient, ny entendoient gueres bien ce qu'ils deuoient faire. Au contraire, Silius (jacoit que l'esperance qu'il auoit conçue luy eust osté l'occasion de haranguer les gens) crioit toutes fois, Qu'ils deuoient auoir honte, de ce qu'ayans vaincu les Allemagnes, ils estoient menez contre les Gaulois, comme contre des ennemis. Qu'une seule bande auoit depuis vn peu de temps defait les Tournangeaux, vne seule cornette les Treuois, & quelques bandes de ceste mesme armée (encores mal completes) auoient quasi defait les Sequanois. Que d'autant que ceux-cy estoient plus riches, & abandonnez aux voluptez, ils estoient tant moins aguerris. A ces paroles les Romains vont faire vn grand cry, & leurs gens de cheval enuironnerent les Gaulois, puis ceux de pied se jetterent sur le front de leur bataille. Les Crupelaires les arresterent vn petit, pource que les lances qui les courroient, ne se laissoient pas aisément fausser par les espées & jauglors: qui fut la cause que les soldats Romaines, garnis de coignées & doloires, fendoient & les armures, & les corps tout ensemble; comme s'ils eussent voulu rompre vne muraille. Aucuns avec fourches & autres instrumens à pousser, renuersoient ceste masse denudée de force; laissant les Gaulois couchez comme morts; sans qu'ils eussent moyen ne pouoir de soy releuer, à cause de la pesanteur de leur harnois. Sacrouir se retira dans Augstun (ville principale des Eduens) avec les plus fideles amis, & depuis craignant que la ville le rendist, en vne maison champêtre: là où il se defit soy-mesme, & ceux de sa compagnie s'entretuerent: puis le village mis en feu les brula tous: & telle fin eut ceste esmotion qui aduint l'an treiziesme de nostre Seigneur Iesus Christ.

L'An de  
Iesus  
Christ.

CHAP. XIX.

*Commancement du nom Chrestien : Souleuement de  
Vindex Gaulois contre Neron.*



**L**es Gaules depuis cela, demeurèrent paisibles souz l'Empire de Tibere, au quinziesme an duquel nostre Seigneur Iesus Christ âgé de trence ans se donna à cognoistre, en receuant le Baptisme par la main de saint Iean : & apres auoir presché en Iudée trois ans, fut crucifié par les Iuifs. Mais estant resuscité, & monté au ciel à la veüe de plusieurs de ses disciples, leur ayant enuoyé son S. Esprit, qui les remplit de dons & graces, tant de diuersité de langues, que faits merueilleux, ils prescherent la doctrine par eux apprise; & cinq ou six ans apres, à sçauoir l'an xxxix. commencerent d'estre appelez Chrestiens. Il n'y eut aucune guerre en Gaule souz Caius surnommé Caligule, successeur de Tibere; ne souz Clode; qui l'an quarante neuf, ou cinquante apres la natiuité de Christ, honora beaucoup ce pais, & principalement la ville de Lyon, ainsi que l'ay dit; donnant priuilege aux seigneurs Gaulois (ja faits Senateurs) de pouuoir estre Magistrats dedans Rome mesme. Et voulut aussi que les Eduens fussent les premiers nommez pour receuoir ce droit, comme anciens freres & allies des Romains. Cela vint si bié les Gaules à l'Empire; qu'il n'eut plus de peine qu'à defendre la frontiere du Rhin, contre les Germains, ausquels deux grosses garnisons faisoient teste : l'une au pais d'amont ceste riuiera, & l'autre au bas vers Colongne, & où la Meuse s'embouche dans la mer: qu'on appeloit armées de Germanie. De sorte que depuis, les territoires d'Argentine, Spire, VVormes, & Mayence porterent le nom de premiere prouince Germanique: Colongne & Fungres de la seconde. Ces garnisons estoiet presque tous les iours aux mains, avec quelque nouveau peuple; ce qui leur donnoit grande reputatiō de vaillance. Clode mort l'an lvi. de nostre Seigneur Iesus Christ, Neron fils de sa femme luy succeda; qui se monstra tant desbordé, que le xliij. an de son Empire, le Senat de Rome fut contraint le declarer ennemy public, & le condamner à mort. Lors vne partie de l'Empire s'esleua contre luy, & entre autres la Gaule, par le moyen de Iules Vindex seigneur Gaulois tres noble, & du sang des anciens Roys, le pere duquel auoit esté Senateur Romain. Quant à luy il estoit robuste de corps, sage & bien entendu au fait de guerre; & outre cela, hardi pour executer vne haute entreprise. Ce Vindex qui lors gouuernoit les Gaulois comme Preteur, sollicita Galbe Lieutenant general d'Espagne, de prendre le nom d'Empereur, & se vouloir donner pour chef à vn corps si puissant & vigoureux, que celuy des Gaules, qui n'auoit besoin que d'une teste, & desia tenoit cent mille homes tous prests, & vn pais où l'on en pouuoit leuer beaucoup d'auantage. Mais pource que Galbe fort aagé, ne peut se resoudre si tost, Vindex print le tiltre d'Empereur, & assembla



grand nombre de gens molestez de lenées de deniers continuelles. Ainsi donc Vindex montant en vn haut lieu pour haranguer, persuade au peuple de se mouvoir contre Neron. Car il a (disoit-il.) pillé tout le monde qui obéit aux Romains : tué les apparans Senateurs, & après auoir eü la compagnie de sa mere, il l'a mise à mort. Somme il ne fait aucun acte digne de la majesté Imperiale. Et combien que l'on ait veu souz les autres Princes des meurtres, pilleries & exactions en grand nombre, qui est-ce qui pourroit reciter les autres meschancetés ? Je l'ay veu, mes amis & cōpagnons (croyez moy) j'ay veu (di-je) cest hōme là (si l'on doit appeller hōme celuy qui a espousé le bardache Spore, & s'est donné pour femme à Pythagore) monté sur l'eschaffaut du theatre tenant la cithare, vestu comme les autres joueurs de farces. Je l'ay maintes fois ouy chanter, seruir de crieur, & jouer des tragedies; lié, tirassé, conceuant & enfantant, disant, oyant, endurant, & faisant tout, ainsi qu'il est contenu aux fables poëtiques. Et puis on souffrira qu'un tel personnage soit appelé Cesar, & Empereur, & Auguste ? Je vous prie n'endurer souiller les noms tant saints qu'Auguste & Clode ont portez. Plustost appellons-le Thyeste, Oedipe, Alcmeon, Oreste, car il les enfuit par ses actions desordonnées. Esuillez vous donc à recoup, & vousaydez vous mesmes: secouréz le peuple Romain: finalement deliurez la terre de seruitude. Il n'y eut celuy qui n'approuast ce qu'il disoit: & chacun se mit en deuoir de l'ayder. Dequoy Neron aduertý faisoit semblant de ne s'en soucier; & seulement commanda de publier, que qui luy apporteroit la teste de Vindex, il luy donneroit cent mille escus. Dont Vindex ne tint compte; disant que qui luy apporteroit celle de Neron, il luy bailleroit la sienne propre. Car Vindex ne s'estoit pas souleué pour se faire Empereur, ains pour le bien public. Et combien qu'il eust de grandes forces, il sollicitoit neantmoins Galbe de recevoir l'Empire; la longuerie duquel le contraignit de se nommer Empereur. Cependant Clode Macer prend les armes en Afrique; Virgine Lieutenant de la garnison d'Allemagne en fait autant, & Galbe s'apprestoit en Espagne. Or combien que l'intention de Vindex fut si bonne, Virgine (qui auoit conduit ses soldats le voulans contraindre à se declarer Empereur) parut de la garnison pour venir faire la guerre. Vindex mori qu'il favorisast Neron; mais il disoit qu'il ne souffriroit qu'un autre tint l'Empire, s'il n'estoit approuué par le Senat. En passant pres Bezangon, pource que les habitans luy fermerent les portes, il mit le siege deuant ceste ville; au secours de laquelle Vindex incontinent accourut, & planta son camp pres celui de Virgine. Puis ayant demandé à parlementer, après plusieurs allées & venues, ces deux chefs se virent en vn lieu, seuls & sans appeller personne. Cela feit soupçonner qu'ils auoient conjuré contre Neron; & de maniere que Vindex voulant s'aduançer avec les siens pour entrer en la ville, les soldats de Virgine pensans qu'ils vinssent les charger allerent au deuant, sans qu'il leur fust commandé: & trouuans les Gaulois en desordre, en occirent vingt mille, sur la place: dequoy Vindex fut si marry qu'il se tua soy-mesme. Combien qu'aucuns assembles pres de son corps, & le monstrans deschiré de plusieurs coups, firent croire que c'estoit de leur main. Virgine courroucé

L'an de  
Iesus  
Christ.

69.

de sa mort, ne daigna neantmoins recevoir l'Empire que ses gens d'armes vou-  
loient qu'il prist à toute force, ains le refusa, encores qu'il fust tres-vailant &  
sage capitaine. Cependant Neron aduertý de la rebellion de tant de provinces,  
s'enfuit de Rome, & apres que le Senat l'eut condanné d'estre trainé par la  
ville la hart au col, & battu de verges iusques à la mort, craignant telle puni-  
tion de pendre, à l'ayde de son bredache Spore il se tua, l'an de Iesus Christ,  
soixante neuf, ou soixante dix. Galbe nommé Empereur par le Senat, en pas-  
sant par la Gaule, pour aller à Rome, feit beaucoup de courtoisies aux villes qui  
auoient fauorisé Vindex; les deschargeant du quint du tribut: & retrancha  
le territoire des autres qui auoient tenu contre luy, principalement de Lan-  
gres; traitant mal les Lyonnois, qui s'estoient opiniastrément declarez pour  
Neron. Galbe tué sept mois sept jours apres son election, Othon enuahit  
l'Empire souz l'appuy des soldats de la garde Imperiale; & Vitel enuoyé par  
le mesme Galbe, pour estre lieutenant general de la basse Germanie, print aussi  
le nom d'Empereur, à la sollicitation des soldats auxquels il comandoit. Cestuy  
cy s'acheminant en Italie, mit en grande crainte les Gaulois du party de Galbe,  
pour le desir que les gens de guerre (acharnés au pillage par le butin gaigné  
apre la deffaicte de Vindex) auoient de saccager les villes contraires: avec  
ce qu'ils estoient priez de ce faire; par celles que Galbe auoit chastiees. Tou-  
tesfois l'auarice de Valens, lieutenant de Vitel, ou le desir qu'il eut de passer  
vistement, l'adoucirent. Et Vitel venu en Italie, gaigna vne bataille, qui mit O-  
thon en tel desespoir qu'il se tua. Depuis le mesme Vitel trahy, & son armée de-  
faite pres Cremona, fut prins & tué dans Rome, par les capitaines de Vespasien,  
declaré Empereur en Iudée, par les soldats de la garnison de Leuant; l'an soixā-  
te & vnze de nostre Sauueur Iesus Christ. Cependant, vn certain Maric Boien,

71.

venu de bas lieu, osa bien se mesler parmy de si grandes aduātures, & d'affaillir  
la puissance des Romains, souz couuerture de diuiniré: lequel se faisant appel-  
ler affranchisseur des Gaules, & Dieu (car il print aussi tel nom) assemblā huit  
mille hōmes, tiroit de son party les villages & bourgs prochains d'Augustun,  
quand les habitans de ceste ville appuyez de la faueur des soldats entoyez par  
Vitel, rompirent ceste folle & insensée multitude: Maric pris & presenté aux  
bestes, ne receut aucun mal. Ce qui feit croire au sot peuple, qu'il ne pouuoit  
estre offensé: iusques à ce qu'on l'eust tué en la presence de Vitel. Ce change de  
tant d'Empereurs ne passa sans le dommage des Gaules, ainsi que ie vous diray.  
Auguste ne se fiant aux peuples de Germanie, logez vers la frontiere de l'em-  
bouchure du Rhin, arracha (par maniere de dire) les Sicambres, Cattes & au-  
tres peuples, habitans delà ceste riuere; & les planta (comme i'ay dit) en l'isle  
nommée Batavie que fait le Rhin auant qu'entrer en la mer: & laquelle com-  
prend vne partie du país aujourd'huy appellé Gueldres, Hollande, & Zelande.  
Qui est la cause pourquoy Zosime cuide que ceste isle soit la plus grande que  
pas vne riuere face. Or soit que ces gens transportez, ne remplissent suffisam-  
ment ce qu'on leur auoit baillé de país, ou que les Germains voisins pen-  
sāssent qu'il leur appartinst, ils se jetoient volontiers du costé de la Gaule. De  
sorte que depuis la mort de Druse, & de Germanic neveu de Tibere, les  
gouver-

gouverneurs Romains n'auoient gueres autre peine, que de les empescher en la possession de ce pays. A la fin vne partie des Cartes chassiez de leurs terres par vne sedition domestique, vindrent prendre l'extremite de la Gaule, & de ceste Isle, qui est enuironnee de la mer Oceane par le front, & de tous les autres costez des deux branches du Rhin, où ils habiterent sous le nom de Bataues. Les puissantes alliances de ce peuple, empescherent qu'il ne fust moleste de tribut par les Romains: mais ils fournissoient seulement vne quantite d'hommes armez, conduits par capitaines choisis entr'eux mesmes. Leur reputation s'accrut en vn voyage de la grand Bretagne, avec ce qu'ils furent longuement employez en la guerre d'Allemagne, pour vne dexterite de passer à nage les riuieres à cheual, & sans rompre leur ordonnance.

L'an de  
Iesus  
Christ.

## CHAP. XX.

*Esmeute des Bataues pour chasser les Romains de Gaule.*

En ce temps il y auoit au pays de Bataue deux seigneurs de sang Royal, l'un nommé Iules Paul, & l'autre Clode Ciuil, fort estimez entre leurs gens. Paul faussement accusé de rebellion, fut tué par Felix Capiton, lieutenant Romain; & Ciuil enuoyé à Neron lié & garroté. Ciuil absous par Galbe, recheut sous Vitel; en mesme danger que deuant: pource que la garnison demandoit qu'il fust executé à mort. Ce qui le mit en colere, avec ce que les troubles suruenus en l'estat Romain, luy donnerent esperance de se ressentir du tort qu'on luy faisoit. A ceste cause, craignant d'estre accablé soudain, si ouuertement il se departoit de l'alliance Romaine, il feist semblant de soutenir le parti de Vespasian. Et de fait, Antoine premier luy escriuit, pour destourner le secours que Vitel pouuoit tirer de Gaule, & retenir les legions sous vmbre de la guerre qu'il esmouuoit en Germanie. Flaccus vn autre Capitaine Romain, luy en dit de bouche tout autat, pour la faueur qu'il portoit à Vespasian, & le soin qu'il auoit de la chose publique, qui eust esté en grád danger, si tant de milliers d'hommes se fussent iettez en Italie. Ainsi donc, Ciuil tenat secrette sa deliberation, commença de remuer mesnage sous vne telle occasion. De l'ordonnance de Vitel, il se faisoit vne leuée de la ieunesse Batauienne, laquelle estant facheuse de soy-mesme, se trouuoit encores plus mauuaise & ennuyeuse, par l'auarice & insolence des commissaires; qui cherchoient des vieillards & autres foibles personnes, afin de tirer argent, pour les exempter puis apres. Et d'autat que les enfans de ce quartier sont comunement beaux & de grád taille, ils les enleuoient afin d'en abuser. Cela fut cause d'engédrr des plain tes, & puis ceux qui auoient esté pratiquez pour commencer la sedition, poussèrent le peuple à refuser la leuée. Ciuil d'autre costé, sous vmbre d'un festin, assembla les principaux du pays, & leur remonstra l'auarice des Romains, la cruauté de la leuée, qui separoit (comme pour iamais) les peres des enfans, & les freres des freres: disant outre, que l'estat Romain se trouuoit plus mal qu'il n'estoit.

G

## PREMIER LIVRE

„ques il n'auoit fait. Que sans doute ils seroient secourus des Germains leurs  
 „parens; & des Gaulois qui ne demandoient autre chose. Apres cela il tire de son  
 L'An de partiles Caninefates, habitans de la mesme Isle, & qui estoient de mesme lan-  
 Iesue gue, origine & vaillâce qu'eux: puis tous les autres Bataues sujets des Romains,  
 Christ. & qui tenoient garnison à Mayence, ou en la grand Bretagne. Il y auoit entre  
 les Caninefates vn homme hazardeux nommé Brinion, tres-noble; le pere du-  
 quel auoit esté grand ennemy des Romains: qui fut la cause pourquoy ils en  
 firent leur chef: le mettant sus vn pauois, & le lançant en haut avec les espau-  
 les, à la façon du peuple de ce pays là, quand ils vouloient faire vn Roy. Ce Bri-  
 nion aidé par les Frisons habitans outre le Rhin, deffist deux compagnies de  
 Romains: & Ciuil ayant mis d'autres en route, gaigna aussi vingt & qua-  
 tre nauires, r'enuoyant les prisonniers Gaulois en leurs villes, & donnant le  
 choix aux bandes vaincuës de s'en aller, ou demeurer avec luy. En quoy faisant  
 il leur offroit tout bon traitement, remonstrant les maux que les Romains  
 leur auoiēt fait, & comme ils s'abusoient, d'appeller paix leur miserable serui-  
 tude. Que les Bataues, encores qu'ils fussent exempts de tributs, auoient prins  
 „les armes contre les seigneurs communs, & mis en route les Romains à la pre-  
 „miere bataille: que seroit-ce donc si les Gaules secoiroyēt le ioug? qu'est-ce qui  
 „resteroit en Italie? Que les prouinces estoient vaincuës les vnes par les autres;  
 „& ne falloit auoir esgard à la deffaitte de Vindex, puis que les Eduens & Auuer-  
 „gnats furent lors renuersez par la cheualerie des Bataues, & que Virgine auoit  
 „les Belges de son costé. De forte qu'à bien considerer la Gaule s'estoit deffaitte  
 „elle mesme, de ses propres mains. Que maintenāt ils seroient tous d'un parti,  
 „& d'auantage, ils auoient les mieux disciplinez soldats qui fussent en toute la  
 „militie Romaine, & les vieilles bandes; par la vaillance desquelles les legions  
 „d'Othon auoient nagueres esté deffaittes. Qu'il se trouuoit encor en Gaule des  
 „hōmes nés auant que les Romains y eussent leuē tribut. Et l'Allemagne auoit  
 „chassé la seruitude en tuant Quintil Vare. Partant, qu'eux qui estoient frais &  
 „reposez, se iettassent sur les Romains empeschez de guerre ciuile. Car pendant  
 „que les vns fauorisoient Vespasiā, & les autres Vitel, il y auoit moyé de se ren-  
 „dre forts contre tous les deux ensemble. Ainsi Ciuil ayant l'œil sur la Germa-  
 nie & la Gaule, estoit pour se faire Roy de deux grandes & puissantes nations,  
 s'il fust paruenue à son intention. Numie Luperc capitaine Romain, colonel de  
 deux Legions, s'estant presenté en bataille contre luy, fut deffait par la trahison  
 des Tréuois, qui se tournerent du costé de Ciuil. Et les cōpagnies des Bataues  
 enuoyées au seruite des Romains, se voulās retirer vers luy, passerēt sur le ven-  
 tre d'Herennie Gal, qui les cuidoit empêcher. Lors Ciuil réforçā de Germains,  
 & de ces compagnies, traufferant la Meuse; vient assaillir le pays de Tréues, des  
 Menapiēs & Morines. Encores, cepédant il pratique Iules Montan seigneur  
 Tréuois, luy remonstrant qu'avec vne seule bande, & les Caninefates & Bata-  
 ues (qui n'estoient qu'une petite portion des Gaules) il auoit razé les forts des  
 „Romains, & que suyuant son entreprinse, les Tréuois pouuoient acquerir li-  
 „berté, où estās vaincus, ils demeueroiēt en mesme estat qu'ils estoient au prece-  
 „dent leur rebellion. Mais le feu qui brusla le Capitole quand les gens de Vef-

passant & de Vitel combati-rét dedans Rome, esmeut les Gaulois plus que tout; <sup>L'an de</sup> pensans que ce fust vn presage de la fin de l'Empire Romain, comme les Dru- <sup>Jesus</sup> <sup>Christ</sup> ides leur vouloient faire croire. Là dessus, Iules Tuteur Tréuois, & Iules Sabin Langrois, se declarerent du parti de Ciuil. Tuteur auoit esté commis par Vitel pour la garde du Rhin, & Sabin (vantart de nature) disoit, qu'il estoit descendu de Iules Cesar qui auoit aymé sa bisayeule pour sa beauté. Ainsi donc ces deux seigneurs enfléz d'esperance, se separerent de l'armée Romaine, & ayant tué Vocule (lieutenant Romain, qui auoit la charge de la frontiere de Germanie) reçoient le serment des soldats au nom de l'Empire Gaulois, se saisissent de Maïence, & viennent assieger Cologne. D'autre costé, Ciuil contraignit les Legions par luy assiegées, de faire pareil serment: combien que luy mesme, ne pas vn Bataue l'eust fait, s'asseurant de la puissance des Germains, & que s'il falloit combattre pour leurs conquestes contre les Gaulois, il auoit plus de force & reputation. Cela fait, les forts des garnisons Romaines (estans en Gaule Belgique) sont rompus & rasez, excepté Mayence & Vindonisse. Quant à Cologne, les Germains de delà le Rhin, principalement les Tancteres, disoyent: Que la guerre ne prendroit iamais fin, iusques à ce que ceste ville fust commune à tous les Germains, & les habitans reünis à leurs anciens parens; viuans & Phabillans comme eux, & tuans tous les Romains. Les Cologniés respôdoient, que les Romains enuoyez pour habiter leur ville quand elle fut declarée Colonie, & nommée Agrippine, estoient morts ou alliez avec eux par mariage. Et ne pouuoient raisonnablement tuer leurs peres, meres & freres: bien accorderoient-ils d'oster les subsides, & laisser les passages ouuerts de iour, & sans armes, se rapportans du surplus à ce qu'en diroient Ciuil & Vellede, vne Dame estimée Prophetesse entre les Germains. Ciuil iugea pour les Agrippiniens en faueur de ce qu'ils luy auoient sauué son fils, arresté prisonnier au comencement des troubles: & aussi pour faire paroistre sa douceur & cleméce, par laquelle il pésoit gagner les villes voisines, employant tous moyens pour s'aduancer. De fait, encores que Clode Labeon eust assemblé aucuns Bethasiens, Tungrois & Neruiés, il luy desbaucha ses gens, les faisant tourner de son costé, & le contraignit se sauuer par fuite; & puis ioignit à ses forces celle de ces trois peuples. Ce pendât Iune Sabin se declare Cesar, & & ayât assemblé vn grâd peuple, se iette sur les Sequanois fideles aux Romains, lesquels luy resisterent vaillamment, & mirent en route son armée. Sabin pour faire croire sa mort mit le feu au village où il s'estoit retiré, se cachant dans vn sepulchre, auquel il vesquit neuf ans, fidelemét celé par Eponine sa fême, qui luy fit deux enfans en telle misere. L'admirable fidelité de laquelle ne peut estre tant aggreable à Vespasié qu'il ne feist mourir Sabin, quâd il se fut descouuert. Dont Eponine entra en telle colere, qu'elle dit à l'Empereur tât d'outrageuses paroles qu'en fin il comanda de la tuer. Si est-ce que sa harengue courre & pitoyable meritoit quelque grace. I'ay nourry (disoit-elle) ces deux enfans, dans vne cauerne, comme la lionne ses faons, afin que nous fussions d'auâtage pour demâder ta misericorde. mais Vespasié oublia toute pitié, ne voulât point laisser viure vn hôme qui auoit porté tiltre de Cesar. La bône rencôtre des Sequanois

# PREMIER LIVRE

L'an de  
Iesus  
Christ

arresta le grand feu de la guerre, & les villes commencerent à se recognoistre. Ceux de Rheims monstrerent le chemin aux autres: publians qu'il faillloit enuoyer des deputez par toutes les Gaules, sçauoir s'il valloit mieux reprêdre leur liberté, ou viure en paix. L'assemblée des villos se feit à Rheims, tant pour traiter ce qui estoit bon de faire, sur l'aduertissement de l'armée que l'on disoit venir de Rome, que pour aduiser à pacifier les troubles du pays. Là Valentin l'un des ambassadeurs de Tréues, homme eloquent, s'efforça d'animer la communauté des Gaules contre les Romains, alleguant toutes les cruautéz dont les tyrans vsent enuers leurs sujets. Ce neantmoins Iules Aufpex l'un des principaux de Rheims, feit encliner les Gaulois à la paix; leur remontrant la puissance Romaine. Il est certain que l'alliance des Tréuois avec Virgine durant les troubles de Vindex, leur nuisit à ceste fois. Et la ialousie que plusieurs prouinces auoient l'une sur l'autre, les destourna de l'entreprise de la guerre, songeans qui seroit chef d'icelle, & de l'Empire Gaulois. Tellement que par vn mespris des choses à venir, ils se tindrent aux presentes, escriuant aux Tréuois au nom de toutes les Gaules, qu'ils cherchassent la paix, & qu'en ce faisant ils seroient leurs intercesseurs. Montan Tréuois empechoit que ceux de sa ville y entendissent, & neantmoins ny eux, ny les autres cōmunautéz rebelles, ne se gouernerent pas comme il falloit en telle entreprinse. Aussi les chefs ne tendoient pas à mesme fin: car Ciuil se pourmenoit par les lieux de Belges destournez, pensant surprêdre Labeon. Clasic se donoit du bon tēps, & Tuteur ne se hastia pas d'aller contre mōt le Rhin, saisir le pas des Alpes. Cependant la xxij. legion se ietta dans Vindonisse, que lon pēse estre auourd'huy vn petit village pres Habsbourg appellé Vindich. Sextil Felix entra en Gaule par les Rhètes, & Iules Brigantic fils de la sœur de Ciuil, capitaine de la cornette des Singuliers\* (qui haïssoit son oncle) s'aduança en pays, & Tuteur abādōnné par les Triboces, Vangions, & Carataces, fut trahi des siés, & deffait par Sextil. De sorte que les legiōs prinſes à Nuts & Bonne, iurerent fidelité au nō de Vespasian, se retirās à Mers, qui tenoit pour les Romains. Là dessus voici arriuer à Maiēce Petil Cerial capitaine Romain; lequel desirant cōbatre, mādā aux legions qu'elles marchassent cōtre les ennemis. Et quant à luy il vint en trois logis à Rigoldul, qui est Coblents; où vne grande compagnie de Tréuois estoit capée, pource que le lieu est clos de mōtaignes, & de la riuier de Moselle. Ce nonobstant, Petil les deffit; prenant les plus grāds Seigneurs de Belge, & Valétin mesmes. Le iour d'apres le capitaine Romain entra dās Tréues, & pour addoucir les soldats Tréuois Gaulois meslez parmi les legions, il declare que

„ l'empereur leur pardōnoit leurs fautes passées. que les romains n'estoiēt venus  
 „ en Gaule de leur gré, ains à la requeste de leurs predecesseurs, lors qu'ils surēt  
 „ molestés par les Germains, appelez à leur secours durāt les discordes ciuiles.  
 „ Que les Romains estoiet sūffisās pour deffendre leur empire, & n'auoiēt plātē  
 „ des fors sur le Rhin pour courir l'Italie, mais afin qu'un autre Ariouiste ne se  
 „ feist maistre des Gaules. Aussi ne debuoiēt ils pēser que Ciuil, ou les Bataues leur  
 „ portassēt plus d'affectiō, que leurs deuanciers auoient fait aux anciēs Gaulois.  
 „ Car les Germains (disoit-il) aurōt tousiours mesme cause & vouloir de passer en

\* On Sç.  
liens.

Gaule, à sçauoir l'orgueil, l'auarice, & le desir de changer d'habitation, afin que,,  
 laissés leurs marefcages & deserts, ils se fassent maistres de ce pays gras, & tres,,  
 fertile, voire & de vos personnes mesmes. Et ne faudra pas moins leuer de gens,,  
 & de tributs sous Tuteur & Clastic, pour vous garder des Germains & Bre,,  
 tons, que sous les Romains. Apres ces remonstrances, Cerial les mene contre,,  
 Clastic, Tuteur, & Ciuil, lesquels il mit en route. Tout incontinent ceux de *L'an du*  
 Cologne, les Neruiens & Tungrois tournerent du party des Romains. Lors *Iesus*  
 Cerial poursuivant les ennemis qui fuyoient, & Ciuil voyant qu'il ne pouuoit *Christ.*  
 deffendre la ville des Bataues, gaigne l'Isle & rompt la chaussée bastie par Druse,  
 laquelle soustenoit le cours du Rhin: ce qui ietta deça toute la riuere, anec ce  
 que naturellement elle y panchoit: de sorte qu'il ne demoura entre les Bataues  
 & les Gaulois, qu'un bien petit ruisseau. Quant à Tuteur & Clastic, ils passerent  
 le Rhin, accompagnez de cent treize Senateurs Treuois. Touresfois la puis-  
 sance des Romains se trouua telle, que nonobstant plusieurs belles rencontres  
 & victoires obtenues par Ciuil, il fut à la fin cōtrainct de se rédre à leur mercy,

## CHAP. XXI.

*Estat des Gaules depuis Vespasian iusques à Diocletian.*

**D**E PUIS ce temps (c'est à dire enuiron l'an LXXII. de Iesus Christ) ie 72.  
 ne trouue point que les Gaulois ou Bataues se soyent esmeuz con-  
 tre les Romains: mais vesquirent en paix sous les Empereurs Vesp-  
 asian, Tite, Domitian, Nerva, Trajan & Adrian: qui liberallement  
 soulagea toutes les Gaules. Sous ce dernier, la cheuallerie Batauienne par sa vai-  
 lance fut cause de faire demander la paix, aux Daciens, qui renoient la Trans-  
 sylvanie; esmerueillez cūme ceste troupe armee & à cheual, auoit osé trauerser  
 le Danube. La mesme paix continua en Gaule, sous Antonin, M. Aurele, Com-  
 mode & Pertinax Empereurs de Rome; regnans iusques en l'an de Iesus Christ  
 cxciiii. Mais en la querelle de l'Empereur Septime Seuere & d'Albin Cesar, 94.  
 vne partie des Gaules suyuit Albin, lequel deffait pres Lyon, & s'estant tué  
 soy-mesme, Seuere traitta mal ses partisans. Ceste mort d'Albin aduint enuiron  
 l'an de Iesus Christ cxcviii. Du temps d'Alexandre Seuere (qui commença son 198.  
 Empire l'an de Christ ccxxv.) les Germains meirent en trouble la frontiere de 225.  
 Gaule; tellement que ce prince contrainct de venir au pays, afin d'y donner or-  
 dre, ayant assemblé son armee, pour les chastier; fut tué à Maïance, par la fraude  
 de Maximin qui se feit Empereur. La cruauté duquel, si grande que personne  
 ne la pouuoit endurer, feit que le Senateleur contre luy Gordian, semblable-  
 ment occis par la malice de Philippe, estimé le premier Empereur Chrestien;  
 lequel fut aussi tué avec son fils, l'an de Iesus Christ ccii. Decé leur successeur 251.  
 appaisa vne guerre ciuile esmeuë en Gaule. Mais apres auoir mis en route les  
 Gots qui gastoyēt le pays de Mesie (c'est partie de V Valachie) en les poursuivant  
 il cheut en un marais, & se perdit: sans que iamais l'on peut trouuer son corps.

- L'an de* Après la mort de cestuy-ci, Valerian est fait Empereur; lequel eüst allé cōtre les  
*Iesus* Perses, demoura leur prisonnier: si mal-traitté du Roy Sapor, qu'il luy seruoit  
*Christ.* de marche pied pour mōter à cheual: à la grād'hôte du peuple Romain, & prin-  
 cipallemēt de Gallien son fils, tant desbordé, que plusieurs prindrēt de son tēps  
 le nom d'Empereur. Et entre autres, Postume vaillant seigneur le fut déclaré  
 en Gaule, par les soldats tenants garnison en la frontiere d'Allemagne; ioint la  
 faueur des Gaulois: qui (comme dit Pollion) n'aimoient guerres les Romains, &  
 & ne pouuoient endurer des Princes luxurieux, & desbauchez. Toutesfois au-  
 cuns pensēt qu'avec cela ils eurent respect, à ce que par sa bonne conduite,  
 les Gaules auoient esté garenties des courses des estrangers: car durant le regne  
 de Valerian & son fils, Chrosc Roy des Allemās, accompagné de grosse armée  
 entra és Gaules, où il feit grand rauage. Et dit Gregoire de Tours, que sa mere  
 (femme malicieuse) luy conseilla que pour acquerir renommée il feist abbat-  
 tre iusques aux fondemens tous les plus beaux edifices qu'il trouueroit. De  
 maniere qu'il n'espargna aucun de ceux qui estoiet de marque: & entr'autres,  
 le temple fort estimé & renommé, appelé Vassogalate, basti en Auvergne, aux  
 frais communs de tous les Gaulois, au lieu qu'on pense estre Vison. C'estoit vn  
 bastiment tresbeau, à deux parois de trente pieds d'espoisseur, l'une par dehors  
 bastie de grandes pierres quarrées, & l'autre par le dedans de petites, embellies  
 de Musaique, avec son paue de marbre, & la couuerture de plomb. Mais Crosc  
 prins, à la fin eut la teste tranchée en la ville d'Arles, l'an de Iesus Christ c c i x.
229. Postumene se voyant assez fort, fit alliance avec Victorin aussi déclaré Cesar:  
 & tirant à son ayde & secours les Celtes & Franks, vint contre Galien, qui eut  
 victoire sur eux, apres plusieurs aduantures. Postume tué avec son fils par Lol-  
 lian, cestuy-ci ne dura guerres: estant semblablement occis par ses soldats, qui  
 desdaignoient la rudesse de ses commandemens. Lors Victorin demeuré sei-  
 gneur des Gaules, apres la mort des trois cy dessus nommez, cuida redresser  
 l'estat que Postume auoit fôdé en Gaule; & de fait, il auoit acquis assez de repu-  
 tation de preud'homme & vaillance, s'il n'eust esté trop sujet à paillardise.  
 Car desbauchant les femmes de ses gens d'armes & hommes de sa suite, l'an de
269. Iesus Christ c c l x i x. il fut tué à Cologne; par vn greffier, de la femme duquel il  
 auoit abusé. Son fils ayant aussi esté tué, ils furent tous deux enterrez pres ladi-  
 te ville. Incontinent les soldats de Gaule declarerent Empereur Marius, iadis  
 forgerō: si fort homme & robuste de son corps, qu'il ne se trouuoit son pareil,  
 pource qu'il sēbloit n'auoir pas des veines en ses doigts, ains seulement des nerfs.  
 La premiere harangue duquel ie n'ay voulu oublier, pour estre fort estrange.  
 » Je sçay bien Compagnons (dit il aux soldats qui l'auoient esleu) qu'on me peut  
 » reprocher l'estat duquel ie me suis autres fois meslé, comme vous sçavez tous:  
 » mais qu'on en dise tout ce que l'on voudra, Dieu veuille que ie manie tou-  
 » siours le fer, & que ie ne meure point yurongnant parmy des fleurs, des  
 » femmes, & en des tauerne ainsi que Galien, indigne d'estre fils d'un tel pere,  
 » & descendu de tant noble race. Qu'on me reproche le mestier de forgeron,  
 » pourueu que les estrangers sentent à leur dommage, que ie manie encores le  
 » fer, & consequemment sur toutes choses craignent nostre fer. Quant à vous:



ie veux que pensiez auoir fait vn Prince qui ne sceut iamais maniera autre chose  
 se que du fer. Et ie le vous dis, pource que ie sçay que ceste luxurieuse peste de  
 Galien ne peut autre chose me reprocher. Toutesfois cest homme ferré ne se  
 peut garantir que trois iours apres son eslection, vn sien ouurier par luy au- *L'An de*  
 tresfois employé en sa forge, ne luy passast du fer au trauers le corps: disant; *Iesus*  
 Voila vn coup de l'espee que tu as faite toy-mesme. Cest ouurier ou soldat e- *Christ.*  
 stoir marri contre luy de ce qu'il n'auoit esté aduancé tant du temps que Ma-  
 rius estoit capitaine, que depuis qu'il fut Empereur. Victorin & son fils morts  
 Victorie femme du vieil Victorin (laquelle on appelloit mere des garnisons &  
 armées) par les soldats estans au pays de Chaalons, feit declarer Empereur Te-  
 tric, Sénateur son parent, & gouverneur des Gaules, ou d'Aquitaine, comme  
 disent Victor & Eutrope; lequel print l'habit Imperial en la ville de Bordeaux.  
 Cestuy-cy ne pouuant endurer l'impudence de ses gendarmes, enuoya prier  
 l'Empereur Aurelian le deliurer de tel soucy. Lequel venu en Gaule traitta fort  
 mal les Lyonnois & prit prisonnier Tetric; qui se rendit, trahissant luy mesme  
 son armée: mais nonobstant cela ayant esté mené en triomphe, en recompen-  
 ce de la honte à luy faicte, on luy donna le gouuernement d'une partie d'Italie.  
 Aurelian tué par la tromperie de Heros (qu'il auoit menacé) Tacite (issu de la  
 maison de l'historien) luy succeda, l'an de Christ cc.lxxix. lequel ne regna que  
 deux cens iours. Probe vint apres qui fut vaillant Prince, & combatit contre  
 plusieurs nations, & mesmes contre les Franks. Cest Empereur voyant les  
 Gaules trauaillées par les peuples d'outre le Rhin (qui s'estoient iertez dedans  
 apres la mort de Postume) repoussa les Allemas qu'on appelloit encores Ger-  
 mains: chassant de soixante ou soixante & dix villes, les estrangers, desquels il tua  
 plus de quatre cens mil: l'an cc.lxxx, selon le compte d'Eusebe, & permit aux *280.*  
 Gaulois, de planter des vignes à eux defendues par Neron, ou Domitian. Il pour-  
 suivit aussi Procul & Bonose Empereurs, ou tyrans de Gaule. Procul appuyé  
 sur les forces de la Gaule Braccate, d'Espagne & grãd Bretagne, ce neantmoins  
 fut contraint de fuir vers les Franks, desquels il se disoit issu, combien qu'il fust  
 natif d'Albinge pres Gennes. Mais les Franks le rendirent: & Bonose (qui re-  
 gnoit en Agrippine (c'est Cologne) ne voyant aucun moyen d'eschaper, se pen-  
 dit. Or le vaillant Empereur Probe ayant esté occis par ses traistres soldats, le  
 cinq ou sixiesme an de son regne, & l'an de nostre Seigneur Iesus Christ  
 cc.lxxxv. Carenat de Narbonne luy succeda; lequel fondroyé en Perse, ou *285.*  
 mourant de maladie, Carin son fils gouuerneur de Gaule, fut tué à Murse par  
 Diocletian; que l'armée Romaine auoit déclaré Empereur, l'an de Christ cc.  
 lxxxvii. Durât le regne de cestuy-cy, vn certain Carause se dit Empereur en *287.*  
 Gaule, & garda la grande Bretagne sept ans: & les Gaulois mesmes trauailliez  
 de railles & d'aydes publiques, s'esleuerēt l'An de Iesus Christ cexc. ou enuirō, *290.*  
 sous la conduite de Amand & Elian, qui prirent le nom de Bagaudes; que d'au-  
 cuns disent signifier en vieil langage Gaulois rebelles ou traistres forcez; &  
 d'autres les estiment auoir esté paisans, & que ce mot signifie tribut, cōme enco-  
 res il n'y a pas long tēps, qu'en certains endroits de Frãce l'on appelloit les Ma-  
 letoltes, Bagoages. Ce trouble fut appaisé par maximian cōpagnon de Diocletian;

L'an de  
Iesus  
Christ.

## PREMIER LIV. DES ANTIQ. GAUL.

lequel aussi repeupla de Francs, les territoires des villes de Tournay & de Tréves. Mesmes il semble par les paroles d'une harangue prononcée devant cest Empereur, que l'Orateur entende que ces Francs, fussent comme d'une loque captivité ou absée, retournez en Gaule, leur naturel & originaire pays. Car ie croy que le mot *Postliminio*, dont il use, doit estre entendu comme si l'Orateur estimoit que les Francs fussent descendus des Sicambres, iadis transportez en Gaule, & pour les raisons susdites depuis appelez Bataues: repoussez delà le Rhin sous le nom de Cartes, Cherusces, & encores de Francs. Aussi les Salies des Alpes sont trop esloignez de Germanie, pour estre estimez peres des Francs, ainsi qu'aucuns veulent. La prudence des Empereurs Diocletian & Maximian, fut cause que l'estat de Rome reprist son ancienne majesté, & se reuint de tant de heurts endurez l'espace d'environ cinquante ans, sous changement de presque autant d'Empereurs ou tyrans. Durans le regne desquels les nations du Septentrion & de Germanie, s'approcherent si pres de la frontiere des Romains, qu'ils furent contraincts ou les cōbatre, ou les prendre à leur service, employant les vns contre les autres: & que l'on commença de cognoistre & oïr parler des Allemans, Bourguignons, Gots, Alains, Vandalles, Saxons, Francs, & autres nations depuis bien renommes, que neantmoins la vaillâce & sagesse des Empereurs Diocletian, Constantin Clorus, & Constantin le grand, Iulian, Valentinian, & Theodose, empescha de s'estendre plus auant, & courre l'Occident; comme ils feirent cent ans apres. Mais pour scauoir qui estoient les Francs & si ce fut vn peuple ou vne factiō & ligue d'hōmes qui print ce nom, ce sera vn long & possible ennuyeux discours, veu la contrariété des auteurs qui en parlent. Toutesfois puis que i'ay entrepris de dire leurs faicts d'armes, ie prieray le lecteur me laisser prendre le fait vn peu plus hant, & alleguer les raisons debatues entre les scauans, pour en iuger puis apres plus sainsment. Car la grandeur, la bonne conduicte & la vertu de ce peuple, a mis en question les Gaulois & Germains, qui le veulent chacun aduouer pour parent ou naturel de leur pays.

*Fin du premier Liure des Antiquitez Gauloises.*

---

## ADVERTISSEMENT DE L'AUTHEVR.

I'ay suiuy au compte des ans ceux qui pensent que nostre Seigneur soit nay l'an du Monde MMM. VCCCC LXIII. De sorte qu'auant sa Natiuité il faut retrograder sur le puiot de ladite annee MMM. VCCCC. LXII. & de là en auant iusques au iourd'huy.

SECOND



# SECON D LIVRE DES ANTIQUITEZ FRANCOISES, IVSQUES A LA MORT DV ROY Clouis premier Roy François Chrestien.

## CHAPITRE I.

*Diverses opinions sur l'origine des François. Qu'ils sont venus des Sicambres, & ont habité deça & delà le Rhin, environ son emboucheure. Les Sicambriens sont transportez en Gaule par Iules Cesar. Depuis furent au service des Romains comme soudoyers & sous divers noms: Sont logez en Hongrie pres Bude: & venus de Francus estimé filz d'Hector de Troie.*



APRÈS PART de ceux qui ont escrit des François, disent que des Troyens eschapez du sac de leur ville que les Grecs auoyent destruite, estans conduits par vn nommé Francion, du lignage du Roy Priam Roy de Troie, arriuerent aux paluds Meotides (aujourd'huy la Mer Noire) où ils bastirent vne cité, par eux nommée Sicambrie, laquelle ils habiterent, iusques à ce que Valentinian second ne pouuant resister aux Alains, ou bien ailleurs empesché,

*L'an du  
Iesus  
Christ.*

accorda de les quitter du tribut de dix ans, s'ils arrestoient les courtes violentes de ce peuple ennemy: Que les Sicambriens heureusement acheuerent la guerre par eux entreprise, repousserent les Alains, sur lesquels ils eurent plusieurs victoires: & le terme passé, quand les Romains demanderent le tribut accoustumé, ils refuserent de le payer: disans: Puis que l'Empereur n'auoit peu chasser ses ennemis, ce n'estoit raison que les victorieux fussent tributaires: car ils portoiēt le nom de Francs, qui en leur langage signifioit libres. Que les Emperours martis de si fiere response, les chasserent de leur ville; & qu'estans conduits par vn certain Marcomir, sous le nom de Franos, ils vindrent habiter vn quartier d'Allemagne; maintenant appelé Franconie, pour le long temps qu'ils y demorerent. De tout cecy nous n'auons pas vn bon auteur entre les Romains, ne les Grecs, ains seulement quelques abbregez de Chroniques,

## SECOND LIVRE

L'An de  
Iesus  
Christ.

Adôle Moine Aymé, & aussi Triteme: nouveau & qui dit par les apres un certain Hunibald, qu'on estime auoir esté du tēps de Clouis. En quoy moine Gregoire Archeuesque de Tours (qui mourut auât l'an six cens de nostre Seigneu) en son histoire ne fait mention de ceste descēte de Troye, ne de la composition de Valentinian, & luy mesme ne sçait où loger les premiers Frācs, ne conter leurs Rois auât Cloyon. Encores que Triteme en nomme beaucoup, & les face regner plus de pccc. ans auant la Natiuité de nostre Seigneu Iesus Christ; Quāt à Gregoire, il dit (cōme en passant) que d'aucuns auoient opinion que les Francs sortis de Pannonie, festoient logez pres le Rhin. Que depuis ils passerēt pour venir en Tōgres, allis pres de Liege (car ie lis ainsi en Gregoire, suyuāt les vireils liures, & faut croire que là Toringie de son temps comprenoit deçā & delā le Rhin) où ils habitèrent par Bourgades & citez: ayans establi sur eux des Rois cheuelus. Opiniō qui aide fort à ceux qui veulēt croire les Francs estre Sicābriens, Rhenois ou Frisons, cōme ie fay. Or nonobstant le tesmoignage d'un si ancien autheur que Gregoire, aucuns des plus sçauans de nostre tēps, cuident que les Francs sont venus des Francones, nommez entre les peuples Germains, qui enuoyerēt vne ambassade vers Aurele, lieutenant de Hirtie, gouuerneur pour les Romains de la Frōtiere de Gaule du tēps de Ciceron, lequel en parle au liure de ses Epistres esrites à Pomponne Attic. Ce passage de Cicerō corroy par les Imprimeurs, a fait penser aux Allemās que les Francs sont venus d'eux. Et pour le cōfirmer d'auantage, ils disent que les Brēkes, ou Vrenkes par Strabon Geographe grec logez estre les Noriques (c'est Soabe, & le païs voisin d'Augsbourg) renioient la mesme prouince, qu'on appelle encores auourd'huy Frāconie. Toutesfois Tacite historiographe Romain, nay peu apres la mort de Strabō, & qui a bien curieusement descrit la Germanie, ne fait aucune mention des Frācones, ne des Brākes: encores qu'il conte par le menu tous les peuples Germains: parmi lesquels ne se trouuēt aussi les Sicābriens, ne les Bataues, pource qu'il les estimoit plus Gaulois que Germains. On pourroit aussi tost croire ce qu'un tres-sçauāt personnage a laissé en doute, sçauoir si les Francs sont point les Phirassi que le mesme Strabō met en Scādinanie (qui est Suede, Noruegue & païs voisin) d'auant que le seruiain par exreur, au lieu de deux F se peut auoir mis deux S, faisant de PHATTOI c'est Frangi & PHAZZOI c'est Phirassi. Mais tout cela est deuiner & se vaut mieux tenir aux preuues certaines, & (comme disent les praticiens) affidées. Chacun sçait que Saint Remy baptisant Clouis luy dit, *Mittis te in paludibus sicambri* (c'est à dire,) Sicambre d'ou abaisse ton col fier. L'appellant par le nom du peuple, qui du temps mesmes de Iules Cesar (ainsi que l'aydicy dessus) estoit voisin des Vbiens & depuis fut transporté par Auguste deçā le Rhin, où maintenant est Zelande, Holande, & Gueldres; mais qui perdit son nom à cause de ce transport, & demeura compris sous les Bataues, Cauces & autres peuples voisins deçā & delā le Rhin. Tous les autres autheurs precedens ou prochains du temps de S. Remy, auoient mesme opinion, ainsi que Claudian, & principalement Sidoine Appollinaire ont dit, *Francorum est penitissimas paludes* (c'est en d'autres termes, des pentes des Sicambres). Tu entends les Francs aux plus ferees paludes. En estant aluē des Sicambres chēulus.

Mellant les Franks parmi les Sicambriens, comme si ce n'eust esté qu'un mesme peuple, A quoy ie me tien, comme à l'opinion plus certaine, & fondée sur maints passages des auteurs prochains du temps de leur venue; principalement Zosime & Procope, que ie laisseray iusques à vne autre fois de peur d'ennuyer: apres que ie vous auray asseurez, que Venant Fortunat appelle encores **Sicambrien**, Aribert Roy de Paris petit fils de Clouis: en disant,

*Cum sis progenitus clara de gente Sicamber, Floret in eloquio lingua Latina tua.*  
C'est à dire, Combien que tu sois nay de gent Sicambrienne.

Le langage Latin coule en la bouche tiene.

Mais tout ainsi que i'ay monstré les Sicambriens & Franks, auoir tenu & logé dans vn pays en mesme téps, aussi veux-je librement confesser, que ie ne sçay pourquoy ils ont changé lenom de Sicambres, Caucés, Tancteres, Bructeres & autres (pris des nations qui depuis ont habité le pays d'entre le Rhin, la riuierede Lip & Albe) en cely de Franks. Car ie ne puis estre de l'opinion de ceux, qui disent que ce fut pour la franchise & exemption de tribut que leur remie Valentinian, apres qu'ils eurent chassé les Alains: pource qu'il est certain que long temps deuant, le nom & le peuple Franc, estoit cogneu pour voisin de Colongne, & de l'emboucheure du Rhin. Qu'ainsi soit, Postume l'un des trête appellez Tyrans, qui s'esleuerent (comme i'ay dit au premier liure) pour chastier la nonchalance & dangereuse desbauche de l'Empereur Galien, tenant les Gaules enuiron l'an de nostre Seigneur Iesus Christ, cc. lxx, fut le premier qui fit venir à son ayde contre ce monstre de Prince, les Franks voisins de la riuierede Rhin. Durant ce temps, on ne trouue en aucun auteur publié iusques auourd'huy, que les Franks ayent esté cogneuz par tel nom, ou combatu contre les Romains. Trop bien lit-on en Tacite & Suetoine qu'il y auoit tousiours au seruice de l'Empire vne bande (lors appelée Cohorte) Sicambrienne, fort estimée pour sa vaillance: & que les Sicambriens auoient esté tirez de Germanie, & logez en la Gaule par Auguste, en ceste Isle du Rhin, qui depuis fut appelée Bataue. Encores il se trouue vne harangue de louange prononcée deuant l'Empereur Maximian, que les Franks estoient bien aduancez en Belges, & iusques à la Riuierede l'Escaut. Et icy ie supplieray les plus courtois lecteurs me pardonner; si excedant la narration d'un Annaliste qui doit estre plus courte, ie fay du Grammairien pour d'auantage esclaircir l'origine de nos peres.

## CHAP. II.

*Les Franks s'elargissent en Gaule, sont deffaits par Constantin Clere. Viennent au seruice des Empereurs Romains, & sont aduancez aux charges Romaines. Franks appellez Saliens, Ripuariens, & leur demeure.*

**E**s Bataues donc ou Sicambriens durant l'Empire Romain estoient traittez comme amis: car ils ne sont (dit Tacite) soulez de tributs, ne mangent par les fermiers des impositions: ains exempts de charges & leuées de deniers; & comme des armes & des harnois, ils sont reservez pour la guerre. Le mesme auteur les décrit encor mieux aux. liure. Les Bataues (dit-il) pendant qu'ils demeuroident outre le Rhin, faisoient

H ij

## SECOND LIVRE

*L'année  
1483  
Christ.*

Vne partie du peuple des Cattes: depuis estans chasséz par vne sedition domestique (ce pourroit estre le voyage duquel parle Cesar en ses Memboires, quand les Suaves les contraignirēt abandonner leur pays) ils vindrent loger aux derniers bours de la Gaule, alors deserte & vuide d'habitans: occupans vne Isle assise entre les Guez & les Bancs, que la mer Oceane enuironne par le front; & le Rhin de tous les autres endroits. Ils ne sont soulez par la puissances des Romains, estans trop forts & bien aliez, mais seulement fournissent à l'Empereur des hommes & des armes: pource que de long temps ils sont accoustumez & duits à la guerre contre les Germains. Il adiouste encores, que leurs compaignies (toufiours conduites par chefs de leur pays) acquirent grande reputation en vn voyage qu'elles firent en la grand Bretagne, & que les gens de cheual leuez entre eux, auoient en singuliere recommandation de s'accoustumer à nager: & passer le Rhin à cheual tous armez, en rang & ordre de bataille. Tellement que ceste reputation peut bien auoir esté cause, que les Empereurs asseurez de leur vaillance, les mirent en garnison contre les nations d'outre la Dunœ. De sorte que si iamais il y eut en Hongrie, ville portant le nom de Sicambrie (comme l'on dit qu'il s'en trouue des marques pres Bude, en vn lieu appellé Schambri) quand la pierre, de laquelle font mention Appian & Amant seroit veritable, il ne faut conclurre que les Sicambriens soient venus des paluds Meotides, trop esloignez de Hongrie, ains de Batavie: où la leuée des hommes de la legion Sicambrienne se faisoit. Et si l'on dit que ceux dont parle Gregoire, demourerent si longuement au pays de Hongrie (où ils tenoyent garnison) que le fort s'accrut & s'edifia en ville, comme ceux de dessus le Rhin, bastis par Auguste, sont deuenus grâdes & bōnes citez, ie respon que la Sicambrie Pannonisene ne seroit qu'une colonie des Sicambres Gaulois. Or si les Sicambriens ou Bataues appelloient en leur langage ces exempts, Franks; ie m'en rapporte à ce qui en est, car ie n'en trouue rien aux liures des anciens, soit Ammian, Zozime, Procope, Agathie, Iornand, Gregoire de Touts, & autres de ceste qualité. Toutesfois, ie croy bien que franchise vient de Franc, & qu'il y a de l'apparence, que ce peuple ayant occupé vne partie de la Gaule, il ne se voulut assuietir de payer semblables impôts, que les anciens habitans des terres par eux conquises, & que depuis, si quelcun descendu de ces Franks estoit molesté par les collecteurs de subsides, il se disoit issu de Franks, & par consequent exempt de tribut: dont est venu le mot de Franchise. Cela peut estre recueilly & appris de maints passages qui sont çà & là par les histoires, & les anciennes loix Françoises: qui taxent à moins l'amende & composition des fautes commises par les Franks, que celles des Romains, Bourguignons, & autres leurs sujets. Il y en a aussi qui disent ce nom venir de Francus, vn des Ducs ou Capitaines Franks, non pas fils d'Hector de Troye, mais Sicambrien: qui (ce dit vn abrégé de Gregoire) estant compaignon de Torcats (duquel sont venus les Turcs) vint bastir vne Tour sur le Rhin, ce que ie n'ay voulu oublier, afin de reciter toutes les cōmunes & contraires opinions. Mesme il ne faut trouuer estrange ceste diuersité, pource que la grandeur des Romains a estouffé plusieurs nations, lesquelles se faisant soudain cognoistre

après la ruine de ce grand Empire, l'on estima nouvelles, ou d'origine tant incertaine, que les auteurs du temps ne sçauoient qu'en dire. Tellement que ceux qui en parlèrent depuis, les voulans fanoriser (ou plustost par ignorance de l'antiquité) eurent assez moyen de seindre, & d'escrire tout ce qui leur vint en fantasie. Quoy qu'il en soit, ceste leuée de Franks que l'Empereur postume feit durant les diuisions & débats de tant d'Empereurs (qui les vns après les autres se tuèrent, ou possederent l'Empire peu de temps) les incita de s'élargir en Gaule, mal gardée pour les troubles iustits. Aussi pëndant qu'Aurelian estoit gouverneur de ce pays, & auant son Empire, ayant desfait quelques Franks, ils ne laisserent, à toutes occasions, d'entreprendre sur les Romains gardans ceste frontiere. Car mesme du temps de Probe, aucuns s'adresserent à cest Empereur, luy demandans des terres pour habiter : & l'autre partie qui ne se peut accorder, trouuant des vaisseaux sur le riuage de la mer Majour, passa (comme dit vn Panegiric) en celle de Leuant, & courut iusques en Grece : puis de là vint saccager Syracuse (auioird'huy Sarragoce) ville de Sicile, resournans en leur pais par la mer Oceanne. Depuis les Franks ioints avec les Allemans, mirent en route & blesserent Constantin appelé Clorus pour sa couleur : lequel sauué à Langres les recharga si viuement, que sur le champ il mourut soixante mille Franks, ou Allemans ; aucuns desquels auoient ia conquis le pays de Belges, & les autres celuy de Rhètes. Ceste bataille fut donnée l'an trois cens après Iesus Christ, selon Eusebe ; & dès lors beaucoup de Fracs<sup>300.</sup> entrèrent au seruire des Romains, comme gens de secours & alliez. Car il y en eut du costé de Constain le grand, en la guerre contre Licinie, où ils feirent bien leur deuoir : enuiron l'an trois cens vingt & six de nostre Seigneur Iesus<sup>326.</sup> Christ. Et combien que Constant fils de Constantin, les eust battus l'an trois<sup>345.</sup> cens quarante cinq, il feit paix avec eux : de maniere que tousiours depuis la Cour des Empereurs s'en trouua bien garnie : pour ce que les Romains laissoient paruenir aux charges de guerre, & aux grands estats les Princes Franks : comme Vrcisin, qui fut Lieutenant d'Orient, Siluain Lieutenant de la frontiere de Germanie, contre les Franks mesmes, ses parens ; & lequel osa bien entreprendre de se faire Empereur, redoutant la cruauté de Constance, qui le feit tuer à Cologne par ledit Vrcisin. Ammian Marcellin monstre la grande autorité que les Franks eurent auprès des Empereurs. Toutesfois au moyen des discordes ciuiles aduenüs de son temps, leur pays n'obeissoit point entierement aux Romains, ainsi que les autres prouinces leurs tributaires, & par son histoire l'on peut seulement recognoistre, que la France (car il vse desia de ce mot) & les Franks estoient en lieux marescageux pres Cologne, deça & de la le Rhin, du costé de Frize, Gueldres, Holande, Zelande & Brabant : ce qui les faisoit appeller des Poëtes, hante-paluds, nageurs, beueurs d'eau de V. Vahal, qui est la branche du Rhin coulant du costé de la Gaule. Les Franks pour lors auoient plusieurs noms : car aucuns s'appelloient Saliens, pource (disent aucuns) qu'ils sailloient bien, & non pour estre venus des Salies des Alpes, autres Anthuariens, autres Ribuariens ou Ripuariens, qui ont donné le nom à la terre que les Ribaroles tiennét auioird'huy pres de Liege. Bien est vray que

## S E C O N D L I V R E

L'an de le pays prochain de Frize, & qui est entre les branches du Rhin, estoit plus  
 Lesm  
 Christ. vrayement nommé France, que non pas cest endroit de Germanie maintenant  
 appelé Franconie, qui est trop haut amont le Rhin: & auquel (sauf meilleur  
 auis) l'on ne doit approprier ce que dit S. Hierosme en la vie d'Hilarion, &  
 lequel loge les Francs pres de Tréues, entre les Saxons & Allemans. Car ou-  
 tre ce que la riuere de Rhin coule entre Tréues & la Franconie du iourd'huy:  
 les Allemans tenoient la Germanie, depuis le haut de ceste riuere vers Con-  
 stance, iusques à celle de Mein. Les Saxons estoient sus l'Elbe, & ce qui est en-  
 tre le Rhin, Mein & la mer, à sçauoir Hess, V Vestphalie, Frize vers Gueldres,  
 Holande & Zelande, estoit habitation des Cauces, Cattes, Cherusces, Francs,  
 & de leurs alliez. Lequel pays peut estre mieux pris pour la France entendue  
 par Sainct Hierosme, que ceste nouvelle Franconie Allemande, dont ie parle-  
 ray cy après. Ce que ie dy est bien prouué par Beat Rhenan tres-sçauant au-  
 teur Allemand, qui a le premier esclaircy ce nuage: & ce qu'il dit se trouue dans  
 Ammian & Zosime, ainsi que verrez par ce petit recueil que maintenant ie  
 vay faire de l'aduancement des Francs. Car (comme i'ay dit) à fin de desuelo-  
 per plusieurs doutes, ie suis contraint en ce cōmencement d'Annales & d'An-  
 tiquitez, faire du Grammairien. Quant à la religion des Francs de ce temps-là,  
 ils estoient idolatres comme tous leurs voisins: & Gregoire de Tours dit, qu'ils  
 adoroient les figures des oiseaux, & autres bestes des cauës & forests, ausquel-  
 les ils sacrifioient.

### C H A P. I I I.

*La querelle des enfans de Constantin le Grand donna occasion de ruiner  
 l'Empire, durant laquelle les Francs & autres nations estrangeres s'este-  
 uerent. Iulian surnommé l'Apostat est faict Cesar: chasse les Germains de  
 Gaule. La vraye habitation des Francs en ce temps là.*



Ues guerres ciuiles de l'Empereur Constantin (surnommé le  
 Grand pour ses beaux faits) & de Maxence, puis des enfans  
 dudit Constantin, finalement de Constantie contre Magnen-  
 ce & Decence, trauaillerent grandement l'Empire Romain:  
 & ceste derniere plus que les autres, dont l'origine fut telle.  
 Constantin le grand laissa trois enfans, Constantin, Constan-  
 tie & Constans. Constans ayant meschamment fait tuer Constantin son frere,  
 & se portant cruellement & orgueilleusement enuers les soldats de la garde  
 Imperiale, fut cause que Magnence colonnel de deux Legions, se declara Em-  
 pereur Auguste en la ville d'Augstun. Dont Constas aduertty, comme il se vou-  
 loit sauuer en Espagne, passant par vne ville du Comté de Parpignan, lors ap-  
 pellée Helcine, & maintenant Elua, il fut tué par Gaislon partisan de Magnen-  
 ce, qui tenoit à la deuotion bonne partie d'Italie & de la Gaule, pource qu'il  
 auoit esté nourry au pays des Lethes, que d'aucuns pensent estre Liege. Ma-  
 gnence deffait par Constantie en la grande bataille donnée pres Murse ville



de Panhonie, & prochaine du pays qu'on appelle en Hongrie les cinq Egh-  
 ses, se sauua à Lyon, les autres disent *Sigidum*, où il se tua soy-mesme, se voyant  
 abandonné du support qu'il attendoit des Gaules; & Decence se pendit. Ces  
 troubles & guerres (mais principalement la bataille de Murse, où il mourut  
 cinquante trois mille hommes; & tous les plus vaillans capitaines & soldats  
 Romains) donnerent occasion aux nations Germanes d'entrer en la Gaule: de  
 sorte que les Franks, Allemans & Saxons prindrent bien quarante villes sur le  
 Rhin, & coururent tellement le pays, qu'ils le rendirent presque desert. Pour  
 à quoy remedier, l'Empereur Constantie l'an ccclv. fit Cesar (c'estoit le til-  
 tre du successeur de l'Empire) Iulian son cousin germain, prince tres-vaillant,  
 sage & digne de grand' loüange, s'il n'eust persecuté les Chrestiens, qu'il ap-  
 pellerent Apostat, pource qu'ayant esté nourry entr'eux, ouuertement il se  
 declara payen quand il eut l'Empire. Iulian venu en la Gaule, y trouua les  
 estrangers si forts, qu'ils auoient pris & pillé beaucoup de places; & mesmes  
 assiége Authan, où neantmoins il entra puis à Auxerre, repoussant & escartant  
 les ennemis, qui tousiours estoient sur ses bras; & passant par Troyes, ils ar-  
 resté à Rheims, où il auoit commandé que l'armée Romaine assemblée à Besan-  
 çon l'attendist. Ainsi donc Iulian renforcé de gens, apres auoir gaigné vne  
 grosse bataille sur les Allemans, chassa de Strasbourg, Sauerne, Spire, Mayen-  
 ce, & pays d'alentour les estrangers, qui s'estoient logez dans le territoire de  
 ces villes: car les Barbares (dit Ammian) fuyent l'enclos des murailles, comme  
 les bestes sauuages les toilles des chasseurs: ce qui me fait estimer que c'estoient  
 gens de cheual. Lors Iulian voyant que personne ne luy faisoit teste, s'avança  
 pour reconuer Cologne, prinse & destruite anât son arrivée, & ne sortit point  
 de ce quartier là, iusques à ce qu'ayant abbaisé l'orgueil & esportant les  
 Rois Franks, ils eurent accordé la paix. Or les Saxons craignans que ce Prince  
 ne mist à destruction le reste, enuoyerent deçà le Rhin vne partie de leurs gens  
 appelez Quades: lesquels empeschez de passer par les Franks (qui auoient  
 peur que Iulian ne vint derechef en leur terre, s'ils ne resistoient à ceux-cy)  
 firent des vaisseaux; & ayans passé la riuiere, descendirent en Batauië, de la-  
 quelle ils chasserent les Franks Saliens qui la tenoient. Les nouvelles entédues  
 comme les Quades gaignoient pays, Iulian commande à ses gens de leur cour-  
 re sus, & de ne tuer aucun des Saliens ou l'empescher de passer en la terre des  
 Romains; d'autant qu'ils n'y enuoient pas come ennemis, ains pour estre chas-  
 sez de leurs maisons par les Quades: laquelle courtoisie fait qu'une partie des  
 Saliens sortit de l'Isle avec leur Roy, & l'autre sauuée dans les montaignes se souf-  
 mit à la mercy du Cesar. Ceci pris de Zosime auteur Grec (publié depuis le re-  
 cueil par moy fait des choses cy deuant escrites) m'a confirmé en l'opinion que  
 j'auoy que les Franks habitoient pres Cologne: avec ce qu'Ammian (qui viuoit  
 en mesme temps que S. Hierosme) dit, que Iulian chassa les Franks Anthu-  
 riens des terres qu'ils vouloient usurper deçà le Rhin: & que les Saliens s'estoient  
 bien hardiment venus loger en Toxiandre pres de Tungres & la riuiere del'Es-  
 caut; où Iulian leur permit demourer. Par ce que dessus, il appert clairement que  
 les Franks estoient la pluspart habitans de la Gaule & voisins de Cologne, en l'an

L'An de  
 le 1<sup>re</sup>  
 Christ.

355.

## SECOND LIVRE

*L'an de* vers Gueldres & Holande; & quant & quant pouuoient demeurer par la Frize, VVestphalie, & les maretz d'alentour : ayans plusieurs & diuers noms, selon qu'il plaisoit aux chefs de leurs bandes, compagnies ou familles. Aussi ie pense que Sainct Hierosime au lieu cy dessus corté, entend parler des Franks prochains du Liege; le quel pays confine au territoire de l'Archeuesché de Treues, & ne peut estre prins pour le pays de la Franconie du iourd'huy, assise delà le Rhin, vis à vis de Mayence: où du temps de ce sainct personnage, habitoient les Buceinobantes: comme dit le mesme Ammian en son xxviij.liure. Quand donc Iulian eut cōtraint les Franks de la façon que i'ay ditte, à demourer en Gueldres, Holande & Brabant, voire partie de Liege, Namur & Hainaut: aucuns se meirent à escumer la mer en la compagnie des Saxons; & les autres furent employez au seruice des Empereurs, comme gens de secours, ainsi que leurs predecesseurs Sicambriens. Aussi ie trouue dans Ammian, que la compagnie des Bataues avec leurs Roys, furent vne bonne partie cause de la victoire que le mesme Iulian obtint sur les Allemans, quand il print le Roy Chonodomaire pres Strasbourg, l'anneeclvii. de nostre Seigneur Iesus Christ.

357.

### CHAP. IIII.

*Iulian est declaré Empereur à Paris. Mort de Constance Empereur. Iulian tué : il fut grand & vaillant Prince. Iouinian luy succede, & à ceuy-ci Valentinian avec Valens son frere: & encores Gratian son fils par luy faict Empereur à Arnyens. Bourguignons issus des Romains. La ruine de l'Empire commença à la mort de Valens. Gratian tenant trop grand compte des Alains, encourut la haine des Romains : & ayant appelé à l'Empire Theodose, Maxime Espagnol se declare Empereur : le quel deffit Gratian pres Paris, puis le commanda estrangler à Lyon. Priamus, ou Priarius Roy des François. Maxime vaincu par Theodose, est tué, comme aussi Victor son fils.*



A GRANDE vigilance de ce prince garentit la Gaule des courtes des estrangers, & luy donna telle reputation que tous les Roys de Germanie le redoutoient: de sorte que Constance luy portant envie, & pensant que la vaillance des compagnies qu'il leuoit deçà, augmentast sa renommée, enuoya vn certain Decence pour amener celles des Herules, Bataues, Petulans & Celtes, avec trois cens hommes choisis entre les autres, sous ombre de la guerre qu'il vouloit faire contre les Perles. Il fut aussi commandé à vn nommé Sintule, prendre les plus vaillans d'entre les Escuiers & Gentils (ainsi s'appelloient deux compagnies de gens de guerre) Mais Iulian ne faisant pas semblant d'entendre l'occasion, aduertit les commissaires de ne vouloir traual-  
ler ceux qui auoient mis leur pays d'outre le Rhin, à la charge qu'ils ne seroient

roient menez de la les monts, de peur que les Barbares ( les Grecs principalement, & depuis les Romains appelloient ainsi tous estrangers ) qui sous l'assurance de telles conditions venoient de bon courage servir les Romains en guerre, ne s'en retirassent à l'aduenir. Toutesfois, on ne laissa de faire la leuée nonobstant ses remonstrances, & d'acheminer les compagnies pres la ville de Paris, où ce Prince passoit l'hyuer. Or les soldats marris de tel transport, se plaindoient : disans qu'on les enuoyoit au loing, ainsi que des gens bannis, pour leurs mesfaits. Et qu'estans arrachez d'entre les bras de leurs femmes & enfans, n'agueres rachetez de captiuité au prix de leur sang, ils les laissoient de rechef à la merci des Allemans. Là dessus Iulian qui vint au deuant d'eux les receut humainement; & festoya leurs capitaines. Mais soit qu'il les eut pratiqué en secret, ou que ces gens despités & desireux de soy rebeller, en voulussent faire leur chef, ils l'appellerent Auguste dès le iour d'apres: & l'ayans esleué sur vn pauois, le declarerent Empereur en vn champ proche de ladite ville, luy mettant vn collier d'or sur la teste par faute de diademe, l'an de nostre Seigneur CCCLXI, ou LXII. Lors ce nouuel Empereur preuoyant bien la grande guerre en laquelle il entroit, appointra les affaires de la Gaule, & donna si bon ordre à la frontiere, qu'il n'eut crainte d'aller luy mesme chercher Constance: lequel laissant la guerre comencée contre les Perses, venoit avec vne merueilleuse puissance trouuer ce rebelle Cesar: au grand danger de l'estat Romain, si Constantie ne fust mort auant la récontre de tant de grosses armées que celles de deux Empereurs. Cela fut cause que l'apprest fait pour la guerre ciuile tourna contre les Perses, qui auoient gasté les quartiers de Leuant. Mais come Iulian cuidoit foudroyer ce Royaume, il fut occis, ou par les Perses, ou par aucuns des siens qui estoient Chrestiens, & son armée toute esperdue par la mort d'un si vaillant & sage Prince, declara Empereur Iouinian bon Chrestien, lequel ne dura que huiët mois, & mourut l'an CCCLXIII. Lors Valentinian Tribun de la seconde legion des Escuyers, fut esleu Empereur sans contredit aucun, & par inspiration diuine, ce dit Ammian, lequel tost apres nomma Valens son frere pour compagnon de l'Empire, & bien à point: car comme si tout le monde eust cōspiré contre l'estat Romain, les Allemans coururent les Gaules & les Rheties; les Sarmates ( qui sont Polonnois ) la Pannonie; les Quades, Picts, Saxons, Scots & Atracors trauailloient la grande Bretagne; les Austeriens & autres nations de Mauritanie, couroient l'Afrique plus fort que iamais; la Thrace estoit rauagée par des troupes de Gots, & le Roy de Perse auoit le pied en Armenie pour la saisir comme deuant. Encores les Allemans ( qui prirent occasion sur vn mauuais traitement recéu d'Vrsacie capitaine Romain ) entrerent en la Gaule, & tuerent Cariereton tres-vaillant Seigneur Franc, qui lors estoit au service des Romains: & duquel Zosime fait bien honorable mention. Iacoit que la ioye de ceste rencontre ne leur dura pas long temps, pource qu'ils furent deffaits par Iouin Lieutenant general de Gaule. Valentinian se voulant assurer de ce costé, y vint en personne: & l'an CCCLXVIII. estant à Amiens, declara Empereur Gratian son fils: sejourant en la Gaule pour refaire les forts de dessus le Rhin, principalement vn sur la riuere du Necre. L'an CCCLXX. ( au-

## SECOND LIVRE

*L'An de* que les Empereurs estoient Consuls pour la troisieme fois) les Saxons sortis  
*Iesus* de leur terre, se iettent sus celle des Romains, puis s'appointerent avec eux de  
*Christ.* fournir quelque nombre de ieunes hommes pour seruir à la guerre, & le reste  
fut mis en pieces, comme ils retournoient en leurs maisons. Or Valentinian  
voyant qu'il ne pouuoit destruire Macrian Roy des Allemans, sollicita les  
Bourguignons & leurs Roys, pour les assaillir: pendant qu'avec ses forces il en-  
treroit en leur pays. Les Bourguignons qui pensoient estre issus des Romains  
l'accorderent volontiers; ioint qu'ordinairement ils estoient aux mains avec  
les Allemans pour des Salines: & s'approcherent de la riuie du Rhin, ius-  
ques au nombre de lxxx. mille. Valentinian donc apres auoir mis quelque  
ordre en la Gaule, afin de resister aux Germains (touours prests de passer de-  
ça) finalement vint en Pannonie faire teste aux Cades: là où s'estant rompu  
vne veine à force de crier, il mourut; comme aussi peu apres Valens son frere,  
378. en vne bataille qu'il eut contre les Gots, l'an ccc lxxviii. Ceuuy-cy laissa  
pour successeurs en l'Empire, Gratian & Valentinian, enfans de Valentinian  
l'aîné. Ruffin & Sainct Hierosme remarquent la destruction de l'Empi-  
re Romain, au iour de la mort de Valens: pource que les nations estranges  
festans dés lors fourrées dans le pays sujet aux Romains, oncq' puis n'en peu-  
rent estre entierement chassées. Il n'y auoit (disent-ils) rien si foible que l'e-  
stat Romain; soustenu par les forces d'autrui: & depuis ce temps, la plus part  
des barailles se donnerent dans les prouinces Romaines, & tous les Romains,  
fors quelque peu de vieillards, estoient nez en captiuité, ou durant le siege des  
villes. Aussi Rome ne combattoit plus à sa frontiere ancienne, pour acquerir  
gloire, & honneur; ains au milieu de son Estat pour le sauuer. Voire elle ne  
combattoit point; mais à force d'or, d'argent & autres choses precieu-  
ses, elle rachepsoit la vie des siens: Car voila ce que disent ces bons Au-  
teurs. Quant à l'Empereur Gratian, il fut assez vaillant de sa personne;  
& à l'ayde des Francs ils deffit les Allemans à Argentuarie; vn village  
prochain de Colmar, ville du païs d'Ellas. Puis avec la reputation de telle  
victoire, tint les Gaules en paix, iusques à ce que par son mauuais gouverne-  
ment, & le peude conte des affaires de l'Empire, qu'il delaissoit pour em-  
ployer le temps à la chasse & tirer de l'arc, ainsi que les Alains (à la façon des-  
quels il se vestoit, & s'y fioit plus qu'aux Romains) il fut cause de se faire haïr  
des siens, & principalement de l'auoir de la grand Bretagne; qui l'an trois  
383. cens quatre vingts & trois, declara Empereur vn Seigneur nommé Clement  
Maxime, Espagnol de nation (aucun disent Breton) & marry de ce que Gra-  
tian auoit preferé à la société de l'Empire Theodose aussi Espagnol & lieute-  
nant de l'Empereur contre les Gots. Ce Maxime apres auoir vaillamment com-  
batu les Piets & Scots (desquels sont venus les Escossois) passa en Gaule; &  
trouuant Gratian pres Paris, prattiqua ses gens: puis l'ayant mis en route, le  
384. fit poursuivre par Andragace, qui le prit à Lyon & l'occit, le xxv. iour d'A-  
urill l'an de Iesus Christ ccclxxxiii. selon Onuphre, que ie veux syyre pour  
ce qui touche Rome. En ce temps regnoit en France Priamus, ce dit Prosper;  
& d'autres le nomment Priarius: comme aussi florissoient Sainct Hierosme

& Saint Martin. Or Maxime craignant Theodose Empereur d'Orient, feit L'An de  
alliance avec Valentinian II. à Tréues, lors estimée la plus grand' ville de <sup>le son</sup>  
Gaule, & y établit le siege de son Empire, sous ombre de vouloir faire <sup>Christ.</sup>  
teste aux Franks, & autres nations Septentrionales. Toutesfois se plaignant de-  
puis qu'on auoit fait quelque nouveauté en l'Eglise il print occasion de rom-  
pre ceste alliance, au moyen dequoy l'Empereur Valentinian craignant le  
traitement de Gratian son frere, se retira à Milan, puis en Aquilée, & de là  
montant sus mer, il enuoye demander à Theodose secours contre la violence  
de ce tyran : à quoy l'Empereur d'Orient volontiers entendit; & vint en Ita-  
lie contre Maxime, lequel prins dans Aquilée, & présenté à Theodose, fut  
depuis executé par la main d'un bourreau, qui luy couppa le col, l'an de Christ 388.  
ccclxxxviii. Dauantage Theodose auerty que Victor fils de Maxime auoit  
esté laissé en Gaule avec tiltre de Cesar, donna gens à Arbogaste qui le print &  
le tua. Ce fait Theodose rendit à Valentinian tout le pays auquel son pere  
commandoit, ensemble l'armée qu'auoit eue Maxime.

## CHAP. V.

*Genebold, Marcomir, Sunnum Ducs, ou Roys François entrent és Gaules.  
Se iettent en Hainaut. Nanin Capitaine Romain les va chercher en  
France, où il fut deffait. Valentinian second se gouverne par Arbo-  
gastes Franc, qui fait appointment avec Marcomir, & Sunnum sus-  
dits. Valentinian second Empereur ayant esté estranglé: Eugene à la  
faueur d'Arbogastes prend l'Empire. Lequel vaincu par Theodose,  
Arbogastes se tue de sa main. Mort de l'Empereur Theodose: Hommes  
renommez de sçauoir ou saincteté lors viuans.*



V MESME temps (comme dit Gregoire de Tours, apres Sul-  
pice Alexandre, & Nangis adioute l'an trois cens quatre  
vingts six) Genebold, Marcomir & Sunnum ducs ou capi-  
taines Franks, sortans des limites de Germanie, passerent à  
Mayence, & ayans deffait l'armée que Maxime auoit en ce  
quartier là tuerent plusieurs personnes, pillerent beaucoup  
de villages des plus riches, & mirent en grande frayeur la ville de Cologne. Ces  
nouuelles rapportées à Tréues, Nanin & Quintin capitaines Romains, à qui  
Maxime auoit donné le gouvernement des Gaules, & de Victor son fils encor  
enfant; assemblerent leur armée à Cologne. De quoy les Franks aduertis, apres  
auoir chargé le meilleur de leur butin, repasserent le Rhin laissant deça vn nom-  
bre de leurs gens, prests à recommencer des courses, s'ils n'eussent esté deffaits  
par les Romains, ioinnant la forest Charbonniere, que l'on estime estre le pays  
de Hainaut & de Thierasche. Les capitaines victorieux mirerent en cōseil si on les  
deuoit poursuiure & aller chercher iusques en France. A quoy Nanin ne peut  
s'accorder, disant; qu'on les trouueroit preparez, & encores plus forts en leur  
pays. Mais Quintin & les autres hommes de guerre approuuans l'opinion  
contraire, feirent retourner Nanin à Mayence, & passerent la riuere du Rhin

## SECOND LIVRE

*L'an de* pres le chasteau de Nuz. Au deuxiesme logis ils trouuerent les maisonnettes  
*Iesus* & hameaux avec les grands villages abandonnez des Francs; lesquels feignans  
*Christ.* d'auoir peur, s'estoient retirez aux bois, apres auoir fait des sciages & tranchis  
d'arbres qui bordoient les forests. C'estoit vne ruze de guerre commune aux  
Gaulois & Germains qui habitoient pres des bois: lesquels se sentans trop foibles  
pour tenir la campagne, scioient les plus grands arbres de l'étrée de leurs  
forests, qu'ils mettoient en chantiers; & aucuns autres par voye nō pas entiere-  
mēt, mais tant qu'ils pouuoiet demourer debout. Puis quād ils estoient pressez  
de leurs ennemis voulans poursuyure la victoire, en fuyant dedans ces bois ils  
pouffoient vn des arbres my-sciez, qui tumboit sus vn pareil, & cestuy sus vn  
autre, iusques à ce que continuant par tout le circuit destiné, ils venoient acca-  
bler leurs ennemis espars çà & là, ou leur empeschoient la retraite: lors ceux  
qui auoient preparé ceste embusche, montans sur l'abatis des arbres, ou sur les  
pilles & chantiers d'en haut, combattoient à leur aduantage ceux qu'ils auoiet  
surpris. Les Francs vserent de tel sciage pour ceste heure-là: car l'armée des  
Romains ayant mis le feu aux maisons & villages, & fait ce que les fols & las-  
ches estiment estre vne cōsommation de victoire, les soldats passerent la nuit  
le harnois sur le dos; & au point du iour, suyans Quintin, entrerent dedans le  
bois, marchans iusques enuiron midy, qu'ils s'esgarerent & fouruoyèrent des  
chemins: finalement trouuans que tout ce grand circuit & haye estoient bien  
& seurement clos, ils arriuerent en des marets ioignans les bois; & lors ap-  
parurent les Francs en petit nombre, qui montez sus les chantiers (comme sur  
des tours esleuées) tiroient d'en haut coups de fleches enuenimées d'herbes:  
lesquelles perçant seulement la peau, ou fichées en des endroits non dangereux  
ne laissoient toutesfois d'estre coups mortels. L'armée Romaine pressée de  
plus grand nombre de gens qu'elle ne pensoit rencontrer, voyant vne plaine  
que les Francs auoient laissée toute libre, s'y retira en grand haste. Mais les  
premiers cheuaucheurs qui accoururent se trouuerent embourbez en crouil-  
lieres & marets: tellement que les hommes meslez parmi les cheuaux em-  
peschez en la boüe, furent accablez de la presse des leurs mesmes. Quant aux  
pietons qui n'auoient esté soulez & perillez de la cheualerie, apres auoir en  
grand travail marché par la fange, en fin ils se retirerēt derechef dans les bois.  
Ainsi les rangs de la Legion troublez par la mort d'Heracle Tribun & colon-  
nel des Iouiniens (c'estoit le nom d'une legion) & de presque tous les hommes  
de commandement, le reste en petit nombre se sauua par l'obscurité de la nuit,  
& des bois qui les cacherent. Ceste victoire donna moyen aux Francs de cour-  
re plus librement en la Gaule Belgique, & (comme dit vn abregé) de demeurer  
tout l'hyuer à Tréues, se rendans espouuantables à toutes les nations voisines;  
ioint le trouble auquel le pays estoit par la mort de Maxime, & de Victor son  
fils. Avec ce que l'Empereur Valentinian second, auoit assez de peine d'appai-  
ser & donner ordre aux émotions du pays. Ce Prince naturellemēt enclin à la  
vie paisible, se laissoit gouuerner par vn nommé Eugene le premier de ses se-  
cretaires, hōme tres-sauant; & aussi par Arbogaste Frac de nation, vaillant Sei-  
gneur & liberal: lesquels voulās assseurer le pays de Gaule, luy cōseillerent faire

resistace aux Franks. Or soit qu'il eust mauuaise opinion des anciens Lieutenans de ceste frontiere (iadis de la faction de Maxime) il enuoya Cariereton & Syre, pour au lieu de Nannin garder le costé de Germanie, avec vne bonne armée qu'il leur bailla. Puis voyant que les ennemis ne cessoient de courir, Arbogaste qui auoit lors toute l'autorité, s'achemine vers ce quartier là, afin d'essayer le moyen de chastier les Franks, selon leurs demerites; s'ils ne reestablissoient incontinent le dommage nagueres par eux fait à l'Empire Romain, & rendoient les auteurs de la guerre, pour estre punis de leur infidelité, & violement de la paix. Ce Capitaine ayant parlementé assez legierement avec Marcomir & Sunnum Seigneurs du sang Royal des Franks, & d'iceux receu les ostages accoutumez, vint passer l'hyuer à Treues. Mais l'Empereur Valentinian manié (comme i'ay dit) & se tenant enfermé dans son palais de Vienne, quasi en maniere d'homme priué & sans charge publique, les affaires de la guerre se demenoient par les gens de la garde Franque: tellement qu'il ne se trouuoit aucun qui eust osé obeir au plus legier & simple commandement de l'Empereur. Aussi Arbogastes deux fois Consul, & son Lieutenant sus la gendarmerie, voyant qu'on le vouloit desapointer: apres auoir en la presence de son maistre deschiré, & ietté par terre l'arrest qui en auoit esté donné, prattiqua les valets de chambre de l'Empereur, qui l'estrangerent. Et afin que l'on pensast que c'eust esté par desespoir, ils luy mirent vne corde au col, & le pendirent, l'an de nostre Seigneur Iesus Christ cccxcii. Incontinent apres Eugene (duquel i'ay parlé cy dessus) fut esleu Empereur seulement en tiltre, pour ce qu'en effect Arbogastes commandoit. Cest Arbogastes estant homme grossier, & n'ayant l'esprit, le conseil, ne la main moderez d'aucune raison (ce sont les mots d'Oroze, combien que Zosime qui viuoit du mesme temps, en parle bien plus honorablement) de tous costez amassa de grandes forces, tant Romaines qu'estrangeres, & scachant bien qu'il auoit affaire à Theodose Empereur en Constantinople, Prince vaillant, & qui ne laisseroit impuny vn si lasche tour fait à son beau-frere & compaignon de l'Empire, vint à Cologne en plain hyuer, qu'il geloit bien fort, cuidât pouuoir aisément entrer en France, & brusler toutes les retraites & forts, d'autant qu'en telle saison il n'y auoit point de fueilles aux arbres, pour celer & couvrir les embusches: avec ce que de race il haïssoit Marcomir, qui l'auoit chassé de son pais, ce dit Auentin. Parquoy ayant assemblé son armée & passé le Rhin, il courut les Bristeres (c'est le pais de Brunwich) & pillà le village ou pais d'Ætie: que les Camanes habitoient (ceux-cy tenoient vne partie de Frize & pais voisin de Gueldres) sans rencontrer aucun, sinon que bien peu d'Amphiuares, & Cattes, conduits par Marcomir, se monstrerent sus des costaux assez loingtains. Lors Arbogastes considerant qu'il ne pouuoit venir à chef de son entreprise contre les Franks: voulant l'asseurer de ce costé là, feit approcher le tyran Eugene de la frontiere du Rhin, afin de renoueler les traittez anciens faits avec les Roys Franks & Allemands, & par mesme moyen monstrier à ces gens farouches, la grande armée par luy amassée: pour apres l'auoir renforcée du secours des Franks & Gaulois, venir rencontrer Theodose. Cest accord dressé, Eugene prend le chemin d'Ita-

L'An de  
Iesum  
Christ.

392.

## SECOND LIVRE

*L'An de* lie, & ſçachant que la Religion Chreſtienne n'eſtoit embrassée de plusieurs  
*Ieſus* que par force, & meſme qu'il y en auoit de marris que l'on eult fraiſchement  
*Chriſt.* abbatu les Temples des Idoles, & entr'autres celuy de Serapis, superbement  
 baſti en Alexandrie d'Egypte, & comme la colonne ſouſtenant tous les autres  
 fait peindre en ſes eſtendars Hercules: afin d'attirer les Payens de ſon coſté,  
 comme ſil euſt voulu combattre pour remettre ſus l'ancienne religion des  
 Dieux, eſbrassée entre les Romains dès le temps de Constantin le grand, & du  
 tout abolie & reduite à neant par Valentinian premier, & par Theodose. Ce  
 neantmoins le tyran Eugene fut vaincu corame par miracle: pource que du-  
 rant le combat il ſe leua vne tempeſte & vne pouſſiere, qui donnerent aux  
 yeux des ſoldats: de ſorte que luy meſme ayant eſté pris, & mené deuant ſon  
 ennemy, il fut tué le ſixieſme iour de Septembre, l'an de Ieſus Chriſt trois cēs  
 394. nonante quatre. Arbogaste ſauué dans les montagnes, & voyant qu'il ne pou-  
 uoit eſchapper, ſe tua de ſa main, crainte ſil eſtoit pris viſ, de ſouffrir vne pu-  
 nition digne de ſa meſchanceté. La renommée de ceſte victoire conteint les  
 ennemis de Theodose; qui ne veſquit gueres depuis. Car il trepaſſa en la ville  
 395. de Milan, le 18. iour du mois de Ianuier enſuyuât; que ie penſe eſtre l'an de Ieſus  
 ou Chriſt trois cēs nonante cinq, ou nonante ſix, l'an xj. de ſon Empire, ce dit  
 396. Proſper. Son corps fut porté à Constantinople, & là enterré en grande magni-  
 ficence, iacoit que les Chroniqueurs de Toulouſe, pour magnifier leur ville,  
 diſent, qu'il fut enterré en la Dorade: tres ancien temple de ceſte ville. Plu-  
 ſieurs excellens & ſaincts perſonnages veſquirent de ſon temps, à ſçauoir en  
 Grece, Gregoire de Naziance, Gregoire de Nyce, & ſon frere Baſile le grand,  
 Iean ſurnommé Chriſoſtome (c'eſt à dire bouche d'or) qui par le teſmoigna-  
 ge de Zozime ſçauoit bien manier le peuple. En Europe ſaincts Hierolme,  
 Ambroise, Martin & Auguſtin: les Poëtes Aufone natif de Bordeaux,  
 Claudiâ, Prudence, Ponce Paulin, Symmache grand Orateur, & Conſul Ro-  
 main; lequel prononça deuant Valentinian deuxieſme, Theodose & Arcade,  
 ceſte belle harangue que nous auons, pour la deſenſe de l'ancienne Religi-  
 on des Dieux. L'on peut dire que les lettres perirent quant & ces beaux  
 eſprits. Car tout ce qui vint depuis n'eſt que barbarie, iuſques à ce que du  
 temps de nos peres elles ont recommencé à prendre vie. Mais en dan-  
 ger de ne l'auoir pas longue, ſi les guerres ciuiles pour la Religion dūrent en-  
 cor quelques années. En ce temps ceux de Constantinople, craignans l'ire de  
 Dieu, qui ſembloit les menacer par vn ſen merueilleux, ardant ſus vne colom-  
 ne apparoiſſant au Ciel, eutierent la punition diuine, faiſans penitence.



## CHAP. II.

*Stilicon, vaillant Capitaine Romain. Marcomir Roy Franc pris: est confiné en Toscane. Sunnum son frere tué par les siens. Constantinople appelée nouvelle Rome. Arcade & Honorie, enfans de Theodose, Empereurs mariés par Stilicon: qui marie ses filles l'une apres l'autre à Honorie. Sa querelle avec Rufin. Il reconquit Afrique. Les Temples des Idoles abbatuz. Victoires de Stilicon sur les Gots: tué pour le soupçon de s'entendre avec Alaric Roy des Visigots. Les Chrestiens auoient mauuaise opinion de luy. Alaric Got assiege Rome: & la composition qu'il en prit.*



**H** E O D O S E auoit deuant sa mort enuoyé en Gaule & Ger-  
 manie vn vaillât capitaine appelé Stilicon; de nation Van-  
 dale ainsi qu'aucuns disent; lequel courut le pays voisin de  
 la riuiere d'Elbe, & de la forest Hercinie: pour chastier les  
 Germains & Francs du secours par eux baillé à Eugene. Ce  
 pourroit bien estre le temps qu'il prit Marcomir Roy  
 Franc: auquel le procez ayât esté fait à Rome, Claudian dit  
 qu'il fut confiné en Toscane: & Sunnum, qu'il cuidoît  
 vanger, tué par les siens. Toutesfois les Francs sortis de leurs pays, l'an ecclé  
 1111. ou six, vindrent loger pres Tréues sans passer outre, à cause de la vigi-  
 lance dudit Stilicon, gouuerneur d'Honorie Empereur d'Occident. Car vous  
 deuez entendre que Theodose surnommé le grand, laissa deux enfans. Arcade  
 qui eut le siege de Constantinople, qu'on appelle nouvelle Rome: & Honorie  
 celuy de la vieille Rome, qui est celle d'Italie. Ces ieunes Princes auoient plu-  
 tost le nom d'Empereurs que la puissance: pour autant que Rufin Gaulois de  
 natiõ (ou natif de Bosphore, cõme i'ay leu dedans vn Prosper escript à la main)  
 commandoit en Orient, & Stilicon dispoisoit des affaires d'Occident, faïsans  
 toutes choses tellement à leur appetit, qu'apres auoir ruiné de bonnes mai-  
 sons, il print enuie à Rufin d'occuper la place de son maistre auquel (pour faci-  
 liter son entreprise) il fit offrir sa fille en mariage. Mais l'Eunuque Eutro-  
 pe qui aperceut son Ambition, maria l'Empereur à vne autre genti-femme:  
 ce qui fut cause de grande inimitié entre luy & Rufin: lequel descheu de son  
 esperance, chercha l'occasion de tuer l'Eunuque. D'autre costé, Stilicon qui  
 auoit espousé Serene fille du frere de feu Theodose, & donné en mariage Ma-  
 rie sa fille à l'Empereur Honorie, sembloit par ceste alliance redoublée tenir  
 la puissance de l'Empire: combien que ja il eut à son commandement la meil-  
 leure gendarmerie. Pource qu'estant chef de l'armée apres la défaite d'Eu-  
 gene, il retint les plus vaillans soldats, renuoyant les foibles en Orient.  
 Encores marry que Rufin eust pareille auctorité que la sienné, il delibera  
 s'acheminer en Constantinople, pour luy oster le maniement des affaires  
 de ceste Cour, disant: Que Theodose luy auoit donné la charge

L'an des  
 Jesus  
 Christ.

404.  
 ou  
 46.

## SECOND LIVRE

*L'an du* des Empereurs Ruffin aduerti de son intention, employa tous moyens pour  
*Iesus* empêcher ceste venue, & affoiblir les forces d'Arcade: fuscite Alaric Roy des  
*Christ.* Visigots: lequel entra en Grece, & la pillâ iufques dâs la Moree. Lors Stilicon chargeant d'une puiffante armée des vaisseaux qu'il auoit sur la coste Adriatique, vint au secours, & chassa les Gots: ce fait il retourne en Italie, ayât plus travaillé le pays de Grece, que les Barbares mesmes. Toutesfois, il dressa vne telle partie contre Ruffin, qu'il le feit tuer par les soldats, que sous la charge des Gaïnes, il enuoyoit à l'Empereur Arcade, comme pour le secourir; ayant premierement deffait les Huns qu'auoit Ruffin. Ainsi Eutrope agrandy par la mort de Ruffin, apres auoir destruit plusieurs Seigneurs de Constantinople, & ne craignant plus que Stilicon, trouua moyen de le faire declarer par le Senat, ennemy de l'Empire. Et ce pendant fait soustraire à Honorie le pays d'Afrique, prattiquant vn nommé Gildon, qui estoit le gouuerneur: lequel la rangea du costé d'Arcade. Mais Stilicon ayant reconquis ceste prouince, par le moyen de Mazfelz, qui contraignit Gildon son frere à se pendre, & Mazfelz estant poussé & noyé en vne riuere par les soldats de Stilicon, l'inimitié d'entre luy, Eutrope, & Ruffin, se monstra bien plus ouuertement. Encores, cestuy-cy maniant à sa volonté Arcade, qui estoit homme de peu de sens, dôna occasion à Gaïnes de luy porter telle enuie, qu'il le fit mourir, mettant l'Empire d'Orient en grand trouble par son ambition, & l'intelligence qu'il auoit avec les ennemis de son Prince. Et neantmoins, Gaïnes ayant esté chassé & tué par les Huns, Stilicon reprit ses erres pour gouverner les deux Cours. Enuiron ce temps, & le quatriesme an de l'Empire d'Arcade, & d'Honorie, Prosper dit que les Temples des Idoles furent abbatuz par tout l'Empire Romain. Or Stilicon s'entendant (comme i'ay dit) avec Alaric qui sejournoit au pays d'Epire (que l'on estime estre l'Albanie du iourd'huy (voici nouuelles que Radagaze Roy Got, ayant assemblé quatre cens mille hommes s'acheminoit vers l'Italie. Ce bruit qui merueilleusement effroya les habitants de Rome, mit aussi en desespoir toutes les villes estans sur le chemin, & encores principalement les Catholiques, pource que les Arriens chassez de l'Empire Romain, commencerent par le support des nations Barbares, à leuer la teste. Mais Stilicon prenant les soldats amassez à *Ticinum* (c'est Pauie) & autres gens de secours, alla contre Radagaze. Et ayant passé le Danube, sans qu'on s'en apperceust, il le deffit avec toute son armée: de sorte qu'il n'en demeura presques vn seul, si vous croyez Zosime, que i'ay plustost suiuy, que ceux qui disent que ceste bataille fut donnée en Toscane, dans les montagnes de Fiesoles, ville prochaine de Florence. Prosper dit que Radagaze mort, son armée diuisee en trois, fut conduite par autant de Princes & Seigneurs: ce qui dôna aux Romains occasiô de leur resister. De maniere que Stilicô ayât fait enclorre vne tierce partie par les Huns qu'il auoit à son secours la deffit tellement, qu'il n'en demeura vn seul. Puis ensté (& non sans cause) d'une si belle & grande victoire (car aucuns disent qu'il y eut tant de prisonniers, qu'on en dônoit vn troupeau pour vne piece d'or) il retourna vers Rauene, cuidant par le moyé d'Alaric surprendre la Sclauonie, pour lors obeysante à l'empereur Arcade.

Mais

Mais sur ce point il reçoit lettres d'Honorie, qu'Alaric estoit mort, & qu'un <sup>L'an de</sup> nommé Constantin déclaré Empereur en la grande Bretaigne, & descendu à <sup>Jesus</sup> Boulogne sur la mer, auoit mis tout le pais de Gaule en son obeissance. <sup>Christ.</sup> Parquoy laissant pour l'heure l'entreprise de Sclauonie, il s'achemine vers Rome: afin d'auiser avec le Senat ce qui estoit de faire. Cependant, il est aduertty que tant s'en fallust qu'Alaric fust mort, que ce Roy partant d'Albanie avec son armée, auoit desia passé le destroit d'entre la Pannonie & Noricum (ce doit estre la Carinthie, ou quelque pais voisin) l'estant arresté pres la ville d'Emon, qui est sus la lisiere de Pannonie (& partant doit estre vne autre que celle de Thrace ou Messie) pour enuoyer demander l'argent qu'on luy auoit promis, afin de sejourner en Albanie. Le Senat trouua bien mauuaise l'ambassade d'Alaric, & encores plus, que Stilicon confessast l'auoir fait venir pour surprendre l'Esclauonie. Aussi le Sénateur Lampade se trouuant à la deliberation que l'on tenoit là dessus, ne se peut garder de dire en plein Senat: Cecy n'est pas vne paix, ains vne paction de seruitude. Toutesfois il passa que les choses promises luy seroyent baillées: mais avec vn soupçon, que ce chef ne faisoit rien pour l'utilité publique. Or l'Empereur Honorie ayât premierement espousé Marie, fille de Stilicon, & ceste dame estant morte, auant que pouuoir consommer le mariage, tant pour la ieunesse d'elle, que certain empeschement pourchassé par Serene sa mere (qui vouloit que sa fille demeurast espouse de l'Empereur, & craignoit neantmoins qu'il feist tort au corps & santé de ceste Princesse (possible foible) elle luy donna Termentie son autre fille pour ne perdre l'alliance ja commencée. Outre cela, pensant qu'Honorie fust plus seurement hors de Rome pendant ceste venue d'Alaric, elle luy conseilla soy retirer à Rauenne, estimée ville forte, combien que Stilicon remonstra à l'Empereur qu'il ne deuoit bouger: mais il ne gagna rien. Car Honorie partit de Rome, & vint à Bologne la grasse, où il manda Stilicon, tant afin de mettre ordre à vne esmence de gens de guerre, que pour ueoir aux affaires d'Orient. Pour ce que Arcade estant mort le premier jour de May, de l'an quatre cens & huit, n'auoit laissé qu'un fils nommé Theodoze, âgé seulement de huit ans, qui auoit bien affaire d'un bon gouuerneur. Stilicon s'offroit d'y aller, remontrant à Honorie qu'il debuioit demeurer en Italie pour resister à Constantin, ja maistre des Gaules, & lequel retiré en Arles, à son aduis se jetteroit bien tost en Italie, s'il s'apperceuoit qu'Honorie la voulust abandonner. Et pource il estoit bien plus expedient d'employer les forces d'Alaric avec ce qu'il auoit de Romains contre le tyran Constantin, cependant que luy portant les instructions del'Empereur, sen iroit à Constantinople donner ordre aux affaires de Leuant. Ce conseil trouué bon, ne fut toutesfois executé, tant pour la nonchalance de Stilicon, que malice d'un certain Olympe, lequel fit croire à Honorie que Stilicon demandoit telle cômmission pour faire declarer Eucher son fils Empereur d'Orient. Ce que l'on creut si aisémét, qu'apres vne sedition de soldats (qui tuerent tous les principaux chefs & capitaines de l'armée), Stilicon pris par le cômmandement del'Empereur, & tiré de la franchise de l'Eglise en laquelle il l'estoit sauué, fut contre la foy promise, miserablemét occis, le 23. jour

## SECOND LIVRE

*Ann. de* d'Aoust dudit an 408. sans qu'il peust estre conuaincu de trahison (dit Zosime)  
*Iesus* encores que plusieurs de ses plus priuez, & autres eussent esté questionnez sur  
*Christ.* ce fait. Mais les auteurs Chrestiens maintiennent que Stilicon fauorisant les  
 Payens, desiroit faire part de l'Empire à son fils, & n'osant montrer ouuertement  
 son ambition, s'efforçoit mettre Honorie en telle necessité, qu'il fut contraint  
 accorder ce qu'il ne pouuoit honnestement luy demander. Et pource que  
 la paix empeschoit son dessein, il entretenoit la guerre, de laquelle il auoit le  
 dessus quand il vouloit, tant il estoit sage & ruz capitaine : inuitant aussi les  
 Suaues, Boprguignons, Alains, & Vandales d'entrer en la Gaule fort trauaillée;  
 tant par les courtes des Francs, Saxons & autres, que les pilleries des gouuerneurs.  
 Encores il persuada aux jeunes Empereurs casser de leurs gages les Vvissigots;  
 lesquels par faute de viures, peu à peu s'escoulerent au pais voisin de  
 Constantinople, afin qu'Honorie entendant la venue des estrangers en la Gaule,  
 fust contraint aller au deuant, s'il ne vouloit estre accablé d'une si grãd multitude  
 de peuples farouches. Quant à luy il festoit chargé de la guerre contre les  
 Vvissigots sçachant bien qu'il luy estoit aisé de les deffaire, & par ce moyen  
 deuenir maistre d'Italie & de Rome. Car les Vvissigots partans de Thrace  
 en ce temps là se joingnrent avec vne autre partie des Gots, conduite par  
 Radagaze leur Roy, lequel ayant amassé vn nombre espouuantable de gens,  
 vint en Italie, où il fut vaincu par Stilicon, qui l'enferma entre les montaignes  
 de Fiesolles pres Florence. Alaric ne se trouua en ceste deffaitte: & neármòins,  
 ses Vvissigots n'eurent guerres meilleure fortune, s'estans logez pres Rauenne  
 en vn lieu nommé Polence: pour-autant que Stilicon les vainquit en bataille,  
 où il demeura vingt deux mille de leurs gens, & depuis toutes les fois qu'il luy  
 pleut les fait reculer, ou les affama: monstrant qu'il estoit en sa puissance de les  
 deffaire entierement. Lors Alaric se voyant en continuelle frayeur, supplia  
 Honorie de luy octroyer vne partie des Gaules, que les Vandales & autres nations  
 vouloient occuper; l'aduertissant de la dissimulation de Stilicon. A ceste  
 cause, l'Empereur qui ja par d'autres auoit descouuert l'entreprise de son Lieutenant  
 general, luy commanda faire paix avec les Vvissigots, & leur accorder la  
 Gaule: à fin de quitter l'Italie. Stilicon obeissant à son vouloir, appointe avec  
 Alaric, auquel il appresta toutes choses necessaires pour son passage, luy  
 faisant entendre qu'on le vouloit principalement opposer aux Francs. Puis  
 s'estant apperceu que les Vvissigots asseurez en ce traité, ne se tenoient  
 guerres bien sur leurs gardes, il commanda au capitaine Saul Hebreu de nation,  
 les charger le propre jour de Pasques, qu'ils auoient encor' moins de soupçon  
 pour la reuerence de la feste (car ils estoient Chrestiens de l'opinion Arrienne)  
 sçachant bien que Saul comme Iuif, ne feroit conscience d'exécuter son entreprise,  
 pour la solennité de tel jour. Mais les Vvissigots indignez de si grande  
 lascheté (combien que surprins) feirent telle resistance, qu'ils déconfirent les  
 Romains. Dequoy Stilicon aduerty, & voyant que les Vvissigots venoient  
 droit à luy, sans plus se soucier de prendre le chemin de la Gaule, demanda secours  
 à l'Empereur: qui luy enuoya des Capitaines, lesquels le payerent de son  
 infidelité, le faisant mourir avec son fils: pour lequel esleuer au throsne Impé-

rial, il feit (ainſi que diſent les auteurs du réps) eſpādre preſque tout le ſang des peuples Occidentaux. Ervoila l'opinion des Chreſtiens, qu'il a fallu reciter par le menu: encores que ie croye que partie de ces batailles & vi&toires de Stilicō, ayēteſté ja par moy recitées: mais ſeulement icy miſes, pour eſclaircir les opi- niōs cōtraires, & les accorder tant qu'il m'a eſté poſſible. Or jaçoit qu'Honorie euſt iuſte occaſion de chaſtier ceſte trahiſon (ſi elle eſtoit veritable) il mit toutesfois tref-mauvais ordre en ſes affaires. Car il n'enuoya aucun capitaine pour tenir la place de Stilicon, & l'armée Romaine, qui par la ſuffiſance d'un ſi grād perſonage pouuoit reſiſter (ou à tout le moins retarder les entrepriſes des natiōs eſtrangeres) apres ſa mort, vint à perdre la force & le courage: avec ce que les Viſſigots (ſi vous croyez cé que dit Zoſime) ſçachans qu'il n'y auoit aucun chef pour leur faire teſte, marcherēt vers Rome, irritez de ce qu'ō auoit coup- pé la gorge aux femmes & enfans des Barbares (c'eſt à dire eſtrangers) alliez de Stilicon; & laiſſez par les villes. Dont leurs maris & parēs aduertis (car ces Bar- bares eſtoient ſoudoyers de l'Empereur, ainſi qu'il eſt aiſé à juger) ſe retirerent vers Alaric: le quel les ayāt assemblez vint aſſieger Rome de ſi pres, que la plus part du peuple mourāt de faim & de peſte, le Senat fut contraint luy enuoyer demander la paix: laquelle il accorda, moyēnant la quātité de 6000. liures d'or, au poids Romain; & trente mille d'argent: quatre mille hocquetons de ſoye, trois mille peaux teintes en eſcarlatte, & trois mille liures de poiure. Ce qui monſtre les eſpeces dōt les Barbares de ce temps là faiſoient cas. Ces choſes aſ- ſemblees tant par cottisations particulières, que ſonte des ioyaux des temples; pource qu'Alaric outre cela demādoit en oſtage les enfans des meilleures mai- ſons, il fut aduiſé d'enuoyer vers l'Empereur, ſçauoir ſ'il auoit pour agreable telle compoſition: & l'aduertit que le Roy Got offroit l'accompagner en guer- re contre tous. Honorie approuua le traitté: & le Roy Got, l'argent recū, per- mit aux Romains ſe pourvoir de viures pour trois jours. Puis leuant le ſiege, s'en va en Tofcane: où nous laiſſerons vn peu repoſer ſon armée, & s'appreſter, à des grandes conqueſtes, pendant que ie vous declareray quel eſtoit en ce temps l'eſtat de noſtre Gaule.

## CHAP. VII.

*Muſinerie de la garniſon, eſtant en la grand' Bretaigne. Le changement que les ſoldats firent de diuers chefs, par eux eſleus, iuſques à vn nommé Con- ſtantin. Bacaudia, ou Sabandia. Conſtans Ceſar, fils de Conſtantin, deſſit Didime & Verinian Eſpagnols, couſins de l'Empereur Honorie. Alaric Roy Got entre à Rome, declare Attale Empereur. Alaric deſconſit Sarra Capitai- ne d'Honorie, prend Rome.*



AN cccvi. les Vandales, Suaues & Alains enſemble, ayans fait vn grand rauage en la Gaule, donnerent telle frayeur aux ſoldats tenans garniſon en la grand' Bretaigne (ie vous ay ja dit qu'on ap- pelloit ainſi le païs d'Angleterre) que ſeſtans eſmeus à ſedition, ils eſleu-

K ij

## SECOND LIVRE

L'an de  
Iesus  
Christ

rent Empereur vn nommé Marc, auquel ils obeissoient comme à leur seigneur legitime. Cestuy-cy tué, pource qu'il ne s'accordoit pas bien à leur façon de viure, ils mettent à sa place vn nommé Gratian, lequel quatre mois apres occis par eux, ils prennent vn simple soldat nommé Constantin, sans auoir par vertu merité le tiltre d'Empereur, ains seulement pour souuenance de Constantin le grand, duquel il portoit le nom: tant peut és cœurs des sujets la memoire d'un bon & vertueux Prince. Ce Constantin ayant fait chefs des forces de la Gaule Iustinian & Neugastes, & mis en son obeissance tout le pais iusques aux Alpes, sembloit auoir assez bien estably son estat, quand Stilicon enuoye contre luy vn capitaine nommé Sare; lequel rencontrant Iustinian le tua; & ayant mis en pieces la plus grand' partie de son armée, gaigna vn grand butin, puis vint assieger Valence, où il auoit entendu que Constantin s'estoit retiré, & ayant donné sa foy à Neugastes, souz ombre de traitté de paix fait avec luy, il le feit tuer. Toutesfois Sare aduertty qu'Edouich Franc, & Geronce, amenoient de la grand Bretagne vne troupe de bons soldats, redoutant la vaillance de ces deux Seigneurs, il se leue de deuant Valence, le septiesme jour apres y auoir planté le siege: mais poursuiuy par les Capitaines de Constantin, il se sanua, laissant aux Bacaudes, qui luy vouloient couper le chemin des Alpes (ceux-cy pourroient bien auoir esté cause de faire appeller le pais *Sabaudia*, au lieu de *Bacaudia*) tout le butin qu'il auoit, pour luy donner passage. Et lors Constantin qui se voulut asseurer de ce costé, sortifia les pas des Alpes, & craignant le retour des nations estrangeres (lesquelles nonobstant la victoire par luy obtenue, s'estoient renforcées plus que deuant, par faute de la poursuiure) mit des garnisons sur le Rhin pour les garder de passer: ce qui auoit esté delaisié depuis Iulian & Valentinian, qui resifrent aucuns sorts de ceste frontiere. La Gaule ordonnée de la façon que i'ay dit, Constantin ayant declaré Cesar, Constant son fils aîné, & Moine (à l'opinion d'aucuns) il l'enuoye en Espagne, avec vne Cour digne de son tiltre: desirant gaigner ce pais là: & par mesme moyen affoiblir la puissance des parens d'Honorie, habitans de ceste Prouince; & lesquels il cuidoit deuoir passer les monts Pyrenées pour le venir assaillir, pendant que d'autre-part, l'Empereur luy feroit la guerre avec les forces d'Italie. Ainsi donc Constant accompagné de Terence & d'Apollinaire (que ie pense auoir esté ayeul, ou pere de Sidoine) mène son armée contre ceux, qui auoient esmeu le peuple de Lusitanie. Mais les Seigneurs Espagnols se sentans trop foibles, assemblerent leurs esclaves, & les païsans, avec lesquels ils assaillirent à l'impourueu l'armée de Constant, qu'ils mirent en danger. Toutesfois estans vaincus, Didyme & Verinjan demurerent prisonniers avec leurs femmes: & Theodose & Lagode leurs freres se sauuerent, l'un en Italie, & l'autre en Leuant. Apres cela Constant vient trouuer son pere avec ses prisonniers; ausquels il commanda couper les testes, & Geronce laissé en Espagne, mit des soldats Gaulois à la garde des passages des monts Pyrenées, malgré les Espagnols: qui se plaignoient que telle charge ne se deuoit bailler à des estrangers. Cependant Constantin depeche gens vers Honorie, le prier de luy vouloir pardonner, si par contrainte des gens de guerre, il auoit pris le nom d'Em-

perceur. Honoré voyant ne pouuoir l'empescher pendant qu'Alaric seroit pres de Rome, pensant que ses parens d'Espagne (lesquels il cuidoit encores vians) deussent receuoir meilleur traitement, luy enuoya vne robe Imperiale, sans luy permettre de porter le nom d'Empereur. Ce Constantin, homme addonné à sa pance, ne manioit gueres bien son estat: car durant son gouvernement, les estrangers coururent les Gaules à leur plaisir, & avec lesquels il feit des traittez plus dommageables que profitables à la chose publique. Aussi ie trouue; que de son temps les Alains se parquerent sus Loire, & pres d'Augustun. Alaric ne dormoit pas durant cela: car voyant qu'on ne luy amenoit les ostages demandez pour assurance du traité fait avec les Romains, il remene son armée vers Rome, menaçant de la ruiner, si les habitans ne l'aydoient à faire la guerre à Honoré. Et pource qu'il n'eut responce assez tost, il vint assieger la ville; & saisir le port voisin, auquel descendoient tous les blés de la prouision commune. Lors le Senat voyant qu'il n'y auoit moyen de resister, luy accorda ce qu'il demandoit: puis l'ayant receu dans la ville, il declare Empereur vn nommé Attale, qui estoit Prefect ou gouverneur de Rome: qu'on feir vestir des habits, & asseoir au siege des Emperours. Cestuy-cy donna incontinent l'estat de Prefect du Palais à Lampade: & à Martian celui de Prefect de la ville. Quant à la charge de l'armée, elle fut baillée tant audit Alaric, qu'à Valens chef des legions de Dalmace. Or Alaric voulant asseurer ses affaires, conseilloit Attale de depescher Drumas, vn Capitaine assez renommé, afin d'oster l'Afrique à Heraclian, qui la gardoit pour Honoré, ce qu'il ne voulut faire: mais y enuoya vn nommé Constantin avec peu de gens. Puis s'achemine avec son armée vers Rauenne, pour en chasser Honoré; lequel tout esperdu luy fit offrir l'Empire en communauté. Mais Iouinie deputé d'Attale, ayant aduisé Honoré qu'on n'auoit delibéré seulement de luy oster l'Empire, ains encores couper quelque membre, & puis le confiner en vne Isle, estonna tellement les assistans, qu'Honoré ne songeoit plus qu'à fuir de Rauenne: quand sur ce point, voicy arriuer des nauires d'Orient chargées de six Legions, où y auoit quarantè mil hommes. Lors Honoré resueillé comme d'un pesant somme, s'appreste à la deffence; en attendant nouuelles de ce qui se feroit en Afrique. Cependant Iouinie brasse vne trahison contre Attale, & Constantin par luy enuoyé en Afrique, y est tué. Parquoy Alaric, voyant qu'Attale ne mertoit pas bon ordre en ses affaires, & encores prestant l'oreille à de mauuais rapports, se desloia de luy, vint à Rimini, où il sejournoit: & luy osta la couronne Imperiale, le faisant garder avec son fils, iusques à ce qu'Honoré eust accordé les atticles de sa composition, & asseuré la vie de ces deux Princes que le Got tenoit. Ce qui luy fut octroyé, d'autant plus volontiers, qu'il auoit encores Placidie sœur d'Honoré, comme pour ostage: & laquelle honorablement il gardoit, sans diminuer aucune chose de son estat. Durant ces troubles, vn Seigneur estrange nommé Sarra (qui se pense estre Saul Hebrieu, dont j'ay parlé cy dessus) estoit demeuré en la marche d'Ancone, sans d'un costé ne d'autre se declarer. Astulf cousin d'Alaric, & frere de sa femme, ennemy de ce Sarra, pensant a-

L'an de Iesus Christ. <sup>Iesus</sup> <sup>Christ.</sup> voir bonne occasion de le destruire, pource qu'il estoit mal accompagné; ne peut si bien courir son entreprise, que Sarra nes'en apperceust. Lequel voyant approcher son ennemy, s'aduisa de prendre le party d'Honorie, qui bien volontiers le receut: & depuis, Sarra desirant se vanger, ou monstrier qu'il auoit bonne volonté de faire quelque notable seruice à l'Empereur, charge les Visigots, qui estoient en terme de paix avec Honorie. Mais Alaric auoit mis ses gens en telle desfence, qu'il desconfit Sarra: puis detestant l'infidelité des Romains, tout courroucé il marche vers Rome, la pressant de si pres, qu'il la print le premier jour du mois d'Auril, l'an de Iesus Christ quatre cens dix, & mil cent soixante & trois ans, apres qu'elle eut esté premierement bastie. Ceux qui pensoient que Stilicon fust innocent, remarquerent que ceste ville fut prise à pareil jour que celuy de sa mort: mais deux ans apres. Toutesfois Alaric contre le naturel des Barbares (ou plustost adoucy de la beauté, & de l'excellence des chefs d'œuvre, que tant de victoires, & vne si longue seigneurie auoient amassez) n'vsa point insolemment de sa fortune. Car n'ayant séjourne que trois ou six jours dedans, il se contenta du pillage: & comme il en fut sorty pour aller vers Naples, mourut à Coscencé; laissant son Royaume à son cousin Astulf, qui espousa Placide sœur d'Honorie, pour l'amour de laquelle ce Roy fit beaucoup de choses en faueur des Romains.

CHAP. VIII.

*La Gaule assaillie d'Alains, Vandales, Bourguignons & Francs. Les Suaves conduits par Crofque leur Roy, gastent les Gaules: Lequel prins par Marian fut tué en Arles. Constantin prend le nom d'Empereur. Geruntie fait Empereur Maxime en despit de Constantin. Le gouvernement de la plus part de la Gaule sentoit lors sa Republique, & la multitude des tyrans qui se declarerent Seigneurs, affoiblissoit plus l'Empire Romain que les Barbares. Geruntie ayant tué sa femme, de crainte qu'elle vinst en la puissance de ses ennemis, se tua. Constantin faux Empereur se fait Prestre: Est prins & tué. Arles Metropolitaine de sept Prouinces.*



Ce heurt & secousse de Rome (iusques là estimée eternelle & inuincible) ib n'y eut nation de Germanie, qui ne fust esueillée comme par vn son de trompette: & qui ne sortit en campagne, pour tirer quelque piece de ce grand corps prest à cheoir. Mais pource que la Gaule, ainsi que la plus voisine prouince, estoit (par maniere de dire) sujette à recevoir les premieres descharges & passages, elle seruit à mesme occasiō de champ & de lice pour les batailles; & les courses qui s'appretioient. Aussi deux (autres disent quatre) ans au precedent, les peuples esmeus par Stilicon, ou (qui est plus croyable) par Gerontie, à sçauoir les Alains, Vandales, Bourguignons &



autres ; ayans malgré les Franks trauersé la riuere du Rhin, le dernier jour de Decembre, de l'an cccev. ii. assaillirent les Gaules. Et trouuans les Suauens au païs d'Augstun, les tirerent facilement de leur part : chassans en leur faueur les Franks des villes, & païs qu'ils tenoient deçà le Rhin. Puis estans conduits par le Roy Chrosc, ils prennent le chemin vers l'Espagne : mais ils furent arrestez quelque temps à cause des monts Pyrenées, & pour l'inconuenient aduenü à leur Roy, que Macrian mena prisonnier en Arles. Les Auteurs qui parlent de ceste victoire sont si confus, que ie n'ay peu sçauoir à la verité si elle fut obtenue par les Capitaines d'Honorie, ou de Constantin. Vray est qu'il y a plus d'apparence que c'estoient les gens de Constantin. Cependant le reste des Vandales, Suauens & Alains courut l'Aquitaine & le païs de Gaule, l'espace de trois ans: ayant durant ce rauage esté combatus; & Mordégisil leur Roy, avec vingt mille hommes, tué par les Franks; qui les eussent entierement deffaits, si vn grand nombre d'Alains conduits par Respandial ne fust venu au secours: ce qui donna moyen à Gundéc fils de Godegisil, d'attendre l'opportunité de passer en Espagne avec les Vandales. Or combien que Constantin cherchast tous moyens de s'appointer avec Honorie, & luy eust offert sa puissance pour l'ayder à chasser les Gots d'Italie, si est ce qu'il ne peut obtenir de luy le tiltre d'Empereur: Au moyen de quoy Constantin le print de sa propre autorité. Lors voyant Honorie empesché, & Alaric presser Rome, il vint à Liouorne, ville prochaine de Pise, s'acheminant vers la riuere de Pau, comme pour la passer. Mais aduertü de la mort d'Alaric, il retourne en Gaule avec Constant son fils; & se voyant abandonné des siens, il s'enferme dedans Arles. Durant cecy, les estrangers, Alains, Vandales, & autres qui auoient passé le Rhin, & couruz les Gaules trois ans durant, trouuans les pas des monts Pyrenées mal gardez, ou possible inuittez par la garnison estrangere, qui estoit contente de piller aussi bien qu'eux, entrerent aussi tost en Espagne; où ils firent vn grand rauage. Et le Comte Geronce, que Constant Cesar auoit laissé à Sarragoce avec sa femme & l'equipage Imperial, marry de ce que Constantin auoit fait vn nommé Iustin son Lieutenant general, pour conduire Constant en Espagne; fait prendre le nom d'Empereur à vn seigneur bien estimé nommé Maxime, & suscite contre Constantin les nations estranges, courans la Gaule Celtique; auxquelles Constantin ne pouuant resister (pource que la plus grande partie de ses forces estoient passées en Espagne) les peuples de Germanie rauagerent cependant tout à leur plaisir: & mirent les Celtes (l'auteur qui le dit entend les peuples deçà Loire, pour le moins, iusques à la riuere de Seine) en tel desespoir qu'ils se departirent de la subiection des Romains, & firent vn gouuernement à leur appetit. Les Bretons d'Angleterre, prindrent aussi les armes en ce temps-là: & deliurerent leurs villes du danger des estrangers. Comme au semblable tout le quartier d'Armorique, & le reste des autres Provinces de Gaule, à l'exemple des Bretons: chassans les Gouverneurs Romains, establisent vn estat qui auoit forme de Republique. La fectardise de Constantin homme de bonne hene plus qu'un guerrier, aidabien à

## S E C O N D   L I V R E

*L'An de* l'aduancement de ces troubles ; & neantmoins, entendant la rebellion de Ger-  
*Iesus* ronce, il depescha Edouich Franc de nation (que ie penserois estre quelque Lu-  
*Christ.* douic, ou Clouis) pour luy amener du secours des peuples habités delà le Rhin, tant Francs qu'Allemands. Cependant il laisse Constant son fils à la garde de Vienne : & quant à luy il s'enferme dedans Arles. Mais Geronce ayât fait mourir dans Vienne Constant (ja déclaré Empereur par son pere) avec ses forces vint assieger Constantin. Toutesfois, aduertty que l'Empereur Honorie considerant que ses tyrans affoiblissoyent plus l'Empire Romain qu'ils ne le soulageoient contre les estrangers, auoit fait son Lieutenant general vn Seigneur nommé Constance, il leut le siege de deuant Arles, & s'enfuit avec peu de gens : voyant le reste de son armée rangée au party dudit Constance. Lors les Espagnols mesprisans Geronce, & deliberez de le tuer, enuironnerent la maison en laquelle il s'estoit retiré, où il feist si grande resistance, que nonobstant sa petite troupe, il tua bien trois cens hommes ; & donna aux siens le moyen d'eschapper durant la nuit. Quant à luy, voyant qu'il ne pouoit sauuer Nunnichie sa femme, que vniquement il aimoit ; apres qu'elle l'eut prié de la deliurer des miseres qu'une captiuité & rage populaire trainent apres soy ; il la tua : & puis luy-mesme se donna d'un poignard dans le cœur. L'Empereur Constantin depesché de cest ennemy, ses affaires ne s'auancerent gueres pour cela ; car tout soudain il se trouua r'assiéé par le Comte Constance : lequel aduertty du grand secours qu'Edouich amenoit, & qu'il estoit ja pres de luy, se retira vers Italie, faisant par ce moyen passer le Rhosne à son armée. Puis assuré du chemin que tenoient ses ennemis, leur dressa vne embusche de gens de pied ; enuoyant par autre endroit Vvlphele avec ceux de cheval. Edouich qui faisoit marcher son armée le chemin d'Arles, ne se donnant garde de Vvlphele, s'embatit dans les gens de pied Romains, & sur le point de la meslée, Vvlphele accourut : qui de tous costez chargea les Francs ; lesquels enclos, vne partie s'enfuit, & l'autre jettant les armes bas, fut courtoisement receüe à mercy. Edouich gaigna la maison d'un nommé Ecdicie qu'il estimoit son ancien amy ; où il fut receu : mais cest hoste infidele luy ayant de nuit couppé la gorge, fit porter sa teste au Comte Constance, qui la receut volontiers ; & renuoya aussi tost vn si lasche meurtrier ; qu'il eut horreur de tenir en sa compagnie : d'autant que les gens sans foy, ne peuuent agréer à ceux mesmes à qui ils font courtoisie. Incontinent apres ceste bataille, le Comte Constance fait repasser le Rhosne à son armée, pour recommencer le siege d'Arles ; dont Constantin aduertty, ensemble la deffaitte du secours esperé, il jette les ornemens Imperiaux, & entrant en vne Eglise se fait ordonner Prestre. Lors ceux d'Arles, apres auoir prins le serment de Constance, de n'auoir aucun mal ; luy ouurirent les portes de leur ville, quatre mois apres le siege, & liurerent entre ses mains le faux Empereur Constantin : lequel par luy enuoyé en Italie, auant qu'arriuer au lieu destiné, fut avec Iulian son fils, tué sus la riuere de Mince, l'an ccccxi. de Iesus Christ ; estant Theodose Consul pour la quatriesme fois. Il se trouue dans de Cula, vne ordonnance dudit faux Empereur, adressée à Agricola, ou Agroëcola, Prefect du Pretoire de Gaule, par laquelle, il veut que tous les ans les deputez des

des sept provinces s'assemblerent depuis le 12. Aoust, iusques au 12. Septembre <sup>L'an de</sup> en la ville d'Arles (qu'il appelle metropolitaine) pour deliberer des affaires <sup>lesus</sup> publiques; sur peine aux detaillans de cinq liures d'or d'amende. Ce qui mon- <sup>Christ.</sup>stre quelque forme d'estats, encores retenus en Prouence & Languedoc, & de la cause pourquoy vne grand' piece de la Gaule Narbonnoise fut nommée Septimanie. Les sept Prouinces furent les Archeueschez de Narbonne, Aix, Tarentaise, Embrun, Arles, Auch & Bordeaux, appellées Metropolitaines de ce temps là. Aussi me souuient-il qu'estant en Arles j'ay veul l'Epitaphode

*\*\* Vicarini Nouem popolaria, enterré dans l'Eglise du grand Cemetiere.*

## CHAPITRE IX.

*Maxime dégradé de l'Empire sans autre mal luy faire. Iouin & Sebastien son frere Empereurs, aussi tost tuéz à Narbonne. Astulf addoucy par la beauté de Placide sœur d'Honorie Empereur, ne poursuit pas la guerre comme Alaric son predecesseur. Offre à l'Empereur de passer en Gaule pour en chasser les estrangers. Bourguignons se font maistres du pays des Heluetiens. Les Alains & VVandales battus par les Francs, se retirent en Espagne. Astulf préd la Septimanie qui est le Languedoc. Remet sus Attale Empereur dégradé: lequel rendu vis à Honorie, est ennoyé en exil. Astulf passe les monts Pyrenées, est tué par les sçens. Valia luy succede. Constantin Comte fait Cesar. Septimanie demeure aux Vvisigots: Qui furent les Gots, Ostrogots & Vvisigots, Baltes & Amales.*



LES soldats marris d'auoir prins les armes contre leur Prince legitime, & fait Empereur ce Constantin, s'appointerent avec Honorie: & dégradans Maxime (qui n'est celuy dôt Sidonie parle en la xiii. Epistre du ii. liure qu'il nous a laissé) le chasserent bien auant en Espagne, sans luy faire autre mal, pource qu'il estoit si modeste, que l'on pardonna bien aisemēt à son ambition: toutesfois le laissant viure en exil assez pauprement: combien qu'Onuphre soustienne contre Prosper (vinant en ce temps là) qu'il fut occis, Mais Prosper dit qu'il embellit le iour de la feste du xxx. an del'Empire d'Honorie, pour lors appellée Tricennales, ayant esté amené & montré captif à Rauenne. Les morts de ces tyrans n'appaiserent les guerres de la Gaule: car vn nommé Iouin s'estant déclaré Cesar (mesme deuant que Constantin se fust rendu) releua les armes contre Hondrie; appuyé sur l'alliance qu'il auoit avec les Bourguignons, Allemans, Francs & Alains, lesquels il pensoit mener contre Constâce, pour luy faire leuer le siege d'Arles. Toutesfois voyant Cōtinpris, il les employa pour soy vn peu de temps, ayant esté incontinent tué. Sebastien son frere qui poursuyuit la mesme entreprise, n'est remarqué d'autre chose, sinon qu'il voulut semblablement mourir tyran, car il fut aussi tost occis que déclaré Cesar. Ce qui aduint l'an ccccxii. ou selon Prosper l'an que Luce 412.

L

L'an  
des  
Jes  
Christ.  
413.

fut Consul, qui reuiet à quatre cens treize. Le trouue que ces deux Princes furent ruez à Narbonne: & que par l'industrie d'un Dardane vaillant homme, Astulf fut destourné de l'alliance de Iouin. L'Italie reprit quelque haleine durant tous ces troubles de Gaule; pour autant qu'Astulf ne poursuiuit pas la guerre comme Alaric son predecesseur, ayant esté tellement addoucy par la beaulté de Placidie sœur d'Honorie, que ce Roy Got luy offrit de passer en Gaule, à fin d'en chasser les estrangers: comme de fait volontiers il s'y achemina. Car pendant que Constance essaye d'appaier les troubles de ce pays, les Bourguignons trauersent le Rhin, & viennent saisir la terre des Heluetiens. D'autre costé, les Francs ne s'oublierent pas, entrans pour la seconde fois en Gaule, où ils prirent & brullerent Tréues, si vous croyez Gregoire de Tours. Lors Astulf desirant auoir aussi quelque piece, partit d'Espagne & vint deçà les monts audit an ccccxiii. faisant à son entree vn peu resserer les nations estranges, logees en ce pays; où il print la ville de Valence. De fait les Alains & Vandales battus par les Francs, se retirerent en Espagne, laquelle ils diuiserent entr'eux. Les Suaués & partie des Vandales surnommez Silinges, eurent Betique, qui est le pays de Grenade: les Alains, Lusitanie & Celiberie. Mais ceux cy ayans esté entierement deffaits par les Romains (secourus par Vualia Roy des Vvisigots) se meirent en la protection de Gonderic Roy des Vandales: & depuis n'eurent aucun terroir particulier. Et les Vandales mesmes craignans la puissance des Vvisigots, passerent en Affrique, xix. ans apres leur entree en Espagne. De sorte que depuis ce temps iusques à la venue des Sarrazins, il n'y eust plus que deux Royaumes en ceste Prouince: assauoir celuy des Vvisigots, & des Suaués; demeurant toutesfois aux Romains vne partie de Celiberie, laquelle ils furent encores contrains de laisser aux Gots: mais pied à pied, ainsi que nous dirons en son lieu. Astulf donc trouuant la Septimanie mal gardee, s'y logea, donnant moyen aux siens de la tenir tant longuement, que depuis elle fut appelee Gothie, pource que les Roys Gots ses successeurs faisoient leur demeure à Thoulouse. Aucuns veulent dire qu'elle souloit estre nommée Landtgot (qui signifie pays des Gots) mais que le mot s'est changé en Languedoc, comme si l'on vouloit dire le pays où l'on vse de langue de Gots: combien que d'autres pensent que c'est pource que le peuple dit Oc, pour, ouy. Le Roy des Vvisigots ne se contenta pas de Septimanie seulement, car il se ietta en Aquitaine, où il feit de grands maux, gastant les villes de ce pays, & sur toutes autres Bordeaux: dans laquelle estant entré sous couleur de paix, il commanda de la bruller. Le sac de tant de villes ne passa, comme il est croyable, sans le meurtre de la pluspart de la noblesse Gauloise, bandee pour les Empereurs legitimes, ou les Tyras, parce qu'il semble qu'en ce mesme temps, Decime, Rustic, Agroëce, iadis premier des Secretaires de Iouin, & plusieurs seigneurs Ammergnats furent cruellement occis. Or Astulf voyant que le Comte Constance ne luy souffroit piller le pays à son aise, l'an ccccxiiii. remit sus Attale degradé de l'Empire par Alaric, & luy faisant reprendre ses habits Imperiaux l'enuoya en Afrique, où il remua vn grand melnage. Toutesfois abandonné depuis par les Gots, il fut rendu vif au Comte Constance, & presenté à Honorie, qui le mena deuant son chariot, entrant dedans Rome en triomphe, puis le

414.

confina en l'Isle Lipara (aujourdhuy Lipri) prochaine de Sicile, apres luy auoir fait couper la main: ie croy, pour à iamais le déclarer incapable de l'Empire: & comme s'il falloit que celuy qui commande, deust estre entier en ses membres. Car long temps depuis, Alexis Empereur de Constantinople ayma mieux mourir, que faire couper sa main enuennimée. Cepédant Astulf passa les monts Pyrénées & se saisit de Barcelône. Mais ainsi qu'il s'apprestoit pour chasser d'Espagne les Vandales, les Vvissigots ayans opinion que pour complaire à Placide sa femme, sœur del'Empereur, il leur faisoit perdre les occasions de s'aggrandir, suscitent vn nommé Vernulf (duquel Astulf auoit accoustumé de se mocquer) qui tua ce Roy, le troisieme an de ses conquestes de Gaule & d'Espagne (si vous croyez Jordan) l'an du sixiesme Consulat d'Honorie, qui fut l'an 415. de nostre Seigneur. Astulf mort, les Vvissigots firent Roy Sigiric, qui ne regna qu'un an, ayant esté occis par les siens, lesquels mirerent en sa place Vallia, sage & bien aduisé Seigneur. Lors Honorie ne sçachant de plus grand degré recompenser la vertu d'un si vaillant Capitaine qu'estoit le Comte Constance, le fit déclarer Cesar: l'an quatre cens seize. Et de crainte que ce nouveau Roy Vvissigot ne voulut enfreindre les conuentions faictes avec le feu Astulf, desirant aussi retirer Placidie, mande à Constance de trouuer Moyé d'appointer avec les Gots, Lequel ayant assemblé vne armée, comme s'il eust voulu entrer en Espagne, Vallia vint au deuant de luy. Mais apres plusieurs allées & venues d'Ambassadeurs, il fut accordé que Placidie seroit réduite à l'Empereur, & que la Septimanie demeureroit aux Vvissigots: à la charge qu'ils s'employeroient à chasser d'Espagne les Vandales, Suaves, & autres estrangers qui l'occupoiēt. Placidie rendue, fut mariée à Constance, qui ne iouit long temps de l'alliance de l'Empereur, ny du bien de la paix par luy procurée, l'an que Maxime & Plinthe furent Consuls, c'est à dire l'année quatre cens & dixneuf, de nostre Seigneur Iesus Christ: car il mourut celuy d'apres quatre cens vingt: laissant de la femme vn enfant depuis faict Empereur, & nommé Valentinian troisieme. Il ne fera hors de propos de mettre icy l'origine & aduancement des Gots, puis que la plus part des historiens disent que le Royaume des Vvissigots ou de Thoulouse, a prins son commencement par Astulf, ou Vvalia. S. Hierosme, Claudian & Sidonie, pensent que les Gots soient les Getes, qui partans de Scythie (c'est Moscovie & Tartarie) estoient venus loger sus la riuere de Dunoé, ou d'Ister, qui n'est qu'une: & qu'Ouide fut cōfiné en leur pays. Ce neantmoins, autres disent que les Gots estoient plus esloignez que ces Getes d'Ouide: & que les Sarmates ou Polonois, tenoient le pais entre-deux. De fait, Procope, qui vituoit cent ans apres, dont i'ay parlé dy dessus: semble mieux les déclarer. Il y a (dit-il) plusieurs nations de Gots, cogneuës deuant ce temps: toutesfois les plus renommées sont les Gots, Vandales, Vvissigots, & Gepides: iadis appelez Sarmates & Melanclenes, pource (possible) qu'ils se vestoient de noires Houpelades. Il est vray qu'il y en a qui les nomment Getes: & combien qu'ils ayent diuers noms, ils versent neantmoins de mesmes loix & façons de faire, & tous sont de couleur blanche: blonds, de haute stature & beau visage, ils tiennent l'opinion Arrienne, & versent de mesme langue & loix, ce qui fait penser qu'ils sont issus de mesme peuple. Voila ce que dit Procope, qui semble aussi parler pour tous les autres peuples

L'An de  
Iesus  
Christ.

qui sortirent de ce quartier. D'autres pensent qu'ils sont issus de Scandinauie; vne partie de laquelle se nomme encores Gotsland. Quoy qu'il en soit, les Gots ont longuement fait la guerre aux Empereurs Romains sur la riuere de Dunoë, & iusques à ce que Constantin le grand les eut tellement battus, qu'ils furent contraints de se tenir cois quelque temps, & qu'ils demanderēt à l'Empereur Valens, de la terre pour habiter au long de la Dunoë; afin d'y viure comme les soudoyers. Cela leur ayant esté accordé, Lupicin & Maxime commis à la distribution des terres destinées pour eux, les traicterent si mal, qu'ils prirent les armes, & tuerent la garnison que les Romains auoient en ceste frontière: puis coururent le pais de Thrace. Dont l'Empereur aduertý, assembla son armée, & vint au deuant d'eux. Mais il perdit la bataille en laquelle ayant esté bleissé, & puis porté en vne maison champestre, où les siens firent resistance, il fut bruslé dedans. Les Gots donc enfléz de si grande victoire, se jettent vers Constantinople, sous l'esperance de la forcer, s'ils n'eussent esté repoussés par Theodose, qui les vainquit en plusieurs rencontres, & les rendit les pensionnaires. Ils estoient ja partis en deux bandes: car dès le temps de Constantin le grand, incontinent apres la mort de Hermanarich leur Roy, ils se firent appeller Ostrogots, & Vvissigots; qui signifie Gots Orientaux, & Occidentaux. Les Baltes (c'est à dire hardis) commandoient aux Vvissigots: les Amales (qui auoient pris le nom d'un de leurs Capitaines) estoient chefs des Ostrogots: desquels plus amplement cy apres nous parlerons, ayant icy adiousté ce qu'en ont dit aucuns Chrestiens; à sçauoir que la cruauté des Gots contre les Romains, procedoit des Arriens, lesquels peu auparauant chassés par les Empereurs Catholiques, se retirerent vers ceste nation: qu'ils abbruuerent de leur mauuaise doctrine, & puis l'encouragerent de courre sus aux Romains, pour vanger leur bannissement: tant la diuersité de religion engendre d'inimie entre les peuples de mesme obeissance.

## CHAP. X.

*Passage des Bourguignons en Gaule. Efforts des Allemans: Anglois-Saxons escumans la mer Gauloise: Francs pillent & bruslent Treues. Faramond faict Roy des Francs. Mort d'Honorie: Ican son premier Secretaire occupe sa place. Commencement d'Aetie grand Capitaine Romain. Passage des Vandales d'Espagne en Afrique. Commencement du regne de Cloion Roy de France. Aetie en Gaule. Bagaudes payfans Gaulois esmeus. Narbonne assiegee par les Gots. Vandales prennent Carthage. Les Pictes & Scots assaillent la grande Bretagne.*



E v o u s ay dit cy dessus, comme les Bourguignons ayans passé le Rhin, s'estoient logez au pais des Sequanois. Ce peuple entendant que les Gots estoient recompensés d'un si bon terroir que celui de Septimanie, ne s'estimoit encores auoir moins de droit en la Gaule, pource qu'il pensoit estre descendu des Romains. A

ceste cause, il voulut aussi auoir part en la despoüille de l'Empire, se iettant au pays des Sequanois, & Eduens, où il trouua si peu de resîstâce qu'il fit changer de mō à ces territoires, & y establit vn Royaume, lequel depuis accreu iusques en Arles & Prouence, a duré si longuement, que la plus part du pays a retenu le nom de Bourgongne iusques au iourd'huy. Les Allemans ne faisoient moindre effort du costé de Constance, Spire, Vormes, Mayence & Mets. La mer Gauloise depuis l'emboucheure du Rhin, iusques à Bayonne de Biscaye, estoit escumée par les Anglons & Saxons, peuples Germain, habitans vers la riuere d'Elbe: qui ne donnoient pas moindre trauail par eau à la Gaule, que les courtes & passages de tant de nations cy deuant nomées. Quant aux Frācs, encores que partie accompaignast par mer les Saxons (pource que de rout tēps ils estoient gens d'eau) ils ne laisserent de s'estendre en terre ferme, sous ombre d'estre au seruice des Romains, ou des premiers tyrans qui occuperent l'Empire. Car ils se ioignirent à Iouin, qui les auoit amassez avec autres nations (ainsi que j'ay dit) à fin de rompre le siege que le Comte Cōstance tenoit deuant Arles; & l'an cccxv. de Iesus Christ, pillerent, & puis bruslerēt la ville 415. de Trēues, qui leur fut rendue par vn Senateur, marri de ce que Lucius lors gouuerneur luy auoit hōni sa femme: & encores sous mors couuertsl'en auoit raillé; disant, cōbien qu'il eust de chaudes estuues, qu'il se lauoit d'eau froide. De forte que la paillardise fut pour ceste fois (ainsi que plusieurs autres) cause de changement de Seigneurie & de Prince. Ce que j'ay ramentu, pour ce que les auteurs remarquēt le sac de ceste ville auoir esté fait en la scēde course & entrée des Frācs en Gaule; & que ce fut le cōmencement de leur Royaume: quand ils vindrent par Brabant & Liege dans ce pays; abandonné à tous vens, pour ce que les Empereurs logez en Constantinople, entendoient à sauuer l'Italie & les prouinces voisines de leur demeure. Ce fut lors (comme disent aucuns, mais avec peu d'apparence) que pour donner plus de majesté à leur troupe, & ne sembler moins nobles que les autres nations gouuernées par Rois, ils prindrent pour Seigneur Faramōd fils de Marcomir, l'esleuerēt, ou plustost esleuerēt à leur façon pour leur Roy: le xiiii. iour d'Auril, l'an cccxix. ou vingt, 419. Indiction II. si vous croyez Triteme. Si est-ce que par ce que j'ay monstré cy 420. dessus, tiré d'Ammian, de Zosime, & de Prosper, les Frācs auoient des Rois auant ceste élection ou éléuation. Car Ascaric & Ragaise Rois des Frācs, furent iettez deuant les bestes sauages du Theatre ou Cirque, par le commandement de Constantin, pour cōbattre ou estre mangez ainsi que les autres criminels. Et Ammian appelle souuent Mellaubaudes vaillant Seigneur, Roy des Frācs. Encores Gregoire de Tours adioust, que Theodemer Roy des Frācs fils de Richimer, & Ascille sa mere, furent executez par iustice, ainsi que l'on trouuoit aux actes Consulaires. Et Prosper recite, que Priamus regnoit en Frāce le quatriēme an de Gratian: & par d'autres Chroniques (à la verité plus recentes) ce Priamus est dit pere de Faramond. Qui me fait esmeruëiller (si l'élection de Faramond est veritable) comme Gregoire de Tours peut auoir oublié vne chose tant digne d'estre escripte. Toutesfois puis que René Frigeridus ne Sulpice Alexandre (que le mēme Gregoire allegue quand il veut parler des

L'An de  
lesu  
Christ.

premiers Franks) n'en font aucune mention : Je n'asseureray point que Faramond fut nostre premier Roy, puis que ie ne m'ose fier sur de si foibles témoignages que celui du Moyne Aymon, Triteme, & les autres Chroniqueurs nouveaux: lesquels n'alleguent point d'auteur: mais bien que le mot *leuaerunt* a esté changé en *elegerunt*, & *eleurent* pour *esleurent*. Aussi d'aucuns pensent que les Franks ayans vn Roy mineur, au temps de ceste election; il fut gouverné par vn Vuarmond; qui signifie Tuteur. Et il me souuient auoir leu dans vne Chronique ramassée par vn plus ancien que Charles Martel, que le premier Roy cheuelu, comme deuant est dit du sang de Priam Roy de Frigie, & issu de Francion esleu par les Franks, s'appelloit Theudon fils de Richimer tué en bataille par les Romains. Que Faramond, eut pour successeur Clouis, habitant au chasteau d'Esparg au pays de Toringe, & lequel peut estre Clojon, Ce nonobstant, la plus cômune opinion soustient que Faramond est nô propre d'hôme; qui en langage ancien Franc, signifioit bouche veritable, & non pas vn nom de charge ou dignité: adioustant qu'il regna .x. ou .xj. ans, & fut auteur de la loy Salique, de laquelle ie parleray en son lieu. L'estat de la Gaule ne fut pas fort paisible durât ce réps. Car Honorie mort sans enfans, l'an ccccxxiii, Iean son premier secretaire occupa l'Empire par la faueur de Castin tres vaillant seigneur. Mais deux ans apres, vaincu par les Capitaines de l'armée d'Orient, que l'Empereur Theodose le ieune auoit donnez à Valentinian son neveu, apres que Rauenne eut esté pillée par ladite armée, Ætie fils du Comte Gaudont (autres fois tué en Gaule par les soldats) arriue en Italie avec les Huns pour secourir Iean, & le trouuât mort, vint en Gaule: où l'an quatre cés vingt & huit, selon Prosper; il chassa les Frâcs des terres par eux occupées en ce pais, & gouverna les places qui tenoient encores pour l'Empire Romain resistât aux entreprises des Gots, qui auoient assiégué la ville d'Arles. Or Ætie portant enuie à vn vaillant capitaine nommé Boniface gouverneur d'Afrique, il le rêdit suspect à l'empereur Valérinian, sous main l'accusant de trahison. De sorte que Boniface, pour sauuer sa vie, fut contraint auoir recours aux Vadales; lesquels ayâs puis nagueres deffait vingt mille Romains en bataille, il fit passer d'Espagne en Afrique. Toutes fois son innocence ayant esté depuis cognüe, Ætie vaincu par luy; & desappointé, se retira vers les Huns, alors commâdez par Rugile: duquel ayant tiré secours il retourna sur les Romains. Mais les Vandales demeurz en leur pays de conqueste, trauaillerent grandement l'Afrique pource que Boniface blessé en la bataille qu'il eut contre Ætie, & mourant incontinent apres sa victoire, n'eut moyen de les renvoyer, ou donner ordre aux pays de son gouvernement. Aussi fut contraint Valentinian rappeler les Gots à son ayde, car il n'estoit pas hôme hazardeux en fait de guerre. Pour retourner à nos Franks, apres la mort de Faramond, Clojon (qui est appelé communément Clodion) commença son regne l'an ccccxxx, ou xxxi, & fut (ainsi quedit Gregoire) profitable Roy, habitant le chasteau de Disparg, au pays de Tongres. Je ne trouue autre chose de luy, sinon que voulant ceste année mesme accroistre son Royaume, il courut l'Artois: où, comme les Franks faisoient des nopces à Hefdin (lors appelé Bourg Helene ou Hedene) Majorian depuis Empereur,

423.

425.

428.

430.

431.



les charges, & prit l'espousée avec vne partie des Francs: qui semblablement *L'An de*  
 furent rechassez par Ærie, incontinent apres la mort de Boniface remis en la *Iesus*  
 grace de Placidie mere de l'Empereur Valentinian. Ce Capitaine fait Patrice *Christ.*  
 (dignité inuentée par le grand Constantin, de laquelle nous parlerons autre  
 part) arresta longuement les entreprises des Rois Barbares voisins de Gaule:  
 car venant au pays pour gouverner les villes que les Vvissigots & Bourgui-  
 gnons ne tenoient point, il passa à Tours, Angers, Mans, Nantes, Rennes,  
 & autres de l'Armorique vers la mer, afin que de ce lieu il peust garder la  
 Gaule, encores la grand' Bretaigne, avec ceste partie d'Espagne qui regarde la  
 mer Gauloise. Il y trouua assez pour l'empescher; car vne faction de Païsans *436.*  
 felleua, qui sous le nom de Bagaudes, assambla presque tous les serfs, quit-  
 tant l'obeissance Romaine. Ces pauvres gens trauaillees d'emprunts, leuées de  
 deniers, iniustice des Gouverneurs & Iuges, firent leur chef vn nommé Baton, ou  
 Tibaton, lequel deux ans apres ceste rebellion; c'est à dire l'an cccxxxviii.  
 prins par Ærie, & puni avec les autres chefs de ceste faction, par la mort fit ces- *438.*  
 ser l'esmeute. L'on peut lire aux liures de Saluian lors Euesque de Marseille, le  
 pitoyable estat des Gaules: & neantmoins les delices que nos anciens Gaulois  
 opiniastroient: aussi ne fut-ce le seul empeschement que ce capitaine eut: pour-  
 ce que l'an precedent il luy auoit fallu combattre les Bourguignons habitans la  
 Gaule, qui furent par luy vaincus, & presque tous occis avec leur Roy mal  
 nommé Priam, au lieu de Peritie (ce dit vn Prosper escrit à la main) & tou-  
 tesfois depuis traittez assez doucement par les victorieux. En ce temps les  
 Vvissigots assiegerent Narbonne si estroitement, que les habitans apres auoir  
 tout mangé estoient prests de se rendre, quand vn capitaine nommé Liçtoire  
 Celse, retournant d'Armorique avec grosse cheualerie de Huns, deliura les as-  
 siegez du danger de la famine & captiuité; faisant porter à chacun de ses hom-  
 mes de cheual du bled, qu'il deschargea deuant la ville; & tout incontinent cou-  
 rut sus aux Gots: leur donnant si grande crainte, qu'ils furent contraincts de-  
 mander la paix. Laquelle, Liçtoire, se fiant aux deuins, qui luy promettoient vi-  
 ctoire, ayant orgueilleusement refusée, ils prindrent tel courage, que l'an  
 cccxxxix. il gaignerent vne bataille; où ce capitaine demoura prisonnier: si *439.*  
 mal traité, que ses ennemis mesmes en auoient pitié. Toutesfois Ærie enuoya  
 Auit (depuis Empereur) vers Thierry (qu'on appelloit aussi Theude & Theodo-  
 ric) successeur de Vvalia Roy des Vvigots, accorder la paix avec eux: pour la  
 crainte que les vns & les autres auoient des Vandales, qui l'année mesme se firent  
 maistres de Cartage. Or les troubles suruenues en la grand Bretaigne apres la  
 mort du tyran Constantin d'Arles, n'empeschoient pas moins Ærie du costé de  
 la Gaule, pour ce que le pays estoit desgarni des Romains: d'autant qu'Honorie  
 en auoit tiré la Legiõ pour l'enuoyer en Italie. Les Pictes & Scots qui n'atten-  
 doient autre chose, vñs de ceste occasion assaillirent les Bretõs sujets de l'Em-  
 pire, & leur eussent fait d'auantage de mal sans la crainte d'Ærie, lequel approché  
 du riuage de la mer, à toute heure ils iugeoient deuoir passer en Bretaigne: Cõ-  
 bié qu'il n'en fit rié, & n'eut moyé d'y enuoyer aucunes gës, ayãt trop d'affaires  
 à garder, que non seulement les Vvissigots s'aggrandissent d'auantage, mais aussi

L'an de  
Jesús  
Christ.

que les autres nations, ou Francs, ou Huns, n'entraissent en Gaule apres la mort du Roy Gundicaire, occis par les Huns avec tous ses Bourguignons. Les Piétes & Scots donc aduerris de cela, molesterent si fort les Bretons, que sans establir vn chef Empereur ou Roy, ils abandonnerent l'Empire Romain; & firent de telles conuentions avec leurs ennemis, qu'ils sembloient estre leurs sujets. Quelque temps depuis les nobles de Bretagne, principalement les voisins de la mer Gauloise, accoustumez de viure sous des loix Romaines, ne pouuans endurer la rudesse sauuage des Piétes & Scots, demandent secours au Patrice Aëtie, qui leur enuoya vne Legion: laquelle avec grand meordre repoussa les Piétes, & tant qu'elle fut au pays, le retint en l'obeissance de l'Empire. Toutesfois Aëtie la fit reuenir en Gaule, la distribuant à la garde de Sens, Paris, & d'Orleans: & laissant vn autre sous la charge de Sebastien, pour l'Espagne Taracanoise (c'est le Royaume d'Arragon) il mena le reste contre les Bourguignons, qui se preparoient à nouuelles conquestes, espians l'occasion d'entrer en Italie, sil fust suruenu quelque desastre aux Romains. Les Piétes aduerris du transport de ceste Legion de Bretagne, & du partement d'Aëtie, firent vne armée de mer, avec laquelle ils viennent piller le pays de la grande Bretagne, qui fut cause, que Valentinian commanda à ceste legion gardant Sens, & les autres villes, de repasser la mer sous la conduite de Gallion Rauenois. Ce nouveau secours assura le peuple & les nobles de Bretagne, qui cefferent d'auoir craindre des Piétes & Scots. Mais comme l'Empereur essayoit à reconquerir le pays d'Afrique, occupé par les Vandales, & que Galion par son cōmandement eust mené en Espaigne ceste Legion de Bretagne, les Scots & Piétes assuerent de sa retraitte, & de la grande perte que Valérian auoit faite en Afrique, la crainte aussi que le mesme Empereur auoit de la descente des Allemans, assaillent de rechef les Bretons: lesquels desesperer d'auoir secours d'Aerie (assez empesché à se preparer contre les Alains) cōbattirent si vertueusement qu'ils desfirent les Piétes & Scots, les rechassans en la derniere partie de l'Isle. Puis doutans qu'à la longue ils ne leur peussent resister, font venir les Anglois-Saxons à leur secours. Mais ceux-cy assuerent de la foiblesse des Bretons, tournerent leurs forces contr'eux, & apres maintes batailles (esquelles mourut la plus part de la noblesse Bretonne) Ambrois Aurele, qui seul des Romains estoit demeuré en l'Isle, & auoit prins le nom d'Empereur, leur fit longue guerre. Et toutesfois vne partie des Bretons fut contrainte de se retirer en la Gaule & au pays d'Armorique: le xviii. an de l'Empire de Theodose le ieune, c'est à dire enuiron l'an ccccxii, qui est la cause pourquoy aucuns de nos Romans (avec quelque raison) les appellent Bretons-Romains: & Argentré tant opiniastrément soustiét la souueraineté des Ducs, ou Roys de Bretagne, & debat la subiection des Bretons, faite aux Roys Clouies & Charliens. Cōme si ce leur estoit deshonneur, d'auoir recogneu la vertu & bonheur des François, apres tant d'autres peuples Gaulois, Belges, Celtes, ou Aquitaniens, habitans les Gaules aussi bien que les Armoriquains. Je veux que les Bretos-Gaulois, ou Armoriquains, soient issus des garnisons Romaines, voire des Albionnois chassés par les Scots ou Anglois: mais cela n'empesche, qu'ils n'ayent esté à la soule, ou qu'ils n'ayent

n'ayent recogneu les Roys François, lors plus forts qu'eux : & que les Euefques de Nantes, & Renés n'ayent recogneu les Rois François, & hanté leur Cour. Les Gaules ainſi appaiſſées, Aétie paſſa en Italie: laiſſant à partir le territoire deſert de Valence aux Alains, que conduiſoit vn nommé Sambida. Mais deux ans apres, ils commencerent à guerroyer, ceux qui les vouloient empêcher de prendre poſſeſſion des terres qu'Aétie leur auoit données, & en chaſſerent les anciens habitans. Auquel temps, Proſper dit que *Sapandia* (que ie penſe eſtre Sauoye) fut donnée au reſte des Bourguignons, pour eſtre partagée avec les habitans naturels: le xx. an de l'Empire de Theodole le ieune, qui vint en l'an ccccxliiii, de noſtre Seigneur.

*L'an de  
Jeſus  
Chriſt.*

## CHAP. XI.

*Cloion prend Tournay & Cambray. Pourquoy appellé Cheuelu. Saints & ſcauans perſonnages de Gaule. Mort de Cloion. Mérouée ſon fils. Concile de Calcedon contre Eutyches. Attila Roy des Huns, ennemy des Romains, à la ſuſcitation de Genzeric Roy des Vandales, chaſſé Merouée de Cologne qu'il fit bruſler, comme auſſi Treues & Mets. Prend Rheims, Beſançon, Langres, Toul, Troyes: vient aſſieger Orleans. Loup Enſaque de Troyes renommé.*



**V** Ous auez cy deuant entendu le préparatif d'Aétie à l'encontre des Bourguignons. Comme il y eſtoit empêché les Frâces apres auoir fait eſpier le pays prochain d'eux, paſſent la riuière du Rhin ſous la conduite de Cloion leur Roy, & de Merouée ſon fils, leſquels ſans trouuer aucune reſiſtance, recommencerent leurs conqueſtes, & entrerent en la Gaule Belgique avec grandes forces. De maniere, que les garniſons Romaines chaſſées, ils prindrent la ville de Tournay, & puis celle de Cambray, environ l'an ccccxv, 445. bornâs leur cōqueſte par la riuiere de Somme. Les anciennes Chroniques Françoises, ſurnomment ce Roy Clodion le Cheuelu: pource qu'à la mode de ſon pays, il portoit de longs cheueux liez en treſſes pignées & galonnées (Galon eſt vn Ruban, ou bandelerte dont les femmes ſ'aydent à lier leurs cheueux) pendantes par derriere; & la barbe boutonnée d'or bien richemée (ce ſont les mots de ladite Chronique) couſtume qui demeura obſeruée par ſes ſuccéſſeurs: du rât le regne deſquels, nul autre que les Rois ou deſang Royal euſt oſé porter les cheueux longs, mais eſtoient tondus en rond, comme dit Agathie. Ceste cheuelure donne encôres plus à cognoiſtre que les Frâces eſtoient Sicambriens, leſquels ſelon le teſmoignage de Martial (vivant ſous l'Empereur Domitian) auoient de longs cheueux, ainſi qu'il dit en vn Epigramme du premier liure,

*Crinibus in nodum torris Venere Sicambri:*

*Atque aliſer torris crinibus Aethiopes.*

M

L'An de  
Jesus  
Christ.

Là le Sicambre vint, qui cheueux nouëz porte;

Et le Noir, qui son poil a tors d'une autre sorte.

Claudian, Sidgine, & autres vivans du temps des Roys Clojon, Merouée, Childe-  
ric, & Clouis disent tous, que les Sicambriens portoient des cheueux longs  
& nouëz. Combien que ie ne veuille nier, que ce fust presque l'ordinaire de  
toutes les nations Septentrionales, de porter longue chevelure (voire des  
Gaulois mesmes) si n'en sont-ils tant remarquez que les Sicambriens; la fa-  
çon desquels il est croyable que nos premiers Roys voulurent retenir, en la  
personne de ceux de leur sang; pour monstrier leur origine. Le meilleur pour-  
trait & le plus ancien que j'aye veu de ces cheueux & de l'habillement Royal  
François, est celuy d'une image de Dagobert, qui est à Saint Denys pres Pa-  
ris, sous le clocher gauche, en entrant dans l'Eglise. Car toutes les autres ima-  
ges du portail de S. Germain des prez, voire celuy de la sepulture de Clouis,  
qui est au milieu du cœur de l'Eglise de Sainte Genevieve de Paris, sont mo-  
dernes: cōme disent les Imagiers. Plusieurs Saints personnages vesquirent en  
Gaule du temps de ce Roy, comme Saluian Euesque de Marseille, Vincent sca-  
uant Moyne de l'Isle de Lerins, qui est pres Antibes, aulourd'huy portant le  
nom de Saint Honorat. Clojon régna vingt ans, & mourut l'an cccclxix.  
ou l. selon aucuns. Merouée son fils ou cousin, luy succeda au Royaume; du-  
quel on ne trouve gueres de choses dignes de memoire: ains seulement qu'il  
commença de regner le xxv. an de l'Empereur Theodose le ieune, qui reuint  
l'an de Jesus Christ cccclxix. Du temps de ce Roy, & l'an cccclxi. fut tenu  
le Concile de Calcedon; où se trouuerent vi. c. xxx. Euesques assemblez con-  
tre la doctrine d'Eutyches: qui soustenoit que Jesus Christ n'estoit point vray  
hōme, attribuant à la diuine essence ce qui sembloit auoir esté pris d'humanité  
par le Verbe. Et les Chuns, ou Huns peuple de Scythie, ou (comme dir Tor-  
dain) bastards des Gots, sortirent de Pannonie sous la conduite d'Attila leur  
Roy, surnommé Fleau de Dieu, pour les maux qu'il fit par tout où il pas-  
sa. & vraisment may pour renuerter tout le monde sans dessus dessous. Il  
quitte son armée les Roys Valamer des Ostrogots, Ardaric des Gepides; avec  
pres de cinq cens mille hommes de guerre, amassez tant de ses suiets que des  
autres nations Septentrionales, par luy desfaites ou vaincues. Ce Roy voyant  
que la bonne conduite de l'Empereur Marrian l'empeschoit de faire son prof-  
fit vers Constantinople, & qu'en Pannonie, & autres pays de Germanie de-  
serts & gastes, il ne pouuoit entretenir si grande multitude de gens qui le  
suyuoit, delibera s'aggrandir sus l'Empire Occidental, ja esbranlé par tant  
de passages d'armées estrangeres. Avec ce qu'il fut esmeu par les presens de Ge-  
seric ou Genserik Roy des Vandales: lequel ayant demandé à Thierry Roy des  
Vvissigots sa fille en mariage, pour Honneric son fils, sous l'opinion qu'il eut  
qu'elle vouloit l'empoisonner, luy fit couper le nez, & la renuoya en Gaule  
à son pere; le courroux duquel Gezeric redoutant, chercha le support des Huns,  
pour empescher que les Vvissigots ne vengeassent l'injure faite à leur Roy &  
la personne de sa fille. Or Attila non moins rusé que hardi entrepreneur,  
craignant d'estre empesché par la concorde des Romains & Vvissigots, sad-

uisa de les entretenir de paroles, iusques à ce qu'il fust si auant en pays, qu'ils n'eussent moyen de s'entreioindre & secourir. A ceste cause, il enuoye en Italie des Ambassadeurs, dire à Valentinian, qu'il prenoit les armes, non pour rompre la paix accordée entr'eux, ains pour chastier les Vvissigots ses esclaves. Mandant aussi à Ætie (qu'il appelloit son amy & allié) qu'il auoit desir de faire quelque bon seruice à l'Empire Romain. En ce temps estoit Roy des Vvissigots Thierry, fort aymé des siens, lequel bien aduisé, ne se laissa point abuser aux paroles d'Attile: qui luy mandoit, que l'Empire se partageroit entre eux, & que le temps de la destruction des Romains estoit venu. Mais tant sen fallut que Thierry le creust, qu'au contraire il fit tous les plus grands preparatifs qu'il luy fut possible: Comme aussi Attile, pour faire croire à l'Empereur qu'il faisoit quelque chose en sa faueur, se iette sur le pays des Frâcs, & apres auoir destruit leurs Chasteaux & Forteresses, quant & quant il chassa Merouée de Cologne, laquelle il fit brusler. Puis tournant tout soudain ses forces sus le pays des Romains, il assaillit les Gaules, commençant par Tuncres. Ce pays fut le premier gâté, & puis la ville de Tréues ayant esté pillée la veille de Pasques, il fit mettre le feu en celle de Mets, tuant tout le peuple d'icelle, & les Prestres mesmes deuant l'autel. Ce fait, il vint à Rheims par luy assiegée quelque temps. Mais comme les habitans cuidoient racheter leurs vies & leurs corps, abandonnans les biens aux victorieux, les Huns trouuerent moyen d'entrer dedans, la saccagerent & bruslerent. Pour lors en estoit Euesque vn Prelat appellé Niquaise, fort renommé à cause de sa sainteté, auquel Attile fit couper le col, & à Eutrope sa seur. Par mesme violence il força les citez de Cambray, Toul, Bezançon, Langres, & Troyes. Car il ne trouua ville ou chasteau qui luy peust resister. On lit en la vie de Saint Loup lors Euesque de Troye grandement estimé par Sidoine (qui le compare à Saint Jacques, & l'appelle Pere des Peres, Euesque des Euesques, pour sa prudence & sainteté, n'estans encores ces titres particuliers aux Papes Romains) que se presentant sus la porte de la ville assiegée par Attile, il luy demanda qui il estoit; à quoy le Roy respondit, Je suis le fleau de Dieu: & moy, tepliqua l'Euesque, le loup qui ay gâté son troupeau, entre & en fay la vengeance. Toutesfois, quand les portes furent ouuertes, le barbare ne luy fit aucun mal, si vous croyez la Legende. Et neanmoins le Roy continuant les feux par son chemin, vint planter son camp deuant la ville d'Orléans.

M ij

## CHAP. XII.

*Agnan Euesque d'Orleans, sollicite les Princes & Roys Visigots pour resister à Attila. Aetie fait lever le siege d'Orleans. Pour suit Attila & luy donne la bataille pres Chaalons en Champagne, accompagné de Meronée & Thierry Roys des Francs & Visigots, où Attila fut vaincu & Thierry tué.*



GNAN natif de Vienne estoit Euesque de ceste ville, lequel preuoyant la venuë d'Attila, fut iusques en Arles vers le Patrice Aetie, & Thoulouze vers le Roy Thierry, les prier vouloir secourir le pays des Gaules : desquels ayant tiré bonne responce, il retourna en sa ville aduertir ses citoyens ; que dans le quatriesme iour de May prochain ils auroient secours. Toutesfois les Orleanois voyans leurs murs battus, & prests à rentuerfer, se fussent rendus, sans vne pluye de quatreiours : qui empescha Attila de donner l'assaut. Ce peu de respit avec l'esperance que le bon Euesque leur donnoit, disant : Que Dieu ne les abandonneroit, pourueu qu'ils le priassent : & eussent fiance en luy, les encourageoit auantement. Mais la crainte du peuple estoit si grande, & la violence de l'ennemy telle, qu'ils enuoyerent Sainct Agnian prier Attila auoir pitié d'eux ; & neantmoins sans effect : pource que le Roy cruel n'en tint compte. Vn qui a escrit la vie de cest Euesque, dit : Que les habitans d'Orleans ouurissent leurs portes, & que les Princes de l'armée ennemie venus en la ville pour partir & charger le butin ; Sainct Agnian apres auoir prié Dieu, & par messages pressé Aetie de s'approcher ce iour (d'autant qu'il se trauailleroit pour neant de venir au lendemain, que tout seroit perdu) assura les Bourgeois de la ville d'estre bien tost deliurez : & les menant sur les murailles leur commanda regarder s'ils ne verroient point approcher quelque secours. Le peuple qui ne voyoit rien demeura tout esperdu ; & le Sainct homme les reconfortoit, disant : Que s'ils prioient de bon cœur, que Dieu ne les abandonneroit. Alors s'estans iettez à terre, & avec pleurs & oraisons demandé la misericorde diuine ; Il leur commanda de rechef regarder par dessus les murs : car (dit-il) aujourd'hui sans doute aucune, Dieu vous deliurera. Les Orleanois montez sur la muraille avec telle assurance, veirent comme vne espeffe & obscure nuée s'esleuant de terre ; de quoy ils aduertirent l'Euesque qui leur dit, que c'estoit la pouldre montant en l'air pour la multitude des hommes & cheuaux de l'armée d'Aetie marchant par la campagne. Ce qui fut trouué veritable. Car ce vaillât Patrice ayant descouuert la ruse & l'ambition d'Attila, auoit fait alliance avec Thierry & les Visigots ; amassant le plus d'hommes qu'il peut affin de resister à si grand nombre d'ennemis : composant vne grosse masse

d'armée en laquelle Iordain Got ( qui a escrit cinquante ou soixante ans après, *L'An de*  
& encores sur le recit d'Albanie qui viuoit deuant luy ) dit qu'il y auoit des *Iesus*  
Frans) Sidonie semble au Panegyric les mettre du costé d'Attile) Sarmates, *Christ.*  
Armoriquains, Litians, ou Luticians ( que Blond appelle Luteciens ) Bour-  
guignons, Saxons, Ribarols, Lambrions ( jadis soldats de l'ordonnance Ro-  
maine ) lors alliez & gens de secours ; auec autres nations de Gaule & de Ger-  
manie. Thierri auoit pareillement assemblé vne infinité de Gots, & sortant de  
Thoulouse accompagné de Torismond & Theodoric, ou Thierry ses enfans  
plus aagez, vint trouuer Arie pour l'aider à secourir Orleans. Attila aduertit  
que les ennemis approchoient, craignant l'expérience en fait d'armes d'Arie,  
renforcé de si bon soldats que les Frans & Vissigots, leue le siege, ne sçachant  
que faire, de retourner ou combattre, pource que Singiban Roy des Alains luy  
auoit promis (comme dit Iordain) de rendre la ville d'Orleans, où il estoit auec  
les siens. Singiban descouuert, Attila se retire, suyui par Arie & Thierry : les-  
quels camperent assez pres de luy, en la campagne de Chaalons, lors appelée  
la plaine Mauritiennne. Or Attila deueu de son esperance, fondée sur la trahi-  
son de Singiban, & craignant le hazard des batailles, voulut au precedent in-  
terroger ses deuins de l'issue qu'il auroit. Lesquels luy rapportans toutes  
choses mauuaises pour les Huns, dirent (comme pour le consoler) que le prin-  
cipal chef des ennemis mourroit en la rencontre. Sur telle & si foible asseu-  
rance que les deuins ( le plus souuent infidelles aux Roys, & trompeurs de  
ceux qui les croient ) il conclud d'essayer la fortune: ne faisant doute que par la  
mort d'Arie (qu'il pensoit estre signifiée, comme celuy qui plus s'empeschoit)  
il ne vint à chef de son desir, quand bien la meilleure partie de son armée y de-  
meureroit: auec le reste de laquelle (estant rafraichie) il faisoit estat de conqué-  
rer l'Empire Romain. Et toutesfois, ayant aucunement esgard au rapport des  
deuins; il différa de donner la bataille iusques à trois heures deuant Soleil cou-  
ché : afin que s'il alloit mal pour luy, il se peust sauuer; estant la nuit & procha-  
ne. Encores il fit retirer sur les costaux voisins, les femmes, enfans & l'autre sui-  
te inutile au combat; qu'il enferma de son charroy. D'auanture il y auoit entre  
les deux camps vne butte qui se leuoit peu à peu, en façon de colline ( la cam-  
pagne d'entre Arles sus Aube & Chaalons, est pleine de tels vallons & mon-  
tées, diffamées à cause des voleurs qui s'y peuent bien aisément cacher, sans  
estre apperceus des passans, iusques à ce qu'ils soient enuolopéz ) laquelle col-  
line l'un & l'autre parti desirant occuper, parce qu'elle sembloit auantageuse,  
les Huns en prirent le costé droict, les Romains & les Vissigots le gauche,  
combatans pour le sommet. Quant à l'armée Romaine, elle fut dressée de tel-  
le façon, que la pointe dextre estoit conduite par Thierry accompagnée des  
Vissigots, la gauche par Arie; qui mit Singiban Roy des Alains au milieu;  
pource qu'ils ne se fioient en luy: combien qu'ils ne luy eussent rien déclaré  
de sa trahison descouuerte, craignans l'offenser & ses gens, en temps qu'ils a-  
uoient affaire d'hommes: pource que si l'on eust chastié ce Roy, les Alains se  
fussent (possible) tournés du parti contraire. D'autre costé Attila ( accompa-  
gné de ses meilleurs hommes ) regardant plus à la seureté de la personne qu'à

L'an de  
lesus  
Christ.

autre chose, prist le milieu: fournissant les aïsses d'autres diuers peuples & nations conquises, ou de son ancienne obeïssance. Entre lesquelles on pouuoit remarquer les Ostrogots conduits par Valamer, Theodemer & Vvindemer freres; & aussi Ardaric le Roy des Gepides fort fidelle, & l'un des principaux du conseil d'Attila, qui menoit vne infinie multitude de gens. Ce Roy, & Valamer Ostrogot estoient aimez d'Attila par dessus tous les autres Rois. Valamer pour estre secret, courtois & sans malices, & Ardaric à cause de sa fidelité & prudence: Blond, qui semble auoir suyui Ablaue, comme aussi fait lordain, décrit l'ordonnance de la bataille vn peu autrement, & dit; qu'Ætie estoit au milieu: que Merouée & les Francs eurent la pointe dextre, Thierry & les Vvissigots la gauche afin qu'ils ne rencontraissent leurs parens les Ostrogots. Quoy qu'il en soit, tous sont d'accord que la meslée commença pour auoir le sommet de la colline dont j'ay parlé. Lequel ayant esté gagné par Torismond & Ætie, ils eurent cet auantage, que leurs gens pouuoient d'en haut repousser ceux d'Attila, qui s'efforçoient de monter à mont: non sans grand carnage (ainsi qu'il est aisé à penser) puis que deux des plus grosses armées, qui iamais furent au precedent se vindrent heurter. Aussi lordain dit, que les vieilles gens de son temps, racontotent que le sang enfla tellement vn ruisseau voisin de là, qu'il couroit comme vn torrent. En ce combat, Thierry animant ses gens, ietté bas de son cheual, & foulé des pieds des combatans, mourut de là assez aagé. Autres disent qu'il fut tué de la main de Andaga Ostrogot, partisan d'Attila. Lors les Vvissigots se separans d'avec les Alains, assaillirent les Huns, & eussent mis à mort Attila, s'il ne se fust retiré prepaucement la fuite, & s'enfermant avec les siens dans son camp clos de charroy, comme j'ay dit. De sorte qu'une si foible deffence, sauua pour ceste fois, ceux auxquels les murs des villes, & les rempars naturels ne pouuoient resister. Torismond fils du Roy Thierry ayant gagné le sommet de la colline quant & Ætie, & repoussé les Huns: la nuit venue, pensant retourner en son camp, donna iusques dedans les chariots des ennemis: là où combattant vaillamment, il fut blessé en la teste, & ietté bas de son cheual, en bien grand danger, s'il n'eust esté retiré de la presse. Et la mesme obscurité ayant aussi fait esgarer Ætie de la compagnie, il fut long temps à vaguer parmi les ennemis, cuidant que les Gots eussent du pire: mais apres auoir trouué son cap, il se deffendit le reste de la nuit, par vne haye faite d'hommes portans des boucliers. Le iour d'apres, les Romains voyans les champs couuerts de morts, & qu'Attila ne sortoit point, se tindrent pour victorieux imaginans qu'il auoit receu grande perte, encores que de toutes parts il fit sonner trompettes & clairons, comme s'il eust voulu faillir. Lors Ætie & les Gots, consultans ce qui estoit de faire, aduiserent de l'assieger; sçachans bien qu'il n'auoir viures suffisans, & leur estoit impossible de forcer le parc de son camp, bordé de bons archers, meslez parmi des ronderiers. Il se trouue escrit, qu'Attila n'esperant eschapper de ce danger, fit amasser les selles & bats de cheuaux de son armée, & les dresser en façon de buscher; delibéré s'il luy fust mesauentur, de se baulser soy-mesme, de peur qu'aucun ne peust se vanter d'auoir blessé, prins, ou tué vn si grand Roy, vainqueur de tant



denations. Cependant les Vvifsigotsrefmerueillez cōme apres vne si belle vi-  
toire; le Roy Thierry ne se presentoit point, ses enfans & son peuple le firent  
chercher. Puis l'ayant trouué parmi vn grand tas de corps morts (ainsi qu'il  
appartenoit à vn si vaillant Prince) ils l'enleuerent & l'emporterent à la barbe  
des ennemis, chantans ses loüanges: non sans regret des Huns, qui le voyoient  
encores paré de ses marques & enseignes Royales. Ce fut vn Roy tres-digne  
de porter couronne, veu les bonnes qualitez qu'il auoit, recitées par Sidoine:  
qui le peint assez bien, pour tirer vn tableau de son effigie. Toutesfois aucuns  
estiment qu'il entend parler de Thierry fils de cestui-cy, & successeur de To-  
rismond. Encōres ne puis-je oublier, que d'autres pensent que ce Roy fut tué  
en vne bataille contre les Huns, auant qu'Attila eust leué le siége de deuant Or-  
leans. Mais ie n'ay trouué qu'un seul auteur qui le dist. La plus certaine opi-  
nion est, que ceste bataille fut donnée en la campagne de Chaulons, pres vn bourg  
qui se nomme Elmoru, ou d'un village nommé Moru, qui n'est qu'à cinq lieues  
de Chaulons, l'an de Christ quatre cens cinquante vn. Estans Consuls Martin  
Auguste & Adelphie, selon Cassiodore. Mais pource que Gregoire de Tours  
dit, que ce fut en la plaine de Mauriac, & Blond adiouste pres Thoulouze, Au-  
cuns m'ont voulu faire croire, que ce Mauriac de Gregoire, est le Manriac qui  
se trouue aujourd'huy en la haute Auvergne; & les champs Catalauniens, la  
plaine de Cantalez, au milieu de laquelle sus le chemin d'Aurillac il y a vne  
croix, encore apellée la Croix des batailles. Toutesfois ceste plaine de Can-  
talez est trop petite, & Iordain dit nommément, que celle de la bataille auoit  
cent lieues de long, & seprante de large: vray est qu'il ne fait la lieue que de  
quinze cens pas (cōme aussi l'entendent les auteurs de ce temps là, qui ne luy  
donnent plus grāde longueur) afin que ie die ce mot de nos lieux en passant.  
Bertrand qui a escrit des gestes des Comtes de Thoulouze, tient que la bataille  
fut donnée à Catalents, appartenant à l'Abbé de Moissac: & autres adioustent,  
que Mōtesch a pris son nom de *Monts-Aeris*: & que pres Catalentz y a vn ruis-  
seau qui porte le nom de Sanglant. Quant à moy, j'ay opinion que la bataille  
se donna en la pleine campagne de Chaulons, qui contient bien trente lieues  
& plus de large. Car il y a grande apparence, qu'Attila, redoutant les forces d'Ae-  
rie, se leuant d'Orleans, se retira vers son pays de conqueste: c'est à dire, la  
Champagne & la Germanie, dont il estoit parti. Autrement il fust entré trop  
auant en Gaule: & ie ne trouue point assurément dans Iordain (qui semble  
parler apres Ablauie, vivant du temps de la bataille) qu'il ait conquis le pays  
d'Auvergne & de Limosin: où il eust esté contrainct de passer, s'il l'a fust venu  
donner à Mauriac d'Auvergne, distant de trois bonnes iournées de Thoulouze,  
ou à Montesch. Aussi Freculf dit, que la premiere rencontre fut pres  
de Loire, & qu'Attila repassa la riuere de Seine: & Sidoine (qui aussi estoit  
de cemps, & si j'ay bonne memoire promet, ou s'excuse d'escire la bataille)  
dit qu'elle se donna en Belges, ce qui est confirmé par Fredesgair, qui adiou-  
ste que ce fut en la campagne Mauritiene, voisine de Troyes. Pour reuenir  
au fait, Thorismond beuillant de colere, & desirieux de vanger la mort de son  
pere, pria Aerie de pourfuyre ceux qui fuyoiēt, lequel cōsiderant auoir vain-

L'an de  
Jesuss  
Christ.

cu ses ennemis par le moyen des Vvisigots, Franks, & autres nations estranges; & qu'il falloit craindre qu'après la ruine de Huns, les Romains pour leur petit nombre ne fussent en pareil danger, & soupçon de leurs allies, qu'ils estoient auparavant (si ces gens de secours venoient à recognoistre leur puissance), auisa de rompre l'ardeur des siens, & laisser eschaper Attila (qu'il pensoit ne pouvoir bien tost se releuer apres vne si grande perte) & par mesme moyen separer les forces empruntées par l'Empereur. Ceste bataille emporta cent soixante deux mille hommes des deux costez, outre quatre-vingts dix mille Gepides & Franks, lesquels auant le grand choc se rencontrerent de nuit & s'entretuerent: les Franks combatans pour les Romains, & les Gepides pour les Huns.

## CHAP. XIII.

*Aetie laisse eschaper Attila. Ce qui luy costa la vie, ayant esté occis de la main de l'Empereur. Attila retourne en Gaule, est deffait par Torismond Roy des Vvisigots: Et l'Empereur tué par un gendarme d'Aetie. Maxime fait Empereur tué à la suscitation d'Eudoxie femme du feu Empereur. Genzeric Roy des Vandales pille Rome. Les Fracs prennent la Belgique. Les Bourguignons le pays des Heluetiens. Estat des Gaules à la mort de Merouée. Childeric son fils. Miraculeuse conception de Merouée. Noms François significatifs. Saincts & sçauants personnages de ce temps.*



ETIE donc ayant admonnesté Torismond de remener incontinent les Vvisigots en leur pays, de peur que ses freres, aduertis de la mort de son pere, ne se saisissent du Royaume, en son absence (car Thierry venant à la guerre, auoit laissé en sa maison Frideric, Thierry, Rotemer, & Hunneric ses autres enfans) le Goth qui tenoit Aetie pour son amy, & pensoit que ce fust un bon aduis, apres s'estre fait declarer Roy, par les Vvisigots sur le champ mesme de la bataille, prend le chemin de Thoulouse; où sans aucun contredit il fut receu, & y fit enterrer le corps de son pere. Par mesme ruse, & sous quelque autre bonne couleur, le capitaine Romain donna pareillement congé à Merouée, ses Franks & autres nations par luy assemblées. Or comme se trait sauua la vie au Roy Attila; aussi fut-il cause de la mort d'Aetie. Car Valentinian voyant que le Roy des Huns (qui apres la desconfiture de son armée s'estoit retiré en Pannonie, où il auoit amassé nouvelles forces, & prins la ville d'Aquillée) se preparoit à la conqueste d'Italie; entra en opinion qu'Aetie l'eust expres laissé eschapper de la bataille de Mauriac, afin que l'Empereur empesché contre ce Roy, luy donnast moyen d'occuper l'Empire. Ce soupçon fut augmenté par le chastre Heracle, qui entièrement gouuernoit Valentinian: lequel nonobstant qu'il eust promis à Aetie, d'allier leurs enfans par mariage, comme le Patrice pressoit l'Empereur de tenir promesse à son fils, il fut tué de la main propre de l'Empereur, & par

& par ceux qui estoient à l'entour ; avec Boëte Prefect du Pretoire, son amy. L'estat & la discipline militaire Romaine cheut (par maniere de dire) & s'aneantit avec ce Capitaine ; d'autant que les Empereurs montrans par tels meurdres, le peu d'amour qu'ils portoient aux bons chefs de guerre, furent aussi cause de faire quitter à leurs sujets la fidelité & loyauté accoustumée : estans l'amour & la reuerence (qui sont les plus forts liens pour retenir les volontez humaines) rompus d'une part & d'autre. La mort d'Ætie resueilla le Roy Attile: avec ce quel'on dit qu'Honorie seur de l'Empereur Valentinian le fit solliciter de la demander en mariage. Tant y a, que souz telle couleur il enuoya en Constantinople, protester qu'à faute de luy octroyer sa demande, on ne le peut charger des rauages & destructions qui aduiendroient pour la guerre. Mais c'estoit vne ruse; car cognoissant bien la vaillance de Martian, qui tenoit l'Empire de Constantinople, il faignoit se vouloir jetter de ce costé là; affin de trouver l'Occident despouruen : & sur lequel il auoit intention de donner. En ce temps, aucuns Alains s'estoient logez deça Loire (Iordain dit de là, pource qu'il habitoit du costé d'Espagne ou d'Italie) lesquels Attile ayât intention de mettre en sa sujétion, reprint son premier chemin, sortant de Dace & Pannonie. Dont Thorismond aduerty, le va rencontrer : & gaigna sus luy vne bataille presque en la mesme façon que celle de Chaalons, le contraignant fuir en son país; où peu apres il mourut d'un flux de sang, qui luy prit le jour de ses nocces: & l'an ccccliiii. Valentinian fut si mal aduisé apres la mort d'Ætie, qu'il approcha de soy les amis & conseillers du defunct : lesquels l'an d'apres, & le xvii. du mois de Mars, suscitez par Maxime Patrice (resolu d'occuper l'Empire) espians l'occasion vn jour que l'Empereur estoit allé Pesbatre hors la ville, le tuerent cruellement; ensemble Héracle; qui lors se trouua avec luy: sans qu'aucun de la suite de l'Empereur se mist en effort de le deffendre. Le conducteur fut vn nommé Thrasyle, gend'arme d'Aetie : qui disoit que c'estoit pour vanger la mort de son Capitaine. Maxime fait Empereur, sus le point que l'on pensoit qu'il deust beaucoup seruir pour redresser l'Empire qui estoit en danger (car il auoit esté deux fois Consul, & outre cela de grande reputation) monstra tout incontinent qu'il estoit: & que les honneurs descouurent la suffisance de ceux qui en sont pourueus. Car non seulement il ne chastia point les meurtriers de Valentinian ; mais encores il print à femme Eudoxe veufue de son predecesseur : contre son vouloir, la contraignant de laisser son deuil, & dans peu de jours le recevoir pour mary. Toutesfois, la Dame courroucée de l'outrage receu par ce nouuel Empereur ( qui encores se vantoit d'auoir fait tuer son predecesseur pour l'amour qu'il luy portoit ) elle appella en Italie Genzeric Roy des Vandales passez d'Espagne en Afrique, où ils auoient fondé vn Royaume. Dequoy Maxime aduerty, ayant donné permission à chacun de soy retirer à Rome; & youlant luy mesme faire le semblable, il fut mis en pieces par les gens d'Eudoxe; ou tué par Vrsace Romain, & les parties de son corps jettées dans le Tybre. Deux ou trois mois apres la mort de Valentinian, Genzeric vint à Rome ; de laquelle ayant pris tous les thresors, iusques aux meubles & ornemens Imperiaux; & ce quel'espace de quinze jours (qu'il y seiour-

454

455

N



L'an de na) il voulut serrer, il retourna en son païs, suyui d'Eudoxe & ses deux filles, Iesus qu'il emmena avec grande quantité de peuple. Ainsi l'Occident despourueu Christ. de conduire par la mort d'Ætie, & le peu de vertu de tant de foibles Empereurs qui s'entrecoupperent la gorge, ou se chasserent les vns apres les autres, toutes les nations voisines des Gaules, qui ja les auoient couruës, & commencé de s'y loger, eurent moyen d'y entrer plus auant. Car les Francs (si vous croyez Sidoine) entrèrent en la premiere prouince Germanique, c'est à dire Mayence, Vormes, Spire, Strasbourg; & en la seconde Belgique, qui comprend Amyens, Rheims & Chaalons. D'autre costé, les Bourguignons s'establirent au païs des Heluëtiens, Sequanois & Authunois. Quant aux Vuisigors, ils tenoient non seulement Aquitaine, mais encores menaçoient l'Espagne, depuis accordée à Thierry, frere & successeur de Thorismond, meschamment tué par les siens, l'an cccclvi. Toutesfois il y auoit plusieurs villes entre les riuieres de Meuze, de Loire, & la mer de Septentrion, qui suyuoient le party des Empereurs Romains: se laissant gouverner par les Capitaines qu'on leur enuoyoit. Tel estoit l'estat des Gaules l'an cccclviii. que mourut le Roy Merouée; duquel nostre Gregoire ne dit autre chose, sinon qu'il fut de la race de Clojon, & pere de Childeric: tant estoit l'histoire des Francs & leur venue en la Gaule, obscure dès le temps mesmes de nostre premier Historien: car ie ne l'ose charger d'ignorance, ou nonchalance. Si est-ce que les Roys de France venus depuis, ont iusques à Pepin esté surnommez Merouëngiens, comme descendans de son estoc en droite ligne. Je n'ay pas delibéré d'emplir ces Antiquitez de contes legiers, ou de risées qui se trouuent en plusieurs liures: il n'affiert à la grandeur du sujet que ie traite, de faire amas de choses controuuées, pour resioüir & contenter l'esprit des lecteurs: Aussi de reietter ou d'estimer faux, ce qui est approuué du commun, & laissé par escrit en auteurs de marque, ie ne le puis faire; voyant que plusieurs anciens n'ont fait difficulté de publier les naissances merueilleuses d'Alexandre le grand, de Scipion l'Afriquain, & d'autres grans Princes fils de Serpens, de Romule fondateur de Rome, allaité par vne Louue, de Cyre Roy de Perse, par vne Chienne, & tant d'autres Seigneurs qui ont pris plaisir d'autorizer leur bonne fortune par miracles controuuez. L'on a fait ce passe-droit à l'antiquité, de luy laisser mesler des choses vrayes avec des fables, affin de rendre les fondateurs des Royaumes, ou Seigneuries plus saints ou redoutables. C'est pourquoy ie prendray la hardiesse de coucher icy, ce que i'ay leu de la conception de nostre Merouée, dans vn auteur plus vieil que le regne de Pepin: Et encores plus hardiment, pource qu'il semble auoir esté suyui par l'Abbé de Vvrsperg. C'est ancien dit, que cômme la mere de ce Roy accompagnée de son mary, se fut despoüillée pour se baigner en la mer, il en sortit vne beste en forme de Taureau, qui luy courut sus. Or soit qu'elle conceust de la beste ou de son mary, l'enfant qui en vint fut nommé Merouée, pour la mer, ou les raches qu'il auoit au visage, ressemblans à celles d'un veau marin, appelé Merueich: ainsi que d'autres disent. Il le croira qui voudra: mais ie vous aduertis, que plusieurs dames du temps passé, ont couuert leurs fautes souz le nom des dieux, ou de monstres espouuentables:

à fin d'estre tant plustost excusées que l'humanité est moins puissante qu'une diuinité, ou chose plus que naturelle, qui les auroit contraintes d'obeir. Toutesfois ceux qui ne croyoient pas ces natiuitez monstrueuses, disent, que la plus part des noms de nos anciens, estoient significatifs des vœux des peres, ou naturel des enfans: comme nous trouuons encores auoir esté obserué des Hebreux, Grecs, & Romains. Partant, que ce mot Merueich signifie en vieil langage François, Prince excellent: comme Clotaire, puissant: Chilperic, riche secours: Dagobert, vaillant & noble, & ainsi des autres. Plusieurs Saints & sçauans personnages viuoient du temps de ce Roy. Et entr'autres Germain Euesque d'Auxerre, tref-habile homme, & qui en la compagnie de Loup Euesque de Troyes, duquel i'ay parlé, fut cause d'entretenir en la religion Chrestienne le pais d'Angleterre, où il se monstra aussi bon prescheur que rusé Capitaine, ordonnant si bien la bataille des Bretons, qu'ils gaignerent la journée, contre les Pictes & Saxons.

CHAP. XIII.

*Childeric chassé pour sa paillardise. Les François establirent Roy Gillon Romain. Auit Auvergnat Empereur à Treues: depuis fait Euesque. Maiorian mis en sa place. Puis Scuerian Anthemie fait Empereur par Leon. Seruand Auvergnat, cuidant usurper l'Empire, est confiné. Anthemie tué. Olibre fait Empereur. Et apres luy Glycere. Puis Nepos. Euaric Roy des Visigots estant Arrian, traite mal les Euesques de Gascongne. Augustule est nommé Empereur par son pere. Odacre Roy des Herulles vient en Italie: Confine Augustule, auquel faillit l'Empire de Rome Italienne, Leon & Zenon tenans l'Empire Oriental, ou de Constantinople.*



**M**EROVEE mort, Childeric son fils l'an cccclix. fut esleu Roy en la place de son pere, par les Francs: que d'ores-en-  
auant ie veux appeller François, puis qu'ils sont tous Gaulois, & nechangeront plus de pays. Ce Prince vaillant & courageux, estoit bon pour la guerre; mais comme mal instruit en œuvres de paix, il estoit vilainement sujet à la paillardise: iusques à offencer les François, les femmes & filles desquels il desbauchoit ou forçoit. Parquoy voyant qu'ils deliberoient de le faire mourir: il print conseil d'un sien fidelle & principal amy, tref-habile homme, que nos anciennes Chroniques Françoises appellent Guinémaux, & les Latines *Vinnadus* (lequel avec la mere il auoit racheté de la prison des Huns) comme il se deuoit gouverner en affaire si pressé. Guinémaux luy respondit, qu'il falloit ceder à la colere des siens, de peur que demeurant au pays, il n'augmentast la haine qu'on luy portoit: aussi que les hommes estoient volontiers

459.

N ij

*L'An de* enuieux de la felicité d'un present, & pitoyables en l'affliction des absens.  
*Iesus* Quant à luy, que durant sa retraite, il sonderoit le courage des François, pour  
*Christ.* le faire rentrer en son Royaume: & pour marque de temps propre, il luy donna la moitié d'une piece d'or, qu'il couppa, retenant l'autre deuers soy. Avec  
 461. telle assurance, Childeric se retire l'an cccclxi. pres Bisin Roy de Toringe ou de Tungres; & les François establirent Roy sur eux Egide, ou Gilon, enuoyé par l'Empereur Martian pour estre chef des garnisons Gauloises, & gouverner les villes tenans encores pour l'Empire: ja trop affoibli, tant par les courses des estrangers, qui tant souuent les heurtoient, qu'aussi pour le frequent changement des Empereurs. Je vous ay dit cy dessus, l'estat des Romains apres la mort d'Ætie, de Valentinian, & de Petroine Maxime tyran. Cestuy-cy appella à l'Empire vn des principaux Senateurs & Capitaines Romains, nommé Auit, natif d'Auuergne; qui print l'habillement Imperial à Treues: avec lequel quand il fut passé en Italie, par le support des Gaulois, Martian homme de bon naturel, & craignant la ruine de l'estat fit alliance. Toutesfois ne l'un ne l'autre ne durerent gueres. Car Auit qui viuoit desordonnément, fut l'an  
 456. cccclvi. contraint par le Senat, renoncer à l'Empire, & se contenter de l'Euesché de Plaisance: & Martian luy mesme, mourut tost apres; ayant premierement commandé à l'armée qui estoit à Rauenne, d'eslire Empereur Majorian, lequel venu en Gaule reprit la ville de Lyon, & fit quelque séjour en Arles. Cevailant Prince, tué pres Tortonse ville d'Italie l'an quatre cens soixante deux, Seuerian entra en sa place; durant le regne duquel Recimer trefvaillant homme, combatit pres Bergame, Biorg Roy des Alains, habitans la Gaule, & passez en Italie: lesquels furent deffaits avec leur Roy, l'an quatre cens  
 464. soixante quatre. Seuerian mort l'an quatre cens soixante cinq, Leon Empereur de Constantinople mit en sa place Anthemie, l'an quatre cens soixante  
 465. sept. Au mesme temps, Arnaud ou Saruand Auuergnat, jadis gouverneur de la Prouince Narbonnoise, essaya de se faire Empereur, lequel vaincu par les gens d'Antemie, il luy fut par eux enuoyé prisonnier à Rome, où depuis il demeura confiné. On le chargeoit d'auoir escrit à Thierry Roy des Vvissigots, qu'il ne falloit faire paix avec l'Empereur Grec, ains deuoit assaillir les Bretons logez sur Loire, & partager les Gaules avec les Bourguignons, suivant le droit commun gardé entre toutes gens, & nations. Ses accusateurs estoient Tonant Ferreol, jadis gouverneur des Gaules, Thaumaste & Petroine, hommes eloquens; par lesquels ayant esté conuaincu, il fut degradé de ses honneurs, mis au rang du populaire, & enfermé en la prison publique. Son arrogance, & le iugement donné contre luy, se peuent voir en vne epistre de Sidoine. Les lettres de Saruand avec l'ambition d'Euarix, ou Eoric Roy des Vvissigots successeur de Thierry son frere, furent cause que Anthemie eut recours à Riorime Roy des Bretons, qu'il fit venir en Berry avec douze mille hommes. Là où Riorime ayant mis ses gens en terre (car il semble qu'il vint par l'eau de Loire) Eoric s'aduance contre luy, & le chargeant deuant qu'il peust joindre les Romains, le deffit pres vn bourg appelé Deolz en ce temps là (que l'on pense estre le Bourg-dieux en Berry) & le fit fuir vers les Bourguignons

## CHILDERIC ROY.

ors alliez des Romains. Anthemie tué, l'an quatre cens septante deux par Ri- L'an de  
cimer son gendre, & cestuy-cy mourant trois mois apres, l'Empire d'Occident <sup>lesu</sup>  
chreut entre les mains d'Olibre, qui ne le tint que huit & mois, & Glycerie mis <sup>Christ.</sup>  
en sa place, auant l'an entier fut chassé par Iule Nepos, & fait Euesque de <sup>472.</sup>  
Port, l'an quatre cens septante quatre. Tant de changemens donnerent occa- <sup>474.</sup>  
sion à Euaric Roy des Vvissigots, d'enuahir le país de Thoulouse, principale-  
ment du costé de Gascongne, où il traitta mal les Catholiques, pource qu'il  
estoit Arrien. De sorte que durant son regne, la pluspart des Eglises demeure-  
rent si desertes, que les ronces en bouchoient les entrées: & les Euesques de  
Bordeaux, Perigueux, Rhodés, Limoges, & Geuaudan (qui est Mande) d'Eouse,  
de Coininges, Aux, Basas, furent tuez, ou chassez. Finalement Ecdicie fils de  
l'Empereur Auit (qui peut estre le Decie de Procope) apres auoir longuement  
combattu contre les Vvissigots, en fin laissant sa ville de Clermont d'Auuer-  
gne, & l'Euesque Sidoine son beau-frere, se retira en lieu plus assésuré. Dont  
Nepos aduerty, luy commanda de le venir trouuer, & mit en sa place Orestes,  
lequel en la ville de Rauenne, declara Empereur audit an cccclxxiiii. son fils <sup>474.</sup>  
nommé Augustule, pource (dit Procope) qu'il estoit encores enfant quand il  
fut déclaré Empereur. Nepos de crainte s'enfuit en Dalmatie, & perdit son  
estat & dignité, en la ville de Salon, que l'on pense estre Spelato d'Esclauonie,  
où Glycerie aussi chassé, tenoit vn Euesché. Peu de temps apres, Odoacre Roy  
des Turcilingues (c'estoit le nom d'une nation sortie de Scythie) vint en Italie  
accompagné d'une grande armée d'Herules. Et ayant tué Oreste, confina Au-  
gustule en vn chasteau de Campanie, voisin de Rome; vn an & deux mois apres  
son eslection. Ainsi l'Empire de Rome, qui auoit commencé par Auguste, prist  
fin en Occident en la personne d'un de mesme nom; mais diminué: pour  
d'autant plus euidentement signifier sa ruine, comme il sembla lors à plusieurs.  
& laquelle aduint l'an cccclxxvi. demeurant Leon le jeune, & Zenon en ce- <sup>476.</sup>  
luy de Constantinople. Je me fais voulu deffaire tout en vn coup de ces Em-  
pereurs Occidentaux, & presque journaliers, affin d'auoir plus de moyen de  
continuer sans interruption l'estat des Gaules, esuelles les Romains n'eurent  
plus que voir peu apres que Childeric eut esté rappellé par les François, &  
fouz vne telle occasion.

## CHAPITRE XV.

*Guinemaux fait reuenir en France Childeric son maistre, & chasse Gillon:  
qui se retire à Soissons. Vices des François, Gots, Alains & Saxons de ce  
temps-là. Basine laisse Bisin Roy de Toringe son mary, pour espouser Chil-  
deric. Visions qu'elle luy fit voir la premiere nuit de ses nopces.*



VINEMAVX, quand son maistre se fut retiré pour (ainsi que j'ay  
dit) euitier la fureur des François, trouua moyen de s'approcher de  
Gillon, qui le cognoissant homme d'esprit, le cuidoit estre destourné  
(comme les autres) de l'amitié de Childeric, & pour ceste cause le receut voi-

L'an de  
Jesux  
Christ.

lontiers à son service, luy mettant entre mains ses affaires de consequence. Par ceste familiarité il descouvre, que Gilon se desffoit grandement des François, à cause de la puissance & richesses d'aucuns. Parquoy il augmenta ceste desfiance, luy conseillant de les charger de tailles. Toutesfois quand il veit que pour cela ils ne cessioient de haïr Childeric, & d'honorer Gilon; il fait entendre au Roy, que pour abbaïsser & rompre la force des François, il conuenoit en faire mourir aucuns des plus grands; ce qu'aïssément il luy persuada, & encores eut la charge & puissance de le faire. Ceste commission obtenuë il fait le procez aux Gentil'hommes qu'il iugeoit les plus contraires à Childeric, & les enuoye à Gilon, pour estre punis comme coupables de leze Majesté. Or les François estonnez decës rigoureuses executions, & pensans que Guinemaux ignorast ces cruauitez, s'adressent à luy, se plaignans de Gilon. Mais il respondit, qu'il estoit encores plus estonné de leur inconstance, & comme ils pouuoient reputer cruel, celuy que nagueres ils estimoient tant digne de louange.

„ Puis adressant sa parole à l'assemblée, commença leur dire : Et quelle folie  
 „ vous a pris de chasser vn homme natif de vostre pais, pour receuoir vn orgueilleux estranger? Vous direz qu'il vous a fait honte par sa luxure desbordée,  
 „ pourquoy donc vous plaignez-vous de la cruauté de cestuy-cy, qu'avez choisi  
 „ & preferé à vn Roy de vostre nation, de douce nature, & qui laissant ce vice avec la ieunesse (comme ordinairement il aduient) fust deuenu de meilleure vie;  
 „ pour eslire vn tyran d'autant plus redoutable qu'il est d'estrange pais? Vous  
 „ montrez bien en cela qu'estes moins aduisez que les bestes, qui ne se laissent  
 „ gouverner que par celles de leur espace. Partant, si voulez croire mon conseil,  
 „ ie suis d'aduis que reprenions en amitié Childeric: & que nous apaisions son courage offensé de si longue absence. Quant à moy, ie trouue bien grief de ne  
 „ pouuoir endurer la paillardise d'un homme, & cependant souffrir ainsi mettre à  
 „ mort tant de Gentil'hommes nos amis, alliez & parens. Les François esmeus de ces paroles, & se sentans affoiblis par la cruelle execution de tant de nobles & principaux Seigneurs du Royaume, pour amender la honte qu'ils auoient faite à leur naturel Seigneur, par vn r'appel plus honorable, ou preferans le sermër ancien à l'insolence & cruauté de ce nouveau venu, dirent à Guinemaux; qu'ils se repentoient d'auoir chassé leur Roy, & vointiers enuoiroient des ambassadeurs vers luy, le prier de retourner en son Royaume. Childeric auoit esté huiët ans en exil, durant lesquels (ou par cours de nature, ou ruse de Guinemaux, ou longueur du temps) ses principaux ennemis auoient esté emportez de mort, ou refroidis, quand Guinemaux, empoignant l'occasion par les cheveux, luy renuoya la moitié de la piece d'or susdite; pour l'assurance de son retour certain: sans luy mander autre chose, sinon qu'il estoit bien desiré. Lors l'estât bien acheminé en France, Guinemaux accompagné des principaux conjurateurs, le vint rencontrer pres de Bar, où le Roy François fut receu des habitans, ja prattiquez. En recompense dequoy nos Chroniques disent que ce Roy quitta les Barrois du tribut par eux deu, & dont possible vient la souveraineté que le Duc de Bar pretend à tort. Puis ayant joint ses forces à celles des François, apres auoir gaigné vne bataille, il chassa Gilon de son Royaume; &



tout le reste de sa vie le contraignit demourer en la ville de Soissons, ou (cōme dit Paul Emil) fuir vers les Gots, abandonné des François avec la mesme legiereté qu'ils l'auoient esleu: car en ce temps-là, ils estoient remarquez pour gēs variables. Ce neantmoins, Saluian dit qu'ils estoient courtois, & accostables aux estrangers: eomme les Gots trompeurs, mais chastes: les Alains impudiques, toutesfois non trompeurs: les Saxons farouches, mais dignes d'estre loüez pour leur chasteté. Aucuns appellent les Bourguignons gourmands, & remarquent certains vices en autres nations. Childeric donc retourné en son Royaume, par le moyen susdit, le reconquit l'an cccclxviii. Quand Basine femme de Bisin Roy de Toringe (de laquelle, ainsi qu'aucuns historiens disent, le Roy François s'estoit accointé durant son exil, plus priuément que l'hospitalité ne requeroir) fut aduertie de ceste bonne fortune, picquée d'ambition, & de paillardise (deux assez aspres aiguillons, pour esmouuoir vn autre esprit que d'vne femme) elle vint trouuer Childeric; qui luy demanda la cause pourquoy elle auoit quitté son mary. Basine respondit, que la memoire de sa vertu (vn autre adiouste) & beauté, luy estoit demourée en prainte en l'esprit, & cognoissoit maintenant comme il estoit sage & vaillant. Car si ie sçauoy (disoit-elle) qu'il y en eust vn qui le fust plus que toy, ie l'iroy chercher au bout du monde, sans y plaindre ma peine. Ceste flatterie, ou la souuenance de l'amour ancien, eut plus de force, sus le cœur de ce Roy (qui sentoit encores le terroir d'où il estoit party) que les biens & le bon recueil que le Roy Bisin luy auoit faits en son aduersité, lesquels facilement il oublia en sa prosperité, puis que mesme en affliction (qui rend les hommes plus respectueux) il n'auoit eu crainte de violer l'hospitalité. Aussi ne fit-il doute de retenir Basine, & de l'espouser, desdaignant possible de s'allier des François, pour la souuenance du tort qu'il pensoit auoir receu d'eux, quand ils le chasserent. Fredegair, que j'ay ramentu plusieurs fois, & qui a seruy de fondement à Aymon, recite: que la nuit des nopces, Basine pria Childeric d'aller deuant la porte de son palais, & luy venir dire ce qu'il auroit veu. Le Roy qui la cognoissoit femme d'entendement, & sçauante en l'art de deuiner: (car de tout temps il y en a eue de telles en Germanie) se leue: & ayant mis la teste à la fenestre, il voit deuant la porte de son palais, la semblance de grandes bestes, comme Pards, Licornes & Lions qui se pourmenotent. Dequoy esmerueillé, il vint à la femme, & luy raconte sa vision: mais elle respondit, qu'il n'eust crainte, & retournast à la fenestre. A la seconde fois, il veit des Ours & des Loups qui s'entrecoüroient sus. Et pour la troisieme, il veit encores des figures de Chrétiens, & d'autres petis animaux qui se pilloient & deschiroient. Lors plus desireux que deuant d'en auoir la signification, il retourne en son liét pour conter à Basine ce qu'il auoit veu, & la prier de luy en donner l'interpretation, puis qu'elle nel'auoit enuoyé les voir sans occasion. Elle respondit qu'il se portast chastement pour ceste nuit, & qu'au lendemain tout luy seroit déclaré. Le jour venu, & le Roy la pressant de luy tenir promesse, souuenez-vous (dit-elle) de ce que ie vous diray sans vous en fascher: car ces visions ne descouurent pas seulement les choses presentes, mais aussi celles qui sont à venir. Il ne vous faut pas arrester aux figures des be-

L'an de  
lesus  
Christ.

468.

*L'an de  
Jesus  
Christ.* des qu'avez veües, ains par icelles considerer les mœurs & actions de vos successeurs. Le premier qui viendra de nous sera tres-puissant; & lequel vous auez veu en forme de Lion, ou de Licorne: ceux qui sortiront de luy sont monstrez par les Loups, & les Ours; animaux puillans & forts, toutesfois conuoi-teux de rapine & de carnage. Quant au Chien, qui est sans vertu, & ne peut dompter son appetit & volonté, ne viure sans l'ayde ou secours de l'homme, il monstre & donne à cognoistre la couïardise de ceux qui sus la fin tiendront le sceptre du Royaume François. Et les petis animaux se deschirans, c'est le peuple, lequel sans crainte de son Roy, ordinairement se joint aux Princes bandez les vns contre les autres, & lequel seruant trop à leurs affections, s'enuelope en plusieurs tumultes & affaires de guerre. Car cependant que les grands essayent à se despoüiller de leurs biens & dignitez, le peuple bas qui les suit, est destruit & tué en grand nombre: & voila le secret de vostre vision. Childeric à la façon des Roys (qui n'ont soucy que de leur grandeur) oubliant ce qui estoit mauuais, se resiouit de la belle & noble lignée qui deuoit sortir de luy; laquelle semble à plusieurs auoir esté assez bien représentée par ceste vision. Aussi est-ce la cause de me la faire coucher icy mort à mort, encores que Paul Emil l'ait reiettée de son histoire, ou la passe comme fable, aussi bien que la remonstrence de Guinemaux; jaçoit que l'une & l'autre se trouue dans Idace, ou Fredegair, duquel Aymon l'a prise. Toutesfois Gregoire de Tours (que d'ores en auant ie veux tenir pour fondement de mon histoire) n'en dit rien, Si est-ce qu'elle meritoit bien l'escrire: & ie le fay plus volontiers à ceste heure, que nos diuisions l'ont rendue prophetie: & aussi me souuient-il d'auoir leu dans Dorothee Euesque de Tyr, parlant de la transformation de Nabugodonosor; que les Princes de peu de sens, volontiers sont sujets à tels changements, principalement les ieunes: qui pleins de leur volonté desordonnée deuiennent à la fin cruels tyrans. Ce que les anciennes fables ont voulu signifier par Lycaon Roy farouche & sanglant, tourné en Loup-garoux.

## CHAP. XVI.

*Natiuité de Clouis, & que c'est le mesme nom que Louis. Childeric s'auance en Gaule. Les Anglois chassent les anciens Bretons en Gaule. Et aucuns en l'Armorique, laquelle commença d'estre appelée Bretagne. Bretons battus par Eoric. Saxons occupent l'Aniou. Auoagre leur chef deffait pres Orleans par Childeric, qui estendis son Royaume iusques à ladite ville. France Austrasienne & Vestrienne. Mort de Childeric. Sidoine Euesque de Clermont. Clouis Roy, chasse de Soissons Siagre fils de Gillon. Romains entiere-ment chassés du cœur de la Gaule. Les François traittent courtoisement les Senateurs Gaulois. Clouis Payen honore Sainct Remy.*

469.



N an apres ce mariage, & le cccc.lxix. de nostre Seigneur, Basine accoucha d'un fils qui fut nommé Luduin, ou Louis, & par le commun Clouis, ainsi qu'il se trouue escrit aux vieils liures; parce que les anciens

anciens François auoient vne fascheuse prononciation , adioustans coustu- *L'an de*  
 mièrement aux lettres douces, l'aspiration avec vn C: comme à Lotaire, Hlo- *lesus*  
 taire, & Clotaire, à Huns, Chuns: laquelle rudesse de langage a esté remar- *Christ.*  
 quée par Agathie, & celuy qui a composé l'abbregé de la vie de Saint Gregoi-  
 re. Il est bien certain, que les hommes sçauans qui viuoÿt du temps de Char-  
 les le grand, & son fils l'Empereur Louis, ont pensé que c'estoit mesme nom  
 Louis que Clouis. Et toutesfois la faute de cognoistre ce petit different de pro-  
 lation, a fait que les nouueaux autheurs (ie dy ceux qui sont venus depuis 400.  
 ans) ont commencé à conter nos Roys du nom de Louis, par Louis debonnaire:  
 ce qu'ils deuoient faire à ce Louis premier Chrestien. Et partant Louis  
 predecesseur du Roy François premier, deust estre nommé Louis xv. non pas  
 Louis xii. comme ordinairement il est appelé. Si faut-il neantmoins suyure  
 l'erreur commun; afin de ne confondre les histoires, qui est la cause pourquoy  
 i'appelleray cestuy-cy Clouis. Pour reprendre mon fil, Childeric plus aduisé  
 que deuât essaya d'agrandir son estat, aussi bié que les Bourguignōs & les Gots,  
 lesquels ayans de sages & vaillans Rois, eslargissoient leurs limites. Quât à luy,  
 encores qu'il se ierast vers Paris & Sens, il ne pouuoit pas faire de grâdes con-  
 quêtes, au moié de la resistâce des Bretons, nouuellement venus d'Angleterre  
 pour habiter les Gaules, & des Comtes ou Gouverneurs Romains, tenans en-  
 cores par ci, par là des villes fortes. Car ie vous ay dit cy dessus, que les habitans  
 de la grande Bretagne, ne pouuans resister aux Scots & Pictes, auoyent appelé  
 les Saxōs à leur secours, lesquels voyās la foiblesse des Bretōs, apres plusieurs  
 rencontres, non contents du meurtre & du carnage fait aux batailles, forçoient  
 les villes, & tuoient femmes & enfans. De sorte qu'vne partie de Bretons fut  
 contrainte s'ésuir aux montaignes de Galles, & l'autre entrā en des vaisseaux,  
 venir en ceste pointe & corne de Gaule, qu'o apelloit Armorique, où ils furent  
 si bien receus, les habitans du pays (obeissans aux Empereurs) qu'ils n'en parti-  
 rent oncques puis, & firent perdre le nom ancien à ceste contrée, qui dès lors  
 print le nom de Bretagne la petite, ou Romanie: pour memoire de la terre, de  
 laquelle ils estoient sortis, laquelle aussi changea son nom, & fut appelée An-  
 gleterre, à cause des Anglons nouueaux conquereurs du pays. Ces Bretons passē  
 lez en Gaule deuāt l'an ccccl. & trop estroittemēt logez en Armorique, à leur  
 venue gasterent le Pays d'Anjou, Poictou, & d'Angoulmois, occupez par les  
 Vvissigots, & eussent passé la Garōne, si le Roy Eoric tres-vaillāt Prince ne fust  
 allē au deuant. Lequel tout fier d'auoir n'agueres cōquis l'Auuergne & batu les  
 mesmes Bretons (venus au secours d'Anthemie) les garda de passer outre, quād  
 il les eut deffaits au bourg de Deolz, cōme i'ai dit. Depuis, les Romains qui de-  
 meuroient en Gaule vers l'Aquitaine, trauallez par les Vvissigots Arriens, s'al-  
 lierent des Francs, & leur firent la guerre sous la conduite du Comte Paul: En  
 ce temps vn capiraine nommé Auoagre, ou Odoacre chef des Saxōs, apres auoir  
 escumē la mer, vint prendre terre vers le quartier d'Anjou, & s'aduança telle-  
 ment en terre ferme, que Childeric & luy se rencontrerent pres d'Orleans, où  
 la bataille fut donnée, laquelle Auoagre perdit, & s'enfuit vers Angers, pour sui-  
 ui par Childeric, qui entra en la ville vn iour apres. Là où trouuant le Comte

L'an de Paul, il le fit mourir, & la ville fut brûlée avec la grande Eglise. En mesme sa-  
 Iesus son, les Romains gagnerent vne grâde bataille sur les Saxons, qui furent con-  
 Christ. traincts d'abandonner aux François les Isles par eux conquises. Et c'est à de-  
 uiner si ce furent celles de Frise, ou de Zelande, ou de la mer d'entrel' Angle-  
 terre, Normandie, & Bretagne: car ie trouue que des Saxons habiterent bien  
 longuement le pays Bessin, sous le nom de Selnes Bessins, dits en Latin, *saxones Baiocassini*. Cependant Childeric deuenu allié d'Auoagre estédit son Roy-  
 aume iusques à Orleans & Angers, qui se rendirét à luy. Et dès lors, tout le pays  
 que le Roy François tenoit, fut appelé France, & diuisé en Austrasienne (c'est  
 à dire Orientale) & Vvestrienne selon les partages depuis faits: pource que les  
 limites ont esté differens, tantost iusques à la riuere de Meuse, & autres fois  
 iusques à celle de Seine: mais selon Hugues de Flori, l'Austrasienne préd depuis  
 le Rhin iusques à Meuse; & la Vvestrienne, ou de Neustrie (c'est Occidentale)  
 depuis ceste riuere iusques à celle de Loire. Childeric fit toutes ces conquestes  
 iusques à l'an 477. ou 80. au plus; & ne se trouue de luy autre chose escrete; si-  
 non qu'il mourut l'an 484. apres auoir regné xxvi. ans, car ie conte ceux de son  
 477. exil: autrement, & qui vouldroit deduite les huiët qu'il fut absent, il n'auroit  
 480. regné que xviii. & d'autres disent xxiii. Plusieurs Saints personages ont  
 484. veü de son temps; & entr'autres Sidoine Apollinaire Euesque de Clermont  
 en Auvergne, sçauant personnage, ainsi que l'on peut cognoistre par les œu-  
 res qu'il a laissées, & quant & quant de grande maison; pource que son pere  
 & son ayeul auoient esté Prefects du Pretoire de Gaule, qui estoit comme l'estat  
 de Lieutenant general de ce pays; tant pour la guerre que la iustice. Quant à  
 luy, il auoit tenu la dignité de Comes & de Prefect à Rome, & de Patri-  
 ce, & encores espousé la fille de l'Empereur Auit, nommée Papianille.  
 L'on peut remarquer en l'vne de ses epistres, qu'il estoit Seigneur par  
 sa femme, d'vne maison champestre, ou village prochain de Clermont, assis sus  
 le lac de Sarlieuë, alors nommé Abitac: & auourd'huy peut estre Obier. Dore-  
 n'auant ie prendray pour fondement de mes Antiquitez l'histoire de Gregoire  
 de Tours, rapportant ce qu'auront dit Procope, Idace ou Fredegair, Aymon  
 & autres, à la verité de cet auteur, plus croyable que les estrangers, ou esloi-  
 gnez du tēps. Childeric mort, Clouis, son fils fut Roy par droit d'hoirie com-  
 me nommément dit Aymon (& le mot est remarquable pour la succession des  
 485. fils de nos Rois) le Royaume duquel ie commenceray l'an 485. La ieunesse de  
 490. ce Prince, âgé (au plus) de 15. ou 16. ans, donna quelque repos aux François, iuf-  
 ques au 5. an d'apres: que le Roy naturellement enclin aux armes, voyât Siagre  
 fils de Gillon maistre de Soissons (où par intelligēce d'aucuns, qui supportoient  
 encor les Romains, il se maintenoit avec tiltre de Patrice, ainsi que dit Frede-  
 gair) il luy mande, qu'il sortist aux champs pour le combattre: ce que Siagre ne  
 refusa. Clouis auoit en sacōpagnie Ragnachaire son parët, qui aussi estoit Roy  
 des François. Mais Gregoire ne dit pas de quelle partie de France, & si ce fut  
 le Roy de Cambray qu'il fit depuis mourir. Tant y a que les armées s'estans  
 rencōtrées, Siagre voyant la desconfiture de ses gens: vistement se retira vers  
 Alaric fils d'Eoric Roy de Thoulouze, auquel Clouis l'envoya demāder: autre-

ment qu'il luy feroit la guerre. Alaric qui ne faisoit qu'étrier en son reigne (par ce que son pere estoit nagueres mort) craignant à ceste nouveauté d'en courir l'indignation des François, & de Clouis jeune homme, ardent & enflé de si grande victoire, baille Siagre lié aux ambassadeurs François avec pire cōdition que Gillon son pere. Car ayant esté gardé quelque temps pour durât sa prison (ainsi qu'on doit croire) assesseur la conquête des pays qu'il souloit tenir, Clouis luy fit secrettement couper la teste: & par ce moyen, la Seigneurie que les Romains souloient auoir en Gaule depuis Iules Cesar, print fin deçà Lyō, & les montagnes d'Auvergne, enuiron 107. ans apres la cōqueste que cet Empereur en fit. Mais la rrouée, à tout le moins aucunes villes de la coste de mer, tenoient encores pour l'Empire. Quant aux Gentils-hōmes Romains que l'ō appelloit Senateurs (dōt vient le mot de Seigneur ou Senieur) & autres Gaulois, ils trouuerēt les François tāt courtois, que sans estre contrains de chāger d'habillemēs, loix, ou police, ils les souffrirēt viure en leurs biēs, & les employerēt aux offices tāt de iudicature que de la guerre, en laquelle ils leurs permettoient de porter les mesmes enseignes qu'ils souloient auoir, ainsi que Procope racōte. Ce qui sert pour mōstrer la courtoise iustice de nos predecesseurs, & cōme les nouueaux cōquerans gaignēt plus avec la clemence sagement vīcée, qu'avec l'auare & cruelle rigueur. Or durāt ces guerres, plusieurs temples Chrestiens estoient pillez par les François encores Payēs. Au moyē de quoy il aduint que les meubles d'une Eglise de Reims, ayās esté emportez, Remy lors Euesque, fort estimē pour sa grāde noblesse, & son eloquence, enuoya prier Clouis que s'il ne pouuoit recouurer toute sa perte, au moins il luy pleust renuoyer vn vaisseau d'argent d'excellente manufacture, & qui estoit cōme vne aiguier, ou autre façon de vase à mettre de la boisson, en Latin appelé *Præculus*, & de nos anciens, *oursel*, mot encores retenu en aucunes prouinces de ce Royaume. Clouis qui portoit reuerence à S. Remy pour sa grāde reputatiō, ou possible voulāt gagner la bōne grace des Gaulois-Romains, dit au messager qu'il le suyist à Soissons, où se deuoit partir le butin, & que s'il escheoit en son lot, bien volōtiers il le renuoyeroit à son maistre. Le tēps venu que le pillage se deuoit partir, Clouis pria les foldats de luy vouloir donner hors-part, le vaisseau que Remy demādoit. A quoy les plus sages de la cōpagnie respondirēt que tout estoit siē: partāt qu'il en fist ce qui luy plairoit, puis qu'il n'y auoit personne qui luy peust contredire. Et neantmoins vn de la troupe plus éceruēllé (Dieu possible voulāt mōstrer en sa personne la végeance d'un sacrilege) leue sa francisque, ou Ançō (ainsi s'appelloit vn bastō des François fait en façon de hache, que ie descriray ci apres plus au long) & en frappa le vaisseau, disant: qu'il n'auoit rien que ce qui luy escherroit par sort. Chacū demeura tout estōné de l'audace de ce gēdarme: toutesfois le Roy celāt son courroux, nonobstant que ce fust la coustume des François de mettre tout butin en commun, print le vaisseau: & sans auoir esgard à l'empeschement de ce mutin le renuoya. Mais vn an apres, faisant la reuē de ses gens de guerre, & visitant à son rang le gendarme qui auoit fait la brauade, Clouis luy reprocha qu'il n'auoit trouué pas vn des autres si mal armé. Car tu n'as (dit-il) espée ny hache qui vaille. Et prenant sa francisque il l'a flait à terre: tout aussi tost le gendar-

L'an de  
Jesuss  
Christ.

me se baissant pour la releuer, le Roy luy deschargea de la sienne vn si grand coup qu'il l'abbatit mort, disant : Tu frappas ainsi le vaisseau à Soissons. Telle seuerité louée des gens de bien, contint les meschans, qui d'auantage l'en craignirent & reuererent. Aussi Clouis (ainsi que recitent aucuns auteurs) auoit le visage meslé d'vne telle maïesté, accompagnée d'allegresse, que les bons estoient resiouys en regardant la beauté de sa face; & les meschans demeuroient estonnez de la dignité d'icelle.

## CHAP. XVII.

*Querelle entre les Roys de Bourgogne. Vienne chef de leur Royaume. Gombaut leur Roy fait trancher la teste à Chilperic son frere, pere de Clotilde, laquelle Clouis enuoya demander pour femme. Et les moyens qu'Aurelian son Ambassade tint pour y paruenir. Clouis conquiert Toringe : puis le pays iusques à la riuere de Loire. Donne Melun à Aurelian : fait la guerre aux Allemans, en laquelle estant en danger, il voüe d'estre Chrestien.*



EST acte donna quelque esperance aux Chrestiens qu'en fin le Roy pourroit tenir leur parti. Ioint que tout nouuellement il n'auoit desdaigné de s'allier par mariage avec Clotilde, ou Clote, Chrestienne; fille de Chilperic, fils de Gundicaire, ou Gunduch Roy de Bourgogne. Ce Gundicaire eut quatre enfans, Gundebaut l'aisné, Chilperic, Gundemar, & Godegefile. Chilperic & Gundemar firent la guerre à leurs freres aisné & puisné; lesquels ils chasserent de leurs Royaumes, par le support des Allemans habitans de là le Rhin: Et finalement s'estans rencontrez pres d'Authun, Gundebaut perdit la bataille, & deuestu de ses habillemens Royaux, demeura si bien caché parmi ses bons amis, qu'on ne peut sçauoir qu'il estoit deuenue; de sorte que l'on pensa qu'il eust esté occis. Lors ses freres victorieux, estimans auoir mis fin à ceste guerre, renuoyerent leur force outre le Rhin. Dequoy Gundebaut aduertit, sort de sa cachette, & s'estant donné à cognoistre, recueillit ceux qui auoient esté de son parti: puis vint assieger ses freres retirez à Vienne, pour l'heure chef du Royaume de Bourgogne: les habitans de laquelle se rendirent aisement à Gundebaut, qui des son arriuée fit couper la teste à Chilperic, par luy estimé son ennemy plus que son frere, & ietter en la riuere sa femme, ayant vne pierre au col. Mais Gundemar retiré dans vne tour, ne voulant se rendre, y fut bruslé. Or Chilperic laissa deux filles, l'vne nommée Macutine, qui entra en Religion: & l'autre tres-belle appelée Clote, demeura pres son oncle. Le voisinage des François & Bourguignons, faisoit que les Roys se visitoient souvent par ambassades, de sorte que ceux de Clouis voyans Clote si belle, en firent rapport à leur Roy, ieune, & qui estant à marier eust desir de l'espouser. Et neantmoins pource qu'elle estoit Chrestienne, comme aussi les Bourguignons (toutesfois vne partie de l'opi-

nion d'Arrius)il voulut premierement fonder la volonté de la fille, se doutant bien, que s'il la faisoit ouuerrement demander, Gombaut (qui n'auoit aucune volonté de telle alliance, ne mettre la fille de son frere par luy occis, en la main de si puissant Roy) eust prins couleur de la refuser, sous ombre de la diuersité de religion: estans les François encores Payens. Clouis dōc esmeu tant de la beauté de ceste Princesse, que pour auoir occasion (dit le vieil Chroniqueur) de conquerir la part que feu Chilperic auoit en Bourgongne, enuoye au pays secrettement vn sien familier nommé Aurelian; lequel, si vous croyez Fredegair, approchant du palais de Gombaut laissa en vn bois ses gens; & vestu en mendiant, essaya de voir Clote, que d'auanture il trouua allant à l'Eglise, pource qu'il estoit Dimanche. En cest estat, il se mit à l'entrée comme les autres pauvres, & attendit la fin des Messes, car lors on les appelloit en pluriel. Lesquelles finies, Clote sortit, & suyuant sa coustume, donna l'aumosne aux pauvres: & Aurelian qui desiroit se faire remarquer, voyant sa main tirée de dessous son manteau, la luy baïsa. Dequoy la pucelle honteuse, & songeant qui pouuoit auoir donné telle hardiesse à ce mendiant, l'enuoya chercher: Puis quand il fut venu, luy en demanda l'occasion. Aurelian respondit: que le Roy Clouis aduertit de sa beauté, l'auoit enuoyé pour sçauoir si elle le voudroit à mari. Clote esmerueillée qu'un tel message luy fust porté par vn homme de la qualité qu'il sembloit par son habit, fit quelque difficulté de le croire, & luy dit: qu'estant Chrestienne, elle ne pouuoit espouser vn payen: Mais soit qu'elle fust vindicative de sa nature, ou qu'elle eust esperance de gagner à la Chrestienté vn tel Roy, elle se laissa persuader: apres qu'Aurelian luy eut promis que Clouis feroit toutes choses pour son amour: & là dessus pour arres de son mariage, elle reçoit vn anneau, qu'elle trouua moyen de mettre entre les ioyaux de son oncle, tenant au surplus secrette sa pensée. Telle menée sembleroit bien froide, & sentir son ieune homme, tel qu'estoit Clouis, si la simplicité des François de ce temps là ne l'excusoit: Quelque téps apres Aurelian retourne en Bourgongne, pour demander à Gombaut Clote sa niepce, que Clouis auoit fiancée: le Roy estonné, pource (dit Aymon) que les Bourguignons n'ont pas accoustumé de faire les choses sans deliberation; assemble ses principaux conseillers; & ayant cognu la verité du fait par la bouche mesme de Clote, de crainte que ce ne fust occasion de guerre avec le Roy François n'osa pas refuser sa niepce: mais esperant à l'aduenir contracter amitié avec luy (courant son courroux present d'un visage ioyeux), promit de la bailler. Alors (dit Fredegair) les ambassadeurs ayans offert vn sold & vn denier, suyuant la coustume des François, la fiancerent pour Clouis. Ceste coustume d'offrir de l'argent en fiançant les filles, semble auoir esté principalement obseruée par les Septentrionaux; cōme vne forme d'achapt imaginaire, ainsi quel'Aſcajan Romain, & meriteroit vn plus long discours, qui la voudroit esclairsir: & possible que l'offrande de treze deniers que nous faisons à la Messe de nos esposailles, en est vn reste. Gombaut donc ayant fait vne assemblée des siens à Chalons, liure incontinent sa niepce aux ambassadeurs François, sans luy faire pour lors aucune part des thresors de son pere; combien que depuis vne grande partieluy

*L'An de* fut rendue, à la sollicitation d'Aurelian : qui l'an cccclxxxix, ou xc, l'amena à  
*Iesum* Soissons, où elle espousa Clouis, ja pere d'un fils nommé Theodoric, ou Thier-  
*Christ.* ry, qu'il auoit eu d'une concubine, ou femme Payenne. Le vieil Chroniqueur,  
 490. & apres luy Aymon, disent que Clote sortant de Bourgogne & approchant  
 de la frontiere de France comanda qu'on la trouuast sus un cheual, se doutant,  
 que son oncle la feroit suyre, comme il aduint : mais elle eschappa, comman-  
 dant aux François qui estoient venus la querre, piller & mettre le feu par les  
 terres de Gombaut son oncle : comme ils firent aussi tost. Dont la Roynie  
 ioyeuse leuant les mains au ciel, remercia Dieu de voir le commencement de  
 la vengeance de la mort de son pere, toutesfois par une colere, qui à mon ad-  
 uis n'estoit gueres Chrestienne : mais declarant le naturel de ceste femme.  
 Quelque temps apres elle accoucha d'un fils, lequel nommé Ingomer au Bap-  
 tisme, mourut estant en Aubes, c'est à dire, dans le temps que les nouveaux  
 baptisez estoient lors encores vestus de blanc. Clouis en fut tres-marry ; & se  
 plaignit à sa femme que l'enfant estoit mort pour l'auoir baptizé au nom  
 de Iesus Christ. Toutesfois la Roynie en eut un autre : lequel encor baptizé &  
 nommé Clodomer, tomba malade. De quoy le Roy fâché, & disant qu'il  
 mourroit comme son frere, l'enfant recouura sa santé par les prieres de Clo-  
 te, laquelle incessamment sollicitoit Clouis de renoncer à ses Idoles : & dont il  
 s'excusoit ; remontrant l'estat de son Royaume, & comme les François y  
 estoient contraires. Or Clouis guerrier de nature, ne demoura longuement  
 en paix : car si vous croyez Sigebert & Nangis, qui l'a suyui, il conquist To-  
 496. ringe l'an cccxcv, & xcvi, ayant eslargi son Royaume iusques à la riuere  
 498. de Seine. Celuy d'apres il l'aggrandit iusques à celle de Loire. Puis l'an cccc  
 xcviii. il prit Melun, qu'il bailla en fief audit Aurelian son principal con-  
 seiller : le faisant Duc & gouuerneur de tout le pays d'enuiron. Encores com-  
 me ce Roy estoit aspre & ardent, nouvelle occasion de guerroyer se presenta.  
 Car les Allemans sortis de leur pays (dit Auentin) sous la conduite d'Alarie  
 499. & Adelgerion leurs Roys, pour chercher habitation, vindrent l'an cccxcix.  
 assaillir les Sicambriens, peres & allies des François, se iettans sur la seconde  
 Germanie. Mais ie n'ay point leu en auteur du temps, que les habitans de ceste  
 contrée fussent lors appelez Sicambriens ; & toutesfois c'est tousiours la con-  
 firmation de mon opinion, que les Sicambriens furent peres de nos François,  
 & que ceux d'alentour de Cologne estoient estimez Sicambriens, mesme du  
 temps de Clouis ; lequel ne voulant souffrir telle injure, & la consequence  
 que la ruine de ses parens & allies eust tiré marcha au deuant de ses ennemis,  
 qu'il rencontra en un lieu prochain de Cologne, par les Romains ancienne-  
 ment appellé Tolbiac, que l'on pense aujourd'huy estre Zug ; où les deux ar-  
 mées furent rangées l'une deuant l'autre. Siagre Roy du pays voisin de Colo-  
 gne accompagnoit Clouis son parent, & lequel l'attendoit bien, veu les gran-  
 des forces qu'il auoit, de vaincre ses ennemis. Toutesfois voyant la résistan-  
 ce des Allemans, & comme plusieurs des siens estoient occis ( & mesmes le  
 Roy Siagre si fort blessé en la jambe, que le reste de sa vie il en porta le nom de  
 Boiteux ) tout estonné, & craignant de perdre la bataille, fut conseillé par



Aurelian (ainsi que dit Hincmar en la vie de Saint Remy, & apres luy Floard <sup>L'an de</sup> aux gestes des Archeuesques de Rheims) de croire en Iesus Christ. Lors leuant <sup>lesus</sup> les yeux au ciel, touché iusques au vis d'une grande crainte, il s'escria : **I E S U S** <sup>Christ.</sup> **C H R I S T**, que Clote dit estre Fils du Dieu viuant; secourir les affligez; & donner la victoire à ceux qui esperent en toy, ie t'appelle deuotement à mon aide: que si tu me donne la victoire, ie croiray en ton nom; & me feray baptiser. Aucuns nouueaux adioustent: Aussi pource que mes Dieux ne m'entendent point, & me laissent quād ie les appelle, d'oresnauant tu seras mon Ioy. A ces paroles, vne nouuelle allegresse s'estant esleuée parmi les François, le Roy poussa auant, accompagné d'une bonne troupe de ieunesse par luy choisie pour la garde de son corps. Et faisāt de tous costez sonner tröpettes & clairons, cōme s'il eust receu nouueau renfort, il donne dedans ses ennemis. Lors Dieu voulant fauoriser les François, & les rendre Chrestiens, pour destruire le Paganisme & Arrianisme (ainsi qu'il est croyable) l'estat de la bataille se changea: car ceux qui de tous costez fuyoient, encouragez par leurs Capitaines, oublians le trauail de tout le iour, & la douleur de leurs playes, retournerent en leurs rangs, desirieux d'effacer la honte de leur fuite par vn plus courageux effort. Dequoy les ennemis estonnez, & n'ayans pas assez viuement poursuyui leur pointe, premierement s'arresterent, puis chargez plus rudement, reculerent: & opiniastrement poursuyuis par les François, fuirent à vau de route. Dés lors ce ne fut que carnage; principalement apres que les Rois Allemans eurent esté occis. L'on dit que ceste priere de Clouis ayant eu si bonne issue, depuis a serui à nos Roys de cri guerrier: & de mot pour r'assembler les gens d'armes, quand ils se sont trouuez aux batailles, mais avec peu de changement: car ils s'escrient, **M O N I O Y E S A I N C T D E N Y S**: comme s'ils vouloient dire en brief, **C H R I S T** que Saint Denys a presché en Gaule, est **M O N I O Y E**: c'est à dire mon Iupiter. Et cōme tout se change avec le temps, ce **M O N I O Y E** s'est tourné en **M O N I O Y E**: par corruption de l'v de **I O Y E**, en l'y Grec de **I O Y E**: ainsi que plusieurs escriuent: si ce n'est qu'on veuille dire, Christ est ma **I O Y E**; d'autant que la raison de Grāmaire veult que **I O Y E** soit nom feminin, & non pas masculin: comme il faudroit, si Monjoye estoit bon langage. Quant à moy, ie n'ay point trouué cecy parmi les Chroniques bien anciennes: & ne me souuient de l'auoir veu en auteurs precedans le regne de Louis les Gros, & toutesfois, il faut qu'il soit plus ancien: puis que le Roman de la conqueste de Bretagne la petite (escrit auant l'an m. cc.) en fait mention, ainsi que d'un cri ja familier aux Roys François. Il est vray que les Romans, & principalement les auteurs de la conqueste de Ierusalem, le donnent aussi aux Princes François croisez.

## CHAP. XVIII.

- *Allemands sujets des François. Thierry Roy des Ostrogots sage Prince. Baptême du Roy Clouis. La sainte Ampoule. Les fleurs lis. Sacre & coronation des Roys de France.*



EST E victoire, estimée miraculeuse, pource qu'une seule nation en avoit mis en route deux autres tant belliqueuses, & que s'estans sur le champ rassemblées, elles avoient arraché la victoire des poings des Allemands victorieux, fut cause que les mêmes Allemands se soumirent à la merci des François : aidez en cela par Thierry Roy des Ostrogots d'Italie; Prince estimé l'un des plus sages qui lors portast couronne: & quant & quant bien allié de ses voisins: car il espousa Blanchefleur, que Iordain dit avoir esté fille de Clouis: ce qui n'est pas vray-semblable, veul'aage du Roy François & de l'Ostrogot: & faut plustost croire, si tel mariage a esté, qu'elle estoit sœur, & avoit donné Theodetuse sa fille à Alaric Roy de Thoulouze: vne autre nommée Ostrogute, à Sigismond fils de Gombauld Roy de Bourgogne: & la fille de sa sœur nommée Amalberge, à Hermenefred Roy de Turinge. Thierry donc bien aduisé, & craignant la grandeur de Clouis, l'admonesta de se contenter d'avoir les Allemands pour sujets, puis qu'ils ne luy demandoient que la vie sauve. Que leurs Roys ayans esté occis en la bataille, & eux tuez en si grand nombre, l'orgueil de ce peuple avoit esté suffisamment châtié; qu'il se portast donc modestement en sa victoire; car s'il vouloit faire la guerre au reste, il donneroit à cognoistre qu'il ne les avoit encor entierement vaincus. Adjoutant d'autres paroles attrayantes & persuasives, que l'on peut voir en sa lettre mêlée parmi celles de Cassiodore Sénateur Romain très-sçavant; & qui servoit à l'Ostrogot comme de Chancelier, ou principal secrétaire: lequel encores dit, que le Roy d'Italie enuoya au Roy François un iouëur de Cithare, quant & quant Chantre, ainsi que Clouis en avoit demandé un. Les conditions octroyées aux Allemands, furent (si vous croyez Auentin) qu'ils nommeroient de leur corps un Duc, lequel seroit tenu faire hommage aux Roys de France: ne pourroit porter le nom de Roy; ains seruiroit Clouis & ses successeurs, envers tous & contre tous: & que Theudon fils d'Algerion, apres cest accord fut le premier Duc d'Allemagne. Clouis retourné en France victorieux, rencontra en la ville de Toul Saint Vast Euesque d'Arras, qui luy fist compagnie iusques à Reims: l'instruisant durant le chemin de ce qui appartenoit pour le confirmer au Christianisme, ainsi que dit la vie de ce bon Prelat. Et il y a apparence, que les Catholiques voyans Lantilde sœur du Roy, ja infectée d'Arrianisme, craignoient qu'il ne se laissast emporter à ceste opinion, plus approchant du sens humain: d'autant que le principal point de la creance de la Trinité gist en la Foy, & non en demonstration. Venus donc à Rheims, & receus en telle magnificence qu'il appartenoit à un victorieux, & le Roy contant à sa femme l'adventure

l'adventure de la bataille de Tolbiac, Clote doutant (possible) que s'uyuant l'ordinaire des hommes (plusieurs desquels ne tiennent conte de Dieu qu'en aduerfité) Clouis hors du danger n'oubliait le secours diuin; elle enuoye secretement prier Sainct Remi (le plus beau parleur qui fut lors, à l'opinion de Sidoine; & fort estimé d'ailleurs pour sa preud'hómie) de venir trouuer le Roy, pour l'admonester de croire en Dieu createur du ciel & de la terre, & en Iesus Christ son Fils. Il estoit question d'un grand point d'estat: & falloit que les Catholiques prouuassent par autorité, doctrine, & bõne vie, la verité de leurs propositions, estranges à gens qui adoroient des Idoles. Aussi Dieu aydant le zele de Sainct Remy ce bõ Euesque n'oublia pas de faire son deuoir, & de preser le Roy de tenir sa promesse. Mais il s'excusoit, disant: Puis que Dieu souffroit tant de diuerfes religions parmy le monde; l'une plus que l'autre, bonnement ne pouuoit estre si tost commandée: ains pour l'assurance & paix d'un Royaume, volontairemēt creüe. A ceste cause il falloit en parler aux François, sçauoir s'ils voudroient laisser la creance de leurs Dieux: car pour son regard, il estoit content de se faire Chrestien. Mais les Princes & Seigneurs appelez; auant que Clouis eust ouuert la bouche, ensemble vne partie du peuple (ja aduertis pourquoy l'assemblée se faisoit) s'escria d'une voix: Nous renonçons aux Dieux mortels, Roy debonnaire; & sommes prests de suiure le Dieu immortel que Remy presche. Ces choses rapportées à l'Euesque, il fait (en grande ioye) tendre les places de l'Eglise de tapisseries peintes, & de courtines blanches: les fonds de Baptisme sont accoustrez, le baulme est espandu, des cierges odoriferents allumez, & tout est rempli d'odeur si douce, qu'elle sembloit diuine, ce dit Gregoire: afin (ce croi-je) d'attirer par telles ceremonies, ceux que tant soudain il ne pouuoit retenir par ses predications; d'autant que les belles ceremonies plaisent, & peuuent d'auantage enuers les ignorans & grossiers. Tout retentissoit de cris ioyeux, de sons d'instruments, batement de mains, & de toute sorte d'allegresse. La veille de Pasque venüe, voici le Roy qui le premier demanda Baptisme: lequel apres auoir fait publique confession de sa Foy, & recogneu un Dieu en Trinité, fut admonesté par Sainct Remy en ces mots: Defenle ton col de bonnaire Sicambrien (il vouloit dire l'orgueil: qui volontiers accompagne ceux qui n'ont la cognoissance de Dieu) adore ce que tu as bruslé, & brusle ce que tu as adoré: & ie croy qu'il entend les Temples Chrestiens bruslez par Clouis Payen, car il n'y auoit encores point d'images sur les Autels de nos Eglises. Puis il fut baptizé au nom du Père, du Fils, & du S. Esprit: & arrousé du Chresme sacré, avec le signe de la Croix. Emil dit que lors son nom de Clouis, luy fut changé en Louis: mais ie ne sçay où il l'a trouué, car l'un vaut l'autre. Il y eut bien trois mil hommes de guerre baptizez avec le Roy; outre les femmes & petits enfans, cõme dit Floard: le plus remarquable desquels fut Lisoye, qu'on dit auoir esté Seigneur de Montmoréci: qui le premier des Barons François (ainsi s'appelloient alors les hommes d'honneur, n'estant pas encores ce mot pris pour nom de dignité de fief) apres le Roy se ierta dans la cuue des fonds: laissant à ses successeurs l'occasiõ de guerir en guerre, Dieu ayde au premier Chrestien. Entre autres, Albofede (qu'A-

L'an de uérſin dit ſignifier, touſiours pure & nette, & nos Chroniques l'appellét Blancheſleur) ſœur du Roy; laquelle mourut bien toſt apres. Meſmes Lantieldereietrant ſes docteurs Arriés, fut baptiſée à la Catholique, ce dit Æmil: toutes-fois la plus part de l'armée qui ne voulut encores receuoir le Baptēſme, ſe retira ſur la riuere de Somme; avec le Roy Ragnachaire. C'eſt grand cas, que Gregoire Archeueſque de Tours (nay au plus tard xl. ans apres ce Baptēſme) oublie le miracle de la ſainte Ampoule. Et toutesfois, Hincmar qui fut Archeueſque de Reims l'an viii. c. lxxv. & a eſcrit la vie de S. Remy, laquelle il tira d'un liure ſi vieil (cōme il dit) qu'à peine on le pouuoit lire, recite que la preſe fut treſgrande lors du Baptēſme de Clouis; & que le Chreſme ne pouuāt eſtre apporté par ceux qui en auoiēt la charge, vn pigeō (ou le S. Eſprit en ceſte forme) apporta vne ſiolle, à ceſte heure-là appellée Ampoule (du mot anciē *Ampulla*, faite comme vne ſiolle) pleine d'huile; de laquelle Clouis fut oinēt. Et le meſme Hincmar au coronnement de Charles le Chauue (déclaré Roy de Lorraine en la ville de Mets, l'an viii. c. lxxix) repete que ce Chreſme auoit eſté enuoyé du ciel: qu'il en auoit encores; & que d'iceluy le Pape Zacharie ſacral l'Empereur Louis Debonnaire, quand il le couronna à Reims. Aymon & les autres venus depuis, ont eu ceſte meſme opinion. Et comme vn miracle vne fois creu donne place à vn autre, l'on adioute qu'un Ange apporta l'eſcu d'azur ſemé de fleurs de lis d'or, pour ſeruir à Clouis au lieu du ſien, qui eſtoit de Sinople, à trois Crapaux, ou Grenouilles de ſable: ou d'argent, à trois diademes de gueules, comme dit Æmil: voire aucuns penſent que l'Abbaye de Ioye en val, qui eſt en la foreſt de Laye, pres Sainēt Germain Chateau Royal voiſin de Poiſſy, ſoit fondée pour memoire de ce miracle; pource qu'il ſ'y monſtre vne fontaine, où l'eſcu à fleurs de lis fut reuelé à vn Hermite. Toutesfois ceſte Abbaye n'eſt fondée que de l'an ..... & ie n'ay point leu en pas vn auteur de marque ceſte reuelation d'eſcu. Auſſi les hommes de ſçauoir, croient que les blaſons & armoiries hereditaires ſont plus modernes; ainſi que ie monſtreray en autre endroit plus à propos. Mais il eſt bien certain que les couronnes des Rois François, furent iadis parées de fleurs de lis, ainſi que l'on voit au pourtrait de Henry le Fauconier, Roy de Germanie, regnant dés l'an 920. Si nos Chreſtiens n'auoyent ſuyui beaucoup de ceremonies de la Religion des Iuiſ, prinſes du Vieil Teſtamēt, ie penſeroy que ceſte onction faite au Baptēſme de Clouis eut donné occaſion aux Roys (qui en ont depuis vſé) de l'imiter en leur coronnement: ne regardans pas que ce Roy fut oinēt, pource qu'il eſtoit baptizé par vn Eueſque Catholique: lequet ſuyuant la diſcipline de longue main gardée en ladite Eglise, vſa de Chreſme: dont les Arriens ne tenoient contre, ce nous fait croire Gregoire, qui ne dit point que Clouis fuſt lors corōné; & auſſi ie ne trouue que les ſiens fuſſent oingts à la declaratiō de leur Royauté: ce qui me fait penſer que l'onction des Roys (telle qu'elle ſe trouue dans le liure intitulé Pontifical Romain) ſoit plus nouuelle que ceſte-cy de Clouis. Et neantmoins, l'Ampoule eſt demourée en ſi grand' reuerence, qu'aucuns de nos Roys derniers, ne ſ'eſtimerēt pas eſtre vrays Roys & Seigneurs de France, iuſques à ce qu'ils euſſent eſté oinēts de l'huile qui eſt dedans; la faiſant à ceſte fin garder en grand' reuerence.

dans l'Abbaye de Sainct Remy, qui est en la ville de Reims. Ce baptesme de Clouis, aduint l'an cinq cens : par le calcul des ans que fait ledit Hincmar en son Epigramme de la translation qu'il fit du corps Sainct Remy. l'adiousteray, qu'en ce changement des François, nous deuons remarquer vn secret iugement de Dieu, qui ne voulut permettre qu'un peuple tant addonné aux armes, fust si tost abbreuüé de mauuaise doctrine: comme les autres Barbares sortis de Germanie, ou de Scythie. Aussi il y a grand'apparence, que l'instruction prise par Clouis en la religion Catholique, luy acquit vn merueilleux credit entre les Seigneurs Romains demeurez parmy les Gaules, lesquels tenans ce parti, ne pouuoient s'accorder avec les Vvissigots, generalement de l'opinion Arrienne: comme aussi les Rois de Bourgongne, & aucuns de leurs sujets. Tellement que les Gaulois Romains par ceste creance vnis aux François, auancerent la grandeur & puissance des Roys Clouiens: laquelle continuant sous les Charliens, fut cause de garentir le Septentrion de l'heresie Arrienne: qui est vn fait de nos François digne d'estre remarqué, & recongneu par nos voisins, pour honorer la memoire des Roys François augmentateurs de la Foy Chrestienne.

L'an de  
Jesus  
Christ.  
500.

## CHAP. XIX.

*Quelle estoit la creance des Gaulois de ce temps là, Et comme le Christianisme y entra. Quels Euesques principaux y planterent la doctrine Chrestienne. Et l'origine de plusieurs ceremonies Ecclesiastiques.*



EN ce lieu, ie penseray faire mon deuoir si ie recite sommairement comme la foy Chrestienne s'est accreuë en la Gaule. Et pour ce que ie n'ose asseurer qui le premier l'y apporta, veu que les Prouençaux soustienent la Magdelaine & le Lazare auoir presché en leurs pays, & que ceux de Vienne disent auoir esté persecutez estant Sainct Irenée Euesque de Lyon, ceux de Tréues, que Paterne leur furent enuoyé par Sainct Pierre: à ceste cause, ie diray (apres Sulpice Seuer, disciple de Sainct Martin) qu'ayant esté bié tard receuë deçà les monts, les Chrestiens y commencerent d'estre martyrez durant la cinquiesme persecution, qui aduint en l'Eglise sous l'Empereur Marc Aurelle, c'est à dire enuiron l'an de nostre Seigneur clxx, quand Photin Euesque de Lyon, Vetius Epagat Gaulois, & autres Chrestiens hommes & femmes furent executez à mort, bruslez, mangez des bestes cruelles & farouches, nourries pour le plaisir, & donner passetemps au peuple, qui les voioit aux Theatres & Cirques deschirer, ou combattre les criminels: & entr'autres les Chrestiens, lors mal traittez pour la parole de Dieu. Mais il y a de l'apparence, que la paix que l'Eglise eut par vingthuit ans depuis l'Empereur Seuer (qui fit la sixiesme persecution & mourut l'an deux cens douze) peupla la Gaule de Chrestiens, iusques à la septiesme persecution de l'Empereur Dece: sous lequel nous trouuons en Gregoire de Tours, que sept preud'hommes fu-

L'an du  
Iesus  
Christ.

rent enuoyez en Gaule (il ne dit point d'où, & il est à croire que ce fut de Rome ia bien garnie de Chrestiens) pour y prescher; estant Consul ledit Dece & Gratus: c'est à dire l'an deux cens cinquante & vn. Car lors (si vous croyez ledit auteur) la ville d'Arles eut Trophime pour son premier Euesque: Paul fut enuoyé à Narbonne, Saturnin à Toulouze, Martial à Limoges, Stremon en Auvergne, Gaius à Tours, Denys à Paris. Quant à Denys, après auoir enduré plusieurs tourmens, il eut la teste couppee: Saturnin lié aux pieds d'un farouche Taureau, fut precipité du Capitole de Thoulouze: apres auoir prié Dieu que iamais citoyen de ceste ville n'en peust estre Euesque. Ce que Gregoire de Tours remarque iusques à son temps n'estre aduenü. Les autres ayans acquis grand troupeau, gagné des hommes & basti des Eglises par la Gaule moururent en paix. Il se trouue qu'un de leurs disciples venu à Bourges y prescha, & s'estant adressé à Leucade Senateur Romain, le conuertit: & par ses prieres & de ses compagnons, obtint la maison de ce Gentil-homme, en laquelle fut bastie l'Eglise portant le nom de Saint Estienne, qui auioird'huy est la principale de ceste ville. Il est croyable que le nombre des Chrestiens s'accroit audit pays, iusques à la grand' persecution faite sous Diocletian: lequel ayant rempli, ou teint de sang tout le monde, pensant estouffer la religion Chrestienne, fit aussi la guerre aux Bagaudes Gaulois: non tant pour leur rebellion, que pour leur Christianisme. La persecution cessée quand Constantin vint à l'Empire, plusieurs suyuirēt la Religion du Prince, ainsi qu'il aduiert ordinairement. Aussi fut-ce chose merueilleuse, combien la Chrestienté s'agrandir par tout le monde; à l'exemple de l'Empereur. Toutesfois, la paix & l'aise des Chrestiens, leur causa vn plus dangereux mal que le Martyre, par le moyen de l'heresie d'Arrius: qui disoit & preschoit, que le Pere auoit fait le Fils pour enseigner le monde; lequel par sa propre puissance, auoit esté fait de rien vne nouuelle & autre substance, nouveau & autre Seigneur; & qu'un temps fut, qu'il n'y auoit point de Fils. Ceste heresie, neantmoins fut condamnée du temps de Constantin le grand, en vn Concile & assemblée faite à Nice d'Asie, le xix. du mois de Iuin l'an trois cens vingt & six de Iesus Christ, où se trouuerent trois cens dix-huict Euesques: qui fut le premier Concile vniuersel des Chrestiens: & là resolu, que le Fils estoit d'une mesme substance que le Pere: & i'entens dire Consubstantial, ainsi que nous le chantons en nostre Creance: & les Grecs l'interpretans, disent *Homousios*. Les Arriens n'oserent publiquement contredire à ce qui auoit esté conclud contre leur doctrine: mais pensans n'auoir vn plus fort ennemy qu'Atanase Euesque d'Alexandrie, & Iurisconsulte; ils le font bannir en Gaule, où il demeura pres Meaux Euesque de Tréues. Ce bannissement engendra encor plus grand differēt: & en furent les Euesques assemblez en Arles & Beziers. Toutesfois les Arriens ayans la grace de l'Empereur Constance trouuerent moyen de faire semblablement bannir Saint Hilaire Euesque de Poitiers, qui fut enuoyé en Phrygie (auioird'huy faisant partie du pays de Natolie) l'an cccxv. auquel estoient Consuls Arbore & Lollian. L'absence d'un si bon Euesque, & autres ses semblables, troubla fort l'Eglise Gauloise. Car les Arriens fauorisez de

Constance firent assembler à Rimini ville d'Italie, iusques à six cens Euesques, dont il y en auoit plus de quatre cens des prouinces d'Occident : là où non pas droitement, mais par interpretation ils font renuerfer la creance de la Trinité accordée à Nice. S. Hilaire aduertit que les Euesques Occidétaux auoient esté abusez, & que l'Empereur à la suscitation des Arriens, forçoit les Oriétaux à receuoir ceste mauuaise doctrine, se trouuât lors en Constantinople, soustenoit les deputez du Concile de Seleucie, qui auoit tenu contre celuy de Rimini, & presenta trois requestes à l'Empereur, par lesquelles il offroit respondre & disputer de sa foy deuant ses aduersaires. Ce que les Arriens refuserent tout à plat : & au contraire, comme s'il eust esté cause & semence de discorde entre les Orientaux, il luy fut enioint retourner en Gaule, sans autrement luy remettre son ban. Estant donc de retour quatre ans apres son bannissement, pource qu'il sembloit qu'on ne deuoit communiquer avec ceux qui auoient soufscrit au Concile de Rimini, il fit souuent assembler les Euesques Gaulois, & condamner les articles dudit Concile de Rimini, redressant l'Eglise en son ancien estat. Saturnin Euesque d'Arles (homme meschant & d'esprit malin) luy resistoit : toutes-fois, tant pour son heresie, qu'autres tres-mauuais actes & crimes, dont il fut conuaincu, on le chassa de l'Eglise & cõmunion des fideles : de sorte que la puissance du parti contraire fut rompue, ayant perdu ce chef. Paternus Euesque de Perigueux, qui estoit aussi mal-aduisé que l'autre, & ne vouloit cõfesser sa faute, fut osté de son estat de Prestre, & l'on pardõna à ceux qui l'auoient suyui. Les auteurs de ce temps tiennent pour certain, que par la vertu de S. Hilaire seul, les Gaules furent lors deliurées de la tache d'heresie, demourãs en ceste paix par longue espace, & iusques à sa mort, qui aduint enuiron l'an 372. estans les Eglises depuis gouvernées par de bons Pasteurs, & principalement par S. Martin Euesque de Tours, hõme pareil aux Apostres ce dit le mesme Sulpice. Depuis ceste reformation, il ne se trouue que l'Eglise Gauloise ait varié en sa doctrine, iusques à la venue des Vandales & Visigots ; lesquels abruuez de l'opinion Arrienne, travaillerent fort leurs suiets, & principalement du temps d'Eoric Roy de Thoulouze, qui chassa de leurs sieges plusieurs Euesques de Gascogne, ainsi que j'ay dit. Toutefois il y auoit si grande quantité & de bons & sçauans Prelat en tout le reste de la Gaule, que non seulement le pays hors de l'obeissance des Gots, mais encores celuy qu'ils tenoient estoit sain, & conserué par l'autorité de ces Euesques, presque tous issus de nobles maisons, ou tres-eloqués. Aussi les Nobles, mal traittez pour leurs richesses, & le plus souuent chassés de leurs maisons, ou tuez par les estrangers, enuieux de leurs biens, estoient contrains (comme dit Sidoine escriuant à Hecdice) quitter & laisser leur pays, ou perdre leurs cheueux : c'est à dire fuir, ou se faire d'Eglise. Ce qui en partie, fut cause des grandes richesses, que dès lors mesme tindrent les Ecclesiastiques. Je ne reciteray point les particularitez de la creance des Gaulois qui lors viuoient : car elle n'estoit autre que la generale des Chrestiens : dès ce temps temps-là nommez Catholiques ; pource que l'Eglise estendue par toute la terre, generalement confessoit vn Dieu en Trinité, createur de toutes choses, compris sous les personnes du Pere, Fils, & Saint Esprit. Le fils qui sous le

L'an de  
Iesus  
Christ.

nom de Iesus Christ, fait homme, auoit par sa mort effacé le peché d'Adam, & racheté l'humain lignage d'éternelle damnation: le Saint Esprit procedant de l'un & de l'autre. Encores parleray-ie moins des ceremonies qui lors s'observoient; pour la diuersité qu'en cet endroit lesdites Eglises ont gardé, selon qu'il a pleu aux Euesques, & la necessité du temps, ou bien-seance des lieux, les a contraincts permettre au peuple, tenâr encores du Paganisme: que nos Euesques tornoient le mieux qu'ils pouuoient à l'honneur du vray Dieu. Nourrissans de laiët (comme dit l'Apostre) le mesme peuple, qui ne pouuoit si tost estre rangé à la vie austere des vrais Chrestiens. Aussi fut-ce en ce temps-là, que l'on commença de peindre les Têples d'histoires, prinſes du Vieil & Nouveau Testament. Et pour parer aux reproches que les Payens faisoient aux Chrestiens (disans, que depuis leur venue & mespris de l'ancienne Religion, tout malheur estoit arriué au monde, tant de guerre, que peste & famine, estans les saisons desaisonsnées pour la publique impieté) nos Chrestiens voulâs monſtrer qu'ils auoient ſoin de la chose publique, au lieu de *Pernigilia*, & *Leſtiſtina* des Payés, se refiouyrent aux veilles & anniuersaires des Martyrs. Au lieu de *Februa, Vinalia, Robigalia, Ambarualia*, festoyerent la Purification, les Brandons, firent des Processions, Rogations, & Letanies: esquelles on appelloit nostre Seigneur Iesus Christ & les Saints, au lieu de Iupiter & les autres faux Dieux des Payés. Car l'on void bien par les escrits de ce tēps-là, que les Ecclesiastiques employoient tous moyens pour gagner des hommes à Iesus Christ, se seruans d'aucunes des ceremonies Payennes, aussi bien que des pierres de leurs Temples demolis: & lesquelles employées aux bastimens de nos Eglises, n'estoient plus membres d'Idoles. Ioint aussi que les Religions ne doyent pas estre tant simples & nuës, que demeurans sans couuerture, chacun de premiere entrée les puisse voir iusques au fonds, puis qu'elles n'auroient assez de maieſté, & ne differeroient des autres communes actions des hommes: qui est la cause pourquoy elles doivent estre demenées, & (par maniere de dire) cogneuës & separées, par quelque notable marque d'honneur & de reuerence, qui laisse aux cœurs deuots vne sainte, mais ioyeuse & agreable horreur (ou plustost crainte) de la Diuinité, laquelle aide à contenir le peuple simple, trop insolent quand il se void tant priué & familier de ce qu'il a pensé estre par dessus luy. Mais aussi d'en amasser, & entasser tant que l'on ne puisse cognoistre où gist le principal Cult & reuerence d'icelle, c'est tout de mesme, que si l'on chargeoit iusques sus le bout du nez vne belle femme, de bagues & pierres precieuses; ou qu'on la couurit d'un sac de drap d'or, frisé de perles & diamants, qui empeschast de voir les beaux traits de son visage, & la proportion de ses membres. D'autant que l'on pourroit dire de telle glorieuse, qu'elle seroit tres-riche, & non pas agreable, ne belle. Que si les ceremonies sont les cerueaux qui tiennent les douues du vaisseau plus serrées; ie respons, que l'on n'en couure pas entierement le tonneau: pour ce que la despence seroit inutile, puis qu'un moindre nombre suffit à la conseruation de toute telle pretieuse liqueur qu'on y voudroit mettre. Soyons donc deuotieux, & non superſtitieux: religieux, & non bigots: c'est à dire, craignons Dieu comme nostre pere, & non comme vn cruel



tyran. Or d'autant que mon liure parle des Antiquitez de Gaule & de France, i'ay cuidé que ce n'estoit sortir hors de mon propos, d'adiouster ce mot de police Ecclesiastique, comme tres-important à la cognoissance de l'estat de nos predecesseurs, pour ce regard me reseruant autres endroits, pour cognoistre l'origine de chacune ceremonie, quand l'occasion s'en offrira.

L'an de  
Iesus  
Christ.

## CHAP. XX.

*Les Verdunois rebelles. Clouis appellé par Godegisille Roy Bourguignon, vint faire la guerre à Gombaut l'autre Roy de Bourgongne, lequel vaincu, s'enfuit en Auignon, puis ayant composé avec luy, vient assieger son frere dans Vienne, & le print. Amasse les anciennes Loix des Bourguignons appellees Gombettes de son nom.*



POUR reuenir à l'histoire & faicts de nos François, ceux de Verdun s'estans rebellez au mesme temps, le Roy Clouis mena son armée deuant leur ville. Mais comme les Perrieres & Mangoneaux (c'estoient instruments de guerre pour baterie) estoient prests de battre les murailles, & d'agruuer les maisons de la cité, Euspice qui en estoit Archiprestre (ie croy Euesque) obtint pardon pour les habitans, qui se rendirent: & tost apres le Roy François desirieux de venger la mort du frere de sa femme, ou (comme dit Gregoire) inuité par l'un des deux Roys de Bourgongne, s'appresta pour chasser les Bourguignons du pays qu'ils tenoient en Gaule. Le Royaume Bourguignon estoit lors entre les mains de deux freres, l'un nommé Gombaut, & l'autre Godegisille, qui tenoient le territoire d'Augstun, la franche Comté, Souïsse, & le pays qui est au long de Saone & Rhosne, avec la prouince de Marseille. Ces freres, suyuant l'ordinaire de tous ceux qui ont esgale puissance en vn mesme pays, entreprenoiēt l'un sus l'autre: iusques à ce que Godegisille esmeu des victoires de Clouis, & cuidant par l'alliâce & reputation d'un si grād Roy que Clouis chasser son frere, depeſche vne ambassade secrette vers le Roy de France, luy offrir de payer tous les ans tel tribut qu'il voudroit luy demāder, s'il le venoit aider à destruire son ennemy plustost que son frere. Clouis accepta volōtiers l'offre, qui avec la honte d'autrui, le pouuoit agrādir & véger, luy promettāt secours: & à iour nommé vint contre Gombaut. Lequel ignorāt la menée de son frere, il le ſeind de s'armer contre les François ennemis cōmuns, & qui entroiēt en leurs pays, disant, qu'ils se deuoient appointer ensemble, de peur, que separez ils ne fussent des faits, cōme les autres nations: estāt l'intention des François de conquerir le Royaume Bourguignon. Godegisille respond aux ambassadeurs, qu'il viēdroit. Mais quād les trois armées furent assemblées pres Dijon, pour dōner la bataille sus la riuier Oſcare ( auioird'huy appellé Ousche ) Godegisille se ioignit à Clouis, & fut cause de mettre en route l'armée de Gombaut, lequel s'apperceuant de la tromperie de son frere, s'enfuit vers le Rhosne, & se sauua

## DES ANTIQ. FRANCOISES LIVRE II.

*L'An de* en Auignon. La bataille gagnée, Godegesile apres avoir promis vne partie du  
*Iesus* Royaume à Clouis, retourne en triôphe à Vienne, côme s'il eust ia cõquis tou-  
*Christ.* te la Bourgongne. Et Clouis renforçât son armée, pour suyuit Gõbaut qu'il es-  
 faya faire sortir d'Auignõ, afin de le tuer. Ce Roy Bourguignon estoit lors ac-  
 cõpagné d'un vaillant & sage Seigneur nõmé Aredie (c'est Irier) qui luy auoit  
 amené du secours du costé d'Arles, auquel le Roy descourrit sa crainte, & de-  
 mãda cõseil en telle necessité. Irier fut d'aduis qu'il failloit essaiier d'appaier la  
 fureur de Clouis, offrât de s'y employer soy-mesme; & que le Roy de son costé  
 (en attendant que Dieu eust prins sa cause en main) ne fit difficulté d'obeir à la  
 volõte du victorieux, qu'il esperoit moderer. Ce cõseil approuvé, Irier se retire  
 vers Clouis, & le prie vouloir le recevoir entre les siens; promettât luy estre fi-  
 dele. Le Roy François vit bien volõtiers le gentil-homme Bourguignon, car il  
 estoit de bel entretien, ioyeux en paroles, & outre cela hõme de cõseil, secret &  
 droit en iugement. Or soit que Clouis s'enuiaist de demeurer deuant Auignon  
 „ plus lóguemét qu'il ne pẽsoit, ou pour quelque autre raison, Irier print occasiõ  
 „ de luy remonstrer; qu'il perdoit tẽps à gaster le pays & couper les bleds, vignes  
 „ & oliuiers, sans autrement endõmager l'ennemi retiré en lieu fort, & lequel il  
 „ n'auoit moyen de contraindre de sortir de la ville, ou la forcer. A ceste cause, il  
 „ luy conseilloit faire sçauoir à Gõbaut, que s'il luy vouloit payer tribut tous les  
 „ ans il leueroit le siege; & où il n'y vouldroit entendre, qu'il pourfuyist la guer-  
 re viuement. Cela pleust à Clouis; & Gõbaut s'accorda de payer contẽt le Tri-  
 but (qui n'est déclaré) promettât le continuer tous les ans; liberalement accor-  
 dât toutes choses, pour tãt plustost rẽuoyer les Frãçois. Là dessus le siege est le-  
 ué, & Clouis remene arriere son armée, laissant à Godegesile cinq mille Fran-  
 çois. Gõbaut renforcé par la retraite de Clouis, reprit courage, & n'eut plus de-  
 sir de payer le tribut promis. Au cõtraire assemblant son armée, il vint assieger  
 son frere retiré à Vienne; deuant laquelle il demeura si longuement, que les vi-  
 ures commẽcerent à faillir au pauvre peuple. Lors Godegisille craignãt que les  
 bouches inutiles retenues dauantage, n'amoindrissent les viures qn'il gardoit  
 pour soi & ses soldats, & que faute d'auoir à manger ne le contraignist à se ren-  
 dre, il fait mettre dehors toute la populace, parmi laquelle se trouua aussi le  
 maistre Fontenier, qui auoit la principale charge du cõduit d'eau entrant en la  
 ville. Cestuy-ci marri d'auoir esté chassé, tout coléré se retire vers Gombaut, &  
 luy declare le moyen de prendre Vienne, & se venger de son frere. L'aduertis-  
 sement trouué bon, le Fontenier mene les soldats dans le canal, accompagné de  
 plusieurs garnis de pics, pinces de fer, & marteaux pour leuer vne grosse pier-  
 re, posée à l'endroit où le conduit touchoit les murailles. La pierre aisémét le-  
 uée, ou rompue par le Fontenier experimenté en telles choses, partie de l'ar-  
 mée de Gombaut entra dans le conduit, & vint bien auant en la cité; là où ce-  
 pendant que les habitãs esmeus d'un faux alarme & assaut, courût à la muraille  
 se defendans avec le trait, ils se trouuerent assaillis par derriere, de ceux qui es-  
 toient entrez par le canal; lesquels pour encor dauantage estonner les citoyẽs, fi-  
 rent du milieu de la ville sonner par les trompettes ville gagnée, & victoi-  
 re. Dont les assiegez esperdus, quittent leurs deffenses, & les gens de Gombaut  
 apres

apres auoir enfoncé les portes, s'espandent de tous costez, & tuent ceux qui firent resistance, par eux batus deuant & derriere: Godegisille mesme, comme il fuyoit quant & les autres en vne Eglise, fut occis avec l'Euesque qui estoit Arrien. Quant aux François que Clouis luy auoit laissez, ils se retirerent en yne tour, laquelle Gombaut defendir d'assaillir. Mais les ayant faits prisonniers, il les confina au pais de Thoulouze, les enuoyant au Roy Alaric. Et apres auoir rué les Senateurs (c'est à dire les nobles Romains) & Bourguignons partisans de Godegisille, il mit en son obeissance toute la contrée aujourd'huy nommée Bourgongne. Puis s'apperceuant que les Gaulois Romains faschez de la tyrannie des Bourguignons, appelloient les François auxquels ils sembloient tendre les bras; pour le soulagement de ses sujets, & gagner le bruit d'aimer la iustice, il publia des ordonnances que l'on a depuis appellées la loy Gombette. Ces guerres de Bourgongne, qui commencerent enuiron l'an cinq cens vn, durèrent quelques années, & aucuns nouueaux historiens recitent, que Clouis retourna en Bourgongne, de laquelle il chassa Gombaut, & le contraignit se retirer vers les Vvissigots. Et Procope adioulte, que Theodoric Roy des Ostrogots, eut sa part du Royaume de Bourgongne, suiuant la conuention faite avec Clouis: lequel (si vous croyez Æmil) print tout ce qui estoit deçà la Saone, & en iouït: mesme par l'accord fait avec Godegisille.

L'an de  
Jesum  
Christ

501.

## CHAP. XXI.

*Alaric Roy Vvissigot, saintement recherche l'amitié de Clouis. La cérémonie de toucher la barbe. Les Gots ayans outragé l'ambassade de Clouis, sont condamnez en amende enuers luy, par Thierry Roy des Ostrogots, arbitre du differend. Clouis se preparant à la guerre contre les Vvissigots: enuoye au sepulchre de Sainct Martin de Tours en demander l'issue. Il gaigne la bataille de Vouglie.*



**A**QUEL temps, Alaric Roy des Vvissigots, considerât comme Clouis s'aggrandissoit en telle sorte, voulut estre son amy. Et l'an v. c. vi. (au compte de Sigisbert) luy enuoya des ambassadeurs, le prier de demeurer freres; & qu'ils se vissent en quelque lieu. La veüe accordée, ils s'assemblerent en vne Isle de la riuiera de Loire, pres Amboise lors villere, & maintenant vn tresbeau chasteau Royal, assis en Touraine: où ils se promirent amitié, & banqueterent ensemblement. En ce temps plusieurs habitans des Gaules, voyants que les François suiuiroient la religion Catholique, les desiroient auoir pour maistres. Dequoy s'estans apperceus les Rois de Bourgongne, & des Vvissigots, ils en traittoient plus mal les Ecclesiastiques Catholiques de leur pais, de sorte que Quintian Euesque de Rhodéz soupçonné de tenir ce party, fut contraint par vne sedition sortir hors, luy estant reproché qu'il souhaittoit que les François deuinssent Seigneurs de sa

506.

Q

*L'an de ville.* Au moyen dequoy, ce bon Prelat se retira en Auvergne pres Euphrasie  
*Iesus* Euefque de Clermont. Il faisoit assez mal à Clouis, de voir les Gots (Arriens  
*Christ.* comme les Bourguignons) commander en la Gaule, depuis les monts Pyrenées  
 iusques à la riuere de Loire. : & pource, il cherchoit honneste couuerture de  
 leur faire la guerre, tant pour reduire leurs sujets à la vraye religion, que pour  
 conquerir leurs terres. Sus telle fantasie, il se presenta vne occasion assez rai-  
 sonnable pour couvrir son ambition. Clouis auoit enuoyé vers Alaric vn Am-  
 bassadeur nommé Paterne, traicter d'aucuns articles touchant la paix, & l'ac-  
 cord nagueres fait entr'eux : ensemble pour sçauoir en quel lieu ils se pour-  
 roient voir, & aduiser aux affaires des deux Royaumes, & encores afin que le  
 Roy Alaric touchast la barbe du Roy François (si est-ce que si Clouis nay l'an  
 469. auoit 37. ans) suiuant la façon lors gardée en adoption spirituelle ou le-  
 gale : ce qui m'est difficile à verifier en cest endroit : si l'on ne veut dire, que le  
 Roy Got n'ayant point de fils legitime, (ains seulement vn de sa fille, enco-  
 res, bien petit, ainsi que dit Procope) voulut s'appuyer des François. Mais ou-  
 tre qu'il n'est pas croyable que le Roy Got voulut tant auantager les François,  
 que le faire son heritier, il se presenta vne autre doute : c'est qu'Alaric Arrien,  
 jamais n'eust voulu estre pere spirituel en la confirmation de Clouis, qui estoit  
 Catholique : ou le Roy François l'estre d'un Arrien : ce que ie laisse à desmesler  
 à d'autres plus subtils, ou qui auront de meilleurs memoires. L'ambassadeur  
 donc ayant fait entendre sa charge, le Vvissigot luy assigna la place, où se deuoit  
 faire la veüe, disant qu'il ne faudroit de s'y troubuer. Et quand Paterne luy de-  
 manda si Clouis deuoit venir en grande ou petite compagnie, Alaric respon-  
 dit que ce seroit avec peu de gens, sans armes : qu'il vouloit parleméter en ceste  
 sorte ; & pource, que les François s'y trouuassent en pareil equipage. Ces cōdi-  
 tions accordées, Paterne retourne vers son Roy, l'aduertit de la volonté des  
 Vvissigots : & là dessus, Clouis s'achemine vers Guyenne. Mais auant qu'arriuer  
 au lieu du Parlement, il enuoya deuant le mesme Paterne, espier l'equipage  
 des Vvissigots. Cestuy-cy trouuant le Roy Alaric, qui au lieu d'un baston, re-  
 tenoit en sa main vne petite piece de fer, dont l'on fermoit les portes ; & tous  
 ceux de sa compagnie garnis de semblables feremens, le prenant par la main,  
 luy demanda pourquoy il vouloit tromper son maistre, & les François venans  
 souz bonne foy. Le Roy Got niant qu'il y eust tromperie de sa part, les pa-  
 roles vindrent iusques à querelle : mais en fin ils tumbent d'accord, que ce dif-  
 ferent seroit jugé par l'aduis de Thierry Roy d'Italie ; & que les deux Rois luy  
 enuoyeroient leurs Ambassadeurs. L'Ostrogot, & les deux parties ouyes, or-  
 donna que celuy de France comparoistroit deuant son Palais à cheual, la lance  
 en la main : laquelle tenant esleuée, Alaric & les Gots jetteroient contre tant  
 de deniers d'argent, que la pointe en fust cachée, & que toute la somme seroit  
 baillée à Clouis. Les ambassadeurs retournez en leurs païs vers leurs maistres,  
 les François approuuerent le iugement de Thierry : mais les Vvissigots dirent  
 qu'ils ne pouuoient l'accomplir ; & qui plus est, outragerent l'Ambassadeur  
 François. Car ayans desfait le planché de son logis pres son liét, la nuit & en se  
 voulant leuer pour aller à ses affaires, il cheut, & se rōpit vn bras en grād danger

de perdre la vie. Et lequel retourné en Frâce, apres auoir racōté ce qui luy estoit <sup>L'an de</sup> aduenü, donna occasion à Clouis d'assembler son conseil, où il remonstra, <sup>lesus</sup> Qu'il <sup>Christ.</sup> n'y auoit esperance de faire accord assureé avec les Vvissigots Arriens; & qui tous les jours adioüstoient à leur impieté (reproüée de la pluspart de la Chrestienté) leur ordinaire meschanceté & naturelle cruauté, ayans nagueres durât la paix outragé ses Ambassadeurs, estimez saints mesmes en temps de guerre, par toutes nations, voire les plus Barbares; & qui ne les tiennent pas pour ennemis, ains pour entremetteurs & moyennieurs de la paix. Or combien qu'il fust assureé de la vaillâce des François, & n'eust besoin de les animer dauantage, si les vouloit-il aduertir, qu'à ce coup assaillant les Gots, ils feroient la guerre aux ennemis de la Trinité: & quād ceste occasiō cesseroit, encores estoit-ce vne entreprise necessaire pour la conseruatiō de l'estat François, puis qu'ils ne pouuoient assurer leurs conquestes en Gaule, tant que les Vvissigots en tiendroient vne si grande portiō, & de l'Espagne: d'où estoient tousiours sortis les meilleurs soldats Romains, depuis la Monarchie des Cefars. L'aduís du Roy approuué, & l'esperance que chacun auoit de s'agrandir par la conqueste de si riche pays que l'Aquitaine, il fut conclu de faire la guerre aux Vvissigots. Dont Thierry Roy d'Italie aduertý, depesche gens de tous costez vers les Rois voisins: pour les prier d'empescher ceste guerre: remonstrant au Roy Alaric, qu'il ne deuoit entrer en querelle contre Clouis: & ne falloir que les Vvissigots la cherchassent, ayans desaccoustumé le mestier des armes. Qu'il n'y auoit point encor de sang respandu, ny de place prise. Que c'estoit peu de chose des paroles, lesquelles le pouuoient oublier, & amender par l'entremise de leurs amis: & pource il le prioit de ne faire la guerre aux François cōtre son gré. Il escriuit à Clouis, qu'il s'esmerueilloit de quoy il vouloit guerroyer le Roy Alaric pour peu d'occasiō. Qu'ils estoient en la fleur de leur ieunesse, & Roys de deux nations bien renommées. Que les François & Vvissigots, auoient acquis grād hōneur durant la paix, si longuement gardée par leurs peres. A ceste cause, il le prioit de la vouloir entretenir, & remettre leurs differens au iugemēt de gens estranges: le menassant de se declarer contre luy; puis qu'il ne pouuoit honnestement abandonner Alaric son parent. Clouis (ce dit Emil) ne luy respondit moins brusquement, luy escriuant ces mots: Je n'ay cōtre Alaric autre rancune, que celle que raisonnablement vous voudriez que i'eusse contre vn, la maison duquel sert d'assuré retraite à tous mes ennemis. C'est pourquoy vous ne deuez me destourner de luy faire la guerre, maintenant que ie suis par luy assailli. Et encor moins nous empescher de cōbatre corps à corps, si l'occasiō s'en presēte. Que si i'auoy deux mains dextres, del'vne ie me deffendroy cōtre luy, & ie vous presēterois l'autre desarmée pour vous obeir. Mais estat sur le point de choquer, cōme est il possible d'ouir parler de paix, durāt si grād bruit de trōpetes & clairons. Le mesme Thierry, aduertissoit aussi Gōbaut Roy de Bourgōgne, de moyēner la paix entre les Rois ses voisins & alliez: disant, que c'estoit la raisō que les ieunes obeissent aux anciens. Encores le Roy d'Italie aduertissoit les autres Rois, d'enuoyer gens deuers Clouis: pour, d'un consentement, le semondre de garder la paix, & ne guerroyer les Vvissigots leurs alliez, & qui se vouloient sous-mettre à la

L'An de raison: Thierry leur remonſtrant, qu'il ne falloit endurer que les François occupassent les Royaumes prochains d'eux, les vns apres les autres: pour se rendre plus forts & entreprenans sus leurs voisins. Mais tout cela ne seruit de rien: car les François renforcez du secours que Cloderic fils de Sigisbert Roy de Cologne (surnomé le Boiteux) amena à Clouis, s'acheminèrent vers Guienne. Toutesfois Clouis, par vne curiosité sentant encores son Gentil, voire Iuif, voulut ſçauoir l'issue de la guerre, ſuiuât vne maniere de prediſtion alors route commune. C'est qu'il enuoya en l'Eglise de Saint Martin, qui est à Tours, des gens avec dons, prier Dieu luy donner aduis de sa volonte sus l'issue de la guerre qu'il entreprenoit. D'auenture, comme ses deputez entroient en l'Eglise, le premier Chantre commença ceste Anthienne, prinſe du Pſeume xvii. *Et precinxisti me Virtute ad bellum: & ſupplantasti insurgentes in me, ſubitus me. Et inimicos meos dedisti mihi dorſum, & odientes me diſſepidiſti.* C'est à dire:

Tu m'as ceint de valeur en allant à la guerre

Seigneur, & mis deſſous mes pieds, mes ennemis:

Qui m'ont tourné le dos, & ont ſuy grand' erre,

Mes haineux eſcartant, tu as en route mis.

Les meſſagers prenant cecy pour bonne reſponce, en louèrent Dieu; & apres auoir offert leurs dons, retournerét vers leur Roy, qui tiroit en Poictou. Ainſi donc, l'armée Françoisé approchée de la riuere de Vienne, & ne ſachant par où la paſſer, au moyen qu'elle eſtoit enſée par les pluyes, l'aduanture voulut, qu'un matin vne Biche de grandeur merueilleuſe ſe preſenta deuant l'Oſt des François: leſquels naturellement enclins à la chaffe, commencerent à la huer & pourſuiure tellement, que la beſte eſſancée en la riuere gaigna l'autre coſté, & monſtra quant & quant vn gué; qui iuſques à preſent a retenu le nom du pas de la biche; par lequel Clouis paſſa, & ſon armée auſſi, avec grand' ioye de ce Roy, qui l'eſtima comme vn ſecours diuin, d'autant que la nuit precedente il auoit prié Dieu de luy enſeigner vn gué. Souz telle aſſurance il vint planter ſon camp deuant Poictiers, commandant à ſes gens de viure modeſtement, & ne toucher aucunement aux terres de l'Eglise. Ce ban fut tant rigoureusement gardé, que tout ſur le champ il fit executer à mort, vn qui auoit prins du foin en la terre de ſaint Martin, contre le gré du fermier. Auſſi telle diſcipline luy acquit (comme il eſt croyable) la faueur des Catholiques: avec ce que Clouis portoit honneur aux gens de reputation, ainſi qu'il monſtra à ſaint Maixant, pour lors Abbé d'un lieu de Poictou, qui porte encores ſon nom; lequel Maixant venu au denant de luy, receut tout bon traitement. Cependant, Alaric qui auoit fortifié Poictiers, & ſeſtoit mis dedans, voyant la grande puissance des François, la nuit ſortit de la ville par le pont de Ioubert, & prit le chemin de Cubort, comme pour ſoy retirer en Auvergne, cuidant trouuer entier le pont de Luſſac rompu le jour precedent par ſes gens meſmes. Clouis aduertý de ce partement, dés le grand matin ſuiuit Alaric, lequel enuironné des François logez deçà & delà la riuere, ſ'arreſta entre Cubort & le chateau de Luſſac en vn lieu de preſent appellé Ciuaux, où la bataille luy fut preſentée par les noſtres, & laquelle ce Prince courageux ne reſuſa. Son armée eſtoit

composée de Vvissigots & d'Auvergnats ses sujets, conduits par le Comte Apollinaire: lesquels ayans perdu le cœur dès la premiere charge, eussent tourné le dos sans le Roy Got sage & bon Capitaine, qui les remit en ordre, & tellement encouragea, que l'on fut grand' espace avant que sçavoir qui auroit le dessus de la meslée: leur remontrant, que non avec les pieds fuyards, ou tournans le dos, mais le bras armé & frapans fort & ferme, il leur falloit chercher leur secours. Que la victoire gisoit en leur vaillance & courage, comme aussi le butin & l'honneur de la bataille. Et en la fuite ou lâcheté, le seruage, le deshonneur, & leur entiere ruïne. La crainte eut plus de lieu que la vergongne, entre ces gens espouuantez, & incessamment poursuivis par leurs ennemis. Lors Alaric voyant les siens fuir à vau-de route, se mit aussi apres, mais des derniers: & meslé parmy quelques gens de Cheual, ayant iusques là fait tout le deuoir qui appartient à vn vaillant chef & bon gendarme: Quand se voyant pouruiuy par Clouis mesme (remarquable à sa corte, & des premiers pouruiuens la victoire) esmen de honte, il tourna visage: & lors les Roys ennemis, tous deux ieunes & desireux de faire cognoistre la prouesse de leurs personnes, vindrent s'entrerencontre. Mais soit que la force ou l'adresse de Clouis fust plus grande en fait d'armes, il tua de sa main Alaric, non sans grand danger de sa personne. Car en l'acheuant, deux Vvissigots (plus esmeus du danger de leur Roy, que du leur propre) le heurterent de deux lances par les costez, sans luy faire autre mal: tant pour la bonté de son harnois, que la viffesse de son Cheual, qui l'emporta hors de la presse. Les Vvissigots voyant leur Roy mort, tournerent le dos, avec grande perte de leurs gens, principalamēt des Senateurs Auvergnats (c'est à dire nobles habitans d'Auvergne) qui accompagnoient le Comte Apollinaire, qu'Emil appelle parent de l'Euesque Sidoine, tant de fois par nous cy dessus nommé, & dont il y a grande apparence que ceux de la maison de Polignac sont issus. Le carnage dura depuis Ciuaux, iusques à la paroisse des Eglises pres Chauigny, tant deca, que delà la riuiere: & dit on que le lieu de la grand deffaitte s'appelle aujourd'huy le champ des Arriens, où l'on voit encores de grandes pierres de Sepulcres. Ceste bataille fut donnée l'an v.c.vii. (selon la Chronique de Cassiodore, jacoit que . . . . dise cinq cens neuf: & Isidore, que Giselic fils d'Alaric commença à regner le dixseptiesme d'Anastase: qui reuiet audit an cinq cens sept) en vn lieu anciennement appellé Voclade, qu'Adon dit estre à dix mille de Poictiers: & vn autre Chronicon adionste sus la riuiere de Clain, que d'aucuns ont pensé auoir donné le nom à la plaine de Vouglie: mais Vouglie estant à trois lieues de Poictiers sus le chemin de Parthenay, il n'y a pas grand' apparence que la bataille s'y donnast, puis qu'il y a de Vouglie plus de huit lieues de distance, iusques à Chauigny, où les auteurs particularisent aucuns efforts de la rencontre, principalement à Ciuaux. Cependant ie ne deba point si Voclade a donné le nom à Vouglie ou Ciuaux. Ains mourut Alaric Roy des Vvissigots, le vingtdeuxiesme an de son regne. Il ayma la Iustice, & fit faire par vn homme de sçavoir nommé Anian, vn abregé du Code de l'Empereur Theodose, & liures des anciens Iuriconsultes Romains, lequel fut publié en la ville d'Aire peu deuant sa mort, comme il apport

*L'an de* en l'Auant-propos du liure. Ces loix appellées Gothiques furent (nonobstant  
*Iesus* le petit de temps que regna Alaric depuis la publication d'icelles) pratiquées  
*Christ.* par les Gots, & les Gaulois habitans l'Aquitaine : voire iusques au temps de  
 Charles le Grand, & comme ie croy, plus tard, puis qu'on en trouue tant de  
 copies dans les anciennes librairies.

## CHAP. XXII.

*Clouis enuoye Thierry son fils prendre Auuergne, cependant qu'il occupe tout  
 ce que les Vuisigots tenoient en Aquitaine. Faict apporter les thresors  
 des Roys Vuisigots, qui estoient à Thoulouze. Recit de la deffaitte des  
 Vuisigots selon Procope. Lesquels ayans perdu Thoulouze, transporte-  
 rent leur Royaume en Espagne. Clouis porte Couronne, & est faict  
 Consul & Patrice. Ruse des Empereurs & Papes Romains. Premier  
 Concile d'Orleans tenu par le commandement de Clouis.*



A Bataille gagnée, Clouis enuoya en Auuergne & haut  
 païs du Royaume des Gots, Thierry son fils, accompagné de  
 bõ nombre de gens d'armes: lequel passant par Rhodéz, Albi,  
 Cahors, & Limosin, les mit en l'obeyssance de son pere: avec  
 ce qui estoit entre les monts Pyrenées, l'Ocean, & les confins  
 de Bourgongne. Tout aussi tost, Clouis trauerse la Garonne;  
 & (comme disent les histoires Vuisigottes) donna vne seconde bataille en vn  
 lieu, qui iusques aujourdhuy s'appelle le champ des Arriens; Castelnau-darry  
 en tient quelque chose. Puis vint passer l'hyuer à Bordeaux, où il se fit apporter  
 les thresors d'Alaric, gardez à Thoulouze. De là il vint en Angoulesme, les ha-  
 bitans de laquelle se rendirent; voyans leurs murs rumbez contre leur espe-  
 rance, & comme diuinement. Ainsi donc les Gots chassez de tous costez, Ges-  
 salaric fils bastard d'Alaric, se sauua dans Narbonne, où il fut esleu Roy. Mais  
 despouillé de ceste ville (qui fut pillée par Gombaut Roy de Bourgongne) il se  
 retira dans Barcelonne, où il regna quatre ans; & iusques à ce que Thierry  
 Roy des Ostrogots l'eut contrainct de se retirer en Afrique, vers les Vandales,  
 cuidant estre par eux secouru, pour de là quelque temps apres reuenir en A-  
 quitaine, où il se cacha vn an: mais vaincu à douze mil de Barcelonne par  
 Eban Capitaine dudit Thierry, fuyant outre la Durance, il fut tué. Ce que  
 j'ay icy voulu dire, afin de n'entrompre vn autre faict depuis aduenü. Ceste  
 bataille de Vouglie est autrement escripte par Procope, lequel (comme plus  
 ancien de vingt ou trente ans que Gregoire) peut estre aucunement creü,  
 encores qu'il parle de choses esloignées de sa demeure. Il dir donc, que les  
 François marchans contre Alaric, ce Roy pria Thierry d'Italie de le secourir  
 incontinent: Mais combien quel'Ostrogot se hastast, les Vuisigots cepen-  
 dant assemblerent leurs forces à Carcassonne, où ils camperent assez pres



des François. Là, ayans demeuré quelque temps sans rien faire, ils eurent opinion que c'estoit honte pour eux, de laschement souffrir gaster le païs devant leurs yeux. A ceste cause, les plus murins & farouches commencerent d'injurier Alaric, & le blasmer; de ce que par sa couïardise il laissoit emporter leurs biens aux François, disans: que les Vvisigots estoient suffisans de les combattre, sans attendre le secours de son beau-pere. Alaric vaincu par l'importunité des siens, renga ses batailles, & vient trouver ses ennemis; qui eurent le dessus, le tuerent, & tout court assiegerent Carcassonne, aduertis que les thresors apportez de Rome par le vieil Alaric estoient dedans: & entre autres les plus precieux menbles de Salomon, tirez de Hierusalem par les Romains: chassans les Vvisigots de la plus part de Languedoc. Mais quand Thierry Roy d'Italie fut arriué avec son armée (il semble que ce fut l'ancin cens huit) les nostres leuerent le siege bien hastiement. Toutesfois ne leur ayant peu faire quitter le païs qui est entre le Rhosne (ie croy Garonne) & l'Ocean, il accorda qu'il leur demeurast: recourant le reste de la Septimanie, jadis tenue par les Vvisigots, avec grand meurtre des François; trente mille desquels (dit Jourdain) furent tuez par Hibla Capitaine de Thierry. Mais il n'y a pas grande apparence à son dire, puis que le mesme Auteur confesse, que lesdits François tiendrent deux ans la ville d'Arles assiegée, & deffenduë par vn Got nommé Tolon, ou Tulus. Ceux qui eschapperent de la bataille de Vouglie, firent Roy sur eux Giselic fils bastard d'Alaric, d'autant qu'Amaulri fils de la fille d'Alaric (lequel n'auoit que cinq ans) sembloit insuffisant pour gouuerner. Et toutesfois, apres la mort de Giselic, la Seigneurie des Gots estant rutbée es mains d'Amaulri (petit fils de Thierry d'Italie) qui en estoit tuteur, il fit incontinent transporter à Rauenne les thresors demourez à Carcassonne. Ainsi print fin le Royaume de Thoulouze, nonante quatre ou nonante cinq ans, apres qu'Atulstul luy eut donné cōmencement: & les Gots transporterent leur siege Royal en Espagne. L'Aquitaine conquise, Clouis victorieux retourna en France passa par Tours, où il fit ses offrandes en l'Eglise S. Martin, pour remercier Dieu de sa victoire. Aymon adioust, qu'entre autres dons il presenta son Cheual, lequel voulant racheter de cent sols d'or, on ne le peut bouger: iusques à ce qu'il eust adiousté encores cent autres, & qu'alors le Roy dit, que S. Martin estoit de bon secours, mais qu'il le vendoit bien cher. Comme le Roy François sejournoit en ceste ville, il receut lettres de l'Empereur Anastaze, par lesquelles il le declaroit Consul & Patrice, luy enuoyant vne Couronne, vne robe & manteau de pourpre, que Clouis vestit en l'Eglise: & ayant mis la Couronne sur sa teste, il monta à Cheual au Paruis, jettant de sa main propre, au sortir, de l'or & de l'argent au peuple, qui dès lors en auant l'appella Consul & Auguste, cedifent plusieurs Auteurs. Combien que ie ne trouue point, que Clouis ou ses predecesseurs vsassent de Couronnes: il y a de l'apparence, que ja les Roys de France se tenoient pour souverains, ne recognoissans personne, & seuls entre les autres Roys, faisoient battre monnoye d'or, ainsi que dit Procope. Mais d'autant que les autres Roys de toute memoire honoroient le Senat Romain, & puis les Cefars, qui volōtiers enuoyoiēt aux nouveaux Rois, des robes, des

508.

L'an de  
Iesw  
Christ.

bastons, des chaires, & autres marques Royales, il peut bien estre, que les Gaulois persuaderent à Clouis de recevoir ceste Couronne, & le tiltre de Patrice, pour garder la possession de souveraineté, que les Empereurs pretendoient encores en Gaule, ne pouuans les Euesques (la plus part descendus de Senateurs) oublier l'ancienne grandeur des Romains, qui se voyoit transportée aux François, s'ils commençoient à vser du Diademe en Gaule, & ne recognoistre aucun superieur, *NEC COMITER IMPERIALEM MAIESTATEM COLERE*, ainsi que parloient les anciens, qui sous tels mots couuroient vn hommage ou sujétion, puis que ces nouveaux Princes n'osoient porter couronne, que prise de la main d'un plus grand. Et ce peut bien estre la cause, pourquoy le mesme Roy (depuis mieux aduisé) à la persuasion de Sainct Remy, enuoya vne riche couronne (appellée *Regnum*) en l'Eglise sainct Pierre de Rome, comme voulant doresnauant tenir de Dieu, celle qu'il entendoit porter, sans plus la recognoistre des Empereurs. Quant aux Papes ils ont mis sus leur teste, le *Regnum* présenté sus l'autel de Dieu. Mais pour le regard de ceste Robe d'honneur enuoyée audit Clouis; la Consulaire s'appelloit lors *Palmata*: & Cassiodore dit, Damassée de plusieurs couleurs (comme jadis furent les Samits, tels que l'on voit en plusieurs Chapes d'Eglises) outre le baston d'appuy, & les fouliers dorez, la chaire haute esleuée de plusieurs degrez, que décrit le mesme Cassiodore. Or Clouis, nonobstant la guerre, n'oubloit pas la police de son estat; principalement celle qui touchoit l'Eglise. Car à la sollicitation de Sainct Melaine Euesque de Rennes, fort son familier, il commanda à xxxiii. Euesques, de s'assembler à Orleans pour deliberer sur les articles qu'il leur enuoya; ainsi que l'on peut voir au commencement du Synode qui est imprimé. Entre autres choses, il les aduertit qu'il a deffendu de piller les biens appartenans aux Ecclesiastiques. Mais aussi il les prie de sa part, de n'auouer rien qui ne fust à eux, & que pour euitier aux fraudes, par les lettres qu'ils enuoyeront, ils iurent que la chose redemandée leur appartenoit. Les Articles de ce Synode, autorisent les franchises des Eglises, & deffendent de tirer par force hors les Paruis d'icelles, & des maisons Episcopales, les homicides, adulteres, larrons & rauisseurs. Ils ne permettent à tous seculiers, de se faire Clercs, sans la volonté du Roy, ou permission du Iuge: mettent les enfans qui auoient leur pere, ayeul, & bisayeul Clercs, en la puissance des Euesques; affranchissent les terres données, ou à donner par le Roy aux Eglises (dont possible viennent les Amortissemens Royaux) les declarent applicables seulement aux reparations, viure des Prestres, entretenement des pauvres, & r'achapt des prisonniers. Veulent que les Euesques puissent contraindre les Clercs du Diocèse, à faire leur office: deffendent d'injurier l'Euesque, sur peine d'excommunication: Et aux Abbez, Prestres & Clercs, partir sans lettres des Euesques, pour venir en la Cour des Seigneurs demander benefices, ou bienfaits (car ie ne cuide pas que le mot *Beneficia*, s'entende encores là, pour siefs) & faire Prestre vn Esclaue, contre le gré de son Seigneur. Il est aussi ordonné par lesdits articles, que moitié des choses offertes à l'Eglise, appartiendra à l'Euesque, & l'autre au Clergé. Que les Euesques auront la quatriesme partie des decimes: & forniront tant qu'il leur sera possible,

possible, de viures & vestemens aux pauvres & malades, qui ne pourront tra-<sup>L'an de</sup>  
 uailer de leurs mains. Que les Eglises basties, ou à bastir, seront en la disposi-<sup>l'esme</sup>  
 tion de l'Euesque au territoire duquel elles seront basties. Dessendent d'espo-<sup>Christ:</sup>  
 ser la vefue de son frere, ou la sœur de sa femme. Ordonnent que les Abbez  
 seront sujets des Euesques, & tenus vne fois l'an, soy trouuer au lieu qu'il  
 leur plaira assigner, & que les Moines obeiront à leurs Abbez. Qu'aucun  
 Bourgeois de ville ne fera Pasques, Noël, ou Quaresme au village, s'il n'est  
 malade: & nul ne sortira des Messes, auant qu'elles soient dites: & quand  
 l'Euesque n'y sera pas, le Prestre (entendez le Curé) donnera la benediction.  
 Que l'on fera les Rogations auant l'Ascension, & l'on ieusnera trois iours  
 deuant; durant lesquels les esclaves hommes & femmes, ne feront aucun  
 ouurage, affin que chacun s'y trouue, & lors on vsera des viandes de Quares-  
 me. Que les Euesques, Prestres, ou Diacres, ne tiendront en leurs maisons  
 femmes estranges. Les Clercs, Moines, ou Laics qui adiousteront Foy aux di-  
 uinations, ou obserueront les augures, ou sorts que l'on disoit faussement  
 estre des Saints, seront excommuniez, & l'Euesque ne faillira de soy trouuer  
 le Dimanche en l'Eglise la plus prochaine. Ces Articles (la pluspart de poli-  
 ce Ecclesiastique, & qui monstrét vne grande partie de la discipline du temps)  
 furent néanmoins renuoyez par les Euesques au Roy, pour estre par luy ap-  
 prouuez, s'il les auoit agreables: & lesquels furent signez par les Euesques  
 Auentin de Die Metropolitain (possible faut-il Aix, car ie ne trouue point  
 que Die eust la dignité qu'on luy donne icy) Adelphe de Raurace (ie doute si  
 c'est Balle, car il semble que ceste ville fut sous les Rois de Bourgongne, com-  
 me aussi Die, si ce n'estoient des Euesques chassez par les Arriens) Boèce de  
 Cahours, Cyprian de Bourdeaux Metropolitain, Cornope de Perigueux,  
 Camilien de Troyes, Eusebe d'Orleans, Eufraise de Clermont d'Auuergne,  
 Edibie d'Amyens, Eustoche d'Angers, Epiphanie de Nantes, Eracle de Paris,  
 Ettil de Basas, Gildar de Roüen Metropolitain: Leontian de Courances, Lu-  
 picin d'Engoulesme, Litared de Lisieux, Loup de Soissons, Leuanan de Sen-  
 lis, Licinie de Tours Metropolitain, Leonce de Tholouze Metropolitain (ce  
 ne fut pas donc sans cause, que Iean Pape XXII. du nom en fit Archeuesché,  
 l'an 138.) Maurusie d'Eureux, Melaine de Renes, Modeste de Vanes, Melai-  
 ne de Vermandois (il faut que ce soit de Cambray, ou Laon) Nepos d'Auran-  
 ches, Pierre de Xainthes, Principie du Mans, Quintian de Rhodéz, Sophro-  
 nie de Noyon, Theodose d'Auxerre, Tetradie de Bourges Metropolitain. Par  
 telle signature, outre que l'on peut comprendre vne partie de l'estendue du  
 Royaume de Clouis, il appert qu'il n'y auoit point de preface entre les Eues-  
 ques Gaulois. Et est croyable que les plus anciens signoiert les premiers, voire  
 les particuliers deuant les Metropolitains, n'y ayât encores point de reglement  
 entre eux. Ce Synode est cotté par Sigisbert l'an 512. mieux (à mon aduis) que  
 deuant la desfaite des Gots, puis que nous y voyons tant d'Euesques de Guyene  
 & de Languedoc, qui n'eussent osé comparoistre estans les Vvisigots encores  
 maistres du pays, ny appeler Clouis leur Seigneur comme ils font par l'epistre:  
 & encores moins luy demander la resolution des articles par eux concluz.

R

*Paris capitale du Royaume, où Clouis fit bastir l'Eglise Sainte Genevieve.  
Assiette de Paris tres-propre aux Roys François. Clodobert ayant fait  
tuer Siagre son pere, est luy mesme tué : Et Clouis se saisit de son Royaume.  
Alliance de Clouis avec d'autres Roys de Belges.*



OVr reprendre l'ordre de l'histoire, Clouis au partir de Tours vint droit à Paris ; où pareillement arriva Thierry son fils ; retourné de la conquête de Gothie, que ie croy avoir esté Languedoc. L'assiette de cette ville fut tant agreable au Roy François, ou propre à son Estar, qu'il en fit le siege de son Royaume, l'embellissant d'une Eglise dediee au nom des Apostres Saint Pierre & Saint Paul ; laquelle depuis a prins le nom de Sainte Genevieve, pource que ceste bone vierge Parisienne y fut enterree. L'on ne sçait pas au vray le nom du fondateur de Paris. Car ie ne daigneroy' mettre icy les fables qui en sont escrites, ne se trouvant point dans les bons auteurs, que Paris finit Romus Roy de Gaule, luy ait donné son nom, neuf cens ans apres le deluge. Mais il est bien certain, que la ville aujourdhuy nommée Paris, du temps que Cesar vint en Gaule, s'appelloit Lutece : & qu'elle estoit assise dans vne Ile de Seine : & appartenoit au peuple Parisien, allié de la communauté des Senonois. Ceste ville pleust tant à l'Empereur Iulian, surnommé l'Apostat, qu'il y fit sejour, & nous en a laissé en ses Epistres, & au Misopogon l'assiette bien escrite. Iules Cesar la met au dessous de *Melodunum* (qui est Melun) & Ammian Marcellin sous les confians de Seine & Marne ; de sorte qu'il ne faut douter que Paris ne soit la mesme Lutece, dont les anciens ont parlé. Combien qu'avec le temps, soit advenu qu'elle a changé de nom, ainsi que d'autres villes capitales, qui ont prins celuy de leur communauté, & laissé le leur propre ; comme *Durocorum Rhemorum*, Rheims ; *Diiodorum Mediomatricum*, Mets ; *Agrndicum Senonum*, Sens ; *Avaricum Biturigum*, Bourges ; *Durocathalaunum*, Chalons en Champagne ; *Augusta Suefionum*, Soissons, *Augustorium Pictonum*, Poitiers ; *Bratuspantium* (Grate-pense village, en retient le nom) *Bellouacorum*, s'est fait Beauvais, & autres villes semblables. Je reserve au siege des Normans, ou en autre endroit propre, à dire les causes de son accroissement. Or Clouis qui n'auoit pas delibéré d'apoir compagnon en tout le pays de Gaule, n'osant honnestement faire la guerre aux Roys François demourez en Belges, s'aduisa de les mettre par secretes menées en tel estar qu'il luy fust aisé d'estre le maistre des vns & des autres. Et cognoissant que Cloderic fils de Siagre le Boiteux, Roy des François, habitans sus le Rhin vers Colongne, estoit ieune homme peu subtil, il enuoye sous main des gens luy remontrer, que son pere estant vieil & boiteux, s'il vouloir paisiblement iouyr de son Royaume, il luy conuenoit s'entretenir en l'amitié de Clouis. Ce

une Prince mal-aduisé, & seduit par les paroles de ces traistres, cuidant que les promesses de Clouis l'assurassent, pour commettre le parricide qu'il auoit destiné de faire, dressa vne embusche à son pere, lequel estant sorti de Colongne, & passé par le Rhin pour aller chasser en la forest de Burchonne (qu'Altamer pense estre le pays, où est bastie l'Abbaye de Fulde) fut occis par ceux que son fils auoit attiré, ainsi que le vieillard dormoit sur le midy. Ce neantmoins, la iustice de Dieu veillant contre les meschans, ne laissa vn si vilain parricide impuni : car incontinent apres, Cloderic ayant fait sçauoir à Clouis qu'il auoit en sa possession les thresors de son pere avec son Royaume, & partant qu'il enuoyast des gens prendre telle part de ses richesses que bon lui sembleroit : Clouis (aussi rusé qu'ambitieux) le remercia, & luy manda seulement, qu'il les monstrast à ses gens, & les retinst entiers pour soi-mesme. Les Ambassadeurs venus, Cloderic les mene en son thresor, là où comme ils estoient empeschés à voir plusieurs choses singulieres, il leur dit : Voicy vn coffre auquel mon pere souloit mettre ses deniers : & en disant cela il se pencha dedans, comme pour fouiller plus auant. Lors se baissant d'auantage, vn de ceux qui auoient esté attiré, luy donna vn coup qui entra iusques à la ceruelle : & par ce moyen il fut payé de l'impieté commise en la personne de son pere. Clouis aduertí de ceste mort, incontinent vint au pays, & ayant fait assembler les gés de l'obeissance de feu Sigisbert, il parla à eux en telle sorte. Comme ie nageoy sur la riuiere de l'Escaur, Cloderic, fils de mon parent Siagre, poursuivant son pere, fit contre vn bruit que ie le vouloy faire mourir, lequel fuyant par la forest de Burchonne, fut occis par les brigands que Cloderic enuoya apres : & depuis luy-mesme a esté tué (par ie ne sçay qui) en monstrant les tresors de son pere. Si ne suis-je aucunement coupable de tout cela : car ie n'ay pas le cœur d'espandre le sang de mes parens, ne de commettre si grandes meschacetez. Toutesfois puis que les choses sont ainsi aduenues, ie vous cõseille tourner de mon party, & entrer en ma protection, renforçat nos Royaumes par la iunction des deux. La compagnie approuua ce qu'il disoit, tant de voix, que par vn battement de mains, & prenans Clouis le mirent sus vn pauois, en la maniere accoustumée, afin qu'il fust veu de tout le peuple, qui le declaroit Roy. Ainsi eust Clouis le Royaume, & les thresors de Cloderic, qui au lieu de support, aduança la punition de sa meschanceré. Il reste maintenant de sçauoir ceste parenté de Clouis avec le Roy Siagre, Ragnachaire, & autres dont nous parlerons tantost. Car les auteurs du temps ne l'esclaircissent pas, comme il seroit besoin pour sçauoir la verité, qui est la cause pourquoy il faut auoir recours à Iques de Cuise historien de Hainaut, & Meier Flaméd, lesquels allegans vn Baudoin, Amaulri, Hugues & André Martianense, disent que Clojon Roy des Francs eut de sa femme, fille du Roy d'Austrasie (où estoit-elle lors ?) & de Toringe, quatre fils, Auberon, Richer, Regnaut, & Ranchaire. Que Clojon ayant fait maistre de sa Cavalerie Merouée son parent, mourut quelque temps apres, & cestuy-cy voyant le pays assaillí par les estrangers, seignit de vouloir estre deschargé du gouuernement qu'il auoit de ses enfans, disant s'estre par trop engagé pour leur seruice. Au moyen dequoy, les François pressez de

*L'An de* necessité; declarerent Roy Merouée, qui se saisit du Royaume appartenant  
*Iesus* aux enfans de Clojon: la mere desquels se retira vers son pere, iusques à ce que  
*Christ.* par le moyen des Huns, ou cependant que Merouée estoit empesché à leur res-  
 sister, ils recouurerent leur heritage. Auberon entr'autres, fut bon Cheualier,  
 & desfit en plusieurs rencontres les Merouingiens. Qu'il habita delà la Meu-  
 se, & eut tant de prosperitez, qu'il acquit reputatiō d'enchanteur, ou fée: pour  
 ce que lors les hommes estoient tant grossiers, que ce qu'ils voyoient de beau,  
 ils le cuidoient estre procedé d'une puissance autre qu'humaine, ne conside-  
 rans pas que Dieu nous a creéz pour sçavoir faire tout ce qui appartient pour  
 sa gloire, nous ayans creéz vn peu moindres qu'Ange. Ce fut aussi luy qui  
 trouua les bains de Plombieres de Lorraine pres Espinal; & les fit accoustre:  
 puis mourut l'an 462. laissant plusieurs enfans, & fut enterré à Tournay. Quāt  
 à Ragnachaire son frere, il tint la ville de Tournay, & voila ce que dit De  
 Cuise. Meier adiouste que ce Ranchaire, à qui Clouis fit la guerre, estoit Sei-  
 gneur d'Arras & de Flandres, & fils de Flambert, fils du fils de Clojon: & le  
 quel Ranchaire, espousa vne fille d'Aquitaine: mais c'est à sçavoir qui estoit le  
 Seigneur qui lors porta le tiltre d'Aquitaine. Car les Vvissigots n'estoit-ils pas  
 maistres depuis les Pyrenées iusques à la riuere de Loire? Or encore que ie  
 n'adiouste pas grande foy à ce discours, pour n'auoir veu les liures où ces au-  
 theurs l'ont prins, & que Gregoire n'en dise mot, ie tiens toutesfois pour cer-  
 tain, que ces Rois menétris par Clouis, estoient tous François; descendus des  
 autres Francs, demouréz aux terres habitées dés long temps par les predeces-  
 seurs de ceux-cy, tenans le quartier vers Gueldres, Holande, Brabāt, & Liege.  
 Car les partages estoient égaux entre les freres de ce temps-là, comme encore  
 ils sont en Allemagne, qui peut estre la cause pourquoy nous trouuons tant  
 de personnes alliées de Clouis, portant tiltre de Roy. Et n'est impossible, que  
 ces Roys vinssent des anciens Francs, ou de Clojon mesme, puis que les plus  
 vieux Autheurs sont variables: tantost disant que Merouée fut fils, & aucunes  
 fois cousin de Clojon: & que du temps d'Ammian, les Princes Francs estoient  
 nommez Rois, ainsi que i'ay dit cy dessus.

## CHAP. XXIIII.

*Clouis ayant pris Cararic Roy François avec son fils, les fait Moines, & les tue.  
 Ranchaire Roy de Cambray François. Estendue du Royaume de Clouis. Sa  
 mort. Hommes renommez de sçavoir, ou de sainteté qui lors viuoient.  
 Geneuesue Sainte vierge Parisienne.*



Vo y qu'il en soit, Cararic Duc, ou Roy François, fut le pre-  
 mier à qui Clouis en voulut, prenant vne telle couuerture.  
 Clouis allant faire la guerre à Siagre, pria Cararic de le venir se-  
 courir, comme il fit, amenant vne armée. Mais il ne se voulut  
 ioindre avec les François Clouiens, comme s'il eust attendu de

quel costé tourneroit la victoire. Clouis qui ne s'en peut vanger sur le champ, luy garda le mal-talent qu'il en receut lors, iusques à ceste heure: qu'ayât trouué un moyen de le prendre par tromperie, il le fit tondre prestre, & donner l'ordre de Diacre à son fils, lequel voyant vn iour Cataric se plaindre de son affliction, luy dit, Mon pere, ces feuilles (touchant ses cheueux escourtez) ont esté coupées en bois vert, elles pourront bien reuenir, sil plaisoit à Dieu que celuy qui les a coupées vinst à mourir. Le Roy François aduertí de ces paroles (car Emil dit que les Moines ne gardent pas tousiours silence), traignant que ce ieune Prince laissast croistre ses cheueux pour sortir, & luy donner de l'ennuy, leur fit trancher la teste à tous deux, & se saisir de leur Royaume. Il ne fut pas plus courtois à Ranchaire Seigneur de Cambray, lequel estant hay des siens, à cause de sa pailleuse desmesurée, & incestueuse, auoit pour Conseiller vn nommé Faron, entaché de mesme vice. Il estoit encores tant assortí de ce mauuais homme, que si on luy apportoit quelque present, fust de viande, ou autrement, il disoit volontiers, voila qui sera bon pour moy & mon Faron. Ce qui deplaisoit fort aux François coustumiers de hair autant les Roys orgueilleux, que courtois. Et pource, ils sollicitoient Clouis de chercher occasion de luy faire leuer terre, l'aduertissant que sur le point de la bataille, ils abandonneroient leur Roy, & le liureroient entre ses mains. Là dessus, Clouis remplissant les traistres d'esperance, leur fit encor' present de brasselers, & baidriers: qu'il auoit fait expressement faire de cuiure dorée puis ayât assemblé son armée, il entre au pays de Ranchaire, sous couleur qu'il disoit que ce Roy & ses freres, maintenoient le Royaume de France leur appartenir. Ranchaire cuidant ses gens estre fideles, enuoya les traistres qui auoient receu les presents de Clouis, espier l'estat de son armée. Et ceux-cy de retour, dirent que luy & son Faron auoient vn tres-bon renfort, & assez de gens pour luy resister. Mais le iour de la bataille, Ranchaire voyant la deffaitte de son armée, fut prins & arresté par les siens mesmes, comme il se vouloit sauuer; & l'amenans avec Richer son frere, les mains liées derriere le dos, les presenterent à Clouis. Lequel les voyant en tel estat (comme s'il eust esté couronné) luy dit: Pourquoi fais-tu ce tort à nostre race de te laisser ainsi lier? n'eust-il pas esté plus honorable pour toy de te faire tuer? en disant ces mots, il leue sa hache, & luy donne sus la teste. Puis se retournant vers son frere, il luy descharge vn pareil coup: disant, Si tu eusses defendu ton frere, on ne l'eust pas ainsi lié: & voila quelle conscience Clouis faisoit de tuer ses parens. Vn temps apres la mort de ces Roys, les traistres estans apperceus que leurs presents n'estoient que dorez, sen plainquirent à Clouis, qui leur fit response, que ceux là estoient iustement payez en tel or, qui sans contrainte auoient trahi leur maistre, & deuoient estre contents d'auoir la vie sauue, laquelle ils meritoient de perdre, pour leur desloyauté. Monstrant par cest acte, que les Roys faident des traistres, mais qu'ils hayssent & desdaignent la trahison. Rigomer vn autre Roy, ou Prince du sang de France, fut semblablement occis en la ville de Mans, par le commandement de Clouis, & plusieurs autres Roys, ou Seigneurs ses proches parens, desquels il se deffioit, ou en redoutoit la puissance. En notez, afin qu'il n'en restast que

L'au  
re  
se  
fau  
Christ.  
fau.
114.
 cun, il commença de soy plaindre vn iour en grande assemblée; & s'appeller  
 miserable, de ce qu'il ne cognoissoit plus aucun de ses parens; comme l'ist estoit  
 quelque estranger. Toutesfois, soit qu'à la verité il n'y en eust plus, ou quel on  
 s'aperceust qu'il le disoit par fainctise; pour attraper ceux qui luy estoient es-  
 chappez, aucun ne se presenta pour s'aduoier d'estre de sa race; craignant le  
 traitement des autres. Il apert par Gregoire que Ranchere estoit frere de Ri-  
 cher, & de Ingomer; & Meier adiousté que Ranchere eut vn fils nommé Phi-  
 nibert, lequel ne voulant estre Chrestien se retira en Dannemarc, & depuis  
 eut vn fils nommé Cochiliard, en sa grande vieillesse tué, par Lideric de Bur.  
 Je ne veux rien assurer de ces genealogies, mais ie les ay seulement mises pour  
 donner lumiere à l'histoire, estant certain par les exemples que i'ay cy deuant  
 alleguez des Francs, qu'ils ont plusieurs Roys regnez par eux ensemblement;  
 selon le pays & departement des Sicambres, Ribarols, Saliens, Ampsiuaires, &  
 autres lignées, factions, ou nations. Ainsi Clouis ayant par telles ruses de-  
 struit ses voisins les vns apres les autres, & la premiere victoire luy seruant à  
 faire obtenir la seconde, il estendit son Royaume par toutes les Gaules, qui de  
 son temps, semblent auoir entierement perdu leur ancien nom, estans parties,  
 comme i'ay dit cy dessus, en France. Ostrasienne & Veste-Gemme, ou d'Ostrie  
 & Neustrie, ou Vestrie, Bourgongne, Gothie, & Bretagne petite. Telle-  
 ment qu'il n'y eut que le Poictou, & le pays qui est outre Loire & la Garonne,  
 qui retint l'ancien nom d'Aquitaine; iusques à ce que les Vascones descendans  
 des mōts Pyrenées donnerent encores le leur au pays d'entre les mōtagnes &  
 la Garonne. Or Clouis ne trouuant ennemy qui luy fist rēste que Thierry Roy  
 d'Italie, établit son estat en la plus grande partie de la Gaule, ne pouuant chas-  
 ser ce Roy du quartier de Prouence, & partie de Languedoc, duquel l'Ostrogot  
 se saisit apres la deffaitte des Vuisigots; ainsi qu'auons dit. Tant y a, que les  
 Gots d'Espagne garderent Narbonne, & quelques autres villes de Languedoc,  
 puis qu'en plusieurs Conciles tenus en Espagne, nous trouuons des Euesques  
 de Septimanie y auoir assisté; ie croy comme sujets des Vuisigots. Quant à  
 Clouis, il mourut cinq ans apres la victoire de Vouglie (ce disent la plus part  
 des Auteurs) & l'an cinq cens quatorze, âgé de quarante cinq ans, & en ayant  
 regné trente & vn. Son corps fut enterré en l'Eglise de S. Pierre, & S. Paul, par  
 luy bastie au mont de Paris à la requeste de sa femme. S. Remy en l'Epitaphe  
 qu'il luy a fait, & lequel se voit dans Aymon, l'appelle Patrice: ce que ie n'ay  
 voulu oublier, pour monstret que les Empereurs ayans perdu le domaine de  
 la Gaule, retenoient l'ombre de la souueraineté; enuoyans des qualitez &  
 noms de grādeur, à ceux qu'ils ne pouuoient plus tanger en leur planiere obeis-  
 sance. Ce Roy fut liberal enuers les Ecclesiastiques, ainsi qu'il se voit par le te-  
 stament de S. Remy, auquel il donna de belles terres; & semblablement à Ge-  
 neuiefue, vierge natifue de Nanterre pres Paris, fort estimée pour sa bonne vie  
 qui la fit reuerer des Euesques mesmes, & luy acquit le nom de Sainte. Il don-  
 na aussi à Enspice & Mesmin son nepueu, la place de Missy, pres d'Orleans, où  
 est bastie l'Abbaye qui porte le nom de S. Mesmin sus Loictet. Sederain bon  
 Moine, viuoit aussi du temps de ce Roy; lequel il guerit d'une grande Fieure;



premier Roy de Chastanleu, du Nord ou de Gascogne, avec reputation de l'as de  
 sainteté. S. Remy en son testament l'appelle Tres-Chrestien: & Venant For-  
 tunat Poëte, prochain de son regne, luy donne le surnom de guerrier, assez iu-  
 stement, puis qu'il deffit en guerre les Allemans, Bourguignons & Vvissigors.  
 Mais quant à moy, je pense qu'il n'y auoit point moins du Renard, voire du  
 Loup, que du Liô en son naturel; veu ses actiôs aussi rusées & cruelles, que har-  
 dies & magnanimes. Toutesfois l'on peut dire de luy qu'il fut cause d'oster  
 de la Gaule l'heresie Arrienne, laquelle avec grande apparence, eust prins ra-  
 cine, & gaigné terre, si les Seigneuries des Bourguignons & Vvissigors y eus-  
 sent plus longuement duré. Avec ce qu'il monstra aux François, le chemin  
 pour suyure la Religion Chrestienne, au profit de la Germanie: laquelle avec  
 l'obeissance que les nations d'outre le Rhin porterent aux Roys de France,  
 quant & quant receut le Christianisme. Ce Roy laissa quatre enfans masles, à  
 sçauoir Thierry, né auant le mariage de Cloté, & d'elle il eut Clodomir, Chil-  
 debert & Clotaire. On luy donna aussi pour filles Tichilde Religieuse, fonda-  
 trice de l'Eglise de Saint Pierre le Vif à Sens, Blanchefleur femme de Thierry  
 Roy des Ostrogots d'Italie. Ervoilà tout ce que j'ay trouué de Clovis, pre-  
 mier Roy François Chrestien.

*Fin du second Liure des Antiquitez  
 Françoises.*





## TROISIÈME LIVRE DES ANTIQUITEZ FRANCOISES.

Thierry, Clodomir, Childebert &  
Clotaire Roys de France.

### CHAPITRE PREMIER.

*Partage des enfans de Clouis esgal. Leurs fins & limites. Paris n'estoit pas le principal siege de France : ne les autres Royaumes sujets des Roys de Paris. Danois escumans la mer de la coste de Terouëne, sont defaits. Baudry, Hermenfroy, & Berthier freres Roys de Turinge, s'entretuent. Bregide vierge prophetisse.*

Ce livre  
comprend  
les 3. 4.  
& 5. li-  
vres de  
Gregoire  
Arche-  
vesque de  
Tours.



LOUIS mort, les enfans partagerent les Royaumes entr'eux, sans aucune distinction des listz. Car iacoit que Thierry fust né d'une concubine, ou premiere femme infidele, tenuë auant le mariage de Clote (qui semble estre la cause pourquoy les Auteurs nouveaux l'appellent bastard) il eut l'Austrasie, c'est à dire le pays qui est entre les riuieres de Meuse & du Rhin, depuis Strasbourg, en descédant iusques à la mer, & les campagnes de Reims & de Chaalons; les Eueschez de Verdun, Toul, & Mets; arrestant son siege à Reims, & non pas à Mets; quelque chose que dise Aymon, qu'il ne faut pas croire par dessus Gregoire de Tours prochain de ce temps. Clodomir eut Orleans, Blesois, Gastinois, Sennois, Troyes, & ce qui tire vers Bourgongne, tenant son siege à Orleans Childebert le Parisy, Chartrain, Perche, Mayne & l'Anjou, tout le long de la frontiere de Bretagne. Clotaire, partie de ce qu'on appelle Vvestrie, & auioird'huy Normandie, la Picardie & Flandres, iusques à l'emboucheure de Meuse, avec le siege de Soissons. Quant aux autres prouinces qui sont delà le Rhin, & encores celles d'outre Loyre; il est fort difficile sçauoir quelle part certaine chacun y auoit. Et peut on seulement dire, que Thierry & Clotaire (les plus esloigne?) en tenoient vne portion : sans que l'aye peu deuiner, pourquoy ces freres n'auoient parti tout l'estat paternel de proche en proche, sinon que le pays d'Aquitaine, estant nouvellement conquis par les François, chalangé & querellé par les Vvissigots, l'on aduifa que chascun y auroit sa part; afin qu'ils fussent contrains de defendre

rendre le tout ensemblement; ainsi qu'aux successions priuées, quand il y a de mauvaises debtes. Ce qui mesmes fut depuis obserué, au partage des enfans de Clotaire; & encores sert pour remarquer la prudēce de nos anciens. Ce partage, qui semble auoir esté fait vn an apres la mort de Clouis (c'est à dire l'an de Iesus Christ cinq cens quinze) ne separoit pas tellement leurs sujets les vns des autres, qu'ils ne s'appellassent François; & que le Roy commandant à chacune des villes susdites, ne portast le tiltre de Roy des François: ainsi que l'on voit par les chartes de ce temps-là. Car les nobles François de chacun Royaume, estoient de mesmes loix; & aucunes fois s'assembloient aux Synodes (nous les appellons Sances) & aux plaids, nommez generaux, non seulement pource que tous les principaux sujets d'un Royaume sy trouuoient, mais aussi pource que ceux des autres semblablement y assistoient, ainsi que nous monstrerons par endroits. Encores faut-il remarquer en ceste diuisiō, que les sieges principaux des Royaumes de ces freres, estoient establis entre la Meuse & Loire, par où (à mō aduis) l'on descouure le pays lors tenu pour la vraye France. Mais les nouueaux Chroniqueurs, voulans plus aisément faire cognoistre les particularitez de chacun, leur ont donné tiltre de Rois de Mets, d'Orleans, de Paris, & Soissons; & conté l'ordre & le nombre des Roys de France, par ceux de Paris: ce que ie suyuray tant que ie pourray; affin d'euitier vne nouueauté, bien souuent cause de confusion. Et toutesfois, i'adiousteray que c'est abus, de croire que Paris fust le passage del'aisné. Car encores que c'eust esté le siege Royal de Clouis, si est-ce que Thierry l'aisné de ses enfans, ne l'eut pas: non plus que Clodomir, aisné des enfans de Clote: & Childebert, fils aisné de Clotaire premier, ne l'eut que par sort; ainsi que nous dirons. La renommée de Clouis, grandement accreüe par tant d'heureuses victoires, donna aussi reputatiō à ses enfans, & les fit rechercher des voisins: mesmes des Vvissigots, le Roy desquels appellé Amalry, enuoya demāder en mariage Clote leur sœur, qui luy fut volontiers accordée, & enuoyée en Espagne, garnie d'ornemens conuenables à si haute Princesse: outre Thoulouze, que Paul Emil dit lors auoir esté quittée aux Vvissigots en faueur de ce mariage, lequel apporta repos à la France, iusques à ce que l'an cinq cens seize, Cochiliac Roy des Dannois (peuple Septentrional, habitant le pays que iadis tindrent les Cimbres) accompagné d'vne grosse flotte de nauires, prist terre en Gaule, suscitē (cōme aucuns disent) par Thierry Roy des Ostrogots, pource qu'il se trouue encore de ses lettres écrites à des peuples habitans sus l'Ocean du Nort. Ce Cochiliac descendu en vn village du Royaume de Thierry, en enleuant les hommes d'iceluy, le ruina. Mais cōme il faisoit charger l'autre butin en ses vaisseaux, pendant qu'il demeure en terre pour attendre que le reste des siens fut embarqué: le Roy d'Austrasie (c'est à dire Sigibert Roy de Reims, ou de Mets) aduertty de ceste course de Pirates, enuoya contre eux Thiebert son fils, beau & sage Prince, lequel d'arriuée tua Cochiliac, & donnant sus le Danois qui estoient en mer, les deffit, & recouura le butin qu'ils emmenoiē. Vtilon, ou Odillon, fils de Theudun Duc de Bauieres, qui en ceste guerre accompagnoit le Roy François, eut le gouuernemēt d'Anuers, pour recompense de la prouesse, & duquel Auētin dit que la maison des Com-

L'an de  
Jesus  
Christ.

15.

16.

S

*L'an de  
lesus  
Christ.* tes Palatins de Rhin, & Ducs de Bavières tirent leur origine. Ces Danois sont les premiers dont il me souviene que les auteurs anciens fassent mention: car ils sont autres, que ceux que les Romains appelloient Daci, & qui tenoient le pais aujourdhuy nommé Transylvanie, ou Valachie. Encores faut-il adiouster que ..... dit que ce Cochiliac estoit issu de Clojon Roy de France. Et si il est ainsi, l'on peut croire, que sur le commencement du regne de ces ieunes Roys François, il venoit essayer à remuer leur mesnage. Au mesme temps, le Royaume de Thoringe estoit en la main de Baderic (c'est Baudry) Hermenfred (c'est Hermenfroy) & Berthaire (ou Berthier) freres. Ce dernier trop assuré sur le deuoir fraternel, fut saccagé par Hermenfroy; à la suscitation d'Amalberge sa femme; fille de la sœur dudit Thierry Ostrogot; laquelle de nature maligne, par plusieurs menées & pratiques entretenoit ces freres en guerre civile. Les Auteurs du temps remarquent, qu'entr'autres actes tesmoins de sa malice, vn iour elle ne fit mettre la nappe que iusques sus la moitié de la table, où son mari deuoit manger: dequoy Hermenfroy esmeruillé, & demandant la cause de telle nouveauté, n'eut autre response, sinon; que c'estoit la raison que celuy qui n'auoit qu'un demy Royaume n'eust aussi que demie table couuerte. Ces ruses, & le plaisir que les Roys prennent d'estre seuls Seigneurs, esmeurēt Hermenfroy contre son frere. Toutesfois, pource que la mort de Berthier auoit appris à Baudry de se garder, Hermenfroy voyant que la finesse luy eust peu profité, & qu'il n'estoit assez puissant de son chef, delibera d'y employer la force: & secrettement enuoya des gens à Thierry Roy de Mets, le prier de le vouloir ayder à guerroyer son frere; lequel tué, il luy promettoit esgalemēt partir entr'eux le Royaume conquis. Thierry desirieux de s'aggrandir, faillit de venir avec vne grosse armée: & ioint à Hermenfroy, apres s'estre entrejuré alliance, ils marcherent contre Baudry, qui perdit la bataille, & la vie tout ensemble. Par ce moyen, Hermenfroy deuenu maistre du Royaume querrellé, quand il n'eut plus que faire de Thierry il le renuoya sans tenir conte de sa promesse: dont puis apres il sourdît entr'eux grande inimitié; Dieu voulant chastier le Roy parricide. La mort de Baudry, est mise par Sigisbert & Nangis qui l'a suyui, sous l'an cinq cens dixhuiet; auquel aussi mourut Brigide vierge Escossoise, fort estimée pour ses propheties, interpretées par aucuns à leur plaisir, & assez legierement particularisées; jaçoit que le liure des predctions tant obscures qui court par les mains ne semble si ancien; & à mon aduis, n'est autre chose qu'un aduertissement aux Chrestiens de faire leur deuoir en tous estats. Aussi l'on pense qu'il ait esté composé sous le nō de Brigide iadis Royne de Suede, qui viuoit l'an mil trois cens soixante & deux. Il n'estoit possible que quatre freres enfans d'un si vaillāt Roy que Clouis, demeurassent longuement en paix, enuironnez de tant de bons capitaines & soldats; qui sur la fouuenance de leurs anciennes victoires, les encourageoient (ainsi qu'il est à penser) à vouloir acquerir semblable reputation que leur pere. Mais la priere de Clote leur mere les eschauffa bien d'auantage; laquelle ne voyant occasion de les employer autre part, de crainte (possible) qu'à l'exemple des Roys de Thuringe ils s'entreussent la guerre (car j'ayme mieux auoir ceste opinion d'une

Royne estimée sainte, que la penser vindicative, comme nous la peint Gre-<sup>L'an de</sup> goire, & encores plus le vieil Chroniqueur, tant de fois par moy allegué) leur <sup>Jesus</sup> disoit (ce raconte ledit vieil Chroniqueur, & apres luy Aymon) qu'elle festi- <sup>Christ.</sup> meroit bien recompensée de la peine endurée à les nourrir, celle voyoit qu'ils prissent à cœur la vengeance de la mort de son pere leur ayeul; meschamment occis par son propre frere; Qu'ils deuoient donner à cognoistre le desir de sen ressentir; puis que cela se pouuoit faire sans tache de leur honneur; estans les Bourguignons hays pour leur mauuaise creance enuers Dieu, & leur cruauté comme familiere en ceste maison à l'endroit de son propre sang. Car ils s'abusoient, de penser que les Roys de Bourgongne (l'un desquels auoit nagueres meurdry son fils) leurs fussent meilleurs coulins, que leur pere auoit esté bon frere à Chilperic pere d'elle, tué pour vn petit Royaume. Mais ils se deuoient d'autant plus tenir sur leurs gardes, qu'ils estoient plus enuiez que leur ayeul: la mort duquel ils ne pouuoient honnestement laisser impunie, quand ce ne seroit que pour monstrier leur grand courage. Ces remonstrances, & (comme ie cuide) la coustume des Septentrionaux, qui plus que tous autres semblent (ainsi commé par loy gardée) auoir poursuyui la vengeance des outrages faits à leurs parens, animerent les ieunes Roys François à ceste guerre, avec ce qu'ils se promettoient d'en auoir bonne issue, à cause de leur grand pouuoir.

## CHAP. II.

*Sigismond & Godemar Roys de Bourgongne, affoiblis par les François. Sigismond, prisonnier de Clodomir Roy d'Orleans, est par luy tué, avec sa femme & ses enfans. Auit Abbé de Saint Mesmin pres Orleans, renommé. Clodomir tué par les Bourguignons. Saint Benoist pere de l'ordre des Moines noirs. Hormisdas Pape de Rome se fait appeller Patriarche, & à l'imitation des Orientaux establit le chœur des Eglises.*



LE ROYAUME de Bourgongne se trouuoit lors sous l'obéissance de deux Rois freres appelez Sigismond & Godemar, enfans de feu Gombaut duquel ie diray quelque chose affin d'esclaircir la conqueste que les François firent de son pays. Vous auez leu, comme ce Roy apres la composition qu'il fit avec Clouis deuant Auignon, recouura son Royaume, ayant fait mourir Godegisille son frere: toutesfois pas vn auteur du temps n'a laissé par escrit si les François les chasserent depuis. Combien que les nouueaux disent, qu'ils retournerent en Bourgongne plus forts que deuant: & la conquirét, apres auoir contraint Gombaut de se sauuer à Thoulouze. Mais Procope ne parle point de ceste fuite, & dit seulement, que les François conuindrét avec les Ostrogots de courre sus aux Bourguignons, & que ceux qui se trouueroiét au pays en

## DES ANTIQ. FRANCOISES LIVRE III.

*L'An de armes,* pourroient auoir part à la conqueste, en payant certaine somme. A  
*lesus* ceste cause, Thierry Roy d'Italie fit semblant de s'armer, & neantmoins man-  
*Christ.* de à ses capitaines de laisser couler le temps & ne s'aduancer, iusques à ce que  
 les François eussent le dessus, d'autât que lors il vouloit qu'ils se hastassent. Mais  
 fils auoient du pire, qu'ils n'eussent à passer outre, car encores aymoit-il mieux  
 la Bourgongne en la possession de l'ancien Roy, que des François ja trop puis-  
 sans à son gré. Cependant, la bataille se donna, & les François apres vn long  
 combat eurent la victoire sur les Bourguignons, qu'ils chasserent iusques aux  
 derniers limites de leur pays, où ils auoient de bonnes places qui garentirēt les  
 vaincus, & arresterent les victorieux. Dequoy les Ostrogots aduertis, incon-  
 tinent s'aduancerent, & se ioignans aux François, s'excuserent sus les mau-  
 uais chemins, qui les auoient empeschez d'estre à temps pour soy trouuer à la  
 bataille. Toutesfois, qu'ils estoient prests de satisfaire au traité entr'eux ac-  
 cordé, suyuant lequel apres auoir baillé l'argent conuenu, ils partagerent les  
 terres conquises en Bourgongne, non sans louer la prudence de l'Ostrogot  
 lequel espargnant le sang des siens, pour vne petite somme, acquit ce qui auoit  
 tant cousté aux François ses ennemis secrets. Je n'oseroy pas asseurer, si dès  
 ceste heure les nostres demeurerēt paisibles de la Bourgogne qui est de la Saone,  
 & des villes de Lyon, & Vienne: car ie ne fay point de doute qu'ils te-  
 noient quelque chose deça, puis que Clodomir est par tous appelé Roy de  
 Bourgongne: ce neantmoins, ie trouue en Gregoire, que Gombaut fit des  
 loix au soulagement de ses sujets de Gaule, & que Thierry l'Ostrogot luy escri-  
 uit auant la deffaire des Vyssigots, & qu'apres sa mort Sigismond son fils por-  
 ta tiltre de Roy. Aussi ie croy bien, qu'au moyen de l'Ostrogot (la fille duquel  
 Sigismond auoit espousée) il peut recouurer partie de son pays, puis qu'il fit  
 baillir le Monastere d'Againe, autrement Saint Maurice de Chablais, en  
 vn lieu anciennement nommé *Ostodorus*, & aujourd'huy Martinach, où l'on  
 dit que la Legion de Thebaide (que l'Empereur Maximian vouloit mener  
 contre les Bagaudes Gaulois) fut mise en pieces par son commandement, pour  
 estre composée de Chrestiens. Ce Sigismond apres la mort de sa premiere  
 femme (de laquelle il auoit vn fils nommé Sigeric) en espousa vne autre de ser-  
 uile condition, ou de bien bas lieu (comme beaucoup de Roys de ce temps  
 la souloient faire) & laquelle suiuant l'ordinaire des Marastres, n'aymoit  
 point le fils de son mari, lequel fasché de ce mariage inegal, Vn iour voyant  
 la nouvelle Royne parée des accoustremens & ioyaux de sa mere, ne se peut  
 garder de luy reprocher, qu'il ne luy appartenoit de couvrir son derriere (ce  
 sont les mots de Gregoire) des habillemens de feüe sa maistresse: dont ceste fem-  
 me courroucée, ne cessa de calomnier ce ieune Prince enuers son pere, & luy  
 mettre sus, qu'il le vouloit faire mourir, pour estendre son Royaume ius-  
 ques en Italie, & le ioindre à celuy de Thierry son ayeul, à quoy il ne pouuoit  
 paruenir qu'en se despechant de son pere. Sigismond prenant ces malicieuses  
 remonstrances pour bons & veritables aduertissemens (coëffé de l'amour de sa  
 femme) enyura son fils, & comme il dormoit apres dîner, le fit estrangler par  
 deux esclauens, avec trop grande cruauté, le chastiant de son babil & incon-

l'idée charité envers sa mere. Mais ce pere credule apres auoir cogneu la fau-  
 repax luy commise, fit porter à saint Maurice le corps de son fils: où priant  
 Dieu, & chantant des Psaumes incessamment, il ne peut effacer le mauuais  
 bruit de ce parricide trop legerement commis. Ce qui d'auantage encouragea  
 les enfans de Clouis à le chasser de son Royaume, auquel ils entrerent l'an cinq  
 cens vingt. Les nouuelles de la venue des François r'apportées au Roy de  
 Bourgongne, comme Prince courageux qu'il estoit, il vint au deuant accom-  
 pagné de Godemar son frere; toutesfois ils perdirent la bataille, de laquelle  
 Godemar se sauua, & Sigismond cuidant gagner les pas des Alpes, voisins de  
 S. Maurice, fut pris avec sa femme & ses enfans par Clodomir; qui les enuoya  
 garder au pays d'Orleans. Mais les Rois victorieux ne furent pas si tost retour-  
 nez en France, que Godemar rassemblant ses forces reconquit le Royaume  
 de Bourgongne. Et d'autre costé, Clodomir tout prest d'aller contre luy, resolu  
 de tuer son prisonnier. Pour lors estoit Abbé de Misi (c'est vne place à deux  
 lieues d'Orleans, sur la riuere de Loyret, où est bastie l'Abbaye de Saint Mes-  
 min) vn bon & saint homme appelé Aue, lequel aduerty de ceste resolution,  
 vint trouuer Clodomir, pour le destourner d'un si cruel conseil, & le prier  
 mettre Dieu de son costé: car s'il faisoit mourir Sigismond & ses enfans, sem-  
 blable mort luy aduendroir, & à sa femme, & à ses enfans aussi. Le Roy Fran-  
 çois qui n'otint conte de la remonstrance Prophetique du bon Abbé, luy dit,  
 que ce seroit trop grande folie de laisser ses ennemis en sa maison, pour estre  
 enucloppé d'eux: Et pensant combattre celuy qu'il auroit en teste, se trouua  
 assailly par derriere de cestuy-ci. A cestecause il valloit mieux les separer, puis  
 que par la mort de l'un, l'autre plus aisément pouuoit estre descom-  
 mande. Il commande couper la teste au Roy de Bourgongne prisonnier, à sa femme, &  
 leurs enfans innocés, & jeter les corps dans le puits d'un village nommé Co-  
 lône, ou Calonie voisin d'Orléans, que ie n'ay peu encores remarquer, si ce n'est  
 que soit le S. Simon ou plus tost Simond, voisin de Chastendun. Duquel ayân  
 depuis esté tirez, ils furent enuoyez au Monastere d'Againe, où l'on dit que plu-  
 sieurs miracles estans aduenus, à cause de la reuerence portée à celuy de Sigis-  
 mond (que l'on tient pour saint) l'Abbaye en a esté fort renommée. Ainsi dôn  
 Clodomir qui se promettoit la conqueste de Bourgogne toute certaine, man-  
 de à Thierry son frere, de se tenir prest pour l'aider à véger l'iniure faite au pe-  
 re de la Royne Clote, femme bien-aymée du Roy Clouis. Le Roy de Mets qui  
 auoit espousé la fille de Sigeric, & desiroit aussi vanger la mort de son beau-pe-  
 re, facilement s'y accorda, & joignant ses forces avec celles de ses freres en vn  
 lieu nommé Viceronce pres Vienne, ils presenterent la bataille à Godemar, qui  
 nonobstant sa grâde armée ne peut resister à celle de Clodomir, outre les Fran-  
 çois composée d'Auvergnats, Limosins, Berruyers, Poictuins & Touran-  
 geaux, ainsi que dit du Boucher aussi fut le Bourguignon mis en route. Lors  
 Clodomir ieune, & encoir plus gaillard & courageux (pour la victoire qui luy  
 sembloit échapper de ses mains; laissant sauuer le Roy ennemi) picque apres  
 avec peu de gens, quand les Bourguignons (qui apperçurent sa petite com-  
 pagnie) pour mieux le decouper, faisoient semblant d'estre tiens, l'enuirônerent

*Ann. de* & le tuèrent d'un coup de trait, ainsi que vaillamment il se défendoit Agathie  
*Iesus* dita que le Roy Clodomir reconnut sa grande cheueleure, pendante derrière à  
*Christ.* la façon des Rois François, les Bourguignons luy couperent la teste, laquelle  
 mise au bout d'une lance, fut montrée aux siens, qui se retirèrent après la mort  
 de leur chef, & quel que temps apres donnerent occasion à Godemar de recou-  
 rir son pays, par le support des Ostrogots, ainsi que Cassiodore fait soupçon-  
 ner par une de ses epistres. Si est-ce que Gregoire de Tours recite, que les Fran-  
 çois s'assemblerent leur armée, donnerent une autre bataille, mirent de rechef  
 les Bourguignons en fuite, & conquirerent la Bourgogne entièrement, apres  
 avoir tué Godemar, si vous croyez Adon, & que se pense n'estre si tost advenu,  
 ainsi que i'oy diray; Clodomir donc tué de telle façon, & la conquête de Bour-  
 gogne n'ayât pas esté plus heureuse pour luy, que raisonnablement entreprise,  
 Clotaire son frere (les iours de deuil passez) espousa sa veuve appellée Gon-  
 theuce: & Clotaire veuve du Roy Clotaire, prit les trois enfans du Roy d'Orleans  
 nommez Tedobald, Gunthaire, & Cloud, pour les nourrir pres de luy, non sans  
 regret d'avoir (pour une vengeance incertaine) esté cause de la mort de son fils  
 aîné. Ceste mort du Roy d'Orleans est mise par le Chroniqueur Sigisbert,  
 sous l'an cinq cens vingt & six, contre l'opinion d'autres, qui semblent avoir  
 bonne raison, de dire que Sigismond n'eut cause de faire mourir Sigeric son  
 fils du vivant de Thierry Roy d'Italie son ayeul maternel, & qu'il n'estaisé de  
 croire, que l'Ostrogot eust laissé destruire les Bourguignons, sans davan-  
 tage se remuer. A ceste cause les plus diligents Chroniqueurs, croient que la  
 guerre faite par les François à Sigismond, & sa mort, soient advenues les  
 années cinq cens vingt-sept, vingt-huit, ou vingt-neuf. Quant à moy je  
 penserois bien, que la cause par laquelle Thierry acquit une partie de la  
 Bourgogne pour de l'argent, aduint durant ceste dernière querelle, & qu'il  
 ne voulut se déclarer pour Sigismond, en despit qu'il avoit tué le fils de sa  
 fille; n'aussi voir les Bourguignons totalement vaincus, crainte de la gran-  
 deur des François, de sorte qu'il faut que ceste guerre soit advenue avant la  
 mort de l'Ostrogot. Plusieurs Saints personnages vivoient en ce temps là,  
 & entre autres Benoist, auteur de la règle des Moines Latins, qui se  
 vestent de noir: car ce n'a pas esté luy qui premier aprins ceste couleur, pour-  
 ce qu'elle estoit commune à tous ceux de Levant, & de Grece, dont il semble  
 que la Moynerie soit sortie, mais apportée en France par saint Martin: de  
 l'origine, & de la maniere de vivre desquels je parleray ailleurs. Ce  
 bon & saint homme se retira au Montcassin, qui est voisin de la campagne  
 de Rome; là où nourrissant plusieurs autres en la doctrine & en la règle, il s'ele-  
 va une pépiniere pour peupler tout l'Occident de gens de son ordre, lequel  
 ayant bien longuement servi d'exemple de pieté, & de saine retraite à ceux  
 qui estoient paisibles ou sçavans, & qui ne pouvoient philosopher durant les  
 guerres (que tant de nations barbares suscitoyent de jour à autre, courans &  
 renversans les Royaumes) se trouvant depuis enrichis par la liberalité des  
 Princes & autres devotieux personnages, qui à l'ensuy de courtoisie à ce port, lors  
 comert de tous manières de biens, est pour la plus part changé. De maniere que



Le bien d'iceux destiné pour l'entretien de nos hommes sains & vertueux, & pour les faibles & infirmes (pour la plus part) de nos compaignons d'iceux. Dieu, vireux, & noble, & bon, & esleu. L'an par nous & Hormiste Pape, qui le premier se laissa nommer Patriarche de Rome par l'Empereur Justin; combien (ce dit Hystore) que les predecesseurs se contentassent du nom d'Archevesque. L'on dit qu'il ordonna le chœur des Eglises, à fin que parrie des Cleres respondist à l'autre en chantant les Psaltes: combien que la messe se faisoit en l'Eglise de Lyon, & de Sion, en vne epistre du 5. livre. Jean premier du nom luy succeda, qui estoit natif de Tolose, & il ne faut oublier en ces Antiquitez ou Annales la succession des Papes, pour le grand poids que portent en nous & rapporteront en la cognoissance des affaires du monde, & de nostre religion.

*Qui fut Thierry Roy des Ostrogots d'Italie. Il fut mort par Baet & Symmachus, & les autres Romains & Jean Pape. La mort est âgé de ce Roy. Antioche & de la ville d'Asie, & de la mort par un grand & tremblement de terre.*

**L**E douzième jour de Septembre de l'an 526. mourut Thierry Roy des Ostrogots d'Italie, étant seul Consul Aniole Philbrez. Ce Prince vertueux & sage, meritoit bien qu'on face mention de luy, puis que la mort fut cause de remuer un grand meslage en l'Europe. Il estoit fils de Theodemir Roy des Ostrogots (que cy deuant nous auons dit auoir luy pi Attile) non pas légitimé, ains d'une concubine nommée Edeline. Aagé de 8. ans, il fut donné en Ostage à l'Empereur Zenon, & mené en Constantinople, où il demeura quelques années, & iusques à ce que Theodemir son pere mourût, l'institua heritier de son Royaume. Duquel ayant iouy vn temps, l'Empereur Zenon l'enuoya prier de le venir visiter, & apres l'auoir honnorablement receu, il le fit Consul & Patrice. Or il y auoit en tiré dix ans, qu'Odoacre Roy des Herules s'estoit fait seigneur d'Italie; ayant chassé (comme j'ay dit) Augustule, & tué Oreste son pere, à qui Odoacre auoit serui d'Escuyer, ou garde de corps. Il desplaisoit assez à Zenon, que l'Italie fut venue à tel mespris, que de son tēps, elle seruit à parager des rebelles estrangers. A ceste cause, cognoissant Thierry pour vn ieune homme de bon esprit, il luy cōseilla d'y mener son peuple, afin de chasser le Tyran. Ce que Thierry vult volontiers, ayment mieux s'auenturer, puis que là où il demouroit, longuement il ne pouuoit s'arrestor, sans auoir differens avec l'Empereur: les forces duquel s'ingeroient par trop grandes, pour en esperer le dessus. Il fit donc trouuer bagage auxiens, & par terre s'achemina vers l'Italie tout le long de la coste de la mer d'Esclauonie, menant sur des chariots femmes & enfans. De là, il entra en Italie, & apres auoir plusieurs fois mis les gens d'Odoacre en rebelle, il l'assiegea dans Ravenne, où il s'estoit retiré. En fin apres que le siege eust duré trois ans, Odoacre ayant composé avec Thierry, luy fut bon comme s'il eust conuaincu

DES ANTOQ FRANCOISES LIVRE III

*San. de* contre le Roy Ostrogot, qui par ce moyen demeura foudren la possession d'Ita-  
*Iesus* lie, où il se rendit amis les naturels du pays, à cause de ses bonnes qualitez. Car  
*Christ.* il estoit doté de toutes les vertus convenantes à un Roy. Sur tout, il aimoit la  
 iustice, pour l'observation de laquelle bien rigoureusement il faisoit garder les  
 loix : & deffendant ce qu'il tenoit, des courtes des ennemis, comme aussi les  
 suiers de toute oppression, il se contenta de faire part aux Gots, des terres que  
 Odace avoit données à ceux de sa faction. De sorte qu'enor qu'il eust le nom  
 de tyran (comme estranger) il estoit tel, que mal-aisément l'on eust peu trou-  
 ver vn meilleur Prince que luy. Aussi portoit-il esgale affection aux Italiens &  
 Gots, ce qui rendit sa Seigneurie d'autant plus agreable. Chose bien difficile  
 à vn conquerant, veu qu'il ne pouvoit changer l'ancien estat, sans offenser ceux  
 qui tiroient des commoditez des Princes chassez. Toutesfois sa prudence fut  
 telle, qu'il sceut bien gagner le cœur non seulement de ses suiers, mais encor  
 de plusieurs Princes ses voisins, sur lesquels il avoit l'œil non moins que sur  
 les pays qui luy appartenoient, s'alliant de tous costez pour demourer maistre  
 de ceste belle piece, qu'il craignoit luy estre ravie par les Empereurs : lesquels  
 apres le recouvrement de l'Italie (leur principal heritage) aisément eussent  
 destruits les Roys nagueres agrandis par la ruine de l'Empire Romain. La  
 cause de la mort de ce Roy fut telle. Symmache & Boëce estoient deux Sena-  
 teurs Romains, de tres-noble & ancienne maison, & outre cela sçavans &  
 aumosniers, ce qui les faisoit d'autant plus estimer. Thierry qui avoit esté  
 nourry en l'opinion Arrienne (comme tous les Ostrogots) marry quel l'Em-  
 pereur Iustin successeur d'Anastase (foudroyé, du mort de l'espouventement  
 d'un tonnerre merueilleux, advenu l'an cinq cens dix,) en ce temps-là eust  
 chassé d'Orient les Euesques Arriens, & deffendu l'exercice de leur religion,  
 menaça les Papes de Rome ses voisins de faire le mesme, à ceux qui estoient  
 de son obeissance, & de les mal traiter, s'ils ne faisoient s'appeler les Pre-  
 lats de sa religion. Et cependant, ayant pour suspecte la faueur que le peu-  
 ple portoit à ces deux Seigneurs (pour lors Consuls) au sortir de leur Magi-  
 strat, les confina en Pauc. De quoy le Pape Jean courroucé, & redoutant  
 la fureur de ce Roy, alla en Constantinople, prier l'Empereur n'irriter l'Ostro-  
 got, qui menaçoit de mettre le feu par route l'Italie, si l'on outrageoit les siens.  
 Disant le Pape, qu'il failloit avoir esgard au grand nombre de Catholiques vi-  
 uans à sa merci. L'Empereur Iustin luy fit bonne responce, & voulut estre  
 couronné par ses mains, autres disent par Jean Euesque de Constantinople, &  
 est le plus certain. Jean retourné pour rendre conte de son ambassade, mit  
 Thierry en plus grand soupçon, quand il entendit l'honneur que luy avoit  
 fait l'Empereur. De sorte que ce Roy tout à coup changeant sa naturelle  
 courtoisie, & debonnaireté, fit mourir de faim le Pape, avec ceux qui le suy-  
 voient, & couper la teste à Symmache, & Boëce, comme s'ils eussent delibéré  
 de remuer l'Italie contre luy. Mais cent jours apres (autres disent vn an)  
 Thierry assis à table, & servi de la teste d'un fort gros poisson, en la contem-  
 plant avec trop de vehemence d'esprit, pensa voir celle de Simmache, qui  
 estoit bien haut les dents de la machoire dedessous, le menaçant & regardant  
 d'un

d'un œil furieux ce luy sembloit. Lors tout tremblant il se leue, & comme il eut conté à Elpide son Medecin, la cause de sa frayeur, elle luy engendra telle fièvre, qu'il en mourut à Rauenne le deuxiesme Septembre, & le lxxii. de son aage, ayant deshonoré sa vie, passée avec tant de louanges, par ce seul acte d'injustice. Qui est tout ce que ie puis reciter de la mort de ce Roy des Ostrogots, suivant Procope & Iornand. Thierry donc decedé le 37. an de son Royaume en Italie, laissa au cœur de ses sujets vn merueilleux regret, tant pour la memoire de ses vertus, que pour n'auoir point d'hoir male, ains seulement vn fils d'Amalasiunte sa fille (jadis espouse d'Eutharic) aagé de 8. ans, & nommé Atalaric, qui luy succeda sous la charge & tutelle de sa mere, bien sage Princesse: & laquelle s'appointa avec Amaulry Roy des Vvissigots, partageant de telle sorte les terres que son pere tenoit deça les monts, que les Ostrogots eurent celles de delà le Rhosne vers l'Italie, & les Vvissigots ce qui est deça, tirant aux môts Pyrenées. Cependant, Felix quatriesme du nom auoit esté fait Pape au lieu de Iean, le 25. Iuillet. Ce fut luy, que l'on dit auoir institué l'extreme Onction, fondé sur ce qui est escrit au 5. Chap. de l'Epistre saint Jacques. Mais la façon des Apostres estoit bien autre que celle que nous prattiquons, & volontiers se faisoit par tout le corps, ou principalement sur le lieu douloureux. Au mesme an la ville d'Antioche fondit par vn croulle, ou tremblement de terre, lequel avec plusieurs autres habitans de ceste ville, accabla Eufraze Euesque: encor que ce mal'heur eust esté predict par Zosime moyne, lors fort estimé (aussi bien que Iean Cazite) pour leur sainte vie & don de prophetic.

L'an de  
Iesus  
Christ

### CHAP. IIII.

*Thierry Roy de Mets, conquiert Turinge. Ne garde la promesse faite à Clotaire son frere: qui donna occasion à l'inimitié desdits Roys. Thierry tue Hermenfroy Roy de Turinge. Ragonde fille d'Hermenfroy femme de Clotaire.*



POUR reprendre l'ordre des affaires de France, Thierry Roy de Mets ne pouuant d'auantage endurer la mocquerie de Hermenfroy Roy de Turinge, enuoya prier Clotaire son frere de l'aider en la guerre qu'il entendoit faire à ce pariure. Et pour l'attirer, luy offrit la moitié du butin qu'ils gangneroiēt. Remontrant aussi d'autre costé aux François (dit l'ancien Croniqueur & apres luy Aimon) la cruauté de ce peuple, qui du temps de Clo-  
uis, auoit si vilainement traité les ostages baillez pour la seureté de l'alliance  
faite avec eux. Il leur demandoit encores (pour d'auantage les animer) s'ils ne  
vouloient pas venger la mort de leurs parens & amis, pendus à des arbres par  
les Turingiens, qui aussi y auoient attaché des enfans par le nerf de la jambe, &  
plus de deux cens filles au col des cheuaux, pour les demembrer en courant.  
Que non contents de si grande cruauté, ils auoient fait passer des chariots char-

T

*L'an de  
Jesus  
Christ.* gez sur d'autres, arrestez avec des pieux au trauers des chemins, affin de miserablement les faire mourir accrauantez: laissant manger leurs charongnes aux chiens & oyseaux. Il adioustoit, que la promesse à luy faite par Hermenfroy, & de laquelle il ne tenoit conte, monstroït bien qu'il estoit homme duquel en autres choses l'on ne deuoit aucunement se fier. Ainsi les François esmeus de telles paroles assemblent leur armée, & Thierry suiuy de Thiebert son fils, vaillant ieune homme, avec le secours de Clotaire Roy de Soissons, s'achemina vers Thuringe. Dequoy Hermenfroy aduertey, & se deffiant de pouuoir resister à si grand' force que celle qui venoit contre luy, au lieu où il pensoit que la bataille se donneroit, fit des fosses couuertes de gazons pour celer sa ruse. De fait aucuns François qui tumberent dedans, enseignerent aux autres, comme il sen failloit garder. Et neantmoins cela n'empelcha que les Thuringiens ne fussent tuez de tous costez. Quoy voyant Hermenfroy, il prit la fuite vers la riuiera Onstrid, où il y eut si grand carnage des siens, que son li& & bassin estans remplis de corps morts, ils seruirent de pont à sauuer partie des vaincus; & aux victorieux à les poursuiure de l'autre part. L'histoire des Landtgraues de Thuringe, dit; que la bataille se donna en Thuringe: en vn lieu appellé Ronnebourg, & qu'elle dura trois jours, avec le meurdre de plusieurs de costé & d'autre. Mais qu'en fin Hermenfroy s'enfuit en la ville de Schidingen, assise sus la riuiera Vnstrud. Tout incontinent le pays fut conquis par les Rois François, & la femme d'Hermenfroy avec ses enfans se sauua pres Theodal son frere (ie croy cousin germain) Roy des Ostrogots, ainsi que dit Procope. Clotaire à son retour amena Ragonde, fille du feu Roy Berthier frere d'Hermenfroy: sans le sceu de Thierry son frere, & l'espousa: ayant depuis par des meurdriers iniquement fait tuer le frere de ceste Ragonde, durât que les François estoïent encores en Thuringe. Le Roy d'Austrasie (possible marry que Clotaire eust retiré ceste fille) faignant auoir quelque chose de secret à luy dire, l'enuoya prier venir en son logis: & cepédant, au lieu où ils deuoïent parler, fait tendre vne tapisserie qui touchoit d'vne paroy à l'autre, pour derriere cacher des hômes armez affin de le tuer. Mais la tenture estant si courte qu'on leur voyoit les pieds, le Roy de Soissons aduertey de l'embusche, entra bien accompagné dans la maison, sans faire semblant de rien sçauoir. Thierry donc ainsi descouuert, entretient son frere de diuers propos, & pour aucunement l'appaiser & oster le soupçon de trahison, luy fit present d'vn grâd plat ou bassin d'argent, que Clotaire emporta en son logis; avec opinion que son frere ne luy vouloit point de bien. Ce qui engendra les dissensions, lesquelles si longuement trauaillerent leurs sujets, que c'est merueille comme la Monarchie Françoisë (qui ne côménçoit qu'à prendre racine) peut florir & s'aggrandir ainsi que depuis on la veit. Toutesfois Thierry courroucé d'auoir esté descouuert, & encores sans raison perdu son bassin, admonnesta Thiebert son fils d'aller vers son oncle, & par quelque moyen rascher à retirer ce qu'il n'auoit donné de bon courage. Le ieune Prince bien aisément l'obtint de Clotaire, & Thierry recouura sa perte: estant assez rusé en telles subtilitez, ainsi qu'il monstra au mesme Hermenfroy; lequel semond de le venir voir sur lafoy, il festoya, luy don-

nant de beaux & riches presens : mais côme ils se promenoient sur les murs de la ville de Zulg (ceste ville monstre l'assiette d'une partie du Royaume de Thuringe) deuisans de plusieurs propos, quelqu'un poussa du haut à bas le Roy Hermefroy, qui mourut sus la place; sans que l'auteur du coup peust estre lors descouvert à la verité: ce neantmoins Thierry en est diffamé par Adon: & il y a grande apparence, que ce fut de son commandement, puis qu'il fit estrangler tous les enfans du Roy mort, & saisit son Royaume. Ce neantmoins la mesme histoire de Thuringe dit; qu'Hermenfroy fut tué par ses mauuais conseillers, qui luy auoient persuadé de faire la guerre: & que les Thuringiens s'estans rendus au Roy d'Austrasie, il donna le pais d'entre Vnstrud & les monts Hartz, aux Sefnes (ce sont Saxons) qui l'auoient accompagné: mais les nostres pensent que ce fut aux François, afin de l'habiter comme deuant: car ils estoient autrefois sortis de ce quartier, ainsi que dit Aymon: & ie le pense auoir monstré au premier & deuxiesme liure de ces Antiquitez: avec ce qu'il y a grande apparence, que ceste Thuringe n'estoit pas ce pais qui aujourd'huy porte le nom; ains vne portion de la Gaule Belgique, proche de Cologne & de Liege: puis que Gregoire de Tours dit; que les premiers François passerent deça le Rhin pour venir en Toringe. De maniere que le Chroniqueur Thuringien Saxon, se peut estre abusé en cest endroit. Ou il faut dire, que la Thuringe de Hermenfroy estoit plus grande que celle d'aujourd'huy: possible tenant quelque terre de Hess. Iacoit que Procope nous assure que les Thuringiens dont il parle, auoient esté logez en Gaule par le commandement d'Auguste. Ce que ne trouuât point en pas un autre, ie penserois volôtiers, qu'il entend parler des Sicabrians transportez en Gaule par cest Empereur, ainsi qu'auôs dit. La conqueste de Thuringe semble estre aduenüe l'an 527. plustost que 23. (côme l'a mise Sigisbert) ne que 20. ainsi qu'à dit le Chroniqueur Thuringien; pour ce que Procope escrit nommément, que ce fut apres la mort de Thierry Roy d'Italie: lequel aussi (côme il est croyable) n'eust voulu souffrir qu'Hermenfroy mary de sa niepce fust chassé de son Royaume. Estant outre l'obligatiô de parenté, assez ententif pour empescher que ses voisins ne s'aggrandissent à son dommage: ainsi qu'on peut cognoistre par ses lettres escrites à Clouis, touchant la guerre d'Alaric; esquelles l'on voit des raisons equitables meslées parmy des menaces. Durant que Thierry & Clotaire Roys de France estoient empeschez en la guerre de Thuringe, un bruit courut au pais d'Auuergne que le Roy d'Austrasie auoit esté occis. A ceste cause Archade un des Senateurs ou Seigneurs du pais (ie vous ay dit que les nobles Gaulois portoient ce nom, retenu par eux pour marque de leur race Romaine) auertit le Roy Childebert venir incôtinét prendre la possessiô du pais. A quoy le Roy Parisié volôtiers entédit, & arriua en la Limagne (c'est vne vallée du pais tant fertile, qu'elle n'a sa pareille en France) durât un brouilllas & réps si conuert, qu'à grand peinel'on pouuoit veoir la longueur de deux arpens. Ce qui luy donna moyen d'approcher de Clermont, & au Sénateur de coupper les serrures d'une des portes de la ville. Quand sur ces entrefaites, Childebert reçoit nouuelles que le Roy Thierry sain & sauf, estoit retourné victorieux en son pais. Ce qui fut cause de faire abandonner au Roy, l'entreprin-

*L'An de* se d'Auuergne, pour laquelle encores mieux dissimuler, il semble (par ce que  
*Iesuu* dit Gregoire) que souz couleur de vanger Clote sa sœur (outragée par son ma-  
*Christ.* ry) ce Roy fit le voyage d'Espagne, duquel nous parlerons tantost. La malice  
 d'aucuns, entretenoit en querelle ces deux Roys François: qui bien tost se fus-  
 sent guerroyez, si les amis communs ne les eussent appointez, & fait entrebail-  
 ler pour ostages, les enfans des plus nobles de leurs Royaumes, depuis faits  
 serfs du public; quand ces Roys recommencerent leur querelle. De sorte que  
 ceux qui les auoient en garde, les tindrent dès lors pour leurs esclaves.

## CHAP. V.

*Childebert Roy de Paris, & Clotaire Roy de Soissons son frere, conquerirent  
 Bourgongne, & chassent Godemar. Origine & auancement desdits Bour-  
 guignons. Thierry Roy de Mets, pille l'Auuergne. Childebert pour venger  
 sa sœur mal traittee du Roy des Visigots, leur fait la guerre: & de sa  
 main tue Amaulry leur Roy. Rapporte de grandes richesses. Mort de  
 Iustin Empereur. Auquel succeda Iustinian compilateur des loix Romaines.  
 L'Abbé Denys Auteur du Cicle pascal. Quelle datte prenoient les  
 Romains, Grecs, Iuifs, Gaulois & Espagnols en leurs chartes.*



R. Childebert & Clotaire, qui n'auoient où employer  
 leurs forces, souz ombre de ne vouloir laisser impunie la  
 mort de Clodomir leur frere, s'aduiferent d'aller en Bour-  
 gongne, & firent semondre Thierry Roy de Mets de ve-  
 nir quant & eux, ce qu'il refusa: d'autant qu'il auoit espou-  
 sé la fille de Sigismond, ainsi qu'Aimon dit nommément.  
 Ce qui esbranlera ce que j'ay dit cy dessus, de son mariage  
 avec la fille de Sigeric: ou il faut croire qu'il eust espousé deux filles de Bour-  
 gongne. Toutesfois pource que les François de son Royaume (c'est à dire No-  
 bles) le menaçoient d'abandonner s'il ne suinoit ses freres, il leur promit de les  
 mener en vn païs, où ils n'auoient faute d'or, d'argent, d'esclaves, bestail, & ri-  
 che butin, les remplissant d'esperance, affin qu'ils les accompagnassent: mais  
 en intention d'aller en Auuergne, chastier le peuple qu'il pensoit ne luy estre  
 fidele. Ayans donc ces freres, leur armée assemblée, ils vindrent planter leur  
 camp deuant la ville d'Augstun, qui fut prinse avec la Roïne de Bourgongne,  
 que Clotaire emmena: Godemar chassé de toute la Bourgongne s'enfuit pre-  
 mierement en Espagne, & pour plus grande seureté en Afrique: dont il ne re-  
 vint oncques puis, n'autre de sa race, qui chalangeast son Royaume. Ce neant-  
 moins, Adon escrit que Godemar fut tué par les François, courroucez de la  
 mort de Clodomir. Quant à la Bourgongne, elle fut partagée entre les deux  
 freres conquerans, sans auoir esgard aux enfans de Clodomir, jaçoit qu'il sem-  
 ble que Thierry en eust aussi sa part, du costé qui touchoit son Royaume. Ainsi  
 finit la maison de Gondioch, fondateur du Royaume que les Bourguignons

tindrent en Gaule: l'origine & venue desquels sommairement nous raconterons. Ceste nation (comme plusieurs autres peuples) est sortie du Nort. Et Plinie nomme les Bourguignons entre celles de Germanie, comme Agathie les fait Scythes & voisins des Alains. Toutesfois, les armes des Bourguignons n'ont esté cognuës avant Dece & Volusian Empereurs, viuans l'an de nostre Seigneur Iesus Christ deux cens cinquante. Il est bien certain par l'histoire d'Ammian Marcellin, qu'ils estoient grands de son temps, & que lors ils auoient des Roys nommez Hendins, qu'ils deposoient s'ils estoient mal-heureux en guerre, ou si la terre deuenoit sterile durant leur gouuernement. Combien que leur grand sacrificateur & Pontife (appellé Sinist) tint son estat à vie. L'an de Iesus Christ trois cens septante, l'Empereur Valentinian fit vn traité avec les Bourguignons, ja logez au pais qu'aujourd'huy le Comte Palatin tient delà le Rhin: & lesquels dès lors s'estimoient & se disoient estre issus des Romains: possible pour estre enfans des soldats, des garnisons que les Empereurs tenoient en la Germanie d'outre le Rhin. Car il n'y a pas grand'apparence, que les Bourguignons du Nort (& nommez par Plinie) fussent parens des Romains. L'an quatre cens six ils passerent en Gaule avec les Vandales, Alains, & autres peuples esmeus par Stilicon, & s'arrestèrent en la Franche Comté. L'an quatre cens treize, ils aduancerent leurs limites vers la Saone, & le Rhosne, iusques à ce qu'environ l'an quatre cens trente quatre, ils eussent esté deffaits en bataille avec Gondioch leur Roy, par Ætie Parrice; qui neantmoins s'en aida depuis pour resister aux Francs. De sorte, que les Bourguignons entrerent au pais des Sequanois, qui prit le nom de Bourgongne, environ l'an de Iesus Christ quatre cens cinquante & deux. Et là, ceux du sang de Gondioch (dont nous auons cy dessus parlé) regnerent l'espace de cent vingt & deux ans, à commencer depuis leur passage, iusques au temps que ce dernier Roy fust chassé. Quant au nom de Bourgongne, la plus commune opinion est qu'il vient du mot de Bourg. D'autant que ce peuple estant encor en Germanie, plus volontiers habitoit en des chasteaux & fortteresses, lors appelez Bourgs (du mot Grec pyrgos, corrompu) & non pas de la riuere d'Ongne, laquelle passe à Dijon. Je repren le fil des années, & dy; que l'an de nostre Seigneur Iesus Christ cinq cens vingt & sept mourut Iustin Empereur (jadis berger) auquel succeda Iustinian fils de sa sœur. Et pour reuenir au propos que i'auoy laissé; Thierry Roy de Mers, desirieux de se vanger des Auuergnats, qui auoient appellé Childebert son frere, & tenir promesse aux siens, par luy degoustez de la guerre de Bourgongne, vint en Auvergne, accompagné de gendarmes, qui pillerent toute la contrée; & Archade fils d'Appollinaire (ie ne sçay si petit fils de Sidoine) laschement s'enfuit à Bourges, ville des appartenances de Childebert: laissant prisonnieres Placidine sa mere, & Alchine sa tante (qui furent confinées à Cahors) & leurs biens confisquez. Mais le Roy d'Austrasie venu iusques aux faux-bourgs de Clermont, apres que ses gens eurent pillé les chasteaux voisins, retourna en son pais: laissant l'Auvergne sous le gouuernement d'un sien parent nommé Signal. L'an cinq cens trente mourut Felix Pape troisieme de ce nom, auquel succeda Boniface, par les Grecs nommé Agathon,

527.

30.

L'an de  
Iesus  
Christ.

qui ne vesquit qu'un an cinq jours. Cependant Amaulry Roy des Vvissigots voyant les affaires des François aller de mieux en mieux, auoit (côme i'ay dit) demandé en mariage Clote fille de Clouis, jaçoit qu'il tint l'opinion Arriènes: nos François, pour difference de Religion, ne refusans l'alliance de leurs voisins, qui pouoient apporter de la commodité à leurs affaires, ainsi que verrez cy apres. Ceste Dame viuant Catholiquement fut mal traitée par son mary: dequoy les Rois Childebart & Clotaire aduertis, eurent opinion que les Vvissigots les estimeroyent lasches, s'ils ne monstroient d'en auoir desplaisir. Et pource ils assemblerent leur armée affin de la vanger; ayans pour plus grand tesmoignage des outrages receu vn linge taché du sang de leur sœur. Childebart qui desiroit couvrir l'entreprise d'Auuergne par luy faite durant l'absence de Thierry en Thuringe, se trouuant le plus prest, l'aduança en Septimanie. De sorte qu'Amaulry surpris, & voulant se sauuer en Espagne, comme il estoit visuellement poursuivy, fut contraint de se jeter en des vailieux. Mais la crainte de perdre son thresor, & les pierres precieuses qu'il auoit laissées, l'ayant fait retourner pour les emporter, les François le presserent de si pres, qu'il ne peult gaigner la porte d'une de ses villes, ayant esté occis sur le champ d'un coup de lance, que Childebart luy donna ainsi qu'il essayoit d'entrer dans une Eglise de Chrestiens. Et les François poursuuians leur victoire, pillerent le pais, & chasserent les Gots de Thoulouze, & des enuirs. Puis retournerent en France avec de grands thresors, emmenans Clote, laquelle mourut par les chemins, & son corps porté à Paris fut enterré pres celuy de son pere. Le principal butin de ce Roy, consistoit en soixante precieux calices, quinze plattines d'excellent ourage, vingt couuertes d'Euangiles, d'or, chargé de pierreries, qu'il ne voulut deffaire, ains le distribua aux Eglises. Ceste victoire (si vous croyez Garibañ Espagnol, curieux Auteur) ne fut si entiere, que les François ne sentissent quelque perte. Car en repassant les monts Pyrenées, Theodiselle Capitaine Got saisi des destroits, contraignit nos gens de racheter leur passage pour l'espace de vingt & quatre heures, lequel temps finy, ceux qui demourerent derriere furent taillez en pieces. Mais ie croy qu'il s'abuse, & entend parler du voyage de l'an cinq cens quarante deux, puis qu'il n'estoit besoin aux François (qui reuenoient de Narbonne) de repasser les monts de Basque, & qu'apres la mort du Roy Amaulry, les Vvissigots perdirent une partie du pais par eux tenu deça les monts, & repris depuis la mort de Clouis, ou quitté, faisant le mariage de Clote. De sorte que plusieurs Gots habitans du Languedoc, furent contraints se retirer en Espagne, vers le Roy Theude, l'an cinq cens trente, & non pas l'année cottée en marge par Sigisbert, lequel ie n'ay voulu si tost suivre que Procope, lors viuant: & qui semble auoir montré le chemin aux Chroniqueurs d'Espagne, pour mettre la mort d'Amaulry audit an. Toutesfois ie ne puis esclairsir au vray d'où les Vvissigots furent chassés, ne ce qui leur demeura vers les Pyrenées, ou Languedoc, fors que vous trouuerez dans Gregoire, qu'ils perdirent Agde. Ce qui me fait croire qu'ils n'abandonerent les villes maritimes, & principalement Narbonne: puis que l'Euesque assista aux Conciles tenus en Espagne depuis ces voyages. Aimon conte



le fait vn peu autrement, & dit: que Childebert arriué en-Espagne, Amaulry fit semblant de luy presenter la bataille par mer & par terre. Et que le Roy François plus fort que luy de Cheualerie, ayant mis en route les Vvissigots, empescha aussi leur retraitte vers la mer, où le Roy Got fut tué, comme il se vouloit sauuer. Et les François poursuiuans la victoire, prindrent Toledé sans aucune resistance des habitans: estonnez de la perte de la bataille. Puis, apres auoir tiré de grands thresors de ceste ville, & entre autres choses precieuses, des vaisseaux qu'on disoit auoir autres fois seruy au temple de Salomon, il retient en France accompagné de sa sœur, laquelle mourut en chemin. Que si cela est vray, il y auoit apparence en ce que dit Garibay: pource que l'armée venant de Toledé, son plus court estoit de repasser par les monts de Biscaye. L'an v.e. xxxii. en Ianuier, fut esleu Pape Iean II. de ce nom, & le mesme an, Denys Abbé sçauant en Astrologie, fit sa preuue & demonstration du calcul des Cercles, ou tours Pasquaux; monstrant que ceste année estoit l'an v.c. xxxii. depuis la Natiuité de nostre Seigneur Iesus Christ. Ce qui donna occasion à l'Eglise Romaine & autres d'Italie, de retenir & prendre cest arrest de conte, là où au precedent la plus part des Eglises contoient les temps depuis Diocletian, par les Consulats, Indictions, ou les ans des Empereurs. Comme les Gaulois depuis la mort de S. Martin, les Espagnols par l'Ere de Cesar (c'est à dire temps de la Monarchie d'Auguste, qui commença 38. ans auant la Natiuité de nostre Seigneur) les Grecs depuis la creation du monde, ou fondation de Constantinople; les Arabes par l'Alighiere, ou peregrination & exil de Mahomet.

532.

## CHAP. VI.

*Munderic soy disant Roy de France, est assiégué à Vitry par Thierry, & tué. Childebert & Clotaire font mourir leurs nepueux, enfans de Clodomir, fors Cloud estimé Sainct.*



N V I R O N ce temps, vn certain Munderic parent des Roys François (aucun ne dit comment) s'esleua; & sur ce qu'il disoit que le Royaume luy appartenoit aussi bien qu'aux enfans de Clouis, il assembla beaucoup de gens tous villageois: & prenant le nom de Roy, se fit honorer par ce peuple, qui luy jura serment de fidelité, comme à son droit & naturel Seigneur. Le Roy de Mets pour le surprendre, luy fit offrir partie du Royaume, s'il venoit le trouuer: mais Munderic, qui cognut la ruse, s'en mocqua; disant, qu'il estoit Roy aussi bien que luy, & n'auoit besoin de partager ce qui estoit sien. Aussi Thierry voyant ne le pouuoit abuser, assembla son armée, & pource que le nouveau Roy trop foible pour tenir la campagne, festoit enfermé dans Vitry (ie croy en Parthois) bien garny de viures & de soldats, il vint l'y assiéger. Toutesfoiscraignant de demeurer trop long temps au siege, à cause de la forteresse du chasteau & contenance des

# DES ANTIQ. FRANCOISES LIVRE III.

*L'en de* assiegez, sept jours apres son arriuée, il s'aduifa d'enuoyer vn Seigneur nommé  
*Iesus* Aregisille, vers Munderic, l'asseur, que sur sa foy il vinst parler à luy. Ce gen-  
*Christ.* til l'homme receu à Vitry, remonstre à Munderic, que longuement il ne pou-  
 » uoit durer contre la puissance de Thierry, & quand bien il ne deust estre si tost  
 » forcé, que neantmoins cy apres il luy conuiendroit faire avec desaduantage, ce  
 » que presentement il luy conseilloit. Partant qu'il vinst parler au Roy pour luy  
 » rendre obeysance, l'asseurant par serment (qu'il fit en mettant les mains sus  
 » l'Autel) que luy, ses enfans, & amis n'auroient aucun mal : & que les conuen-  
 » tions qu'il demanderoit luy seroient gardees. Là dessus, Munderic sortit du  
 chasteau, tenant la main d'Aregisille; lequel pour signal dit au peuple, qui les  
 » attendoit dehors: Que regardez-vous tant? ne vistes-vous iamais Munderic?  
 » A ces paroles les soldats coururent sus au faux Roy: lequel se tournant vers  
 » Aregisille s'escria: Meschant, ie cognoy bien que c'est le mort que tu leur as  
 » donné pour me tuer, mais iamais homme ne te verra en vie. Et ce disant, il luy  
 fourre sa lance dans le dos: puis l'espée au poing se jeta dans la foule, tuant  
 ceux qu'il peut frapper, tant que l'esprit luy demeura au corps: ses biens furent  
 confisquez apres la mort. I'ay dit comme la Roïne Clote tenoit pres de foy  
 les enfans de Clodomir son fils jadis bien aymé. Ceste Dame logeoit à Paris,  
 où elle faisoit si cherement nourrir ses petis fils, que Childebert leur oncle es-  
 meu d'enuie, ou de crainte que par la faueur de leur ayeule, ils ne s'entraffent  
 au Royaume paternel (duquel il tenoit ja partie) aduertit Clotaire son frere  
 que leur mere vouloit faire declarer Rois leurs nepueux. Qu'il vinst donc à  
 Paris, aduifer ensemblement s'ils deuoient leur couper les cheueux (pour estre  
 tenus & reputez comme le reste du peuple) ou bien les faire mourir, & en-  
 tr'eux partir esgalement le Royaume de leur frere: que plus longuement ils  
 ne pouuoient retenir. Clotaire prompt à faire des meschancetez, se resolut  
 bien tost. Et affin de courir leur assemblée, fait courir le bruit qu'elle se fai-  
 soit pour declarer Rois ces enfans: enuoyans à ceste fin prier Clote de vouloir  
 laisser venir leurs nepueux qu'ils desiroient esleuer au Royaume paternel. La  
 Roïne tres-joyeuse de ces nouuelles, & ne se doutant aucunement de pis, apres  
 auoir fait manger ses petis fils les enuoya, loüant Dieu de ce qu'elle pouuoit  
 les voir Rois, & disant que la mort de Clodomir tué par les Bourguignons luy  
 estoit recompensée par l'aduancement de ceux-cy. Mais les enfans ne furent  
 pas si tost venus, qu'on les separa de leur train, & de leurs gouuerneurs, depuis  
 mis en seure garde. Ce fait, Childebert & Clotaire donnerent charge à Archade  
 cy dessus nommé, & que Bouchet appelle Comte d'Auuergne, d'aller vers  
 la Roïne leur ayeule, avec des forpes & vne espée desgainee, luy dire: que les  
 Rois enuoyent sçauoir ce qu'elle vouloit estre fait de ses petis fils, luy mon-  
 strant des forpes pour les tondre & laisser viure, ou l'espée pour les tuer. La  
 Roïne effrayée d'ouïr vn tant inopiné mandement, oultrée de colere respon-  
 dit: qu'elle les ayroit autant morts que tondus. Lors Archade sans considerer  
 ce qu'elle auoit dit par surprise, ne luy donner temps pour soy repentir &  
 changer d'aduis, tout aussi tost rapporte aux Rois, que du consentement mes-  
 mes de leur mere, ils pouuoient executer leur volonté. Incontinent Clotaire  
 prenant

prenât par le bras Thedoal le plus aagé (qui au dire d'aucuns n'auoit quedix ans) <sup>L'an de</sup>  
 le ietta contre terre, & luy fourre son espée sous l'aissaille, dõt il mourut sus le <sup>lesse</sup>  
 cháp, Gûrthaire le secõd, au cri de sõ frere se vint ietter aux pieds de Childebert, <sup>Christ.</sup>  
 & embrassant ses genoux, crioit, Mõ pere, sauuez-moi, que ie ne soy' tué ainssi  
 que mõ frere. Dont ce Roy esmen les larmes aux yeux, pria Clotaire luy don-  
 ner la vie de cet enfant, & qu'il luy demandast ce qu'il voudroit pour recõpen-  
 se. Mais Clotaire tout furieux respondit; Tu es cause & auteur de ce fait, &  
 maintenant tu retires ta parole: oste-le de deuant toy, ou ie te feray mourir en  
 sa place. Ce qui fut cause que Childebert repoussa l'enfant, aagé seulement de  
 sept ans: & lequel empoigné par le cruel oncle, fut semblablement atterré, &  
 percé de son espée par le costé, & leurs gouuerneurs & seruiteurs occis. Apres  
 cela Clotaire monta à Cheual, sans autre soucy de ce que l'on diroit d'un si vi-  
 lain acte: & Childebert fit le semblable, se retirant en quelque lieu voisin de  
 Paris. Cloud troisieme desdits enfans, desrobé par des hommes de guerre,  
 qui se doutoient de la malice de ses oncles (faisant de necessité vertu) préfera la  
 vie paisible & sans crainte à vn Royaume si plein de danger: & renonçant au  
 monde, se coupa luy mesme ses cheueux, fut prestre en l'Eglise de Paris; où il  
 vesquit tant reueré pour ses bonnes mœurs, qu'après sa mort vn fort plaisant  
 bourg (lors appellé Nogent) assis à deux lieuës de ceste ville, a pris le nom de  
 Sainct Cloud, à cause que ce bon Prince y fut enterré, & où l'on tient qu'il  
 s'est faiçt plusieurs miracles à sa tumbé, laquelle s'y voit encores avec vn Épi-  
 taphe escript en grosses & anciennes lettres. Le Greffier du Tillet dit, qu'il  
 donna à l'Eglise de Paris les terres à luy octroyées pour son entretenement.  
 Et de fait, ledit bourg de sainct Cloud appartient à l'Euesque de Paris, & l'on  
 voit qu'autrefois il a esté bien-aymé. Car outre la bõté de l'air & des eaux (que  
 l'on tient guerir des escrouelles) huiçt ou dix colonnes de marbre meslé, dont  
 l'Eglise est ornée; par ce reste, tesmoignent la magnificence du lieu. Clote ad-  
 uertie du meurdre de ses petits enfans, fit enleuer les corps, qu'elle suyuit ins-  
 ques à l'Eglise de sainct Pierre & sainct Paul, maintenât saincte Geneuiefue;  
 où ils furent enterrez pres leur pere & ayeul: avec grands pleurs de ceste Roy-  
 ne; l'opiniastreté de laquelle rendit veritable la prediçtion de l'Abbé Auit,  
 quand il menassa Clodomir, de pareille mort qu'il faisoit souffrir à Si-  
 gismond & ses enfans innocens. Ce cruel acte est mis par Sigisbert l'an cinq <sup>531.</sup>  
 cens trente & vn. Ce qu'estant vray, il faut qu'à son conte mesme, les enfans  
 de Clodomir fussent aagez de plus de dix ans, veu que leur pere auoit esté occis  
 neuf ans auparauant. Mais d'autres disent, que ses enfans furent tuez l'an cinq  
 cens trente trois. Auquel temps Thierry Roy de Mets, fiança Thiebert son <sup>533.</sup>  
 fils à Vissigarde fille de Vachan Roy des Lombards encores Payen. Et l'an cinq <sup>534.</sup>  
 cens trente quatre, Iean Pape mourut, & eut pour successeur Agapit: lequel  
 estant allé en Constantinople, y mourut aussi le vingt & vnième May, de l'an <sup>535.</sup>  
 cinq cens trentecinq. L'on dit que ce fut luy qui ordonna la Procession que  
 les Dimanches l'on fait à l'entour de nos Eglises. Thedoal Roy des Ostrogots,  
 aduerti de la mort dudit Pape, mit Syluerie en sa place, sans attendre la volon-  
 té du peuple. Ce Syluerie estoit fils legitime de Hormisdas iadis Pape, & tint

*L'an de la chaire iusques à ce que Belissaire l'en demit, vn an dix mois septiours apres;*  
*Iesus* pour y asseoir Vigille, que lon dit auoir fait mourir Siluerie en prison, de crain-  
*Christ.* te qu'il rentrast en sa place. Et ceste demission, est vne marque de la puissance  
 que les Empereurs & Roys auoient sur les Papes. La 9. Kalende de Iuillet, le  
 deuxiesme Concile d'Orleans fut tenu, le 22. an du Royaume de Childebert,  
 qui reuiet audit an : & par le commandement dudit Roy, auquel sous-signer-  
 rent 31. Euesques. Là fut ordonné que tous les ans les Metropolitains appeller-  
 oient leurs Prouinciaux. Qu'ils ne prendroient dons pour les Ordres des  
 Clercs. Que les Euesques seroient eleus par les Euesques Prouinciaux, Clercs  
 & le peuple. Que les mariages contractez ne se pourroient rompre par l'im-  
 puissance suruenue. Chrestien ou Chrestienne ne pourroient espouser Iuif, ou  
 Iuifue. Deffence de manger chose offerte aux Idoles, ou tuée par vne beste ou  
 suffoquée. Que les Abbez seroient suiuis des Euesques, & autres ordonnances  
 qu'on y pourra voir. Tellement que par la on cognoist qu'il y auoit enco-  
 res des Idolatres parmy nos François.

## CHAP. VII.

*Les enfans de Thierry, & Clotaire Roys de France chassent les Visigots de  
 partie de Languedoc. Thiebert fils dudit Thierry, amene de ce pays Deute-  
 rie, qu'il espousa : mais les François le contraignirent de la chasser. Maur  
 & Fauste disciples de saint Benoit, apportent sa reigle en France. Amala-  
 siunte fille de Thierry Roy d'Italie, tuée par la conuenance de son mary.*



**L**es Gots auoient (comme j'ay dit) pris plusieurs places en  
 Gaule apres la mort de Clouis, lesquelles ils pretendoient estre  
 de leur ancien-domaine, & dôt Childebert auoit recôquis vne  
 partie en son voyage contre Amaulry. Ce qui donna occasion  
 aux Rois Thierry & Clotaire, d'enuoyer thiebert & Gonthier  
 leurs fils aînez prédre le reste. Mais Gonthier venu iusques  
 à Rhodéz, retourna arriere, pour vne cause que Gregoire n'a sceu ou voulu di-  
 re, & thiebert qui passa outre iusques à Besiers, prit & saccagea le chasteau de  
 Deas, c'est. . . . Puis faisant marcher son armée contre vn autre nommé Ca-  
 prarie (qui peut estre Cabrieres, en l'Euesché de Lodeue, ou Cabestan) me-  
 nassa de mettre le pays à feu & à sang, si les habitans ne se rendoient. Il y auoit  
 dedans ce chasteau vne Dame tres-sage & aduisée, nommée Deuterie; le mari  
 de laquelle s'estoit retiré à Besiers. Ceste femme enuoya des gens vers thie-  
 bert (que Gregoire appelle Roy, comme aussi l'on faisoit les enfans des Rois,  
 & Roynes leurs filles) luy dire que le Chasteau estoit à son commandement  
 puis quand il approcha, elle sortit au deuan de luy, & le gaigna tellement par  
 sa beauté, que tout courage ennemi despouillé (car ce n'est pas de ceste heure  
 que Mars aisément s'accointe de Venus) il la retint pour son amie. Au

mesme temps le Roy Thierry ayant fait tuer Sigual son parent, par luy declaré Comte d'Auuergne, mande secrettement à Thiebert d'en faire autant à Gual son fils, qui estoit en l'armée avec luy. Thiebert affectionné à ce ieune gentil-homme, luy monstra les lettres du Roy son pere, & l'aduertit de fuir, comme il fit; s'estant premierement sauué en Arles, ville tenue par les Ostrogots. Mais pource que Thiebert en auoit des ostages, il passa en Italie. Cependant nouuelles vindrunt que le Roy Thierry estoit fort malade. A ceste cause Thiebert laissant en Auuergne Deuterie & sa fille, partit en diligence pour venir trouuer son pere, qui mourut bien tost apres, l'an cinq cens trente six le vingt & troisieme an de son regne. Auquel aussi Maur & Fausle, disciples de Sainct Benoit vindrent en France, pour y planter l'ordre de leur maistre. Childebert & Clotaire ne furent pas si tost aduertis de la mort de leur frere; qu'incoutinent ils se ietterent sur l'Austrasie, en intention d'en chasser Thiebert leur neveu : si le ieune Roy, bien sage, ne les eust appeiez avec grands presens, & ne se fust trouué aussi promptement deffendu par ses vassaux & hommes liges (car i'interprete ainsi le mot de Leudes, duquel vse Gregoire) qui le confirmerent au Royaume paternel. Ce fait il espousa Deuterie, plus contente d'estre Roine, que femme d'un gentil-homme : encor qu'elle eust vne fille de son premier mary. Or Childebert frustré de son esperance, enuoye des Ambassadeurs en Austrasie, prier le Roy son neveu de s'entreuoir, apres luy auoir remonstré que n'ayant point d'enfans, il estoit delibéré de le traiter comme son fils. Thiebert vint, & bien recueilli & caressé par son oncle, receut encores de luy en don, trois paires d'accoustremens Royaux, & tout autant d'armes, de cheuaux & de chaines, avec autres choses de grande valeur; estimées si riches, que Gregoire dit que chacun s'en esmerueilloit; & que neantmoins le ieune Roy en donna le tiers à Guald, reuenue d'Italie aussi tost qu'il entendit la mort du Roy Thierry. Iacoit que Thiebert se portast bien en toutes ses autres actions, ses suiets ne pouuoient endurer l'outrage qu'il faisoit à Vvissigarde sa fiancée. Ioint la mauuaise reputation que Deuterie sa femme, acquist par la mort de sa fille : laquelle ja grande, de crainte que le Roy en deuinist amoureux, pour son excellente beauté, sa mere fit monter en un chariot trainé par des bœufs mal domptez (tel attelage n'estoit pas deshonnestes entre les Septentrionaux) qui la precipiterent du pont de Verdun en la riuiere passant par ceste ville. Et combien qu'il y eust ia sept ans que Thiebert par le commandement de son pere eust fiancé Vvissigarde, si ne la vouloit-il prendre à femme, vaincu de l'amour qu'il portoit à Deuterie. Toutesfois pource que les François s'en courrouçoient, laissant Deuterie (de laquelle ja il auoit un fils nommé Thedoal, c'est Thiebaut) il espousa Vvissigarde, qui tost apres mourut. Et neantmoins il ne retourna plus à Deuterie. I'ay esté longuement sans parler des affaires d'Italie, que toutesfois il ne conuient oublier pour la liaison qu'en ce temps elles eurent avec celles de France; & que necessairement il faut parler des voisins, qui veut sçauoir la plus part du gouuernement du pays auquel

L'an de on demeure. Je vous ay cy deuant dit, qu'apres la mort de Thierry Roy d'Italie, Amalasiunte sa fille demeura garde d'Atalaric son fils, déclaré Roy des Ostrogots. Ceste Dame qui estoit tres-sage, & desiroit voir le pays d'Italie, en la beauté que iadis il auoit eu sous les Romains, & les lettres & disciplines y florir derechef, faisoit nourrir son fils par gens de scauoir. Mais les Seigneurs Ostrogots guerriers, & craignans le voisinage des Empereurs (marris de les voir si puissans en Italie) disans que les lettres amolissent le cœur de ceux qui s'y addonnent, & que la grandeur du Roy Thierry son ayeul, estoit venue des armes, luy osterent le gouuernement de son fils, lequel nourri parmi d'autres enfans de son aage, & s'addonnant au vin & à la paillardise, mourut huiet ans apres. Amalasiunte pendant la tutelle de son fils (comme il n'est possible qu'un Seigneur qui ayme la iustice plaise à tous) offensa plusieurs Seigneurs Ostrogots, & entr'autres vn nommé Thedoal, gouuerneur de Toscane, fils d'Amalafrede sœur de feu Thierry. Et la mesme Roynie continuant en sa deliberation de mettre l'Italie en repos, practiquoit avec Iustinian de luy rendre ce que les Ostrogots en vsurpoient: cōme d'autre costé faisoit Thedoal de ce qu'il tenoit, non pas en pareille intention, ains pour se venger d'Amalasiunte. toutesfois quand Atalaric fut mort, pour appaiser Thedoal, la Roynie le prit à mary, apres l'auoir fait iurer qu'il la souffriroit gouuerner le Royaume, & oublieroit les choses passées entr'eux. Et neantmoins cet homme ingrat, & mauuais praticien de la doctrine qu'il se vantoit tenir de Platon (les liures duquel il faisoit semblant d'aymer & de lire) ayant confiné Amalasiunte en vne Isle du lac de Bolsene, permit encores qu'elle fut tuée par les Seigneurs; les parens desquels elle auoit fait mourir. Cependant l'Empereur Iustinian assleuré de la couardise de Thedoal, le huietiesme an de son Empire (qui aduint l'an cinq cens trente cinq) depecha vn grand capitaine nommé Belissaire, lequel sous couleur d'aller en Afrique, descēdit en Sicile qu'il osta aux Ostrogots, & de là trauersant en Italie, prit Naples sur eux mesmes, par subtilité: durant que Munde vn autre capitaine Imperial, leur faisoit la guerre du costé d'Esclaunonie. Thedoal (couard de nature) craignant la guerre qu'il se voyoit choir sur les bras, auoit traité avec Iustinian qu'il luy quitteroit la Sicile, & tous les ans luy enuoyeroit vne couronne d'or, du poids de trois cens liures Romaines (les deux font trois marcs de nostre poids) avec d'autres articles plus au long recitez par Procope; quand aduerti de la mort de ce Munde, & de son fils, & comme les Ostrogots ayans desfait les Romains auoient prins la ville de Salone en Dalmace, sa crainte cessant quant & quant, il oublia les conuentions arrestées. D'autre costé, les Ostrogots irritez par la prise de Naples, & marris d'auoir vn si lasche Roy, mirent en sa place Vitiges, non pas si noble, mais plus habile homme; lequel enuoya tuer Thedoal sauué à Rauenne: & faisant toutesfois garder son fils nommé rheudesclin, pour la reuerence qu'il portoit à la maison du Roy Thierry.

## CHAP. VIII.

*Vitiges Roy des Ostrogots, ayant appelé les François en Italie leur quitte la Prouence. Ancon, & Francisque, armes des François. Testmoinage d'Agathie touchant les François viuans de son temps. Belissaire Capitaine de Iustinian se plaint de la venue des François en Italie. Iuetot, Franc Aleud, & non pas Royaume.*



A DESSVS, Vitiges remonstrant aux Ostrogots les affaires & necessitez de son Royaume, & comme ils estoient pressez des François, qui leur faisoient tant forte guerre, remena ses gens à Rauenne, & donna ordre de passeur du costé que plus il redoutoit. Car il sçauoit, que Iustinian au commencement de son Empire auoit escrit aux François; que tât sen falloit que les Ostrogots, occupateurs de l'Italie (à luy appartenant) voulussent la

luy rendre, qu'ils continuoient d'outrager les sujets de l'Empire Romain. Et pource, la raison vouloit, qu'eux (Catholiques comme luy) courussent sus aux Arriens (ennemis communs) se couurant de ceste alliance spirituelle, pour satisfaire à sa conuoiuise, ou recouurer la perte de ses predecesseurs. Ces lettres estans accompagnées de beaux dons, & de plus grandes promesses auoient attiré de ceste part nos Princes; qui accorderent de faire la guerre aux Ostrogots. A quoy Thedoal voulant remedier, resolut de quitter aux François les places: par luy tenuës en Gaule, & leur bailler vingt mille escus, ce qu'il ne peut executer, preueni de mort. Lors Vitiges pressé par Belissaire, qui auoit pris Rome, ne sçachant comme retirer Martian Capitaine des garnisons Gothes logées deça les monts, affin de se descharger de partie de ses affaires, & ramasser ses forces en vn, conclud avec les principaux Seigneurs Gots (de suyure l'ancienne resolution de Thedoal; enuoyant à ceste fin des gens deuers les Roys Childebert & Thiebert, renoncer à leur profit à toutes lesdites terres, & payer l'argent promis. Cela se fit l'an 537. & lors furent les villes parties entre les Roys de France, selon qu'elles se trouuerent proches & commodés à leurs Royaumes. Toutesfois pource que les nostres nagueres auoient promis des gens à l'Empereur, ils dirent aux Ambassadeurs Ostrogots, qu'ils n'enuoyeroient point à leur secours des François naturels, ains de leurs autres sujets. Et voila le moyen que Vitiges pratiqua pour retirer les siens, laissant la Gaule aux François, l'an v. c. xxxviii. Gregoire de Tours, semble donner autre raison de ce quittement de villes, & argent baillé par les Ostrogots: disant, que nos Roys martis de ce que Thedoal auoit tué sa femme leur parente (car aucuns ont dit qu'Amalasunte fut niepce de Clouis) le menacerent de luy faire la guerre, fil ne leur amendoit ceste faute. Lequel pour euitier leur inimitié, enuoya en France cinquante mille solz d'or (il n'y en auoit lors que soixante &

## DES ANTIQ. FRANCOISES LIVRE III.

*L'an de douze en la liure Romaine, c'est à dire quarante huit à nostre marc, qui est le  
 1250  
 Christ.* poids de nostre premier vieil escu du temps de Philippe Auguste & de l'Angelot Anglois) qui furēt partis entre Childebert & Thiebert, sans appeller Clotaire, lequel s'en recompēsa bien, sur les thresors de feu Clodomir, dont il prit plus grande portion qu'il n'eust peu auoir de cest argent venu d'Italie. Cependant, Belissaire conquist Milan. Mais Vitiges renforcé de dix mille Bourguignons enuoyez par Thiebert ( qui faisoit courre le bruit, que c'estoit contre son vouloir & cōgé) assiegea ceste ville, laquelle fut prinse par vn long siege & famine extreme; puis rasée avec la mort de trois cens mil hōmes si vous croyez Procope lors domestique de Belissaire; qui aussi dit, qu'une partie des femmes prisonnières fut liurée aux Bourguignons François en recompense de leur secours. D'auantage, Thiebert voyant que les affaires des Ostrogots n'amendoiet point au principal, s'aduisa que durant leur foiblesse, il se pouuoit faire maistre d'une partie d'Italie. Et pour ceste cause assembla vne si grosse armée, qu'elle montoit iusques à cēt mille hommes, la plus part gens de pied, & quelque peu à Cheual, tous lanciers. Quant au reste, ils n'auoient arcs ne jaelots ou dards; ains seulement l'espée, le bouclier & la hache, le fer delaquelle estoit puissant & fort aigu, attaché à vne hante courte, que d'arriuee les François iettoient contre leurs ennemis, de telle roideur qu'elles demeueroient attachées à leurs escus. Car lors en mettant le pied sur la hante de ces haches trainans en terre, ils fendoiet les boucliers; & leurs ennemis cōtraints de tenir basse, la main qui les soustenoit, par ce moyen venoit à se descourrir aux coups. Ceste façon d'arme s'appelloit Ancon, & Fracisque; pource que c'estoit vne inuētion des François, & tenoit beaucoup de la hache d'armes, sinon qu'elle auoit la hante plus longue, & plus courte que celle de la halebarde. Je croy biē que les becs de faucon que les Gentilshommes de la maison du Roy portēt deuant luy en approcheroient, si vn costé du fer estoit tranchant, & ils ne fussent tant lourds & pesans. Et auiourd'huy en Auvergne, Bourbonnois, & Forest, vne coignée s'appelle Achon. Les Alpes passées, les François entrerēt au pays de Ligurie, qui est celuy de la riuiera de Genes; sans faire mal aux habitans, esmerueillez comme maintenant ils venoient au secours des Ostrogots, pour lesquels au parauāt ils ne festoient esmeus, encores que d'eux ils eussent receu de belles terres & de l'argent. Les Ostrogots se trouuoient lors en Romagne, bien empeschez contre les Imperiaux; lesquels aduertis de la venuē des François en furent tresioyeux. Car Thiebert se portant modestement, iusques à ce qu'il eust passé la riuiera de Pau, & se fut saisi de quelques forteresses, quand il en tint vne, ceux de sa suite immolerēt les femmes & enfans des Ostrogots, si vous croyez Procope, qui dit, qu'encores que les François adorassent Iesus Cstrist, qu'ils retenoient beaucoup de choses du Paganisme, sacrifiens des hōmes, & croyans aux deuins. Chose fort contraire à ce que luy mesme a laissé par escrit de leur pieté; & Gregoire de Tours (nay durant ceste guerre, ou enuiron) n'eust oublié vne si grāde cruauté. Qui me fait croire, que Procope parle de ce fait comme par ouy dire, puis qu'il certifie auoir esté en Gaule. Où il faut confesser, qu'en ceste armée il y auoit des François encores Payés, tirez de Frise, & Turinge (de la cruau-



ré desquels nous auons cy dessus parlé) & qui estoient de l'obeissance de Thie-  
bert. Tant y a, qu'Agathie porte des François le tesmoignage qui l'en suit. Les <sup>L'an de</sup>  
François sont Chrestiens, & sur tous autres de la meilleure creance. Ils ont par <sup>lesu</sup>  
leurs villes des Euesques & Prestres, gardans les mesmes festes que nous. Et <sup>Christ</sup>  
combien qu'ils soient barbares, si semblent-ils au reste de tres-bonnes mœurs, &  
& merueilleusement courtois & ciuils: n'ayans rien qu'ils rende differens de  
nous, fors leurs habillemēs estranges, & le son de leur voix & parole. Je les esti-  
me bien fort, rāt pour la vertu, & la iustice qu'ils font aux estrangers, que pour  
leur vnion; & l'amitié qu'ils s'entreportent. Il faut donc dire que ces actes bar-  
bares, se faisoient par les sujets de Thierry habitans delà le Rhin, & du costé de  
Frise, qui ne se rangerent pas si tost au Christianisme, ainsi que nous dirons cy  
apres. Quand ceux du plat pays d'Italie virent les François se porter leurs en-  
nemis, ils prindrent la fuite, ou se retirerent dedans les villes; & Thiebert pas-  
sant la riuiera de Pau, s'approcha du cāp des Ostrogots, lesquels volōtiers le re-  
ceurent, à cause de la petite troupe qui le suyuoit, cuydans que ce fust pour d'a-  
uantage s'entraffeurer. Toutesfois les François peu à peu reforcezt leur contru-  
rent sus, & tellement les endommagerēt avec le ject de leurs haches, qu'ils fu-  
rent contrains abandonner leur camp, & fuir vers Rauenne, tout au trauers  
de l'armée des Romains: lesquels pēsans que Belissaire fust venu à leur secours,  
& donnaist la chasse à ces suyards, sortirent pour se ioindre à luy: mais trouuāt  
en teste les François avec contenance d'ennemis, voyant qu'ils ne pouuoient  
retourner d'oū ils estoient partis, ils se sauuerent en Toscane: apres auoir ad-  
uerti Belissaire de leur aduenture. Ainsi donc, les François ayans d'vne mēme  
frayeur mis en route les Ostrogots, & Romains, entrans dans leurs camps  
vuides, pour leur grande multitude consommèrent bien tost les viures par eux  
trouuez. Et d'autāt qu'au pays voisin mis à feu & à sang, on ne recouroit au-  
tre chose à manger & boire, que des bœufs & de l'eau du Pau; les soldats rem-  
plis de chair par faute de pain, & ne beuans que de l'eau, ne pouuoient dige-  
rer leur viande, ce qui tout aussi tost les fit tomber en maladies & dysenteries,  
dont il mourut pres de la tierce partie de l'armée, & pour tel affoiblissement,  
contrainte leur fut de demourer là, sans passer outre. Belissaire d'autre costé, ne  
pouuant empescher l'effroy des siens escriuit à Thiebert: que c'estoit grand  
des-honneur à vn homme de bien, de mentir & rompre sa foy; mais encores  
plus à vn Roy comandant à tant de gens: car mesme les plus viles pēsonnes  
auoient honte d'aller au contraire de leurs promesses & accords, voire cou-  
chez par escrit: Qu'il ne pouuoit ignorer combien ils auoient mespris en cest  
endroit: ayant promis de faire la guerre aux Ostrogots avec les Romains: Quo-  
tant s'en salut qu'il se tint coy, sans porter secours à l'vn & l'autre, que main-  
tenant il estoit venu pour les assaillir sous deux ensemble: Qu'il cessast donc de  
les poursuivre, & d'irriter vn si grand Empereur, qui à son tour luy pourroit  
nuire en plus grandes entreprises: estant chose certain, qu'il vaut mieuz con-  
seruer ce qui est sien, que pensant acquerre l'autrui, le tout hazarder. Thie-  
bert, ceste lettre veüe fut long temps à se resoudre, non tant pour satisfaire à  
son deuoir, que pensant au danger, où il se mettoit, si apres vne si grande perte

*L'an de de ses* hommes, il demouroit en vn pays gasté. En fin (comme pour con-  
*lesus* tenter l'Empereur & les Gots) la conclusion prise de s'en retourner vistement,  
*Christ.* il trouble bagage, & s'achemine en Frâce; chargé de butin, & laissant les Ostro-  
 gots & Romains en plus grand trouble que iamais. Ce voyage de Thiebert  
 est mis par Procope en la cinquième année de la guerre, que Iustinian fit aux  
 339. Ostrogots laquelle se rencontre sous l'an de Iesus Christ cinq cens trête neuf,  
 que lon dit estre le commencement du Royaume d'Yuetor, maintenant prin-  
 cipauté assise en Normandie, à cinq ou six lieues de Dieppe, & pour telle occa-  
 sion, le Roy Clotaire courroucé contre Gaultier de Calez Sieur d'Yuetor, son  
 Chambellan (fauslement accusé de trahison par ses ennemis) le contraignit  
 de s'absenter, & d'aller faire la guerre contre les Payens ou Arriens (car si nos  
 François alloient en ce temps là faire la guerre pour le nom de Iesus Christ,  
 i'ayme mieux ainsi dire, que croire que ce fust cōtre les Sarrasins qui n'estoient  
 pas encores declarez ennemis des Chrestiens, sinon en Asie) où il se porta si bié  
 qu'il obtint lettres du Pape Agapet, par lesquelles il le renommandoit à Clo-  
 taire, & le prioit de vouloir le recevoir en sa bōne grace. Gaultier assuré pour  
 telle recommandation, retourne en France; & le iour du Vendredy prochain  
 de Pasques qu'on appelle Aoré (c'est Adoré, pource qu'on y adore la Croix) il  
 s'achemine à Soissons, & se presente au Roy, qui ne le cognoissoit plus, au  
 moyen de sa lōgue absence. Toutesfois Clotaire assuré par ces lettres Papales  
 que c'estoit Gauthier, & n'ayant oublié la haine qu'il luy portoit, tout furieux,  
 & sans auoir esgard où il estoit, ne à la reuerance du iour, print vn baston de  
 quelcun de ses gardes, duquel il tua Gauthier suppliant dās l'Eglise mesme. De  
 quoy ce Pape aduertiy admonesta le Roy d'en faire satisfactiō, qui fut telle: Que  
 la terre d'Yuetor, & ses appartenances, demeurerent à iamais exēptes de l'hō-  
 mage des Roys de France: & à ceste fin lettres enfurēt octroyées aux heritiers  
 du deffunct, en datte de l'an cinq cens trente sept, qui deuoit estre le commen-  
 cement de ce Royaume, plustost que l'an cinq cens trente neuf, ainsi que tous  
 communément le corrent. Mais veu la mauuaise vie de ce Roy, & qu'en ce tēps  
 l'on n'auoit accoustumé de datter les lettres que par les ans du regne des Roys,  
 ne la noblesse faire des voyages contre les Sarrasins; ne les François recevoir  
 correction Ecclesiastique que de leurs Euesques: Je ne puis imaginer comme  
 ce Royteler a osé prendre si haut tiltre, ce qui me fait croire, que la terre d'Y-  
 uetor, estant (possible) vn franc Aleud (car elle ne contient que 17. paroisses,  
 & par ce moyen les Seigneurs d'icelle ne deuans hōmage à personne, à la lon-  
 gue ont vsurpé ce braue nō; que les heritiers nouveaux ont bien plus sagement  
 changé, soy contētans de celui de Prince, à eux octroyé depuis peu de temps,  
 sans plus vsurper vn si orgueilleux tiltre, sujet à mocquerie pour le petit terri-  
 toire qu'il possède. Ceste année fut tenu le troisième Concile d'Orléas par xxr.  
 Euesques, auquel entre autres choses fut deffendu aux Ecclesiastiques de soy  
 marier, & que les Messes commenceroient d'estre dites à trois heures de iour,  
 afin que les Clercs peussent tous assister à Vespres. Car vous deuez sçauoir  
 que lors le seruice du matin estoit appelé Messes d'un empluriel: comme  
 celui du soir, Vespres: & le Sacrifice ou l'Oblation du Corps de nostre Sei-  
 gneur

gneur Iesus Christ, seulement offert pour le peuple, les Dimanches ou festes. Mais il semble que les Moines eussent ja tous les iours des Messes pour eux. L'An de  
lesus  
Christ.

## CHAP. IX.

*Childebert & Thierry freres, prests de combattre Clotaire leur autre frere, sont diuinement separez. Pourquoy les guerres ciuiles entre les François duroient peu. Mariage deffendu aux prestres au Concile d'Orleans. Institution de la feste de la Purification. Childebert & Clotaire vont en Espagne, assiegent Sarragoce. Leuent le siege. Appportent des reliques de S. Vincent. Mort de S. Benoist. Guerre des Ostrogots & de Belissaire en Italie. Totile Roy Ostrogot prend Rome. Iustinian Empereur quitte Prouence aux François. Or & monnoye de France. Mort de Thiebert Roy de Mets: Ses enfans. Parthenie inuenteur de subsides, lapidé par les François.*



PENDANT les Roys demeurez en France n'estoient guerres d'accord, car Childebert qui portoit enuie à Clotaire, fallia de Thiebert son neveu, & mit sus vne grosse armée, pour faire la guerre au Roy de Soissons; lequel trop foible contre deux tant puissans ennemis, se retira au pays d'Orleans; & vint loger en vn lieu appelé Combros, c'est ... qui est dans la forest: Cōtipant tout à l'entour de la place où il estoit campé, des arbres: par vne ruse de guerre commune aux François & Germains de toute ancienneté (vn abregé dit, *fecitque Combros*, dont possible vient encombrer, & peut estre la mesme fortification) laquelle il pratiqua lors, attendant que son frere fist paix avec luy, & que les troupes que d'heure à autre il euidoit ioindre, fussent venues. Dequoi la Roynne Clote aduertie, & voyant ne pouuoir accorder ses patricides enfans (si est-ce que les grandes Chroniques de France disent que Thierry & Clotaire estoient d'une mesme mere concubine) sortit de Paris pour se retirer à Tours en l'Eglise de S. Martin, & prier Dieu qu'ils ne vinsent aux mains. Car Childebert pour suyua Clotaire desnué de secours, le tenoit cōme assiégué. Mais ainsi qu'il le pensoit mettre en piéces avec son armée, le ciel estant serain, soudain s'esleua vne tempête meslée de gresle, laquelle deschira les têtes & pavillons de son camp, escartant les Cheuaux si loing, que plusieurs furent trouuez à deux lieues de la. Et la gresle fut si grosse, que les soldats n'ayans point de couuert, estoient contrains mettre leurs escus sur leurs testes, afin de parer aux coups, & attendans de moment en moment (tant il tonnoit & espartissoit) d'estre consumez du feu celeste, ils prioient Dieu leur vouloir pardonner, d'auoir prins les armes contre leur sang. Encorés pource qu'il ne tomba aucune goutte d'eau sur l'armée de Clotaire, & que les siens n'ouïrent aucune répeste, aussi que la victoire ne pouuoit estre que triste à l'un & l'autre parti, estās leurs armées cōposées de parens & amis, Childebert estimant que c'estoit punition diuine, enuoya des

L'an de  
Jesus  
Christ.

- gens à son frere luy offrir la paix, laquelle accordée, chacun retourna en son pays. Iasoit que d'autres attribuent ceste paix, à la coustume lors pratiquée entre les François; qui en guerres ciuiles cōtraignoient leurs chefs de combattre corps à corps leurs ennemis, pour euirer l'effusion du sang du peuple innocent, s'il eust fallu pour la querelle d'un ou deux princes, venir à vne bataille generale de leurs sujers. Qui estoit vne iustice des anciens François, louée par Agathie auteur Grec proche de ce temps. L'an cinq cens quarante fut instituée à Constantinople, la feste de la Purification de la vierge Marie, par les Grecs appellée Rencontre, pource que Simeon rencontra nostre Seigneur que l'on presentoit pour circoncir. Ancuns toutesfois nous assurent que ceste feste a pris son nom du mois de Feburier (c'est à dire purificatif) pource qu'en iceluy les Romains faisoient des purifications: ayans plusieurs façons & ceremonies des Payens, esté receües par nos anciens, en changeant seulement les noms des Idoles en celuy du vray Dieu: ainsi que j'ay dit au second liure.
540. L'an cinq cens quarante vn, mourut Artus Roy de la grand' Bretagne, tant estimé par les Romans; qui l'ont fait venir iusques à Paris: iasoit qu'on n'ait quy parler de luy hors de la grand' Bretagne. Toutesfois ce n'est pas vn fantosme, ou nom fait à plaisir. Car il est certain par l'histoire ancienne, qu'Artus a esté vn tres-vailant Roy de la grand' Bretagne, maintenant dite Angleterre & Escosse. Sigebert met la guerre des freres Roys de France, l'an cinq cens quarante deux: auquel, ou (ainsi que d'autres pensent) deux ans apres: & (comme il est croyable) pour oster toute occasion aux François de s'entrequereller, les freres Roys passans les monts Pyrenées du costé de Pampelune, descendirent en Arragon avec leur armée, & vindrent assieger Sarragoſſe. Dequoy les habitans estonnez, firent plusieurs ieunes & prieres, portans à l'entour des murailles la Tunique ou Estole de Saint Vincent, iadis martyré en Espagne sous les Empereurs Diocletian & Maximian. Ces noms Latins signifient certains habillemens, d'autre façon que n'est l'estole, & longue bande dont vſent nos Prestres à la Messe: Car la tunique (comme à nous le pourpoint) estoit prochaine de la chair, & l'estole comme le ſaye. Les François (ce dit Aimon) qui pensoient que ce fust quelque charme (si est ce que les Chrestiens Gaulois, auoient appris de Mamert Euesque de Vienne, à faire des Processions, & faut dire que les reliques ne s'y portoient point encor) s'enquerrant d'un prisonnier, que ce pouuoit estre, lequel leur declara que les habitans faisoient vne procession pour appeller le secours diuin. Ce que rapporté aux Roys, ils demanderent ceste estole, ou cotte, qui leur fut oſtroyée par les Sarragoſſois, à condition de leuer le ſiege. Par ce moyen les François plus depouilleux que rusez, apres auoir conquis vne bonne partie d'Espagne, & contraint les habitans de la dite ville de quitter l'Arrianisme (ce dit du Tiller) retournerent en France avec grand butin: où depuis (& l'an v. c. lxxi.) Childebert par le conseil de Germain Euesque de Paris, fit bastir pres de la dite ville vne magnifique Abbaye, au nom de la Croix & de Saint Vincent: en laquelle il mit ceste estole pour vn singulier joyau. Mais si les Sarragoſſois estoient Arriens, comment portoient-ils en procession les reliques des Saints: car il semble qu'ils

n'en tenoient conte; si l'on ne dit que c'estoient les Catholiques qui auoient fait ces processions (car ie croy qu'ils demouroient en mesmes villes que les <sup>L'an de</sup> <sup>Iesus</sup> <sup>Christ.</sup> <sup>542.</sup> <sup>543.</sup> <sup>544.</sup> <sup>545.</sup> <sup>546.</sup> <sup>547.</sup> <sup>548.</sup> <sup>549.</sup> <sup>550.</sup> <sup>551.</sup> <sup>552.</sup> <sup>553.</sup> <sup>554.</sup> <sup>555.</sup> <sup>556.</sup> <sup>557.</sup> <sup>558.</sup> <sup>559.</sup> <sup>560.</sup> <sup>561.</sup> <sup>562.</sup> <sup>563.</sup> <sup>564.</sup> <sup>565.</sup> <sup>566.</sup> <sup>567.</sup> <sup>568.</sup> <sup>569.</sup> <sup>570.</sup> <sup>571.</sup> <sup>572.</sup> <sup>573.</sup> <sup>574.</sup> <sup>575.</sup> <sup>576.</sup> <sup>577.</sup> <sup>578.</sup> <sup>579.</sup> <sup>580.</sup> <sup>581.</sup> <sup>582.</sup> <sup>583.</sup> <sup>584.</sup> <sup>585.</sup> <sup>586.</sup> <sup>587.</sup> <sup>588.</sup> <sup>589.</sup> <sup>590.</sup> <sup>591.</sup> <sup>592.</sup> <sup>593.</sup> <sup>594.</sup> <sup>595.</sup> <sup>596.</sup> <sup>597.</sup> <sup>598.</sup> <sup>599.</sup> <sup>600.</sup> <sup>601.</sup> <sup>602.</sup> <sup>603.</sup> <sup>604.</sup> <sup>605.</sup> <sup>606.</sup> <sup>607.</sup> <sup>608.</sup> <sup>609.</sup> <sup>610.</sup> <sup>611.</sup> <sup>612.</sup> <sup>613.</sup> <sup>614.</sup> <sup>615.</sup> <sup>616.</sup> <sup>617.</sup> <sup>618.</sup> <sup>619.</sup> <sup>620.</sup> <sup>621.</sup> <sup>622.</sup> <sup>623.</sup> <sup>624.</sup> <sup>625.</sup> <sup>626.</sup> <sup>627.</sup> <sup>628.</sup> <sup>629.</sup> <sup>630.</sup> <sup>631.</sup> <sup>632.</sup> <sup>633.</sup> <sup>634.</sup> <sup>635.</sup> <sup>636.</sup> <sup>637.</sup> <sup>638.</sup> <sup>639.</sup> <sup>640.</sup> <sup>641.</sup> <sup>642.</sup> <sup>643.</sup> <sup>644.</sup> <sup>645.</sup> <sup>646.</sup> <sup>647.</sup> <sup>648.</sup> <sup>649.</sup> <sup>650.</sup> <sup>651.</sup> <sup>652.</sup> <sup>653.</sup> <sup>654.</sup> <sup>655.</sup> <sup>656.</sup> <sup>657.</sup> <sup>658.</sup> <sup>659.</sup> <sup>660.</sup> <sup>661.</sup> <sup>662.</sup> <sup>663.</sup> <sup>664.</sup> <sup>665.</sup> <sup>666.</sup> <sup>667.</sup> <sup>668.</sup> <sup>669.</sup> <sup>670.</sup> <sup>671.</sup> <sup>672.</sup> <sup>673.</sup> <sup>674.</sup> <sup>675.</sup> <sup>676.</sup> <sup>677.</sup> <sup>678.</sup> <sup>679.</sup> <sup>680.</sup> <sup>681.</sup> <sup>682.</sup> <sup>683.</sup> <sup>684.</sup> <sup>685.</sup> <sup>686.</sup> <sup>687.</sup> <sup>688.</sup> <sup>689.</sup> <sup>690.</sup> <sup>691.</sup> <sup>692.</sup> <sup>693.</sup> <sup>694.</sup> <sup>695.</sup> <sup>696.</sup> <sup>697.</sup> <sup>698.</sup> <sup>699.</sup> <sup>700.</sup> <sup>701.</sup> <sup>702.</sup> <sup>703.</sup> <sup>704.</sup> <sup>705.</sup> <sup>706.</sup> <sup>707.</sup> <sup>708.</sup> <sup>709.</sup> <sup>710.</sup> <sup>711.</sup> <sup>712.</sup> <sup>713.</sup> <sup>714.</sup> <sup>715.</sup> <sup>716.</sup> <sup>717.</sup> <sup>718.</sup> <sup>719.</sup> <sup>720.</sup> <sup>721.</sup> <sup>722.</sup> <sup>723.</sup> <sup>724.</sup> <sup>725.</sup> <sup>726.</sup> <sup>727.</sup> <sup>728.</sup> <sup>729.</sup> <sup>730.</sup> <sup>731.</sup> <sup>732.</sup> <sup>733.</sup> <sup>734.</sup> <sup>735.</sup> <sup>736.</sup> <sup>737.</sup> <sup>738.</sup> <sup>739.</sup> <sup>740.</sup> <sup>741.</sup> <sup>742.</sup> <sup>743.</sup> <sup>744.</sup> <sup>745.</sup> <sup>746.</sup> <sup>747.</sup> <sup>748.</sup> <sup>749.</sup> <sup>750.</sup> <sup>751.</sup> <sup>752.</sup> <sup>753.</sup> <sup>754.</sup> <sup>755.</sup> <sup>756.</sup> <sup>757.</sup> <sup>758.</sup> <sup>759.</sup> <sup>760.</sup> <sup>761.</sup> <sup>762.</sup> <sup>763.</sup> <sup>764.</sup> <sup>765.</sup> <sup>766.</sup> <sup>767.</sup> <sup>768.</sup> <sup>769.</sup> <sup>770.</sup> <sup>771.</sup> <sup>772.</sup> <sup>773.</sup> <sup>774.</sup> <sup>775.</sup> <sup>776.</sup> <sup>777.</sup> <sup>778.</sup> <sup>779.</sup> <sup>780.</sup> <sup>781.</sup> <sup>782.</sup> <sup>783.</sup> <sup>784.</sup> <sup>785.</sup> <sup>786.</sup> <sup>787.</sup> <sup>788.</sup> <sup>789.</sup> <sup>790.</sup> <sup>791.</sup> <sup>792.</sup> <sup>793.</sup> <sup>794.</sup> <sup>795.</sup> <sup>796.</sup> <sup>797.</sup> <sup>798.</sup> <sup>799.</sup> <sup>800.</sup> <sup>801.</sup> <sup>802.</sup> <sup>803.</sup> <sup>804.</sup> <sup>805.</sup> <sup>806.</sup> <sup>807.</sup> <sup>808.</sup> <sup>809.</sup> <sup>810.</sup> <sup>811.</sup> <sup>812.</sup> <sup>813.</sup> <sup>814.</sup> <sup>815.</sup> <sup>816.</sup> <sup>817.</sup> <sup>818.</sup> <sup>819.</sup> <sup>820.</sup> <sup>821.</sup> <sup>822.</sup> <sup>823.</sup> <sup>824.</sup> <sup>825.</sup> <sup>826.</sup> <sup>827.</sup> <sup>828.</sup> <sup>829.</sup> <sup>830.</sup> <sup>831.</sup> <sup>832.</sup> <sup>833.</sup> <sup>834.</sup> <sup>835.</sup> <sup>836.</sup> <sup>837.</sup> <sup>838.</sup> <sup>839.</sup> <sup>840.</sup> <sup>841.</sup> <sup>842.</sup> <sup>843.</sup> <sup>844.</sup> <sup>845.</sup> <sup>846.</sup> <sup>847.</sup> <sup>848.</sup> <sup>849.</sup> <sup>850.</sup> <sup>851.</sup> <sup>852.</sup> <sup>853.</sup> <sup>854.</sup> <sup>855.</sup> <sup>856.</sup> <sup>857.</sup> <sup>858.</sup> <sup>859.</sup> <sup>860.</sup> <sup>861.</sup> <sup>862.</sup> <sup>863.</sup> <sup>864.</sup> <sup>865.</sup> <sup>866.</sup> <sup>867.</sup> <sup>868.</sup> <sup>869.</sup> <sup>870.</sup> <sup>871.</sup> <sup>872.</sup> <sup>873.</sup> <sup>874.</sup> <sup>875.</sup> <sup>876.</sup> <sup>877.</sup> <sup>878.</sup> <sup>879.</sup> <sup>880.</sup> <sup>881.</sup> <sup>882.</sup> <sup>883.</sup> <sup>884.</sup> <sup>885.</sup> <sup>886.</sup> <sup>887.</sup> <sup>888.</sup> <sup>889.</sup> <sup>890.</sup> <sup>891.</sup> <sup>892.</sup> <sup>893.</sup> <sup>894.</sup> <sup>895.</sup> <sup>896.</sup> <sup>897.</sup> <sup>898.</sup> <sup>899.</sup> <sup>900.</sup> <sup>901.</sup> <sup>902.</sup> <sup>903.</sup> <sup>904.</sup> <sup>905.</sup> <sup>906.</sup> <sup>907.</sup> <sup>908.</sup> <sup>909.</sup> <sup>910.</sup> <sup>911.</sup> <sup>912.</sup> <sup>913.</sup> <sup>914.</sup> <sup>915.</sup> <sup>916.</sup> <sup>917.</sup> <sup>918.</sup> <sup>919.</sup> <sup>920.</sup> <sup>921.</sup> <sup>922.</sup> <sup>923.</sup> <sup>924.</sup> <sup>925.</sup> <sup>926.</sup> <sup>927.</sup> <sup>928.</sup> <sup>929.</sup> <sup>930.</sup> <sup>931.</sup> <sup>932.</sup> <sup>933.</sup> <sup>934.</sup> <sup>935.</sup> <sup>936.</sup> <sup>937.</sup> <sup>938.</sup> <sup>939.</sup> <sup>940.</sup> <sup>941.</sup> <sup>942.</sup> <sup>943.</sup> <sup>944.</sup> <sup>945.</sup> <sup>946.</sup> <sup>947.</sup> <sup>948.</sup> <sup>949.</sup> <sup>950.</sup> <sup>951.</sup> <sup>952.</sup> <sup>953.</sup> <sup>954.</sup> <sup>955.</sup> <sup>956.</sup> <sup>957.</sup> <sup>958.</sup> <sup>959.</sup> <sup>960.</sup> <sup>961.</sup> <sup>962.</sup> <sup>963.</sup> <sup>964.</sup> <sup>965.</sup> <sup>966.</sup> <sup>967.</sup> <sup>968.</sup> <sup>969.</sup> <sup>970.</sup> <sup>971.</sup> <sup>972.</sup> <sup>973.</sup> <sup>974.</sup> <sup>975.</sup> <sup>976.</sup> <sup>977.</sup> <sup>978.</sup> <sup>979.</sup> <sup>980.</sup> <sup>981.</sup> <sup>982.</sup> <sup>983.</sup> <sup>984.</sup> <sup>985.</sup> <sup>986.</sup> <sup>987.</sup> <sup>988.</sup> <sup>989.</sup> <sup>990.</sup> <sup>991.</sup> <sup>992.</sup> <sup>993.</sup> <sup>994.</sup> <sup>995.</sup> <sup>996.</sup> <sup>997.</sup> <sup>998.</sup> <sup>999.</sup> <sup>1000.</sup> <sup>1001.</sup> <sup>1002.</sup> <sup>1003.</sup> <sup>1004.</sup> <sup>1005.</sup> <sup>1006.</sup> <sup>1007.</sup> <sup>1008.</sup> <sup>1009.</sup> <sup>1010.</sup> <sup>1011.</sup> <sup>1012.</sup> <sup>1013.</sup> <sup>1014.</sup> <sup>1015.</sup> <sup>1016.</sup> <sup>1017.</sup> <sup>1018.</sup> <sup>1019.</sup> <sup>1020.</sup> <sup>1021.</sup> <sup>1022.</sup> <sup>1023.</sup> <sup>1024.</sup> <sup>1025.</sup> <sup>1026.</sup> <sup>1027.</sup> <sup>1028.</sup> <sup>1029.</sup> <sup>1030.</sup> <sup>1031.</sup> <sup>1032.</sup> <sup>1033.</sup> <sup>1034.</sup> <sup>1035.</sup> <sup>1036.</sup> <sup>1037.</sup> <sup>1038.</sup> <sup>1039.</sup> <sup>1040.</sup> <sup>1041.</sup> <sup>1042.</sup> <sup>1043.</sup> <sup>1044.</sup> <sup>1045.</sup> <sup>1046.</sup> <sup>1047.</sup> <sup>1048.</sup> <sup>1049.</sup> <sup>1050.</sup> <sup>1051.</sup> <sup>1052.</sup> <sup>1053.</sup> <sup>1054.</sup> <sup>1055.</sup> <sup>1056.</sup> <sup>1057.</sup> <sup>1058.</sup> <sup>1059.</sup> <sup>1060.</sup> <sup>1061.</sup> <sup>1062.</sup> <sup>1063.</sup> <sup>1064.</sup> <sup>1065.</sup> <sup>1066.</sup> <sup>1067.</sup> <sup>1068.</sup> <sup>1069.</sup> <sup>1070.</sup> <sup>1071.</sup> <sup>1072.</sup> <sup>1073.</sup> <sup>1074.</sup> <sup>1075.</sup> <sup>1076.</sup> <sup>1077.</sup> <sup>1078.</sup> <sup>1079.</sup> <sup>1080.</sup> <sup>1081.</sup> <sup>1082.</sup> <sup>1083.</sup> <sup>1084.</sup> <sup>1085.</sup> <sup>1086.</sup> <sup>1087.</sup> <sup>1088.</sup> <sup>1089.</sup> <sup>1090.</sup> <sup>1091.</sup> <sup>1092.</sup> <sup>1093.</sup> <sup>1094.</sup> <sup>1095.</sup> <sup>1096.</sup> <sup>1097.</sup> <sup>1098.</sup> <sup>1099.</sup> <sup>1100.</sup> <sup>1101.</sup> <sup>1102.</sup> <sup>1103.</sup> <sup>1104.</sup> <sup>1105.</sup> <sup>1106.</sup> <sup>1107.</sup> <sup>1108.</sup> <sup>1109.</sup> <sup>1110.</sup> <sup>1111.</sup> <sup>1112.</sup> <sup>1113.</sup> <sup>1114.</sup> <sup>1115.</sup> <sup>1116.</sup> <sup>1117.</sup> <sup>1118.</sup> <sup>1119.</sup> <sup>1120.</sup> <sup>1121.</sup> <sup>1122.</sup> <sup>1123.</sup> <sup>1124.</sup> <sup>1125.</sup> <sup>1126.</sup> <sup>1127.</sup> <sup>1128.</sup> <sup>1129.</sup> <sup>1130.</sup> <sup>1131.</sup> <sup>1132.</sup> <sup>1133.</sup> <sup>1134.</sup> <sup>1135.</sup> <sup>1136.</sup> <sup>1137.</sup> <sup>1138.</sup> <sup>1139.</sup> <sup>1140.</sup> <sup>1141.</sup> <sup>1142.</sup> <sup>1143.</sup> <sup>1144.</sup> <sup>1145.</sup> <sup>1146.</sup> <sup>1147.</sup> <sup>1148.</sup> <sup>1149.</sup> <sup>1150.</sup> <sup>1151.</sup> <sup>1152.</sup> <sup>1153.</sup> <sup>1154.</sup> <sup>1155.</sup> <sup>1156.</sup> <sup>1157.</sup> <sup>1158.</sup> <sup>1159.</sup> <sup>1160.</sup> <sup>1161.</sup> <sup>1162.</sup> <sup>1163.</sup> <sup>1164.</sup> <sup>1165.</sup> <sup>1166.</sup> <sup>1167.</sup> <sup>1168.</sup> <sup>1169.</sup> <sup>1170.</sup> <sup>1171.</sup> <sup>1172.</sup> <sup>1173.</sup> <sup>1174.</sup> <sup>1175.</sup> <sup>1176.</sup> <sup>1177.</sup> <sup>1178.</sup> <sup>1179.</sup> <sup>1180.</sup> <sup>1181.</sup> <sup>1182.</sup> <sup>1183.</sup> <sup>1184.</sup> <sup>1185.</sup> <sup>1186.</sup> <sup>1187.</sup> <sup>1188.</sup> <sup>1189.</sup> <sup>1190.</sup> <sup>1191.</sup> <sup>1192.</sup> <sup>1193.</sup> <sup>1194.</sup> <sup>1195.</sup> <sup>1196.</sup> <sup>1197.</sup> <sup>1198.</sup> <sup>1199.</sup> <sup>1200.</sup> <sup>1201.</sup> <sup>1202.</sup> <sup>1203.</sup> <sup>1204.</sup> <sup>1205.</sup> <sup>1206.</sup> <sup>1207.</sup> <sup>1208.</sup> <sup>1209.</sup> <sup>1210.</sup> <sup>1211.</sup> <sup>1212.</sup> <sup>1213.</sup> <sup>1214.</sup> <sup>1215.</sup> <sup>1216.</sup> <sup>1217.</sup> <sup>1218.</sup> <sup>1219.</sup> <sup>1220.</sup> <sup>1221.</sup> <sup>1222.</sup> <sup>1223.</sup> <sup>1224.</sup> <sup>1225.</sup> <sup>1226.</sup> <sup>1227.</sup> <sup>1228.</sup> <sup>1229.</sup> <sup>1230.</sup> <sup>1231.</sup> <sup>1232.</sup> <sup>1233.</sup> <sup>1234.</sup> <sup>1235.</sup> <sup>1236.</sup> <sup>1237.</sup> <sup>1238.</sup> <sup>1239.</sup> <sup>1240.</sup> <sup>1241.</sup> <sup>1242.</sup> <sup>1243.</sup> <sup>1244.</sup> <sup>1245.</sup> <sup>1246.</sup> <sup>1247.</sup> <sup>1248.</sup> <sup>1249.</sup> <sup>1250.</sup> <sup>1251.</sup> <sup>1252.</sup> <sup>1253.</sup> <sup>1254.</sup> <sup>1255.</sup> <sup>1256.</sup> <sup>1257.</sup> <sup>1258.</sup> <sup>1259.</sup> <sup>1260.</sup> <sup>1261.</sup> <sup>1262.</sup> <sup>1263.</sup> <sup>1264.</sup> <sup>1265.</sup> <sup>1266.</sup> <sup>1267.</sup> <sup>1268.</sup> <sup>1269.</sup> <sup>1270.</sup> <sup>1271.</sup> <sup>1272.</sup> <sup>1273.</sup> <sup>1274.</sup> <sup>1275.</sup> <sup>1276.</sup> <sup>1277.</sup> <sup>1278.</sup> <sup>1279.</sup> <sup>1280.</sup> <sup>1281.</sup> <sup>1282.</sup> <sup>1283.</sup> <sup>1284.</sup> <sup>1285.</sup> <sup>1286.</sup> <sup>1287.</sup> <sup>1288.</sup> <sup>1289.</sup> <sup>1290.</sup> <sup>1291.</sup> <sup>1292.</sup> <sup>1293.</sup> <sup>1294.</sup> <sup>1295.</sup> <sup>1296.</sup> <sup>1297.</sup> <sup>1298.</sup> <sup>1299.</sup> <sup>1300.</sup> <sup>1301.</sup> <sup>1302.</sup> <sup>1303.</sup> <sup>1304.</sup> <sup>1305.</sup> <sup>1306.</sup> <sup>1307.</sup> <sup>1308.</sup> <sup>1309.</sup> <sup>1310.</sup> <sup>1311.</sup> <sup>1312.</sup> <sup>1313.</sup> <sup>1314.</sup> <sup>1315.</sup> <sup>1316.</sup> <sup>1317.</sup> <sup>1318.</sup> <sup>1319.</sup> <sup>1320.</sup> <sup>1321.</sup> <sup>1322.</sup> <sup>1323.</sup> <sup>1324.</sup> <sup>1325.</sup> <sup>1326.</sup> <sup>1327.</sup> <sup>1328.</sup> <sup>1329.</sup> <sup>1330.</sup> <sup>1331.</sup> <sup>1332.</sup> <sup>1333.</sup> <sup>1334.</sup> <sup>1335.</sup> <sup>1336.</sup> <sup>1337.</sup> <sup>1338.</sup> <sup>1339.</sup> <sup>1340.</sup> <sup>1341.</sup> <sup>1342.</sup> <sup>1343.</sup> <sup>1344.</sup> <sup>1345.</sup> <sup>1346.</sup> <sup>1347.</sup> <sup>1348.</sup> <sup>1349.</sup> <sup>1350.</sup> <sup>1351.</sup> <sup>1352.</sup> <sup>1353.</sup> <sup>1354.</sup> <sup>1355.</sup> <sup>1356.</sup> <sup>1357.</sup> <sup>1358.</sup> <sup>1359.</sup> <sup>1360.</sup> <sup>1361.</sup> <sup>1362.</sup> <sup>1363.</sup> <sup>1364.</sup> <sup>1365.</sup> <sup>1366.</sup> <sup>1367.</sup> <sup>1368.</sup> <sup>1369.</sup> <sup>1370.</sup> <sup>1371.</sup> <sup>1372.</sup> <sup>1373.</sup> <sup>1374.</sup> <sup>1375.</sup> <sup>1376.</sup> <sup>1377.</sup> <sup>1378.</sup> <sup>1379.</sup> <sup>1380.</sup> <sup>1381.</sup> <sup>1382.</sup> <sup>1383.</sup> <sup>1384.</sup> <sup>1385.</sup> <sup>1386.</sup> <sup>1387.</sup> <sup>1388.</sup> <sup>1389.</sup> <sup>1390.</sup> <sup>1391.</sup> <sup>1392.</sup> <sup>1393.</sup> <sup>1394.</sup> <sup>1395.</sup> <sup>1396.</sup> <sup>1397.</sup> <sup>1398.</sup> <sup>1399.</sup> <sup>1400.</sup> <sup>1401.</sup> <sup>1402.</sup> <sup>1403.</sup> <sup>1404.</sup> <sup>1405.</sup> <sup>1406.</sup> <sup>1407.</sup> <sup>1408.</sup> <sup>1409.</sup> <sup>1410.</sup> <sup>1411.</sup> <sup>1412.</sup> <sup>1413.</sup> <sup>1414.</sup> <sup>1415.</sup> <sup>1416.</sup> <sup>1417.</sup> <sup>1418.</sup> <sup>1419.</sup> <sup>1420.</sup> <sup>1421.</sup> <sup>1422.</sup> <sup>1423.</sup> <sup>1424.</sup> <sup>1425.</sup> <sup>1426.</sup> <sup>1427.</sup> <sup>1428.</sup> <sup>1429.</sup> <sup>1430.</sup> <sup>1431.</sup> <sup>1432.</sup> <sup>1433.</sup> <sup>1434.</sup> <sup>1435.</sup> <sup>1436.</sup> <sup>1437.</sup> <sup>1438.</sup> <sup>1439.</sup> <sup>1440.</sup> <sup>1441.</sup> <sup>1442.</sup> <sup>1443.</sup> <sup>1444.</sup> <sup>1445.</sup> <sup>1446.</sup> <sup>1447.</sup> <sup>1448.</sup> <sup>1449.</sup> <sup>1450.</sup> <sup>1451.</sup> <sup>1452.</sup> <sup>1453.</sup> <sup>1454.</sup> <sup>1455.</sup> <sup>1456.</sup> <sup>1457.</sup> <sup>1458.</sup> <sup>1459.</sup> <sup>1460.</sup> <sup>1461.</sup> <sup>1462.</sup> <sup>1463.</sup> <sup>1464.</sup> <sup>1465.</sup> <sup>1466.</sup> <sup>1467.</sup> <sup>1468.</sup> <sup>1469.</sup> <sup>1470.</sup> <sup>1471.</sup> <sup>1472.</sup> <sup>1473.</sup> <sup>1474.</sup> <sup>1475.</sup> <sup>1476.</sup> <sup>1477.</sup> <sup>1478.</sup> <sup>1479.</sup> <sup>1480.</sup> <sup>1481.</sup> <sup>1482.</sup> <sup>1483.</sup> <sup>1484.</sup> <sup>1485.</sup> <sup>1486.</sup> <sup>1487.</sup> <sup>1488.</sup> <sup>1489.</sup> <sup>1490.</sup> <sup>1491.</sup> <sup>1492.</sup> <sup>1493.</sup> <sup>1494.</sup> <sup>1495.</sup> <sup>1496.</sup> <sup>1497.</sup> <sup>1498.</sup> <sup>1499.</sup> <sup>1500.</sup> <sup>1501.</sup> <sup>1502.</sup> <sup>1503.</sup> <sup>1504.</sup> <sup>1505.</sup> <sup>1506.</sup> <sup>1507.</sup> <sup>1508.</sup> <sup>1509.</sup> <sup>1510.</sup> <sup>1511.</sup> <sup>1512.</sup> <sup>1513.</sup> <sup>1514.</sup> <sup>1515.</sup> <sup>1516.</sup> <sup>1517.</sup> <sup>1518.</sup> <sup>1519.</sup> <sup>1520.</sup> <sup>1521.</sup> <sup>1522.</sup> <sup>1523.</sup> <sup>1524.</sup> <sup>1525.</sup> <sup>1526.</sup> <sup>1527.</sup> <sup>1528.</sup> <sup>1529.</sup> <sup>1530.</sup> <sup>1531.</sup> <sup>1532.</sup> <sup>1533.</sup> <sup>1534.</sup> <sup>1535.</sup> <sup>1536.</sup> <sup>1537.</sup> <sup>1538.</sup> <sup>1539.</sup> <sup>1540.</sup> <sup>1541.</sup> <sup>1542.</sup> <sup>1543.</sup> <sup>1544.</sup> <sup>1545.</sup> <sup>1546.</sup> <sup>1547.</sup> <sup>1548.</sup> <sup>1549.</sup> <sup>1550.</sup> <sup>1551.</sup> <sup>1552.</sup> <sup>1553.</sup> <sup>1554.</sup> <sup>1555.</sup> <sup>1556.</sup> <sup>1557.</sup> <sup>1558.</sup> <sup>1559.</sup> <sup>1560.</sup> <sup>1561.</sup> <sup>1562.</sup> <sup>1563.</sup> <sup>1564.</sup> <sup>1565.</sup> <sup>1566.</sup> <sup>1567.</sup> <sup>1568.</sup> <sup>1569.</sup> <sup>1570.</sup> <sup>1571.</sup> <sup>1572.</sup> <sup>1573.</sup> <sup>1574.</sup> <sup>1575.</sup> <sup>1576.</sup> <sup>1577.</sup> <sup>1578.</sup> <sup>1579.</sup> <sup>1580.</sup> <sup>1581.</sup> <sup>1582.</sup> <sup>1583.</sup> <sup>1584.</sup> <sup>1585.</sup> <sup>1586.</sup> <sup>1587.</sup> <sup>1588.</sup> <sup>1589.</sup> <sup>1590.</sup> <sup>1591.</sup> <sup>1592.</sup> <sup>1593.</sup> <sup>1594.</sup> <sup>1595.</sup> <sup>1596.</sup> <sup>1597.</sup> <sup>1598.</sup> <sup>1599.</sup> <sup>1600.</sup> <sup>1601.</sup> <sup>1602.</sup> <sup>1603.</sup> <sup>1604.</sup> <sup>1605.</sup> <sup>1606.</sup> <sup>1607.</sup> <sup>1608.</sup> <sup>1609.</sup> <sup>1610.</sup> <sup>1611.</sup> <sup>1612.</sup> <sup>1613.</sup> <sup>1614.</sup> <sup>1615.</sup> <sup>1616.</sup> <sup>1617.</sup> <sup>1618.</sup> <sup>1619.</sup> <sup>1620.</sup> <sup>1621.</sup> <sup>1622.</sup> <sup>1623.</sup> <sup>1624.</sup> <sup>1625.</sup> <sup>1626.</sup> <sup>1627.</sup> <sup>1628.</sup> <sup>1629.</sup> <sup>1630.</sup> <sup>1631.</sup> <sup>1632.</sup> <sup>1633.</sup> <sup>1634.</sup> <sup>1635.</sup> <sup>1636.</sup> <sup>1637.</sup> <sup>1638.</sup> <sup>1639.</sup> <sup>1640.</sup> <sup>1641.</sup> <sup>1642.</sup> <sup>1643.</sup> <sup>1644.</sup> <sup>1645.</sup> <sup>1646.</sup> <sup>1647.</sup> <sup>1648.</sup> <sup>1649.</sup> <sup>1650.</sup> <sup>1651.</sup> <sup>1652.</sup> <sup>1653.</sup> <sup>1654.</sup> <sup>1655.</sup> <sup>1656.</sup> <sup>1657.</sup> <sup>1658.</sup> <sup>1659.</sup> <sup>1660.</sup> <sup>1661.</sup> <sup>1662.</sup> <sup>1663.</sup> <sup>1664.</sup> <sup>1665.</sup> <sup>1666.</sup> <sup>1667.</sup> <sup>1668.</sup> <sup>1669.</sup> <sup>1670.</sup> <sup>1671.</sup> <sup>1672.</sup> <sup>1673.</sup> <sup>1674.</sup> <sup>1675.</sup> <sup>1676.</sup> <sup>1677.</sup> <sup>1678.</sup> <sup>1679.</sup> <sup>1680.</sup> <sup>1681.</sup> <sup>1682.</sup> <sup>1683.</sup> <sup>1684.</sup> <sup>1685.</sup> <sup>1686.</sup> <sup>1687.</sup> <sup>1688.</sup> <sup>1689.</sup> <sup>1690.</sup> <sup>1691.</sup> <sup>1692.</sup> <sup>1693.</sup> <sup>1694.</sup> <sup>1695.</sup> <sup>1696.</sup> <sup>1697.</sup> <sup>1698.</sup> <sup>1699.</sup> <sup>1700.</sup> <sup>1701.</sup> <sup>1702.</sup> <sup>1703.</sup> <sup>1704.</sup> <sup>1705.</sup> <sup>1706.</sup> <sup>1707.</sup> <sup>1708.</sup> <sup>1709.</sup> <sup>1710.</sup> <sup>1711.</sup> <sup>1712.</sup> <sup>1713.</sup> <sup>1714.</sup> <sup>1715.</sup> <sup>1716.</sup> <sup>1717.</sup> <sup>1718.</sup> <sup>1719.</sup> <sup>1720.</sup> <sup>1721.</sup> <sup>1722.</sup> <sup>1723.</sup> <sup>1724.</sup> <sup>1725.</sup> <sup>1726.</sup> <sup>1727.</sup> <sup>1728.</sup> <sup>1729.</sup> <sup>1730.</sup> <sup>1731.</sup> <sup>1732.</sup> <sup>1733.</sup> <sup>1734.</sup> <sup>1735.</sup> <sup>1736.</sup> <sup>1737.</sup> <sup>1738.</sup> <sup>1739.</sup> <sup>1740.</sup> <sup>1741.</sup> <sup>1742.</sup> <sup>1743.</sup> <sup>1744.</sup> <sup>1745.</sup> <sup>1746.</sup> <sup>1747.</sup> <sup>1748.</sup> <sup>1749.</sup> <sup>1750.</sup> <sup>1751.</sup> <sup>1752.</sup> <sup>1753.</sup> <sup>1754.</sup> <sup>1755.</sup> <sup>1756.</sup> <sup>1757.</sup> <sup>1758.</sup> <sup>1759.</sup> <sup>1760.</sup> <sup>1761.</sup> <sup>1762.</sup> <sup>1763.</sup> <sup>1764.</sup> <sup>1765.</sup> <sup>1766.</sup> <sup>1767.</sup> <sup>1768.</sup> <sup>1769.</sup> <sup>1770.</sup> <sup>1771.</sup> <sup>1772.</sup> <sup>1773.</sup> <sup>1774.</sup> <sup>1775.</sup> <sup>1776.</sup> <sup>1777.</sup> <sup>1778.</sup> <sup>1779.</sup> <sup>1780.</sup> <sup>1781.</sup> <sup>1782.</sup> <sup>1783.</sup> <sup>1784.</sup> <sup>1785.</sup> <sup>1786.</sup> <sup>1787.</sup> <sup>1788.</sup> <sup>1789.</sup> <sup>1790.</sup> <sup>1791.</sup> <sup>1792.</sup> <sup>1793.</sup> <sup>1794.</sup> <sup>1795.</sup> <sup>1796.</sup> <sup>1797.</sup> <sup>1798.</sup> <sup>1799.</sup> <sup>1800.</sup> <sup>1801.</sup> <sup>1802.</sup> <sup>1803.</sup> <sup>1804.</sup> <sup>1805.</sup> <sup>1806.</sup> <sup>1807.</sup> <sup>1808.</sup> <sup>1809.</sup> <sup>1810.</sup>

*L'an de* jaçoit que les Parthes fussent lors sujets des Perses, ces derniers pouuoient  
*Iesus* auoir trouué des minieres, ou pratiqué ce droit Royal. Ledit an cinq cés qua-  
*Christ.* rante quatre, fut tenu vn Concile à Clermont d'Auuergne, auquel fut enjoinct  
aux Prestres, d'admōnester leurs parroissiens de receuoir les passans; & ne leur  
vendre les viures plus cher qu'au marché. Ce qui a fait penser à d'aucuns, qu'il  
n'y eust point lors d'hostellerie en France. Iaçoit que du temps des Romains, il  
y eust par pays, & aux villes, des maisons destinées à cest effect; qu'on appelloit  
*Diuersoria*, & *Campora*: ce que ie dis pour tousiours esclaircir l'antiquité. Totile  
n'estoit en moindre soucy que l'Empereur pour acquerir l'amitié des Frâçois,  
ja entrez du costé de Venise & de Frioul. A ceste cause, pensant que la grandeur  
de ses victoires luy eust donné plus de faueur, il enuoya ses ambassades par de-  
uers vn Roy de France (qui n'est point nommé) luy demander sa fille en maria-  
ge. Lequel oyât ces Ambassadeurs Ostrogots appeller leur maistre Roy d'Italie,  
leur fit ceste respōce digne d'estre ramétuë, Qu'il ne le pouuoit tenir pour tel,  
« n'à present, ne cy apres; puis qu'ayât pris Rome, il l'auoit gastée & souffert rui-  
« ner. Dequoy Totile eut si grand honte, que dès ceste heure là, il y enuoya des  
gés pour la remettre en meilleur estar. Qui est vne bonté, que les Romains (ou-  
tre plusieurs autres) doiuent encor recognoistre de nos Frâçois. L'an cinq cens  
546. quarante six, ou quarante sept, S. Remy Euesque de Reims mourut aagé de qua-  
547. tre vingts quatorze ans; le testament duquel tesmoigne de la liberalité du Roy  
Clouis enuers l'Eglise, & des grands biens que cest Euesque tenoit. Durant ce-  
548. la, Thiebert Roy de Mers ne perdoit l'occasion de s'accroistre: car l'an cinq cés  
quarante sept ou quarante huit, selō Sigebert, il passa en Italie pour la secon-  
de fois; & s'estant saisi des Alpes Cottiennes (elles comprennent le mont Cenis  
& partie du mont Geneure) il entra iusques sus le Padouan, là où laissant quel-  
ques forteresses aux Ostrogots, & des places maritimes aux Romains, il prit  
pour soy le reste; s'aggrādissant de la ruine des vaincus. Aussi les Ostrogots trai-  
cterent avec les François, & accorderent que tant que la guerre dureroit en-  
tr'eux & les Romains, chacū iouiroit paisiblement de ce qu'il tenoit, & si adue-  
noit que Totile fust victorieux, l'un & l'autre gouverneroit sa part, ainsi qu'il  
verroit bon estre. Il se trouue vn Concile tenu à Orleans, le trêtehuietième an  
550. de Childebert, qui reuiet à l'an cinq cens cinquāte de nostre Seigneur, auquel  
est deffendu messer d'eau l'oblation du vin faicte au sacré Calice, contre ce  
qu'en d'autres precedens auoit esté ordōné, avec deffences aux Prestres & Dia-  
cres de coucher en mesme liēt que leurs femmes. Que si aucū veut faire vn Ora-  
toire sur le sien, il pouruoiroit le Clerc de viures suffisans. Or Thiebert retour-  
551. né en France, mourut l'an cinq cens cinquante & vn, le treize, ou quatorzième  
an de son regne, avec la reputation d'auoir fort bien gardé la iustice en son  
Royauſme, honoré les Prestres, donné aux Eglises, soulagé les pauvres, & fait  
du bien à tous ses sujets, principalement aux Eglises d'Auuergne, qu'il deschar-  
gea du tribut qu'elles deuoient. Il vſa aussi d'une courtoisie enuers la ville de  
Verdun, digne d'estre pratiquée par les bons Roys en pareille nécessité. De-  
siderat Euesque de ceste ville, voyant son peuple pauvre; & n'ayant de luy-  
mesme pouuoir de le secourir du sien (pource que le Roy Thierry l'a-

noit destruit, à la suscitation de Sirinald) enuoya prier Thiebert de prester d'argent aux Verdunois, en luy baillant caution du fort principal, & de l'intérêt lors acoustumé. Le Roy commanda de leur liurer sept mille sols d'or; lesquels distribuez à plusieurs marchands, ils en firent si bien leur profit, qu'ils en deuiendrent grandement riches, & acquirent vne reputation à leur ville d'estre marchande, voire iusques au temps de Luitprand, qui l'an neuf cens soixante & six remarque les habitans de ceste ville pour grands trafiqueurs en loingtains pays. Quelque temps apres, l'Euesque rapporta ces deniers au Roy, qui refusa de les prendre, disant, n'en auoir point affaire: & luy suffisoit que son peuple fust soulagé, & les Verdunois releuez de pauvereté. Les Empereurs Romains ont autres fois ysé de telle liberalité, mettans en banque de l'argent pour le bailler à petit interest. Et Charles le Quint le plus sage de nos Rois, bastissoit pour rendre au peuple vne partie de l'argent qu'il leuoit dans son Royaume. Toutesfois, Thiebert fut par aucuns estimé cruel aux siens, iacoit qu'Agathie grandement le loüe, disant, qu'il estoit hardi, remuant, desireux d'augmenter son estat, sans crainte d'aucun danger. Qui fut la cause pourquoy durant la guerre de Totile contre les Romains, & que ces vns & les autres s'affoiblissoient par tant de pertes, il luy entra en fantasia d'assembler les plus vaillantes nations qu'il poutroit fournir de Gaule, & Germanie; & avec ceste armée passer en Thrace: puis, apres auoir couru ce pays, tirer à Constantinople, siege principal des Empereurs. De fait, il commençoit à executer son dessein, ayant enuoyé vers les Gepides, Lombards, & autres nations, les prier de l'ayder en ceste guerre. Car il n'estoit raisonnable que Iustinian s'appellast victorieux des François, Alomans, Gepides, & Lombards; comme s'il eust esté maître de tous ces peuples. Auxquels ce Roy François remonstroit, qu'ils deuoient trouuer vne telle iniure aussi grierue que luy; souffrans porter de si glorieux tiltres, à des Empereurs qui n'auoient rien conquis sur eux. Mais sa pratique deuint à néant, pource qu'il mourut blessé d'une branche, qu'un bœuf saulage venant de haut tumber sur un petit arbre, fit choir sur la teste de ce Roy, ainsi qu'il pensoit arrester la beste avec l'espieu: mourant auant l'exécution d'une si haute entreprise. Il laissa deux enfans, Raginrude, qu'Auentin dit auoir esté mariée à Theudon troisieme Duc de Bauieres, & Thiebaut, qui luy succeda par la loy de son pays, si vous croyez Agathie. Ce qui fait grandement contre ceux qui estiment le Royaume de France electif, & en la disposition des Estats à tous changemens. L'hiver de ceste année fut si grand, que les torrens mesmes gelerent, de sorte qu'on passoit dessus comme en terre ferme: & les oyseaux etans de froid, ou affamez se laissoient prendre à la main. Gregoire de Tours, conte tromte sept ans depuis la mort de Clouis, iusques à celle de Thiebert. Et que ie ramentoy, pour seruir de fondement au calcul des autres Regnes. En ce temps vn nommé Paterne, qui durant la vie de Thiebert se mesloit de trouuer des subtilitez pour surcharger le peuple, se voyant hay, & son Roy mort: pria deux Euesques de luy sauuer la vie, comme ils essayèrent de faire: en vain adinonnans les François d'appaiser leur courroux. A ceste cause ils le cachèrent.

L'an de  
Jesús  
Christ.

dans vn coffre del'Eglise de Tréues, auquel tiré & lié à vne colomne, il fut lapidé. C'estoit vn vilain gourmand, & qui n'auoit point de honre, ce dit Gregoire. L'an cinq.cens cinquante & trois, fut tenu le cinquiesme Concile d'Orleans, le vingt-neufiesme d'Octobre, le trente-huitiesme an du Royaume de Childebert, auquel fut desfendu d'acheter les Eueschez, mais qu'avec la volonté & consentement du Roy, du Clergé, du peuple, & autres Euesques de la Prouince, l'esleu seroit consacré.

## C H A P. X.

*L'Empereur Iustinian semond Thiebault Roy de Mets, venir en Italie guerroyer les Ostrogots: & quitte la Prouence aux François. Lotaire & Buce-  
lin vassaux des Roys François, vont en Italie, par la Commission de Thie-  
bault: leurs conquestes & mort.*



VEL QV E temps apres la mort de Thiebert, l'Empereur Iustinian enuoya vn Ambassadeur nommé Leonce (qui auoit tenu l'estat de Consul) prier le Roy Thiebaut d'entrer en son alliance contre Totile, luy remontrant (ce dit . . . .) que Iustinian n'auoit iamais entrepris la guerre contre les Ostrogots, sinon apres que les François sous nom de paix & d'alliance, eurent receu argent de luy, & promis de l'accompagner. Que tant s'en fallust qu'ils l'eussent fait, qu'au contraire, ils auoient tellement outragé les Romains, qu'il n'estoit possible de plus. Car son pere s'estoit ietté sur le pays qui aucunemét ne luy appartenoit, & lequel avec grande peine, & sans l'aide des François auoit esté conquis par Iustinian, qui maintenant l'enuoyoit, non pour blâmer le Roy des choses passées, ains l'aduertir de son profit, & le conseiller d'arrester sa prosperité, laissant iouyr les Romains de leurs terres. D'autant que maintesfois il estoit aduenu que pour vouloir contre raison garder de petites choses, de grande Prince auoient perdu & leurs conquestes, & ce qu'ils tenoient de leurs ancestres; pource qu'une bonne fortune ne s'accorde pas tousiours bien avec l'iniustice. A ceste cause, il l'admonestoit de faire avec eux la guerre à Totile, affin d'accomplir les promesses de son pere: puis que c'estoit la raison que les enfans amendaient les fautes de ceux qui les auoient engendrez, & confirmaient leurs bien-faits, comme aussi les sages imitoient les bons actes de leurs predecesseurs, & redressoient leurs fautes. Quant cela, quand il n'en seroit point requis, si deuoit-il avec les Romains entrer en ceste guerre contre les Ostrogots, leurs haineux, & portans enuie aux François, mesmes dès le commencement. Que tout ainsi qu'ils estoient legers, & sans foy, cruellement ils les auoient assaillis, & maintenant ne les flattoient, sinon pource qu'ils les craignoient. Mais s'ils pouuoient les separer des Romains, ils monstrent bien tost quelle affection ils leur portoit. D'autant que



Les meschans, en bonnen en mauuais fortune, ne peuent changer leur nature, ains seulement se cachent par necessité, & durant qu'ils ont affaire de leurs voisins. A ceste cause considerant ce qu'il luy disoit, qu'il renouuellast l'alliance faite avec l'Empereur, & se vengeast des outrages receus par ses ennemis anciens. Quand Leonce eut acheué, le mesme Auteur dit que le Roy Thiebaut luy respondit, que les Romains par raison, ne par leurs merites, ne pouuoient demander que les François les accompagnassent pour guerroyer les Ostrogots qui maintenant estoient leurs amis. Car si les François se monstroient infidelles en leur endroit, à grand peine tiendroient-ils promesse aux Romains. D'autant qu'un cœur qui s'est desia déclaré traistre, & inconstant à son amy, tousiours se fouruoye de l'equité & de la raison. Quant aux places qu'il disoit auoir esté prises, il leur respondoit : Que le Roy Thiebaut son pere n'eust oncques volonte de courre sus à aucun de ses voisins, n'enuahir la terre d'autrui, dont luy mesme pouuoit seruir de refuge, n'ayant esté auancé par sa succession, encor qu'il fust son heritier. Aussi ne tenoit-il pas ces villes comme occupées sur les Romains, mais les auoit receues de Totile, qui lors en iouyssoit au veu & au sceu de tout le monde. De quoy Iustinian se deuoit plustost resiouir; voyant que ceux qui par force auoient prins les places, en estoient maintenant priuez, & despouillez par d'autres, avec iuste chastiment de leur tromperie. Si ce n'estoit qu'il portast enuie à ceux qui auoient vengé ses outrages; par ce moyen donnant occasion de croire que ses ennemis auoient bonne raison de le piller. Et neanmoins, les François estoient contents d'en croire des iuges; & rendre les terres qui se trouuoient auoir esté prises par son pere sur les Romains : & qu'à ceste fin il enuoyeroit des Ambassadeurs à Constantinople. Leonce dépeché, Thiebaut enuoya vers l'Empereur vn nommé Landrad, qui ja y auoit fait trois voyages. Cependant, Totile est tué, & les Capitaines François demeurent pres Venise, voyans Naples presser les Ostrogots, faisoient les plus foibles, selon qu'ils en auoient le moyen; quand sur ce point Teie successeur de Totile est occis, & les Ostrogots qui ne se fioient encor en ces Capitaines François, enuoyent en France grande somme de deniers, & des Ambassadeurs, prier le Roy Thiebaut passer en Italie, s'adressans plustost à luy à cause du voisinage, qu'à ses oncles dauantage, esloignez d'eux. Les Ambassadeurs donc venus deuant le Roy d'Austrasie, & les Seigneurs de son conseil, ils les prirent de ne vouldroient mespriser ceux qui estoient affligez, ains prendre leur cause en main, & defendre les voisins en danger d'estre ruinez. Que c'estoit leur auantage, que les Ostrogots ne perdissent rien, veu la grandeur des Empereurs qu'il falloit arrester. Car apres les auoir chassez d'Italie, bien tost ils viendroient contre les François, renoueller les anciennes guerres: n'ayans faute de coulcur pour couvrir leur auarice. Au contraire, ils sembleroient tousiours auoir bonne cause, ramenant les guerres que iadis Marius & les Césars eurent contre les anciens Gaulois & Germains: les terres desquels autrefois ils tindrent delà le Rhin, & par ce moyen non ne tiroient pas qu'ils leur eussent fait tort, ains seulement enuoyé

L'an  
Iesue  
Christ.

des armées reprendre leur ancien domaine. Qu'ils auoient practiqué ces rai-  
sons contre Thierry leur Roy vingt & deuxiesme en la succession du Royau-  
me des Ostrogots; & chassé la plus grande partie de ce peuple, emmenans pri-  
sonniers les femmes & les enfans des plus riches, encores qu'il eust pris l'I-  
talie, non par force, ains par la volonté de l'Empereur Zenon, & sans rien  
occuper de les appartenances. Au contraire ayant vaillamment deffait Odo-  
acre, estranger & nouveau venu, ils auoient acquis par droit de guerre, ce qui  
souloit estre à luy. Mais quand les Romains se virent assez puissans pour vser  
de force, ils ne voulurent plus y aller par raison. Car molestés Theodoas en fa-  
ueur d'Amalasunte, ils recommencerent la guerre qui duroit encores; met-  
tans toutes choses c'en dessus dessous : & cependant ils vouloient qu'on les  
estimast seuls sages & bons seruiteurs de Dieu, comme s'il n'y auoit autres  
qu'eux gardans iustice en ce monde. Partant, afin qu'on ne les accusast de  
s'estre perdus eux-mesmes, ils leur dematiderent des Capitaines pour les ai-  
der à chasser les Romains, & rentrer en leur pays. Que si les François le  
faisoient, ce seroit chose agreable aux Ostrogots, qui se deliuroient de  
grandes miseres : assurant leurs propres affaires. Et outre le plaisir que les  
mesmes Ostrogots (iurez ennemis des Romains) receuroient par leur voisi-  
nage, pillans les terres Romaines, les François gaigneroient encor de l'argent  
sans nombre, avec celuy qu'ils estoient prests de leur donner. Thiebaut, tant  
pour sa grande ieunesse que faute de courage, & foiblesse de son corps (qu'il au-  
oit mal sain, estant perclus de la ceinture en bas) ne fit pas grand conte de ces  
ambassadeurs, & n'estima qu'il fust besoin de se trauailler pour le danger d'au-  
truy. Toutesfois jasoit que la menée de l'Ostrogot ne luy fust agreable, Lo-  
taire & Bucelin freres, Seigneurs Allemans (tant estimez entre les François  
qu'ils commandoient en leurs pays) conuindrent avec eux, & mesprisans  
Narfes, pource qu'estant Eunuque, il leur sembloit effeminé, menerent en  
Italie vne armée de soixante & douze mil hommes François & Allemans : les-  
quels arriuez mirent en route les Herulles, allies des Romains, & tuerent  
pres la ville de Parme Fouques leur Capitaine. Lors Aligern frere de Theie,  
pensant que les François fussent venus en Italie pour la conquerir, plustost que  
pour la protection des Ostrogots, rendit la ville de Cumas à Narfes; avec  
tous les trésors la retiréz par les Rois Ostrogots : Et toutesfois, Bucelin ne  
laissa de marcher outre : car passant par la Basilicate, & la Calabre, il vint  
iustques au détroit de Sicile. Quant à Lotaire, il s'approcha de Hidrunte  
(c'est Otrante) trauersant la Pouille & la Calabre. Or les chefs de ceste  
armée, & les François ne faisoient aucun outrage aux Eglises, pource qu'ils  
estoient Chrestiens : mais les Allemans la plus part encores idolatres (ce  
dit.....) pilloient tout, fouilloient les sepulchres des morts, & rem-  
plissoient les Eglises de sang. En fin Clotaire chargé de grand butin, deli-  
bera de retourner pour le mettre en seureté. Et laissant Bucelin, qui auoit  
promis de demeurer avec les Ostrogots, il se mit en chemin. Venu pres de Fa-  
no, ville de la Marche d'Anconne, il arresta son armée, & envoya deuant trois  
mil hommes decouurir pays. D'auanture Attaban Pesse, & Huldric Plun, Ca-  
pitaines

**CHILDEBERT, CLOTAIRE ET THIEBAULT ROYS. 8;**  
 pitaines Romains (qui lors estoient à la garde de Riminy) entendans sa venue, <sup>L'An de</sup> jetterent leurs gens aux champs: lesquels rencontrans les François, le tuerent, <sup>Iesus</sup> & donnerent si grâde frayeur au reste, que Lotaire fut contraint de sortir hors <sup>Christ.</sup> de son camp, pour arrester la fuite des siens. Cependant, les prisonniers qu'ils trainoient en grand nombre, se voyans seuls & mal gardez, prirent le plus précieux butin, & se sauuerent aux villes prochaines. Car Artaban & Huldrac, trop foibles pour les ennemis se retirerent; & les François retournez en leur camp, s'estans apperceus de leur grande perte, & iugeans qu'il ne faisoit bon pour eux de demourer en ce lieu, passerent outre; ayans perdu tout le fruit de leur voyage. Puis venus à Cenede ville de Padouan, qui estoit de leur appartenance, Lotaire & la pluspart de son armée, moururent de la maladie engendrée parmi les soldats, à cause du mauuais air, contraire à gens nourris en pais froid. D'autre costé, Bucelin apres auoir pillé toutes les villes qui sont vers le destroit de Sicile, r'amena son armée en la campagne de Naples, prenant le chemin de Rome. Dequoy Narses aduertí, sortit aux champs; & se vint camper si pres, qu'il pouuoit voir la closture du camp ennemy. Puis empeschant qu'ils ne courussent la campagne tant à leur aise, il les contraignit de venir à la bataille; nonobstant que les deuineresses qui suiuoient les Allemans, predissent que ce seroit leur entiere ruine, comme par l'issue il se trouua veritable; pour ce que Bucelin fut mis à mort avec tous les siens, desquels Agathie dit, qu'il n'eschappa que cinq hommes. Ceste bataille (qui semble estre aduenue l'an cinq cens cinquante quatre) mit du tout bas les Ostrogots, lesquels perdirent aussi l'esperoir du secours de France, d'autant que ce Roy Thiebault leur voisin mourut l'an d'apres, septiesme de son Royaume (ou huit, selon Aimon) sans laisser enfans, encores qu'il eust espousé Valdrade, fille de Vachon Roy des Lombards, sœur de sa belle-mere. Ce Roy ayant laissé par testament (ainsi que dit l'Auteur de la vie de S. Maur) son Royaume à Clotaire son oncle, fut cause d'esmouuoir vne guerre entre luy & Childeberty qui ne vouloit quitter son droit. Durant laquelle Narses eut le loysir de chasser les François du pais de Frioul, & continuant ses conquestes reprendre la Prouence; où il laissa pour Patrice Amat, & Francillon en Piedmont (tous deux gentils-hómes Romains) affin d'empescher nos François de passer en Italie. Ce Roy Thiebaut, nonobstant l'empeschement de sa maladie, fut contraint des siens, pour sa cruauté & malin naturel: par luy déclaré, faisant ce conte à vn de ses gens qui l'auoit courroucé. Vn serpent (contoit-il) trouuant vne bouteille pleine de vin & se jetant dedans, le beut de grand courage, le maistre qui arriua comme il s'efforçoit d'en sortir, luy dit; qu'il vomist premierement ce qu'il auoit beu, & puis qu'il auroit liberté. Par ce conte fabuleux, estonnant plusieurs de ses seruiteurs, qui dauantage l'en hayrent; comme trop rusé, pource que les mauuais courtisans ne veulent des maistres, que bestes. De son temps il aduint beaucoup de choses merueilleuses: car Gregoire dit qu'il vit des raisins sur vn Sureau, sans qu'on y eust enté vigne; & vne estoile venant contre la Lune nouuelle de cinq jours, passa tout au trauers. Lesquelles choses il pensoit signifier la mort de ce Roy.

Y

## CHAP. XI.

*Childebert Roy de Paris, quitte la succession d'Austrasie à Clotaire son frere. Cimetieres publics & sepulture des anciens. Mort de Clote femme de Clouis. Le Roy Clotaire voulant avoir le tiers des fruiçts Ecclesiastiques, est contredit par l'Evesque de Tours. Les femmes, les concubines & enfans dudit Roy. Conan & Maclou Comtes hereditaires de Bretagne. Clotaire gaigne une bataille sur les Sefnes, ou Saxons. Enuoye Chram son fils en Guyenne, qui s'y gouverne mal. Le Roy Clotaire contraint par les François de combattre les Sefnes, est vaincu.*



V meisme temps, Childebert ja sur l'aage, & sans enfans mâles, estoit encores cassé de maladie, qui luy rendoit le corps debile. Quant à Clotaire, il estoit plus vigoureux, & ne commençoit sa face qu'à rider, ayât des enfans ieunes, & desireux de se faire cognoistre par armes. Lesquels sur le semblant que le Roy de Paris faisoit d'occuper le Royaume d'Austrasie, ne cessoient de crier aux oreilles de leur pere : que la successiõ de Thiebaut ne se deuoit tant laschement quitter : veu que leur oncle n'auoit aucuns enfans. Ces remonstrances rendirent Clotaire plus ferme, avec ce que Childebert craignant la puissance du Roy de Soissons (aggrandi par la nouvelle successiõ de son neveu) pour euit querelle sur sa vieillesse maladie, renonça à son droit. Ceste meisme annee, la Roine Clote vefue du Roy Clouis retiree à Tours pour prier Dieu, mourut : & ses enfans la firent (avec chants & Psalmes de ceux qui accompaignoient le dueil) apporter de là en l'Eglise, qu'elle & Clouis auoiet fait bastir sur le mont de Paris, au nom de S. Pierre & S. Paul, où elle fut enterree pres son seigneur *in Sacratio* ; le croy dans le tour de l'Autel. Chose remarquable, pource qu'en ce temps-là on n'enterroit pas les corps dans les temples, ains aux Cimetieres, ou sur les chemins passans : & ceux des Euesques & des autres Seigneurs de qualité, aux porches, paruis, & ioignant les murailles des temples, comme encores il se garde en l'Eglise de Chartres, & l'on voit ceux des Comtes de Thoulouze, le long des murailles de sainct Sorny-Eglise de ladite ville. Vray est que Clote fut tant honoree de chacun pour ses continuelles oraisons, sa chasteté & liberalité enuers les pauvres & les Eglises, qu'on ne l'estimoit pas Roine (ce dit Gregoire) ains seruante de Dieu. Qui pourroit auoir esté la cause de luy faire cest honneur apres sa mort. François de Belle-forest a remarqué, avec des raisons assez bonnes, que le corps honoré en l'Eglise de sainte Geneuiefue de Paris, pour sainte Clote, peut estre aussi tost celuy de la Roine d'Espagne (dont nous auons parlé, mal traitée pour la foy Catholi-

que) que Clote espouse de Clouis: femme vindicative & colere, ainsi qu'auons dit. Etie le ramentoy, pour monstrier qu'il se rencontre de l'incertitude aux Reliques: & que l'on peut estre trompé en l'adoration d'icelles; par l'auarice de ceux qui supposent vn corps pour l'autre. Car la Theologie tient pour certain, que c'est idolatrie que de s'incliner deuant ce que l'on n'est assuré d'estre diuin: quelque bonne intention qu'aye celui qui l'adore. A ceste cause, en cela & autres choses semblables, il faut regarder de fuir la superstition, ou supposition, qui ne peut estre avec la Religion. Retournans à nos Antiquitez, ie dy qu'environ ce temps, Clotaire trouua fort les Ecclesiastiques de son Royaume, & fit vn Edict; par lequel il ordonnoit, que les Eglises apporteroyent à la recepte Royale, le tiers des fructs de leurs heritages. Mais jaçoit que les autres Euesques l'eussent accordé, *Iniuriosus* (c'estoit le nom de l'Euesque de Tours) ne le voulut souffrir: remontrant au Roy, qu'il n'estoit raisonnable de remplir les greniers du bled destiné à la nourriture des pauvres. Que s'il continuoit à prendre les biens donnez pour le service de Dieu, il luy osteroit bien tost son Royaume. Ceste remonstrance faite, l'Euesque tout courroucé s'en alla sans dire Adieu au Roy, qui enuoya apres luy des gens avec presens pour l'appaiser. D'autant (ce dit Gregoire) qu'il redouroit la puissance de saint Martin. Tant la crainte a de force, pour faire croire aux Roys tyrans & meschans, qu'il y a vn Dieu par dessus eux. Ainsi l'Edict fut cassé par la constance de ce vertueux Euesque. L'auarice n'estoit pas le seul vice de ce Roy, elle estoit accompagnée d'une cruauté desmesurée, & de paillardise incestueuse. Car n'ayant fait difficulté d'espouser Gondioche veuve de Clodomir son frere, qui en auoit laissé des enfans (il y a de l'apparence que ce furent ceux que ce cruel Roy tua, puis que les Autheurs n'en marquent point autres que Cloud) encores depuis, il prit à femme la veuve de Thiebaut Roy d'Austrasie son neveu. Et qui plus est, ayant espousé Ingonde, qu'il faisoit semblant d'aimer bien fort, elle le pria puis qu'elle estoit Roine, de luy vouloir faire cest honneur que de bailler sa sœur en mariage à quelque seigneur de marque. Clotaire assez luxurieux de nature, alla iusques au lieu où la Damoiselle estoit nourrie, & la trouuant belle, fut tant espris de son amour, qu'il l'espousa: puis retourné vers Ingonde, luy dit qu'il auoit marié sa sœur, & que ne trouuant seigneur plus noble que soy-mesme, il l'auoit prise à femme, ce qu'il pensoit ne luy deuoir desplaire. Ingonde (possible craignant pis) sagement respondit qu'elle estoit sa seruante, & seulement le pria de vouloir la tenir en sa bonne grace. Quant à moy ie croy que ce deuoyent estre concubines, puis que Gregoire n'en fait autre mention: pource qu'il n'oublie pas, que les Euesques ne passerent si legierement son mariage avec la veuve de Thiebaut, qu'il fut contraint de laisser: & la bailler au Duc Gariuald. Nos Rois doncques auoyent plusieurs femmes espousees, ou plusieurs concubines: & les enfans qui en yssoyent heritoient avec les autres: n'estans pas les concubinages descendus entre les François, non plus que entre d'aucuns Romains, qui en usèrent iusques à l'ordonnance de Iustinian & Leon Empereurs. Mais pource que Clotaire eut plusieurs femmes & enfans, il sera bon d'en mettre icy le nombre.

# DES ANTIQ. FRANCOISES LIVRE III.

L'an de  
Jesue  
Christ.

Du Tillet dit que la premiere fut Ragonde, fille de Berthier Roy de Thuringe, de laquelle du Bouchet ( qui l'appelle la cinquieme ) dit qu'il se separa, apres qu'il eut fait iniustement mourir son frere. Ceste Roynne faite Religieuse à Noyon, vint depuis à Chinon, & finalement bastit à Poictiers le monastere de sainte Croix, ou elle vesquit longuement en reputation de sainteté. La 2. fut Ingonde, de laquelle Gregoire dit qu'il eut Gonthier, Childeric, Charibert, Gontchran, Sigisbert, & vne fille nommee Clodofinde. Le mesme du Tillet adiouste, que ceste Ingonde fut aussi nommée Gondioche, & vesue de Clodomir: & que ceste Clodofinde fut mariee avec Albouyn Roy des Lombards. La troisieme fut Arigonde, sœur de ceste Ingonde, de laquelle il eut Chilperic. La quatrieme fut Rodine, appelée par Gregoire Chunofene, de laquelle il eut Chram, qui toutesfois est le premier pourueu de gouvernement. Ce qui me fait penser, qu'il estoit plus aagé que ses autres freres, & que du Tillet contant les femmes en l'ordre que Clotaire les auoit prises, nomme aussi les enfans de chacun liçt, sans regarder qui estoit le premier nay. La cinquieme fut Valdrade, ou Vldorende vesue de Thiebaur son nepueu, qu'il espousa prenant le Royaume d'Austrasie, & depuis laissa (comme j'ay dit) par l'aduis des Euesques. Le mesme du Tillet luy baille deux filles, l'une appelée Ingeltrude, qu'il pense estre la fondatrice d'un monastere basti à Tours ( qui possible est saint Pierre, appelé Puellier, ou des Pucelles ) & mere de Bertrand Euesque de Bordeaux, & de Bertegonde, desquels cy apres sera parlé, & vne Ingonde, ou Nigegonde mariee à Hermengilde fils de Leuigilde Roy des Vvilligors. Mais il semble, par Gregoire, que ceste Roynne d'Espagne, estoit fille de Sigisbert Roy d'Austrasie. Enuiron ce temps-là, Canaon, Canan, ou Conan Comte de Bretagne, ayant fait mourir trois de ses freres, mit en prison Maclou, qui estoit le quatrieme, en intention de luy faire le semblable. Toutefois ce Prince sauué à la priere de Fœlix Euesque de Nantes, jura d'estre fidele à son frere, & peu apres rompant son serment, donna occasion à Conan de le molester. Maclou retiré chez vn autre Comte du pais nommé Chanomore, & aduertit qu'il y auoit des gens en queste pour le prendre, se cacha dans vne caue, ou grotte, en laquelle il y auoit vn pertuis & souspirail, qui luy donnoit air. Puis quand ceux qui le chercheoient furent venus, on les mena sur le lieu, où leur fut monstré vn cercueil, & certifié que Maclou estoit dedans. Ces gens pensans qu'il y eust esté enterré mort, après auoir beu dessus la tumba, tous ioyeux s'en retournerent dire ces nouvelles au Comte Conan : lequel iugeant aussi que son frere fust mort, se fit maistre de tout ce qu'il souloit tenir en Bretagne. Car encores que dès le temps du Roy Clouis, ce pais fust souz l'obeissance des François, le gouvernement, ou Comté, estoit hereditaire : jaçoit que par le tesmoignage de Gregoire, ils ne portassent tiltre de Roy. En quoy l'on peut cognoistre l'ignorance, ou la malice des Chroniqueurs Bretons, qui ont osé soutenir la souveraineté de leurs Comtes ou Ducs: contre ce qu'en a laissé par escrit nostre Historien qui lors viuoit. Ce qu'il faut esclarcir par ce qu'escriit le Seigneur d'Argentré en son histoire de Bretagne: mais rejetant l'assurance de ce que ie diray sur luy, Maxime faux Empereur (duquel j'ay cy dessus

parlé) resolu de guerroyer l'Empereur Gratian, passa d'Angleterre en Armorique: là où ayant vaincu les chefs Romains qui le voulurent empêcher, il conquiert ce païs: & apres s'estre assuré des Gaules, l'enuoya Conan (vn Prince du sang des anciens Rois de la grand Bretagne) pour regner en Armorique: affin de l'ayder tant de luy que des siens, comme gens de secours; & de ceux qui passoient de la grand Bretagne. Conan donc se tenant à Nantes, courut l'Aquitaine iusques à la Garonne, & conquiert Bourges: gardée par luy & les siens, iusques à la venue des Vissigots, qui desfirent Riothime Lieutenant du Roy Breton. Ce Conan, ayant establi des Comtes & Seneschaux, pour gouverner l'Armorique, mourut l'an trois cens quatre vingts huit, & fut enterré à Leon. Apres luy regna Goallon son compaignon d'armes, qui s'appelloit Comte de Cornouaille, auant la mort de son predecesseur: puis mourut l'an quatre cens cinq, & gist à Landeuenech. Salomon son fils luy succeda qui fut Roy pacifique, & mourut l'an quatre cens douze: & à cestuy-cy, Auldran son fils qui enuoya Constantin son frere pour regner en la grand Bretagne, & qui fut pere de Constans, Moyne, d'Ambroix, Aurelle & de Vter surnommé Pandragon. Auldran vesquit iusques à l'an quatre cens trente huit, laissant pour successeur Boudic son fils: qui regna quarante neuf ans, si Argentré, ou l'Imprimeur ne s'abusent. A Boudic succeda Hoël qui fut nommé le Grand, lequel accompagna Arteur en ses conquestes, comme son parent. Sur la fin de son regne, Childeric Roy de France combatit Auogre Saxon, à qui le Roy de France donna le Comté d'Angers. Hoël second son fils, luy succeda, homme inutile, & souz lequel s'esleuerent aucuns Seigneurs ses sujets, qui se firent Comtes, pource que les Danois estans descendus en la basse Bretagne, occuperent le païs iusques à ce que Rhimo Roy de la grand Bretagne chassé par les Pictes, les eut vaincus en bataille: La fille duquel Hoël espousant, en eut Alain le Grand. Rhimo demoura en Cornouaille, Vanes, Leon & Triquier. De maniere que lors il y eut deux Rois en Bretagne, pendant que Conan, ou Conar, se fai& Comte de Vanes, Gonobert, de Renes & Nantes, Comore de Leon, lesquels sont nommez par Gregoire, ainsi que i'ay dit cy dessus, & firent ce qu'il recite, car voila comme i'esclaircy l'origine de ces Comtes Bretons. Or Maelou eschappé du danger, se retira à Vanes, là où fait Clerc, il fut esleu Euesque. Et puis quand il vest Conan mort, laissant croistre ses cheueux (coupez comme à vn Ecclesiastique) il se saisit des terres de son frere, reprenant sa femme, de laquelle il s'estoit separé durant sa clericature: dont il fut excommunié par les autres Euesques. Gregoire vse de ce mot, combien que de son temps il y eust des Prestres mariez. Vray est que les Euesques de Gaule du mesme temps, en acceptant la charge Episcopale, laissoient du tout leurs femmes. L'an cinq cens cinquante six Vigile Pape retournant de Constantinople (où il auoit esté retenu par l'Empereur) mourut en Sicile, le dixiesme Ianuier. Auquel le mois d'Auril ensuiuant, succeda Pelage, premier de ce nom. Mard, ou Medard Euesque de Noyon, & Gildard Euesque de Rouen, freres, nais & faits Euesques en mesme jour, ladicte année moururent à mesme jour. <sup>Lecteur, excuse ce</sup> <sup>marre</sup> <sup>qui se sent du feu, dont la coppie a esté traitée.</sup> Je vous ay cy dessus remarqué quelques faits d'armes des Seignes. Ceste nation belliqueuse, non con-

## DES ANTIQVITEZ FRANCOISES LIV. III.

*L'An de* tente d'auoir conquis la grand Bretaigne, & chassé les anciens habitans, roldoit  
*Iesus* encores la Mer en ce temps, & se logéât en aucuns riuages de l'Ocean Gaulois,  
*Christ.* molestoit ceux du Royaume de Clotaire, lequel (côme il estoit actif de nature)  
 557. ne le peut endurer : & l'an cinq cens cinquante sept, allant chercher ces cou-  
 reurs iusques en leur país originaire, leur donna bataille pres la Vesere, de la-  
 quelle il eut victoire, & gasta le país de Thuringe, en haine de la faueur que  
 les habitans auoyent prestee aux Sefnes coursaïres. Cela fait, & retourné en  
 France, il enuoya en Auuergne Chram son fils, qu'il fit Duc d'Aquitaine (ce  
 disent aucuns) & routesfois les fils des Rois s'appelloient Rois, principale-  
 ment quand ils auoyent le gouuernement de quelque Prouince: comme Gre-  
 goire appelle Roy, Thiebert fils de Thierry Roy de Mets, à ce voyage de Lan-  
 guedoc, duquel il ramena Deuterie. Ce Chram, ieune Prince tresbeau, mais  
 d'esprit malin, & le plus rusé que l'on eust sceu trouuer pour son aage, se por-  
 toit fort mal en sa charge. Car il n'y auoit pas vn homme d'honneur ne de con-  
 seil pres sa personne, ains des gens de basse condition, ou ieunes comme luy,  
 lesquels plus volontiers il croyoit, laissant ranir les filles des nobles Gaulois à  
 des voleurs. Il chassa aussi honteusement du Comté d'Auuergne Fremin, &  
 mit en son lieu Saluste fils d'Euodie. De sorte que Fremin & Cesarie sa belle  
 mere, furent contrains prendre la franchise d'vne Eglise, de laquelle Chram  
 commanda à Imnachaire & Scaptaire de les tirer. Comme il les vouloit confiner,  
 il se sauuerent dedans celle de S. Iulian de Brioude, & neantmoins leur  
 bien fut confisqué. Ce pendant, Clotaire visitant son Royaume, est aduertty  
 que les Sefnes auoyent pris les armes, & refusoient de payer le tribut accou-  
 stumé. Comme il assembloit son armee, ce peuple repenry enuoya des Amba-  
 sadeurs au deuant, luy offrir ce qu'ils souloyent payer tous les ans à ses freres  
 & nepueux (cecy monstre qu'ils estoient sùjets d'Austrasie) voire encores da-  
 uantage s'il luy plaisoit. A quoy le Roy bien volontiers s'accordoit, quand son  
 conseil luy remonstra, que ces gens trompeurs de nature, ne feroient rien de  
 ce qu'ils disoient. Les Sefnes ainsi rebutez, par crainte de la guerre, offrirent la  
 moitié de leur vaillant, Ce que le Roy trouua plus que raisonnable : & toutes-  
 fois le mesme conseil le refusa. Au moyen dequoy les Ambassadeurs retour-  
 nerent vers leurs gens, qui pour la troisieme fois les renuoyerent, presenter  
 tout ce qu'ils auoyent de biens, vestemens, bestes & meubles, demandans seu-  
 lement la franchise & liberté d'eux, leurs femmes & enfans. Ce qui ne fut non  
 plus accepté de ceux du conseil, encores que Clotaire remonstra, que leur opi-  
 niastreté pouroit offenser Dieu. En quoy, tant s'en salut qu'il fust creu des  
 François animez contre les Sefnes, qu'ils deschirerent le paillon du Roy, du-  
 quel le tirans le menacerent de tuer, s'il ne les suiuoit. Lors par crainte de plus  
 grande force, il marcha quant & eux, maudissant l'orgueil des siens. Ainsi les  
 Sefnes contrains de faire vertu de necessité, donnerent à cognoistre que la  
 force mal-conduite se perd de soy-mesme : & que le desespoir bien souuent est  
 cause d'vne certaine victoire. Car ils resisterent de tel courage, qu'ils gaigne-  
 rent la bataille, en laquelle mourut si grand nombre de François, que Clotaire  
 fut contraint de demander la paix à sa honte: remontrant qu'il estoit venu cõ-



tre eux malgré son vouloir. Puis le traicté conclud & arresté, il s'en retourna en son Royaume, eschappé d'un bien grand danger.

L'an de  
Jesús  
Christ.

CHAP. XII.

*Chram rebelle à son pere, retiré vers Childebert son oncle, se saisit des pays de son gouvernement. Assailly par ses freres, les met en fuite. Oracle tiré par luy des livres Saincts. Messe Gauloise differente de la Romaine. Les Thiefales Scythes, ont edifié Thisfauges en Poictou. Mort de Childebert Roy de Paris. Ses filles ne succederent à la Couronne. La loy Salique: & origine des loix Françoises. Clotaire poursuivant Chram son fils, gagne la bataille, le fait brusler avec sa femme & ses filles. Mort dudit Roy Clotaire. Eglises Cathedrales de France, à qui dedices. Oraisons de la Messe, pourquoy appellees Collectes.*



OMME Chram faisoit tant de maux en Auvergne, vne si violente fièvre le saisit, qu'il en perdit les cheveux. Il avoit avec luy un fort notable & magnifique Seigneur, habitant de Clermont, nommé Alfoind: qui le vouloit retirer de mal-faire; ce qu'il ne pouvoit. D'autant que ce Prince croyoit plustost Leon Poictevin, qui luy seruoit d'aiguillón & bouter-feu à tout mal, estant outre cela avaricieux & sanguinaire, ainsi que la beste de laquelle il portoit le nom. Car Leon disoit, que saint Martin & saint Martial avoient esté tres-mauvais regalistes, diminuans si fort le domaine des Rois (ie croy pour le donner aux Eglises) dont il fut diuinemēt puny, & ne luy seruit de rien (dit Gregoire) le pardon qu'il vint demander en l'Eglise de S. Martin de Tours, ne les presens qu'il y fit: car il s'en retourna malade comme devant. Or Chram apres avoir esté quelque temps en Auvergne, partit de là pour venir à Poitiers: & tenant Court plus magnifique qu'il ne devoit, pour fournir à sa despence outrageuse, fut cōtrainct piller les sujets de son gouvernement, ainsi qu'un tyran. Ce que rapporté au Roy son pere, il envoya gens luy commander de reuenir: en intention de le reprendre de ses fautes & violences. Mais le jeune Prince mal-advisé, & seduit par aucuns meschans conseillers, au lieu d'obeïr, se rebella: & pour dresser party contraire à son pere, delibera de se retirer vers son oncle Roy de Paris, qui tellement le caressa, que Chram luy promit de jamais ne se departir de son alliance, ne retourner avec son pere. Childebert donc ayant finement desbauché son neveu, essayoit encores à soustraire tous les parens & amis de son frere, oubliant que jamais il n'avoit profité à le guerroyer. Toutesfois cette alliance eust esté dangereuse au public, si le Roy Parisien ne fust mort bien tost apres. Car Chram retourné en Lymosin, saisit tous les pais qui luy avoient esté donnez en gouernement: non sans

*Van de la foule de ses sujets, principalement d'Auvergne & de Clermont, par luy re-*  
*lesus* nus si court, qu'aucun n'eust osé sortir lès portes des villes. Outre les diuerses  
*Christ.* maladies, qui en ce temps-là persecutoient le peuple, la guerre que Clotaire  
 auoit contre les Sefnes entretenoit Chram en ceste des-obeyssance: & d'avan-  
 tage l'animoit contre son pere, assez empesché d'autre costé, ce luy sembloit.  
 A ceste cause pour d'auantage se fortifier de gens de guerre, il auoit espousé  
 Calthe fille de Vvillichaire (qu'une Chronique Françoisse appelle Guillaume)  
 Duc d'Aquitaine, tres-noble Seigneur. Lors d'autant que le Roy Clotaire ne  
 pouuoit abandonner l'entreprise de Saxe, il enuoya Charibert & Guntchram  
 ses enfans, faire teste à leur frere: lesquels venus en Auvergne, & aduertis qu'il  
 estoit en Lymosin, le suiurent iusques au Mont-noir,..... Et planterent leur  
 camp vis à vis du sien. Chram par eux sommé de rendre ce qu'il auoit occupé,  
 ou s'apprester à la bataille, respondit qu'il vouloit demourer sujet de son pere,  
 & neantmoins, qu'il ne pouuoit rendre le país qu'il luy auoit donné de sa vo-  
 lonté, & duquel il n'entendoit sortir. Ceste responce apportee au camp des  
 freres, chacun se prepara au combat, quand sur le point qu'ils deuoyent choc-  
 quer, vne tempeste meslee d'esclair s'esleua si grandement, que les deux armées  
 furent contraintes de retourner au logis, & Chram aduerti de la bataille don-  
 nee en Saxe, sous main fit dire à ses freres que leur pere y auoit esté occis. De-  
 quoy effroyez, ils retournerent arriere, prenans le chemin de Bourgongne,  
 suivis de Chram iusques à Chaalons sur Saone, qu'il assigea & prit, puis tira  
 vers Dijon. D'auanture Terric Euesque de Langres, estoit en la ville, & les  
 Clercs de son Eglise s'apprestans pour chanter les Messes en la presence du  
 Roy (entendez Chram) l'un print le liure des Prophetes, l'autre celuy des Epi-  
 stres, & le tiers les Euangiles, qu'ils mirent sur l'Autel, priât Dieu de monstres  
 à ce jeune Prince ce qui luy aduiendroit, afin que d'un commun accord, cha-  
 cun leust aux Messes ce qu'il auroit rencontré. Le premier donc ouurant le  
 liure des Prophetes, leur ce passage. L'abbatray sa clôture, pource qu'au lieu  
 „ de raisins elle a produict de la vigne sauuage. L'autre ouurant le liure des Epi-  
 „ stres leut. Vous sçavez bien mes freres, que le jour du Seigneur viendra, com-  
 „ me le larron fait la nuit: & quand ils disent, nous sommes en paix & seurté,  
 „ lors voicy qu'ils sont tout soudain accablez de la mort: ils n'en eschapperont,  
 „ non plus que la femme n'enfante point sans douleur. Mais il trouua en l'Eua-  
 „ gile ce qui s'ensuit, Qui n'oit point ma parole, il sera comparé à l'homme fol  
 „ & mal-aduisé, qui a basti sa maison sus le sable, la pluye est venue, les riuieres  
 „ se sont desbordées, les vents ont soufflé, & heurté ceste maison, qui est tum-  
 „ bee: laissant & monstrant vne grand ruine. Outre que cy deuant l'ay aduertey  
 ceux qui liront ces Antiquitez, que nos Chrestiens Gaulois vsoient de telle  
 sorte d'oracles, l'on peut remarquer en cest endroit, que les Epistres & les E-  
 uangiles qu'on lisoit aux Messes n'estoient encor arrestees, & en mesme jour  
 prises & recitees d'un mesme chapitre, par toutes les Eglises; ains selon qu'il  
 plaisoit aux Prestres: comme encores vous voyez que les Dioceses d'un mes-  
 me Archeuesque n'observent pas un mesme ordre d'Euangiles ou d'Epistres  
 en leur seruice. Aussi les Messes Gauloises n'estoient semblables aux Romaines,

nes, ainsi que ie diray en autre part. Car en ceste-cy on lit quelque chose des Prophetes: ce qui estoit semblablement obserué en l'Espagne: comme la Messe des Mosarabes le monstre: & nostre Eglise Galicane, ne la garde qu'aux ieunes des Quatre temps. Mais puis que le Concile d'Afrique estoit ja en vſage, ie m'esmerueille comme nos Gaulois obseruoient ces oracles, veu que par l'article d'iceluy, les sorts, que l'on appelloit diuins, estoient deffendus; ou il faut dire, qu'ils estoient autres que ceux-cy. Chram donc ayant ouy les Messes, & mangé avec l'Euesque, ne fut par luy receu dans Dijon, ains passa outre, pour venir trouuer son oncle, qui auoit esmeu les Sefnes, ja entrez en France, pillans & rançonnans le pays iusques à Nus. Et cecy est remarquable, qu'on appelle France, le territoire de ceste ville assise en Gaule, & bien estoignée de la Franconie. Le Prince non content de cela, pendant que son pere vaillamment résiste sur la frontiere, auoit esmeu le Roy de Paris: lequel venu en la campagne de Reims, gastoit tout le pays voisin de ceste ville, qu'il vouloit mettre en son obeissance, cuidant que son frere fust mort. Puis quand il l'eust ioinct, & Chram fut aduancé iusques à Paris, il luy fit iurer sur des corps Saints qu'il seroit tout outre ennemy de son pere. Au mesme temps Astrepie craignant le Roy Chram (car Gregoire l'appelle ainsi, pour la raison susdicte) se sauua en l'Eglise de saint Martin de Tours, avec grande necessité, pource qu'on deffendoit de luy porter à boire & à manger. Toutesfois au retour du Roy Clotaire, il rentra en grand honneur: Et depuis estant au chasteau nommé la Selle, qui est en Poictou, il se fit Clerc, sous esperance qu'apres la mort de Pience Euesque de Poictiers, il tiendroist sa place; jaoit qu'un autre depuis eut l'Euesché: & quelque temps apres, le mesme Astrepie fut occis par les Theisales, qu'il auoit greuez & outragez. De ces gens auparavant souldoyers des Romains, mais d'origine Scythes (ce dit Zosime) Tifauges, place de Poictou peut auoir pris son nom. Toutesfois ie n'ose pas assurer s'ils estoient de ceux, dont Ammian Marcellin parle, au vingt & sixiesme liure de son histoire, ou d'autres venus depuis pour tenir garnison en ce pays: car le liure intitulé *Notitia Imperij Romani*, loge des Theisalois en Gaule. Estant mort Pelage Pape, l'ancien cens soixante & vn, Jean troisieme luy succeda, & lequel on dit auoir fait l'ordonnance, qui deffend à aucun de s'appeller Euesque vniuersel. Cependant Childebert malade d'une fièvre, qui le tint longuement au lit, mourut l'an cinq cens soixante deux, & le quarante neuf de son regne. Car ie suy l'opinion d'Aymon, plus veritable que celle des autres, qui le disent n'auoir regné que quarante six ans: estant certain, que la lettre de la fondation de Saint Germain des prez, porte la darte de quarante huitiesme an de son regne. Ce Roy eut de Vitrogotte sa femme deux filles, l'une nommée Badefinde, & l'autre Crosberge, qui ne luy succederent point; soit que Clotaires estant saisi du Royaume & tresor de son frere, mit encores sa femme & ses enfans en prison: ou plustost à raison que la loy des Saliens vouloit que les filles n'eussent aucune part aux Aleuds (c'est à dire propres heritages) assis en la terre viuant à la Salique. Ce que les Ripuariens ou Ribarols gardoient aussi, comme il se lit aux loix faictes par ces deux especes de François,

sous le tiltre des Aïeulx. Car il ne faut s'arrester à ce que les Anglois disent, que c'est article a esté entré en faueur du Roy Philippes sixiesme surnommé de Valois. Pour ce que ie puis monstrier des copies, escrites il y a plus de six cens ans, où se voyent ces mots, scauoir en celle des Saliens, *De terra Verò Saliqua, nulla portio mulieri veniat, sed ad virilem sexum tota terra hereditas perueniat.* C'est à dire: Quant à la terre Salique, nulle portion vienne à la Femme: mais tout heritage partienne aux Masles. Et en celle des Ribarols: *Sed dum virilis sexus existet, femina in hereditatem asiaticam non succedat:* Mais tant qu'il y aura des Masles la femme ne succedera en l'heritage de son ayeul. Me reseruant vn autre endroit, à parler plus amplement de la succession des filles à leurs peres Roys. Ainsi mourut Childibert Roy de France du quartier de Paris, qui fut enterré en l'Eglise par luy edifiée pres ceste ville en l'honneur de la Croix & de Saint Vincent, non encor dediée de son temps, ains sous Clotaire son frere. Du Tillot le fait aussi fondateur de l'Abbaye bastie au peril de la mer, sur le mont (ou plustost rocher) dedié à Saint Michel, au Diocese d'Auranches; & encorés de Saint Germain de l'Auxerrois à Paris (iadis surnommé le Rond) ie croy pour la figure du bastiment. Par vn Epigramme de Fortunat, il semble aussi que la grande Eglise de Paris (toutesfois autre que celle qu'on voit à present) fut aussi dressée du viuant de ce Roy; duquel l'on trouue encor des loix, mêlées parmy les Saliques, que l'on pense auoir esté faites sous luy, & Clotaire son frere, puis mises avec celles que Clouis auoit publiées apres son Baptisme. Car il ne faut penser; que les anciens François vesquissent sans forme de iustice: puis que Tacite dit que les Germains (desquels les Sicambriens ont esté desmembrez, & de partie de ceux-ci les Franks) la gardoient tres-bien. Que si le recit de l'auant-propos du liure appellé loy Salique est veritable, & qu'il soit fait du temps de Pharamond (pource qu'il semble auoir esté composé depuis le Baptisme de Clouis) nos François auoient les loix escrites auant qu'ils fussent Chrestiens: mais l'auarice, & autres vices que les victoires amènent, croissans avec leur Seigneurie, estans encor idolatres (il n'est point dit si ce fut par commandement de Pharamond) pour entretenir la paix, ils assemblerent les plus sages d'entr'eux, & choisirent quatre Seigneurs, qui en trois Malz (c'est à dire iours d'audience ou de plaids) tenus aux villages de Solehem, Bodehem, Vidoham, assis outre la riuere du Rhin, publierent les loix & ordonnances qu'ils aduiserent les meilleures pour appaiser tous differends. Puis quand Clouis se declara Chrestien, il corrigea ces loix, en les approprian au Christianisme, & apres luy Childobert, Clotaire, & autres Roys, iusques à Dagobert. Finalement, Charlemagne les fit assembler l'an 788. & mettre en vn corps de liure: pour seruir (ie croy) de reglement aux François, qui viuoient à la Salique. Et en fit auant pour les Ribarols, les Bauiériens, Sefnes, Allemands, & autres ses suiets. Quant au reste (principalement ceux d'outre Loire & les Alpes) ils suiuoient la loy Romaine, ou Gothique: les Bourguignons auoient aussi vne loy à part; appellée Gombette; pour auoir esté ramassée par Gombaut leur Roy. Toutesfois, si aucun Goth, ou Romain, habitoit parmy les François, il estoit tenu de declarer quelle

coutume il vouloit tenir; & ie croy bien que les François en faisoient autant  
 s'ils vouloient viure entre les autres nations; ainsi que de long temps depuis,  
 Mathilde Duchesse en Italie le practiqua. Chram donc desnüé du support  
 de son oncle, se vint presenter à son pere, qui luy pardonna. Mais la no-  
 blese de Calthe sa femme, fille du Duc Vvillichaire, luy engendrant des ini-  
 mitiez, il fut contraint se sauuer avec elle, & ses enfans en Bretagne: vers le  
 Comte Caonabe, qui auoit espousé la sœur de sa femme; & Vvillichaire son  
 beau-pere, courre à la franchise Saint Martin de Tours: Cépandant Clo-  
 taire courroucé de la fuite de son fils, assemble son armée, & la mene apres.  
 Chram ne fit difficulté de venir à l'encontre, bien accompagné de Bretons;  
 l'assurance desquels l'encouragea de se camper pres de son pere, & tout sur  
 l'heure luy presenter la bataille; si la nuit ( qui approchoit ) ne l'eust empes-  
 ché; & laquelle venue, Caonabe luy demanda s'il vouloit qu'il allast seul  
 charger ses ennemis: car il ne luy sembloit raisonnable que le fils combatisst  
 contre son pere. Dieu voulut que Chram ne prit cest aduis; & neantmoins,  
 les deux armées sortirent aux champs le lendemain. Lors Clotaire priant  
 Dieu de luy donner pareille issue que Dauid eut contre Absalon son fils, com-  
 battit si vertueusement, que le Comte de Bretagne tourna le dos, & fut tué  
 en fuyant. Dequoy Chram s'estant apperceu, se retira vers les nauires qu'il  
 tenoit prests pour cest effect. Mais comme il vouloit quāt & luy sauuer sa  
 femme & ses filles, il fut prins par les gens de son pere; qui commanda de  
 le brusler avec sa femme & ses enfans. Ayant donc ce malheureux Prince  
 esté mené en la maison d'une pauvre femme, il fut estendu sur vn banc, & là  
 estranglé d'une seruiette; puis le feu mis en la maison, de consuma avec sa  
 femme & ses filles: l'an de Iesus-Christ, cinq cens soixante & trois. Et  
 voila comment mourut celuy, qui non content d'un Royaume, vouloit oster  
 à son pere ce qu'il tenoit de reste. Peu deuant sa mort, deux bandes de lo-  
 custes, ou sauterelles, passans par Lymosin & l'Auuergne, s'assemblerent  
 en la pleine de Romagnac; qui est pres la ville de Clermont, où elles choc-  
 quèrent & se donnerent comme vne bataille, que l'on iugea lors auoir signi-  
 fié celle du fils & du pere. Clotaire despeché d'un si mauuais enfant, vint à  
 Tours, où il fit confession de ses pechez deuant le sepulchre de saint Martin,  
 jaoit que la confession qui s'appelle auriculaire ( pource qu'elle se fait à l'au-  
 reille d'un Prestre ) fust ja en vŕage en nostre Eglise Gauloise ( ainsi qu'il se ver-  
 ra tantost ) il faut croire que ceste-cy fut publique, d'autant que ce Roy ve-  
 nant tout fraichement de commettre vn parricide es personnes de Chram  
 son fils, sa bru, & ses petites filles, selon l'Eglise il en dauoit faire publique  
 penitence, s'il vouloit participer à la communion. Il donna de grands biens à  
 l'Eglise, qu'il fit couvrir d'estain, pource qu'elle auoit esté bruslée par l'inso-  
 lence de Vvillichaire, & sa femme, comme aussi l'an precedent, la ville auoit en-  
 duré par celi inconuenient de feu. Apres cela le Roy reprit le chemin de France,  
 & vint chasser en la forest appelée Cortia, & par vne vieille Chronique Fran-  
 çoise, Cuise ( comme encor es vne partie de celle de Compiègne retient ce nom )  
 où estoit malade d'une fièvre, il fut apporté à Cōpiègne. Gregoire dit, que durāt

L'an de sa maladie, souvent il s'escrioit, Ha ! combien pensez-vous que ce Roy du  
 ciel soit puissant, veu qu'il fait ainsi mourir les plus grands de la terre. Je ne  
 fais doute aucune que ce discours luy entra en l'esprit, sur la pensée de sa vie  
 execrable, ayant esté si cruel, & aussi vicieux Prince qu'on eut peu lors trou-  
 uer. Et neantmoins encores auoit-il bonne opinion de la diuinité, puis qu'il  
 l'estimoit plus grande que la puissance des Rois mondains, qui bien souvent  
 caident estre plus que Dieu; & toutesfois ne scauroient se garantir de la mort,  
 que tant ils redoutent. Ainsi trespassa Clotaire, l'an 564. & le cinquante &  
 vnième de son regne, le propre iour (mais l'an d'apres) que par son comman-  
 dement Chram son fils auoit esté estranglé, & puis brulé. Son corps fut en-  
 terré à Soissons, en l'Eglise par luy commencée à bastir en l'honneur de saint  
 Crespin, ou Crespinian, & qui depuis, pource que ce Roy y fit enterrer Me-  
 dard Euesque estimé Saint, en a pris le nom; ainsi que plusieurs autres: n'estât  
 pas la coustume des anciens de bastir des Eglises qu'en l'honneur des Martyrs.  
 Et de fait vous ne trouuerez en France Eglise Cathedrale qui ne porte le nom  
 de la Croix, & de la vierge Marie, ou de quelque Martyr. Ce qui, à mon aduis,  
 procede de l'ancienne coustume des Chrestiens, lesquels volontiers s'assem-  
 bloient aux sepulcres des Martyrs, & mettoient dessus leurs oblations, pour  
 communier, ou les distribuer aux pauures: dont aucunes oraisons qui se disent  
 apres l'Offertoire de la Messe, sont encores appellées Collectes. Et c'est la cau-  
 se pourquoy il est deffendu par les Canons leuer Autels, si premierement des  
 Reliques ne sont mises dessous. Mesmes les bastimens où les Chrestiens s'as-  
 sembloient, volontiers s'appelloient *Martyrium*, à cause des Martyrs; *Dominicum*,  
 à cause du nom de Dieu; par excellence nommé *Dominus*, dont vient le  
 mot Italien *Donne*, & *Monasterium*, à cause des Moines, qui nous les ont fait ap-  
 peller Monstiers.

## CHAP. XIII.

*Partage des enfans de Clotaire, & quelle dignité c'estoit. Mort  
 de Iustinian Empereur. Iustin son neveu luy succede. Narses fait venir en  
 Italie les Lombards. Les Huns voulans entrer en la Gaule sont battus.  
 Chilperic Roy de Soissons guerroye Sigisbert son frere, Roy de Mets. Ma-  
 riages & enfans de Guntcham, Roy d'Orleans & de Bourgongne. De Sigis-  
 bert Roy de Mets, & de ses enfans. D'Aribert Roy de Paris. Gogon ver-  
 tueux gentil-homme François. Declare Chrodeu Maire du Palais d'Au-  
 strasie.*



Je ne reprendray point ce que j'ay dit des mariages de Clotaire, il  
 suffira ramentenir qu'il laissa quatre enfans mâles, à sçauoir,  
 Aribert, ou Charibert, Guntcham, Chilperic, & Sigisbert, pour  
 luy succeder, avec la mesme fortune qu'il auoit fait à Clouis: c'est  
 à dire, pour, apres vn partage de quatre Royaumes, ramener tout

à la Seigneurie de son petit fils de mesme nom que luy. Quant à Chilperic, <sup>L'an de</sup> comme il estoit plus subtil que les autres, entendant la mort de son pere, il faillit le thesor Royal estant à Bresne sur Vesle, petite ville & chasteau voisin de Soissons, & se retira vers les principaux Seigneurs de France, que par presens il gaigna. Puis tout soudain vint à Paris occuper le siege de Childebert, dont aussi tost il fut chassé, par ses autres freres bandez contre luy. Et le partage incontinent fait, le sort voulut qu'Aribert eut le Royaume de Childebert, & le siege de Paris; Guntchram celuy de Clodomir & le siege d'Orleans; Chilperic celuy de Clotaire son pere, & la chaire de Soissons; Sigisbert le Royaume de Thierry, & le siege de Reims, ce disent nommément ledit Gregoire & Adon: ce qui monstre que Mets n'estoit pas le vray siege du Royaume d'Austrasie. Quant à Guntchram, son premier acte de marque, fut de chasser Agrecule hors l'estat de Patrice de Bourgogne; lequel office il donna à Celse, homme sçauant en droit, mais auaricieux. Ceste dignité estoit la principale de ce Royaume, les Roys duquel pour le voisinage d'Italie, n'auoient point changé ce nom d'estat Romain inuenté depuis Constantin le grand. Car au precedent, l'on appelloit Patrices ceux qui estoient descendus des anciens Senateurs, choisis par Romul premier Roy de Rome; ou d'autres mis en leurs places, quand les enfans des premiers vindrent à faillir; au lieu desquels, les Empereurs appellerent encores d'autres, pour honorer les Gentilshommes issus de peres qui auoient tenu les grands estats. Mais comme Constantin rompit presque toute la police de l'ordre de guerre de ses predecesseurs; il inuenta encores ceste dignité pour estre par dessus les Ducs & Comtes. Ce que j'ay dit, afin qu'on ne croye pas que les Pairs ayent pris leur nom de Patrices, ainsi que plus au long j'ay montré en mon liure Des dignitez & Magistrats de France. L'an cinq cens soixante & cinq, l'Empereur Iustinian ayant institué son heritier & successeur Iustin second fils de sa sœur, mourut à Constantinople, âgé de quatre vingts trois ans, & le treize huitième de son Empire: fort renommé pour les belles victoires qu'il obtint en toutes les trois parties du monde, par la bonne conduite de Narfes, & de Belissaire ses Lieutenans, qui vainquirent les Perses, Vandales & Ostrogots. Le recueil que par Tribonian son principal conseiller, il commanda faire des loix & ordonnances de ses predecesseurs Empereurs, aduis, consultations & memoires des anciens Iurisconsultes, suyuis aujour d'uy en la pluspart d'Europe, luy acquit si grande renommée, que nonobstant qu'on dise qu'il ayt esté tres-ignorant, de peu de vertu, & maistrisé par sa femme, il a eu plus d'honneur à gouverner son Empire par les sens d'autrui, que beaucoup d'autres plus aduisez que luy: en quoy (s'il est ainsi) l'on doit plus estimer la preud'homme de ses lieutenans, & les tenir pour tres-hommes de bien, veu que si tost que les Capitaines de ce temps-là auoient acquis quelque reputation de vaillance, ils faisoient ordinairement de se flatter contre leurs maistres couards. Toutesfoiz, Narfes & Belissaire furent tres-mal recompensez de leurs peines. Car ce dernier, calomnié par aucuns, fut rappelé de sa charge d'Italie, non tant de son vouloir, que par fault de luy renvoyer du renfort: & Narfes, accusé par les Romains de s'estre trop enrichi, & menacé

*L'an de* par Sophie femme de Iustin Empereur, d'estre enuoyé au Serail pour filer  
*refus* avec les autres femmes de sa maison (car il estoit eunuque) offensé de telle me-  
*Christ.* nace, luy manda qu'il ourdiroit vne telle toile; qu'elle, ne son mari ne la pour-  
 roient tistre de leur vie. Et là dessus, il escriuit aux Lombards (peuple ancien &  
 cognu par Tacite, qui le fait Germain, & depuis venu demourer sur la Dunoé)  
 s'auancer en Italie, & occuper ce que les Ostrogots (n'agueres par luy destruits)  
 auoient tenu. En ce temps là, Albm estoit Roy de ceste nation; dixième en or-  
 dre & rang, ainsi que dit Paul Diacre Lombard; qui a escrit l'histoire de son  
 pays. Ce Roy Lombard donc animé par ces lettres de Narfes, entra en Italie  
 558. du costé d'Aquilée, l'an 558. & nonobstant la resistance de Longin Patrice (lequel  
 se tenant à Rauene auoit pris le tiltre d'Exarche; nouveau & non encores prati-  
 qué, pour gouuerneur d'une certaine prouince) saisit tout le pays d'entre les  
 Alpes & l'Apennin, anciennement appelé Gaule Togate, comme auons dit cy  
 dessus; là où il ietta les fondemens d'un Royaume assez estimé, & duquel ci apres  
 nous aurôs plus d'occasion de parler qu'en cest endroit, où nous sommes pres-  
 sez de reprendre le fil de nos Annales. Or ces Lombards n'estoient pas seuls  
 habitans sur la Dunoé: car plusieurs nations (ainsi que dit Procope) costoyoient  
 aussi le long cours de ceste grosse riuere, & entr'autres les Gepides, :::::  
 Huns, ou Auarrois, lesquels attendans l'occasion de s'elargir, se laissoient em-  
 ployer par les Empereurs aux guerres d'Italie. Les Huns donc pensans trouuer  
 565. quelque bon logis s'efforceroient d'entrer en Frâce l'an 565. Dequoy le Roy Sigis-  
 bert aduertty, mena son armée au deuant, les vainquit, & en tua grâd nombre au  
 pays de Turinge, sur la riuere d'Elbe. Ce nonobstant, le Roy des Huns luy en-  
 uoyant depuis des Ambassadeurs il fit alliance avec luy, pour se dépêcher de ce-  
 ste guerre: affin de resister à Chilperic son frere, qui ce pendant auoit assailly  
 Reims, & occupé plusieurs villes de ses appartenances. Toutesfois Sigisbert  
 569. victorieux, l'an cinq cens soixante & neuf, prit la ville de Soissons, & Thiebert  
 fils de Chilperic, qu'il enuoya prisonnier à Pontignon. Puis venant trouuer le  
 pere mesmes, il le vainquit en bataille, & r'entra dans ses villes perdues. Mais  
 apres auoir gardé prisonnier son neveu vn an durant, il le renuoya chargé de  
 grands presens, luy ayant fait iurer que iamais il n'entreprendroit contre luy:  
 ce qu'il n'obserua pas, ainsi que nous dirons. Tous ces freres furent de diueres  
 natutes, ainsi qu'il apperra par nostre discours, & encores peu heureux en leurs  
 mariages. Guntchra qui estoit de meilleure nature, du comencement prit vne  
 esclave nommée Venerande, pour luy seruir de concubine, & de laquelle il eut  
 vn fils nommé Gombaud. Depuis il espousa Mercatrude fille de Marachere, &  
 enuoya nourrir Gombaud son fils à Orleans. Mercatrude ayant semblable-  
 ment eu vn fils du mesme Roy, par enuie qu'elle portoit à l'ainé, le fit empoi-  
 sonner, ainsi que l'on disoit, & le sien propre estant depuis mort par iuste ju-  
 gement de Dieu, elle encourut la male-grace du Roy. Guntchram, pour estre  
 deuenü trop grosse, & mourut chassée de la compagnie. Toutesfois la prin-  
 cipale cause du courroux du Roy vint, de ce que la mere de Mercatrude, apres  
 la mort de Marachere ayant espousé vn esclave, ou valler de sa maison, Vin-  
 trion & Violie ses enfans l'accuserent d'estre sorcier & purain, qualitez vo-



lontiers coniointes. Au moyendequoy, Guntchram fit tuer ce mary valler, & chassa Mercatrude, pour tost après espouser Austrigilde, surnommée Bobille seruante de Mercatrude, de laquelle il eut deux fils: l'ainé nommé Clotaire, & l'autre Clodomir, tous deux morts de son viuant. D'autre costé, Charibert Roy de Paris, espousa Ingoberge, qui luy fit vne fille mariée au Roy de Kents d'Angleterre (qui peut estre Berthe, que Bede dit auoir esté femme d'Edilbert Roy de ce quartier là) conuertie au Christianisme par Augustin Euesque enuoyé de Rome à la suscitation de la dite Roine, donnée au Roy d'Angleterre, à la charge d'auoir pres de soy vn Euesque de sa religion, nommé Luitard, qui est le troisième exemple de fille de France mariée à Payen, ou heretique, avec le bien de la Chrestienté. Du Tiller, pense que ceste fille fut mariée en Scandinauie, mais ie croy qu'il a voulu dire à Kents, la prouince d'Angleterre opposée à Flandres, Oye, & Boulenois. Ceste Ingoberge auoit à son seruice deux filles d'un pauvre homme drappier drappant, l'ainée qui portoit l'habit de Religieuse, estoit nommée Marcouesse, & l'autre Merefleur, desquelles ce Roy deuint fort amoureux. Dont Ingoberge ialouse, & martie des caresses qu'Aribert leur faisoit, vn iour cōmanda à leur pere de besōgner de son mestier en quelque endroit du palais, cuidāt que le Roy en ayant honte, hayroit ces filles pour l'estat vil que leur pere demenoit. Ceste fourbe bastie, la Roine fait prier le Roy de la venir voir, & lequel n'y faillit, pensant que ce fust pour quelque chose de nouveau. mais quand il aperceut ce drappier trauaillāt de son mestier pour le seruice de la Roine, aduerry qu'il estoit, & de la cause pourquoy on l'auoit mis là, il laissa Ingoberge, & print Merefleur. Il auoit encotes vne cōcubine fille d'un berger, appellée Theodegilde, de laquelle il eut vn fils mort aussi tost qu'il fust nay. Apres cela il espousa Marcouesse, sœur de Flāmesleur, ou Merefleur, dont il fut grandemēt blasmé de Germain Euesque de Paris, qui l'excōmunia, pource qu'il ne la voult laisser: iusques à ce que Dieu fit mourir ceste femme, bien tost luy uie par le Roy, ainsi que dirons. Or Sigisbert voyāt que ses freres cherchans seulement leurs plaisirs, prenoient en mariage des femmes indignes de leur grandeur, voire des esclaves, enuoya vne magnifique Ambassade en Espagne conduire par Gogon Comte de son Palais, & fort vertueux Seigneur, pour demander en mariage Brune, fille d'Atanagilde Roy des Vissigots; qui estoit doiée de bōne grace, belle, sage, & biē emparlée: laquelle son pere ne refusa l'enuoyant en France avec de grands thresors, & richesses. Sigisbert qui auoit assemblé les principaux Seigneurs de son Royaume, la receut en grand ioye & l'espousa, après l'auoir fait baptiser au nom du Pere, du Fils, & du Saint Esprit, & nommée Brunnichilde; ou Brunnehauc. Car ayant esté nourrie en la creance des Arriens, les Catholiques auoient coustume (ainsi que monstre Gregoire) d'oindre de chresme sacré, ceux qui prenoient la creance de la Trinité. Le chāt nuptial de ceste Roine, se lit encores dans les œures de Fortunat, estimé le meilleur poëte du temps, qui d'Italie & de Rauenne (son naturel pays) estoit retiré à Tours, & depuis fut Euesque de Poitiers. Le vicil Chroniqueur, & apres luy Aymon, font si honorable mention de Gogon, que ie ne la puis oublier. Il estoit, disent-ils, Maire & Comte du

L'an de  
l'esle  
Christ.

*L'An de le Roy  
Christ.* Le Palais quād il fut enuoyé en Espagne, & paruint à ce degré par vn beau moyen. Le Roy Sigisbert estant encor bien ieune quand il vint à la Couronne, les François luy nommerent pour Maire de son Palais, Crodin, homme de bien & craignant Dieu, lequel retenu en ceste dignité par le Roy, qui l'en estimoit bien capable, Crodin neantmoins le pria d'en estre deschargé, alleguant (ainsi que dit vn aucteur voisin du temps) qu'il touchoit de parenté tous les plus grands Seigneurs de France, l'orgueil desquels il ne pourroit endurer, quand sous ombre de son auctorité, plus hardiment ils voudroient outrager les foibles, sous esperance d'estre supportez de luy, au moyen de son auctorité. Et iacoir qu'on luy peust dire, qu'il ne falloit laisser à faire iustice pour la parenté, il respondit, que rigoureusement l'exercant, il ne pouuoit aussi eiter le nom de cruel, non plus que Brut & Torquat: qui sous vmbre de sauuer leur patrie, se monstrerent gens sans pitié, faisans mourir leurs propres enfans. Aussi quelque chose que la posterité en ait dit, ils furent malheureux. D'autre costé, s'il estoit ainsi qu'il vaille mieux estre blasmé de douceur, que de cruauté, comment pouuoit-il laisser les mauuais sans punition, quand l'impunité les rend plus insolens? Et pource, ja à Dieu ne pleust que pour acquerre la grace des hommes, il encourust damnation eternelle. Apres ces remonstrances (que i'ay tournées de l'Auteur ancien, mot pour mot, pour tousiours représenter la naïfueté du temps) le Roy & les Seigneurs qui se trouuerent presens, le tindrent pour excusé, & luy donnerent pouuoir de choisir celuy qu'il voudroit mettre en haut degré. Crodin le pria de n'estre point forcé de le declarer pour l'heure: mais au lendemain, accompagné des principaux Seigneurs du Palais, il vint de bon matin en la maison de Gogon, le bras duquel ayant mis sur son col en signe de la puissance qu'il deuoit auoir, il luy dit: Que le Roy Sigisbert & l'assemblée des François l'ayant esleu Maire, & Comte du Palais, il y renonçoit à son profit: partant, que ioyeusement il prist ceste charge: de laquelle il se demettoit de bon cœur, pour l'en vestir. Le reste des Seigneurs approuuans l'avis de Crodin, declara Gogon Maire du Palais, & lequel fut estimé fort sage & vaillant, iusques à ce qu'il eust amené d'Espagne Brunchaut, puis que ce iour là fut cause de sa mort, & eust mieux valu pour luy, qu'il eust vuidé le Royaume, qu'amener (ce dit Aymon) vne si cruelle beste. Car si tost qu'elle fut mariée, elle gaigna tellement le cœur de Sigisbert, qu'ayant mis Gogon en sa male grace, elle essaya de le faire mourir, & puis contraignit le Roy de luy faire couper la gorge, tant la sagesse, & preuoyance des hommes est vaine, au prix de ce que Dieu a destiné: & ce que nous cuidons valoir à nostre dessein, est foible, si le contraire plaist au Tout-puissant: comme il appert en cestuy-cy, qui pensant auoir pris vne bonne alliance pour son maistre, & vn support pour soy, alla bien loin chercher la cause de sa mort, & la ruine de la maison de son Roy.

## CHAP. XIII.

*Mariages & enfans de Chilperic Roy de Soissons. Fredegonde sa femme, rusée. Huns retournent en France, & par art Magique vainquent Sigisbert Roy de Mets, qui leur eschappa par beau langage. Gregoire historien François fait Euesque de Tours. Aribert Roy de Paris meurt & ses filles ne luy succedent point.*



**C**HILPERIC homme lascif & leger, encores qu'il eust plusieurs femmes prises pour leur beauré plustost que pour leur noblesse, enuoya demander en mariage Gossuinte, sœur aisnée de Brunnehaut; promettant par ses Ambassadeurs de laisser toutes ses autres femmes. Ceste Princesse amenée en France fut receüe en grand honneur; & par luy espousée à Roüen ainsi que recite le mesme Fortunat, qui dit l'auoir veuë passer à Poictiers dans vn chariot d'argent, fait en façon de Tour, laquelle fut bien fort aymée du Roy, pour les grandes richesses par elle apportées. Et neantmoins, quelque temps apres y eut querelle & du scâdale entr'eux, par le moyen de Fredegonde natifue de Ballencourt pres Soissons (ce dit Gaguin) que Chilperic aymoit auparauant. Car Gossuinte se plaignant au Roy des outrages & torts qu'ordinairement elle receuoit, & du peu de conte que l'on faisoit d'elle, le pria de la renouer, disant estre contête de laisser ce qu'elle auoit apporté. Chilperic l'addoucissoit de belles parolles: mais en fin estranglée par son commandement, elle fut trouuée morte en son liêt. Dequoy les Roys François aduer tis, & que l'estrange mort de Gossuinte estoit aduenü (ainsi que le bruit courroit) à la suscitation de Fredegonde, fils s'appresterent pour chasser ce Roy parricide. Il faut dire qu'ez Assemblées, Sanes & Parlemens generaux, l'on fist droit aux cōplaignans: & que ceste Royné s'estât plainte, le Roy Childeric auoit esté admonesté de faire son deuoir. Car autrement, qu'auoient ses freres à voir en son Royaume? Sans doute chacū estoit ouy en ces generales Assemblées, & la iustice cōmunement renduë à tous François. Et Sigisbert pouuoit supporter Gossuinte sœur de Brunnehaut sa femme. Toutesfois comme Childeric estoit fin & subtil, il rōpit leur entreprise aussi legerement qu'elle auoit esté cōmençee, si vous croyez Aymon: combien que Gregoire nōmément dise qu'il en fut chassé, sans autrement le particulariser: si ce n'est, lors qu'il se retira dans Tournay: dont s'ensuyuit vne perpetuelle inimitié entre Brūnehaut & Fredegonde. Le mesme Chilperic auoit aussi de sa premiere femme nōmée Audouere, trois fils: Thiebert (duquel auons parlé cy dessus) Merouée, & Clouis: & neâtmoins, il la chassa par vne assez lourde ruse de ceste Fredegonde. Car au temps qu'il alla pour conquerir le Royaume de son frere d'Austrazie, empesché contre les Huns, il laissa Audouere grosse: laquelle deliurée de son enfant, Fredegonde qui la seruoit, luy persuada de leuer des fonts de Baptême sa fille nouuellement née, disant qu'elle ne pouuoit trouuer vne plus noble marreine que soy mes-

A A

*L'an de  
1<sup>er</sup> fév.  
Christ.* me. Puis quand le Roy fut de retour, Fredegonde alla au deuant, luy dire que la Royne accouchée d'une belle fille, l'auoit elle mesme leuée des Fonts & nommée Childefinde. A ceste cause, s'il couchoit plus avec Audoëre (qui estoit sa commere) il feroit vn grand peché. Chilperic tout soudain deuenu consciencieux, l'assura que s'il estoit ainsi que ne pouuant coucher avec l'autre il coucheroit avec elle: & qu'il l'espouseroit. D'autre costé la Royne ne sçachât rien de ceste partie (possible tout expressement dressée du consentemēt du Roy) luy vint au deuant, tenāt sa fille entre ses bras. Mais au lieu d'estre caressée, le Roy faisant du courroucé, luy dit: qu'elle ne pouuoit plus estre sa femme, estant deuenue sa commere, & apres auoir chassé l'Euesque qui auoit baptizé l'enfant il mit en vne religion du Mans, la mere & la fille: auxquelles il bailla des terres pour viure: puis espousa Fredegonde, que le Greffier Du Tillet dit auoir esté née de Hannecourt en Picardie, ou Brabancourt en Artois, si l'on croit Nicole Gilles. Car voyla ce qu'a laissé par escrit de ce mariage, Aymon l'Historien. Quant à moy, ie pense qu'il y a faute en ceste narration, & que l'occasion de la separation d'Audoëre, ne vint du comperage. Aussi Gregoire de Tours n'en parle point, & y a plus d'apparece que Fredegonde estant concubine, ainsi que les autres, tellement amadoüa le Roy, qu'il la tint pour son espouse legitime.

56 8. L'an v. c. lxxviii. fut tenu le second Concile de Tours, le 6. an de Charibert, ou Aribert Roy de Paris, par lequel fut commandé aux prestres, de tenir leurs femmes avec eux comme sœurs: & à chacune ville nourrir ses pauvres.

571. L'an cinq cens soixante & vnze, les Huns s'efforcèrent de retourner en France. Dont Sigisbert aduertty, marcha au deuant d'eux, accompagné de bon nombre de vaillants hommes. Gregoire dit que sur le point de la bataille, les Huns par art magique firent apparoir des figures estranges, qui tellement espouuenterent les François, qu'ils furent mis en route, & laisserent Sigisbert entre ses ennemis: desquels il se desuelopa, tant par beau langage, que dons & presens: faisant alliance avec le Cagan (c'est à dire Roy) des Huns: par laquelle ils promettoient de iamais ne s'entreguerroyer du viuant l'un de l'autre: avec grand honneur du Roy d'Austrazie, qui par son bon sens, eschappa d'un grand peril: & encores receut de beaux presens dudit Cagan. Mais si les diables auoient tant de puissance, ie croy que depuis ce temps là, nous remarquerions beaucoup de Princes ambitieux ou foibles, qui se fussent donnez à eux pour venir au dessus de leurs intentions: veu que bien souuent ils se mettent en danger d'aller en Enfer, pour moindres occasions. Et pource il y a de l'apparence, que les Huns ayans par ruse espouuanté les cheuaux des François, les mirent en route. Tout de mesme qu'Annibal avec le feu porté par ses bœufs, eschappa des destroits de Callicule, où Fabius le tenoit assiégué: car les magiciens perdent leur escrime en exploits de guerre, quelque chose que dise Froissart, d'un qui fit rendre le chasteau de Naples d'Italie: & quelque couard capitaine, a voulu faire croire ces enchantemens.

572. L'ancinq cens soixante & douze, Aubert venu de Senateurs Romains, ou selon d'autres, de seigneurs François issus de la race du Roy Clojon le Cheuelu, espousa Bitilde fille du Roy Clotaire. Ce que i'ay voulu dire, pour ce que l'on a opinion que le Roy Pepin, voire Hugues Capet

en sont descendus: & d'autres disent que ceste Birilde estoit fille de Clotaire se-<sup>L'un de</sup>  
cond. Lan cinq cens soixante & treize, ou selon d'autres, soixante & quinze,<sup>Iesus</sup>  
Charibert Roy de Paris, sçauant en Latin, bon iusticier & qui traita bien Vl-<sup>Christ.</sup>  
trogote vefue de Childebert son oncle, confinée par Clotaire son pere, mourut  
à Blaye, appelée Guerriere: pource (comme ie croy) que c'estoit vne place  
forte, où l'on tenoit garnison (ainsi qu'aujour d'huy) pour garder l'embouche-  
re de la riuere de Garonne, & la coste de Xaintonge. Il fut enterré en l'Eglise  
de Sainct Romain de ladite ville, le neuuiesme an de son regne: voire d'auan-  
tage, si Clotaire son pere mourut l'an cinq cens soixante & quatre, & luy soi-  
xâte & quinze. Ce Roy laissa vne fille, qui ne luy succeda point, & sans laquel-  
le ses oncles partirent le Royaume de son pere: qui est vn grand exemple que  
les filles n'auoient lors rien à la couronne François. Quelque tēps apres vne  
des Roynes: & femme du deffunt (Gregoire vsant de ce mor, monstre que noz  
Roys auoient plusieurs femmes, ou que les concubines portoient aussi le nom  
de Roynes) nommée Theogilde, enuoya vers le Roy Guntchram, le prier de  
la vouloir prendre en mariage, ce qu'il promit en luy apportant son thresor:  
l'assurant qu'il la tiendrait en plus grand honneur que n'auoit fait son frere.  
Dequoy bien ioyeuse elle vint le trouuer, & neantmoins, Guntchram luy osta  
presque toutes ses richesses, disant estre plus raisonnable qu'il les eust, que pas  
vn autre: & qu'assés elle auoit esté honorée (voire plus qu'il ne luy apparte-  
noit) d'auoir espousé son frere. Encores non content de ce, il la confina en vn  
monastere d'Arles: où ne pouuant endurer les ieunes & veilles, ainsi que les  
autres Religieuses, elle complota avec vn Goth, pour la tirer, & le reste de ses  
richesses, hors du cloistre: & la mener en Espagne: promettant de l'espou-  
ser quand elle seroit en liberté. Mais cōme les fardeaux de ses meubles estoient  
prests, l'Abbesse s'apperceut de sa fuitte, sur le point qu'elle vouloit sortir: ce  
qui la fit plus estroittement reserrer, apres auoir esté battuë.

## CHAP. XV.

*Alboin Roy des Lombards conquiert l'Italie. Le Roy Guntchram prend  
Aignon & Prouence. Thonon Chasteau voisin de Geneue, tombe dans  
le Rhosne, avec sa montagne, hommes & maisons. Pestilence d'Auuergne.  
Et mort de Caton Prestre charitable. Lombars entrent en France par  
trois endroits. Sont deffaits par Mommol Patrice de Bourgongne. Chro-  
mie Capitaine François prend Trente. Mort de Iustin Empereur. Au-  
quel Tibere succeda.*



O v s auez leu comme Alboin Roy des Lombards entra en Italie.  
Il la trouua en si mauuais estat, qu'ayssément il cōquit toute la plai-  
ne trauersee de la riuere du Po, se faisant maistre de Milan & de  
Pauie; où il establit son siege Royal. Toutesfois, il ne regna  
gueres: ayant esté occis par la malice de Rosemonde sa fem-  
me, qu'il auoit contrainte de boire dans vne coupe (à la custume

AA ij

*L'An de  
Iesus  
Christ.* de ces gens là) faite de l'oz de la teste de son pere, par lay tué: & Clefe son successeur, meurdry pour sa cruauté, dixhuit mois apres son election. Les Lôbardz fachez du gouuernement Royal, établirent sur eux trente Ducs pour manier leurs conquestes: qu'ils estendirent de plus en plus en Italie, au dommage des Exarques par eux rangez dedans Rauenne. Ce qui fut cause que l'Empereur soy deffiant de pouuoir garder la Prouëce, la rendit aux Frâçois: si vous croyez Emil: à fin de fayder de leur faueur contre les Lombards: & commanda au Patrice Amat, d'obeyr au Roy Guntchram, jaçoit que Sigisbert son frere y pretendist aussi deuoir partager. Sur le different desquels, Zaban, Amat & Rodam trois Ducs Lombards entrerent en Gaule, où ils deffirent & tuerent en bataille Amat Patrice, venu andeuant d'eux, avec nombre infini de Bourguignons: puis s'en retournerent en Italie, chargez de grand butin. Lors Sigisbert, croyât que par la mort d'Amat le chemin de cōquerir la ville d'Arles (à ceste heure là estimée la principale du pays) luy estoit ouuert, mande aux Auuergnats de s'aduan- cer de ce costé. Et d'autant que Fremin Comte de ceste ville, tenoit son parry, il enuoye Auouaire vn autre Capitaine bien accompagné, qui par autre en- droit entra aussi dedans, prenant le serment de ceux de laditte ville, au nom de Sigisbert. Ceste surprise rapportée au Roy Guntchram, il despeche Celse pa- trice, avec vne armée qui prit la ville d'Auignon, & puis vint planter le siege deuant Arles. Sabaud Euesque du lieu, cognoissant la foiblesse de ceux de de- dans, ou pour quelque autre occasion, persuade aux gens de Sigisbert de sor- tir aux champs. Car ils n'auoient assez de viures pour soustenir le siege, & va- loit mieux (ce disoit-il) combattre dehors: pource qu'encores auroient-ils cest aduanage, que perdans ils se pourroient sauuer en la ville. Ceux de la gar- nison qui le creurent, sortirent: mais ayans esté mis en route, quād ils se voulu- rent sauuer, ils trouuerent les portes d'Arles fermées. Lors presse des enne- mis, & accablez des pierres, qu'on leur iettoit de dessus les murailles, ils furent contrains passer le Rosne, nageans sur leurs escus & pauois: non sans la mort de plusieurs: que la violence de ceste riuere emporta. Toutesfois, Fremin & Auouaire eschapperent: & la plus grand' perte cheut sur les Auuergnats: & Guntchram par ceste victoire fut confirmé en la possession de Prouence: en rendant Auignon à son frere: car ie lis ainsi en vn fragment de Gregoire, que ie pense auoir esté original de l'Autheur, ou escrit bi en tost apres, & par le- quel l'on peut amender beaucoup de fautes des liures imprimez, ou de Gaguin, Paul Emyl, & des autres qui ont suiuy les imprimez. Au mesme temps il ad- uint vn cas bien merueilleux au chasteau nommé Tauredun assis sur vne mon- taigne voyfine de la riuere du Rosne, qui à mon aduis ne peut estre Tonon proche de Geneue: & d'autres cudent que cefoit Tournon. Ceste montaigne apres auoir fait ie ne sçay quels muglemens & cris, l'espace de trente iours, fi- nalement separée d'avec la prochaine, se renuersa contre val avec ses Eglises, maisons & habitans: bouchant le cours de ladite riuere, qui en cest en- droit estoit pressée de couler entre ceste cy, & vne autre opposite. La cheute qui empeschâ le cours de l'eau, la fit rebrousser contre mont avec telle violen- ce, qu'elle abbatit tout ce qu'elle peut r'encontrer: & puis quand elle eut

surmonté ce qui l'empeschoit, tombant de haut, elle surprit dessous, comme *L'an de* elle auoit fait dessus, plusieurs qui ne s'en donnoient garde; & noya hommes *Iesus* & bestes, emportant les maisons voisines de son riuage, & destruisant le pays *Christ.* iusques à Geneue, où l'eau se trouua si grosse, qu'on dit qu'elle surmonta les murailles de ladicte ville. Puis comme ceste merueille eut attiré plusieurs à la venir contempler, des Moines voisins de là, considerans ceste ruyne, y aperceurent des veines de meral: ce qui leur donna occasion de remuer la terre. Mais pendant qu'ils sont plus ententifs au gain qu'à ouyr vn autre muglement, le reste de la mesme montagne qui vint à tumber, couurit iusques à trente de ces Moines fouilleurs, que l'on ne veit oncques puis. Encôres au mesme temps & auant la deffaiçte des Auvergnats, dont i'ay parlé, enuiron le mois d'Octobre il apparut trois ou quatre soleils, & se fit vne telle Eclipse, qu'à peine l'on voyoit la quarte partie de cet astre. Puis vne Comette se monstra en forme d'espee laquelle dura vn an, veüe de tout le pays: & fut suyvie d'une pestilence qui s'estendit iusques à Lyon, Chalons, Dijon, Bourges & Auvergne: si grandement, qu'à vn iour de Dimanche, Gregoire dit que l'on veid dans l'Eglise Saint Pierre (ie croy de Clermont) trois cens corps morts. Car aussi tost qu'une personne estoit touchée en l'aine, ou sous l'aisselle, apres auoir perdu l'esprit, il luy conuenoit mourir en deux ou trois iours: & lors trespassa Caton Prestre de ladicte Eglise de Clermont, tres-charitable, & bien noble Gentil-homme, qui ce nonobstant, disoit les Messes hardiment, & enseuelissoit les morts. Car au vieil liure de Gregoire qui fut de l'Eglise de Beauuais, & est original, escrit en grosses lettres (ie croy Lombardes) l'on void le mot *Viriliter*: & non pas *Viritim*, comme portent les imprimez par Federic Morel: quil'a fait pour monstrier que lors on disoit vne Messe à chacun mort: ce qui (neantmoins) estoit impossible pour la grande quantité des deffuncts. Iasoit qu'on ne puisse nier que l'Eglise chantaist lors des Messes & ne fust memoire des morts, & des prieres, voire pour ceux qu'ils estimoient estre sauuez. Il sembla aussi que le Ciel fust enflambé, & d'autres signes apparurent en grand nombre. Or les Lombards vne fois amorsez du butin de la Gaule, & pensans trouuer peu de resistance, y entrerent par le quartier d'Ambrun, où commandoit Enne Mommol, d'ancienne maison, & fils de Penie Comte d'Auxerre, vaillant Seigneur & aduisé. Ce gentilhomme enuoyé en Cour avec presens de son pere, qui desiroit estre continué en sa charge, les employant pour soy, se fit accorder le Comté: & nonobstant qu'il eust donné le bond à celui qu'il deuoit hōnorer, le Roy Guntchram le pourueut du Patriciat, auquel il se porta bien vaillammét, & fit assez parler de luy, ainsi que ie diray cy apres. Mommol donc aduertty de la venue des Lombards, marcha contr'eux: & les ayant enclôs dans les montaignes & tranchiz de bois coupez par les forests, en tua & prit vn grād nombre, que le Roy enuoya garder en diuers endroicts, receuans non moindre perte, qu'ils auoient fait de mal aux François, à leur premiere venue. Les Euesques Salonin d'Ambrun, & Sagittaire de Gap, estoient avec luy portans les harnois & combattans comme les autres hommes de guerre. Chose que Gregoire semble trouuer estrange. Car il estoit plus

L'an de  
Iesus  
Christ. conscientieux que ceux du temps de Pepin, lesquels afin de ne perdre leurs  
574. grands fiefs, se trouuoient aux armées. Et toutesfois il semble que du temps  
mesme de Gregoire, les hommes de l'Eglise (ie ne sçay pas si les Clercs, ou re-  
nans de l'Eglise) estoient appelez aux bans d'armées. Ce fut le premier exploit  
de guerre de ce Patrice, depuis assez cogneu par d'autres actes. L'an cinq cens  
soixante & quatorze, George Florent Gregoire gentil-homme Gaulois issu  
des Romains, le plus ancien Historien que nous ayons pour les choses de Fran-  
ce, fut esleu Euesque de Tours : & Iean Pape troisieme du nom mourut, lais-  
sant le siege vacquant dix mois deux iours, iusques à ce que le 17. May de l'an  
575. cinq cens soixante & quinze, Benoist premier fut esleu. Aucuns Sefnes auoient  
accompagné Alboin Roy Lombard quand il passa en Italie : Ces gés mal trait-  
tez par les Lombards (qui ne leur firent telle part de leurs conquestes qu'ils es-  
peroient) essayèrent aussi d'entrer en Gaule l'an cinq cens soixante & seize, &  
576. vindrent iusques à Riez, plâter leur camp en vn village lors nommé Stablon,  
& coururent tous les autres du voisinage, emmenans des prisonniers. Cela venu  
aux oreilles de Mommol, il les chargea auant qu'ils s'en donnassent garde &  
en tua plusieurs milliers, iusques à la nuit qui les separa. Le lendemain côme  
les armées fussent sorties pour donner la bataille, il y eut tant d'allées & ve-  
nues d'une part & d'autre, que la paix se traitta, par laquelle les Sefnes apres  
auoir fait de grands presens au patrice, & laissé tout leur butin avec les prison-  
niers, iurerent de retourner en Gaule, pour se mettre en la sujection des Rois  
de France leurs Seigneurs. Suyuant laquelle promesse, quelque temps apres  
amenans femmes & enfans avec tous leurs meubles, ils firent deux troupes,  
l'une desquelles vint par Ambrun, le mesme chemin que l'an passé; & l'autre  
par Nice, du long de la mer : de sorte qu'ils se ioignirent pres d'Auignon, en  
esperance que le Roy Sigisbert les logeroit au pays duquel ils estoient sortis a-  
uant que venir en Italie. L'on moissonnoit en ce temps-là, & les laboureurs  
n'auoient encores rien leué des fruiçts de la terre, ne ferré en leurs maisons,  
ains estoient demeurez aux champs par les aires. Mais les Sefnes partirent en-  
tr'eux ces grains, & les batirent sans rien laisser aux maistres; puis s'achemi-  
nerent contre-mont la riuere pour la passer, & entrer au Royaume de Sigis-  
bert. Mommol qui en fut aduerty vint au deuant, & les menaça de leur cour-  
re sus, s'ils ne satisfaisoient à ceux du pays où ils auoyent passé, du dommage  
par eux souffert. A quoy ils s'accorderent, craignans ses forces, & compole-  
rent avec luy pour vne grande somme d'argent : moyennant laquelle ils passe-  
rent la riuere; les Autheurs ne disent quelle, & il faut croire que ce fust, l'ai-  
re, ou le Rosne, mais plus pres de Geneue. Aucuns d'entr'eux vendoient des  
verges ou tuiles de cuyure, si bien dorées, que plusieurs qui leur en baillerent  
de la monnoye (comme si c'eust esté vray or) en furent destruits, & ces trou-  
pes vindrent au Royaume de Sigisbert; qui les remit en leurs terres avec diffi-  
culté, ainsi qu'il sera dit. Peu apres Amon, Zaban, & Rodan trois Ducs Lom-  
bards, cuidans que les Sefnes fussent passez de viue force, & les François affoi-  
blis, s'acheminèrent deçà les Monts. Amon entrant par Ambrun, planta son  
camp au yillage de Machao qui appartenoit à Mommol par don de Roy. Zaban



descendant par Die, vint iusques à Valence, où il s'arresta. Mais Rodan fit dresser ses tentes & pavillons deuant Grenoble pour l'assieger. Quant au Duc Amon, apres auoir cōuru tout le pays d'Arles, il prit les villes voisines: il desnua d'hommes & de bestail, la campagne qu'on appelle le Crau: vne pleine ronde entre l'estang de Martegues & l'vne des branches du Rhosne, contenant de diametre six ou sept lieues de pais; laquelle couuerte de cailloux si petits qu'on les peut tenir en la main, neantmoins produit tant d'herbes pour la nourriture des bestes, que c'est merueille: & a donné occasion de feindre, que Iupiter fit pleuvoir ces cailloux, pour secourir Hercule assailly par les Ligures voisins de là. Depuis ce Duc Lombard bien chargé de butin, vint assieger Aix, de deuant laquelle il se leua, apres l'auoir rançonnée de vingt & deux liures d'argēt, qui n'est pas grand chose, ou ce metal estoit bien rare & cher en ce temps-là, ainsi qu'il est aisé à prouuer par beaucoup d'autres exemples: & trouuant vn pas des Alpes mal gardé, il se sauua en Italie, avec partie de son butin. Ce pendant Mommol qui auoit assemblé son armée marche contre Rodan, & ayant passé la riuiera d'Isaire, par le gué qu'une beste luy monstra diuinement, ou par aduantage, surprit deuant Grenoble les Lombards, qui à la venue des François accoururent au deuant, les espées desgainées. Toutesfois apres quelque resistance, Rodan blessé d'un coup de lance, se retira par les montagnes avec cinq cens hommes qui luy restoient; pour se ioindre à Zaban, lequel tenoit Valence assiegée. Auquel ayant raconté sa fortune apres auoir saccagé tout le pays, ils resolurent de retourner vers Ambrun. Mais sur le chemin ils rencontrerent Mommol, qui les chargea & mit en pieces; de maniere que les chefs furent contraincts honteusement se sauuer avec petite compagnie. Les Lombards arriuez à Suze, encores tenus par Sisinie, ce Capitaine Imperial desirant estre deschargé de tels hostes, supposa vn homme, qui fit semblant de luy apporter lettres de Mommol, comme s'il eust esté pres de là. Lors Zaban qui tenoit ce message pour veritable, sortit incontinent de la ville, & Amon abusé de pareille ruse, s'enfuit: abandonnant son butin qu'il ne peut emporter au moyen des neiges: & laissant les Gaules deliures des Lombards; chassés par la vaillance & diligence de Mommol; lequel non content de ceste gloire, print encor vn chasteau nommé Agaune, assis sur la frontiere d'Italie. Chrommie vn autre Capitaine François, passa outre; & força la ville de Trente: toutes fois ce capitaine depuis tué par le Duc Eoin, les Lombards reprirent ceste ville; & trouuans les François trop rudes combatans, se ietterent sur le reste d'Italie, affoiblie par les guerres precedentes. Padiousteray que ceste année, le deuxiesme Octobre mourut l'Empereur Iustin, auquel succeda Tibere.

L'an de  
Iesus  
Christ.

L'an de  
Iesús  
Christ.

## CHAP. XVI.

*Guerre entre Chilperic & Sigisbert freres, Roys de France. Clouis fils de Chilperic chassé d'Aquitaine, par les Capitaines de Guntchram & Sigisbert. Chilperic Roy pourfuyui par Sigisbert son frere : & leur accord. Pays d'entour Paris pillé par les sujets de Sigisbert encores Payens. Chilperic abandonné de ses sujets s'enfuit à Tournay. Sigisbert venant pour l'assiéger est tué. La mort de Sainct Martin seruoit de cotte aux contracts des Gaulois.*



A y longuement esté sans parler de Chilperic, le naturel duquel remuant, fut aussi cause d'esmouuoir de grands troubles entre ses freres, & donna occasion au Roy Sigisbert de luy faire la guerre si cruelle, qu'elle eust ruiné l'estat des François, s'ils eussent esté voisins de puissantes nations, ou les Empereurs deliurez des troubles d'Italie. Les pays de Touraine & de Poictou estoient venus à la part du Roy d'Austrasie, depuis la mort d'Aribert : mais Chilperic les enuoya surprendre par Clouis son fils. Dont Sigisbert aduertý, apres auoir parlé avec Guntchram son frere, ils esleurent chef le patrice Mommol pour recouurer lesdictes prouinces : & lequel venant en ces quartiers, mit en fuite Clouis, tuant Basile & Sigarie Poicteuins, qui auoient assemblé vn grand peuple pour luy resister. Puis entrant dans Poictiers, il print le serment des habitans; de maniere, que Clouis chassé de Tours, s'en vint à Bourdeaux, là où comme il cuidoit estre seurement, Sigulphe qui tenoit le party d'Austrasie, s'esleua contre luy, & le courut à son de trompette, comme vn cerf pourfuyui de fort en fort : ayant le ieune Prince en grand peine à se sauuer dans la ville d'Angers, pour de là venir trouuer son pere. Puis au moy d'vne dissentiõ esmeuë entre Guntchram & Sigisbert, le Roy de France Bourguignonne fit assembler à Paris les Euesques de son Royaume, pour iuger le différent qu'il auoit avec son frere. Toutesfois Dieu n'ayant permis que les Prelats fussent ouys, la guerre ciuile recommença entr'eux plus forte que deuant. Dequoy Chilperic bien aise, fit par Thiebert son fils d'rechef saisir les villes de Tours & de Poictiers, avec les autres d'outre Loire, estans des appartenances de Sigisbert : contre la promesse faicte par ce Prince, qui auoit iuré de ne faire iamais chose au preiudice de son oncle. Il deffit aussi en bataille le Duc Gombaut, qui s'enfuit, & brulla partie de la Touraine ; laquelle il eust reconquise de force, si les habitans ne luy eussent faict le serment. Puis tirant outre avec son armée, il entra au pays de Lymosin, Quercy, & autres prochains : que semblablement il meit à feu, sans espargner les Eglises. Pendant ces choses, Sigisbert apres auoir fait vn grand amas de gens habitans outre le Rhin, s'apprestoit pour venir contre Chilperic, lequel estonné de si grandes forces, enuoya vers le Roy Guntchram son frere, le priant de faire alliance ensemble pour la deffence

deffence commune : à quoy il entendit. Ce nonobstant, Sigisbert entra dans le <sup>l'an de</sup> Royaume de Chilperic, lequel se couvrit de la rivière de Seine & de Roüan, <sup>Jesus</sup> pour arrester l'armée d'Austrasie. D'autre costé, Sigisbert manda à Guntchram, <sup>Christ.</sup> que s'il ne luy permettoit de passer ceste rivière par quelque endroit de son Royaume (il faut dire qu'il fut Seigneur de Troyes & de Melun) il employoit ses forces contre luy. Lors Guntchram pour ne servir de bouclier à autrui, fit paix avec Sigisbert; qu'il laissa passer. Dont Chilperic aduertuy quitta le lieu où il estoit, le retirant en vn grand bourg du pais Chartrain nommé *Aulocin* (ce peut estre Ables) suivy par Sigisbert; qui luy manda de prendre jour & place pour donner la bataille. Mais par l'advis de plusieurs gens de bien, les trois freres s'accorderent, & touchèrent en la main les vns des autres, en l'Oratoire (ie croy Chappelle ou Abbaye) de saint Loup, qui est à Troyes. Car Chilperic, quand Guntchram se fut retiré de son alliance, craignant si les armées venoient à choquer que l'Estat François. & luy mesmes fussent en danger d'estre destruits, rendit les places occupées par Thiebert son fils: priant qu'on ne fit aucun tort aux habitans, par luy contraints de suivre son party pour euitier le danger du fen & de la mort. Les villages d'entour Paris furent lors bruslez, les maisons pillées, & les hommes emmenez prisonniers; contre le vouloir du Roy Sigisbert: qui ne pouuoit retenir la violence des gens d'outre le Rhin, encorés idolâtres: toutes les insolences desquels il enduroit, iusques à ce qu'ils fussent de retour en leur pais. Et d'autant qu'aucuns murmuroient de ce qu'il n'auoir voulu donner la bataille, il monta à cheual & vint parler à eux ce dit Gregoire; pour leur remonstrier que non la deffiance de son bon droit, ou de leur vaillance; & encorés moins la crainte des forces ennemies, l'auoient gardé de donner la bataille: ayant assez esprouué & la fidelité, & le grand courage de tant de bons Capitaines qu'ils estoient; & chacun d'eux congnoissant le tort que son frere luy tenoit: ains la charité Chrestienne, le desir d'auoir de son party Dieu; & le iugement des hommes: & la qualité de ceux contre qui ils estoient forcéz de combattre. De maniere, que la victoire quand bien elle eust esté sienne (car aucun n'en peut assurer, puis que souvent Dieu l'arrache du poing de ceux qui en apparence la doiuent obtenir) ne pouuoit estre que plainctiue, sanglante, & dommageable mesmes aux victorieux; n'ayant peu s'obtenir que par la mort de leurs peres, freres, cousins, parens, amis ou alliez, tous François: c'est à dire en se desolant soy-mesme, ou se rompant leurs propres bras, pour serendre inutiles contre tant d'ennemis ou uerts, ou secrets leurs voisins: qui n'attendoient autre chose que le demembrement du Royaume François, jà trop puissant à leur gré; & pour ceste cause par eux entretenu en diuision. Mais outre ceste raison grandement considérable, les plus sages, l'insupportable arrogance, accompagnée d'extreme auarice, & d'humaine cruauté des Thuringiens leurs alliez d'outre le Rhin, l'esmeuoit à l'illi: d'autant que les outrages qu'ils faisoient, pouuoient degouter les sujets du feu Roy Alaricon son frere jadis modestement gouvernez ( & qu'il entendoit trahir de mesme) d'entrer en son obeyssance, come ils monstroient de vouloir faire: & la continuation de telles malchancetez, faire soupçonner

que ce fust vne marque de sa cruauté naturelle : souffrant pres de soy les Au-  
 chens de tant de maux. Il les prioit donc, de ne croire rien de luy, qui ne se neist  
 son cœur Royal : & garder pour autre occasion, vn si bon courage & affection  
 en son endroict : mesmes qu'ils se tinssent tres-assurez, que toutes ses intentions  
 ne tendoient qu'au bien, & vtilité de la France, leur mere commune. Ces dou-  
 ces patoies dites avec vne belle & Royale assurance, furent tellement escou-  
 tees, qu'il appaisa iusques aux plus mutins : quand ils vindrent à considerer,  
 qu'ils pouuoient obtenir le fruit d'vne bataille sans desguaisner l'espee, & em-  
 portant vn Royaume, pour lequel auoit, ils estoient armez avec regret de  
 combattre leurs parens & amis. Ceste guerre est mise par le Chroniqueur Sige-  
 bert, l'an cinq cens soixante & dix-sept : & ce luy d'apres, l'on vid courir des  
 foudres par l'air, comme deuant la mort du Roy Clotaire : ce qui sembla de-  
 noncer la guerre des Rois & le mal-heur à venir. Car Chilperic ne pouuant  
 endurer la perte de tant de villes par luy n'agueres quittees, renuoya ses Am-  
 bassadeurs vers le Roy Gunthram de prier de s'entrevoir, & aduiser comme  
 ils pourroient nuire au Roy d'Austrasie, ennemy commun. La venue faicte, &  
 apres plusieurs beaux presens donnez d'une part & d'autre : le Roy de Sois-  
 sons assemble son armée, qu'il mena au pais de Rheims. Lors Sigisbert ayant  
 fait reuenir les mesmes hommes tirez d'outre le Rhin à l'autre voyage, s'ache-  
 mina contre Paris : mandant à ceux de Dunois & de Tours, de s'assembler pour  
 faire teste à Thiebert, mais ils feignirent de n'auoir pas entendu son comman-  
 dement. Cependant, Sigisbert apres auoir prins les villes voisines de Paris,  
 marcha vers Rouen, en intention de les abandonner aux ennemis (il peut auoir  
 faute en l'original de Gregoire, & au lieu du mot ennemis, dire dolaires Ger-  
 mains, dont il a parlé cy dessus : car des abrezés disent qu'il prist les valles d'a-  
 lentour) si aucuns des siens ne l'eussent empesché. Et de fait, il retourna vers  
 Paris, où Brunehaut le vint trouuer avec ses enfans. Alors les François, qui cy  
 deuant auoient eu Childebert (ou plustost Aribert, la succession duquel ils  
 deuoient) pour Seigneur, enuoyerent les gens au Roy d'Austrasie, l'assurer  
 qu'ils estoient prests de le receuoir pour Roy, au lieu de Chilperic : Lequel  
 estonné de l'alliance nouvellement faicte par Gunthram avec son ennemy, se  
 retira, ensemble sa femme & ses enfans, dans la ville de Tournay tresbien for-  
 tifiée ; non pas en esperance de recouurer sa perte, ains de prolonger sa mort  
 qu'il voyoit toute certaine. Dequoy Sigisbert aduertý, assemble vne grosse ar-  
 mée pour l'assieger ; le voyant delaisné de tous les Ducs & Seigneurs François,  
 fors d'Ansbald, qui mituxayma estre participant à la mauuaise fortune de son  
 Roy, que luy fausser sa foy. Encores pour le comble du mal-heur de Chilperic,  
 Thiebert son fils enuoyé par luy en Aquitaine, peedit lors vne bataille contre  
 les Ducs Godegisile & Gunthram : en laquelle il demeura tué, & le corps de  
 ce Prince laué & vestu d'autres habillemens par vn sien seruiteur nommé Ar-  
 moult, fut enterré en l'Eglise de saint Gervas Abbaye sous Angoulesme. D'autre  
 costé, Sigisbert voyant toutes choses luy venir comme à souhait, mis ses gens  
 en campagne, delibera d'entierement de s'armer Chilperic. Ront l'heure estoit  
 Eusebe de Paris, Gormer homme fort estimé : lequel aduertý de son inter-

tion, le pria de faire paix avec son frere, luy remontrant que s'il n'auoit resolu de le tuer, il retourneroit de son voyage sain & victorieux. Mais où la volonté seroit autre, il tumberoit en <sup>L'an de</sup> <sup>Jesus</sup> <sup>Christ.</sup> ~~une~~ <sup>la</sup> même fosse qu'il luy preparoit. Sigisbert n'en tint conte, estimant que ces parolles luy estoient dites par vn Euesque partisan, & s'en vint à Vitry près Tournay: où les François assembléz, l'ayans leué sur vne targue ou bouclier, le declarerent leur Roy: quand sur le point de si grand ioye, voicy deux valers enchantez par Fredegonde, & enyurez de vin, lesquels faignans d'auoir d'autres affaires, frapperent ce Roy par les deux costez avec des glaiues appelez Scramafaxes (massacrer en pourroit venir, n'estoit que les loix Gothiques appellent Scram vn ferrement ou arme, & les Allemans, Scram, ce que nous disons escrime) de sorte qu'il rendit l'esprit sur le lieu. Carégisille son Chambellan qui s'estoit fait grand par flaterie, fut aussi tué quant & luy, en le voulant deffendre: & Singille Got qui le seruoit des long temps, fut blessé. Toutesfois Chilperic le traita mal, luy ayant depuis fait bruller les ioinctures avec des cauterres, & desmembrer piece à piece. Quant aux meurdriers, ils furent hachez par ceux de l'armee, accourus au cry tant du Roy que de ceux qui le voulerent deffendre. Cependant Chilperic bieh estonné, & ne scachant comme eschapper du mortel danger où il estoit, fut aduertty par Fredegonde de la mort de son frere: & quant & quant il reçoit pareilles nouuelles du camp. Alors sortant de la ville avec sa femme & ses enfans, les François qui auoient suuy Sigisbert se rappointerent avec luy. Et le corps du Roy mort, reuestu d'autres habillemens, fut premierement enterré en vn village nommé Lambres, voisin de Douay; puis en l'Eglise de saint Medard de Soissons, qu'il auoit acheuée de faire bastir: où il fut mis pres son pere. le quatorziesme an de son regne, & quarantiesme de son aage: & de Iesus Christ, cinq cens soixante & dixneuf, encores que le Chroniqueur Sigebert mette dixhuit. 579. Car autrement le nombre des ans, qui se trouuent en Gregoire ne se rapporteroit, veu qu'il en conte soixante & vn depuis la mort de Clouis, iusques à celle de cestui-cy. Et c'est erreur, de dire qu'il ya quatre cens douze ans depuis la mort de nostre Seignour iusques à celle de saint Martin: pource que la raison del'histoire veut, que la mort de cest Apôstre Gaulois, soit aduenue l'an quatre cens deux. Je ne me fusse pas artéstié à ce conte d'Ans, n'estoit que beaucoup d'Auteurs ont pris pour fondement de nombre, le temps de ladite mort. Et toutesfois, ie n'ay veu liure ancien, qui n'eust la même faute: laquelle vient de ces mots, *quadringenti duo*, escrits par cest abrégé CCCXII. au lieu qu'il falloit CCCXII & otter le x. <sup>BB ij</sup>

## CHAP. XVI.

*Childebert fils de Sigisbert sauué de Paris: declaré Roy d'Austrasie, & les Ceremonies de ladiète declaration. Germain Euesque de Paris de grande autorité. Brunehaut vesue du Roy Sigisbert d'Austrasie, esponse Merouee, fils de Chilperic. Merouee emprisonné par son pere. Referendaire estoit comme Chancelier. Juifs baptisez. Les Dimanches des Aulbes. Pourquoi ainsi appellez. Mommol Patrice gaigne une bataille sur le Duc Dizier. Eulogies & pain benit. Remond Euesque de Paris. Marulf premier Medecin du Roy. Fauconnerie prattiquée par les François. Deuineresse. Herpon Duc.*



R. Brunehaut qui estoit demeurée à Paris, aduennie de la mort de son mary: pource qu'elle mesme seurement ne pouuoit sortir, trouua moyen de sauuer Childebert son fils aagé d'environ cinq ans: que le Duc Gombaut (sçachât qu'il eust esté occis sans remission) mit dans vn panier, & le deualant d'une fenestre le fit par vn sien fidelle amy, porter à Mets: où nonobstant son ieune aage, les Princes & Seigneurs d'Austrasie l'establirent Roy: le jour de Noël, de l'an cinq cens soixante & dix-neuf, ou quatre vingts. Gregoire de Tours, qui fait cottence  
 579. ou  
 580. jour au Roy Guntchram pour commencement du regne dudit Childebert, ne parle aucunement de sacre, & couronnement. Ce neantmoins, il est croyable qu'il y auoit quelque ceremonie, outre l'ellevation sur le Panois: puis que les François ja Chrestiens, prenoient vn tel jour dédié à prieres, pour commencement de son Royaume. Et nous lisons dans vne petite Chronique des Roys Vvisigots, qui est imprimée deuant les loix Gothiques, que Erwigie declaré Roy d'Espagne l'an six cens trente, differa son sacre au Dimanche ensuyuant, comme aussi auoit fait son predecesseur. Mais ie n'ose assseurer si l'onction estoit lors prattiquée entre les Roys François: estant certain que celle de Pepin a esté faite sur l'exemple de Saul, & David Roy d'Israël, vray est que les iours qu'on appelle des grands festes, volontiers estoient aussi de grande chere & magnificence entre nos Roys: qui ces jours là publiquement banquettoient, & les successeurs de Pepin & Capet, durant le seruice Diuin, portoient couronne, ainsi que nous dirons en autre endroit. Cependant, plusieurs sujets & villes appartenantes à Sigisbert, se mirent en l'obeyssance de Chilperic: lequel ayant commandé à Brunehaut de l'attendre à Paris, si tost qu'il y fut, saisit tous les thresors que Sigisbert y auoit laissez: & confina sa vesue à Rouen: comme aussi il retint ses filles prisonnieres à Meaux. Germain Euesque de Paris natif d'Augstun, grandement aymé des Rois François, & principalement de Childebert premier, mourut ceste annee, aagé de quatre vingts ans, & Chilperic

le fit enterrer en l'Eglise de saint Vincent, qui en a peis le nom, de saint Ger- *L'An de  
lesus  
Christ.*  
main: pour la faueur que le peuple portoit à la sainteté de ce bon Euesque,  
auquel le Roy fit aussi l'Epiaphe Latin, qui se lit dans l'histoire d'Aimon: &  
tesmoigne des lettres de ce Prince, & de l'affection qu'il portoit à l'Euesque,  
la vie duquel Fortunat mit lors en vers. Au mesme temps, Ruccullan accom-  
pagné des Manceaux vint contre le pais de Touraine, où il fit beaucoup de  
mal. Et Chilperic enuoya en Poictou une armee conduite par Merouée son  
fils, qui passant par Tours, y fit la feste de Pasques. Mais ne tenant pas grand  
compte des commandemens de son pere, souz ombre d'aller veoir Audouete  
sa mere, conſinee au Mans (ainsi que j'ay dit) retourna tout court à Rouen; où  
par l'aduis de Pretextat Archeuesque du lieu, il espousa Brunehaut. Dequoy  
Chilperic courroucé (car ie croy que luy & Fredegonde craignoyent plus la  
malice de ceste femme, que le mespris des Canons qui descendent au neveu  
d'espouser la vesue de son oncle) monta tout aussi tost à cheual, & les vint trou-  
uer. Toutesſois, pource que ces ieunes gens (peu asseurez d'ailleurs) s'estoyent  
retirez en l'Eglise saint Martin, lors assise sur les murs de la ville: Pour les  
faire sortir delà, il fut contrainct de leur iurer qu'il ne les separeroit point, &  
ne romproit leur mariage, si l'Eglise s'y accordoit. Sortans donc sur la foy du  
Roy, il les baïsa & cauteleusement les fit manger à sa table, puis enuoya Me-  
rouée à Soissons. Mais comme il y sejournoit, Godin (qui laissant le party de  
Sigisbert s'estoit retiré vers le Roy Chilperic, & auoit receu de grands biens  
de luy) assembla une armee de Champenois, & vint en Soissonnois, où il fit si  
grande peur à Fredegonde, & Clouis fils de Chilperic, qu'il les contraignit de  
sortir de la ville, pour crainte d'y estre surpris; comme aussi le Duc essayoit de  
faire. Lors pendant qu'on assemble l'armee, le Roy enuoya des gens vers Go-  
din le sommer de faire son deuoir, & l'admonester de n'estre cause d'esmouoir  
une guerre ciuile. Dequoy les Champenois ne tindrent compte; mais ils per-  
dirent la bataille, en laquelle tous leurs plus vaillans hommes demurerent.  
Ceste course en Soissonnois, aigrit Chilperic contre Merouée, pensant qu'elle  
eust esté faite à la suscitation de Brunehaut. Et pource, ayant fait oster les ar-  
mes à son fils, il le tint en prison assez touttoise; attendant plus ample reso-  
lution de ce qu'il en deuoit faire. Durant ces choses, les Seigneurs Austrasiens  
enuoyerent demander les sœurs de leur Roy, que l'on rendit. Et Godin sauué  
de la susdite bataille, perdit tout ce qu'il tenoit du domaine, que Chilperic  
donna à l'Eglise de saint Medard. Mais peu apres, ce Gentil homme mourut  
subitement, & Rauehing espousa la vesue. Quant à Sigon, qui auoit esté Re-  
ſerendaire, & gardoit l'anneau où estoit grance l'image que Sigisbert faisoit  
plaquer à ses lettres ouuerres, & que nous appellons Seau (c'est la premiere  
marque que nous trouuons de l'estat de Chancelier de France, duquel nous  
auons plus amplement parlé au liure des Magistrats) ayant esté retenu en me-  
me estat par Chilperic, qui luy auoit fait de grands biens, il se retira vers Chil-  
debert. En haine de quoy le Roy Chilperic, donna tout ce qu'il auoit en Sois-  
sonnois au Duc Absouald, & neantmoins cela n'empescha que le mesme Roy,  
ne fust abandonné de plusieurs, qui par auant s'estoient declarez pour luy. En-



L'An de uiron ce temps, aucuns Juifs admonestez par Auit Euesque de Clermont, de laisser leur erreur & prendre le Christianisme, se firent baptiser. Et vn desquels, vestu de blanc (comme lors vouloient estre les nouueaux baptistes) en passant par les rues fut fouillé d'huile puante, par vn Juif obstiné, dont aucuns du peuple furent si marries, qu'ils vouloient lapider le Juif; si l'Euesque ne l'eust empêché. Toutesfois, le jour de l'Ascension ensuiuant, le peuple qui alloit en procession courut à leur Synagogue, & la rasa iusques à l'air. Le lendemain, l'Euesque manda aux Juifs, qu'il n'estoit pas homme pour vser de contrainte envers eux: toutesfois, qu'il les prioit de ne vouloir faire qu'un troupeau; sinon, qu'ils vuidassent la ville. Les Juifs fort obstinez & incertains, ne luy rendirent pas si tost responce, mais trois jours apres, enuoyerent leurs deputez l'assurer, que plusieurs d'eux vouloyent estre Chrestiens. Dequoy Auit tout ioyeux, le jour de Penthecoste suiuant, en baptiza iusques au nombre de cinq cens. Pour le regard des robbes blanches de nos Chrestiens nouuellement baptizez, il est certain que volontiers ils les portoyent iusques à la Penthecoste, & du moins iusques au Dimanche appelé Quasimodo, pour l'introite de la Messe de ce jour, qui commence par ces mots: & s'appelle encores le Dimanche des Aulbes, pour lesdictes robbes blanches representees par les fronteaux que l'on baille aux enfans confirmez, ou par le crespneau de linge blanc. Mais d'autres, veulent que nos Chrestiens ayent pris ceste coustume des anciens serfs, qui volontiers estoient rasez & alloient vestus de blanc apres leur affranchissement: comme si les baptizez fussent affranchis de la seruitude du diable; ce dit Tertullian au traité du Baptisme. Durant ces choses, estant le Pape Benoist mort, le .xxi. an de son aage de l'an cinq cens soixante & dixneuf, l'vnziesme Novembre d'apres, Pelage deuxiesme du nom fut mis en sa place. Et ceste mesme année, le Patriarche d'Aquilée fut transporté à Grade, Isle du lac de Venise, à cause des courtes des Barbares qui trauailloient ladicte ville. D'autre costé, Chilperic desirant de reconquerir sa perçe, enuoya Clouis son fils en Touraine & Anjou, assembler vne armée, avec laquelle il passa en Xaintonge, afin de conquerir Perigéux & Agenois; ayât en sa compagnie le Duc Disier. Mommol, Parrieu du Roy Gunthram, assésuré de leur deliberation, vint en Lymosin: où il rencontra Disier, & luy presenta la bataille, de costé & d'autre, si bien debattuë, qu'il y demeura vingt & quatre mil hommes de ceux de Disier, & cinq mil de ceux de Mommol, lequel victorieux, se retirant en Bourgogne, pilla le pais d'Auuergne. Peu apres, Chilperic suscité par Fredegonde, fit tondre & vestit en Clerc, Meroupe son fils prisonnier, l'enuoyant garder en vne Abbaye, lors nommée Aninsulle, & aujour d'hy S. Calais en Vendosmois, pour estre instruit en l'estude de prestre, de crainte qu'il ne retournaist vers Brunehaut. Ce Prince demoura quelque temps en cest estat, & iusques à ce que Gunthram Bisson, qui s'estoit sauué en la franchise de saint Martin de Tours, pour le soupçon d'auoir tuer Thiebert fils de Chilperic, en la bataille donnée pres Angoulême, dont j'ay parlé, sachant son estat enuoya vn Diacre nommé Riculf, luy conseiller de se retirer en la mesme franchise. Le Diacre ne trouua point Metrouet, parce



que Gailan son seruiteur, l'auoit enleué du lieu où il estoit, & mené par au- L'an de  
le siec  
Christ.  
tre chemin en habit desguisé, à cause de leur compaignie trop petite. Merou-  
nee dont vint à Tours, & trouuant la porte de l'Eglise ouuerte, potrice qu'on  
disoit les Messes, quand elles furent finies, il demanda à l'Euesque Gregoire sa  
part des choses benites, qu'on nommoit lors Eulogies, & il y a apparence,  
que ce fut le corps de nostre Seigneur, & non pas le pain benit. Ce que luy  
estant refusé, il comença à crier qu'on luy faisoit tort de le rebuter de la Com-  
munion, & menassa de tuer aucuns du peuple. Lors Gregoire craignant pis, luy  
en fit part, suivant l'aduis de Ragemon (c'est Remond) Euesque de Paris, qui  
l'y trouua present: dont il aduint depuis grand mal au pais de Touraine. Aussi  
Gregoire pensant oster le mauuais soupçon, que Chilperic eut peu auoir de  
luy pour la reception de son fils, enuoya vn Diacre de son Eglise accompa-  
gné de Nicete mary de sa niepce, aduertir le Roy de la fuite de Merounee.  
Toutesfois ces messagers ne furent si tost arriuez, que Fredegonde disant  
que c'estoient des espies, leur fit oster ce qu'ils auoient, & les mettre en prison,  
où ils demurerent sept mois. Mesme Chilperic enuoya dire à Gregoire, qu'il  
eust à chasser de son Eglise cest Apostat (il entendoit Merounee) autrement  
qu'il feroit brusier tout le pais. Et pource que l'Euesque luy rescriuit ne pou-  
uoit du temps des Chrestiens, faire ce que iamais n'estoit aduenu durant celuy  
des heretiques, il enuoya son armee en Touraine, qui y fit beaucoup de maux.  
Le deuxiesme an du regne de Childebert, qui semble estre l'an cinq cens qua- 80.  
tre vingts, Merounee voyant son pere ferme en son courroux, imaginoit com-  
me il pourroit venir trouver Brunehaut. Il prenoit couerture de sortir de  
Tours, sous couleur de descharger l'Eglise de saint Martin, laquelle souffroit  
trop pour son occasion: Mais outre tout cela, il estoit molesté par Leuda-  
ste Comte de Touraine, lequel ayant trouué ses seruiteurs aux champs, les  
auoit destrouffez & tuez: essayant d'en faire autant à leur maistre, s'il eust  
peu: afin de complaire à Fredegonde. A ceste cause, Merounee rencontrant  
Marilef premier Medecin du Roy, comme il alloit en sa maison, par le con-  
seil de Boson luy osta tout l'or & l'argent qu'il portoit, & l'eust tué s'il ne  
se fust sauué. Le mesme Prince disoit de Chilperic & de Fredegonde plu-  
sieurs vilenies, desplaisantes à beaucoup qui les oyoyent. Car encores que  
partie fut veritable, ou trouuoit estrange qu'un fils les reprochast à son pe-  
re. Pour cela Fredegonde ne laissoit secrettement favoriser Guntchram  
Boson, tant pour auoir tué Thiebert soldat, qu'en intention qu'il en fust  
autant à cestui-cy, & sous main luy fit dire, que s'il pouuoit trouuer  
moyen de faire sortir aux champs Merounee, de maniere qu'il peut estre oc-  
cis, elle l'en recompenseroit grandement. Guntchram qui pensoit que l'em-  
busche fust prestee, demande à Merounee s'il ne vouloit pas monter à cheval,  
porter leurs oyseaux, & avec leurs chiens prendre le plaisir de la chasse.  
(l'Empereur Henry n'est donc le premier qui a montré aux François ce  
desloit) ce que le Prince accorda volontiers, & sortirent de la ville iusques  
à vne maison, lors appelée Iocondiac, & maintenant. Toutesfois ils  
ne rencontrerent personne, & Guntchram hay de Chilperic, pour la mes-

L'an de  
Jesus  
Christ.

que Fredegonde le fauorisoit, le Roy enuoya Bodin Diacre avec vne lettre, par laquelle il demandoit que saint Martin luy mandast (Gregoire vsc de ces mots) s'il estoit pas loisible de le tirer de la franchise. Outre ceste lettre, le Diacre apporta du papier blanc, qu'il enuoya au Sepulchre du Saint; pensant (ce croy-ie) que la responce y deust estre escrite diuinement, ou pour le moins prendre la coppie de ce qui aduiendroit par l'ouuerture des liures Saints. Tant de fiance auoyent aux lieux Saints les gens de ce temps la, & ne pouuoient si tost oublier le soulagement qui leur sembloit venir des oracles des Dieux, pour la consolation des affligez, ou l'assurance des entrepreneurs de quelque grand affaire: ce qui tesmoigne en partie, comme nos premiers Chrestiens approprioyent le Paganisme au Christianisme: car il est certain que les anciens Payens ont vsc des sorts tirez des liures d'Homere & de Virgile: quand ils vouloyent scauoir les choses auenir: & vn article du Concile d'Afrique, deffendant les sorts diuins, se peut entendre des liures du nouueau Testament. Toutesfois ce Diacre apres auoir attendu trois jours, voyant qu'il n'auoit point de responce, s'en retourna vers le Roy Chilperic, lequel renuoya d'autres, prendre le serment dudit Guntchram, de ne sortir iamais de ceste franchise, & dont il ne fit difficulté: car il tenoit fort peu la foy, & n'eut iamais amy qu'il ne trompast, combien qu'il ne fust point autrement mauuais homme. Il auoit encores ce vice, de croire aux sorcieres & deuins; qui fut la cause pourquoy voyant Merouee en peine, il enuoya ses gens vers vne deuine Pythonique, scauoir ce qui aduiendroit d'eux: l'asseurant de la suffisance de ceste femme, qui autrefois luy auoit predit non seulement l'an, voire encores le jour & l'heure de la mort du Roy Aribert. Mais comme telles gens sont infideles aux grands, & le plus souuent trompent ceux qui là dessus fondent leur esperance, elle luy manda que Chilperic mourroit ceste annee: que Merouee ayant emptisonné ses freres seroit Roy, & quant à luy, apres auoir esté Duc cinq ans, il seroit Enesque d'une ville assise sur le costé gauche de la riuiere de Loire (car il faut ainsi lire dans Gregoire) avec grand contentement du peuple, puis mourroit fort aagé. Merouee non satisfait de cela, voulant aussi scauoir son aduenture par les Saints liures du Psaultier, des Rois, & des Euangiles mis sur le Sepulchre de saint Martin, he rencontra que menaces de mort prochaine. Dequoy tout estonné, apres auoir longuement ploré deuant le sepulchre du Saint, il sortit de Tours accompagné dudit Guntchram Boson, & de cinq cens hommes au plus; qui estoit trop grand nombre s'il vouloit se cacher, & trop foible pour passer de force. Aussi fut-il arresté en Auxerrois par vn Duc, tenant le parry du Roy Guntchram nommé Henpon: qui depuis le laissa eschapper, & sauuer en la franchise de saint Germain, Abbaye de ladicte ville. Dequoy ledit Roy aduertty, le cassa de sa charge, & le condamna à sept cens pieces d'or, disant: que le Roy Chilperic s'estoit plaint à luy d'auoir retenu son ennemy, & que si l'intention de ce Duc estoit de l'arrester, il le luy deuoit plus tost enuoyer, ou bien n'y laisser pas aller celuy qu'il faisoit semblant de garder, vraye recompense de seruiteurs doubles. Quant à Merouee, apres auoir demeuré environ deux jours en la franchise, il se retira vers Brumehaut, avec peu de

peu de contentement des François d'Austrasie : qui ne luy firent aucune caresse ne recueil : possible crainte d'irriter son pere, lequel pensant le trouuer caché parmy eux, vint faire la guerre aux Champenois, sans toutesfois grandement les endommager.

L'an de  
Jesús  
Christ.

CHAP. XVIII.

*Sesnes ayans suuy les Lombards en Italie, voulans retourner en leurs pays sont totalement deffaits par les Suaues. Maclou, Boudic & Vvaroch Comtes de Bretagne, suiets des Rois de France, Gunthram Roy, declare Childibert son heritier. Iceux de cirques faits à Paris par le Roy Chilperic. Procès fait à Pretextat Evêque de Roïen, accusé de trahison.*



Y desus jay dit, que les Sesnes partis d'auec les Lombards estoient passés en France & venus en Austrasie : s'attendant de s'entretenir sur ces terres par eux laissées quand ils accompagnerent Alboin. Mais ces terres auoient esté données par les Roys Clotaire & Sigisbert aux Suaues : qui ja les habitoient & labouroient cōme leur propre heritage. Dont les Sesnes marries, enuoierent sommer les nouveaux possesseurs d'en vuidier. Les Suaues du cōmencement, leur en offrirent la moitié, & puis le tout, iusques à ce que l'an 582. (au 582. conte du Chroniqueur Siegebert) les Sesnes asseurez de leur vaillance expérimentée par tant de rencontres, faisant ja estat de butiner les biens, femmes & enfans des nouveaux habitans, les mirent en tel desespoir, que n'estans que six mil, ils soustindrent l'effort des assaillans en nombre de vingt & six mil : & gagnèrent la bataille : où demeura seulement 420. hommes des leurs : & 12000. du costé des Sesnes : lesquels despirs d'auoir esté battus par si petite troupe de gés (qu'encores ils mesprisoient) iurerēt de iamais ne faire leurs barbes & cheueux, qu'ils n'eussent vengé leur honte. Ce neantmoins, ils furent tellement deffaits en la seconde rencontre, que les furniuans laissant leurs terres paisibles à ceux qui ja les tenoient, ils s'appointerent : apres auoir rendu veritable le proverbe qui dit : Tel pense venger sa honre qui l'accroist. Le voyage des Sesnes en Italie : & leur retour, monstre que la Germanie estoit mal peuplée de villes : & les nations aussi peu arrestées en vn lieu, que du temps des premiers Empereurs Romains. D'où possible vient l'incertitude des origines de plusieurs peuples. Quelque temps aduāt, Machian (c'est Maclou) & Boudic deux Comtes de Bretagne, auoient entre eux accordé que celui qui furniuroit son père & compagnon, seruiroit de pere aux enfans du mort : & les defendroit d'oppressés. Boudic mourant le premier, laissa vn fils nommé Thierry, que Maclou peritüre, chassa de son heritage. Toutefois, ce banni, apres auoir longuement erré çà & là, assembla vn nombre de Bretons, & recouura les terres que souloit tenir son pere : car l'autre partie du pays demeura à Vvaroch fils de Maclou. C'est la seule prouince Gauloise de l'obeissance des François, que ie trouue auoir lors en des Com-

*L'an de* des hereditaires: estans toutes les autres comme bailliages & changées à la vo-  
*lesus* lôté des Rois, ainsi qu'il est zylé à voir par le discours de nos Antiquitez. Cho-  
*Christ.* se, qu'il ne faut trouver estrange, pour autant que ce quartier (presque inac-  
 cessible aux armées) ne fut entierement domté par Celsar, ainsi que l'ay dit au  
 premier liure: & pas vn du temps ne dit, si les François passerent en ce pays.  
 Mais il est croyable, qu'après la conqueste d'Angers (frontière de Bretagne) les  
 Bretons entrerent en l'homage de nos Roys: ainsi que nous dirons cy apres:  
 mesmes trouuant que les Euesques de Rennes, Vannes, & Nantes assistèrent aux  
 Sanes & Parlemens François, du temps de Clouis & Clotaire. Je croy que le  
 fond de la basse Bretagne, ne fut non plus cherché par les François, qu'il auoit  
 esté par les Romains. Tellement que mespriiez pour la pauvreté qui lors re-  
 gnoit en ce pays, & nos Roys empeschez à la conqueste de meilleurs endroits,  
 laisserent le fonds de Bretagne, aux antiés habitâs: ne faisant cas que de la fron-  
 tiere d'Anjou, comme d'un ordinaire plus certain. Au mesme temps, le Roy  
 Guntchram ayant fait mourir les enfans de Marachore (pour de vilaines & in-  
 iurieuses paroles, dites de la Roynne Austregilde & les enfans) peu apres il se  
 dit les siens propres. Cela luy donna occasion d'envoyer des gens vers Chil-  
 debert son neveu, le prier de faire paix avec luy: & se voir en quelquelieu.  
 Ce que le Roy d'Austrasie accorda, & peu de temps apres, accompagné  
 des Princes & Seigneurs de son Royaume, vint trouver son oncle à Pierre-  
 pont: là où en pleine assemblée, Guntchram, le faisant s'oir en sa chaire,  
 declara; Que n'ayant aucuns enfans, il vouloit que Childeberr fut le sien,  
 & qu'une mesme lance & bouclier les defendist & couvrist. Que si Dibu luy  
 en donnoit d'autres cy apres, il entendoit neantmoins qu'il partist avec eux:  
 & que leur amitié demeurast ferme iurant Dieu qu'il tiendrait sa promesse à  
 iamais. Et lors, les Princes & Seigneurs de la part de Childeberr, plegerent  
 leur Roy envers Guntchram (ie oray) de garder au Roy de France Bourgui-  
 gnonne, ce qui luy auoit esté promis. Ce fait, l'oncle & le neveu ayans  
 mangé ensemble: & fait l'un à l'autre des presens dignes de leur grandeur, ils  
 se departirent en bonne paix & amitié, apres auoir arrosté d'envoyer à Chil-  
 debert des Ambassadeurs, le supplier de rendre ce qu'il occupoit sur eux: &  
 dont il ne tint conte, ne laissant d'acheuer les jeux de courses de cheneaux  
 qu'il faisoit faire à Paris, & à Soissons: où pour donner plaisir au peuple, il  
 auoit fait dresser des lices, que les Romains appelloient Cieques: A une mesme  
 temps, ce Roy assesseur que Pretextat Euesque de Roien faisoit à plusieurs de  
 grands presens à son preiudice, l'envoyoit querir. Il admira que ceux qui en  
 eurent la commission, en faisant recherche & inventaire de ses biens, trou-  
 uerent parmy des choses appartenantes à Brunchaut: que Chilperic com-  
 manda d'oter de sa possession, & les garder en attendant son iugement. Le  
 Sane ou Parlement assemblé à Paris en l'Eglise de sain & Pierre, le Roy se plai-  
 gnoit en la presence des Euesques: Que contre les Canons, Pretextat auoit  
 marié Merquée (son ennemy plus tost que son fils) avec la veufve de son oncle  
 & qui estoit pis, auoit comploté de le tuer: luy qui estoit son Roy: & d'ordonner  
 de l'argent à aucuns, pour ce faire. Qu'il luy auoit desbauché son fils & par

argent seduire le peuple, pour rompre la foy à luy deuë, & mettre le Royaume en la main d'autrui. Durant qu'il faisoit sa complainte, vn grand nombre de François (c'est à dire nobles : car le peuple ne portoit ce nom) murmurant bien fort, voulurent rompre les portes de l'Eglise pour lapider l'Euesque : si le Roy ne les eust empeschez. Les Autheurs ne disent point comme l'Euesque se purgea du mariage incestueux : mais pour le regard du reste, Pretextat nioit tout, quand l'on fit venir de faux tesmoins, lesquels soustindrent qu'il leur auoit dōné telle & telle chose, pour estre du party de Merouée. Il respondit leur auoir fait des presens non pas en intention de chasser le Roy, ains pour recompense des cheuaux ou autres choses receues d'eux. Chilperic s'estant là dessus retiré en son logis : & comme les Euesques deuisoient encor ensemble, voicy arriuer Etie Archidiacre de Paris : lequel apres auoir salué la cōpagnie, dit que le temps se presentoit pour les faire estimer de chacun, se monstrans vertueux : ou les reputer indignes de l'estat d'Euesque, s'ils laissoient perdre leur frere. Toutesfois, perlonnen'osa luy respondre : craignans la fureur de la Roynes qui faisoit ioüir ce mystere. Aussi rien n'aydoit au criminel, que la grande autorité de ses accusateurs : lesquels cuidans l'accabler par leurs importunes poursuites, gaignerent la faueur des Iuges. Ce fut pourquoy nostre Gregoire voyant les autres muets, admonnesta les Euesques, principalement ceux qui estoient plus familiers du Roy, de le prier de nes'aigrir cōtre Pretextat de peun que Dieu se courrouçant n'enuoyast quelque mal à son Royaume. Que les Euesques estoient comme l'eschauguette qui doit aduertir les passans du danger. Et pource il estoit raisonnable de remonstrer au Roy ses fautes, alleguant la punition de Clodomir, pour n'agueres auoir mesprisé l'admonition d'Ant, & de l'Emperour Maxime ; qui iadis contraignit saint Martin de communier avec vn Euesque homicide. Ces remonstrances estoient bien entendues d'aucuns : mais en crainte. Et au contraire, des Euesques flatteurs rapporterent au Roy les paroles de Gregoire. Incontinent icy accourir vn courraizant, qui cōtmanda à Gregoire de venir chez le Roy, qu'il trouua sous vn feuillẽ, assis à ses costez les Euesques Bertrand de Bourdeaux, & Raymond de Paris : assis à table pour dîner. Chilperic ne vit pas si tost l'Euesque de Tours, qu'il commença à dire : que luy Euesque, estant tenu de faire iustice à chacun, en neantmoins il ne la pouoit obtenir de luy, à qui il voyoit fauoriser l'injustice ; & que l'on pouoit dire de Gregoire de proverbe : Le corbeau n'arnache point d'il d'un autre corbeau. L'Euesque de Tours respondit, que si aucun Euesque faisoit quelque chose de desordonné, c'estoit au Roy à le chasser : mais si luy mesme commettoit la faute, qui seroit-ce qui l'en reprédroit ? Qu'il parloit à luy, & pource qu'il l'entendist s'il luy plaisoit : que s'il ne le vouloit faire, qui le condamneroit, que celuy qui auoit dit qu'il estoit la iustice ? Le Roy repliqua, que chaqun estoit prest de luy faire droit, fors luy. Toutesfois que pour faire apparoir de son iniquité, il seroit venir le peuple de Touraine, crier & se plaindre. Alors, luy mesme diroit avec eux : qu'il n'estoit possible d'auoir iustice : puis que luy Roy, ne la pouoit obtenir d'un Euesque. Gregoire dit, qu'il ne scauoit si il estoit injuste ou non, & n'y auoit que celuy qui cognoissoit le se-

# DES ANTIQ. FRANCOISES LIVRE III.

*L'an de* *Iesus* *Christ.* *cret de son cœur.* Quant à la clameur qu'il entendoit dresser contre luy, il n'y pourroit acquerir que du deshonneur : estant chacun aduerti qu'il l'auroit luy mesme suscitée. Qu'il auoit les loix & les Canons, pour se reigler : autrement qu'il s'attendit d'estre chastié par le iugement de Dieu. Le Roy comme pour l'appaiser, le pria de se seoir : & monstrant vn potage luy dit qu'il l'auoit fait apporter pour luy, & n'y auoit dedans que de la volaille : & vn petit de poix chiches, qui est vne marque du cuisinage des anciens, bien contraire à nostre goust. Mais Gregoire (doutant possible les ruses de Fredegonde) respôdit que la vraye viande des Chrestiens estoit de faire la volonté de Dieu : & non pas vser de delices : & que luy qui chargeoit les autres, promit de ne se despartir des loix & Canons : car à ceste heure-là, il croiroit qu'il ne demanderoit que l'equité. Adonc Chilperic estendant la main : iura par le Dieu tout puissant qu'il suyuroit les loix & Canons. Lors Gregoire ayant pris du pain s'en alla. D'autre costé, Fredegonde ayant semblablement descouvert la resistance que faisoit nostre Historien : luy enuoya presenter deux cens liures d'argent, à fin de ne luy estre contraire : disant qu'elle auoit la promesse des autres. Toutesfois, les messagers n'eurent autre responce, sinon qu'il se regleroit par les Canons. Depuis, les Euesques assemblez en la mesme Eglise, le Roy derechef vint remonstrer à la compagnie, qu'un Euesque conuaincu de larrecin, deuoit estre chassé suyuant l'autorité des Canons. Qu'ils auoient veu deux paquets pleins de besongnes, vallans trois mil sols d'or : & encores vn sac dans lequel il y auoit des pieces d'or, iusques au poids de deux mil liures, que Pretextat luy auoit desrobées. L'accusé respondit, que le Roy se deuoit souuenir que Brunehaut partant de Roüen, il l'estoit venu trouuer, afin de l'aduertir qu'elle luy auoit laissé cinq paquets, pour lesquels retirer souuent elle enuoyoit des gens, & neantmoins, qu'il ne vouloit les deliurer sans cōgé. Que lors Chilperic luy dit, qu'il s'en deschargeast, & les renuoyast, afin que cela ne fust occasion d'inimitié entre luy & Childebert son neveu. A ceste cause retourné à Roüen, il en deliura vn auugés de Brunehaut, qui n'en pouuoient emporter d'auantage, puis estans retournez il le fit encores scauoir au Roy, duquel il receut pareille responce, de s'en descharger. Ce qui luy donna occasion d'en rendre encores deux, restans de cinq demeurez en la possession. A ceste cause, on ne pouuoit l'appeller larron, puis qu'il tenoit ces choses en depost. Le Roy n'eust pas faute de replique, & dit : s'il n'estoit que depositeire, pourquoy il en auoit despaqueté vn, & com-  
pé vne piece riue de fil d'or, la distribuant pour le chasser du Royaume. Pre-  
textat respondit, comme ja il auoit fait, qu'ayant receu des presens de ceux qui luy auoient esté confrontez, il les auoit voulu recompenser. Ce que n'ayrpeu  
faire du sien, il s'estoit aidé des choses appartenantes à Metonée, lesquelles il  
estimoit siennes, pource qu'il estoit son filioli. Chilperic qui ne s'aduisa pas de  
respôdre qu'un depositeire ne doit pas vser de la chose déposée, se reuint, & de-  
puis confessa que l'Euesque disoit verité, mais qu'il ne sauoit comment con-  
tenter la Roïne. Et pource, il suborna des Euesques, lesquels remôstrans à Pre-  
textat, la bôre du Roy, luy persuaderer de cōfesser ces crimes, & que lors chascun  
qui scauoit bien son innocéce demâderoit pardon pour luy, & pourroit gaigner

la bonne grace du Roy, qui ne vouloit pas estre vaincu en ce proces. Ce qu'il promit de faire abuzé de leurs persuasions. Le iour d'apres & les Euesques r'assembler, le Roy vint pour la troisieme fois assaillir l'Euesque criminel, & luy reprocher, puis que son intention n'estoit autre que de recompenser ceux qui luy auoient fait des presens, pourquoy en les donnant, il prenoit d'eux le serment d'estre fidelles à Merouee. Pretextat respondit, que veritablement il les auoit priez de faire amitié avec le Prince, pour lequel (estant son filioi) il n'eust pas effayé seulement de gagner des hommes, mais il eust tiré les Anges du Ciel, afin de l'aider. Ainsi donc, les accusations & defences ayans duré quelque temps, par objections & responses faites d'une part & d'autre, l'Euesque en fin se iettant à terre, commença à dire qu'il auoit failly contre Dieu & le Roy tres-misericordieux, qu'il estoit vn detestable meurdrier, d'auoir voulu tuer le Roy, pour mettre son fils en son lieu. Comme il disoit encor ces paroles, Chilperic semblablement se ietta aux pieds des Euesques disant: que les Peres tres-deuots oyoiene comme il confessoit vn crime tant execrable. Lors les Euesques avecques les autres yeux eleuerent de terre le Roy, qui commanda que Pretextat sortist de l'Eglise & quant à luy, il se retira en son logis, enuoyant aux Euesques vniuers, auquel l'on auoit adioncté vn payer de Canonstenus pour Apostoliques, lesquels portoyent ces mots, L'Euesque trouué homicide, adultere, quipjure, soit chassé del'estat de prestre. Cest article luy deuane Pretextat, Bertrand Euesque de Bourdeaux l'appellant frere & compaignon, luy dit. Puis que le Roy ne luy faisoit point de grace, qu'il ne pouuoit aussi vler de misericorde en son endroit. Celadit, Chilperic commanda que sa robe luy fust couppee, ou que dessus l'este l'on requist le sang de uersine Pseume, contenant les maledictions de Iudas; ou qu'à tout le moins iugement fust prononcé contre luy: par lequel à iamais il fut priué de la communion des Chrestiens que nostre Gregoire empecha, comme chose contraire aux Canons. Lors Pretextat empené dedeuant des Euesques, fut mis en prison; de laquelle voulant eschapper, apres auoir esté battu, il fut confiné en vne ile voisine de Constance. Je ne say deure qu'il se trouua des gens fidelles, que ce long procès leur ennuyera ayans pluost ouyr des harangues contraires, telles que quelques meilleurs orateurs que moy eussent composées, sur les memoires cy dessus escripts. Toutefois, ie m'assure que ceux qui desirant cognoistre les moeurs & façons de uie de nos anciens François, ne trauueroient manques que ie replisse meilleres des propres paroles des Auteurs du temps, qui des courent beaucoup mieux l'entendement. Aussi que l'on s'ait que ie m'interpète, que si ie pouoy représenter les habillemens & or de langage vulgaire du temps là, ie le ferois bien volontiers. Qui fera la croix, pourquoy ie me deboue de mettre en ces Antiquitez, ou Annales, la plus part de ce qu'a dit Gregoire, tant quel honneur & la grace de l'histoire se pourroient souffrir, d'auoir que c'est dans la fontaine, qu'il faut puiser des ueritables moeurs & costumes François, comme elle se plus auent. Arthure François Gaulois que nous ayons. Que si aduient, que quelques fois l'histoire de mien en cest ouurage, assure vous que ce ne sera pas au fait, mais pour desuoir de me fonder sur de bons memoires.

[illegible]



[illegible]

L'An de  
Jesum  
Christ.  
583.

En conséque. L'an cinq cens quatre vingts trois, qui estoit le quatriesme de Childbert, & le dix huit de ses oncles, au comté de Gregoire, les Tourageux, Poiteuins, Angevins, Mansaux & Bellins, entrèrent au pays de Bretagne par le commandement de Chilperic, & l'arrestèrent sur la rivière lors nommée *Exinoma* (qui est Vilaine ou Vvidan) pour guerroyer Vvaroch fils de Maclouyequel de nuit chargeant les Sclaves Bellins (il faut dire que ceux cy escumans la mer, ou aduch curiers eussent esté logés au territoire de Bayeux) en tua grande partie. Et trois jours apres ayant appointé avec les Capitaines de Chilperic, donna son fils en otage, & fit au Roy le serment de fidélité. Il rendit aussi la cité de Vannes, à condition qu'elle seroit remise en ses mains si elle n'avoit qu'il meritaist d'en avoir le gouvernement. Outre cela, il promist de payer tous les ans le tribut ordinaire, sans le luy enuoyer demander. Ce fait, l'armée sortit de Bretagne. Mais le Breton, oubliant son serment, & délibéré de rompre l'accord par luy fait, enuoya Etnel Euesque de Vannes, demora Chilperic, lequel depuis contre cet Ambassadeur, apres l'auoir tant loz & confond. Cette guetichachée, le Roy commanda de lever les amendes de l'eglise par les pauees, & ieunes hommes des Eglises (sic roy fiesse), ou tenans des terres d'eglises) qui auoient faillly de comparoir à l'arrière ban; combien qu'il eust fait (dit Gregoire) la coustume que telles gens contribuassent à aucunes charges publiques. Ce que possible il eustend de son Eglise de Tourns lors fort privilégiée. Car il est bien certain que les Ecclesiastiques ont depuis esté subiects aux voyages d'armées: ainsi que ie monstray par endrois. Mais ie ne scay pas, si tous ministres de l'Eglise estoient indifferemment tenus d'aller à la guerre; pource qu'il n'y a dont que leus hommes de fief n'y fussent sa jouz du temps de Charlemagne & ses enfans. La mesme année, le Roy Guntchram commanda de tenir vn Concile à Chalon sur Saône: auquel entr'autres choses, Saloin & Sagittaire Euesques accusés (outre leurs fautes anciennes) d'adulteres & d'homicides, & eux soustenans que tels pechez se pouuoient purger par pénitence; pour le cemble, ils furent chargés de crime de l'ex Majesté, & de trahison enuers leur patrie. Et pource qu'ils en furent trouuez coupables; degradés & priuez de leurs Eueschez, on les enuoya garder au monastere de saint Marcel, voy sin de Chalon: d'où ils eschapperent, vagans çà & là en diuers endroits, iusques à ce qu'on eust mis d'autres pasteurs en leurs Eglises. Ces Prslats, autresfois nourris par Nicete Euesque de Lyon, furent par luy faits Diacres; & de son temps eueus Euesques: alcauin Saloin d'Ambrun, & Sagittaire de Gap. Ce neantmoins, au lieu de viure comme leus estat requeroit, ils semirent à piller le bien d'autrui; tuer, paillarder, & faire plusieurs meschantes & indignes de leur estat. Entr'autres, aduertis que Victor Euesque de Tricastean, fetoit ses amis le iour pareil de sa nativité, ils l'allerent trouver avec des gens armés, luy deschirerent ses habillemens, battirent ses seruitours, emportans tous les vaisseaux & l'appareil du banquet appelle par cest Euesque qu'ils laisserent fort confus de l'outrage receu. Le Roy Guntchram audier de telle insolence, fit assembler vn Sane à Lyon l'an cinq cens soixante & deux, ou environ: là où ces Euesques appellez, Nicete Patriarche (Gregoire) & saint de remot, sembler

monstrer que l'Euesque de Lyon eust quelque dignité par dessus les autres : *L'an de  
1581  
Christ.* comme à la verité tout Prelat de la ville où residoit le Vicaire du Prefect du Pretoire Romain ( ainsi que ceux de Tréues , Lyon , Vienne , en Gaule Belgique & Celtique : Bourges en Aquitaine ) auoit la preeminence sur les autres. Ces Prelats donc trouuez coulpables des crimes susdits, furent priez de leurs dignitez. Mais eux asseurez de la faueur que le Roy leur portoit encores, se retirerent vers luy; & se plaignans d'auoir esté in iustement deposez, le prierent de vouloir permettre d'aller vers le Pape de Rome, pour reuisciter leurs proces: Ceste reuision ne doit estre trouuée étrange, ne faite par autorité souueraine du Pape: ains pource qu'en ce temps là, l'Eglise Romaine florissoit de gens de sçauoir, comme au conttraire les lettres demy esteintes és autres Prouinces d'Occident, & les heresies estans renforcées du costé de Leuant, les Euesques Romains auoient grand' autorité entre les François, & autres peuples nouueaux Chrestiens: lesquels ayans la plus part de leurs Euesques de race Romaine, il ne faut s'esmerueiller si tousiours il fauorisoient leur Mere ville: & si aux differents & difficultez qui suruenoient en la doctrine de nostre Religion volontiers ils demandoient l'aduis des Romains, sous couleur qu'ils auoient plus grand nōbre de gens de sçauoir, ou librairie mieux garnie. Ce que tesmoignent tant d'Epistres responsiues des Papes, depuis appellées Decretales, quand noz Euesques sont deuenus ignorans les Canons ou reigles des Conciles: & n'ont peu s'accorder avec les Metropolitains. Car durant telles destresses d'Euesques mal resolus, les Papes ont leuë la teste pour regarder par toute la Chrestienté, battuë d'heresie, ainsi que dit est; ou affoiblie par l'ignorance de plusieurs pasteurs: voire assez à propos, s'ils eussent continué la modestie de ceux qui ont esté cause de leur donner si grande autorité. Avec ce qu'il est croyable, que les vicieux Prestres craignans le chastiment de leurs fautes ( que plus promptement & exemplairement pouuoient faire les Euesques prouinciaux, ou les iuges ordinaires, & possible pour faire teste aux Roys, & les ramener à Rome ) ont cherché le Pape comme vn huis de derriere, pour se tirer hors la puissance des Roys: par telle subtilité ouurans la porte à la grandeur que les Papes de Rome depuis ont prise sur les autres Euesques, voire sur les Roys mesmes: pource (disoyent les Romains) que les Papes estoient chefs de l'Eglise Chrestienne non seulement à cause de la ville de Rome ( tousiours estimée capitale de l'Empire Romain ) mais à cause de Saint Pierre. Ce que lesdits Euesques de race Romaine ne pouuans oublier, par consequence estoient cause de faire respecer les Papes Romains. Toutesfois, nous ne remarquons point lors, acte aucun de superiorité sur nos Euesques François de deça Loire telle que les Papes soustiennent aujourd'huy. Ce qui seruira pour monstrer quelle estoit lors la iurisdiction du Pape en Frâce, & qu'en ceste cause des Euesques de Gap & d'Ambrum, le Roy Guntchram se tenant Empereur en son Royaume, & les enuoyant avec ses lettres au Pape, voulut garder le mesme droit, que Constantin pratiqua en celle de Cecilian Euesque de Carthage. Et iustement: car si vn Roy souffre que quelqu'un de son peuple reconnoisse hors de son Royaume, vn autre pour souuerain, il n'est plus Roy: principale-

L'an de ment des Prestres, qui pretendēt leur caractere passer iusques dedās le corps.  
 resus Toutesfois il sera assez à temps de parler de ce droit en la cause de Guillaume  
 Christ. de saint Amour. Que s'il semble à d'aucuns, que par tels exemples, ie diminuē trop l'autorité des Papes, ie respons à ceux là, que i'ay iuré de dire la verité: laquelle si i'espargnoy, ie ne seroy Historien. Car ie ne tairay pas, quand noz François ont soumis leur liberté à la correction des Romains. Et il sied bien d'escrire le temps & les occasions de tels grands faits & actes de marque. Mais encores plus de deffendre la liberté de l'Eglise Gallicane, laquelle pour mourir, ie ne trahiray iamais. Ainsi donc, Salonin & Sagittaire ayans remonstré à Iean (ie croy) troisiēme du nom Pape de Rome, qu'ils auoient esté chassez de leurs sieges sans raison, il escriuit des lettres au Roy, par lesquelles il mandoit qu'ils fussent reſtablis en leurs sieges. Ce que le Roy cōmanda de faire, apres les auoir rancez de paroles, & qu'ils eurent requis pardon à Victor avec lequel ils firent leur paix, liurans entre ses mains les hommes qui l'auoient offensé. Mais il les laissa aller, se souuenant du cōmandement de Dieu, de ne rendre mal pour mal; & neantmoins, il fut depuis excommunié par les autres Euesques; pource qu'ayant dressé vne publique accusation contre ses ennemis, il s'estoit accordé avecques aux, sans l'aduis & conseil des Euesques ses confreres: & dont depuis il fut absous. Or les Euesques d'Ambrun & de Gap, ne ſamenderent point, pour les corrections susdites: ains firent encor pis que deuant: & comme i'ay dit suyurent Mommol en la guerre qu'il fit contre les Lombards: ayans le harnois endossé, & battirent aucuns de leurs citoyens à coups de baston, iusques à effusion de sang. Dont la plainte estant venuē derechef aux oreilles du Roy, il commanda de les appeller: & ne les voulut voir iusques à ce qu'ils eussent esté purgez. Dequoy Sagittaire courroucé, comme il estoit leger en paroles, lascha cōtre le Roy plusieurs propos iniurieux disant: que ses enfans ne pouuoient venir à la Courōne, pour ce que leur mere de condition Serue, auoit esté prise en la maison de Marachere. En quoy (dit Gregoire, esclaireissant bien les mariages, & successions des Roys de ce temps-là) il ſabusoit, ignorant que sans auoir esgard à la condition des femmes maintenāt l'on appelle enfans de Roys, ceux qui sont naiz de peres Roys. Aussi Guntchram offensé de tant orgueilleuses parolles, leur osta leurs gens, cheuaux, & tout ce qu'ils auoient: les confinant en des monasteres esloignez, pour y faire penitence; & ne laissa à chacun d'eux qu'un seul Clerc, commādan aux Iuges des lieux, de les garder avec gens d'armes, afin qu'ils ne fussent visitez de leurs parens & amis. Le Roy auoit pour l'heure deux enfans plains de vie, l'aîné desquels tombant malade ouiron ce tēps aucuns de leurs seruiteurs remonstrerent, que ceste affliction, possible luy venoit pour la rigueur qu'il gardoit à ces Euesques. Cela fut cause que le Roy (comme les hōmes sont plus superstitieux en aduersitez, & encores vn Prince de bonne nature) cōmanda tout soudain de les deliurer & renvoyer en leur villes, où ils firent ainsi que deuant: iusques à ce que Dieu se courrouça cōtre eux, & par la honte qu'ils receurent au dernier Synode, & par la mort violente que l'un d'eux souffrit, ainsi que nous dirōs. J'ay esté lōg au recit de ce procez: mais c'est pour tousiours monſtrer que les appellations des iugemēs dormez par les:

Euesques Gaulois, n'estoient encores receuës à Rome, sans le congé des Roys, <sup>L'an de  
Iesus  
Christ.</sup> Autremēt ceux-cy eussent encor' appellé de ceste dernière sentēce: qui est vne grande & ancienne marque de la liberté de l'Eglise Gallicane. Chilperic manioit son Royaume d'une autre sorte que Guntchram son frere, grand aumosnier & liberal enuers les pauvres. Car estant homme ambitieux, pour fournir à la despence, il commāda de leuer des nouvelles & bien griesues impositions. Au moyen de quoy plusieurs quitterēt l'habitation des villes, où elles auoient cours, voire leurs propres heritages: & alloient demeurer aux autres royaumes, aymans mieux estre hors de leurs pays, que viure en misere. L'ordonnance portoit que tout propriétaire pour chacun Arpent de vigne payeroit vne Amphore (Budé pense qu'elle cōtenoit la 8. partie de nostre muid de Paris) sans les autres charges, tant pour raison des terres de labeur, que des esclaves que l'on tenoit: à quoy le peuple ne pouuoit fournir. Aussi fut-ce pourquoy celuy du Limosin, s'estant le premier assemblé, voulut tuer Marc Referendaire, qui auoit charge de faire ceste cueillete, & lequel eust esté mis à mort, si Ferreol Euesque, ne l'eust deliuré de ce danger. Ce neātmoins le peuple saisi des registres des leues, les mit au feu: dont le Roy courroucé, enuoya au pays des gens de sa suite, qui bien fort trauaillerent les Limosins, leur donnant crainte par le châtiment d'aucuns, & chargeant la prouince plus que deuant. Des Abbez & prestres furent lors gehemmez, & tourmentez en diuerses façons, ayans esté faussement accusez par les gens du Roy, d'auoir assisté le peuple en ce bruslement de registres: qui est encores vne autre marque de la iurisdiction Royale sur les Ecclesiastiques; du moins en crimes de leze Majesté, comme estoit la susdite sedition.

## CHAP. XX.

*Mort de Tibere Empereur, Maurice son successeur. Chilperic & Fredegonde se repentent d'auoir foulé le Peuple. Marachere Euesque d'Angoulesme empoisonné par son Clergé. Leuigilde Roy d'Espagne fait la guerre à son fils. Pourquoy les Arriens estoient rebaptisez par les Catholiques.*



A mesme année, les Bretons entrèrent au territoire de Rennes, mirent le feu par tout, & emmenerent les hommes, pillans la contrée iusques à vn bourg, que Gregoire appelle Carnut, qui ne peut estre Chartres, ains plüstoſt vn village qu'Argentré nommé Cornus, & dit estre voyſin de Rennes. Et pource Enne Euesque tiré de là où il estoit, fut confiné en la ville d'Angers, pour y viure: luy estant deffendu de retourner en son ſiege. Cependant, le Duc Bepolen depeſché contre les Bretons, mit à feu & à ſang vn quartier de Bretagne, & fut cauſe de plus grands maux: pource que la meſme année, les Bretons vindrent au territoire de Nantes & de Rhennes, piller le pays, emmener les hommes, & deſtruer de fruiſts les vignes: jaçoit

DD ij

L'An de  
Jesus  
Christ. 584.

qu'ils eussent promis à Felix Euesque de Nantes, ( qui leur enuoya vn Ambassade ) d'amender le tout, & dont ils ne firent conte. Durant ces choses, Tibere Empereur second du nom, mourut le 5. Aoust dudit an, quatre.vingts trois: Prince plus estimé pour sa pieté, & liberalité enuers les pauvres, que son experience au fait de guerre. Maurice, vn vaillant Seigneur natif de Cappadoce, fut mis en son lieu: & auquel l'Empereur deffunct ( qui aussi l'auoit esleu son gendre ) laissa l'Empire par testamēt. L'an 584. ( qui fut le dixneuuesme des Roys Guntchram & Chilperic, & cinquiesme de Childebert ) les riuieres d'Allier, de Loyre, & le Rhosne se desborderent bien fort, au dommage des terres & maisons voisines de leurs riuies. Mesme la cité de Bordeaux fut lors tellement esbranlée d'vn croulle, ou tremblement de terre, que ses murs cuiderēt tumber, & le peuple par crainte d'estre accablé, s'enfuit. Car l'espouuementement dura iusques en Elpaigne, mais non si fort: encores que des mōts Pyrenees il roulast de grands quartiers de pierre, qui accrauantoyent les hommes, & le bestial. Les villes de Bourdelois furent encores bruslées du feu, que l'on cuidoit estre venu par la volonté de Dieu; d'autant que les maisons estoient consommées iusques à l'aire. Et celle d'Orleans en fut si grandement affligée, que les plus riches demurerent pauvres; ayans ceux qui auoient sauué leurs biens de ce danger, esté pillés par des larrons, cōme ordinairement il aduient en tel inconueninēt. Au pays de Chartres ( le Chroniqueur Sigebert dit Tours, & Gregoire, ne luy, ne parlent point de la Messe ) il sortit du vray sang du pain rompu, & la ville de Bourges fut battüe & affligée de gresse. Finalemēt, ces casestranges furent suyuis d'vne peste, & flux de verre dysenterique qui outre les discordes des Roys, trauaillerent fort toutes les Gaules. C'estoit vne grosse fièvre accompagnée de vomissement, douleurs de cœur, de teste, & chignon du col: ce que l'on vuidoit estoit iaune ou verd; tellement que plusieurs pensoient que ce fust venin secret: les simples gens & rustiques appelloient cela pustules corales, d'autant que ceux à qui on applicquoit des ventouses, estoient gueris quand la bouë sortoit de ces vessies: & d'autres furent saueuz prenans des contrepoisons. Ceste maladie qui auoit commencé au mois d'Aoust emporta les petits enfans: au dommage de nostre Gregoire, qui se plaint d'auoir perdu les siens: ie croy qu'il auoit euz auant qu'estre Euesque: car les Prelats de son temps n'estoyent mariez ou apres l'election quittoient leurs femmes. Le Roy Chilperic fut aussi malade: & au reueuer, son fils qui n'estoit baptizé commēça de se trouuer mal, ce qui fut cause d'auancer son baptisme, auquel il fut nommé Dagobert. Comme l'enfant se portoit vn peu mieux, l'aisné nommé Clodebert aagé de quinze ans, est empoigné de ceste maladie. Lors Fredegonde qui le veit en danger, suyuant l'ordinaire des meschans, qui ne congnoissent Dieu qu'en leur necessité, se representant les maux par elle faits, & ayant opinion que c'en estoit la vengeance, ne se peut garder de dire au Roy: qu'il y auoit trop long temps que la bonté de Dieu les supportoit en leur malice; & nonobstant qu'il les eust admonnestez par siéures, & autres maladies à eux enuoyées, ils ne s'en estoient point amendez: Qu'ils perdoient leurs enfans, occis par les larmes & les plaintes de vesues: & les souspris des orphelins, leur ostoyent l'esperance

de laisser hoir, qui peut iouir des choses par eux amassées, ou vuidier leur thre-  
 sor, remply de larcins & maudissons. Quoy? leurs caues ne regorgeoient-elles  
 pas de vins, & leurs greniers n'estoient-ils combles de grains? leur thresor  
 remply d'or, d'argent, & de pierres pretieuses, carquans & autres paremens  
 dignes d'Empereurs? Et toutesfois ils perdoient ce qui estoit à d'avantage es-  
 timer. A ceste cause qu'il vint s'il luy plaisoit avec elle, brusler les registres  
 des mauuaises & iniques leuées, & se contentast de celles qui auoient cours  
 du temps de Clotaire son pere. En disant cela, elle fraploit sa poitrine, &  
 commanda de représenter les registres que Marc auoit fait par les villes, qu'el-  
 le ietta dans le feu : puis se tournant deuers le Roy, luy demandoit : pour-  
 quoy il tardoit à faire comme elle, à fin que s'ils auoient perdu leurs enfans, à  
 tout le moins ils eschappassent les peines eternelles. Lors Chilperic touché  
 au vif, mit dans le feu ces registres d'impositions, & enuoya gens par les pro-  
 uinces deffendre à l'aduenir tels subsides. Il prens vn singulier plaisir à ren-  
 contrer tels exemples, car i'estime que le Psalmiste entend parler de sembla-  
 bles tyrans, quand il dit, Seigneur enuoye leur de la crainte, afin que les peu-  
 ples sçachent qu'ils sont hommes. Mais eux mesmes : car que craint vn Roy  
 en ses prosperitez? tout ne luy vient-il pas de sa prudence, de sa vaillance, de  
 sa bonne espée? Et quand cogneut Cresus la diuinité, que sus le buscher en-  
 flambé? Faictes donc tousiours bien vous Rois & Princes, car vous y estes  
 tenus, vous le pouuez, vous en acquerrez louange & gloire immortelle, qui  
 est le but où tous les grands doyuent tirer, plustost qu'à nombrer la quantité  
 de leurs batailles. Apres cela, le plus ieune enfant ne pouuant resister à la  
 maladie, mourut en chartre; & avec grands pleurs, de Bresne fut emporté à  
 S. Denis (ie croy voisin de Paris) pour y estre enterré. Clodebert tirant à la  
 fin, & mis dans vne biere, fut ietté deuant le sepulchre sainct Medard qui est  
 à Soissons, là où des vœux estants faits pour luy, il mourut toutesfois sur la mi-  
 nuit, & fut enterré en l'Eglise de sainct Crespin & Crespinian : avec grands  
 regrets de chacun, tant hommes que femmes : qui en porterent le dueil, &  
 soyuierent le corps ainsi que de leurs maris, femmes, & enfans. Peu apres  
 Chilperic fit des biens aux Eglises & aux pauvres. Au mesme temps, la Roy-  
 ne Austregilde femme du Roy Guntchram, mourut de ceste maladie : laquel-  
 le se voyant hors d'espoir d'en pouuoir eschapper, voulut estre accompagnée  
 d'autres qui fussent pleurez. Car rendant son esprit malin, elle fit appeller le  
 Roy son mary, & luy dit : qu'elle eust peu guerir qu'il eust fait penser par d'au-  
 tres medecins; & que ceux qui auoient esté employez en sa maladie, la faisoient  
 mourir. A ceste cause, elle le prioit de luy vouloir iurer, qu'apres sa mort il les  
 feroit tuer : afin qu'ils ne s'en peussent vanter, & que leurs amis sentissent pa-  
 reille douleur que les siens. Guntchram qui ne pensoit estre obligé par tel ser-  
 ment, quand elle fut morte, fit iniquement couper la teste à deux de ses me-  
 decins, comme s'il eust esté en leur puissance de destourner la destinée & vo-  
 lonté diuine. Nantin Comte d'Angoulesme mourut aussi de telle maladie.  
 C'estoit vn homme fascheux, & ennemy des Ecclesiastiques : lesquels il perse-  
 cuta, sous ombre que Marachere son oncle (de Comte, fait Euesque de ceste

*Si on de ville* auoit esté emprisonné par aucuns de son Clergé: à la suscitation de Fron-  
*Jesus* tonie, qui luy succeda, & mourut au bout de l'an par punitiō diuine. Car Nan-  
*Christ.* tin qui auoit poursuivy le Comté de ladite ville, pour venger la mort de son  
 oncle trauailla fort Heracle successeur de Frontonie; sous couleur qu'il tenoit  
 pres de soy ceux qui estoient soupçonnez d'auoir esté cause de la mort de son  
 predecesseur. Mesme il se mit en possession des heritages que son oncle auoit  
 donnez à l'Eglise, disant que les Clercs d'icelle estoient indignes d'auoir les  
 biens à eux laissez, par celuy que meschamment ils auoient meurdri. En ce temps  
 les Chrestiens Catholiques demeurās en Espagne, furēt molestez par la Roynie  
 Gossuinte; laquelle demeurée vefue du Roy Athanagilde, Leuwigilde son suc-  
 cesseur espoula. Ceste Dame qui estoit fort opiniastre Arriēne, vouloit que les  
 brus de son mary, suyissent sa religiō. Or Leuwigilde auoit deux fils de sa pre-  
 miere femme, l'aîné desquels espoula Nigegonde, ou Ingonde, fille de Sigif-  
 bert Roy de France Austraziēne (toutesfois par Du Tillet estimée fille de Clo-  
 taire premier) que ceste Gossuinte ne peut iamais conuertir à sa créace. A l'oc-  
 casion dequoy, elle conceut telle haine contre la ieune Dame Françoisē, qu'a-  
 pres l'auoir fait battre, & tirer par les cheveux, elle la fit plonger en vn estang  
 ou viuier. Depuis, Leuwigilde ayāt donné vne Cité à son fils pour y regner, In-  
 gonde le prescha tant qu'il se fit baptizer. Car les Chrestiens Catholiques re-  
 baptisoient les Arriēns, sous ombre qu'ils n'auoient receu le caractere au nom  
 de la Trinité. Ce qui, possible, a meus aucuns Curez de nostre temps à rebapti-  
 zer ceux qui l'auoient esté par les Ministres qui se disent reformez. Leuwigilde  
 qui en fut aduerti, essaya par tous moyens de destruire son fils. Ce qui dōna oc-  
 casion au ieune hōme, de s'allier avec le Lieutenant que l'Empereur tenoit en  
 Espagne. Lors Leuwigilde voyant que son fils n'auoit plus de fiāce en luy, dōna  
 30000. sōls d'or à ce Lieutenāt, pour quitter le ieune Prince. Et apres auoir as-  
 semblé vne armée, s'achemina contre son fils: lequel sommant le Lieutenant  
 Imperial, de l'assister ainsi qu'il luy auoit promis, il fut abandonné du Romain.

## CHAP. XXI.

*Clouis fils de Chilperic tué à la suscitation de Fredegonde. Chilperic adiousté à  
 l'Alphabet des François quatre lettres. Cupan Comte de l'Estable. Proces  
 fait à Gregoire l'Historien. Sa purgation. Gehenne de prisonnier.*



A maison de Chilperic ne se portoit gueres mieux. Car ce  
 Roy apres la mort de ses enfans, plein d'ennuy, seiournoit  
 en la forest de Cuise, où il demeura le mois d'Octobre, &  
 enuoya Clouis son fils à Bresne, à la suscitation de Frede-  
 gonde: qui le vouloit faire mourir de la maladie pestilen-  
 tieuse, lors courant. Ce neantmoins encores que le danger  
 fust bien grand, il n'eut aucun mal: & le Roy venu à Chel-  
 les (lors maison Royale, & maintenant monastere voisin  
 de Paris) l'enuoya querre pour son malheur. Il aduint à ce ieune Prince (qui ja



cuidoit estre Roy, se voyant seul fils) vn iour estant avec aucuns qu'il pensoit <sup>L'an de</sup> ses amis, indiscrettement de dire, que le Royaume des Gaules (Gregoire qui estoit <sup>Iesus</sup> venu des Romains, parle tousiours ainsi) lui escherroit tout entier; puis <sup>Christ.</sup> que ses freres estoient morts, & que lors ayât ses ennemis en sa puissance, il en feroit à sa volonté. Avec cela il mectoit de Fredegonde plus librement qu'il n'estoit besoin pour son profit. Ce qui la mertoit en grande frayeur: venant à considerer que si le Roy mouroit sans enfans, elle tomberoit en la main de ce ieune homme, par elle offensé en la personne de sa mere. Qui estoit la cause pourquoy elle cherchoit les occasions de s'en despecher. Et comme les Princes n'ont iamais faute d'instrumens propres à executer leurs volonteés, quelques iours apres l'o vint dire à la royne, que Clouis amoureux d'une de ses esclaves, par son moyen auoit fait mourir ses enfans. Ce rapport faux ou vray, la rendit comme furieuse: de sorte que piquée de la souuenance de sa perte toute fraische, soudainement elle enuoye prendre l'amie du Prince, & apres l'auoir fait battre & couper ses cheueux, commanda de la faire attacher à vn poſteau, deuant le logis de Clouis. Quant à la mere de ceste damoiselle, on la tourmenta de telle sorte, qu'elle confessa d'auoir empoisonné les enfans du Roy & de Fredegonde. Laquelle pensant auoir certaine preuue, vint se plaindre au Roy, & demander iustice de Clouis. Chilperic prest d'aller à la chasse, mande son fils, comme pour luy dire quelque chose de secret: mais il ne fut pas si tost en sa presence, que les Ducs Disier & Bobon l'arrestèrent, le despouillans de ses armes & vestemens; pour luy en bailler d'autres meschans, le menerent deuant la Royne, qui l'enuoya en prison: desirant ſçauoir si l'accusation qu'elle auoit entendue estoit veritable; du conseil de qui il auoit vsé, qui le mouuoit, & quelles gens estoient de son party. Clouis niant le crime, nomma plusieurs qu'il pensoit estre ses amis; puis fut par la Royne enuoyé au village de Noyſi en Brie, qui est de là Marne (presque vis à vis de Chelles) comme pour le garder: où il mourut d'un coup de cousteau, & fut enterré au mesme lieu. Cependant l'on vint dire au Roy, que son fils s'estoit occis, & auoit encores le cousteau en sa playe: de sorte que le pere abuzé de ces paroles, ne le pleura point, combien qu'il eust esté cause de sa mort, l'ayant mis entre les mains de son ennemie. Quant à ses seruiteurs, ils furent enuoyez çà & là; sa mere cruellement tuée, & sa sœur trainée en vn monastere, par les seruiteurs de la Royne, qui aussi luy apporterent les biens des morts. La femme qui auoit chargé Clouis, fut condamnée à estre bruslée: & nonobstant qu'en la menant à la mort elle criast, qu'elle l'auoit faulſſemēt accusé, on ne laissa de l'attacher au poſteau, & la brusler toute viue. Le tresorier de Clouis présenté à Fredegode par Cupan Comte de l'Eſtable, qui l'auoit amené de Berry, où il s'estoit sauué, apres auoir esté gehenné, fut deliuré à la requeste de nostre Gregoire. Par ceste mort de fils de Roy, & autres semblables que i'ay recitées, l'on cognoist la puissance que les Rois auoient sur leurs femmes & enfans: desquels ils se despechoient par iugemens priuez & domestiques. Au mesme temps Chilperic aſſeuré que les Ambassadeurs que Miron Roy de Galice enuoyoit au Roy Guntchra passeroient par la ville de Poictiers, lors de ses appartenances, les fit arrester & mener à Paris.

L'an de  
Iesus  
Christ. où il les retint prisonniers : & les Ambassadeurs de Suave furent par luy ren-  
uoyez apres les auoir tenus vn an. En ce temps apparut vne Comette suyue  
d'vne peste, qui trauailla fort le peuple. Et Morilian Euesque de Cahors, sca-  
uant aux lettres saintes, bon iusticier & grand aumosnier, (vrayes qualitez  
d'Euesques) tourmenté de gouttes : combien qu'il fust sollicité de plusieurs  
pour estre nommez en l'Euesché, choisit Vrsissin Referendaire de la Royné  
Vltrogotte; & ayant prié son Clergé de le sacrer de son viuant, mourut quel-  
ques iours apres. Ce qui sert à remarquer la diuersité des elections de nos E-  
uesques. En ce temps Leuigilde Roy des Vissigots d'Espagne, qui desiroit  
auoir l'alliance de Chilperic, enuoya vers luy vn Ambassadeur nommé Agi-  
lan; lequel estant Arrien, comme son maistre, eut dispute pour la creance a-  
uec nostre Gregoire, qui n'a oublié de dire les raisons alleguées d'vne part &  
d'autre : lesquelles peuuent seruir contre ceste heresie; lors (aussi bien qu'au-  
jourd'huy) suyue de beaucoup de peuples. Car le Roy Chilperic mesme n'e-  
stoit pas ferme en la creance de la Trinité, ayant en ce temps la fait dresser vn  
Edict, par lequel il vouloit que d'oresnauant la sainte Trinité fust nommée  
seulement Dieu, & non pas distinguée par personnes : disant que c'estoit cho-  
se indigne, que Dieu fut estimé personne, ainsi qu'un homme vestu de chair; &  
que celuy qui estoit Fils estoit aussi le saint Esprit. Mais nostre Gregoire as-  
sisté de Saluie Euesque d'Alby, luy resista si bien, qu'il n'en parla plus. Ce Roy  
aymoit les lettres, & faisoit des vers à l'imitation de Sedulius Poëte Chrétien,  
encores qu'il ne fust asseuré en ses quantitez & mesures. Il adiousta quatre  
lettres à l'A, B, C, à scauoir le grand α des Grecs, & ces trois ΑΕ, The, Vv.  
Ausquelles il donna ces caracteres  
peintes  
en mes vieux liures : voulant ce Roy (ainsi que j'ay  
monstré en mon liure de l'origine de la langue & poésie Françoisé) dauantage  
ayser la difficile prononciation des parolles Françoises : & depechant lettres  
à cette fin, adressées aux villes, pour reformer les liures anciens, & en mon-  
strer l'usage aux enfans. Le mesme Roy pour les plaintes que l'on faisoit alen-  
contre de Leudaste Comte de Tours, enuoya au pays le Duc Ansuald, lequel  
permit à l'Euesque Gregoire, & au peuple, choisir pour Côte Eunomie, qui fut  
esleu par eux. Dequoy Leudaste marri, vint trouuer Chilperic : & luy remōstra  
d'auoir esté chassé de son estat par l'Euesque Gregoire, qui vouloit mettre les  
villes de ce quartier entre les mains de Childebert. Puis quād il vit que le Roy  
n'y adioustoit point de foy, se doutant que ce fust en despit de ce que nouuelle-  
mēt il auoit esté priué de son Cōté : Leudaste adiousta que Gregoire tenoit d'au-  
tres propos de luy, & publioit que Bertrād Euesque de Bourdeaux entretenoit  
la Royné Fredegōde. Dequoy Chilperic courroucé, apres auoir baillé plusieurs  
coups de pieds & de poing à ce denonciateur, le fit emprisonner & charger de  
fers. Cependant, Riculf prestre, que Leudaste nommoit pour garend de ses  
parolles, est appelé : lequel ayant soustenu que Gregoire les auoit dites en la  
presence de Platon, & Galien Archidiacre, ceux cy sont amenez au Roy, des-  
pouillez de leurs habillemens de Clercs, & enchainez. Mais Chilperic tout in-  
continēt les élargit, apres auoir pris d'eux le sermēt de ne sortir hors de la ville.

Puis

Puis enuoyale Duc Berulfe, & le Comte Eunomie à Tours. Lesquels faig-  
 gnans que le Roy Guntchram s'en vouloit saisir mirent des gardes aux por-  
 tes, & auoient l'œil sur nostre Gregoire, qu'ils tenoient comme prisonnier : *L'An de  
 Jesus  
 Christ.*  
 sous main luy enuoyans dire, qu'il se sauuaſt en Auuergne avec les meil-  
 leurs beſongnes de l'Eglise : à quoy il ne voulut entendre, aſſuré de ſon  
 innocence. Durant cela le Roy fit aſſembler les Prelats de ſon Royaume,  
 & diligemment examiner ceſte cauſe au lieu de Brene : là où Bertrand Eueſ-  
 que de Bourdeaux chargé de l'adultere de la Roynes, apres auoir diſcouru le  
 fait, demanda à Gregoire ſ'il vouloit ſouſtenir l'accuſation. L'Eueſque de  
 Tours reſpondit, n'en auoir iamais parlé : que d'autres l'auoient ouy dire,  
 & quant à luy qu'il ne l'auoit pas intenté. D'autre coſté le Roy diſoit que  
 la faute de ſa femme luy tournoit à deſ-honneur. Que ſils vouloient, il  
 produiroit des teſmoins contre Gregoire. Et neantmoins, que ſils ne trou-  
 uoient bon que cela ſe fiſt, ou qu'il valuſt mieux ſ'en rapporter au ſerment  
 de l'Eueſque, que volontiers il obeyroit à ce qu'ils en ordonneroient. Les  
 Prelats eſmerueillez de la prudence du Roy, ou de ſa patience : chacun dit,  
 qu'on ne pouuoit ouyr en teſmoignage contre vn Eueſque, des perſonnes  
 qui luy fuſſent ſujettes. Et pource, ils conclurent que Gregoire apres auoir  
 dit des Meſſes en trois Autels, par ſerment ſe purgeroit des parolles que l'on  
 pretendoit auoir eſté par luy dites. Mais combien que ce fuſt choſe con-  
 traire aux Canons (ie ne ſçay ſi pour ceſte triple celebration, car il ſemble  
 que lors vn Preſtre en pouuoit dire pluſieurs en meſme jour) cela fut execu-  
 té, pour ſatisfaire à vn ſi grand Roy. Pluſieurs du peuple murmuroient  
 de ce procez, pour l'amour qu'ils portoient à noſtre Hiſtorien. Et la Roynes  
 Rigonte fit ieufner ceux de ſa maiſon, iuſques à ce qu'un de ſes gens luy euſt  
 rapporté qu'il auoit acheué ce dont il eſtoit chargé. Alors les Eueſques  
 dirent au Roy, puis que leur frere ſ'eſtoit purgé, il ne reſtoit plus que de l'ex-  
 communier, avec Bertrand l'accuſateur de Gregoire. Chilperic reſpondit,  
 qu'il parloit apres Leudaſte, lequel voyant tout aller mal pour luy, auoit pris  
 la fuitte, & ſ'eſtoit ſauué en l'Eglise de ſainct Pierre, qui eſt à Paris. Au  
 moyen dequoy, il fut excommunié par contumace : & lettres à ceſte fin  
 enuoyees à tous les Eueſques. Mais quand il ſçeut que le Roy par ſes ſien-  
 nes auoit deſſendu de le receuoir en pas vn lieu de ſon Royaume ; Et da-  
 uantage, que le Prince Clouis eſtoit mort, ſecrettement il vint à Tours, pour  
 transporter en Berry le meilleur de ſes meubles. Toutesſois chargé par les  
 gens du Roy, il ſe ſauua, & ſa femme priſe fut conſinee à Tournay. Le  
 Clerc Riculfe condamné à mourir, eut la vie ſauue, à la priere de Gregoire,  
 qui ne le peut garentir de la gehenne, que ce miſerable endura la plus cruel-  
 le qu'il eſtoit poſſible. Car il eſtoit guindé contre vne piece de bois, les  
 mains liees par derriere (ie croy comme aux eſtrapades) où il demouroit pen-  
 du depuis la troiſieſme heure du jour, iuſques à trois autres auant Soleil  
 couché. Puis deualé, on l'eſtendoit ſur les treteaux de la queſtion, pour  
 eſtre battu de houſſines, verges, & doubles courroyes, par autant de gens  
 qui le pouuoient atteindre. Lors ſe voyant preſt à rendre l'eſprit, il de-

## DES ANTIQVITEZ FRANCOISES LIV. III.

*E'en de* clara le secret de toute la menée, disant qu'on auoit chargé la Roynie de ce crime, afin qu'estant chassée du Royaume par Chilperic, Clouis apres auoir fait tuer ses freres & son pere, se fist Roy. Leudaste fut Duc, le Prestre Riculf (qui dès le temps de l'Euesque Euphronie estoit amy de Clouis) paruint à l'Euesché de Tours, & luy Riculf, fut Archidiacre. De fait, Gregoire retourné en sa ville, trouua son Eglise troublee par l'orgueil du Prestre Riculf, ja Euesque par phantasie; & lequel par l'aduis des Prelats de la Prouince, fut confiné en vn Monastere : dont il eschappa, par le moyen de Foelix Euesque de Nantes, qui n'aymant pas Gregoire, auoit fauorisé l'entreprise faicte contre luy. Quant à Leudaste, apres auoir perdu tous ses biens, que les Berruyers luy osterent, estant chassé de la franchise de saint Hilaire de Poictiers, laquelle il profanoit par ses larrecins & paillardises, finalement il se retira en Berry vers aucuns de ses amis, où il demeura caché : Et partant, Gregoire veit la vengeance de presque tous ses ennemis. Ce que ie n'ay voulu taire, pour monstrier l'autorité de nostre principal Historien, & la forme de proceder aux iugemens, questions de criminels, & absolution d'Euesque, qui (non plus que les Prestres) n'estoient exempts de la Iurisdiction Royale, en crime de leze Majesté.

*Fin du troisieme Liure des Antiquitez  
Gauloises & Françoises.*





# QUATRIESME LIVRE DES ANTIQUITEZ FRANCOISES.

Contenant les Annales de France.

*Guntchram, Chilperic & Childebert Rois.*

## CHAP. I.

*Querelle entre les Rois Guntchram & Childebert pour Marseille. Alliance entre ledit Childebert & Chilperic. Presens de l'Empereur Tibere enuoyez à Chilperic. Loup Duc de Champagne fidele à Brunehaut. Cibart reclus d'Angoulesme. Theodore Euesque de Marseille prisonnier.*



EPENDANT nouveau debat s'esmeut entre les Rois Guntchram & Childebert pour la ville de Marseille : en laquelle cestuy-cy demandoit la moitié suiuant l'accord fait entr'eux, & l'autre la vouloit toute retenir. A ceste cause Childebert l'an sixiesme de son regne, qui vient au cinq cés quatrevingts 585.  
cinq de nostre Seigneur Iesus Christ, quittant l'alliance de son oncle, enuoya Gilles Euesque de Rheims & des principaux seigneurs de sa Court, traiter avec Chilperic, pour courre sus à Guntchram, & le chasser de son Royaume. Ces Ambassadeurs vindrent iusques à Nogent village prochain de Paris, aujourd'huy portât le nom de saint Cloud, là où apres auoir déclaré leur charge à Chilperic, il respondit, que Dieu pour ses pechez luy ayant osté ses enfans, il pensoit n'auoir point d'autres heritiers que Childebert, fils du Roy Sigisbert son frere. Au moyen dequoy il s'employeroit pour luy laisser tout ce qu'il tenoit, & n'en vouloit iouyr que sa vie durant. Les Ambassadeurs le remercierent, & l'accord mis par escrit & soussigné, ils s'en retournerent chargez de grands presens, accompagnez de Leudoal Euesque, & d'aucuns principaux du Royaume de Soissons, lesquels estans venus trouuer Childebert, prindrent son serment, comme aussi de leur part ils iurerent l'alliance accordee, & receurent des presens du Roy d'Austrasie. En ce mesme lieu de Nogent, les Ambassadeurs, trois ans au parauant par Chilperic enuoyez en Constantinople vers l'Empereur Tybere, retournerent, eschappez de beaucoup de dangers. Car aduertis de la querelle des Rois, sur le point d'entrer au port de Marseille, ayans pris leur route vers

EE ij

*L'an de  
Jesuss  
Christ.* Agde (lors du Royaume des Gots) ils coururent fortune de mer, & leur vaisseau donnant en terre se brisa, tellement que les Ambassadeurs à grand peine se sauuerent sur des ais avec la perte de beaucoup de leurs gens & biens que les habitans pillerent. Et jaçoit que depuis ils trouuassent moyen de recouurer le meilleur, ceux du pais en retindrent vne bonne partie, comme par vne barbare coustume, les habitans des costes marines prattiquent sur ceux qui font naufrage, & les larrons au feu d'une ville ou maison, affligeans l'affligé contre raison, si ce n'est qu'on vueille dire que c'est encore vne punition de l'audace des mariniers. Entr'autres besongnes sauuees, ils apporterent des pieces d'or qui pesoient vne liure chacune, d'un costé marquees de l'effigie de l'Empereur, & pour legende ces mots, *Tiberij, Constantini Augusti*, & en l'autre la figure d'un personnage aisé monté sur un chariot tiré à quatre cheuaux (telle image representant la victoire) legere & volante d'une part à l'autre: & à l'enuiron, *Gloria Romanorum*: & outre cela, plusieurs autres belles choses esquelles Chilperic prenoit plaisir, comme dit Gregoire: qui recite aussi qu'estât present lors qu'on les apporta, le Roy luy monstra un grand bassin d'or garny de pierreries, & lequel estoit du poids de cinquante liures, c'est à dire, soixante & quinze marcs, pour tesmoigner (ce disoit-il,) de la magnificence des François. Et ie le recite pour monstrier que ce temps-là estoit pauvre d'or & d'argent, puis que les historiens font mention de tout peu de chose, pour un si grand Roy. Chilperic au partir de Nogent, vint avec sa femme, & toute sa maison à Paris. Et peu apres Gogon mourut, & ce peut estre le Maire d'Austrasie que Fredegair & le moyne Aimon disent que Sigisbert fit mourir. Vandelam fut mis en sa place. Mommol aussi Patrice de Bourgongne s'enfuit du Royaume de Guntchram, & s'enferma dans Auignon, durant que l'on tenoit un Concile en la ville de Lyon pour appaiser aucuns differens. Là plusieurs negligens de faire leur deuoir furent condamnez, & l'assemblée vint trouuer le Roy pour aduiser sur la fuite de Mommol, & les troubles qui se presentoyent d'autre costé. Loup Duc de Champagne, ordinairement trauaillé par beaucoup de gens, & principalement par Vrsion & Bertefrid, finablement fut assailly d'une armee pour le tuer. La Roynie Brunehaut aduertie de l'outrage que l'on faisoit à son fidelle vassal, toute esmue vint au camp des ennemis dudit Loup, & les pria ne vouloir guerroyer un si homme de bien, & ne mettre en danger le pais pour un seul personnage. Vrsion luy respondit qu'elle se contentast d'auoir gouuerné le Royaume du viuant de son mary, que maintenant son fils estoit Roy, & ses pais gardez non par le moyen d'elle, ains par le support d'eux qui manioient les armes: qu'elle se retirast donc de peur d'estre petillée de leurs cheuaux. Ces parolles, & plusieurs autres dites, la Roynie toutesfois obtint d'eux que l'on ne combattroit point, encor qu'au partir de là, les possessions de Loup fussent saccagees, & ses ennemis faignans apporter le pillage au thesor du Roy, l'eussent ferré en leurs maisons, menassans le Duc que iamais il n'eschapperoit vif de leurs mains. Quoy voyant apres auoir mis sa femme en franchise dans la ville de Lyon surnommé le Cloué (c'est Laon en Vermandois) il se retira vers le Roy Guntchram lequel humainement le

receut, attendant que le Roy Childebert paruint en l'aage de cognoistre son droit. En ce temps mourut Cibart moyne d'Angoulesme aagé de quatre vingts ans, par quarante quatre reclus avec reputation de sainteté. Il estoit fils d'Aureol Comte de Perigueux, & apres s'estre rangé à la cléricature vint en Angoulesme bastir vne celle, ou il tint quelques religieux, viuant d'aumosne, sans faire cuire en sa maison pain ne viande, parce qu'il ne mangeoit que ce qu'on luy donnoit. Ce qui semble estrange pour ce temps là auquel les moynes travailloient de leurs mains. Et il est euident par la vie de saint Maur disciple de saint Benoist, composee par Fauste, que venant en France expressément il demanda à Flore fondateur de Glannafolium (qui est saint Maur sur Loire entre Angers & Saumur) de voir ce qu'il luy deuoit donner, & qu'il le confirmast par lettres, comme s'il eust voulu dire qu'il ne falloit mendier. Toutesfois la reigle de saint Benoist n'estoit pas lors seule en vogue, car outre les moines, il y auoit en l'Eglise Gauloise des Clercs nourris sous la discipline Ecclesiastique des Prestres ou Euesques. Et ceux la faisoient le Clergé pour tout le Diocese. Il y auoit aussi des penitens ou reclus tels que Cibart : depuis si presomptueux que cuidans gagner Paradis à ieusner & mattr leur chair plus, que nature ne pouuoit porter, bien souuent perdoient l'esprit, & deuenoient fols & insensez, ainsi que dit Gregoire. Ces reclus auoient pris tel nom pource qu'ils se faisoient enfermer & clorre dans vn lieu, sans pouuoir en sortir, & ne changeoient d'habillement, la se laissant manger à la vermine avec vne hideuse & incroyable parience. Aucuns nichés sus le haut d'vne colonne, autres dans les baulmes, caues ou creux de roches, & aucuns chargez de fers. Quant aux moines, vne partie travailloient dedans ou dehors leurs maisons employez par leurs Abbez à labourer la terre, ou faire autres ourages necessaires à leur communauté, tant pour le viure que l'entretienement des lieux qu'ils habitoient, & le secours des pauvres. Car leurs ourages estoient par eux apportez aux Doyens des Monasteres, qui de la vente ou emploi rendoient comte au pere Abbé, ainsi que recite saint Augustin parlant des mœurs des Ecclesiastiques de son temps, duquel on pourra recueillir la vie des moines bien autre que celle qu'ils menent aujourd'huy, & vrayement sainte. Or Childebert assuré de l'amitié de Chilperic, enuoya ses Ambassadeurs à Guntchram demander sa moirié de Marseille, & le menacer qu'à faute de ce, il luy feroit plus de dommage qu'elle ne luy vaudroit. Guntchram n'en tint comte, & seulement l'enua des gens pour empescher ceux de Childebert de passer par son Royaume. Ce qui fut cause que le Roy de France Austrasienne, commanda à Gondulphe Gaulois Romain, (lequel de Gentil homme de sa maison il auoit fait Duc) aller à Marseille. Mais étant ce Capitaine empesché de prendre le droit chemin, il fut contraint, pour le plus seur de venir à Tours, & neantmoins il ne peut entrer à Marseille, non plus que l'Euesque Theodore, qui l'accompagnoit: pour la resistance que luy fit Dinamie gouverneur, lequel, tenant les portes fermées se mocquoit de tous deux. Ce neantmoins Gondulfe ayant fait sortir Dinamie, sous ombre d'vn pourparler qui se deuoit faire dans vne Eglise hors la ville, il l'arresta, puis mit la ville en l'obeyssance du Roy Childebert & l'E-

*L'An de* l'Euesque en son Eglise, faisant iurer à Dinamie qu'il garderoit fidelité au Roy, & ne feroit mal à l'Euesque. Ce serment oublié, aussi tost que Gondulfe fut retourné en Austrasie, & Dinamie escriuant au Roy Guntchram, que iamais il ne iouyroit de sa part de Marseille tant que Theodore seroit Euesque, le Roy qui le creut assez legierement, manda qu'on luy enuoyast ce Prelat pieds & poings liez: A quoy Dinamie obeït tout aussi tost, l'ayât subtilement prins. Mais le Prelat trouué innocent fut renuoyé en sa ville, & Childebert print en si mauuaïse part le rude traitement faict à vn Euesque son partisan, qu'il semble par ce que dit Gregoire, que ce fut vne des principales causes de la guerre.

## CHAP. II.

*Disier Duc de Chilperic tranuaille les sajets de Guntchram en Guienne. Prodiges. Mortalité. Iuifs baptisez. Lenuichilde Roy des Vuisigots, fait la guerre à Hermenichilde son fils. Gardes du pont Charanton tuez. Sang sorti d'un pain. Chartier Euesque de Limoges, faussement accusé. Gombaud se disant fils du Roy Clotaire, & venant de Constantinople, est receu par l'Euesque de Marseille.*



AUTRE costé quand Chilperic veit la querelle de Guntchram & son neveu s'eschauffer, il comanda au Duc Disier de faire aussi quelque ennuy à son frere. Là dessus Disier entra en Guyenne, & miren route le Duc Regnoul, ou Regnaut, saisit Perigueux, & receut le sermēt des habitās: puis vint en Agenois prédre toutes les villes de la contree. Quoy voyant la femme de Regnaut, se sauua en l'Eglise de saint Capras (il y souloit auoir vne pres Agen fort honorée) dont elle fut tirée, & apres luy auoir osté ses biens & seruiteurs fut enuoyee sur la foy à Toulouse. Là ou detechef elle se jetta en la franchise de saint Sorny. Cependant le Duc Disier print toutes les villes de ce quartier, qui estoient de l'obeïssance du Roy Guntchram, & les mit en la sujection du Roy Chilperic. Comme d'autre costé le Duc Bertour aduertit que les Berruyers faisoient semblant d'assaillir la Touraine, vint camper sur les confins de ce païs, & le Duc Bladaste entra semblablement en Gascongne, où il perdit la plus grande partie de son armee, l'an cinq cens quatrevingts six de Iesus Christ (qui estoit le vingt & vn des Rois Guntchram & Chilperic, & septiesme de Childebert). Il y eut de grandes pluyes, esclairs, tonnerres au mois de Ianuier auquel les arbres fleurirent, & vn jour à la premiere heure de la nuict du costé d'Occident apparut vne Comete enuironnée de grande noirceur: elle estoit ses rayons, & estinceloit comme si elle eust esté assise en vn trou duquel sorsoit vn Ray de merueilleuse grandeur, ainsi que la fumee de quelque grand feu allumé. A. Soissons le jour de Pasques le Ciel sembla estre en feu, de sorte que l'on



voioit deux feux, l'un grand & l'autre moindre, lesquels deux heures après <sup>L'an de</sup> joints ensemble, & ayans fait vn grand brandon, se petdirent. En trois <sup>lesus</sup> endroits de la contree de Paris il coula des nuës du vray sang, qui tombant <sup>Christi</sup> sur les vestemens de plusieurs, les infecta de telle sorte qu'ils les jetoient pour la puanteur. Au territoire de Senlis vn homme se leuant de matin trouua sa maison teincte de sang par le dedans. Ceste annee il y eut grande mortalité de peuple, & diuerses maladies de charbons, & bosses, avec pustules & vessies, qui firent mourir beaucoup de gens. Combien que plusieurs qui soigneusement y appliquerent des remedes en eschapperent, mais la peste fut si grande au pais de Narbonne, que si tost qu'on estoit touché il n'y auoit aucune resche. Le Roy Chilperic fit lors baptiser plusieurs Iuifs, & Ansuald & Domigisille par luy enuoyez en Espagne veoir le douaire de sa fille, retournerent ayans esté arrestez à cause de la guerre que Leuichilde faisoit à Hermegichilde son fils, à qui il auoit osté la ville de Meride pour auoir, sans le congé de son pere, pris alliance avec l'Empereur Tibere, ainsi qu'auons dit. Ces Ambassadeurs furent bien tost suivis de ceux d'Espagne, lesquels apres auoir veu Chilperic, allerent aussi voir Childebert, Roy satisfaire, ainsi que ie croy, du mauuais traictement que leur Roy faisoit au mary de sa sœur. Puis retournerent en leur pais. En ce temps le Roy Chilperic auoit mis des gardes sur vn pont de Paris, afin d'empescher les courtes des larrons venans du Royaume de son frere, & les garder qu'ils ne portassent dommage à ses terres, auxquels Asclopie autrefois Duc vint à rous couper la gorge par vne nuit, & pilla le vilage, ou fauxbourg prochain du pont, que ie pense auoir esté celui de Charanton, lequel assis sur le bord de deça la riuere de Marne (ancien limite de Belges) pouuoit estre comme vn fort pour Paris contre la Brie, & Meaux, possedez par Childebert & par Guntchram, qui tenoit Troyes. Ce qui est plus vray semblable que de croire que ce fust celui, qui du Palais de Paris aboutit au grand Chastelet, ainsi que veulent aucuns. Ceste course fut cause que tout incontinent Chilperic manda ses Ducs, Comtes & autres gens de guerre, leur commandât d'assembler l'armee, & entrer au Royaume de son frere. Toutesfois il fut conseillé par les plus sages, d'enuoyer au parauant vers Guntchram, sçauoir s'il vouloit aduouer le fait, & lequel sans fraude amanda tout. Ceste annee il apparut derechef des prodiges & signes, la Lune eclipsa. Et en Touraine du vray sang sortist d'un pain coupé ou rompu. Les murs de Soissons tumberent, la terre trembla pres d'Angers: Les Loups entrerent dans la ville de Bordeaux, & mangerent des chiens sans crainte des hommes. L'on veit courre du feu par le ciel, & la ville de Bazas fut toute brulée avec les Eglises. En ce temps le Roy Chilperic pour s'asseurer de sa conqueste, auoit mis des Comtes nouueaux par les citez prises sur son frere, & s'en fit apporter le tribut. L'un d'eux nommé Nonnich qui tenoit Limoges, arresta deux porteurs de lettres escriptes sous le nom de Charrier Euesque de Perigueux, par lesquelles il se plaignoit d'estre tûbé de Paradis en enfer, sortant de la sujection de Guntchram pour entrer en celle de Chilperic, avec autres iniures touchant le Roy. Ce qui donna occasion audit Comte de les en-

L'an de  
Iesus  
Christ. uoyer en court sous bonne garde. L'Euesque incontinent mandé pour sçauoir la verité du fait, quand les lettres luy furent monstrees, mia les auoir receuës de Frontonie Diacre. Lors Chartier respondit, qu'il n'auoit point aussi de plus fort ennemy, & ne falloit doubter que le mal ne vint de ce Diacre, puis que souuent il lui auoit dressé d'autres querelles. Frontonie appelé, & sur le champ interrogué, confesse auior dicté la lettre suiuant le commandement de son Euesque. Chartier soustient aucontraire, que ce n'estoit pas de ceste heure que le Diacre cherchoit les occasions de le faire chasser de l'Euesché. Mais Chilperic qui eut pitié d'eux, recommandant son fait à Dieu, doucement admonesta l'Euesque de pardonner au Diacre, & vouloir prier Dieu pour luy. Ce fait il le renuoya bien honnorablement en sa ville, & deux ans apres Nonnich mourut. Le Latin dit *sanguine percussus*, qui est comme apoplexie ou sang mesleure, & ses biens furent par le Roy donnez à plusieurs, pource qu'il estoit mort sans enfans. Si est-ce que les François Saliens ou Ribarols, laissoient heritiers les plus prochains, encores qu'ils fussent morts sans testament. Et par la loy escrite pour les Ribarols, l'heredité venoit iusques au quart genouil, comme lors on parloit : & nous le deuons entendre du degré, affin qu'on ne croye pas que nos Roys vesquissent ou traitassent leurs sujets à la Turquesque: mais il faut dire que ce Comte sorty de quelque Fiscalin (lesquels se trouuans industrieux apres auoir esté affranahis montoient à de grandes dignitez (ainsi que les liberts des Romains) le Roy succeda comme vn patron à son affranchi, mort sans enfans, ou que les biens de cestui-cy estoient de fiefs qui reuenoient à la couronne, & ne se pouuoient tenir que par gens de guerre. Quelque temps apres vn fils nasquit à Chilperic : qui en fut si ioyeux qu'il commanda d'eslargir les prisonniers, oster les fers à ceux qui en auoient, & deffendit de leuer les amendes deuës au fisc. Mais cest enfant fut cause de grand mal que nostre Gregoire ne particularize point, & ie ne l'ay peu deuiner si ce ne fut pour Mommol Preuost de Paris, duquel cy apres sera parlé. En ceste mesmeaison vn nommé Gombaud qui se disoit fils du Roy Clotaire, arriua de Constantinople à Marseille. Cestui-cy nay en France & nourry comme les enfans des Rois, à qui on laissoit croistre les flocz de leurs cheueux, & pendre derriere le dos, fut instruit aux lettres, & présenté au Roy Childebert par sa mere, l'asseurant qu'il estoit son nepueu, & fils du Roy Clotaire, le pria de vouloir le receuoir, puis que son pere le haïssoit. Ce que le Roy de Paris d'autant plus volontiers accorda qu'il n'auoit point d'enfant. Clotaire qui en fut aduertty l'enuoya demander, affin (disoit-il) de le nourrir, s'il le recognoissoit pour sien: ou oster l'abus qui en pourroit aduenir, si vn estrangier estoit esleué comme fils de Roy. A quoy Childebert obeyt : mais si tost que Clotaire tint cest enfant, il le fit tondre, disant qu'il ne l'auoit point engendré. Clotaire mort, ce Gombaud recogneu par Aribert Roy du quartier de Paris, fut derechef tondu par Sigisbert Roy d'Austrasie, qui l'envoya garder à Cologne. D'où trouuant encores moyen d'eschapper, il laissa croistre ses cheueux & se retira en Italie, vers Narses Lieutenant de l'Empereur Iustinian, là où il print femme & en eut des enfans, puis s'en alla en Constantinople, & y fut receu comme Prince François,

François en esperance de quelque iour s'ayder de son nom aux affaires de de- <sup>L'an de</sup>  
 ça. Long temps apres ce Gombaut incité par qui que ce fust (car plusieurs <sup>Iesus</sup>  
 furent soupçonnez de l'auoir fait venir en France) arriua à Marfaille, & re- <sup>Christ.</sup>  
 ceu par Theodore Euesque ( qui luy donna des cheuaux ) il se vint ioin-  
 dre à Mommol refugié en Auignon, ainsi que i'ay dit, ce qui fut cause d'emprison-  
 ner Theodore, chargé d'auoir voulu introduire vn estranger, & assuiettir le  
 Royaume François à l'Empereur. L'Euesque pour se iustifier, representa  
 vne lettre signée de la main des principaux du Royaume de Childebert, par  
 lesquelles il apparoiſſoit qu'il n'auoit rien fait que par leur conseil. Et neant-  
 moins longuement il demeura prisonnier en grande misere, comme aussi  
 Epiphane Euesque, lequel fuyant les Lombards estoit venu à Marseille, où  
 il mourut en prison, soupçonné d'auoir conduit ceste menée. Ce fut pour-  
 quoy Gombaut mal-assuré se retira en vne Isle de la mer, & ses biens consi-  
 stans en grande quantité d'or & d'argent & autres choses precieuses, furent  
 partis entre Mommol & le Duc Guntchram qui les apporta en Auvergne,  
 puis vint trouuer le Roy Childebert son seigneur.

## CHAP. III.

*Riuieres de Seine & Marne débordées. Guntchram Duc vient faire la guer-  
 re à Mommol retiré en Auignon. Chilperic se saisit de Paris. Pays de Ber-  
 ry gasté par les gens de Chilperic. Comte de Roan decapité pour les pilleries  
 de ses gens. Le peuple d'Austrasie esmeu contre l'Euesque Gilles de Reims,  
 le poursuit à coups de pierre. Leudaste Comte de Tours, mal-traitté par Fre-  
 degonde.*



E huiſiesme an de Childebert, qui estoit aussi l'an cinq  
 cens quatre-vingts septiesme de Iesus Christ, le premier <sup>587.</sup>  
 iour de Ianuier, l'air estant plein de nuages, comme l'on  
 sonnoit matines, il cheut du ciel avec la pluye vne grosse  
 masse de feu, laquelle apres auoir couru en l'air par lon-  
 gue espace, & donné aussi grande clarté qu'en plein midy,  
 s'estant cachée sous vne nuée, la nuit demeura aussi ob-  
 scure que deuant. Les riuieres de Marne & Seine se desbordèrent lors, telle-  
 ment que plusieurs vaisseaux furent perdus entre la ville de Paris & saint  
 Laurens. Car il faut croire qu'en ce temps-là depuis le bout des ponts aux  
 meusniers, & des changeurs qui sont vers le Septentrion de la ville, ce n'e-  
 stoient que mareſts, iusques aux Eglises de saint Laurens & saint Ladre, &  
 qu'une large pleine estoit lors entre deux, maintenant occupée par les basti-  
 mens qui sont es rues de saint Martin, saint Denis, & saint Honoré, & les  
 iardinages des mareſts. Durant cela, comme le Duc Guntchram retournoit en  
 Auvergne, il fut par le Roy de Bourgongne arresté avec sa femme, & ses en-  
 fans : chargé d'auoir fait venir Gumbaut, & de l'estre allé querir iusques en

FF

*L'an de* Constantinople. Ce que le Duc nioit. Toutesfois se voyant menassé de mort, *Iesus* il remonstra au Roy que Mommol son Patrice l'auoit receu : que luy donnant *Christ.* liberté il representeroit Mommol, & pour seurté de sa promesse, qu'ó retinist vn de ses enfans, accordant qu'il fust tué s'il ne l'accomplissoit. Ce que le Roy luy octroya. Lors ayans assemblez aucuns Auuergnats, & des gens de Vellay, il s'achemina vers Auignon. Là où trouuant sur le Rosne des batteaux que Mommol auoit fait faire plus foibles qu'il n'appartient à la violence de ceste riuere, il entra dedans sans penser à la malice : Mais quand il fut au milieu de l'eau, vne partie s'enfonça avec les hommes, & les autres se sauuerent en nageant. Ce neantmoins le Duc Guntchram passa outre iusques en Auignon fortifiée par Mommol dès lors qu'il en fut saisi. Car trouuant qu'une partie de ceste ville n'estoit point close du Rhosne, il auoit de ce costé là fait tirer vn fossé bien profond, & iceluy emply d'eau. Puis quand le Duc Guntchram approcha en se tenant sur la muraille, il luy fit scauoir que s'il vouloit parlementer, il approchast sur l'un des bords de ce fossé. Guntchram respondant qu'il auoit quelque chose de secret à luy faire entendre, Mommol dit qu'il vinst donc sans rien douter. Sur telle assurance vn des amis de Guntchram s'aduança, lequel tumbant dans le fossé, y fut noyé à cause de la pesanteur de ses armes. Et Guntchram mesmes porté aual l'eau, fut sauué par quelqu'un qui luy tendit le bout d'une lance. Lors s'estans dit l'un à l'autre plusieurs iniures & vilenies, le Duc Guntchram planta le siege deuant la ville, mais le Roy Childebert marry qu'un de ses Ducs entreprist ceste guerre sans qu'il l'eust commandée, enuoya vn autre Duc nommé Bondulf, qui fit desloger Guntchram & son armée, emmenant Mommol en Auvergne, & lequel tout incontinét retourna en Auignon. Il auoit esté accordé entre les Rois de France disputés sur le partage du Royaume d'Aribert, que celui qui entreroit à Paris sans la volonté de ses freres, perdrait ce qu'il y pretendroit. A ceste cause Chilperic cuidant euitier les maudissons portez contre ceux qui feroient au contraire, il vint la veille de Pasques suyuant vne procession de reliques de Saints, & y fit sa feste en grande ioye, presentant au baptesme son fils; que Remond Euesque de Paris leua des fonts, & nomma Thierry. Auquel temps ledit Roy ouyt les Ambassadeurs que Childebert son neveu luy enuoya, le principal d'entr'eux estoit Gilles Euesque de Reims, qui le prioit de vouloir entretenir la paix n'agueres faite avec son neveu, & se plaignoit du tort que luy tenoit le Roy Guntchram, l'empeschant de iouyr de la moitié de Marseille, & receuant les bannis de son Royaume. Chilperic respondit que ce n'estoit pas la premiere faute : Car si diligemment il s'enqueroit, il trouueroit que son pere auoit esté occis par son moyen, à quoy Gilles respondit, que s'il vouloit se ioinde avec son neveu, ils en feroient la vengeance ensemblement. L'alliance donc iurée, & les ostages baillez d'une part & d'autre pour seurté des parties, Chilperic fondé là dessus, vint à Paris comme i'ay dit suyui d'une grosse armée qui fit beaucoup de mal aux habitans. D'autre costé le Duc Berulf accompagné des Tourangaux, Angeuins, Poictuins & Nantois, entra en Berry. Et encores Didier & Bladast avec tous ceux de leurs prouinces, assiegerent Bourges, endommageant beaucoup de lieux

par où ils passoient. Quant à Chilperic, il vint iusques à Meun sur Yeure, que le Latin appellé *Milliodunum*, bruslant tout le pays. Et combien que l'armée de son neveu ne fust iointe à la sienne, ses Ducs & deputez y estoient. Or les Berruyers assembles pres ce chasteau iusques au nombre de quinze mil hommes, quand leurs ennemis conduits par le Duc Disier, leur presenterent la bataille, se porterent si courageusement qu'il y mourut plus de sept mil hommes d'une part & d'autre. Ce neantmoins les Ducs approcherent de la ville avec le reste de l'armée, pillans & saccageans tout, de sorte qu'il ne demeura Eglise ne maison qui ne fust bruslée, voire les arbres & les vignes mesmes furent coupez. D'autre costé le Roy Guntchram se fiant en Dieu, accompagné de bon nombre d'hommes, vint sur le soir charger l'armée de son frere qu'il deffit en partie. Mais le lendemain, des gens de bien allans d'une part & d'autre leur firent promettre de tenir le iugement que les Euesques & Seigneurs François donneroient sur leur different: & que celui qui seroit trouué auoir failly payeroit l'amende iugée. Ceste conclusion prise ils se retirent en paix. En ce voyage Chilperic ne pouuant garder ses gens de butiner, fit couper la teste au Comte de Roan pour seruir d'exemple aux autres. Puis apres auoir laissé tout le pillage, & donné congé aux prisonniers il retourna à Paris. Et neantmoins ceux qui allerent au siege de Bourges, emporterent tant de butin, que l'on pensoit qu'ils eussent desgarni le pays d'hommes & de bestes. Aussi les compagnies de Disier & de Bladaste, passans par Touraine pilloient comme en terre d'ennemis. Ce mal fut suyui d'une pestilence de bestail si grande, qu'à peine il demeura vn seul animal. De maniere que c'estoit merueilles en ces quartiers-là & pays voisins, de rencontrer vne beste cheualine, ou vne vache. Durant cecy & que le Roy Childebert tenoit les champs avec son armée, sans rien faire, le menu peuple s'esleua de nuict, & murmurant contre l'Euesque Gilles & aucuns Seigneurs, crioient qu'il falloit tuer ceux qui vendoient le Royaume, & mettoient les villes du domaine du Roy, & son peuple en la puissance d'autrui. Le lendemain matin ils viennent deuant le pauillon du Roy pour tuer l'Euesque, & les Seigneurs soupçonnez. Gilles qui en eut crainte, tout aussi tost monte à cheual, & s'enfuit vers sa ville, suyui du peuple, qui en l'iniuriant iettoit des pierres apres luy. Toutesfois il se sauua, pource que ceux qui le suyuoient n'auoient pas leurs cheuaux, combien qu'il fust si pressé, que luy estant tumbée vne chausse de ses iambes, il n'eust loisir de l'amasser, entrant dans Reims tout seul en si mauuais equipage, pour estre les cheuaux de sa suite hors d'haleine. Au mesme temps Leudaste iadis Comte de Tours, receu à la communion (du consentement de Fredegonde mesmes, qui en auoit esté importunée) estant venu en l'armée de Meun, obtint sa grace à la priere d'aucuns gentils-hommes François, qui presserent le Roy de luy vouloir pardonner. Chilperic à leur requeste permit qu'il vinst en sa presence: Lors s'estant ietté à ses pieds, le Roy l'admonesta de se garder iusques à ce qu'il fust retourné en grace avec la Roïne, par luy grandement offensée. Le Comte assuré sur la reconciliation du Roy, le suyuit à Paris, où vn iour de Dimanche vint dans l'Eglise se ietter aux pieds de la Roïne,

L'an de luy demandant pardon : mais Fredegonde courroucée, & ne le daignant regarder, toute explorée s'escria, O Iesus, puis que ie n'ay aucuns enfans pour me faire raison de l'outrage que i'ay receu, ie m'en remets à toy. Et se iettant aux pieds du Roy, luy dit, qu'elle estoit bien mal-heureuse de voir son ennemy, sans pouuoir se vanger, ne luy mal faire. Les Messes finies, Leudaste, comme mal-aduisé qu'il estoit, suyuit le Roy & la Roynes, s'amusant par les places ou ruës, & les boutiques, à voir plusieurs sortes de marchandises : poissant de l'argenterie, & regardant des ioyaux qu'il disoit vouloir achepter ; (on ne fermoit donc pas les boutiques ce jour, ce qui est mal-aisé de croire) quand voicy venir des gens de la Roynes pour le mettre aux fers. Le Comte desgaina son espée, & comme il en eut frappé vn, les autres prennent leurs boucliers, & luy courent sus les espées au poing, En ceste meslée, il receut vn coup sur la teste qui entra iusques à l'os, & luy abbatit de la peau avec les cheueux. Dequoy estonné il s'enfuit deuers le pont, où de mal-aventure pour luy il mit le pied entre deux aix, & se rompit la iambe. Lors il fut arresté & mené en prison les mains liées derriere le dos, & iaçoit que le Roy-eust commadé qu'il fust guery, on laissa pourrir ses playes, & auant que rendre l'esprit, la Roynes luy fit attacher le col à vne grande perche, & d'vne cruauté nompareille, luy battre la gorge iusques à la mort.

## CHAP. IIII.

*Guntchram rend à Childebert la ville de Marseille. Leu<sup>ch</sup>ilde Roy d'Espagne enuoye demander à femme Rigunthe fille de Chilperic. Mommol Preuost de Paris, estimé sorcier. Lipence Abbé de Lodene faussement accusé est tué. Sulpice Euesque de Bourges. Chilperic craignant ses freres animez contre luy se retira à Cambrai.*

588.



AN cinq cens quatre-vingts huit le Roy Guntchram rendit à Childebert son neveu la part de Marseille : & les Ambassadeurs de Chilperic retournes d'Espagne furent bien tost suyuis d'autres du Roy Leu<sup>ch</sup>ilde, pour demander Rigunthe sa fille en mariage, suyuant la promesse faicte par les Ambassadeurs François au Roy d'Espagne. Peu apres comme Chilperic fut fort de Paris pour aller en Soissonois, son fils baptisé l'a passé mourut d'un flux de ventre dissenteric. Au moyen dequoi il enuoya apres l'Ambassadeur Espagnol, qui ia s'en retournoit, le prier vouloir differer le mariage accordé, pource qu'il n'auoit le courage de faire des nopces durât son dueil. Lors il voulut tirer du monastere S. Croix de Poitiers, vne fille qu'il auoit d'Audouère, & l'euoyer en Espagne. Toutesfois elle différa d'y aller admonestée par Ragoderlaquelle maintenait qu'une fille vouée à Dieu ne deuoit retourner au monde. Durât cecy l'on vint dire à la roynes que son fils estoit mort par les sorcelleries & les enchâtements de momol Preuost (ie croy de Paris) qu'elle haïssoit

de l'ogue-main. Le soupçon vint de ce que vn iour le Preuost disnât en sa mai-  
 son dit à vn de la suite du Roy, qui se plaignoit de la maladie du Prince, qu'il  
 auoit vne herbe en son iardin de laquelle si vn homme vsoit, il gueriroit, quel-  
 que grande & desesperée que fust la maladie. Les paroles rapportées à la Roy-  
 ne, elle se courrouça d'auantage, & fit prendre aucunes femmes de Paris soup-  
 çonnées de sorcelleries qu'elle commanda de mettre à la question, où elles  
 confessèrent qu'elles auoient esté cause de la mort de plusieurs personnes, &  
 racheté la vie du Preuost, en faisant mourir le fils du Roy. Là dessus Frede-  
 gonde en fit gehenner, brusler, & attacher sur la rouë aucunes, apres auoir fait  
 rompre les os, puis vint à Compiègne trouuer le Roy, auquel ayant compré  
 le fait du Preuost, il l'enuoye querir lié & garotté, & le mit aussi tost à la que-  
 stion, là où pëdu à vne poultre, les mains liées derriere, il est interrogué ce qu'il  
 sçauoit de sorcellerie. Mommol ne confessa autre chose, sinon que ces fem-  
 mes luy auoient donné des breuages & onguents pour attirer l'amour & gra-  
 ce de la Royne & du Roy. Apres qu'on l'eut deslié, il appella le gehenneur, &  
 le pria d'aller dire au Roy qu'il ne sentoit mal aucun pour chose qu'on luy eust  
 fait endurer. Cela fut cause que le Roy le iugea sorcier, puis qu'il se vantoit  
 n'auoir senti aucune douleur: & commanda l'estendre sur les treteaux de la  
 gehenne, & cependant le battre de fouëts à quatre escourgées, tant que les  
 gehenneurs fussent las: puis luy fourrer des pieces de bois entre les ongles des  
 pieds & des mains. Mais comme il estoit prest d'auoir la teste coupée, la Royne  
 luy sauua la vie: avec telle perte de son honneur, qu'autant luy eust valu d'estre  
 mort. Car despoüillé de tous ses biens, ayant esté mis dans vn chariot, il fut en-  
 uoyé à Bordeaux, lieu de sa natiuité: là où tost apres il mourut. Quant à la Roy-  
 ne elle fit brusler tous les habillemens, meubles de soye & autres especes ser-  
 uans à l'enfant, combien quel'on eust peu remplir quatre chariots: & fondre  
 tout l'or & l'argent de son seruice, à fin que iamais ne voyant rien de ce qui luy  
 auoit appartenu, elle n'eust occasion de renoueller ses douleurs. Enuiron ce  
 temps Lipence Abbé de S. Priué, de Lodéue fut accusé par Innocent Comte  
 de ceste ville: d'auoir dit aucunes parolles iniurieuses de la Royne Brunehaut,  
 dont il se purgea. Mais retournant de Pontigon, ainsi qu'il estoit en son pavil-  
 lon, tendu le long de la riuiera d'Aisne, il fut tué par ses ennemis, qui apres luy  
 auoir couppé la teste, la mirent dans vn sac, & la ietterent en la riuiera quant  
 & le corps. Toutesfois le corps premierement trouué par des bergers, & puis  
 la teste monstrée par vn oyseau de proye qui s'en vouloit paistre furent ense-  
 mble enterrez. Au mesme temps, Sulpice est fait Euesque de Bourges apres la  
 mort de Remy, & preferé à d'autres qui offroient de grâds presens pour auoir  
 sa place. Ausquels le Roy Guntchram pour excuse, disoit: n'auoir accoustumé  
 de vendre les Eueschez à prix d'argent: & encores estoit-ce chose moins hon-  
 norable pour eux de l'achepter: car il en pouuoit encourir l'infamie d'estre vil-  
 lainement auaricieux, & eux de ressembler à Simon le Magicien. A ceste cause  
 il auoit déclaré Euesque, Sulpice, homme très-noble, & des premiers genzils-  
 hommes Gaulois, qui estoit sçauant, bon rethoricien & poëte: fermant la bou-  
 che à tels importuns, par ces parolles dignes d'estre retenues, & dites par les au-

L'an de tres Roys en cas semblables: & qui aduiennét trop souuent. La ville de Bourges auoit esté bruslée tost apres la mort de ce Remy, & le feu ayant consumé tout ce que les habitans auoient n'agueres sauué de la main de leurs ennemis, besoin leur estoit den'estre foullez, de ceux qui ayans achepté l'Euesché eussent voulu se rembourser. Au mesme téps Leuuigilde Roy d'Espaigne enuoya son Ambassadeur nommé Opille vers Chilperic: auquel l'Espagnol fit de grands presens de la part de son maistre, qui craignoit que Childebert ne l'eust agreable à cause des mauuais traitemens par luy faits à Hermenichilde: lequel tué à la suscitation de son pere, Ingonde sa femme & sœur de Childebert, estoit demeurée avec les Grecs, allies de son mary. Quand Chilperic vit que Guntchram son frere s'estoit r'appointé avec Childebert, & qu'ils auoient delibéré luy oster les villes par luy conquises, il se retira dans Cambray où il fit porter avec soy la plus part de son thresor, & tous ses meubles precieux, escriuant aux Ducs & Comtes des citez de son obeissance, de reparer les murs des villes, s'enfermer dedans avec leurs femmes, enfans, & biens, & hardiment s'apprester à la defense: les assurant que s'ils perdoient quelque chose, ils en recouuereroient d'auantage sur les ennemis. Ce fait il mit son armée ensemble, & iacoit que plusieurs fois il la fist marcher: ce neantmoins tout aussi tost il la ramenoit dans les limités de son Royaume. Durant cela, la Roïne Fredegonde luy fit vn fils qui fut nourry au village de Vitry, craignant qu'il mourust s'il estoit esleué à la Cour.

## CHAP. V.

*L'Empereur Maurice ayant donné de l'argent au Roy Childebert pour faire la guerre aux Lombards, est trompé. Leuwichilde Roy des Vuisigots fait mourir son fils. Preparatifs de Chilperic pour enuoyer Rigunte sa fille en Espagne. Qui estoient les Fiscallins.*



s85.

s86.

A V T R E costé l'Empereur Maurice voyant que les Lombards se faisoient forts en Italie, pource qu'il luy sembloit n'y auoir meilleur moyen d'empescher leur aduancement, que les rendre ennemis des François, auoit dès l'an cinq cens quatre vingts cinq enuoyé des gens aux Roys Guntchra & Childebert plus voisins d'Italie, les prier d'y venir faire la guerre. Dequoy les Lombards aduertis, despecherent douze Ambassadeurs en France, lesquels accorderent de payer tous les ans à ces Roys douze mille sols d'or de tribut, & par ceste offre appaiserent les François. Mais l'an suyuant Maurice ayant enuoyé au Roy Childebert cinquante mille de ces solz, luy donna courage de recommencer la guerre en Italie: quand les Lombards qui s'estoient gouuernez dix ans par Ducs (comme le commandement d'un est meilleur en necessité) pour destourner ceste tempeste, esleurent vn Roy nommé Anthar, fils de Clefon vaillant & sage seigneur. Cestuy-cy cognoissant ne pouuoir resister à la puissance de Childebert (descendu en Italie l'an cinq cens quatre vingts



(ix) se retira dans les villes, à fin de mattrer les François. Aufquels cependant il *L'an de*  
 enuoye des Ambassadeurs, lesquels moyennant de grands presens appointe- *Iesus*  
 rent avec le Roy d'Austrazie. De sorte qu'il retourna en son pays, iacoit que *Christ.*  
 Matrice trompé du secours pretendu du costé des François, sollicitast ce Roy  
 de tenir sa promesse, ou luy rendre son argent. A quoy tant s'en salut qu'il en-  
 tendist, que mesmes il ne daigna luy faire responce iusques à ce que Ingonde  
 sa sœur mariée en Espagne eust esté retenue par les Grecs, ainsi que i'ay dit.  
 Car lors pensant la retirer, il entra en Italie pour guerroyer les Lombards sur  
 lesquels il obtint vne si grosse victoire, qu'ils furent contraints repasser les  
 monts. Quant à la querelle de Leuichilde Roy d'Espagne, avec son fils, elle  
 procedoit pour leur religion, ainsi que i'ay dit: & s'enflâma tant, que le Prince  
 Hermenichilde fut contraint par son pere, se retirer vers Miron Roy de Galice:  
 avec lequel il fit alliance, comme aussi avec les Lieutenans, que l'Empereur  
 tenoit en Espagne, aufquels il bailla en ostage sa femme, & le fils duquel nou-  
 uellement elle estoit accouchée: se preparant contre son pere. Iacoit (dit Gre-  
 goire, bien contraire à plusieurs de noz Theologiens) qu'il ne luy deuot resis-  
 ter avec les armes, quelque heretique qu'il fust. Hermenichilde auât que par-  
 tir auoit mis dans le chasteau d'Osser, trois cens homes choisis entre plusieurs  
 milliers, pensant qu'au siege d'une si bonne place, ils deussent lasser les gens de  
 son pere, qui s'y trouua tant bien accompagné, qu'il mit au fil de l'espee ceste  
 garnison, & brussa le chasteau, auquel Gregoire dit que les fonts s'emplissoient  
 diuinement, quand il falloit faire le baptisme de Pasques. Ce fait, le Roy Vvis-  
 sigor vint contre Miron Roy de Galice, qu'il assiegea, & contraignit luy faire  
 serment de fidelité. Puis le renuoya en son pays, où peu de iours apres il mou-  
 rut, à cause de l'air & des mauuaises eaux beues en l'Espagne basse. Eoré son  
 fils & successeur, fit alliance avec Leuichilde, duquel il releua son Royaume.  
 Mais ceste mesme année Anduc mary de sa sœur le print & le fit tondre. En  
 apres auoir espousé la veufue de Miron son beau-pere, il se rendit maistre du  
 Royaume de Galice. Hermenichilde d'autre costé ne scachant pas le marché  
 que le Lieutenant imperial auoit fait avec son pere, sortit en campagne pour  
 le combattre. Toutesfois desnue du secours esperé, il se retira dans vne Egli-  
 se de Toledé, disant que ce seroit trop grande meschanceté, si le pere tuoit le  
 fils, & au contraire. Leuichilde luy enuoya vn de ses autres enfans, pour  
 l'asseurer que s'il venoit demander pardon, toutes offences luy seroient remi-  
 ses. Hermenichilde pour plus grande seurété voulut que ce fust dans l'Eglise  
 en laquelle il se vint ietter aux pieds de son pere, qui le baissa, & leua, essayant  
 de l'appaiser par douces paroles. Ce fait, Leuichilde le remena en son camp,  
 où contre sa promesse il le vestit de meschans habillemens, & le confina dans  
 Valence; ne luy donnant qu'un petit garçonnet pour le seruir. Aucuns adiou-  
 stent, que depuis le pere mesme d'une hache coupa la teste à son fils, le propre  
 iour de Pasques: & que sa femme donnée aux Grecs pour ostage, mourut en  
 Afrique, ainsi qu'on la menoit en Constantinople. Ceste année il aduint plu-  
 sieurs cas estranges. Les rosiers florirent en Ianuier: le soleil apparut environ-  
 né d'un cercle pareil à l'arc enciel: les vignes gelerent, puis la tempeste gasta

*L'An de* les vignes, & les bleds en plusieurs endroits: encores la gresse qui suyuit, ache-  
*Iesus* ua de perdre ce que la tēpeste auoit laissé d'entier. Les arbres aussi qui au mois  
*Christ.* de Iuillet auoyent porté fruit, en porterent d'autres, celui de Septembre: & le bestial fut derechef plus trauaillé de maladies. Durant cela vne grande Ambassade des Gots vint le preishier iour de Septembre, trouuer le Roy Chilperic à Paris, où il auoit assemblé beaucoup de gens des terres du Domaine, pour les enuoyer en Espagne avec sa fille. Ce qui despleut si fort à plusieurs (qui ne vouloient faire ce voyage) qu'aucuns se pendirent: ne pouuans endurer d'estre separés d'avec leurs peres & parens: de sorte que l'on n'entendoit par la ville que larmes & pleurs. Mesmes les plus aagez faisoient leurs testaments, qu'ils commadoient publier quand la fille du Roy seroit en Espagne, tout ainsi que s'ils fussent delia morts. Ces gens n'estoyent pas tous nobles, ou francs, ne bourgeois de Paris (car ie doute si lors il y auoit bourgeoisie à Paris, d'autant que ie ne trouue pas qu'elle fust colonie Romaine, & toutes-fois puis que c'estoit siege Royal, il y a grande apparence que les habitants estoient plus priuilegiez que les autres villes) ains aucuns affrâchis ou serfs, tellement suiects de ceux qui les tenoient en leurs terres, qu'ils en pouuoient disposer. On les appelloit en langage Franeteusch, Aldiones, c'est à dire serfs afranchis Leudes, *Manssary*, *Fiscaliny*, *Indominicari*, quand ils labouroient les terres du Roy; *Ecclesiastici*, ou *Seruiles* quand ils appartenoyent aux Eglises ou particuliers. Le mot de *Manssary* vient de *Másus*, qui signifie vn heritage des chāps, lequel deuoit contenir le labeur de deux charruës à bœufs. Et l'on en vse encores en Prouence, Languedoc & Gascogne, où ces terres s'appellent Mas & Mais. Il est vray qu'il y auoit aussi des *Manssary* pource qu'ils estoient francs. Et ie croiroy volontiers que ces mots *Cum Mansis & commanentibus* remarquent ceux qu'on nomme de present manans & habitās. Pource qu'encores au pays Chartrain & le Perche on appelle manant ou manante, vn païsā & femme de village. Mesmes anciennement toutes les villes & citez n'estoient pas frâches ne reiglees par cōmunauté de bourgeoisie, ainsi que ie monstreray autre part. Et puis que l'on emmenoit ceux-cy par force, il falloit qu'ils fussent serfs: & s'ils estoient tels, comme pouuoient-ils faire testamēt? Il faut donc dire que la coustume des François fut autre que des serfs Romains. Ce qui me demeurera incogneu avec plusieurs autres antiquitez par moy laissées à faute de meilleure instruction. Durant ces preparatifs, les Ambassadeurs de Childebert venus à Paris, deffendirent à Chilperic de prendre aucune chose sur les terres des appartenances de feu son pere: ou tirer des thresors Royaux, aucuns ioyaux pour baguer sa fille: ne faire enleuér des esclânes, cheuaux, iougs de Bœufs, n'autres choses appartenants à ses subiects. Ce pendant qu'ils seiournerent en ceste ville, il aduint qu'un d'eux ayant esté tué, Chilperic fut soupçonné de sa mort: pource qu'on ne sceut descouurir le meurdrier. Et toutesfois ce Roy promit aux autres de ne contreuenir à leurs deffences. Lors il appella les plus grands Seigneurs de la Cour, & autres ses vassaux, pour faire les nopces de sa fille: laquelle depuis il liura aux Ambassadeurs Vyissigots, avec de grands biens: outre ceux que sa mere luy donna: en telle quantité, que le Roy pensoit n'auoir rien

rien de reste. Mais Fredegonde qui s'en apparçeut, se tournant vers les Sieurs L'an de  
 François, les pria de ne croire qu'il y eust parmy ces meubles, rien pris des thre- <sup>L'an de</sup>  
 fors des anciens Roys: Que tout ce qu'ils voyoient venoit d'elle: Car le Roy <sup>1150</sup>  
 luy auoit beaucoup fait de biens, & elle mesme en auoit aussi espargné vne <sup>Christ.</sup>  
 partie: mesnageant les terres à elles données pour son estat. Avec ce qu'eux  
 mesmes luy auoient fait beaucoup de presens, desquels tout cecy estoit venu:  
 de maniere qu'ils pouuoient s'asseurer, n'y auoir rien qui fut pris du tresor  
 Royal. Si est-ce que les meubles, l'or & l'argent & autres choses precieuses  
 de ce trousseau de mariée, emplissoient cinquante chariots: & neantmoins, le  
 Roy se contenta de sa responce. Et les François luy firent encor' de grands pre-  
 sens en or & argent: aucuns donnoient des cheuaux, les autres des vestemens, cha-  
 cun selon sa puissance. Ce qui me fait croire, que ce n'est d'aujourd'huy qu'on  
 estrenne les mariees. Et les Seigneurs qui encores ont des serfs de main morte,  
 le leur font bien sentir en pareils cas: ainsi que les anciens Patrons & maîtres  
 à leurs affranchis appelez *Liberti*: & aucuns Seigneurs en la cheualerie d'eux,  
 de leurs fils aînez & mariages de filles. Les Adieux dits, non sans larmes: cō-  
 me le chariot de l'espousée sortoit de la porte, vn aisseau se rōpit, & chacū s'es-  
 cria à la mal'heure: laquelle parolle fut prise pour vn presage de ce qui luy ad-  
 uint. En fin sortis de Paris, la troupe vint loger à quatre lieues: où les pavil-  
 lons feurent tenduz: Car soit que la France se trouuast lors mal garnie de villa-  
 ges; ou que la compagnie de ceste Princesse fut grande (cōme à la verité elle  
 estoit) les François allans par pays, faisoient coustume de porter leur equipage:  
 principalement les Seigneurs, voire les Euesques: ce qui dura du tēps des suc-  
 cesseurs de Pepin: & ie ne sçay si encores plus tard. Or comme la troupe se  
 fut arrestée, la nuit cinquante hommes qui prirent cent cheuaux avec au-  
 tant de frains dorez, & deux grandes chaines (Gregoire ne dit de quoy) s'enfui-  
 rent vers le Roy Childebert: cōme aussi firent le semblable, ceux qui en eurent  
 la commodité. L'equipage estoit grand, & tout viuoit aux despens des villes  
 par où ce train passoit: car le Roy ne fournissoit rien du sien: & n'y auoit que  
 le peuple qui portast la despence. Encores pource qu'il craignoit que son frere,  
 ou nepueu, dressassent quelque embusche à sa fille, il la fit accompagner de  
 grands Seigneurs: & entre autres du Duc Bobon fils de Montmolen, avec sa  
 femme. Lequel Duc estoit comme Paranimfe ou député pour la marier: ac-  
 compagné de Domigichilde, d'Ansoald, Vadon iadis Comte de Xainctes, &  
 maintenant grand Maître de l'hostel de ceste Princesse; laquelle auoit bien à sa  
 suite quatre mil personnes. Les autres Ducs & Chamberlans, retournerent  
 si tost qu'ils furent en Poictou, & le reste tira outre, faisant de grands maux par  
 les chemins, ainsi que des ennemys.

## CHAP. VI.

*Chilperic tué par la malice de Fredegonde & Landri son adultere. De quels liures Aymon a composé son histoire. Fredegonde s'enferme en la franchise de Paris. Ceux d'Orleans & Dunois, s'entrebruslent leur pays. Clotaire fils de Chilperic, reconnu par les vassaux de son pere. Protestation du Roy Gunthram au peuple, faite durant la Messe.*



**C**ependant Chilperic venu à Chelles pour chasser, retournant du bois que la nuit estoit obscure, comme il auoit la main sur l'espaule d'un qui l'aidoit à descendre, fut frappé sous l'aisselle, & encores par le ventre, de sorte qu'il inourut iettant le sang par la bouche & par les playes. Lon pensa qu'il eust esté meurdry à la poursuite de Brunehaut par un nommé Faucon, ainsi que dit un abbregé de chroniques, iacoit que du tēps de Gregoire de Tours Sunigifile en fut diffamé. Ce neātmoings l'opinion commune tirée de Fredegair, est que Fredegonde le fit tuer par le moien de Landry (ie ne sçay pourquoy surnommé de la Tour) Maire du Palais de ce Roi : & pour vne telle occasion. Un matin le Roi prest d'aller à la chasse, en attendāt ses cheuaux & l'equipage, vint en la chambre de sa femme qui lauoit sa teste : & la trouuāt panchée sur un bāc, luy donna d'une houffine sur le derriere. La Roine qui pensoit que ce fut Lāndri son ami (sans se tourner) dit: Lāndri pourquoy faites vous cela? Le Roi n'est pas encor' loing. Autres adioustent, Un vaillant homme frappe par deuant. Lesquelles parolles picquerent Chilperic si au vif, qu'incontinent il entra en soupçon du mauuais gouuernement de sa femme, & grommelant, s'en alla au bois tout resueux. D'autre costé, Fredegode qui au moyen de la soudaine retraite du Roy, ne pouuoit plus couurir son mot trop tost eschappé, imaginant le danger auquel elle pouuoit tomber, resolut couurir son adultere par un homicide. Et le fait par elle conté à Landry, ils conclurent de preuenir la iuste vengeance du Roi, lequel tué sur le champ, ainsi que j'ay dit, ils font courre le bruit que s'auoit esté par les gens de Childébert. Mais aucun ne fut trouué, iacoit que plusieurs picquassent du costé où l'on disoit que les meurtriers s'estoient saueuz. C'est grand cas, que Gregoire qui n'aymoit pas Chilperic, & encores moins Fredegonde, ne fait mention de ces amours : non pas de Landri mesme, au precedent, ne depuis la mort de ce Roi : encores qu'il ait parlé du bruit qui couroit de Bertrand Euesque de Bordeaux & d'elle. De sorte qu'il faut croire, que Fredegair ou Idage a recueilly ceste fable des fauces narrations dont il s'est aydé à faire son liure. Et toutesfois ie n'ay deu oublier ce bruit, faux ou vray qu'il soit: puis qu'il est confirmé par un si long espace de temps, & consentement des anciens Autheurs du temps: voire mesme d'Adon. Mais il y a apparence, que luy, ny Aimon, ne virent iamais l'histoire entie-

re de Gregoire, ains seulement vn abbregé, intitulé *Gesta Francorum* *Gregorij Tur-* L'an de  
*nonis, Episcopi* continuez par cét Idace qui aussi a remply l'entrée de son liure Iesus  
d'un conté fabuleux de Thierry Ostrogot: d'un autre de Narfes & de la vie de Christ.  
Dagobert: ayant esté suyui par Aymon lequel n'a fait que quatre liures, enri-  
chis par les moynes de Saint Germain des prez, qui y ont adiousté ce qui fai-  
soit pour eux. D'autant quel Aimon de Fleuri (c'est à dire de Saint Benoit  
sur Loire) finit au quarante & vnième chapitre du quatriesme liure que  
nous auons imprimé. Ainsi que fait vn que i'ay escrit à la main il y-a trois ou  
quatre cens ans. Aussi est-il ayé à voir que plusieurs ont mis la main à l'œu-  
re d'Aimon, tel que nous l'auons imprimé. Chilperic donc tué, par la frau-  
de de qui que ce fut, ne se trouua pas grandement regretté à cause de ses mau-  
uaises cōplexions: qui l'ont fait appeller par Gregoire, le Neron de son temps.  
Car encores que ce Roi fit semblât d'aymer les lettres, peu de Clercs de son re-  
gne feurent pourueuz d'Eueschez: il ne faisoit point de iustice aux pauvres, il  
mésdisoit des Prestres, & en ses gaufferies secretes, ne tenoit autres propos  
que des Euesques: disant que l'un estoit sot, l'autre glorieux, l'autre paillard,  
ou plein de vent, se plaignant que son domaine estoit pauvre, d'autant que tous  
les biens Roiaux tomboient en la main des Eglises: n'y ayant plus que les  
Euesques, qui eussent les richesses comme Rois, iacoit qu'il ne fut luy  
mesme qu'un gourmand; & si infame paillard, qu'il n'y auoit espee qu'il  
n'eut pratiquée, ce dit Gregoire: lequel adiousté que n'aimant personne,  
aussi ne fut-il aymé d'aucun; & pour ce il se trouua abandonné de tous en  
sa mort; fors de Malus Euesque de Senlis: lequel ayant au precedent demeuré  
trois iours en son paillon (nettez le logis d'un Euesque aux champs, si pres  
d'un palais Roial & d'une bonne ville) sans pouoir parler à luy: Quand il en-  
tendit sa mort, le fit lauer & vestir de meilleurs accoustrements: puis mettre  
dans vn bateau, & porter à Paris enterrer en l'Eglise Saint Vincent; qui est cel-  
le de Saint Germain des-prez, où l'on void encores son tombeau; & dessus, la  
figure d'un Roi qui tient la main à sa gorge: pour monstrier (ce croy-ie) qu'il  
auoit esté meurdry, Toutesfois ie pense que ceste pierre n'est ancienne, ains  
renouuellée. Il regna vingt quatre ans, & mourut l'an de Iesus Christ cinq-cens  
quatre vingt huit, laissant vn fils nommé Clotaire âgé seulement de quatre  
mois. Ainsi donc Chilperic ayant trouué (dit Gregoire) la mort qu'il auoit  
longuement cherchée, peu après les Orlenois & Blaisois ioincts ensemble, se  
ietterent à l'impourueu sur le pays de Chasteaudun, & deffirent ceux du Du-  
nois, puis bruslerent leurs maisons, bleds & tout ce qui facilement ne se pou-  
uoit transporter: gardans le bestial & autres meubles aysez d'enleuer. Mais sur  
leur retour, ceux de Dunois accompagnez de Chartrains, les suivirent & leur  
rendirent la pareille: pillans tout sans rien laisser dedans, ne dehors les mai-  
sons: & non pas les maisons mesmes où ils mirent le feu. Comme ils estoient  
prests de recommencer, & les Orlenois menaçoient de s'en ressentir, la paix  
fut accordée entr'eux par le moyen de leurs Comtes: qui donnerent assigna-  
tion aux parties interessees, de comparoir à l'audience des plaids généraux,

*L'An de  
Jesus  
Christ.* pour iuger leurs differents : & lors celle qui se trouueroit iniquement auoir pris les armes, paieroit l'amende; selon qu'il seroit aduisé par iustice. Durant cela, Fredegonde s'enferma en la franchise de l'Eglise cathedrale de Paris, avec les biens qu'elle auoit en ceste ville: où elle fut receuë & deffenduë par l'Euesque Remôd: mais les biens qui estoient à Chelles, & entre autres le bassin d'or fait par Chilperic, furent par ses Tresoriers portez à Childebert, qui estoit à Meaux. Lors Fredegonde fut conseillée d'escire au Roy Guntchram, de venir prédre le Royaume de son frere, & la protection de son filz, qu'elle disoit auoir delibéré de mettre en sa garde, avec elle mesme. A ceste cause, Guntchram ayant assemblé vne armée s'achemina vers Paris: comme il fut entré en ceste ville, Childebert y voulut semblablement venir par vn autre costé: ce que les Parisiens empescherent. Au moyen dequoy il enuoya remonstrier à son oncle, que Chilperic les auoit tous deux tellement menez, que de son viuant ils n'auoient peu iouyr en paix, des Royaumes qui leur appartenoint. Et pource maintenant il le prioit de vouloir garder les accords faits apres la mort de son pere. Guntchram respondit aux Ambassadeurs, qu'ils estoient gens sans foy, & sans verité: ayans tout nouuellement accordé avec Chilperic pour le chasser hors de son Royaume; contre les promesses à luy faites, leur monstrant le traité par eux signé, & demandant comme ils l'osoient prier d'appointement avec son neveu. Ils respondirent que s'il ne vouloit tenir les conuentions, qu'à tout le moins il se departit de la portion que leur maistre pretendoit au Royaume d'Aribert. Là dessus le Roy Guntchram fit apporter l'accord fait entre luy & ses freres: par lequel il monstra que sur peine d'encourir l'indignation des Saints Poliotte Martyr, Hilaire & Martin Confesseurs, ils accordoient que celui qui entreroit dedans Paris, perdit sa part. Que Sigisbert y ayant contréuenue, auoit iustement esté puny de Dieu, comme au semblable Chilperic son frere: partant ce Royaume avec tous ses thresors, luy appartenoit; & de son gré n'en quiteroit aucune piece. Cela dit, il donne congé aux Ambassadeurs, les appellans menteurs & parjures. Mais Childebert non content de telle response, en renuoya d'autres luy dire: qu'il mist entre ses mains Fredegonde meurdriere de sa tante paternelle, de son pere & de son oncle, & qui encores auoit fait mourir par glaiue ses cousins. A quoy Guntchram ne respondit autre chose, sinon qu'au lieu de ses plaids l'on y faisoit iustice sur toutes plaintes: Et pource, qu'ils y vinssent foy complandre. Car il fauorisoit grandement Fredegonde, & souuent la faisoit venir manger avec luy: promettant l'ayder & deffendre contre tous. Mesme comme vn iour elle fut assise à table avec le Roi, elle lui demanda congé: disant qu'elle se trouuoit pressée du mal d'enfant: dequoy Guntchram fut tout esmeruillé, sachant qu'il n'y auoit que quatre mois qu'elle estoit deliurée d'un autre: ce neantmoins il la laissa sortir. Lors elle fit vn filz appellé Clotaire, reconnu par Ansoald, & autres Seigneurs, qui luy firent prester serment par les villes de l'obéissance de feu Chilperic; jurans fidelité au Roy Guntchram & à son frere. Si est-ce que la plus part des Auteurs, disent que Clotaire auoit quatre mois quand son pere fut tué: de sorte qu'il faudroit que

le liure de Gregoire fut corrompu en cest endroit, où il dit que l'enfant de <sup>L'an de</sup> quatre mois fut nommé Clotaire. Ce que ie pense plustost que croire, que le <sup>lesus</sup> peuple, ou Gregoire, ayent estimé qu'un enfant peust viure quatre mois apres <sup>Christ.</sup> la conception: ven que c'est contre l'opinion des plus scauans Medecins: qui ont escrit, que les enfans sortis du ventre de leur mere auant sept mois, ne peuvent viure. Laquelle opinion a esté approuuée par nos Iuriconsultes. Aussi vous ay-ie dit cy dessus, que incontinent apres la mort de Chilperic, Fredegonde enuoya prier Guntchram venir prendre la protection de son fils; ce qu'il n'eust fait, si elle eust esté encores grosse. Autrement ce seroit vne merueilleuse superfetation: ou celuy dont elle estoit accouchée quatre mois auparavant, ou cestuy-cy estoient supposez: ou c'estoit trop s'asseurer que le postume qu'elle auoit encores en son ventre fut vn male. Mais Guntchram equitable, fit par autorité de iustice rendre tout ce que les vassaux de Chilperic auoient pris sur les autres: & voulut que les biens donnez aux Eglises leurs fussent restituéz: se montrant debonnaire & liberal enuers les pauvres. Toutesfois pource qu'il ne s'asseuroit pas de chacun, il prit garde de gens armez; sans lesquels il ne marchoit point, fust à l'Eglise ou autre-part: avec si grãde crainte, qu'un iour de Dimanche, apres que le Diacre eut crié à haute voix au peuple, qu'il se teust à fin d'ouyr les Messes paisiblement (ceste admonition se fait en la Messe des Mosarabes par le prestre auant que lire l'Epiestre) Guntchram se tournant vers l'assemblée, adiura tous les hommes & femmes, qui estoient là, de luy garder fidelité sans varier, & ne le tuer point; comme n'agueres ils auoient fait ses freres; à fin qu'il peust (au moins durant trois ans) nourrir ses neueus par luy adoptez: de peur que luy & ses petits enfans morts (de que Dieu ne permist) ils fussent quant & quant perdus: ne restant plus aucun de leur maison, qui les peust defendre. Lors tout le peuple pria Dieu pour le Roy.

## CHAP. VII.

*Rigunte fille de Chilperic, allant en Espagne est arrestée à Thoulouze. Gumbaut se disant fils de Clotaire, est déclaré Roy des François par aucuns. Second Concile de Mascon. Pain benist. Pourquoy hospitalaux sont pres les maisons Bpiscopales. Partisans de Gumbaut. Austrasiens demandent Fredegonde au Roy Guntchram pour en faire punition. Roys François non si iers les uns aux autres. Vnoient de ménage.*



**D**URANT cety, Rigunte fille de Chilperic arriva à Thoulouze avec ses biens, laquelle se trouuant proche de la frontière des Vvilligots, fut par les siens (las du chemin, & qui disoient auoir besoin de faire racourrer leurs habillemens vsez) conseillé de faire reposer les cheuaux trauallez, recueillir le bagage & ha mois espars, faire exeué de tout leur train, &

*Ann.* de le mettre en bon ordre; pour ne donner occasion aux Vviffigors de se mocquer  
*lesus* d'eux, s'ils arrivoient en mauvais equipage. Mais pendant qu'ils sejournerent  
*Christi.* pour ce faire, le Duc Difier aduerty de la mort de Chilperic, assemble des gens  
& venant à Thoulouze faist tous les biens de ceste Roynie, qu'il enferma dans  
vne maison; après auoir scellé les coffres : mettant gens à la garde d'iceux,  
& donnant à elle mesme assez petite prouision pour son viure, iusques à ce  
qu'elle fut retournée en la Royale ville de Paris. Ce fait, & en diligence il  
va trouuer Mommol en Auignon, avec lequel dès deux ans auparavant il a-  
uoit fait alliance, en faueur de Gombaut lequel peu après joint avec ces deux,  
s'achemina vers le pays de Limosin, & vint à Briue la Gaillarde, lors fut nom-  
mée Curretie, à cause d'un pont qui est au dessous, planté sur la riuierre Corre-  
ze, là où Gombaut esleue sur vn pavois, comme les nouueaux Rois Franks-  
Germain, au troisieme tour cheut si lourdement, qu'à peine les assistans le  
purent soustenir : ce fait, il vint par les villes voisines. Quant à Rigunthe,  
elle se retira en l'Eglise dediee à la vierge Marie (ie croy la Dorade) où i'ay dit  
que par crainte de Chilperic, demeura la femme de Regnoul : lequel enuoyé  
par le Roy Guntchram comme son Ambassadeur en Espagne, retourna lors  
en ses biens, & retira sa femme de ladicte franchise. Ceste année, qui aussi es-  
toit la ving. quatreiesme du regne de Guntchram, ce Roy fit tenir le second  
Concile de Mascon : auquel il fut descendu aux Prestres de baptiser qu'à Pas-  
ques & Penthecoste, fors en cas de necessité : à fin d'auoir le baptisme en plus  
grande reuerence. Plus, que tout homme & femme feroit son oblation de  
pain & vin sur l'autel. Et furent repris ceux qui ne le faisoient point, & n'as-  
sistoient au seruice, d'autant que de ces oblations, ou offrandes, l'on s'aidoit à  
la communion, qui lors se donnoit sous les deux especes : & le reste se distri-  
buoit aux pauvres. En memoire de quoy (possible) en France l'on porte au  
Prestre du pain pour le benir : lequel encores auourd'huy est coupé & distri-  
bué au peuple. Il fut aussi dit, quel'Euesque receuroit les passans par hospi-  
talité, qui peut estre la raison, pourquoy nous voyons deçà Loire (plus volon-  
tiers qu'autre part) les hospitaux (appelez hostels & maisons-Dieu) pres les  
Eglises Cathedrales; esquels il n'y a pas long temps, l'on dit qu'estoit tenu  
d'aller le Chanoine qui deuoit celebrier la grand Messe, & auoir s'il eust des  
malades estoit prest. Semblablement fut descendu par ledict Concile de te-  
nir esdictes maisons Episcopales & hospitalieres, des chiens: pour euer qu'ils  
n'offensassent les payures, & voulans entrer. Et aux veufues des Euesques,  
Prestres, ou Diacres, soy remarier. Au mois de Decembre (durant lequel ces  
choses se faisoient) l'on vit des bourgeons nouueaux avec des grappes formées  
aux seps de vigne: des fleurs aux arbres; & vn grand flambeau courât de nuict  
par le ciel, esclaire si fort qu'on pensoit qu'il fust touri des pointes ou batailles  
(car il y au Latin *Mete*) apparurent au Ciel : & vne colonne fut veüe deux  
heures durant, pendue au ciel du costé de Septentrion, sur laquelle y auoit vne  
estaille: la terre trembla en Anjou, non sans l'estonnement de plusieurs, &  
mesmes de nostre Gregoire, qui lors est opinion que ces presages signifioient  
la mort de Gombaut. En ce temps, le Roy Guntchram enuoya ses Comtes



saisir les villes que le feu Roy Sigisbert auoit occupées au Royaume d'Aribert: l'an de  
 & en son nom receuoir le serment des habitans. Les Tourangeaux & Poicti-  
 uins ne voulurent recognoistre que le Roy Childebert; mais les Berryers en-  
 trerent en Touraine, & commencerent à y mettre le feu; iusques à ce que les  
 Tourangeaux eussent resolu d'obeyr à Guntchram. Or le Duc Gararic venu à  
 Limoges incontinent apres la mort de Chilperic, auoit pris le serment de ceux  
 de la ville, au nom du Roy Childebert: & partant de là, fut reçu des Poicti-  
 uins, avec lesquels il se tenoit. Cestuy-ci oyant les maux qu'enduroient ceux  
 de Touraine, les aduertit que pour leur profit ils ne deuoient point entrer en  
 l'obeissance du Roy Guntchram, ains tenir le parti de Childebert fils de Sigis-  
 bert. Ce neansmoins, nostre Gregoire enuoya dire à l'Euesque & citoyens de  
 Poitiers, que s'ils n'obeissoient de bonne heure au Roy Guntchram, ils se-  
 roient en danger d'auoir autant de maux qu'eux: car Guntchram par adoption  
 estoit pere des enfans de Sigisbert & de Chilperic: tenant le Royaume de Fran-  
 ce, comme auoit fait Clotaire son pere. Quand Gararic les vit prester l'oreil-  
 le à ces remonstrances, il monte à cheval comme pour faire la guerre, & laissa  
 dans Poitiers Eberon Chamberlan de Childebert. D'autre costé, Sichar qui  
 entendit la venue, sortit aux champs contre les Poictuins: accompagné de  
 Vuillichaire Comte d'Orleans, qui auoit pris Tours: & entrant en Poitou,  
 commencerent à brusser les maisons: ce fut pourquoy les Poictuins enuoye-  
 rent au deuant, les prier d'une surseance d'armes, iusques apres le parlement  
 que les Roys Guntchram & Childebert deuoient tenir: disans, que s'il estoit  
 ordonné que leur pays deust estre en l'obeissance du Roy Guntchram, ils ne  
 l'impecheroient: & ce pendant qu'on les souffrit en celle de leur seigneur ac-  
 coutumé. Dont Sichar ne tint conte, menassant de bruser tout au moyen  
 de quoy ils presterent le serment au nom du Roy Guntchram: chassans de leur  
 ville les gens de Childebert. Le iour du parlement venu, Gilles Euesque de  
 Reims, Guntchram Boson, Sigisbert & plusieurs seigneurs se presentèrent  
 pour le Roy d'Austrasie: & Gilles qui portoit la parole s'adressant au Roy  
 Guntchram, luy dit: qu'il remercioit Dieu, de ce qu'apres plusieurs travaux il  
 l'auoit remis en ses terres: & en son Royaume. A quoy le Roy respondit, que  
 veritablement il en deuoit bien remercier Dieu, Roy des Rois qui l'auoit ainsi  
 permis, & non pas luy: par le conseil de qui son pais auoit esté gaste l'an pre-  
 cedent: Qu'il n'estoit qu'un trompeur: & au lieu de faire l'estat d'Euesque, il  
 se monstroient ennemy de son Royaume. Ces parolles ayas clos la bouche à Gil-  
 les, vn des autres dit au Roy: Que Childebert son neveu le prioit bien fort de  
 rendre les villes iadis tenues par son pere, Guntchram respondit, que iadis leur  
 auoit dit, qu'elles luy appartenoient: suruant la clause du traité passé avec ses  
 freres: & que pour ceste occasion il n'estoit delibéré d'en faire part à aucun,  
 que de son bon gré. Lors vn des Ambassadeurs luy dit, que son neveu le prioit  
 bien fort de luy enuoyer Fredegonde, cause de la mort d'un Roy: à fin  
 de venger ses peres, oncle & cousins. Le Roy dit, qu'il ne la pouuoit liurer:  
 estant mere d'un fils de Roy; avec ce qu'il ne pensoit que les cas dont elle estoit  
 chargée fussent veritables. Apres cela, Guntchram Boson, s'approchant

*D'Andr.* comme pour luy dire aucune chose, le Roy tout courroucé (car il auoit enten-  
*Iesus* du comme Gombaut estoit déclaré Roy) luy dit : Retire toy, ennemi de mon  
*Christ.* Royaume, qui es allé en Constantinople chercher Balomer (il appelloit ainsi  
 " Gombaut) pour venir trauailler mon pays; tu ne tiendras iamais ta parole. Bo-  
 " son ainsi rudoyé, ne se peut garder de respondre: Sire, vous estes Roy assis en  
 " vostre throne: Ce n'est pas merueille si personne n'a osé respondre à ce que  
 " vous dites. Toutesfois ie vous puis iurer, que ie suis innocent de ce fait; Que  
 " si aucun mon pareil m'en a chargé en mon absence, qu'il vienne auant, & le  
 " soustienne. Lors, Sire, ayant esté mis en plein champ pour combattre, vous  
 " en laissez faire le iugement à Dieu. Personne n'ayant releué sa parole; Le  
 Roy dit: que chacun deuoit s'efforcer à chasser cest estranger; le pere du-  
 quel auoit esté meunier, tisseran de draps, ou cardeur de laines. Mais quel-  
 qu'un qui ne s'aduisoit pas qu'un mesme homme peut scauoir deux mestiers,  
 s'aduança pour dire; Cestuy-cy donc auoit deux peres; l'un meunier, & l'autre  
 cardeur de laine. Ia à Dieu ne plaise qu'il sorte de la bouche d'un tel Prince  
 que vous, vne parole tant inconsiderée: Car il n'est possible qu'un homme  
 ait deux peres; que le sien naturel & celuy du Baptisme. Ce grand Philoso-  
 phe & Theologien, ayant assez fait rire la compagnie, l'un des Ambassadeurs  
 " dit: Sire, nous vous recommandons à Dieu: vous aduertissans, puis que ne  
 " voulez rendre les villes appartenantes à vostre nepueu, que la mesme coignée  
 " qui a fendu la teste de vos freres, donnera bien tost sur la vostre. Cela dit, ils  
 se retirent avec un grand esclandre. Aussi le Roy fort courroucé de ces dernie-  
 res parolles, fit par la voye ietter sur leurs testes du sien de cheuaux, des ordu-  
 res & de la boüe des rues. Au moyen dequoy, ils s'en retournerent bien fort  
 mutinez. Durant cecy, Leonard iadis domestique de la maison du Roy (qui  
 voudra croire Procope, c'est comme un secretaire, ou celuy qui est du conseil  
 secretes de l'Empereur, ou de son Lieutenant general) vint trouuer Fredegonde  
 en la franchise de l'Eglise de Paris, & luy rapporta, qu'ayant veu la destrouffe  
 faite à sa fille, il s'estoit saué pour l'en aduertir: Mais la Roynne toute furieu-  
 se, commanda de le despoüiller de ses habillemens dans l'Eglise mesme, & luy  
 oster le baudrier (c'estoit vne courroye, ou ceinture, par laquelle les hommes  
 de guerre & officiers Royaux estoient recogneus d'entre les autres, & de la-  
 quelle depuis les chevaliers ont vsé) qui luy auoit esté donné par Chilperic:  
 puis le chassa de deuant soy. Quant aux cuisiniers, boulangers, & autres me-  
 nus officiers, elle en fit battre, couper les mains & mehaigner, tout tant qu'el-  
 le en pouoit attraper. Accusant Nectaire frere de Baudéguille, Euesque de...  
 .... d'auoir desrobbe le tresor du Roy desfunct, & enleué de ses celiers  
 du vin & de la chair salée (cecy monstre que nos Roys viuoient de mesnage:  
 comme encores font les Princes d'Allemagne) & demandant qu'il fut mis en  
 prison: mais la bonté du Roy Guntchram, & la faueur de son frere le sup-  
 porterent. Si ne laissoit elle de faire beaucoup de maux, sans crainte d'offen-  
 cer Dieu: on la franchise duquel elle s'estoit retirée: ayant pour conseil Au-  
 doen ou Odon Iuge; qui l'auoit aydée dès le tēps du feu Roy son mary. Car ce-  
 luy-cy avec le Preuost Mommol, contraignirent plusieurs François (ia declarez  
 exempts

exempts du temps de Childebert premier) de payer tribut : lesquels s'en vou-  
lurent ressentir apres la mort de Chilperic ; & le pillerent de telle sorte, qu'il  
ne luy demeura que ce qu'il peut emporter: brulans ses maisons, & cherchans  
de luy oster la vie, s'il ne se fut sauué en la mesme Eglise que Fredegonde. L'An de  
Iesus  
Christ.

## CHAP. VIII.

*Pretextat Euesque de Rouen confiné, retourne en son Euesché. Promot fait  
Euesque de Chasteau-dun. Rueil pres Rouen. Habitation de Fredegonde:  
laquelle essaye de faire tuer Childebert & Brunehaut. Chancelier. Thre-  
sorier. Les communes gardoient les refugiez aux Franchises. Progrez  
de Gombaut. Maniere de deffier les Princes. Verges consacrées.*



Ainsi mesme temps, l'Euesque Pretextat rappellé par ses bour-  
geois apres la mort du Roy Chilperic, fut en grand ioye re-  
ceu en la ville de Rouen: puis vint à Paris, prier le Roy Gunt-  
chram de vouloir faire diligemment examiner sa cause. Fre-  
degonde soustenoit au contraire, qu'ayant esté condamné par  
quarante cinq Euesques, ce n'estoit raison de l'ouyr derechef.  
Mais comme le Roy vouloit là dessus assembler vn Sane, Re-  
mond Euesque de Paris prit la parole pour tous les autres: & dit, qu'il n'auoit  
pas entierement esté priué de son Euesché: ains seulement confiné pour faire  
penitence: & là dessus, ayant esté receu du Roy & mangé avec luy il fut ren-  
uoyé en sa ville. Mais Promot fait Euesque de Chasteaudun par le Roy Sigis-  
bert, estant mis en procez par Papoul Euesque de Chartres ( qui maintenoit  
que ceste ville estoit de son Diocese ) fut contraint de se contenter du territoi-  
re de ce chasteau. Qui sont deux tesmoignages de la liberté de l'Eglise Gallica-  
ne: les Prelats de laquelle pour la deposition & reestablisement, ou differend  
des Euesques, n'alloient point à Rome: & obeïssioient au iugement des Par-  
lemens. Anquel temps, le Roy Guntchram sejourant à Paris, vn pauvre  
homme luy vint dire, que Feraut Chamberlan du feu Roy Chilperic son fre-  
re, le vouloit tuer allant à matins. Il fit prendre l'accusé: & combien qu'il  
niaist ce crime, il fut trouué mort quelques jours apres, & le Roy r'enforça  
ses gardes: n'allant iamais à l'Eglise qu'il ne fut entouré de gens armez. En-  
cores, d'autant que la plainte estoit grande, que plusieurs seigneurs auoient  
du temps de Chilperic par force vsuré sur autrui beaucoup de villages & ter-  
res, il fit rendre tout ce qu'il trouua iniustement occupé: & enuoya la Roïne  
Fredegonde demourer à Rueil, bourgau Diocese de Rouen, & pres du lieu  
où la riuere d'Eure tombe en celle de Seine: où elle fut suiuiue des plus grands  
seigneurs du Royaume de feu son mary: & par eux laissée avec Melanthe E-  
uesque chassé de Rouen, puis retournerent vers Clotaire son fils: qu'ils pro-  
mirent faire soigneusement nourrir. Lors ceste Roïne descheute de son au-  
thorité, & pensant que Brunehaut eust plus de faueur vers le Roy Guntchram,

H H

L'an de  
Iesus  
Christ. persuade à vn Clerc qui estoit de sa maison, d'essayer d'entrer au seruicede la  
Royned'Austrasie pour la tuer. Et cestui-cy donnant à entendre qu'il estoit  
fuy de la maison de Fredegonde, trouua moyen d'auoir la grace de Brunehaut  
se monstrant humble & seruiable. Touresfois descouuert quelque temps a-  
pres, & mis à la gehenne; il confessa l'occasion de sa venuë, & neantmoins,  
fut laissé retourner vers sa maistresse, à laquelle il declara ce qu'il auoit fait  
& enduré. Mais Fredegonde pour se purger de telle trahison, ou faschee d'a-  
uoir esté frustree de son esperance, luy fit couper les mains & les pieds. Durant  
cela le Roy Guntchram retourné à Chalon, & voulant sçauoir qui auoit fait  
tuer son frere, la Roine Fredegonde chargea de ce fait Euroul son Chamber-  
lan: depite de ce qu'apres la mort de son Roy, il ne s'estoit voulu arrester avec  
elle: & luy mettant sus, qu'il auoit pris beaucoup de choses du thresor de son  
maistre, auant que se retirer en Touraine (car iusques au temps de Capet &  
ses enfans, le Chambrier de France estoit aussi thresorier: & gardoit l'argent  
des Rois) & pource, si Guntchram desiroit venger son frere, il pouuoit s'ad-  
dresser à luy comme chef del'entreprise. Guntchram iura deuant tous les  
Seigneurs, que non seulement il feroit punition de cestuy là, mais de toute sa  
lignee, iusques à la neufiesme generation: affin que la mort de tant de gens,  
effaçast ceste vilaine coustume de tuer les Rois. Mais Euroul aduertey de ses  
menaces, se sauua en la franchise de saint Martin: où il se portoit tres-mal,  
par son yrongerie & sa vie desordonnee. Quant à ses biens, ils furent don-  
nez à diueres personnes; & tous ses meubles emportez de sa maison: en la-  
quelle il ne demeura que les parois. Encores fut il cause de grands maux au  
païs de Touraine: car les Orlenois & Blaisois qui auoient charge de le garder:  
pilloient tout en s'en retournant, apres que la quinzaine de leur garde estoit  
finie. L'an dixiesme de Childebert qui estoit le cinq cens quatre vingts neuf  
de Iesus Christ, le Roy Guntchram ayant assemblé vne grosse armee de gens  
de son Royaume, la fit marcher vers Poictou: marry de ce que les habitans  
l'auoient abandonné. La plus grand partie de ceste armee estoit d'Orlenois  
& Berruyers, qui enuoyerent des gens deuant, fonder la volonte des Poict-  
uins. Mais ils furent mal receuz par Maroue Euesque: ce qui fut cause de  
faire piller le païs, & aux habitans de Poictiers d'ouuir les portes de leur  
ville, & promettre fidelité au Roy Guntchram. Les soldats entrez dedans, se  
jetterent sur l'Euesque qu'ils appelloient traistre au Roy: & lequel pour se  
desueloper d'eux, rompit vn calice d'or qui estoit de son Eglise: le faisant  
monnoyer, pour racheter d'oppression soy, & son peuple. Comme aussi en  
ce temps-là, & encor plus au precedent, l'Eglise ne renoit en thresor de l'ar-  
gent ou des meubles precieux, que pour aumoner aux pauvres en cas de ne-  
cessité, rachapt de captifs, & autres œuures de pitié: plus que pour paremens  
des autels, de chasses, ou reliques. Ceste armee retournée par Touraine, ne  
traicta pas mieux les Tourangeaux, encores qu'ils eussent fait le serment au  
Roy Guntchram. Car les soldats d'icelle, entierement destruirent Marilef  
premier Medecin du Roy Chilperic, ja pillé par le Duc Gararic, & le rendirent  
à l'Eglise des Moulins, de laquelle son pere (qui estoit serf) auoit autres fois

eula charge : comme auffi tous les freres , & cousins estoient cuifiniers , ou <sup>L'an de</sup> boulangers du Roy. La venuë de ceste armee en Poiçtou, empescha Gombaut d'y aller, encores qu'il en eut grand desir. Et lequel pour gagner gens, en <sup>Jesus</sup> passant par les villes del'obeyssance du feu Roy Sigisbert, il leur faisoit faire <sup>Christ.</sup> le serment au nom de Childebert son fils : & aux autres de Chilperic ou de Guntchram, il les contraignoit iurer en son nom. Apres cela il vint en la ville d'Angoulesme, où ayant receu les hommages du pais, & fait des presens aux Seigneurs, il passe par Perigueux, l'Euesque de laquelle ville grandement il outragea, pour n'estre pas venu luy faire la reuerence. Au partir delà, il s'achemine vers Thoulouse : & enuoya des gens à Manulf Euesque de ceste ville, affin d'estre recogneu de luy. Lequel records du mauuais traictement par luy receu, quand Sigulf se voulut faire Roy (ie n'ay point encores trouué ceste particularité, si ce n'est Sigual gouverneur d'Auvergne, tué par le Roy Thierry ; ainsi qu'auons dit) respondir, que les habitans de ladicte ville n'auoient point d'autre Seigneur que Guntchram : & ne cognoissoient cestui-cy. A ceste cause, il conseilloit au peuple se tenir sur ses gardes, affin que si le Duc Disier les vouloit contraindre de suiure vn si dangereux party, il perist ainsi que Sigulf : pour seruir d'exemple aux estrangers, de n'entreprendre sur le Royaume François. Comme les Thoulousains s'apprestoient à la deffence, voicy arriuer Gumbaut avec vne bien grosse armee : à laquelle ne pouuans resister, ils le receurent pour Seigneur. L'Euesque battu par Mommol & Disier, pource qu'il ne pouuoit endurer que Gombaut se dit fils de Clotaire, & se vantaist d'aller iusques à Paris, dont il vouloit faire son siege Royal (cecy monstre en quelle estime estoit lors ceste ville) fut confiné. Vvadon grand Maistre de l'hostel de la Roynne Riginthe, qui estoit en la ville, se joignit à Gombaut : & les autres de sa compagnie s'enfuirent. Apres cela, l'armee qui auoit fait la guerre en Poiçtou, fut enuoyee contre ce faux Roy : & aucuns Tourangeaux qui s'estoient mis à la suite de l'armee, pour gagner, furent tuez par les Poiçteuins. Toutesfois le reste passa outre, & l'armee s'arresta sur la riuere de Dordonne, attendant nouuelles de Gombaut : Auquel le Duc Disier, Bladaſte, & Vvadon s'estoient joincts, avec Mommol, & Sagitaire jadis Euesque de Gap : qui auoit promesse de l'Euesché de Thoulouse. Estans ces deux cy les principaux Conseillers du nouveau Roy : En ce tēps, Euroul Châberlan retiré en la franchise sainct Martin de Tours, fut occis par vn nommé Claude, qui auoit promis au Roy Guntchram le faire sortir delà, ou le tuer : mais il fut luy mesme quant & quant occis, par les gens & seruiteurs d'Euroul. Cependant, le faux Roy Gombaut se tenoit en la ville de Bordeaux avec Bertrand Euesque du lieu, qui luy portoit grande amitié, & par tous moyens esloyoit l'aduancer. D'autre costé, le nouveau Roy pouruoyant aux Eueschez vacans, fit sacrer Euesque d'Acs, vn Prestre appelle Faustian, qu'il mit au lieu de Nicet Comte de ladite ville, nommé Euesque par Chilperic : jaçoit qu'il ne fut encores Clerc. Le mesme jour Gombaut, aduertie que deux Clercs (dont l'un Abbé de Cahors) auoient esté arrestez par les gens du Roy Guntchram, en portant à ses amis des lettres escrites dās vn ayz creusé & couuert de cire, luy r'en-

*L'an de* uoya des Ambassadeurs, ou heraults, avec des verges consacrées à la façon des  
*Iesus* François : afin que sans estre offencez, ils peussent retourner avec responce.  
*Christ.* Les Romains auoient pour cest effet des Prestres appelez Feciales: & encores  
 les Allemands, enuoyent deffier leurs ennemis par vn page, qui tient vne ba-  
 guette en sa main : ainsi que fit Jean Frederic Duc Electeur de Saxe, denonceât  
 la guerre à l'Empereur Charles cinquieme, l'an mil cinq cens quarante sept.  
 Mais ces gens de Gombaut mal aduisez, declarans à plusieurs leur charge, auât  
 que venir en la presence du Roy, furent enuoyez querir pieds & poings liez.  
 Et ne pouuans nier à qui, & où ils vouloient s'adresser, ne de la part de qui  
 ils venoient, dirent que Gombaut luy mandoit qu'il eust à luy donner sa part  
 du Royaume François, comme à fils de Clotaire: Autrement, qu'il le viendroit  
 prendre par armes. Aussi qu'ayant avec soy tous les plus vaillans hommes qui  
 demeuroient de là la Dordonne (c'est Gregoire demeurant à Tours qui parle)  
 lors qu'ils seroient en plaine campagne, Dieu jugeroit s'il estoit, ou non, fils  
 de Clotaire. Guntchram courroucé de telles paroles, commanda de les esten-  
 dre à la question, pour sçauoir la cause secrette de leur venue: Et lors ils decla-  
 rerent, que Rigunte & l'Euesque de Thoulouse auoient esté confinez, & les  
 thresors de ceste Princeesse emportez. Que Gombaut auoit esté appelé par les  
 principaux seigneurs du Royaume de Childebert, & nommément par Gunt-  
 chram Boson; au voyage qu'il fit en Constantinople. Ces Ambassadeurs batus  
 & mis en prison; le Roy manda son neveu, afin de les ouyr ensemblement:  
 & lequel venu, les prisonniers en sa presence perseuererent en leur confessiõ:  
 disans estre chose toute notoire entre les seigneurs dudit Royaume. Qui fut  
 aussi la cause, pourquoy plusieurs d'entr'eux ne voulurent se trouuer audit Par-  
 lement ou assemblée, crainte d'estre conuaincus d'auoir participié à la conspi-  
 ration. Apres cela le Roy Guntchram mettant vne lance, ou iaueline en la  
 main de Childebert (possible que de ceste maniere de faire vient le mot de  
 tumber en lance, ou quenouille, quand vn fief chet en la main d'un masle ou  
 femelle) il luy dit que c'estoit la marque pour donner à cognoistre qu'il met-  
 „ toit en ses mains tout le Royaume. Et pource, que dès l'heure mesme il allaist  
 „ prendre & mettre en sa sujection ses villes, comme son propre heritage: puis  
 „ que pour son peché, Dieu n'auoit voulu qu'il fut demeuré aucun de sa race,  
 „ fors luy, qui estoit fils de son frere (il semble oublier Clotaire, ja nay; ou il a  
 „ esté postume, que cest acte fut deuant sa naissance) il vouloit donc qu'il fut son  
 „ heritier: car il en deboutoit tous les autres. Lors tirant à part son neveu, en-  
 „ cores enfant (ce dit Gregoire) apres l'auoir bien fort prié de tenir leurs propos  
 „ secrets, il luy nomma ceux à qui il se deuoit fier: ceux qu'il pouuoit honorer,  
 fuir, recompenser, ou debouter de leurs charges. Expressement luy deffendant  
 de tenir pres de soy Gilles Euesque de Rheims, de tout temps son ennemy: &  
 qui plusieurs fois auoit menty sa foy au Roy Sigisbert son pere. Puis s'estans  
 assis en vn banquet solennel, il remonstra à toute l'armee (c'est à dire à toute  
 la noblesse & gens de guerre) que Childebert son fils estoit grand Prince: qu'il  
 ne le falloit pas mespriser comme enfant: mais il leur conuenoit oublier leurs  
 folies & vaines pensees: puis que leur seigneur estoit Roy tout fait & par-

creu. Telles & semblables parolles par luy dites en pleine assemblée, apres a-  
noir banqueré & s'estre resiouys trois jours durant, ils se departirent en bon-  
ne amitié, avec presens donnez d'une part & d'autre. Car Guntchram, luy ren-  
doit lors tout ce que Sigisbert son pere auoit tenu : la priant bien fort de  
n'aller point voir sa mere : affin qu'elle n'eust moyen d'escrire à Gombaut, ou  
recevoir de ses nouvelles.

L'an de  
lesus  
Christ.

## CHAP. IX.

*Gombaut asiegé dans Cominges. Occasion de sa venue en France. Sa mort  
& d'aucuns ses partisans.*



Alors Gombaut aduertty de l'armee qui venoit contre luy,  
& se voyât abandonné par le Duc Disier, passe la Garonne  
accompagné de Sagitaire Euesque ; des Ducs Mommol,  
Bladaste, & de Vvadon, tenant le chemin de Cominges :  
où il entra sur le commencement de Carême. Là, il re-  
monstre aux habitans, qu'il auoit esté esleu Roy par tous  
les seigneurs du Royaume de Childebert. Que ses forces  
estoyent grandes : & toutesfois, puis que l'armee de Guntchram son frere ap-  
prochoit, il falloit retirer leurs biens en la ville, affin de resister aux ennemis :  
iusques à ce que le secours qu'il attendoit fut arriué. A quoy les Comingeois  
adioustant foy, firent grand amas de viures : & s'apprestèrent à la deffence.  
D'autre part, le Roy Guntchram fit escrire à Gombaut, des lettres sous le  
nom de Brunehaut : par lesquelles elle luy mandoit, qu'il renuoyast ses gens,  
& eust à se retirer à Bourdeaux : Ce que le Roy François Bourguignon, faisoit  
pour d'auantage cognoistre l'estat de son ennemy, pendant que son armee  
tousiours gaignoit pais. Les Ducs aduertis que Gombaut estoit delà la Garon-  
ne, & auoit pres de foy les tresors de Rigunthe, passent incontinent la riuie-  
re à nage, cuidans tout raurir ; Mais le faux Roy s'estant ja retiré vers Comin-  
ges : ces coureurs ne peurent faire autre chose, que destrousser quelques che-  
ueux & Chameaux chargez d'or & d'argent, prendre les mal-mônrez & piller  
les biens des gens du plat pais : lesquels pensans estre assurez pour la reue-  
rence de l'Eglise de saint Vincent (voisine d'Agen) y auoient retiré leurs meil-  
leurs meubles. Il faut dire que ces Chameaux estoient de l'equipage que Gom-  
baut auoit amené de Leuant : car il ne se trouue point qu'en France iamais ils  
ayent esté employez pour bestes de charge. Gombaut poursuiuy de ceste fa-  
çon, persuade aux Comingeois de faire vne faillie sur les ennemis : puis quand  
ils furent dehors, il fit fermer les portes au dos du peuple. C'est chose certai-  
ne qu'il trouua dedans la ville tant de viures, que si les siens eussent eu bon  
courage, ils en auoient pour beaucoup d'annees : car elle est assise (dit Gregoire)  
sur vne montagne ayant au pied vne fontaine, deffendue par vne Tour : la-  
quelle couure vn conduit sous-terrain, pour de la ville y aller puiser de l'eau :

HH iij

L'an de  
Iesus  
Christ

mais pour le jourd'huy, l'affiette en est changée. La campagne couruë, & le  
 siege arresté deuant Cominge, Gombaut se voyant iniurié par les soldats en-  
 nemis, qui luy demandans s'ils n'estoit pas Balomer, lequel par la France sou-  
 loit peindre & esgratigner les parois des Oratoires & chambres : le faux Roy  
 „ s'approchant de la porte pour estre mieux entendu, leur respondit : Que cha-  
 „ cun sçauoit comme estant hay de son pere, il auoit esté tordu par ses freres :  
 „ qu'à ceste cause, retiré vers Narfes Lieutenant en Italie pour l'Empereur, il s'e-  
 „ stoit marié, & auoit eu deux enfans. Qu'apres la mort de sa femme, il estoit  
 „ allé en Constantinople : où les Empereurs l'auoient humainement traité, iuf-  
 „ ques à ce que depuis quelques années, aduertty par Guntchram Boson, venu  
 „ en la Cour de l'Empereur, comme leur lignage estoit diminué, & qu'il ne  
 „ restoit plus que les Rois Guntchram & Childebert son nepueu : que tous  
 „ ceux de Chilperic estoient morts, fors vn bien petit : que Guntchram n'a-  
 „ uoit point d'enfans, & Childebert estoit de foible complexion, Guntchram  
 „ Boson l'incita de venir : adioustant que tous les seigneurs du Royaume de  
 „ Childebert le demandoient, & qu'il ne trouueroit aucun si hardy de luy faire  
 „ teste, puis que tous sçauoient qu'il estoit fils de Clotaire : Et qu'aussi bien  
 „ n'y auoit-il homme en France, pour gouuerner le Royaume, s'il n'y venoit.  
 „ A ceste cause, apres auoir fait de grands dons à Boson, & pris le serment de  
 „ luy en douze lieux saincts, comme il pouuoit seurement venir en Gaule,  
 „ il estoit descendu à Marseille : où l'Euesque du lieu l'auoit humainement  
 „ recueilly, suiuant les lettres à luy escriptes, & signees par les principaux du  
 „ Royaume de Childebert, delà il estoit entré en Auignon par l'aduis de Mom-  
 „ mol Patrice : mais Boson oubliant son serment, auoit pris & enléué ses thre-  
 „ fors. Il ne restoit donc plus que le recognoistre pour Roy, ainsi qu'ils fai-  
 „ soient Guntchram son frere. Que s'ils le haïssoient tant, qu'ils le menassent  
 „ vers le Roy : & où il ne le recognoistroit pour frere, qu'il fit de luy sa volon-  
 „ té. Encores si cela ne leur plaisoit, qu'ils le laissassent retourner d'où il estoit  
 „ venu, car il s'en iroit sans faire mal à personne. Et neantmoins, il se rappor-  
 „ toit de son fait aux Roynes Ragunthe & Ingeltrude, demeurans à Poitiers,  
 „ & à Tours. Mais les soldats se mocquoient de tout cela : & quinze jours apres  
 le siege commencé, Leudegesille ayant fait apporter des engins pour battre la  
 muraille, cogheut qu'il se trauailloit en vain : d'autant que les assiegez acca-  
 bloient ses gens à coups de pierres : & avec tonneaux & cuuettes plaines de  
 poix & graisses enflambees, brusloient les engins : de sorte que les assiegeans  
 furent contraints se retirer. La nuit venüe, Bladaſte estonné, & craignant que  
 si la ville estoit prise, Leudegesille le fit mourir ; mit le feu à vne maison de l'E-  
 glise : & comme chacun couroit au secours, il s'echapa. Le lendemain, les gens  
 de Guntchram recommencerent l'assaut, s'efforçans d'emplir de fagots le pro-  
 fond vallon qui touchoit la ville du costé d'Orient : toutesfois cela fut inutile.  
 Sagitaire Euesque, faisant grand deuoir en ce siege, allant armé autour des  
 „ murailles, & quelquesfois jectant luy mesme des pierres. En fin, les assail-  
 „ lans considerans qu'ils n'auançoient rien, secrettement enuoyerent des gens  
 „ à Mommol l'aduertir de recognoistre son seigneur, & laisser sa mauuaise en-



reprise. Car quelle folie estoit-ce à luy d'obeyr à vn estranger incogneu? *L'an de*  
 Que sa femme ayant esté prise, l'on auoit ja tué ses enfans: Pourquoi donc *lesus*  
 s'alloit-il precipiter en miseres: & quelle estoit son intention? Il respondit; *Christ.*  
 Qu'il voyoit bien que le Royaume de Gombaut s'en alloit ruiner: mais qui  
 le voudroit assseuer de sa vie, il les releueroit de grand peine. Ces messagers  
 retirez; l'Euesque Sagitaire, Mommol, Carilef (c'est Calais) & Vvadon assem-  
 blez dans l'Eglise, firent serment l'un à l'autre, d'abandonner Gombaut: & les  
 Capiraines assaillans iurerent, que s'ils ne pouuoient leur obtenir pardon du  
 Roy, ils les mettroient en franchise: affin de leur sauuer la vie. Là dessus, Mom-  
 mol, Sagitaire, & Vvadon s'adresserent à Gombaut, disans: Qu'il sçauoit bien  
 comme ils luy auoient fait serment de fidelité; que maintenant ils luy conseil-  
 loient de sortir de la ville pour se presenter à son frere; ainsi que maintes fois  
 il auoit demandé, car ils estoient certains, que le Roy Guntchram voyant ceux  
 de son lignage diminuez, n'auoit pas delibéré de les perdre. Gombaut enten-  
 dit bien leur trahison, & les larmes aux yeux leur respondit, qu'il estoit venu en  
 Gaule à leur requeste: & de tous les grands biens & richesses par luy apportees,  
 vne partie estoit demeurée en Auignon, & l'autre auoit esté rauie par Gunt-  
 chram Boson. Quant à luy, qu'il n'auoit eu autre esperance (apres Dieu) qu'en  
 eux: n'ayant delibéré de regner que par leur conseil: puis qu'ils sçauoient tout  
 son secret. Que maintenant il prioit Dieu, iuger si l'aduis qu'ils luy donnoient  
 estoit bon & loyal: car il remettoit sa cause à son examen: Mommol respondit,  
 qu'il n'y sçauoit point de trôperie, & que les gens de guerre du Roy Guntchrā,  
 l'attendoient à la porte. Toutesfois, affin qu'on ne pensast qu'il voulût trop se  
 parer en son afflictio, qu'il luy rendit son Baudrier garny d'or qu'il auoit ceint,  
 & reprit le sien propre, avec son espee. Gombaut dit, qu'il entendoit bien son  
 langage, & que maintenant il le vouloit despouiller de ce dont il s'estoit seruy  
 par courtoisie durant leur amitié: Mommol au contraire, iura qu'il ne luy fe-  
 roit fait aucun ennuy. Et là dessus Gombaut sorty de la porte, fut reçu par O-  
 lon Comte de Bourges, & par Boson: & d'autre part, Mommol rentré dans la  
 ville ferma la porte sur soy. Lors Gombaut se voyant à la mercy de ses enne-  
 mis, leuant les mains & les yeux au Ciel, s'escria (ce dit Gregoire) O Dieu  
 juge eternal & vengeur des innocens; Dieu & pere de Iustice; auquel le  
 mensonge ne plaist point: qui n'es trompeur, n'abuseur, ie te recommande  
 mon fait: & te prie incontinent monstret la vengeance sur ceux qui mes-  
 chamment m'ont trahy. Cela dit, & faisant le signe de la Croix sur soy (car  
 Iustin martyr bien long temps auparauant, monstre que les Chrestiens de son  
 temps s'en signoient) il marche vers ceux qui venoient au deuant de luy. Mais  
 il ne fut si tost eslongné de la porte, que Olon le poussant le fit tomber: disant,  
 Voilà vostre Balomer, qui s'appelle fils & frere du Roy. Cela dit, il luy donne  
 vn coup de lance qui ne le peut offencer, à cause de la bonté des mailles de  
 son haubert: & Gombaut releué, voulant retourner en la ville, fut atteint par  
 la teste d'un coup de pierre, que Boson luy jetta: dont il mourut. Lors toute  
 la commune acourant, le perça de coups de lance: & apres luy auoir lié les  
 pieds, le traina par le camp: arrachant sa cheuelure & sa barbe: puis le laisserent

L'an de  
Jesús  
Christ.

sur la terre au lieu où il auoit esté meurdry. La nuit ensuiuant, les plus grands seigneurs enleuerent secrettement toutes les richesses de la ville : & le jour venu, les portes estant ouuertes à l'armee, tout le peuple trouué dedans, fut mis au fil de l'espee : sans espargner les Prestres & Ministres de l'Eglise, qu'ils occirent sur l'autel mesme : ne laissant dedans pas vne ame viuant, voire iusques aux chiens : ce fait, ils y mirent le feu, qui brulla Eglises & tout iusques à l'aire. Or Leudegesille retournant au camp avec Mommol, Sagitaire, Calais & Vvadon, enuoya secrettement vers le Roy, sçauoir ce qu'il vouloit estre fait d'eux : lequel manda qu'on les fit tous mourir : affin qu'à l'aduenir aucun n'eust la hardiesse de suiure tels Idoles de Koïs. Mais ce pendant, Calais & Vvadon ayans donné leurs enfans en ostage, eurent congé. Et Mommol aduertty de la volonté du Roy, tout armé vint en la maison où logeoit Leudegesille, qui le voyant en cest equipage, luy demanda s'il s'en vouloit fuir. Mommol respondit, que sa promesse estoit yaine, & voyoit bien qu'on le feroit mourir : surquoy Leudegesille luy dit, qu'il alloit voir que c'estoit, affin de tout appaiser, & neantmoins, en sortant il commanda enuironner la maison : de laquelle Mommol voulant sortir, apres quelque resistance, fut atteint par les costez de deux coups de lance, dont il mourut. Dequoy Sagitaire estonné, & s'estant affublé, print la fuitte vers vn bois, attendant que la fureur des soldars fut passée : Mais quelqu'un qui le suiuit luy couppa la teste avec son Scapulaire. Ce fait & l'armee rompue, chacun retourna en son país.

## CHAP. X.

*Fredegonde retire sa fille de Thoulouse. Grand thresor de Mommol. Homme plus grand de trois pieds que le commun. Femme deuineresse coniueree. Famine. Entree du Roy Guntchram à Orleans: en laquelle habitoient des Syriens & Iuifs. Courtoisie dudit Roy enuers les Euesques. Austrasiens refusent de se trouver en vn Synode assigné par le Roy Guntchram.*



**F**REDEGONDE durant cela, auoit despesché à Thoulouse vn nommé Cupan, pour enleuer sa fille par quelque subtile maniere : Et disoit-on, qu'il auoit aussi charge s'il trouuoit Gombaut viuant, le faire venir vers elle : te que n'ayant peu executer, il tira Rigunte du lieu où elle estoit, & la ramena en tref-mauuais equipage. D'autre costé, Leudegesille retourné vers le Roy Guntchram avec tref-grandes richesses, elles furent distribuees aux pauvres : & encores ayant fait prendre Sidoine femme de Mommol, que Dauol domestique, & Vvaldemar Chamberlan luy presenterent, il descouurit par elle l'or & l'argent demeuré en Auignon, qu'il enuoya querre par vn esclaue, auquel Mommol se fiant grandement, auoit tout laissé. On dit qu'il s'y trouua cent cinquante talents d'argent (ie donne à chacun cent liures de douze onces chacunes, ainsi qu'auoit la Romaine) qui seroit

seroit vingt mil marcs, & trente talents d'or: reuenans à quatre mil: qui se-  
 roit vne grande richesse, si vous ne prenez ceste quantité par sommes & non <sup>L'an de</sup>  
 par poids: car lors il faudroit les conter à la façon de Budé: & vous voyez que <sup>Iesus</sup>  
 l'or & l'argent estoient très-rares en ce temps là. Toutesfois, le bruit couroit <sup>Christ.</sup>  
 que c'estoit vn tresor trouué: & lequel fut party entre Guntchram & Childe-  
 bert. Mais le Roy de Bourgogne donna sa part aux pauvres: sans rien laisser  
 à la vefue de Mommol, que le bien de ses pere & mere. Iacoit qu'Aymon die,  
 que pour sa noblesse il luy laissa ses conuentions & presens de mariage: car i'in-  
 terprete ainsi le mot *Arrabonem* dont il vse. Entre autres choses qui apparte-  
 noient au Patrice, vn homme charpentier de son estat, plus grád deux ou trois  
 pieds que le commun, fut amené au Roy, & mourut tost apres. Quant au Duc  
 Disier, il s'enferma en de bons chasteaux, pour garantir sa vie & ses biens. Vva-  
 don se retira vers Brunehaut, de laquelle il fut courtoisement receu, & renuoyé  
 avec presens: & Calaiz se sauua en la franchise de S. Martin. Cestuy-ci estoit  
 fort riche, aussi tout l'appareil de la guerre assemblé à Cominges, auoit esté fait  
 à ses despens. Pbur lors couroit par la France vne femme serue, de laquelle, ses  
 maistres souloient tirer grand profit: d'autant qu'elle deuinoit & nommoit les  
 mal-faicters & larrons: disant qu'estoient deuenues les choses desrobées.  
 Apres auoir esté affranchie, elle amassa de grands biens, & alloit richement ves-  
 tue faisant de si grandes merueilles, qu'on pensoit qu'elle eust l'esprit de Dieu.  
 Ageric Euesque de Verdun, aduertit de sa venue, l'enuoya prendre: & quand  
 elle fut deuant luy, apres l'auoir coniuurée, & oingt son front d'huile sacrée (car  
 l'vction du Baptisme est plus ancienne, tesmoin Clouis) le diable qu'elle au-  
 uoit au corps se declara. Lors voyant qu'elle ne pouuoit demeurer au pays, elle  
 se retira vers la Roynne Fredegonde, qui la cacha. Ceste année il y eut grande fa-  
 mine en Gaule. De sorte que plusieurs ayans fait secher des pepins de raizins,  
 des fleurs d'auelines, & racinés de fougeres, les puluerisoient & mesloient avec  
 vn peu de farine, pour faire du pain: & d'autres faisoient le semblable, avec des  
 feuilles de bled: & s'en trouua, qui à faute de farine, mangeoient des racines,  
 dont ils deuindrét enflez: parquoy beaucoup moururent en telle necessité. Les  
 marchas gehennerét lors grandemét le poure peuple: car à peine donnoiet-ils  
 vn muid d'auoine (ceste mesure n'estoit pas de mesme celle du iourd'huy) ou  
 demy muid de vin, pour vn tiers de liure d'or: qui sont plus de trente sept es-  
 cuz d'auourd'huy: tellement que les pauvres se vendoient pour viure. Enco-  
 res outre cela, les iuges firent publier, que ceux qui auoiet failli à se trouuer en  
 l'armée, estoiet condamméz en l'amende: laquelle se leua mesme sur les Eccle-  
 siastiques. Or le Roy Guntchram, au vingt & quatriesme an de son regne, qui  
 reuiet au cinq cens quatre-vingts & huit de Iesus Christ, partant de Cha-  
 lon vint à Neuers: en intention de faire leuer des fonds de baptesme, le fils  
 de Chilperic, que l'on appelloit Clotaire. Par tout où le Roy de Bourgon-  
 gne passoit, il se monstroit courtois aux siens, & venoit manger en leurs mai-  
 sons quand il estoit inuité: receuant d'eux, & leur donnant des presens. A son  
 entrée d'Orleans (qu'il fit le deuxiesme Iuin) vn peuple innumerable sortit au  
 deuant de luy, avec estendars & bannieres, chacun chantant ses loüanges. L'on

588.

Icy com-  
 mence le  
 viii. li-  
 ure de  
 Gregoire  
 de Tours.

*L'an de* eust ouy de costé & d'autre (dit Gregoire) en langue Sirienne, Latine & Iuifue  
*Iesus* (il oublie les Grecs, & routes fois l'on pense qu'il y en auoit par toute la Frâce,  
*Christ.* tesmoin l'Eglise S. Estienne surnommée des Grecs qui est à Paris) crier viue le  
 Roy, & son Royaume soit à iamais esté du sur toutes nations. Les Iuifs adiou-  
 stoient, toutes gens s'adorent & fleschissent le genouil deuant toy, & te soient  
 sujctes. Mais il ne prenoit plaisir à ces flateries Iudaïques; pensant qu'ils le  
 fissent pour tirer de luy permissiõ de restablis leur Synagogue destruite par les  
 Chrestiens: ainsi qu'il declara disnant avec les Euesques, par luy inuitez au len-  
 demain, venir en sa maison pour receuoir leur benediction. Il trouua en ceste  
 ville plusieurs Prelats assemblez: & entre autres Bertrand Euesque de Bour-  
 deaux, & Paladie (c'est Palais) de Xainctes, qu'il haïssoit grandement, pour la  
 faueur portée à Gombaut: & beaucoup de mauuais tours de finesse, que Palais  
 luy auoit ioüez. Qui estoit la cause, pourquoy les Euesques là assemblez com-  
 mencerent à proceder contre eux, sur la reception de Gombaut & promotion  
 de Faustian Euesque d'Aqs consacré par Palais (comme i'ay dit) suyuant le com-  
 mandement de Gombaut. Quant au fait de Faustian, Palais respondoit, que  
 Bertrand son Metropolitain ayant mal aux yeux, il auoit esté enleué, & con-  
 trainct (apres auoir perdu le sien) d'obeyr à celuy qui se disoit Roy des Gaules.  
 Ce qu'estant rapporté au Roy Guntchram, il se courrouça bien fort: de ma-  
 niere qu'à grand peine l'on peut obtenir de luy, qu'ils vinsent au banquet a-  
 uec les autres inuitez, d'autant que l'on tenoit lors pour reigle, que ceux qui  
 auoient mangé de la table du Roy, estoient comme absous de crime de leze  
 Maïesté. Il n'auoit encores point veu ces Euesques; mais ayant rencontré Ber-  
 trand, il demanda qui il estoit. Puis quand il sceut que c'estoit l'Euesque de  
 » Bourdeaux, il luy dit: Qu'il le remercioit de la fidelité qu'il luy auoit si biẽ gar-  
 » dée, appellât vn estranger pour le destruire, & oubliât qu'il estoit son parent de  
 » par sa mere. Puis se retournant vers Palais, luy dit, qu'il auoit grand honte de  
 » dire, que luy estant Euesque, par trois fois il eut faussé le serment qu'il luy auoit  
 » fait; s'excusant d'vn costé par lettres qu'il luy escriuoit, & d'autre costé appel-  
 » lant son frere pour luy nuire: mais Dieu scauoit qu'il leur auoit tousiours por-  
 » té honneur comme à ses peres Ecclesiastiques. Il dit aussi à Nicaise, & Antidic  
 » Euesques: Et vous autres sainctes Prelats, dites ce qu'avez fait pour vostre pays,  
 & l'vtilité de nostre Royaume? Lesquels ne respõdans mot; il demãda de l'eau  
 pour lauer, & la benediction faite par les Euesques, il se mit à table avec vn vi-  
 sage riant, comme s'il n'eust point parlé de chose touchant son honneur. Sur la  
 moitié du disner, il pria nostre Gregoire faire venir vn sien clerc, qui auoit chã-  
 té vn respons aux Messes: & le faire chanter deuant luy. Apres qu'il eut chanté  
 il voulut que chacun Euesque en fit venir: & qu'à part ils chantassent vn psal-  
 me en Respons. Comme il estoit encores à table, il recommanda aux prieres  
 des Euesques, Childebert son neveu: disant qu'il estoit sage Prince, & aussi ad-  
 uisé que d'autres plus aagez que luy: Que si Dieu luy donnoit vie, il auoit espe-  
 rance qu'il remettrait sus leur maison fort depeuplée: car Sigisbert son frere es-  
 tant à l'Eglise le iour de Pasque, comme le Diacre se fut auancé pour chanter  
 l'Euangile, à mesme instant qu'il prononçoit ces mots. *Puer natus est nobis, vn*

messager luy vint dire, que la Roynes sa femme estoit accouchée: ce qui fut cause que le peuple ayant aussi entendu ces nouvelles, joint la rencontre du Diacre, s'escria que Dieu tout puissant fut loué. Toutesfois ce passage pris d'Isaie maintenant se chante à vne Messe de Noel, tellement que ce peut auoir esté à Pasques. D'auantage, il auoit esté baptisé le iour de Pentecoste d'apres, & esleué Roy celuy de Noël: & pource s'il estoit aydé par leurs oraisons, il pourroit heureusement regner. Lors chacun pria Dieu de cōseruer les deux Rois. Gunthram adiousta que Brunehaut sa mere cerchoit à le faire tuer, toutesfois qu'il ne la craignoit point: car Dieu qui l'auoit deliuré d'autres, le garderoit aussi d'elle. Le lendemain, le Roy retourna de la chasse, nostre Gregoire obtint pardon pour Garachere Côte de Bourdeaux, & pour Bladaste partisans de Gōbaut: quis'estoient sauuez en la franchise de S. Martin. Lesquels presentez au Roy, il se contēta de les appeller fins renards: & les receut en sa grace, leur faisant rendre ce qu'on leur auoit osté. Les Euesques Bertrand & Palais, ayans aussi donné caution de se trouuer au Sane prochain, arresté au 23. d'Octobre; le Roy partit pour aller vers Paris: & lors les arbres florirent au mois de Iuin. Arriué en ceste ville, il remonstra en pleine assemblée: que Chilperic son frere ayant laissé vn enfant que l'on disoit estre sié, il auoit esté prié par ceux qui le nourrissoient, de le venir leuer des fonds, le iour de Noël: & neantmoins, ils n'estoient point comparus. Puis ayant esté requis d'attendre à Pasques, on ne l'auoit point apporté: & pour la troisieme, ayant esté par eux remis à la S. Jean, ils ne le monstroient point. Qu'on l'auoit fait mettre en chemin par vn tēps sterile, & toutesfois ils celoient cet enfant; ce qui luy faisoit croire, qu'il n'y en auoit point: ou que c'estoit quelque fils de leurs vassaux qu'on appelloit Leudes, car s'il estoit du sang Royal, on le luy eust apporté. A ceste cause, il estoit delibéré de ne le recognoistre qu'à bonnes enseignes. Fredegonde aduertie de cela, vint trouuer Gunthram accompagnée des principaux vassaux de son fils: à scauoir de trois Euesques, & trois cens Gentils-hommes de bien & d'honneur: lesquels pour oster le soupçon du Roy, iurerent qu'il estoit fils de Chilperic. En ce temps, le mesme Gunthram fit chercher les corps de Merouee & de Clouis enfans dudit Chilperic: dont celuy de Clouis trouué dans la riuiere de Marne par vn pēcheur ( qui l'auoit enterré sur la riue peu apres sa mort ) fut porté à l'Eglise S. Germain des prez: comme aussi celuy de Merouee: que Papoul Euesque de Chartres auoit fait chercher, fut enterré avec son frere: & vn huissier ayant accusé son compagnon de vouloir tuer le Roy, pris & mis à la question, ne confessa rien: aussi l'on disoit qu'il auoit ceste charge par enuie de ce que Gunthram l'aimoit, lors Ansould pour quelque suspicion se retira de la Cour sans dire adieu au Roy. Lequel aussi retourné à Chalon, commanda decouper la teste à vn nommé Boant qui tousiours luy auoit esté fidelle: toutesfois ceux qui le furent prendre en sa maison, le tuerent en se deffendant: & son bien fut confisqué. Chacun scauoit la haine que le Roy portoit à Theodore Euesque de Marseille, pour la reception de Gombaut; mais d'autant que ceste ville estoit en la puissance du Roy Childebert, Rotaire (que ce Roy y auoit enuoyé pour y faire iustice) au lieu de s'employer à son estat, mit en arrest l'euesque: & tira de luy des

*L'An de* cautions pour se representer deuant le Roy Guntchram à Mascon, là où estant  
*Iesus* venu, il fut retenu sans autre mal luy faire: car c'estoit vn homme tres-noble,  
*Christ.* de grande saincteté, & qui continuellement prioit Dieu. En ce temps combien que les Roys Guntchram & Childebert eussent assigné vn parlement des Prelats & Nobles de leurs Royaumes à tenir en la ville de Troyes en Champagne, ceux du party de Childebert ne trouuerent bon d'y venir: ce qui fut cause que le Roy Guntchram enuoya Felix vers son neveu, lors estans au conflans du Reim & Moselle: scauoir la cause pourquoy les Euesques de son Royaume auoient differé de venir à l'assemblée, & qui estoient ces meschans qui vouloient les mettre en discords. Nostre Gregoire estoit present à ce mesage: lequel voyant que le Roy d'Austrasie se taisoit, prit le parole, & dit: Que ce n'estoit merueille si le mal croissoit & prenoit racine, veu qu'aucun ne se mettoit en peine de la couper. Que tous scauoient que Childebert n'auoit à present autre pere que son oncle, ne Guntchram autre fils, cōme ils luy auoient ouy dire ceste mesme année. Il ne falloit donc point semer de discorde entre eux, puis qu'ils deuoient se defendre & entr'aymer. Lors Childebert tirant Felix à part, luy dit, qu'il priaist son oncle, de ne vouloir faire aucun ouyrage à l'Euesque Theodore: car il en aduiendroit du scandale entr'eux: puis l'ayant depeesché de ses autres articles, le renuoya.

## CHAP. XI.

*Maurice se plaint de Childebert: & luy enuoye des Ambassadeurs pour le semondre d'aller en Italie. Remuemens d'estats en Austrasie. Assemblée à Mascon. Euesque de Cahors excommunié: & sa punition. Maladie du Roy Guntchram. Brunehaut prend le gouuernement de Childebert son fils. Lac pres de Vannes conuert en sang, que les chiens venoient licher.*

**D'**AVTRE COSTÉ l'Empereur Maurice considerant que le voyage des François faict l'année precedente contre les Lombars, luy auoit esté inutile; escriuit à Childebert des lettres pleines de courroux, & luy ramenteut ses promesses: de maniere que ce Roy qui pensa que son hōneur fust interessé, s'il manquoit, ayant tout fraischement touché l'argent de l'Empereur, enuoya pour la troisieme fois (disent aucuns) son armée en Italie: d'autant plus volontiers, qu'il pensoit Ingonde sa sœur auoir esté menée d'Affrique en Constantinople, & laquelle il cuidoit retirer par ce seruice. Mais la discorde de ses Ducs & Capitaines, les fit reuenir sans rien faire: apres auoir perdu vne grosse bataille, ce dit Paul Diacre: iaçoit qu'il y ait apparence, que ce soit le voyage duquel i'ay parlé. Ceste année il y eut plusieurs remuemens au Royaume de France: car Vintrion Duc d'Auuergne, Roergue & Vsez, fut chassé de son gouuernement par les habitans: qui encores luy eussent osté la

vie, fil ne se fust fauüé de leurs mains: toutesfois il r'entra depuis en sa charge, *L'An de* quand le peuple fut r'apaissé. Lors Nicette, iadis chassé du Comté d'Auuergne, *lesus* à la fucitation de Eulalie, par argent trouua moyen d'estre pourueu de ce Duché vacant, sans auoir esgard à son ieune aage: pource qu'il estoit de bon sens, *Christ.* & bien aduisé: cestuy-cy mit la paix au pays, comme aussi par tout son gouvernement. Il y auoit vn Childeric surnomé le Sefne, lequel pour auoir tué Vvast surnommé Auon, se retira vers Gombaut, & depuis s'estoit sauüé en la franchise de Saint Martin. Le Roy Guntchram deffendit à sa femme de l'aller veoir, iusques à ce qu'à la priere de Gregoire, le Roy luy permit d'y venir: & encores que son mary peust demeurer deça Loire, sans entrer au Royaume de Childebert, Neantmoins, si tost qu'il eut sa femme, & que le Duché des villes que le Roy d'Austrazie auoit de là la Garonne luy eust esté donné, il prit son party, Au mesme temps, le Roy Guntchram, voulant auoir le maniemment des affaires du Royaume de Clotaire, donna le Comté d'Angers à Theodulf, qui honteusement en fut chassé par les habitans, & principalement par Domegisille, mais ayant eu recours au Roy, & obtenu lettres nouvelles, il fut mis en possession par le Duc Sigulf. Vers Brie, vn nommé Gombaut, fait Comte de Meaux au lieu de Huerpin, & venu en ceste ville pour tenir le siege de iustice, en faisant sa cheuachée par le pays, fut tué en vn village par ledit Huerpin. Dont ses parens aduertis, coururēt sus au meurdrier: & apres l'auoir enlos en vne maison sospenduë (ie croy comme celles qu'on void en Allemagne & Souisse, assises sur quatre portaux de bois) ils le tuerent: & par ainsi tous deux perdirent le Comté qu'ils querelloient. Durant cela, & le iour du parlement assigné par Guntchram, escheu, les Euesques s'assemblerent à Mafcon: Là où Faustien fait Euesque par le commandement du faulx Roi Gombaut, fut deboutté de l'Estat d'Euesque, & ordonné que Bertrand, Oreste & Palais qui l'auoient sacré, le nourriroient par tour: & luy donneroient cent pieces d'or par chacun an: & Nicette nommé Euesque par Chilperic, fut mis en sa place. Vrficin Euesque de Cahors fut aussi excommunié; ayant publiquement confessé d'auoir recueilly Gombaut: il estoit porté par son arrest, qu'il feroit penitence trois ans durant, avec deffences d'oster ses cheueux, ne sa barbe, de boire vin, manger chair, dire les messes, faire clerks, benir Eglises & Chresmes, ou distribuer la communion: toutesfois que le bien de l'Eglise s'administreroit sous son nom: qui est vne bien notable punition d'Euesque possible lors pratiquée sur d'autres: & marque de la liberté, droit & auctorité que nos Euesques auoient lors de chastier leurs freres, sans qu'ils fussent tenus de la prendre du Pape. Au mesme Synode se trouua vn Euesque qui voulut soutenir qu'on ne deuoit comprendre la femme sous le nom d'homme, lequel se teüt, ayant esté payé de raisons tirées de l'Ecriture. Là, pretextat recita des oraisons par luy composées durant son confinement: lesquelles plectrent à aucuns, & furent blasmees d'autres, pour n'auoir gardé l'art: encores qu'il semblast à nostre Gregoire, que son stil par endroits sentist l'Ecclesiastique & fust raisonnable: ie croy que c'estoient prieres, & non pas harangues: car autrement pourquoy en eust-il demandé l'approbation du Sane? Durant ceste assemblée, il se fit vn

*L'an de  
Iesus  
Christ.* grand meurdre entre les seruiteurs de Prisc Euesque de Lyon, & ceux du Duc Leudegisille, mais l'Euesque fut contraint donner beaucoup d'argent pour racheter la paix. Au mesme temps le Roy Guntcham fut malade iusques à la mort & par permission diuine, comme pensoit Gregoire: parce qu'il auoit delibéré de chasser des Euesques de leur siege: iacoit qu'en mesme temps, Theodore Euesque de Marseille fut par luy renuoyé en son Eglise. Cependant le Roy Childebert vint trouuer les Seigneurs François, assemblez au village de Balsonnac assis au milieu de la forest d'Ardaine (ce peut estre Bastoigne) où Brunehaut (en vain) pria les plus grands, de luy vouloir ayder à retirer sa fille encores retenuë en Affrique: & Guntchram Boson fut là accusé pour vn tel fait. Quelques iours auparauant vne prochaine parente de sa femme ayant esté enterree en l'Eglise de Mets, avec grands parements, & force or; peu apres aduenant la feste de Saint Remy, & plusieurs estans sortis de la ville avec l'Euesque, comme aussi les Seigneurs & les Ducs, les gens & seruiteurs de Boson vindrent ouurer le sepulchre, & emporterent les parements qu'ils peurent trouuer. Au bruit que firent ces larrons, les Moynes accoururent à la porte de l'Eglise, où ils furent empeschez d'entrer par les gens & seruiteurs de Boson: lesquels montans à cheual emporterēt ces meubles. Toutesfois de crainte d'estre pris en chemin, ils retournerent les mettre sus l'autel, & se tindrent en la franchise de l'Eglise: crians qu'ils l'auoient fait par le commandement de leur maistre: lequel interrogé là dessus, & n'ayant donné aucune valable responce, s'en fuyt: au moyen dequoy, tout ce qu'il tenoit en Auvergne luy fut osté: & contraint (à sa grande honte) quitter plusieurs choses par luy vsurpees sur beaucoup de gens. Au sortir du Sane, Bertrand Euesque de Bourdeaux, malade d'une fièvre, appella Vvaldon Diacre, leué des fonts par luy, & nommé Bertrand (l'on changeoit donc de nom au baptisme) lequel il commit en sa charge d'Euesque: puis mourut, le laissant executeur de son testament. Ce Diacre vint en diligence trouuer le Roi: auquel il monstra le consentement du peuple, & luy offrit encores de beaux presens, mais en vain: car il enuoya des lettres, par lesquelles il commandoit que Godegisille (surnommé Dodon) Comte de Xainctes, fut sacré Euesque, en quoy il fut obey. Et iacoit qu'il eut promis de iamais ne nōmer Euesque qui fut encores laic, ce neantmoins il presenta cestuy-cy: comme aussi Disier pur laic, entra en la place de Laban Euesque de \* mort ceste année. Au mesme temps, Vandelin gouverneur du Roy Childebert durant son enfance, mourut; & personne ne fut mis en sa place; d'autant que la Roine sa mere voulut elle mesme auoir ceste charge: & les biens que le defunct tenoit du domaine, y furēt reünis: l'on appella depuis ces nourrisiers *Bainli*: Je croy pource qu'ils portoient & presentoient au peuple leurs petits Rois: & d'eux vient le mot de Bail pour gouverneur de pupille: & puis de Bailly: de la charge desquels ie parleray autre part. Le Duc Bodegisille fort aagé mourut semblablement: mais rien ne fut osté à ses enfans: Fabie succeda au lieu de Fauste, ou Faustian, qui tenoit l'Euesché d'Aqs: & Desiderat, à Saluie Euesque d'Alby: tous deux morts. Ceste année est aussi remarquable pour plusieurs cas estranges: car les eaux se deborderent, & pleut rang,

\*  
*An Latin  
de Gre-  
goire de  
Tours il  
y a Helo-  
sensis E-  
piscopus.*



que l'Esté ne diffiera point de l'hiver: le feu consuma deux Isles de la mer; hommes, bestes, & tout: puis furent couuertes d'eau, & l'eau de l'estang qui est dans vne Isle proche de Vennes, encores qu'il fut plain de poisson, se trouua conuertie en sang, iusques à la hauteur d'une aulne: de sorte, que beaucoup d'oyseaux & chiens qui s'y assemblerent, venoient boire & lescher ce sang, & s'en retournoient saoulez: Euodie fut lors fait Duc de Touraine & de Poictou, au lieu de Bernlf, soupçonné d'auoir desrobé les tresors du Roy Sigisbert, aussi bien que Armegisile son compagnon, lequel pretendait ce Duché, fut par le Duc Rauchin arresté prisonnier avec vn de ses complices: & sa maison fouillée tout soudain, quelques biens & meubles de Childebert se trouuerent parmy les siens: ce qui fut cause d'enuoyer le tout au Roi: mais comme ils estoient sur le point d'auoir les testes coupees, on les eslargit à la priere des Euesques. Le Duc Disier estant aussi venu se représenter, le Roy ne voulut le veoir: iusques à ce que vaincu par les prieres d'aucuns Euesques, & de l'Abbé Aredie & d'Antistie, qui l'auoient amené, il le receut en sa grace. Eulalie se trouua à pareillement, pour mettre en proces Disier, vers lequel sa femme s'estoit retirée: mais comme ordinairement il aduient engels differents, il ne fit autre chose qu'apprester à rire, car tant s'en salut qu'il en eust la raison, qu'au contraire Disier eut congé du Roy, qui encores luy fit des presens. Si est ce que le Roy Guntchram ne fut guerres moins estimé pour la iustice que sa grande pieté.

## CHAP. XII.

*Guntchram se prepare pour aller faire la guerre en Espagne. Fredegonde persuade à des Clercs de iuer Brunehaut, & son fils. Armee de Guntchram deffaite pres Carcassonne. Reproche dudit Roy aux chefs de son armee. Les Espagnols courent le Languedoc, & Prouence.*



V mesme temps, Guntchram aduerty du trespas d'Ingonde, morte en Affrique prisonniere, & que le Roy Leunigisile auoit aussi fait mourir Hermenichilde, ainsi que dit est, assembla vne armee pour aller en Espagne: apres auoir premierement mis en son obeissance, ce que les Gots tenoient de Septimanie. Cependant, on luy apporta vn breuet trouué par des paisans: dedans lequel, sous le nom de Leunichilde, estoit escrit à Fredegonde: Faites incontinent tuer noz ennemis (on l'interpretoit de Childebert & de sa mere) accordez-vous avec Guntchram à quelque pris que ce soit: & si vous n'avez argent, secretement ie vous en donneray: pouruen que sachiez ce que ie demande: puis quand aurons esté vanges de noz haineux, vous ferez du bien à l'Euesque Aurelie, & Leube belle mere du Duc Bladaste, par le moyen desquels noz messagers peuent aller vers vous. Or combien que Childebert fut aduerty de cecy, Fredegonde ne laissa

L'an de  
Jesús  
Christ.

de faire forger deux cousteaux grauez bien auant, & les emplir de poison : à fin que si les coups qui en seroient donnez n'estoient mortels de foy, les blessez mourussent par la force du venin : ces cousteaux faits, elle les baille à deux clercs ; & leur commande d'aller trouuer le Roi Childeberr : & que faignans « de demander l'aumosne, ils luy en donnassent par les costez, à fin que Brune-  
« haut qui se tenoit plus fiere pour son support, perdit son pouuoir quand il  
« mourroit : & demourast en sa subiection. Que si l'enfant estoit si bien gardé  
« qu'ils ne peussent approcher de luy, que du moins ils tuassent son ennemye.  
« Et si l'aduenoit qu'ils mourussent en l'executant, elle feroit leurs parens les  
« plus grands du Royaume. Cependant, qu'ils chassassent de leur cœur toute  
« crainte de mort, & pensassent que ce fait touchoit tout le monde, qu'ils s'ar-  
« massent donc de bon courage, & considerassent que les vaillans hommes qui  
« meurent en guerre, ennoblissent leurs parens : lesquels esleuez aux biens &  
« honneurs, sont pour ceste cause aduancez par dessus les autres. Ces paroles, &  
la grandeur de l'entreprise fit trembler les clercs : qui se representoyent la dif-  
ficulté d'executer la volonté de la Royne. Quoy voyant, elle leur presenta vn  
breuueage, lequel auallé, tellement les encouragea, qu'ils luy promirent de  
faire ce qu'elle commandoit. Lors elle leur bailla vn petit vaisseau de la mes-  
me boisson : disant que le iour qu'ils voudroyent faire le coup, ils en prissent  
le matin, à fin d'estre plus hardis & fermes : puis leur donna congé, mais ces  
clercs venuz à Soissons, furent arrestez par le Duc Ranching, qui les ayant in-  
terrogez, tira d'eux la verité, & les mit en prison. Peu de iours apres, Frede-  
gonde comme asseuree que tout auoit esté accomply ainsi qu'elle desiroit,  
enuoya vn sien valler sçauoir des nouuelles : & si on ne disoit point que Chil-  
deberr fut tué. Cestuy-cy venu à Soissons, & entendant la prise des clercs,  
ainsi qu'il vouloit parler à eux, fut arresté & tous trois enuoyez à Childeberr :  
qui leur fit couper les mains, pieds, aureilles & nez, les punissant de morts  
diuerses. D'autre costé, le Roy Guntchram s'armoit pour aller faire la guerre  
en Espagne : toutesfois, pource qu'il voulut premierement chasser les Vvissi-  
gots de la Gaule, il fit aduancer les peuples d'entre la Saone, Rosne & Seine,  
(ie croiroy aussi rost Loire) lesquels ioints avec les Bourguignons, allerent  
iusques à Nismes : & gasterent tout le pays qui est le long du Rosne par où ils  
passerent : sans espargner les hommes de l'Eglise. Les Berruyers, aussi les  
Xaintongeois & Perigourains, Angoulemoisins & autres subiects du mes-  
me Roy, s'approcherent de la ville de Carcassonne : les habitans de laquelle leur  
ouurirent les portes : mais depuis comme les François fussent fortis, Teren-  
tiol Comte de Limoges, fut occis d'un coup de pierre par les Carcassonnais,  
qui luy couperent la teste, & l'emporterent en la ville, dont ceux de l'armee  
furent tant estonnez, qu'ils laisserent là tant le butin conquis, que leur бага-  
ge propre, voulant chacun retourner en sa maison. Plusieurs François furent  
lors tuez par les Gots, & d'autres destrouffez par les Toulouzains, marris d'a-  
uoir esté pillés par eux en passant : quant à ceux qui estoient allez vers Nismes  
ayans couppé les vignes, oliuiers, arbres fructiers, & bruslé les blés, voyans  
qu'ils ne pouuoient forcer ceste ville, ils se presenterent deuant d'autres  
places.

places. Mais pource que toutes estoient bien garnies de viures & choses necessaires, ils n'en prirent aucune. Nicete Duc d'Auvergne l'un des chefs de ceste armée, assiegea un chasteau qu'il eut par composition : & neantmoins, contre sa foy, il emmena prisonniers tous les habitans. Ce fait, chacun retourna en son pays, avec tant d'incommodité, que plusieurs moururent de faim : pource qu'ils auoient brulé les bleds, esté les autres noyez & tuez en querelle : de sorte que l'on disoit qu'il y en estoit demeuré plus de cinq mil. Le Roy Guntchram fut si marry de telle perte, que les chefs & Ducs n'osant le venir trouver durant sa première cholere, se retirerent en l'Eglise de Saint Siphorien (ie croy à Austun) où ils se presenterent au Roi, là venu pour y faire la feste du Saint : & lequel les remit à la première audience du Sane, ou parlement prochain : là où, en la presence de quatre Euesques & Seigneurs laïcs, il voulut examiner leur cause : se plaignant (ainsi que dit Gregoire) qu'en ce temps il n'estoit possible d'obtenir victoire, puis qu'ils mesprisoient ce dont leurs peres faisoient si grand conte. Car ces preud'hommes batissans des Eglises, mettant leur esperance en Dieu, honorans les Martyrs, portant reuerence aux Euesques & Prestres, auoient obtenu des victoires, & maintefois avec l'espee & bouclier seuls, par la grace de Dieu, auoient vaincu leurs ennemis. Or tant s'en falut que maintenant ils recogneussent Dieu, qu'ils gastoient les choses à luy sacrees, tuans les ministres & seruiteurs : & en se mocquans des reliques des Saints, ils les rospoient & brisoient. A ceste cause, il n'estoit possible que ceux qui auoient commis tels actes peussent estre victorieux, que c'estoit ce qui affoiblissoit leurs mains, qui rendoit mousses leurs espees, & empeschoit leur bouclier de les couvrir ou deffendre comme deuant : que si cela procedoit de la faute, il prioit Dieu d'enuoyer tout le mal sur sa teste. Mais s'ils mesprisoient & refusoient d'obeyr aux commandemens de luy qui estoit leur Roy, la raison vouloit que la hache donnast sur la leur : à fin que voyans un des plus grands Seigneurs d'entr'eux executé par iustice : il seruiſt d'exemple à l'armée. Et parce, commençant à mettre la main à l'œuvre, il ordonnoit que ceux qui cy apres auroient intention de marcher selon droit & raison, fussent louiez : mais qui conque ne le voudroit faire, qu'il se tint assés d'estre publiquement chastié : car il valoit mieux que peu de rebelles & desobeyssans mourussent, que l'ire de Dieu s'estendit sur tout un pays, qui ne pouuoit mes de la coulpe d'autrui. Le Roy ayant acheué de parler, les Ducs respondirent qu'on ne scauroit aisément raconter sa magnanime bonté, la crainte qu'il auoit de Dieu, l'amour qu'il portoit aux Eglises, sa reuerence enuers les Prestres, sa charité & libéralité enuers les pauvres & autres necessiteux. Et combien que tout ce qu'il dit fut veritable : comme pouuoient ils resister au peuple tout corrompu de vices, chacun prenant plaisir à mal faire, sans crainte du Roy, ou porter reuerence à Duc ne Comte ? Que si l'un d'eux monstroient que leurs vices luy dépleussent, & pour maintenir l'honneur du Roy & conseruer sa vie, ils s'efforceoient de les amander, le peuple incontinent s'esmouuoit, un tumulte s'esleuoit soudain, & chacun se monstroient si cruel contre son seigneur & superieur, qu'il estoit bien ioyeux de se faire tout coy, pour euitier la mort. Là dessus le Roy dit, qu'il

KK

L'an de  
Iesuo  
Christ.

vouloit que ceux qui gardoient ses ordonnances feussent maintenuz & honorez: & qui les enfreindroit, mourût, à fin que tous ces maux cessassent bien tost. Comme il disoit ces paroles, voicy vn messager qui luy rapporte, que Richart fils du Roy d'Espagne, auoit pris vn chasteau nommé: Teste de Belier; c'est . . . & emmené grand butin du pays de Toulouze. Puis ayant forcé Vgerne chasteau du territoire d'Arles (ce peut estre Orgon) duquel il auoit enleué les biens, & les hommes, il festoit enfermé dans Nismes: cela fut cause; qu'il commit la charge de la Prouince d'Arles à Leudegisile, & le fit Duc au lieu d'Egilain calomnieux, ou comme ie croy surnommé le Calomniateur: ordonnant quatre mil hommes pour la garde de ceste frontiere. Nicette aussi Duc d'Auvergne se mit aux champs, & fit vne chenauchee par son gouuernement. Les Chroniques d'Espagne font la perte des François bien plus grande: car elles racontent que Claude de Lusitanie ou Merida, ayant destrouffé les François de tout leur bagage, en tua plus de soixante mil: & ce fut vne des plus belles victoires, que les Gots eurent oncques, veu le petit nombre de gens qu'ils estoient en ceste guerre, car il n'en conte que trois cens. Quant à moy ie croy que la perte fut bien grande, puis que Guntchram fit telle plainte en son Parlement. Si est-ce que Gregoire parle de chose qu'il pouuoit bien sçauoir, estant vn des principaux conseillers du Roy Childebert ou de Guntchram, ainsi qu'on peut veoir par le discours de son histoire. Si ce n'est, qu'il eust suivuy l'opinion de ceux qui disent qu'il faut legerement passer sur les deffaites des siens.

## CHAP. XIII.

*Pretextat tué. Seigneur François qui en vouloit faire informer empoisonné. Vin d'absinte. Seigneurs de Neustrie ne veulent souffrir que le Roy Guntchram cognoisse du fait des criminels, du Royaume, de leur Roy. Bepolen Referendaire de Fredegonde fait tuer Dannolle & ses vandangeurs. Paris bruslee. Consacrée, ou plustost enchantée. Richart fils du Roy d'Espagne, vient courre le Languedoc. Euesque du Mans auoit sa femme vinante hors d'auec luy. Meurtriers de Pretextat liurez par Fredegonde, tuez par le neveu dudit Pretextat. Bepolen fait Duc des villes de Clotaire, par le Roy Guntchram. Prodiges.*



VRANT cecy, Fredegonde qui demouroit à Roüen, eut quelques propos aigres auec Pretextat, qu'elle menaça de réuoyer en exil; lequel trop libre en parole, pour vne si dâgerense femme, respondit, que par la grace de Dieu il auoit esté, & seroit tousiours Euesque; mais qu'elle pourroit biẽ decheoir de son grãd orgueil, s'elle n'oubloit sa malice, & amédoit sa mauuaise vie à fin de garder celle de son petit enfant. Ces paroles entrerẽt bien auãt au

cœur de la Roïne plus prompt à comettre des mechâcetes, que ioyeuse de se les <sup>L'an de</sup> ouir reprocher: Aussi elle se retira tellement outree de cholere, que le iour de ras- <sup>1588.</sup> ques venu, cōme l'Euesque fut allé de bonne heure faire châter le seruice, ainsi <sup>Christ.</sup> qu'il estoit assis sur vne forme, vn meurdrier l'approchât, le frappa sous l'aisselle d'un couteau sâsque pas vn des clerçs ou assistans se mit en deuoir de le secourir, jaçoit qu'il criast à l'ayde. mais abandoné, il vint estédre sur l'autel ses mains plaines de sang, & apres auoir prié Dieu, fut porté en sa chambre. Tout aussi tost, Fredegonde accompagnée du Duc Bepolen, & d'Archald le vint voir: & comme si elle eust esté courroucée de son aduenture, disoit, qu'eux & le peuple n'auoient besoin de telle perte. Que s'ils sçauoient l'auteur du coup, la iustice en seroit incōtinent faite selon le demerite. Pretextat qui cognoissoit bien son faux semblant, & ne craignoit plus rien; se voyât si pres de la mort, luy respondit: Et qui est-ce, sinon ceux qui ont tué les Roys? qui tant souuent ont respandu le sang des innocens? & fait tant de maux par ce Roiaume? La Roïne qui faignoit ne l'entendre, luy dit: qu'elle auoit de bons medecins pour le guerir, si l'ouffroit estre pensé d'eux. L'Euesque dit, Dieu me veut appeler de ce monde; Mais toy qui as esté la principale cause de ces maux, demeure maudite à iamais: car Dieu vengera mon sang en te chastiant. Lors elle sortit: & l'Euesque ayant ordonné de sa maison, rendit l'ame. Puis fut enterré par Romachere Euesque de Constance. Ceste mort fit murmurer le peuple, & vn Seigneur François, de la ville de Roüen, eut bien la hardiesse de dire à Fredegonde, qu'elle continuoit trop en ses meschancetes, qu'ils estoient deliberez de faire enqueste de ceste mort & d'oresnauant l'empescheroient de commettre tant de maux. Toutes-fois, ce deffi ne seruit de rien: Et le mesme gentil homme inuité de boire du vin d'abinte meslé avec du miel, suiuant la coustume des François de ce temps-là (encores gardee en Alemaigne pour les cruditez) mourut tout soudain empoisonné. Apres cela, Leudoald Euesque de Bayeux, ayât escript à tous les Euesques du diocèze (ie croy cōme premier suffragant de l'Archeuesché de Roüen, duquel priuilege ses successeurs iouÿssent encores) fut conseillé de fermer les portes des Eglises de Roüen iusques à ce que chacun se fut mis en peine de trouuer l'auteur du meurdre. Aucuns seurent pris: lesquels mis à la gehenne, confessèrent que Fredegonde le leur auoit fait faire. Dequoy Guntchram aduertty, enuoya trois Euesques vers Clotaire, que l'on appelloit (ce dit Gregoire) fils de Chilperic: à sçauoir Artemie de Sens, Veran de Chaalons, Agroece de Troye: pour enquerir du fait avec les Gouverneurs du Roy enfant, & représenter le meurdrier deuant eux. Les Seigneurs de Neustrie respondirent aux Commissaires, que le fait leur déplaisoit: & auoient tref-grand desir d'en faire la punition. Toutesfois, où quelcun d'entr'eux s'en troueroit chargé, ils ne pouuoient endurer qu'il fut mené deuant Guntchram: puis qu'eux mesmes estoient suffisans d'en faire la iustice sous l'autorité de leur Roy. Par cecy, & autres exemples vous cognoissés que les partages des Royaumes estoient esgaux: les freres Roys, pareils en dignité: & les vns non subiects aux autres. Les Euesques dirent que si le criminel n'estoit représenté, leur Roy viendroit en Neustrie, & la mettroit à feu & à sang: puis qu'il estoit manifeste, que celle

L'an de  
Jesuo  
Christ.

mesme auoit fait tuer l'Euesque, qui n'agueres auoit fait empoisonner vn Seigneur François. Celadit, ils s'en retournerent sans aucune responce suffisante: apres auoir protesté, que iamais Melantie ( premierement subrogé en la place de Preterxrat quand il fut banni) ne peüst estre Euesque de Roüen. Fredegonde auoit à son seruice, des gens de pareil naturel, & aussi sanglans qu'elle: mesmes Bobolen son referendaire. Cestui-cy, qui auoit differend pour des vignes avec Dannolle fille de Victorin Euesque de Rehes, & jadis vesue de Burgolen, mais pour l'heure femme de Nectere, luy manda qu'elle n'y vint faire vendanges. Dequoy Dannolle ne tint cõte: & Bobolen bien accompagné y vint: qui la tua avec tous ses vendangeurs, hommes & femmes: fors ceux qui se peurent sauuer. Au mesme temps, vne femme de Paris admonnestoit les habitans, de fuir de la ville, qu'elle disoit bien tost deuoit estre bruslee. Plusieurs qui la pensoient estre forcieriè ou maniaque, ou qu'elle eut songé des folies, s'en moquoient: mais elle soustenoit que ce n'estoit chose vaine: & qu'en dormant elle auoit veu vn homme environné de grande lumiere, tenant en sa main vn cierge ardent: avec lequel il mettoit le feu par les maisons des marchàs, l'une apres l'autre. Et de fait, la troisieme nuit d'apres ceste vision, comme vn bourgeois de la ville sur le point du iour fut entré dás son celier, & y eust pris ce qui luy estoit besoin, il laissa sa lumiere cõtre vne cuuetõd'huile, à laquelle le feu se prit: & enflâba premierement la maison voisine de la porte de la ville, qui regarde le Midy, (ce deuoit estre au bout du petit pont, vers l'hostel Dieu) & puis gagnant les autres, courut par la ville, iusques au bout de la riuierè: bruslant tout; fors les Eglises & leurs maisons. Lon disoit lors que ceste ville auoit esté sacree & coniueree d'ancienneté: de maniere que le feu ne brusloit point les maisons, & l'on n'y voioit Serpens ne Lirons. Mais n'agueres (dit Gregoire) le põt ayant esté racoustré, en curant le canal de la riuierè de la fange qu'il auoit réply, vn Serpent & Liron d'airain furēt trouuez, & emportez. Depuis lequel temps l'on y vid des Lirons sans nombre, des Serpens y apparurent, & la ville commença d'estre endommagée par le feu. Quant à moy ie pense que le plastre dont la plus-part des maisons sont basties, volontiers les garéntissoit du feu; & encores l'on y void aujourd'huy peu de Serpens: pource que les marais, qui s'estendoient depuis les Celestins iusques au pied de Mont-matre, & Chail-leau, sont remplis de maisons, de iardinages, ou labours. Quant aux Lirons, ie n'oy personne s'en plaindre. Ceste annee Magnouald regardant avec le Roy l'esbat d'un animal poursuiuy par les chiens dans vn lieu du Palais Royal de Mets, fut tué: & son corps iecté par la fenestre. On pensoit qu'il eust esté occis, pource qu'apres la mort de son frere, ayant si fort battu la femme propre qu'elle en mourut; il espousa la vesue de son dit frere: & d'autres croient que ce fut par secret cõmandement du Roy: Peu de temps apres naquit vn fils à Childebert, que Magnachere Euesque de Tréues leua des fonts, & nōma Thiebert. Le Roy Guntchram monstra si grande ioye de la naissance de cét enfant, que tout soudain il enuoya des Ambassadeurs au pere, se resiouyr de ce qu'il auoit pleu à Dieu, releuer la maison de France, l'augmentât par le moyé du pere & de son fils: ausquels il souhaitoit longue vie. L'an vnziesme de Childebert qui

est le cinq cens nonante de Iesus Christ, les Ambassadeurs d'Espagne reuindrent pour la seconde fois demander la paix : ce neantmoins ils s'en retournerent sans responce qui leur fust agreable: estant Guntchram encores despit de la perte que les gens auoient soufferte en Septimanie, & des nauires Gaulois que Leuuilde auoit retenus en Galice, pillant ce qui estoit dedans, & tuant ou faisant prisonniers aucuns des marchans & pillotes. Lors Richard fils du Roy d'Espagne, vint aussi iusques à Narbonne, & courut la frontiere de France, puis se retira secrettement. Ceste année moururent plusieurs Euesques, & entre autres Badegifille Euesque du Mans, rioteux, plaideur, & mauvais homme. Il auoit encores sa femme viuante : car en ce temps-là, l'on ne faisoit difficulté d'eslire des Euesques mariez: mais il falloit quicter le li& de leurs femmes: que si l'on s'apperceuoit qu'ils couchassent ensemble, le mari perdoit l'Euesché: ainsi que nous lisons de Stremon Euesque de Clermont en Auvergne; contraint d'y renoncer, pour auoir receu en son li& sa femme, qui depuis son election estoit venuë le chercher, & crier apres luy: qu'il n'auoit peu sortir d'avec elle, sans auoir son consentement. Quant aux Prestres & Diacres, il semble par l'vnziesme article du premier Concile de Mascon tenu du temps de Pelage Pape de Rome, & douziesme du Roy Guntchram, qu'il fut deffendu à tous Euesques, Prestres & Clercs auancez aux plus grandes dignitez, de hanter charnellement leurs femmes, lesquelles dès ceste heure là, ils appelloient sœurs. Mais Dieu scait l'ordure que telle rigueur engendra, depuis que les Clercs abandonnans l'austerité de la vie qui regnoit entre leurs predecesseurs, & montez en biens se laisserent aller aux plaisirs & delices de la gueulle, car avec l'yurongnerie & gourmandise, la paillardise se ioignit tout aussi tost: estant (dit Tertullien & apres luy sain& Hierosme) le ventre & le membre viril si voisins. A ceste cause, d'autant que la publique & commune ne pouuoit estre par eux pratiquée sans le scandale de leur ordre, ils se ietterent à la secrette, & celles qu'ils pouuoient recouurer parmi eux. De sorte que si pour bonne occasion les femmes leur ont esté ostées (ce dit depuis le Pape Pie second) pour meilleures elles leur doyuent estre rendues. Et de fait, les Grecs ont opiniastrement retenu leurs femmes: & les Allemans ont assez long tēps debatū ce droit de naturelle continuation de l'humain lignage. Bertrand Archidiacre du Mans, succeda audit Badegifille, comme aussi Leterie Referendaire de Guntchram, au lieu de Sabaud Euesque d'Arles. Vrie Prestre, Gentilhōme Gaulois, fut aussi esleu par le Roy Euesque de Vienne, apres la mort d'auant. Plusieurs autres euesques moururent semblablement, & y eut grande pestilence en Prouence. Auquel tēps, Fredegonde diffamée (comme nous auons dit) du meurtre de l'euesque Pretextat, s'en voulut purger: & fit liurer vn sié esclauē au neueu de l'euesque, disant: que c'estoit luy qui l'auoit occis, & se couuroit d'elle. Cer hōme mis à la question, descourrit tout: & confessa auoir receu de la Royne cent sols d'or, cinquāte de Melantie Euesque, & cinquante de l'Archidiacre de Roüen: outre la promesse qu'on luy fit de l'afranchir avec sa femme. Incontinēt qu'il eut dit ces mots, le neueu de Pretextat le hacha en pieces, sans que nous trouuions autre poursuite contre les prestres accusez, ne Fredegonde: laquelle pour le cōble de ses mes-

*L'an de* chancetez, ne laissa de remettre Melâtie en l'Euesché de Rouën. D'autre costé,  
*Iesus* le Duc Bepolen voyant que Fredegode ne l'honoroit pas cōme son estat le re-  
*Christ.* queroit, se retira vers le Roy Guntchram, qui luy donna le Duché des villes ap-  
 partenâtes à Clotaire fils de Chilperic. Ce Duc bien accōpagné, vint pour en-  
 trer à Renes, toutesfois il n'y fut receu: & ses gens firent de grâds maux au ter-  
 ritoire d'Angers: où il cuida mourir, accablé d'une maison tombée sur luy, &  
 plusieurs autres qui banquetoient: mais Fredegonde fit gaster tous les herita-  
 ges que ce Duc auoit au Royaume de son fils. Cepédant Bepolen retourné à  
 Renes pour mettre le pays en l'obeissance du Roy Guntchram, y laissa son fils:  
 depuis tué par les habitans; comme aussi d'autres Seigneurs François de bonne  
 maison. Il apparut ceste année beaucoup de choses estranges: car les arbres flo-  
 rirent en Septembre, & d'autres ayans porté fruiçt, en eurent derechef, qui du-  
 rerent sur les branches iusques à Noël: & l'on vit vne grande lueur en figure  
 de serpent, courre par le ciel. Ceste année estant mort Pelage Pape, Gregoire  
 Romain premier du nom appelé le grand luy succeda; & c'est luy qui pour son  
 excellent sçauoir est estimé vn des quatre docteurs de l'Eglise Latine.

## CHAP. XIIII.

*Palais Euesque de Xainctes faussement accusé de Trahison. Guntchram rend la ville d'Alby au Roy Childebert. Lenuichilde Roy d'Espagne mou- rant renonce à l'Arrianisme. Richarà son frere enuoye rechercher l'alliance de Childebert. Mort de Ragonde femme du Roy Clotaire, fondatrice de sainte Croix de Poitiers. Meurdrier voulant tuer le Roy Guntcham, est laissé vis: pour auoir esté pris en vne franchise. Vaisseaux marquez de si- gnes incogneus. Village fondu, & disparu. Gascons descendent des Pirenées.*

591.



AN douziesme de Childebert, & cinq cens nonante &  
 vn de IESVS-CHRIST, Nicette Comte ou Duc d'Au-  
 uergne, fut estably gouuerneur de Marseille; & de toutes  
 les villes d'alentour, appartenant au Roy Childebert: &  
 Antistie enuoyé par le Roy Guntchram au pays d'Angers,  
 fit de grands maux à ceux qui estoient chargez de la mort  
 de Dannole femme de Neçaire, confisquant les biens de  
 Bobolen chef & conduçteur de ce meurdre. Le mesme venu à Nantes, com-  
 mença de fascher Nonnich Euesque du lieu: disant qu'il estoit coupable du  
 fait: & que son fils y auoit assisté. De fait le ieune homme qui eut peur, s'estoit  
 retiré au Royaume de Clotaire: de sorte que l'Euesque fut contrainct de bail-  
 ler caution de comparoir deuant le Roy. Le bruit couroit en ce temps là, que  
 des Ambassadeurs enuoyez par Fredegonde en Espagne, auoient secrettement  
 esté recueillis par l'Euesque Palais, & de là estoient passez outre. En ce temps  
 Palais s'estoit retiré en vne Isle de la mer, à fin de prier Dieu en ceste solitu-



de, durant le Carême. Mais quand il voulut retourner en la ville, pour célébrer la solemnité du Ieudy saint, avec son peuple qui l'attendoit, il fut arresté en chemin par Antistie: lequel sans forme ou figure de procez, le menaça de le confiner: disant qu'il auoit recuilli les Ambassadeurs enuoyez par l'ennemy du Roy leur seigneur. L'Euesque qui le nioit, demanda qu'en consideration du bon iour prochain, il le laissast aller: & que la feste passée, s'il le mettoit en action, il luy respondroit: l'asseurant qu'il n'estoit rié de toutce qu'il luy mettoit sus. Somme toute Palais n'obtint aucune relasche: & au contraire inuen-taire fut fait de ce qui estoit és maisons de l'Eglise, ses meubles forcéz vollez, & les citoiens ne peurent obtenir que son proces fut différé iusques apres Pasques. Finalement ce commissaire vomit son venin, & dit qu'il accorderoit son eslargissement, pourueu qu'il luy védist la maison qu'il auoit en Berry: autrement, qu'il seroit mené en exil. Cela fut cause, que l'Euesque craintif, escriuit & sous-signa la védition de son heritage, & le mit en possession: & par ce moyen il entra en la ville, apres auoir donné pleige de comparoir deuant le Roy. Ce qui monstre vne partie de la façon des contrats de ce tēps là. Car il semble par cestui-cy, qu'il n'estoit besoin d'escriure publique, ou de notaire & tabellion, quand le vendeur scauoit escrire: ne d'aller sur le lieu prendre possession, cōme si les mots du contract, qui disent: En a vestu & saisi ledit acheteur, lors fussent suffisans. Car Raino Euesque d'Angers, viuant l'an huit cens nonante & deux, dit en vn tiltre de l'Eglise d'Angers, qu'il l'a escrit de sa main: encores que le Comte Robert (qui estoit frere du Roy Ende) & ses Archidiacres & autres de son Eglise soient tesmoins au mesme tiltre. Si ce n'est, que les Euesques pour cela fussent estimez personnes capables de certifier tels actes: cōme il se trouue qu'ils pouuoient affranchir leurs serfs, sans ministere du Comte: qui representoit le preteur ancien. Et y en a tesmoignage graué au portail de la grande Eglise d'Orleans, & assez de lettres és tresors des anciennes Eglises. Les iours des festes de Pasques passez, l'Euesque alla trouuer le Roy Guntchram & Antistie y vint aussi: lequel n'ayāt rien sceu prouuer contre Palais, l'accusé fut enuoyé à Xaintes, à la charge de retourner au Sane prochain, pour voir s'il se trouueroit autre chose contre luy. Nonnich Euesque de Nantes y vint semblablement & eut congé: apres auoir fait de grands presens. En ce temps, Fredegonde enuoya des Ambassadeurs au Roy Guntchram sous le nom de son fils, entre lesquels estoit Badon l'aisné. Ces gens de peschez, & demeurās en leur logis pour quelques affaires: il aduint le lendemain, que le Roy allāt à l'Eglise, si matin que son portoit deuāt luy vn flambeau, il vint vn homme qui l'espee au costé, & sa jaeline appuyee contre le mur, dormoit en vn coin de l'oratoire, cōme s'il eust esté yvre. Le Roy escriua que sans occasion cet homme n'estoit pas là arresté de nuit: & que tout incontinent il fust mis à la questio. Là il confessa d'auoir esté enuoyé par les Ambassadeurs afin de tuer le Roy: mais ils n'ierent d'estre venus pour autre chose que pour leur Ambassade, & toutesfois, ils furent confinez en diuers lieux: d'autant que manifestement il apparut, que Fredegonde les auoit enuoyez pour le fait duquel on les soupçonnoit. Or le Roy Guntchram, voyāt que tant de messagers allans & venans d'Espagne, ne seruoient de rien, au

*Il n'y a de contraire que les choses s'enaignissoient, il rendit la ville d'Alby à Childebert.*  
*Iesue Christ.* Dequoy le Duc Disier aduertit, pource que la entour il auoit serré le meilleur de ses biens, de crainte que ce Roy ne se ressentit, de ce qu'au mesme pays il auoit defait l'armée de feu Sigisbert son pere, il s'en alla avec Tetradie (par luy ostée à Eulalie Comte d'Auuergne, mais qu'il tenoit comme sa femme) & se retira dans Thoulouze avec tout son bien : en intention de faire la guerre aux Vissigots. Et pource, ayant pris en sa compagnie le Comte Austrouald, il fait marcher son armée vers Carcassonne, les habitas de laquelle sans crainte allerent au deuant: mais pressez de plus grande force, ils furent contraincts se retirer pour suyuis par Austrouald & Disier: qui chassa tât auant, qu'il se trouua en petite troupe enuélé de ses ennemis, tout contre la porte de la ville: où il fut tué, avec ceux qu'il auoient suyui, ce qui garda Austrouald de passer outre: & lequel remenant l'armée, fut par le Roy fait Duc en la place de Disier. Au mesme temps: Leuuichilde Roy d'Espagne malade, renonçant à l'erreur d'Arrius qu'il auoit tousiours suyue, fit penitence, & prit la foy des Catholiques puis mourut. Richard son fils regna apres luy, lequel de bon accord avec Gossuinte veufue de son pere, la traicta come sa propre mere: & par son conseil enuoya des Ambassadeurs aux Rois Guntchram & Childebert, les priant de faire avec luy vne ligue offensiue & defensiue: mais aucuns d'eux qui vindrét en la Cour de Guntchram furent arrestez à Mascon: là où apres auoir communiqué avec les gens du Roy, ils ne peurent s'accorder. Ce qui fut cause de si grande defiance & inimitié, que les Gots ne souffroient aucun du Royaume de Guntchram venir au pays de Septimanie: combien que les Ambassadeurs qui furent vers Childebert, eussent esté bien receus: & retournassent avec la paix & de beaux presens. Ceste mesme année, Ragonte que Gregoire appelle bonne Royne mourut le xiiij. Iuillet: dans le monastere par elle fondé à Poitiers, & est celle que l'on appelle Sainte. Ce-pendant le iour saint Marcel (qui à Chalon sur Saone se festoit au mois de Septembte) le Roy Guntcham voulant apres le seruice aller vers l'autel pour communier, & vn homme s'approchant comme pour parler à luy, l'on vit choir de sa main vn cousteau: lequel leué, tout soudain on luy en veid vn autre desgainé. Incontinent il est tiré hors l'Eglise, & mis à la question; il cōfesse auoir esté enuoyé pour tuer le Roy: lequel en tous autres lieux enuironné de gens, il n'auoit peu frapper sinon en l'Eglise: où il estoit plus aisé de l'approcher. Beaucoup de ceux qu'il nomma pour complices furent executez. Toutesfois le Roy laissa aller cestuy-ci, apres l'auoir fait battre. Pensant mal faire, s'il le tuoit ayant esté enleué de la franchise de l'Eglise: tant ce Roy estoit bon, ou superstitieux: cuidant que tels meurtriers deussent iouyr du priuilege du lieu, qu'eux mesmes violoient par effusion de sang, ou homicide pourpensé & conclud en leur cœur: aussi en estoient iadis forclos les sacrileges & les excommuniés. Car les franchises n'ot pas esté inuentées pour garantir de punition les meschans; ains pour seruir aux innocens de barriere, contre la violence: afin que la force humaine retenue par la crainte de Dieu (de tout temps estimé habiter les temples à luy dediez & bastis come vn domicile terrestre) eut pitié de ces refugiez: à l'exemple du mesme Dieu, lequel volon-

tiers

riers fait miséricorde, à ceux qui humblement l'en requierét. Ceste année na- L'An de  
lesus  
Christ.  
quit à Childebert vn fils, que Veran Euesque de Chaalons leua des fonts, & nomma Thierry. Il aduint aussi comme par miracle, que plusieurs vaisseaux furent marquez de signes incogneus: & qui ne se pouuoient aucunement es-  
facer. La merueille commença depuis le territoire de Chartres, iusques à Bor-  
deaux: sans oublier vne seule ville entre deux. Outre cela, les vignes monstre-  
rent de nouveaux bourgeons & grappes au mois d'Octobre: & les arbres de  
nouuelles fueilles, & nouveaux fruits. Aucuns disoient auoir veu choir des ser-  
pens des nuës: & des batailles (le Latin dit *acies*) pointes, ou rayons de feu ap-  
parurent du costé de Septentrion. D'autres asseuroient qu'un village estoit  
soudain disparu avec les hommes & maisons. Aussi plusieurs autres signes, qui  
signifient la mort du Prince ou ruine d'un païs, furent veus. La vinée se trouua  
petite, les pluies outrageuses, & les riuieres grandes. En ce temps, Euodie qui  
tenoit la Duché de Touraine & de Poictou, & encores auoit la surintendance  
des villes ou bourgs Iulicense (qui peut estre Lodun, nommé en Latin *Louio-  
dunum* par Idace ou Fredegair, que neantmoins Salomon Maigret, dit Ma-  
crin, excellent Poëte de nostre temps, voulant honorer la ville de sa naissance  
du nom d'un si grand Prince que Iules Cesar, nomme Iuliodunum comme s'il  
en eust esté fondateur) & de Benarne, que ie ne puis remarquer, si ce n'est Ter-  
nay: ancien chasteau voisin de Loudun (jaçoit que monsieur de la Scale croit,  
que ce soit Bearn des monts Pyrenees) fut osté de la charge à la suscitation des  
Comtes de Touraine & de Poictiers (cecy monstre que les Ducs auoyent des  
Comtes sous eux) qui en presenterent requeste au Roy Childebert. Au mesme  
temps, les Gascons (ils habitoient les païs de Basques) descendirent des mon-  
tagnes, & rauagerent les fruits & vignes de la campagne de dessous eux, met-  
rans le feu par tout, & emmenans des prisonniers. Le Duc Austroual alla con-  
tre eux, mais il leur fit peu de dommage. Ce peuple est ancien, & cogneu par  
le nom de Vascones, du temps mesme des Romains: habitans l'Espagne près  
les monts Pyrenees, vers Biscaie, où il est croyable que les passages des Vanda-  
les & Vissigots les firent retirer: pour demeurer incogneus, iusques à ce tēps  
là, qu'ils commencerent à faire plus souuent parler d'eux: & tant qu'ils firent  
nommer Gascongne, le quartier d'Aquitaine d'outre Garonne, jadis appelé  
*Nouem-populana*, pour estre habité d'autant de peuples & citez. Les Gots aussi  
voulans vanger le dommage que l'armée du Roy Guntchram auoit l'année  
passée fait en Septimanie, vindrent courre iusques à dix mil d'Arles, & pri-  
rent vn chasteau lors nommé Vgerne, ou Orgon, ainsi que i'ay dit.

## CHAP. XV.

*Rauching s'efforçant de tuer Childebert, pour se faire Roy, estant descouvert par le Roy Guntchram est tué. Postes en France. Magnoald est mis en la place de Rauching. Bertefred & Vrsion rebelles, & leurs complices.*



PREs cela, Rauching accompagné des principaux seigneurs du Royaume de Clotaire, faisant semblant d'appointer aucuns differens pour les limites des Royaumes de Childebert & de Clotaire, s'efforçoit de tuer Childebert: à celle fin qu'il peut tenir le Royaume de Champagne (ie croy que Gregoire entend celuy de Rheims & Chaalons: car iamais il ne l'a distingué par le nom de Champagne) avec Thiebert le plus aagé des enfans de ce Roy. Vrsion & Bertefred le reste, sous le nō de Thierry le plus ieune: sans auoir esgard au Roy Guntchram: & machinans contre Brunehaut ainsi qu'ils auoient fait au precedent. Rauching donc qui se promettoit de grandes choses, s'achemina vers Childebert, pour mettre son dessein à execution. Toutesfois le Roy Guntchram aduertey de tout, le fit sçauoir à son neveu, le priant de le voir incōtinent. Et Childebert qui trouua l'aduertissement de son oncle veritable, manda Rauching pour venir à la Cour, mais auant qu'il fut en sa presence, il enuoya des gens avec lettres, pour saisir ses biens par tout: & donna charge à ses commissaires, que pour faire plus grande diligence ils montassent sur les cheuaux, que lors on tenoit pour le seruice du public: ie croy à la façon des Empereurs Romains. Car le Roy Louys vnziesme, ne fit que renououeller vne partie de ceste commodité: quand il mit sus, les cheuaux de poste, au lieu des coches & cheuaux publics: jadis appelez *Veredes*, & tenus sur les grands chemins, pour la commodité des passans, plaideurs, ou autres: & affin de bien tost sçauoir nouuelles des Prouinces & frontieres plus esloignées. Comme deuant eux, les Perses auoient disposé leurs courriers par *Parasanges*. Rauching donc venu & entretenu de plusieurs propos, au sortir de la chambre du Roy fut poussé par les Huissiers, qui l'ayans fait trespucher sus les degrez, la teste dedans, & le reste du corps dehors, à l'instant ceux qui auoient charge de le tuer, luy hacherent tellement la teste, qu'il mourut sur la place: puis despouillé fut jetté par la fenestre, & enterré. C'estoit vn homme leger: & si orgueilleux, que du temps mesme qu'il fut tué, il se disoit fils du Roy Clotaire premier: ce qui possible luy donnoit courage de vouloir estre Roy. L'on trouua tant de biens en sa possession, qu'il n'y en auoit pas plus au thresor public: tous lesquels furent presentez au Roy Childebert: & la femme se sauua en l'Eglise sainct Medard de Soissons: où de bonne aduenture le jour mesme en grande magnificence elle alloit faire ses prieres. Magnoal fut Duc en la place de ce Rauching, duquel l'intention (s'il eut acheué son entreprise) estoit d'en jeter la coulpe sur plusieurs Tourageaux & Poiçteuins, lors venus en Cour: & les charger d'auoir tué le Roy. Au mesme temps, Vrsion & Bertefred s'assurans que Rauching

auoit accompli son dessein, marchoient avec son armee. Toutesfois quand ils sceurent la verité, ils r'enforcerent leurs troupes, & s'enfermerent avec tous leurs biens dans le chasteau appellé Vabres, voisin d'un village appartenant à Vrsion: & qui n'est pas del'Euesché de Languedoc: deliberez de se deffendre vaillamment. Or pource que Vrsion estoit chef de l'entreprise, Brunehaut qui auoit leué des fonts vne fille de Berterfred, le voulut separer d'avec luy, ce qu'elle ne peut: d'autant qu'il disoit vouloir mourir avec Vrsion. Durant cecy, le Roy Guntchram mande à son neveu, que sans delay il le vint trouuer, pource qu'il vouloit luy communiquer des choses touchant leurs vies, & leurs estats. A ceste cause, Childeberrt accompagné de sa mere, de sa femme, & de sa sœur; s'achemina vers son oncle. Magneric Euesque de Treues estoit aussi avec luy, & Guntchram Boson: lequel aduertit que le Roy auoit commandé de le tuer, pour de vilaines paroles par luy dites de la Roine Brunehaut, eut recours à l'Euesque Ageric, parrain du Roy, qui l'auoit amené sans armes. De maniere, que le Duc tenant les manches de la robbe de l'Euesque, fut lors présenté au Roy Childeberrt: aux pieds duquel s'estant jetté, il luy demanda pardon: confessant l'auoir offensé & sa mere aussi. Or le Roy l'ayant à ceste heure la donné en garde à l'Euesque, iusques à ce qu'il fut en la presence du Roy Guntchram (au iugement duquel il le remit) Boson maintenant comparoissoit en l'absence de son pleige (pource qu'il auoit esté dit qu'il viendrait sans Aduocat) affin que s'il estoit condamné à mourir, il n'en peut estre repité par l'Euesque: & s'il estoit absous, librement il s'en peut retourner. Mais le Parlement l'ayant trouué coupable de plusieurs crimes, quand il se vid par les deux Rois condamné à mourir, il s'enfuit dans le logis de l'Euesque Magneric: là où apres auoir fermé la porte, il luy osta ses Clercs & seruiteurs, & desguainant son espee luy dit, qu'il scauoit bien son grand credit enuers le Roy, & pource il s'estoit sauué en sa maison, fuyant ceux qui le vouloient tuer, & estoient à la porte. Qu'il se tint donc assuré de mourir de sa main, si par force il estoit contraint de sortir de son logis. L'Euesque voyant l'espee desguainee ne scauoit quel conseil prendre: & neantmoins, il luy remonstra qu'estant arrêté par luy, il ne pouuoit faire sa requeste au Roy: partant qu'il le laissast aller. Boson dit que non feroit: mais qu'il enuoyast ses Abbez & autres gens de creance, dire l'estat où il se trouuoit. Toutesfois, les choses furent autrement rapportees, & dit que l'Euesque vouloit sauuer Boson: dont le Roy courroucé, commanda de mettre le feu en la maison: & cependant les Clercs rompant un huis, firent fortir l'Euesque. Lors Boson enuironné de feu, vint à la porte l'espee au costé: mais il ne fust pas si tost sur le seuil, qu'il fut frappé au front: & cuidant desguainer son espee, fut atteint de lances & iauelots par tant d'endroits, que soutenu du bois fiché en son corps, il demeura debout sans tomber à terre. Aucuns de sa suite furent occis quant & luy, puis quelque temps laissez sur la place, ayant les seigneurs eu grande peine pour obtenir qu'ils fussent enterrez. Il auoit esté homme vain & leger, auaricieux, couuoiteux du bien d'autrui, qui donoit sa foy à tous, & ne tenoit point la siéne. Sa femme & ses enfans furent confinez, & ses biens tres-grands, confisquez. On luy trouua beaucoup

*Ann* de d'argent & diuers meubles, qui furent tous emportez : voire iusques à ce qu'il  
*Iesus* auoit mussé auparauant, crainte de le perdre avec le reste. Il croyoit aux de-  
*Christ.* uins qui le trompoient, pensant apredre d'eux les choses aduenir. En ce temps  
 le Roy Guntchram fit vn traité de paix avec son neueu Childebert, & les  
 Roynes ( car Gregoire vsant de ce mot, comme ie croy, entend parler de Brun-  
 nehaut & sa fille, sœur de Childebert ) faisant bonne chere à Andelo, que ie  
 pense estre celuy qui est voisin de Chaumont en Bassigny: où le traité cy apres  
 escrit fut conclu.

## CHAP. XVI.

*Traité fait entre les Rois Guntchram & Childebert.*

V nom de Iesus Christ. Estans les tref-hauts Seigneurs &  
 Roys, Guntchram & Childebert, & la Royne Brunehaut  
 assemblez à Andelo, pour le bien de la paix, & oster toute oc-  
 casion qui pourroit engendrer querelle entr'eux, moyennât  
 la grace de Dieu, & le conseil des principaux seigneurs de  
 leurs Royaumes, ils ont aduisé, conuenu & arresté ce qui  
 s'en suit.

1. Premièrement, que toute leur vie ils s'entr'aimeront, & garderont la foy  
 promise l'un à l'autre.
2. Et pource que le Roy Guntchram maintient que selon l'accord fait avec  
 feu de bonne memoire le Roy Sigisbert, le Royaume d'Aribert luy deuoit ap-  
 partenir, & que le Roy Childebert soustenoit au contraire, deuoit jouyr de  
 tout ce que son pere tenoit, accordé est : Que le Roy Guntchram jouyra per-  
 petuellement de la tierce portion de Paris, jadis appartenant au Roy Sigisbert,  
 le peuple, fins & limites d'icelle, avec les chasteaux de Chasteaudun & de Ven-  
 doisme. Ensemble tout ce que ledit Roy tenoit en ce quartier là, du territoire  
 d'Estampes & de Chartres. Et encores tout ce que ledit Roy Guntchram te-  
 noit au Royaume d'Aribert, du viuant dudit Sigisbert.
3. En pareil cas & condition, ledit Childebert jouyra dès à present, des vil-  
 les de Meaux, & deux parts de Senlis, du país de Touraine, Poictou, Auranches  
 le bourg Iulicense (entendez Lodun cōme dessus) Conferans, de Labort & Al-  
 bige, que l'on dit estre les Dioceses de saint Liger & de Bayonne, leurs fins &  
 limites. A la charge & condition, que le suruiuant de ces Rois, succedera au  
 Royaume du premier d'eux qui mourra sans enfans : & en iouyraluy & les  
 siens perpetuellement.
4. Et neantmoins, il a esté specialement accordé, que tout ce que le Roy  
 Guntchram a donné, & cy apres donnera à Clothe sa fille, soit de meubles, ci-  
 tez, terres & reuenus, demeurera en la possession & iouyssance de ladite Clote:  
 & là où il vouldra donner quelques terres du domaine, meubles ou deniers à  
 autre quiconque soit, faire le pourra: & à iamais tiendra ladite donation.
5. Et si a ledit Childebert promis de prendre en sa protection, toutes les

choses qui lors du decez dudit Guntchram son pere se trouueront en la main & protection de ladite Clote : desquelles elle iouyra avec l'honneur, & pré-  
 L'an de  
 Jesus  
 Christ.

6. Et au cas que le Roy Childebert mourut auant le Roy Guntchram ( ce que Dieu ne vueille , & ledit Roy aussi ne desire). Il a promis aussi prendre en la garde & protection, ainsi qu'un bon pere, Thiebert & Thierry & les autres enfans que pourra auoir ledit Childebert: de sorte qu'ils succederont entiere-  
 ment au Royaume de leur pere.

7. Il prendra aussi en garde la Roïne Brunehaut, & Clofinde sœur dudit Childebert, tant qu'elle demeurera en France: & la Roïne Failube femme du-  
 dit Roy, comme ses bonnes sœurs & filles: les maintenant en leurs honneurs & dignitez, avec tout ce qui leur appartient, soit en villes, terres, rentes, tiltres & biens tant presens que autres qu'elles pourroient cy apres acquerir.

8. Que s'il leur plaist disposer des terres du domaine, de leurs meubles, ou deniers, au profit de qui que ce soit, faire le pourront: sans qu'aucun puisse  
 iamaï venir au contraire.

9. Quant aux villes de Bourdeaux, Limoges, Cahors, Benarn, & Bigorre, que Galosuinde sœur de Madame Brunehaut venant en France acquit veritable-  
 mēt, tant pour son dot, que pour le don du matin que l'on appelle *Morgangheba*; & lesquelles appartiennent à ladicte Brunehaut, par jugement donné du vi-  
 uant des Rois Chilperic & Sigisbert, par haut & puissant Prince le Roy Gunt-  
 chram, & les seigneurs François, il a esté accordé, que ladite Dame Brunehaut,  
 iouyra dès à present en propriété de celle de Cahors; avec tout le peuple, fins  
 & limites de ladite ville, & quant aux autres, le Roy Guntchram en iouyra sa-  
 vie durant; A la charge qu'apres sa mort, la propriété retournera à ladite Da-  
 me Brunehaut, ou ses heritiers, sans que lesdits Brunehaut ou Childebert son  
 fils, puissent rien demander en icelle, durant la vie dudit Roy Guntchram: pour  
 cause de laps de temps, prescription, & subtilité quelle que ce soit.

10. Semblablement a esté accordé, que le Roy Childebert aura Senlis tout  
 entier, Et pour recompense du tiers de ladite ville, qui appartient au Roy  
 Guntchram, ledit Roy prendra le tiers, qui appartient au Roy Childebert au  
 pais de Rosfonteuze, que ie n'ay encores remarqué. . . . .

11. Il a esté aussi conuenu (suivant ce que ja auoit esté accordé entre feu de  
 bonne memoire le Roy Sigisbert, & ledit Roy Guntchram) que tous les vas-  
 saux liges, qui apres la mort du feu Roy Clotaire, firent premierement seruice  
 au Roy Guntchram, pourront estre transportez de là où ils demeurent à pre-  
 sent, s'ils sont conuaincus d'auoir pris autre party. Comme en pareil cas, ceux  
 qui auront donné premierement leur foy au Roy Sigisbert, & puis seroient  
 tournez d'autre costé.

12. Semblablement, tout ce qui a esté & sera cy apres donné aux Eglises,  
 leurs vassaux & sujets, leur sera gardé.

13. Que tout ce que leurs vassaux possèdent loyaument par les deux Royau-  
 mes leur sera conserué: & en pourront jouyr sans contredit.

14. Que si aucune chose a esté desrobée & ravie durant les differents de la

L'an de succession du Royaume : elle pourra estre demandee en Iustice, suivant les loix.  
Iesus Christ.

15. Que chacun iouyra de ce qui luy a esté donné par les Rois precedens : iusques au trespas du Roy Clotaire : & dès à present sera restitué ce qui en aura esté pris.

16. Et affin que ceste alliance demeure ferme, il a esté accordé, que les sujets des deux Rois, pourront aller & venir par les deux Royaumes, tant pour affaires publiques, que priuees : sans qu'on leur puisse nier passage.

17. Item, aucun ne pourra solliciter les vassaux liges de l'autre, ne les recevoir : quand bien ils voudroient entrer en leur seruice.

18. Que s'il conuient à l'une des parties s'adresser à l'autre, pour auoir restitution de quelque chose perduë, iustice luy sera renduë, selon la qualité du fait.

19. Encores il a esté aduisé & accordé, au cas que l'une des parties voulut faire contre le present traité, par subtilité, ou dans quelque temps, qu'il descherra de tous les aduantages, que tant par les precedents que le present traité il auoit acquis : & lesquels aduantages retourneront au profit de celuy, qui inuiolablement aura gardé lesdits accords : & lequel pour ce regard demeurera absous des serments par luy faits.

20. Et pour plus grande seurété des choses susdictes, les parties jurent par le nom de Dieu Tout-puissant, l'inséparable Trinité, toutes choses diuines, & l'espouuentable jour du Iugement, garder à iamais le contenu cy dessus, sans fraude ou malengin. Fair le vingt-huictiesme Nouembre, le vingt-sixiesme an du regne du Roy Guntchram, & douziesme de Childebert. Ce dacte vient en 591. l'an cinq cens quatre vingt vnze de nostre Seigneur Iesus Christ. Le m'esbahis, comme tous ceux qui ont escrit depuis Gregoite, ont oublié à mettre en leurs Annales, ce traité, qui seul de tant d'autres passez en ce temps-là, nous reste entier : Et par lequel, l'on peut apprendre tant de secrets de l'antiquité, tant pour le doüaire des Roynes, que pour le partage des Rois, & autres remarquables particularitez y contenues : & dignes d'estre escrites & laissees à la posterité pour seruir d'exemple.

## CHAP. XVII.

*Loup Duc de Champagne. Cahors rendue à Brunehaut. Vrsion & Bertefred compagnons de Rauching retirez à Vabres de Champagne, tuez. Coustume de iurer l'innocence d'un criminel. Richard Roy d'Espagne, renonce avec tous les siens à l'Arrianisme. Demande Clodesinte sœur de Childebert. Bretons courent le pays Nantois.*



N ceste venuë de Rois, Dinamie & Loup Duc de Champagne, furent receus en la bonne grace de Childebert : & le pais de Cahors rendu à Brunehaut : Ce fait, & le traité escrit, chacun retourna en son pais & ville capitale. Quant au Roy d'Austrasie, il enuoya



son armée assiéger Vrsion & Bertefred, retirez au pais de Vabres, ainsi que j'ay dit: en vn village assis au sommet d'une haute montaigne, qui commandoit à ceste place: où Vrsion auoit basti vne Eglise en l'honneur de saint Martin, dans les ruynes d'un chasteau, lors plus fort d'assiete que de main: où ils estoient enfermez avec leurs femmes & familles. Childebert fit contre eux marcher son armée, conduite par Godegisile, gendre de Loup: qui par le chemin pillà & brulà tout autant de maisons qu'il trouua appartenir aux dessus-dits: & quand ils furent deuant la place, Godegisile assuré de ne pouuoir tirer ces rebelles de leur fort, essaya d'y mettre le feu, quoy voyant Vrsion, sortir: & se porta si vaillamment, que aucun ne l'osa affronter, qui ne le mit à mort: Et entre autres Tradulf Comte du Palais: ce neantmoins, apres auoir esté bleffé en la cuisse il cheut, & fut accablé de coups. Cestui-cy mort, Godegisile cria, Paix, mes amis Paix, puisque l'ennemy de nos Rois est mort: quant à Bertefred, qu'aucun ne luy face mal. Apres cela, comme chacun s'amusoit au pillage de ce qui estoit en l'Eglise, Bertefred monté à cheuals s'enfuir, prenant le chemin de Verdun: où il se retira dans vn oratoire de la maison Episcopale, cuidant y estre en seureté: pource que l'Euesque y estoit. Cela rapporté au Roy, il menaça Godegisile de le faire mourir, si Bertefred eschappoit: Et pource, le Duc craignant la fureur du Roy, fit enuironner l'hostel de l'Euesque, qui ne le vouloit rendre: mais les soldats descourans l'oratoire, le tuerent à coups de tuilles. L'Euesque courroucé de ce que le lieu où il auoit mis des reliques, estoit prophané, & pollué de sang humain, ne peut estre satisfait par le Roy: qui par presens essaya de l'appaiser. Lors plusieurs Seigneurs redoubtans la fureur du Roy Childebert, vuidèrent le pais: & aucuns furent chassés de leurs Duchez. Le Roy Guntchram se fit aussi amener Vadon prisonnier, accusé de crime de leze Majesté: lequel tout enchainé il enuoya à Paris: mandant que si Fredegonde monstroir par tesmoignage & sermens de gens de bien qu'il fut innocent, on luy donnast congé. Ce criminel amené à Paris, il ne se trouua aucun de la part de Fredegonde pour soustenir son innocence: au moyen dequoy il fut remené à Chaalons, lié cōme il estoit, avec seure garde: & neantmoins avec plusieurs allées & venuës, il fut depuis renuoyé en sa maison, à la requeste de Leudoal Euesque de Bayeux. Ceste façon de iurer l'innocence, estoit vn moyen de vuidier plusieurs differents de nos François: & s'obseruoit en ceste façon. Les accusez hommes ou femmes (car elles y estoient aussi receuës) comparoissoient deuant le Iuge, ou le corps de quelque Saint renommé, conuenu entre les parties (car en ce temps-là les reliques des Saints furent en plus grande reuerence que iamais) là où douze parens du defendeur, iuroient son innocence: & si le demandeur & ses parens iuroient le contraire, il falloit combattre en camp clos: & le vaincu mouroit, ou payoit l'amende & composition portee par les loix: lesquelles auoient arresté quelques sommes d'argent, presque pour toutes fautes: soit de larcin, ou d'homicide. Entre les autres coupables de la trahison de Rauching, restoit encores Giles Euesque de Rheims, lequel accusé & adiourné, se fit iurer assurance dans l'Eglise de S. Remy de Rheims: puis vint avec grâds presens trouuer le Roy, qui le

L'an de  
Iesus  
Christ.

Année de  
Iesus  
Christ

r'enuoya: apres qu'il eut fait sa paix avec Loup, jadis chassé du Duché de Châpagne, à la fuscitation dudit Euesque. Dont le Roy Guntchram fut marry: pour autant que Loup luy auoit promis de iamais n'apointer. Au mesme temps (combien que Nangis dise, l'an cinq cens nonante cinq) Richart Roy d'Espagne ayant assemblé les Euesques de son país en la ville de Toledé, le quatriesme an de son regne, fit disputer les Arriens contré les Catholiques, voyât (côme il disoit) que les Arriens ne faisoient point de miracle ainssi que les nostres monstroient sur les malades: & creut en vn Dieu, sous la distinction du Pere & du Fils, & du sainct Esprit: puis se fit oindre de chresme, confessant Iesus Christ esgal à son Pere: & persuadant aux Vvissigots de faire le semblable. En quoy il fut obey, apres les remonstrances de Fulgence, Ilidore surnommé le grand, Leandre & autres Euesques tant d'Espagne, que des villes de Septimanie del'obeyssance dudit Roy. Lequel depuis enuoya des messagers au país de Narbonne, asseurer de ce changement les habitans, qui le suiurent. Semblablement il depescha des Ambassadeurs vers les Rois Guntchram & Childebert, pour demander leur amitié: puis qu'il estoit de mesme creance. Guntchram n'y voulut point entendre, disant, qu'il ne deuoit croire ceux qui auoient mis en captiuité, & fait mourir en país estrange Ingonde sa niepce: & encore tué son marry. Que iamais il n'oiroit ses Ambassadeurs, que Dieu ne l'eut vengé de tels ennemis. Mais ceux qui allerent vers Childebert, furent plus humainement receus: car ils disoient, que leur maistre se vouloit purger par serment, & toutes autres façons qu'il desireroit, de n'estre coupable de la mort de sa sœur. Qu'il demandoit son alliance, & outre cela luy donnoit dix mil sols d'or: moyennant que l'on voulut secourir l'autre en sa necessité. Là dessus, Childebert & sa mere promirent d'entretenir paix & amitié avec luy. Et les Ambassadeurs, apres auoir donné & receu de beaux presens, pour plus grande confirmation de la paix, adiouterent auoir charge de leur maistre de luy demander Clodofinte sa sœur en mariage. A quoy Childebert & sa mere respondirent, le vouloir bien: Et toutesfois, ne pouuoient passer outre sans l'aduis du Roy Guntchram: auquel ils auoient promis de ne faire chose sans l'en aduertir: de sorte que les Ambassadeurs retournerent en Espagne, avec telle responce. Durant le Printemps de ceste annee, les pluyes furent bien grandes: & apres que les arbres & vignes eurent jetté leurs fueilles & fleurs, il cheut vne neige, qui pourrit tout: & puis la gelee haur les bourgeons des vignes, & les fruits des arbres: car elle fut si violente, que les arondelles & autres oyseaux passagers moururent de froid. Et qui sembla chose merueilleuse, la gelee gasta tout où elle ne souloit point donner: sans faire aucun mal où elle auoit accoustumé de nuire. Les habitans de Mets furent lors grandement trauaillez d'un flux de ventre dissenteric: & les Bretons coururent les villages de Nantes, & emmenerent des prisonniers: dont le Roy Guntchram aduertty, depescha gens pour en demander la raison, ou les menasser d'enuoyer vne armee contr'eux: ce que les Bretons craignans, promirent le tout amender. Au moyen dequoy, le Roy nomma des Commissaires, à sçauoir les Euesques Namat d'Orleans, & Bertrand du Mans, avec des Comtes & autres Seigneurs de marque.

siarques. Il s'y en trouua aussi du Royaume de Clotaire, lesquels tous assem-  
blez au pays de Nantes, parlementerent avec Vvaroch & Vvindinacle Bretons  
qui confesserent seauoir bien que les villes de ces quartiers appartenoient au  
Roy Clotaire fils de Chilperic : neantmoins estoient prests d'amender ce qui  
estoit mal-fait. Puis ayans donné pleiges, & sous-signé l'accord, ils promirent  
d'enuoyer mil sols d'or à chacun des Rois Guntchram & Clotaire : & iamais  
n'entrer dans le territoire des villes de ce pays. Ce pendant, Namat euesque  
mourut à Angers, au retour de ce voyage : & fut enterré à Orleans en l'Eglise  
sainct Agnan : & Austrin fils d'unberger luy succeda. Mais Vvaroch qui ou-  
blia son serment, vint faire vendange au pays de Nantes, & emporta le vin à  
Vannes. Dont le Roy Guntchram marry, commanda de leuer vne armée, qui  
toutesfois ne bougea. En ce temps, Sichart fut tué par Charmisindé : De-  
quoy la Royne Brunehaut courroucée, pour ce qu'il estoit en sa sauuegarde,  
confisqua tous les biens du meurdrier : & les donna à Fabian son domestique  
ou secretaire: qui les rendit à Chramisindé.

CHAP. XVIII,

*Ambassade de Gregoire de Tours vers le Roy Guntchram. Occasion d'as-  
sembler les Sinodes. Peste commençant à Marseille, court les Gaules. Gunt-  
chram estimé pour sa sainteté. Abbé sous Euesque. Vn Euesque ne pou-  
uoit laisser son Euesché pour prendre vn autre. Bretons courent le pays de  
Rennes. Ingoberge Roine, uesue d'Ariherbert Roy, morte aagée de nonan-  
te ans. Le Duc Amalon tué par vne fille. Babinon vaisseau en façon de  
casses. Enfants de Gombaut en Espagne.*



**L'**A N treziesme du regne de Childebert, qui estoit le cinq  
centis nonante deux de Iesus Christ, nostre Gregoire avec  
d'autres, fut enuoyé comme Ambassadeur à Chalon, vers  
le Roy Guntchram, pour le saluer : & l'aduertir que Chil-  
debert en toutes choses luy vouloit obeir, & garder l'al-  
liance entr'eux iurée. Guntchram respondit, qu'il ne pou-  
uoit se contenter de son neveu, rât qu'il luy retiendrait sa  
part de Senlis; & souffriroit pres de soy ceux qui luy estoient  
contraires. A quoy Gregoire dit, que le Roy d'Austrasie estoit prest de luy bail-  
ler sa part de ceste ville : & qu'il fit mettre par escrit le nom de ceux qu'il vou-  
loit estre chassez. Lors Guntchram commanda de lire le traité nouvellement  
fait entr'eux à Andelau. Lequel leu, il dit vouloir estre chastié par le iugement  
de Dieu, s'il faisoit iamais rien de contraire. Puis se tournât vers Felix qui au-  
si estoit de l'ambassade, luy dit : Et bien Felix, que vous en semblez auez vous  
pas fait accord entre Brunehaut ma seur, & Fredegode ceste ennemie de Dieu  
& des hommes? Felix luy répondit, Que le Roy ne deuoit craindre qu'il  
y eut autre amitié entr'eux, que celle qui par tant d'années y auoit esté : & de-

MM

Deuoit s'asseurer, que l'ancienne inimitié croissoit tous les iours, plustost qu'elle  
 ne diminuoit: mais pleust à Dieu, que luy mesme luy portast moins d'affection.  
 Car ils auoient bien souuēt cogneu, qu'il receuoit de meilleur couraige sages,  
 „ que ceux qui venoient d'Austrasie. Guntchrâ dit, ie vous prie Euesque de Dieu  
 „ eroite que ie leur fai telle caresse, que pour cela ie n'oublie l'ambour que ie porte  
 „ à Childebert mō neveu: pource que ie ne puis contracter amitié avec ceux, qui  
 „ m'ont voulu oster la vie. Lors Felix luy dit, qu'il scauoir bien comme Richard  
 „ Roy d'Espagne, auoit enuoyé demander en mariage Clodesinde sa niece: ce que  
 „ Childebert n'auoit voulu accorder sans premierement entēdre sa volonté. Le  
 „ Roy dit, qu'il ne trouuois bō d'enuoyer la niece, la où la sœur auoit esté tuée: &  
 „ n'estoit raisonnable de laisser sans vengeance la mort d'Ingōde. Mais Felix dit,  
 „ que le Roy d'Espagne estoit prest des'en purger en toutes les façons qu'il au-  
 „ ieroit luy mesme, pourueu qu'il luy promist Clodesinde en mariage. Guntchrâ  
 „ respondit, que si son neveu accōplissoit le cōtenu au traité; il seroit aussi tout  
 „ ce qu'il voudroit pour ce regard. Les ambassadeurs promettans qu'il le feroit,  
 „ Felix adiouta: que Childebert le prioit de vouloir l'ayder à chasser d'Italie les  
 „ Lombards; à fin de reprendre la part de ce pays, que son pere souloit tenir: &  
 „ rendre le reste à l'Empereur. Guntchrâ respōdit, que pour l'heure il ne pou-  
 „ uoit renuoyer son armée en Italie, veu la grande peste qui regnoit en ce pays.  
 „ Gregoire adiouta, qu'il auoit mandé à son neveu, de faire assembler tous les  
 „ Euesques de son Royaume, & neantmoins Childebert pensoit estre meilleur,  
 „ que suyuant les Canons, chacun Metropolitain assemblast les siens: & s'il trou-  
 „ uoit en sa prouince chose digne d'amender, elle fut corrigée. Car quel besoin  
 „ estoit-il d'amasser des gens, veu que la foy de l'Eglise Chrestienne n'estoit en  
 „ danger, & ne se presentoit aucune heresie? Quelle necessité donc y auoit-il de  
 „ faire venir si grand nombre d'Euesques? Guntchrâ dit, qu'il se presentoit beau-  
 „ coup d'affaires à demesler, tāt sur plusieurs violēces & mariages incestueux, que  
 „ pour les accords qui se traitteront entr'eux mesmes: & principalement pour sa-  
 „ uoir la cause de la mort de Pretextat Euesque, occis dās son eglise. Qu'il falloit  
 „ aussi vider le different de ceux qu'on accusoit de paillardise (ie croy qu'il enten-  
 „ doit non seulement des laics mariez en degrez defendus; mais aussi des Prestres  
 „ tenans encores leurs femmes) afin que s'ils estoient ingez auoir mal fait, ils fus-  
 „ sent condamnez par les euesques: & où ils seroiēt trouuez innocens, tel erreur  
 „ ou scrupule fut publiquement effacé. Ce discours monstre euidemmēt que ce  
 „ qu'on appelloit Sane & plaids generaux, estoit vne bonne assemblée d'Estats &  
 „ parlement: où toutes affaires ecclesiastiques & du Royaume, se vuidoiēt par le  
 „ conseil des euesques, Ducs, Comtes & Seigneurs appelez. Apres ces propos  
 „ tenus d'vne part & d'autre, le Roy Guntchrâ ordonna que le Sane seroit remis  
 „ au mois de May. Ce fait, ils s'en allerent à l'eglise pource que c'estoit le iour de  
 „ Pasque. Les Messes dites, & le Roy ayant magnifiquement & ioyeusement fe-  
 „ stoyé les Ambassadeurs, il leur dit: Que si son neveu luy tenoit promesse, tout  
 „ ce qu'il auoit estoit sien: & ne se deuoit offenser, s'il receuoit ceux de Clotaire.  
 „ Car il n'estoit pas si mal-aisé, qu'il ne sceut tellement moderer son affection,  
 „ que toute occasion de scandale seroit ostée à l'un & à l'autre. Que s'il cognois-

soit que Clotaire fut véritablement son neveu, il luy donneroît aucunes cites <sup>l'an de</sup> en quelque part: pour môstrer qu'il ne l'auoit voulu desheriter: ne aussi luy en <sup>l'Ésne</sup> laisser tant, qu'il pout sacher Childebert. Apres cela, il donna congé aux Amba- <sup>Christ</sup> sadeurs, & leur fit de beaux presens: les admonestans de si bien conseiller Chil-  
debert, qu'ils le peussent longuement faire viure. En ce temps la peste qui auoit  
cômençé en la ville de Marseille (apportée par vn nauire Espagnol) gaigna tel-  
lement pays; qu'elle vintinsques en Lionnois. Ce qui donna occasion au Roy  
Gunthram de cômmander qu'on fit des processions & ieusnes au pain & à l'eau;  
distribuant luy mesmes de grandes aumosnes: car il estoit fort deuot, & tant es-  
timé pour sa bonne vie, qu'une femme pensa auoir guari son fils d'une fièvre  
quarte, pour luy auoir donné à boire de l'eau, où elle auoit fait tréper vn bord  
de la robbe de ce Roy. Et dit Gregoire, qu'il cuidoit ce miracle estre veritable,  
ayant luy mesme maintesfois ouy les démoniaques confesser leurs pechez en  
vertu de son nom. Ce fut lors qu'Ageric Euesque de Verdun mourut de cour-  
roux: pour ce que Boson venu sur sa foy, & Bertefred qui s'estoit sauué dâs son  
oratoire, auoient esté occis. Car tenant en sa maison les enfans de Boson, quand  
il les voyoit, il ne pouuoit se garder de pleurer: puis qu'à sa honte ils estoient  
demeurez orphelins. Bucionald, qui estoit Abbé sous luy (c'estoit côme vn chef  
de clercs, après l'euesque: car le nô de Doyé est plus nouveau aux eglises Cathé-  
drales) courut pour auoir l'Euesché: mais il n'auâça rien: pour ce que Charinier  
Refferendaire, fut déclaré Euesque par le Roy: du consentement des citoyés: d'au-  
tant qu'on tenoit Bucionald pour superbe, ce qui le faisoit appeller d'aucuns  
Bouc valide, ou puissant: car bouc, est vieil mot François. Liceric Euesque d'Ar-  
les mourut semblablement en la place duquel, Virgile Abbé d'Austun entra par  
le support de Siagre Euesque, Dentheric Euesque de \* . . . . mourut aussi, & \* <sup>Dente-</sup>  
Fronimie fut mis en sa place. Ce Fronimie natif de Bourges, s'estoit auttesfois <sup>ricus</sup>  
retiré en Septimanie, pour ie ne sçay quelle occasion: Là où ayant esté honno- <sup>Vincien-</sup>  
rablement receu par Lenuane Roy des Vvissigots, que ie pense estre le succel- <sup>sis Epif-</sup>  
seur du Roy Athanaelde, il fut fait Euesque d'Agde: Lenuane mort, Leuielde <sup>copm.</sup>  
pésant qu'il eust cōseillé Ingode fille de Sigisbert qui venoit en Espagne, de ne  
prendre la créance Arienne; fit plusieurs maux à cest Euesque, & en fin apo-  
sta des gens pour le tuer. Dont Fronimie aduerti, ne voulant desmentir son  
nom, se retira sagement en Gaule: où il fut receu de plusieurs Euesques, qui luy  
firent de grands presens: puis venât en la Cour du Roy Childebert, il fut pour-  
ueu de cet euesché vacant: le 9. an d'après sa fuite, jaçoit que des l'an cinq cens  
trente & quatre, l'ont tint qu'il n'estoit loisible à vn euesque de passer à vn au-  
tre Euesché, quand bien il seroit esleu: comme il fut pratiqué par Eutimie,  
qui de Trebizonde estoit venu à Constantinople: & depuis semble auoir esté  
observé en la personne de Frotaire euesque de Bourdeaux: chassé par les Nor-  
mans: & fait Archeuesque de Bourges par Charles le Chauue: dont il fut de-  
posé au Concile de Troye; tenu l'an <sup>et</sup> cens soixante & dix-huit. Mais peut  
estre que l'on considéra lors, qu'Eufonie estoit chassé par son Roy (qui possi-  
ble en auoit mis vn autre à sa place.) là où Frotaire estoit chassé par des pyrates  
idolastres: la crainte desquels ne luy deuoit faire abandonner son troupeau.

Bien de La mesme année, les Bretons coururent les territoires de Nantes & Rennes, vendangèrent les vignes, & gasterent les cultures ou clostaux des terres de labour, emmenans des prisonniers sans tenir compte de leurs promesses; & se moquans des Rois de France. Or combien que Childebert eut accordé sa sœur au Roy de Lombardie, qui la luy auoit demandée en mariage, il la promit aux Ambassadeurs Gots, en faueur de ce quelcun roy & peuple, s'estoient conuertis à la foy Catholique. Et qui plus est, il enuoya vers l'empereur, l'asseurer qu'il iroit faire la guerre en Italie, à fin de chasser les Lombards: Mais les François qui firent ce voyage, perdirent la bataille: & à grand peine sceurent retourner en leur pays: laissant vn si grand nombre des leurs morts, qu'il n'estoit memoire de plus. L'an quatorze de Childebert, & cinq cens nonante & trois de Iesus Christ, Ingoberge royne, vefue du roy Aribert, femme sage & religieuse, mourut aagée de nonante ans. Il faut qu'il y ait erreur au datte: ou que son mari qui fut fils de Clotaire premier l'eut espousée bien aagée. Elle laissa vne fille, mariée comme il ay dit, en Angleterre: au fils du roy de Cane, qui est Cantorberi. Ceste année il aduint vn cas bien remarquable: Amaton Duc, ayant enuoyé sa femme au village pour leurs affaires domestiques & de mesnage, estant amoureux d'vne fille de franche condition, l'enuoya vn soir enleuer par ses gens qui la batirent, parce qu'elle ne leur voulut obeyr. De sorte que le sang luy sortant par le nez, elle fut mise dans le liét en tel estat. Le Duc qui estoit yure, s'endormit: & la fille trouuant son espée, à l'imitation de Iudith, luy donna vn grand coup sur la teste. Le Duc esueillé par la blesseure, & ses vallets accourans à son cry, vouloient tuer ceste fille, s'ils n'eussent esté empeschez de luy faire mal par leur maistre, confessant auoir le tort; & elle raison de defendre sa chasteté: quoy disant, il rendit l'esprit. Mais cependant que les siens le pleurent, la fille échappée de la maison, & cheminant toute la nuit, vint à Chalon (ville esloignée de trente mil de là) où se iettant aux pieds du Roy, qu'elle trouua dans l'Eglise saint Marcel, luy déclara son fait. Lors non seulement il luy donna la vie, mais encores lettres; par lesquelles il la mettoit en sauue-garde: deffendant aux parens du deffunct de la molester. Au mesme temps, Ebregeisille fut despesché par Brunehaut, pour porter en Espagne vn bouclier de merueilleuse grandeur, fait d'or, garni de pierrieres: avec deux tasses en façon de celles de bois lors appellées Bachiuon, possible pour Bacchus (car pres Paris nous appellons encores Bachoues des hottes d'ozier serré, & propres pour porter la vendange pilée) qu'elle fit aussi faire d'or & de pierrieres. Dequoy le Roy Guntchram aduerti, & pensant qu'elle enuoyast ces presens aux enfans de Gombaut, tint clos le passage de son Royzume: & commanda de fouiller les voyageurs, iulques dedans leurs foulliers: pour descouvrir s'ils portoiēt des lettres. A ceste cause Ebregeisille passant à Paris, fut arresté par Ebrechere Duc; qui l'enuoya au Roy Guntchram: lequel d'arriuée le tira à rial de parolles, l'appellant meschât: & s'il ne luy fust soit pas d'auoir fait venir Balomer, que luy & les Austrasins appelloient Gombaut, afin d'espouser Brunehaut; sans aller encores porter des presens à ses enfans, pour venir en France se faire couper la gorge ainsi

que leur pere: lequel pensant conquerir son Royaume, estoit tombé entre ses mains. L'asseurât qu'il mourroit: puis que par son ambassade il pourchassoit la ruine de la maison. Ebregeille nia tout cela: disant, qu'il alloit porter ces presens à Richard, lequel deuoit espouser Clodesinde sa niece: & Guntchram qui le creut, le laissa aller avec tout ce qu'il portoit.

L'An de  
lesus  
Christ.

## CHAP. XIX.

*Childebert assemblant une armee pour aller en Italie, en est destourné par Guntchram. Cens de Poictou. Touraine franche de Cens. Armee de Guntchram en Septimanie est batue. Aucuns Neustriens demandent à Childebert un de ses fils pour estre leur Roy. Conspiration de Septimienne contre le Roy Childebert descouuerte, & sa punition.*



N ce temps, le Roy Childebert inuité par Sigismond Euesque de Mayence, delibera de faire Pasque en ceste ville, où Thierbert son fils fut malade d'une enflure de gorge, de laquelle il guarit. Et l'armee d'Austrasie lors asséeblee marcha vers l'Italie: ayant Childebert resolu d'y aller en personne. Dequoy les Lombards aduertis, enuoyerent des gens au deuant, avec presens le supplier de faire alliance ensemble: promestans aussi luy payer tribut, & le secourir contre ses ennemis. Ces offres par luy signifiees au Roi Guntchram, il luy conseilla de faire la paix: ne trouuant pas bon tel voiage. Ce qui fut cause, que le Roi d'Austrasie arresta son armee, au lieu où elle estoit: enuoyant scauoir des Lombards, s'ils vouloient tenir les offres de leurs Ambassadeurs. Mais eux plus assurez que deuant: n'en firent conte. Cependant le Roi d'Austrasie par l'aduis de Maroie Euesque de Poitiers, enuoya en Poictou Florent, grand maistre de sa maison, & Romul Comre de son palais (cecy monstre la difference des deux estats: estant possible l'un comme maistre d'hostel, & l'autre Iuge: & comme le grad Preuost) renouveler le papier du cens, que le peuple deuoit payer: comme jadis il auoit fait du temps de son pere: car plusieurs estoient morts. De maniere que toute la charge enriere tomboit sur les vesues & orphelins. A quoy ces commissaires ayas esgard, rendirent suiets au tribut, ceux qui loyaument le deuoient payer: & deschargerent les pauvres & miserables personnes. Ce qui monstre, que dès ce temps là le tribut estoit personnel: comme souloit estre celui des Romains, laçoit que les heritages y fussent aussi compris, voite les predieux meubles, ainsi qu'auns dir au premier liure. De là les mesmes Commissaires vindrent à Tours: là où voulans faire le semblable ils monstrerent vn registre, par lequel apparoiſſoit, que la ville auoit esté suiete à ce cens. Mais nostre Gregoire remonstra, qu'à la verité ce desnombrement n'ayant esté fait du temps de Clotaire premier, tous les papiers censiers auoient esté portez en la Court, & bruslez en la presence: par crainte qu'il eut de la puissance de S. Martin: qu'après sa mort,

M M iij

*L'an de* le peuple de Touraine ayant fait sermēt au Roy Aribert, il iura qu'il n'establi-  
*rois* roit aucune loy, ou coustume nouuelle sur le peuple: ains les maintiendroir  
*Christ.* en l'estat qu'ils estoient sous son pere, & sans mettre sus aucune ordonnance à  
 leur preiudice. Que Gaison Comte, venu au pays avec vn pareil registre, com-  
 mença de leuer le tribut, & ayant esté empesché par Euftron lors Euesque de  
 Tours, il estoit retourné vers le Roy avec peu de deniers leuez: luy mon-  
 strant le registre, que le Roy soupirant & craignant le pouuoir de sainct Mar-  
 tin mit au feu: & renuoya à l'Eglise dudit Sainct, les deniers ja receus: mandant  
 au Comte de ne leuer aucun tribut sur le peuple de Touraine. Que Sigisbert  
 possesseur de ceste ville apres la mort dudit Aribert, n'en auoit point leué, ne  
 mesme le Roi Childebert iusques à l'heure presente, qui estoit l'an quator-  
 ziesme de son regne: Qu'ils le pouuoient faire de leur autorité, mais aussi  
 qu'ils se gardassent de rien entreprendre contre le seruice du Roi. Les Com-  
 missaires monstrent le liure, par lequel apparoiſſoit que ceux de Tours estoient  
 subiects au cens. Gregoire disoit au contraire, qu'il ne venoit point du tresor  
 Royal: ains auoit esté gardé par quelques ennemis de la ville: & que Dieu le  
 chastieroit. De fait, le fils d'Andin qui l'auoit baillé, estant lors saisi d'une fie-  
 ure, mourut trois iours apres, Là dessus Gregoire Euesque de Tours enuoye  
 des gens vers le Roi, qui leur bailla lettres, par lesquelles il declaroit que pour  
 l'honneur & reuerence qu'il auoit à la memoire de Sainct Martin, il ne vou-  
 loit qu'aucun tribut fut leué de la ville de Tours. Cependant le Roy Gunt-  
 chram mena son armee en Septimanie, où le Duc Astrouald auoit ia reçu le  
 serment des habitans de Carcassonne: & Boson avec Antistie, s'estoient ad-  
 uancez pour prendre les autres places. Lors Antistie, sans faire conte du  
 Duc, pource qu'il auoit pris la ville de Carcassonne auant sa venue, s'approcha  
 avec les Sainctongeois, Perigourdiens, Bourdelois, Agenois, & Toulouzains,  
 campant sur vne petite riuere, où il faisoit bonne chere, en se moquant des  
 Gots: partie desquels embuschez, le reste auant qu'on s'en prist garde, se ietta  
 sur nos gens qui beuuoient. L'alarme bien chaudement donnée par le camp,  
 les Gots firent semblant d'auoir peur: & se retirerent pource qu'ils des-  
 iusques dans l'embusche: car lors ils tournerent visage, & ayans enclos les plus  
 aduancez, les mirent tous au fil de l'espee: & donnerent la chasse au reste, qui  
 s'enfuit: laissant le bagage par la campagne, & se tenans bien-heureux d'auoir  
 vie sauue. Il y mourut enuiron quatre mil personnes, outre deux mil prison-  
 niers, dont vne partie fut lachée, & le Roi Guntchram marry de telle perte, fit  
 clore les passages aux subiects de Childebert: disant que l'alliance de son ne-  
 ueu avec les Gots, auoit esté cause de la perdition de l'armee Françoisse, & em-  
 peschoit que les villes n'entrassent en son obeissance. Encores pour d'avan-  
 tage l'eschauffer: on luy dit, que Childebert auoit fait aller à Soissons Thie-  
 bert son fils aîné, comme s'il eut voulu oster audit Roi Guntchram la ville de  
 Paris. Aquoy Childebert n'auoit iamais pensé. Il se plaignoit aussi grandement  
 de Brunehaut: & l'iniurioit, disant: que tout se faisoit par son conseil, &  
 qu'elle vouloit faire venir le ieune fils de Gombaut, à fin de l'espouser. A ceste  
 cause, il fit publier vn Concile d'Euesques, au premier iour de Nouembre: qui



ne tint point, pource que Brunchaut se purgea par serment de toutes ces imputations. Au moyen dequoy les passages furent ouuerts aux suiets de Childebert, & à ceux qui vouloient aller en son Royaume. La mesme année, Childebert estant en la ville de Strasbong avec sa femme & sa mere, aucuns Seigneurs & hommes de guerre des villes de Soissons & de Meaux, le vindrent trouuer & prier leur donner vn de ses enfans pour estre leur Roi : à fin qu'ils eussent plus de courage de resister à leurs ennemis. Dont le Roi bien ioyeux, conclud d'y enuoyer Thiebert son fils aîné, auquel ayant baillé des Comtes, des Domestiques, des Maieurs & des Bails, ou Nourriciers (les Italiens appellent encore les Nourrices Balié) comme il affiert, à l'estat Royal : & pressé de ceux qui l'auoient demandé, il le fit partir au mois de Iuillet ensuiuant, de l'an cinq cens quatre vingt quatorze, avec contètement du peuple dece quartier, qui le receut en bien grande ioye. Pour lors estoit Euesque de Soissons Doctrigisille, <sup>594</sup> qui quatre ans au parauant auoit perdu l'esprit par trop boire. Aucuns auoient opinion, que cela fust aduenü par sorcellerie, & l'entremise de son Archidiacre. De fait, quand il estoit hors de la ville, il se portoit mieux : & neâtmoins, on ne luy voulut souffrir de venir à l'entree de ce nouueau Roi : Mais depuis l'assemblée tenuë par les Euesques à Sauriniac, il luy fut permis d'y entrer : & ie le rassentoy, comme vn fait de l'ancienne police. Or la Royne Failube acouchée d'vn enfant qui depuis mourut, en demoura longuemët malade : & pource que le bruit couroit qu'aucuns auoient machiné contre elle, & Brunchaut, au releuer de sa maladie elle vint trouuer le Roy, & luy dit auoir entendu, que Septimine gouuernante & nourrice de ses enfans, luy auoit conseillé de chasser sa mere : & apres l'auoir laissée elle mesme, espouser vne autre femme, à fin d'entièrement le gouverner. Que s'il n'y vouloit entendre : l'ayant fait mourir par fort, & mis ses enfans au throsne royal, ils chasseroient leur mere & ayeulle : & lors ceste nourrice manieroit les affaires du royaume. Que Sunigisille Comte de l'estable, Gallomage referendaire, & Droctulf (qui auoit esté donné à Septimine pour l'ayder à nourrir les enfans du roy) estoient de la partie. La nourrice prise avec Droctulf, & mise à la question, confessa qu'estant amoureuse du mesme Droctulf, elle auoit fait mourir son mary par fort, ou poison : ils confesserent aussi, ce dont ils estoient chargez : & que Sunigisille & Gallomage le scauoient bien : mais ceux cy aduertis de l'accusation, incontinent se mirent en franchise. Childebert les alla luy mesme voir, & leur promit quand bien ils seroient trouuez coupables, de leur donner la vie : disant, qu'il estoit chrestien, & penseroit mal faire, de punir ceux que par force il auoit tirez de l'Eglise, quelque criminels qu'ils fussent. Lors ils sortirent, & confesserent en iugemët, que Septimine & Droctulf estoient descouuerts à eux : mais qu'ayäs en horreur telle meschaceté, ils n'y auroient voulu prester cösentement. Pourquoy donc (dit le roy) ne nous en aduertissiez vous ? il faut que fussiez de la menee, puis que vous liez qu'elle nous fust celee. Ces criminels enuoyez hors de la presence du roy, retournerent en leurs franchises. Puis Septimine bien battüe, & fustrie par le visage, apres luy auoir osté tout ce qu'elle auoit vaillant, fut confinée au village Marlece (ie ne sçay s'il y a quelque Marle ou

L'an de  
Jesus  
Christ.

Uen de  
Iesus  
Christ.

Marle en ce quartier là) pour trainer la meule du moulin, qui fournissoit le pain des femmes de la maison Royale: Car c'estoit vne punition seruile: d'autant que l'usage des moulins à eau n'estant pas si commun, & encor' moins ceux à vent; à fin (ce croy-ie) de tenir en obeissance & occupation leurs esclaves, par la crainte de ceste peine & trauail ordinaire. Droctulf tondy, eut les oreilles couppees, puis fut enuoyé labourer les vignes. Sinigisile & Galomag confinez, perdirent ce qu'ils tenoient du domaine. Toutesfois estans venus en la Court de Childebert des Ambassadeurs du Roi Guntchram, parmy lesquels y auoit des Euesques, ils furent r'appellez: mais sans reconuerir autre chose, que leurs propres heritages.

## CHAP. XX.

*Occasion de la querelle de Ragonde & Maroue Euesque de Poictiers. Le scandale aduenu entre les Religieuses de sainte Croix. Discord entre Ingeltrude & Bertegunde sa fille. Entre Fredegonde & Riganthe sa fille. Fredegonde s'efforce d'estrangler sa fille.*



**D** V R A N T ces choses, au monastere des filles que sainte Ragonde auoit basty à Poictiers, il aduint vn grand scandale par faute de discipline, & la nonchalance de l'Euesque du lieu. Ragonde s'estant ainsi que l'ay dit retiree à Poictiers; Puis quand Sigisbert vint à la couronne, ayant obtenu des lettres de luy, elle enuoia des Clercs en Leuant, pour auoir du bois de la vraye Croix; des Reliques d'Apostres, & d'autres Saints. Les Reliques apportees, elle pria Marouë (lors Euesque) de les mettre en son monastere, avec procession du Clergé; & l'honneur qu'elles meritoient. Mais l'Euesque (qui possible les mesprisoit, d'autant que plusieurs ja en abusoient) ne tint conte de sa priere, & monta à cheual pour aller dehors. Au moyen dequoy, Ragonde fit supplier le Roi, vouloir mander au premier Euesque sur ce requis, de poser ces Reliques audit monastere. Ces lettres donc presentees à Eustrogon lors Euesque de Tours, il vint à Poictiers avec son Clergé, & honorablement conduir les reliques au monastere. Depuis, ceste royne ayant cherché tous moyens d'apoir la bonne grace de son Euesque, elle vint en Arles, avec l'Abbesse de son monastere. & là prit la regle de Saint Cesaire & Cesarie sa seur, qu'elles apporterent à Poictiers; se metans en la protection du roy, puisque l'Euesque (qui deuoit estre leur pere) ne tenoit conte d'elles: & faut croire que c'estoit comme vne sauue-garde: à celle fin que ceux qui leur feroient ennuy, craignissent les censures de l'Eglise, ou d'enfreindre la main du roy: n'estans encorés (ainsi que ie croy) en usage les aduociez des Eglises, comme ils furent depuis. Ceste inimitié de l'Euesque & de ragonde, croissant de iour à autre; la royne vint à mourir. Et lors l'Abbesse

l'Abbesse fut prier Marouë de la prendre en sa garde : Ce qu'ayant reffusé du commencement, en fin il promit de le faire, & d'estre leur pere spirituel. Venant à ceste fin en la Court du Roy Sigisbert, pour obtenir lettres par lesquelles ce monastere fut déclaré estre en la discipline, ainsi que les autres de son Euesché. Et toutesfois il semble par le premier Concile d'Orleans, que tous monasteres fussent subiects à l'Euesque, au Diocèze duquel ils estoient bastis. Ragonde morte, il s'esmeut querelle entre Leubouëre Abbesse, & Crodielde qui se disoit fille du Roy Aribert. Ceste-cy aiant practiqué aucunes religieuses ; par leur ministere fit accuser de crimes l'Abbesse ; à fin d'entrer en sa place. Et se fiant en son lignage, sortist accompagnée de bien quarante filles (parmy lesquelles estoit Basine fille de Chilperic) disant qu'elle se venoit plaindre au Roison parent, des outrages qu'on luy faisoit ; la traittant non comme fille du Roi, ains comme si elle fut venuë de quelque esclavie. Ainsi donc, sortie de Poictiers par vn temps pluuieux, elle vint avec sa troupe à Tours : se presenter à Gregoire Euesque du lieu, vn premier iour de Mars, fort lasse & trauaillie : le priant de vouloir prendre en sa garde ces filles, mal traittees par l'Abbesse de Poictiers ; & leur donner dequoy viure, en attendant qu'elle fust reuenue de la Court, où elle alloit. L'Euesque luy remonstra, qu'il failloit parler à son Abbesse : & si par l'aduis de Marouë, il trouuoit qu'il y eut de la faure, la faire amander. Cela ne peust la destourner de faire son voiage vers le Roi : pource qu'elle disoit, què l'Euesque estoit cause du trouble : & neantmoins, elle attendist le temps d'Esté. Lors ayant laissé aucunes religieuses en la garde de Basine sa cousine, elle vint trouver le Roi Guntcram, qui humainement la reçut ; & luy fit grands presens : puis la renuoya à Tours, attendre les Euesques, qui deuoient iuger le différend d'entre elle & son Abbesse. Cependant, ces religieuses abusées, se marrierent auant que Chrodielde fut de retour, & elle mesme, voyant que les Euesques tardoient trop à venir, se retira avec sa cousine ; en la franchise de Saint Hilaire de Poictiers, où elles assemblerent plusieurs mauuais garnemens : disans qu'elles estoient Roynes, c'est à dire filles de Roys, & n'entroient point au monastere, quel'Abesse n'en fut chassée. Godegisile Euesque de Bourdeaux, aduertý du scandalle, pource qu'il estoit Metropolitain de la Prouince, vint à Poictiers : accompagné de Nicquaise Euesque d'Angoulesme, & Safere de Perigueux, avec lesquels & Marouë ; entrans en l'Eglise de Saint Hilaire, il admonestaces Religieuses de retourner en leur monastere. Mais voyant qu'elles ne luy vouloient obeyr, il les menaça d'excommunier, ainsi qu'il estoit porté par la charte de leur fondation. Lors ces femmes (car ie lis ainsi selon les vieux exemplaires de Gregoire) accompagnées des meschans que j'ay dit, se ietterent sur le Clergé : de sorte que les Euesques & Diacres furent contraincts fuir, blessez : & laissant l'Eglise ensanglantée. Dés ceste heure là, Chrodielde se porta pour Abbesse, & se mit en possession des heritages du monastere : menaçant celle pouuoit entrer dedans, faire ietter l'Abbesse par dessus les murailles. Cela rapporté au Roy Childebert il commande à Macon Comte de Poictiers, d'y donner ordre. Cependant Gb-

L'an de  
Jes<sup>us</sup>  
Christ.

degit Metropolitain, excommunia ces fauces Religieuses: & combien qu'il fut requis tant par Porcaire Abbé de Saint Hilaire (que Marouë Euesques, assailly d'iniures par elles, auoit depeesché vers luy & les autres Euesques de la prouince) de les receuoir à la communion, il ne le peut obtenir: non plus que Theutaire Prestre, iadis Referendaire du Roi Sigisbert, & commis par le Roi Childeberr pour vider ce differend. Il n'y auoit pas meilleur ménage entre Ingeltrude vefue de ..... & Bertegunde sa fille. Ceste Ingeltrude, ayant autresfois basty vn monastere de filles au paruis de Saint Martin, auquel aussi s'estoit retirée Bertefede fille du Roy Aribert, sollicita Berthegunde sa fille, de venir demeurer avec elle, pour gouverner & estre Abbessse de ceste maison. Bertegunde lors mariee avec ..... laissa bien legerement son mary; & luy dit qu'il eut soin de leurs enfans; car les mariez iamais ne verroyent Dieu. Ce qu'entendu par nostre Gregoire, il leur remonstre que ceste opinion estoit fausse, & contre les Canons de Nice. Au moyen dequoy, la jeune femme craignant d'estre excommuniee, retourna vers son mary. Mais trois ou quatre ans apres, sa mere l'enuoya prier de reuenir: & Bertegunde ayant en l'absence de son mary, fait charger des vaisseaux, tant des biens qui luy appartenoyent, que de ceux de son mary, vint à Tours: amenant quant & soy vn sien fils. Toutesfois pource que sa mere ne la pouuoit retenir, au moyen de l'instance que son mary en faisoit, afin qu'elle ne semblast estre cause de diuorce, elle l'enuoya chez Bertrand son fils Euesque de Bordeaux, frere de ladicte Bertegunde. Le mary vint plusieurs fois à Bordeaux la demander: Ce neantmoins l'Euesque ne la luy vouloit rendre, disant qu'elle n'estoit point sa femme, puis qu'il l'auoit espousee sans le consentement des parens d'elle: jaçoit qu'il y eut trente ans qu'ils fussent espousez. En fin, le mary voyant qu'il ne la pouuoit rauoir, vint à Orleans, où le Roy Guntchram sejournoit: en la presence duquel il reprocha à l'Euesque de Bordeaux, qu'il luy auoit desrobé sa femme & ses seruantes: lesquelles il entretenoit: comme aussi ses seruiteurs faisoient sa femme: dont le Roicourroucé, menaça l'Euesque: & le contraignit de promettre qu'il rendroit Bertegunde à son mary. Disant, que s'il luy auoit fait tort, il vouloit qu'on le punit, puis qu'elle estoit sa parante: mais s'il n'y auoit point de faute de son costé, il la luy faillloit rendre. Bertrand Euesque, confessa qu'à la verité il auoit tenu sa sœur pres de soy, toutesfois qu'elle n'estoit lors chez luy: que son mary la cherchast, car pour son regard il ne l'empêcheroit. Apres cela, il enuoye des gens sous main, luy dire qu'elle eut à se retirer hors de sa maison: & que changeant sa robbe comme par penitence, elle allast en l'Eglise de Saint Martin: où son mary vint pour l'enleuer. Mais la trouuant en habit de Religieuse elle luy dit qu'elle auoit voüé penitence: & ne le vouloit plus suiure. Cependant, l'Euesque Bertrand mourut: & elle commença derechef à se branler: faschee de se voir priuee du support de son frere, & de ses enfans: & outre cela, delaissee de son mary. Lors elle se resolut d'aller en Roïstou: contre la volonté de sa mere, qui ne peut la retenir. Dont proceda leur inimitié, avec ce que Bertegunde disoit, que son frere luy auoit fait vne donation, laquelle debatue par sa mere, elle fit piller

la maison de Berregunde, & enleuer ses biens, avec ceste donation. En fin, <sup>l'an de</sup> les parties n'ayans peu s'accorder deuant Gregoire & Marouë quelque, & In- <sup>Jesus</sup> geltrude estant allee vers le Roy pour desheriter sa fille, il fut dit: que la quar- <sup>Christ.</sup> te partie des biens debatus, seroit adiugee à Berregunde: & les trois quarts à Ingeltrude, & trois petits enfans qu'elle auoit d'un sien fils. Et pour l'exécution fut commis Theutaire, qui n'en peut venir à bout: au moyen de la résistance de la fille: ce qui fut cause de continuer le scandale. D'autre costé, Rigunthe & Fredegonde sa mere, estoient estores en plus mauuais mesnage. Car la fille disoit, qu'elle estoit Dame: & reprochoit à la mere sa premiere condition de serue: avec tant d'autres outrages que bien souuent ils venoient à s'entrefrapper & donner des soufflets. Iusques à ce que Fredegonde plus russee luy dit: ma fille, pourquoy m'estez-vous tant contraire? Voila les biens de vostre pere que j'ay par deuers moy: prenez-lez, & vous en seruez. Cella dit, elle la mene en son cabinet, où elle ouure vn coffre, duquel tirant quelques pieces, elle les bailla l'une apres l'autre à sa fille: mais faignant d'estre lasse, elle luy dit qu'elle mesme les auint & tiraist. Rigunthe qui pensoit que sa mere y allast à la bonne foy s'estant panchée dedans le coffre, Fredegonde luy laissa tomber le couuercle sur la teste, & la pressa de telle sorte, que le pan du deuant du coffre luy serrant la gorge, elle estoit prestee à rendre l'esprit, & les yeux à luy sortir de la teste, si vne seruante ne fut accouruë dehors: criant que Fredegonde estrangloit sa maistresse. Lors ceux qui les attendoient entrerent dans la garderobe, & deliurerent Rigunthe du mortel danger où elle estoit. Dés ceste heure continga leur inimitié: laquelle principalemēt venoit de l'impudicité de Rigunthe: de sorte qu'il s'ensuiuit des querelles & meurdres entre leurs gens. Ceste année, apres Pasques, il cheut trois heures durant vne si grosse pluye meslée de gresle, que les ruisseaux couroient par les vallees, ainsi que grandes riuieres: & les arbres fleurirent en Autonne, portant fruit comme deuant. L'on vit des rozes au mois de Nouembre, & les riuieres desbordées, gasterent plusieurs bleds nouuellement semez.

NN ij

## CHAP. XXI.

*Grippon Ambassadeur François retourne de Constantinople, outragé par le peuple de Cartage. Satisfaction de l'Empereur non acceptée. Grosse armée de Childébert pour aller en Italie avec vingts Ducs, passe en Bawieres, & remet Tassilon chassé par Garibault. Andouald François, passe en Italie contre Anthar Roy de Lombardie. Fondation de Pavie. François retournent mal menez de peste & famine. Bretons ayans couru la frontiere, Gunschram enuoye une armée contr'eux. Chefs d'armées accusés de negligence. Combat en champ clos pour la mort d'un bœuf sauvage, tué en la forêt du Roy.*

194.



'A quinzeiesme de Childébert, qui estoit le cinq cens quatre vingt quatorze de nostre Seigneur Iesus Christ, Gripon gentilhomme François, dès l'an précédent enuoyé par Childébert pour estre son Ambassadeur en Constantinople pres Maurice Empereur, retourna eschappé d'un grand danger. Il festoit embarqué avec Baudegisile fils de Mommolen de Soissons : & d'Euant fils de Diantemie d'Arles : & leur nauire porté en Affrique par la force du vent, arriua au port de Cartage. Là où descendus à terre, & attendans que le gouverneur leur eust donné l'adresse pour venir deuant l'Empereur, vn serf d'Euant desroba quelques dérees à vn marchand : & les porta au logis de son maistre. Celuy à qui elles appartenoiennent le poursuinit, mais il n'en peut auoir la raison : parce que le serf différoit de les rendre. Quelques iours apres, le marchât qui le trouua en la place, le prit par la robbe : disant, qu'il n'eschapperait de ses mains, s'il ne luy satisfaisoit. Dont le serf indigné, tire son espee, & tue le marchant, puis se sauue au logis de son maistre, sans dire à ses compagnons ce qu'il auoit fait. Le meurdre rapporté au seigneur (Gregoire a voulu dire Comte, ou Iuge de la ville) il fit armer des gens, & vint au logis des Ambassadeurs François qu'il enuironna, accompagné de tout son peuple. Les Ambassadeurs qui dormoient apres midy, s'esueillierent au bruit : bien estonnez de voir l'assemblée. Mais le chef leur fit dire, qu'ils missent les armes bas, & sortissent pour amiablemēt sçauoir comme le meurdre s'estoit fait. Ce que les François accorderent, apres auoir demandé & reçu la seureté de leurs personnes : qui leur fut iuree. Là dessus, Baudegisile & Euant sortis de la maison, furent incontinent occis par le peuple irrité. Quant à Gripon, s'estant mis en defense avec ses gens, & remonstrant qu'il ne sçauoit rien du fait, il euit le danger : pource que la commune s'écarta, satisfaite par la mort des autres ses compagnons. Les François protestans que le droit des Ambassadeurs auoit esté violé, apres qu'en vain le gouverneur de la ville eut essayé d'appaiser Gripon, il le renuoya vers l'Empereur : auquel quand il eut déclaré sa charge, il conta la mort de ses compagnons. Maurice promet d'en faire la raison,

telle que Childeberrt luy mesme aduiferoit : & donna congé à Grippon avec des presens. Quelque temps apres, ledit Empereur enuoya au Roy d'Austrasie douze hommes enchainez : qu'il disoit estre chargez d'auoir tué ses Ambassadeurs à Carthage ; lesquels il fit presenter au Roy à telle condition qu'il donnoit puissance de les tuer, ou prendre pour la rançon de chacun trois cens pieces d'or. Toutesfois le Roy ne les voulut receuoir : disant qu'il ne sçauoit s'ils estoient ceux qui auoient commis le meurdre, ou des esclauues enuoyez en leurs places : & que les siens occis, estoient bien fort Gentils-hommes. Grippon qui estoit là present adiuoist, que ç'auoit esté le gouuerneur, lequel accompagné de deux ou trois mil hommes par luy assemblez, auoit tué ses compagnons. Et que s'il alloit en Carthage, il pourroit recognoistre ceux qui auoient fait mal : & lesquels l'empereur deuoit représenter, s'il vouloit entretenir la paix avec le Roy son maistre. Là dessus, Childeberrt donna congé à ces enchainez, enuoyant apres eux des Ambassadeurs vers l'empereur. Environ ce temps le mesme Childeberrt pour venger les pertes que ses gens auoient faictes en Italie, leua vne grosse armée : à laquelle il donna vingt Ducs ou chefs : à fin de separer les forces des Lombards : Audoual & Vintarion auoient la charge de ceux de Champagne : Quant aux autres chefs, ils ne sont nommez : mais ceste troupe en passant aupres de Mets fit de grands maux, & pillà tout, comme si c'eust esté en terre d'ennemis. Il y auoit quelque temps que Garibaut fils de Thiebert Duc de Bauieres, mesprisant l'autorité des Rois François, s'estoit déclaré Roy de son pays, deboutant Tassillon lequel venu en France, demander secours au Roy : durant son absence, l'usurpateur disoit estre mort pour s'entretenir en autorité : mais fut arresté au conseil de France de le charger le premier, pour d'autât plus affoiblir les Lombards. Au Roy desquels nommé Anthar, Garibaut auoit donné Theudelinde sa fille en mariage. Le pays de Bauieres tout aussi tost conquis, & Tassillon remis au Duché, les François separerent leurs forces. Car Audoual, accompagné de six Ducs, prist le chemin de Millan, & planta son camp en vne plaine assez loing de la ville. Or le Duc Olon (qui pourroit bien estre le Côte de Bourges cy deuant nommé) alla au costé gauche, vers le chasteau de Bellisone. Lequel s'aduançant indiscrettement, mourut d'un coup receu en la mamelle : & vn nombre de sa compagnie escarté pour viure, fut mis en pieces. Il y avn Lac aupres de Milan, lors appelé Cerelie c'est . . . . duquel sort vne profonde, mais estroitte riuere, sus laquelle les Lombards s'estans togez, les François vindrent les y chercher. A leur arriuée vn Lombard bien armé s'aduança la lance au poing & defia les François, criant que Dieu monstreroit celuy-là, qui auroit la victoire. Sus telle occasion, aucuns des nostres passerent outre, & tuerent ce Lombard : dont ces compagnons estonnez, prindrent la fuite : & l'armée Françoisse trauersant la riuere, trouua leur camp abandonné. Toutesfois pource qu'ils n'en pouuoient attrapper aucuns, ils retournerent en leur logis. Car Anthar abandonné par Amul de saint Gilles, Gundulf de Bergame, Valfar de Trebia (gaignez par les promesses des François ou Romains, & craignant l'issue de cette guerre) s'estoit retiré dans ses forteresses. Cepen-

L'an de  
Jesús  
Christ
 dant, voicy arriuer les Ambassadeurs de l'Empereur, qui aduertirent les François que leurs troupes se joindroient dans trois iours à eux: & qu'ils s'en tintent alleurez, quand ils verroient bruller vn village, qu'ils leur monstre-  
 rent assis sur vne haute montagne: Toutesfois après auoir attendu six iours, aucun Romain ne comparut. Or Chedin capitaine François, accompagné de treize autres, ayas pris le chemin à gauche, se ietta du costé de la ville de Tren-  
 te, & conquist cinq chasteaux: & trois mois durant eut le loisir de saccager l'I-  
 talie à son plaisir, sans trouuer personne qui luy fit teste: pource qu'Antar s'e-  
 stoit (comme i'ay dit) retiré dans *Ticinm* (c'est Paue) qu'il auoit bien garnie:  
 & neantmoins, il se trouue des Autheurs qui pensent que ceste ville ayât lors  
 esté prise par Pipion Duc François, il luy donna son nom, l'appellant Papie  
 depuis retourné en Paue. Mais il est bien certain par le tesmoignage des La-  
 tins; que ce *Ticinium* a esté fondé par les Gaulois: qui passerent en Italie avec  
 Belouese: ainsi que i'ay dit. Toutesfois il n'est impossible qu'estant destruite,  
 elle fut lors remise sus. Ainsi donc l'armée Françoisse trauaillée par faute de  
 viures, la peste & maladie se mirent bien tost parmi. Et pource, apres auoir  
 conquis ce qui souloit estre tenu par feu Sigisbert elle retourna en France a-  
 nec telle necessité, que la plus part furent contraincts de vendre leurs armes  
 pour viure. Lors Anthar voyant qu'il estoit temps de parler d'accord, enuoya  
 des gens vers le Roy Guntchram, luy remonstrer qu'il estoit prest de garder la  
 fidelité qu'il deuoit aux François: ainsi que ses predecesseurs estoient tenus.  
 Le priant de mettre fin à la guerre; & s'entr'ayder l'un l'autre, contre leurs en-  
 nemis: qui d'auantage les craindroient les voyans en bonne paix. Le Roy  
 François les ouyt volontiers: & dit qu'il en communiqueroit avec le Roy  
 Childebert; lequel assigna iour aux Lombards pour resoudre leurs affaires. Ce  
 pendant, Anthar venu de Veronne à Paue, & empoisonné, mourut le cin-  
 quiesme Septembre & le sixiesme an de son regne. Auquel succeda Agiluf,  
 choisi par Theudilindé vesue du dernier Roy; à laquelle les Seigneurs Lom-  
 bards (qui ne pouuoient entr'eux s'accorder) auoient permis de nommer  
 quelqu'un pour estre leur Seigneur, & quant & quant son mary. Ceste Roy-  
 ne bien instruite en la foy Catholique, fut cause de conuertir les Lombards:  
 & d'Arriens qu'ils estoient, suyure l'Eglise Romaine. La mesme année, Te-  
 tradie qui s'estoit ioincte au Duc Dizier en laissant Eulalie son premier mary,  
 fut par le iugement des Euesques & Seigneurs d'Auuergne & de Roüergue,  
 condamné à restituer le quadruple des biens par elle enleuez à son dit mary:  
 & outre, que les enfans sortis d'elle & Dizier, seroient declarez de mariage  
 illegitime. Cependant au moyen que les Bretons couroient les territoires  
 de Nantes & de Rennes, le Roy Guntchram commanda de leuer contr'eux  
 vne armée: de laquelle il fit chefs les Ducs Bepolen & Ebrachar. Mais ce-  
 stuy-cy voyant que si Bepolen obtenoit la victoire, il tiendroît aussi son Du-  
 ché, commença par le chemin à le quereller: puis ayant passé la riuiere  
 de Vidain ou Vilaine, non sans faire de grands maux par tout, ils arriuerent à  
 la riuiere, lors nommée Vvade: que ie pense estre Essorne, où ils firent des  
 ponts dessus, & passerent l'armée outre: car vn Prestre auois promis à Bepo-



len, de le mener où Vvaroch estoit avec son armée : & de fait, ce Duc qui s'ad-  
 uança avec aucuns des siens, durant deux iours, tua beaucoup de Bretons &  
 Sefnes Bessins, enuoyez au secours de Vvaroch par Fredegonde, qui les auoit  
 fait tondre & habiller ainsi que Bretons, pour les desguiser : ce qui monstre  
 vne difference de gens de ce quartier, tenas encores la façon des Romains ton-  
 dus : la où les François estoient cheulus. Toutesfois, Vvaroch renforcé, le  
 troiziesme iour Bepolen fut tué d'un coup de lance, & sa troupe enclose en-  
 tre des marets deffaite par le mesme Vvaroch. Car Ebrachar appelé par Re-  
 gulf (cest Rieulle) Euesque de Vanes, s'estoit retiré avec la plus grande par-  
 tie de l'armée. Et neantmoins, comme Vvaroch cuidoit gagner les Isles avec  
 ses plus precieux meubles, voyant ses nauires peris par tempeste de Mer, il de-  
 manda la paix : & vint trouuer Ebrachar, à qui il donna ostages : promettant  
 de iamais ne porter les armes contre le Roy Guntchram. Rieulle Euesque,  
 & les citoyens de Vanes firent pareil serment : disans, n'auoir iamais rien fait  
 de leur volonté, contre le Roy : ains par la force des Bretons. Ce qui mon-  
 stre que la vraye habitation des Bretons de ce temps-là, estoit Cornouaille,  
 & la basse Bretagne. Aussi Nantes est vn Comté séparé du Duché de Bre-  
 taigne. La paix accordée, & Vvaroch ayant donné son neveu en ostage,  
 comme Ebrachar qui reuenoit de l'armée eust fait passer la riuere à vne par-  
 tie des mieux montez, Vvaroch oubliant son serment, enuoya Canaon ou  
 Conan son fils, charger sur le reste des François : Aucuns desquels il emme-  
 na prisonniers & tua ceux qui vouloient faire resistance : car d'autres cuy-  
 dans à cheual passer la riuere, emportez par sa violence, furent noyez. Et  
 en ceste façon reuint de Bretagne l'armée François, haye des peuples par où  
 elle passoit. Et les chefs diffamez d'auoir pris argent de Vvaroch, Ebrachar  
 fut mal receu du Roy Guntchrâ, qui l'iniuria de parolles. Et apres l'auoir chas-  
 sé de sa presence, luy osta ses biens : de sorte qu'il tomba en tresgrande pauvre-  
 té. Quant à Vvilichaire, il s'absenta, n'osant se trouuer deuant luy. Aimon dit,  
 que Bepolen ayant esté occis par les Bretons, à la suscitation d'Ebrachar, ce  
 Duc ne pouuant satisfaire à l'amande, en laquelle suyuant la loy il fut condam-  
 né enuers les parens du deffunct, il tomba en pauvreté. Le quinziesme an de  
 Childebert, & cinq cens quatre-vingts quatorze de Iesus Christ, le Roy Gunt-  
 chram assigna vn gage de bataille entre deux des siens, pour bien petite occa-  
 sion, vn iour qu'il chassoit au pays de Vauge, ayant trouué le massacre d'un  
 bœuf sauage (ie croy de ceux que les anciens ont appelez Vry) il comman-  
 da de faire venir deuant luy le garde ou Verdier de la forest : qu'il pressa luy  
 dire, qui estoit celuy tant hardy de chasser dans ses bois. Le garde nomma vn  
 Chambellan appelé Cheudon, qui le nia : & pource, le Roy iugea que le  
 fait se veriferoit par les armes. Cheudon ayant mis son neveu en sa place  
 (car l'on pouuoit donner Champion pour soy) il aduint que le garde du bois  
 blessé au pied, cheut à la renuersé : & neantmoins, ainsi que son ennemy luy  
 vouloit couper la teste, il luy fourra son espée dans le ventre : de sorte que les  
 deux combatans moururent. Quoy voyant Cheudon, il s'en courut vers l'E-  
 glise de saint Marcel de Chalon, pour soy sauuer dans la franchise, & eust

L'an de  
 Iesus  
 Christ.

594.

*L'An de* esté que le Roy cria qu'on l'arrestast. De maniere, que pris & lié sur le champ  
*Iesus* à vn poteau, il fut lapidé. Toutesfois Guntchram se repentit depuis d'auoir  
*Christ.* fait mourir vn homme de bien, & qui luy estoit bon seruiteur. Ie n'eusse recité tel combat qui sembleroit leger, n'estoit que c'est le premier exemple de champ de bataille, que i'aye trouué en nostre histoire : & comme vn mespris des ordonnances du Roy, estoit estimé crime capital : car il ne faut pas croire, que Guntchram Prince tant religieux, eust fait cas de la mort d'une beste sauuage, s'il n'eust pensé qu'il y alloit quant & quant du mespris de sa Maiesté : laquelle il vengea par ceste punition, que ie croy n'auoir esté nouvelle entre les François : puis que cy dessus ie vous en ay conté vne autre pareille lapidation.

## CHAP. XXII.

*Proces entre Lubouere, Crodielde, & Basine Religieuses de Sainte Croix de Poictiers, & les scandales qui en aduindrent. Proces fait à Gilles Euesque de Reims pour sa trahison. Sapuntion. Childeric le Sene, & sa mort. Dispute pour la celebration de la feste de Pasques. Fontaines qui en Espagne s'emplissent diuinement le Samedi de Pasques.*



V mesme temps le Roy Guntchram aduerti que Clotaire son neveu estoit malade, & en danger de mort, partit de Chalon pour venir à Paris. Toutesfois acertené en la ville de Sens qu'il se portoit bien, il retourna arriere. Fredegonde cependant, enuoyoit ses offrâdes par les Eglises, & fit racheter des prisonniers que tenoit Vvaroch. Ce qui fit cognoistre (dir Gregoire) que Bepolen auoit esté tué, & l'armée defaite par la ruse de ceste femme. Lors Ingeltrude (dont i'ay parlé cy dessus) mourut aagée de quatre-vingts ans : & Berthegunde sa fille, en vertu des lettres obtenues du Roy, enleua tous ses biens du monastere que sa mere auoit fondé à Tours, sans y laisser que les parois : puis se retira en Poictou. La où Crodielde, d'autre costé accompagnée de gens, trouua l'Abbesse de Sainte Croix de Poictiers : & apres plusieurs meurdres d'une part & d'autre, l'auoit fait prendre & enleuer du monastere : de sorte qu'il fut mandé au Comte nommé Macon, d'y donner ordre ; & lequel fit punir les gens de Crodielde, qui s'efforçoient de luy resister. Ce pendant, nostre Gregoire & Ebregisille Euesque de Colongne, & Marouë Euesque de Poictiers, esclaireissent le different de ces Religieuses : & trouuans que la faute venoit de Crodielde & Basine, les excommunierent : remettans l'Abbesse en sa possession. Lors Crodielde se retira avec le Roy Childibert : & luy nomma aucuns, qu'elle disoit entretenir ceste Abbesse, & qui tous les iours portoient des nouuelles à Fredegonde son ennemie. Le Roy se fit amener les accusez pieds & poings liez, mais ils furent

furent trouvez innocens. Quelques jours au precedent, le Roy entrant en l'Oratoire de Marilege, (Ie ne sçay si c'est Marle) ses gens apperceurent vn homme, lequel tiré dehors & interrogé, confessa estre enuoyé par Fredegond pour le tuer: & qu'estans douze de compagnie les six venus en ce lieu, auoient laissé les autres à Soissons; pour abuser son fils. Quant à luy, il deliberoit de le tuer dans la Chappelle de l'Oratoire; & auoit esté retenu par crainte. Ce prisonnier incontinent mis à la gehenne, confessa & nomma ses compagnons; qui furent pris: & aucuns d'eux laissez aller, après leur auoir coupé les mains, & le nez pour estre remarquéz: la plus part se tua foy-mesme dans la prison; crainte d'estre bourrelez: & d'autres moururent à la question. Sunnegisille lors, fut derechef questionné: & tous les jours battu, de sorte que quand ses playes venoient à couler de boüe & se reclorre, on recommençoit. Durant ceste peiné, il ne confessa pas seulement d'auoir fait mourir le Roy Chilperic, mais d'autres meschancetez. Assauoir que Gilles Euesque de Rheims estoit de la conspiration de Rauching, Vrsion, & Bertefred, pour tuer Childebert. Incontinent l'Euesque qui ne faisoit que sortir d'une longue maladie, est enleué & gardé bien estroittement: iusques au Sane qui se deuoit tenir à Verdun au mois d'Octobre: là où les Euesques ayans blasmé le Roy de ce que sans auoir donné assignation à Gilles, il l'auoit fait prendre au corps (cecy est vne marque de priuilege Episcopal) il prolongea le Sane iusques à la mi-Nouembre ensuyuant: où il fallut que les Euesques se trouuassent. Et nonobstant le mauuais temps & pluuieux, & que les riuieres fussent desbordees, il les tira de là à Mets: où Gilles comparut. Lors Childebert l'appellant traistre, nomma Enode jadis Duc, pour l'accuser. Cestui-cy d'entrée, luy demanda pourquoy estant Euesque d'une ville de l'obeyssance de Childebert, il auoit contracté amitié avec Chilperic son ennemy; & meurdrier de son pere: qui auoit confiné sa mere, assailly son Royaume, & vsurpé les villes à luy appartenant, & pourquoy il auoit pris en don du mesme Chilperic, des terres & heritages du domaine. Gilles respondit qu'il ne pouuoit nier qu'il n'eust esté amy du mesme Chilperic. Quant aux terres, il les tenoit par l'autorité du mesme Childebert, suiuant les lettres qu'il monstra. Mais pource que le Roy nioyt les auoir données, l'on fit venir Othon Referendaire, duquel le seing se voyoit au bas de la charte, qui dit ne l'auoir point souscrite, car l'on auoit contrefait sa main: & en cela, l'Euesque fut premierement trouué menteur. Apres furent apportées des lettres que Chilperic & luy s'estoient entr'escrites: contenant qu'il falloit couper la racine pour faire mourir l'arbre: ce que l'accusateur interpretoit de Brunehaut, & de son fils. L'Euesque niant auoir receu ou enuoyé telles lettres, les minutes des siennes furent trouuees en la possession d'un sien seruiteur, qui les tenoit parmy les liasses des lettres missiues. Ce qui fit croire aux assistans, qu'elles auoient esté par luy escrites & enuoyées. Cela fait, on apporta des traictez passez souz le nom des Rois Chilperic & Childebert, pour chasser le Roy Guntchram: lesquels le Roy soustenoit n'auoir iamais esté faits de son aduis. Et lors, il ne se peut garder de luy reprocher, qu'il auoit esté cause de mettre ses oncles en discord; dont sensuiuit la guerre de Berry, le

*L'an de* pillage d'Estampes, & du Chasteau de Meung. Aussi que Dieu luy feroit rendre compte des hommes occis en ceste querelle. *Iesus* L'Euesque ne sceut que res- *Christ.* spondre à tout cecy : Car l'on auoit trouué ces lettres dans les coffres de Chilperic, quand apres sa mort ses thresors de Chelles furent apportez à Childeberrt. La cause ayant assez duré, Epifame Abbé de S. Remy, le chargea d'auoir pris mille pieces d'or, & autres choses pour demeurer amy de Chilperic: & encores ceux qui l'auoient accompagné en Ambassade, luy maintindrent qu'il auoit longuemét parlé seul avec ce Roy; sans auoir peu descouurir que c'estoit: sinon par la guerre qui s'ensuiuit. Et pource que Gilles le nyoit, l'Abbé qui auoit participé à ceste menée, nōma le porteur des deniers, & conta tout par ordre: ensemble l'entreprise qui deuoit estre faicte contre le Roy Guntchram, & à la destruction de son Royaume: ce que depuis l'accusé confessa, apres en auoir esté conuaincu. A ceste cause, les Euesques marrys qu'un Prelat fut veu chargé de tel crime demanderent delay de trois jours, pour en aduiser: affin  
 " que Gilles eut moyen de s'excuser. Le jour venu, & l'Euesque interrogé s'il  
 " auoit quelques deffences, respōdit, qu'ils ne targeassent plus à donner senten-  
 " ce contre luy, qui estoit coulpatible de crime de leze Majesté: ayant tousiours  
 " esté contraire au proffit du Roy & de sa mere: & cause de plusieurs guerres, par  
 " lesquelles aucunes villes de France auoyent esté destruictes. Lors les Euesques  
 oyans vne telle confession, & faschez de la honte de leur frere, en luy sauuant la vie, le dégraderent de l'ordre Episcopal: Le croy, suiuant les Canons, qui vou- loient que l'Euesque perdit sa dignité seulement, & non le degré de Prestre. Car cōme dit Burchard Euesque de Vormes en ses Canons recueillis de..... ce seroit deux fois juger de mesme chose, qui osteroit à vn Euesque & sa dignité Episcopale, & l'ordre de Prestre. Tant aucuns Ecclesiastiques se donnoient lors d'auantage, & scauoient bien dès ce temps-là, tordre le nez à l'Escripture, ainsi que l'on dit en Prouerbe. Et comme si la Prestre & l'Episcopat, au premier temps de la Chrestienté & de nostre Eglise, n'eussent pas esté vne mesme dignité: depuis distinguee pour esuiter le Schisme, & pour la commodité du peuple accru en la foy Chrestienne, lors que l'imposition des mains fut reser- uée à l'Euesque, par dessus les autres Prestres de son Eglise: qui deuindrent cō- me Curez des Paroisses: quand vne seule maison ou temple ne peut compren- dre le peuple Chrestien d'une ville. Incontinēt, Gilles est confiné à Strasbourg, & Romulf fils de Loup Duc de Champagne, fut pourueu de son Euesché: cō- me aussi Epifame osté de sa charge d'Abbé de saint Remy. Quant aux meubles de l'Euesque, tout ce qui fut trouué proceder de son mauuais acquest (i'entens de corruption) fut confisqué: sans toucher à ce qui venoit des biens de l'Egli- se. Au mesme Sane Basine excommuniee s'estant jectee aux pieds des Eues- ques, demanda pardon: & promit obeyr à l'Abbesse de Poictiers. Mais Crodiel- de, protesta iamais n'entrer au monastere, tant que Lubouëre y seroit: & le Roy ayant prié pour toutes deux, elles furent receuës à la communion, ainsi que les autres fidelles, à la charge de retourner en Poictou: à scauoir Basine au Monastere, & Crodielde au village que le Roy luy auoit donné par la confisca- tion du forfait des enfans de Vadon: lesquels accusez de brigander le païs de

Poictou, & aduertis que le Comte Maçon y vouloit remedier, vindrét en cour pour soy purger. Mais le Comte (qui semblablement s'y trouua pour le deub de son Estat) monstra qu'ils estoient coulpables. Et pource, mis à la question, nonobstant vn Baudrier & vne espee garnie d'or & pierreries d'Espagne, presentez au Roy; ils declarerent en leurs tourmens auoir partie des thresors de Gombaud: que leur pere auoit cachez. Au moyen dequoy l'aisné eut la teste coupee; & le ieune fut confiné. Par les procez faits en ce Sane, l'on peut remarquer dequoy l'on y traictoit: & encores la liberté de l'Eglise Gallicane & François: qui lors par soy-mesme jugeoit & decidoit les troubles & differens suruenus en icelle, sans l'autorité d'autre superieur: ne que les condamnez eussent recours à Rome. En ce temps, Childeric le Sefné, que le Roy auoit commandé de tuer pour les homicides & mechancetez que tous les jours il commettoit au pais d'Aux, où sa femme auoit des heritages, fut trouué mort tout saoul. Il auoit esté vn des principaux chefs, de ceux qui battirent les Euesques à saint Hilaire de Poictiers, pour le faict de Crodielde & Abbessé de sainte Croix de Poictiers. Ceste annee, il fit de nuit si grãd clarré, qu'on pensoit qu'il fut jour: & y eut doute & debat entre les Euesques pour la feste de Pasques: que d'aucuns firent la quinziésme Lune (laquelle se rencontra avec celle des Iuifs) ou la vingtdueziésme. Le seigneur de l'Escalle dit que ce fut l'ancien cens nonante quatre, auquel à la verité, les Pasques Iudaïques (selon Victor) escheurent l'vnziésme Auril, en vn Dimanche: veu que le circle solaire estoit quinze, la lettre Dominicale C. Mais selon Denis Abbé, le terme Paschal escheut au dixiésme Auril. Et ainsi, le lendemain la Pasque Chrestienne se pouuoit celebrer. Et par tant ce fut vne grande ignorance de suivre Victor, & non pas Denis l'Abbé, qui auoit corrigé Victor: lequel Victor, en certe annee contoit vn jour plus tard la pleine Lune que la raison ne souffroit. Car il contoit Lune vingtcinq celle qui estoit seize. Et dit Gregoire, que les fontaines qui en Espagne s'emplissoient au chasteau d'Oser (dont nous auons parlé) furent pleines la vingtdueziésme Lune. Or combien que ledit Autheur, en son sixiésme liure, recite que ces fontaines fussent de son temps audit chasteau, pas vn Espagnol, ne autre que i'aye leu, ne remarque vn si grand miracle: & ceux du pais ne sçauent aujourd'huy, que sont deuenues ces fontaines: non plus que si iamais n'y en eust eu. Mais ordinairement il aduient, que les miracles s'esloignent de ceux qui les cherchent. Il se fit aussi vn bien grand croulement de terre le quinziésme de May, & la Lune eclipsa enuiron la my-Octobre: tellement qu'il ne paroissoit de son corps, non plus que s'elle n'eust eu que cinq jours. Les pluyes furent grandes, les tonnerres espouuantables, & la peste endommagea le pais de Viuarais & d'Auignon.

*L'An de  
Iesus  
Christ.*

## CHAP. XXIII.

*Abuseur qui se faisoit adorer pour Christ, & menant vne femme, qu'il ap-  
pelloit Marie, est tué au Puy. Eusebe Syrien, faict Euesque de Paris. Sei-  
gneurs François ennemis combattent tellement qu'il ne demeura qu'un  
de leur famille. Guntchram parrain de Clotaire, fils du Roy Chilperic.  
La ville de saint Irier de la Perche. Jour de Dimanche pourquoy festoyé.  
Mort de Gregoire Archeuesque de Tours, estimé Sainct. Intention de  
l'Autheur de ces Antiquitez. Mort de Guntchram. Songe merueilleux  
de ce Roy.*

595.



AN xvi. du Roy Childebert, qui estoit aussi le cinq cens quatre vingts quinze de nostre Seigneur Iesus Christ : la peste trauailla Marseille, & la famine l'Anjou, Nantes, & Maine. Auquel temps, couroit vn abuseur que Genebrard nomme *Epistee*. Cest homme nay de Berry, estant allé en vne forest pour couper du bois, fut tellement tourmenté de mouches, qu'il en perdit l'esprit deux ans durant : puis vint en Arles, là où vestu de peaux, il prioit Dieu comme Religieux : & par moyen incogneu apprit l'art de deuiner. Lors il sortit de ceste ville & courut le país de Geuaudan, se disant Christ, & menant quant & soy vne femme, qu'il nommoit Marie. Or pource qu'il guarissoit les malades, le peuple s'assembla autour de luy, avec ce qu'il donnoit aux pauvres l'or & l'argent, ou vestement qu'on luy offroit, aucunes fois se jettant en terre avec ceste femme, il prioit Dieu : puis releué en pieds, se faisoit adorer, & predisoit les choses aduenir. De maniere qu'il abusa non seulement des simples gens, mais des Prestres : estant suiuy de plus de trois mil personnes : à l'ayde desquels il destrouffoit ceux qu'il r'encontroit : distribuant toutesfois son pillage à ceux qui n'auoient dequoy. Il menaçoit les Euesques, & citoyens des villes qui ne vouloient l'adorer. Entrant au país de Vellay, il vint à Anisi, qui est le Puy en Auvergne, où il s'arresta avec sa troupe, pour resister à Aurelle Euesque du lieu : auquel il enuoya ses messagers, gens qui alloient nuds, & faisoient des sauts & gambades. L'Euesque esmerueillé de voir la façon de tels Apostres, donne charge à des hommes hardis & bien aduisez, d'aller sçauoir que c'estoit, le plus ancien desquels, s'estant approché de l'abuseur, cōme pour luy baïser les genoux, le galant commanda le despouiller : quand cestui-cy qui mist la main à l'espee, se jetta sur le faux Christ, lequel il hacha en pieces, & fit mourir sur la place. Sa troupe dissipée, & sa Marie arrestee, & mise à la gehenne, confessa toutes ses tromperies & illusions. Ce neantmoins, on ne sçeut iamais oster hors de la fantasie de ceux qu'il auoit ja desbauchez, qu'il ne fut Christ : & ceste Marie quelque chose diuine. Le semblable aduint en plusieurs autres contrées des Gaules ; où des hommes s'accompagnans de femmes qui folloïent,

se faisoient appeller saints par elles, durant leur transport d'esprit. En ce temps mourut Raymond Euesque de Paris, auquel Pharamond son frere pensant succeder, vn marchant Syrien nommé Eusebe, le preuint à force de presens. Cestui-cy pourueu de l'Euesché, mesprisant l'escholle de son predecesseur (ie croy que Fortunat appelle ainsi le Clergé de la ville de Paris, & non pas l'Vniuersité des maistres & regents, qui enseignent les sciences, non encores dressée en la forme qu'elle est) employa des Syriens au ministere de la maison & biens Episcopaux : car plusieurs nations de diuerses langues, viuoient parmy les François : qui en leurs conquestes iamais n'ont changé les loix du pais vaincu : & laissoient toutes sortes de gens parmy eux, ainsi que i'ay dit cy deuant, parlant de l'entree que Guntchram fit à Orleans, l'an cinq cens quatre vingts. En ce temps, Sulpice Euesque de Bourges mourut. Et Eustache Diacre d'Augstun entra en sa place. D'autre costé, Fredegonde n'oubloit à maintenir son autorité par tous moyens. Car voyant que nonobstant ses prieres, aucuns Seigneurs François habitans de Tournay, ne vuloient appaiser la querelle qu'ils auoient ensemble, & qu'au contraire, à vn jour de bataille entr'eux assignee, il ne resta des deux troupes qu'un seul viuant (cela demonstre que les deffis & guerre des particuliers, ne sont venus depuis Capet) elle fit prier Chariual, Leudoald & Valdin, qui estoient les principaux de ceste faction, de venir banqueter en son Palais : où apres les auoir bien fait boire, elle atiltra trois hommes, lesquels quand les tables furent leuees, & que les Seigneurs estoient encores assis au banc, tout à coup deschargerent leurs haches, sur la teste de chacun de ces trois Seigneurs : qui demeurerent morts en la place. Toutesfois leurs parens & amis, courroucez de si grande hardiesse & cruauté, assiegerent Fredegonde, & aduertirent Childebert qu'il vint en grand diligence prendre son ennemy. Mais pendant que ce Roy fit partir ceux de Champagne, elle s'escoula & eschappa, moyennant le support des siens. Cela fait, elle enuoye des gens vers le Roy Guntchram, le prier de venir leuer des fonts Clotaire son fils : ce qu'il fit volontiers. Et ayant mandé les Euesques Eteric de Lyon, Siagre d'Augstun, Flaue de Chalon & autres qu'il voulut appeller, leur enjoignit d'aller deuant à Paris. Il y eut en ce Parlement & assemblée beaucoup de Seigneurs de son Royaume ; tant domestiques que Comtes, pour apprester les choses necessaires & la despense Royale. et quant à luy, comme il estoit resolu de venir, il fut empesché pour vne maladie de pieds : mais si tost qu'il fut guery, il s'achemina vers Paris : & vint à Rueil village prochain de ceste ville : là où ayant fait amener l'enfant, il commanda d'apprester les fonts de Baptisme à Nanterreboutg voisin de là. Pendant que les apprests se faisoient, les Ambassadeurs de Childebert arriuerent, & se plaignirent, qu'il contractoit amitié avec les ennemis de leur Roy, contre ce qu'il leur auoit promis. Car ils voyoient bien (disoient ils) qu'il vouloit esleuer au throsne Royal Clotaire enfant. Guntchram respondit, qu'ils ne faisoient rien contre les conuentions d'entre luy & Childebert : qu'il ne deuoit estre marry, s'il leuoit des sons vn sien cousin germain, veu que c'estoit chose que tous Chrestiens ne pouuoient refuser à vn autre.

*L'an de* Aussi ne pensoit-il à nul mal : ains seulement vouloit esuiter à offenser Dieu.  
*Iesus* Ioint qu'il ne faisoit des-honneur à leur maison, de leuer des fons cest en-  
*Christ.* fant. Et puis que les Seigneurs bien souuent tenoient ceux de leurs esclaves & serfs, pourquoy n'yferoit il de pareille courtoisie à l'endroit de son propre parent, le rendant son filieul ? A ceste cause, qu'ils rapportassent à leur maistre, qu'il luy gardoit ses conuentions : desquelles il ne se departiroit, tant qu'il les tiendroir de sa part. Les Ambassadeurs retirez, le Roy tint l'enfant au Baptesme ; & le nomma Clotaire : priant Dieu luy donner croissence, afin qu'il ne dementist son nom (car ie vous ay cy deuant dit, que Clotaire en langage François-Germain, signifioit puissant) & fut aussi grand & redoubté, que celuy qui jadis l'auoit porté. Le baptesme fait, & le petit enfant inuité au banquet par son oncle, il luy fit encores des presens : comme au semblable le Roy Guntchram, festoyé par son neuueu s'en retourna à Chalon, avec dons que l'enfant Roy, luy presenta. Ceste annee mourut Iryer Gentil-homme Limosin, tant estimé pour sa bonne vie & miracles faits de son viuant, qu'il a donné son nom à vne ville, nommée saint Iryer de la Perche : à cause d'une Abbaye là fondee, pour sa memoire. Le pais de Nantes fut en ce temps, & au mois d'Auril, molesté par vne maladie, laquelle prenant à la teste, la moindre douleur que l'on sentoit en telle partie, donnoit la mort. Toutesfois, elle cessa apres les Rogations, lors celebrees avec grande abstinence, ieusne & cessation d'œuvre manuel, iusques aux serfs. Plusieurs aussi furent en telle saison touchés de foudres, qui cheurent au pais de Limosin, & aucuns, en Touraine : pour (ainsi que cuyde Gregoire) auoir trauaillé au Dimanche : jour saint, qui premier vit la lumiere apres qu'elle fut faite : & tesmoigna de la resurreccion de Iesus Christ : qui est la cause pourquoy tous fidelles le doiuent honorer, & ne faire ouurage durant iceluy. La secheresse fut si grande, qu'elle brusta & fit perir tous pasturages, dont les bestes tomberent en plusieurs maladies, qui firent mourir non seulement les domestiques, mais encores celles des bois : où l'on trouuoit grand nombre de cerfs & autres bestes sauuaiges mortes. Icy finit son histoire Georges Florent, Gregoire Euesque de Tours, le plus ancien Auteur qui ayt escrit des Rois François, & de leurs Royaumes en Gaule : duquel il faut confesser (jaçoit qu'on puisse souhaiter plus grande diligence en luy) que nous tenons les principaux secrets des Antiquitez Françaises. Ce bon Prelat yssu d'anciés Gentilshommes Gaulois Romains, fut natif d'Auvergne. Il estoit de petite stature : mais de grand courage : & tant estimé pour sa bonne vie, qu'il en acquit le nom de saint : & comme tel sa feste se trouue celebree le dixseptiesme jour de Novembre : auquel il mourut : le vingt & vnde son Euesché, & cinquante quatre de son aage. Si ceux qui sont venus depuis luy, eussent aussi bien fait, & recueilly les choses de leur temps, encores aurions nous plus grande cognoissance des faits passez. Toutesfois tel qu'il est, il le faut appeller Pere de nostre histoire. Ce qui ma donné occasion de mettre dans ces Annales mot à mot, la plus-part de ce qu'il a escrit, & l'enclorre parmy ce que i'ay tiré d'autres. Dont i'ay bien voulu aduertir ceux qui me se-



ront cest honneur que de lire ce que j'ay recueilly, afin qu'ils ne trouvent l'an de  
 estrange, la simplicité de ma narration. D'autant qu'il me sembloit (ayant ja fait l'esu  
 estat de descourir les Antiquitez Gauloises & Françoises) de ne pouuoir Christ.  
 mieux les donner à cognoistre, que par les Autheurs de ce temps là, & leurs  
 mesmes parolles. Or tout ainsi que les amples memoires des choses remar-  
 quables, donnent occasion aux escriuains de hausser leur style, & s'esgayer en  
 composant, aussi ne peuuent-ils honnestement le faire sans autorité, ne  
 hazarder leur fidelité (quelques sçauans, ou eloquens qu'ils soyent) sans tels  
 garands, ce qui aussi (avec ma foiblesse) fera la cause, pourquoy ces Annalles  
 auront peu de grace, estans bastis d'un simple & commun langage : tel que  
 mon naturel rond & facile. D'oresnauant ie m'ayderay pour le fondement de  
 ma narration, du recueil que l'on pense auoir esté fait par Idace ou Frede- Icy com-  
 gaire Scholastique : compris souz partie d'un liure, communement imprimé mence la  
 pour l'vnziesme de l'histoire de Gregoire, adioustant ce que ie trouueray par- recueil  
 my Aymon, priant aussi les Lecteurs, prendre en patience, si la pluspart de ce donné à  
 liure & du suiuant, sont maigres & desnuez des raisons & causes des actes Frede-  
 notables: que bien souuent ie n'ay peu, ou voulu deuiner. Mais pour acheuer gaire.  
 ce liure, ie diray que le trentedeuxiesme an du Royaume de Guntchram Scolasties  
 (qui fut aussi le cinq cens quatre vingts seize de IESVS-CHRIST) n'est par fauto  
 remarquable d'autre chose, que d'une eclipse de Soleil : si grande, que de sca-  
 puis le matin iusques au midy, l'on n'en vit pas la troisieme partie. Ce uoir la  
 qui sembla predire la mort de ce grand Roy : lequel l'an suiuant trespassa, fait l'exi.  
 le vingt-huictiesme Mars, trente trois de son regne : & cinq cens quatre liure ad-  
 vingts dixsept de nostre Seigneur IESVS-CHRIST. Car si le Roy Clo- ionsté à  
 uis mourut l'an cinq cens quatorze. Clotaire regna cinquante vn an, & l'histoire  
 luy mourut le trente trois de son Regne, il faut que mon conte soit bon: de Gre-  
 & que Gregoire n'ayant esté que vingt & vn an Euesque, fut esleu l'an de goira  
 IESVS-CHRIST cinq cens soixante & quatorze. Aussi l'Autheur de sa  
 vie, dit nommément qu'il fut esleu cent soixante & douze ans apres la mort  
 de saint Martin, lequel cy deuant i'ay monstré estre trespaslé l'an quatre  
 cens deux de nostre Seigneur. Ce Roy Guntchram fut enterré en l'E-  
 glise de saint Marcel pres Chalons sur Saosne, qu'il auoit fait bastir en  
 la forest de Bresse. On l'estima bon Prince, & grand aumosnier : doux  
 à ses vassaux liges, & paisible à ses voisins : & l'on conte de luy, qu'un  
 jour pressé de sommeil, il se coucha par terre emmy vn champ : & quel-  
 que temps apres en reposant, il sortit de sa bouche vne bestelette, la-  
 quelle estant allée vers vne petite eau prochaine, se trouua comme em-  
 peschée de la passer, iusques à ce qu'un Gentil-homme qui gardoit ledict  
 Roy, eut mis son espee au trauers de l'eau : par dessus laquelle ceste  
 bestelette passa, & repassa; retournant en sa bouche : Et que le Roy à  
 son resueil dit, qu'il auoit songé passer par dessus vn pont de fer. Or d'au-  
 rant qu'il estoit tres-charitable, ayant fouillé au mesme lieu où la beste estoit  
 entrec outre le ruisseau, l'on trouua des thresors d'incalculable valeur : qu'il

DES ANTIO. FRANCOISES LIVRE IIII.

L'an de donna aux pauvres, ainsi que dit Sigisbert. Il laissa la Bourgogne à Chil-  
leus debert son nepueu : car il n'eut qu'une fille nommee Clotilde : laquelle ne  
Christ. luy succeda point, non plus que celles des autres Roys ses oncles. Qui  
est encores vn tiers tesmoignage, pour monstrier que les fem-  
mes n'heritoient de la Couronne Françoise.

*Fin du Quatriesme Liure des Antiquitez  
Gaulloises & Françoises.*

CINQVIESME





# CINQVIESME LIVRE

## DES ANTIQVITEZ FRANCOI-

### SES CONTINVANT LES

### Annales de France.

#### CHAP. I.

*Fredegonde & Landry gaignent une bataille sur les gens de Childebert. Bretons courent la France. Mort de Childebert. Bataille de Latofao gaignee par Fredegonde & Landry, sur les Austrasiens. Sainct Gregoire Pape soustient que les Euesques qui prennent tiltre d'Vniuersels, sont precursseurs d'Antechrist. Tritons veus dans le Nil. Huns se retirent de Germanie.*



A\* haine que Childebert portoit à Fredegonde estoit si grande qu'apres la mort du Roy Guntchram, la premiere entreprise fut de luy courre sus: d'autant plus hardiment, que la nouuelle succession du Royaume de Bourgongne luy donnoit esperance, par le moyen de si grandes forces que les siennes, de destruire Clotaire encòres ieune; & sous la puissance d'une femme: haye (comme il disoit) de Dieu & des hommes; pour le meurdre de son pere, & du

*Ce liure  
comprèd  
l'vniuersel  
me de  
Gregoire  
de Tours  
que l'on  
pense a-  
noir esté  
amassé*

Roy Chilperic son oncle. Ayant donc à ceste fin assemblé vne puissante armée d'Austrasiens & Bourguginons, il en donna la charge à Gombaud & Vvintrion, auxquels il commanda d'entrer au pays ennemy: prendre & enlever le plus de prisonniers qu'ils pourroient, & mettre le reste à feu & à sang. Ces Capitaines partis de la campagne de Reims (où l'amas auoit esté fait) vindrent en Soissonnois pour commencer leur ravage. Cependant, Fredegonde faisoit appeller les François subjects de son fils, qu'elle assembla sous la charge de Landry, déclaré tuteur du ieune Clotaire du temps mesme de Guntchram, ce disant . . . . . jaçoit qu'un abbégé de Chronique dise seulement qu'il fut Maire du Palais, & adultere de Fredegonde, voire que Gregoire mesme ne nomme aucunement ce Seigneur. Là presentant cet enfant à la compagnie, elle remonstra aux François, que luy ayans promis fidelité comme à leur Roy, ils ne deuoient maintenant laisser vsurper, avec leur grand deshonneur, le Royaume par eux donné à cet enfant estant en-

*par l'lace  
ou Fre-  
degonde  
Scolastie,  
Et enco-  
res d'au-  
tres an-  
nales du  
temps.*

## DES ANTIQ. FRANCOISES LIVRE V.

L'an de  
Iesus  
Christ  
de cores au berceau. Qu'elle deliberoit elle mesme, porter son fils au combat, pour tesmoigner de la vaillance d'un chacun : & apres la victoire les en recompenser. C'estoit donc à eux à montrer leur promesse, au fait des armes, l'affection qu'ils portoit à leur Roy pupille, & leur suffisance ; pour, en luy maintenant sa Couronne, ensemble deffendre leurs vies, leurs biens, & le pays de leur naissance. Ces paroles accompagnées de presens, esmeurent beaucoup de François, mais encores plus la honte d'apparoître moins hardis qu'une femme, à laquelle ils voyoient faire tout deuoir de bon Capitaine, tant en diligence de pourueoir aux choses necessaires pour les commoditez de l'armée, que d'encourager les soldats. Outre cela, elle les admonestoit de croire & se fier à Landry, à fin d'accomplir ce qu'entre eux auoit esté aduisé, au dommage des ennemis : & qui à l'heure ne pouuoit se communiquer qu'à peu de gens pour le bien de tous. Ainsi l'armée mise aux champs, Fredegonde marcha quant & quant avec son fils, qu'elle faisoit porter : pour dauantage animer ses gens, & leur donner crainte de laisser leur Roy enfant prisonnier, ou mort, s'ils perdoient la bataille. Or comme les Vvestriens passoient par un bois, qui d'auanture se trouua sur leur chemin, Landry aduertit les siens, que chacun eust à couper une grande branche, & pendre au col de leurs cheuaux une clochette. Puis avec cest equipage, sur le tard, vint camper assez pres de ses ennemis, commandant aux siens s'icher en terre les branches apportées. Cela fait, & la nuit passée au plus grand silence que tant de gens peurent, au point du iour suyuant, un du guet Austrasien, aperceuant ces branches, & recors de la face de la terre telle qu'elle estoit le iour precedent, tout esmerueillé demanda à son compagnon quel bois c'estoit qu'il voyoit si pres d'eux, disant qu'à son aduis il n'y en auoit point quand ils vindrent camper, ou n'estoient que petites brossailles ; l'autre qui cuidoit en estre plus assuré, respond à son compagnon, qu'il n'auoit pas encores bien cuué son vin du soir : & se deuoit souuenir qu'ils s'estoient campez près d'un bois, à fin de faire plus aisément paistre leurs cheuaux, luy demandant s'il n'oyoit pas le son des clarines qui pendoient à leur col. Car c'estoit la custume des François de ce temps-là, de pendre des clochettes au col de leurs bestes, afin de les ouyr si elles s'elongnoient en paissant. Mais comme ces gartereurs parloient encores, chacun gendarme Vvestrien ayant fait tomber le rameau qu'il auoit deuant soy, vint à descourir une haye d'hommes armez. Dequoy les Austrasiens estonnez & donnans une bien chaude alarme en leur camp, se trouuerent quant & quant chargez des Vvestriens, qui les poursuivirent aussi chaudement, iusques dans leurs logis, où ils trouuerent tout en desordre, comme parmy des gens qui s'estimans esloigner de leurs ennemis, dormoyent à leur aise : sans aucun soucy ou pensement de telle aduanture, assurez de leur bon guet. Lors on eust peu voir un carnage plustost qu'un combat. Car les Austrasiens surprins en leurs lits, ou esueillez en surfant, de tous costez s'enfuyoient nuds. Que si aucuns, leurs manteaux entortillez sur leurs bras, & l'espee au poing, cuidoient faire resistance, ils estoient bien aisément ruez par les Vvestriens armez : & qui en ce tumulte pour encores

donner plus grand effroy, faisoient de tous costez sonner leurs Cors Grailles, *L'an de* Nacaires & Trompettes, pour monstrier que tout le corps de leur armée estoit *lesus* là present; Et outre cela, coupans les cordages des Treys, Pavillons & Aucubes, les Austrasiens enuolopez parmy, estoient bien aisément occis de Lances, & autres longs bois, avec vne mesme condition du couiard & du vaillant: qui en cet endroit ne pouuoit monstrier sa prouësse. Mesmes les plus esloignez du tumulte, ayans eu loisir de monter à cheual, & aucuns de prendre leurs armes, perdoient courage, voyans le grand nombre des ennemis, & le peu de gens qui s'arrestoient pour faire resistance. De sorte que leurs chefs mesmes à grand peine se peurent sauuer vifs; & Vvintrion longuement pour-  
suyui par Landry, eschappa de vistesse. Ceste desfaite aduint l'an cinq cens no-  
nante & huit, en vn lieu de Soissonnois appellé Truëc, où Paul Diacre dit qu'il mourut trente mille hommes. Apres si belle victoire, Fredegonde & son armée entrèrent en la campagne de Reims, laquelle ils mirent toute à feu & à sang, emmenans les femmes & enfans, & tuans ceux qui pouuoient porter les armes. L'an d'après il y eut vne grande bataille donnée entre les François & 198.  
Bretons. Les Auteurs ne particularisent point autrement le fait, jaoit qu'ils racontent qu'elle fut sanglante d'une part & d'autre: & que les Bretons venus courre iusques en France, ne retournerent sans laisser beaucoup de leurs gens morts. L'an six cens plusieurs signes apparurent au ciel, & entre autres  
vne Comette. Et la mesme année, les Vvarnes peuple de Germanie (que 600.  
l'on pense auoir donné le nom à Vvarnie ville de Prusse) ayans prins les armes contre le Roy Childebert leur Seigneur, furent presque tous destruits & ruinez. Gripon aussi Ambassadeur du mesme Roy, bien contant retourna de Constantinople, pour l'honorable traictement par luy receu de l'Empereur: lequel à son desir offroit vanger l'outrage à luy fait & à ses compagnons en la ville de Cartage. Ceste maniere de satisfaction fut tant agreable au Roy Childebert, qu'aucuns disent qu'il enuoya vingt Ducs, ou Capitaines en Italie, avec grand nombre de gens d'esslite, pour destruire la puissance des Lombards. A quoy il n'y a pas grande apparence, puis que Gregoire a ia parlé dudit voyage, & qu'il n'est croyable qu'après la grande desfaite de Truëc, l'Austrasien eust enuoyé dehors si grand nombre de ses Capitaines. Ceste mesme année, Seren Euesque de Marseille, osta les images des Saints qui estoient par les temples de sa ville, voyant que le peuple en abusoit. Mais il en fut repris par Gregoire Pape de Rome, qui luy escriuit, estre plus necessaire d'arracher l'abus des cœurs, que des temples les images, seruans de liures aux idiots. Ce qui a introduit des abus, pour les faux miracles aduenus depuis en l'adoration de certaines & particulieres. Si est-ce que nos François furent long téps sans les tenir sur leurs autels, ainsi que nous faisons; & le liure publié sous le nom de Charlemagne, monstre que le conte qui lors s'en tenoit, estoit petit. Au mesme an, ou l'an six cens & vn, le Roy Childebert surnommé le ieune, 602.  
bon Prince & fort loüé par le mesme Pape Gregoire (qui en fait bien honorable mention en ses epistres) mourut aagé de vingt & cinq ans, le vingt deuxiesme de son regne, & quatriesme de celuy de Bourgogne. Or com-

*L'an de  
Iesus  
Christ.* me les soudaines morts des Princes sont volontiers soupçonnées d'estre violentes, l'on eut opinion que ç'auoit esté par poison, d'autant que sa femme & luy trespasserent en mesme iour. Il laissa deux enfans sous la garde de Brunehaut leur ayeule : dont l'aisné appellé Thiebert, eut le Royaume d'Austrazie; & Thierry puîné, celuy de Bourgogne : auquel leur pere auoit succédé par l'adoption du Roy Guntchram son oncle. Ces ieunes Rois tindrent leurs sieges aux mesmès villes que leurs predecesseurs, c'est à dire de Mets, Chalon sur Saone, ou Orleans; ayans court à part : ce qui rendit Fredegonde plus hardie à leur malfaire, & se seruir de ce changement; joint l'assurance que sa victoire toute fraische luy donnoit. Car elle fit saisir Paris par Landry, ensemble routes les villes voisines; & ce Duc passant outre, vint charger l'armée des Rois freres, qu'il desconfit en vn lieu nommé Latophao, qu'aucuns disent estre pres Moret en Gastinois : & si vous croyez Paul Emil, conquist la Bourgogne qui est deça la riuere de Saone. Ceste année, cessa le debat d'entre le Pape de Rome, & le patriarche de Constantinople soy disant Euesque vniuersel : pource que vous deuez entendre, que Iean Archeuesque de Constantinople appellé le Ieusneur & l'Aumosnier, jaçoit qu'il fut de bonne vie, en vn Synode tenu quelque temps au parauant, s'estoit fait declarer Euesque vniuersel; du consentement de l'Empereur Maurice, pretendait ce tiltre luy estre deu : pource qu'il tenoit le siege Epicopal de la ville où lors demouroient les Empereurs. Mais comme Iean y voulut aussi faire consentir Gregoire le Grand Pape de Rome, il disputa fort & ferme ceste preference, & lors monstra bien, & le nous a laissé par escrit dans ses epistres, qu'il trouuoit fort mauuais, qu'un Euesque prist ce tiltre orgueilleux, lequel auilissoit l'honneur de tous les autres, estant pris par vn seul : disant que c'estoit vn signe du temps de l'Antechrist qui approchoit : avec autres raisons bien fortes. Toutesfois les successeurs n'ont pas esté de cet aduis, ne craint de se l'attribuer par effect, souffrans d'estre ainsi appelez par les autres. Mais le fondement de l'authorité Papale, & les moyens qu'ils ont tenus pour venir à la grandeur & puissance que maintenant ils ont sur les autres Euesques Chrestiens, sera par nous dit autre part, & (ce me semble) plus à propos. En ce temps, deux animaux de mer que les anciens appelloient Tritons, apparurent en Egypte dans la riuere du Nil : l'un desquels ressembloit à vn homme fort & puissant, ayant les cheveux roux & qui commençoient à grisonner : l'autre auoit visage de femme, avec des cheveux longs. Ceux qui nous ont laissé par escrit ceste merueille, disent que le gouuerneur du pays les coniuira au nom de Dieu de s'arrester là vn iour, à fin que le peuple eust loisir de les contempler. Ce qu'ils firent se montrans nuds iusques aux flancs : car l'eau cachoit le reste, & le téps de la coniuration passé, ils se coulerent en fonds. Ce fut lors, que les Hús sortis de Pannonie se ietterét en Turlinge; mais ils retournerét en leur pays : moyénat l'argét que Brunehaut ou ses petits leur firét dōner. En mesme saison, Agon Roy des Lōbards, enuoya en Frâce Agnel Euesque de Trente, racheter les prisonniers emmenez d'Italie par les François, aucuns desquels Brunehaut fit rēdre. Avec luy estoit Eun Duc de la mesme ville, pour faire la paix entre les François & Lōbards, ce qu'il obtint.

## CHAP. II.

*Mort de Fredegonde. Miserable mort de l'Empereur Maurice. Brunehaut fait tuer le Duc Vintrion. Laconie, ou Lac de Dunois bouillant rendit ses poissons cuits. Austrasiens chassent Brunehaut. Benoist Pape tiers du nom, obtient de Phocas Empereur le tiltre de Pape universel. Changement de la langue Latine en vulgaire. Thiebert & Thierry enfans de Childeberr Roy d'Austrazie & de Bourgongne gaigne vne bataille sur Clotaire, qui perdit presque toute sa seigneurie. Denthelém Duché. Gascons domptiez par les François. Agille Patrice. Andouald Roy des Lombards. Institution de la feste de tous les Saints. Berthoul Maire d'Austrazie. Protade mignon de la Royne Brunehaut.*



L'AN six cens deux la Royne Fredegonde espouse du Roy 602.  
 Chilperic mourut; & fut enterree à S. Germain des prez  
 les Paris, où se voit encores sa tumbé faite de mufaique.  
 Or jaçoit qu'on puisse estimer l'industrie de ceste Royne,  
 tant au maniemment des affaires publiques, que pour ga-  
 rentir la vie du Roy Clotaire son fils encores enfant, si  
 laissa-elle vne tres-vilaine memoire de ses paillardises, au-  
 dace, & cruauté, qui la rendront infame à tout iamais:  
 pour n'auoir eu le dessus de ses ennemis que par meurdres, poisons, & toutes  
 sortes de meschancetez. L'an six cens trois, Phocas capitaine de Maurice Em- 603.  
 pereur, ayant contraint son maistre de renoncer à l'Empire, le fit encores de-  
 puis cruellement mourir, avec toute sa famille: le vingt quatriesme Nouem-  
 bre audit an. La constance duquel en si grande affliction, est bien remarqua-  
 ble. Car comme le meurdrier Phocas eut commandé tuer en la presence dudit  
 Maurice, sa femme & ses enfans, le miserable Prince recors de ses fautes pas-  
 sees, ne dit autre chose, si non: Tu es iuste Seigneur, & ton iugement est droi-  
 turier. Qui me semblent parolles tres-chrestiennes, & d'un homme digne de  
 meilleure fortune: car les Auteurs ne remarquent aucune sienne cruauté di-  
 gne de telle issue: & toutefois, c'est vn exemple de nous contenir en nostre de-  
 uoir, & craindre l'ire de Dieu; qui nous chastie pour des pechez que luy seul  
 cognoit: à fin de monstrier qu'il n'y a rien caché à l'œil de sa vengeance. La mes-  
 me annee, Vintrion Duc de Champaigne fut tué, à la suscitation de Brune-  
 haut. Et l'an six cens quatre, Collen de race François est fait patrice de Bour- 604.  
 gongne. Vvarachaire aussi majeur de la maison du Roy Thierry, mourut, lais-  
 sant tous ses biens aux pauvres. Ce neantmoins, vne Partie fut donnée au mo-  
 nasterre, que Failube femme de Childeberr le ieune auoir fait bastir aux faux-  
 bourgs de Geneue. Le deuxiesme Mars de ladite annee, mourut aussi Gregoire  
 premier Pape de ce nô, appelé Saint & le Grand; à cause de sa doctrine: qui'a

PP iij

L'an de fait tenir pour vn des quatre Docteurs de l'Eglise Romaine. Cinq iours apres  
 Iesus luy succeda Sabinien, homme ingrat, pour auoir essayé de faire brusler les  
 Christ. œuures de son predecesseur. Il y a vne eau en la haute Beausse, laquelle sortant  
 d'aupres Patay, village assis entre Orleans & Chateaudun, aucunesfois cou-  
 rant, s'en va rendre dans la riuere du Loir; & le plus souuent arrestee & taris-  
 sant, ne passe certaines limites de marest; ce qui la fait appeller Laconie, en  
 Latin *Lacus Dumenfis*: comme si c'estoit le lac de Dunois. Par laquelle eau, les  
 gens du pays iugent de la sterilité, ou abondance de l'annee, voire des aduentu-  
 res de paix, guerre, & mortalité: selon l'observatiō que par les anciens, en a esté  
 faite, quand l'eau se void grande, ou petite. Mais ceste annee, elle s'eschauffa &  
 bouillit si fort, que l'on y vit plusieurs poissons cuits, & morts de ceste chaleur,  
 tenuë à grand merueille, pour n'y auoir point de bains chauds, à l'environ. En  
 ce temps, les Austraziés ne potuans endurer l'orgueil & cruauté de Brunehaut  
 (qu'ils mescroient de la mort de Vvintrion) la contraignirent sortir du pays  
 si mal luyuie, que sans l'ayde d'un pauvre homme qu'elle trouua estant seule  
 pres Arcies (bourg de Champagne assis sur Aube, semblablement remarqué en  
 la Guide des chemins d'Antonin) elle eust esté en danger de tumber entre les  
 mains de ses ennemis: la cōduisant cét homme vers son petit fils Roy de Bour-  
 gogne, qui honnorablement la reçeut, & depuis pour recompēser le guide, le  
 fit Euesque d'Auxerre. Cependant, les Roys Thiebert & Thierry renforcez  
 d'aage, & non moins picqués des pertes receuës par les victoires que Frede-  
 gonde auoit obtenues sur eux, que sollicitiez de Brunehaut leur ayeule; assem-  
 blerēt vne armee, pour guerroyer le Roy Clotaire leur cousin, desnuë du con-  
 seil de sa mere: & lequel nonobstant, ils trouuerent campé en vn village lors  
 nommé Petomel, qui peut estre Origni voisin (mais vne bute & descence en-  
 tredeux) la riuere Arouenne que ie pense estre celle qui sort d'un village appel-  
 lé Font-Venus, assis à vne lieuë de Troyes sur le chemin de Sens; laquelle s'es-  
 coulant par vne vallee au long de la forest d'Orte, s'en va descharger dans Yonne  
 pres ladite ville de Sens. La rencontre fut grande, & y mourut tant de gens,  
 que le cours de ceste riuere qui n'est pas des plus larges, fut empesché. Lors  
 Clotaire voyant la descōfiture tourner sur les siens, sçachant bié qu'il n'y auoit  
 point de mercy pour luy, s'enfuit par Melun à Paris: pour suiui des Rois victo-  
 rieux, iusques au village d'Esnonne, que ie pèse estre Esnonne pres Corbeil, qu'ils  
 prindrent & pillerēt, avec toutes les villes assises sur le riuage de Seine, lesquel-  
 les auparauant s'estoient rendues audit Clotaire, emmenas prisonniers les ha-  
 bitans. Ceste victoire fut si grande & si chaudement poursuiue, que le Roy  
 vaincu fut contraint receuoir des conditions, routes telles qu'il pleut aux vi-  
 ctorieux. A sçauoir que le Royaume de Thierry s'estēdroit entre Lōyre & Sei-  
 ne iusques à la mer, & la frontiere de Bretagne: que Thiebert auroit l'entier  
 Duché d'Entelen assis entre Seine (mais plustost Somme) Oize, & la mer: que ie  
 deuine estre le pays d'Arthois en tirant vers les riuieres de l'Escout, & Meuse,  
 lesquelles ont tousiours serui de borne au Roiaume d'Austrazie & de Vvestrie:  
 estant croyable, que Thiebert le prenant, sembloit vouloir estre partagé de  
 proche en proche, ainsi que son frere. Il se trouue encor vn chateau sur la



riviere de Seine à huit lieues de Rouën portant le nom d'Andelly: mais il n'y a point d'apparence que ce fut la mere ville de ce Duché: car que fut-il resté à Clotaire, s'il eut quitté à certui-cy toute sa terre iusques à Seine: Et toutesfois, il est bien certain que la Seigneurie de ce Roi, fut lors tellement retranchée, que ie croy qu'il ne commandoit qu'à Rouën, & ce qui est de son Archeuesché, tirant vers Pontoise & la Picardie: ainsi que i'ay dit. Au parauant ceste bataille, l'on vit les mesmes signes que l'annee passée: & des boules de feu courans par le ciel, comme Lances ardantes. Mais Paul Emil adiouste, qu'un ieune homme plus grand que le naturel, apparut sur les batailles avec vne espee sanglante: ce que l'on n'a point accoustumé de croire, ne feindre qu'en bien grandes desconfitures. Ladite annee, estant le Pape Sabinian decédé le dixneuuesme Feurier, deux iours apres Boniface luy succeda au Papat, & mourut le douzieme Novembre ensuiuant. On dit qu'il obtint de l'Empereur Phocas (qui de crainte que les Lombards luy fissent perdre l'Italie, vouloit gratifier les romains) que l'Archeuesque de Rome fut appelé vniuersel, & souuerain de toutes les Eglises Chrestiennes, comme Romme l'estoit de tout l'Empire: mais pour cela, les Constantinopolitains ne voulurent se soumettre à luy. Ce Boniface fut le premier qui en ses rescripts mit ces mots: Nous voulons, vous mandons, commandons & enioignons: & lequel pour confirmer sa Primauté, assembla un Concile de soixante & douze Euesques: laissant le second lieu à l'Archeuesque de Constantinople: & à ses successeurs Romains l'occasion de s'esleuer par dessus les autres Euesques: & avec le temps debatre la principauté, & maistrise que maintenant nous leur voyons defendre par liures & par armes. L'an six cens six, Cantin Duc au Royaume de Thierry, fut tué: & les Gascons qui molestoient les terres de ce Roy, battus & repoussez, furent contraincts d'obeyr aux conditions qui leur furent imposees. Car les deux freres ayans mené contr'eux vne armee, les rendirent tributaires, leur donnant un Duc nommé Genial, ou Genaut, qui les gouerna bien & heureusement. Telle societé des Roys pour la guerre de Gascogne, confirme mon opinion, que l'Aquitaine ne se donnoit en partage à un seul Roy, ainsi que i'ay dit: puis que le roy d'Austrazie auoit part au tribut des Gascons, aussi bien que celuy de Bourgongne, plus voisin d'eux. Cete annee, Etherie Euesque de Syon mourut, Secondin fut mis en sa place. L'on cuide aussi qu'environ ce temps la langue Latine & romaine (qui depuis la fleur de l'Empire auoit esté comme la maternelle & vulgaire en Italie, principalement à Rome, & à la plus part des nobles & Senateurs habitans par les prouinces) commença d'estre corrompuë, par le meslange de tant de nations qui s'estoient iettees sur ce grand corps, & venuës habiter en Italie, & autres endroits de l'Empire, demeurant toutesfois l'usage de ladite langue Latine, aux Eglises, Sentences des Iuges, & aux contrats: mais avec grande corruption de sa pureté, l'ignorance de laquelle fut cause d'introduire plusieurs constitutions sans estre entendues: Et des autoritez empietees sur ceux qui n'estoient pas tant subtils pour l'ordre & les ceremonies de l'Eglise Romaine comme mere: laquelle par sequet gaigna de l'autorité sur les autres autres Euesques moins scauans. Aussi

- L'an de  
Ies<sup>us</sup>  
Christ.* commença la difference du Latin grammatic ou des anciens Autheurs & du commun peuple, dès lors en Italie appellé vulgaire Latin : & deçà les monts, langue Romaine ou Romande; de laquelle vserent tant les Gaulois François, ques les Espaignols: ainsi que j'ay dit en mon liure de l'Origine de la langue & poësie François. L'an six cens sept, le Roy Thierry eut vn fils d'une cōcubine, qu'il fit nommer Sigisbert: & Agille Patrice fut occis, n'ayant commis aucune faute; ains seulement par avarice: & à la suscitation de Brunehaut, laquelle fit confisquer ses biens. Aymon dit, que ce fut lors qu'Audouald fut déclaré Roi des Lombards dans le Cirque ou Lice de Milan, present son pere, & les Ambassadeurs de Thiebert Roi d'Austrazie, la fille duquel ils fiancerent à ce ieune Prince: faisans vne perpetuelle alliance & paix entre les François & Lombards.
608. L'an six cens huit, Thierry eut encor vn autre fils d'une concubine, qui fut nommé Childeberr. Et la mesme annee, Boniface Pape quatriesme du nom fut esleu, le vingt huitiesme Aoust: lequel ayant obtenu de l'Empereur Phocas le Temple de Pantheon, qui est à Rome, & s'appelle aujour d'huy Nostre Dame la Rotonde (pource que c'est vn edifice rond) la dedia à la Vierge Marie: dont depuis vint l'institution de la feste de tous les Saints, au douziemes May: ladite feste de Toussaints depuis remise au premier Novembre. Audit an fut assemblé vn Sane à Chalon sur Saone, à la poursuite d'Aredie successeur de Seccondin, ou de Brunehaut, qui fit deposer Didier Euesque de Vienne, & le confiner en vne Isle; mettant Deuol en sa place. Il y eut eclypse de Soleil ceste annee, & l'an six cens neuf Thierri eut encores vn tiers fils de concubine, qu'il fit nōmer Corbe. Pour lors estoit Maire du Palais de ce Roi vn appellé Berthoul, homme modeste, sage, subtil, vaillant en guerre & veritable: propre aux complexions de son maistre. Il y auoit aussi à la suite du mesme Roi, vn gentil-homme de race romaine appellé Protade, honoré de tous ceux de la Court: & lequel Brunehaut voulant aggrandir (pource qu'il estoit son mignon) fit Patrice apres la mort de Vandelmar Duc de ce pays, qui est outre le Montjou, autrement de Saint Claude. Or l'amour de ceste vieille croissant tous les iours, le desir d'auancer Protade pareillement s'augmentoit. De maniere qu'elle fut tant impudente (car l'amour impudic est aueugle) que de prier le Roi Thierry vouloir faire tuer Berthoul, & donner à Protade la Mairie de son Palais. Pour à quoy paruenir, Berthoul fut enuoyé outre Seine & Loire, cueillir le tribut des habitans (hargneux & mal obeissans) accompagné seulement de trois cens hommes, à fin de l'exposer aux aguets & aduentures de guerre. Là où, comme il chassoit en la forest d'Orleans pres le village d'Arenan (que ie n'ay encores remarqué si ce n'est Artenay bourg voisin de ladite forest, & commencement de la plaine de Beausse vers Orleans) Clotaire aduertie de sa petite compagnie, enuiron la feste Saint Martin fit monter à cheual Meroüce son fils (il n'eust sceu estre aagé que de neuf ans, quand bien son pere l'eust fait à quinze) & Landry Majeur de son Palais, avec vne grosse armee pour surprendre le Maire Bourguignon, & les villes de ce quartier: contre le traité n'agueres fait. Berthoul trop foible pour resister à telle puissance que celle qui venoit contre luy, se retira dans Orleans; où il fut reçu par Austrin Euesque du lieu: quand voicy

voicy arriuer Landry avec son armee, qui semond le Bourguignon de sortir, <sup>L'an de</sup> & donner bataille. Mais Berthoul luy fit dire, qu'il estoit prest de combattre <sup>Jesus</sup> corps à corps, ce que Landry refusa. A ceste cause, Berthoul luy manda, puis <sup>Christ.</sup> qu'il n'osoit combattre pour l'heure, que bien tost leurs maistres seroient en campagne; & lors s'il vouloit, vestus de leurs cottes d'armes, ils marcheroient deuant leurs troupes, & combattoient, pour voir qui seroit le plus homme de bien & gentil compaignon: ce qu'ils iurerent l'un à l'autre, sur peine de grande maudissions.

## CHAP. III.

*François commençoient l'annee à Noël. Mort du Maire Berthoul. Paix entre les Roys Clotaire & Thiebert. Brunehaut fait croire à Thiebert, que son frere est bastard. Docadie Maire du Palais de Bourgongne. Le Roy Thierry s'envoie la fille d'Espagne par luy espousee. Deux dedit Pape deffend le mariage entre comperes. Sisibut Roy Vvisigot, conquiert toute l'Espagne. Querelle entre Brunehaut & Bilechilde femme du Roy Thiebert.*

**T**HIERRY d'autre costé entendant l'entreprise de Clotaire, & comme il prenoit son pays, assembla vne armee; & apres le Noël de l'an six cens dix (les François commen- 610. çoient à conter leurs annees de ce iour) il vint par la riuere alors appelée Loa (que ie pense estre celle de Loin) iusques à Estampes; la où Merouee fils de Clotaire & Landry, estoient campez avec vne belle armee. Le roy de Bourgongne ayant trouué vn gué assez estroit, fit passer outre enuiron le tiers de son armee; quand les Vvestriens chargerent dessus, estimans en auoir bon marché. Lors Berthoul qui se tenoit deuant les autres, fit appeller Landry suyuant leur promesse. Mais le Vvestrien content de deffaire ceste troupe aduancee, ne comparut point: Et Berthoul qui scauoit bien qu'on le deuoit chasser de son estar, donna dedans la plus grand' presse des ennemis, où il fut tué avec les plus vaillans des siens: arrachant par telle assurance des poings de Landry, la victoire qu'il pensoit auoir toute certaine: & qui plus est, le contraignit fuyr, laissant prisonnier Merouee fils de son Roy: avec grand nombre de gens morts sur la place. Desorte, que Thierry victorieux marcha vers Paris, où il fut receu sans aucune resistance. En cette mesme saison, les Roys Clotaire & Thiebert, campez l'un deuant l'autre pres Compiègne, s'appointerent ensemble, & craignant (possible) Thiebert trop affoiblir son ennemy, au profit de Thierry: avec lequel il se doubtoit d'auoir bien tost querelle, par la malice de leur ayeulle, qui ne pouuoit oublier la honte d'auoir esté chassée d'Asstrazie. Berthoul mort, ainsi que dit est, Brunehaut bien aysement obtint de Thierry la sairie de son Palais pour Protade son mignon, qui (à la verité) estoit homme subtil & habile en toutes ses actions: mais il se monstrois trop tenant &

22

L'un de  
Iesum  
Christ.

roide pour le fisc: lequel par subtils inventions il essayoit d'enrichir, & soy mesme quant & quant: abaissant toutes sortes de gentils-hômes à la fin de rebutez ceux qui eussent esté dignes de sa qualité. Au moyen dequoy, il se rendit chacun ennemy, & principalement ceux de bourgogne: de sorte qu'il n'eust sçeu trouver homme pour l'accompagner. Mais Brunehaut picquee (comme dit est) l'an six cens vnze, persuadoit au Roy Thierry de faire guerre à Thiebert, disant: qu'il n'estoit point son frere, ains fils d'un iardinier: ce qu'on ne doit trouver estrange. Car j'ay deux bonnes chroniques tres-vieilles, qui disent que Thiebert estoit fils d'une concubine, & Thierry d'une Royne, c'est à dire femme espousée. Combien que plusieurs du conseil de Bourgogne eussent en horreur ceste guerre, Brunehaut estoit supportée dudit Protade, qui cōseilloit au Roi de l'entreprendre. De maniere, que Thierry en fin persuadé, commande d'assembler son armee, nonobstant que ses Leudes ou vassaux liges, l'admonnestassent de s'ap-pointer avec son frere: contre l'advis de Protade, qui apertement le pressoit du contraire. Toutesfois, quand les deux armées furent aux champs l'une devant l'autre, les gens de Thierry se representant la misere d'une guerre-civile, où le fils & le pere, le frere & le cousin se peuvent entretuer, prirent la dessus occasiō de crier apres le Maire Bourguignō, disans qu'il valoit mieux qu'un seul homme mourust, que mettre en danger un si grand peuple. Puis s'estans les vns les autres encouragez, ils vindrent au pavillon de Thierry, où Protade iouoit aux tables avec Pierre premier medecin du Roy, lequel pressé de ces gens esmeus, commande à Vancelin Duc de Suabe (si vous croyez Auentin) leur dire qu'ils eussent à se retirer, sans mal faire à son Maire. Ce neantmoins, le Duc qui s'entendoit avec les autres & le haïssoit aussi, rapporta que le Roy vouloit qu'on le tuast: lors chacun se ietta dans la tente, & le mirent en pieces. Ce fait, la paix fut accordée entre les Roys freres, qui tout aussi tost renvoyerēt leurs armées, Drocudie ou Claude, gentil-homme descēdu des Romains, fut ceste année déclaré Maire du Palais de Thierry. C'estoit un homme sage, ioyeux en parolles, & bien aduisé en toutes choses, patient, de bon conseil, sçavant, tenant sa parole, & demandant l'amitié de chacun, pour l'exemple tout frais de Protade. Mais la graisse & poissanteur de son corps, l'incommodoient beaucoup en plusieurs de ses actions: Aussi estoit-ce le seul defect qui fust en luy: La mesme année, est aussi remarquable de la mort du desloyal Empereur Phocas, tué par le commandement d'Heracle: lequel ayant fait bruster le corps de son predecesseur, & jetter la cendre en la mer, se fit declarer Empereur. L'an six cens douze, Vancelin qui auoit esté cause de faire tuer Protade, eut le pied coupé, & perdit ses biens par ordonnance de iustice, à la suscitation de Brunehaut: laquelle pour mesme occasion, pour suiuit tellement Vise Patrice, qu'il fut tué à Fauriniac, par le commandement du Roy Thierry: lequel donna son estat à Rigomer venu des Romains; & Didier Euesque banny, reprenant le mesme Roi avec trop grāde liberté, fut occis. Ceste année, Thierry eut un quatriesme fils de concubine: lequel leuē des fonts par le Roi Clotaire, fut nommé Merqueen. Et toutesfois, ce Roi de Bourgogne enuoya Isyer Euesque de Lyon, Romain & Ebrouin, Côte de son estable (c'est grand escuyer) vers Bertefred, ou Bertold

Roi d'Espagne, demâder Hermanberge sa fille en mariage: lesquels apres auoir <sup>L'an de</sup> juré que thierry ne la renonceroit iamais, l'amenerent à Chalon : où elle fut <sup>Jesus</sup> receüe en grand ioie du Roi, qui l'attendoit. Et neantmoins iamais il ne coucha <sup>Christ.</sup> avec elle, deltourné de son amitié par Brunehaut, & rheudelinde sa sœur, qui la luy firent hair: de maniere, qu'un an apres il la renuoya en Espagne, sans luy rendre ce qu'elle auoit apporté. De quoi Bertric courroucé, depescha des Ambassadeurs vers les Rois Clotaire & thiebert : & encores vers Agon roi des Lombards, se plaindre de tel outrage, à fin que thierry assailly de tous quatre, en peust estre chastié. L'Ambassadeur Goth retourné par mer en Espagne, la menee (comme il est croyable) demeura sans effet, par la mort du Roy bertric: aduenue en ce temps. Et thierry se moquant de la vaine entreprinse de ses ennemis, en fut d'auantage asseuré. Qui est vne raison plus vrai semblable que celle d'Emil. L'an six cens treize Sisibot succeda au royaume des Vvissigots. Ce fut vn Prince bien estimé, & que les Espagnols disent auoir conquis tout le pais de Cantabrie, qui est celuy de basque, biscaie & Nauarre, au parauant du domaine de France. Auquel temps Boniface quatriesme Pape étant mort le huitiesme May; cinq mois vingt & cinq iours apres, <sup>Deus dedit</sup> (c'est Dieu donné) luy succeda: qui desfendit le mariage aux Prestres. Et ie croi plustost qu'il continua, ou reitera les desfences qui en auoient esté faites. Car il est bien certain que les Euesques n'estoient plus mariez: ou apres leur election se separoient de leurs femmes: & faut dire qu'il y auoit encor des Prestres qui n'obeissoient aux ordonnances Romaines. La mesme année Agon roi des Lombards encore qu'il eust vn fils nommé Audouald, & vne fille appelée Gindeberge, espouza rheudelinde sœur de Grimoald & Gondoald Seigneurs de race François; jadis fiancée au roi Childebert: qui l'auoit mesprisee, incité par brunehaut, dont ses freres courroucez, & s'estans avec leurs biens retirés en Italie, la donnerent à ce roi Lombard, qui en eut deux enfans, l'un nommé Gombaut & l'autre Aribert. Mais comme vn iour Gondoald se fust retiré à l'escart pour descharger son ventre, il se trouua blessé d'un coup de trait, dont il mourut: laissant vn soupçon, que le roi Lombard l'auoit fait tuer pour l'amitié que les siens portoient à ce Prince François. Agon ne s'en resjouit gueres: car il mourut l'an suuant: qui fut le six cens quatorze ou six cens quinze de Jesus Christ: auquel la malice ou l'opiniastreté, & l'orgueil de <sup>614.</sup> deux femmes, fut cause de faire entrer les freres rois d'Austrazie & de bour- <sup>615.</sup> gogne, en nouuelle desfiance l'un de l'autre. thiebert tenoit pour son espouse <sup>615.</sup> vne femme nommée Melchilde, autrefois esclau de brunehaut, qui l'auoit achetée. Cette femme sage & vertueuse estoit aymée des suiets de son mari, qu'elle marioit à son plaisir, comme vn homme de douce nature: ce qui luy haussioit le courage, pour ne s'estimer pas moins que brunehaut: laquelle despitée de ceste grandeur par desdain l'appelloit son esclau. De quoy Melchilde ne rendit conte, disant: qu'elle estoit roine, puis que son roi l'auoit espousée. <sup>615.</sup> En fin, les Seigneurs des deux royaumes voyans que ces inimitiez particulières pouuoient tourner au dommage du public, aduiserent que les Roynes se verroient entre Colerenz & Suitence, (lesquels lieux ie ne puis re-

*L'An de  
Iesus  
Christ.* marquer, si ce n'est Colmar & Suisse, mais l'un est trop loing de l'autre) pour mettre paix entre les Roys freres. Toutesfois Bilechilde (possible de crainte qu'elle eut de la malice audacieuse de Brunehaut) fut par aucuns des siens conseillée ne se point trouver à ceste veüe.

## CHAP. IIII.

*Columban Abbé de Luxeu reprenant le Roy Thierry encourut la male grace de Brunehaut. & chassé de Bourgogne s'en va en Italie. Estrennes institutees entre les Payens, deffendues au Concile d'Auxerre. La feste des Roys. Scàre de François. Thiebert & Thierry en querelle. Thiebert Roy, tue Bilechilde sa femme. Sa ruine. Sa mort, & de ses enfans. Thierry son frere se saisit du Royaume d'Austrasie. Graffions quels officiers. Vanité de ceux qui tirent la maison d'Austriche de celle de Clouis.*



610. **P** O V R lors vn bon preud'homme appelé Colomban, venu d'Hybernie ou d'Ecosse, demouroit en Bourgogne, où il estoit estimé viure sainctement. Lequel apres auoir plusieurs années seiourné en France, s'estoit retiré en ce pays; où par la permission de Childebert le ieune, il auoit basti vn monastere dans vn vieil chasteau, ou temple d'idoles, à luy octroyé à la suscitation d'Agoal, l'un des principaux Conseillers dudit Roy; lequel aussi luy donna son fils, à fin de l'instruire aux lettres, avec plusieurs enfans de bonne maison, ainsi que c'estoit la coustume du temps, desnüé (ie croy) d'escoles publiques, & de gens de sçanoir la pluspart retirez aux monasteres pour viure paisiblement hors de la compagnie de tant de gens de main, sentans leur barbarie. Ce bon homme continua si longuement cest exercice, que le lieu de sa demeure appelé Luxeu, creut depuis en vne tres-belle & grande Abbaye, assise en la Franche-Comté, au diocese de Bezançon, là où fort estimé pour ses bonnes qualitez, il fut aduertie de l'incontinence du Roy Thierry, auquel à la premiere occasion qu'il eut, il remonstra son vice, & le mal qu'il faisoit de paillarder publiquement au scandale de ses subiects. Thiebert, qui n'estoit pas de trop mauuaise nature (s'il n'estoit picqué d'ailleurs) en eut honte: & pour ceste cause delibera de se marier, ainsi qu'auons dit. Mais Brunehaut, de crainte que la nouuelle Royne en gaignant le cœur du Roy, ne diminuast quant & quant son autorité, & pensant mieux cliueir des concubines (qui ne sont tant asseures, & n'ont tel gage de la foy de ceux qui les choisissent, que les femmes espousees) conceut vne lourde hayne contre ce preud'homme, qu'elle ne vouloit monstrier, pour le reproche qu'on luy en eust peu faire, trouuillant sur vne iniuste occasion, vn personnage tant estimé. Ainsi donc, ceste inimitié durant encores, l'an six cens quatorze, d'auenture Colomban vint à la Cour, qui pour lors estoit au village de Brusalac. Dont Brunehaut aduertie, luy presenta les enfans du Roy Thierry, & le pria de leur donner la benediction. Mais le bon homme ne peut se garder de

luy dire, que ja Dieu ne permist qu'il fir telle faute : Qu'il l'aduisoit, & qu'el-  
 le tint pour certain, que pas vn de ces bastards ne porteroit le sceptre Royal. L'an de  
Jesus  
Christ.  
 Brunebaut courroucée de si grande liberté, commanda aux voisins dudit mo-  
 nasterre, de ne laisser sortir aucun d'iceluy : & animant le Roy Thierry contre le  
 sainct homme, luy vouloit faire croire qu'il contreuenoit aux coustumes du  
 pays, empeschant que les Chrestiens n'entrassent dans les cloistres secrets de  
 son Abbaye. Colomban s'en excusoit, sur ce que son ordre & profession ne luy  
 permettoient de viure parmi les seculiers : & qu'il y auoit en son Abbaye des  
 lieux pour receuoir les hostes & suruenans. Le Roy soustenoit au contraire,  
 que s'il vouloit receuoir des biens de luy, il falloit aussi que chacun peut entrer  
 dans son monasterre. A quoy l'Abbé respondit, que s'il euidoit rompre sa rei-  
 gle, & destruire la maison des seruiteurs de Dieu, son Royaume & sa maison  
 mesme periroident. En disputant ainsi l'un contre l'autre, le Roy estoit ja entré  
 au lieu que les Moynes appellent Refectoir, pource que l'on y mange & refect  
 on le corps affamé, quand estonné des menaces de l'Abbé, il luy dit qu'il cher-  
 choit à se faire tuer, à fin qu'on l'appellast martyr : mais il ne le feroit ja, car il  
 le chasseroit d'entre son peuple : & le renuoyeroit d'où il estoit venu. Co-  
 lomban luy dit, qu'il ne sortiroit de son Abbaye, qui ne l'en chasseroit. A ce-  
 ste cause, Thierry laissa vn homme de haute stature nommé Andulf, qui mit  
 Colomban hors de l'Abbaye, & le confina dans Bézanzon, en attendant ce  
 que le Roy auoit resolu d'en faire. Et quelques iours apres, Colomban voyans  
 que personne ne le gardoit, reuint en son Abbaye. Dequoy Brunebaut cour-  
 roucée : & luy reprochant qu'il auoit rompu la main du Roy, commanda au  
 Comte Berthier, & audict Andulf le chasser de Luxeu : ce qu'ils firent : & le  
 renuoyerent à Nantes, par vn nommé Raymond, pensant qu'il deust retour-  
 ner en Hybernie pays de la natiuité. Au contraire, Colomban resolu de viure  
 comme il auoit commencé, passant par le Royaume de Clotaire (où lon dit  
 qu'il luy predict la succession d'Austrazie & de Bourgongne) de la il vint voir le  
 Roy Thiebert : puis dressa son chemin en Italie, où il bastir vn monasterre en  
 vn lieu voisin de Panie, nommé Bobio pour l'abondance d'un poisson qui se  
 trouue dans vn ruisseau ainsi appelé. L'an six cens quinze, le pays d'Elzas, au-  
 quel Thierry auoit esté nourri, & qui luy appartenoit par ordonnance de son  
 pere, fut assaillly du Roy Thiebert. Toutesfois, les Seigneurs des deux Royau-  
 mes, aduiserent de vider leurs differents par le iugement des François ; à ce-  
 ste fin assemblez au chasteau de Saloce, c'est . . . . . la où Thierry se trou-  
 ua avec vne Scare (c'est à dire compagnie) de dix mille hommes. L'on appel-  
 loit ainsi vn nombre de gens de guerre, & s'abusent ceux qui pensent que sca-  
 dron en vienne, car Scadron est mot Italien, qui signifie grand carré, nouvel-  
 lement usurpé comme assez d'autres par nos guerriers. Thiebert d'autre co-  
 sté, amena vne plus grande compagnie d'Aultraziens, comme pour comba-  
 tre : dont Thierry estonné, de crainte d'auoir pis, accorda que le pais d'Elzas  
 & de Sugitence (possible Zurich : car il est plus voisin de Suisse) les Comtez  
 de Turege (plustoit que Tours ainsi que plusieurs cuident) & de Champa-  
 gne demourassent à Thiebert. Or combien qu'il me souuienne, d'auoir dis

L'an de  
Jes. m.  
Christ

quel Aquitaine se deffendit à communs frais, ie ne pense pas que la Touraine  
fut lors quittée à Thiebert; puis qu'il semble que ceste guerre ne fut que pour  
les pays voisins d'Elas, auquel Turege confine, & non pas Tours. Cest accord  
passé, les Roys se despartirent d'ensemble, apres s'estre entre-saluez; jaoit  
qu'e son courage Thierry fut courroucé de la perte de ses Comtes. Ce qu'il luy  
fallut endurer pour l'heure qu'il estoit foible, & que peu apres les Allemans  
assailirent le pays anciennement nommé Auanches: qui est vne contrée sur  
le chemin de Lausanne, à Payerne ville de Suisse. Les Comtes Abelin & Her-  
pin avec autres voisins, eurent charge d'aller au deuant: ce neantmoins, les  
Allemans gaignerēt la bataille: & emmenerent grande quantité de prisonniers  
& de butin. Dōc Thierry fut tellemēt irrité cōtre son frere (qu'il pensoit estre  
cause de ce mal-heur, avec l'ancienne hayne entretenue par Brunchaut) que  
tous les iours il ne songeoit qu'aux moyēs de s'en véger, & le destruire. Thie-  
bert d'autre costé, ne se portoit gueres plus sagement: car changeant son natu-  
rel assez doux & paisible iusques là, il tua Bilechilde sa femme: & l'année mes-  
me print en mariage vne fille nommée Theudechilde. Mais Thierry assensé  
que ceste cruauté auoit degousté plusieurs Austrasiens de l'amitié de son frere  
(car les trauaitz domestiques des Rois facilement passent iusques au domma-  
ge du peuple) enuoya des gēs vers Clotaire (lequel il scauoit n'attēdre que l'oc-  
casion de reconrurer son Duché d'Antelen & sa perte ancienne) l'aduertir: qu'il  
estoit deliberé de faire la guerre à Thiebert qui se disoit son frere. Que, s'il  
vouloit demeurer neutre apres la victoire obtenuē, il luy rendroit le Duché  
que Thiebert vsurpoit. Toutes ces pratiques semblent auoir esté faites l'an  
six cēs quinze & seize; esquelles aussi en vn Concile tenu à Auxerre, fut deffen-  
du de sacrifier vne Vachette, vne ieune Biche ou faon, si l'ay bien entendu les  
anciens mots de *Picula* pour *Bucula*, & *Ceruola* ou *Ceruola* nommez en vn Article  
de ce Concoile: & les esreines diaboliques: que l'on s'entredonnoit le premier  
iour de Ianuier: mais que ce iour là on fist du bien comme aux autres journées  
de l'an. A la verité c'estoit vne coustume des Payens: par laquelle les petits, &  
ceux qu'on appelloit Clients souloient faire des presens aux grands, avec prie-  
res aux Dieux de rendre à leurs maistres, Seigneurs & patrons, le reste de l'an-  
née heurteuse. Et n'y auoit pas grande superstition (ou elle nous est cachée) non  
plus qu'au gasteau des Rois: qui (à mon aduis) represente les Saturnales du tēps  
passé, c'est à dire vne feste du mois de Decembre qui duroit cinq, ou sept iours,  
pendant lesquels aux honnestes maisons, les serfs & les esclaves mesmes es-  
toient seruis par leurs maistres, en memoire de Saturne, sous le regne duquel  
on dit qu'il n'y auoit point d'esclaves: pour memoire de quoy, durant ces iours,  
les serfs pouuoient impunément dire à leurs maistres toutes leurs imperfec-  
tions: coustume longuement obseruée en France. Car du viuāt du Roy Louys  
deuxiesme, le iour des Rois & dans la salle du Roy, il se iouoit vn farce dans la-  
quelle personne n'estoit espargné, pour ses vices. Non que les Satistes le fissent  
pour se venger, ains afin de cōtenir plusieurs hommes & femmes desbauchez  
en leur deuoir; par la crainte du reproche fait en public aussi bien que durant  
l'ancienne Comedie Grecque. Ce Concile d'Auxerre, combien qu'il soit pro-  
uincial, est fort notable, pour des choses de nostre France. L'an six cens seize,

615.

616.



le Pape Dieu-donné, mourut, le huitiesme Nouembre, auquel Boniface cin-<sup>L'an de</sup> quiesme succeda. Cehuy-ci, ordonna que les Eglises & lieux sacrez fussent de <sup>Jesus</sup> franchise. Et toutesfois, parce que dessus l'on voit qu'il y en auoit ja en France. <sup>Christi</sup> Mais ie croiroy bié, que les Asiles ou franchises sacrées estoient speciales, ainsi que du temps des Payés, & que (possible) ce Pape les fit communes à toutes les Eglises Chrestiennes. Le Roy de Bourgongne, ayant (ce luy sembloit) donné bon ordre pour executer le mal talent qu'il portoit à son frere, à la suscitation de Brunehaut luy enuoya demander partie des thesors de son pere: & cependant, le mois de May de l'an 617. assembla pres Lengres vne armée de tous ses vassaux: avec laquelle il vint à Andelau, & print le chasteau de Nancy, auourd'huy ville capitale du Duché de Lorraine: & de la il s'achemine vers Tours, où Thiebert se trouua avec vne bien forte armée. Les Rois ne furent longuement l'un deuant l'autre, que la plaine voisine, & leur ieunesse ne les inuitast à la bataille, en laquelle il mourut grâd nombre de vaillans homes du party de Thiebert, qui se retira, le chemin de Mets, & puis vers Colongne, où il se sauua: encorcs qu'il fust bien viuement poursuuy par son frere. Laonise Euesque de Mayence (qui haïssoit Thiebert pour son mauuais gouuernement) vint au deuant du Roy victorieux: & l'encouragea, ou le voulut destourner par ceste fable à double entente. Vn Loup (dit-il) ayant ses Louueteaux si grâds qu'ils pouuoient ia aller en queste par eux mesmes, les mena sur vne môtaigne: & leur dit, qu'ils regardassent au long & au large: car ils n'auoient de toutes parts aucuns amis, fors vn petit nombre de leur race. Thierry qui deuoit deschiffrier ceste fable à l'auantage de son frere, & le conseruer comm'vn de sa maison, cuidât que l'occasion se presentast pour le destruire, fait passer outre son armée, pour venir trouuer son ennemi qui l'attendoit à Zuig; accompagné des Sefnes, Turingiés, & de tous ses vassaux habitans outre le Rhin; à l'aide desquels il donna vne seconde bataille, où il mourut tant de gens, & les tas des corps furent si grands, que plusieurs n'estoient pas couchez, ains demeuroient debout. Lors Thiebert vaincu derechef s'éfuit, & le carnage dura iusques à Colongne, où Thierry entra le mesme iour, & saisit les tresors de son frere, sauué outre le Rhin. Mais Berthier qui le poursuyuit, le ramena encorcs vestu de sa robbe Royale, & le presenta au Roy Thierry, qui le fit despouiller, & donna son cheual & ses armes audit Berthier, enuoyant le Roy prisonnier à Chalon, où depuis Brunehaut luy fit couper la teste. toutesfois Adon recite, que Thiebert ayant esté tué en trahison, la teste fut apportée à Thierry ainsi qu'il auoit commandé: & qu'un soldat ayant pris Merouice son fils par vn pied, luy froissa la teste contre vne muraille. Par ce moyen, tout le Royaume d'Austrazie vint es mains du Roy de Bourgongne, fors le Duché d'Entelen, que Clotaire reprit suuant la susdite conuention. Et voila comme le Scolastic raconte le fait vn peu autrement qu'Aymon, lequel dit, que Thierry voyant son frere eschappé de la seconde bataille, craignant que par le support de tant de vaillantes nations ses subiects, il ne recommençast la guerre plus forte que deuant, entra au pays des Ribarols, & mit tout à feu & à sang. Dont les habitans eslonnez, vindrent au deuant le prier d'auoir pitié d'eux: car puis que Dieu luy auoit donné la victoire, il ne gastoit plus l'autrui, ains son propre Royaume.

*L'An de* Thierry respondi: que à la verité il n'é vouloit plus à eux, & ne cherchoit que  
*Iesus* Thiebert, lequel amené vif, ou apportant sa teste, ils seroient deliurez des ad-  
*Christ.* uersitez de la guerre. Et là dessus, les Ambassadeurs retournez à Colongne (où  
 Thiebert estoit encores) l'aduertirent, que son frere luy mandoit, qu'e luy fai-  
 sant part des thresors de son pere, il sortiroit de son Royaume: prians Thierry  
 d'ainfi le faire, pour garentir le pauvre peuple de tant de maux qu'il enduroit.  
 Thiebert pensant qu'ils dissent de bon cœur, les mena au thresor Royal: là où  
 cōme il aduisoit ce qui deuoit estre enuoyé, vn des siens luy coupe la teste, qu'il  
 monstra au Roy Thierry par dessus les murailles de la ville, en laquelle le Roy  
 François Bourguignon entra tout incontīet: & apres s'estre saisi des thresors  
 & enfans du Roy mort, vint trouuer Brunehaut son ayeulle. Mais ceste cruelle  
 femme ne pensant auoir rien fait (quand bien elle eust esté cause de la mort du  
 Roy d'Austrazie) ses enfans demeurans vifs; elle commāda de les tuer, fors vne  
 biē belle fille. Chose bien malaisée à croire en la personne d'une ayeulle, si l'ap-  
 petit de vengeance n'auoit tant de pouuoir en l'esprit des femmes, pour faire  
 oublier à celle-ci, toute humanité à l'endroit des enfans de celui qui l'auoit elle  
 mesme supportée en ses meschācetez: seulemēt pour le respect de leur parenté  
 si proche. Ce qui fit trouuer d'autāt plus mauuaise ceste vengeance, estēdue ius-  
 ques sur des innocens encores à la mammelle. Je ne puis icy oublier la vanité  
 de ceux qui ont voulu tirer la maison de Habsbourg (c'est à dite celle qui porte  
 auionrd'hui le nom d'Austrie) d'un certain Sigisbert fils dudit Thiebert: veu  
 qu'il n'y a pas un autheur du tēps, qui ne dise que tous ses enfans massés furent  
 tuez. Les grands Princes n'ont iamais eu faute de tels flatteurs genealogiques,  
 lesquels pour donner à leurs biē-faicters des pretētions sur aucunes seigneu-  
 ries voisines, trouuent tousiours de ces enfans esgarez. Or la maison d'Austrie  
 estant montée à de grands biens & honneurs en peu de temps, & comme  
 dit un Alleman par la lance de chair (il entend mariages) ses bien-vueillans ont  
 essayé de couvrir l'obscurité des premiers seigneurs de ceste maison (qui com-  
 mença de fleurir enuiron l'an mil deux cens) avec des fables si lourdes, qu'elles  
 ne meritent que l'on s'arreste à les contredire, estans ja tels faussaires assez des-  
 mentis par les autheurs du tēps: & autres morts il y a trois, quatre & cinq cens  
 ans. Aymō recite vne chose qui aduint au Roy Thierry, laquelle n'est pas hors  
 de croyance, & dit: qu'estant ce Roy demeuré à Colongne pour receuoir le ser-  
 ment des habitans, qui iuroient entre ses mains dans l'Eglise de saint Gerion,  
 il luy sembla d'auoir esté frappé d'un poing par le costé; de maniere, que se  
 tournant deuers ceux qui estoient pres de luy, il leur commanda d'aller aux por-  
 tes, garder que personne ne sortist: car il pensoit que quelques uns de ces par-  
 iures Ribarols l'auoit voulu blesser. Ses gens coururent aussi tost aux portes:  
 mais quand il eut esté despouillé on ne luy trouua aucune playe au corps, ains  
 vne bien petite marque rouge, que le mesme autheur cuide auoir esté un signe  
 de sa mort prochaine. Quant à moy, ie croy qu'estant pressé en sa conscience  
 du mal qu'il faisoit à la maison de son frere, ce luy estoit un aduertissement de  
 Dieu, qui le menaçoit de punition, s'il commettoit le parricide de ses neveux  
 innocens, ja conclu en son malin esprit.

## CHAP. V.

*Le Roy Thierry s'apprestant pour faire la guerre au Roy Clotaire est empoisonné. Clotaire déclaré Roy de toute la France, fait le procez à Brunehaut. Punition de ladite Royne. Herpon tué. Euesque qui veut desbaucher la Royne, chassé.*



ENCORES, le mesme Roy ne pensant tenir l'Austrasie entiere tant que le Duché d'Enthelen seroit entre les mains de Clotaire, auant qu'vser de force, il enuoya ses Ambassadeurs vers le Roy de Neustrie, sçauoir s'il vouloit s'en despartir. Mais Clotaire résolu de le garder, le Roy de Bourgogne fit assembler son armee à Mets, où l'an six cens dixhuit il mourut, empoisonné par Brunehaut, ainsi que dit Aymon; & pour vne telle occasion. Thiebert Roy d'Austrasie auoit, comme j'ay dit, laissé vne tresbelle fille, de l'excellente beauré de laquelle Thierry vaincu, desira l'auoir pour femme, contre la volonté de son ayeule: laquelle n'ayant fait difficulté d'espouser Merouée neveu de Sigisbert son mary, maintenant se monstroient plus conscientieuse à l'endroit de Thierry, & luy mettoient deuant les yeux, que ceste Damoiselle estant fille de son frere, il ne la pouuoit raisonnablement espouser. Sur quoy Thierry presque forcené d'amour, luy respondit: meschante ennemie de Dieu, ne m'as tu pas dit qu'il n'estoit point mon frere? Pourquoy donc, si ceste cy est ma niepce, m'as tu fait commettre vn si detestable parricide? Je t'asseure que tu en mourras; & mettant la main à l'espee, sur l'heure s'en alloit tuer son ayeule, qui ne la luy eust ostée. Toutesfois elle fut portee en sa maison, ayant eschappé la mort toute certaine; mais retenant en son courage vn appetit de vengeance qu'elle ne peut longuement garder. Car à l'issuë d'un bain, elle fit presenter à ce Roy vn breuuage empoisonné, duquel il mourut aussi meschamment qu'il s'estoit desordonnément porté le reste de sa vie. Vn abregé dit qu'il fut bel homme & subtil: & vne autre Chronique, qu'il mourut par dysenterie, laquelle aussi luy peut auoir esté engendree par la force du venin: mais Auentin pour rendre le fait encores plus Tragic, dit, qu'au sortir de Mets il mourut foudroyé d'un coup de tonnerre, le dixhuitième de son regne, tant y a que la plus commune opinion est, qu'il finit ses jours par vn parricide, & fut enterré à Mets: laissant quatre fils bastards nommez Sigisbert, Corbe, Merouée & Childebert. Desquels Brunehaut se saisit faisant contenance de vouloir declarer Roy Sigisbert le plus aisné. Quant à l'armee assemblee à Mets par feu Thierry, elle retourna d'où elle estoit venue. Lors Clotaire assésuré sur le traité qu'il auoit fait avec Arnoul, Pepin & autres Seigneurs Austrasiens, il entra en ce pais despourueu de coinduitre, & s'arresta en vn lieu nommé Captonac: où Brunehaut qui estoit à Vvormes avec les enfans de feu Thierry, luy enuoya Chadonid & Herpon,

R R

## DES ANTIQ. FRANCOISES LIVRE V.

*L'An de  
Jesuy  
Christ.* le sommer de sortir du Royaume appartenant aux enfans de feu Thierry. Clotaire respondit, qu'il estoit prest de tenir le iugement que les Seigneurs François par eux choisis donneroient sur leur different. Cependant, Brunehaut enuoye en Thuringe Sigisbert l'ainé de ses petits fils, accompagné de Garnier Maire du Palais de feu Thierry; avec Alboin ou Aubin, & d'autres seigneurs, essayer à tirer de son costé les peuples habitans outre le Rhin suez des François. Ceux cy partis, elle depeſche incontinant vn homme, avec des lettres adressantes à Aubin, lequel apres les auoir leuës, les rompit jettant les pieces par terre: qu'un seruiteur de Garnier venant derriere luy, amassa, & rassembla sur vn ais, de telle sorte que Garnier cognut euidentement qu'Aubin auoit charge de le faire mourir. Ce qui (oultre la bonne volonté qu'il en auoit) luy fit prendre le party de Clotaire, & en haine de cette trahison, chercher les moyes de destruire les enfans de Thierry, empeschant l'obeissance que ces nations ja assemblees, estoient prestes de faire à Sigisbert, & prattiquant les Austrasiens deliberez de le suiure. Il enuoya mesme en Bourgongne (où Brunehaut s'estoit retirée, avec les autres enfans de feu Thierry) faire pareille menec. Or les Barons de ce pais (c'estoient bien des Gentils-hommes: mais non pas hauts Seigneurs tenans des terres, comme ceux qui aujourd'huy portent ce nom, ainsi qu'auons dit en nostre liure des dignitez de France) tant Euesques que vassaux Leudes, haïssans Brunehaut pour ses meschancetez tant secretes que publiques, trouuerent bon ce conseil de Garnier, & commencerent d'auiser aux moyens de surprendre les enfans de Thierry: affin qu'il ne s'en peust eschapper aucun, & quant & quant destruire ceste mauuaïse femme, pour mettre les Royaumes d'Austrasie, bourgongne, Vvestrie entre les mains de Clotaire. Sigisbert d'autre costé, quand les forces, que luy & brunehaut auoient assemblees furent prestes, vint en la campagne de Rheims, où il trouua Clotaire campé sur la riuere d'Aïſne, avec vne grosse armee de Vvestriens, en laquelle aussi il y auoit plusieurs Austrasiens prattiquez par Garnier, du consentement d'Arethee Patrice, & des Ducs Racon, Sigol & Andeleſne. Toutesfois ainsi que les deux armees estoient prestes de chocquer, & auant que joindre, Garnier & les gens de Sigisbert n'ayans desir de combattre, tournerent le dos à vn certain ligne qui leur fut donné, & s'en retournerent chacun en sa maison, ainsi qu'entr'eux estoit conueſnu. Clotaire qui n'en vouloit perdre vn seul, alla doucement apres, iusques sur la riuere de Saone, ayant cependant trouué moyen de faire arrester trois enfans de feu Thierry, à ſçauoir Sigisbert, Corbe & Merouée: car Childebert fut sauué, & ne ſceut-on iamais qu'il deuint: & c'estoit de ceſtui-cy de qui il falloit faire vn Idole, pour estre chef de la maison de Habsbourg, ou d'Austriche, si le plus ſouuent Dieu n'esblouïſſoit le iugement de ces inuenteurs, les faisant tomber en euidentes menteries. Lors Clotaire recogneu pour Roy de bourgongne par la faction de Garnier, brunehaut qui s'estoit sauuee outre le Mont-jou, luy fut ramenee en vn village nommé Ryonne, assis sur la riuere Vienne (que ie ne recognoy point encore) par Herpon Comte de l'Eſtable: ensemble Theudelene ſœur du Roy

Thierry, & vn vieil Auteur dit, que Clotaire fit semblant de la vouloir es-  
 pouzer à fin de la faire venir. Quant à Sigibert & Corbe, comme pour asseu-  
 rance de l'entiere victoire (mais peu Chrestienement) ils furent incontinent  
 tuez par le commandement de Clotaire; & Merouée qui estoit son fillieul se-  
 crettement enuoyé en Vvestrie, & baillé en garde à Bobon: & Ingobol Graf-  
 sion, c'est à dire iuge fiscal, selon que dit la loy des Ribarols; & possible Com-  
 te (pource qu'il y auoit aussi des Grassions: Lieutenans & assesseurs des grands  
 Comtes) où il fut nourry doucement, & vesquit plusieurs années. Il ne faut  
 penser que ces Grassions fussent l'estat de nos Greffiers, qui lors s'appelloient  
 Chanceliers & Notaires, pour les raisons que j'ay dites à mondit liure des  
 Dignitez. Brunehault doncamenee deuant le Roy Clotaire: & les Seigneurs  
 assemblez pour ordonner ce qui en deuoit estre fait; il luy fut mis sus, qu'elle  
 estoit cause de la mort de plus de dix Roys (il y compris les fils de Roys,  
 pource qu'ils s'appelloient aussi Roys, ainsi que j'ay dit) à sçauoir Sigibert,  
 Merouée fils de Clotaire (ie croy celuy qui fut pris en la bataille d'Estampes),  
 Thiebert & Thierry freres & leurs enfans: A ceste cause, apres l'auoir fait  
 gehennier elle fut mise sur vn Chameau (Evagre dit que les Sorciers estoient  
 ainsi moquez, auant que d'estre punis: & il n'est pas incroyable que ses en-  
 nemis la chargeassent encores de tel crime, pour la rendre plus odieuse) &  
 conduite de toute l'armee: puis liee par vn bras & vne iambe à la queue  
 d'un cheval farouche; à la premiere ruade qu'iluy respendit la ceruelle; des-  
 membrant le corps qu'il traîna parmy les champs. Et Adon, qui la fait  
 tirer à quatre chevaux, dit que les pieces en furent brulees. Ainsi mourut  
 ceste grande Roïne, condamnée par les siens, avec plus apparante iustice,  
 qu'elle ne les auoit fait mourir durant sa rude Seigneurie. La cruauté de ce-  
 ste execution faite en la personne d'une Roïne mere de tant de Roys, a fait  
 penser qu'elle soit fabuleuse; pour le respect de sa qualité: ioint que le  
 plaisir de voir tant de nobles Dames, par leur malice tumber de haut de-  
 gré, volontiers refroidit l'ardeur de la vengeance mesmes entre Chrestiens.  
 De maniere que tant s'en fait qu'on les poursuit aigrement; que le plus  
 souvent leur affliction engendre pitié au courage des offencez, & principa-  
 lement de ceux qui considerant le peu d'assurance qu'il y a en la sagesse des  
 hommes, qui mesprisent les iugemens secrets de Dieu tout puissant; pro-  
 prement appelle le Dieu des vengeances; pource qu'à luy seul appartient de  
 les faire; ainsi qu'il a dit. Toutesfois, ce que j'ay recité de la mort de ceste  
 Roïne, se trouue en de bons liures autres qu'Aymon. Et il y a grande ap-  
 parance (si ladite punition est vraye) que Clotaire voulut se ressentir de la  
 mort de Merouée son fils, enfant prisonnier de guerre, & monstrier vn exem-  
 ple pour (à l'aduenir) chastier telles Medees & tragiques furies, plustost que  
 Dames & Princesses. Si est-ce que lon voit encores à Augsten sa sepul-  
 ture en l'Eglise de saint ... ayant fait batisir l'hospital & l'Abbaye de  
 S. Martin en ladite ville: comme aussi celle de S. Vincent de Laon. A Lyon  
 celle de S. Pierre ou d'Aynay, avec autres en grand nombre, pour tesmoi-  
 gner de sa magnificence, qui la fit prise & honorer par les gens d'Eglise.

*L'an de  
Iesus  
Christ.* voir de saint Gregoire Pape, lequel en ses Epistres la louë par son bon gouvernement, & l'honneste institution de ses enfans ; estimant les François bien heureux d'auoir vne telle Royne. Quant à moy, ie pense que sa liberalité & magnificence, qualitez qui attrayent plus les estrangers, que ceux ( lesquels estans subiects des Princes prodigues, sont contrains fournir à leur outrageuse despence) seruit beaucoup à cacher ses autres imperfections. Aussi Aymon dit ; que de son temps l'on voyoit en Austrasie & Bourgogne tant d'edifices bastis par elle, que c'estoit merueilles comme vne seule Royne eust peu fournir la si grands frais. Encores se trouuent maintenant, des chaussees tirees du milieu de Bauais ville de Haynaut ; en diuers endroits de la Gaule, appellees chaussees de Brunchaut : que toutesfois Iacques de Cuyse pense auoir esté faites par vn ie ne sçay quel Brunchaut de Belges. Iacoit qu'il y a plus d'apparence, que c'est ouurage de Romains, fait pour transporter plus aysement les choses necessaires aux garnisons qu'ils tenoient sur les frontieres de Germanie & d'Angleterre. Du temps de ceste Royne, vesquirent en France, Etherie de Lyon, Disier de Vienne, Siagte d'Augstun, Euesques renommez en sainteté. Comme aussi Aymar d'Auxerre, Austrin d'Orleans, Loup & Colomban de Sens. Ainsi donc tous les Royaumes François pour la deuxiesme fois retournerent à la seule personne de Clotaire second, le treniesme de son regne, si vous croyez Fredegaire : accomplissant le souhair que Guntchram fit de luy, en le tenant sur les fonts. Car porttant mesme nom que son ayeul, il fut monarché ainsi que luy, & iouyt de tous les Royaumes François l'espace de seize ans, en bonne paix : saoulé de vengeance, ou bien ayant oublié les iniures à luy faites, & se montrant bon & iuste Roy, ce dit Emil. Garnier en recompense de ses agreables seruices, fut Maire du Palais de Bourgogne, avec promesse de n'en estre iamais degradé, ce sont les mots de Fredegaire : qui semble auoir remarqué cest exemple tref-dommageable pour le Royaume : & sur lequel (possible) les autres officiers prendrent occasion de souhairer le semblable : & aux enfans des grands, vouloir estre continuez aux charges de leurs peres, comme par succession. Et pource, les Rois importunez de telles iniustes requestes, se doiuent souuenir de hardiment & avec mauuais visage rebuter tels impudens. Principalement s'ils sont grandement heritez, és prouinces qu'ils demandent : & ils cognoissent qu'ils le font pour y donner vn pied à leurs enfans. Mais encores le plus seur (à mon aduis) seroit que les Rois par vn Edit fait aux estats, ordonnassent qu'aucun ne peust entrer en gouuernement ou capitainerie de Chasteaux de consequence, tenus par leurs Peres, Oncles, ou parens, desquels ils peussent estre heritiers, sinon quarante ans apres leur mort : afin que le Roy franchement, & avec iustice apparente se puisse desfendre de telles importunez : & s'excuser sur l'obligation qu'il doit aux loix fondamentales de son Royaume. Que s'il est d'auantage pressé, qu'il tienne pour certain, que tel importun luy est infidelle seruiteur. Le zeile du seruice de mon Roy, m'a transporté loing de mon propos, mais ie supplie tous bons François me le pardonner. Pour reprendre mon fil, ie dy que Radon homme de bien eut le mesme estat en Austrasie, & Herpon François de race, le Duché qui est entre

le Mont-jou en la place d'Andelen : lequel estant homme paisible, & voulant chassier ceux qui troubloient le repos commun, fut tué par les habitans de son gouvernement, esleuez à la sulcitation d'Alethee Patrice, de Leudemond Euesque de Syon, & du Comte Herpon. A ceste cause, Clotaire qui en fut aduerty, vint en Elsas avec sa femme : & apres auoir appaisé le tumulte, fit couper la teste aux rebelles, en vn village appellé Aurolegie, que ie ne puis remarquer. Durant cela, l'Euesque Leudemond estant venu en court, eut bien la hardiessé de persuader à la Royne Bertrade, de promettre mariage au Patrice Alethee, l'asseurant que pour certain le Roy mourroit l'annee mesme. Qu'elle fist donc secrettement serrer ses bagues & thresors : & les transporter en la ville de Syon, où ils seroient bien seurement. Car Alethee deliberoit de laisser sa femme pour l'espouser, avec esperance (puis qu'il estoit du sang Royal de Bourgongne) de paruenir à ce Royaume. La Royne pensant qu'il dir vray : & neantmoins courroucée de ce qu'il la tenoit si mal aduisee, de vouloir prester l'apreille à telle meschanceré, rebutta cest Ambassadeur effronté : & se retirant en sa chambre, laissa tout confus l'Euesque, qui de crainte d'estre descouuert, print incontinent le chemin de sa ville, & de là celuy de Luxeu, où il se retira, pres d'Austrasie Abbé du lieu : lequel trouua moyen d'aucunement l'excuser. Toutesfois estans les Seigneurs assemblez au village de Massolac, Clotaire fit adiourner deuant eux Alethee, lequel puis apres conuaincu de trahison eut la teste coupee : & l'Euesque maqueriau confiné au territoire de son Euesché : sans autre punition : par vne singuliere bonté du Roy, ou le grand respect qu'il portoit à la dignité Episcopale.

## CHAP. VI.

*Parlement à Bonneuil en Brie. Sisibut Roy des Vuisigots fait la guerre aux Romains demeurez en Espagne. Hegire conte des années des Sarrasins. Lideric Forestier de Flandres. Lombards demandent aux François les villes de Suze & d'Ytree, & estre deschargez du tribut par eux deu aux François. Mort de Bertrade Royne. Clotaire espouse Sichilde. Dagobert fils dudit Clotaire, fait Roy d'une partie d'Austrasie. Samon Marchand natif de Sens, est fait Roy des Vinides. Honneur de presenter au Roy la seruiette pour lauer. Isidare Euesque Espagnol scauant. Pepin l'ancien. Dagobert contraint son pere de luy quitter toute l'Austrasie. Bodin ayant espousé sa belle mere est tué. Bourguignons ne veulent point de Maire du Palais. Dagobert blessé en Saxe, est secouru par Clotaire son pere, qui de sa main tue le Duc de Saxe.*



AN six cens vingt, Clotaire tenant vn Parlement & assemblee à 620.  
Bonneuil en Brie, accompagné de Berthier Maire de Bourgongne,  
des Euesques, & plusieurs autres Seigneurs, confirma leurs reques-  
tes, ie croy touchant les biens qu'ils tenoient de luy en Bourgon-

L'an de gne. & Austrazie, leur en donnant lettres. Et la mesme annee, Sisebol Roy d'Espagne duquel j'ay parlé, fit bien forte guerre aux Romains suieſts de l'Empereur : & si vous croyez Sigisbert Croniqueur, il conquist Prouence & Cantabrie, maintenant Nauarre & Biscaye, iadis possedee par Francilion, lequel sa vie durant en auoit payé tribut aux Roys François : iusques à ce que luy mort, les gens de guerre que l'Empereur auoit en Espagne, gaignerent ce pays, que depuis Sisebol leur osta (ie croy durant les diuisions de France) abattant & rasant plusieurs villes tenuës par les Romains. De sorte, que le Royaume des Vassigots de son temps, occupoit l'Espagne, depuis la mer iusques aux montaignes Pyrenees. Ce fut lors ( aucuns disent

622. l'an six cens vingt & deux ) que Mahomet faux Prophete des Sarrazins s'esleua : & de ceste annee commence le compte de leur temps appellé Hegire, c'est à dire peregrination, exil, ou fuitte de Mahomer. Le sieur de la Scale gentil-homme que son excellent sçauoir rend non moins illustre, que la noblesse de sa maison, dit, que le premier an d'Alsigere, commence en l'an six cens & vingt deux de nostre Seigneur au seiziesme Iuillet; qui fut le premier mois lunaire des Mahomettans, nommé *Muharam* : & que l'annee mil cinq cens nonante & deux de l'an Gregorien, au septiesme Octobre (qui est le vingt septiesme de l'ancien Septembre de l'an Iulien) a commencé le premier mois de l'an mil & vn de l'Alsigere. Et l'an mil cinq cens nonante & trois en la Lune de Septembre, commencera le premier mois de l'an mil deux de Hegire ( que ie prie ledit Sieur de l'Escale de voir ces *Annales* ) & ainsi tousiours montant : car leur an n'a point d'arrest : d'autant qu'ils n'y sent des mois intercalaires, ainsi que les Iuifs. de maniere que leurs ans n'ont iamais que douze Lunes, & sont moindres de douze iours que les nostres Iuliens, & Solaires. Meier autheur de l'histoire Flamande, dit aussi qu'aucuns pensent que ceste annee Clotaire fit Lideric de Harlebec forestier de Flandres, pour lors faisant vne partie de la forest d'Ardaine. Touresfois, il est bien certain, que ceste contrée estoit assez habitee : puis qu'à Teroüenne il y auoit ja Euesché ; & que
622. Tournay estoit ville Royale. L'an six cens vingt & deux, Athon Roy des Lombars enuoya trois Ambassadeurs, prier Clotaire luy vouloir rendre les villes d'Yree & de Suse, & remettre le tribut que de long temps les Lombards deuoient aux Roys de France, tenans Bourgongne. Ces Ambassadeurs nommez Alquif, Pompègue & Cantôn besongnerent si bien que moyennant trois mille solds d'or qu'ils donnerent à Garnier, Gaudelend & Hund ( à sçauoir à chacun mil, & trente six mil au Roy Clotaire ) il leur remit le tribut, qui estoit de douze mil solds d'or par an ; faisant perpetuelle amitié avec les
623. Lombards, laquelle il iura & confirma par ses lettres. L'an six cens vingt trois,
624. ou vingt & quatre, mourut la Royne Bertrande femme du Roy Clotaire, qu'il aymoit vniquement : aussi fut elle plainte de tous ses loyaux suieſts. Tout incontinent apres, il espousa Sichilde sœur de Brunulf : que Vassebourg soustient auoir esté fils de Vvobert troisieme en ligne apres le Roi Cloyon. Chose mal-aisée à croire ; pource que ledit Roy mourut l'an quatre cens quarante neuf, qui sont cent soixante & quinze ans d'interualle : & lon ne conte guères



que trente ans pour chacune generation. L'an six cens vingt & six, qui estoit le <sup>L'an de</sup> trente huit du Roy Clotaire, Dagobert son fils fut par luy declaré compagnon <sup>lesus</sup> du Royaume, & fait Roy sur vne partie d'Austrazie : car son pere retint ce qui <sup>Christ.</sup> est deçà les Ardennes, & les montagnes de Vauge. Il est vray qu'Aymon dit, <sup>626.</sup> que ce fût l'an trente neuf dudit Clotaire. L'an quarante (qui estoit le six cens <sup>628.</sup> vingt & huit de nostre Seigneur Iesus Christ) vn François nommé Samon, de la contree de Sens, estant allé faire marchandise aux pays des Sclaues surnomé Vinides (que d'aucuns disent auoir tenu la Carinthie: & y a bien autant d'apparence que ce fussent Prussiens ou Poulonois, parce que les Autheurs les logent sur la riuere de Vistule) qui s'estoient rebellez cõtre le Roy des Huns, les conseilla & conduit si bien, qu'ils vainquirent leurs Seigneurs: & pour recompense, fut par eux salüé Roy, gouernant ce peuple tant sagement l'espace de trente & vn an, qu'il laissa ses enfans Roys, iusques à la quatriesme generation, & le temps de Charlemagne, si vous croyez ceux qui disent qu'ils furent Carinthiens. Pour lors viuoit Austregisille Euesque de Bourges, iadis tant fauorisé du Roy Guntchram, qu'il presentoit la seruiette à ce Roy, après auoir lauë: honneur encores ce iourd'huy gardé aux plus grands Seigneurs, qui se trouuent pres des Roys, quand ils veulent manger. Cestui-cy vn iour accusé d'auoir souscrit & seellé vne lettre sans le vouloir du Roy (il faut dire qu'il estoit Referendaire, c'est à dire Chancelier) fut condamné se deffendre en champ de bataille. Car iadis entre les François, & iusques enuiron l'an 1200. ou plus tard, vne partie pouuoit deffier son iuge, en maintenant qu'il auoit donné faux iugement: c'est à dire par argent, inimitié ou grace. Mais comme ce bon homme fut entré dans vne Eglise pour prier Dieu, on luy vint dire que son ennemy estoit mort tout soudain. Ce qui fut tenu pour miracle. Isidore Euesque de Seuille viuoit en ce temps, lequel par ses abbregez nous a beaucoup conserué de l'antiquité Latine. Toutesfois d'autres cuident que luy, & Paul <sup>629</sup> Diacre eussent mieux fait, de laisser entiers les dictionnaires de Varron & Festus par eux abbregez. L'an six cens vingt & neuf, Dagobert qui bien sagement gouernoit son Royaume par le conseil d'Arnoul Euesque de Mets: & de Pepin surnommé l'ancien (que Nangis dit auoir esté fils de Charlemant) Maire de son Palais, fut aduerty qu'un nommé Rodoald grand Seigneur de la maison des Andelfinges (il se trouue dans les loix de Bauieres, que les Ducs ce pays deuoient tousiours estre de la maison des Andelfinges) faisoit plusieurs choses contre raison: dont l'accusé estonné, & aduerty que son Roy l'en vouloit mettre en iustice, se retira vers Clotaire, qu'il pria estre moyen de luy faire pardonner. Comme il fit à la premiere veüe de son fils, lequel luy promit que Rodoal satisfaisant aux parties interessees, n'auroit aucun mal: tellement que Rodoal sous telle assurance retourna en Austrazie. Touresfois comme vn iour il vouloit entrer dans la chambre de Dagobert, Berthier eut cõmandement de luy tracher la teste sur le pas de l'huis. Atens merrent en ceste annee, vn voyage des Rois pere & fils contre les Sefnes: mais il y a plus d'apparence que ce fut celuy duquel tantost nous parlerons. Cependant Clotaire pour d'autant plus renforcer l'amitié de ses enfans, voulut que Dagobert son

*L'an de  
Jesus  
Christ.* Le fils espousa Gommatrude sœur de la Roine Sichilde, & lequel, partant d'Austrasie magnifiquement accompagné des Seigneurs de son Royaume, vint à Romuli ou Roman-village de Brie, assés proche de Paris. Fredegair dit à Clichy (qui est Clichy la Garenne, village assis derriere la montaigne de Mont-martre) où il l'espousa : mais trois jours apres, il s'esmeut vne grosse querelle entre le fils & le pere ; sur ce que Dagobert demandoit la possession de l'entier Royaume d'Austrasie, que Clotaire ne luy vouloit octroyer. En fin, ils choisirent douze Seigneurs François, dont Arnoul fut l'un. Lesquels iugerent, que Clotaire quitteroit tout ce qui despendroit dudit Royaume, & se contenteroit de retenir les terres d'outre Loire, avec le pais de Prouence. Cela me fait penser de deux choses l'une, ou que Dagobert s'aduisa que son pere vouloit donner au fils du second lit, ce qu'il retenoit, ou que les Australiens ayans ja vn Roy demeurant parmy eux, desdaignerent d'estre commandez par vn autre sejourant en Vvestrie, & que dès ceste heure, la semence de discorde qui depuis ruina presque ces deux Royaumes, commença de prendre racine aux cœurs des Maires d'Austrasie, pour enfler celuy de leurs successeurs : & principalement de Charles Martel : ainsi que nous dirons cy apres. Encores y a-il apparence, que la conqueste de Prouence (que l'on dit auoir esté faite par Sisibol) est suspecte de faux ; puis que Clotaire la retient en ce partage. Et n'est croyable, que les Rois Vvissigots se voulussent attaquer à Clotaire Seigneur de toute la Gaule. Si ce n'est que le Roy Parisien eut reserué ce pais tout expres pour le reconquerir sur les Espagnols. L'an six cens trente, Berthier Maire du Palais de Bourgongne mourut : & Godin son fils homme leger, espousa sa belle mere. Dont Clotaire marry, commanda au Duc Arnebert beau-frere dudit Godin, amasser des gens pour le tuer. Dequoy le ieune homme aduertty, tout estonné s'enfuit avec sa femme en Austrasie, vers Dagobert, & se mit en la franchise de saint Aspre, qui est en la ville de..... craignant la cholere de son Roy. Toutesfois Dagobert ayant obtenu sa grace à la charge de renoncer à ce mariage incestueux, il retourna en Bourgongne. Lors ceste femme (possible) marrie d'auoir esté abusée, & aussi legerement quittee par Godin, l'accusa d'auoir entrepris de tuer le Roy Clotaire, qui l'enuoya querir pour le faire iurer de luy estre fidelle. Godin ne faillit à venir : & ayant fait le serment requis, sur le corps de saint Medard de Soissons, & sur celuy de saint Denys de Paris, Cranulf & Adelbert qui auoient charge de le surprendre par les chemins, luy dirent qu'il faillloit encor aller à Orleans, iurer sur celuy de saint Agnen : & puis en faire autant à saint Martin de Tours, ce qu'il accorda. Mais en passant au pais Chartrain, vilainement ils le tuerent en vn banquet ; avec aucuns de sa compagnie, & son bagage pillé, ses amis & seruiteurs furent mis en fuite. Ceste annee, Palais & Seducie son fils Euesque de Thoulouse, accusez par Agille Duc, d'auoir esté de la rebellion des Basques, furent confinez : & Boson fils d'Andelen, qui estoit du pais d'Estampes, tué par le Duc Arnebert, du commandement de Clotaire, qui le soupçonnoit de paillarder avec Sichilde sa femme. La mesme annee, ce Roy ayant fait publier vne assemblée à Troyes, & les Leudes (ie croy seigneurs Liges) de Bourgongne y estans venus, il leur fit deman-

demander s'ils vouloient quelqu'un en la place de Garnier : mais ils respondirent ne vouloir point effire de Maire du Palais : & bien humblement le supplierent de demeurer en sa bonne grace. Celuy qui a écrit la vie de Dagobert, les Croniqueurs Aymon, & Nangis, racontent en ceste année vn acte, que ie m'esmerueille auoir esté oublié par Fredegair : & disent que Dagobert faisant la guerre aux Sefnes, espargna si peu son corps, qu'il se trouua en personne aux meslées. De sorte, qu'en vne rencontre il recut vn coup, qui luy emporta partie du heaume avec du cuir de sa teste, où pendoient des cheveux qu'il enuoya à son pere, pour lors chassant en la forest de Longlair, voisine des Ardennes : dont Clotaire fut si marri qu'ayant tout soudain amassé vn nombre de gens, il s'achemina vers son fils en grand diligence : & le vint trouuer campé sur la riuere de Vesere, au deuant de ses ennemis. De quoi les Austraziens firent si grande ioye, que Berthoul Duc des Senes oyant le bruit du camp François, s'approcha du riage pour scauoir la cause de telle resiouissance, laquelle entenduë il se mocqua, disant auoir certaines nouuelles de la mort du Roy de France. Clotaire qui d'auanture n'estoit pas loing, tout aussi tost deslaissa son Heaume pour se donner à cognoistre, par sa grand' chevelure. Lors Berthoul marri de le voir, en le despitant s'escria, tu estois donc la beste muette : mais ces parolles offencerent tant le Roy pere, que sur l'heure mesme il passa la riuere à cheual : & pour suyuir Berthoul si viuement, que nonobstant sa fuite, il le tua de sa main, emportant sa teste : puis courut tout le pays de Saxe, auquel il ne laissa en vie pas vn homme plus grand que son espée. Ce fait, il retourna en France, avec l'honneur d'auoir apres Clouis & Childebert, tué de sa main le chef d'une armée ennemie, pouuant par la coustume Romaine, emporter les despouilles, que les anciens appelloient *spina spolia*. L'on met ceste année, ou l'an six cens vingt-huit, la mort de Mahomet faux Prophete des Sarrazins, Turcs & Maures : la renommée & secte duquel ne me permet d'oublier son origine. L'An de  
l'Esu  
Cbris. 628.

## CHAP. VII.

*Qui fut Mahomet. Sa mere. Et sa sepulture. Agnan Sefne tué. Ermen-  
ger gouuerneur d'Aribert fils de Clotaire. Mort dudit Clotaire. Ses quali-  
tez. & partage de son Royaume. Sainct Fiacre Hermite de Meaux en Brie.*



**M**AHOMET donc fils d'Abdal Perse ou Arabe, & de Emine Iuifue : en sa ieunesse ayant mené les Chameaux d'un marchand d'Arabie, espousa depuis Eadige bien riche veue, qui luy donna moyen de faire le train de marchandise : mais pource que ceste femme le voyoit souvent tomber du haut mal, il luy faisoit croire que c'estoit pour la communication qu'il auoit avec l'Ange Gabriel. Et à fin de mieux couvrir ce mensonge, s'accointa d'un appelé Serge, Moyne chassé d'a-

SS

En de  
Iesu  
Christo.

avec les Chrestiens pour l'heresie de Nestor qu'il soustenoit; & d'un Juif: par le moyen desquels l'an quarante neuf ou cinquante de son aage, il forgea vne Loy & creance nouuelle, qui tenoit du Iudaïsme, & ne reiettoit Iesus Christ, lequel il confessoit auoir esté grand Prophete: mais non pas fils de Dieu: abominant la Trinité, comme vne recognoissance de pluralité de Dieux; & encores plus les Images comme marque d'idolatrie. Or pour abuser le peuple, il auoit accoustumé vn pigeon à venir sur son espaule, mâger dans son oreille faisant croire que c'estoit l'esprit, ou messager de Dieu qui luy reueloit ces loix qu'il publioit: ce qui donna occasion au peuple de s'amasser autour de luy. Lors se voyant appuyé de quelques gens de guerre, il se declara Prophete; & print pour compagnons Anagorem, Hali & Zaid: marchant en armes & contraignant par force, ceux qui ne luy vouloient obeyr: deuenu puissant par ce moyen, il attira aucuns Sarrasins, Arabes comme luy; & qui auoient esté soudoyers de l'Empereur: mais pour l'heure ses ennemis, par la force desquels il se saisit de Ietribâ, autrement appelée *Medina Talnabi*, c'est à dire cité du prophete, pource qu'il y establit son siege: & y publia ses loix: & de là faisant ses courses print la ville de la Meke. Mais trois ans apres, les Sarrasins (la plus libre nation du monde) marris d'estre contrains pour quelque chose que ce fut, le chasserent de Medine, & dès lors Mahomet commença de courre & rauager le pays voisin, semant par tout sa doctrine. Laquelle aisée d'esteindre au commencement, fut confirmée par les differens en ce temps là aduenus parmi les Chrestiens & lascheré des Empereurs, la bonne conduite & vaillance des chefs Sarrasins: qui (possible) faschez que tant de gens estimez scauans, par leurs disputes ne pouuoient esclarcir en quoi gist le salut des hommes, embrasserent ceste nouuelle doctrine, ou creance assez large & fauorable aux guerriers, l'estendant depuis avec leurs victoires, par tous les pays où ils peurēt mettre le pied, la faisant recevoir à tous leurs suieſts bon gré mal gré, ainsi qu'il est commandé en l'Alcoran, qui est le liure de leur foy, enuoyé du ciel, ce disoit Mahomet. Cet Alcoran contient assez de refueries, qui ne meritent le reciter, tāt elles sont hors de raison, & esloignées d'un esprit diuin. Aussi Vassée Croniqueur d'Espagne, dit auoir veu dans les memoires de Nicolas Clenard (lequel enuiron l'an 1540. estoit passé en Barbarie pour apprédre à combattre à coups de plume, la doctrine de Mahomet, si ainsi faut appeller les folies de ce liure) Que ledit Alcoran fut composé par dix Juifs contrefaisans les Anges: lesquels en despit des Chrestiens, la nuit dictoient à Mahomet toutes les sortises par luy escrites. Ce faux Prophete, mourut aagé de soixante & deux ans, iacoit que d'autres ne luy en donnent que quarante; & le dix-sept de l'Empire d'Heracle. Son corps est enterré à *Medina Talnabi*, en vn lieu assez bas, à la façon des grottes de plusieurs monasteres Chrestiens, comme l'on voit à S. Geneuiefue de Paris: & S. Hilaire de Poictiers, & autres: estant ledit lieu enuironné de tres-belles & magnifiques colônes. Car tous les deux sont faux: & qu'il gist à la Meke, & que son cercueil pende en l'air, par la vertu des pierres d'Ayman qui sont à l'entour de son sepulchre de fer, ainsi que plusieurs croyent. Toutesfois il est visité des Turcs & Sarrasins: comme par les Chrestiens celui de nostre Seigneur Iesus Christ qui

est en Hierusalem: & les Turcs tiennent ceux qui ont fait ce voyage, comme *L'an de*  
saincts: mesme le drap d'or de dessus le cercueil estant renouuellé tous les ans, *lesus*  
le Seigneur de la Mexe en resient vn tiers, l'autre est porté au grand Seigneur, *Christe*  
ainsi qu'un pretieux thesot, l'autre est pour . . . . . Pour reuenir  
à nostre histoire de France, Clotaire ayant fait vne assemblée à Clichy, où se  
trouuerent les Seigneurs François & Bourguignons à fin d'auiser aux affaires,  
il aduint que les gens d'Aygnan Sefne, tuerent Ermanger Maire du Palais d'A-  
ribert, fils du Roy Clotaire. Si est-ce, que cet enfant encores bien ieune, n'a-  
uoit point de Royaume: ce qui me fait croire, que ce n'estoit qu'un maistre  
d'hostel, comme il se trouue que les enfans des Rois en auoient, quand on les  
enuoyoit en quelque prouince pour la gouverner. Il se fut ensuyui grand  
meurtre pour cet outrage, sans la presence du Roy qui appaisa le tout: & com-  
manda audit Aygnan (suyui de grand nombre de gens de guerre) se retirer a-  
uec les siens, au mont de Mars, Mercure ou Marcomet (car tous ces trois  
noms se trouuent) qui est celuy de Mont-martre, que neantmoins le commun  
penseauoir prins ce nom pour le Martyre de saint Denis: & de ses compa-  
gnons decapitez (ce croit-on) en ce lieu. Produlf ou Brunulf oncle dudit Ari-  
bert: & frere de la Roynie Sichilde, ayât assemblé ses amis de toutes parts, vou-  
loit courre sus audit Aygnan: mais Clotaire & les Bourguignons, pour euite-  
r plus grand mal, aduiserent de se declarer ennemis de ceux qui ne voudroient  
obeyr au iugement qui en seroit donné par le Roy, lequel ne la fit pas longue  
depuis: car il mourut l'an six cens trente deux: le quarante cinq de son aage, qua-  
torze (autres disent seize) de sa monarchie. Il fut enterré à saint Germain des  
prez les Paris, & laissa deux enfans pour successeurs: à scauoir Dagobert au  
Royaume de France, & Aribert à celuy de Gascongne, ou plustost d'Aquitaine  
& Languedoc. Clotaire fut vn Prince patient, debonnaire, scauant, craignant  
Dieu, liberal enuers les Eglises, Prestres & pauvres: courtois & gracieux à cha-  
cun. Et neantmoins, comme il ne se trouue homme parfait, il est blasmé d'a-  
uoir trop aymé la chasse, & les femmes. Or iacoit qu'il y ait apparence que la  
malicieuse subtilité de Fredegonde sa mere l'aidast pour sortir de ses affaires, &  
aduersitez de sa ieunesse, si faut-il croire que luy mesme a esté sage & aduisé,  
pour après sa mort, auoir premierement paré aux coups de si puissant ennemi  
que luy estoit Childebert Roy d'Anstrazie, & puis son fils Thierry Roy de  
Bourgongne: secondé d'une si rusée femelle qu'estoit Brunehaut. Et recueilly  
sans grand meurtre, tous les Royaumes de France, ja tenus en partialité, pour  
les inimitiez des Princes, accreuës par les mauuais gouuernemens & ieunesses  
des Rois d'Anstrazie & de Bourgongne. En quoy nous deuons regretter le pe-  
rit soing de nos predecesseurs, qui nous ont si peu laissé de particularitez de ce  
Roy, & autres venus plus de cent ans après, ou l'iniure du temps si cruelle, que  
de leurs escrits l'on ne peut gueres apprendre des motifs des guerres lors es-  
meuës, ny du commencement de la ruine de la maison Merouingienne: & enco-  
res moins du gouuernement, estat & police du Royaume François. Tellement  
qu'il y a aussi peu de plaisir de veoir leurs Annales, qu'une meschante couuerture  
de plusieurs petites pièces, mal, negligemment, & sans ordre rapportées: tant

*L'an de les faits sont nuds : & despoillez des causes de leurs éuenemens. Et neant-*  
*moins, ie confesse qu'on leur pourroit donner plus de grace, qui les voudroit*  
*enrichir de raisons. Mais trouuant aux escrits du temps, si peu de lumiere*  
*pour approcher de la verité, par aduenture seroit-ce commenter sur l'histoire.*  
 Ce que ne doyuent faire les Auteurs qui aiment leur honneur, & ne veulent tromper ceux qui lisent leurs escrits. Et encores plus moy, qui essaye de représenter nos antiquitez. Car tels discoureurs, s'appellent enrichisseurs de contes plustost qu'historiens. Et pource, il me semble estre le plus seur de laisser à ceux qui liront telles parcelles, chercher eux mesmes les occasions qui peuuent auoir causé les éuenemens. Clotaire renouuella les coustumes, ou loix de Bauieres que voyons imprimées, & en fit de nouvelles pour les Suauens : & faut croire, s'il a fait ce bien aux Prouinces esloignées de sa demeure ordinaire, qu'il fut encores plus curieux de celles de France. Celui qui a composé la vie de saint Babolen, l'appelle le plus vaillant de tous les Rois. Je ne sçay si c'est pource qu'ainsi vaillamment il tua Berthoul Duc de Saxe : mais l'on peut dire qu'il gouuerna son Royaume avec telle sagesse, grandeur de courage, & magnificence, que non sans cause l'on pensa, qu'il eut esté tiré de tant de dangers par la bonté de Dieu. Fiacre Hermite Escossois, de son téps vint en France : & se retira en la forest ou desert de Brie, près Meaux, homme renommé de sainteté, & son Eglise iadis frequentée & reuerée, par ceux qui estoient malades d'une orde maladie approchant de son nom.

## CHAP. VIII.

*Dagobert partage son frere en Guyenne. Fut bon iusticier, tant qu'il se gou-*  
*uerna par Arnoul & Cunibert. Fait sa residence à Paris. Il a plusieurs*  
*femmes & concubines. Mort d'Aribert Roy de Thouluze & de son fils.*  
*Responce de Samon Roy des Vinides à un Ambassadeur François.*

**D**AGOBERT ne fut pas si tost aduerti de la mort de son pere, qu'il amassa vn bon nombre d'Austraziens ses sujets : & enuoya practiquer ceux de Vvestrie & de Bourgongne, prenant le chemin de Reims : où tous les Euesques, Ducs, Comtes & Seigneurs des Prouinces de deça (ja assemblez en ce lieu) luy firent serment de fidelité, nonobstant les menées de Brunulf frere de la Royne Sichilde, qui pensoit auoir quelque faueur pour les tirer sous l'obeissance d'Aribert son neveu, suyuant la volente du feu Roy : lequel sembloit auoir desiré & conclud, que Dagobert se contentast d'Austrazie, ainsi que i'ay dit, à fin que le reste demeurast au puigné. Mais Dagobert fut plustost entré en guerre, qu'il n'eust fait paroistre qu'il estoit l'aisné. Et Dieu monstra, dit Emil, qu'il aide aux vaillans homes. Car les François estimans que Brunulf se declaroit affectionné pour son profit par-

ticulier, plustost que pour soustenir le droit d'Aribert : avec ce qu'ils ne iu- *L'an de*  
 geoient cest enfant digne de si grande charge, n'y voulurent point entendre : & *lesus*  
 Dagobert ayant cependant gagné le cœur de plusieurs de ceux qui luy pou- *Christ.*  
 uoient nuire, l'accorda avec son frere : auquel, à fin d'oster aux meschans l'occa-  
 sion de prendre party, & ouvrir la porte à vne guerre civile, il laissa l'Aquitai-  
 ne, depuis Loire, iusques aux monts Pyrenees : ou, selon d'autres, les pays de  
 Thoulouze, Cahors & Saintonge, iusques ausdits monts. Les mesmes Au-  
 theurs, pour couürir l'inegalité de ce partage, disent, que ce fut à conditiõ qu'il  
 ne demanderoit rien au reste du Roiaume paternel : & qu'il ne porteroit tiltre  
 de Roy. Ce qui n'est pas croyable auoir esté souffert par les Seigneurs du pays,  
 veu ce qui s'ensuiuit. Ainsi, Dagobert saisi du reste des terres & thresors de  
 son pere, mit bon ordre à la iustice & autres affaires de ses suiets : & Aribert  
 établit son siege à Toulouze. Où, quelque chose que disent noz gens de de- 633  
 ça, il porta le tiltre de Roi, commençant à regner l'an six cens trente trois. Au-  
 quel aussi, Dagobert alla en Bourgongne tenir la iustice : au grand contentemēt  
 des petits, & crainte des Euesques & Seigneurs du pays. Car entre autres  
 maux qu'engendra la paix que le roy Clotaire eut sur la fin de ses iours, il ne se  
 soucia pas tant des affaires qu'il souloit. Dont s'ensuiuit vne bien dangereuse  
 licence, & audace de plusieurs gouuerneurs : lesquels n'estans plus retenus par  
 la bride des loix, ou vigilance du Roi (endormy sur l'assurance d'vne longue  
 Seigneurie : & de ses forces grâdemēt surpassans celles de ses voisins) les plus  
 meschans des siens se permirēt toute impunité : de maniere, que la façon & ri-  
 gueur ancienne de la iustice, ne pouuoient estre reſtablis : d'autant que la ſeu-  
 rité du nouveau Roi sembloit deuoit irriter ce mal, gliffée par tout : & la con-  
 nuience renforcer la contumace & debordement de chacun. Toutesſois quād  
 le nouveau Roi venu à Langres se monſtra ſi droit, tous penſoient qu'il fuſt  
 enuoyé de Dieu, Auſſi rendant iuſtice ſans acception de perſonnes, ne prendre  
 argēt ou preſens, ſa vertu admirable rauit les bōs à luy porter loialle affection :  
 & donna telle frayeur aux peruers, qu'ils demeurèrent cois pour vn temps. Au  
 partir de là, il paſſa par Dijon & Beaune pour la meſme occaſion de faire iuſtice  
 à chacun : & y vaqua ſi ententiueſment, qu'il en perdoit le manger & le dormir :  
 comme ſil n'eult eu autre choſe à faire qu'à contenter & renuoyer ioyeux le  
 peuple ſortant de deuant ſa preſence. Ce neantmoins, comme les Princes ſont  
 fort ialoux de leur grandeur, ne pouuant oublier les prattiques que Brunulf  
 auoit faites contre luy apres la mort de Clotaire ſon pere pour l'aduancement  
 d'Aribert, le iour qu'il voulut partir de Beaune, les Ducs Amalger, Arnepert,  
 & Vvillebaut Patrice, le tuerent par ſon commandement : ainſi qu'auant iour  
 il entroit dans vne eſtuee ou bain. Cela fait, le Roi vint à Chalon ſur Saone,  
 tenir la iuſtice : & de la il prit le chemin d'Auxerre & de Sens ; puis paſſant à  
 Romilly pour venir à Paris, aucuns Seigneurs François luy conſeillerent de ſe  
 ſeparer de Gommatrude ſa femme, laquelle au meſme lien, il auoit eſpouſee  
 par le vouloir de ſon pere : prenant l'occaſion ſur ce qu'elle ne luy faiſoit point  
 d'enfans. Mais l'incontinence que depuis il monſtra, fut d'autant plus inſup-  
 portable, qu'il tira d'vn monaſtere Nantilde bien belle & noble fille, pour la

*L'an de* nommer Roine. Dagobert depuis le commencement de son Royaume, *le* se-  
*Christ.* stoit iusques la gouuerné par l'aduis d'Arnoul Euesque de Mets : & de Pepin  
Maire de son Palais d'Austrazie; avec si grâde prosperité, qu'il en estoit grâde-  
ment loué par tout le monde: ayant encores donné telle crainte de sa valeur,  
que les peuples voisins des Auarrois & Sclaues, ne demandoient autre chose  
que de les voir en leurs pays, l'asseurant qu'ils luy ayderoient à conquerir les  
nations de ce quartier. Toutesfois, il ne se trouue point qu'il ayt fait guer-  
re auant la mort d'Aribert son frere, ains tout le temps d'entre deux,  
maintint son peuple en bonne paix, sous l'obseruation des anciennes loix. S.  
Arnoul mort, il eut pour Conseillers ledit Pepin, & Cunibert Euesque de Co-  
longne; lesquels par leur bonne conduite le rendirent Seigneur de tous les  
635. Roiaumes de France: de sorte qu'il n'y auoit encores eu Roi son pareil, ny plus  
excellent que luy. L'an six cens trente cinq, ainsi qu'il reuifist son roiaume  
d'Austrasie suiuant la coutume des Rois de ce temps-là, marry de n'auoir au-  
cuns enfans, il s'en-amoura d'une tres-belle fille nommee Ragintrade, d'assez  
bonne maison: & laquelle en la mesme année luy fit vn fils, que l'on appella Si-  
gisbert: puis retourné en Vvestrie, il trouua l'affiète de paris tât agreable, qu'il  
en voulut faire sa residence & siege principal, ainsi que son pere, & Clouis pre-  
mier. Lors se desuoiant du chemin par luy tenu iusques là, ou retournant à son  
naturel (car on ne deuient point bon ou mauuais tout soudain) il se monstra  
auaricieux, & remplit les thresors des biens des Eglises, & de ses Leudes ou  
vassaux. Ce nonobstant, il estoit grand aumosnier: mais c'est la coustume des  
prodiges, apres auoir tout donné de desrober, pour continuer leurs plaisirs  
& folles despeses. Outre cela, il estoit tellement adonné à paillardise, qu'il re-  
noit trois femmes comme Roines: sans plusieurs autres concubines: pource  
que c'est la coustume de ceux qui ont ainsi le cœur distraict en plusieurs en-  
droits, de n'estimer aucune femme, & en ceste pluralité, le plus souuent toutes  
les mespriser. Les Roines s'appelloient Nantilde, Vvlfigonde & Bertilde. Quât  
aux concubines, elles ne sont nommees, parce qu'il y en auoit tant. Fredegair  
dit n'auoir daigné les mettre en sa Chronique: d'autât qu'il en tenoit des trou-  
peaux par maniere de dire: au grand scandale des gens de bien, qui le voulans  
reprendre encoururent la male grace: & entre-autres, S. Amand Euesque de  
Paris, lequel par ceste occasion fut banni, & depuis reuocqué, quand le Roi s'a-  
menda. Audit an, le treziesme d'Octobre mourut Honoré premier Pape du  
nom, qui laissa le siege vacant vn an, sept mois, dixhuit iours. Cependant Pe-  
pin voyant que tous les vassaux du Roi estoient marris de son changement  
comme il estoit sage & bien aduisé, ne laissoit toutesfois de le conseiller, se-  
lon qu'il iugeoit estre raisonnable. Qui fut la cause pourquoy aucuns mau-  
uais Conseillers Royaux (comme si par sa preud'homme il leur fit honte),  
le voulurent rendre odieux à Dagobert, à fin qu'il le fit tuer. Mais par la gra-  
ce de Dieu il eschappa leurs embusches, estant secondé d'un autre Seigneur  
Vvestrien nommé Age. Ceste mesme année, Geruais & Paterne enuoyez en  
Ambassade vers l'Empereur Heracle, retournerent de Constantinople avec  
vn traité de paix, fait entre luy & Dagobert: auquel temps, le Roi de



France enuoya Pepin à Orleans : mener son fils nouveau né , au deuant du Roi. Aribert, qui la, deuoit leuer des fons cest enfant. Mais c'estoit pour surprendre le Roi d'Aquitaine , en vne embusche que ledit Age & Pepin, avec ceux de leur gouuernement luy auoient dressée, en intérieon de le retenir : toutesfois Aribert retourna sain & sauf en son pays, lequel il gouuerna fort bien : se monstrant actif & vertueux. Car le tiers an de son regne, il eslargir les limites de son Roiaume, & mit route la Gascogne ou Basque en son obeissance : estendant sa frontiere iusques à celle des Vvissigots, puis mourut l'an d'après que l'on contoit six cens trente six : laissant vn fils nommé Chilperic bien ieune, depuis tué (comme l'on disoit) à la suscitation de Dagobert : lequel tout aussi tost se saisit de son Royaume vacât, & de Biscaye ou Basque : faisant apporter par le Duc Barente les thresors du Roi mort. Dont le Duc retint vne partie, s'entendant avec ceux qui en auoient la garde. Aucuns disent qu'Aribert regna neufans, & continua son temps iusques en l'an six cens quarante. Ceste mesme annee six cens trente six, les Sclaues appelez Vinides ayans tué plusieurs marchans François qui traffiquoient en leurs pays, Dagobert enuoya vn nommé Siguaire vers Samon leur Roi, demander iustice de ce fait : & restitution des choses mal prises. Siguaire cognoissant que Samon ne luy vouloit donner audiéce, se desguisa en Sclaue : & en cest habit luy vint declarer sa charge. Dont Samon ne tint pas grand conte, & luy dit seulement, que sa iustice estoit ouuerte à ceux qui la demandoient deuant ses Iuges. L'Ambassadeur qui ne consideroit pas que Samon n'estoit plus marchant François, ains Roi, vsant de parolles plus hautaines qu'il ne deuoit, le somma de venir faire hommage au Roi Dagobert, duquel il estoit vassal. A quoy Samon respondit froidement, & dit, Que la terre qu'il tenoit estoit à Dagobert : & les siés ses vassaux, s'il vouloit garder l'amitié cy deuant obseruee entr'eux : Mais Siguaire respondit, que les Chrestiens amis de Dieu, ne pouuoient faire alliance avec des chiens. Aquoy le Roi Sclaue outré de colere respondit, Et si vous estes seruiteurs de Dieu, & nous sommes ses chiens, il nous a commandé de vous mordre, puis que vous luy estes tousiours contraires & ennemis. Cela dit, il le fait chasser de deuant soy. Ceste responce entenduë par Dagobert, il commande d'assembler vne armee d'Austraziens, pour aller contre les Vinides, car les voulant assaillir par trois endroits, il pria les Lombards de leur courre sus : comme aussi par les Allemans : lesquels sous la conduite de Claudebert leur Duc, obtindrent victoire sur les Vinides, aussi bien que les Lombards : & emmenerent grand nombre de prisonniers. Si ces Vinides habitoient sur la Vistule, les Lombards (ja passez en Italie) & les Allemans (voisins du Lac de Constance) venoient faire la guerre bien loin ; ou il faut dire, que c'estoit quelque reste de Lombards, laissez en Germanie par Albouin leur Roy, ou que ceux qui les ont appelez Carinthiens ont meilleure raison. Toutesfois ces difficultez, & autres de si grâde antiquité, se passeront sous la mesme ignorance, qui a enseuely de plus belles choses : Mais les Austraziens enuoyez à mesme guerre n'eurent pas telle fortune que ceux-cy. Car ayans mis le siege deuât vn Chasteau lors appellé Vorastinze, où plusieurs vaillants hommes Sclaues s'estoient retirez, apres l'auoir par

L'an de  
Iesvs  
Christ.

trois iours inutilement assailly, furent en fin contrains leuer le siege, & prendre la fuite, laissant leur bagage: non sans perte de plusieurs des leurs tuez sur le chap. des ceste heure-là, les Vinides coururent le pays de Turinge plusieurs fois, & les autres contrees du Roiaume d'Austrazie. Encores, pour le comble de la honte, Dernan ou Dreux Duc des Soabes qui font aussi partie du peuple Sclauue (Altamer Allemand cuide qu'ils tenoient le pays auioird'huy appelé Misne) & de tout temps auoient esté de l'obeissance des François, mit soy & son Royaume sous la protection de Samon: ayans les Sclauues obtenu ces victoires, non tant par leur vaillance (ce disent les Auteurs du temps) que par la temerité & folie des François despités contre leur Roi, duquel ils estoient ordinairement pillez. Et toutesfois, le Chroniqueur de Turinge, dit, que l'an six cens vingt-sept (il peut bien en auoir oublié dix) Dagobert fut en Turinge, où il abbatit le chasteau de Meruisbourg: & sur ses ruines, bastit vn monastere de Saint Pierre, qui auioird'huy se voit en la contree d'Orford, & tout contre, edifia le chasteau de Tuberstat.

## CHAP. IX.

*Bulgares chassés par les Auarrois, & retirez en Bauieres, sont occis. Sisenand Roy d'Espagne à l'ayde des François chasse Suinthille son frere du Royaume qu'il tenoit. Basin valant deux cens mille sols d'or. Sesnes promettant deffendre la frontiere de France sont battus par les Vinides. Serment fait sur les armes. Gascons domptés par Dagobert. Destruction de Poitiers. Fondation de l'Abbaye Saint Denys. Sigisbert fils de Dagobert fait Roy d'Austrasie. Denthelen Duché. Adon, Dadon, & Radon freres, fondateurs d'aucunes Abbayes de Brie.*



E mesmean, aucuns Bulgares qui querelloient le roiaume de leur pays contre les Auarrois, accorderent entr'eux que leur différent seroit vuidé par deux Champions, qui pourroyent en leur armee choysir certaine quantité de gens pour les aider. Mais les Bulgares vaincus en ce camp, partirent de Pannonie (c'est partie de Hongrie & d'Austriche) avec leurs femmes & enfans, iusques au nombre de neuf mille hommes: lesquels enuoyerent demander à Dagobert, vn quartier de la France, pour y habiter. Le Roy fit dire à leurs Ambassadeurs, que pour cét hiuer ils l'arrestassent au pays de Bauieres, en attendant qu'il eut aduisé avec son conseil vn lieu propre pour eux. Cependant, les Bulgares espars & logez par les maisons des Bauariens, furent tuez en vne nuit, par le commandement de Dagobert, suiuant ce qui auoit esté arresté en son conseil. De sorte, qu'il n'eschappa que Altrice, avec sept cens hommes, leurs femmes & enfans, qui se sauuerent en la contree des Vinides, où ce capitaine vesquit plusieurs années avec

avec Valduc, qui estoit vn Duc de ceste nation. Au mesme temps, Suinville <sup>L'an de</sup> Roi d'Espagne, hay des siens pour ses mauuaises qualitez, Sisenand son frere <sup>lesur</sup> fut conseillé venir en France, demander secours, à fin de le chasser, promettant <sup>Christ.</sup> à Dagobert, pour recôpense luy enuoier le grand bassin d'or tant renommé, que jadis Aetie donna à Torismond Roi des Vvissigots, & lequel poisoit cinq cens liures, Dagobert conuoiteux de belles choses, fit incontinent publier l'arriere-ban de Bourgongne: Et commanda aux Ducs Abondant & Venerand, conduire Sisenand en Espagne. Ce qu'ils firent, & vindrent iusques à Sarragoce, accompagnez seulement des Tolosains. Quand les Gots veirent la puissance de Sisenand, ils se rangerent de son party, & le declarerent Roi: excommunians Suinville, qui de soy-mesme s'estoit ja pñiüé du Roiaume, ainsi que monstrent les Actes du quatriesme Concile de Toledé. Les Capitaines François retournerez avec de grands dons, Dagobert enuoia les Ducs Amalger & Venerand, demâder le bassin promis: & lequel Sisenand leur fit liurer. Mais les Gots qui en furent aduertis, l'osterent aux François, par le chemin. Ce neantmoins apres plusieurs allees & venuës, Dagobert reçut depuis deux cens mil Sols, au lieu du bassin, lesquels Aymon a cotté auoir esté d'argent: & par le roi donnez à l'Eglise de S. Denis. Paul Emyl dit, que seulement il recent dix liures d'or. Mais ie ne scay où l'un & l'autre ont prins ce qu'ils escriuent: car ce n'eust pas esté grande recôpense pour cinq cens liures d'or que le bassin poisoit (ainsi que dit est) en receuoir dix: ne deux cens mille sols d'argent, puis qu'en la liure d'or de ce temps là, il y auoit soixante & douze pieces de mesme metal, c'est à dire autant d'Angelots, outre les pierreries qui estoient au bassin. Toutesfois ie croiroy bien que les Gots desirerent garder ce ioyau, par magnificence plus que pour la valeur. L'an six cens trente sept, & dixiesme du regne de Dagobert <sup>637.</sup> en Austrazie, ce Roi aduertty que les Vinides estoient entrés en Toringe, partant de Mets, mena tout au trauers des Ardennes vne grande armee iusques à Mayence, delibéré de passer le Rhin avec vne Scare des plus vaillans hommes d'Austrazie & Bourgongne, conduite par leurs Ducs & Graffions: que ie pense en cest endroit signifier Comtes, ou leurs Lieutenans. Les Sefnes aduertis de ces preparatifs, plus courageux & fiers à cause de leurs prosperitez, que bons iuges de leur puissance (ainsi qu'il apparut par l'issüé) manderent au Roi Dagobert: Qu'il n'estoit besoin d'employer les forces de son Roiaume, pour ceste guerre, puis qu'ils estoient suffisans pour la mettre à fin, sil luy plaisoit les descharger du tribut leué tous les ans sur eux: car ils pouuoient seuls, garder ceste frontiere contre les Vinides: ce qui plent au Roy & au conseil d'Austrazie: pensans auoir bien mesné leurs affaires. Et pour ceste cause, firent iurer les Ambassadeurs Sefnes sur les armes, suivant leur coustume. Car tel serment se trouue auoir esté fait par les soldats Romains: qui, les glaiues sur leurs testes, iurerent à l'Empereur . . . . Et toutesfois, ce tribut de Saxe n'estoit que de cinq cens vaches. Mais il ne faut pas s'esbahir de telles leuees, pource que mesme du temps des Romains, ceux de Bataue (qui est Holande & partie de Frise) outre la leuee des hommes pour la guerre, n'estoient suieçts qu'à fournir certaine quantité de peaux, employées à faire des tentes aux

## DES ANTIQ. FRANCOISES LIVRE V.

*L'an de* Soldats, & possible que nos Rois s'en aydoient à mesme occasion, ou pour leur  
*iesus* provision domestique, puis qu'ils vivoient de mesnage, ainsi que i'ay dit. Je  
*Christ.* trouue aussi, que Dagobert vainquit ceste annee les Gascons rebelles, & en re-  
 tournant, destruisit la ville de Poictiers, qui auoit tenu ce parti (il faut dire  
 que la Guyenne se mesla parmi la rebellion) & la fit raser iusques aux fonde-  
 mens, puis labourer & semer de sel; si vous croyez l'Auteur de la vie de ce Roi.  
 Le corps de Saint Hilaire, les Fonts de marbre (c'est à dire ceste cuvette de  
 porphyre), qui est derriere l'autel haut de l'Eglise de Saints Denys pres Pa-  
 ris, possible iadis faite pour seruir de bain en vne estuue de grand Seigneur) les  
 portes de cuivre, & l'Aigle du chœur de l'Eglise bastie en l'honneur dudit  
 Saint Hilaire, furent apportees en celle de saint Denis, nouuellement edifiee  
 par ledit Roi en l'honneur de ce Martyr, estimé Apostre des François, mais avec  
 peu d'apparence: puis que du temps de saint Denys Areopagite, Paris estoit  
 peu de chose, & que l'on ne parloit point encores des François, lors appelez  
 Sicambriens, ou Bataues: & logez sur le Rhin en Frize. Car ie ne veux icy  
 disputer si le corps reueré pres Paris, est celuy de l'Areopagite mentionné aux  
 Actes des apostres: ou ce Denys, que Gregoire de Tours dit auoir esté Euesque  
 de Paris, l'an deux cens cinquante, sous Dece Empereur, ayant cela esté ia es-  
 claircy par d'autres. Tant y a, que nous sommes d'accord qu'un nommé De-  
 nys fut le premier Euesque de Paris, lequel, soit l'Areopagite, ou celuy dont  
 Gregoire parle, ne peut estre improprement appellé Apostre des François,  
 ayant le premier presché Iesus Christ en ceste ville, depuis capitale du roiaume  
 François. L'on dit que l'Eglise de l'Abbaye de saint Denys pres Paris, fut  
 bastie l'an six cens trente neuf: auquel aussi mourut Seuerin Pape, enuiron la  
 fin de Decembre, & Iean quatriesme luy succeda: comme aussi la mesme an-  
 nee Nantilde Roine accoucha d'un fils nommé Clouis. Tout incontinent les  
 Austraziens demanderent à Dagobert Sigisbert son fils aîné pour estre leur  
 Roi; ce qu'il accorda, & en fit expedier ses lettres; suyuant l'aduis des Seigneurs  
 de ce Roiaume, lesquels tant Euesques que Ducs, Comtes & Seigneurs firent  
 serment entre les mains de leur nouveau Prince, & accorderent qu'apres la  
 mort de son pere, Vvestrie & Bourgongne demeuraissent à Clouis l'autre fils  
 de Dagobert, comme à Sigisbert l'Austrazie entiere, selon ses anciens limites,  
 non comprins le Duché d'Emelén: lequel n'agueres v'surpé par les Austraziens  
 deuoit retourner où il appartenoit: & croy que c'est Picardie, Arthois & Flan-  
 dres, ainsi que i'ay dit. Ce partage, monstre bien que les Austraziens desdai-  
 gnoient de venir demander iustice aux Rois habitans la Vvestrie voulans auoir  
 un Seigneur pour eux. Et neantmoins, ils garderent cest accord pour la crainte  
 qu'ils auoient de Dagobert. Gaguin (apres les Annates de Brabant) dit, que  
 l'Austrazie que Dagobert bailla à Sigisbert son fils, contenoit depuis la Bour-  
 gongne iusques aux Alpes, & la mer de Frise: à scauoir la terre qui est entre le  
 Rhin, & l'Escaut (que Plin met aussi pour limite de Belgique & Celtique) Vl-  
 trecht, Colongne & Mayence, Treues, Brabant, Cleues, Gueldres, Hollande, Ze-  
 lande, Hainaut, Habsbain, Liege, Luxembourg, Elsas, & ce que tient le Comte  
 Palatin pres du Rhin, la forest d'Ardéne, Bar-leduc, avec ceste partie de Lorrain.

ne, qui est ioignant la Moselle: & (comme ie croy) ce que les Rois François te-<sup>L'an de</sup> noient outre le Rhin tant en domaine qu'homage. Au mesme an viuoient en <sup>lesno</sup> France trois grands personages freres, Adon, Radon, & Dadon depuis nom- <sup>Christ.</sup> mé Oen, enfans de Anthar homme illustre du pays de Soissonnois, & Seigneur de Santiac, villette à cinq mil de Soissons (ce dit la vie de saint Oen) & de Edige tres-noble Dame. Dadon fut referendaire (c'est à dire Chancelier) du Roi Dagobert. Car c'estoit à luy qu'on rapportoit les lettres & chartes publiques, pour estre par luy soussignées, & scellées de l'anneau ou seau du Roi qu'il auoit en sa garde: ils furent tous trois (ce dit leur vie, & celle de saint Arnoul) benits par saint Columban, au village susdit appartenant à leur pere. Et tous trois fonderent chacun vn monastere: animez à cela par Eloy Limosin, Eueque de Noyon iadis orfeure demeurant sur le grand Pont de Paris (c'est celuy des changeurs) auquel le Roi Clotaire auoit fait bastir l'Abbaye de Souillac, assise sur la riuere de Dordogne: ayant ce Roi entr'autres choses, esprouué sa sainteté par vn fait dissemblable à celuy d'vn autre orfeure, qui fit à Hieron tiran de Siracuze, vne couronne meslée d'argent; au lieu qu'elle denoit estre de mesme, & aussi pur or que celuy qu'il auoit receu des gens du Roy: & neantmoins, sembloit auoir rendu pareil poids, d'aussi bon or que celuy qui luy auoit esté baillé par Hieron: le larrecin duquel orfeure, fut descouuert par Archimede excellent mathematicien. Car le Roy François ayant fourny audit Eloy vn certain poids d'or pour faire vne selle, il la fit suiuant son commandement, & rendit encores autant d'or, qu'il en auoit receu: qui n'estoit pas grand miracle, s'il y mit du sien: mais bien vne diuine multiplication de ce metal, s'il estoit aussi bon que celuy qui luy fut liuré. Ce Dadon bastir le monastere de Rebets en Brie; lequel pays estoit lors vne large forest, peu ou point habitée: où il mit saint . . . . . Radon qui estoit thresorier du Roy en bastit vne autre en son heritage, assis sur la riuere de Marne dans le bois de . . . . . qu'il nomma Iorro, c'est à dire Ioere. Oen le plus ieune fut aymé du Roy par dessus ses freres, & tous autres courtisans: & lequel passant par la Brie, trouua entre les deux riuieres autresfois appellees Mucres, & maintenant le gros & petit Morin, certaines possessions dependans d'une terre du domaine appelée . . . . . lors appartenant au village de . . . . . qu'il obtint du Roi, & y bastit vn monastere, par luy nommé Hierusalem: mais à cause d'un petit ruisseau qui passe aupres, est pour le iourd'huy appelé Rebets.

L'an de  
Iesus  
Christ.

## CHAP. X.

*Enfans de Sadragisille tuez. Prinez de la succession de leur pere, pour n'auoir point poursuyui sa mort. Raoul Duc de Turinge rebelle. Deuins predisent que les Circoncis trauailleroient la Chrestienté. Referendaire chef de l'armee Françoise, deffait les Gascons. Kixuel Comte de Bretagne, fait hommage au Roy Dagobert. Donations quand, & pourquoy faites aux Eglises. Mort du Roy Dagobert. Pourquoy il fit bastir l'Abbaye de saint Denys. Fables de Moynes ont gaste l'histoire Françoise.*



- ET T E année, Sadragisille Duc d'Aquitaine (que Dagobert estant encores ieune auoit battu, & outragé, luy coupant la barbe) fut tué, & ses enfans en plein parlement declarez indignes de la succession de leur pere : pour n'auoir, suyuant la loy Romaine, fait poursuite contre les meurdriers, desquels ils pouuoient bien auoir la raison : ce qui meut le Roi de donner aucunes de leurs possessions à l'Eglise de S. Denis. L'an
640. six cens quarante, Theodore Pape succeda à Iean quatriesme, mort : & l'an d'apres, Heracle Empereur mourut l'onzieme du mois d'Auril, ou May ; laissant l'Empire à Constans son fils. En ce temps, Raoul fils de Camare, que Dagobert auoit fait Duc de Thuringe, combatit plusieurs fois les Vinides & les vainquit. Dont il monta en si grand orgueil, qu'il osa bien pour si petite occasion, se rebeller contre le Roi Sigisbert, se courrant de l'inimitié qui estoit entre luy & le Duc Adelgisille ; laquelle il embrassa bien volontiers pour couurir son ambition. L'an six cens quarante quatre, Gernais & Paterne, Ambassadeurs enuoyez par Dagobert en Constantinople, retournerent avec le traité d'alliance, d'entre Heracle Empereur & leur roy. Ils apporterent aussi des lettres, par lesquelles ledit Empereur prioit Dagobert, chasser de son Royaume les Iuifs qui ne voudroient se faire baptiser ; & ce tant pour leur mauuaise croiance, que parce qu'un sçauant Astrologien ou Mathematicien, l'auoit aduertie que les Chrestiens deuoient estre grandement molestez par la gent circoncise : ne se souuenant pas que les Sarrazins ses ennemis & voyfins, vsoient de la circocision ; aussi bien que les Iuifs & plusieurs autres nations d'Orient. Ce qui montre la petite estendue & pouuoir de ceste science, & comme la plus part du faux & du vray que rapportét ceux qui font profession de deuiner, est couuert d'obscurité : car ils sçeuient bien predire le mal qui deuoit aduenir aux Chrestiens par la gent circoncise : Mais c'est vne chose merueilleuse, que Dieu enuoyât aussi des Prophetes ou deuins aux provinces affligées & battues de sa main, par mesme moyen il rende endurecis ou hebetez les cœurs des hommes qu'il veut chastier. Ainsi les Iuifs se mocquoient de leurs Prophetes, les Troyés de leur Cassandre, & les Romains de tât & si fameux deuins Aruspices : l'aduertissement de tous lesquels n'empescha la ruine de ces nations, quand

l'heure ordonnée par la diuine prouidence fut venue. Au mesme temps, les *L'an de* Galcons, ou Basques, coururent le pays qu'auoir tenu Aribert. A ceste cause, *Iesus* le Roy Dagobert commanda leuer vne armée au Royaume de Bourgogne, de *Christ.* laquelle il fit chef Oen Referendaire, homme expérimenté en plusieurs guerres & batailles, du viuant du Roy Thierry. Car vous deuez entendre, qu'en ce temps, les ieunes hommes enfans de nobles maisons, estoient instruits aux lettres, pource qu'il n'y auoit presque estat de consequence, qui n'emportast iurisdiction. De sorte que pour le bien exercer, il falloit du moins sçauoir les loix des pays: ce qui a longuement duré en France. Cet Oen fut accompagné de dix Ducs, nommez, Almager, Areimberg, Laudebert, Vandelmer, Bauldry, Ermanrie, Barenton de race François, Rollon de race Romaine, Aygnan ou Egin de race de Sefnes; avec plusieurs Comtes qui n'auoient point de Ducs sur eux. Car aucuns pensent, que les Ducs deuoient auoir quatre Comtes (d'autres disent douze) sous leurs gouuernemens: & tels Comtes y auoit, qui pouuoient aussi estre sans Ducs. Ceste armée venue en Basque, & ayant remply le pays d'armes, & de soldats Bourguignons, les Basques qui iusques là s'estoient tenus dans les montaignes, sortirent pour donner la bataille: laquelle par eux commencée de grand courage, quand ils se sentirent n'estre assez forts, ils se retirerent (suyuant leur coustume) à fin d'attirer les François & Bourguignons en des lieux si estroits, que leur petite troupe peust esgaller la multitude des assaillans. Mais nos gens qui les suyurent en bon ordre, bruslerent plusieurs maisons, & emmenerent force prisonniers. Ce qui tellement estonna les Basques (trop foibles pour resister contre si grande puissance) qu'ils demanderent la paix aux Ducs, & promirent se presenter au Roy François, pour obeyr à ses commandemens. Cela fut cause que l'armée victorieuse retourna arriere; d'autant plus volontiers, que Areimbert & autres principaux Ducs & Capitaines, indiscrettement entrez dans la vallée nommée Sabolle, auoient esté surprins, & tuez par les Basques. Au mesme temps aussi, Dagobert enuoya en Bretagne l'Euesque Eloy, signifier à ceux du pays qu'ils amendassent quelques fuites par eux commises: autrement, que l'armée leuée en Bourgogne, retournant de Basque auoit charge de leur nourre sus: pour y veiller qu'on ne se trouua point autre part qu'en l'histoire d'Argentré. Car les anciens disent seulement qu'elle fut entreprise contre Iudicaël, lequel ce neantmoins, ledit Argentré assure n'auoir point esté vray Roy de Bretagne, ains suie & d'un autre plus grand; & que Alain saineant estant mort l'an cinq cens quatre vingt quatre, Hoël troisieme luy succeda: qui fut vaillant Seigneur, & recoura du commencement de son règne, les villes de Rennes & Nantes, offées aux François par Yvaroch. Ce Hoël donna bataille aux François pres Daillon, audit an cinq cens nonante quatre, dont il eut la victoire. Iacoit qu'Aymon d'isle leuemet qu'il mourut plusieurs gens de part & d'autre: Il regna iusques à l'an six cens quarante, laissant son Royaume à Salomon second, qui regna iusques à l'an six cens soixante. Que Alain le Long son neveu, tint son Royaume iusques à l'an six cens nonante, mourant le dernier de sa maison. Or du temps de Hoël deuxiesme, les Dancispirates conduits par vn nommé Curfolde, pri-

*L'an de* rent terre en Bretagne, & se logerent en Leon: enuiron l'an six cens neuf, au  
*lesus* mesme temps que les Sefnes trauaillans la grand Bretainne, contraignirent les  
*Christ.* habitans de se retirer en Galles, & d'autres en l'Armorique, conduits par Rinalon Marmarazon, parent dudit Hoel Roy de la petite Bretaigne. Cestuy-cy bien receu des habitans, à leur aide chassa les Danois logez en vn pays lors nommé Domnnee, qui contenoit les Eueschez de Cornouaille, Leon, Landriguer, & partie de saint Brieu. Ce Rinalon vesquit du temps de Clotaire secôd Roy de France, en la Cour duquel il vint, & bien caressé, fut enuoyé avec presens en Bretagne, où il regna par la lascheté dudit Hoel. De luy vint Dorech, & de cestuy Riathan, auquel succeda Iona, tué par Comore tyran Comte de Leon: à Iona succeda Iuduhal, contraint par Comore de se retirer en Frâce sous la protection du Roy Childebert (il faut croire d'Austrazie) lequel le renuoyant en Bretagne, Iuduhal tua en baraille Comore, & recoûra son Royaume, & depuis eut cinq enfans: dont l'un nommé Iuhael, fut pere de Iudicael, ou Kikuel, Roy desdites quatre Eueschez. J'ay voulu mettre ce sommaire de l'histoire d'Argentré, pour satisfaire aux curieux, plus que pour moy adionstée aux escripts de cet homme passionné outre mesure pour sa patrie. Ce Kikuel donc Roy du pays (le Scolastic l'appelle ainsi, iacoit que Gregoire ne dône à ses predecesseurs que tiltre de Comte) craignant la venue des François, bien vistement accourut au Palais de Clichy, avec grands presens, demander pardon au Roy, offrant de reparer les torts que les liens auoient faits aux François, & recognoistre sa personne & son Royaume estre suieicts dudit Dagobert, & des Rois de France ses succeffeurs. Kikuel fut courtoisement receu du Roy, qui l'inuita de dîner à sa table, ce qu'il refusa. Mais quand il le veit assis, il s'en alla dîner chez Oen le Referendaire, qu'il cognoissoit de bonne vie & sainte: car luy mesme estoit homme qui craignoit Dieu. Puis ayant dés le lendemain pris congé du Roy, il retourna en Bretagne, chargé de presens dignes de luy. Qui est vn grand tesmoignage de la submission des Seigneurs de ce pays, à l'endroit de nos Rois. A quoy ie pense qu'il est impossible de respondre, sans impudemment desmentir les Auteurs de trop grande antiquité pour estre contredits. Ledit Argentré dit, que ce Iudicael eut trente enfans fils, & filles: lesquels ne succederent à leur pere, depuis moyne, & réputé Saint: demeurant le Royaume ou Seigneurie de Bretagne en grand trouble, tant par sa mort, que celle d'Alain le Long, (aduenue l'an six cens nonante) que pour la dissention des Seigneurs du pays. Ceste année, Dagobert se voyant obey par tous ses Royaumes, & auoir paix à tous ses voisins, s'aduisa de faire des œures de pieté. Car, ainsi que dit l'Auteur de sa vie, il fit du bien à presque toutes les Eglises de France: publiant vn parlement au lieu nommé . . . pour tenir le premier iour de May. Là où en la presence de ses enfans, & des Seigneurs là venus, il remonstra, que son intention estoit de confirmer les biens par luy donnez aux Eglises. Qu'il vouloit que quatre coppies de la donnation par luy faite, fussent signées tant de sa main, que de celle de ses enfans, & des Euesques & Princes de son Royaume. Qu'il establissoit sesdits enfans Rois: & vouloit que les coppies de ceste presente ordonnance, fussent gardées à Laon, Paris, Mets:



& la quatriesme qu'il tenoit en sa main, fut mise en son thresor: priant la compagnie qu'apres sa mort, ceux à qui il auroit fait du bien, fissent memoire de luy trois fois la semaine, & priaissent pour son ame. Lors il fit lire la charte de la donation, qui contenoit, com'il vouloit estre enterré en l'Abbaye de saint Vincent pres Paris: à laquelle il donna le village de Combes, qui est voisin de . . . . . A S. Geneuiefue, Drauel: à S. Denis . . . . . en Brie, A S. Colombe & S. Loup de Sens, Grand-champ en Gastinois. Et apres la lecture, se tournât vers ses enfans, les pria de demeurer bons freres. Car encores qu'il peut leur enioindre de garder ses commandemens, il aimoit mieux les prier de les tenir fermement, comme ils voudroient que ceux qui viendroient apres eux, gardassent ceux qu'ils auroient faits: pource qu'ils se pouuoient asseurer, que les mesprisant (ce que toutesfois il ne pensoit) les leurs aussi le feroient. Cela dit, & chacun priant Dieu luy donner longue vie & Paradis, apres auoir salué la compagnie, il permit à chacun retourner en sa maison: & voila ce que dit Aymon, qui met ceste assemblée au quatorziesme an de son regne. C'est le premier endroit, où il me souuienne que du bien ait esté donné pour le remede de l'ame. Car les premiers biens furent aux moines *Adopus*, c'est à dire pour l'entretienement des Ecclesiastiques, & pauvres, & à l'œuvre & fabrique. Puis *In usum luminum, & facta testis*, C'est à dire pour le luminaire, & l'entretienement, ou reparation des temples. Aussi, du Tille (apres Nangis) nous aduertit, que ce Roy fut le premier qui prodiguement donna son patrimoine aux Eglises. L'an d'apres, les Seigneurs de Gascongne vindrent à Clichy vers le Roy, & se retirerent dans l'Eglise de S. Denis, pour crainte d'estre chastiez de leur rebellion. Toutesfois, le Roy leur donna la vie: & print d'eux le serment d'estre à iamais fideles à luy, ses enfans & Rois de France. Lequel serment ils garderent selon leur coustume; ainsi qu'il apparut, si tost qu'on leur permit retourner en leur pays. L'an six cens quarante deux, trois, ou quatre (car les Autheurs ne s'accordent) Dagobert malade au village d'Espinay sur Seine, à deux ou trois lieues de Paris, mourut d'un flux de ventre, le neuuesiesme iour de Ianuier, & seizesiesme de son regne. La difficulté est, s'il faut conter de son regne en France (c'est à dire apres la mort de son pere) ou de celuy qu'il tint en Austrazie. Le plus vieil Autheur que nous ayons, est Idace ou Fredegaire; qui ne specifie point de quel Royaume. Quant à moy, ie l'ay prins d'Austrazie, pource que le mesme Autheur recite, que Constance fils d'Heracle fut Empereur le deux ou troisesme an de Clouis fils de Dagobert: lequel (comme j'ai dit) fut déclaré Roy par son pere, quand il publia les donations susdites: & Onuphre monstre, que Constantin commença d'estre Empereur l'an six cens qaarante & vn. Certainement, il est fort difficile d'esclaircir au vray les cottes d'un temps si obscur: Pource que les vns ne donnent à Dagobert que quatorze ans de regne; les autres quinze, seize, dix-sept, & dix-huit, voire quarante & quatre. Si l'exemplaire d'Adon n'a failly. Mais quand on le prendroit à la mort de son pere, qui an plus tost aduint en l'an six cens trente & vn, il n'auroit regné en France Parisienne, c'est à dire en Monarchie, que quatorze ans: & faudroit au plus tard, mettre la mort sous l'an six cens quarante cinq: iacoit que beaucoup la

*L'an de  
Jesus.  
Christ.* de cortent sous six cens quarante sept & quarante huit. Ce Roy eut de bonnes qualitez, toutesfois tachées de vices : il ayma les lettres, la iustice, l'augmentation du seruice de Dieu, ainsi qu'il monstra par le renouuellement des loix Françoises, & bastiment de l'Eglise de saint Denis, & beaucoup d'autres en France & Allemagne. Cathane autheur Italien, dit, qu'il fut tres-beau visage, accompagné d'une maiesté digne de Roy, soit en son marcher, soit en sa parole; courtois à ses familiers, & humain à l'endroit de ses subiects, liberal enuers les pauvres, & estrangers qui le meritoient; & lesquels il aduânçoit aux honneurs, & si tenoit volontiers l'audience de iustice. Mais le nombre desordonné des femmes, & concubines qu'il auoit, le rebut de Sichilde sa femme legitime, le meurdre de Brunulf, la surprinse qu'il voulut faire au Roy Aribert son frere, sous ombre du baptesme de son fils, le meurdre du fils dudit Aribert, & d'autres gentils-hômes tuez par son commandement, me font croire qu'il n'auoit que le masque de vertu. Et tout de mesme que Neron, pour les cinq premieres années de son Empire n'eut iamais de semblable, aussi tant que Dagobert respecta Arnoul, Pepin & Cunibert Euesques de Colongne ses premiers gouuerneurs, quand ils ne furent plus, il reprit son naturel : retenu par une telle quelle reuerence qu'il portoit à ces grands hommes d'estar. Quelques iours auant sa mort, cognoissant qu'il luy falloit passer le pas, il auoit fait venir en diligence Age Maire de son Palais de Vestrie: auquel il recômanda Nantilde sa femme mieux aimée, & Clouis son fils, s'assurant en la fidelité de cet homme, esprouué au maniement des affaires. Il auoit fait le semblable à Pepin, & autres Ducs d'Austrazie, qu'il pria viure en amitié, puis mourut, & commanda d'estre enterré à S. Denis, Abbaye qu'il auoit fait bastir & orner d'or, d'argent & ioyaux precieux, plus que pas une qui fut lors en France. Esmeu à le faire (ainsi que disent les Moines du lieu) pour le miracle d'un Cerf: lequel chassé par luy, se sauua dans une chappelle, & ne peut estre prins des chiens; qui (la porte ouuerte) n'osoient entrer dedans. Ceste nouueauté, donna occasion à Dagobert de s'enquerir de la cause, & lequel trouua que les corps de saint Denis, Rustic & Eleuthere auoient esté là enterrez apres leur martyre, souffert pour auoir presché la parole de nostre Seigneur Iesus Christ au peuple de Paris: où Denis auoit esté le premier Euesque. Outre cela, le mesme Dagobert recors de la merueille du Cerf, quand son pere se courrouça contre luy, pour l'outrage fait à Sadragisille son gouuerneur (auquel par despit, il auoit coupé la barbe) il se retira en la mesme franchise; puis quand il fut Roy, fit bastir une magnifique Abbaye, au lieu où auoit esté ceste petite chappelle, & la donna de biens grands à merueilles: car voila ce qu'en disent nos grandes Chroniques. Mais ie pense auoir cy deuant monstté, que le corps de saint Denysestoit ja en grand honneur entre les François: puis qu'en affaires de consequence, l'on iuroit dessus. Ce qui me fait croire, que la grande reuerence que Dagobert portoit à ce lieu, ne vint pas du Cerf. Aussi n'est-il croyable, que Fredegaire coutumier de reciter pareilles merueilles, eust oublié ce miracle s'il eust esté creu de son temps. Mais depuis, il s'est trouué des gens si desgouttez de la verité nuë & sans fard, qu'ils ne pouuoient estre attirez à la lecture des histoires

res, si elles n'estoient colorees de fables. De maniere, que presque tous les li- <sup>L'ande</sup>  
 ures des faits aduenus depuis l'an cinq cens de nostre Seigneur, iusques à bien <sup>lesus</sup>  
 pres de nostre tēps, sont pleins de tels contes: Ce qui donne grand trauail à ceux <sup>Christ,</sup>  
 qui s'efforcent d'esclaircir vn si espais nuage, que l'ignorance d'environ mil  
 ans nous a engendré. Et pource, du Tillet a bonne raison de dire, que les Moy-  
 nes ont composé plusieurs fables de Dagobert, afin d'attirer les Princes à  
 mesme prodigalité que la sienne. Que ce Roy peut bien auoir esté deuotieux,  
 mais non tant superstitieux, qu'il creust que le bur de son salut consistast en  
 donations faites aux Eglises, ou sumptueux bastiments d'icelles, comme  
 ces Moynes luy persuadoient: lesquels par de si lourds menfonges, ostent la  
 creance que les estrangers auroient à nostre histoire plus veritable: & que les  
 gens de bien qui ont vescu au monastere de saint Denys, luy ont plus fait  
 d'honneur, que tels planteurs de bourdes. Tant y a, que la reuerence du lieu a  
 tellement continué en l'esprit de nos Roys, que ceste Abbaye est estimee le  
 plus digne lieu pour leur sepulture. I'adiousteray, que le village, ou ruë que la  
 vie dudit saint Denys appelle *Catuliacum* (où lon dit que ces martyrs furent  
 premierement enterrez) peut estre Charouil, aussi tost que le lieu où mainte-  
 nant l'Abbaye est bastie. Encor ne puis-je oublier que la grand Chronique de  
 saint Denys, recite qu'apres la mort de Dagobert, Ausbert Euesque de Poi-  
 ctiers vit les diables, qui dans vne nasselle emportoient l'ame de ce Roy, droit  
 à la chaudiere de Vulcan, la battans outrageusement (il estoit suspect en ce  
 fait: à cause des despoüilles que Dagobert auoit tirees de son Eglise, pour or-  
 ner celle de saint Denys) iusques à ce que saints Denys, Maurice, & Martin  
 appelez en son ayde, l'emportassent en la gloire de Paradis. Ce qu'estant  
 communement creu, fut cause de faire edifier par les autres Princes & riches  
 Seigneurs, tant de temples par eux doüez en ce mesme temps là. Pour me-  
 moire dequoy, les Moynes de saint Denys ont fait grauer vn marbre mis sur  
 la tumbé de ce Roy.

## CHAP. XI.

*Clouis fils de Dagobert Roy. Age Maire de son Palais. Comme se parla-  
 geoient les menbles d'un Roy François apres sa mort. Qui furent les Sar-  
 rasins. Leur auancement & conquestes. Mort d'Age. Mallus lieu de Iusti-  
 ce. Archambaud Maire du Palais de Clouis. Mort de Pepin le vieil, auquel  
 Grimoald son fils succede en son estat.*



OU R reprendre l'ordre de nos Antiquitez, Clouis fils de  
 Dagobert succeda au Royaume de Paris ou France Vvestrien-  
 ne, estant encore bien ieune: & environ l'an six cens quaran- 644-  
 te quatre (Nangis dit quarante six) de nostre Seigneur, par  
 tous les vassaux de Vvestrie & de Bourgongne fut esleué au  
 trosne Royal, au village de Massolac: que ie ne cognois point.  
 La Royné Nantilde, à cause de la ieunesse de son fils, gouuernoit tout, avec

*L'an de* le conseil d'Age Maire du Palais, qui l'espace de trois ans durant, se porta tres-  
*Iesus* bien en sa charge : car c'estoit vn des plus sages Seigneurs qui fust en Vve-  
*Christ.* strie, fort noble, riche, bon iusticier, sçauant & prompt en ses responses: les-  
 quelles grandes vertus, estoient diffamees par sa trop grande auarice. Et neant-  
 moins, le mesme Fredegair qui luy donne ces mesmes qualitez dit, qu'il fit  
 rendre à plusieurs les biens des-raisonnablement confisquees en tous les deux  
 Royaumes. Incontinent apres la mort de Dagobert, les Austrasiens enuoye-  
 rent demander la part qui pouuoit appartenir à Sigisbert, aux tresors & meu-  
 bles du feu Roy son pere. Le Royaume d'Austrasie estoit lors gouuerné par  
 Pepin surnommé l'ancien, Maire du Palais: & par Hunibert Euesque, bons  
 amis l'un de l'autre, & qui sçauoient bien manier les Austrasiens, & s'entre-  
 tenir en leur amitié. Apres plusieurs allees & venues, il fut accordé que Sigis-  
 bert auroit sa part. Et que pour ses meubles, Pepin & Hunibert viendroient  
 à Compiègne: où le tresor monstre par la Royne Nantilde, elle eut le tiers de  
 ce que le Roy son mary auoit acquis, & le reste fut party en deux. Ce fait, Hu-  
 nibert & Pepin porterent à leur maistre le lot qui luy estoit escheu, selon l'in-  
 uentaire qui en auoit esté mis par escrit. Le troisieme an de Clouis, mourut  
 Constantin Heracle, auquel succeda Constans son fils, l'an six cens quarante &  
 vn, (ce dit Onuphre) qui en cest endroit ne s'accorde pas avec nos Annalistes.  
 L'enfance de cest Empereur, donna aux Sarrazins occasion de trauailler l'Em-  
 pire si fort, que ie penseroy faillir si ie n'escriuois l'origine & auancement d'un  
 si vaillant peuple, qui depuis a donné tant de trauaux à nos Chrestiens par ses  
 grandes conquestes. La nation des Sarrazins est fort ancienne, & m'a le susdit  
 fleur de la Scale appris, que les Sarrazins sont dits en leur langue Elsarak, c'est  
 à dire, viuans de l'arrecin: & que comme Naumades, ils habitent sous des pa-  
 uillons: car Sarak proprement signifie larron. Vne partie d'eux estoit nom-  
 mee Scenite, à cause de leurs paviillons: vne autre partie Agarens, à cause d'A-  
 gar chambriere de Sara; Iacoit que tout le peuple entier se nommast Ismaëlin;  
 à cause d'Ismaël fils de la susdite Agar: & n'y a que les historiens qui les nom-  
 ment Sarrazins, cōme venus de Sara femme legitime d'Abraham; car ils igno-  
 rent entr'eux ce nom de Sarrazin, comme les Turcs celuy de Turc. Quant à  
 moy, ie trouue que leurs armes furent cogneues du temps mesmes de la Repu-  
 blique Romaine. Car si vous croyez Sext Ruf, Pompee le grand les combat-  
 tit avec les Arabes, au pays desquels principalement ils habitèrent, ainsi que  
 dit Ptolemee: enuiron le centiesme an de Iesus Christ, Traian occupa ce qu'ils  
 tenoient de terre; & deux cens ans apres, Ammian Martellin tres-sçauant  
 Autheur, les represente tels qu'aujourd'huy sont les Alarbes d'Affrique leurs  
 „ successeurs. Ils vont (dit-il) nuds, comme toutes les nations voisines d'Ara-  
 „ bie, couverts de sayons de couleurs, qu'encor' aujourd'huy ils nomment Ca-  
 „ mits, d'où est venu Camisia, ou chemise (ce dit le mesme de la Scale) qui seule-  
 „ ment leur cachent les parties honteuses, & sont montez sur de vistes cheuaux,  
 „ ou chameaux maigres, avec lesquels ils grauissent par tout, en paix & en guer-  
 „ re. Pas vn d'eux ne met la main à la charruë, plante arbre, ou laboure la terre  
 „ pour viure, ains vont errant au loing, sans foyet, sans lieux, sans demeure, ne

loix certaines; ils n'endurent longuement vn air, & le terroir d'vn pays ne leur plaist iamais gueres, pource que leur vie ressemble à vne continuelle fuite. Ils louient des femmes pour certain temps accordé entr'eux, Toutesfois afin qu'il y ayt quelque forme de mariage, la future espouse presente à son mary vn paillonn, vne lane, ou iaueline: puis le temps finy, l'en va fil luy plaist. C'est chose incroyable, de quelle ardeur l'vn & l'autre sexe serué à la paillardise. Ils courent & vaguent sans cesse toute leur vie: de telle sorte, que la femme se marie en vn lieu, accouche à l'autre, & meine ses enfans viure bien loing de là. Ils se nourrissent tous de sauagine, & de lait; dont ils ont grande abondance, & aussi d'herbes diuerses, ou d'oyseaux, s'ils en peuvent prendre. Car l'en ay veu (dit Ammian Marcellin) qui ne scauoient du tout que c'estoit que manger pain, ou boire du vin; qui est tout ce qu'en dit ce tres curieux Auteur. Or l'Arabie estant assise entre les Seigneuries des Empereurs Romains, & Roys de Perse, ces Sarrazins (guerriers de nature) ne faillirent d'estre appelez au secours des vns & des autres, selon qu'ils voyoient leur profit: Et lors, vne partie d'eux print pour chef Mahomet, duquel nous auons parlé. Et depuis l'Empereur Heracle, ayant trouué moyen de faire venir aucuns de ces Sarrazins (non tant pour luy seruir de secours, que comme pour ostages de la foy d'vne si variable nation) quelque temps apres ils demanderent leurs gages. Les Grecs (possible) n'ayans l'argent prest, s'excusans qu'ils ne leur en pouuoient bailler si tost, quelqu'vn des thesoriers adiousta, veu qu'il n'y en auoit pas pour les Romains & Grecs, comment on en vouloit bailler aux chiens, l'entendant des Sarrazins. Ausquels ces outrageuses paroles rapportees, furent prises d'eux à iniure. De maniere que renonçans au seruice de l'Empereur, & ayans fait vne grosse armee, ils conquerent Damas, Phenice, la Palestine, & l'Egypte: apres auoir maintesfois battu les Romains de Constantinople, qu'ils chasserent bien loing d'Arabie. Depuis, ils vindrent assaillir les Perles, tuerent Hormisde Roy du pays, & gasterent ceste prouince; iusques à ce que les habitans eussent receu la creance, telle qu'ils la tenoient de Mahomet. Ils prirent aussi Alexandrie, & coururent l'Egypte, puis allerent contre Carthage, laquelle ils forcerent, ayans ia estably sur eux des Princes & Roys appelez Amirats, c'est à dire en leur langue, Preuosts. Encores non contents de courre la terre, ils firent bastir des vaisseaux, par le moyen desquels ils gasterent Chipre, assiegerent Rhodes, & rauagerent les Isles de l'Archipel, iusques à ce qu'auertis comme les richesses & singularitez de Rome auoient esté apportees en Sicile par Constantin Pogonat (c'est à dire barbu) ils vindrent assaillir ceste Isle. Et ayans prins la ville de Sarragoce l'an six cens soixante & douze, ils emporterent tout le butin en Alexandrie; puis vindrent assieger Constantinople. Toutesfois leurs vaisseaux ayans esté bruslez par du feu artificiel, qu'inuenta lors vn nommé Calinic, le reste de l'armee fut mis en route par les Grecs: lesquels durant le siege, ou en le faisant leuer, tuerent plus de trente mil Sarrazins, & les empescherent de conquerir le reste. Mais ce fut en leur abandonnant la plupart d'Asie & d'Afrique; où ils fonderent des Royaumes: ne laissant de courre incessamment la Mer, & molester les villes voisines du riuage;

L'an de Iesus  
Christ. 646. qui est en bref ce qu'on trouue de l'auancement des Sarrazins, & que par anticipation i'ay icy assemblé en vn endroit, afin de tant souuent ne rompre le fil de mes antiquitez, s'il eust fallu coter leurs victoires, par les annees de chascune conquete. L'an troisieme du regne de Clouis ( qui semble reuenir aux six cens quarante six de Iesus Christ ) Age, Maire, trauaillé d'vn sieur mourut à Clichy. Peu de iours au precedent, Hermenfroy qui auoit espouzé sa fille, auoit tué au village Abiodore le Comte Enulf, assis au lieu de la iustice publique, lors appellé Mallus. Au moyen dequoy, les parens du mort luy firent grand dommage en ses biens, par le commandement de la Royne Nantilde. Ce qui fut cause, qu'Hermenfroy voulant euitier la fureur du Roy, s'enfuit en la franchise de sain& Remy, que ie croy auoir esté celle de Rheims: car cy-deuant vous auez veu que ceste ville estoit le chef du Royaume d'Austrasie; & il est croyable, que Sigisbert iouyssoit de son partage selon les anciens limites. Age mort, Chanoald, ou Archambaud cousin de la mere de Dagobert, fut pourueu de la Mairie du Palais de Clouis. C'estoit vn homme paisible, aduisé, humble & affectionné à l'endroit des Ecclesiastiques & prestres: lequel benignement respondoit à ceux qui auoient affaire à luy: nullement enflé d'orgueil, ny cruel, ny larron; & qui durant son gouuernement, entreteint la paix; qui sont toutes bonnes qualitez de sage gouuerneur. D'autre costé, vn an apres le partage fait entre les Roys, Pepin Maire d'Austrasie mourut, fort regretté des gens de son pais, pour sa bonté & iustice. Grimoald son fils, suiuit le train du pere, & fut habile homme, & bien aymé de plusieurs.

## CHAP. XII.

*Raoul Duc de Turinge deffait les François. Othon tué par Luther Duc d'Allemagne. Flaocat Maire de Bourgongne. Nantilde Royne. Clouis va en Bourgongne. Mort de Vvillsbaud tué. Mort de Flaocat.*

652.



EPENDANT, Sigisbert estant en la huietieme annee de son regne ( qui vient aux six cens cinquante deux de nostre Seigneur Iesus Christ ) aduertty que Raoul Duc de Thuringe, ( ce n'est plus l'ancienne commandee par les Roys, dont ie parle, ains celle du iourd'huy ) s'estoit esleué, fit publier son arriereban pour aller contre luy; & passant le Rhin assembla ses forces de toutes parts. Faron fils de Croald, encore qu'il s'entendit avec ledit Raoul, s'estant aduancé, fut chargé par luy, & tué avec plusieurs de l'armee du Roy; & le reste des gens de Faron, menez prisonniers. Lors tous les Seigneurs de l'armee se donnerent la main l'un à l'autre, iurans que personne ne pardonneroit à ce rebelle: mais leur serment fut inutile, ainsi que nous dirons. Sigisbert donc passa la forest de Burchone, qui est pres Fulde, tirant vers Turinge: Et Raoul assésuré de sa venuë, par des eschauguettes, amassa son armee en vne montagne prochaine de la riuere Vvstrade, ou Onestrude, s'enfer-

mant avec sa femme & enfans dans le chasteau basti au dessus : en intention de le bien garder. Le siege planté deuant, Raoul qui auoit fait de bons preparatifs, attendoit que temerairement on l'assaillist; &, qui n'est pas vne petite prudence de capitaine, vouloit faire son profit de l'orgueil de son ennemy. De fait, aucuns de l'armée de Sigisbert, n'ayans patience qu'elle fust logee, vouloient que dès l'heure mesme de leur arriuee lon donnast l'assaut, ce que les autres empeschoient, disans, qu'il falloit attendre au lendemain. Mais ils ne se peurent accorder, à cause de la ieunesse de leur Roy : lequel n'auoit pas encor assez d'autorité, ny d'experience pour estre creu. Ce fut pourquoy le Duc Bobon, avec les Auuergnats (ils estoient dès le temps de Sigisbert premier, sujets du Roy d'Austrasie : & toutesfois les voicy maintenant avec les Bourguignons, vassaux du mesme Royaume, jaçoit qu'il semble que Clouis eust ce quartier) & quelques gens d'Agisille, & Annouald Comte de Sugitense, avec ceux de son pais, & bonne troupe du reste de l'armée, s'approcherent de la porte du chasteau pour combattre. Lors Raoul asseuré que plusieurs Ducs & capitaines Austrasiens n'auoient aucune volonté de luy nuire, sortit & chargea ceux qu'il rencontra, fit d'eux vn tel carnage, que lon s'esmerueilla comme la petite troupe en auoit peu tuer vne si grande quantité. Ceux de Mayence ne furent pas fideles en ceste rencontre; & le Roy Sigisbert qui estoit monté à cheual, voyant tuer les siens en sa presence, ne se peut garder de plorer. Car les Ducs Grimoald & Adelgesille, qui craignoient le mettre en danger, l'empescherent de s'y trouuer. Le Duc Bobon, le Comte Annouald, & tous les plus vaillans hommes de l'armée Austrasienne, moururent sur le champ, avec plusieurs milliers d'hommes : & entre-autres Frodulf secretaire, que lon disoit auoir esté amy de Raoul. La nuit ensuiuant le Roy coucha en sa tente, assez loing du chasteau : puis le lendemain voyant qu'il ne pouuoit mal faire à ce rebelle, apres que des messagers eurent esté enuoyez d'une part & d'autre, Sigisbert & son armée prindrent le chemin du Rhin, sans que Raoul fit semblant d'aller apres, ou leur courre sus. Mais enlé de sa bonne fortune, il se declare Roy de Turinge, contractant amitié avec les Vinides & autres nations voisines : Et jaçoit que de paroles il ne refusast l'obeyssance de Sigisbert, il resistoit en effet; quand on le vouloit contraindre. L'an six cens cinquante quatre, & le dixiesme du Roy Sigisbert, Othon fils d'Oen domestique, homme orgueilleux & iadis Bail (c'est à dire gouuerneur) du Roy Sigisbert en son enfance, fut tué par Luther Duc d'Allemagne, à la suscitation de Grimoald son ennemy, lequel essayoit faire chasser du Palais ledit Othon. Mais l'inimitié croissant entr'eux, ledit Grimoald l'ayant rendu ennemy du Duc d'Allemagne, il s'en despescha : & apres la mort de cestui-cy (qui luy estoit contraire) obtint l'estat de Maire du Palais d'Austrasie, & depuis grandement se confirma en l'administration de ce Royaume, renouvelant l'amitié qui auoit esté entre son pere & l'Euesque Herimbert. Quel que temps auparauant, & le quatriesme an de Clouis, qui semble se rapporter à l'an six cens quarante sept, la Roine Nantilde voyant Age mort, étant venuë avec son fils à Orleans, qui estoit le chef du siege de France Bourguignonne (& toutesfois vous auez veu les Auuergnats & Bourguignons suivre

*L'an de  
Jes  
Christ.* Sigisbert en la guerre contre Raoul , & pource il faut dire que les Bourguignons qui allerent eu Turinge estoient gens de secours ) ayant fait assembler tous les Euesques, Ducs, & Seigneurs du Royaume de son fils , & pratiqué les voix d'un chacun, fit declarer Maire du Palais de Bourgongne, Flaocat de race Françoise, qui fut esleu par les Euesques & tous les Ducs. Auquel aussi elle fiança Ramberge sa niepce, faisant ce mariage, pour quelques menées & occasions tenues secretes entr' eux, mais qui ne sortirent point d'effect par le vouloir de Dieu, ainsi que disent les Auteurs. Toutesfois Archambaud, & ledit Flaocat s'entr'entendans bien l'un l'autre, se supportoient en leurs charges : & cestui-cy iura, & promit par lettres, qu'il donna aux Euesques & Ducs de Bourgongne, de les conseruer à iamais en leurs honneurs & autoritez, ce que vous devez entendre auoir esté fait sous l'autorité Royale, n'estans pas encorés les Maires si puissans, qu'ils furent incontinent apres-mais commençant ores leur grandeur. Flaocat donc confirmé en sa Mairie, ledit an se promenoit par le pays de son gouuernement, n'ayant oublié l'inimitié qu'il portoit à Vvillebaud : iacoit qu'il la tint cachée. Or ce Vvillebaud enrichy à merueilles, par vsurpation, des biens d'autrui, & larrecin, estoit encorés plus orgueilleux, au moyen de l'estat de Patrice, qui luy faisoit mespriser Flaocat, comme son inferieur : ne considerant pas que les dignitez ne sont honorees que par la faueur que le maistre porte à ceux qui les tiennent, & les affaires qu'ils manient : les Roys faisans de leurs officiers comme de iettons : qui ayans valu cent & vn contre, en l'autre ne valent plus qu'un, & aucunes-fois rien : quand ils sont remis en la bourse. A ceste cause, ayant ledit Flaocat assigné iour aux Euesques, Ducs, & Comtes de Bourgongne, au mois de May, afin de tenir vn Parlement à Chalon, pour le bien du pays, le Patrice y vint avec bien grande compagnie. Mais aduertty que Flaocat deliberoit de le faire mourir, il ne voulut entrer au Palais. Ce qui fut cause que le Maire sortit dehors, en intention de le combattre, si Amalbert frere de Flaocat, allant d'une part & d'autre, sur le point qu'ils se vouloient entrecharger, estant retenu par Vvillibaud, ne l'eust tiré du danger où il estoit. Car plusieurs s'entremirent de separer les deux troupes, sans qu'elles se fissent aucun mal. Et neantmoins, Flaocat dès lors en auant monstra tout ouuertement le desir qu'il auoit de tuer Vvillebaud. Ceste mesme année mourut la Roïne Nantilde, qui fut enterree pres le Roy Dagobert : comme aussi Martin Pape mourut : au lieu duquel Eugene fut esleu le dixiesme d'Aoust : & au mois de Septembre ensuiuant, le Roy Clouis accompagné d'Archambaud & Flaocat Maires de ses deux Roiaumes, avec aucuns Seigneurs François partit de Paris, & passant par Sens & Auxerre, arriua en la ville d'Augustin, où il auoit commandé à Vvillebaud de se trouuer, lequel voyant que Flaocat, Amalbert son frere, les Ducs Amalgar & Cranuel, auoient resolu de le tuer, fit amas du plus grand nombre de gens qu'il peut, tant Euesques, Gentils-hommes qu'autres vaillants hommes de guerre, des pais suiets à son Patriciat : & s'achemina au lieu assigné, suiuy de ceste grande compagnie. Dont Clouis aduertty, enuoya au deuant de luy Archambaud, & Flaocat ses Maires, ensemble Ermanric secre-



taire, pource que Vvillebaud doutoit d'approcher de la ville, ou de s'en retourner. Toutesfois abusé de paroles douces, il passa outre, l'asseurant en la promesse d'Ermanric, à qui il fit de grands presens : puis vint planter ses pavillons assez pres d'Augstun : enuoyant le mesme iour qu'il arriua, Agiluf Euefque, & Chiffon Comte, sçauoir ce qu'on faisoit en la ville, mais ils furent retenus par Flaocat, lequel au lendemain sortant de bonne heure d'Augstun, ioignit ses forces à celles d'Amalgar, & Cranuel : qui auoient aussi conspiré la mort du Patrice Bourguignon. Archambaud semblablement arriué avec ses Vvestriens, se mit en campagne, pour fauoriser Flaocat & les siens. D'autre costé, Vvillebaud voyant venir ceste grosse troupe, rangea en bataille tout ce qu'il auoit de gés de guerre, & toutesfois il ne fut chargé que de Flaocat, Amalgar, Cranuel, & Vadelbert. Car les autres Ducs & Seigneurs Vvestriens qui les deuoient enuironner, les regarderent faire, attendans l'euenement de la meslee : en laquelle Vvillebaud demeura mort sur la place avec plusieurs autres. Bertaire ou Berthier François habitant le pays outre le Mont-jou, qui estoit Comte du Palais, se trouua des premiers en ceste bataille. Dequoy Manulf Bourguignon marry, sauua pour luy courre sus. Lors Berthier qui autre-fois auoit esté son amy, le voyant venir, luy escria; qu'il passast de son costé, l'asseurant de luy sauuer la vie, leuant son escu en signe qu'il le vouloit couvrir & defendre. Aquoy tant s'en salut que Manulf entendist, que tout au contraire, de sa lance il perça Berthier par l'estomach : & lequel incontinent fut enuironné parce qu'il estoit loing de sa compagnie : quand Aubedun son fils le voyant en danger de mort, brochant son cheual des esperons, se ietta en la presse, & d'un coup de lance porta Manulf par terre, tuât ceux qui auoient blessé son pere : lequel vaillamment il deliura du peril où il estoit. Cependant, les Ducs qui n'auoient chargé Vvillebaud, pillerent ses tentes & pavillons, & tout le bagage des autres venus avec luy, où ils trouuerent grande quantité d'or & d'argent : Quant au reste il fut prins par ceux de cheual qui n'auoient combattu. Apres cela, Flaocat partit d'Augstun dès le lendemain, & vint à Chalon, où dès son arriuee le feu print à vne maison, & de la courut par toute la ville : sans que lon peut sçauoir la cause de ce meschef. Le Maire touché de la main de Dieu (ainsi qu'il sembla à plusieurs) saisi d'une fiévre se fit mettre sur la Saone dans vn basten, pour en diligence venir en vn lieu nommé Latona. Ce nonobstant il mourut en chemin : vingt iours apres la bataille, & fut enterré en l'Eglise de saint Benigne de Dijon. Ces deux seigneurs furent estimez auoir esté diuinement punis : d'autant qu'ils l'estoient assurez l'un l'autre par sermens repetez sur plusieurs corps saints, & que nous deux estoient pillards : de sorte, que leurs subiects ne firent pas grande perte : ains par leur mort furent deschargez d'oppression. Toutesfois il n'est gueres seur pour les Rois, de souffrir entre leurs grands hommes vne mortelle inimitié : d'autant que volontiers elle tire apres soy la diuision des subiects d'un mesme Royaume. Que si par la faute des Roys precedens, ces partis sont ja formez, il conuient que le nouveau Roy, ou (s'il est possible) que celui qui en est cause, se mette du costé des plus forts : mais avec telle dexterité, qu'il retienne son autorité;

*L'An de la quelle avec le temps il augmentera : pour ranger les vns & les autres peu à peu, à l'entiere obeysance : & suyuant l'exemple de Clotaire second ( dont nagueres i'ay parlé ) qui print vn party pour garder les François de combattre à Mont-martre.*

## CHAP. XIII.

*Le Roy Clouis espouse Baudour. Famine pour laquelle la Chasse de saint Denys est descouuerte. Thresors des Eglises. Abus d'exempter les Moines de la correction de leur Abbé, comme aussi les Chanoines de celle des Euesques. Sigisbert Roy d'Austrasie adopte le fils de Grimoald son Maire, qui enuoya le fils dudit Sigisbert en exil. Grimoald chasté. Fondation de saint Maur des Fosseux. Mort de Clouis. Ebronin Maire du Palais. Clotaire troisième Roy & sa mort. Partage inegal des enfans de ce Roy. Thierry & Childébert Rois. Cruauté d'Ebronin Maire. Thierry fait Moines Ebronin & saint Liger : & les consigne à Luxeu. Childébert Roy facheux.*

655.



ENVIRON ce temps, & l'an six cens cinquante cinq, Sigisbert n'ayant point d'enfant adopta Hildebert fils de Grimoald, desesperant trop tost d'en auoir, puis qu'il n'estoit encores d'age, & par ce fait inconsideré, possible prepara son tumbeau. Mais Clouis mieux aduisé, print à femme Baptend ou Baudour fille du Roy de Saxe (ce disent aucuns) belle & sage Dame. Toutesfois les affaires de Vvestrie, le manioient lors par la prudence d'Archambaud Maire du Palais : qui encores portoit plus d'affection à son Roy, pource qu'il l'auoit leué des fonts de Baptême, ainsi que dir l'Authéur de la vie de S. Babolen. L'industrie de ce Maire, ou faute d'ennemis, fut cause que le temps dudit Clouis n'est remarquable de grands exploits de guerre, ains d'une bien horrible famine aduenue en France le quatriésme an de son regne : & si grande, qu'il commanda de leuer & fondre la voute d'argét, que son pere auoit fait mettre sur la sepulture des martyrs S. Denis & de ses cōpagnons : pour donner la monnoye à l'Abbé nommé Agiluf, afin de la distribuer aux pauvres. Ce n'estoit pas la couuerture du temple comme d'aucuns pensent ( lesquels ne considerent la rareté que lors y auoit de ce metal parmy les François, pour estre employé en la couuerture d'un grand edifice tel que celuy d'une Abbaye ) ains celle du tabernacle mis sur les chasses des corps, volontiers fait comme le modelle d'une Eglise ou tabernacle ; & pour ceste cause en Latin appellé *Edicula*. Mesmes il ne faut trouuer estrange, que le Roy ait prins l'argent de l'Eglise, veu que les thresors que le temps passé on y donnoit, estoient là mis comme en depest ; pour en vn besoin, les employer à des œures charitables, telles que le rachapt des prisonniers, & nourriture des pauvres en grande famine, comme dit le Canon,

ANTHONY

*Aurum habet Ecclesia.* L'an six cens cinquante sept, mourut Eugene Pape quar-  
 triefme : & le vingt & vnielme Iuillet, luy succeda Vitalien : que l'on dira voir <sup>les</sup> <sup>Christ.</sup>  
 ordonné le chant de l'Eglise Romaine, & accordé avec les Orgues, lesquelles <sup>657.</sup>  
 auparavant n'estoient en vsage par les temples. Et l'an d'apres, Sigisbert Roy <sup>658.</sup>  
 d'Austrazie mourut, ayant vn temps auant son trespas (ainsi que l'ay dit) adopté  
 Chilperic ou Childebert fils de Grimoald Maire de son Palais. Mais depuis luy  
 estant né vn fils qui fut nommé Dagobert, sur le point qu'il vouloit reuoyer  
 ceste adoption, il fut preuenü de mort ; le dixiesme an de son regne : deux cens  
 cinquante trois apres la mort de S. Martin, qui reuiendroit à l'an six cens cin- <sup>659.</sup>  
 quante neuf, si ces dattes ne sont corrompues en vn fragment que l'ay. Mais il  
 est difficile d'accorder les auteurs de ce temps-là, tant pour la diuersité de la  
 corte de la mort de S. Martin, que faute de ceux qui ont coppié plusieurs liures  
 anciens. Le Maire Grimoald, tout aussi tost vsurpa le Royaume d'Austrazie, au  
 nom de son fils ; & mit Dagobert fils de Sigisbert entre les mains de Didon E-  
 uesque de Poictiers ; qui le mena en Escosse : où il le rendit moyne. Ce neant-  
 moins, les François Vvestriens ne pouans endurer que se trouuant encorés  
 quelqu'un du sang de Clouis, les Austraziens allaient chercher vn Roy d'au-  
 tre famille, declarerent la guerre à Childebert. Et l'ayant tué en vne bataille,  
 prindrent Grimoald son pere, qu'ils menerent à Paris ; où il fut executé pour le  
 paiement de sa meschante ambition. Et toutesfois le Royaume d'Austrazie  
 ne fut rendu à Dagobert fils de Sigisbert, ains baillé à Chilperic fils de Clouis :  
 que la chronique d'Yues de Chartres appelle tiers de ce nom. Or Clouis secōd  
 ayant esté Prince pacifique, durant son regne plusieurs fondations d'Abbayes  
 se firent parmi son Royaume, & entr'autres celle de S. Maur des fosses pres Pa-  
 ris, edifiée à la poursuite de Blidegille Archidiacre de ceste ville, en laquelle  
 pour lors estoit Euesque Audebert Anglois de nation, chassé par son Roy d'un  
 Euesché qu'il tenoit en son pays. Mais receu de celuy de France, & fait Eues-  
 que de Paris. Ce Prelat recueillit Bapoten natif de . . . . nommé premier Abbé  
 du lieu des Fosses, autre-fois estimé auoir serui de fort, ou de Chasteau aux Ba-  
 gaudes Gaulois, quand Maximian frere de Diocletian les vint combattre. Au  
 mesme temps (aucuns disent le seiziesme du regne de Clouis, qui reuiendroit à <sup>660.</sup>  
 l'an 660.) l'Abbaye de S. Denis fut exempte de la subiection de l'Euesque de Pa-  
 ris (ce disent les Moynes) du consentement de S. Lendry, qui lors estoit Eues-  
 que. Iacoit que suyuant vn article du premier Concile d'Orleans, toutes Ab-  
 bayes deussent estre sous la correction des Euesques du Diocese où elles sont  
 basties : qui fut vn exemple non seulement aux Moines, mais à aucuns Prestres  
 & Chanoyes (mesmes des Eglises Cathedrales) de s'en exépter : & pour mar-  
 que ce cuident aucuns, mettre hors du rang des chaires de leur chœur, celle de  
 l'Euesque officiant *In pontificalibus*, ne luy donnant rang parmi eux, sinon quand  
 il est vestu en Chanoyne. Laquelle separation a engendré plusieurs abuz : estans  
 les Papes trop estoignés, pour chastier les fautes que ces exempts commettent  
 plus hardiment, pour l'absence & l'estoignement du correcteur. Aussi plusieurs  
 croient, que ces mots *Nulla medio ad Romanam curiam pertinens*, que prennent ces  
 Abbayes, & Chapitres exempts, ne sont d'ancien vsage. La commune opinion

L'an de  
 Jesus  
 Christ.  
 667.  
 669.

est, que Clouis mourut insensé, le vingt-troisième de son âge (qui reuiedroit au plus tard à soixante cinq ou six de nostre Seigneur : iacoit que Nangis n'en conte que dix-sept) pour auoir rompu vn bras du corps de saint Denis ; qu'il vouloit emporter comme Relique; & osté l'argét de la vouste mise sur le corps dudit Saint, ainsi que j'ay dit. Ce qui (à l'aduis de Du Tillet) n'estoit pas acte de fol, ains d'homme charitable & bien instruit par les anciens Canons, à quoi les richesses de l'Eglise deuoient estre employées. Mais il dit, qu'apres sa mort les Moines ont controuué ce mensonge, pour à l'aduenir destourner les Princes, qui sans occasion eussent voulu prendre les thresors de l'Eglise. Toutesfois, les precieux ioyaux, & les immeubles d'icelle, maintesfois ont esté vendus par les bons Euesques & Prelats, pour subuenir au peuple en vne necessité; & nous deuons croire, qu'en pareil cas, tant s'en faut que les anciens Euesques eussent caché l'argeterie de leurs Eglises, qu'eux mesmes se fussent vèdus pour deliurer le peuple de faim, aussi bien que fit Paulin Euesque de Nole. Et pleust à Dieu, que les biens de l'Eglise ne fussent prins ny employez en pire occasion. La troisieme lettre, du troisieme liure du registre de gregoire Pape, nous apprend que les Occidentaux ne parissoient point les os des corps estimez saints : côme si p'eust esté vn sacrilege, ainsi qu'il escrit à l'Empereur de Constantinople: ce qui me fera dire, que le rompement de bras est suspect; ou que quelque moine a voulu donner crainte aux autres de faire le semblable; de peur que les Princes, leuans ainsi des piecés, tout ne s'emportast à la fin : mais que seruent ces pies mensonges, qu'à faire douter des vrayz miracles? l'Ecriture n'est-elle pas assez forte: iacoit qu'on ne puisse celer les vrais, sans mespris de la grandeur de Dieu tout puissant: Qui est la cause, pour quoy il ne les conuient oublier, quand ils se presentent. L'Auteur d'un liure de *Gesta Francorum*, fait le Roy Clouis homme plein de toute ordure, abuseur de femmes, yrtôgne, & suicé à la pance, de sorte qu'il on ne pouuoit dire chose de luy qui valust. Il fut enterré à saint Denis, & regna seize ou dix-huit ans; laissant de Baudour sa femme fondatrice de l'Abbaye de Chelles. (à cause d'elle appelée de sainte Baudour) trois enfans nommez Clotaire, Childeric & Thierry, l'aîné desquels l'an six cens soixante six ou sept, fut déclaré Roy, & mis au throsne par les François avec sa mere, si vous croyez ledit auteur: qui adouste, que plusieurs historiens blasmans la vie de Clouis, & ignorans sa fin, ont escrit de luy des choses qui se deuoient rapporter à d'autres. L'auiou' oublié, que le mesme Clouis est appelé par Du Tillet, Louys premier; cōbien que Clouis & Louys ne soit qu'un mesme nom: ainsi que j'ay dit. Ce fut lors, que l'enfance de ces Princes Royaux, donna occasion aux Maires de tout ouuertement vsurper l'authorité Royale, & abuser de leur estat, ainsi qu'il apparut incontinent apres la mort d'Archambaud: qui aduint enuiron ce temps, Car les François diuisez, establirent sur eux Maire du Palais Ebrouin, Allemand de nation; tres-mauuais homme, & qui seruit de flambeau pour embraser la maison des Merouingiens. En ce temps Constantin Empereur ayant esté occis par Maxime, Constantin son fils luy succeda; ayant tué le meurtrier de son pere, l'an six cens soixante neuf: & peu apres, Clotaire tiers de ce nom, surprins d'une grosse fièvre, mourut à Chelles, étant encores en-

fant: & n'ayant regné que quatre ou cinsans, il fut enterré à saint Denis, ce dit. <sup>L'an de</sup> De son temps vivoit Leonard hermite au pays du Mayne, & Gertru- <sup>lesu</sup> de fille de Pepin, que d'aucuns appellent Duc de Brabant: mais ie croy que c'e- <sup>Christ</sup> stoit le Maire d'Austrasie: Richer en Ponthieu, Gormer en Beauvoisis. C'est chose remarquable que les freres de Clotaire troisieme, de son vivant ne furent pourueus d'aucun Royaume, & neantmoins, l'on ne peut dire que leur basage les empeschast d'y paruefuir, veu que deuant eux, Childebert auoit tenu l'Austrasie, Clotaire second Vvestrie, estans encorés enfans, & ce dernier seulement aagé de quatre mois. Ce que possible Archambaud fit tout expres, à fin de n'auoir deux Maires, l'ambition desquels estoit cause d'entretenir les François en diuision: car ie n'en puis deuiner autre motif. Mais quand Clotaire troisieme vint à mourir, Thierry son frere, ie ne scay pour quelle occasion (si ce n'est que les Austrasiens voulussent auoir vn Roy) fut déclaré Roy de France Vvestrienne, & Chilperic enuoyé en Austrasie avec le Duc Vvlfold, pour y estre couronné. Or Thierry estât d'esprit assez lourd, Ebrouin (ce disent les Chroniques) le fit haïr du peuple: lequel estimant la cruauté du Maire proceder de la malice du Roy (& neantmoins il ne pouuoit estre que bien ieune) s'esleua contre luy. Puis enuiron l'an six cens seprante (car il n'est pas aisé de dire certainement l'année) s'estant Childeric (mal à propos) meslé parmi ceste rebellion, il fut rendu Moine à Saint Denis, apres vne bataille, qu'Ebrouin (pensant tout gouuerner, ce dit Emil) perdit; demeurant prisonnier du Roy d'Austrasie, qui l'enuoya garder à Luxeu. Aucuns disent, que Childeric ne se mesla point de ceste rebellion, ains le peuple de Vvestrie seul: qui enuoya querre le Roy d'Austrasie, & Vvlfold Duc, par lequel il fut establi Roy sur tous les François. Celui qui a composé la vie de saint Liger Euesque d'Augstun, raconte le fait autrement, & dit: qu'Ebrouin ne pouuant remettre son Roy chassé, crainte d'estre luy mesme tué, vint trouuer le Roy Chilperic, & le pria luy donner la vie en quittant tout ce qu'il auoit. Ce qui luy fut accordé, à la charge d'entrer en vn monastere, & à la priere mesme de Liger, qui l'enuoya à Luxeu pour estre fait moine. Lors Chilperic ayant mis son frere entre les mains de quelque Euesque ou Abbé, pour le garder, fit ledit Liger Maire de son Palais, luy donnant toutes les affaires de sa maison en gouuernement. Ce Liger estoit natif de Poictou, bien entendu aux affaires d'estat, & remarquable pour sa bonne & sainte vie. Lequel trouuant le Royaume en grand desordre, cassa ce qui auparauant auoit esté fait contre les ordonnances des bons Rois, & amenda les choses de telle façon, que chacun estoit ioyeux de l'auoir pour gouuerneur, & Chilperic pour Roy. Ce qui dura trois ans; & iusques à ce que le Roy conceust inimitié contre S. Liger. Durant ce temps, & l'an six cens seprante deux, Vitalien Pape estant mort le vingt-septiesme Ianuier, Dieu-donné fut esleu en sa place, le huietiesme Auril. Mais cependant que Liger donne ainsi bon ordre au Royaume de Frace, ceux qui ne pouuoient selon leur auarice profiter sous vn si vigilant & preud'homme trouuerent moyen de le faire haïr du Roy: à qui possible de plaisir la grauité de cet Euesque, & ses mœurs contraires aux vices ordinaires de la Cour. Ce qu'aper-

L'an de  
Jesús  
Christ.  
674.

de ceuant Liger, l'an six cens septante quatre, il pria le Roy de venir faire la feste de Pasque en sa ville, où sous ie ne sçai quelle occasion, les meschans persuaderent au Roy de le faire mourir, dont l'Euesque aduert, & qu'on auoit delibéré de le tuer ce iour mesme de la feste, il le dissimula, se montrant ioyeux à la venuë du Roy, avec lequel il communia. Toutesfois, mal assésuré d'auoir appaisé sa colere, & ne voulant donner occasion à ses ennemis d'acheuer leur entreprisede, & fouiller les mains du Roy du sang d'un Euesque, & que par telle cruauté il mes-aduint au Royaume pour la malice d'un homme: & puis guerre entre le peuple (ce sont les mots de l'Auther) il fut conseillé sortir de la ville, la nuit mesme, & se retirer avec aucuns de ses amis: abandonnant tout son gouuernement. Le Roy courroucé de sa fuite, enuoya soudain apres de ses plus fideles amis accompagnez de gens de guerre, qui à l'aube du iour ensuyuant le trouuerent, & luy commanderent de par le Roy d'entrer au monastere de Luxeu, comme luy mesme l'en auoit prié, pour y viure en Moine. A quoi Liger s'estât accordé s'y achemina, & trouua Ebrouin ja fait Diacre, avec lequel s'estant pacifié, l'Abbé les separa: demeurans neantmoins avec les autres religieux, comme si iamais ils n'eussent deu partir de ce lieu. L'an six cens septante six Dieu donné Pape estant mort, eut pour successeur Donne.

## CHAP. XIII.

*Childebert traictant mal sa noblesse, est tué par Bodille gentil-homme François. S. Liger, & Ebrouin sortent de Luxeu. Thierry remis au siege Royal. Ebrouin par le conseil de S. Oen reprend la Mairie. Tue Leudesic. Fait des cruautés. Prend le Roy Thierry. Chasse ses ennemis outre Loire. Monstra aux Maires le chemin de s'aggrandir. Fait auengler & puis tuer S. Liger. Parlement auquel sont déposés deux Euesques. Agathon Pape, ordonne que les decrets des Papes auront telle authorité que les saintes Escritures. Martin fils de Cleodulf, & Pepin fils d'Ansegisille faits Ducs d'Austrasie apres la mort de Vulfwald. Fondation de l'Abbaye sainte Miel pres Verdun. Martin Duc tué par Ebrouin.*



**H**ILDERIC d'un naturel volage & insolent, fut cause de mestre le peuple de France en querelle, tant pour l'iniure faite à S. Liger respecté des bons François que pour son autre mauuais gouuernement. Ce qui le fit mespriser de telle sorte, que chacun se mocquât de luy, il encourut la haine de ses sujets: qu'il augmenta par l'outrage fait à un bien noble gentil-homme François nommé Bodille, lequel contre les loix & priuileges des gens de sa qualité (car vous deuez scauoir qu'il y auoit differéce entre les nobles de ce tēps là descendus des Romains, Gots, Bourguignons, & François,

estâs ceux-ci plus legerement chastiez que les trois autres (sortes de nobles) il fit <sup>L'an de</sup> attacher à vn porteau & battre de verges. Dequoy la noblesse courroucée, & cō- <sup>lesu</sup> siderant que la sevice du roy estoit accōpagnée d'une insolence, sa cruauté d'v- <sup>Christ.</sup> ne arrogance: cōme si vne telle iniustice ne deust estre qu'un cōmencement du traitement que ce Roy (m̃. aduisé) proposoit vser à l'endroit de sa noblesse, elle se fleua, à la suscitation d'Egilbert, Amalbert, & autres des plus grands du Roiaume. De maniere, que Bodille, asseuré de la hayne que chacun portoit au Roy, & resolu se vanger de la honte à luy faire en le tuant traistrement, s'accompagna d'une bonne troupe de ses amis, l'an six cens seprante huit (au- 678. tres disent six cens seprante quatre) & le douzième de sa monarchie, il le vint guerter & le tua comme il chassoit en la forest Loehonie, que l'on pense estre celle de Lihons, & Du Tillet dit en la forest voisine de Chelles, qui est celle de Liury ou de Bondis. Mesmes à fin d'oster le moyen de le vanger, Bodille sçachant que Biltide sa femme estoit grosse d'enfant, il l'occit quant & le Roi son mary, les corps desquels portez à saint Germain dés-prez, y furent enterrez. Lors Vvolfold, sentant que les choses se preparoient à plus grand trouble se retira en Austrazie, voyant que les Vvestriens auoient déclaré Maire Leudefille fils d'Archambaud, par le conseil de saint Liger, Guerin son frere & autres Seigneurs. Car Liger aduerti de la mort de Childeric, fut (par son Abbé mesmes) persuadé sortir de Luxeu avec Ebrouin, & se iurer amitié l'un à l'autre. Cela fait, l'Euesque Liger vint en sa ville: où receu du peuple, il fut remis en son siege, comme aussi d'autre costé, le Roi Thierry tiré du monastere où il estoit, ce qui aduint l'an six cens quatre-vingt, ce dit mon Nangis. Cependant, 680. Ebrouin asseuré sur ce que les deins luy auoient promis qu'il viuroit dix-huit ans, laissoit croistre ses cheueux en esperance de s'entrer en son estat de Maire, par le moyen d'aucuns qui encores luy portoient amitié. Mais quand il vit vn autre en sa place, il se desroba de saint Liger qui le pensoit retenir en sa ville, & la nuit s'enfuit vers les Austraziens, qu'il s'attendoit manier sous ombre des troubles aduenus depuis la mort de Childeric. Car il ne voyoit pas qu'il se peust aduancer, ayant Leudefille, le Roi, & les richesses du Royaume en sa puissance. Et pource, incertain de ce qu'il deuoit faire à ce commencement, peu à peu il se fortifioit, enuoyant vers ses amis anciens, à l'ayde desquels & d'aucuns mauuais garnemens par luy assemblez, & qui ne demandoient qu'à faire mal (comme gens qui n'estoient point employez durant la paix) il courut la frontiere de Vvestrie: & trouuant endormis les gardes du Pont sainte Maixence, qui est sur la riuere d'Oyze: il leur couppa la gorge. Puis tirant outre, fit mourir tous ceux qui luy ayans esté contraires tombèrent en ses mains. L'on disoit lors, que c'estoit par l'aduis d'Orn. Archeuesque de Rouen: auquel ayant enuoyé pour tirer de luy conseil cōme il se deuoit gouverner: ce Prelat luy respondit: qu'il luy souuint de Fredegonde. Voulant (à mon iugement) dire que par tous les moyens à luy possibles, il se despechast de ses ennemis. Car ie ne voy point, que Fredegonde puisse estre remarquée de pas vne vertu, & encores moins qu'Ebrouin depuis le conseil demandé, se soit porté autrement que cruel. De sorte, que quiconque a laissé par escrit que

*L'an de  
refus  
Christ.* de saint Oën le conseilla, il n'a rien fait pour honorer la memoire de cest Euesque estimé saint. Leudesie, qui lors de la surprise du pont se trouvoit au village, ou territoire (car au Latin y a *Page*) de Bacio (Bassigni esbien loing de là) ne pouvant remedier à la soudaineté de son ennemy, s'enfuit avec le Roi Thierry. Et Ebroin entrant à Cressy sur Oye, que ie pense estre le Criseco de Fredegair, prit les thresors Roiaux, & de là vint à Cressy de Ponthieu. Ainsi Ebroin & son party releué, & mis sus par l'heur de ceste victoire, Ambassadeurs commencerent aller d'une part & d'autre, pour appointer le different. Et comme ces gens eussent aduisé qu'Ebroin & Leudesie severroient, & à cette fin ils se fussent entredonnez la foy, Ebroin qui se mocquoit de tels sermens, & les tenoit pour brides à veaux, poussé de non moindre trahison qu'impieté, tua Leudesie en doublant avec luy, & de fait il remet Thierry en son Roiaume. Si semble-il, que Leudesie le tint pour Roi: puis qu'il le fit sortir de saint Denys. Mais ie croy que l'Auteur veut dire, qu'Ebroin le recogneut pour Roy, & par ce cruel & abominable moyen, asscura en l'estat de Maire du Palais, chassant tous ses ennemis outre Loyre vers le quartier de Gascogne. Dés lors, noz Rois commencerent à degenerer de la vertu de leurs predecesseurs, & par leur bestise laisserent les Maires de leur Palais empieter sur l'autorité Royale: que les manuais Lieutenans, qui vindrent & continuèrent depuis, tous les iours diminueoient si fort, qu'il ne demeura que le nom de Roi aux successeurs du grand Clouis. Car Ebroin tout resolu de suyure le conseil d'Oyn, pour se despescher de ceux qui auoient autorité entre les François, enuoya Didon & Vvaneric (deux hommes desquels il se floyt le plus) prendre saint Liger, les faisant accompagner de gens de guerre; pource qu'il sçavoit bien la faueur que le peuple portoit à ce bon Euesque. Et ceux cy venus à Augstun, quand ils eurent menacé les habitans d'assieger la ville, saint Liger pour deliurer les siens du danger, & le peuple d'oppression (s'opiniastrant pour sa defense) sortit dehors, avec la Croix & son Clergé, venant à l'encontre des gens d'armes: lesquels sans auoir esgard aux merites d'un tel personnage, luy arracherent les yeux, & le fourrerent en un monastere, où il fut caché deux ans; & iusques à ce qu'Ebroin ayant trouué moyen de surprendre Gueyrin frere dudit saint Liger (retiré en Gascogne ou Basque) l'eust fait lapider. Car lors resolu de ne plus garder saint Liger il enuoya en Artois où il estoit prisonnier, luy couper la langue & les leures, & puis trancher la teste: en vne forest qui a retenu le nom de S. Liger (ce dit le liure des Euesques de Cambray) coustant sus à tous ennemis, & principalement ceux qui auoient gouverné Childeric, lesquels il fit mourir du bannir: & entr'autres Vvbal & Ragoebert hommes illustres, & Loup Duc. Les biens duquel il donna à l'Abbaye de saint Benigist sur Loyre, ainsi qu'on peut voir par ses lettres. Durant cela, & l'an six

679. cens septante neuf, estant mort Domme Pape, Agathon premier du nom luy succeda: lequel on dit auoir le premier ordonné, que les decrets des Papes de Rome fussent entre les Chrestiens estimez comme les comandemens des Apostres; & faits suiuaus la parole de Dieu. Sous lequel Pape, le sixiesme Concile

81. 2. le vniuersel se tint à Constantinople; l'an six cens quatre vingts vn, contre les



Monothelites : qui nyoient qu'il y eust en Iesus Christ nature diuine & humaine ; comme chose contraire en foy. Ledit Agathon estant mort le dixiesme Ianuier , six cens quatre vingts deux ; le dixiesme d'Aoust ensuyuant , luy succeda Leon deuxiesme : lequel n'ayant tenu la chaire que dix mois vingt cinq iours , Benoist deuxiesme fut mis en sa place , l'an six cens quatre vingts quatre. Or Ebrouin voulant tousiours affermer sa tyrannie , l'an six cens quatre vingts cinq (ainsi que dit Sigisbert ) tint vn parlement general , auquel plusieurs Euesques furent deposez : & entr'autres Lambert Euesque d'Vtrecht , fort estime pour sa saintete , & iadis familier du Roy Châlderick : en son lieu fut mis Pharamond , à la poursuite d'Ebrouin : Saint Amar ou Amant Euesque de Sens fut aussi confiné par le Roi Thierry , & Vvlfald Duc ou Maire d'Austrazie (car ie trouue qu'on luy donne ces deux tiltres ) venant à mourir , Martin fils de Cleodulf & Pepin fils d'Ansegisille , cousins germains , gouvernerent & commanderent en ce pays. Cér Vvlfald fonda vne Abbaye pres Verdun au nom de saint Michel que ie croy estre celle qui auioird'huy s'appelle saint Miel. Auquel temps , les Princes d'Austrazie fâchez du mauuais gouvernement du Roi Thierry & de son Maire , assemblerent vne grosse armee , & vindrent en vn lieu nommé Licofao , où ils presenterent la bataille à leurs ennemis , en laquelle les Ducs d'Austrazie apres quelque petite resistance furent vaincus : laissant plusieurs de leurs gens morts sur la place. Mais quant à eux , ils s'enfuyrent : fuiuis par Ebrouin , qui mettoit le feu par tout où il passoit. Martin ayant pris le chemin de Laon en Vermandois , & surnommé le Cloué ( dit vn vieil Auteur ) d'autant que les habitans pour eulx aux surprises des ennemis , auoient semé de chausses-trapes de fer le territoire d'alentour leur ville : delibera s'y arrester , & là faire teste : s'assurant en la forte assiete de la ville par luy remparee. Quant à Ebrouin , il vint iusques au village d'Etheric , & considerant luy estre impossible d'y forcer Martin , il enuoya Engilbert & Riculle euesque de Rheims , luy promettre tout bon traictement , s'il venoit le trouuer. Aquoy Martin mal-aduisé , & sotement oubliant la mort de Leudesie , s'accorda : apres que les moyenneurs de paix luy eurent iuré seureté , mettant la main sur des Chasses vuydes de Reliques , par vne malicieuse subtilité : mais ils deuoient considerer , que Dieu (qui assiste tousiours aux serments faits en son nom ) voyoit bien leur meschante lourderie : qui cousta la vie à Martin , & à tous ceux de sa compagnie tuez aussi tost qu'ils arriuerent deuant Ebrouin.

L'an de  
lesus  
Christ.  
682.  
684.  
685.

## CHAP. XV.

*Ebrouin tué par Hermenfroy. Vvaraton Maire. Mort de saint Oen & de Vvaraton. Saint Vigile Euesque d'Auxerre tué. Pepin gagne une bataille sur Berthier Maire. Puis est fait Maire de Vvestrie. Ses enfans. Gascons & Seignes vaincus, sont contrainsts d'obeyr aux François.*



INSI donc, le cruel Maire traitant les François de mal en pis, en fin il menaça vn Seigneur nommé Hermenfroy, de luy oster son heritage, pour se vanger de luy, sçachant bien qu'il estoit proche parent de saint Liger, comme disent aucuns Auteurs. Ce Gentil-homme, qui par tant d'exemples auoit appris que les menasses d'Ebrouin estoient bien tost suyues d'effets cruels, assembla les parens & amis, avec lesquels ayant pris conseil, il amasse des gens, & vne nuit qu'Ebrouin ne se donnoit de garde, le tua dans son liét: puis se sauua en Austrazie vers Pepin, à qui il fit de grands presens, pour demeurer en sa sauue-garde. Cét Ebrouin, fut le premier Maire qui tout ouuertemét abuza de la ieunesse & peu de sens de son maistre: & qui totalement abbaisa l'autorité Royale: rendant la puissance de son Estat tant demesürée, qu'à son exemple ceux d'Austrazie eurent moyen de la continuer en la maison, à cause du bas aage, ou peu de sens des Rois, qui par l'espace de cinquanteans & plus, furent depuis appelez à la Couronne. Cependant, les François aduertis de la mort du Maire, establirent en sa place vn illustre seigneur nommé Vvaraton, lequel ayant prins ostages de Pepin, fit alliance avec luy. Ce Vvaraton auoit vn fils subtil & industrieux, appelé Villimer, qui faisoit l'estat de Maire au lieu de son pere, assez bié: & iusques à ce que ce ieune homme aueuglé par vn desir de commander seul (qui renuerse toutes obligations naturelles) comme si Ebrouin eust seruy d'exemple à tous les méchans (tant sont les hommes plus enclins à suiure les mauuais exemples) supplanta Vvaraton: sans tenir conte des remonstrances, que luy faisoit saint Oën, qu'il reprochoit de ses fautes. Aussi les deportemens du mesme Gislemer desplaisans à Pepin, engendrerent premierement querelle entr'eux, & puis guerre ciuile. Tellement, que Gislemer accompagné d'une grosse armee, vint trouuer Pepin pres Namur: où ayant surprins aucuns seigneurs ses ennemis, il les fit mourir; jaoit qu'il leur eust donné sa foy. Mais au retour de ce voyage, il mourut par punitiõ diuine, ainsi que lors on estima: pour auoir faulxé son serment, ou pour le tort fait à Vvaraton son pere: qui tout aussi tost fut remis en son estat. Et lors estant mort Benoist deuxiesme Pape, l'an six cens quatre-vingts cinq, Jean cinquiesme luy succeda, deux mois, cinq iours apres: & ceste mesme annee, saint Oën Archeuesque de Roüen mourut à Clichy, comme aussi

aussi fit Vvaraton Maire: que ie trouue auoir esté violent : Car i'ay leu, qu'il fit mourir en la forest de Cuise sainct Vigile, Euesque d'Auxerre: de sorte, que ce n'estoit merueille, si nos affaires se portoient mal en ce temps-là, que les gens de bien n'osoient reprendre les fautes des grands, sans danger de leur vie. L'an six cens quatre-vingts six, mourut l'Empereur Constantin Pogonat, ou le 686. Barbu; auquel succeda Heracle Iustinian. Iean Pape cinquiesme mourut aussi le cinquiesme Aoust: & le vingt & vn Octobre ensuyuant, Conon tint la place. Vvaraton Maire de France, auoit espousé vne bien noble & sage Dame, nommee Anstede; le gendre de laquelle appellé Berthier, fut estably Maire du Palais. C'estoit vn homme de petire stature, de mediocre esprit, leger & soudain, & qui bien souuent ne tenoit pas conte de l'aduis des seigneurs François. Dequoy plusieurs marris, Andran, Reolle & autres, l'an six cens quatre-vingts sept, l'abandonnerent; faisans alliance avec Pepin; par le moyen des ostages qu'ils s'entrebaillerent & luy persuaderent de venir faire la guerre à Berthier, & aux François qui le suyuoient. Ainsi Pepin asseuré de tel appuy, assembla des forces: & l'an six cens nonante (au conte de Du Tillet, mais les autres varient) il s'achemina contre le Roi Thierry & Bertier, qu'il rencontra au pays de Vermandois, & en vn lieu nommé Textricio, qui peut estre Tertri, entre sainct Quentin & Peronne: ou Tricourt pres le bois de Rocoinne aussi voyfin de Peronne: où la victoire fut pour Pepin, qui gagna la bataille. L'origine de ceste guerre que ie n'ay sceu trouuer en pas vn Autheur escrite, si plainement qu'en Paul Emil, tres-eloquent historien, m'a donné occasion de transcrire ce qu'il en dit. Car bien qu'il ait composé son histoire du temps de nos peres, il n'est moins receuable tesmoing, ayant peu auoir des memoires autres que nous; pour estre creu en cest endroit, où il n'est point contredit de ceux qui lors viuoient. Voila pourquoy, icy & autre part, où ceux du temps me dessaudront, ie ne craindray de m'aider de ses narrations, voire de ses harangues, quand ie les verray à propos. Il dit donc, qu'estant Pepin hardy, courageux & conuoiteux d'agrandir son pouuoir, pensant que Berthier deust gouverner Vvestrie suyuant les erres d'Vlfoald son beau pere, & garder la paix, à fin d'oster toute achoison de querelle & matiere de guerre, d'autant que plusieurs chassez par Ebrouin s'estoient retirez en Austrazie, il resolut s'en descharger, & pour le faire par la plus douce voye, & la volonté du Roi & de Berthier, il conseilla aux mesmes bannis, d'enuoyer en Frâce leurs deputez, humblement demander au nom de tous abolition de leur faute, & de pouuoir retourner en leurs maisons. Ce qui luy sembloit bien plus raisonnable, que par menaces & deffis tout incontinent commencer la guerre: Que s'ils ne profitoient par ce moyen, ils chercheroient autre voye. Ainsi les Ambassadeurs venus en la presence du Roy, bien humblement le supplierent vouloir auoir pitié d'eux, & permettre leur retour: l'asseurant de iamais ne faire chose au preiudice de son seruiue. Mais la faction de Berthier, & ceux qui ia estoient saisis des biens des bannis, & Berthier ressemblant plus à Ebrouin qu'à son beau pere, fut cause que l'on respondit à ces deputez; Que d'oresnauant ils ne passent reuenir en France, laquelle ils auoient perdue, & renoncee, s'en retir-

YY

*Man de* rans cōme bannis. Ceste responce rapportee en Austrazie, engédra aux bannis  
*resus* tāt de despit, qu'ils dōnerent la bataille: susdire de laquelle la maiesté de roiaida  
*Christ.* à sauuer Thierry, qui n'estoit pas celuy que principalement ils cherchoient. Toutesfois, le Maire vaincu quant & quant commença d'estre hay des siens pour auoir soustenu vne cause condamnée par l'opinion des hommes, & la fortune de la guerre. Car l'on pardonnoit aux bannis, de ce que leur requeste tant humble, ayant esté orgueilleusement reiettee, ils auoient eu recours aux armes, qui sont le dernier remede des hommes sages & courageux. A ceste cause, Berthier mal voulu fut occis par la coniuration de tant de gens, que Ansflede sa belle mere fut soupçonnée d'en auoir esté; & les bēnis retournez en leurs biēs, & la France estant reiointe à vn certain corps, le Roy ne fut plus empesché de se seruir de Pepin & des Austraziens, s'estant ledit Pepin sayfi de la personne & des thresors de Thierry, & se faisant encore Maire de Vvestrie. Puis quand il eut donné ordre en ce quartier, & restabli les choses en meilleur estat: sous le  
689. gouuernement de Norbert (à qui il se floyt) il retourna en Austrazie. Vn fragment de Chronique, dit, que Pepin commença de regner l'an six cens octante neuf (ie croy qu'il vouloit dire, six cens octante sept) & i'entens que le mot (regner) signifie commander aux Rois feneans. Ce Pepin appelé le gros, & l'Heritel, eut de Plectrude sa femme, bien noble & vertueuse Dame, & sœur du Duc de Bauieres deux fils: l'vn nommé Dreux, & le plus ieune Grimoald. Il entrèrent la France en bonne paix, tant qu'il eut le gouuernement, & par ceste victoire, appaisa les guerres ciuiles: mesmes, il ne fit gueres de voyages contre les estrangers, sinon que les Sefnes (ce sont Saxons) cuidans recouurer leur liberté pendant les dissensions de France (qu'ils iugeoient deuoir plus longuement durer) furent par luy sommez de venir faire leur deuoir accoustumé. Et pour leur desobeyssance les guerroya, & contraignit recognoistre les François ainsi que deuant: comme aussi les Snaues: lesquels pensans secoier le ioug sous la conduite de Vvillimer leur Duc, furent par ledit Pepin vaincus. Quant aux Aquitaniens ils se gouuernerent par vn Duc, & si vous croyez aucuns par vn Roy. Car il se trouue des chartes de ce temps-là, qui donnent ce tiltre à vn Eude: durāt l'ambition duquel, & qu'il essaye à s'esleuer en dignité, & se soustraire de la suiection des orgueilleux Maires, les Vvissigots d'Espagne, ou particuliers gouuerneurs, se firent seigneurs de partie de Languedoc, & de la coste de Prouence: pendant cela, estant mort Conon Pape l'an six cens quatre vingts  
687. sept, le vingtiesme Septembre, Serge luy succeda le dixseptiesme Decembre ensuyuant.

## CHAP. XVI.

*Mort du Roy Thierry. Clouis troisieme Roy. Son fils. Sa mort. Childebert Roy. Dreux Duc de Champagne. Pepin fait guerre à Raubaud Frizon premier Duc de Venise. Espagnols en Languedoc. Mort du Roy Childebert. Fondation de saint Michel diocese d'Auranches. Dagobert deuxiesme Roy. Grimoald tué. Mort de Pepin. Plectrude sa femme. Ragenfroy Maire. Dagobert mort. Daniel Roy Prestre, est nommé Chilperic. Charles fils de Pepin perd une bataille contre Ragenfroy. Estant remis sus, en regaigne une autre. Il entre à Colongne. Se saisit des thresors de son pere, fait Roy Clotaire.*



T l'an six cens quatre vingts huit ou quatre vingts neuf, 688.  
mourut le Roy Thierry; apres auoir regné dixneuf ans: ia- 689.  
çoit que Fredegair ne luy en donne que quatorze: mais il se

trouue contredit par trop d'autres, & possible qu'il ne conte ceux de son exil. Ce Roy fut enterré à saint Vvast d'Arras, où l'on voit encores sa sepulture, & son epitaphe.

Il laissa deux enfans, à sçauoir Clouis troisieme, & Childebert, iaçoit qu'en faueur de Charles Martel, on luy donne encores vn troisieme nommé Clotaire. Ce Clouis troisieme, succeda à son pere, & ne regna que deux ans. Toutesfois, i'ay deux Chroniques d'assez bonne marque, qui disent quatre: & dont l'une commence son regne l'an six cens nonante six: combien que d'autres disent l'an six cens octante neuf: De sorte qu'il est malaisé d'asseurer quelque chose en si grãde diuersité: & toute fois, pour les dates confuses il ne faut tant diminuer la foy des liures, qu'on estime faux les faits qu'ils recitent, d'autant que ceux qui les ont copiez, peuuent auoir failly aux dates, plus facilement, qu'au narré des faits: qui sont plus considerables entre les Annalistes: iaçoit que les vrayes cottes des anneés seruent pareillement pour bien r'apporter les mesmes faits. Je ne trouue rien digne de memoire sous ce Roi: sinon que Fredegair dit, qu'estant bien petit, il fut esleué à la dignite Royale par les Frãçois. Et vne autre vieille Chronique adiouste, qu'il mourut enfant, & qu'il estoit fils de Clodielde, encore que l'Epitaphe d'Arras, n'ome vne Doda pour femme dudit Thierry son pere: mais cestuicy peut estre venu d'une autre, ou de cõcubine. Ces Chroniques ne disent point que Childebert frere de Clouis eut aucun partage: ce qui donne à penser, que les Frãçois commençans à se laisser des partages egaux (cause des guerres ciuiles) ne voulurēt plus auoir deux Rois, à fin d'oster la ialouzie de leurs Maires. Tellement, qu'à cest exemple il fut depuis aisé à Charles Martel, persuader aux François que la monarchie les mettroit hors des troubles. Et voila (pour mō aduis) ce qui luy fit l'un apres l'autre, tirer des monasteres, & ou lieux esquels il tenoit enfermez ceux du sang Royal: celuy auquel il entendoit donner le masque de Roi. Childebert dõc frere de Clouis, homme digne de renom (ce dit vn Autheur de *Gesta Francorum*) tint le

YY ij

- L'an de* Roiaume apres son frere, enuiron l'an six cens nonante trois: sous lequel breux  
*Iesus* fils de Pepin fut pourueu du Duché de Champagne, & Norbert estant mort,  
*Christ.* Grimoald (le plus ieune des enfans de Pepin) fut esleu Maire du Palais de France, ou plustost de Vvestrie: puis que son pere viuoit. C'estoit vn homme doux, 693.  
 tout bon & paisible, grand aumosnier & deuotieux. Enuiron ce temps Pepin fit guerre à Ratbaud Duc de Frize Payen, lequel il défit en vne bataille pres le chasteau de . . . . . contraignant les Frizons idolatres souffrir Vvillibrod ou Clement, Euesque enuoié par Serge Pape pour prescher en leur pays 696.  
 la parolle de Dieu. L'an six cens nonante six, les Grecs irrités contre Iustinian pour ses cruautés, luy couperent le nez, & le confinerent: mettans en sa place 697.  
 Leonce. Et l'an six cens nonante sept, les Venitiens despités de ce que leurs Tribuns tenoient leurs Isles en diuision, par vn commun accord esleurent Duc Paul Lucio, habitant d'Heracle, pour commander à routes: & lequel se tint en sa patrie. Les Chroniqueurs Espagnols disent aussi, qu'enuiron ce temps, les Iuifs d'Espagne ayans non seulement profané le baptisme saintement par eux receu: mais encores conspiré contre le Roi, & son Roiaume, furent chassés: & Garibay adioust, qu'au dit an les Vvissigots passerent en Languedoc, pour guerroyer Childeric Comte, ou gouuerneur de Nismes, ville pour lors suiette du Roi d'Espagne. Lequel contre le vouloir & ordonnance de son maistre, auoit receu les Iuifs bannis d'Espagne, & chassés de Nismes l'Euesque qui luy contredisoit. Que ce Comte supporté de Gunilde Euesque de Maguelonne (c'est le siege Episcopal de Mont-pessier) & de Raimire Abbé, pour euitier la punition de sa felonnie, prit les armes: dont Egica, ou Bambe Roi d'Espagne aduertty, enuoya contre luy vn Capitaine Grec nommé Paul, lequel au lieu de guetroyer ces rebelles, se ioignit avec eux: & par le moyen des François & Gascons appelez à son secours, se declara Roi de Languedoc & de Catelongne. Lors Egica, crainte que le mal passast plus outre, vint contre ce traistre, & l'ayât vaincu & fait prisonnier, il recōquist ses villes perdues: punissant de diuerses peines les partisans du Tyran. Mais il faut que cela soit aduenu auant l'an six cens nonante huit, auquel Egica mourut, au conte des Espagnols. L'an sept cens vn, 701.  
 estant Serge Pape mort le vingt septiesme Aoust, le trentiesme Octobre suyuant Iean sixiesme entra en sa place: lequel ayant tenu la chaire iusques au septiesme l'auier de l'an sept cens cinq, eut pour successeur Ieā septiesme. L'an sept 701.  
 cens six, Iustinian recouura son empire, ayant fait mourir Leonce & Absimare, 706.  
 faux empereurs. L'an sept cens sept, estant mort Pape Iean septiesme, Sisime luy 707.  
 succeda & tint seulement la chaire vingt iours: pour faire place à Constantin premier. L'on dit que ce fut le premier Pape, qui souffrit que l'empereur Constantin second luy baissast les pieds, & à son exemple les successeurs des vns & des autres, ont fait, ou souffert telle demonstration d'humilité, mais qui sent plustost son hommage, ainsi que it mōstreray sous Charlemagne. Ambert euesque d'Auranches, bastir lors l'Abbaye de S. Michel, au peril, ou sur vne roche de la mer voisine de sa ville: & vne des plus admirables habitations du monde. Breux qui estoit Duc de . . . . . mourut l'hier de l'an sept cens huit, auquel succeda 708.  
 Thiebaut son fils. Et l'an sept cens dix, mourut le Roy Childebert deuxiesme, 719.

à qui Aymon donne tiltre de iuste, & loüe sa memoire. Il fut enterré à Cau- *L'an de*  
 si, qui est Coussi, en l'Eglise de saint Estienne : & regna treize ans, selon le *Jesus*  
 continuateur de Gregoire: selon Aymon, dix-sept, & dix-huict, si vous croyez *Christ.*  
 Sigisbert. Tant y a, qu'Adon met sa mort l'an sept cens douze, & l'autre tre-  
 ze. En ce temps, il y auoit vn seigneur en Suaube nommé Vvillier, auquel Pe-  
 pin ayant autrefois fait la guerre, ce Prince remit sus les armes l'an sept cens <sup>711.</sup>  
 vnze : contre lequel Anepos Euesque . . . . . faisant plustost estat du secu-  
 lier, fut enuoyé comme chef d'une armée leuée pour chastier l'insolence de ce  
 Duc rebelle. Mais Anepos aussi mauuais guerrier, qu'ignorant de l'estat &  
 deuoir d'Euesque (lequel ne se doit mesler de la guerre) fut vaincu en bataille:  
 où moururent beaucoup de François, & lesquels (si vous croyez vn fragment  
 de Chronique) firent encores vne autre pertel'an suyuant : auquel Iustinian  
 second Empereur fut tué par Philippe, qui se fit Empereur : & en mesme sai-  
 son mourut Aribert Roy des Lombards. Le Roy Childebert auoit laissé deux  
 enfans, l'aîné desquels nommé Dagobert luy succéda, & Daniel son frere fut  
 nourri en estat d'Eglise. En ce temps, Grimoald (qu'Adon surnomme le Ius-  
 te) allant voir Pepin son pere malade, passant au mois de May de l'an sept cens <sup>714.</sup>  
 quatorze par la ville de Liege, comme il faisoit son oraison deuant l'autel de  
 saint Lambert, fut tué par Rangaire Frizon, soldat de Ratbaud pere dudit  
 Grimoald. Ce Prince auoit d'une concubine vn fils nommé Thedoald ou Thie-  
 baut, à qui Dagobert donna les estats de son pere, par le moien de Pepin, qui  
 mourut au mois de Decembre ensuyuant, deuxiesme de l'Empire d'Anastaze:  
 ayant gouverné la France vingt-sept ans, six mois : & son corps fut enterré à  
 S. Arnoul de Mets. Il laissa d'Alpaide sa concubine (Fredegair dit seruante) vn  
 fils par luy nommé Charles en la langue: c'estoit à dire magnanime ou vertueux:  
 duquel vint Pepin pere de l'Empereur Charlemagne. Lambert Euesque de  
 Liege ci deuant nommé, si osé que de reprendre Pepin de ce concubinage, peu  
 de temps deuant auoir esté tué par Dodon frere d'Alpaide: & lequel depuis fut  
 rongé de vers, de telle sorte, que desesperé il se ietta dans la riuiere de Meuze,  
 si vous croyez l'Authour de la vie dudit Saint. Or Plectrude voyant Pepin  
 mort, de crainte que le gouvernement de France tombast entre les mains de  
 Charles (ja déclaré Duc d'Austrazie par son pere) pour la haine qu'elle luy  
 portoit, le fit mettre dans la prison publique de Colongne: & sous le nom de  
 Thiebaut, gouverna tout. Mais les autres François qui ne se pouuoient ac-  
 corder avec les Austraziens (possible marries d'estre subiects de ceste femme)  
 le premier an de Dagobert s'esleuerent contre Thiebaut, & ayans assemblé  
 vne grosse armée, vindrent rencontrer celle d'Austrazie en la forest de Cui-  
 se, où la bataille fut donnée : en laquelle beaucoup de gens moururent d'une  
 part & d'autre, & Thiebaut contrainct de fuyr comme vaincu. Dont  
 s'ensuyuit vn grand trouble au Royaume des François, qui esleurent pour  
 Maire de Vvestrie Ragenfroy, iadis Comte du Palais. Cestui-ci amassa vne  
 armée, & passant la Meuze gasta le pays de delà, faisant alliance avec Ra-  
 baud Duc de Frize, sans que les Authours du temps ayent autrement spécifié  
 les conseils & les ruses de ceste guerre, au grand dommage de la posterité, qui

L'an de  
Jesou  
Christ.

716.

ne peut estre instruite par tels memoires. Car dequoy sert de dire, la bataille fut donnée en tel ou tellieu, sans parler des aduantages qui la firent gagner: & neantmoins, il n'est loisible d'enrichir le conte, sans quelque lumiere d'Auteur. Durant ce temps, Charles prisonnier eschappa des mains de Plectrude diuinement (comme il, ou les siens voulurent faire croire) ou par le moyen d'un nommé Aun, ainsi que dit Auantin. Et Ratbaud estant venu iusques à Colongne en armes, Charles qui alla au deuant, perdit beaucoup de ses gens: encores qu'il acquist reputation d'auoir vaillamment fait de la personne. Au mesme an, le Roy Dagobert mourut, & les Sefnes gasterent la terre de Bauires: & Philippe Empereur ayant eu les yeux creuez, en sa place fut mis un nommé Anthemie, qui prit le nom d'Anastaze. Je trouue aussi en vne Chronique, que les François apres la bataille de Cuise, firent Roy un Daniel. Mais le continuateur de Gregoire n'en parle point, & dit seulement, que Dagobert mourut ayant regné cinq ans: & que les François tirans lors un certain Daniel du monastere auquel il estoit nourry le firent Roy, & le nommerent Chilperic. Vne Chronique dit, que Ragenfroy Maire du Palais, & Chilperic, l'an 716. vindrent faire la guerre iusques pres Cologne, s'attendant que Ratbaud Frizon, suyuant ce qu'ils luy auoient mandé, entreroit d'un autre costé sur le pays ennemi. Ceste promotion de Daniel au Royaume, faite par les Vuestriens contre la force de Charles, montre ce que j'ay dit cy dessus, que les Maires vouloiét oster le partage esgal des enfans, à fin que n'ayans plus en France qu'une court, ils gouuernassent tout. Ce qu'ils n'eussent sceu faire, les freres estās Rois de diuerses Prouinces Car il est croyable, que leurs Maires eussent voulu auoir autorité sur le Royaume de leur maistre: & les subiets desdaigné resortir autre part qu'en leurs prouinces. Charles donc pressé de cestui-cy, luy vint presenter la bataille qu'il perdit, avec grand nombre de ses plus vaillans hommes. Et Chilperic & Ragenfroy passerent les Ardennes, puis ioints avec Ratbaud qui les attendoit, planterent le siege deuant Colongne, gastans le pays d'enuiron. Toutesfois ils se leuerent de là, moiennāt les presens que Plectrude leur fit. Mais cōme ils retournoient mal en ordre, assurez de leur victoire, ils furent rencontrez en un lieu nommé Amblaua (que ie n'ose assurer estre Amiens) & en partie destrouffez, par ceux que Charles tenoit en embusche. Ainsi Anastaze fut contrainct quitter l'empire à Theodose Adramitin, & Constantin Pape estant mort l'vniensme. Feurier, Gregoire deuxiesme luy succeda, le vingt-vniensme de Mars de l'an 717. Lors Theodose voyant que Leon d'Isaurie s'estoit eslené contre luy, renouça à l'Empire. Et comme un homme qui hayssoit effusion de sang, entra en un monastere: ce qui donna occasiō à Leon, de se declarer Empereur. Le mesme an, Charles renforcé, & accommodé d'armes & d'argēt par sa victoire d'Amblaua vint faire la guerre à Chilperic, & Ragenfroy. Et le iour de Pasques Flories, qui lors furent l'onziensme de Mars, au point du iour ils se donnerent la bataille en un lieu nommé Vinciac, village du pays de Cambresis: en laquelle mourut grand peuple. J'ai veu vne Chronique à S. André en Goufer, Abbaye voisine de Falaise, qui met ceste rencontre sous l'an 718. Et adon dicit l'an septens dix-sept: plus veritablement, dit le Seigneur de la Scale, pource que la mar-

717.



que y est, à sçauoir l'onzième Kalende d'Auril; & vn Dimanche. Car en ceste <sup>L'an de</sup> année le vingtyvième Mars estoit vn Dimanche, Pasques fleuries furent le <sup>lesus</sup> vingt septième Mars, grandes Pasques, le quatrième Auril, cercle de la Lune, <sup>Christ</sup> quinzième cercle du Soleil vingt-sixième. La bataille perdue Chilperic & Ragenfroy s'enfuirēt pour suyuis iusques à Paris par Charles: lequel de là retournant à Colongne, après auoir tiré de sa part les habitans de ceste ville, fut receu de Plestrude: qui mit en ses mains les thresors de son pere. Et comme toutes choses se rendent faciles aux victorieux, il receut le pays d'Austrazie en son obeissance: esleu ant la mesme année sept cens dix-huit, à la dignité Royale; & pour porter le nom de Roy sans puissance, vn nommé Clotaire: qu'il appelloit son parent, & disoit estre fils de Thierry troisième, nagueres decédé, & oncle paternel de Childeric: tant profite en guerre ciuile, de bander le courage des partisans, à fin d'opiniastrement soustenir leurs querelles par toutes manieres de mensonges & faussetez. Mais ie trouue en vne Chronique escrete il y a plus de deux cens ans, que Clotaire estoit fils de Clouis, fils de Dagobert.

## CHAP. XVII.

*Eude Gascon & Ragenfroy venus au secours de Chilperic. Sont mis en route par Charles. Le Roy Clotaire mort. Thierry de Chelles est fait Roy. Charles poursuit Ragenfroy iusques à Angers. Trauaille les Euesques, & Comtes ses ennemis. Gaudine & Neustrie appelees Charolie. Gascons battus.*



CHILPERIC & Ragenfroy ainsi battus, & sentans que les Frisons estoient plus opiniastres ennemis que fermes en leur amitié, s'adressent à Eude Duc d'Aquitaine, aduancé à telle dignité pendant les querelles des François pour la Mairie: ne voulans les Guyennois estre veus moins courageux que les peuples des autres Royaumes: mais auoir vn chef pour les conduire en guerre: mesmes se voyans presseés des Espagnols qui durant nos diuisions auançoient leur frontiere vers le Languedoc, & la Biscaye. A ceste cause, il fut bien aisé à tirer Eude du parti des Vvestriens ses voisins, après qu'ils luy eurent remonstré l'ambition de Charles: lequel non content du gouuernement d'Austrazie, s'estoit ietté sur la Vvestrie, à fin d'auoir luy seul autorité sur tout le Royaume François, dont l'Aquitaine faisant vne grande part: il falloit bien que le Duc cedast au bastart, ou le recognuist pour superieur. Et pource durant que les forces de Guyenne estoient entieres, celles de Vvestrie non du tout esteintes, celles de Charles affoiblies par tant de batailles, & son autorité non encores confirmée, ils se devoient venir pour courre mesme fortune. Il y auoit apparence en ses remonstrances, avec ce que les Guyennois ayant ioint l'honneur du Royaume

L'an de  
Jesús  
Christ.

des Vvissigots ou de Thoulouse à celuy des François, pensoient estre dignes d'auoir vn chef pour leur nation, aussi bien que les Bourguignons, Vvestriens & Austraziens. Ainsi le Duc Eude gaigné par ces raisons, avec les presents faits aux principaux Seigneurs de ces quartiers, volóriers s'arma contre Charles, lequel sans crainte du grand nombre de ses ennemis, les vint trouuer en Champaigne, où les Vvestriens perdirent la bataille. Le Duc d'Aquitaine estonné s'enfuit, poursuyui des victorieux iusques à Paris. Et quand l'Austrazien eut trauersé la Seine, il courut iusques à Orleans & à Tours. De sorte, qu'à grand' peine Eude peut gaigner son pays, menât quant & soy Chilperic & son thresor. Cependant, Clotaire mourut l'an sept cens dix-neuf ou vingt : & fut enterré à Couffy. Lors Charles n'ayant plus de masque pour couvrir sa feinte, r'enuoya des gens vers Eude, qui firent la paix avec Chilperic. Lequel recognu par le Maire Austrazien, & assez tost apres mourant en la ville de Noyon, son corps y fut enterré le cinq, ou sixiesme an de son regne, ce dit le continuateur de Gregoire : & ce Roy est celuy, que l'on dit auoir esté prestre. Toutesfois, son retour est mis par Sigisbert, l'an sept cens vingt & vn, & par Du Boucher, sept cens vingt & deux, & par de vieilles Annales l'à sept cens vingt. Tout aussi tost, Charles declare Roy Thierry fils de Dagobert surnommé de Chelles, pource qu'il auoit esté nourri en ceste maison royale ou monastere. Or le Maire d'Austrazie n'ayât peu ou voulu s'appointer avec Ragenfroy, presque seul des François demeuré avec quelque autorité, le vint assieger dás Angers. Mais d'autât qu'il ne le pouuoit forcer pour l'assiette de la ville, apres auoir gasté le país d'enuiron, il retira son armée chargée de grand butin, & se fit declarer Maire du Palais de Vvestrie. L'an d'apres, que ie pense estre sept cens vingt & vn, il retourna en Anjou avec vne grosse armée, & derechef assiegeant la ville d'Angers, il la força : & prit Ragenfroy qu'il fit tuer : ainsi que ie trouue en ces vieilles Chroniques, par moy cy dessus alleguées. Toutesfois, d'autres disent que Ragenfroy s'estant rendu, Charles luy donna la vie, & le Comté d'Anjou, en renonçant par luy à la Mairie de Vvestrie. Ce qui n'est pas fort croyable, veu l'aigre poursuite que l'Austrazien fit contre tous les grands du Royaume, voire contre les Euesques. Car memoratif que Rigobert, ou Robert euesque de Reims (& son parrain) luy auoit refusé l'étrée de sa ville, lors qu'il poursuyuit Ragenfroy, il le chassa de son siege, & bailla l'euesché à vn nommé Millon, simple clerc, & qui n'auoit autre ordre : mais le suyuoit en ceste guerre. Il en fit autant à plusieurs autres, mettant aux places vacantes des Laics & des Comtes : de maniere que les euesques ne iouyssoient des biens de leurs eglises. Ce qui me fait encores d'auantage croire ma vieille Chronique ; à sçauoir, que Charles fut surnommé Martel, pource qu'il martela & trauailla bien fort l'Eglise. Robert chassé, se sauua en Gascongne : ordinaire retraite des François assigez par Charles : lequel craignant blasme, enuoya Millon prier l'euesque de reuenir en son siege : luy promettant tout honneur avec restitution de ce qu'il auoit perdu. Robert qui adionsta foy à ceste Ambassade, retourna : & toutesfois Millon voulut qu'il confirmast les alienations par luy faites : ce que estant refusé par Robert, Millon se desdir ; & le vray euesque ne peut recouurer  
autre

autre chose que permission de celebrer les Messes à l'autel de la Vierge Marie; ainsi que dit Floard, qui à mon aduis entend parler de la grande Eglise. Eucher Euesque d'Orleans ne fut pas mieus traité, & pour mesme cause: comme aussi les Eglises de Lyon & Vienne: le bien desquelles ayant esté furieusement employé par les François (ce dit vn Autheur) en autre vslage, elles demourent; quelque temps sans Euesques: & leur temporel mané par gens laics, ce dit Adon. Tellement que Charles bon gré mal-gré tous ceux qui luy vouloient resister, estoit autant obey pas deça, qu'en Austrasie. Lors se voyant paisible, Godefroy de Viterbe dit; qu'il fit appeller Charolie, le pays qui est entre Seine & Loire; en ce temps nommé Gaudine, ie croy pour les bois, qui en Gaulois se nommoient Gault: comme encores en bas Breton, Goy signifie bois ou forest. l'adiousteray, que ceux-là s'abusent, qui pensent que le Comté de Charolpis, ayt prins son nom de ce Prince: car il le tient du bourg de Charlemaigne, qui est pres Clugay. En ce temps, Bede le Venerable bien sçauant prestre Anglois mourut. Et l'an sept cens vingt-deux, Charles aduertit que les Sefnes s'apprestoient à la guerre, & sollicitoient leurs voylins, auant que l'esmeute fust plus grande, les alla charger en leur pays: si viuement, qu'ils furent contraincts d'obeyr; ainsi que deuant, Et comme l'an d'apres Plectrude accompagnée de Suanichilde sa niece, se fut retirée en Bauieres, en esperance que Charles s'abandonnant trop aux dangers, bien tost deust estre emporté, par les aduentures de la guerre, quand elle vit sa valeur suiuite de bonne fortune, afin d'esmonuoir contre luy les armes des nations plus esloignées, & non encores du tout assuietties aux François, elle vint solliciter les Bauariens: leur remontrant; comme elle espouze legitime, & Suanichilde niece de feu Pepin, estoient à la mercy du bastart de son feu mary, qu'ils se deuoient donner garde de ce ieune homme ambitieux, lequel sous ombre de la bonne fortune (qui iusques icy l'auoit accompagné) par armes vouloit s'assuiettir toutes choses. Ces remonstrances eurent tant de pouuoir, qu'elle esmeut les habitans de Bauieres les vns contre les autres; de telle sorte, que le Duc Grimoald demeurant tué en ceste querelle, la chose fust allée plus auant, si Martel pressé par la vefue de ce Duc (qui s'estoit retirée deuers luy avec les enfans) n'eust passé le Rhin en grosse compagnie: & apres auoir visité les prouinces d'Allemagne & de Sualbe, & chassé Thiebaud qui en estoit Duc, ne fust venu en Bauieres, contraindre Thiebaud l'un des Ducs, luy obyr: en remettant Firmin en ses estats; auxquels neantmoins renouant, depuis il fut Euesque de Mets. Charles fit aussi Euesque de Strasbourg vn nommé Ethon, & ayant donné la charge de Bauieres à Hubert, il retourna en France; chargé de grands thresors. Puis afin d'oster toute occasion de querelle, emmena Plectrude & Suanichilde sa niece; & dudit Hubert; qu'il espousa si vous croyez Auentin. L'an sept cens vingt cinq, Leon Empereur fit oster des temples de Constantinople, les images des Saints: luy ayant esté reproché par les Califes (c'estoient les grands Pontifes & Empereurs des Sarrazins) que les Chrestiens estoient idolâtres; puis qu'ils les tenoient en leurs temples, contre le commandement de Dieu. Surquoy le dit Empereur prit occasion, de les oster par tout son Empire, tuer & mal trai-

DES ANTIQ FRANCOISES LIVRE V.

*San. de* ter ceux qui les soustenoient. Dont il acquist le nom d'Iconomache, c'est  
*Iesus.* dire ennemy des images; & fut cause d'un grand & long trouble en l'Eglise  
*Christ.* Orientale, & Occidentale, suiuite de son Empire: non sans le meurdre de pres-  
 que tous les Magistrats & officiers Imperiaux, entre lesquels Paul Exarche de  
 Rauenne, fut massacré à Rome. Car le peuple soustenoit les images, poussé par  
 Iean surnommé Chryloras: qui escrivit pour leur defense. Cependant, Eude  
 Duc d'Aquitaine pesant que les guerres de Saxe & d'Allemagne deussent plus  
 long temps durer, faisoit des prattiques avec les ennemis de Charles, contre le  
 traité qu'ils auoient fait ensemble. Mais quand le Maire François fut venu à  
 chef de ses affaires d'Allemagne, à son retour il appella les Estats de France, où  
 lon dit qu'il se fit declarer Roy, & selon d'autres, Prince & Duc des François,  
 ensemble ordonner la guerre contre Eude, montrant par ce nom de Prince,  
 que la force est le principal titre des ambitieux. La guerre d'Aquitaine conclu-  
 te, & l'armee assemblee, il passa la riuere de Loire: & par deux fois courut le  
 pays d'Aquitaine, mal-gré le Duc: qui fut contraint s'enfuir deuant luy, &  
 laisser aux François emporter un grand butin.

## CHAP. XVIII.

*Sarrazins conquerent l'Espagne sur Roderic Roy Vvisgot. Ils sont appelez, en  
 France par le Duc Eude. Origine des Roys de Galice & de Navarre.*



R Eude premierement moqué: & puis couru & pillé par  
 Charles oyant dire comme les Sarrazins nouvellement  
 passez d'Afrique en Espagne, estoient redoutez pour leur  
 vaillance, desesperé d'auoir aucun raisonnable appoinctement  
 de l'Austrasien, qui ne vouloit point de pareil, suiuant  
 l'ordinaire des ambitieux, eut recours à eux, comme à un  
 dernier remede: & audit an sept cés vingt cinq, les enuoya  
 semondre de venir en France: sçachant bien qu'ils ne pouuoient faire paix ny  
 aucunement s'accorder avec les François. Ces Sarrazins, qui auoient (comme  
 i'ay dict ci dessus) cōquis l'Egypte, couru la mer Mediterranée, & en fin pris Car-  
 thage, s'estoient aduancez en Mauritanie: espians le temps propre pour trauer-  
 ser en Espagne, ou en la France, s'ils n'eussent esté empeschez par la bōne con-  
 duite des Roys Vvisgots, qui desfendoient les costes d'Espagne & de Langue-  
 doc. Toutesfois, l'occasion s'estant presentee l'an sept cens douze & treize ( &  
 selon d'autres, quinze) ils ne faillirēt de l'empoigner. Pour lors estoit Roy des  
 Vvisgots d'Espagne, Roderic, tres-vaillant Prince, mais sujet à la paillardise;  
 vice de Princes oyifs & nonchalans. Lequel ayant enuoyé en Afrique comme  
 Ambassadeur Iulian Comte de Betique (c'est Grenade) ou de Cantabrie, selon  
 aucuns ( qui est Navarre & Biscaye ) durant que ce Seigneur loyaument s'em-  
 ployoit à luy faire seruice, laschement il luy desbaucha la fille, ou la femme; qui  
 estoit à la suite de la Roynes. Dont Iulian aduertit, pour se vanger d'une telle  
 vilenie: mais à la ruine de tout le pais ( pour ce bien duquel il deuoit oublier son  
 iniure particuliere ) il se retira vers Muza fils de Nekir, de la race de Maya Ma-

ainsi lors Roy, ou Amiras d'une partie d'Afrique, auquel il promit liurer la seigneurie d'Espagne; fit luy bailloir gens pour l'accompagner. Muza descouvrit ceste entreprise à Vlit, Amysamaumonin (c'est à dire l'Empereur des fideles Sarrazins) d'Afrique, lequel ne se fiait du tout à Iulian; luy fit seulement donner cent hommes de Cheual; & quatre cens de pied, que le Comte fit passer par le destroit d'entre l'Espagne & l'Afrique, autrement surnommé d'Hercules: pource que les Poëtes ont feint, que ce vaillant Prince ayant ouuert les terres en cest endroit, pour faire passer la mer entre deux montaignes (iadis appelées Calpe & Abilla) planta sur icelles deux colonnes, en memoire de si haute besongne, ou plustost du chemin, que premier il auoit descouvert, pour passer en l'Ocean Occidental. Ainsi donc, Iulian appuyé sur de si petites forces, & celles qu'il peut tirer de son pays, premierement courut la Berique, & puis la Lusitanie (c'est Portugal) puis renuoya les Sarrazins chargez de butin par eux conquis, pour tesmoigner de sa bonne aduventure, & attirer d'autres gens. Lors Muza, voyant que Iulian ne se feignoit pas, luy bailla douze mil hommes, conduits par vn capitaine nommé Tarif, & des Arabes Tarak, fils d'Abdalla, fils de Venempzemithin, lequel ayant l'an nonante de l'Eghire, & sept cens neuf de nostre Seigneur, conquis la coste du destroit, apres auoir bruslé ses nauires, pour monstrier qu'il ne vouloit abandonner les siens, qui ne se fioient en luy, donna son nom à vne forteresse par luy bastie & proche du mont Calpe, lequel fut lors appelé Gibel Tarafer, c'est à dire mont de Tarif, ou plustost de Tarak, & auourd'huy par corruption Gibraltar. Ceste armee de Sarrazins, trouuant la ville de Seuille desnuée de mbrailles, la pillà: comme aussi la Berique, & bonne partie de Lusitanie. Lors Roderic aduerty de ceste venue, tour à la haste leuë vne armee, qu'il enuoya au deuant, sous la conduite de Irrigo ou Sanche son cousin, lequel fut bien ayssémét desconfit: pource que les Vvisigots amollis par vne longue paix, auoient oublié l'art de la guerre. Mais Roderic cognoissant le danger où luy & son Royaume estoient reduits au moyen de ceste perte, & du grand nombre des Sarrazins, qui sous la faueur de leur victoire journallement passoient en Espagne, assembla vne grosse armee de toute la noblesse de son Royaume: avec laquelle couragement il marcha au deuant de ses ennemis, qu'il trouua sur la riuere Guadalete, ou Badalac pres la ville d'Assidonne, que lon pense estre Zeres. Et le Dimanche quatriesme Iuillet, ou de Septembre en l'an sept cens quatorze (ledit de la Scale dit que si estoit vn Dimanche, cela n'a peu arriuer au quatriesme Iuillet que l'an sept cens dix sept, ou au quatriesme Septembre; l'an sept cens dix huit, ou sept cens douze) donna la bataille, qui dura huit iours: si vous croyez les Espagnols. Car Roderic y estoit en personne, la couronne sur la teste, vestu de sa cotte d'armes Royale, ayant des chausses charges de pierreries (ie croy à l'Imperialle) monté sur vn chariot d'yuoir (volontiers garny de faux au bout des esseuls comme lors on estoit) encourageant les siens à combattre; pour sauuer leur vie, & celle de leur Roy. Mais le huitiesme iour, les Vvisigots recreus d'un long & non accoustumé travail, Roderic qui voulut faire vne dernière preuue de ses forces, piqua son cheual nommé Aurelie (car la vanité

L'an de des Romanciers Espagnols n'a pas mesmes oublié le nom de sa monture ) en la  
 Jesus plus espesse troupe de ses ennemis, là où il fit vn grád carnage, ausques à ce que  
 Christ. trouuant vne plus grande opiniastreté que la sienne, les gens ne peurent durer  
 contre les Sarrazins, qui ay lément se rafraichissoient au moyen de leur grand  
 nombre, avec ce que les enfans du Roy Viriges (ausquels Roderic, ne se souue-  
 nant qu'il auoit chassé leur pere, auoit donné la pointe de son armee ) letrahit-  
 rent : en esperance de recouurer leur Royaume paternel. Ainsi les Vvisigots &  
 les Espagnols tuez de tous costez, perdirent le Royaume qu'ils auoient gardé  
 trois cens vn ou deux ans; à conter depuis qu'Astulf passa en la Gaule Narbon-  
 noise: demourant toute leur noblesse sur le champ. De maniere, que les victo-  
 rieux bien ay lément occuperent l'Espagne en vn, deux, ou trois ans. Quant au  
 Roy Roderic, on ne sçait qu'il deuint. Et Iulian (comme les traistres sont com-  
 munement hays & soupçonnez des victorieux) mourut prisonnier en grande  
 misere; apres que sa femme eut esté lapidee, & son fils precipité d'une tour de  
 Septa, pour iuste recompense de l'infidelité de son pere. Car les gens d'honneur,  
 doivent aussi bien remettre leurs iniures au public, que les particuliers, les ou-  
 trages que les peres mal aduisez & trop seueres, quelques fois, font à leurs en-  
 fans: puis que la patrie est plus que pere & mere. Lors vne patrie des Chrestiens  
 sauuez dans les montaignes d'Altur & Biscaye (qui aussi auoient serui de retrai-  
 cte aux anciens Espagnols, contre les Romains) fit Roy Pelage fils de sa fille,  
 Duc de Catabrie: lequel s'estant fait maistre de la ville de Legio (c'est León d'Es-  
 pagne, ainsi appellee pource que ce fut le fort d'une legion Romaine) donnant  
 courage aux Espagnols de resister aux Sarrazins, en fin prit le nom de Roy de  
 Leon, & duquel sont venus les Roys de Castille: lesquels peu à peu se fortifie-  
 rent & sous la faueur des victoires de Charles Martel, & des Roys de France  
 ses successeurs empêcherent les Infidelles de conquerir le haut pais d'Espagne,  
 comme l'autre partie des Espagnols aussi retirée dans les montaignes d'Arrogon  
 & de Nauarre, fit semblablement Roy Garcie Ximene de race Gothique duquel  
 les Rois de Nauarre sont descendus. Ce Garcie l'appella premierement Roy de  
 Sobrarbie, puis ayant recôquis grâde partie de la plaine qui est de la les monts Pi-  
 rences, ses successeurs prirent le tiltre de Roy de Nauarre, pource qu'en lan-  
 gue Espagnole on appelle Nauas, les plaines aires champestres. Ces deux Prin-  
 ces depuis remirent sus les Royaumes de Galice, Leon & Nauarre, demeurant  
 le reste d'Espagne es mains des Sarrazins: qui establierent trois siéges ou gouuer-  
 nemens: dont le principal fut à Cordube, maintenant Cordoua: d'où viennent  
 les peaux de cheure, que pour ceste cause nous appellons Cordouan. Le deu-  
 xieme à Seuille, & le tiers à Carthagene: distribuant les autres places à plu-  
 sieurs chefs & capitaines, tous recognoissans le Miramenin. Et toutesfois,  
 pource que ledits Sarrazins ne peurent entierement ranger à leur creahce les  
 Chrestiens par eux vaincus, ils les souffrirent sous le nom de Mesarabes, c'est à  
 dire demis, ou meslez avec les Arabes: en leur payant tribut. Car ie me tiens à  
 ceste opinion, encores que d'autres disent que ce nom vient de Muza Sarra-  
 zin.

CHAP. XIX.

*Sarrazins vaincus en bataille par Charles Maire de France, qui en acquit le nom de Martel.*



Les Sarrazins donc, bien ayés d'auoir occasion de faire nouveau butin : & cuidans que l'Espagne conquise, rien de Septentrion ne pouuoit les arrester, & promettant l'Empire de tout le monde, presterent volontiers l'oreille aux Gascons Ambassadeurs d'Eude, comme ceux qui ja auoient gousté partie de la proye de Gaule, pour y estre entrez par mer du costé de Septimanie, & auoir gatté plusieurs villes de ce quartier courans iusques à Vienne, ce dit Adon. Mais à ceste fois, deliberez d'habiter toute ceste terre, ils partirent d'Espagne avec leurs femmes & enfans iusques au nombre de quatre cens mil amies conduits par vn Roy, nommé Abdiracman. Il n'est pas ayse d'asseurer par où ils entrèrent, car nos Auteurs ne disent point le lieu. Et toutesfois l'ay lieu au liure du Maréchal d'Arles, que Abdiracman conquist Pampelune : & passant les monts Pyrenées, assiegea Bourdeaux : apres auoir chassé Eude. Et vne Chronique abbregee d'Yvon de Chartres dit, qu'ils vindrent *in longis nauibus*, sur des longs vaisseaux (i.e. croy Galeres,) gattans plusieurs villes tant de Septimanie que du Viennois. Quant aux Gascons, ils tiennent pour très certain qu'ils passerent par le Comté de Perpignan, & vindrent en Languedoc, où ils laisserent trop de marques de leur violence, mesmes vers le costé de Toulouze où ils fortifierent des places, aucunes desquelles en retiennent bellement la memoire, comme Castel-Sarrazin à costé de Moissac, sur le chemin d'Agén à Toulouze, ils brulerent aussi la ville sainct Ruffin pres Montauban : & arresterent en Agén qu'ils tindrent long temps, & de là suyuirent le cours de Garonne rien ne pouvant arrester leurs forces. Mais quand ils eurent traoué le bel riuier, ils se separerent avec la mesme violence, par ces gras pays de Saintonge, d'Angoulmois, & de Poitou, Puis faits maistres de Poitiers (abandonnée) ils brulerent l'Eglise de sainct Hilaire, deliberez d'en faire autant de celle de sainct Martin, qui est à Tours (& lors fort reuersee par les Chrestiens) s'ils eussent aussi pris ceste ville : pres laquelle le Prince Charles couragement s'estoit campé, accompagné des forces de France, arriuees de toutes parts. Ayant cependant enuoyé vers Eude des gens, luy remonstrent la grande faute qu'il faisoit tant enuoyer Dieu, que les siens propres, & ayant des Sarrapins ennemis de Iesus Christ, & de son pays ja par eux mis en proye, comme s'ils fussent venus pour luy faire la guerre, & non pas le secourir. Qu'il y aloit donc mieux remettre son iure, (si aucune luy auoit esté faite) entre les mains de Dieu, que souffrir ainsi gatter la terre, pour laquelle il disoit vouloir combattre, & employer sa vie. Car c'estoit à cest heure qu'il le falloit appointer, pardonner & rompre les offens.

ZZ iij

*L'an de* les les vns aux autres, pour sauuer leur mere commune. Eude qui ne pouuoit  
*Iesus* voir destruire son pays par ces estrangers, secrettement s'appointa & promit  
*Christ.* s'employer à chasser les Sarrazins. Car si bien il luy falloit perir par les mains  
des vns ou des autres, il estima deuoir trouuer plus de misericorde entre les  
Chrestiens: D'autre coste, Charles renforcé d'hommes piequez d'honneur (ai-  
guillon de la vraye noblesse) ou du danger de leur patrie (lequel deuoit esmu-  
uoir tous estats, accourus de diuers endroits de la France) comme Prince de  
grand courage, mais encore plus asseuré en la vaillance des siens, esprouuée  
par tant d'heureux exploits de guerre, attendoit les Sarrazins: lesquels apres  
auoir mis le feu en tout le Poitou, venoient pour forcer Tours: & passer la  
riuiere de Loire, en intention de conquerir l'Empire François. Mais l'elloit  
de creste, appuyé sur la fidelité des habitans de ceste ville, plus vaillant & cou-  
rageux, au moyen du secours de tant de noblesse, & despités de voir ainsi brul-  
ler le pais voisin. Et le Maire, non sans cause auoir choisi ceste aduantageuse  
place pour la commodité des viures, bien aisément fournis par les riuieres de  
Loire & de Cher, que pour la place de son camp, la plus part environnée d'une  
riuiere, luy seruant de marche, & qui empêchoit que l'ennemy par la gran-  
de multitude ne s'envelopast. Mais lacon qu'il estoit ainsi bien pourueu à la se-  
curité de son armee, ne disoit aucuns plus hazard ou il falloit mettre. Luy donna  
occasion de parler à ses principaux capitaines: & pour les encourager d'avan-  
tage leur remonstra (ce doit-on croire) que ceste inouuerable multitude d'e-  
strangers qui maintenant se trouuoit deuant eux, composée de femmes & d'en-  
fans plus que de guerriers, ne leur deuoit point tant apporter de frayeur, que  
leur accoustumer assés en pareils affaires, donner courage pour sortir de  
ce peril, auoila melme vertu qui les auoit tirez de maints autres plus grands  
dangers. Car si ils estoient de quoy estoit composée l'armée ennemie,  
leur façon de maniere de combattre, les gens contre qui jusques icy ils se-  
toient esproués. Il n'y auoit point de comparaison aux ferocestis François,  
à l'ordonnance de leurs Scars, à la valeur des peuples que leurs predecesseurs  
ou eux mesmes auoient domptez, ou ceux qui maintenant estoient vnis &  
joins à leurs corps. Qu'il auoit esté fort aisé aux Sarrazins, mettre en leur  
obeyssance, dit conuaincre de Arabie jusques à l'Océan Atlantique, la ter-  
re occupée par des gens de malice & plus accoustumés aux brigandages &  
coustices, qu'à rencontres des batailles rangées: & aussi peu armiez ou mal  
aguerris qu'eux. Mesmes il ne falloit conter les Grecs (lasches & perdus en  
toutes oyssietez & delices) pour gens de guerre ou de main. Que si bien les  
Sarrazins auoient nagueres en Europe trouués & battu des gens plus roides  
que ceux d'Asie & d'Afrique, la trahison des Espagnols enuers leur Roy, la  
discorde d'entre eux mesmes (qui vus leur eussent peu resister) auoient plu-  
tost engendré, que rompu le courage de ceste constante nation: laquelle retirée  
dans les montaignes & plus seurs endroits de sa province, par son opiniastre  
résistance, monstrois qu'elle ne se tenoit pour vaincue: ny les Sarrazins pour  
seigneurs de tout l'Espagne. Mais eux, de qui estoient ils sortis: car ils au-  
oient enuieux raie leurs dernieres victoires, puis que le malheur du temps,



auoit voulu que ceust esté sur leurs parens mesmes. Et toutesfoiſ encorſes <sup>L'au de</sup> estoit ce vn testimoignage de leur valeur. N'auoient pas leurs peres & ayens, <sup>les</sup> de tout temps esté le fort des armées esquelles ils s'estoient trouuez ? Qu'il <sup>Christ.</sup> ne le disoit pour les François seuls, ains semblablement pour tous les habitants de la Gaule & Germanie, fussent-ils Romains, Bretons, Bourguignons, Allemands, & Sôſnes : qui (aussi bien que les François) se pouuoient glorifier de plusieurs actes de prouesse particulière à chacune nation, pour les rendre (maintenant qu'ils estoient vnis sous meſme chef) d'autant plus assurez au danger present, par la ſouuenance des beaux faits de leurs ancestres. Que si le bon couraſe qu'il voyoit luyſe en leurs faces, & ceſte vne ardeur les tenoit menant les mains, qu'ils ne fiſſent doute, que le combat prochain ne fuſt bien roſt vuide à leur honneur & gloire immortelle de luy, chef & capitaine de tant vaillans hommes. Qu'ils enduraſſent donc ſecrez enſemble, & bien couuerts de leurs Elcus, Talleus, & Rondellés, la premiere greſſe des Fleſches ennemies, qui estoit tout leur effort : & ils trouueroient, qu'aux poignis des Lances, jet de leurs Ancons & Francisques, coups de leurs haches, eſpees & badelaines, ces gens mal armez, & non accoustumez aux combats arreſtez de pied contre pied, tourneroient le dos : ſans que leur grand nombre les peuſt ayder ; par pour leur regard, ils estoient tellement campeſ, & ſi bien couuerts d'ormieres, que les ennemis ne pouuoient les encoſſer, ne ſe preualoir de leur multitude : laquelle eſtant exceſſiue, & empeschee de femmes & bagage, ordinairement ſe trouuoit inutile aux batailles. Qu'encorſes outre cela, ils deuoient eſtre ſecourus de tel endroit, que ſur le fait, ils cognoistroient euidentement qu'il n'auroit rien oublié, qui peuſt ſeruir à la ſauueré d'eux, & de la commune patrie. Mais ſi par la ſcheré de couraſe, ils abandonnoient ce camp, quelle autre retraicte cuident ils trouuer : aiant ia commandé à ceux de Tours de tenir les portes clauſes aux ſuyards : & de tous coſtez eſtant enuironnez de profondes riuieres, & pourſuiuis par vne ſi viſte & grande caualerie Sarrazine, que rompus ils ſentiroient à leur dos : Qu'ils ſongeaaſſent donc tous à combattre, pour l'honneur de la nation Françoisſe, à laquelle eſtans incorporez, ils auoient part à ſa gloire ou conſuſion ; Qu'ils combatriſſent auſſi pour la vie d'eux, leurs femmes, & leurs enfans : pour la manutention de la ſoy Chreſtienne, laquelle par ceſte bataille ſe conſerueroit en tout le Septentrion, ou ſeroit place à la folle & vaine creance de Mahomet. Car ils ne deuoient penſer, que les ennemis infidelles les traitaſſent plus doucement vaincus, qu'ils faiſoient les Gascons & Guyennois leurs allies, & qui les ayans appellez à leurs ſecours, ce neantmoins ils deſtruoiſient pillans leurs maiſons, emmenans captifs leurs femmes & enfans, abbatans & brulans leurs temples ſacrez, leurs belles villes & grands villages : ainſi qu'ils pouuoient voir par les feux beſoiſans de tous coſtez de la campaigne. Qu'ils allaſſent donc au nom de Dieu tout-puiſſant, & ſauoreſ de ſon ayde, garantir leur vie & libereſ, de la ſouueraineté de ces barbares Arabes, & leur monſtraſſent, que ceſtoit en France qu'ils auoient trouué des hommes, des bras & des armes, pour arreſter & borner leur Empire inhumain, &

L'an de leurs barbares cruautés. Cependant, Abdircaman, avant que d'estre devancé-  
 ge pressé de la famine qui le menassoit, étant le pays d'environ destruit par les  
 liens ou les nostres, mertoit aux champs ce qu'il avoit de bonnes gens pour la  
 guerre : laissant le reste à la defence du camp, bagage, & ceux qui pour leur âge  
 ou sexe estoient inutiles aux combats. Incontinent les enseignes qui marchoiēt  
 devant gaignerent la plaine : suivis de pietons & cheualerie estrange à voir,  
 d'autant que partie montée sur Chameaux, Faydoient de fort longs Verdons  
 & partie de Fleches, desquelles sans faillir ils perçoient leurs ennemis, quand  
 par semblant ou de vray ils fuyoient : partie conduisoit avec boussines leurs  
 cheuaux, sans brides & sans freins. Quant aux pietons, aucuns portoient des  
 lancelots, autres des Frondes, autres de courbes Cimeterres, d'autres estoient  
 couverts de Gobissans ou Hocquerons contrepointez d'ouïlets, faits à la mo-  
 de de leur pays, pour resister aux coups : mais bien ayson à ceindre & deueſtir.  
 La plus grand' partie garnis de Picques ou Lances, ferres d'un fer bien poin-  
 tu, avec la Banderolle voletant au bout par cointise, ou pour donner frayeur,  
 comme s'elles fussent en mains de gens signalez, commencerent le combat;  
 ayans le visage & les membres bruslez du Soleil, les barbes longues : & aucuns  
 la teste bandee d'un linge estroit, & d'autres couverte d'un plus haut & releué  
 en façon de tour ( qui s'appelle Turban ) sembloient des monstres aux Fran-  
 çois, non accoustumez à les voir ainsi accoustrez. Outre ce, que pour d'autant  
 plus espouvanter leurs ennemis, ils marchoiēt avec hurlemens, sons de Cors,  
 Naquaires, Grailes & Tambours, faisant si grand bruit que lon eust jugé le ciel  
 devoir fendre & espartir, obstinez cōme bestes cruelles & farouches, de vain-  
 cre ou mourir en ceste terre ennemie : en laquelle il n'y auoit lieu de fuite, n'au-  
 cune esperance de salut : qu'en leurs mains. Le ciel mesme, au precedent, auoit  
 monstré des signes espouventables & de menace. Bede Prestre, surnommé le  
 venerable a laissé par escrit, ces mots. Au mesme temps que la pestifere gent  
 Sarrazine gastoit le pays de Gaule, deux Comettes apparurent par quatorze  
 iours, l'une deuant Soleil leuant, & l'autre apres son coucher ; l'ardent flam-  
 beau desquelles regardoit le Septentrion : non sans crainte de ceux qui les  
 voyoient. Mais comme le peut il auoit escrit, s'il mourut l'an sept cens vingt-  
 deux : Il faut donc que ce soit quelque autre, ou qu'il y ait faute de la copie de  
 la mort de ce grand homme. Or Charles ayant commandé mettre le feu en son  
 camp, tant pour oster aux siens l'esperance de se retirer, que pour donner signe  
 à Eude (ja prochain) que les François alloient à la charge, les fit aduancer par  
 la campagne, avec grande assurance de leur bon-heur ; soit pour la necessité  
 de se defendre, que l'aduantage du lieu, où ils estoient rangez : attendant les  
 Sarrazins, qui avec grand orgueil & en foule venoient, cuidans par leur seule  
 huerie tout emporter. Quoy voyant Abdircaman, & que contre son esperance  
 les nostres tenoient ferme, tout desdaigneux, lon dit qu'il parla aux Sarrazins,  
 les encourageant à bien faire, & leur disant : que si l'armée ennemie estoit de  
 ces Gaulois, ou François, qui iadis remplirent toute la terre de leur renom, &  
 armes inuincibles ; ou qui menez par Clouts, par des Clotaires, & autres vail-  
 lans Roys, ayans chassé les Romains, Cors & Bourguignons, s'estoient parmy  
 eux

eux acquis vn grand Royaume, & depuis deux cens ans & plus, auoient rem-  
 ply la terre du bruiet de leur valeur, comme modérateurs de l'Europe, possible  
 leur tiendroient-il autre langage, & autrement pourueroit à leur necessité. *L'an de  
 Jesus  
 Christ.*  
 Mais ayant vne telle suite, & si grande multitude de gens de guerre, & re-  
 tranché du corps des François vn si belliqueux peuple que celuy d'Aquitaine,  
 il ne pouuoit se promettre qu'une tres-certaine victoire. Aussi estoit-ce la  
 cause, pourquoy il ne leur feroit pas longue harangue : car parler d'auantage,  
 c'estoit retarder leur butin. Seulement il leur diroit que ceux, qu'ils alloient  
 charger enclos de tranchées ( que leur crainte auoit si haut esleuées ) estoit le  
 reste des seditieux François, qui n'agueres deschirez par vne guerre ciuile ( en  
 laquelle tous leurs meilleurs capitaines & vieils soldats estoient demeurez ) l'on  
 voyoit encores souillez du sang de leurs peres, enfans, freres, parens, & voi-  
 sins : voire de celuy de nos Rois & Princes legitimes, qu'un bastard ( plus ru-  
 sé que vaillant ) hay de l'ancienne noblesse par luy meurdrie ou abbaissée, &  
 encores plus des Euesques de sa religion ( qu'il auoit chassés pour esleuer des  
 estrangers ) trainoit plustost qu'il ne conduisoit de bonne volonté : voyans  
 s'ils eschappoient de leurs mains, qu'aussi bien ne pouuoient-ils faillir à tom-  
 ber par la cruauté de cestui-cy, qu'ils tenoient pour tyran, & vsurpateur de  
 l'autorité Royale : par luy du tout aneantie. Qu'ils ne pensassent donc pas  
 auoir à faire à ces Gogons, Mommols, Rauchinges, Vvintrions, Landris &  
 tant d'autres vaillans Capitaines, qui iadis acquirent si grand renom aux Fran-  
 çois : ne que ceux-cy fussent arrestez deuant eux par esperance de la victoi-  
 re, ains estourdis d'une mortelle frayeur, & ne scachans quelle resolution  
 prendre, n'ayans plus que ceste barriere de Loyre ( bien plus estroicté que les  
 deserts de Libye, & la mer Mediterranée, ou les monts Pyrenées, par eux si  
 aisément franchis ) vne iuste punition de Dieu ( qui les vouloit chastier de tant  
 de parricides commis durant les guerres ciuiles ) les leur donnoit en proye : à  
 fin d'exécuter sur eux la vengeance de leurs pechez. Et pource, qu'ils se tinssent  
 affeurez ; que la mesme faueur qui auoit accompagné leurs peres & eux aussi,  
 depuis qu'ils estoient partis d'Arabie ( pour d'Orient, par le Midy venir en Oc-  
 cident, & sur le bord de l'Ocean ) la victoire prochaine leur ouueroit encores  
 le Septentrion ; à fin que par vne speciale grace non iamais oüroyée à pas vn  
 autre peuple, il fut dit à l'aduenir, qu'en moins d'un siecle ils auoient circuy la  
 terre habitable : victorieux de toutes les nations qui s'estoient opposées à  
 leur prosperité. Aussi seroit-ce grande lascheté à eux, si apres auoir passé sur  
 le ventre à tant de peuples belliqueux, vne poignée de gens tels que ceux qu'ils  
 auoient en teste ; empeschoit de paruenir à leur desir, de si vaillans hommes,  
 accoustumés à tout bon heur, par des victoires tant drues & obtenues par tout  
 l'vniuers. Les Sarrazins ainsi encouragés, les batailles s'aduancerent. Paul  
 Emil dit, que Martel conduisoit la gendarmerie Françoisse, & Childebrand  
 fils de Martin, les pierons : estant commandé à chacun de ne sortir de son  
 rang, & ne soy desbander. Mesmes il y auoit des gens derriere, pour contrain-  
 dre ceux qui reculeroient, de tourner visage à l'ennemy. Le Maire François  
 fit encores crier par ses Herauts, & luy mesme le fit entendre à ceux qui peu-

A A A

*L'au d' lesus Christ.* rent ouyr sa voix, & à ceux qui s'estendoient par la campagne, que par son commandement, les portes de Tours estoient closes : & ne s'ouvroient qu'aux victorieux. Que d'un costé ils auoient la riuere de Loire, & d'autre leurs ennemis : qu'ils n'eussent donc esperance qu'en la victoire. Car ils n'auoient plus d'autre France, ne d'autre patrie, pour se sauuer ou cacher : & falloit en ceste terre (qui seule leur restoit) ou mourir, ou vaincre ceste iournée. Les pietons furent rangez de front bien drus; & en longue haye : & par eux commença (dit Emil) le combat de grand courage : pource que du commencement ceux des ennemis faisoient tres-bien leur deuoir. Mais leur bataille du milieu tout expres peu à peu reculoit, demeurant ceux des pointes en leurs places; à fin que si les François serrez, vouloient se ietter dedans le champ, que les Sarrazins laissent vuide, & comme en croissant; ils peussent, elpars & separez, estre par eux enclos deuant & derriere : quant & quant, la cheualerie Sarrazine rangée aux ailles s'espandit sur les François. Martel sans s'estonner, alloit disant aux siens; qu'ils n'eussent crainte de ceste vaine parade des ennemis. Que ces grands corps de chameaux, estoient plus tost sommiers & bestes de charge, que propres à la guerre, ou en vn combat : & les cheuaux ennemis plus duits à courses legeres qu'à vn choc de bataille rangée. Là dessus, il aduança sa pointe dextre, & commande à la fenestre, conduite par des vaillans chefs, charger quant & luy. Aussi la cheualerie Sarrazine qui ne peut endurer l'effort de l'homme d'armes François, en conuillant essayoit, si par voltes & limaçons elle pourroit rompre la Scare de nos hommes d'armes. Mais quand ils virent que rien ne se faisoit par temerité, retournans à la charge & voltigeans à l'entour, ils perdoient temps sans rien aduancer. Lors considerans la valeur & l'ordonnance des nostres, aucuns Sarrazins montez sur cheuaux de legere taille, essayerent de les enuironner sur l'aille dextre, à fin de les charger par derriere : ne pouuant Martel pour le petit nombre des siens, estendre si fort la haye de ses gens, qu'elle peut esgaller le front du bataillon des infidelles : qui pour leur grande multitude aysément suppléroient à leur deffaut. Mesmes ceux qui estoient demeurez en leur camp, ententifs de l'esprit & des yeux, à regarder le combat, selon qu'il se presentoit quelque chose de ioyeux ou de triste, estoient passionnez, considerans que leur salut gisoit en la fortune & vaillance des combatans. De maniere, que non seulement par cris & paroles, ils les encourageoient, mais encores comme s'ils eussent esté en la meslée, avec diuers gestes & contournemens de corps, estoient transportez en la bataille : comme les aduertisans de ce qu'ils auoient à faire. Quand sur le point que ceux du camp Sarrazin estoient ainsi ententifs à voir la meslée, Eude tout soudain accourut avecq' les plus dispos & mieux montez des siens; lequel donnant sur la partie dudict camp Sarrazin opposite au combat; l'eust quasi plustost pris, qu'on ne se fut apperceu de sa venue. Par là commença la tuerie indifferement sur les hommes & les femmes : & sur la clameur de telle surprise, & du carnage qui se faisoit, la fortune du combat (iusques là douteux) se changea. Dequoy Martel s'apperceuant, cria aux siens; que c'estoit la ruse secre-

te dont par ambageois il les auoit aduertis auant la bataille. Qu'Eude regardant à l'honneur de la France la secouroit en son danger : & maintenant apportoit garnison à la playe par luy faicte. Alors les François comme tous frais & secourus de Dieu, renouellerent leurs cris de guerre : & se iettant ainsi qu'un torrent sur les ennemis, les firent reculer, sur le point qu'Eude, après un grand meurdre faict dans le camp Sarrazin, les vint encores assaillir par derriere. Ce fut lors que les infidelles se mirent à fuir à vau-de-route. Quelque peu se sauuerent par la viffesse & bonté de leurs chevaux : mais le carnage des pieçons fut plus grand. Car il mourut en ceste bataille (donnée le vingt & deuxiesme Iuillet) trois cens soixante & quinze mille Sarrazins, & quinze cens François : qui est bien petit nombre (à la verité) pour si grande victoire. Mais Emil dit que ce furent tous les plus nobles & vaillans : & que ceux qui resterent estoient presque tous blesez. Je ne sçay s'il est memoire, que les Sarrazins tant pour le nombre des soldats que chefs de guerre occis, firent oncques semblable perte. Le Roy Abdiracman fut trouué mort parmy les monceaux des corps, & presque tous les principaux seigneurs de son armée, moururent accablez par la foule de leurs gens renuersez sur eux. Il ne fut pardonné mesmes aux enfans, tres-peu de femmes se trouuerent vifues apres la prise du camp : & à peine en reschappa-il : ayans fait compagnie à leurs hommes en la mort, & à leurs aduersitez. Apres la bataille & les despoüilles recueillies, les remerciements & loüanges que les chefs & soldats victorieux s'entrefirent, l'on eust veu les champs pleins de morts estendus sur la terre, chargez de harnois & bastons de guerre, de corps qui respiroient encores, comme l'aduanture d'un chacun les auoit surpris, meslez ou separez, partie entassez les vns sur les autres, partie espars, l'on voyoit des membres tranchez & separez des corps, des estomachs percez, des dos & des costez deschirez de coups, des trippes & boyaux d'hommes & chevaux espars çà & là, aucuns entiers, assommez de coups de masse, ou estourdis & rendans l'esprit, la terre noire de sang, & tant qu'on pouuoit regarder au long & au large, couuerte d'hommes nuds & despoüillez. Puis quand la fureur de l'enragé Mars fut passée, le Ciel calme monstra un horrible spectacle, & un degast inhumain : & si la perte fut tumbée sur un autre ennemy, pitoyable mesmes aux victorieux. De ceste iournée tres-glorieuse pour les François, les autres Royaumes Chrestiens en firent des festes & feux de joye : loüans Dieu, de ce qu'apres auoir vaincu l'Espagne, les infidelles estoient venus à dompter l'Europe, commençans par la France : comme pour estre arrestez contre un fort imprénable. Tant y a, que (selon l'aduis d'aucuns) ceste victoire acquist à Charles le nom de Martel : pourée qu'il battoit ses ennemis comme le marteau de fer, en le forgeant : & le lieu où se fit le combat (ia desdié à Sainct Martin) en a retenu le surnom de Bel, pour de *Bello* en Latin, comme qui eust voulu dire Sainct Martin de la bataille. Toutesfois vne Chronique des Comtes d'Anjou, dit, que ce lieu de sainct Martin de Bel, a pris son nom pour vne défaicte de Normans Payens, aduenüe enuiron l'an huit cens quatre-vingts. Et l'acte du rapport du corps dudit S. Martin, fait d'Auxerre à Tours, tesmoigne :

L'an de  
Jesús  
Christ. que l'Eglise de Saint Martin le Bel, fut bastie, pour memoire du lieu où auoit esté mis le corps, durant la bataille gaignée par les Tourangeaux sur les Normans, qui rauageoient ce pays. Mais il n'est pas impossible, que l'une & l'autre bataille ayant esté donnée en mesmelieu, le nom de Bel ne luy en soit demeuré. Sigisbert met ceste iournée sous l'an sept cens trente, & Adon escrit qu'elle fut donnée en Octobre : & il est certain par les historiens d'Espagne, que ce fut dix ans apres la conqueste que les Sarrazins firent de leur pays. Ce qui reuiendroit en l'an sept cens vingt six, comme aussi la met ma vieille Chronique : & Roderic de Toledé, disant que la conqueste d'Espagne s'acheua l'an sept cens quinze ou seize, ceste bataille sera bien cortée ladicte année sept cens vingt-six. Iacoit qu'il semblast autresfois audit De la Sca-  
726 le, que ce fut l'an trentre quatre ou trente cinq : mais par son liure de *emendatione temporum* dernièrement imprimé, il s'est corrigé : & cuide que ce soit l'an sept cens vingt cinq.

## CHAP. XX.

*Charles va en Bourgongne. Girard de Roussillon. Charles conquiert Gascongne. Sarrazins & Vandales en Dauphiné. Ils assiegent Sens. D'où sont venus les noms de Cathalongne & d'Andalousie. Frisons battus sur mer par Charles. Espagnols chassés de Prouence, puis de Languedoc par Charles. Athon Roy Sarrazin tué par les François. Narbonne assiegée. Gregoire Pape demande secours à Charles, & luy enuoye les clefs du Sepulchre de saint Pierre. Charles partage sa seigneurie entre ses enfans. Mort du Roy Thierry. Childeric Roy insensé.*

727.



L'AN d'apres, Charles vint en Bourgongne, & donna les dignitez de ceste prouince à ceux qu'il estimoit luy deuoir estre fidelles, pour resister aux rebelles : mettant aussi la ville de Lyon entre les mains de gens de qui il s'asseuroit. Nangis dit, qu'un certain Gerard Comte de ce pays, estoit chef des Bourguignons : & que Charles print par force son chasteau, appelé Roussillon : Les ruynes duquel se voyent encor entre Mussy l'Eueque, & Chastillon sur Seine. Ce Gerard a esté fort estimé : car l'on a fait de luy un Roman : & sa sepulture m'a esté monstrée en l'Abbaye de Poitiers assise au pied de ladite montaigne de Roussillon. Mais Vigner, pense que ce Girard enterré à Poitiers, viuoit sous Charles le Chaunc : & l'an huit cens soixante dix, Bourgongne reglée, principalement pour le fait de la Iustice, Martel retourna victorieux. Auquel temps, aduertie de la mort d'Eude, il rassembla son armée : & passant la riuere de Loire, il vint iusques sur la Garonne, entrant au chasteau de Blaye, puis dans la ville de Bourdeaux, prenant & mettant en son obeissance toutes les places du pays sans contredit, en l'an 728.

728.

Toutesfois, Sigisbert (contre-disant Aymon, & le continuateur de Gre-  
goire) dit : qu'Eude fut tué, & son pays conquis par Charles l'an sept cens  
trente deux. Quant à Eude, il laissa deux enfans, l'un nommé Gaiffier ou  
Vvaiffier dont les Romanciers ont fait leur Gadifer, & l'autre Hunault : qui est  
aussi leur Huon de Bordeaux. Mais les Espagnols luy en donnent encores vn  
autre nommé Asnar, qui conquiert Arragon, & fut le premier Côte de ce pays.  
Icy finit la continuation des Annales de Gregoire Archevesque de Tours, dont  
Idace ou Fredegair Scolastie est estimé l'auteur : lequel nous a donné quel-  
que lumiere des choses de ce temps-là, & insques enuiron l'an sept cens tren-  
te cinq, qu'il semble auoir acheué son œuvre. Quelque autre Auteur sans  
nom, a pourfuiuy les faits de Charles Martel dont ie m'ayderay d'oresnauant.  
Or les enfans d'Eude marris d'auoir perdu leur pays, & paternel heritage, l'an  
sept cens vingt neuf, esmeurent contre Charles les habitans de Languedoc  
(qui semblent auoir aussi lors porté le nom de Vvissigots, & que d'aucuns fa-  
busans ont nommé Vandales ou Vvandres) lesquels accompagnez de ceux qui  
estoyent pressés & contrains par les Sarrazins de sortir d'Espagne, plus vo-  
lontiers retournoient en ce pays, autresfois de leur appartenanco. Paul Emil  
adiouste, que les Sarrazins cuidant venger leur honte, passerent aussi le Rosne  
pillans, bruslans & abbattans les villes & places allices des François, sans es-  
pargner aucun sexe, & monstrans leur auarice à l'endroit des temples, par eux  
despouillez de tous ornemens & ioyaux. La Sauoye & Dauphiné sentirent ce  
desastre, plus qu'autre pays : & la ville de Vienne s'estant à peine deffenduë, le  
reste fut outrageusement gâté. Ces prouinces ainsi desnuees, ils repasserent le  
Rosne, avec si grand estonnement des Lionnois, qu'ils ingeoient estre tous  
perdus. Mais cest orage passa outre, tirant vers Bourgonne : où ils saccagerent  
& puis bruslerent la ville d'Augstun avec tout le pays insques à Sens, deuant  
laquelle ils planterent le siege, & la batirent d'engins : insques à ce que les ha-  
bitans conduits par Ebon leur Euesque, firent vne saillie & les mirent en rou-  
te : pourfuyans leur victoire insques à ce qu'ils les eussent chassés de leurs li-  
mites. Ainsi les Vvissigots ayans laissé le pays de Bourgonne fort desolé,  
retournerent en Dauphiné pour achieuer ce qui restoit. Auquel rancage, si l'on  
croit aucunes vies de Saints, se trouue auoir esté des Vandales. Toutesfois sans  
raison ; estant plus croyable que ce fussent des Espagnols, qui encores portoient  
le nom de Vvissigots, ou de quelque reste d'eux demeuré en Languedoc. Et  
neantmoins il n'est impossible que des Sarrazins ne fussent parmy eux, com-  
me aduenturiers. Que s'il y auoit des Vandales en ceste guerre, ils deuient  
estre du reste de ceux qui n'ayans voulu passer en Afrique, possible demeurés  
parmy les Vvissigots. Car il y auoit ja long temps, que le Royaume des Van-  
dals Affriquains, auoit esté destruit par l'Empereur Iustintan premier, quand  
Beliffaire luy amena prisonnier Genseric dernier Roi de ce peuple. Pour le  
regard des Alains & Vvissigots, ils demeurèrent en Espagne, & mesloz ensem-  
ble par mariages par vn nouueau nom (selon aucuns) s'appellerent Gotalans  
comme qui eust voulu dire Gots-Alains : ce que ie pense estre aduenu plus tard  
que ne dit Paul Emil. Pour ce que ie ne trouue point, que le pays voyant de

*L'an de  
16<sup>me</sup>  
Christ.* Barcelonne, soit appellé Cathalongne du temps de Charlemagne, ne celui de  
ses enfans. Et les ennemis que les François eurent de ce costé, vinât ledit Roy,  
sont tousiours nommez Gots & Sarrazins: toutesfoi, je ne veux pas niet que  
l'Andalouzie n'ait pris son nom des Vandales. Mais aussi ie maintien, que lors  
du Siege de Sens, ces Vandales & Alains n'estoient en aucune reputation, non  
pas mesmes les Vissigots, chassés du cœur d'Espagne par les Sarrazins: & re-  
duits dans les monts d'Esture, & ceux des Pyrenees. Ce qui fait croire, que le  
nom desdits Vandales & Alains, fut esteint, quand leurs armes donnerent lieu à  
celles des Vissigots & Sarrazins: & que ceux qui firent ceste course dernière,  
abusiuement ont este appelez Vandales, par ceux qui les pensoient encores  
habitas d'Espagne: mais ledit Seigneur De la Scale dit, que la Geographie Ara-  
bique appelle toute l'Espagne Andalouzie. Les Romanciers d'environ l'an  
1150. ont parlé de ceste course de Vandres: & en ont fait vn liure rime, qu'ils  
appellent le Horeaur Garnier: c'est à dire Garnier le Lorrain, dans lequel se  
groune sotee noms de Seigneurs François. Durant ces rauages de l'an sept cens  
vingt neuf, les Frizons s'esmeurent sous la conquire de Popon leur Duc, contre  
lesquels Marrel assembla vne armee de mer, & les vint trouuer insques aux Isles  
Amistrachie, & Austrachie, jadis faisans partie de Zelande, & maintenant pour  
la plus part couuerte d'eau: puis les vainquit, & tua leur Duc sur la riuere. lors  
appellée Burdon, brulant les temples de leurs Idoles. Ce fait, il retourna en  
France chargé de butin. Puis l'an sept cens trente, aduerti que les Vissigots &  
Sarrazins s'estoyent alliez, & entredonnéz ostages, en intention de venir en  
France reconuer leurs pertes, & auoyent mis sus vne grande armee conduite  
par le Roi Achime, qui estoit entré en Languedoc, il vint en Bourgongne: où  
ayant fait assembler les Seigneurs du pays en la ville de Lyon, il leur fit faire le  
serment, & par tout mit des Iuges & Comtes, iusques à Marseille & Arles:  
r'apportant en France de grandes richesses. Il fit encor vn voyage (mais ie  
ne sçay si ce fut en ceste année) contre les Sannes Payens: & passant la riuere du  
Rhin à l'endroit où la riuere d'Ysembouche, il courut la plus part de leur pays,  
qu'il rendit tributaire, dominant ceste fois tout le nation de laquelle il reçut des  
ostages. Or les Sarrazins ne pouans oublier la vengeance de tant de pertes,  
pratiquerent vn nommé Maurice Comte de Marseille; lequel leur souffrit  
prendre Avignon, sous douleur qu'il n'auoit assez de puissance pour garder ces  
deux villes, dont Charles aduerty, enuoya Childebrand son cousin avec plu-  
sieurs Comtes, & vne bonne armee: qui l'an sept cens trente vn inuestirent  
Avignon, & l'assiégerent de pres, faisisans les faux-bourgs & villages voyzins,  
insques à ce que Marrel fust venu en son camp: Lors ayant recognu la ville, &  
les endroits plus aysez pour l'assaillir, les engins furent approchez, & la mu-  
raille battue de telle impetuosité, qu'apres la brèche faite, & les eschelles dres-  
sées, les soldats emporterent la ville d'assaut, avec grand meurdre des ennemis.  
La ville courue & pillée, & le feu mis dans les maisons, les soldats encouragez  
à pourchasser la victoire, & Charles voyant que le Roy Achime (eschappant  
d'Avignon) s'estoit fuyé par la riuere, & retiré à Narbonne, il fit passer son  
armee en Languedoc, par ce secours que Luitprand Roy des Lombards son-



allié, luy auoit enuoyé : car il estoit croyable, que ce Roy d'Italie ne vouloit point *L'an de*  
les Sarrazins pour si proches voyfins, se ioingnit à Charles plus estroitement *les*  
que deuant : d'autant que nous trouuons qu'environ ce temps-là, le Maire *Christ.*  
François enuoya Pepin son fils vers le Roy Lombard pour toucher la barbe du  
ieune Prince François : qui estoit comme vne alliance spirituelle, possible rete-  
nuë du Payanisme, quand l'on sacroit aux Dieux le premier poil de la barbe  
des ieunes gens. Durant ce temps, mourut Gregoire deuxiesme Pape; auquel  
le quatriesme de Mars ensuyuant, succeda Gregoire troisieme. Ce Pape (qui  
soustenoit l'adoration des Images estre agreable à Dieu) irrita contre soy l'Em-  
pereur Leon, lequel il excommunia : donnant par là occasion au peuple Ro-  
main de luy dénier ses droitz, & à l'Italie de s'eleuer contre le magistrat souue-  
rain; voire aux Papes depuis venus, d'usurper sur les Rois l'autorité que peu  
à peu de là en auant ils gaignerent du contentement des peuples Chrestiens,  
comme correcteurs des Rois : mais avec la confusion & danger de la Chre-  
stienté, pour l'ambition d'emesurer de plusieurs de leurs successeurs, ainsi que  
nous monstrerons cy après. D'autre costé, Charles s'enforça du secours de  
Lombardie, en poursuivant sa victoire, vint mettre le siege deuant Narbonne  
capitale du pays (comme celle qui jadis l'auoit fait appeller Gaule Narbon-  
noise) peu de temps au parauant surprinse par les Sarrazins, avec vn incroyable  
meurtre des Chrestiens : ce qui d'autant plus encouragea le Prince François  
ioint qu'il sçauoit que Athime s'y estoit enfermé, comme en la principale for-  
teresse qu'il eust. A ceste cause, l'an sept cents trente deux, il l'enironna de tous *732*  
costez, & fit dresser des engins pour la battre, toutesfoi en vain pour cest an-  
née. Mais il la pressa tellement que les seigneurs Sarrazins habitans d'Espagne,  
aduertis de la necessité des assiegez, assemblerent leur armee & ayans hôte que  
les François les vinssent chercher iusques en leurs terres, ils s'acheminèrent  
vers Narbonne conduits par Amoros leur Roy : pour essayer de leuer le siege,  
quand Charles assésuré de la vaillance des siens : experimentez en tant de batail-  
les, & resolu d'auoir la place à quelque pris que ce fust, alla au deuant des Sar-  
razins, qu'il s'encontra près Illiberis, c'est vn lieu (ce dit Etnil) qui n'estoit ad-  
uantageux ny pour l'un, ny pour l'autre. Amoros à fin d'encourager les siens,  
leur remonstroit; que c'estoit là où il leur conuenoit recouuer leur honneur;  
ayans à combattre sans que les François eussent aucun aduantage sur eux.  
Que du temps d'Abdiracman, les Sarrazins auoient esté vaincus pour leur  
trop grande multitude, & pressés de leurs gens mesmes, estans les femmes &  
autres corps inutiles à la guerre, mêlez parmy des gendarmes. Qu'Athime  
n'osant combattre à la campagne, & s'estant enfermé dans Avignon, auoit  
donné occasion de l'assieger luy mesme, venu pour enfermer les autres. Que  
maintenant il se presentoit l'occasion de combattre par vraye vertus & pour  
ce, qu'ils monstrassent leur invincible courage, car la fortune ayde tois aux  
plus vaillans. Ce Roy non moins hardy que brave en parolle, alloit à la  
nauirgarde, animant les gens par honte, & reprochant qu'ils leur faisoient  
leur demandant, pourquoy ils estoient hardis en Espagne, si ils ne  
ne le vouloyent faire passer en France. De maniere que le com-

L'an de  
Jesui  
Christ.

bat sembloit esgal du commencement; & iusques à ce que Amoros combat-  
tant vaillamment, eust esté occis, & les François de toutes parts eussent pressé  
les ennemis. Alors la bataille des Sarrazins commença à reculer peu à peu; puis  
quand nos gens les sentirent perdre terre, & en rehaussant leurs crys de guer-  
re, se feussent impetueusement iettez sur les infideles, incontinent ils les tour-  
nerent en vau-deroute; & n'y eut plus de combat, ains seulement de la tuerie  
sans aucune mercy. Le courroux, la fureur, la rage & soif d'espandre le sang,  
s'estendit tout par tout, & les ennemis reduits en telle necessité, cherchoyent  
les moyens de se sauuer; mesprisans tout autre danger pour euer le glaiue des  
François. Aussi de ceux qui peurent eschaper du carnage, aucuns entretrent  
dans la riuere, & s'efforçans de la passer chargez de leurs harnois, ou de leurs  
meilleures bagues, se voyoient emportez par l'impetuosité de l'eau, ou englou-  
tis en sa profondeur. Autres qui l'estoient iettez dans les marais enfonçoient  
dans les croulieres, ou vases bourbeuses. Autres voyans des nefs à la rade, cou-  
roient à la mer pour gagner les nauires. Personne n'eschappa: car les nostres  
rencontrans de petits vaisseaux plats, dont les habitans vîent pour passer les  
marais ( que la mer fait en cest endroit ) se ietterent dedans; & poursuivirent  
les Sarrazins, qui ne trouuerent aucune seurété, ains furēt tous occis sans qu'il  
en eschappast vn seul pour aller porter les nouuelles de si grande desfaite. Quāt  
au Roi Achime, & les principaux Sarrazins enfermez dans Narbonne, aduertis  
de la perte de leurs gens, ils se sauuerent en des vaisseaux, quitrans la Gaule l'an  
733. septcens trente trois. Ainsi toutes choses venans comme à souhait à Char-  
les, il eut loisir de courre le plat pays de Septimanie, destruire Maguelonne, &  
prendre la ville d'Agde, & celle de Nismes, fort renommee en ce temps-là: & de  
la magnificence de laquelle, & du grand courage de ses habitans, le pont du  
Gard, les Arenes, le temple de Diane, & la maison quarree qui restent, tesmoi-  
gnent suffisamment. Puis laissant Narbonne assiegee, il remena en France  
son armee victorieuse. L'an sept cens trente cinq, Childebrand aduerty que  
735. les Sarazins auoient repris quelques villes en Prouence, & gaste le pays, enui-  
ron le mois d'Auril, vint avec vne armee pour leur resister. Mais si tost  
que Charles, qui le suyuoit, fut arrivé, il remit en son obéissance tout le pays  
736. iusques à la mer. Et apres auoir repris Nismes & Agde, l'an sept cens trente  
six, fit abbatre iusques aux fondements, les murs de ces villes: le Maréchal  
d'Asles adioute, qu'il fit brusser l'amphitheatre de Nismes, emmenant des osta-  
ges desdites villes rebelles. Cependant, les Sefnes indomtables voulurent re-  
muer mesnage en leur pays. Toutesfois ils furent si soudain chargez, qu'ils se  
737. rendirent tributaires des François. L'an sept cens trente sept, pource que le  
Duc Martin qui auoit fait esleuer le peuple de Prouence ( pensant que Charles  
fust bien empesché en Saxe ) sembloit luy apprestier plus grāde matiere de guer-  
re ( pour la commodité de Marseille qu'il auoit en la possession, & l'estre allié  
des Sarrazins ) le Prince François retourna en Prouence, de laquelle il chassa le  
Duc, & le contraignit se sauuer dans les montagnes & lieux inaccessibles du ri-  
uage marin. Ainsi Mattel avec l'ayde de Dieu, sa prudence, & la vaillance des  
François, fit perdre aux Sarrazins l'esperance de conquerir les Gaules, encores  
que

que ia ils fussent Seigneurs d'Espagne, d'Afrique, & de bonne partie d'Afrique: & <sup>l'an 738</sup> après auoir recôquis tout ce qui souloit appartenir aux anciens Roys de France, l'an sept cens trente huit, retourna par deça victorieux, honoré & redouté de tous ses voisins. Estienne de Garibay Chroniqueur Espagnol dit, qu'en ce temps, le mesme Charles secourut les Espagnols, & fit passer les monts à vn grand peuple conduit par neuf capitaines, & vn seigneur Allemand nommé Otger, ou Gotelon gouverneur d'Aquitaine. Lequel depuis mort au siege d'Ampuries, Nauser son successeur fut contraint lever le siege, pour les froidures & mauuais temps. Le mesme adioust, que de ces deux Princes sont descendus les Seigneurs de Catalogne: ce que ie ne trouue point confirmé par aucuns des nostres. Toutesfois, il n'est impossible que la memoire de ce voyage n'ayt esté cōseruee par quelque Autheur Espagnol, & est encores biē croyable que les Chrestiens refugiez dans les montaignes d'Asture, s'ayderēt del'occasio des victoires de nos Frâçois: & que les pertes que les Sarrazins firent en France, ayderent les Chrestiens Espagnols, à s'elargir par les montaignes d'Asture, d'Aragon & Nauarre. Charles donc ayant vaincu les Vuisigots, Seines, & Frizons, chassé & batu les Sarrazins, reçu en son obeissance les Prouençaux, tint pour quelque temps la Frâce paisible: honoré (comme i'ay dit) de tous ses voisins. Car lors, Gregoire Pape pour se fortifier contre les Lombards, & les Empereurs, qu'il appelloit heretiques (à cause de la guerre des images, & quelque usurpation qu'il pretendoit auoir esté faite sur les droits de l'Eglise Romaine) par deux fois enuoia vers le Prince Charles malade au Palais de Vermerie (qui est Verberie, pres Compiègne) luy porter les clefs du Sepulcre de saint Pierre (ie croy pour estre gardien & protecteur de son Eglise) avec les liens dont cest Apostre auoit esté enfermé: honneur qui i'amaïs n'auoit esté fait à aucun Prince. Ayant, outre cela, delibéré d'aller en Constantinople, pour solliciter l'Empereur de le declarer Consul. Paul Émil dit, que l'occasion de l'Ambassade du Pape, fut; pource que les Rois de Lombardie menaçoient les Romains, qui auoient aydé Trasimund Duc de Spolète, rebelle: mais que par l'autorité de Charles, ce Roi leur remit son mal-talent: & apres la reconciliation, ceux-cy enuoyans des Ambassadeurs en France pour remercier Charles, furent par luy receuz en grande magnificence, honorez de beaux presens, & renuoiez en la compagnie de Grimon Abbé de Corbie, & de Sigisbert reclus à Saint Denys, pour offrir les presens que le Prince François enuoyoit à l'Eglise de saint Pierre. Auquel temps, Charles par l'aduis des Seigneurs de son conseil, partit son estat & gouvernement entre ses enfans: donnant à l'aîné qui s'appelloit Carloman, le pays d'Austrasie & de Thuringe, avec tout ce qui estoit de son obeissance de là le Rhin: à Pepin puîné, Neustrie, Bourgongne & Prouence. Peupres, le Roy Thierry venant à mourir, l'an sept cens trente neuf, & enterré à saint Denys, Childeric son frere (insensé aussi bien que son predecesseur) fut esleu Roi par le commandement de Martel: & pour ce (dit vne de mes Chroniques) que les François, ou Charles, ne peuvent trouuer homme du sang Royal qui fust plus propre que luy. Ce qui est remarquable pour la succession de nos Roys, & reuerence que noz predecesseurs portoyent

B B B

*L'an de* à la famille Royale: de laquelle jamais ils ne voulurent s'en despartir, tant qu'ils  
*refus* en trouuerent, non pas de capables, ains seulement de la famille.  
*Christ.*

## CHAP. XXI.

*Mort de Charles Martel. Il est diffamé par les Ecclesiastiques. Son epigraphie. Carloman & Pepin ses enfans Maires. Emprisonnent Griffon leur frere. Parlement à Leptines. Pepin ne peut persuader aux François de rendre le bien aux Ecclesiastiques. Pepin fait la guerre à Hunaud Duc d'Aquitaine. Carloman la fait aux Suabes. Boniface Euesque de Mayence grand amy des Papes. Tient un Concile. Pepin en tient un à Soissons.*

740.



741.

PENDANT pource que les Bourguignons sembloient ne  
 vouloir souffrir le gouuernement de Pepin, sous qui ils estoient  
 escheus, Charles enuoya Childebrand contr'eux, avec vne ar-  
 mee; par la crainte de laquelle ils demeurerent payables. Ce qui  
 aduint enuiron l'an sept cens quarante, auquel y eut Eclipse  
 Soleil & de Lune, & plusieurs signes apparurent au ciel: l'or-  
 dre Paschal fut aussi troublé par l'erreur des calculateurs, qui ne sceurent trou-  
 uer le vray tour & point. De sorte, qu'en plusieurs villes Pasques furent ce-  
 lebrees au mois d'Auril & May, & par d'autres le vingtiesme Mars: combien  
 qu'à la verité la feste deust estre le vingt quatriesme Auril, pource que c'estoit  
 le dernier tour ou cercle lunaire, qui se fait en dixneuf ans. L'an sept cens qua-  
 rante & vn, est remarquable de plusieurs morts d'illustres personnes. Car  
 Leon Empereur mourut: auquel succeda Constantin son fils, surnommé Co-  
 protonyme, pour auoir sienté dans les fonts à l'heure de son baptesme, & qui  
 fut aussi grand ennemy des images, que son pere: ce qui l'a fait depeindre pour  
 tel: cruel il yran par les Autheurs du temps; jaçoit qu'ils confessent, qu'en  
 tout le reste il conduist heureusement ses affaires. Gregoire Pape tiers du nom,  
 mourut semblablement le vingt huitiesme Nouembre: Auquel succeda Zacha-  
 rie: & Charles Martel Prince des François trespasa au Palais de Verinerie, ou  
 Crecy sur Oize, le vingt vndu mois d'octobre: apres auoir gouuerné le Royau-  
 me de France vingt cinq ans, aucuns disent vingt & huit, & autres trente cinq:  
 car les Autheurs ne s'accordent pas. Son corps fut enterré à saint Denys pres  
 Paris, où il est mis au rang des Roys. Jaçoit que les Chroniques de son temps  
 disent nommément qu'il ne voulut porter tiltre de Roy, & qu'ordinairement  
 on l'appelloit Maire du Palais, ou Prince des François. Si est-ce que Hincmar  
 Archeuesque de Reims, viuant cent quastre ans apres, & qui n'estoit pas igno-  
 rant le renoit pour Roi: puis qu'en l'Epigramme de la translation du cors saint  
 Remy, faite l'an huit cens cinquante deux, il appelle Charles le Chauue tiers  
 de ce nom, comme aussi plusieurs tiltres dudit le Chauue. Et ie ne sçay comme  
 l'on pourroit les excuser, si ce n'est qu'on voulust appeller Roy Carloman frere

de Charles le grand: qui fut Roy couronné. Martel eut plusieurs enfans de Suanichilde sa femme, fille d'Odillon Duc de Bavières: à sçauoir Carloman, Pepin depuis Roy, Griffon, & vne fille. Outre ceux-là, ie trouue qu'il eut encores (mais ie ne sçay pas si de la mesme Suanichilde) Remy Euesque de Rouën, Bernard, & vne fille nommee Landrade, que Meyer dit auoir esté Abbessé de . . . . Vvolfgrand Laze, nomme aussi Grofquand, Euesque de Mets. L'Heureux succés des batailles que Charles gaigna, le fit estimer beaucoup, & peut on dire de luy, qu'il vainquit ses ennemis par vaillance, & entretint les amis par douceur & liberalité, faite aux despens des Ecclesiastiques qui se plainquirent de luy: pource qu'il les trauailla: leur ostant vne partie des dîmes, pour aduantagez la Noblesse de son party. Mais d'autres l'excusent disans, que ce fut pour l'ayder en la necessité des guerres qu'il eut contre les Sarrazins. Outre cela il fut blasmé d'auoir chassé de leurs sieges Robert Euesque de Reims, qui l'auoit leué des fons de Baptême, & Eucher Euesque d'Orléans, partisans d'Hermenfroy: lesquels bien cruellement s'en vengerent, tachans à iàmais sa mémoire. Car la reuerence que lors on portoit aux Euesques, pour la saincteté de leurs personnes, & l'estat qu'ils tenoient, fit croistre Eucher: quand il témoignua d'auoir veu les diables emporter le corps de Charles apres la mort, & que pour plus grande confirmation de son dire, il monstra à Fourre Abbé de S. Denys, la tombe de ce Prince noire par dedans, comme si l'on y eust fait du feu, & encores vuide: fors d'un serpent, que l'on y trouua au lieu de son corps. Vn Chroniqueur dit, que de son temps plusieurs gens l'asseuroient comme ayans esté presens à la visitation de la dite sepulture: & les Euesques des Prouinces de Rheims & Rouën assemblez en vn parlement tenu l'an huit cens cinquante huit, l'alleguerent pour exemple à Louys Roy de Germanie. Or comme histoire veritable: adioustas que Charles estoit dané. Tant y a, qu'Onide, & Plin apres luy, pésent qu'un serpēt se peut engendrer de la moëlle du dos humain. Et Plutarque en la vie de Cleomenes, dit, que tout ainsi que de la charogne des bœufs s'engendrent les abeilles, de celle des cheuaux, des guespes, des Asnes, des Escarbots: aussi que quand la moëlle se vient à fondre dans le corps d'un homme mort, elle engendre des serpens. Mais les sçauans en Théologie trouuent estrange qu'un homme ayt peu voir des diables emporter un corps. Ce qui est suffisant pour esbrâler, voire du tout aneantir le témoignage d'Eucher. Il court vn epi-taphe de Charles, composé en rudes vers Latins, que ie ne puis oublier: & disent:

*Ece Brabantinus dux quatuor in orbe triumphat:*

*Malleu in mundo specialis Christicolarum,*

*Dux, Dominique ducum, regum quoque rex fore spernit,*

*Non vult regnare, sed regibus imperat ipse.*

Que nous auons aussi rudement tourné en ces vers François,

*Ce quart Duc Brabantin triomphe sur la terre:*

*Qui fut à nos Chrestiens un marceau pour la guerre:*

*Duc des Dux, Roy des Roys: d'estre Roy il meprise,*

*Ne voulant pas regner: mais les Roys il maîtrise.*

Toutesfois, ie n'estime pas que ces vers soyent composez du temps de sa:

B B B ij

En de  
Iesus  
Christ.

mort: Car mal aysémés se trouuera Autheur du tēps, qui parle de Brabant. Mais puis que Iean le Maire de Belges, voire Melancthon en ont fait cas, ie l'ay mis & aussi pour confirmer l'opinion de ceux qui tiennent que le surnom de Martel luy fut donné pour sa vaillance. Il est aussi appelé le Vieil par Geruais de Tilleberi Maréchal du Roiaume d'Arles, à la difference (ie croy) de Charlemaigne. Charles ne fut pas si tost mort, que Carloman son fils ne prist tiltre de Maire du Palais d'Austrazie: comme aussi Pepin, celuy de Neustrie: & (ce disent aucuns) partirent le Royaume sous ombre de leur dignité, sans donner à Griffon leur frere aucun gouvernement. Qui fut la cause, pourquoy à la suscitation de Suanichilde sa mere, il s'empara de la ville de Laon en Vermandois, forte d'assiette: où il amassa le plus de gens qu'il peut sous esperance d'estre déclaré Roy, ainsi que disent des Chroniques. A ce bruit, les Maires leuerent vne armee, & le vindrent assieger de si pres, qu'il fut contraint se redre à leur mercy: & poursuirent le reste de ses partisans. De maniere, qu'ils reconquirent tout ce que depuis la mort de leur pere s'estoit desparty de leur alliance. Et à fin que sortans hors du Roiaume pour faire la guerre, ou autre occasion que ce fust, la Frâce demeurast en paix & seurreté, & ostassent vn chef aux murins, Carloman fit garder Griffon au neuf chasteau d'Audaine, ou d'Auvergne, auquel il demeura environ quatre ans: & iusques au voyage que ce Prince fit à Rome. Encores, pour appaiser l'infamie que leur pere auoit encouruë pour l'vsurpation des biens Ecclesiastiques, ie trouue que Pepin fit vne assemblee, Concile, Sane, ou Parlement à Leptime, c'est . . . le premier iour de Mars: auquel assisterent les Euesques & Seigneurs de France, y presidant Boniface Archeuesque de Mayence, Legat du Pape. Là, Pepin fit son deuoir de faire rendre ce que son pere auoit vsuré sur l'Eglise: mais il ne peut estre obey par tout, à cause de la guerre qu'il eut contre Hunaut, ou Gueffier Duc d'Aquitaine. Toutesfois, il obtint des Seigneurs François, qu'au lieu des neuf & dixiesme, jadis payez en especes, ceux qui iouyssoient des terres, donneroient (comme par vne reconnaissance) douze deniers pour l'entretenement & couuerture de l'Eglise, desquelles ces neuf & dixiesme auoyent esté esclipsez: & ce, iusques à ce qu'autrement en fust ordonné. Cest le premier Concile, ou Sane François, auquel il me souuienne que le Pape, ou autre pour luy, se soyent trouuez. Aussi fut-ce en ce temps-là, que les Euesques de Rome commencerent à monstrier leur puissance sur les Roys & Empereurs: ainsi que ie declareray en autre endroit: & suffira pour cest heure, de dire qu'il semble que ce Concile fut tenu depuis l'an sept cens quarante deux: ainsi que l'on peut voir par les copies qui sont imprimees avec les autres Conciles. Les freres donc payables, & voyans toutes les forces du Royaume entre leurs mains, assemblerent vne armee qu'ils menerent en Aquitaine audit an quarante deux: pour ranger en leur obeysance Hunaut, Duc, ou Patrice de ce pays (car ie trouue aussi qu'il portoit ce tiltre) prenant couleur de vanger l'outrage fait à Lentfrid Abbé de Saint Germain des prez lez Paris, par Charles Martel enuoyé en Guyenne comme Ambassade: & lequel Hunaut auoit retenu trois ans & demy, comme fil fust venu espler ses actions, plustost que pour

soliciter la restitution des biens de l'Eglise, ainsi qu'il en faisoit le semblant. *L'an de*  
 Mais quand Charles fut mort, Hunaut se resolut de ne recognoistre ses enfans *les*  
 pour Seigneurs : puis qu'il y auoit vn Roy en France, & les Aquitaniens *Christ.*  
 estoient dignes d'auoir vn gouuerneur à part. Toutesfois, l'armée Françoisse  
 assemblée à Orleans, courut le pays d'outre Loire, & brula tout, iusques aux  
 faux-bourgs de la ville de Bourges : puis tournant à main dextre, prit le cha-  
 steau de Lucas (c'est Loches) chassant Hunaut plus auant : finalement, les Gas-  
 cons (cecy monstre qui estoient les vrais suieçs de Hunaut) vindrent au de-  
 uant des François demander la paix: tout aussi tost à eux octroyée en deliurant  
 l'Abbé prisonnier. Je trouue qu'au mesme voyage, les freres separerent leurs  
 gouuernemens (des-ja tenus pour hereditaires) en vn lieu nommé le Vieil  
 Poictiers : place assise à vn lieuë pres Chastelleraut, entre les riuieres de Clain  
 & de Vienne. Carloman eut l'Austrazie, Turinge, & l'Allemagne: Pepin, Vve-  
 strie, Bourgongne, avec la Prouence, sans parler d'Aquitaine: laquelle pour la  
 raison que j'ai cy dessus dite (parlât des enfans de Clouis) ie croy aussi auoir esté  
 laissée en commun, cōme vne terre querelée: avec ce que Hunaut la tenoit par  
 la permission de feu Charles Martel. Ceste année, Charles (depuis surnommé  
 le Grand, pour ses beaux faits) naquit à Constance; ainsi que veut Scafnabourg,  
 ou, suyuant la commune opinion, à Ingelheim : Palais basti sur le Rhin. Or le  
 partage de ces freres acheué, Carloman ramene son armée en Allemagne : la-  
 quelle semblablement à la suscitation de Thiebaut Duc de Suabe, fils de Go-  
 defroy, chassé par Martel, auoit quitté l'obeissance des François, durât la guer-  
 re d'Aquitaine. A ceste cause, les freres passerent le Rhin avec l'armée : & vin-  
 drent assieoir leur camp sur la riuere . . . . . où ils seiournerent si longuement,  
 qu'ils contraignirent les Allemans de se soumettre en leur obeysance : & les  
 payer des deuoirs accoustumez. La plus part des grâdes affaires de ces Princes,  
 estoient lors gouuernées par Vnefrid, depuis nommé Boniface; fait Euesque de  
 Mayence. Lequel natif d'Angleterre, aupres de Lōdres, auoit esté nourri à Ro-  
 me, & de là enuoyé en Allemagne, prescher: comme vn homme ardent du zeile  
 de la religion Chrestienne, à l'heure bien alterée en ces pais là, pour les guerres  
 de deça. Cestui-cy ayant escrit au Pape Zacharie, qu'il y auoit 80. ans que les  
 François n'auoient tenu Concile, & ne scauoient en quoi consistoit l'estat de  
 Prostrise (si est-ce que cy dessus j'ay monstre que Martel auoit tenu vn Parle-  
 met pour se faire declarer Prince, & ceste assemblée, ou *placitum* s'appelloit en-  
 cores Synode: car l'on y parloit aussi des choses Ecclesiastiques) & que les Eues-  
 chez estoient occupez par gens laics auariciens, ou clerics adulteres (car ainsi ap-  
 pelloit-ils les Prestres mariez) fut cause qu'à son pourchas, Carloman le vingti-  
 esme d'Auril de l'an sept cens quarante deux, fit assembler vn Sane, auquel  
 furent conclues plusieurs ordonnances Ecclesiastiques : les articles duquel  
 Sane se trouuent imprimez avec les autres Conciles: où l'on peut voir la puis-  
 sance que les Maires du Palais auoient ja vsurpée tant sur les Rois, que sur les  
 Euesques. Car celuy d'Austrazie, ordonne en son nom des choses Ecclesiasti-  
 ques; prenant ce tiltre: Le Carloman Duc, & Prince des François; avec le con-  
 seil des seruiteurs de Dieu, Princes & Euesques de mon Royaume, & ce, sans

*L'an de* faire aucune mention du Roy Childeric. Ce qui resmoigne ou du mépris du  
*es* Roy lors regnant, ou de l'ambition des Maires, se preparans le chemin à la  
*Christ.* Royauté, par la conniuece mesmes des Euesques & Seigneurs François, qui  
leur souffroient prendre tel tiltre, viuant encor leur Roy legitime. Si ce n'est  
que ce tiltre ait esté adiousté par quelque malicieux ignorant. Pepin en fit  
aussi tenir vn à Soissôs, le deuxiesme de Mars, & deuxiesme du Roy Childeric :  
qui porte aussi des ordonnances pour reformer l'Eglise, & entr'autres : Que  
744. tous les ans se feroient des assemblées. Ce Concile est semblablement imprimé,  
& corré sous l'an sept cens quarante quatre, & toutesfois mal, si Childeric  
a esté fait Roy deuant le trespas de Charles Martel : & ce Prince est mort  
l'an sept cens quarante & vn : tant il y a d'incertitude aux dattes de ce temps  
là. Mais par l'aduis de Boniface (qui dit que l'on n'auoit tenu Concile en France  
depuis quatre-vingts ans) l'on peut soupçonner, cela estre aduenü par la tyran-  
nie d'Ebroüin, & de Charles : qui ne souffroient les François s'assembler  
comme deuant, aux Conciles, Sanes, & plaids generaux : desdaignans (possi-  
ble) les Euesques, Comtes & autres nobles Seigneurs (intimidez par le mal-  
heur de saint Liger & son frere, de Robert de Rheims, Eucher & Hermen-  
froy) se trouuer en telles compagnies, où le Maire faisoit passer toutes choses  
par son aduis : car lon peut ainsi interpreter ceste plainte de Boniface.

## CHAP. XXII.

*Odillon épouse Hiltrude contre le gré de Carloman & Pepin ses freres, qui luy  
vont faire la guerre en Bauieres, puis s'accordent avec luy. La vont faire  
aux Sefnes. Carloman se rend Moine. Pepin contraint les Sefnes de payer  
tribut aux François comme du temps du Roy Clotaire. Griffon mis hors de  
prison, commence la guerre. Il est fait Duc de Denthelen. S'ensuit en Gas-  
cogne. Euesque soustenant qu'il y auoit des Antipodes est chassé comme  
fauteur d'une opinion reprouuee. Abus Romains.*



VANICHILDE n'auoit pas seulement animé Guf-  
fon à faire la guerre à ses freres, mais encores desbau-  
ché Iltrude, aussi fille de Martel. De sorte, qu'avec  
l'ayde d'aucuns de sa faction, elle passa le Rhin, & se re-  
tira vers Odillon Duc de Bauieres, qui l'épousa. Ce  
Duc auoit esté nourri en la cour de Charles Martel : &  
tenoit de grandes terres en Germanie. Car il com-  
mandoit à Suitger, Prince des Allemans habitans le  
quartier de Bauieres autrement appellé *Noricum*, qu'A-  
uentin pense estre Nordgé, ou Nare. Et pource qu'il auoit vaincu Landtfrid  
& Thedoald, ou Thiebaut Duc de Suaube, voyant le mauuais gouuernement  
de Childeric, il prit le nom de Roy de Bauieres, sans craindre la puissance des



Maitres du Palais François. Dont Carloman & Pepin aduertis, l'an sept cens <sup>L'an de</sup> quarante trois, il assembléerent leur armée: & entrans en Bauieres; planterent <sup>les</sup> leur camp sur la riuere de Lech, où ils demurerent quinze iours: Mais les <sup>Christ</sup> François impatiens, picquez aussi des iniures & reproches que les ennemis <sup>743.</sup> leur disoient, ayans descouuert vn passage duquel on ne se doutoit point, à cause des paluds, ou deserts, peu ou point frequentez, diuiserent leur armée: à fin qu'une partie campée deuant les ennemis, les tint suspens: puis avec le reste, heureusement ils trauerferent la riuere, chargeans de nuit Odillon; lequel surpris, & voyant la desconfiture des siens, s'enfuit outre ladite riuere: mais combien que le champ demeurast aux François, ce ne fut toutesfois sans grand meurdre des leurs; ce qui donna occasion aux Maitres d'entendre à la paix; en l'an sept cens quarante quatre, & laisser à Odillon leur sœur pour femme, en renonçant par luy au tiltre de Roy de Bauieres. Qui est vne evidente <sup>744.</sup> marque de l'ambition de ses Princes: qui plus aisément endurerent vne iniure domestique (si grande & outrageuse qu'un rauissement de leur sœur) que souffrir vn autre empieter sur l'honneur que ja ils auoient deuoré par fantasie. Carloman donc assuré de ce costé là, mene son armée contre les Sefnes; & prit vn chasteau nommé Herfibourg, avec Theodore seigneur de la place: & mit en sa puissance tout le pays voisin. Mais ayant depuis laissé aller Theodore sur sa foy, il ne la garda gueres. Ce qui fut cause, que l'an sept cens quarante cinq les freres retournerent en Saxe: & prindrent vn chasteau avec le <sup>745.</sup> sœur nommé Thierry: qui peut estre celuy, qui l'an precedent auoit esté renouyé sur sa foy: car Thierry, Theodoric, & Theodoald signifient Dieu-donné, aussi bien que Theodore. L'an sept cens quarante six, le mesme Carloman <sup>746.</sup> ayant déclaré à son frere qu'il auoit desir de renoncer au monde, & se rendre Moyne, rompit les entreprises de guerre de ceste année, estant Pepin empêché à ordonner l'equippage & train qui deuoit accompagner son frere, & luy apprestier des meubles & presens honorables. Toutesfois, Sigebert dit, qu'en cet an Pepin vainquit Thiebaut, fils du Duc Godefroy, le Duché duquel il retint: mais qui n'estant point nommé, semble par la Chronique de Bourgogne auoir esté celuy de Saxe, & que ce Duc s'appelloit Thierry. Ce neantmoins, Auentin dit que c'estoit celuy de Suaube: & il y a bien autant d'apparence, que ce fust celuy de Frize: veu que les Annales du Moyne de Saint Benoit, commençans l'an sept cens quarante & vn, & finissant au huit cens quatre-vingts, disent, que le Duc Thierry fut pris l'an sept cens quarante. Mais celles qui commencent l'an sept cens quinze, & finissent huit cens quatre-vingts trois, tesmoignent que Carloman ceste année sept cens quarante six, appaisa la rebellion des Allemans, après en auoir chastié aucuns. Ces Annales me seruiron dorefnauant de fondement à rapporter les faicts, avec celles de Saint Martial de Lymoges, & de Saint Cibar d'Angoulesme, sur lesquelles il semble que ledit Autheur des premieres Annales, ait composé les siennes: comme aussi Reginon auoit pris vne partie de ce qu'il a escrit de ce temps. Ainsi donc, la deuotion continuant à Carloman, l'an sept cens <sup>747.</sup> quarante & sept, il mit son Royaume es mains de Pepin son frere, avec Dreux

L'an de son fils, chose merueilleuse qu'un pere Roy (ainsi que l'appellent aucuns An-  
 theurs) laisse un fils legitime, sans stipulation d'estre aduancé à la Royauté, ou  
 Iesus  
 Christ. gouvernement. Où nous deuons remarquer vne rare modestie en Carloman:  
 & que lors il ne songeoit pas d'estre Roy, comme fit Pepin son frere. Carlo-  
 man donc estant venu prier Dieu au Sepulchre des Apostres saint Pierre &  
 saint Paul, il y offrit de beaux dons, & voulut estre fait Clerc par la main du  
 Pape, prenant depuis l'habit de Moine pour viure au monastere qu'il fit bastir  
 au mont de Soracte, auioird'huy nommé Mont Saint Sil, à cause qu'il  
 auoit esté fondé en l'honneur de ce Saint. Lequel lieu encores il abandonna:  
 fâché de ce que les François venans à Rome, ne se pouuoient garder de le vi-  
 siter, & saluer comme leur Seigneur, l'empeschans de iour de la solitude qu'il  
 cherchoit. Pour de laquelle vser d'auantage, & euitier les occasions qui l'eus-  
 sent peu destourner de la contemplation qu'il cherchoit, il se retira au mona-  
 stere de saint Benoist, fondé au Mont-Cassin: où il demeura en si grande hu-  
 milité, qu'un iour il souffrit d'estre battu du Cuisinier, si vous croyez Reginon:  
 qui (possible) le dit pour retenir l'orgueil des Moines de son cloistre de Prom,  
 trop outreuidez de leur noblesse. Ceste renonciation accreut grandement la  
 puissance de Pepin, qui par ce moyen reünit toutes les forces de France: & l'an-  
 née mesme s'en ayda contre les Sefnes, cherchâs à recouurer leur liberté: mais  
 il les preuint. Et combien qu'ils eussent à leur secours les Rois de Frise & des  
 Vvinides, toutesfois quâd ils virent mettre le feu en leur pays, tuer ou emme-  
 ner leurs gens prisonniers, ils demanderent la paix, & se souismirent à l'obeis-  
 sance des François, ainsi qu'au precedent: payans le tribut accoustumé du réps  
 du Roy Clotaire, & lequel ils promirent continuer. Mesmes vne partie d'eux  
 recognoissant leur foiblesse, & n'auoir moyen de resister, receurent le S. Bap-  
 tesme. C'est merueille, que Vigile Euesque de Salzbourg, ayant soustenu qu'il  
 y auoit des Antipodes, pour vne si legere cause fut ceste année tenu comme  
 heretique; à la poursuite de Boniface Archeuesque de Mayence (qui cuidoit  
 que saint Augustin n'eut failly en cest endroit) lequel depuis par le comman-  
 dement de Zacharie, le fit deposer de son Euesché, comme auteur d'une per-  
 uerse doctrine: tant ce siecle estoit ignorant des Mathematiques & de la Geo-  
 grafie. De sorte, qu'il ne faut pas s'esmerveiller si plusieurs superstitions se  
 messlerent lors parmy nos François. Certainement ce Boniface aduança gran-  
 dement l'autorité Papale. Car se disant Vicaire des Euesques de Rome, il fut  
 leur Legat: & poursuyuit d'autres Prelats comme rebelles à sa propre autori-  
 té; sous ombre qu'ils l'appelloient prescheur & auteur de mensonge, ne vou-  
 lans plusieurs de deça les monts, se soumettre aux commandemens & tradi-  
 tions de l'Eglise Romaine, qu'ils estimoient superstitieuses & sans fondement  
 de la parole de Dieu: principalement en l'adoration des images, mariage de prestres  
 & autres nouuelles ceremonies, ou decrets Ecclesiastiques: qui engendrerent  
 plusieurs abus. Carloman auant que partir, pour descharger sa conscience  
 (ainsi qu'il est croyable) auoit eslargi Griffon son frere (iaçoit qu'il se trouue  
 des Auteurs qui disent qu'il eschappa de sa prison) lequel ne voulât pas viure  
 suiet de Pepin, encores qu'il le traitast honnorablement, luy ayant donné

le Duché d'Anthelen, ou d'Austrasie (ce disent des liures) il se retira en Saxe, *L'An de*  
 accompagné d'aucuns François, desireux de choses nouvelles; où il amassa vne *Tesne*  
 armee: avec laquelle l'an sept cens quarante huit, il vint camper sur la riuere *Christ.*  
 Ouacre, en vn lieu nommé Orchain, Pepin se mit semblablement aux champs, 748.  
 & passant par Turinge, s'arresta sur ladite riuere en vn lieu nommé Scaninge,  
 toutesfois, il n'y eut rencontre, ne bataille donnée; car des gés se meirent en de-  
 noir de les appointer. Et apres que les freres eurent parlemété ensemble, les ar-  
 mees retournerēt d'où elles estoient venuës. Mesmes Griffon aussi peu assuré  
 en la foy des Sefnes que des François, se retira en Bauieres: où Snither & Lâdt-  
 frit Ducs d'Allemagne le vindrent trouuer, avec plusieurs seigneurs de France,  
 par le moyen desquels il print Hiltrude sa sœur, avec Tassillon son fils, & tout  
 le Duché de Bauieres: contraignant leurs sujets de luy faire obeysance, & ser-  
 mēt de fidelité: car vne partie du peuple luy portoit affection à cause de sa me-  
 re natifue du país. Ces nouvelles rapportees à Pepin, tout aussi tost il assemble  
 vne armee, & l'an sept cens quarante neuf, vint en Bauieres, où il fit prisonnier 749.  
 Griffon, Landtfrid & ceux de leur suite: remettant Odillon, ou Tassillon (car  
 ie trouue ces deux noms) en son Duché. Ce fait, il retourne en France; ame-  
 nant avec soy Griffon: auquel, comme fil eust esté Duc, il donna en Vvestrie  
 douze Comtez, au pays qui est entre Seine & Oise, que Paul Emil deuine auoir  
 esté le Duché d'Enthelen, duquel cy-dessus nous auons parlé. Mais ce Prince  
 remuant & volage, ne peut demeurer en paix: & l'an sept cens cinquante, prit 750.  
 la fuite vers Gaifier, & Hunault Ducs d'Aquitaine. Je veus icy aduertir les Le-  
 cturs, que lon trouue volontiers en l'escriture des liures anciens, vn V pour  
 vn G: ainsi que celuy de Vaifier, pour Gaifier: Guillaume, pour Villauime: &  
 aux Allemans, vn T. pour D: comme Lantfrit, pour Landtfrid: vn P pour B:  
 comme Paderbron, pour Baderpron: pour V vne F: comme Volrad, pour  
 Folrad; afin que ceux qui rencontreront ces noms diuersement escrits, ne  
 croient que ce soient d'autres personnes.

## CHAP. XXIII.

*François enuoyent à Rome demander conseil pour deposer Childeric leur Roy  
 insensé. Estas des Rois François de ce temps. La responce de Zacharie Pape.  
 Deposition de Childeric Roy.*



E. pendant, la reputation de la valeur de Pepin croissant tous  
 les iours; luy mesmes n'oublioit pas à se môstrer digne d'ab-  
 soluement cōmander en France. Mais quand il venoit à con-  
 siderer que le nom de Roy estoit si venerable en la personne  
 de qui que ce fust, il ne pouuoit entrer en son esprit, que les  
 François qui souloiet adorer leur Roy presque comme Dieu,  
 en voulussent prier vn de la race de Clouis, & ne cuidoit pas  
 y paruenir, iacoit que plusieurs fussent marris de le voir degenerer de la vertu  
 de ses ancestres; suiure le vice, estre yrongne, & de lasche courage; sans amour

CCC

*L'an de  
I<sup>me</sup>  
Christ.* enuers son peuple mangé & pillé de leues de deniers, & passages de gens d'armes : l'ordre Ecclesiastique & de la Justice corrompus par faute de garder les anciennes loix, & que iails auoient souffert neuf tels maistres, issus de la mesme famille; aussi negligens de l'autorité Royale. Aucuns adiouſtent, qu'ils cuidoient mal faire de laisser vn homme lasche, seoir en la chaire honoree par tant  
 „ de vaillants Princes: & qu'ayans ja déclaré Pepin Duc des François, il ne falloit  
 „ (veu sa suffisance) que le pouuoir d'un si grand Royaume tōbast en autre main  
 „ que d'un qui le sceust entretenir. Car il valoit mieus (ce disoient-ils) eslire Roy  
 „ quelqu'un approchant de la vertu des anciens, qu'ayant égard à la race, se rendre à iamais esclaves de ceux d'une mesme famille; mais indignes de telle succession par leur insuffisance. Et toutesfois, aucuns Autheurs disent, que c'estoit contre le vouloir de Pepin, & qu'il faisoit conscience (s'il s'en trouue en ambition) de chasser celuy à qui il auoit ja presté sermēt de fidelité. Ainsi les peuples François de lōgue main battus des plaintes susdites trop veritables, mais auantcoureuses d'infidelité, assemblerent vn Parlemēt l'an susdit sept cens cinquante: auquel furent esleus Bouchard Euesque de Vvrtzbourg, ou Richard Euesque de Bourges, & Folrad (que les anciennes Chroniques nomment Fourre) Lombard de nation, & Chappelain de Pepin, qui l'auoit fait Abbé de S. Denis pres Paris, pour aller à Rome vers le Pape Zacharie; sçauoir s'il estoit bon & raisonnable, que les Rois de France (qui pour leur folie & petit entendement, n'auoient cognoissance des affaires du Royaume, ains se tenoient tous aises dās leurs Palais) denoient estre appelez Rois: ou celuy qui portoit tout le fais du soın des affaires du Royaume. Il est tres-certain, que la cōdition des Rois François lors regnans, estoit bien miserable. Car jaçoit que les lettres, chartes, & monnoyes portassent leur nom, les richesses & l'autorité se voyoient en la disposition des Maires du Palais, qui commandoient par tout: sans que les Roys eussent autre chose que le nom, & la charge de laisser croistre le poil de leurs cheueux estēdus sur leurs espauls, & celuy de leurs barbes (qui leur venoit sur le pis) tressez & galonnez (c'est à dire liez de Ribans à bourons d'or, possible à la façon des Rois de Perse) se presentans vne fois l'an au peuple, haut assis en vne chaire, pour luy respōdre: ainsi que le plus souuēt il leur estoit enioint de prononcer: & ne iouyssans ces Rois imaginaires, d'autres biens que de l'Estat qui leur estoit baillé pour leur viure, avec vne petite terre ou village, pour nourrir ce peu de seruiteurs domestiques qu'ils auoient. Aussi Eginart, qui a escrit la vie de Charles le Grand, voulant représenter le mespris de ces Rois, dit: que s'il leur conuenoit aller quelque part, ils estoient montez en vn chariot trainé par des Bœufs: ce que les Sicambriens tenoient encores des Cimbres, ainsi qu'on veut dire: & ie suis bien d'aduis, qu'en ce temps là ce n'estoit pas ignominie, comme auons cy-dessus monſtré. Ces Rois venoient donc en tel equipage au Parlement general, tenu tous les ans le premier iour de May, saluans, & estans saluez de chacun, en la façon accoustumee: & vn autre Auteur adiouste, receuant les dons annuellement presentez par le peuple. Là se trouuoit le Maire du Palais, lequel aduertissoit l'assemblée de ce qui se deuoit faire le reste de l'année: puis les Rois retournoient en leur Palais comme deuant, pour se donner

du bontéps iusques à l'autre mois de May. Quāt au reste des affaires du Roiaume, tant du dedans que du dehors, elles s'expedioient par les Maires du Palais: l'estat desquels lors del' Ambassade, Pepin tenoit. De sorte, qu'il luy fut bien aisé de faire deputer ceux cy, & les charger de dire ce qu'il voulut: estant la plus part des suiets de la Couronne François, gaignez par les biensfaits des Maires: qui aux despens de l'Eglise (despouillee des dixmes & autres cōmoditez, dont Charles Martel enrichit les siens) de longue main auoient aduancé & recompensé leurs partisans. Mais pour oster le blāme du parjure, & de l'infidelité enuers le Roy (leur naturel Seigneur) ie croy bien qu'ils aduiferent d'enuoyer au Pape, l'auctorité duquel estoit lors bien grande. Zacharie (cōme i'ay dit) tenoit en ce temps le siege de Rome, aussi peu affectonné aux Empereurs (que nagueres les Gregoire deux & troisieme auoiēt excommuniez) à sçauoir Leon & Constantin ses fils, pour auoir rompu les images des temples: aians les Papes souffert tuer les officiers qu'ils tenoient à Rome. A ceste cause, il est croyable que Pepin, & ses Conseillers, plus volontiers rechercherent les Papes Romains: qui par ce preiugé contre lescits Empereurs, ne faudroient d'approuuer la felonnie: Aussi les Ambassadeurs François venus à Rome, aians remontré leur necessité, Zacharie apres auoir eu l'aduis des principaux seigneurs Romains, assemblez pour satisfaire à la consultation des François (mais sans ouyr le miserable Childeric, n'autre pour luy: car qui eust osé plaider contre vn si puissant aduersaire que Pepin?) l'an sept cens cinquante & vn; 751. respondit aux Ambassadeurs: Qu'il apparoiſſoit par l'Eſcriture ſaincte, que le peuple d'Israël ſ'estoit osté de l'obeyſſance d'un Roy lasche, & qui meſpriſant le conseil des gens de bien & sages, ne s'adonnoit qu'à ses plaisirs & voluptez; ſeſſant de leur corps vn homme vertueux pour les gouverner. Que les Royaumes & ſouueraines puissances, venoyent de Dieu: & les Roys n'estoyent que ses ministres: Il ſeſſoit que le peuple les eſleust, pour accomplir la volonte du grand Roy & maistre vniuersel, & non pour faire par ses Lieutenans, toutes choses à leur appetit. Que cestuy-là estoit vraiment Roy, qui gouuernoit son peuple selon le commandement de Dieu, luy montrant le chemin de bien faire, comme il est tenu pour l'honneur receu de luy. Car il reçoit du peuple toutes ses richesses, gloire & auctorité; & puis qu'il la fait, il est aussi en sa puissance & liberte de le destruire. A ceste cause, les François pouuoient mettre hors cest homme inutile, & choisir vn autre pour les conduire, & sagement gouverner leurs affaires, tant dedans que dehors le Royaume. C'est le ſommaire de la reſponſe, & lettre que le Pape bailla aux Ambassadeurs, & que Auentin dit estre dattee du xxij. del' Empire de Constantin: la cinquiesme Indiction, & l'an de Iesus Christ, sept cens cinquante deux. Toutesſois la plus part de nos Autheurs disent, que ce fut en sept cens cinquante, que Pepin fut élu Roi. Mais il est possible, que la deliberatio d'enuoyer à Rome fut en vn an; la reſponſe l'autre d'apres: & l'election l'an ſuyuant: estant certain, qu'il faut du temps à conduire telles entreprises. Aussi le Pape adiouſta, qu'il estoit d'aduis; afin de ne rompre l'ordre de la ſucceſſion, & pour euitier aux troubles qui

*Rem de* eussent peu naistre de si grand changement, d'essire Pepin allié de la maison  
*Iesus* Royale : car (ainsi que i'ay dit) il venoit d'Arnoul (si vous croyez les Autheurs  
*Christ.* du temps) de maniere que les François se couvrans aucunemēt de telle allian-  
 751. ce, deposerent ce pauvre Childeric, l'an sept cens cinquante vn, le faisans ton-  
 dre moine à Luxeu : d'où (comme dit Auentin) ayant esté tiré, & donné en  
 garde à Odillon Duc de Bauieres (qui auoit practiqué enuers les François sa  
 deposition) il fut par luy mené au monastere de sainct Himeran de Ratibon-  
 ne, & Gifelle sa femme voilee en celuy de Conchilia. Lors vne partie des Fran-  
 çois assemblez audit an sept cens cinquante vn, esleut Pepin fils de Charles  
 Martel, Maire du Palais, Prince sans aucun doute, digne de la Royauté.

## CHAP. XXIII.

*Remonstrance aux Rois de ne laisser manier leur estat par autrui, & ne conti-  
 nuer les grands offices de Pere en fils.*



E cuidoy' icy finir ce volume, quand l'inique exemple de ceste degradation, m'a contrainct d'aduertir les Roys & Princes souuerains, de ne se desborder tellement aux vices & à l'oisiuereté, qu'ils en viennent à perdre la reputa- tion, & puis leur auctorité. Car il n'y a chose qui rende plus mesprisables les Roys; que de les voir (eux qui doi- uent estre modérateurs & observateurs des Loix) estre ceux qui premiers les rompent. Et ne faut qu'ils se pen- sent exempts d'icelles, pour les auoir commandé de plublier, d'autant qu'eux mesmes sont sujets de Dieu. La souueraine puissance, & auctorité duquel, nous est representee par les Rois, qui tiennent la place, en faisant iustice au peuple qui leur est commis. Que si les mesmes Roys, ne peuuent estre contraints par les Iuges ordinaires qu'ils ont establis, Dieu suscite des hommes (bien sou- uent de leur peuple mesme) qui pour punition les chassent de leurs thrones: & à bon droit, veu qu'ils ne les tiennent que par emprunt. Car si lon regarde l'o- rigine des Royaumes legitiment establis, il se trouuera que iadis les hom- mes faschez d'une insolente liberté, ou pressés de forces estranges, ont choisi & receu pour gouverneurs les plus sages, les plus forts ou les plus vaillās d'en- tr'eux: Et que nature, ou la necessité, nous fait essire des Roys, ou superieurs: voire que le commencement de regner, tousiours ne proceda pas de grandes richesses ou d'ambition, ains d'innocence & de modestie: Que les premiers hommes iadis obeirēt aux chefs de leurs maisons, & que ceux qui les premiers furent esleus Rois, estoient les plus vertueux, ou les plus robustes pour defen- dre ceux qui se souismirent à eux. Aussi tels Rois, se contentans des terres à eux donnees pour leur entretenement, employeroient toute leur force & veru, à la defence de leurs suiets, ou à leur faire droit sur leurs plaintes: & pour les- quels bien souuent, ils exposoient leur vie. Car lors on ne regarda de quel lieu ce Roy estoit venu: n'y ayant point encores de distinction de Noblesse; ainsi

qu'assez plaifamment dit Iean de Meung, nostre Ennius François, parlant au *L'an de*  
 Roman de la Rose, de l'eslection des premiers Rois. *Iesus*  
*Christ.*

*Vn grand vilain entre eux esleurent,  
 Le plus corsu de quants qu'ils furent,  
 Le plus ossu & le \* grigneur.  
 Et le firent Prince & Seigneur.*

\* Du  
 Latin

Mesmes Homere, appelle Agamemnon Pasteur du peuple, comme aussi le  
 Psalmiste son Roy d'Israël: pour monstrier leur charge & office. Il ne faut donc  
 aucunement douter, que la prudence, modestie & vaillance approuuée par les  
 plus gens de bien, n'ait esleué au thrône Royal, ceux qui premier furent choi-  
 sis, & non pas la brigue ou voix mendiee entre le peuple bas. Mais depuis, con-  
 uoitise, auarice & multiplication de seigneuries, furent cause d'engendrer  
 en ces Princes, vn appetit de gloire, y estans volontiers les ieunes Seigneurs,  
 poussez par la flaterie des mauuais courtisâs, qui font leur profit des entrepri-  
 ses de leurs maistres. Et toutesfois, quelque establissement de Roy qui iamais se  
 soit fait (i'entens aux legitimes Royaumes, & non pas de ceux qui sont cōquis  
 à l'espee, car tels Rois conquerans sous couleur de droit de victoire, peuuent  
 dire qu'il leur est loisible traiter leurs suiets vaincus, ainsi qu'il leur plaira) ç'a  
 tousiours esté apres l'auoir fait iurer certaines loix, & la conseruation d'icel-  
 les. Si donc eux, ou leurs successeurs (qui sont obligez aux faits de ceux qui  
 leur ont laissé la Couronne) se departent de leur serment, il semble n'estre rai-  
 sonnable, qu'ils iouyissent du contract passé entr'eux & leur peuple: n'estant  
 croyable, que si les esleus eussent refusé de iurer ces loix, on les eust assis au  
 thrône Royal. Or ce n'est de merueille, si Pepin fut lors choisi, veu son pou-  
 uoir, & le maniement des affaires, de si longue main hereditaire en sa maison:  
 avec ce qu'il estoit allié de la famille Royale. Car il eust esté bien dangereux, d'y  
 mettre vn autre plus foible que luy: pour le debat & partialité qui s'en fussent  
 suivis. Avec ce que lon peut dire, que les François ont tousiours cherché vn  
 Roy de leur nation & pays: comme il se trouuera par les discours de nos Anti-  
 quitez. Ioint le tesmoignage de Foulques Archeuesque de Rheims, duquel cy  
 apres ie m'aideray en la vie de Charles le Simple, sur vn exemple approchât de  
 cestui-cy. Les François donc n'esleurent Pepin par le commandement du Pape:  
 afin qu'on n'allegue l'ordonnance Decretale de Boniface huitiesme, Pape: Ains  
 pource que defaillant en Frâce la race masculine de Faramond, ou de Meroüee,  
 Pepin se trouua le plus proche allié de la maison Royale, ou le plus fort. De  
 maniere, que l'authorité, ou conseil Papal, n'a seruy qu'à deslier nos anciens du  
 serment, duquel ces bonnes gens du temps passé cuidoiēt estre quites par son  
 abolition: qu'ils iugeoiēt deuoir estre plus forte que celle de leurs Euesques:  
 lesquels (possible) ne la voulurent donner de leur autorité: aymans mieux les  
 renuoyer aux Papes Romains, qui nagueres auoiēt excommunié Leon Empe-  
 reur (ainsi que i'ay dit) defendans de luy payer tribut. Et d'autant que qui sçait  
 faire vn pot, fait bien vne poisse (ce dit le commun prouerbe) ils pouuoient  
 aussi conseiller de faire vn autre Roy en France, puis que les mesmes Papes  
 refusoient d'obeyr à l'Empereur leur naturel Seigneur, lors estimé l'œil du

*L'an de* monde, pour son grand pouuoir. Mais quant à moy, ie ne croy pas qu'aucun  
*Iesus* Ecclesiastique ait puissance, de desliar vn sujet du serment qui l'oblige à son  
*Christ.* Prince. Et encores moins le Pape vn Roy de France, qui tient son estat Dieu  
 seul, & est en son pays plus que l'Empereur au sien, puis que le Pape a esté cause  
 de la separation, qui du temps de Charlemagne, se fit de l'Empire Oriental  
 & de l'Occidental. Ce qu'il monstre bien aux Empereurs élus en Germanie,  
 ne les appellant que Rois, auant qu'ils ayent pris la Couronne Imperiale de ses  
 mains, ou celle de ses Legats. Si est-ce que Iesus Christ a dit, Mon Royaume  
 n'est point de ce monde: & S. Paul, Obeyssiez à vos Princes, encores qu'ils soier  
 facheux. Mesmes lon doit tenir pour certain iugement, que les peuples (voire  
 libres) apres l'eslectio & serment fait à leur nouveau Roi, se despoillét de toute  
 la puissance qu'ils souloient auoir auant l'eslection par eux faite. Car s'ils re-  
 tenoient encores le pouuoir de chasser les Roys, par eux esleuz, il n'y auroit  
 point de Royauté asseuree: & au premier mouuement des ambitieux, tous les  
 iours il faudroit recommencer de nouuelles élections. La fétardise donc des  
 Rois Merouingies continuée par tant d'annees, ayda (plus que les raisons sus-  
 dites) à Pepin, & ses predecesseurs, pour gaigner la faueur du peuple, quand les  
 Rois mal-aduisez, se reposans sur la vaillance & bonne conduite d'aucuns de  
 leurs Maires, peu à peu abandonnerent le trauail des armes, & la conduite des  
 armées en personne, pour iouyr d'as leur Palais, des aises & plaisirs qui accom-  
 pagnent la Royauté: ne regardas, que ces Lieutenans generaux se payoient bien  
 de leurs peines, puis qu'ils auoient si grande puissance, & leurs maistres si peu  
 de iugement, qu'ils laissoient aux Maires pouruoir à tous officiers, capitaine-  
 ries, & charges de conséquence: de sorte, qu'au bout du tēps, il ne se trouua plus  
 aucun qui eust esté fait de la main du Roy (cōme lon dit communément) pour  
 l'ayder au besoin. Et c'est vn precepte courtisan, que si vn maistre est si sot, que  
 de bailler l'Étier gouuernemēt de ses affaires à quelqu'un, d'en oster tellemēt la  
 conoissance à ce brutal seigneur, que d'oresnauāt il ne se puisse passer de ce grād  
 & anciē, mais trop dāgereux seruiteur. Il est vray, que les Rois, plus que les au-  
 tres hommes priuez, sont empeschés à cognoistre de qui ils se doiuent seruir en  
 leurs affaires de conséquence: car (ainsi que disoit l'Empereur Diocletian) cinq ou  
 six courtisans enuoloperoient le Prince, ne faisans qu'une teste en un chaperō; tel-  
 lement que le Roy qui ne peut estre par tout, ou voir la plus part de ses affaires  
 que par autrui, bien souuēt sera pipé & védu, quelque bon & aduisé qu'il puisse  
 estre, s'il n'a la discretion de choisir des gēs de bien, & qui aimēt son hōneur:  
 pource que la pluspart de ceux qui se tiennēt pres des Rois, faisans plus d'estat  
 de s'enrichir que de seruir au public, taschent à descourir l'affection des Prin-  
 ces, & leur cōplaire à tort, ou à droit: de maniere, qu'il faut que le mal vienne à  
 estre bien grand, & presque hors de remede, quād on le descouure aux Princes.  
 Que si quelquesfois ils se resueillent pour entendre à leurs affaires, on leur red  
 des comptes si broüillez, qu'ils n'en peuēt sortir: & bien souuēt, sont en dan-  
 ger (s'ils se monstrent trop actifs & vigilans) de redormir vn perpetuel somme.  
 Il faut donc que les Rois qui veulent euir le mal de Childeric, cognoissent les  
 affaires de leur Royaume, assistent aux principales deliberations d'icelles, voire



bien souvent aux audiéces de la Iustice: la distribution égale de laquelle, gaigne <sup>L'an de</sup> merueilleusement le cœur des sujets, qui par là sont garentis de l'oppression <sup>lesme</sup> des grands: lesquels ne voulans point eux-mesmes garder l'equité, apres auoir <sup>Christ.</sup> de longue main sappé & miné ( par maniere de dire) la reputation des Rois, par bruits faux ou vrais semez entre le peuple, de la mauuaise nourriture, insuffisance, ou couardise, de ceux qui regnent, ordinairement ne prennét autre couuerture que la denegation de Iustice, charges de tailles & imposts extraordinaires, qu'eux-mesmes auront conseillez ou pratiquez, pour s'enrichir par telles extraordinaires impositions: & faire esleuer les sujets contre leurs anciens Rois & Magistrats souuerains. Mais les Rois doiuent sçauoir, que ceste audace des grands leur vient de la continuation des estats, que leurs enfans cuident leur estre deuë par droit successif, comme s'ils estoient aussi heritiers de la verru de leurs peres, qui premiers ont apporté les grâdes dignitez & charges en leur maison. Et pource les Rois qui voudront s'asseurer, doiuent tenir pour regle fondamentale de leur puissiance: de ne laisser enuieillir aux grandes charges vne maison: ains les communiquer aux autres familles, selon le merite & sagesse des Gentils-hommes de nom. Car outre que c'est la raison d'honorer la vertu de plusieurs nobles (& principalement en France, où lon peut dire que la Noblesse est le bras dextre du Roy) tel entrejeçt fera esuanuoyr les mauuaises pratiques de ces officiers continuez: & asseureront l'autorité du Roy; que chacun en aymera dauantage, voyant que la parété, ne la faueur de Cour, n'auront plus de lieu, & les grands estats & charges estre distribuez comme par tout, à ceux qui en seront capables. Aussi le Roy, quand il en sera besoin, se montrera luy-mesme sage & hardy en guërre, afin de tenir les siens & ses ennemis en crainte. Et pour conclusion de ce volume, ie rediray (& vous l'excuserez pource que ie le veux si ie le puis sicer dans l'esprit des Roys) que la cōtinuation des charges & magistrats en mesme famille & comme par heritage, a esté cause de la ruine des Merouingies, aussi bien qu'elle auoit esté des Romains, & le sera de tous Princes nonchalans de faire Iustice, mais encores plustost, de ceux qui ne voulans entendre leurs affaires que par les aureilles d'autrui, mespriseront l'honneur de Dieu, enfreindront les anciènes loix de leur Royaume, & ne tiendront compte d'estre, ou rarement assisteront aux audiences de leur Iustice. Ce que ie ramentoy, non par orgueil, ou entreprise sur les Royales majestez, ains comme pour vn aduertissement general à tous Rois & Princes souuerains. Car inutilement tant d'histoires seroient publiees, si lon n'y trouuoit des preceptes pour regner, & gouuerner les grands estats & republicques. Priât le Lecteur excuser ce long discours, que tout expres i'ay mis à la fin d'un volume, pour encores moins l'ennuyer, que s'il eust esté entrejeçté dans vn des autres liures de ces Antiquitez, & en autre endroit moins à propos.

*Fin du Cinquiesme Liure & premier Volume des  
Antiquitez Gaulloises & Françoises.*





SECOND VOLUME  
DES  
ANTIQUITEZ  
FRANCOISES DV  
SIEVR PRESIDENT  
FAVCHET.

PREMIERE PARTIE

O V  
FLEVR DE LA MAISON  
DE CHARLEMAIGNE.

CONTENANT LES FAITS DE TEPIN  
& ses Successeurs depuis l'an 751. iusques à l'an  
840. de IESVS CHRIST.



A PARIS,

Par DAVID LE CLERC, rue Fremetel au petit Corbeil.

ET

Chez JEAN DE HEVQUEVILLE, rue S. Iaques, à la Paix.

M. D C X.

AVEC PRIVILEGE DV ROY.

THE  
REPUBLICAN  
PUBLISHED WEEKLY  
AT  
THE  
OFFICE OF THE  
PUBLISHER  
No. 100 N. 3rd St.  
ST. LOUIS, MO.  
Subscription Price, \$5.00 per Annum in Advance.



AV ROY TRES-CHRESTIEN  
DE FRANCE ET DE NAVARRE,  
HENRY IIII. DE CENOM.



I R E,

Outre que sur la fin de l'an passé presentant à vostre Majesté le premier volume des Antiquitez Gauloises & Frâçoises, ie m'obligé par le commandement que lors il vous pleust me faire, de continuer mon entreprise: La victoire que tout fraichement DIEU vous a donnée, m'a semonds de vous ramenteuoir les faits de Pepin, Charlemaigne, & de Louys le Debonnaire: les plus puissans & dignes d'imiter de tous vos predecesseurs Roys; à prendre leurs faits en general, & en ce qui doit seruir, pour le reglement des grands estats, Afin de faire voir à chacun, comme Dieu par faisons, choisit de grands hommes pour executeurs de ses volonteiz secretes: à la honte & ruine des orgueilleux, que vous verrez abaissiez & exterminiez par ces trois Princes. Monstrant en la personne de Pepin, vne singuliere affection de peuple; bien souuent ministre de la diuine volonté. Vn bon heur tellement accompagner la prudente hardiesse de Charlemaigne qu'il le conduit à ce comble d'honneur, d'auoir ramené en l'Occident la dignité de l'Empire Romain. En

DDD ij

## EPISTRE AV ROY.

Louys le Debonnaire, comme la principale occupation des Rois doit estre l'exercice des armes & le maintien de la iustice. Finalement , que la distribution des biens & honneurs doit estre par eux faite à leurs vertueux suiets , selon leurs merites : Si les Princes veulent longuement & en paix entretenir leurs Monarchies. Or ayant ( Dieu mercy ) V.M. iusques icy fait telle pretue de sa proüesse au recouremēt de son Royaume, & encores en ceste conqueste derniere nette de sang. V.M. ( vray instrument de la iustice diuine ) peut s'approprier les paroles de Cæsar : lequel apres sa victoire contre Farnaces fils de Mitridates Roy de Pont ( tant facilement par luy chassé de son Royaume ) parlant de son exploict guerrier, dit ; *Je vins, ie le vis, ie vainquis* : Mais vous ainsi que tres-Chrestien adiousterez : Et par la grace de Dieu ie maintiendray le mur qui a esté basty par nature, pour la seureté de la Chrestienté : ainsi que iadis il fut contre les ennemis de ces trois grands Princes , desquels maintenant ie vous presente les gestes : tout asseuré que DIEU vous donnera le bon-heur & prosperité de Charlemaigne, & qu'il fera la grace à quelqu'un de vos bons suiets, d'escrite partie de vos heroïques faits. Pour mon regard estant ia trop vieil, tant que j'auray poulx & vie au corps, ie demureray,

*De vostre Maiesié tres-humble &  
tres-affectionné suiect & seruiteur*

CLAYDE FAVCHET, nagueres premier  
President en vostre Cour des Monnoyes..

*De Paris ce premier Ianuier, mil six cens vn..*



# TABLE DES CHAPITRES ET SOMMAIRES DES LIVRES DE LA FLEUR DE LA MAISON de Charlemaigne.

## SOMMAIRES DV SIXIESME.

### L. I. V. R. E.



**C**RANDEVV de la maison de Pepin. Declaré Roy, & couronné par Boniface Archeuesque de Mayence. Qui en acquiēt le droit de premier Eleſteur de l'Empire. Pepin fut le premier Roy de France sacré. Sa Genealogie. Remonstrance dudit Boniface audit Pepin, en le Couronnant. Il n'y auoit que les Ecclesiastiques & Nobles qui fussent appellez aux Parlements generaux de France. Pape consent à l'Eslection de Pepin, pour en tirer secours contre les Lombards. Ebon Archeuesque de Sens mort. Leon fils de Constantin Empereur. Mort du Pape Zacharie. Estienne Pape. Pourquoi les Papes sont portez en chaire. fol. 197. a

Sesnes contraintes par Pepin de payer tous les ans trois cens cheuaux de tribut aux François. Griffon frere de Pepin tué. La femme de Gaisier belle. Astolf Roy des Lombards prend Rauenne, & Pentapole. Fin de l'Exarquar. Estienne Pape enuoye demander secours en France. Charles fils de Pepin enuoyé au deuant de luy. Ville portee entiere à six mil loing de sa premiere asiette sans dommage des habitans. Mulet parle. fol. 199. b

Pepin reçoit le Pape, qui demeure malade à S. Denis, & est guarý par miracle. Fait bastir à Rome l'Eglise de S. Denis dite l'Eſcole des Grecs. Couronne Pepin, sa femme, & enfans. Excommunie les François s'ils recognoissent autres Rois que de sa maison. Le presse d'aller contre les Lombards: Est contredit par le Moine Carloman. Ambassadeurs François en Lombardie. Astolf ne veut rendre Rauenne. Pape soustient que l'Exarquar appartenoit à l'Eglise, puis que l'Empereur heretique auoit abbatu les Images. fol. 201. b

Pepin prend les Cluses des Alpes. Passe en Italie, & assiege Pannie. Fait accord avec le Roy de Lombardie. Donne Rauenne, & Romandiolle au Pape; qu'il reconuoye à Rome. Parle-

DDD iij,

- ment general. D'où sont venus les Turcs. Astolf Roy de Lombardie recommence la guerre au Pape. qui renuoye en France demander secours. Pepin retourne en Italie. Remonstrance de l'Ambassadeur de l'Empereur au Roy de France, pour r'auoir l'Exarquât de Rauenne. Astolf renonce à l'Exarquât, qui est liuré au Pape. Donation de Constantin à l'Eglise, est fauce : mais c'a esté Pepin qui a fait les Papes si grands & riches qu'ils sont. f.204.a
- CH. V. Mort d'Astolf. Premieres Orgues en France. Tasillon Duc de Bayers fait serment au Roy Pepin & ses enfans. Quel estoit ce serment, & les François hommes & vassaux Liges, & leur nature. Estienne Pape mort. Paul son frere luy succede. Nos Rois portoient Couronnes aux Festes Solemnelles. Pepin entre en Saxe, & contrainst les Sefnes de luy payer trois cens cheuaux de tribut. Vualpert, & Grodrogrand hommes renommez de sçauoir. Lupille Palais. Pepin va faire la guerre à Gaissier Duc d'Aquitaine, sous couleur de luy faire rendre le bien des Ecclesiastiques, & le contrainst luy iurer fidelité. De quels auteurs l'auteur de ces Antiquitez s'est aydé. f.207.b
- CH A. Gaissier Duc d'Aquitaine ropt la paix qu'il auoit avec le Roy Pepin. Lequel prend Bourbon le Noble, Chantelle, Clermont d'Auvergne, & Limoges. Gaigne la Banniere d'or de Gaissier. Prend Bourges d'assault. Conquiert le pais iusques à Cahors. Abandonné par Tasillon est contrainct reuenir assseuer ses affaires. Esboilles ne tombent du Ciel comme il semble. Pepin gaigne Angoulesme. L'Euesque de laquelle Ville se dit Archichapelain des Rois en Aquitaine. Concile de Gentilly. Miramamolín Empereur des Sarrasins en Espagne, enuoye des presens au Roy Pepin. Parlement des François pourquoy tenu en campagne. Ranusta ou Rabastens Chasteau. Capitole des Saintes. Gaissier vaincu & tué. Pepin ayant conquis Guyenne, meurt d'hydropisie. f.210.b
- CH A. Qualité de Pepin, sa femme & enfans. Constantin, Philippes, Estienne Papes esleus par sedition. Estienne demeure. Constantin bruslé par le peuple. Nomenclateur office de Rome s'appelle Donneur. Nos Marguilliers sont en leurs places. f.211.b
- CH A. Carloman, & Charles couronner Rois de France. Hunault se declare Duc d'Aquitaine, comme aussi fait Loup de Gascongne. Les Rois apres leur partage, enuoyent douze Prelats François au Concile de Rome : puis viennent en Aquitaine. Charles abandonné par son frere poursuit Hunault : qui luy est liuré par Loup. Fronsac basti par Charles : Christophle Primicere & Georges Secundicere de Rome, auenglez à la suscitation de Disier Roy de Lombardie. Carloman meurt, & sa vesue se retire avec ses enfans en Bayers. Hunault eschappé de prison, se retire en Lombardie. Mort d'Asnar fils de Eude Duc d'Aquitaine, premier Comte d'Arragon. f.213.a
- CH A. Charles va faire la guerre en Saxe. Gaigne vne bataille pres Osnalory. Contrainst les Sefnes se retirer outre la Vesere : & lesquels chassans les Vandalles s'appellent Ostphales. Charles prend le Chasteau d'Eresbourg. Fait abatre Irmensuld l'idole des Sefnes. Interpretation & figure de l'idole. Les Sefnes contraincts bailler ostages. Charles bastit en Saxe le Chasteau d'Eresberg, & y met garnison. Repudie Hirmengard fille de Disier Roy de Lombardie. Prend à femme Hildegard fille du Duc de Suaube. Duché de Rome acquis par le Pape Gregoire. Berthe vesue de Carloman presse le Pape Adrian de Couronner ses enfans : lequel voyant que Disier vouloit reprendre l'Exarquât, demande secours à Charles. Raisons de Disier contre les pretentions du Pape sur l'Exarquât. Le Roy de Lombardie empesché par le Pape de venir à Rome. Charles nonobstant qu'aucuns François l'empeschassent de passer en Italie, prend les Cluses, & assiege le Roy Disier. f.215.b



## DES CHAPITRES.

- Adalgise* fils de *Disier* abandonne *Veronne*, & s'enfuit vers *Constantinople*. Les *Veronnois* CH A.  
se rendent à *Charles* : comme aussi *Berthe* veuve de *Carloman* & ses enfans. *Charles* lais- X.  
sant *Bernard* son oncle au siege de *Pausie*, va à *Rome* sans armes. Sa reception. Ses dona-  
tions faites à ladite Eglise, avec reservation de la puissance Royale. Que la Souveraineté de  
ces donations doit appartenir aux Rois de France & aux Empereurs. *Charles* prend *Pausie*.  
Se fait couronner à *Modece* Roy de *Lombardie*, de la Couronne de Fer. Les ceremonies de ce  
Couronnement. *Charles* retournant à *Rome* est fait *Patrice*. Droits du Patriarchat. Investiture  
des Euesques & Regalle appartient aux Rois de France. f.218.a
- Angise* fait Duc de *Beneuent*. *Hildebrand* fait Duc de *Spolette* par *Charles*. Exarquat main- CH A.  
tenant appelé *Romandiole*. Reglement d'Italie fait par *Charles*. Droits Ducaux. Mar- XI.  
quis. Mis si ou Commissaires Royaux & leurs droits de *Parata*, *Mansionaticum*, *foderum*.  
Loix Romaines, *Lombardes* & *Saliques* gardees en Italie. *Disier* mourut met fin au royaume  
des *Lombards*. Moines amenez de *Caſſin* pour reformer ceux de France. *Sesnes* rebelles  
entrent en Hes; diuinement chassés. *Charles* entre en *Saxe* par tous endroits, & gaste le  
pays. Il retourne l'an suiuant. Prend *Sigisbourg*, pres *Brunsborg*. Desconfit les *Sesnes* &  
les chasse outre la riuiere *Ouuracre*. *Helsis* leur Prince se rend à luy avec aucuns des siens qui  
furent baptiser : comme aussi *Brun* avec les *Anglariens*. f.222.a
- Les *Sesnes* surprennent les François en leur camp : puis sont battus : Demandent pardon, & CH A.  
baillent ostages. Mort de *Constantin* Copronyme : *Irene* sa veuve demande vne fille de XII.  
*Charles* pour estre femme de *Constantin* son fils. *Adalgise* fils de *Disier* sollicite les Empe-  
reurs de l'aider au recouurement de *Lombardie*. En qualite de *Patrice* met vne armee sur  
Mer. Desbauche *Rogand* Duc de *Frioul*, du seruite de *Charles*, lequel passant en Italie  
fait conuer la reste à *Rogand*, & reduit les villes en son obeysſſance. Fait *Henry*, seigneur  
François Duc de *Frioul* & de *Carinthie*. Repasse en France pour resister aux *Sesnes*, qui  
auoient pris *Eresberg* par composition, & assiéger *Meresbourg*, dont ils furent chassés par  
vne sortie des assiegers : puis battus par *Charles* demandent la paix, se faisant baptiser.  
*Heresbourg* est rebasty par les François, & vn autre Chasteau fait sur Lie. Mort d'*Ab-*  
*dalas Sarrazin*. f.224.a
- Charles* assemble son armee à *Paderbrun* contre les *Sesnes* suscitez par *Virikind*, lequel vaincu CH A.  
se retire vers *Sigifroy* Roy de *Dannemark*, ou *Normandie*. *Sesnes* se rendent à la charge que XIII.  
s'ils faussent leur foy ils perdront leurs franchises & Aleuds. *Angeric* Ville de *Virikind*  
saisie. Euesque mis à *Osnabourg* pour prescher le Christianisme aux *Sesnes*, s'estans fait au-  
cuns d'eux baptiser par saintise. Rois *Sarrazins* d'*Espagne* viennent trouuer le Roy en *Sa-*  
*x*e, pour estre secourus : comme aussi les Ambassadeurs du Roy de *Galice*. Estat des affaires  
d'*Espagne* pour lors. Pourquoi il y a tant de Royaumes d'*Espagne*. f.225.b
- Preparatifs du Roy *Charles* pour aller en *Espagne*. Monts *Pyrenées* difficiles à passer. *Charles* CH A.  
assiege *Papelune*. Preparatifs des François pour le siege. Resistance des *Sarrazins*. *Pampelune* XIV.  
prise d'assaut. *Charles* passe l'*Ebro* : & prend *Sarraguce*. Enuoye gens au secours des *Gali-*  
*ciens* : par le moyen desquels ils se gardent des *Sarrazins*. Partie de l'armee François de fai-  
re par les *Basques* à *Roncevaux*, où mourut *Roland*, & autres Seigneurs François. Fauc-  
se de l'histoire publiee sous le nom de *Turpin*. *Bandouliers* réduits à *Charles*. *Asnar* premier  
Comte d'*Aragon*. f.227.b
- Retour de *Charles* en France. Natiuité de *Louis* son fils. Comtes mis es villes d'*Aquaine*. CH A.  
Origines des Ducs, Comtes, & autres grands estats de France, & leur comparaison avec XV.

# T A B L E

- les dignitez des Ecclesiastiques. Commencement des Chanoines és Eglises Cathedrales: Vitikind esmeut aucuns Danois contre les François: & avec eux court le país de Hés. Charles les fait poursuiure, & surprendre avec leur butin sur la riuere Adernis. Hildebrand Duc de Spolerte, vient faire hommage au Roy. Sesnes deffaits à Bucholt. Vestfalie conquise sur les Vestfalois, & Angriens baillent ostages au Roy. f.230.a
- CH A. Charles retournant de Saxe, fait baptiser les Bardingaux & Nortlieudes. S'aduanee insques  
XVI. aux Conflans d'Elbe & Hore. Va à Rome: ou le Pape couronne Pepin son fils Roy d'Italie, & Louys Roy d'Aquitaine. Pepin encores couronné Roy de Lombardie à Modece par l'Archeuesque de Millan. Tasillon Duc de Bauieres vient faire hommage à Charles. Le Roy va en Saxe. Destruit vn temple d'idole à Magdebourg. Figure & interpretation de l'idole. Charles assemble vn Parlement à Colongne. Passe le Rhin. Reçoit les Ambassadeurs de Dannemark, & du Cagan des Huns. Vitikind rompt la paix des Sesnes: & les Sorabes & luy courent le país voisin allie des François. Trois commissaires du Roy desfaits en Saxe par leur oustreucidence, & enuie sur Thierry cousin du Roy. Vassaux se font tuer avec leurs Seigneurs. Quatre mille Sesnes traistres decolez. Mort de la Roïne Hildegarde femme de Charles & ses enfans. Charles gaigne la bataille à Thiotmele sur les Sesnes. Et encores vne autre, par le moyen de laquelle il gaigne le país insques à l'Elbe. Charles espouse Fastrade Francoise & fille du Comte Raoul. Mort de Berthe desue du Roy Pepin, & mere du Roy Charles f.232.b

## SOMMAIRES DV SEPTIESME

### L I V R E

CH A.  
I.



Es Sesnes se rebellent sous la faueur des Friçons leurs allies. Charlemaigne brusle Vestfalie, insques à la Vescere. Charles son fils met en route la Cheualerie des Sesnes, & en ayant tué quatre mil, retourne en Saxe Phyuier. Tiens le Parlement à Paterbrun, où Louis Roy d'Aquitaine vient avec ses forces. Albion & Vitikind Sesnes se font baptiser, & Vitikind est fait Duc d'Angrie. Dudit Vitikind est venu le Roy Hugues Capet. Coniuration d'Austrasiens contre Charlemaigne, & leur punition. Corson Comte de Thoulouse pris par Alaric Basque. Mort de Mady Amiras d'Espagne. Bretons rebelles vaincus. Andulf Seneschal. Aregise Duc de Beneuens se declare Roy: & contrainct Charlemaigne d'aller en Italie. Florence rebastie, prend la Fleur de Lys pour blason. L'armee Francoise ayant pris Capoue, Aregise reconnoist Charlemaigne à Seigneur. Chant Romain apporté en France par Charlemaigne: qui aussi ayant fait venir des maistres de Grammaire, & d'Arithmetique, commencent des vniuersitez. L'ordre & Messes Romaines accoustumées en France. f.236.a

- CH A. Concile de Nice pour Les Images Tasillon adiourné au Parlement fait defaut. Estonné de la  
II. venue de Charlemaigne en son país, luy fait hommage, & baille son fils en ostage. Aleric Basque confiné. Duché de Thoulouse osté à Corson: & baillé à Guillaume. Moysé Amiras d'Espagne mort: Aaron son frere luy succede. Sang sorty de terre. Tasillon accusé de trahison

## DES CHAPITRES.

hison par les siens, est condamné par les Pairs : luy & son fils confinez & faictz Moines. Baulieres diuisee en Comtez non hereditaires. Huns entrez en Baulieres, perdent deux batailles. Adalgise Lombard accompagné des Grecs & d'un Sacellaire Imperial, perd la bataille en Calabre, est pris & tue. Quatre batailles gaignees par Charlemaigne en vn an.

Golphe de la mer Balthique, & les nations d'alentour. Charlemaigne fait vn pont sur l'Elbe. f. 239. b CHA. III.  
Viltzan Prince des Viltzes se rend. Salle, Palais de Charlemaigne : lequell enuoye des presens aux Amiraux Sarrazins, afin de bien faire traicter les Chrestiens leurs suiets. Retient Alcuin & Claude, sçauans disciples de Bede, pour fonder l'Vniuersité de Paris. Fondation de l'Abbaye de Cormery. Charlemaigne va cōtre les Auarrois. Leurs Ringues ou cercles & forts gaignez, apres qu'ils eurent perdu la bataille contre les François. Au-  
striche pourquoy ainsi appellee. f. 241. b CHA. III.

Felix Euesque d'Orgelle nie Christ auoir eu nature diuine & humain ensemble. Pepin baird de Charlemaigne coniuire contre son pere. Lideric de Harlebec fait Comte de Flandres. Louys Roy d'Aquitaine va en Italie au secours de Pepin son frere, & ensemble font la guerre à Beneuent. Entreprise de Charlemaigne pour nauiger du Rhin au Danube, & la commodité de ce dessein rendu inutile par les pluyes. f. 244. a

Parlement de Franc-fort : où l'adoration des Images vt deificam Trinitatem est condamnée. François ont bien tard receu les Images en leurs temples & sur les Autels. Tasillon, renoncé au Duché de Baulieres. Mort de Frastrade femme de Charlemaigne. Sesnes rebelles, & le tiers d'entr'eux transporrez en Flandres, font d'un diable deux. Ceux d'outre l'Elbe ayant tue Viltzan Roy des Abodrites, leur pais est couru & eux tuez iusques à tren-  
te mil. Aix Palais. Mort de Turpin Archeuesque de Rheims. Droit de Regalle. Mort du Pape Adrian, qui le premier, au lieu de la Messe de S. Ambroise introduisit la Gre-  
gorienne. Leon Cardinal luy succede. f. 246. b CHA. V.

Auarrois deffaits par Henry Duc de Frioul, qui print Ringue leur principalle ville, avec leurs thresors qui enrichirent les François. Theudon Auarrois est baptisé, puis rebelle est tue. Pepin Roy d'Italie ayant gaigné vne bataille sur les Auarrois, est chassé par delà le Conflant de Draue & le Danube. Zad ayant pris Barcelonne, en vient faire hommage à Charlemaigne. Sesnes chassé iusques au bord de l'Oceean à Carlesend : où Abdelles fils de Hismange Sarrazin chassé de son pays, luy vient demander secours. Nicette Ambassadeur de Constantinople. Haristal ville bastie en Saxe par Charlemaigne. Louys Roy d'Aquitaine espouse Irmengard : & fortifie Auffonne d'Espagne, Cerdaine & Iastasseire, qu'il donne à garder à Bera, Comte. Maniere de viure dudit Roy Louys, loüable : & ses quatre Palais en Aquitaine. Alphos Roy de Galice enuoye vn Pavillon à Charlemaigne, qu'il appelloit son Seigneur. Sesnes tuent les Iuges François. Ceux d'outre d'Elbe deffaits par Trasilin Duc. Les Abodrites baillent ostages. Ambassadeurs de Constantinople excusent Irene, de ce qu'elle auoit fait auengler son fils Empereur. Alphos Roy Galice prend Lisbonne. Achin Roy d'Ecosse fait alliance avec Charlemaigne, qui fait bastir des Hospitaux en France & Germanie pour receuoir les Escossois. Rhaban & son frere hommes doctes. Mau-  
res Pirates courent Maiorque, & les Danois la coste de France & d'Angleterre. f. 248. b

Leon Pape outragé par les Romains vient trouuer Charlemaigne. iusques en Saxe. Renuoyé, & les mal-faictours amenez prisonniers en France. Charles fils du Roy met ordre en Sa-  
xe. Gerold Duc de Baulieres tue, ordonnant ses batailles contre les Auarrois : comme aussi  
E E E CH. VII.

# T A B L E

Henry Duc de Frioul tué pres Tarsatica. Guy Marquis de Bretagne apporte au Roy les escus des Bretons par luy vaincus. Enseignes des Sarrazins chassées de Maiorque apportées à Charlemaigne, avec les clefs d'Huesca. Charlemaigne enuoye des Prestres en Ierusalem. Auarros enuoyez outre Draue, & Vinides Bohemois suiets des François. Fin de la guerre & du nom des Auarros. Commencement du nom d'Austriche & Hongrie. f.251.a

**CH A.** Charlemaigne visitât la coste de Belges viēt à Rouēn & Tours: on Hildegarde sa femme mourant est enterree à S. Martin. Louis Roy d'Aquitaine viēt voir son pere. Gelee à glace à la S. Ica Baptiste. Louis Roy d'Aquitaine prend Huesca. Charlemaigne passe en Italie, chastie ceux qui auoient tué le Duc Hery: En la place duquel il met Cadolac. Venu à Ancone il enuoye Pepin faire la guerre en Beneuēt. Entree de Charlemaigne à Rome. Le Pape se purge par serment des crimes à luy imposer. Ambo d'Eglise. Patriarche de Ierusalem enuoye à Charlemaigne la Banniere du S. Sepulchre, que lon pense estre l'Oriflambe. Pourquoy Charlemaigne fut declaré Empereur. Son Couronnement Imperial. Adoré par le Pape. De quelle satisfaction estoient honorez les anciens Empereurs, Euesques & autres hommes de qualiré. Pourquoy les Euesques presentent baiser leur main à l'Offerroire. f.253.a

**CH A.** Iurisdiction de l'Empereur Charlemaigne à Rome. Commoditez que les Papes ont tirees par l'aduaicement des François. Grimoald prend Vinigise, lequel ne pouoit desbaucher, luy mesme se rend. Roselme Duc de Thite pris. Grecs faisant semblant de desirer le mariage d'Irene avec Charlemaigne l'empeschent de conquerir toute l'Italie & la Sicile. Lieutfred fait Comte de Foix apres la mort de Burgandion. Basques rebelles chastiez. f.255.b

**CH A.** Charlemaigne public vingt trois chapitres de loix. Le Roy de Perse luy enuoye un Elefant, rare en France. Irene chassée par Nicophore. Louis Roy d'Aquitaine ayant par deux ans assiege Barcelonne, la prend, & la baille en garde à Bera. Partage de l'Empire entre les Grecs & François. Gots & Espagnols viennent habiter Languedoc & la frontiere, par permission de Charlemaigne, & de Louis son fils. Castelogne. f.257.b

**CH A.** Sefnes rebelles à la suscitatio de Godefroy. Septentrion appellee Normandie. Armee pour aller en Saxe. Offsalon se font baptiser. Dix mil transportez en Flandres. Lideric de Harlebec restaurateur de Fladres. Iuges de Westsalie establis pour chastier les Sefnes parius. Sefnes ou Souisses transportez en Heluetie. Fin de la guerre de Saxe. Godefroy Roy de Dannemarch, s'apointe avec Charlemaigne: Leon Pape en France. Sang de Iesus Christ à Mantouie. Obeler Duc de Venise chassé de Malamau. Iean Duc. Leon sacré. Le pays voisin d'Arrabonnay donné à Theodore Auarros, & apres sa mort à Abraham. Charles fils de l'Empereur fait la guerre en Boheme qu'il conquist apres la mort de Lehon Duc ou Roy du pays. Florence affranchie par Charlemaigne. f.259.b

**CH A.** Obeler & Beat Ducs de Venise, demandent secours à Charlemaigne contre leur ennemy, come aussi fait Paul Duc d'Esclauonie contre les Grecs. Partage des Royaumes de Charlemaigne fait à Aix. f.262.a

**CH A.** Charles fils de l'Empereur enuoyé contre les Sarabes & Elbe. Court la terre des Sclaves & Miledune leur Duc, est tué. Bastit deux chasteaux outre l'Elbe & a en Bohesme. Ademar Comte de Genes tué par les Maures. Louis Roy d'Aquitaine rauge l'Espagne. Vallis banna Vallee des Monts Pyrenees. Nauarros retournent en l'obeyssance des François. Trois Eclipses de Lane, & une de Soleil en moins d'un an: & autres observations Astronomiques. Ambassadeur de Perse accompagné de ceux de Ierusalem, apportent une Orloge à Charlemaigne. Bouchard Comte de l'Estable deffait les Maures en mer. Charlemaigne fait bastir

## DES CHAPITRES.

des Vaisseaux sur toutes les riuieres de France pour resister aux Normands. Aquitaniens font la guerre en Espagne. Et leur ruse pour surprendre les Sarrazins, qui furent desconfits. Pepin Roy d'Italie fait trefues avec Nicetas. Paul Diacre recueille la Vie des saints, fort aymé de Charlemaigne. V'iriking Sesne est tué. f.265.a

Godefroy Duc de Dannemarch fait pendre Vn Duc des Abodrites. Rend suiets les deux tiers de CH A.  
cesse nation. Destruit Reric abord de toutes marchandises. Fait Vne leuee de terre entre son XIII.  
pays & les limites de France. Ardulf Roy des Nordalbinges d'Angleterre chassé de son  
pays, est remis en son Royaume de l'autorité de l'Empereur & du Pape. Lideric de Flan-  
dres meurt. Laisse Engerran pour successeur: qui changea ses armes pour prendre celles de sa  
mere, qu'auioird huy les Comtes de Flandres portent encores. D'où elles sont venues. Louys  
Roy d'Aquitaine passe en Espagne. Pepin Roy d'Italie gaigne Vne bataille nauale sur les  
Grecs, qui auoient pris Plombin. Prennent Colary principale Ville de Sardaigne. Godefroy  
Roy de Dannemarch demande à parlementer à Traciscon Duc des Abodrites. Court le pays  
des V'iltzes. Mort de Felix Aureol Comte de la frontiere d'Espagne. Sarrazins courent  
Sardaigne & Corse. Concile de France ne veut rien conclurre sur la procession du S. Esprit:  
& attend plus grand' assemblée. Traciscon tué en trahison à Reric. Charlemaigne fait ba-  
stir la ville d'Essefelt, sur la riuere de Sturie. Auber Comte. Lieutenant du Roy Louys,  
assiége Huefca sans effect. f.268.a

Asiette & description de Venise. Pepin prend les petites Villes d'alentour le Lac, & Mala- CH A.  
mauc siege Ducal. Cōtraint se retirer apres la bataille nauale. Siege Ducal transporté à Rialte, XV.  
& l'Euesque à Oliuola: iettant les premiers fondements du Palais de Venise. Rotrud fille de  
Charlemaigne fiancée à l'Empereur de Grece meurt. Godefroy fait Vne armee de deux cens  
Vaisseaux. Leue tribut des Friçons. Charlemaigne mene Vne armee contre Godefroy: qui  
est tué par son fils. Pepin Roy d'Italie mort à Rauenne. Charlemaigne fait paix avec les  
Grecs & Sarrazins d'Espagne. Louys Roy d'Aquitaine chastie les Basques. Va en Espagne.  
Donne ordre à Pampelune. Deux Eclipses de Soleil & deux de Lune en moins de 7. mois.  
Paix faite avec Heming successeur du Roy Godefroy de Dannemarch. f.270.b

La paix avec les Dannois. Armee contre les Hillinons. Charlemaigne resfortifie Huochburg. CH A.  
Vne autre contre les Hugres. La tierce contre les Bretons qui auoient fait Vn Roy. Tour d'Or- XV.  
dre pres de Boulongne. Gand Ville de Flandres. Ambassadeurs de Dannemarch & des Sei-  
gneurs Slaues à Aix. Charles fils aîné de Charlemaigne meurt. Heming Roy de Danne-  
march meurt. Amulon & Rinfroy se donent bataille pour la succession, & y meurent tous  
deux. Heriold & Rinfroy faits Rois. Biorn Roy de Suede enuoye demander à Charlemaigne  
des gens pour prescher le Christianisme en ses pays. Nicefore Empereur tué, Michel luy  
succede. Ambassadeurs Grecs appellent Charlemaigne Patir Vasiléus. Pont de bois sur  
le Rhin bruslé. Louys Roy d'Aquitaine declaré successeur de l'Empire. Partages esgaux  
ont destruit les successeurs de Charlemaigne. f.273.b

Charlemaigne corrige des liures. Fait tenir cinq Cōciles en Vn an. Heming frere du Roy de Dā- CH A.  
nemarch à luy rendu avec la paix. Les Maures retournans de Corse destroussés par les Fran- XVII.  
çois: & le Comte d'Empuries & Ciuita vecche. Michel Empereur vaincu par les Bul-  
gares se rendant Moine, Leon luy succede: qui tua Chran Roy de Bulgarie. Fables de Tur-  
pin suivies par Emil. Charlemaigne meurt. Ceremonies de sa sepulture. Canonisé. f.276.a  
Presages de la mort de Charlemaigne. Ses rencontres plaisantes. Figure de son corps. Habillemens, CH A.  
maniere de Viure. Sçauant. Exercice de son corps & de son esprit. Son Testament. f.277.b. XVIII.

## SOMMAIRES DV HVICTIESME

## L I V R E.

CH. A.  
I.

Empereur Charlemaigne mort, Louys son fils Roy d'Aquitaine vient à Aix, où les Seigneurs François le recognoissent pour Seigneur. Aucuns tuez ou prisonniers, pour le mauvais gouuernement des filles du feu Empereur. Louys accomplit le testamens de son pere : & donne sa part aux pauvres. Abbayes donnees en recompence. Ambassadeur de Constantinople, en France & des François en Constantinople Grimoald Duc de Beneuent, met sa terre en l'obeyssance de l'Empereur. Commissaires enuoyez par les Prouinces, pour les visiter, & amender les fautes des Comtes & Iuges. Benard Roy d'Italie, fait hommage à son oncle. Bataille entre les Rois de Dannemark. Heriold se retire vers l'Empereur, qui rend la liberté & l'heritage ausdits Sesnes transporter. Heriold accompagné des François, cuidant rentrer en son Royaume, est empesché par les enfans de Godefroy. Sardes font rompre à l'Empereur la paix qu'il auoit aux Sarrazins d'Espagne. Pape fait executer à mort des Gentils-hommes Romains. Ambassadeurs François retourner de Constantinople. Tremblement de terre. Vinigise Lieutenant de l'Empereur chastie les Romains. Reglement des limites des Eueschez de Soissons & Noyon. f.281.a

CH. A. Sorabes rebelles domptez. Gascons battus en deux batailles, Seguin leur Duc se retire vers les Sarrazins. Leon Pape mort, Estienne luy succede : qui fait iurer aux Romains la fidelité à l'Empereur : & s'excuse de son Election faite sans auoir appelé l'Empereur. Vient en France. Couronne l'Empereur à Rheims. S'en retourne avec les Romains deliurer. L'Empereur fait composer la regle des Chanoines. Paix oëtryee aux Sarrazins d'Espagne. Bornes de l'Empire. Enfans de Godefroy se plaignent de Heriold : auquel l'Empereur donne secours. f.284.a

CH. A. Estienne mort. Paschal est fait Pape. S'excuse d'auoir accepté le Papat. L'Empereur renonce aux droits qu'il auoit à Rome (ainsi que d'aucuns Auteurs ont mis par escrit.) L'Empereur blezé d'une cheute de Gallerie. Gardes gardiennes. Lothaire fils de Louis declairé compagnon de l'Empire. Pepin Roy d'Aquitaine. Louis Roy de Bauieres. Sclaomir & les Abodrites rebelles, repousser d'Esesfelt. Benard Roy d'Italie rebelle : conspire contre l'Empereur, & l'occasion. Arresté prisonnier. f.286.a

CH. A. Proces fait à Benard & ses complices. Sa mort. Ses enfans & successeurs, Comtes de Vermandois. L'Empereur fait tondre ses freres Moines. Veut que Lothaire porte le nom d'Empereur. Bretons font de Marman leur Roy : & lequel tué, son pais est conquis par l'Empereur : qui donne le Duché à Nomené. Centulle Duc des Basques, rebelle, vaincu en bataille. Ermenegard femme de l'Empereur meurt. Signe Duc de Beneuent s'excuse de la mort de Grimoald. Thimorhiens & Goduscans se rendent à l'Empereur. Liendeuit à tort se plaint de Cadelle. Sclaomir présenté à l'Empereur, est confiné : comme aussi Loup Gascon. Raban publie son liure de la Croix. Ses disciples. Loix publies. L'Empereur espouse Iudith. Mort de Cadolac Duc de Frioul. Liendeuit rebelle, vaincu par Baudric Duc de Frioul, s'enfuyant met en route Borne Duc de Dalmace. Pepin Roy d'Aquitaine, dompte les Basques. Fran-

## DES CHAPITRES.

qui menent Heriold en Dannemarch. Sanille Goth, ayant accusé de trahison Berre Comte de Barcelone, le vainquit en champ de bataille. Berre est confiné. Lieudeuit assaillie par trois armées, Carniolles se rendit à Bauldry. Paix faicte avec les Sarrazins rompuë. Normands rauagent la Flandre. Pillent Bourdeaux. Pestilence à cause des pluies. Claude Euesque de Thurin blasme l'adoration des Images.

f. 288. a

Parlement tenu à Aix, & la guerre conclue contre Lieudeuit. Autre Parlement tenu à Nimeghe, où fut publié le partage des enfans de l'Empereur, & eux enuoyez en leur Royaume. Borne mort, Lada slave luy succede au Duché de Dalmace. Leon Empereur de Grece tué. Michel est mis en sa place. Lothaire espouse Ermengard. Benignité de l'Empereur envers les conspirateurs. Riuieres gelees. Gaizon merueilleux. Terre leuee de soy-mesme. Vinigise Duc se fait Moine. L'Empereur fait penitence de la violence par luy faicte à ses freres. Dom Ramire Roy de Castille, institue l'ordre de S. Iaques. Pais d'Yuemars Breton, couru par les François. Pepin espouse la fille du Comte de Mets. Bastimens nouveaux de l'Empereur à Franc-fort. Corbie Abbaye de Saxe. Naissance de Charles le Chauue. Lothaire couronné Empereur par le Pape. Puisné agreable au peuple des Viltzes, est preferé à l'aîné. Lieudeuit tue son hoste en trahison.

f. 291. a

Seigneurs Romains executez en la maison Papale. L'Empereur enuoyé à Rome pour en informer. Pape se purge par serment. Ceadrague accusé est r'enuoyé en son pays. Heriold demande secours à l'Empereur. Ebon Archeuesque de Rheims, y aprescher en Dannemarch. Dreux frere de l'Empereur, fait Euesque de Mets. Fille est sans manger par deux ans. Foudres. Omorgat Roy des Bulgares enuoyé des Ambassadeurs en France. Paschal mort, Eugene est fait Pape en sa place. L'Empereur & deux de ses enfans courent la Breitaigne. Il y a neuf Eueschez en icelle. Liure de la Hierarchie de saint Denis. Iurisdiction de l'Empereur dans Rome. Adeltart fait Duc de Spolette.

f. 293. a

Eble & Asinaire pris par les Basques, & leur armée deffaicte. Glaçon merueilleux. Anguerrand de Flandres mort. Normands prennent Seuille en Espagne. Yuemars Breton, tué. Heriold Roy des Danois baptisé avec sa femme, est fait Comte de Rinsty. Arzon rebelle aux François. Ceadrague accusé, renuoyé en son pays. Arzon court la frontiere d'Espagne: & avec l'aide des Sarrazins pille le territoire de Barcelonne & Geronde. Dons annuels presenter à l'Empereur. Theodulf Euesque d'Orleans deliuré. Heriold chassé de son pays de Dannemarch. Eugene Pape mort.

f. 295. b

Valentin Pape mort. L'Empereur confirme le Pape esleu. Lieutenants d'armées deposés de leurs dignitez pour couardise, comme aussi Bauldry Duc de Frioul. Aprest contre les Sarrazins d'Espagne. Heriold romps la trefue des Danois, qui est renouïe. Boniface Comte de Corse, fait vne derouste des Sarrazins pres Tunis. Bled cheut du Ciel. Quatre Synodes tenus en France en mesme temps. L'Empereur donne à Charles (son fils & de Iudith) l'Allemagne, Rethie & partie de Bourgongne. Benard Comte de Barcelonne, fait Lieutenant general de l'Empereur: fut cause d'esmouoir les enfans contre le pere. Commencement de la ruïne de la maison de Pepin. Robert fils de Vitikind. Saxon, vient en France, & est source de la maison de Capet.

f. 298. a

Coniurateurs, par la bouche d'Anseaulme Comte de Chalôs suscitent Pepin Roy d'Aquitaine contre son pere: qui amasse vne armée & vient à Orleans, où il chasse Eude Comte, & chassient les parens de Benard. Contraignent l'Empereur Iudith, de persuader à l'Empereur de desceindre son Bauldrier de Cheualerie. L'Empereur mis en prison à S. Medard.

EEE iij

# T A B L E

- de Soissons: Iudith à Sainte Ragonde: ses freres fais Moines. Hardouin moine trouue l'in-  
uention de communiquer avec l'Empereur. Gombault moine pourchasse sa deliurance.  
L'Empereur recouure son auctorité. Coniurez confinez. Iudith ramenee à l'Empereur, se  
purge. Loix Ecclesiastiques publiques. f.300.b
- CH A. L'Empereur donne la vie aux condamméz, pour la sedition & conspiration faite contre luy.  
x. Ambassadeurs Sarrazins demandent la paix. Benard offre de soy purger par champ de ba-  
taille, des cas à luy imposer. Pepin retenu par son pere. Louys Roy de Bauieres est contraint  
venir demander pardon à son pere. France de delà le Rhin. Pepin Roy d'Aquitaine con-  
traint se trouuer à Orleans pres de son pere. Gombault Moine, cause de nouvelle querelle par  
son ambition. L'Empereur ostant allé en armes en Aquitaine, contraint Pepin, & l'en-  
uoye prisonnier à Trêues: d'où il eschappe. Conuie de se trouuer au Parlemens. Faict deffaut.  
L'Empereur donne son Royaume à Charles son fils, le contrainçant sortir d'Aquitaine.  
f.303.a
- C. XI. Les enfans du premier liét de l'Empereur coniurent contre luy. Il va à Vvormes contre eux.  
Gregoire Pape fauorisant les enfans se trouue en leur armee. Vient trouuer l'Empereur. Et  
retournant comme pour le reconcilier avec eux ne reuiens point. L'Empereur abandonné des  
siens. Ses enfans partissent ses Royaumes. Pape retourne en Italie. Iudith y est confinee. Li-  
berté de Frideric Euesque de Trait cause de sa mort. L'Empereur Louys prisonnier à Soissons.  
Charles son fils à Prumie. Assemblée à Compiègne pour deposer l'Empereur Louys. Ebon  
Archeuesque de Rheims principal bouse-feu de la coniuration. f.304.b
- C. XII. Procez verbal de la deposicion de l'Empereur Louys le Debonnaire. La Croix lors portee aux  
enseignes. f.306.b
- C. XIII. Murmure du peuple, pour la deposicion de l'Empereur. Louys Roy de Germanie, sollicite sa de-  
liurance. Dequoy Lothaire aduertit, le transporte à S. Denis. Agobars party san de l'Empe-  
reur Louys, presente la bataille à Lothaire pour deliurer son maistre, qui empesche le com-  
bat. Pepin vient au secours de son pere, comme aussi Guerin, & Benard. Responce de  
Lothaire à ceux qui le pressoient de restablir son pere, par luy laissé à S. Denis. Lothaire se  
retire à Vienne, apres auoir deliuré Charles son frere. L'Empereur Louys reprend sa Cou-  
ronne & ses armes. Iudith deliuree n'est receüe de son mary, qu'apres s'estre iustificie. Eude  
Comte d'Orleans, & autres voulans chasser Manfroy & Lambert, perdent la bataille,  
avec la mort de plusieurs Seigneurs. Lothaire s'aduançe vers Chalons sur Saosne, qu'il prist  
& brusla, chastiant aucuns seruiteurs de son pere: lequel vint au deuant de son fils Lothai-  
re estonné des forces de son pere, luy demande pardon en plaine compagnie. Puis est renuoyé  
en Italie. f.309.a
- C. XIV. Ebon Archeuesque de Rheims, se voulant sauuer en Dannemarch, est arresté. Commissaires  
Imperiaux enuoyez pour rendre les biens aux Ecclesiastiques & chastier les brigands. Re-  
stitution de l'Empereur approuuee au Parlement. Procez fait audit Ebon: qui fut deposé en  
plain Parlement. f.311.b
- C. xv. Cornes chasties, pour n'auoir gardé leurs Prouinces des courses de brigands. Iudith sous main,  
redarce que Lothaire se rapointe à l'Empereur son pere, pour prendre la protection de Char-  
les son fils. Descente de Normands en Frixe. Dorstat, Enuers, Vitan, villes, par eux bruslées.  
Ils sont chassés par l'Empereur. Grand nombre de Seigneurs de la suite de Lothaire morts  
en deux mois. Bretons esleuez, rappaisez. Feste de Toussainct. Pepin faict rendre le bien  
surpé par les Aquitaniens, sur les Ecclesiastiques. Euesques de Lyon & de Vienne trai-



## DES CHAPITRES.

stres. Benard demeure au gouuernement de Gothie ou Languedoc. Normands descendus en V<sup>l</sup>alachre, tuent le Comte, La Ville Leonine de Rome, ou le Bourg de S. Pierre fortifiée. fol. 313. a

La terre trembla pres de V<sup>l</sup>ornies & Paue. Nauires faits par toutes les emboucheures des CHA.  
riuieres de France, pour resister aux Normands. Comette remarquée par l'Empereur scauant XVI.  
en Astrologie. Charles puisné de ses enfans. Charles depuis surnommé le Chauue est parta-  
gé de Neustrie par l'Empereur, qui luy ceignit l'espee. Ceux de Languedoc se plaignent de  
Benard. Sarrazins noyez en mer. Oudacre Comte de Flandres mort. L'Empereur deffend à  
Louys son fils de s'appeller Roy de France de delà le Rhin: dont ce Prince irrité s'appreste à la  
guerre. Comme aussi l'Empereur. f. 315. a

Louys fils se retire en Bauieres. Où estoit l'Allemagne de ce temps-là. Lothaire reconcilié avec CHA.  
son pere. Partage la France avec Charles son frere. Pepin Roy d'Aquitaine meurt. Quels XVII.  
enfans il laissa. Normands en V<sup>l</sup>alachre. Louys de Bauieres marry de ce dernier partage,  
s'efforce de prendre ce que son pere auoit delà le Rhin: mais il est empesché par son pere, qui  
le contrainct luy venir demander pardon. Ebroin Euesque de Poitiers. Enfans de Pepin ne  
sont pourueus du Royaume de leur pere, craignant l'Empereur leur mauuaise nourriture.  
L'Empereur va en Aquitaine, où il fait recognoistre Charles fils de Iudish pour Roy.  
f. 316. b

L'Empereur Louys aduertty que le Roy de Germanie son fils auoit seduict les Sefnes & Fran- CHA.  
çois Orientaux, part d'Aquitaine, & vient passer le Rhin, chassant de Turinge Louys qui XVIII.  
s'enfuit en Bauieres. Et l'Empereur venu à Ingelheim y est malade. Eclypse merueilleuse.  
L'Empereur communie sous les deux especes. Meurt & est enterré à Mers. Ses mœurs &  
complexions. Ses loix. Fut le premier Auteur des petites terres infodées. Figure de son  
corps. Aduertissement aux Princes sur les vices, & deffauts dudit Empereur. f. 318. b

F. I. N.

## PRIVILEGE DV ROY.

**L**OVYS PAR LA GRACE DE DIEU, ROY DE FRANCE ET DE NAVARRE, A nos Améz & feaux les gens tenans nos Cours de Parlement, Preuost de Paris, Baillifs, Seneschaux, ou leurs Lieutenans, & autres nos Iusticiers & Officiers qu'il appartiendra, Salut. Nos chers & bien-amez DAVID LE CLERC & JEAN DE HEVQVEVILLE, nous ont humblement fait remonstrer qu'ils ont recourré toutes les *œuvres & diuers traittez composez par le feu sieur PRESIDENT FAVCHET, tant non encores imprimees qu'autres des-là cy-devant publiees*, lesquelles toutes-fois ils ont fait reuoir, corriger, suppléer & augmenter sur les escrits & memoires de l'Auteur, desirant pareillement luy faire adiouster des Tables & faire le tout publier & imprimer de nouveau tant conioinctement que separement, pour l'utilité & commodité du public. Mais ils doutent qu'apres y auoir fait de grands frais, cela ne leur tournast à perte, & qu'ils ne fussent frustrez du fruit de leurs traualx, s'il ne leur estoit par nous pourueu : nous ayans à ceste fin humblement requis nos lettres en tel cas conuenables : Nous à ces causes auons permis audit le CLERC & HEVQVEVILLE, d'imprimer ou faire imprimer tant conioinctement que separement toutes les *œuvres & traittez dudit sieur FAVCHET, Antiquitez de la France & autres*, soit qu'elles ayent esté des-jà imprimees cy-deuant, & par la diligence desdits LE CLERC & HEVQVEVILLE, reueuës, corrigees, suppléës & augmentees sur les copies & escrits de l'Auteur, ou autrement & encores nouvellement enrichies de Tables & Indices, soit non encores imprimees. Dessendons à tous autres Imprimeurs & Libraires, d'imprimer ou faire imprimer, vendre ne distribuer aucun desdits *œuvres conioinctement ou separement, sans le congé & licence desdits LE CLERC & HEVQVEVILLE*, & durant le temps & espace de six ans, sur peine de mil liures d'amende applicables à leur profit & confiscation de tous lesdits liures. Si vous mandons & enioignons que du present Priuilege vous ayez à faire iouyr plainement & paisiblement lesdits LE CLERC & HEVQVEVILLE, faisant cesser tous troubles & empeschemens, & proceder contre les contreuenans par les peines & amendes cy-dessus, & voulons estre adiugees sans aucune moderation, & par toutes les voyes & rigueurs de iustice ainsi qu'il appartiendra, Car tel est nostre plaisir. Donné à Paris le 26. iour du mois de May, L'an de grace mil six cens dix, & de nostre rogne le premier.

*Par le Roy en son Conseil*

Signé

BERNARD



L'an de  
Jesus  
Christ.  
751.

Le son-  
ce livre a  
esté prin-  
demé de  
de plu-  
sieurs

Annales  
du téps,  
et de  
deux vies  
de Char-  
lemagne.

# PREMIERE PARTIE DV SECOND VOLUME,

## DES ANTIQVITEZ FRANCOISES, Contenant les faits de Pepin et ses successeurs.

### SIXIESME LIVRE, CHAP. I.

*Grandeur de la maison de Pepin. Declaré Roy, & couronné par Boniface Archeuesque de Mayence. Qui en aquisit le droit de premier Electeur de l'Empire. Pepin fut le premier Roy de France sacré. Sa Genealogie. Remon-  
strance dudit Boniface audit Pepin, en le Couronnant. Il n'y avoit que les  
Ecclesiastiques & Nobles qui fussent appellez aux Parlements généraux de  
France. Pape consent l'ellection de Pepin, pour en tirer secours contre les  
Lombards. Ebon Archeuesque de Sens mort. Leon fils de Constantin Empe-  
reur. Mort du Pape Zacharie. Estienne Pape. Pourquoi les Papes sont por-  
tez en chaire.*



**L**A MAISON de Pharamond ou de Méroüer, fust acqui-  
se grande reputation, pour avoir en la Gaule planté le  
Siege Royal des François, attiré au Christianisme ce  
braue peuple; & par trois cens ans & plus, tenu & accreu  
son Estat tant avec la bonne conduite de ses Rois, que la  
vaillance des Maires de leurs Palais. Celle de qui nous al-  
lons parler, sera bien davan tage renommée, estendra plus  
auant ses limites, & se montrera plus Religieuse: mes-  
mes il sera plus aisé d'escrire ses faits d'armes & de paix; pour la quantité des  
auteurs qui ont vescu durant son regne: ou des nouveaux, qui par l'industrie  
de leurs escrits l'ont agrandie: bien souvent plus iustement, que n'a esté ample  
la récompense de leurs merites; mal recogneus par les Princes, trop eschaz  
à l'endroit des conserveurs de leur eternité.

Mais encores que les prochains de l'ellection de Pepin, ayent escrit que la

FFF

*L'an de  
Jesús  
Christ.* de fectardise des Roys derniers fut cause de leur faire perdre la Couronne & la Seigneurie de leursdits ancestres, il n'est pas incroyable, qu'elle fut aussi aidée & renforcée de la desloyauté de plusieurs de leurs sujets : la mene e desquels se trouue estainte ou couverte par la longue Seigneurie des Charliens. Ainsi qu'il est aisé à iuger par les comportements des derniers Maires de leurs Palais, & principalement de Martel, qui mettant la rage a dors des plus courageux Merouingiens, outrageusement poursuiuit Eude, Rainfroy & tous autres, voulans chalenger la dignité de leurs Roys, ou celle mesme, que dés long temps ils tenoient du contentement des Rois legitimes : ne recognoistre cét Austrasien pour seul gouuérneur des Royaumes François. Toutesfois, la vaillance & bonne conduite des trois premiers nouveaux Princes fut telle, que nos peres de ce temps-là n'eurent pas grande occasion de regretter leurs anciens Seigneurs, de trop long-temps anonchalis & perdus en delices. Avec ce que Childeric demeuré seul de la maison Royale, estoit sans enfans, sans esprit, & sans amis : qui en apparence se deussent soucier, ou luy-mesme se douloir de son des-honneur. Et neârmoins, vous auez-veu qu'il fallut encores du temps pour conduire afin vn si lourdc changement : tant grande fut la reuerence que nos peres porterent aux descendus de Clovis : & fort le lien, qui les estraignoit à garder la foy promise à vn Roy, quel qu'il fust.

Ainsi donc, apres que l'assemblée de Soissons eut depósé Childeric de la dignité Royale, Pepin Maire du Palais, fut déclaré Roy le premier iour de 751. May, en l'an sept cens cinquante & vn ou deux (car les Autheurs varient) & conduit en la principale Eglise de ladite ville ; Il fut oingt & sacré par les mains de Boniface Archeuesque de Mayence, Legat du Pape. Lequel (si nous croyôs Auentin) par cet acte, acquist à ses successeurs au Siege de Mayence, le droit de pouuoir le premier donner leurs voix pour eslire le Seigneur de Germanie, que lon appelle Roy des Romains.

Les Annales d'un ancien Autheur incogneu, disent nommément, que le couronnement se fit l'an sept cens cinquante deux. Et Auentin allegue la commission du Pape, en date du quatriesme Novembre, trente-troisiesme de l'Empire de Constantin, & la cinquiesme Indiction : Quatre-vingts ans apres (dict Nangis) que les Maires du Palais eurent empieté le gouuernement de France : Et d'autres en adioustent huit dauantage. Toutesfois l'opinion commune est que Childeric ne regna que neuf ans. Mercator & du Tillet, disent que Pepin fut couronné l'an sept cens cinquante & vn : & cestuy-cy adioute que pour confirmer la translation de la Couronne (qui aysément eust esté ennahie par tyrannique vsurpation) l'autorité de l'Eglise y entreuint : & que les Roys furent sacrez comme au vieil Testament : Ce qui auoit esté negligé par les Merouingiens. Opinion contraire à la commune : & neantmoins véritable à mon aduis. Car jaoit que Clovis premier fut oingt par saint Remy : Il est certain que ce fut à son Baptisme, & que ja il estoit tenu pour Roy des François & Gautois de Belges, vers la Picardie & Flandres. Mesmes Gregoire de Tours ne dit point que nostre premier Roy Chrestien fut couronné : contene (se doit-on croire) du port ja fait de sa personne des-

fus le bouclier : suivant la façon des Anciens François. Mais Pepin desirant ( possible ) de se fortifier entre les Chrestiens , de ce qui est dict au cent quatreiesme P<sup>re</sup>salme. *Né touchez point à mes vingers*, voulut imiter les Roys d'Israël, qui se faisoient oindre pour plus grande dignité , & estre dauantage reuerz du peuple, lequel estimoit Diuine telle Onction, ainsi qu'encores il fait. Comme pour semblable augmentation de dignité , l'auoient fait les derniers Rois de Iudee : voire les Empereurs Romains, desirans estre estimez tres-saincts , prirent l'Estat de grand Pontife, & encores celuy de Tribun du peuple. Car il ne faut douter que Pepin ne cherchast tous les aduantages, pour rendre plus auguste & agreable l'eslection de sa personne : iusques à mettre en auant qu'il estoit yssu des anciens Rois : afin d'oster l'opinion du peuple : qui sans telle persuasion eut pensé la Couronne estre tombee sur la teste d'un estranger, puis que les Autheurs de son temps & de ses enfans, tant qu'ils peurent, l'efforcèrent de le faire croire : & tirer sa Genealogie de Clovis premier Roi Chrestien. Ain<sup>si</sup> que lon voit dans vne vieille Chronique, qui fut de saint Martial de Limoges, dont il semble que Nangis se soit aidé, & laquelle dit :

Que Clovis premier Roy Chrestien, fut pere de Clotaire, pere de Chilperic, pere de Clouis second, qui engendra Dagobert Roy, & Biltide femme d'Aufbert Prince François : ( aucuns adioustant descendu de Clojon, autres disent des Romains ) tres-noble Seigneur. D'eux sortir Arnoul ( auant que d'estre Euesque de Mers ) mary de Begge ou Dode, fille de Pepin Maire du Palais d'Austrasie, desquels vint Ansegisille ou Anchise, pere de Pepin le vieil, pere de Charles Martel : dont vint Pepin esleu Roy, & duquel nous entendons parler. L'arbre de la genealogie de ceste maison mis au deuant de celi liure, comprendra plus au long les membres de ceste famille : par aucuns tirée de plus loia, & en ligne venant droit de Faramond premier Roy des François : tant aucuns ont voulu aduancer l'estoc de Pepin, pour oster l'opinion qu'il fut estrange de la maison Royale. Pepin donc déclaré Roy du consentement des François, ( entendez tousiours par ce mot de François les Nobles : car alors & long temps depuis aucun ne porroit ce nom qu'il ne fust exempt d'impôt ) commanda aux Euesques de le sacrer & Couronner : ainsi que dict vne Chronique.

I'ay autresfois veu vne Harangue, qu'un homme de sçauoir & de qualité, mais mal affectionné à nos Rois, ainsi qu'il a monst<sup>ré</sup> par effet, m'a dit auoir extrait d'un tres-ancien liure, laquelle, encore que ie la tienn<sup>e</sup> pour suspecte, ce neantmoins seble estre digne d'estre recitée : quád ce ne seroit que pour admonester les Rois de leur deuoir : Ioint qu'elle s'accorde à l'Epistre du Pape Zacharie, dōc Auertin nous a laissé vn eschantillon en ses Annales de Bavières. Ceste remon<sup>strance</sup> ou Harangue, est sous la personne de Boniface : lequel presentant la Couronne à Pepin, luy dit. Que les Gaulois du consentement de tous Estats, par ses mains, posoient ceste Couronne sur sa teste pour marque de sa charge & dignité : & le paroient des despoüilles du Roy Childeric, la maison duquel ils ne hayss<sup>oient</sup> pas, ne la memoire de ses ancestres, ains ses mœurs sages, ay<sup>m</sup>ans & portans honneur à la vertu & lustre de sa race : lesquels si une fois ils

L'An de apperceuoir s'esteindre en lui par orgueil, ou se tenir par lascheté, que deuoit  
 Iesus il pèser que feroient ceux qui auroient à le iuger, ayans ja donné vn tant seuer  
 Christ. Arrest contre celuy qui possedoit le Royaume de son chef ! Que Pepin donc  
 apprit à l'exemple & d'angor d'autrui, d'estre & faire le Roy : c'est à dire de  
 mettre tout soing & son entente à procurer le repos & le salut du peuple. Por-  
 tant honneur & reuerence à Dieu, qui l'auoit esleué par dessus le sang Royal :  
 luy (disoit-il) qui en estoit totalement esloigné. Mais ceste remonstrance est  
 suspecte : non tant pour le langage Latin, plus net que le temps ne portoit : que  
 pour ses mots, *Ganlois*, & *rons Estars*. Car il est certain, que les François (princi-  
 palement Austrasiens) estoient si jaloux de leur nom, qu'ils ne passoient  
 que sous le tiltre de François : Tant s'en faut qu'ils eussent enduré d'estre appe-  
 llez Ganlois ; & en ceste qualiré donner à Pepin la Couronne de leur Royaume.  
 Encores me font douter ces mots Latins, *omnium ordinum*. Car lors il ne se par-  
 loit d'Estars, ne d'ordres ; N'y aiant que les Euesques, Abbez, Comtes & Nobles,  
 qui se trouuassent aux Sânes, Plaidz generaux, ou Parlemens, & les Comtes,  
 Commissaires ou Aduouez, pour rapporter les plaintes du commun de leur  
 territoire.

C'est aussi chose remarquable, qu'un si grand chagement n'altera point l'E-  
 stat François : Ainsi qu'avec grande frayeur & ruine de suiets il est aduenü en  
 d'autres Roiaumes, sur pareille occasion : tant se trouua grand le pouuoir de  
 Pepin : tant peu de compte fit le peuple du miserable Childeric. Et pour ce, non  
 sans cause Seiffert liure des loüanges du Roy Loüys douzième, dit : que ce  
 fut chose bien aisee à Pepin, qui en sa puissance auoit le Roy simple ou imbecille  
 par faute d'age ou d'entendement, & pareillement les Thresors, les  
 Forteresses, & toutes les munitions du Royaume, en sa disposition, arguer le  
 Roy de pusillanimité ; Et par les ptomesses & dons qu'il faisoit du reuenü &  
 cheuance Royale, acquerre la faueur du peuple, l'amitié & bien-veillance des  
 Nobles : auxquels desir il commandoit.

Encor est-il à croire (dit le mesme Autheur) que le Pape opprès des Lem-  
 bards, facilement auoit consenty à la volonté de Pepin. Mesmement de la for-  
 te que luy fut proposee la question c'est à sçauoir, qui estoit plus digne de re-  
 gner : ou celuy qui passoit son temps en voluptez & oyfuetez comme vne  
 femme, ou celuy qui par sens & vertu gouuernoit & disposoit sagement &  
 honorablement les affaires du Royaume. Car il n'y a celuy, tant fust-il des-  
 pourueu de sens, non entendant autre chose, qui ne iugast le plus suffisant  
 deuoit estre preferé à celuy qui estoit inutile. Mais si l'on eust proposé au Pape  
 (ainsi qu'il estoit bien requis) s'il estoit loisible à Pepin (qui par auctorité &  
 permission du Roy auoit le gouuernement de tout le Royaume & qui de tou-  
 tes choses se fioit en luy) sous couleur de dire que ce Roy (auquel il estoit  
 astraint par serment de fidelité, par deuoir & par bien-faits) estant imbecil-  
 le & inutile au Royaume, pouoit estre despoüillé & prins. Il n'est pas à  
 croire qu'un bon Pape qui eust eu cognoissance du droit diuin & humain, eust  
 respondu de la sorte qu'il respondit. Car à ceux mesmes, qui sont furieux ou  
 atteints de maladie incurable, soit du corps ou de l'entendement, les droits

veulent qu'on donne des curateurs ou coadjuteurs, non pas des successeurs: *L'an de*  
 Partant qu'il aduient souuent, que d'un pere fol, inutile & mal conditionné, *Iesus,*  
 descendra vn fils sage, hardy & vertueux. Et pour ce, ie croiroy facilement *Christ,*  
 (dit Seissel) que Pepin vfa d'habilité & de cauillation enuers le Pape, lequel  
 combien qu'il fut informé du fait, pour la necessité où il estoit, se laissa faci-  
 lement tromper sus l'ambiguité de la question. Qui sont les morts, & le iuge-  
 ment de ce grand conseiller du Roy Louys douziesme, sur la deposition du  
 Roy Childeric, & aduis du Pape. Aussi Estienne successeur de Zacharie, venant  
 requerre le secours de France, monstra bien qu'il luy falloit vn homme tel que  
 Pepin: pour le deliurer de la crainte & de l'oppression des Lombards.

L'an sept cens cinquante & vn, mourut Jean Archeuesque de Sens. Et le  
 10. Iuin audit an (iour de Pentecoste) fut couronné Empereur Leon 4. fils de  
 Constantin surnommé Copronyme: qui tint l'Empire vingt & neuf ans, trois  
 mois, sept iours: & apres la mort de son pere quatre ans vnze mois vingt &  
 six iours, mais l'an sept cens cinquante & deux, le huictiesme Mars trespassa  
 le Pape Zacharie, & le vingt & vn, Estienne deuxiesme luy succeda: qui mou-  
 rut le vingt-neuf du mesme mois, auquel fut esleu Pape Estienne troisieme:  
 qui tint la Chaire cinq ans vingt & trois iours: Toutesfois appelé second du  
 nom, pour le peu de temps que son predécesseur tint le Papat. Aucuns ont  
 remarqué, d'autant que ce Pape (de foible complexion) apres son election,  
 fut porté sur les espaules du peuple en l'Eglise saint Jean de Latran, qu'il  
 donna occasion à ceux qui luy succederent, d'estre aussi portez sur les espaules  
 de leurs Cameriers: mais ie croiroy plustost, qu'ils eussent retenu ceste cou-  
 stume des anciens Senateurs, jadis aussi portez à Rome en des Litieres &  
 chaires couuertes, soustenuës par six & aucunesfois huit hommes de pareille  
 grandeur.

La Chronique d'un Moine de Loreshheim imprimee dès l'an mil cinq cens  
 vingt quatre, comme aussi celle que autresfois i'ay pensé estre de Theodulf,  
 ne mettent rien sous les anneés cinquante & vn & cinquante deux: i'acoit  
 que Reginon emplisse ses blancs de ce qui est cotté par d'autres sous l'an cin-  
 quante & trois, mais i'ayme mieux suiure celle de saint Cibar d'Angoules-  
 me, & celle d'un auteur Allemand incogneu, car qui les verra il trouuera,  
 que Reginon les a coppiees, & que ce sont celles qu'il dit estre escrites en La-  
 tin rustic, c'est à dire grossier. Toutesfois autre que la langue vulgaire de ce  
 temps-là.

CHAP. II.

*Sesnes cōtraints par Pepin de payer tous les ans trois cens cheuaux de tribut aux François. Griffon frere de Pepin tué. La femme de Gaifier belle. Astolf Roy des Lombards prend Rauenne, & Pantapole. Fin de l'Exarquat. Estienne Pape enuoye demander secours en France. Charles fils de Papin enuoyé au deuant de luy. Ville portee entiere à six milloing de sa premiere assiette sans dommage des habitans. Mulet parle.*



'AN sept cens cinquante & trois , Pepin fut en Saxe avec grande armee : & combien que les Sesnes opiniastrément luy resistassent , li entra-il iusques en vn lieu nommé Rimy assis sur la riuere de Vefere. En ce voiage fut tué Hildegare Archeuesque de Cologne, en vn chasteau ou mótaigne nommé Vïberg, ou Nitberg. Grants tres-curieux Autheur Allemãd adioust, que Pepin cōtraignit les Sesnes de lui payer trois cēs cheuaux pour tribut: que tous les ans ils estoient tenus de presenter le iour d'un Parlement. Saxe appaisée comme il sembloit , & pepin retourné en France, fut aduertý que Griffon son frere auoit esté meurdry en trahison , par vn nommé Germain qui le suiuoit, mais la Chronique de S. Martin dict , par son Germain : sans adiouster frere : & autres *A comitibus fratris*. Et encores , que voulant se retirer en Italie, en passant la vallee de Maurienne il fut tué par Theodin Gentil-homme Sanoয়ার, le mesme Autheur de la remonstrance de Boniface à Pepin , dict : que Griffon amoureux de la femme de Gaifier , la plus belle Dame de son temps, fut tué en Guyenne par ialousie : qui sont de grandes diuersitez , & sont soupçonner quelque parricide : mais en quelque façon que soit aduenüe sa mort, ce fut le bien & le repos de la France, de n'auoir qu'un maistre; & faut croire que la paix de France rendit Pepin plus hardy à l'encontre de ceux qu'il redoutoit , & encores prompt à recognoistre le plaisir que tout nouuellement les Romains luy auoient fait : comme l'occasion sen presenta la mesme annee, qu'Estienne Pape deux ou troisieme du nom , s'achemina en France sous tel sujet.

A Rachis Roy des Lombards , rendu Moine de sa volonte , succeda Astulf son frere , vaillant Seigneur , lequel s'estant du commencement de son regne monstré doux & paisible à ses voisins , apres qu'il se veit asséuré , eut desir d'estendre sa seigneurie par toute l'Italie : sentant l'Empereur Constantin empesché de guerre , & que la peste ( qui trauailloit la Grece ) luy faciliteroit la conqueste del'Exarquat de Rauenne, auant que le Grec eut moyen d'y enuoyer secours , pour lors l'Italie estoit en mauuais estat : car pendant que l'Empereur resiste aux Bulgres : ( qui sont les Bulgares ) & qu'il est hay à cause de la guerre



par luy faicte aux Images & reliques des Saints ( les prieres desquels il disoit estre inutiles aux viuans ) la plus part des villes d'Italie s'estoient pourueues de Magistrats & Ducs : & mesmes sollicitoient le Pape ( dict Emil ) de faire vn Empereur Italien. A quoy Gregoire second ou tiers, n'auoit voulu entendre: afin de n'irriter les Grecs : sçachant aussi que plusieurs de la Cour Imperiale n'estoient de la creance del'Empereur: Ains seulement defendit de luy payer tribut. Iasoit qu'Eutriche Exarque de Rauene fit son deuoir de resister à la puissance des Lombards : mais pource que ses forces tous les iours diminuoient, & celles de ses ennemis augmentoient, en fin il se resolut d'abandonner Rauenne, de laquelle tout aussi-tost Astulf se saisit. Ceste ville prise, qui lors estoit capitale de la Seigneurie des Grecs en Italie, tout le pays nommé Pantapote, pource qu'il contenoit cinq principales citez ( c'est à sçauoir, Sefeme, Ceruie, Faen-  
ce, Comacle, Forly ) ( lon adiouste Chiaffy, qui estoit comme le port de Ra-  
uenne ) & Rauenne mesme se rendit aux Lombards sans difficulté. Tellement  
que lors finit la seigneurie des Exarques, qui auoient gouuerné ce quartier  
d'Italie, l'espace de deux cens ans ou enuiron: assez rudement ou superbe-  
ment.

Ia tout le pays voisin de Rome obeissoit aux Lombards fors ce qui estoit des appartenances de la ville & Domaine du Pape; avec grande esperance d'en estre quelque iour maistres. Toutesfois pource qu'Astolf auoit paix avec l'Euesque Romain, il vouloit qu'on pensast que la guerre qu'il desiroit luy mouuoir, ne fut pas volôtaire, ains par necessité & cōtinuation de la poursuite de ses droits, disant: puis qu'il estoit Seigneur de Rauenne, il denoit aussi cōmander à Rome, ainsi que les Exarques: car quelle seigneurie auoient les Papes en ceste ville deuant l'Exarquat. Et pource quatre mois après vn traicté accordé avec les Romains, il vient à Narny, qu'il print: & mande à ceux de Rome, que s'ils ne luy payoient vne piece d'or pour teste, il mettroit tout le voisinage à feu & à sang. Le Pape Estienne bien estonné enuoye les Abbez de S. Vincet & de S. Benoist, hommes de bonne vie, prier le Roy de garder l'accord nagueres fait avec luy: le Lombard en tint aussi peu de compte que de Iean Silenciaire ( ie croy Audian-  
tier ) que l'Empereur ( aduertty de ses entreprises ) luy enuoya, à la requeste du Pape, pour l'admonester de laisser en paix les villes appartenantes à l'Eglise: le Roy ne respondit autre chose, sinon qu'il enuoyeroit des gens à Constantino-  
ple satisfaire l'Empereur. Toutesfois, au Prin-temps suiuant, il assemble ses  
forces, & entra sur le païs de Rome, prenant les villes & Chasteaux de la cam-  
pagne. Quoy voyant Estienne, & qu'il y auoit peu d'attente au secours des Grecs  
fort de paroles, apres auoir prié Dieu & fait de bien humbles processions pour  
impetrer son aide, il s'auisa d'auoir recours au Roy de Frâce: ainsi qu'en pareil-  
le necessité, Gregoire auoit requis Martel: mais afin que le messager ne peust  
estre retenu en chemin par les Lombards, il le fit desguiser en pelerin. La sub-  
stance des lettres Papales estoit, puis qu'Astulf Roy des Lombards ne vouloit  
garder l'accord fait entre luy & le Pape, ne rendre l'Exarquat de Rauenne, &  
les autres places vsurpees sur les Romains, quelques prieres & offres qu'on luy  
fist, qu'il pleust à Pepin ( comme Roy tres-Christien ) de le venir secourir, &

L'an de à ce que plus librement ils peussent conferer de ce fait, & autres appartenans à  
 Jesus l'estat Ecclesiastique, qu'il pleust au Roy François enuoyer ses Ambassadeurs  
 Christ. à Rome, sans faire semblant que ce fust à sa requeste, afin que plus seurement il  
 "peust venir iusques aux Alpes, & de là passer en Gaule.

" Pepin tres ioyeux d'auoir occasion de monstrier la franchise de son courage,  
 & son affection enuers l'Eglise, à laquelle il se tenoit obligé par la courtoisie de  
 Zacharie, tout incontinent despescha Rotgaud Archeuesque, & Anthar Duc,  
 pour accompagner le Pape : qui en attendant la responce des siens, mettoit or-  
 dre à son équipage.

Durant cecy les Lombards pressoient grandement la ville de Rome : mais  
 Iean Silentiaire retourné de Constantinople, remonstroit au Pape, que l'Em-  
 pereur luy mandoit, qu'il essayast par tous moyens d'estouffer ceste guerre : &  
 aller voir le Roy de Lombardie, qui de rien ne l'escondiroit : quand sur ce  
 poinct, arriuerent les Ambassadeurs François. Lors Estienne asseuré par leur  
 presence, sortit de Rome le vingt quatriesme Nouembre, Indiction septies-  
 me (il peut bien auoir faure en ce datte, car ladite Indiction vient sous l'an cin-  
 quante quatre) & en leurs compagnie prist le chemin de Paue. Les Au-  
 theurs du temps disent, que sur les confins de Lombardie, il apparut au Pape,  
 vn Globe de feu qui sembloit venir en France, & tiroit au Midy : comme vn  
 prognostic de la tempeste & orage guerriere, depuis tombee sus le Royaume  
 de Lombardie.

Astulf aduertty de la venuë du Pape, enuoya l'admonester qu'il n'eust à luy  
 demander l'Exarquât de Rauenne, n'autre place que tinrent les Lombars : ce  
 qui ne l'empescha de passer outre, & de tirer iusques à Paue, là où venu il fit  
 de grâds presents au Roy, que bié hûblement il pria, de vouloir quitter les Vil-  
 les par luy vsurpees, & les rēdre aux vrais Seigneurs : luy reprochāt en paroles  
 couuertes, le peu de foy qu'il luy gardoit. Les Ambassadeurs de Constantin fi-  
 rent pareille requeste, mais ils en furēt rotalemēt esconduits. Lors ceux de Pe-  
 pin prièrent le Roy de Lombardie, de vouloir laisser venir Estienne en France.  
 Astolf qui iamais n'eust deuiné telle requeste, tout esmeu se retournant vers le  
 Pape, luy demanda s'il vouloit y aller : & lequel respondit, ouy. Dont le Roy  
 faché, & preuoyant le danger que luy pouuoit apporter ce voyage de deça les  
 mōts, essaya de l'en diuertir ; & ne voulant rēdre la cause pire, s'il le retenoit de  
 force, employa les principaux de sa Cour à le prier pour cet effect : luy faisant  
 offrir de rēdre toutes les autres places, fors l'Exarquât, mais tout cela ne peust  
 desmouuoir Estienne ; qui sçauoit bien que ces offres n'estoient faites que par  
 crainte des armes Françoises, qu'Astolf vouloit destourner pour vn temps : at-  
 tendant l'occasion & le moyen d'assouuir son ambition.

Ce fut pourquoy le 15. Decēbre le Pape s'achemina vers les Alpes : lesquelles  
 passees il vint à S. Mauris de Vallez en Sauoye, où le Roy Pepin auoit promis  
 foy trouuer, ce qu'il ne peut faire, à cause des empeschements qui luy suruin-  
 drent, où qu'il eut desir dol'attirer plus auant en France : toutesfois le Pape  
 "rencontra l'Abbé Fourre, & le Duc Rotgaud enuoyez au deuant de luy, pour  
 "le prier de venir iusques à Pontigoh (vn Palais voisin de Langres), où le Roy  
 l'attendoit ;

l'attendoit ; Estienne qui en cela & toutes autres choses estoit resolu de gratifier Pepin, passa outre : & en son chemin à cinquante lieuës de Pontigon fut recueilli par Charles (depuis surnommé le grand pour ses conquestes & braues faicts) avec force Noblesse, que le Roy son pere enuoyoit au deuant.

Or Astolf n'eut laissé aller le Pape si aisement, sans l'esperance qu'il auoit d'apaiser Pepin, par le moyen de son frere Carloman Roy moyne, lequel sous couleur de venir demander le corps de saint Benoist, iadis enleué du Montcassin, & porté en l'Abbaye de Fleuri sur Loire ( qui par excellence en a pris le nom de saint Benoist, ) il fit sortir de son Cloistre, par commandement de l'Abbé, & venir en France aduertir Pepin, qu'Astolf menaçoit de mettre le feu par la campagne de Rome ( voisine de ladite Abbaye de Cassin ) s'il ne s'efforçoit d'empêcher la descente des François en Lombardie.

Je vouloi passer vn merueilleux croulement aduenu ceste année, n'eust esté que d'aucuns prennent plaisir à ouyr conter de grands miracles : lesquels oubliiez il semble qu'on soit aussi negligent d'escrire autre chose de consequence: ce qui sera cause que j'en mettray aucuns, dont ie ne veux faire iugement, seulement pource qu'ils sont ramenteuz par des anciens Autheurs, non du tout ineptes ou ignorans : passant par dessus quelques autres euidentement superstitieux ou fabuleux ; Sigisbert donc raconte que ce croulement de terre fut si grand, que plusieurs Citez perirent en tout ou en partie: & aucunes qui estoient es montagnes deualerent en vne campagne, esloignées de six mil de leur premiere assiette : sans dommage des maisons, murailles, ne personnes desdites villes, qui est vne estrange merueille, & bien autre que le transport du verger de Marcel procurateur de Neron, ramentu par Pline, au deuxiesme liure & quatre-vingts troisieme chap. de son histoire naturelle. Plus qu'en Mesopotamie (aujourd'huy Diarbéché) la terre s'ouurist enuiron vne lieuë de long, & s'aparut vne terre blanche & sablonneuse au lieu de la premiere, qui s'esleua du fond en la superficie : avec vn animal d'espece de mulle ou Mullet, sans aucune tache, qui prononça de voix humaine, que les Arabes seroient assaillis par vn peuple venant du desert. Pour le regard de la cause de ces tremblemens ( que nos anciens par vn mot tout Grec appelloient croules ) l'opinion des Philosophes est, que les vents resserrez es veines & cautez de la terre, essayans d'en sortir, causent des tintamarres estouffez, qui la font trembler, par la mesme raison que les tonnerres qui se font en l'air : pource que l'un & l'autre sont causez du vent enclos, qui cherche à sortir ; car l'ouuerture qui se fait au Ciel, n'est autre chose que la bresche de la nuë fendue par le foudre, & pressée du vent qui veut sortir & se mettre en liberté, comme aussi l'ouuerture de la terre aduenant par le croule, engloutist ce qui estoit dessus.

GGG

*Pepin reçoit le Pape, qui demeure malade à S. Denis, & est guaripar miracle. Fait bastir à Rome l'Eglise de S. Denis distel'escolle des Grecs. Couronne Pepin, sa femme, & enfans. Excommunie les François s'ils recognoissent autres Rois que de sa maison. Le presse d'aller contre les Lombards : Est contredit par le Moyne Carloman. Ambassadeurs François en Lombardie. Astolf ne veut rendre Rauenne. Pape s'oustient que l'Exarquat appartenoit à l'Eglise, puis que l'Empereur heretique auoit abatu les images.*

754.



EPENDANT que le Pape s'aduanee, le Roy aduertide sa venuë, alla vne lieuë au deuant de luy, accompagné de sa femme & enfans : & l'an sept cens cinquante quatre, le iour des Rois (qui est le sixiesme Ianuier) il le receut bien honnorablement, & le conduir en son Palais de Pontigon: à grand ioye du peuple François, accourans de toutes parts voir vn Pape de Rome, lors possible autant estimé pour estre Eueque de la ville capitale de l'Empire, & la bonne vie & doctrine de ses predecesseurs, que pour superiorité ou commandement qu'ils entreprinsissent par dessus les Prelats des autres Prouinces. Iaçoit que des ce temps-là, ils la pretendoient & en vlassent si dextremët, que cét ans apres Nicolas premier la maintint, ainsi que nous dirons, & aussi comme l'eut osé aucun contredire, estant le Pape fauorisé de Pepin, & de Charlemagne, auancez par tant de bien-faits, soit de la Couronne de France, ou de l'Empire qu'ils tenoient des papes?

La feste de la reception passée, au premier loisir que le pape eut de parler d'affaires à pepin, il luy fit sa plainte des tors qu'Astolf luy tenoit, le priant de vouloir l'aider pour en tirer la raison, puis que l'Empereur heretique faisoit peu de „ conte de l'Eglise & d'Italie mesme : Que luy & les Romains, auoient mis tou- „ te leur esperance sur les François par la vaillance desquels & conduicte d'vn si „ sage Roy, Astolf pouuoit estre rembarré: puis qu'à la simple sommation de feu „ Martel son pere, Gregoire pape auoit arresté la violence de Liutprend Roy Lō- „ bard, qui aussi vouloit entreprendre sur l'Eglise Romaine. Qu'il estoit bië rai- „ sonnable ayant receu tant de faueur du pape Zacharie, que de conseiller son a- „ uenement à vn si grand Royaume, que celuy des François, maintenant en ren- „ dre le gré au siege Romain: prendre à iamais la protection de la cause de saint „ pierre, & par armes contraindre les Lombards de rendre les places occupees sur „ l'Eglise Romaine, & quitter l'Exarquat. pepin sans l'ennuyer de plus long de- „ lay promit sur l'heure de le prendre en sa sauuegarde. Mais pource qu'ils e- „ stoient encore en hyuer, il le pria d'attédre qu'il eut enuoyé ses Ambassadeurs „ vers Astolf : l'admonester d'entendre à la raison, & luy donner à cognoistre „ le desplaisir que les François auoient du traitemēt qu'on luy faisoit & à

son Eglise. Que cependant, & en attendant la responce du Roy de Lombardie, il se retirast à Sainct Denis pres Paris. Car l'Esté prochain, il mettroit son armee aux champs pour contraindre les Lombards de rendre l'Exarquât, avec tout ce qu'ils auoient vsurpé, le priant de le vouloir couronner avec sa femme, & enfans: afin que les François l'eussent en plus grande reuerence. Estienne bien fort le remercia, de sa promesse, & l'assurant d'accomplir sa volonté, tous deux s'acheminèrent vers Sainct Denis: où le pape tomba malade par assez longue espace. Les Chroniques de ceste Abbaye disent, que Zacharie croyant auoir esté guarý par miracle, y laissa tesmoignage du secours qu'il pensoit auoir receu par l'intercession des saincts Martyrs honnorez en ce lieu. Et encores non content de cela, qu'apres son retour à Rome il commença vne Eglise au nom de sainct Denis, que Paul son successeur acheua & y mit des Grecs, l'appellant les martyrs de l'Escole des Grecs.

Enuiron le commencement d'Aoust que le Pape (guary) vouloit dedier vn autel en l'Eglise de sainct Denis pour memoire de la santé par luy recouree, ainsi qu'il estoit vestu pour officier, Pepin accompagné de Berthe sa femme, de Carloman & Charles ses enfans, se presenta à fin d'estre couronné. Ce que le pape ne refusa, ains luy mit la couronne sur la teste, deuant l'autel de sainct pierre & Sainct paul, avec la ioye, & non moindre merueille de chacun, d'autant qu'il ne se trouua opposant. Qui fut la cause, pourquoy les auteurs disent, qu'Estienne deliura pepin de la foy deuë à Childeric: adiuuant les Seigneurs François la presens, d'estre fidelles au nouveau Roy & ses enfans. Et pour l'aduenir n'essire d'autres Rois que de sa maison, sur peine d'excommuniement. Ainsi le droict, que pepin auoit au Royaume, sembla confirmé par ceste onction papale; pour à iamais demeurer vny en sa maison, afin que les François n'eussent moins en admiration l'inuincible puissance de pepin, qu'en sainte reuerence sa promotion beniste avec la detestation de ceux qui attenteroient à l'encontre. Ce fait, le pape le declare aduoué, c'est à dire aduocat & protecteur des Romains. Ce couronnement semble à plusieurs auoir donné couleur au tiltre que les papes derniers quident auoir pour changer & deposer les Rois, & dit Othon de Frisinghen, que c'est leur plus apparente raison, iacqoit que nostre Seigneur Iesus Christ, estant en ce monde, refusa de faire acte de iuge. I'adiousterai que celuy qui a escrit la vie de Louys le debonnaire, dit, que ledict couronnement fut fait en l'Eglise de sainte Marie & sainct pierre de Bethleem autrement de Ferrieres (qui est vne Abbaye de Gastinois) en la court de laquelle, le mesme pepin auoit autrefois rué vn Lyon: & il y a grande apparence (si ce fut là) qu'il voulut que ce lieu (remarquable pour son courage asseuré) fut aussi honoré de son couronnement.

Les solemnitez passées, le Pape & le Roy vindrent à Crecy, tenir vn Parlement: pour auoir l'aduis des Seigneurs François sur le voyage de Lombardie, don le Pape les pressoit. Là semblablement comparut le Royal Moyné Carloman frere du Roy, pour empescher ce voyage; (ce dit vn Croniqueur de S. Aubin d'Angers) & qui n'auoir peu esconduire Rachis son frere d'ordre, duquel

*L'an* de il estoit prié, de vouloir destourner Pepin de ceste entreprise : Mais (comme  
*Iesus* i'ay dit) il cououroit sa venue sous couleur de retirer le corps de Saint Benoist :  
*Christ.* & à ceste fin apportoit vne Bulle du Pape Zacharie, adressée à Remy aussi frere  
 du Roy repin, fait Archeuesque de Rouën au lieu de Remfroy chassé. En  
 ce parlement fut disputé si l'on deuoit passer les monts, & pource que Carlo-  
 man auoit encore de l'autorité près d'aucuns Seigneurs, & que pepin  
 honnestement ne pouuoit mespriser les remonstrances & prieres de son  
 frere.

» paul Emil dit, que le pape Estienne s'efforça bien fort au contraire. Re-  
 » montrant que l'auarice & conuoitise des Lombards estoit sans fin : & qu'ils  
 » n'obseruoient aucun traitté. Que souuentefois ils auoient menti leur foy,  
 » ayant n'agueres avec Gregoire & Zacharie fait paix, laquelle n'auoit duré si  
 » non autant que les autres affaires d'Astolf l'auoient permis; qu'ils s'estoient  
 » saisis de la Flaminie (c'est ce que l'on appelle auourd'huy Romandiolle) &  
 » d'aucunes places du Duché de Rome : & auoient osé imposer tribut sur la  
 » ville & chacun chef d'hostel d'icelle, que les citoyens de Saint pierre & Saint  
 » paul (il entendoit les Romains) s'en alloient estre esclaves des Lombards, si  
 » là deuotion des François, & la debonnaireté de repin, diuinement appelé  
 » à la Couronne François, ne les secouroit : & les François ne rendoient la  
 » pareille aux Saints, desquels en paix & en guerre, ils auoient tousiours  
 » senty vn vray & present secours. Qu'ils ne souffrissent les Romains  
 » deschoir de leurs saintes franchises, pour tomber en la seruitude d'un peu-  
 » ple, qui depuis deux cens ans qu'il habitoit l'Italie, n'auoit entrepris au-  
 » cune guerre pour le bien & liberté de ce pays, lequel las des maux recens  
 » des Lombards, estoit contrainct charger les François de ceste couruée :  
 » & les prier bien humblement puis qu'ils estoient coustumiers de comba-  
 » tre les ennemis de Iesus Christ, prendre les armes pour ses Apostres, en  
 » vne guerre plus sainte, que difficile d'en obtenir la victoire. Carloman  
 » quand le pape eust dit, luy ayant & à son frere demandé congé de parler,  
 » remonstra, (ce dit le mesme Emil) qu'il auoit mieux aymé estre porteur des  
 » remonstrances des Lombards, qu'un autre, qui possible eut plus aigrement  
 » parlé; Qu'à la verité, quand les Rois de Lombardie vindrent en Italie, ils n'e-  
 » stoient pas Chrestiens : & toutesfois, tels que ceux de France (ia renommez  
 » pour leurs armes & bonne creance Catholique) n'auoient refusé leur allian-  
 » ce, que plusieurs nations entrees en Italie l'auoient gastée & deschirée : Mais  
 » les Lombards appelez contre l'impieté des Ostrogors, auoient seuls esté cau-  
 » se de mettre fin à la guerre de ce pays : & quand les Romains & Nobles des  
 » villes d'Italie, ne sceurent plus endurer la tyrannique auarice de Narses,  
 » ayans derechef esté appelez en ceste terre vacante, ils y estoient retournez  
 » avec leurs femmes & enfans : pour l'habiter ainsi qu'autres nations auoient  
 » fait : n'estans les hommes attachez comme les plantes & arbres, pour  
 » tousiours demeurer en mesme endroict. Que la bonne fortune & vaillan-  
 » ce, donnoit à chacun vne patrie & terre pour habitation : & qu'à ceste  
 » cause ceux-là estoient estimez naturels d'un pays, quand leur origine estoit

ignoree; que les Lōbards dès leur venuë, n'auoyent cedé aux Italiens en amour  
 & charité enuers le païs commun: & mieux aimé y faire peur de leurs armes,  
 que de le ruiner, comme ceux qui estoient venuz deuant eux: de maniere que  
 les villes se voioient encores plaines d'anciëne Noblesse. Qu'en fin arrestez ils  
 auoient embrassé la Religion Chrestienne, & bien gardé les traictez faicts  
 avec leurs voisins, aussi estoit-ce prendre le faict trop haut, d'aleguer que Di-  
 sier ne gardoit ceux faicts avec Gregoire, & Zacharie, & si la saincteté du Pape  
 soustenoit qu'ayant demandé la paix au Roi, il la luy auoit refusee, il sembloit  
 en cela que le Lombard auoit fait en homme ouuert. Car s'il ne tenoit conte  
 de traictez, il luy eut accordé de bouche tout ce qu'il eut voulu, & puis s'en fut  
 moqué, qu'il n'y auoit pas long temps qu'il estoit Roi, aussi bien qu'Estienne  
 nouveau Pape, & pource qu'il n'auoit voulu commencer son regne par vn par-  
 iure: & refusant la paix à vn nouveau Pape, il monstroit vouloir retenir les  
 anciens traitez: mais aussi n'y auoit-il point de raison, de luy vouloir faire ren-  
 dre compte: de la fidelité ou perfidie des Rois ses predecesseurs: toutesfois, en-  
 core estoit-il prest de respondre pour eux: & s'il tenoit chose qui de droict  
 apartint à Estienne, ou aux Romains, il estoit prest de la rendre. Qu'il auoit  
 occupé Rauenne, ville plustost de leur party, que de leur obeïssance: Car les  
 Grecs disoient qu'elle leur appartenoit. Que si Astolf appellé Lombard, mais  
 de cœur & naissance Italien, en estoit le maistre, elle seroit plus leur, que si  
 l'Empereur Constantin la tenoit. Quant aux villes du Duché de Rome, &  
 tribut imposé sur ladite ville, il ne sçauoit ce qui en estoit: mais pendant que  
 l'on en disputoit, le Roi Lombard ne vouloit vser de son droict. Que Gregoire  
 l'ayant deffendu payer à Constantin, pource qu'il estoit heretique, il estoit  
 donc deu à vn Empereur, s'il estoit Catholique. Qu'Astolf tenoit Rauenne  
 siege de l'Exarquât, qui commandoit par tout, & imposoit le tribut aux au-  
 tres villes: Il ne pouuoit donc estre blasmé, si luy Catholique Roi des Lom-  
 bards, tenoit pour soy, ce qu'un heretique pouuoit faire de droict, & neant-  
 moins, il estoit prest de le quitter aux Apostres. Quant à Rauenne & ses apar-  
 tenances d'environ, il ne voioit occasion pourquoy il en deust sortir, si quant  
 & quant on ne chassoit d'Italie les Lombards: qui seroit leur faire honte, & par  
 mesme moyen blâmer plusieurs autres nations, & Rois, qui n'auoient pas  
 plus de droit en la terre qu'ils tenoient, ayant esté par eux nouuellement con-  
 quise sus les Romains. Quant aux villes du Duché de Rome, il se pourroit  
 dresser vn formulaire de la maniere de s'y gouuerner cy apres: ainsi qu'aduise-  
 roit sa Saincteté, & le Roy nouuellement sacré; duquel Astolf se contenteroit.  
 Que si quelqu'un disoit, qu'Astolf auoit refusé la paix au Pape: il respondroit,  
 que si Liutprand, à la requeste d'un Maire du Palais de France, auoit retiré son  
 armee de deuant Rome presté à se rendre, qu'Astolf ne contrediroit non plus  
 à la volonté du Roi François, s'il le requeroit de quelque chose. Quant au re-  
 ste des remonstrances de la saincteté, elles ne seruirent de rien ou de bien peu,  
 au principal du present differend. Tant estoit que depuis que l'Italie auoit eu  
 pour Rois ceux de Lombardie, elle n'auoit plus esté exposée à la proie des  
 estrangers, encores qu'elle fut ouuerte à tous ses voisins par son facile accez.

*L'an de* Que les Lombards vaincus auoient volontiers obey, & victorieux, doucement  
*Iesus* vſé de leur bonne fortune, ce que ſa Sainteté pouuoit maintenāt experimen-  
*Christ.* ter: & elle cognoiſtroit Aſtoſ, pour ſon fils tres-benin à l'endroit de l'Egliſe,  
 „ & affectionné à la Couronne de France, autant que Liutprand, qui en la com-  
 „ pagnie des François combatit les Sarraſins & Viſſigots. L'autorité de Car-  
 „ loman fut ſi grande, que le Parlement arreſta d'enuoyer des Ambaſſadeurs vers  
 „ Aſtoſ, ſçauoir ſi le differend ſe pouuoit appaiſer par l'amiable, avec ce que la  
 „ ſaiſon de l'année eſtant fort aduancée (pource que l'Autonne tiroit ſur la fin)  
 „ il n'y auoit point d'apparence de paſſer les monts, quand les pluyes, & neiges  
 „ commenceroient à les courir.

Les Ambaſſadeurs arriuez à Paue, & bien honnorablement receuz; trou-  
 uerent Aſtoſ auſſi courtois. Car apres auoir entendu leurs charges, il respon-  
 „ dit: qu'il eſtoit tres-obeiſſant fils de la ſaincteté du Pape, & preſt à combattre  
 „ pour ſon autorité, ſi aucun le vouloit quereller. Mais quel royaume ou ſei-  
 „ gneurie auoient les Romains, qui n'agueres obeïſſoient à l'Empereur? Toutes-  
 „ fois, pour l'amour des François il retireroit ſes garniſons du Duché de Rome.  
 „ Quant à l'Exarquat, eſloigné de ceſte ville, & conquis ſur l'Empereur hereti-  
 „ que, il eſtoit ſien par droit de guerre, & ne rédant point Rauenne, Rome pour  
 „ cela ne lairroit pas d'eſtre en ſon entiere liberté. Ceſte reſponce raportée en  
 „ France, l'on cogneut bien que le Roi Lombard gardant Rauenne (de laquelle  
 „ toute l'Italie ſouloit deſpendre) n'auoit delibéré de quitter l'eſperance de  
 „ quelque iour auoir le reſte, & le Pape ſouſtenoit, que non ſeulement il conue-  
 „ noit faire la guerre aux Lombards pour r'auoir ce qu'ils vſurpoient, mais  
 „ qu'apres la conquête, l'Exarquat deuoit eſtre donné à l'Egliſe Romaine, plu-  
 „ toſt que le rendre à l'Empereur: Puis qu'ouuertement il ſe monſtroit ennemy  
 „ de l'Egliſe.

A la verité, le neuſieſme du mois de Februrier audit an, Conſtantin Empe-  
 reur auoit fait aſſembler en la ville de Nice de Bythinie, trois cens trente Eueſ-  
 ques, pour oſter les images des temples, & chaffer Germain Patriarche de  
 Conſtantinople qui ſouſtenoit le party des Romains. Sigon Autheur Italien,  
 qui bien doctement a eſcript les faiſts des Rois d'Italie, dit que Pepin ſur la  
 reſolution que les François prirent de guerroyer les Lombards, iura en plaine  
 aſſemblée de donner l'Exarquat & Pantapole au ſiege Romain, pour à touſ-  
 iours le poſſeder, mais il eſt ſeul, & n'allegue ſon autheur: & au contraire, il  
 ſemble que Pepin Roi d'Italie, qui fut fils de Charlemagne, la poſſeda, puis  
 qu'il y fit l'appareil de l'armée avec laquelle il aſſiegea Veniſe. Et que l'Arche-  
 ueſque de Rauenne, depuis maintint qu'il eſtoit Seigneur de ſa ville. Tant y a  
 que ſur la conſclusion de ceſte guerre, Pepin employa ce qui reſtoit de l'an à fai-  
 re ſes preparatifs; & neantmoins, comme les ſages Princes doiuent fuyr les  
 querelles mal ſondees, il enuoia pour la ſeconde fois, des gens vers Aſtoſ, luy  
 perſuader la redition des villes demandees par le Pape: luy offrant de grands  
 dons à ceſte fin. Comme les preparatifs ſe faiſoient, Boniface Archeueſque de  
 Mayence preſchant le peuple idolâtre de Frize, fut martiré le quatrieſme  
 Iuing & trente ſixieſme an de ſon Archiepiſcopat, auquel Lulle ſucceda, & tint



sa chair trente deux ans. Aucuns disent que les Frisons marries que les François à la persuasion du mesme Boniface, auoient abâdonné la maison de Clouis, se ietterent sur luy; & par vengeance le massacrerent, entretenus en fureur par des Seigneurs du sang Merouingien, retirez en ce pays, & desquels descendit Vitikind Sefne, si grand & opinistre ennemy de Charlemaigne: tât aucuns s'efforcent de monstrier qu'une seule maison a iusques icy commandé à la France.

### CHAP. IIII.

*Pepin prend les Cluses des Alpes. Passe en Italie, & assiege Paue. Fait accord avec le Roy de Lombardie. Donne Rauenne, & Romandiolle au Pape; qu'il renuoye à Rome. Parlement general. D'où sont venus les Turcs. Astolf Roy de Lombardie recommence la guerre au Pape, qui renuoye en France demander secours. Pepin retourne en Italie. Remonstrance de l'Ambassadeur de l'Empereur au Roy de France, pour r'auoir l'Exarquât & Rauenne. Astolf renonce à l'Exarquât, qui est liuré au Pape. Donation de Constantin à l'Eglise, est fausse: mais c'a esté Pepin qui a faict les Papes si grands & riches qu'ils sont.*



L'INDICTION huietième, qui vient à l'an sept cens cinquante & cinq, Pepin voyant qu'Astolf ne tenoit compte des offres & presens que l'on luy faisoit pour venir à vn apoinctement raisonnable, ayant assemblé son armee en Genesuois, depecha encores des troisièmes Ambassadeurs vers le Roy de Lombardie, lesquels porterent aussi des lettres du Pape, qui pensoit qu'Astolf estoit du bruit des grands preparatifs de France & tempeste de guerre presté à tomber en son Royaume, pourroit s'adoucir: mais tant s'en salut qu'il s'en espouuenta, qu'au contraire il vîsa de paroles hautaines & braues, menassant le Pape, Pepin & les François, lesquels aduertis de sa resolution enuoyerent des gens saisir les Cluses & pas des Alpes, les plus commodés à passer de Frace en Italie. Ce faict, Pepin mene son armee par la vallee de Morienne; & la ayant pris la benediction du Pape, apres luy auoir donné les presens qu'il entendoit faire au Roy Astolf, il tira oultre.

Le Roy de Lombardie aduertie que les François, en petit nombre s'estoyent faicts maistres des aduenues & passages des Alpes, par vn matin les vint assaillir, cuidant emporter la place, à cause du grand nombre de gens qu'il auoit, mais visuellement repoussé par les François aidez. & fauorisez du lieu, quand par leur resistance vertueuse il eut perdu beaucoup des siens, il se retira dans Paue: n'estant conseillé d'attendre toute l'armee de Pepin, ne hazarder vne bataille. Car il ne se fioit pas fort aux siens: d'autant que les Ducs de Spolette & Beneuent, auoient refusé de l'assister en ceste guerre. Ainsi les François faicts maistres du rempart naturel, que les Lóbars cuidoyent auoir au deuant d'eux, aisément passerent le grós de leur armee en Italie, que pour ceste retraite

L'an de  
Iesus  
Christ. librement ils pouuoient courre & endommager. Aussi Pepin tout incontinent vint planter son cāp deuant Pāuie: n'oubliant les François (qui croyoient estre dispensés de tous maux combattans pour la cause du Pape) aucune espee de cruauté: soit d'abats de maisons, soit de feu que l'on voyoit par tout l'environ, pour avec telles indignitez tirer l'ennemy au combat: Ainsi que les conquerans doiuent faire, à fin de tant plustost se mettre hors de travail, mais le Pape touché du desplaisir de voir si grande ruine, & fāché d'ouyr les pleurs & gemissemens de tant de pauures femmes & enfans chassés de leurs maisons, pria plus que deuant Pepin de faire la paix avec Astolf, qui pareillement ne s'oublioit pas, employant ceux qu'il pensoit auoir creance pres du Roi François. Car le Royal Moine Carloman demeuré à Vienne où son frere l'auoit laissé avec sa fēme & ses enfans, ne le pouuoit plus aider, estāt mort de poison, ainsi que l'on tient, ou d'une siebure qui le prist de regret, de n'auoir sceu rien faire pour la paix des deux royaumes: & son corps mis dans vn cercueil d'or (si l'on croit la Cronique de Cassin) fut enuoyé audit Monastere.

Or le Pape, considerant que les François pourroient longuement demeurer au siege de Pāuie, & que ce pendant l'Italie (pour le repos de laquelle il sembloit trauailler) s'en alloit destruite par le seiour d'une armee estrangere, pria le Roi Pepin d'entēdre à la paix, & aux conditions qu'Astolf (refroidi) accordoit. Ce qui pleut au Roi François, qui ne haïssoit pas les Lōbards: pour autrefois auoir demouré en la Cour de Liutprand Roi de Lombardie, quand son perel y enuoya faire couper ses cheueux, suyuant vne ceremonie lors obseruee: Et qui n'est pas celle de la confirmation: D'autant que la coustume de couper les cheueux, se faisoit lors par l'Euesque, pour monstrier que les confirmez sont Clercs: & comme tels n'en doiuent point auoir de longs, ainsi que portoient les seculiers du temps passé: & d'autres cuident, que ceste coupe de cheueux, fut vne façon d'adoption. Les conditions du traité estoient qu'Astolf rendroit au Pape l'Exarquāt, Pentapole, & ce que d'aucuns appellent *Iusticiā sancti Petri*, que ie croy du moins auoir esté la iurisdiction des Clercs, avec tout ce qu'il luy retenoit: & que pour l'assurance de sa parole il donneroit quatre ostages, qui seroient gardez en France. Cela fait & accompli, Pepin renuoye le pape à Rome accompagné de Remy Archeuesque de Rouen (mal appellé Ierosme, par vne Chronique suiuiue de Sigon) & par Fourre Archichapelain du Roy François, avec bon nombre de Seigneurs: & luy avec son armee retournerent deçà les monts, remplis d'honneur & de gloire d'auoir contrainct vne si vaillante nation que celle des Lombards: mais rapportant en France les ceremonies Romaines que Pepin donna charge à Remi son frere de faire apprendre aux François, avec diminution de l'autorité des Eglises de ce Roiaume, lesquelles par telle submission commencerent à perdre leur iurisdiction, & s'assujettissans aucunement aux Papes ils les recogneurent superieurs, voire cōme moderateurs des consciences, ce qui les esleua en si haut & puissant degré, que de pouuoir depuis s'y maintenir par excommuniemens, voire & souuent à l'espee.

Le sçay bien que le voyage de Pepin en Italie est mis par le Chroniqueur de Bourgongne,

Bourgongne, sous l'an sept cens cinquante quatre, mais ie n'ay osé me de- <sup>E'an de</sup> partir de deux Annales anciennes : & Sigon, disant, Indiction huitiesme, le <sup>15m</sup> raporte à ceste presente annee, en laquelle aussi l'vnziésme Iuillet & quatries- <sup>Cbrist.</sup> me du regne de Pepin, fut tenu vn Sinode au Palais de Vermerie ( ie croy Verberie ) prés Senlis, par lequel fut ordonné que tous les ans se tiendroient deux Sinodes, Conciles ou assemblees : le premier, au premier iour du premier mois, qui est celuy de Mars ( car Ianuier, & Februrier, sont adionstez ) au lieu où le Roy commanderoit : le second, le premier iour d'Octobre à Soissons, ou autre-part comme il a esté dit du premier. Ces Sinodes ou assemblees, estoient plaids generaux ou parlemens : car il ne s'y traittoit pas seulement des affaires de l'Eglise, ains aussi de celles d'Estat, & des particuliers. Qui est la cause pourquoy les auteurs du temps les appellent *Sinodus, Placitum generale, Conuentus, Concilium*. Combien qu'à la verité, ce fut vne assemblee de Prelats d'Eglise, & de Noblesse : aussi veulent aucuns dire ( toutesfois sans raison ) que ce soit l'origine des Parlemens François, car cy deuant ie vous ay monstré que ces assemblees tousiours ont esté faictes en France, & que la presente ordonnance ne fut qu'un renouvellement des anciens plaids, rompus par les discordes des Maires, & le peu d'autorité des Rois.

En ce temps les Turcs cherchans meilleure habitation que celle qu'ils tenoient, battirēt premierement les Alains, Colchiens & Armeniés, puis ceux de la Natolie : & finalement les Perles & Sarrazins. Aucuns pensent que c'estoient Scythes venus de ceux que Alexandre le Grand enferma avec des portes de fer, outre les monts Hyperbores. Voulans ces auteurs dire, qu'il chassa en vn coin de la terre, comme en vne prison, ceste gent indomptable. Mais les Turcs firent paix avec les Sarrazins, apres plusieurs pertes souffertes de costé & d'autre, à condition que ces estrangers ( lors arrestez en Perse ) prendroient le nom de Sarrazins : estimans les Arabes, que ces gens grossiers bien tost se rangeroient à la croiance de Mahomet : ainsi qu'ils firent. Plinē & Pomponē Mela, disent que les Turcs de leur temps ( c'est à dire il y a plus de quatorze cens ans ) habitoient en Sarmatie Asiatique, voisine des Budins, Trisogotes, Bellons, Theusages, & demeuroient sur la riuierē de Tana qui est le Don, & le pays de Molcouie, où ils habitoient en de grands bois, & aspres valles, cherchans leur vie à la chasse : qui est tout ce qu'on peut remarquer en l'origine de ceste vaillante nation, tant redoutée des Chrestiens, depuis les discordes des Papes Romains & de Constantinople. Or iacoit qu'Astolf l'an passé eut ptomis & iuré de rendre tout ce qu'il tenoit de l'Eglise Romaine, ce neantmoins cuidant que Pepin vne fois ayant fait office d'amy enuers le siege Papal, ne voudroit se charger d'une seconde couruee ; ceste presente annee que l'on comptoit sept cens cinquante & six, assembla le plus de gens qu'il peust à Rauenne : & pas- <sup>756.</sup> sant outre, reprist la ville de Narny, que nagueres il auoit renduë : puis vint mettre le siege deuant Rome, & y demeura trois mois à l'entour, sans misericorde gastant tout ce qui estoit par la campagne : où les Auteurs disent, qu'il fit plus de mal que iadis n'auoyent faict les Ostrogots, Vuisigots, Erules & Lombards Payens : desirant le Roy Lombard venger la honte de sa compo-

HHH

*L'en de* sition ignominieuse par la ruine de ceux qui en estoient cause. Dès le com-  
*lesin* mencement de ce siege & degast, le pape enuoya Vvarnier ou Garnier, homme  
*Christ.* de grande qualiré entre les François, accompagné de deux autres Seigneurs  
 Romains, assseuer le Roy repin de l'infidelité des Lombards. Et d'autant que  
 le droit chemin de terre n'estoit seur, il les fit deualer par eaux au port d'Ostie:  
 pour de là par mer se rendre à Marseille, & venir trouuer le Roy François.  
 Mais Pepin par d'autres aduertie de l'estat des Romains, & pensant qu'il y al-  
 loit trop de son honneur, s'il abandonnoit le Pape, auoit ja mis son armee aux  
 champs preste à passer les monts, quand les nouuelles de sa venue apportees au  
 Roy de Lombardie, luy firent leuer le siege de deuant Rome pour deffendre  
 son païs, & iacoit que l'Automne de l'indiction neuuesme fut auanee, Pepin  
 s'approchant des Alpes, commença de faire passer en Italie son armee: laquel-  
 le ayant chassé les Lombards, des Cluses, descendit en la plaine de delà les  
 monts sans aucun empeschement: Ainsi la chance de ceux qui pressoyent Ro-  
 me, changee, les François vindrent de ce chef assieger Astolf dans Paue. A pei-  
 ne estoïent parris les Ambassadeurs Romains d'avec le Pape, que voicy arriuer  
 Georges premier secretaire, & Iean Silentiaire Ambassadeurs de Constantino-  
 ple, lesquels sous couleur de parler de paix, auoyent secret mandement de  
 l'Empereur, de prier le Roi François vouloit rendre l'Exarquar à leur maistre,  
 plustost qu'à l'Eglise: & destourner le Pape d'enuoyer en France pour cest effect.  
 Mais trouuant les Romains ja partis, sans plus longuement seiourner pres le  
 Pape, ils prirent congé de luy se faisans conduire à Marseille, accompagnez  
 d'aucuns Romains, que le Pape se doubtant des Grecs, enuioit: expres prier  
 le Roy Pepin de demeurer ferme en sa promesse. Les Grecs arriuez à Mar-  
 seille enrenans que l'armee François estoit ja en Italie, Georges commande  
 à son compagnon d'amuser les Romains venus avec luy, cependant qu'il gai-  
 gneroit le deuant: & qu'il s'efforceast de leur persuader de ne passer outre: Ce  
 que Iean ne peut obranir: Car ils monterent à cheual quant & luy disans vou-  
 loir accomplir le commandement du Pape.

Ainsi les Grecs deceuz de leur esperance pour ce regard, tant qu'ils peurent  
 se hastèrent de venir au camp de Paue: où apres auoir fait de beaux presens  
 au Roy Pepin de la part de l'Empereur, à la premiere audience Emil dict,  
 qu'ils remonstrent au Roy & Seigneurs de son conseil qu'il luy pleust defen-  
 dre le Pape en telle maniere, que ce fut sans la foule de l'Imperiale majesté.  
 „ Que les Cezars ne s'appelloient pas simplement Empereurs de Grece, mais  
 „ aussi des Romains: & plus auoient seruy au Christianisme ceux qui s'estoyent  
 „ tenus en Constantinople, que ceux qui auoyent habité Rome. Car le grand  
 „ Constantin n'auoit mené en Bisance vne peuplade de Romains, sinon à fin  
 „ que de ce Boulevard basty contre les Scythes & les forces d'Orient, les Cæ-  
 „ sars combatans au danger de leur sang, acquissent vn repos à l'Italie, & à la  
 „ ville de Rome. Qu'autant auoyent les Empereurs de droit en l'Exarquar de  
 „ Rauenne, que les Rois de France à Paris: & l'auoit Astolf aussi outrageuse-  
 „ ment occupé, que ses predecesseurs le reste d'Italie, qu'il desiroit que les Fran-  
 „ çois eussent la victoire de la guerre presente, comme il l'assseuroit qu'ils l'au-

royent, estans venus en Italie non par conuoitise de commander, ains pour <sup>L'au de</sup> garder le droict à qui il apartenoit, & faire ceuures de pieté : aussi prioit-il <sup>lesus</sup> Dieu, que tout passast à l'honneur du Roy repin. Mais en rendant ce qui <sup>Christ.</sup> apartenoit aux Empereurs, le Roy à iamais pouuoit obliger l'Empire Romain à la couronne de France, par vn plaisir digne d'eternelle memoire. Que de leur souuenance, trois cens mil Sarrazins auoient assiegé Constantinople, enuiron deux ans, lequel orage prest à tomber sur l'Italie & les Royaumes Latins, ils auoyent destourné sur eux, les Turcs (si l'on croyoit ce qu'on disoit d'eux) vn peuple nouveau : qui s'estoit tenu enfermé de la les monts, & portes Caspiques, ou de fer, comme s'ils eussent rompu les courreaux & empeschemens de nature & des lieux, s'estoient ruez à la campagne de deça, & encores auoient gasté l'Asie, ja diffamee & perduë par les courles & venimeuses sectes des Sarrazins. Et le bruit couroit qu'ils s'efforçoient de chasser de perse la mesme puissance des Sarrazins, afin de remettre sus le nom & la reputation de ce tres-noble Royaume persan, & que de rechef, apres tant d'annees on appellast Royaume de perse, le pays qui souloit porter le nom des parthes, & puis des Sarrazins : Combien que ce fussent diuerses nations. Et que les Turcs mesmes se vouloyent faire appeller perses, changeant leur nom incogneu, à cestuy-cy iadis tant renommé. Que le fais de si grosse charge, & l'euement des grandes affaires tousiours incertain, tenoit maintenant en suspens l'esprit de l'Empereur, auant mur de l'Italie & des Royaumes Latins, de maniere, qu'il ne pouuoit tant fut peu tourner les yeux autre-part, ou se par-tir de l'eschauguette (qui preuoit le danger tousiours redoutable) sans le dommage de tout le monde Chrestien. Et tout ainsi que Martel le plus grand Capitaine qui fut oncques, pendant qu'il estoit occupé en la guerre contre les Sarrazins, eut souhaité (si quelque force eut enuahi vn autre endroit de la France) qu'il se fut trouué quelque vn qui le luy eut deffendu, ou recouuré s'il eut esté perdu ; Ainsi Cesar estant empesché par la guerre des infideles, il estoit bien, seant à la debonnaireté du Roy François, de ne de-mander autre profit de ceste guerre, que l'honneur de la victoire : & apres en estre venu à chef selon son desir, conseruer aussi à l'Empereur sa grandeur & sa majesté. repin, respondit magnanimement, qu'il aduiseroit à ne rien faire contre son deuoir, car il ne faisoit la guerre pour recompense terrienne, ains pour maintenir sa promesse & le bien de l'Eglise : & n'y auoit chose qui l'en-peut esmouuoir.

Ceste responce ouye, les Ambassadeurs Grecs s'en retournerent non du tout esconduits, ce leur sembloit ; & ce pendant, Astolf craignant les inconueniens & miseres d'un long siege, cauoye des Ambassadeurs vers repin : avecques puissance d'accorder le differend d'entre luy & le rape, ils firent iurer & volontiers ouis des François : & les articles dressez tels qu'il sensuit. A sçauoir, qu'Astolf renonceroit non seulement à l'Exarquat & raptapôle, mais aussi rendroit Comacle, jaçoit que l'Ambassadeur Grec s'en plaignit, comme si repin du cuir d'autrui, faisoit (ainsi que dit l'ancien prouerbe) trop large courroye. Et toutes-fois, de peur que ceste grande largesse (dict du Tuteur) n'estoit faite par le Roy :

HHH ij

*L'an de* François à l'Eglise Romaine, ne luy fut pour causes friuolles, ou autrement  
*Jesus* iniustement osté; il en fit donation au nom de Constantin; mais outre le gré de  
*Christ.* l'Empereur de Grece, & voulut que telle iurisdiction qui souloit estre des Em-  
 pereurs, fut en la possession des Papes. Tant y a que c'est le vray titre de la puis-  
 sance que les Pontifes Romains ont en leur ville : & de vouloir faire croire  
 que ce fut le grand Constantin qui fit ceste grande liberalité.

Ce traité couché par escrit le Roy de France ramene son armee deçà les  
 monts : non sans recevoir dommage en passant : qui toutes-fois n'est autre-  
 ment déclaré : & Fourre Chappellain du Roi François fut laissé pour recevoir  
 les villes du traité : esquelles tout incontinent il entra, fors qu'à Ferrare,  
 Faënce, & Cabalum (ie ne sçay si cest Bagnacaul) receuant la possession des au-  
 tres, avec ostages de chacune ville, qu'il mena à Rome en grand triomphe, &  
 ioye d'Estienne Pape : lequel au pris du sang des François, l'on peut dire auoir  
 le premier acquis les grands biens temporels que les Papes auourd'huy posse-  
 dent en Monarchie. Là il presenta sur l'autel de la confession de saint Pierre  
 & saint Paul (ie croy que c'est la sepulture des Saints) les clefs des villes,  
 avec les lettres du traité : par lequel (disent les Italiens) aparoissoit que sous  
 l'Exarquat estoient comprises les villes de Rauenne, Bologne, Immole, Faënce,  
 Forly, Cesene, Bobye, Ferrare, Comacle, Adria, Gabel. Pantapolle, com-  
 prenoit Rimini, Pesaro, Conca, Fano, Senigaille, Ancona, Ansfimo &  
 autres : avec leurs Chasteaux & appartenances, ainsi qu'il se trouue dans les  
 lettres de l'Empereur Louis le debonnaire, qui n'est autre chose qu'une confir-  
 mation de la donation ou traité de Pepin : Ainsi que dit Sigon. Mais Pierre  
 Bibliotequaire y adiouste Emilie qui est tout le pays depuis Imbole, iusques  
 à Plaifance, comprenant toute la terre plaine, depuis la riuere du Pau iusques  
 aux monts Apennins. A sçauoir, les montaignes voisines de Boulongne, Mo-  
 dene, Rege, Parme & Plaifance. Et outre le Pau, le mesme Bibliotequaire ad-  
 iouste tous les Paluds, depuis la riuere de Mince, iusques à Veronne, Vin-  
 cense & les marais de Venise. Ce qui n'est pas croyable, auoir esté lors fait.  
 Puis qu'Astolf demeura encores Roy de Lombardie, dont Emilie fait la  
 plus grand part. Et que tous ces pays vindrent depuis au partage de Pepin  
 fils de Charlemagne, & de Bernard son fils : mais c'estoit volontiers la cou-  
 stume des Ecclesiastiques, si l'on vse de liberalité en leur endroit, de l'estendre  
 tant qu'ils pouuoient. Ceste prodigalité du bien d'autrui, fut cause (ce dit  
 Sifrid entre autres) de faire declarer Pepin patrice des Romains. Tou-  
 tes-fois, iusques icy il ne me souuient d'auoir veu Charte, qui porte ce  
 titre, que son Chancelier n'eust oublié, non plus que ceux de Charle-  
 magne : qui en toute ses lettres l'appelloient patrice, Roy des Lom-  
 bards & Empereur : depuis l'heure qu'il eut acquis ces titres d'hon-  
 neur.

Quelques-uns en cest endroit, ont remarqué l'ingratitude d'aucuns Papes :  
 d'auoir voulu primer la verité de ceste donation : & en oster l'honneur à ce-  
 luy qui véritablement l'auoit faite : aymans mieux l'attribuer à Constantin le  
 grand, par ignorance de la verité. Car il est bien certain, qu'auant Pepin les

Papes n'auoient rien à Rauenne: pource que c'estoit le siege des Exarques, les-  
quels encores commandoient à Rome; ainsi que Lieutenants des Empereurs  
en Italie, mais l'on pourroit bien croire que les Papes qui se trouuerent auoir  
à faire aux Empereurs de Germanie, furent contans de ne leur desfoouir la  
verité de ceste donation François, de peur qu'ils ne la reuocassent, par ven-  
geance des mauuais traitemens de plusieurs Papes à l'endroit des Henris, Fe-  
derics, & autres courageux Empereurs, heritiers des François. Aussi n'est-il  
à presumer, que Constantin le grand apres auoir donné ces terres au Pape Sil-  
uestre, eut souffert qu'elles eussent esté maniées par ses officiers. Et l'ayant mis  
en possession les historiens eussent cotté le temps que les Papes ses successeurs  
en furent chassés: aussi bien que d'autres choses plus legeres qu'ils ne laissent  
deramenter. Toutesfois, nous ne trouuons point que de son temps, &  
encores moins de celuy de ses enfans ou successeurs iusques à Pepin, l'Eglise  
Romaine en ait iouy: ainsi qu'il est aisé à veoir par les histoires, & nommé-  
ment dans Ammiā Marcelin, Zosime, & autres qui ont vescu iusques à l'Em-  
pire de Theodose le Grand, Procope & Agathe qui ont parlé des guerres fait-  
tes en Italie par Bellisaire & Narses. Que si l'on dit qu'elles auoient esté vsur-  
pees par Iulien Empereur nommé l'Apostat, l'on respondra que Theodose fi-  
bon Catholique ne les eut voulu retenir.

Rauenne prise, & remise entre les mains du Pape, il en donna l'administra-  
tion à l'Archeuesque & Tribuns de la ville, qui fut l'occasion, pourquoy les-  
dits Archeuesques depuis s'appellerent Exarques: & de ceste grandeur qu'ils  
voulurent opposer aux Papes Romains. Je trouue en vne vie de Charlemagne,  
ramassée par vn Moine de S. Gal enuiron l'an huit cent quatre-vingt, que Pe-  
pin apres auoir vaincu les Lombards, fut à Rome prier Dieu: & qu'à son en-  
trée les Romains chanterent ce Cantique: *Ciues Apostolorum, & domestici Dei ad-  
uenerunt hodie portantes pacem.* Qu'il dit depuis auoir esté approprié aux festes des  
Apostres, par ignorance de ceux, qui ne sçauoient la cause de la composition:  
& toutesfois on en fait autheurs les Rois Charles le Chauue, & Robert fils de  
Hugues Capet: & ie le ramentoy pour en partie interpreter l'endroit de la ha-  
rangue d'Estienne Pape, où il appelle les Romains citoyens des Apostres. Ce  
qu'il faut croire auoir esté lors tenu pour chose commune: afin de donner plus  
grande autorité à la ville de Rome, qui n'estant plus le domicile des Empe-  
reurs, auoit besoin d'une grande marque pour apparoirre dessus les autres,  
estant desnuee de la force pour les contraindre de recognoistre l'ancienne ma-  
iesté à tour le moins par la bride de religion, & la reputation que c'estoit le do-  
micile terrien de la Diuinité.

*Mort d'Astolf. Premieres Orgues de France. Tassillon Duc de Bavières fait serment au Roy Pepin & ses enfans. Quel estoit ce serment, & des François hommes & vassaux Liges, & leur nature. Estienne Pape mort. Paul son frere luy succede. Nos Rois portoient Couronne aux festes solennelles. Pepin entre en Saxe, & contrainct les Sefnes de luy payer trois cens cheuaux de tribut. Vualpert, & Godogrand hommes renommez de scauoir. Iupille Palais. Pepin va faire la guerre à Gaissier Duc d'Aquitaine, sous couleur de luy faire rendre le bien des Ecclesiastiques, & le contrainct luy iurer fidelité. De quels Auteurs l'Auteur de ces Antiquitez s'est aidé.*



757.

L'est presque tousiours aduenü que les paix iniques ne sont de durée, & que ceux qui par contrainte les passent, sont les premiers qui les rompent. Le pape & le Roy de France cuidoiert auoir bridé & entravé (s'il faut ainsi dire) Astolf, de telle maniere qu'ils pensoient luy auoir osté tout moyen de se remuer, mais la hôte que ce Roy croyoit receuoir par vn tât ignominieux traité, luy rongeoit tellement le cerueau, qu'il ne songeoit à autre chose qu'à se depestrer; quand sur le point qu'il y vouloit commencer, il mourut d'une fièvre: venuë pour estre cheut de cheual, courant à la chasse d'une beste: autres disent blessé d'un Sanglier, l'an 757. Tout aussi tost les Lombards mirent en sa place Disier Comte de l'estable du Roy deffunct, & Duc de Toscane: d'autant qu'il ne se trouuoit personne du sang Royal, pour succeder à la Couronne, dont Rachis Roy Moine, eut si grand despit, qu'à la persuation d'aucuns Seigneurs Lombards, il eut ietté le froc aux orties, si le Pape ne luy eut conseillé de demeurer en son Cloistre.

Cependant, l'Empereur qui ne pouuoit si tost perdre l'esperance de recouurer l'Exarquat enuoya des Ambassadeurs en France, deuers le Roy Pepin, lors de sejour à Compiègne, où il auoit fait assembler vn Parlement general, de tout le peuple François, en la presence desquels les Grecs luy offrirent de beaux dons & presens dont les plus admirables furent des Orgues, instrumens de haute musique, en ce temps-là incognues, ou si rares, que les Auteurs disent que celles-cy furent les premieres veuës en France.

En ce lieu comparut aussi Tassillon Duc de Bavières: qui l'á precedent (selon Sigisbert) s'estoit rapointé avec Pepin son oncle: & lors venoit à ce parlemēt, accompagné des plus grands de son país, pour faire serment de vasselage entre les mains du Roy, suyuant la coustume des François. Là donc, il promit d'estre loyal au Roy Pepin, Carloman & Charles ses enfans: & pour plus grãde seureté, fit le meisme sermēt sur le corps de S. Denis pres Paris, de S. Martin à Tours, & de S. Germain au faux-bourg de Paris. Promettant garder la foy tout le tēps



de sa vie, comme à ses Seigneurs. Le semblable, & aux mesmes lieux iurerent des principaux de Bauieres. Auentin dit, que Tassillon n'auoit que douze ans, lors que son pere craignant qu'il suyuiſt mauuais conseil, l'enuoya en la Cour de Pepin, où il demeura long temps: & fut aux guerres de Saxe, de Lombardie, & d'Aquitaine, & que le Roy de France le voulant vestir du Duché de Bauieres, il prist de luy & des siens, le serment susdit.

L'an de  
Jes  
Christ.

Mais pour ſçauoir quel estoit le serment des François, pour l'hommage, il ne serainutile de mettre icy, le plus ancien que i'ay trouué par escrire: Charlemaigne voulut que celuy qui iuroit, dit ces mots: Le N. promets & iure à la part du Roy Charles Monseigneur, & de ses enfans, que ie luy suis fidele, & le feray tous les iours de ma vie sans fraude, & mal-engin. Autres disent, que les plus anciens François, en iurant renoient de la paille, laquelle apres ils iettoient deuant Dieu & ses Anges; le croy en detestation, que s'ils mentoient, ils fussent aussi peu estimez que ceste paille iettée au vent. Depuis en baillant les fiefs, les Seigneurs voulurent que les vassaux iurassent garder l'honneur, & la bonne renommée de leurs Seigneurs, & qu'ils ne feroient rien au preiudice d'eux, leurs femmes, enfans & famille: ne qui tournast à leur deshonneur, qu'ils ne consentiroient ou feroient chose, pour laquelle ils perdissent la vie, les membres, ou les biens. La forme gardée du temps de S. Louys estoit telle: le Seigneur prenoit entre ses mains celles de son vassal ioinctes, lequel vassal estant à genoux, nud teste, sans esperons, espée ne ceinture (ie croy pour monſtrer toute ſubiection) disoit: Sire, ie deuieſt vostre homme de bouche, & de mains: & vous iure & promets foy & loyauté, & de garder vostre droit à mon pouuoir, & faire bonne iustice à vostre ſemonce, ou la ſemonce de vostre baillif, à mô ſens. Ce fait, le Seigneur baisoit le vassal en la bouche. Depuis il y eut difference entre le vassal, & l'homme simple, & le vassal ou homme Lige. Car le Lige s'obligeoit euuers tous & contre tous; & non pas l'homme simple, qui auoit plus de liberté, aussi ie vous ay remarqué cy dessus, que les Leudes (qui sont les hommes Liges) ne pouuoient changer de maistres; puis qu'une fois ils s'estoient obligez à quelqu'un, au lieu que du temps de saint Louys le Seigneur baisoit le vassal, il semble que du temps de Charlemaigne & ses successeurs le vassal baisast les pieds du Seigneur ainsi que nous verrons cy apres. Et cecy soit dit en ces Annales, vne fois pour toutes: puis qu'amplement i'en ay parlé en mon liure des Origines au chap. des fiefs.

Plusieurs croient que ceste assemblée de Cöpiegne, soit l'origine de nos parlemens & le premier tenu en Frâce: mais Gregoire de Tours nous a monſtré le contraire par tant d'assemblées tenuës sous les Rois Merouingions. Ceste opinion possible vient de ce que durant le gouvernement des Maires, l'on n'en faisoit point: ou ils n'estoient pas libres. quant à l'establissement des parlemens du iourd'huy; nous en parlerons aussi autre part plus à propos.

Durant ces choses, Estienne Pape mourut le vingt & sixiesme Avril: ce fût vn homme de courage: & qui ne doit estre moins estimé que Gregoire dialogue: qui acquit le Duché de Rome, ainsi que pense Sigon. Car ie croy que ce fut cestuy-cy, qui le confirma: adioustant l'Exarquat & la Romandio-

L'an de  
Iesus.  
Christ

le, & augmentant si fort le domaine de l'Eglise au dommage des Empereurs, Paul son frere luy succeda au Papat : qui fut homme de paix ; & entretint bien l'accord fait avec Didier Roy de Lombardie. Je ne puis oublier que les anciennes Chroniques cotent tant curieusement, que le Roy Pepin fit ses festes de Noël & Pasques à Caronnac, Palais Royal, & ce qu'ils me font soupçonner, voire croire, que ce deuoit estre quelque ceremonie remarquable. Tant y a, que nous lisons qu'à ces iours, nos Rois se vestoient d'habillemens Royaux, portans Couronne sur la teste, & le Sceptre en la main, avec grand appareil & magnificence, pour augmenter leur majesté, & d'auantage les faire reuerer. Aussi vous ne trouuerez gueres de Chroniques du temps de Charlemagne, qui oublient le lieu où il fit telles festes Royales : ce qui me fait dire qu'il y auoit des ceremonies remarquables, & lesquelles par faute d'autres meilleurs antheurs, il faut apprendre des Romains : & nous en pourrons dire vn mot autre part.

758.

Ainsi donc Pepin asseuré de tous costez, & principalement de Bauieres (le plus puissant de ses vassaux) cuidoit se reposer ceste année sept cens cinquante & huit, quand il fut aduertie d'une esmeute des Sefnes : contre lesquels il mena son armée, mais jaçoit qu'ils fissent grand deuoir de l'empescher, il entra dans leur terre par le rempart mesmes qu'ils luy auoient opposé : & nonobstant la resistance de ceux qui le voulurent deffendre vaillamment, il les forcea, & les batit en plusieurs rencontres : principalement en vn lieu nommé Situnia ou Situnna, ayant tousiours le dessus des rencontres, avec tel estonnement des ennemis, qu'ils furent contraincts de faire sa volonté, & promettre tous les ans soy trouuer en l'assemblée & parlement general des François, pour honnorablement luy presenter trois cens cheuaux de guerre : autres disent, le venir seruir avec trois cens cheuaux ; ce qu'ils accorderent, & confirmerent par leur serment accoustumé. Puis le Roy ramena son armée en France. En ce temps viuoient Vvipert Abbé en Italie, & Grogdgrand Euesque de Mets, qui fut fils de Landrade sœur de Pepin, Prelats estimez pour leur saincteté.

759.

Sous l'an sept cens cinquante & neuf, ie ne trouue aucune chose de marque estre aduenü, sinon la mort du fils du Roy Pepin, aagé de trois ans, & de mesme nom que son pere : Le Roy Pepin fit Noël à Longlair, & Pasques à Ioupille. Ainsi s'appelle encores vne ville assise à vne lieuë de celle de Liege. Il ne restoit plus des anciens vassaux François aucun Seigneur de marque, que Pepin deust craindre : lors Gaiffier (appelé par nos Romans Gadiffier) Duc d'Aquitaine, & Odillon Duc de Bauieres, cestui-cy estoit de si pres allié des Rois de France, & luy auoit tout fraichement fait le serment de fidelité, qu'il n'y auoit pas grande occasiõ de se desfier de luy, come apparéce de courir sus à Gadiffier, qui faisoit de grandes iniustices & violéces à ses sujets, & encores maltraitoit les Eglises Françoises heritées en son pais. Or jaçoit que le Roy luy eut expres enuoyé des gens, le semondre de leur redre iustice, il n'en tenoit pas grãd cõte, s'excusât, que l'Aquitaine ayant cy deuant esté occupée par les Sarrafins & Villigots Arriés, les limites des heritages, tât des ecclesiastiques que des particuliers,

estoyent incertains, ou confus; mesmes qu'il estoit bien-malaisé de deposseder ceux qui de longue main iouyssoient des heritages contentieux: lesquels ils disoient tenir à iuste titre, & valoit mieux laisser les choses en l'estat, que sous ombre de quelques vieux tiltres effacez, embrouïller le monde de tant de procès, qui tout incontinent seroient esmeus, si vne fois il ouvroit ceste porte à des gensopiniastres.

Pepin ne fut contant de telle responce, ains luy sembla que pour abaïsser l'orgueil des Guiennois, la plainte des Ecclesiastiques estoit suffisante couverture de guerre, à ceste cause, l'an sept cens soixante, il fait publier son ban pour aller en Aquitaine, remettre les Eglises en leurs heritages. L'armee assemblee, il entra au país ennemy, & vint iusques à vn lieu nommé Thedoald, où il assit son camp: Car Gaiffier qui veid Pepin mieux accompagné qu'il ne cuidoit, eut peur; & enuoya les Comtes Olbert & Dadin, Daunin ou Claudin ses Ambassadeurs, declarer au Roy François, qu'il estoit prest d'obeyr à ses commandemens; & rendre aux Eglises ce qui leur appartenoit. Et pour l'assurance dequoy, il promit bailler en ostage Adalgere vn sien parent, & Ithier: tous deux les principaux Comtes de son país: Ces offres furent trouuees si raisonnables, qu'elles appaiserent le courroux du Roy: lequol tour incontinent rompit son armee, & emmena les ostages de Guienne.

Ceste annee Pepin fit Noel & Pasques au Palais de Carisy, que lon pense estre Crecy sur Oise: Je veux icy aduertir ceux qui liront ces Annalles, que Sigebert commence à compter les voyages de Pepin en Guienne, l'an sept cens cinquante & sept, mais les Chroniques du temps le contredisent, & lesquelles j'ay mieux aimé suiure, puis qu'elles sont plus anciennes que luy: Que si aucun conferant les miennes avec celles-là, y trouue quelque chose dauantage que aux autres, il ne les doit pour cela reietter: car j'ay prins de plusieurs Autheurs & liures, tant imprimez qu'escrits à la main; ce qui ma semblé deuoir estre approprié sous chacunes annees & le plus digne d'estre sceu, vous assurant sous mon honneur, que ie n'ay rien adiousté du mien en la substance des faits: n'ayant voulu (comme lon dit) commenter sur l'histoire: c'est pourquoy j'ay cherché les Autheurs du temps, pour faire le fondement de ma narration: & puis les plus prochains, finalement Blond, Platine, Sabelle, Guaguin, Paul Emil: Et pour Allemands, Krants, & Auentin: que i'estime sur tous, comme les plus fideles: n'ayant oublié les autres Autheurs mieux garnis de memoires: comme aussi nouuellement Sigon, tres-docte Italien, sur lesquels (côme mes garends) j'entends me descharger d'aucunes particularitez qui ne se trouuent parmy les anciens: Ceux-cy possible ayans esté secourus d'instructions, & des liures qui ne sont venus iusques en nos mains, & principalement Sigon. Ce qui leur a donné occasion de faire tant de beaux discours, que ceux qui se trouuent parmy leurs escrits. Car quant à nos François, ie puis dire qu'il y a quarante ans & plus, que i'ay veu Fredegair, ou Idace, les Annales de saint Marcial, & de saint Cibar d'Angoulême, celles d'un auteur Allemand cōtinues depuis sept cens trente sept, iusques à huiet cens quatre-vingts & trois: Nitar, Floard, Frodoard, Glaber, & Odoran, voire de memoires de vingt ans

DES ANTIQVITEZ FRANCOISES LIV. VI.  
 L'an de <sup>le sie</sup> en vingt ans, depuis Gregoire de Tours iusques à nostre temps: & autres liures  
 Christ. en grand nombre. Ainsi que sçauent plusieurs qui de ce temps-là, m'ont veu  
 traualier en ceste besongne, & peuuent tesmoigner de ma fidelité, en ce re-  
 cueil d'Antiquitez Françoises.

## CHAP. VI.

*Gaiffier Duc d'Aquitaine rompt la paix qu'il auoit avec le Roy Pepin. Lequel  
 prend Bourbon le noble, Chantelle, Clermont d'Auuergne, & Limoges.  
 Gaigne la banniere d'or de Gaiffier. Prend Bourges d'assault. Conquiert le  
 pays iusques à Cahors. Abandonné par Tassillon est contrainct reuenir asseu-  
 rer ses affaires. Estolles ne tombent du ciel comme il semble. Pepin gaigne  
 Angoulesme. L'Euesque de laquelle se dit Archichapelain des Rois en Aquis-  
 taine. Concile de Gentilly. Miramamolun Empereur des Sarrazins en Espa-  
 gne, enuoye des presens au Roy Pepin. Parlement des François pourquoy te-  
 nu en campagne. Ranusta ou Rabastens Chasteau. Capitole de Sainctes. Gaif-  
 fier vainc & tué. Pepin ayant conquis Guienne, meurt d'hydropisie.*



OMBIEN que Gaiffier eut baillé ostages de sa promesse, & iuré garder les conuentions d'entre luy & Pepin, si ne se peut il contenir, que pour vanger la guerre qui l'an passé luy auoit esté faicte, il n'enuoyast son armee piller les villages de l'obeyssance du Roy, du costé de Chalon sur Saône. Pepin tenoit lors son Parlement au village de Ducie, ou Durie: ce qui l'estonna moins, pource que les Seigneurs François estans là assemblez en grand nombre, il fut d'autant plus aisé de les acheminer en Aquitaine. Car encorres qu'aux Parlemens se vuidassent plusieurs causes, les Seigneurs se trouuoient armez au moindre soupçon de guerre. Charles fils de Pepin depuis appellé le Grand, s'arma premierement en ce voyage: & dict vne Chronique ancienne que Pepin d'entree prist Bourbon surnommé le Noble; Chantelles, Clermont d'Auuergne, & plusieurs autres places fortes; qui se rendirent par composition: & que le pays fut gasté iusques à Limoges: aussi assiegé, pource que les habitans fermerent les portes au Roy: qui neantmoins la força & fit abattre ses murailles, en despit de la malice & parjure de Gaiffier. Les Comtes Chilping d'Auuergne, & Aming de Poictiers qui voulurent empêcher le Roy, demourerent en vne bataille tous deux morts sur le champ avec plusieurs autres.

Ceste annee le Roy fit Noël & Pâques à Crecy, & l'Esté suinant, qui estoit 762. l'an sept cens soixante & deux; il entra pour la troisieme fois en Aquitaine, avec grande armee, qui prist la ville de Bourges *pugnando*; que l'interprete d'as-  
 saut: & le Chasteau de Tours.

Lors Gaiffier qui voyoit ne pouuoit garder plusieurs places, soit pour leur

foiblesse ou defiance qu'il eut des habitans, afin que les François n'en fissent des garnisons, commanda de les abatre: cuidant priuer son ennemy de l'usage d'icelles; & ne s'apperceuant pas qu'en se despoüillant le premier, il luy donnoit occasion d'entrer plus auant. Car le Roy refortifia les plus tenables, & les mit en la garde des siens: chassant le Duc de tout le pays qui est depuis la riuere de Loire iusques à Limoges. Ce fait il retourna en France faire Noël & Pasques à Crecy, & le printemps de ceste annee venu, l'armee Françoisse fassëmbra à Neuers, où estoit son rendez-vous. Et lors Pepin entrant en Aquitaine par ce costé, prist toutes les places qui luy firent resistance, mettant au fil de l'espee, tout ce qu'il rencontra, iusques à Cahors, puis sans perte & dommage retourna en la ville de Limoges: où il donna plusieurs terres aux Eglises & particulièrement à saint Martial le *Bannum aureum* (ie croy la banniere d'or) qu'il auoit prise sur Gaiffier. Mais l'Autheur ne dit point en quel lieu il la gagna: ne si elle fut conquise en la bataille où les Comtes Chilping & Aming furent tuez. Tassillon Duc de Bauieres nepueu du Roy, l'auoit accompagné en ce voyage: lequel faignant d'estre malade (ou comme dit Auentin) entendant la maladie d'Odillon son pere, malicieusement abandonna l'Ost de son oncle, & au plus fort du voyage, se retira en son pays: en intention de soy rebeller, & iamais ne venir en la presence du Roy François: de qui il auoit receu tant de biens. Ceste retraicte fut cause de rompre le camp: craignant pepin plus grande trahison: & que ce ieune Prince fut suiuy de plus de gens: avec ce que l'hyuer se trouua tant rude & long, qu'il n'estoit memoire d'en auoir senty vn pareil. Car il dura depuis le premier iour d'Octobre iusques au mois de Feurier. Et d'autant qu'il sembla lors à plusieurs que les estoilles tombassent du Ciel; avec les malheurs de la guerre, plusieurs enuidoient que telle chose (qui est naturelle) signifiait la fin du monde. Pource que pareilles ou plus grandes cheutes sont recitees en l'Apocalypse: Mais les signes dont saint Iean parle, seront extraordinaires; & aduiendront par la toute-puissance de Dieu: la où ces cheutes, estoient feux que les estoilles iettent quand elles se mouchent par maniere de dire: car si vous croyez les Philosophes, ceste imaginairë cheute d'estoilles, n'est autre chose qu'une lumiere superflüe, que par necessité il leur conuient ietter, tout ainsi qu'on void aux lampes & chandelles quand elles se mouchent d'elle-mesmes.

Il faschoit assez à pepin, de laisser Gaiffier: qui sembloit tant abaissé, que la moindre cheute luy eut fait donner du nez en terre. Mais la retraicte de Tassillon faisoit entrer le Roy en diuers pensemens, & luy apprestoït assez de matiere, pour entrer rompre le cours de sa victoire, toute apparente sur les Aquitains, qu'outre les richesses & puïssances de Tassillon qui auoit espousé Luitrberge fille de Disier Roy de Lombardie (ce qui le rendoit encores plus suspect). Ce Roy d'Italie n'artendoit que la premiere occasion qui se presenteroit pour recouurer l'Exarquât. Et pource, le Roy François ayma mieux passer par conuenance telle faute: & prenant la voye amiable, essayer d'appaiser le Bauarois: que se monstrant braue mal à propos, entrasser plusieurs guerres: comme il y auoit apparence, qu'assailant le Duc Germain il ne faudroit d'estre

*L'An de* secours des Lombards ses voisins & alliez : & encores la guerre d'Aquitaine  
*Iesus* n'estât acheuee les Guiennois & les Sefnes indomptables pouuoient bien tost  
*Christ.* se refueiller. A ceste cause ayant fait à Longlair les festes de Noël, & Pasques,  
 764. de l'an sept cens soixante & quatre, il conclud au Parlement tenu à Vormes, de ne sortir point de son Royaume pour ceste annee. Et neantmoins, enuoya des gens vers Tassilon, lesquels apres plusieurs allees & venuës d'une part & d'autre, semblerent auoir appaisé leurs differends.

La mesme annee il y eut Eclypse de Soleil, le quatriesme Iuin. Et Paul Emil dit, que Pepin enuoya des gens en Nauarre : sous la conduite de Charles son fils, pour secourir ceux du pais trauaillez par les Sarrazins. Mais il n'y a pas grande apparence, que le Roy qui auoit resolu de ne bouger de son Royaume, eut enuoyé vne armee si loing & au trauers de Gascongne, pays lors suspect ou ennemy couuert. (Schanasbourg dit) que Pepin qui auoit fait Noël, & Pasques à Crecy, y tint vn Parlement. (Du Tiller) pense que les Fables de Robert le diable de Normandie doiuent estre rapportees ceste annee. Or combien que la guerre de Guienne ne fut estainte, & que Pepin fit semblant de ne vouloir bouger de son Royaume, & que ceste annee sept cens soixante & cinq, il tint vn Parlement general de tous les Seigneurs de France assemblez au Palais d'Atigny.

Sigebert corte ceste annee vn voyage en Aquitaine, auquel il dit que Pepin conquist Angoulesme, Perigueux, Agen, & presque toute l'Aquitaine, & qu'il fit Aplon son Archichapelain Euesque d'Angoulesme. Ce qui possible a donné occasion au priuilege des Euesques de ce lieu, lesquels disent estre Archichapelains des Roys, depuis qu'ils sont entrez en Aquitaine : chose que Louys le ieune toutesfois n'accorda à Lambert Euesque d'Angoulesme, lors que ce Roy estant en Germanie, l'Euesque voulut vser de son droit pretendu.

766. L'an sept cens soixante & six, le Roy Pepin passant l'hyuer au Palais d'Aix, où il y fit aussi les festes de Noël & Pasques, auquel an desirant mettre fin à la guerre d'Aquitaine, il assigna vn Parlement à Orleans, où il auoit donné le rendé-vous de son armee. Le Prin-temps venu, il alla pour la cinquiesme fois en Aquitaine, & en passant chemin prist Argenton qu'il fit fortifier, y laissant garnison de François, comme aussi il fit dans Bourges, afin de tenir en bride ceux d'Aquitaine, fils eussent voulu entreprendre de se remuer.

Ce fait il retourne en France pour faire le Noël de l'an sept cens soixante  
 767. & sept, à Saumonci, que ie cuide estre Mont-Saugeon (vn Chasteau prochain & appartenant à l'Euesque de Langres) & puis il fit Pasques à Gentilly, que lon pense estre le village voisin de Paris, portant ce nom, où il auoit assigné vn Sinode, Concile ou Parlement, sur le differend qui estoit entre les Eglises Orientales & Occidentales, qui sont les Constantinopolitains, & Romains, pour la Sainte Trinité, sur la question si le S. Esprit procede aussi bien du Pere comme du Fils ; & si aux Temples, lon deuoir tenir des images de bosse ; ou de plate peinture, ou (dit Nangis) felles deuoient estre bruslees : en ce lieu fut la question debatüe en la presence du Roy, par des Prelats Romains, & Grecs :

sans que pas vn Autheur face mention de la resolution qui fut lors prise. Car la condamnation & l'adoration des Images à la Grecque ; fut faite par nos Euesques, l'an sept cens quatre-vingts quatorze, ainsi que nous dirons. *L'an de  
Jesus  
Christ.*

Ceste année Ammir ou Emir Monon, Amiras des Sarrazins (ie croy d'Espagne) enuoya des presens au Roy Pepin, demandant son amitié, nos anciens appelloient ce Seigneur, Miramamolín. Iáçoit qu'il faille dire Emir Momin, c'est à dire, Empereur en langue Arabeſque. Le Sinode acheué, & l'huyert meſme de ceste année, le Roy entra en Guienne pour la ſeptieſme fois : & priſt de force Arles, que ie penſe eſtre la ville de Prouence ( pour ie ne ſçay quelle raiſon appellée le blanc, par tous nos anciens François ) comme auſſi il faiſit tout le païs de Narbonne, Niſmes, Maguelonne, Beziereſ que Auſmond Got trahit ( dit le Mareſchal d'Arles ) Thoulouze, Albi, Genodan : & ayant longuement aſſiégué Narbonne elle fut rendue par les Gots, à la charge de pouuoir viure ſous leurs loix avec les François ( dit le meſme Mareſchal ) puis retourna à Vienne pour rafraichir ſon armee : Mais ſur la fin d'Eſté, voulant acheuer la guerre, il vint à Bourges tenir ſon Parlement en plaine campagne, à la façon des François, lequel acheué, mena ſon armee ſur la riuere de Garonne, ayant priſ pluſieurs Rochers, Cauernes ou Chateaux en Limoſin, qui donnoient beaucoup d'ennuy, pour ce que les ennemis ſ'y retiroient, les principales deſquelles furent, Torenne, Scoraille, Petrucie, poſſible Peire : apres cela il retourna à Bourges, où il receut les presens que le Roy d'Espagne luy enuoya, & là meſme il entendit la mort du Pape Paul premier de ce nom, decedé le Dimanche vingt-neufieſme Auriſ paſſé : ou comme d'autres diſent pluſ veritablement, le vingt & huit iuillet. Le ſiege Romain demoura vn mois en contention ; & iuſques à ce qu'Eſtienne quatrieſme fut eſleu ainſi que nous dirons.

Ie ne puis oublier qu'un Autheur du temps, ayant dit que le Parlement de Bourges fut tenu en la campagne à la mode des François, fait ſouſçonner que c'eſtoit pour tant pluſtoſt expedier les affaires, à cauſe de l'incommodité des logis. Comme lon void que les foires du Landit, de Guibray, & autres endroits ſe tiennent encores emmy les champs à deſcouuert : afin que les marchands ſe deſpeſchent de vendre, voyant leur marchandife à la mercy de la playe & du Soleil : ioin & auſſi qu'il y auoit en ce temps-là peu de villes, ſi grandes qu'elles peuſſent receuoir tant d'Eueſques, Prelats, Comtes, & Seigneurs venans en équipage de guerre. La faiſon de pouuoir camper ne fut pas ſi toſt venuë, que le Roy ne ſit rasſembler ſon armee de tous coſtez, pour la ſeptieſme fois marcher en Aquitaine vers Xainctes, qui ſe rendit, & le Roy priſt encores Rabestian ( que Sigebert & Nangis apres luy ) diſent auoir eſté frere d'Eude, iadis Duc d'Aquitaine, & lequel eſtant autreſfois rendu à Pepin l'auoit depuis abandonné, pour reprendre le party de Gaiffier ſon nepueu ; ce qui ( à ceſte fois ) donna occaſion au Roy de le faire pendre. Mais la Chronique de S. Marrial diſant *Gepir Ramistanum Caſtrum*, me fai & ſouſçonner que ce n'eſtoit vn homme, ainſi le Chateau de Rabastens voſin de Thoulouze. Comme Pepin eſtoit au Capitolle de Xainctes ( les Colonies Romaines en auoient auſſi

*L'an de  
Jesus  
Christ.* bien que leur mere ville, & encores aujourd'huy on y void des ruines qui portent ce nom ) la mere, vne sœur, avec la niepce de Gaiffier luy furent presentes : & passant iusques à vn lieu nommé les Monts, le prince Eoric se rendit semblablement son prisonnier, avec vne autre sœur du mesme Gaiffier: ie croy femme dudit Eoric.

Ainsi toutes choses luy venant à souhait, il retourna à Selts faire pasques 768. de l'an sept cens soixante & huit, mais la feste passée il reprist le chemin d'Aquitaine pour la huitiesme fois, menant quant & soy la Royne sa femme, qu'il laissa dans Xainctes, avec son train & domestiques. Et d'autant que Gaiffier fuyoit deuant luy, il diuisa son armee pour le courre en diuers endroits: iusques à ce que le Duc arresté à Perigueux, osa bien attendre la bataille, laquelle tourna au dommage des Aquitaniens qui la perdirent avec leur Duc tué sur la place, ou des François ou des siens, desirans grauiser le Roy victorieux, & se deliurer du malheur de la guerre par la mort de leur infortuné Prince, qui vis les y eut plus longuement entretenus, ce discent aucuns, jacoit que d'autres soustiennent qu'ayant esté pris & serré, comme il cuidoit elchapper pour commencer la guerre, il fut tué par le commandement de Pepin: ainsi prist fin la guerre d'Aquitaine: & le victorieux retourna à Xainctes, y fit sejour à cause d'une maladie qui le saisit: & nonobstant laquelle il se fit porter à Tours, pour venir prier Dieu au sepulchre de saint Martin, mais voulant en faire autant à saint Denys, près Paris, à peine fut-il conduit qu'il mourut d'hydropisie, le vingt-quatriesme Septembre audit an sept cens soixante & huit: indiction sixiesme, ce dict Herman contract, le cinquante quatriesme de son aage, & dix-huit de son regne: & selon d'autres quinze ou seiziesme: Car il y a difference entre les Autheurs, les vns contans son Royaume depuis son election, & autres de son couronnement par Boniface ou le Pape Zacharie.

## CHAP. VII.

*Qualitez de Pepin; sa femme & enfans. Constantin, Philippes, Estienne Papes esleuz par sedition. Estienne demeure. Constantin brusle par le peuple. Nomenclateur office de Rome s'appelle donneur. Nos marguilliers sont en leurs places.*



EST FUT VN Prince fort regretté pour sa vaillance, pieté & douceur: de maniere que la Chronique de saint Martial l'appelle par tout *Pius*, qui semble auoir esté vn titre à luy accordé du consentement de plusieurs, puis que Papire Masson sçauant Annaliste dit, qu'il se trouue gravé en vne pierre qui est à Raueanne. Il est encores surnommé le *Bref*, c'est à dire, le court; pource qu'il n'auoit que quatre pieds & demy de haut, mais ainsi qu'un Poëte dit du vaillant Thidet,



*Grande Vertu sous petit corps auoir.*

*L'an de  
Iesus  
Christ.*

Et nonobstant qu'il fut imitateur des vertus de son pere & ayeul, il les passa en grandeur de faits & dignité d'estat. Il eut plusieurs enfans de Berthe sa femme, surnommée au grand pied, & ce pour en auoir l'un plus grand que l'autre, à sçauoir Carloman, Charles, & Gisle bien ieune fut mis en Religion: Rotende & Altende enterrees. Arnoul de Mets. Lazius luy donne vne seconde femme, de laquelle il fait descendre plusieurs autres enfans, les noms desquels lon peut apprendre de luy. Car il est certain, que Berthe suruesquit Pepin: & ce Roy estoit trop religieux, pour en mesme temps auoir deux femmes espousees. Ce que iedis, afin d'admonester ceux qui liront les œuvres de ce Lazius, de regarder de près à luy pour ce qui touche nostre France: d'autant qu'il me semble dire beaucoup de choses contre la commune opinion, & liures receus & approuuez: ce que ne doit faire vn Historien qui ayme son hōneur: car ce n'est pas assez de voir de vieux liures, & les alleguer pour garends: il faut peser ce qu'ils disent, & sçauoir s'ils s'accordent avec les auteurs approuuez, ou s'ils les contrarient diligemment examiner leurs raisons, & le temps de la composition des liures.

Pour exemple, Regnault Comte de Boulongne & de Dampmartin, tant renommé du temps de Philippes Auguste, qui le tint longuement prisonnier, l'an mil deux cens six, commanda à vn M. Iehans de recueillir les faits de Charlemagne, les plus veritables, & sans auoir esgard aux Romans, qui lors estoient en grande vogue: Ce bon M. Iehans, ayant trouué en la Librairie de S. Denis l'Histoire fabuleuse de Turpin, pensant que la narration en fut vraye, la translata de Latin en François, abusant ce vaillant Prince; là où s'il eut mieux cherché, il eut peu trouuer ce qu'auoit escrit du mesme Empereur, Eginard son Chancelier, ou Admar, & les Annalistes du temps: pour faire vn plus certain & meilleur recueil. Je conclud dōc, qu'il ne faut pas tousiours s'arrester aux vieux liures, s'ils ne sont fidelement escrits, & que leur fidelité se doit examiner sur la touche des Contemporains: neantmoins, ledit Lazius est grand & sçauant auteur, & digne d'estre leu pour ce qui touche l'Allemagne: mais pour la France, il se faut tenir à ce que diront nos François du temps.

Ceste mesme annee, Constantin deuxiesme renonça au Papar le quatriesme Aoust, & le lendemain fut mis en son lieu Estienne quatriesme. La cause de la deposition fut telle: Paul dernier Pape estant malade en l'Eglise de saint Paul voisine de Rome, Tholon Duc de Nepese partisan des Lombards, le voyant trir à la fin, de crainte que les Romains n'elussent aucun qui ne fut agreable au Roy Disier, à l'ayde de trois freres qu'il auoit, assemblea le plus de gens qu'il peult tirer de Toscane, & du plat-pais voisin de Rome, avec lesquels, & par le support de ses freres, il entra dans Rome par la porte de Janicule & maintenant de saint Pancrace, monstrant qu'il vouloit que Constantin l'un de ses freres fut assis en la chaire Papale: jacoit qu'il n'eust aucun ordre Ecclesiastique, & fut par layc. Toutesfois Paul estant mort le vingt-huictiesme Iuillet de l'an sept cens soixante & sept, il se trouua des Clercs, voies des Eueques, & entre autres Gregoire de Preboste, qui de leur gré, ou

L'an de  
Iesus  
Christ.

par force le tondirent en Clerc, & porterent en la maison Patriarchale de Lateran : le faisant tout aussi-tost sous-Diacre, puis Diacre, & le cinquiesme Iuillet ayant pris le serment du peuple, il fut sacré Pape en l'Eglise de saint Pierre, par les mains de Gregoire Ciconat Euesque de Port, & d'Eustace d'Albe, qui le mirent en possession. Ia il auoit exercé plus d'un an l'Estat Papal, benissant les Prestres, & aduanceant les Clercs aux ordres, comme s'il fut legitimement esleu, quand vn petit nombre d'autres Romains esmeuz par Vvaldi-perre Prestre, ne pouuant endurer telle violence, s'assemblerent en l'Eglise de  
768. S. Vit; & le quatriesme Iuillet de l'an sept cens soixante & huit, esleurent vn nommé Philippes, qu'ils menerent au Palais de Lateran, duquel ils chasserent Constantin. Pour lors estoit le plus riche homme de la ville vn nommé Christophle Primicere : Ces Primiceres & Secondiceres, estoient Assesseurs des raves, les accompagnans par la ville, & comme les plus honorables apres le pfect ou Duc de Rome, estoient aux costez du ravel vn à dextre, l'autre à senestre. Ce Premicere donc marry de voir les troubles & indignitez qui se commettoient par la ville, pensant que Constantin & Philippes n'auoient esté legitimement esleuz, protesta en presence de plusieurs Romains, d'abandonner la ville tant que Philippes demeureroit au Palais de Lateran : ce qui fut cause, que Gratian vn autre Romain, assembla des gens avec lesquels il contrainit Philippes sortir de Lateran, & retourner en son Monastere. Cela fait, Christophle l'adresse à Constantin, & le cinquiesme Aoust dudit an sept cens soixante & huit, fit assembler le Clergé & Nobles avec le reste du peuple Romain, pour consulter de l'ellection d'un nouueau Pape : l'affaire ne les tint pas longuement incertains ; car chacun tout aussi-tost donna sa voix à Estienne Prestre de Sainte Cecille, tres-homme de bien, qu'ils allerent querre en son Eglise, & le menerent en celle de Lateran, avec grande ioye & cris, l'appellant Estienne tiers (iaçoit qu'il fut le quart de ce nom, ainsi que l'ay dit cy-dessus) & nonobstant les secrets empeschemens du Roy Disier, qui fut contrainct dissimuler ceste violence populaire iusques à vne autre occasion. Le premier exploit du nouueau Pape, fut d'essayer à redresser l'Estat Ecclesiastique, alteré par les menees du Roy de Lombardie, & pour luy-mesme s'asseuter, en corrigeant vn abus scandaleux, ayant au milieu du temple fait venir Constantin vestu de ses habits pontificaux, apres qu'il eut renoncé au Papat, il le fit depouiller & confiner en vn Monastere. Puis d'autant que sous son nom le Roy Disier faisoit des pratiques, esmouuant des seditions dans Rome, par le moyen de Paul Affarte ( qui aussi essayoit à destourner les Romains de l'amitié des François, pour les tirer du costé de l'Empereur ou des Lombards, dont s'enfuiuoit des meurtres ) les ennemis de Constantin prenant ceste conuerture luy creuerent les yeux, comme estant cause de ces maux ; & encores, les Prestres & le peuple non contents de cela, apres l'auoir soufflé dans le Palais de Lateran, le brullèrent au milieu du paruis : cryans lesdits Clergé, peuple & le Pape, *Critaleon*, (c'est dit Marian Scot) iaçoit que d'autres disent qu'Estienne fit son deuoir d'empeschier ceste cruelle vengeance. Ainsi donc le Pape desirant donner ordre à l'Eglise & ville de Rome troublee par ces contentieuses ellections,

ctions, assigna vn Sane ou Concile aux Prelats, & deposcha Serge Secondicere <sup>L'an de</sup> ou Nomenclateur, fils dudit Christophle, pour venir trouuer Pepin qu'il cui- <sup>Iesus</sup> doit encores vis, à fin de le prier d'enuoyer des Euesques & Prelats de son <sup>Christ</sup> Royaume, l'ayder à la reformation de l'Eglise Romaine, & schismes suruenus en icelle. Toutesfois ces Ambassadeurs ja acheminez, encores qu'ils fussent aduertis de la mort du Roy Pepin, ne laisserent de tirer outre, pour faire entendre leur charge à ses enfans; qu'ils trouuerent ja Couronnez, auant leur venue, ces Nomenclateurs par les Chroniques Françoises sont appelez *Donnerres*, possible pource qu'ils tenoient le registre & appelloient les enrollez au papier des aumosnes ou Matricule, ainsi qu'il se void dans le testament de S. Remy, où il nomme ces garde-roolles, *Matricularios*: dont vient le mot de Marguilliers, lesquels sont encores retenus aux corps des Eglises Cathedrales de Paris, & aux parochiales ont l'administration du temporel, aumosnes, & dons faicts pour l'œuvre & fabrique des lieux.

CHAP. VIII.

*Carloman, & Charles couronnez Rois de France. Hunaud se declare Duc d'Aquitaine, comme aussi fait Loup de Gascongne. Les Rois apres leur partage enuoyent douze Prelats François au Concile de Rome: puis viennent en Aquitaine. Charles abandonné par son frere poursuit Hunaud: qui luy est livré par Loup. Fronssac basti par Charles: Christofle Primicere & Georges Secondicere de Rome, auenglez à la suscitation de Disfer Roy de Lombardie. Carloman meurt, & sa veſue se retire avec ses enfans en Bawieres. Hunaud eschapé de prison, se retire en Lombardie. Mort d'Asnar fils de Ende Duc d'Aquitaine, premier Comte d'Arragon.*



LE Roy Pepin ne fut pas si tost enterré, que les Seigneurs François n'eussent au trosne royal ses enfans, lesquels à mesme iour neufiesme d'Octobre ensuyuant, furēt couronnez; à sçauoir Carlomā à Soissons, & Charles à Noyon, ou Vvormes, selon du Tillet. Et pource durant quel'on esclarcit leurs partages, Hunaud fils de Gaiffier apuyé sur la faueur de ceux qui iadis auoient suyui son pere, s'estoit declaré Duc d'Aquitaine, d'autant plus facilement, que les places demantelées n'empeschoient aux habitans de declarer la bonne volonté qu'ils portoiēt aux heritiers de leurs anciens Ducs; il fut aduisé par les Euesques, & nobles François, que Carloman auroit le païs que son oncle de mesme nom, souloit tenir auant qu'aller à Rome, & Charles celuy de Pepin leur pere: cōme par vn partage prouisionnel: Car il y auoit danger que dilayant d'auantage, ceux qui estoient accoustuméz au pillage n'etropriussent quelque nouueauté: pource que Loup noble Seigneur de Gascongne, s'estoit aussi declaré Duc de son païs, de

KKK

L'an de  
Jesus  
Christ.

769.

maniere qu'il fut tout besoïn aux freres quelque mescontètement qu'ils peussent auoir l'un de l'autre, de se comporter doucemēt pour leur commune vrité. Cependant afin d'entretenir leur reputatiō à Rome, ou possible pour garder le droit d'Aduoirie que leur pere tenoit en ceste ville, ce cuident nos croniqueurs, ils despescherēt les Ambassadeurs Papaux qu'ils firent accompagner de douze Prelats des plus sçauans de France, pour assister au Concile assigné à Rome: afin de vider les differens suruenus en ladite Eglise. Encore, Charles ayant fait à Aix la feste de Noel, de l'an sept cens soixante & neuf, apres qu'il se veid assésuré du Royaume, vint à Rouën passer celle de Pasques: où pour chastier les Guyennois esleuez il resolut d'assembler des forces, estimant que c'estoit à l'entrée des Regnes, que les nouveaux Rois se doiuent faire cognoistre pour tels qu'ils sont ou veulent qu'on les estime à l'aduenir: d'autant que selon l'opinion que les suiets conçoient de leurs nouveaux seigneurs, volontiers ils en font comme vn iugement arresté, avec ce que, souffrant ce peuple en sa rebellion, c'estoit donner occasion aux enuieux de la prosperité des François, ou ceux qui estoient oppressez de leur puissance, de secouer le ioug maintenant que la maison de Pepin sembloit affoiblie par la mort de ce Roy emporté sur le point de sa plus belle fleur. Outre ce, que la querelle des freres donnoit esperance aux rebelles qu'ils s'accorderoient mal au commencement de leur nouvelle seigneurie; ainsi qu'ordinairement il aduiēt sur le partage des grāds royaumes. Et pource, qu'il falloit vser de soudaineté avant que les ennemis eussent loisir de se recognoistre, & apprissent à faire les Ducs. Charles mit donc tout incontinent ses forces aux champs, priant Carloman son frere le vouloir aider en ceste guerre commune: ce qu'il accorda. Toutesfois par le conseil d'aucuns malins il ne perseuera en ceste volonté: car il auoit pres de soy des gens marries de voir amitié & vnion entre ces freres, qu'ils essayoiēt de tenir en diuision par de vains soupçons, & rapports faits pour les ietter en guerre; afin de tirer profit de ceux qui sont bien aises d'auoir des pensionnaires chez leurs voisins, pour sçauoir leurs secrets. Aussi ie trouue en vn Autheur qui auoit commencé vne hystoire Latine de Charles, que Carloman estoit de nature reuesche: & que sa femme auoit quelque picque contre Hildegarde espouse de Charles, mais il faut que la cause fut autre, puis que les Autheurs du temps disent qu'elle estoit née auant ce voyage d'Aquitaine: auquel ledit Charles n'estoit encores marié. Or nonobstant ceste rancune, comme les Rois volontiers sont plus dissimulez que les autres hommes, les freres se virent en Poictou, en vn lieu nommé *Dun-les-Ves*, que ie n'ay peu remarquer, d'où Carloman retourna en son Royaume, & Charles poursuivant son entreprise entra en Aquitaine, suyui de beaucoup de noblesse, qui l'auoir veu aux armées de son pere, faire deuoir d'homme courageux avec ce que par la belle taille de son corps, gétillisse de son esprit, son assurance, courtoisie, & liberalité, les hommes de guerre se promettoient le voir quelque iour plus grand & honoré. Ce qui aussi rongroit d'enuie le cœur de Carloman: & fut cause de luy faire si tost abandonner l'entreprise. Et neantmoins Charles tira vers Angoulesme, où il recueillit le reste de son armée: qui de tous costez arriuoit, & prenant les François que feu Pepin y auoit laissez

avec leurs meubles. Et Launus son Chappellain Euesque d'icelle, pourfuyuit de si pres Hunauld fuyant deuant luy, que peu s'en fallut qu'il ne l'atrapast. Toutesfois d'autant qu'il cognoissoit le païs, tant plus facilement il abusa l'armée François, & se sauua en Gasconne és bras de Loup; qu'il croyoit estre bien fort son amy: & deuoit en ceste cause commune s'opposer à l'ambition du ieune Roy François. Charles qui n'en vouloit point faire à deux fois, enuoya gens deuers le Duc Gascon, le menacer s'il ne luy deliuroit Hunauld son rebelle, qu'il entreroit par force en son païs: pour luy monstrer qu'il ne deuoit retirer ses ennemis. A la verité, Loup redoutoit les François, pour leur auoir esté autrefois contraire, & encoures leur gardoit vn malalent, mais considerant que le courage sans pouuoir est vain, & que la paix luy estoit plus necessaire que la guerre, il pensa que mal-aisément les François oublieroient les ennuis qui leur auoient esté faits, s'il ne les gaignoit par quelque remarquable seruice, car ie lis au Latin *Munere* & non pas *Vulnere*, qui neâtmoins se peut là tourner meschanceté. Et pource, voyant les menaces de Charles luyuiés d'une armée preste d'entrer en la terre, & qu'il ne pouuoit secourir ne cacher Hunauld, oubliant l'hospitalité & l'ancienné amitié d'entre eux pour sauuer son propre bien, il delibera monstrer à Charles, qu'il vouloit demeurer son vassal: puis qu'il n'y auoit apparence de ressource en ce Duc d'Aquitaine abandonné des siens, qui dès l'entrée que Charles fit en son païs, luy auoit enuoyé des Ambassadeurs demander la paix. Et d'autant que la crainte d'estre chastié, & l'esperance de pardon se trouua lors plus forte à l'endroit de Loup, que la société de Gaiffiers le Duc Gascon conduisant ceux qui estoient venus de la part de Charles, bien tost les mena vers la cachette du miserable Hunauld: lequel il signa prisonnier entre leurs mains, avec sa femme, & ses enfans, offrant luy mesme faire tout ce qu'il luy seroit commandé. Charles ne fit autre mal à son prisonnier, que de le tenir en seure gardé. Et cependant il fit edifier vn chasteau sur la riuierre de Dordonne, qu'il nomma Fronciac, ou Franciac, à cause (dit Eginard) des François, qui le bastissoient: plustost que pour auoir ce lieu esté deuant nommé *Frons Saracénorum*, ainsi que pense Nitoles Gilles, contredit par les Auteurs du temps, qui soustiennent mon opinion. Mais le Seigneur de la Scalle dict, qu'il ne peut auoir pris son nom des François: veu qu'il s'escrie *Fronciacus*: & non pas *Franciacus*: & que ce mot *Acus*, par les anciens Gaulois se mettoit avec le nom du maistre du lieu: *Acus* lors signifioit village ou maison chapestre comme *Martinacus*, *Martini villa*: *Lucaniacus*, *Lucani villa*, *Fronciacus*, *Frontini villa*: & que là où vn nom se trouue composé d'*Acus* la premiere partie de la composition est tousiours vn nom propre, & que la langue Theutonique en vse ainsi, disant *Martins-dorpb*, *Hanf-dorpb* pour Martin-ville, & Ian-ville: voila que c'est de communiquer avec les hommes de sçauoir: car l'auoy luyui le meilleur chemin (ce me sembloit) en gardant l'opinion d'Eginard, ia né, ou peu apres la fondation de ce chasteau, & il nous faut croire que Martin-ville, Romain-ville, Ian-ville & autres pareils sont de mesme origine. Si me tiens ie à l'opinion d'Eginard, & que Froillac estant bastimé de François en a retenu le nō. Ceste fortresse acheuée & Hunaud emmené prison-

L'an de  
Iesus  
Christ  
770.

mier, Charles retourna faire Noël de l'an sept cens soixante & dix à Durie, & Pasques à S. Lambert de Liege, n'estant comme il est croyable, le partage des freres Rois encores du tour arresté: puis que Charles s'aidoit de ces places du Royaume d'Austrasie, d'autant que Liege est de delà la Meuse, laquelle a tousiours esté limite d'Austrasie & de Vestrie.

L'an precedant le Pape Estienne tint vn Concile au mois d'Auril, indiction septiesme, au Palais de Lateran: pour mettre ordre à l'Eglise troublée pour les susdites eslectiones Papales, & condamner l'opinion des Grecs, qui estimoient heretiques ceux qui tenoient des images aux Eglises, mais en cestuy-cy, il fut dit que l'adoration des images estoit approuuée de Dieu, & qu'on les pouuoit encenser. Il y fut aussi aduisé des moyens de resister & pouruoir contre les entreprises de Disier Roy de Lombardie, lequel voyant que par l'empeschement de Christophle Primicere, & autres Seigneurs Romains, il ne pouuoit venir en son entente, s'aduisa de donner courage à Paul Affiar-te, Chambellan de l'Empereur, gaigné & fait son amy par dons & grands presens, de vouloir remettre sus la dignité du Duc & prefect ou preuost de Rome, dont les predecesseurs auoient iouy: & il n'osoit en vser, comme ceux qui souloient estre enuoyez par les Exarques ou Empereurs auant que repin fut venu en Italie. Et d'autant qu'Estienne rape, qui auoit bonne opinion de Disier, l'auoit appelé à Rome sous couleur de iurer sur les sepultures des Apostres, vn traité nouvellement fait ensemble, apres s'en estre acquité selon la volonté du rape, le Roy de Lombardie, comme s'il n'eust demandé que le repos de la ville, reprocha au Duc qu'il conuinoit aux troubles de Rome par sa nonchalance & paresse en son estat. Dequoy Affiar-te ioyeux d'auoir occasion de chasser les ennemis des Grecs & du Roy de Lombardie, vsant de l'autorité de son magistrat; & comme pour reformer l'estat de la ville, qu'il disoit estre troublée par les menées de Christophle Primicere, & Georges Se-condicere, leur fit esteindre la veüe; & les bannit pour quelque temps: sca-  
chant bien que c'estoient les plus affectionnez à la liberté de l'Eglise & party François: dressant par ce moyen le chemin aux desseins de Disier, qui vouloit abatre l'autorité que les François s'estoient acquis en Italie: afin que le siege Romain trouuât de dissensions, pendant que les Grecs, les Francois & les rapes disputent de leur autorité dans Rome, il peust eslargir les bornes de son Royaume, & comme le plus proche voisin, estre appelé pour iuger les differens suruenus en la ville. Ceste mesme année Charles tint vn parlement à Vormes, & Berthe vesue du Roy repin alla voir Tassillon Duc de Bauieres: puis vint à Salosse admonester Carloman de viure paisiblement avec Charles son frere: ou selon aucuns pour appointer Tassillon avec les Rois ses enfans. De là sous ombre d'aller faire ses oraisons à Rome, elle passe en Italie, scauoir si le Roy Disier vouldroit donner à Charles vne de ses filles en mariage, ce que bien aisément elle obtint: & en emmena vne, que d'aucuns nomment Her-mengarde, & Paul Emil, Theodore, sœur de Litoperge femme de Tassillon: & laquelle fut enuoyée en France.

Cependant comme Charles passoit l'hyuer à Valancienne ville assise sur

la riuere de l'Escaut, il eut nouuelles de la mort de Carloman son frere trespas-  
sé à Saulmoncy (l'on cuide que ce soit Mont-faugéon pres Langres). Le qua-  
triesme de Decembre audit an, il le fit enterrer à S. Remy Abbaye de Reims, *L'an de  
Jesu  
Christ.*  
à laquelle ce ieune Roy auoit fait de grands biens, comme il se void par vne  
certification de Hincmar Archeuesque de ladite ville: & ie le dis, pour oster  
l'opinion de ceux qui ont escrit, qu'il fut enterré à S. Denis pres son pere. Ce  
Carloman tint le Royaume deux ans, & trois, selon ceux qui content pour  
vn le reste de l'annee que son pere mourut.

Les obseques passees, & la feste de Noël de l'an sept cents soixante & vnze, 771.  
faicte à Mayence, Charles seul Roy de France, tint vn Parlement à Valen-  
cienne, puis vint à Carbonnac; entendre les Prelats & Seigneurs du Royaume  
de son frere qui luy firent hommage: entr'autres Vvolcar ou Vvillard Eues-  
que de Sion, Fourre Prestre & premier Chapelain, avec plusieurs Euesques  
Prestres & Nobles de la suite de feu Carloman, mesmes les Comtes Guerin, &  
Adellart. Quant à Berthe vesue du deffunct, encores qu'elle n'eust raison de  
crainte (ce disent aucuns) par le conseil d'un Seigneur nommé Anthoine ou  
Anthar, homme de grand nom, elle se retira avec ses enfans vers Tassillon,  
suiuie de plusieurs Gentils-hommes. Mais Charles du consentement des au-  
tres se saisit du Royaume de ses freres, estant bien marry toutesfois, de la re-  
traicte de ceste Royne vesue: Iacoit que nos Chroniques Françoises disent  
que le Roy passa legerement cest ennuy: car il scauoir bien que ceste voye ne  
luy rendroit pas moins de profit.

Au mesme temps Hunaud eschappé de sa garde se retira vers le Roy de  
Lombardie, ou (comme disent aucuns) faignant d'aller à Rome, il demoura  
en la Cour de ce Roy, auquel il seruit de boute feu, pour l'eschauffer à la  
guerre que depuis il entreprit contre le Roy de France.

Ceste annee aussi mourut Asnar Comte d'Arragon, fils d'Eude Duc d'A-  
quitaine, & qui le premier passa la riuere, & gaigna vne bataille, en laquelle  
ayant tué quatre Rois Sarrazins, les Espagnols disent qu'il chargea l'escu de  
ses armes, qui souloit estre d'argent, de quatre testes de Maures: le parces par  
vne teste de gueulles, & que Gabinde son fils luy succeda.

KKKij

## CHAP. IX.

Charles va faire la guerre en Saxe. Gaigne une bataille pres Osnabury. Contrainct les Sefnes se retirer outre la Vezere : & lesquels chassans les Vandalles s'appellent Ostphales. Charles prend le Chasteau d'Eresbourg. Faisct abatre Irmensuld l'idole des Sefnes. Interpretation & figure de l'idole. Les Sefnes contrainctz bailler ostoges. Charles bastit en Saxe le Chasteau d'Eresberg, & y met garnyson. Repudie Hirmengarde fille de Disier Roy de Lombardie. Prend a femme Hildegarde fille du Duc de Suabe. Duché de Rome acquis par le Pape Gregoire. Berthe vesue de Carloman presse le Pape Hadrien de Couronner ses enfans : lequel voyant que Disier vouloit reprendre l'Exarquat ; demande secours à Charles. Raisons de Disier contre les pretentions du Pape, sur l'Exarquat. Le Roy de Lombardie empesché par le Pape de venir à Rome. Charles nonobstant qu'aucuns François l'empeschassent de passer en Italie, prend les Cluses, & assiege le Roy Disier.

772.

**L**ORS choses sembloient s'aprester pour la grandeur & l'aduancemēt de Charles, par la victoire tant soudainement obtenue en Aquitaine, & la grande succession de son frere, quand pour l'exercice de sa jeunesse, voire de toute sa vie, Dieu luy fustoit vn plus opiniastre que puissant ennemy : car ayant festoie le Noël de l'an sept cents soixante & douze, au Palais d'Armeni, il fu à aduertty que les Sefnes estoient prests de l'assaillir. A ceste cause il vint faire Pasques à Hamstall : & ayant assigné son Parlement à Vormes, il y assembla son armee, pour la mener en Saxe delibéré de conquies ce pays rebelle. Mais il y trouua tant de resistance, que de trente ans il ne peut auoir la raison de ce peuple barouchie, & encores fut-ce bien souuent avec la perte des François, jaquitques plus grandes des Sefnes, lesquels nonobstant infinis traictez de paix & ostages baillés, à la premiere occasion qui s'offroit, comme s'ils eussent esté vn fleau ordonné de Dieu pour rabattre la prosperité des nostres, tousiours essaioient de recouurer leur liberté : renonceant au Baptisme que bien souuent par force ils receuoient.

Charles donc, entra en Saxe, & pour augmenter la fraieur de sa venue, il fit mettre au feu & à l'espée tout ce qu'il rencontra, sans toutesfois grandement estonner ce peuple, qui dès le premier logis des François, fait à la source de la riuere Lupie auiourd'huy Lup, vint au deuant en grand nombre, presenter la bataille auez prés d'Osnabourg, en la forest du Fayer, où ils furēt vaincus, auez grand meurtre des leur, & le reste se sauua outre la riuere de Vezere. D'où ayas chassé les Vandales (les Affriquains, & les Espagnols de ce nom jadis vindrent de ceux-cy) & contrains soy retirer plus auant, ils logerēt en leur pais. Krants dit, qu'en ce temps les chassez s'appelloient Ostfales : & ceux qui demourerent



Vestfale. Mais toute la force du peuple & la Noblesse abandonna le quartier de Vestfalie, n'y demourant que les pauvres gens de labour, inutiles à la guerre. C'est en de  
les  
Christ.

Après ceste victoire Charles prit le Chasteau d'Eresbourg, où estoit l'Idole des Sefnes, appelée Irmenfild; laquelle il fit rompre avec son temple, sejour-  
nant trois iours sus le lieu pour cet effect. Cependant qu'on besongnoit à la  
demolition il aduint que les fontaines voisines tarirent: tant à cause de la gran-  
de quantité de gens & cheuaux de l'armée, que pour n'auoir pleu de long réps,  
dont le camp se trouua en grand peine, n'y ayant à l'entour moyen d'abruuer  
de bonne eau les hommes & les bestes. Toutesfois en plein midy, lors que le  
Camp estoit en repos, il sortit d'un creux de terre, estant sous vne montaigne,  
telle quantité d'eau, qu'elle suffit pour toute l'armée, tant que le Temple fut  
abatu. Ce que tindrent pour miracle, ceux qui pensoient auoir esté secourus  
de Dieu en si bon œuvre que la destruction des Idoles.

Or puis que nous sommes venus à parler d'Irmenfild, ce ne sera hors de  
propos d'en declarer la figure comme elle est descrite par Krants: Ceste idole  
estoit dans vn Temple nommé Merspur, planté sur la montagne d'Eresberg.  
Aucuns ont pensé qu'Irmenfild prist son nom de Hera; laquelle les païsans de  
ce quartier cuidét encores voler en l'air: ou bien Mercure, que les Grecs appe-  
loyent Hermes. Toutesfois l'honneur qu'en Germanie l'on portoit à Mars, a  
faict estimer que ce soit son image. Car encores auourd'huy le lieu s'appelle  
Merspur. Aucuns interpretent le mot Irmenfild Statuë commune: & qu'elle  
auoit pris son nom pour estre l'Asyle & franchise de Mars qui est commun  
& incertain de sa demeure: enclinant aux batailles, tantost d'un costé & puis  
d'un autre: l'Image estoit armée de toutes pieces, tenant en sa dextre vne Ban-  
niere, en laquelle y auoit peinte vne rose qui se passe aussi tost que l'adventure  
d'une bataille: & en la fenestre tenoit des balances; pour monstrer l'incertitude  
d'un combat qui va balançant çà & là: sus l'estomach elle auoit vn Ours; pour  
signifier l'assuré courage que l'homme de guerre doit auoir: en son Pauiot  
estoit peinct vn Lion estimé Roy des bestes; pour donner à cognoistre, qu'un  
cœur vaillant, sans crainte doit executer les hardies entreprises, le charap d'a-  
lentour se voyoit planté de fleurs signifiant que les hommes vaillants n'ont  
plus grand plaisir, que de monstrer leur proüesse en vne bataille: & voyla com-  
me Krants a moralisé ceste figure, ou recité ce que les anciens en pensoient. Car  
quelque barbarie qui iamais ait esté, les Prestres ont volontiers eu de secretes  
interpretations de la figure des Idoles, pour retenir le peuple qui iamais ne  
se laissa tant mener par le nez, que de croire, que de bois, de pierres, de bronze  
fussent leurs dieux. Encores moins faut-il penser, que les Egyptiens (hommes  
tant aduisez & subtils) estimassent que leurs dieux fussent demy-hommes,  
Singes, Chiens, Taureaux ou d'autres estranges figures contre nature  
(comme ceste nation maistresse es bonnes sciences representoit ses idoles)  
sans cacher dessous quelque secret. Toutesfois ceux qui les premiers  
ont donné des Images aux dieux, ont esté la crainte d'eux aux hom-  
mes, & augmenté leur erreur, monstrans que les dieux se pouuoient mes-

L'an de  
Iesus  
Christ. prifer par leurs figures mesmes, ce disoit M. Varron, le plus sçauant des Romains, & apres luy S. Augustin.

Le temple d'Irmenuld destruiët, & l'or & l'argent emporté, le Roy passa la riuere de Vezere, & contraignit les Sefnes de luy baillier douze ostages: Puis ayant fait rebastir Heresberg, chasteau desmoly par les Sefnes mesmes, il y mit bonne garnison, & retourna en France avec ses hostages.

La mesme annee Charles par le conseil des Euesques; & non sans le courroux de sa mere, repudia Hermägarde fille de Disier Roy de Lombardie: pource (dict vn Moynede Sainët Gal) qu'elle estoit *Clinica*: ie croy si maladie qu'elle ne bougeoit du liët: & qu'elle n'eut sçeu porter des enfans, espousant en son lieu Hildegarde fille de Hillebrand Duc de Suaupe, & Rutgarde de Bauieres, de grande beauté, & tres-noble, sœur de Ouldry, de la race de Godefroy, Duc d'Alemaigne, qui fut pere de Neby.

773.

L'an sept cens septante & trois, le Roy fit Noël & Pasques à Heristal, mais entre deux, & le dernier Decembre Estienne Pape mourut, auquel le deuxiesme de Feburier ensuyuant Adrian citoyen Romain, homme de grand courage, & lequel ne voulant endurer les entreprises de Paul Affiarie (l'efforçant d'exercer le Duché de Rome, ainsi que du temps des Exarques) pretendoit d'estre interessé en ceste iurisdiction, acquise (ce disoit-il) par Gregoire Pape surnommé le Dialogue, son predecesseur. Et pource tout incontinent il eslargit ceux que le Duc auoit emprisonnés, r'appella les bannis, & ayant le contentement du peuple, malgré le Duc se fit sacrer: mais voyant la resistance, & qu'il ne pouuoit mieux adresser ses plainctes qu'en France (ja comme en possession de patronage del'Eglise Romaine,) il depescha Pierre-Diacre, lequel, crainte des Lombards, puillans par terre, prit le chemin de la mer.

Enuiron ce temps, la vefue de Carloman voyant qu'il y auoit en Tassillon Duc de Bauieres, plus de courage que de pouuoir, pour luy faire auoir raison de Charles, accompagnée de ses enfans & d'aucuns Seigneurs François ses amis, se retira en Lombardie: pensant reconuer le Royaume de son mary, par le support de Disier, lors irrité contre Charles qui tout nouuellement auoit r'enuoyé sa fille. Ce Roy Lombard bien aduise considerant les forces de France, essayoit de gagner Adrian par toutes courtoisies exterieures: Et à ceste fin luy enuoya des Ambassadeurs, le prier de renouveler l'alliance qu'il auoit eüe avec Estienne Pape dernier mort. Adrian respondit qu'il vouloit la paix avec tous Chrestiens, mais qu'il ne pouuoit s'asseurer de celui qui auoit menty sa foy au Pape Estienne: lequel luy demandant les droitz de sainët Pierre, ne sçeut tirer autre chose de luy, sinon qu'il se deuoit contenter, qu'en sa faueur Cristophle & Serge (qui le mesprisoient) auoient esté tuez. Et que s'il ne demouroit son alié, il se trouueroit en plus grand danger que deuant, pource que Charles amy des defuncts auoit deliberé de venir à Rome avec vne armee venger leur mort & mettre le Pape en prison: à ceste cause il n'y auoit pas grande apparence (disoit le Pape aux Ambassadeurs Lombars) qu'il peut contracter alliance avec vn tel homme. Ils luy responderent que leur maistre satisferoit à tout, si l'alliance se renoueloit: & ainsi l'asseurerent par leur serment,

&amp;c

& Adrian tout de meſme, promit d'enuoier des Ambaſſadeurs vers le Roy. *L'un de* Diſier; qui iugea bien au r'apport des ſiens que par douceur il ne profiteroit *leſus* avec le Pape obſtiné à deffendre les droits de ſon Eglife. *Chriſt.*

Mais quand, Berthe vint en Italie, il penſa que ce luy ſeroit honneſte couuerture prendre en main la cauſe de ſes enfans, comme alié de Carloman leur pere: avec ce que Hunauld l'entretenoit d'eſperance de donner des affaires au Roy de France, luy remonſtrant que les enfans de ſeu Carloman y auoient encores des amis, & que les Aquitaniens & Gascons nouuellement conquis eſſaieroient de ſecouër le ioug: & qu'au premier ſon de trompette, ils monteroient à cheual pour recouurer leur liberté, puis que tous les iours ils eſtoient contrains de voir deſmenteler & ruiner leurs villes, & les Princes, & Seigneurs de ce pais eſtans bânis ça & là, ſ'ils trouuoient quelqu'un qui leur fournir de chef, bien toſt ſe mettroient ſous l'enſeigne du premier qui ſe preſenteroit pour venger les iniures publiques & priuees: car ils n'auroient faulte de volonté.

Ces remonſtrances eſtoient de grande apparence, & Hunauld ſembloit non ſeulement homme de conſeil, mais encore ſuffiſant Capitaine, n'ayant eſté chaffé de ſon païs que par la trahiſon des ſiens.

Quand le Roi des Lombards fut aduertty que le pape auoit depeſché homme en France, il penſa qu'il n'obtiendrait d'Adrian rien d'equitable; & que Dieu luy preſentoit de belles occaſions, pour tout à vn coup ſe venger de luy & de Charles, monſtrant à chacun ſon iniuſtice, ſ'il reſuſoit de couronner les petits ſils de Pepin, la maiſon duquel auoit eſté beniſte, & les uſurpateurs de leurs droits, maudits par l'Egliſe Romaine, dont Adrian ne tenoit compte, non plus que d'un autre leger priuilege: de Charles, luy enuoyant vne guerre ciuile ſur les bras d'autant plus dangereuſe, que c'eſtoit ſur le commencement de ſon regne: ſi le meſme Adrian ayant plus d'eſgard au droit tout apparent de ces enfans, qu'aux commoditez de ſon Eglife, les couronnoit, pour r'entree en leur heritage paternel.

Toutesfois ces belles couuertures auoient encores beſoyn de la force, pour vaincre l'opiniâſtreté d'Adrian: A ceſte cauſe deux mois apres l'election du Pape, Diſier entra en l'Exarquât: & d'arriuee, priſt Comace, Ferrare, & Faënce, monſtrant qu'il en vouloit à Rauenne, lors deſſenduë par l'Archeueſque & Tribuns de la ville. Ces nouuelles entéduës par Rome, pour-ce que le ſecours de France eſtoit loingtain, Adrian enuoié des Ambaſſadeurs à Diſier, qui n'eurent autre reſponce, ſinon qu'il vint trouuer le Roi preſt de luy faire raiſon. Aquoy le Pape ne vouloit obeïr: Les Lombards ſe iettent en la Pantapole, & gaſterent le païs: meſmes Diſier fit tuer les nobles de la maiſon de Bède, venus en Toſcane faire l'Aouſt, & recueillir leur grain qu'il fit emporter par ſes ſiens. Lors Adrian le cuidant apaïſer enuoya pluſieurs gens le prier de luy faire iuſtice. Mais Diſier reſpondit, qu'il luy vint luy meſmes faire ſa requête: & le Pape ne ſe voulant ſoumettre, diſoit que ſa maiſon il ne ſe trouueroit en ſa preſence: Dont le Roi courroucé r'enuoya les meſſagers Papaux; menaçant qu'il iroit en armes iuſques à Rome. Et neantmoins il preſſoit touſiours

LLL

*L'an de* le Pape de couronner les enfans de Carloman : à quoy Adrian n'eut pour rien  
*Iesus* entendu : sçachant que Disier ne le faisoit pour pitié qu'il eut d'eux : ains afin  
*Christ.* que la France (seul refuge de l'Eglise Romaine) fut trauaillée, & l'Eglise priuée du secours qu'elle en deuoit tirer en sa necessité.

Cependant Adrian ferme les portes de Rome, repare les plus foibles endroits, & Pierre son Ambassadeur descendu à Marseille, puis en Arles, estoit venu par terre trouuer le Roy Charles qui sejournoit à Thionuille, pour le prier qu'à l'exemple de son pere & ayeul, il voulut deffendre l'Eglise Romaine des outrages qu'elle receuoit par le Roy Disier, luy remontrant qu'il estoit aysé à recognoistre, que l'inimitié que ce Roy Lombard portoit au Pape, procedoit de ce qu'il ne vouloit pas couronner les enfans de Carloman : laissant à iuger au Roy de France l'interest qu'il auoit si le Pape estoit cōtrainct de le faire, le messager Romain depesché avec bonne esperance de secours, retourna le chemin qu'il estoit venu. Et Charles ayant pris conseil sur le fait proposé, & outre la crainte qu'il auoit de l'aduancement de ses neueux, voulant monstrier qu'il estoit prest de soutenir les droits de l'Eglise, delibera d'en prendre la protection : car il ne pouuoit trouuer bon que Disier se meslast tant des affaires de France, que d'y vouloir donner des Roys contre son gré : avec ce qu'il estoit aduert, que le mesme Roy, non content d'auoir recueilly Hunaud son prisonnier fuitif, l'auoit fait chef d'une armee commise à la garde des Cluses, & pas des Alpes : Toutefois pour obseruer l'ordre que doiuent suivre les Roys qui font cas ou semblant d'aymer la iustice, pour courir leur ambition, il enuoya ces Ambassadeurs vers Disier : non tant pour l'admonester de rendre ce qui appartenoit à l'Eglise, que sous couleur de ceste legation, considerer l'estat d'Italie. Les François furent honorablement receus du Roy de Lombardie qui n'oublia pas de ramenteuoir les anciennes alliances des deux Royaumes : & dire qu'il n'auoit aucune querelle à demester avec Adrian, & nulle occasion de guerre, sinon qu'ayant souuentes fois demandé sa paix, il la luy auoit refusee, & cōtrainct de prendre les armes pour maintenir les droits de la couronne, que faussement il estoit accusé par le Pape de tous les maux que l'Italie receuoit : mais si Charles vouloit plustost croire aux faits qu'à des faux rapports, venans d'hommes courroucés : & qui ayans demandé vne fois la paix, vouloient que l'on creut que c'estoit à bon droit, il trouueroit qu'il n'auoit rien fait que digne d'un cœur Royal, soit pour la poursuite de ses droits, soit pour l'aduancement des enfans de Carloman ses nepueux. Car ostant l'alliance des Lombards commune avec tous les Roys de France, il ne contreuenoit au traité fait avec Pepin, de procurer le couronnement de son petit fils. Et Charles luy mesme estant leur oncle seroit mieux de leur rendre l'heritage de leur pere, pour monstrier la droicture de sa iustice, que croire les calomnies du Pape. Ce neantmoins il enuoyeroit de rechef des Ambassadeurs à Rome essayer d'auoir la paix.

Il semble aux François qu'il valoit mieux attendre la responce du Pape ; & de vray le Roy Lombard demandoit la paix : mais avec des conditions ; & que le Pape tournast de son party, ce qu'il ne vouloit faire. A ceste cause Disier (ain-

si que dit est) entra en l'Exarquât, & pour tousiours contraindre le Pape, à cou-<sup>L'an de</sup>ronner les enfans de Carloman il sortit de Paue avec Adelgise son fils, Berthe<sup>Iesus</sup> vefue, & ses enfans saignât de venir à Rome faire ses oraisons: car il n'auoit que<sup>Christ.</sup> train ordinaire. Arriué à Spolete, il enuoia André son referédaire aduertir le rape de sa venuë. Adrian respôdit qu'il ne se trouueroit en sa preséence, s'il ne luy rédoit ses places, mais cependant Disier ne laissa de cōtinuer son chemin, dont Adrian aduertty fit clorre les portes de Rome, & garnir les murailles de Rome de gens qu'il auoit leuez en la campagne. Et pour ce que les Temples de saint Pierre & saint Paul n'estoyent enclos de murs, il en fit transporter les tresors & former les portes à clef: affin que le Roy n'y peut entrer sans les rompre & encourir excommuniement. D'auantage il enuoia au deuant de luy iusques à Interranne, c'est Trany, les Euesques Eustace d'Albe, André de Prenestre (c'est Palestrine) & Theodose de Tiouly, denoncer au Roy qu'il n'eust à passer outre s'il ne vouloit tomber és censures Ecclesiastiques. Disier luy obeyt & retourna d'où il estoit venu: car il vouloit dōner à cognoistre, qu'il n'estoit rien de ce que le Pape luy mettoit sus, l'appellant destructeur d'Italie, puis que tous les iours il faisoit rebastir beaucoup de villes en plusieurs endroits. De vray Charles Sigoigne recite vne declaration de ce Roi, qui porte les noms de plusieurs villes, par luy restaurees & faites neufues: telles que Viterbe, & autres par luy nommees. Durant cela les Ambassadeurs de Charles vindrent à Rome sçauoir quelle satisfaction Disier auoit faicte au Pape, qui leur declara l'estat de ses affaires. Là dessus les François retournerent à Paue sommer derechef le Roy Lombard de rendre à l'Eglise ce qu'il vsurpoit. Mais ils n'emporterent autre responce que celle que ja ils auoient eue, & neantmoins Charles les renuoia presser Disier de rendre les villes, en receuant quatorze mille sols d'or, ce qu'il refusa. Alors le Roi de France tout resolu d'employer ses forces pour l'Eglise, assembla vn Parlement general à Geneue, auquel il remonstra la plainte que luy faisoit le Pape. Les François n'estoient tous d'un accord: car plusieurs Seigneurs fauorisans (possible) le party des enfans de Carloman, luy declarerent franchement qu'ils ne l'accompagneroyent point en ceste guerre. Dequoy Charles ne tenant compte, avec le reste qui se trouua de son party, conclud de faire le voiage, à ceste fin mettant vne si grande armee, qu'il monstra bien (ce dit Sigoigne) que l'enuie de conquerir la Lombardie le menoit autant que le zeile de sōstenir l'Eglise.

Ainsi donc, l'armee assemblee à Geneue, fut diuisee en deux: & l'une cōduicte par Bernard oncle paternel du Roy, marcha deuant par le Mont-Iou, affin d'occuper les destroits: & l'autre que Charles mena luy-mesme, suyuit apres par le Mont-Cenis: pour rencontrer aux Cluses. Disier sur les nouuelles de la venuë des François auoit depesché des compagnies pour garder les pas des Monts: puis avec vne armee composee du reste de ses meilleurs homes & vassaux, estoit venu loger à Turin & Oste en Piemont, cuidant là arrester les François, s'il aduenoit qu'ils forçassent les pas. Ce pendant le Roi de France depesche des Ambassadeurs vers Disier luy offrir la mesme somme d'argēt que de-

LLL ij

L'an de  
Iesus  
Christ.

uant, s'il vouloit entendre à composition : & que receuant du Roy de Lombardie trois enfans de Luges (c'est à dire Comtes, à mon aduis) pour ostages, il remeneroit son armee en France: l'admonestant d'auiſer bien à ſes affaires, pendant que les choses estoient encor en leur entier.

Ce fut en vain que Charles y enuoia, & pource il fit marcher auant son armee. Mais d'autant que les pas estoient ſaiſis par les Lombards, il commanda aux plus habilles Scates François enclorre par derriere les Italiens, & gaigner le deuant par certains chemins que ceux du païs leur enſeignerent.

Ce conseil auſſi-toſt executé par les plus gaillards de l'armee François, ils donnerent telle frayeur à Diſier qu'il abandonna ſon camp, laiſſant ſes rentes plaines de toutes ſortes de biens, jaçoit qu'il eut belle & grâde armee, & Charles le ſuiuit, tuant ceux qui ne furent tant diligens que leurs compagnons. Godfrey de Viterbe dit, qu'il y eut bataille donnee entre Nouarre & Pauie, en vn lieu qui pour la grand' tuerie & mortalité a retenu le nom de Mortara, & Guaguin adiouſte qu'en ceſte bataille moururent Milles & Amis Cheualiers renommez par le Roman que l'on a faiçt d'eux. Comme auſſi, Paul Emul diçt, que les femmes & enfans des Lombards tuez, lapidetent Hunauld, qui apres ſi grande deſſaiçte empeſchoit la paix. Et toutes-fois il ſe trouue en nos Annales, que Charles paſſa ſans aucun empeſchemet: pource que Diſier à l'exemple de ſon predeceſſeur, ſe retira dans Pauie bien fortifiée: comme auſſi par ſon commandement Adalgiſe ſon frere avec Berthe & les enfans de Carloman ſ'enfermerent dans Veronne ſeconde forterefſe du Royaume de Lombardie.

Ce n'eſtoit ſans cauſe que Diſier ſe tenoit ſur la deſſenſiue. Car auant qu'il menaſt ſon armee vers les Cluſes des Alpes, ceux de Spolette & Reathe (c'eſt Riette) n'ayant pas grande eſperance au ſupport des Lombards, ſ'eſtoient rendus au Pape, & par leurs procureurs luy auoient iuré fidelité: meſmes aucuns Lombards ayans fait tondre leurs cheueux & barbes à la façon Romaine, ſ'eſtoient retirés à Rome. Toutesfois les Allemands ne veulent pas confeſſer que les Lombards ayent priſ leur nom des longues barbes qu'ils portoyent, ains d'un ancien peuple de Scandinauie ou de Germanie, cognu du temps de Tacite, par le nom des Lombards. Mais les Allemands ne peuuent nier cela: veu que par toutes leurs conditions & diſputées, il ne ſçauoyent faire que Lombard ne vueille dire longue barbe. Et que ce peuple penſe auoir priſ ſon nom des longues barbes: comme *Gallia comata* de la longue cheuelure, & *bracata* des brayés: & les *Melanchlenes Scythes* des boçquetons noirs.

Or depuis qu'il fut ſçeu que la garde miſe par Diſier au pas des Alpes auoit eſté chaffée, le reſte des villes d'Italie accourut à l'enuy faire pareil ſerment: & Adrian qui n'aymoit pas tant veoir les François maîtres de ce pas, que les Lombards abaiffiez: ſe gouerna bien ſagement en ſa bonne fortune: Car ſi vous croyés les Auteurs Italiens, il fit Hildebrand Seigneur Lombard, Duc de Beneuent, par l'aduis meſmes de ceux du païs, & accorda au reſte des Lombards qui voulurent demeurer à Rome, vne rue depuis nommée de leur nom. D'autre coſté voyant Diſier fuyr le haſard d'une bataille, & ſ'eſtre en-

fermé dedans Pauie, l'y vint assister : sans crainte des peines & incommoditez de l'hyuer, qui commençoit, monstrant bien qu'il le vouloit auoir vif ou mort : puis qu'il fit venir sa femme & ses enfans au camp.

CHAP. X.

*Adalgise fils de Disier abandonne Veronne, & s'enfuit vers Constantinople. Les Veronnois se rendent à Charles : comme aussi Berthe veſue de Carloman & ses enfans. Charles laissant Bernard son oncle au ſiege de Pauie, va à Rome ſans armes. Sa reception. Ses donations faites à ladite Eglise, avec reſeruation de la puissance Royale. Que la ſouueraineté de ces donations doit appartenir aux Rois de France & aux Empereurs. Charles prend Pauie. Se fait couronner à Modece Roy de Lombordie, de la Couronne de fer. Les ceremonies de ce Couronnement. Charles retournant à Rome est fait Patrice. Droicts du Patriarchat. Inueſtiture des Eueſques & Regalle appartient au Roy de France.*



**M**AIS d'autant que le ſiege tiroit en longueur : il y laissa ſon oncle pour aller deuant Veronne, d'où Adalgise ſe retira, & s'en alla en Constantinople, conſiderant qu'il n'y auoit moyen de longuement reſiſter. Auſſi les Veronnois par luy abandonnez ; incontinent ſe rendirent au Roy François : és mains duquel ils mirent Berthe & ſes enfans, auſſi toſt par luy enuoyez en France : où ils furent tenus en grand honneur, ce diſent nos Annales, ſans autrement ſpecifier quels ils furent, ne en quoy on employa ces ieunes Princes.

Veronne priſe le reſte des villes de Lombardie ſe rendirent à la premiere ſommation, ne reſtant plus que Pauie, qui arreſtaſt le cours de la victoire toute plaine. A ceſte cauſe y retourna aydé de routes ſortes de gens. Car aucuns diſent que les Venitiens meſmes luy enuoyerent vingt galleres, leſquelles rebrouſſerent le Pau, afin de donner crainte à Diſier, monſtrant leur affection à l'endroit du Roy François. Ce neantmoins la ville eſtant ſi forte & bien garnie de routes choſes neceſſaires à vn long ſiege; quand Charles vid qu'il y auoit ſix mois qu'il eſtoit deuant, & que le iour de Paſques de l'an ſept cens ſeptante quatre aprochoit, il eut deſir d'aller à Rome faire ſes prieres aux ſepulcres des Apôſtres, laiſſant (comme il auoit fait) Bernard ſon oncle pour gouuerner le ſiege commencé.

Par le chemin chacun en bien grand ioye alloit au deuant du Roy François, comme pour receuoir celuy qui auoit deliuré l'Italie. Et venant ſans armes accompagné de ſa maiſon ſeule, ce que iamais n'auoit fait Prince entré en Italie avec armée; il n'y auoit aucun qui n'admiſt ce Roy, duquel l'on cognoiſſoit la vaillance en guerre, & maintenant ſa debonnaireté apres la victoire. Ce qui fut

*¶ L'an de  
Iesus  
Christ.* de cause de le souffrir passer, d'autant plus seurement par le pays conquis, & par les autres où il n'auoit encores entré. Mais Adrian fut bien ayse de luy faire l'honneur qu'il meritoit, tant de son chef, que de ses pere & ayeul. Encores que i'aye leu Anastase, si ayme-ie mieux reciter l'ordre-qu'a suyui Sigoigne, lequel dit; que la reception du Roy François fut telle.

Premierement tous les Iuges (ie croy Senateurs & magistrats Romains) allerent au deuant iusques à trente milloing de Rome, accompagnez de leurs bannieres : Et à demie lieuë, toutes les compagnies, avec leurs chefs tenans rameaux de Palmes & Oliues, se presenterent à luy chantant ses loüanges. Ces compagnies estoient suyuiues des croix des Eglises qu' Adrian voulut estre portées au deuant de luy, comme l'on souloit faire a l'entrée des Rois & Exarques. Quant au Pape, dès le grand matin il vint en l'Eglise de S. Pierre, & avec son Clergé, l'attendit au haut des degrez du temple.

Le Roy si tost qu'il vit les Croix mit pied à terre, & baillant son cheual au *strator* (c'est le Palfrenier du Pape) accompagné de ses Iuges François (c'estoient Comtes & Conseillers) vint à pied iusques en l'Eglise, mais quand il fut aux degrez il les baïsa l'un apres l'autre, iusques à ce qu'il fut venu à l'édroit où le Pape l'attendoit à coy; & qui benignemēt le recent, puis apres s'estre embrassez, ils allerent ensemble faire leurs prieres deuant la confession (c'est la sepulture de S. Pierre) remerciens Dieu d'auoir tellement aduancé la victoire: & suyuis des Euesques, Abbez, & grands Seigneurs du peuple, que le Roy fut le bien venu au nom de Dieu.

Cela fait Charles pria le Pape de luy laisser veoir la ville de Rome, & visiter les temples: ce qu'il luy accorda apres qu'ils eurent iuré sur le corps des Apostres, de ne s'entre-porter dommage: depuis ils vindrent au temple de Lateran, où le Roy demeura, tant que le Pape eut achené le Baptême que l'on faisoit lors la sepmaine Sainte, puis retournerent à S. Pierre. Le troisieme iour d'apres, qui estoit iour de Pasque, le Roy de Frâce entra derechef à Rome (entendez la ville, & non pas le bourg S. Pierre) accompagné des Iuges enuoyez par le Pape au deuant de luy, & vint ouyr la Messe, que le Pape dit à S. Marie de la Cresche: & à l'issue allerent banqueter au Palais de Lateran. Car outre qu' Adrian estoit bien fort gentil-homme, ce dit Emil, il auoit le courage des anciens Romains, tant pour la sainteté de ses mœurs, que sa façon digne de la maiesté Papale, la beauré de sa face venerable le rendant fort agreable à toutes personnes qui le regardoient.

Trois iours apres, & la Messe dite à S. Pierre, le pape remercia grandement Charles: recitant les biens & plaisirs que Charles Martel & Pepin auoient faits à l'Eglise Romaine: loüant aussi la pieté, vaillance, & preudomie de ceux de sa maison, & des autres Seigneurs François qui auoient accompagné leur Roy en si penible voyage. Que Charles suyuant les erres de ses predecesseurs avec grande armée estoit venu contre les ennemis de l'Eglise, & Dieu l'auoit aussi payé du prompt secours, par vne tant soudaine victoire. Qu'il auoit esperance que l'Eglise, & l'Italie en bref le remerciroient de l'entiere victoire & perfection de la guerre: comme maintenant de ce que ia estoit aduenu.



Le quatriesme iour la Messe fut ditte au temple de Saint Paul en presence du Roy. Et le cinquiesme, le pape vint à Saint Pierre trouuer le Roy François, qu'il somma par ses Iuges & Conseillers, d'accomplir la promesse que son pere, son frere, luy-mesme, & tous les Iuges de France firent au pape Estienne, au palais de Crecy. Les lettres apportées & leuës en la presence du Roy & de ses Iuges, ils les approuuerent : & lors il commanda à Ithier son Secretaire, d'adiouster aux donations ia faictes, Corse, Sardaigne, Sicile (ceste-cy n'estoit lors, & ne fut oncques en la possession de Charles, ne des Lombards ou Exarques) le territoire Sabin, Duché de Spolette & Toscane, avec tous les cens que les Ducs de ces terres deuoient tous les ans aux Rois de Lombardie : sauf la puissance Royale sur lesdits Duchez. Lesquelles lettres de donation sous signées de sa main, & de celles des Euesques, Abbez, & Comtes de sa suite, il presenta sur l'Autel de la Confession de saint Pierre. Mais si Charles reserua la puissance Royale sur ces terres, ie ne voy point comme le pape s'en puisse dire souverain, n'ayant comme vassal que le droit censuel, & la seigneurie vtile. Ainsi que la vn Seigneur d'un fief mouuant d'autrui, lequel par permission du Suzerain baille en arriere-fief ou Censue partie de son fief principal. Que s'il est ainsi, i'entens si le donneur a fait reseruation des droits Royaux, il faut que le pape recognoisse tenir ses terres des Rois de France, successeurs de Charles, qui n'auoit pas encores le tiltre d'Empereur. Et l'Eglise n'a peu les bailler ne mettre en autre main, sans la volonté de celuy qui auoit reserué ce droit de puissance Royale, c'est à sçauoir, le ressort de l'appellation & hommage. Car mesmes, vous verrez cy apres, que Charles & son fils, n'ont quitté les cens, ny la iustice de Rome : Ce qui soit dit pour monstrier l'usurpation des Ecclesiastiques, sur l'autorité de nos Rois ou Empereurs : si tant est que Charles ait fait ceste donation comme Exarque.

Ainsi le Roy de France honoré de choses vaines, & ayant si bien payé les courtoisies papales huit iours apres sa venue à Rome, retourna au siege de Rauió : délibéré de le poursuyure, iusques à la prise de la ville : pource qu'il sçauoit bien que partant de là, facilement Disier recouriroit ses autres places.

Le long seiour des François à l'entour de Rauió, auoit fait consumer les viures de ceux de dedans, & la difficulté d'en reconuerir, causa vne extreme famine : de laquelle s'estoit engendrée la peste : & ces maux suffisans pour esmouoir des gens libres, mirent les assiegez au desespoir ; dequoy Disier estonné, & voyant les Bourgeois, les gens de guerre, & autres, tous mornes, au lieu de se monstrier prompt à la deffence, choisit vn parti plus necessaire que profitable, à sçauoir de se rendre avec Gausse sa femme & ses enfans qu'il auoit pres de soy, à la mercy de Charles, plustost que d'essayer sa rigueur, si d'auantage il se fust opiniastreté sans esperance de secours apparent. Et toutesfois, Reginon dit, que le Roy de France *Ciuitatem armis cepit*, & vne vie du mesmes Charlemaigne ; *Ciuitatem fortiter cepit*, que d'aucuns interpretoient par assaut : mais il ne faut pas beaucoup s'arrester à leur Latin : duquel ils ne s'aidoient gueres proprement.

L'an de  
Jesuu  
Christ

Charles donc, le iour d'apres que Disier se fut rendu, & le sixiesme ande son regne en France (ce dit Pierre d'Auxerre) entra au mois de May dans Paue, avec chants & cris de ioye, où ayant pris la possession du Royaume Lombard, & receu le serment des Seigneurs, il distribua les thresors qu'il y trouua, deuenus siens par le droit de la guerre, & se portant modestement en l'administration de son nouveau Royaume, se contenta du nom de Roy d'Italie (ce dit Sigoigne) jacoit que les Chartres qui sont pardeça portent seulement le tiltre de Roy des Lombards. Ce mesme Sigoigne dit, qu'il voulut estre Couronné en la ville de Modece, voisine de Millan, d'une Couronne laquelle encores qu'elle fut d'or par dessus, pour auoir dedans vn cercle de fer, a depuis esté appellée Couronne de fer, & dont les anciens Rois Lombards auoient vlé. Ordonnant qu'il fut ainsi obserué par ses successeurs; en la maniere escripte en vn liure intitulé Ordre Romain: qui est telle. Le Prince qui doit estre Roy, conduit par les Euesques depuis sa chambre iusques à l'Eglise, est présenté deuant le maistre Autel: où l'Archeuesque de Millan apres auoir dit aucunes oraisons, demande au peuple s'il veut bien estre suieût d'un tel Prince, & fidellement obeïr à ses commandemens. Quand le peuple a respondy ouy; l'Archeuesque oingt l'estomach, espauls, & ioinctures du bras du Roy, de l'huyle sainte: priant Dieu qu'il soit en son aide en la guerre; & luy donne des enfans. Puis l'ayant paré de l'espée, Armilles ou bracelets, de l'anneau & manteau Royal, il luy met la Couronne sur la teste. Ce fait il le meine tout le long du chœur, & le met en vne chaire esleuée sur haur eschafaut, & apres l'auoir baïsé, acheue la Messe en sa presence.

Pour lors telle ceremonie fut accomplie par Thomas Archeuesque de Milan: ce qui haussa tellement le cœur à aucuns de ses successeurs (ce disent les Romains) qu'ils oferent disputer la presceance avec l'Archeuesque de Rauenne. Et il y a bien autant d'apparence, que ce fut pour ne pouuoir souffrir que le Pape Romain s'appellast vniuersel, & changeast la Messe & ordre que S. Ambroise auoit introduit en son Eglise: suyuis de plusieurs autres Euesques, non seulement d'Italie, mais encores d'estranges Prouinces.

La ceremonie de tel Couronnement a esté recitée par moy, comme vn modele de ce que (possible) au mesme temps nos François practiquoient: ainsi que nous dirons autrepert. Car il ne s'en trouue point de tant ancienne, ny avec tant de particularitez: pource que nous n'auons pas celles dont Boniface ou Estienne Pape vserent au Couronnement de Pepin. Mais par la complainte de Charles le Chauue, contre Gannelon Archeuesque de Sens, nous apprenons que les Rois estoient lors oingts d'huyle beniste: qu'on leur donnoit vn baston (ie croy Sceptre) en main, & que telles ceremonies se faisoient aux Eglises par les Euesques, du consentement & en presence de la Noblesse; ainsi que cy apres vous verrez quand ie parleray du Couronnement d'Othon Roy de Germanie.

Ces choses acheuées à Paue & à Modece; Charles voulut ordonner le royaume d'Italie: & pource qu'il pensoit le faire plus commodement avec le conseil du Pape; Sigoigne dit qu'il aduisa de retourner à Rome, jacoit que  
Paul

Paul Emil soustienne qu'il n'y fut que deux fois en sa vie, se fondant sur ce qu'Anastaze ne fait mention que de deux voyages : mais nos Annalistes Latins <sup>L'an de</sup> <sup>Iesus</sup> <sup>Christ.</sup> font pour Sigoigne.

Adrian donc, aduerty de la venue du Roy François, mande incontinent tous les Euesques d'Italie, lesquels assemblez iniques au nombre de cent cinquante quatre, outre plusieurs Abbez ; le receut bien honorablement. Et en plaine assemblee remonstra qu'ils auoient les moyens d'honorer vn si vaillant & liberal Prince. Tous furent d'aduis que ce Roy tres-puissant, & qui avec ses pere & ayeul, auoit tant fait de seruyces, biens & plaisirs à l'Eglise Romaine, deuoit estre recompensé d'honneurs extraordinaires, & pour ce du consentement de tous les Nobles, ils le declarerent Patrice, & luy donnerent puissance d'establi & instituer par routes Prouinces (entendez à luy suies) les Archeuesques & Euesques. Tellement que s'il ne les auoit approuuez, ils ne peussent estre sacrez d'aucuns autres. Dauantage qu'il peust eslire le Pape, & regler le siege Apostolique : ce que ie trouue aussi auoir esté accordé à Pepin, lequel eut ce droit & priuilege : que pour remedier aux calamitez du temps, il pouuoit choisir des hommes de bien, tels qu'il vouloit en la place des Euesques trespassez, comme il luy fut confirmé en vn Synode où presida Boniface de Mayence, ainsi que Loup Abbé de Ferrieres en Gastinois tesmoigne par vne lettre escrite à Amalon Euesque de Lyon. Car vous deuez sçauoir par ce qui est dit, tant en la vie de saint Loup Archeuesque de Sens, que par Bertrand de Niunbourg, que les Rois & Maires du Palais de France introduisoient les Euesques, & Gregoire de Tours monstre par tout, que nos Rois le plus souvent pouruoient aux Eueschez, sans demander ou attendre la voix du Clergé, & du peuple du Diocese, veuf de Prelats : & l'inuestiture se faisoit par le Roy & ses commissaires : qui mettoient en la main de l'esleu Euesque, la verge ou baston pastoral, & vn anneau d'or en son doigt. Quant à l'eslection des Euesques, la plus legitime, voicy comme l'on y procedoit. Le Clergé & Nobles s'assembloient en la presence d'un député du Roy, qu'on appelloit Visiteur, lequel apres des prieres & l'inuocation du saint Esprit, eslissoient quelque prend'homme à la pluralité des voix, si les Rois n'auoient nommé quelqu'un, ainsi que volontiers ils faisoient aux grands Eueschez, ou importunez des poursuiuans fauorisez. Ceste dignité donc, de Patrice, à laquelle semble auoir esté annexee la puissance & droit de nommer & inuestir les Euesques, (puis que par l'aduen des Patrices & des Exarques de Rauenne les Papes de Rome estoient confirmez) fut bien estimée sus la fin del'Empire Romain, apres que Constantin le grand eut mis sus & inuenté ceste dignité, surpassant tous autres Magistrats, pour ce qu'on les tenoit comme pere des Césars ou *Pater Principum* : depuis la venue des Gots, leur pouuoir fut augmenté, & se trouue, qu'ils commandoient aux Ducs & Comtes, comme s'ils eussent esté Lieutenans generaux des Empereurs & Rois, quand on les enuoit aux grandes Prouinces : ainsi que j'ay monstre en mon liure des dignitez & Magistrats de France. Aussi le Patriciat seruit, à Charles de degré pour paruenir à l'Empire, ainsi que la dignité de Prince de France auoit seruy à son pere, & ayeul, pour obtenir le Royau-

MMM

L'au de  
lesm  
Christ.

me de France. Nos anciens Chroniqueurs adiouſtent, que de ceux qui reſuſoient prendre inueſtiture du Roy, il pouuoit ſaiſir leur tēporel, ſils ne l'amen-  
doient : & neantmoins que les contreuenans demouroient excommuniēz de  
l'autorité Apoſtolique. Quant à moy ie croy que de là viēt ce droit qu'on ap-  
pelle Regale, duquel nos Rois iouiſſent aduenant vacation d'aucun Eueſché :  
ne ſouffrans que les nouueaux Eueſques reçoient leur tēporel, ne qu'ils cōſe-  
rent les benefices ſimples (cependant baillez par le grand Aumoſnier de Frāce  
ſous le nom du Roy) juſques à ce que leſdits nouueaux Eueſques ayent fait hō-  
mage au Roy, ou ſa chambre des Comptes. Et de ce droit iouiſſoit Charlemaigne,  
ainſi que i'ay veu par vne vieille certification de Hincmar Archeueſque de  
Rheims : par laquelle appert que Charlemaigne Empereur mit, *In ſuo Dominica-  
m*, c'eſt à dire, fit ſaiſir à ſon profit, les biens de l'Archeueſché de Reims, vacāts  
par la mort de Tilpin, qui eſt Turpin : & en donna la terre de Nomiliac à An-  
cher Sefne. Quant à la puiſſance d'eſlire vn Pape, il ſemble outre le droit de Pa-  
trice (ſans l'autorité deſquels les Papes n'entroient point en poſſeſſion) que  
cela fut fait pour euites les ſeditious que les Romains eſmouuoient ſur les eſ-  
lections Papales, comme nouuellement eſtoit aduenū en celle de Cōſtantin ;  
où toute equité & ordre ancien auoiēt eſté renuerſez & meſpriſez, ne ſy trou-  
uant aucun en la ville qui eut ſuffiſante autorité pour empêcher les brigues,  
puis que les Exarques Lieutenans des Empereurs eſtoient empêchez en l'e-  
xercice de leur Iuriſdiction par les Papes ; principalement apres la donation de  
Pepin. Mais Sigoigne dit que Charlemaigne par grande modeſtie, renonça à  
ce droit d'eſlection : & voulut que les Romains (tant le Clergé que le peuple)  
en vſaſſent ainſi que de couſtume, pourueu que ce fut ſans brigue ne tumulte.  
Ainſi les Papes qui depuis ſont venus, ont bien ſçeu grauer parmi leurs decretz  
le Chap. commençant *Ego Ludouicus*, qui eſt ſous la 63. diſtinction du Decret re-  
cueilly par Gratian ; auquel ſe trouue que ce bon Empereur ſils dudit Charles,  
au preiudice de la Chreſtienté, ainſi que pluſieurs la penſent, a renoncé à ce  
droit.

Pour le regard de la dignité de Patrice que Charles receut lors, il me ſouuiēt  
auoir veu en la Geographie de Munſter, au lieu où il parle de Campen (en Latin  
*Campi*) vne Abbaye d'Allemagne Diocēſe de . . . . : que les lettres de la fonda-  
tion portent. *Carolus diuina Clementia Imperator Auguſtus*. Et au deſſous *Amaber-  
tus Cancelarius ad Vicem Luſperthi Archicancellarii recognoui. Anno ſeptingentefimo ter-  
tio, indiſtione vndecima Regni piſſimi Domini Caroli ſexto, Imperij Primo : Roma in ſancto  
die Paſcha in Eccleſia ſancti Petri coram Adriano Papa* : qui me fait aſſeurer que les let-  
tres ſont faulſes ; ou que nos Frangois deſlors luy bailloient le tiltre d'Empe-  
reur, cuidans (puis que les Patrices commandoient à Rome ancien ſiege des  
Empereurs) qu'il pouuoit porter ce tiltre, ayant la puiſſance & pouuoir Impe-  
rial entre ſes mains. Ce qui aiſément ſeroit confirmé par aſſez de liures anciens,  
toutesfois les meilleurs Autheurs les contredifent : & auſſi les veux-ie ſuiure,  
pluſtoſt que ceſte nouuelle opinion : venuē de ceux qui n'ont cogneu l'origine  
des Patrices, que i'ay aſſez amplement deſcouuerte en mes Origines.

CHAP. XI.

*Angife fait Duc de Beneuent. Hildebrand fait Duc de Spolette par Charles. Exarquât maintenant appellé Romandiole. Reglement d'Italie fait par Charles. Droicts Ducaux. Marquis. Miffi ou Commissaires Royaux; & leurs droicts de parata, Mansionaticum, foderum. Loix Romasnes, Lombardes & Saliques gardees en Italie. Difler mourant met fin au Royaume des Lombards. Moines amenez de Caffin pour reformer ceux de France. Sesnes rebelles entrent en Hés; diuinement chasséz. Charles entre en Saxe par trois endroicts, & gaste le pays. Il y retourne l'an fuivant. Prend Sigisbourg. Pres Brunsberg desconfit les Sesnes & les chasse outre la riuie-re Ouuracre. Helfis leur Prince se rend à luy avec aucuns des siens; qui furent Baptiféz: comme aufsi Brun avecles Anglariens.*



HARLES doncainfi honoré, plus volontiers entendit au iugement de son Royaume nouveau, voire de toute l'Italie, qu'il traita bien modestement. Car en premier lieu, il laissa la Pouille & Calabre à l'Empereur; comme il les auoit tenues depuis la victoire de Iustinian premier. Et afin qu'il ne semblaît que les François fussent venus pour seulement faire leur profit, il donna le Duché de Beneuent à Angife, qui auoit espousé Adalperge fille de Difler. Lequel encores qu'il ne se fut armé en ceste guerre, Charles contraignit de luy bailler ses enfans en ostages avec sa couronne (ce dict nommément la Chronique de Cassin) & partie de ses tresors à Spolette. Il mit Hildebrand, & Rotgand, à Frioul, & vn autre Lombard à Iuree de Piedmont: retenant sur eux & leurs Duchez, pareil droit de fief, que fouloient auoir les Rois Lombards. Quant à l'Exarquât de Rauenne depuis appellée Romandiole, Pâtapole, & Duché de Perouse, Toscane & Champagne de Rome, il les quitta au Pape; ce disent les Italiens, retenant le droit de Seigneurie par dessus: & le reste d'Italie en tiltre de Royaume. A scauoir tout ce que les Lombards tenoient en Ligurie, c'est la riuie de Genes, Emilie (c'est depuis Plaisance iusques à Boulongne,) le pays Venitien & de Toscane, tous lesquels nos anciens ont appellé Lombardie: jaçoit que la vraye Lombardie ne doie comprendre que ce qu'anciennemēt lon nommoit Gaulle Togate (car Toscane estoit gouuernement séparé, qu'il fit garder par des Seigneurs François.) Et afin que les habitans n'eussent tant de regret au changement qu'ils voyoient, il permit que le païs voisin desdictes villes, s'appellast Lombardie: ordonnant que Millan fut la principale habitation de ses Lieutenans, comme la ville plus propre pour commander, en tirant secours de France & d'Allemagne.

L'Italie ainsi diuisee, Sigoigne dit, qu'il vouloit qu'elle fut gouuernee en

MMM ij

## DES ANTIQ. FRANCOISES LIVRE VI.

*L'An* de ceste maniere. Premièrement que les Ducs tinsent librement leurs Duchez, excepté le serment & droict de foy & hommage au Roy, lequel serment, outre le cens annuel deuoit estre tel que ie l'ay mis cy-dessus. *Iesus* *Christ.* Que s'ils venoient à le fausser, ils perdissent leur fief, comme aussi au semblable tous leurs vassaux : auquel cas le Roy pouuoit bailler lesdits Duchez & fiefs à d'autres, mais ie doute bien fort de ces droicts & de la souueraineté que ledit Sigoigne leur donne, en faueur (ce croy-ie) des Princes qui maintenant commandent en Italie : la plus part desquels n'ont autre tiltre que leur longue possession. Car il est certain que ces Ducs & Comtes Lombards faisoient serment aux Rois François, payoient cens (& comme ie monstreray) se trouuoient aux Parlements. Et il y a grande apparence qu'ils ne iugeoient souuerainement en tous cas : non plus que les autres Ducs & Comtes de France, qui de ce temps-là, gouuernoient les Prouinces de deça les Monts : ainsi que maintenant font les Baillifs & Seneschaux.

Quant aux villes de la frontiere du Royaume de Lombardie qu'il retint, il les bailla en garde aux Comtes, avec l'intendance de toutes choses publiques, & l'administration de la iustice & des frontieres ; que lors on appelloit Marquizats, principalemēt quand elles estoient sur la Mer, eūrēt des gouuerneurs pour ceste cause nommez Marquis. Toutesfois Charles ne laissoit d'enuoyer extraordinairement des gens appelez Missi ; dont viennent les Commissaires : qui auoient puissance sur les Comtes, durant leur commission, & venoient avec des lettres, qui portoient ce qu'on leur deuoit fournir pour leurs necessitez, lors appellees *Parata*, & maintenant liurees aux cuisines des Rois, pour leur viure, ainsi qu'on peut voir dans les formulaires de Marculf. Ce que nos François tenoient des Empereurs Romains, ainsi que Lampridius & autres Auteurs de son temps nous ont laissé par escrit. Mais d'autant que les bornes des villes de Lombardie, estoient confuses, le Roy Charles les arresta par riuieres, paluds & montaignes, ordonnant que lesdictes villes luy presteroient le serment. Aux Eglises, parroisses & villages, qui tenoient de luy, il imposa certain tribut nommé *Foderum*, *Parata*, *mansionaticum*, qui estoiet droict de fourrage, viures, & logis fournis en espee, ainsi qu'il se pratiquoit en France : jaçoit que Sigoigne dise que tous ces droicts furent tant par luy que ses successeurs benignement remis aux Eglises, qui les deuoient : & les anciens priuileges octroyez aux Euesques & Abbez par les Rois de Lombardie, confirmez. Encores pour monstrier quelque forme de liberté ; toutes les fois qu'il venoit en Italie, il faisoit assembler les Euesques, Abbez, & Seigneurs, avec lesquels il vuidoit les principaux differends, comme s'il eut tenu vn Parlement ou Assizes à la François, introduisant au mesme pais la Loy Salique, pour seruir mieux qui en voudroit vser. Tellement que depuis ce temps l'Italie commença à viure sous trois sortes de Loix, Romaine, Lombarde, & Salique ; jaçoit qu'il fallut que chacun declarast sous laquelle il vouloit estre reglé, afin que droict luy fust administré selon la loy par luy choisie. Coustume obseruee en Italie iusques à Lothaire second Empereur, qui mourut enuiron l'an mil cent trente huiet.

Telles furent les Loix que Charles établit pour le gouvernement de son pays de conquête, apres la publication desquelles il reuint à Paue, là où ayant mis bonne garnison, il amena en France quant & soy Disier, sa femme & ses enfans, ensemble Berthe veuve de Carloman, & ses enfans; avec aucuns Barons de Lombardie. Disier baillé en garde à Gilfred Euesque de Liege, mortrît à Aix: où il fut enterré, ce dit Meier; & nos vieilles Chroniques tesmoignent qu'il fut tondue Moine, & qu'en cest estat il mourut, & fut enterré à saint Denis en France à la dextre du Monastere: mais il y a des Chroniques, qui disent qu'il eut la teste couppee, comme le plus seur moyen d'empescher vn Roy chassé, de retourner en son pays. Ainsi prit vne fin le Royaume des Lombards, deux cens quatre ou six ans apres qu'il eut esté planté en Italie: & l'an de nostre Seigneur sept cens soixante & quatorze.

774.

Son commencement fut cruel; mais depuis que les Rois eurent embrassé la Religion Chrestienne, ils se monstrent plus doux, & leur police fut mieux reglée qu'au parauant, comme il se peut voir par les bonnes loix que les Rois publient, & autres actes dignes de memoire: gastez par l'inconsiderée conuoitise d'estendre leur Seigneurie, ou haine des Papes; qui leur firent perdre non seulement le tiltre Royal, mais encors la possession d'Italie; ainsi que bien au long recite encores Sigoigne tres-eloquent Auteur Italien.

Je trouue aussi que Charles à son retour d'Italie emmena quant & soy des Moynes de Cassin, pour reformer ceux de France, qui lors viuoient sous la reigle de saint Benoit: & lesquels apporterent le poix du pain, & mesmes du vin, que lon bailloit aux Moynes de ceste Abbaye: afin de regler le manger & boire de ceux de France: jaoit que saint Maur disciple de saint Benoit, l'eut apporté ainsi que j'ay dict, mais si celles que lon garde aux Monasteres François sont pareilles, ie ne croy pas pourquoy lon doie louer de sobrieté ce Saint homme Italien: veu que sa mesure surpasse de beaucoup les Royales: & qu'un geant se peut grandement contenter de la moitié: & faut dire que ce fust afin qu'ils peussent faire charité du surplus de leur pitance; comme volontiers ils font aux grands Monasteres, & non pas pour nourrir leurs seruiteurs, veu qu'ils n'en doivent point auoir de particulier, puis qu'ils vivent en commun.

Cependant, les Sefnes à la persuasion de Disier (ce disent aucuns) sortirrent de leur pays, & en grande compagnie entrerent en celuy de Hés voisin d'eux, mettans tout à feu, & à sang, iusques en vn Chateau nommé Inhabins, & donnans la chasse à tous ceux de ce quartier: arriuez en vn lieu nommé Fridestar ou Frideflar, ils conclurent mettre le feu à vne chappelle autrefois dedice à la memoire de saint Boniface Archeuesque de Mayence, qu'ils ne peurent bruser quelque effort qu'ils en fissent: Car vn estonnement & frayeur les saisit par la volonté diuine (ce penserent aucuns) tellement qu'ils furent contraints fuyr en leur pays, avec si grande confusion, que Sigebert dict: qu'il sembla lors tant aux Payens qu'à ceux du Chateau, que deux iouuenceaux vestus de blanc empeschoient que le feu y prist.

MMM iij

L'an de  
Iesus  
Christ.

Ces courſes furent cauſe de haſter le retour de Charles, lequel auant que les Seſnes euſſent aduis de ſa venuë, partit ſon armee en quatre, & par autant d'endroits entra en Saxe : où il mit à feu, & à ſang, tout ce qu'il rencontra. Les trois Scars donnerent la chafſe à ceux qui leur reſiſterent, & la quatriefme n'ayant rencontré perſonne, courut librement le païs, & chargée de proye, ſachemina vers Ingelheim, pour trouuer le Roy, lequel au partir de là vint hyuerner à Grecy, où il fit les feſtes de Noël de l'an ſept cens ſoixante 775. & quinze.

Toſt apres au Parlement general tenu au village de Durie, le Roy fut conſeillé retourner en Saxe, & ſi longuement y ſejourner, qu'il eut conquis tout le pays. A ceſte cauſe ayant fait paſſer le Rhin à ſon armee, il emporta d'afſaut vn chateau aſſez fort nommé Sigibourg, c'eſt à dire le fort de la victoire, où y auoit garniſon de Seſnes, & encores en fit rebatiſtir vn autre par eux deſmoly, dans leſquels il mit bonne garniſon de François, puis vint iuſques à la riuere de Vezere, là où il rencontra les ennemis en grand nombre, arreſtez pres d'un fort chateau nommé Brunsberg, c'eſt à dire le mont de la Fontaine, en intention de defendre l'entree de leur pays, & combattre les noſtres, ſ'ils eſſayoient de paſſer outre, mais la forterefſe du lieu ne ſeruir de rien aux ennemis : car à la premiere rencontre, les Seſnes furent deſconfis, & contraincts abandonner la place avec grande tuerie de leurs gens demarez ſur le champ. Krents dit, que iuſques à ſon temps (il n'y a que cent ans qu'il viuoit) lon pouuoit voir l'aſſiette du camp de Charles, party en trois ; l'une pour ſa perſonne & ceux de ſa maiſon, l'autre pour ceux du ſecours (ie croy l'arriereban) & la tierce pour les Souldoyers. Ainſi le Roy fait maïſtre de l'autre coſté de la riuere, apres ceſte bataille paſſa outre : & avec partie de ſon armee tira iuſques à vne autre riuere nommee Ouuraete, où le Prince Haſion ou Heliſ le vint trouuer, avec la plus part des Seſnes Oſtſalois ou Oſtrelandes (c'eſt à dire ſuiers, habitans le coſté d'Orient) qui ſe rendirent à luy, avec toute la compagnie dudi Heliſ qui luy fit ſerment de fidelité, pour aſſurance de laquelle, il bailla tels oſtages qu'il pleut au Roy demander. Et Charles auſſi retournant vers France, rencontra les principaux Seigneurs Anglariens en vn lieu nommé Buxi ou Sulti, que Brunon luy amenoit pour faire auſſi pareil ſerment de fidelité, & bailler oſtages ainſi que les autres Seſnes auoient fait.



## CHAP. XII.

*Les Sefnes surprennent les François en leur camp : puis sont battus : Demandent pardon, & baillent ostages. Mort de Constantin Copronyme : Irene sa vefue demande vne fille de Charles pour estre femme de Constantin son fils. Adalgise fils de Didier sollicite les Empereurs de l'ayder au recouurement de Lombardie. En qualité de Patrice met vne armee sur Mer. Desbauche Rotgand Duc de Frioul, du service de Charles. Lequel passant en Italie fait couper la teste à Rotgand, & reduit les villes en son obeissance. Fait Henry Seigneur François Duc de Frioul & de Carinthie. Repasse en France pour resister aux Sefnes, qui auoient pris Eresberg par composition, & assiegé Meresbourg, dont ils furent chassés par vne sortie des assiegez : puis batuz par Charles demandent la paix, se faisant baptizer. Hersbourg est rebasty par les François, & un autre Chasteau fait sur Lie. Mort d'Abdallas Sarrazin.*



**M**ais l'autrepartie de l'armee Françoisëe laissée au passage de la riuere de Vezere, en vn lieu nommé Vlbeki, cependant cuida estre perduë par la ruse & subtilité des ennemis : car les François mesprisans les Sefnes qu'ils auoient tousiours battus, & comme assurez de leurs prosperitez, vagoyent trop librement pour fourrager, & s'en retournans chargez, d'autant plus qu'ils approchoient de leur camp, moins tenoient d'ordre : & presque tous ceux de l'armee Françoisëe estoient Thiois, ou le parloient, pour ce que Charles Austrasien vsoit de ce langage comme de son maternel. De maniere qu'Emil dit, qu'il n'y auoit difference que de religion entr'eux & les Sefnes leurs ennemis : ausquels il sembla que c'estoit vne propre occasion pour executer quelque grand exploit sur les François, par le moyen d'une embusche qu'ils leur dresserent pres du camp. Car nos gens retournans de fourrager apres Midy : les Sefnes prenant des Casques pareilles, & comme s'ils eussent esté de mesme armee, se meslerent parmy les autres sans estre descouverts : pour ce qu'ils parloient mesme langue : Ainsi arriuant de compagnie au camp sur la nuit, & le trouuant malgréé pour l'absence du Roy, les vrayz François fourrageurs tirent à leur quartier & se desarment. Mais les Sefnes entrez plus auant, quand ils apperceurent le desordre, & la plus part de ceux de l'armee, nuds, desarmez, endormis ou empeschez d'autres affaires, se ietterent sur eux, & vne heure durant tuerent & massacrerent ce qu'ils rencontrerent de foible, iusques à ce que les plus estoignez se fussent esmeuz au bruit de ce desordre : & lesquels encores incertains s'ils denoient resister ou gaigner les champs, apperceuant le petit

*L'an de* nombre des Sefnes, l'arrestèrent premierement, & encouragez par ceux qui  
*Iesus* à la file se venoient ioindre à eux; environnerent les ennemis, puis coururent  
*Christ:* sus, tellement qu'ils les contraignirent se rendre, avec telle composition que  
 la necessité (de gens enclos en vn camp) peut offrir. Mais le Roy aduertý de la  
 surprise, accourut au secours des siens: & rencontrant partie des Sefnes qui  
 fuyoient, il les chargea & en tua plusieurs, pour la troisieme fois, ayant (si  
 vous croyez ledict Emil) degradé des armes quelque peu de ceux, qui deuoient  
 empescher la surprise du camp, & faire meilleur guet. Et en plaine assemblee  
 tanté les autres de s'estre laissez surprendre à leurs ennemis que tant souuent  
 ils auoient batus.

Lors pour faire perdre aux Sefnes le plaisir de la surprise du camp François,  
 il mena les siens au pays ennemy non encores gasté, où ils firent tous les maux  
 que des gens courroucez, & qui desirent se vanger peuuent faire sur les hom-  
 mes, les bestes, arbres, & maisons, par eux mis à l'espee & au feu: de tous costez  
 lon n'oyoit que pleurs & cris de gens de tous sexes: iusques à ce que les Sefnes  
 contraincts par tant de miseres, vindrent au camp du Roy demander pardon:  
 „ & avec de bien humbles paroles, l'eussent appaisé. Le priant soy souuenir plu-  
 „ stost de sa clemence naturelle, que de la faute & coulpe de leurs gens: ayans  
 „ les innocens autant que les coupables, enduré pareilles peines. Qu'il luy  
 „ pleust donc receuoir en son obeysance tant de miserables personnes, & sau-  
 „ uer ceux qui mal menez en leurs corps & biens, mais repentis en leurs cou-  
 „ rages, confessoient leurs fautes, & à l'aduénir estoient prests de garder la paix,  
 „ qui leur feroit donnee: d'autant plus fermement, qu'au danger de leur vie, ils  
 „ auoient senty que tout mal accompagne ceux qui mesprisent les loix diuines  
 „ & humaines. Leurs ostages furent receus de Charles, qui le quatorziesme Se-  
 prembre retourna en France.

Ceste année mourut Constantin surnommé Copronyme, & Irene sa fem-  
 me enuoya Constans Sacellaire, (c'estoit le nom d'un Iuge) & Manuel Primi-  
 cere, demander au Roy de France vne de ses filles pour estre femme de l'Em-  
 pereur Constantin son fils. Ce que leur ayant accordé & promis par serment,  
 Paul Diacre dir, qu'ils laisserent vne Elizee pour apprendre la langue à ceste  
 fille, nommee Rotrud: nonobstant laquelle pretendue alliance, Adalgise fils  
 de Disier Roy de Lombardie, retiré en Grece, comme i'ay dir, auoit sollicité  
 „ les Empereurs pour l'aider à reconuerter son heritage paternel. Leur remon-  
 „ strant, que l'Italie & la ville de Rome jadis principal siege de l'Empire, sous  
 „ ombre de liberté & de Religion ostee aux Empereurs, estoit maintenant gou-  
 „ uernée au plaisir des François. Que les Empereurs bien aisément pourroient  
 „ deuiner à quoy tendoit celuy qui auoit ioint les forces d'Italie à celles de Gau-  
 „ le & de la Germanie. Puis quand il fut asseuré des Grecs, il enuoya en Italie des  
 lettres aux Seigneurs Lóbarde: ses amis & de son pere: les admonester, qu'ayans  
 souuenance de leur nation, & du pays de leur naissance, ils s'efforçassent de re-  
 dreſſer le Royaume de Lombardie. Il n'estoit pas seulement braue en paroles,  
 mais il y adiousboit aussi l'effect, ayant mis sus Mer des vaisseaux rizez: de Con-  
 stantinople en qualité de Patrie. Lequel tiltel l'Empereur luy auoit donné,  
 pour

pour faire contrequerre au Roy François: par le Pape & les Romains n'agueres honoré de pareille dignité. Ce qui aussi faisoit dresser l'oreille à ceux qui oioient parler de telle concurrence d'estats extraordinaires, s'attendoient de voir quelque grand changement aux affaires d'Italie. Avec ce qu'en mesme temps, Rorgand Duc d'Aquilée & de Frioul, jugeant que Charles fut plus empesché en Saxe qu'il n'estoit, se declara ennemi des François, & chef de ceux qui voudroient remettre sus l'estat des Lombards: mal-aisé de pouuoir si tost effacer de la memoire d'un si grand nombre de gens: obligez par les commoditez qu'ils en auoient receus, voire mesmes de plusieurs villes d'Italie accoustumées à l'obeissance de ses Rois, continuée par tant d'années, & ayant plusieurs d'icelles esté par eux remises sus, & restaurées ainsi que j'ay dit: ce fut pourquoy le Duc en tira beaucoup de son party, se preparant à plus grandes choses: si Charles retourné de Saxe en France, aussi tost n'eust esté aduertý de ceste rebellion. Et lequel considerant qu'il n'y auoit rien qui tant le peust ayder que la diligence & soudaineté, ayant fait le Noel de l'an sept cens septante & six à Selestat, prit les plus gaillards des siens, avec lesquels il passa en Italie, où tout aussi promptement il desfit en bataille Rorgand qui s'osa presenter: & apres luy auoir fait couper la teste, remit en son obeysance les villes rebelles ou desbauchées: esquelles il establit des Comtes & Iuges avec garnison de François, pour tenir en bride les habitans.

Henry vn vaillant Seigneur de France fut mis en la place du Lombard puny; avec la charge de commander en Stirie & Carinthie Prouinces voisines. Charles ayant fait les Pasques dudit an à Treuis, & asseuré qu'Adalgise desnüé du support qu'il attendoit de Rorgand s'estoit retiré: retourna en France aussi soudain qu'il estoit venu. Mais à peine fut-il passé les monts, qu'il receut nouvelles comme les Sesnes auoient subtilement pris le chasteau de Herfbourg: & qu'ayans mis dehors la garnison par composition, ils auoient abatu la place, & cuidans continuer leurs surprises, estoient venus deuant Sigifbourg, là où n'ayans peu entrer comme dans l'autre, ils auoient dressé leurs Perrieres (c'estoient des bricolles & lanchides ou Clides instrumens de guerre & autres engins de batterie) contre Merzbourg assis sus la riuire de Lip, qu'ils ne sceurent prendre, pour la grande resistance de ceux de dedans: Car cependant que les Sesnes estoient empeschés à miner, la garnison saillit & donna sur eux par derriere: ce qui les estonna tellement, pour n'estre ordonnez en bataille, qu'ils abandonnerent le siege apres auoir perdu beaucoup de leurs gens, & pour couurir leur honteuse fuite disans qu'ils auoient veu durant l'assaut deux escus rouges sur l'Eglise dudit chasteau, se remuans comme s'ils eussent esté en mains de Cheualiers. Que ceste vision, par eux estimée diuine les auoit intimidez: De maniere que leurs gens incontinent prindrent la fuite, s'entre-tuans l'un l'autre de leurs propres bastons, comme aussi les Chrestiens cuidans auoir esté secourus par la grace de Dieu, plus hardiment poursuuyrent les Sesnes. Et en ceste charge continuée iusques à la riuire de Lip, en tuerent vne bien grande quantité.

Ces nouvelles entendues par le Roy, il assemblea son parlement à Vvor-  
NNN

*L'an de* mes, où fut conclud d'entrer en Saxe sans delay : & tant soudainement que le  
*Iesus* Roy preuint tous les empeschemens que les Sefnes luy eussent peu donner,  
*Christ.* à l'occupation d'un lieu par luy destiné. Car venant à la source & fontaine de  
 Lip, il rencontra vne certaine multitude de ce peuple en contenance de gens  
 humbles, marris & dolents (ce sembloit) d'auoir mespris enuers luy : & de-  
 mandant pardon, avec promesse de se faire baptiser. Charles qui fut miseri-  
 cordieux & debonnaire, leur pardonna, faisant baptiser tous ceux qui le vou-  
 larent estre. Et tout assuré de leurs promesses & satisfactions, emmenant  
 les ostages par luy demandez, retourna en France hyueruer à Haristal. Tou-  
 tesfois auant que partir, il fit restablir le Chasteau d'Eresbourg, & faire de  
 neuf vn autre sur la riuere de Luppie, où il laissa des garnisons Françoises,  
 comme aussi par tous les chasteaux de Saxe, estans de son obeissance. Aucuns  
 mettent ceste année la mort de Constantin Copronyme : & d'Abdalat Roy  
 Sarrafin, auquel succeda Madi Roy pour neuf ans.

## CHAP. XIII.

*Charles assembla son armée à Baderbrun contre les Sefnes suscitez par Vitikind, lequel vaincu se retire vers Sigifroy Roy de Dannemarck, ou Normandie. Sefnes se rendent; à la charge que s'ils faussent leur foy ils perdront leurs franchises & aleuds. Angrie ville de Vitikind saisie. Euesque mis à Osna-bourg pour precher le Christianisme aux Sefnes, s'estans fait aucuns d'eux baptiser par feintise. Rois Sarrafrins d'Espagne viennent trouver le Roy en Saxe pour estre secourus: comme aussi les Ambassadeurs du Roy de Galice. Estat des affaires d'Espagne pour lors. Pourquoi il y a tant de Roiaumes d'Espagne.*

777-



VAND la saison nouuelle de l'an sept cens septante & sept fut de retour, le Roy assembla son armée à Baderbrun, où il tint le Parlement pour regler Saxe. La resolution fut d'entrer plus auant au pays; auquel il trouua le peuple bien humble, & qui faignoit d'estre à la deuotion. Car tous se presenterent à luy excepté Vitikind que nos anciens François & Romans appellent Guitlichin vn des principaux Ducs de Vvestfalie. Lequel ne voulant se trouuer deuant le Roy François crainte d'estre puny de ses fautes, se retira vers Sigifroy ou Geofroy Duc ou Roy de Normandie, ce dit Pierre d'Auxerre : & qu'il fait croire auoir esté Seigneur de Dannemarck. Tous ceux qui vindrent trouuer Charles, luy requierent pardon & firent serment de fidelité, à la façon de leur pays : & à telle condition que s'ils le faussoient, ils perdisent leur liberré & propres heritages. Ainsi qu'e Reginon & vne certification de Hincmar Archeuesque de Reims, pour la terre de Nouillias interpretent les mots *Ingeni-rarem & alodem*, pour à iamais estre seruite de condition. Le Latin des Anna-

le de S. Martial dict *Ingenuitatem & Alodem guerpiunt*, d'où vient nostre *L'an de*  
 desguerpir, qui signifie lascher : & celle de langage rustic, *Ingenuitatem &* *Iesum*  
*Alodem manibus dulciter fecerunt* : qui signifie le mesme. Car ie n'ay mis icy ces *Christ.*  
 mots que pour marque de l'antiquité, & représenter nostre langue. Beaucoup  
 de Sefnes se firent baptiser plus pour acquerir la grace du Roy, que pour salut  
 qu'ils en attendissent pour leurs ames, ainsi que bié tost apres ils montrèrent.  
 Cependant le Roy fit mettre en sa main Angrie la principale ville de Guitcli-  
 chin fugitif, & afin d'instruire les habitans en la foy Chrestienne, il establit vn  
 Euesque dans Onabourg qui fut le premier donné en ceste ville.

Auant que partir de Saxe, trois Rois d'Espagne Sarrazins, ayans obtenu  
 fauf-conduit vindrent trouuer le Roy de France, accompagnez de plusieurs  
 de leurs subiets. L'vn s'appelloit Ibnalarabi, l'autre le fils de Ioseph, & Alaruis  
 son gendre; qui offroient se rendre & leurs villes, au Roy La France florif-  
 soit lors, & tellement estoit estimée à cause des victoires de Charles, & des  
 biens que tant de prosperitez de luy, son pere, & àyeul auoyent apportez en ce  
 païs: qu'il n'y auoit Roy Chrestien lequel de beaucoup ne fut inferieur à celuy  
 de France, soit de reputation, soit de vaillance, ou Noblesse. La Gaule, l'Ita-  
 lie, la Germanie suyuoient en guerre nostre Roy : & luy grand Capitaine n'e-  
 roit inferieur aux anciens tant renommez. Encores faloit-il que les gens d'ar-  
 mes François (qui iamais ne peurent demeurer dix ans oisifs) fussent employez  
 quelque part. A ceste cause l'Espagne voisine attendoit la descharge de cest  
 orage. Les Sarrazins en tenoient la plus grosse & fertile portion, lesquels à  
 leur dommage ayans expérimenté n'estre à comparer aux François en exploits  
 d'armes, ne faisoient doute, que comme leurs peres auoient passé les monts  
 Pirenées pour courre la France, qu'aussi le Roy Charles victorieux & en aage  
 meur, passeroit en Espagne, veu qu'en sa premiere ieunesse il auoit (dit Emil)  
 secouru les Reliques des Chrestiens de ce païs : Auec ce que les Galliciens &  
 Asturiens auoient desché des Ambassadeurs en France, tant pour se rejouir  
 de la victoire du Roy, & de la reduction des Sefnes au Christianisme, que la  
 conseruation du Pape en sa dignité : Mais outre cela ils prioient le Roy, puis  
 qu'il estoit né pour augmenter la Chrestienté, vouloir auoir pitié des Espagnols,  
 lesquels tous les iours cruellement traictez par les Sarrazins, aimoient mieux  
 mourir, que viure sous leur obeïssance : tant s'en falloit qu'ils voulussent per-  
 dre leur Religion. Que le Roy de France auoit bien eu soing de rendre Chre-  
 stiens les Sefnes Idolastres; mais il meriteroit encores plus enuers Dieu, s'il  
 empeschoit le cousteau que les infidelles tenoient sur la gorge des Chrestiens,  
 & mettoit fin à la guerre commencée par son ayeul, pour suyue par son pere,  
 & par luy bien ieune si long temps apres essayé contre les Sarrazins.

D'autre costé, les mesmes Sarrazins regardans de loing la tempeste de guer-  
 re qui venoit tumber sur eux, & n'esperans la pouuoir rompre de force, es-  
 layoient à la destourner, ou rédre plus supportable, par de subtiles pratiques.  
 Ils estoient plusieurs petits Rois, Ducs ou Amiras (ainsi s'appelloient les prin-  
 cipaux Magistrats) qui tellement rapportoient leurs affaires en commun,  
 qu'il n'y auoit celuy qui ne pensast à foy particulièrement. Ibnabdale Roy de

NNN ij

L'an de Saragoce plus renommé pour sa prudence que ses forces (comme il luy conue-  
 noit veu le temps, & ayant vn tel voisin que Charles.) Le fils de Ioseph, & Alar-  
 rius son gendre, de leur gré ou par tromperie, estoient venus (ainsi que n'ague-  
 res i'ay dit) trouver le Roy en Saxe : luy remonstrent qu'ils auoient esté chassez  
 de leurs terres, par les autres Rois de leur Religion, en despit de leur alliance  
 avec les François. Et Charles incertain s'ils disoient faux ou vray, les tenar en  
 son pouuoir, estinia qu'il pouuoit mettre en deliberation s'il denoit faire le  
 voyage d'Espagne, ayant la paix tout par tout : & qu'aussi bien il luy conuenoit  
 rompre son armée. Outre ces commoditez les Ambassadeurs d'Asture disoiēt :  
 qu'il ne falloit pas tant auoir d'esgard au Roy Ibnabdalla (ie croy que c'est Ib-  
 nalarabi) qu'à l'estat des affaires d'Espagne. Car les Sarrafins victorieux cher-  
 chans à butiner sur nous, portoient vne haine à tous les Chrestiens, qu'esgale-  
 ment ils haïssoient, & ayans n'agueres esté vaincus par les François, auoiēt tel-  
 lement esté rembarrez par les Espagnols, encouragez au moyen de nostre se-  
 cours, qu'ils estoient presque esgaulx en forces : & que les mesmes Sarrafins es-  
 toiet trauaillez de pareilles maladies d'esprit que les autres hommes : à scauoir  
 de factions & seditions, d'autar qu'accoustumez à butiner, & voyans ne le pou-  
 uoir faire sur vn ennemi estranger, ils en cherchoient sur leurs alliez.

778. Ainsi Charles esmeu par vne si grande apparence de commoditez, conclud  
 d'aller en Espagne : non comme à la requeste d'Ibnabdalla, ains comme s'il  
 eut voulu conquerir tout le Sarranisme. A ceste cause pour mieux pour-  
 uoir à son voyage, il vint à Durie faire la feste de Noel de l'an sept cens sep-  
 tante & huit, rempli d'vne bonne esperance de conquerir des places en Es-  
 pagne. I'ay cy dessus recité la conquête que les Sarrafins firent d'Espagne,  
 avec grand estonnement de la Chrestienté : Mais comme les efforts guerriers  
 ont aussi bien fin que les maladies des hommes, tout de mesme les Sarrafins,  
 avec le temps, perdants leurs bons Capitaines, & les Espagnols admonestez  
 tant pour leurs continuelles miseres : qu'ils estoient si bien hommes que  
 ceux qui les trauailloient : (combien que battus) mesmement tant assurez par la  
 deffence naturelle de leurs montagnes d'Asture, mal-aisées d'approcher, que  
 pour la vaillance de Dom-Pellage & d'autres ; aussi courageux, resolurent de  
 se deffendre : principalement quand Dom-Pellage eut conquis le Chasteau de  
 Legion (c'est Leon) la où ce Prince ayant fait bastir vn Palais, il se declara Roy  
 du pais, apres la bataille de S. Martin le Bel, & ce merueilleux carnage des Sar-  
 rafins que firent près de Tours Charles Martel & les François. Car lors com-  
 me ordinairement il aduiet apres la perte des grandes & sanglantes batailles,  
 esquelles sont demeurez les plus vieux & experimentez Capitaines d'vne na-  
 tion, ceux qui estoient demeurez se voyans (comme couiards) mesprizez par le  
 Miramamolin, & s'entre-reprochans eux-mesmes leurs fautes & inexperien-  
 ces, ne voulans ceder l'vn à l'autre, commencerent à discorder, principale-  
 ment pour les gouuerneurs de Gordoie, ou les Amiraz & Rois s'entre-haïs-  
 soient : donnant occasion aux Rois de Leon & de Nauarre d'eslargir leurs limi-  
 tes ; ainsi que fit Froilla fils de Pelage, lequel mort l'an sept cens trente quatre,  
 laissa son Royaume à Don Alphons surnommé le Catholique, vaillant

Seigneur, & qui reconquist partie de Galice, Portugal, & Nauarre: pendant que les Sarrafins obstinez à se venger des François cuidoient recouurer leur perte sur la Septimanie, (c'est Languedoc) où ils furent aussi mal menez. De maniere qu'avec la crainte que les mesmes Sarrafins eurent de Pepin leur voisin apres la conqueste d'Aquitaine, ledit Alfons premier & les siens, eurent tout loisir de s'asseurer au Royaume de Leon iusques à sa mort, qui aduint l'an sept cents cinquante trois: quand il laissa pour successeur Froilla son fils, victorieux de ceste grande bataille gaignee sur Ioseph Roy de Cordoüe: en laquelle demoura Heimmar, & soixante ou septante mil Sarrafins.

Cependant Abderaman Prince Sarrazin fuyant la persecution des Califes d'Orient, qui aussi commandoyent souuerainement & estoient comme Empereurs d'Asie, d'Afrique & d'Espagne, occupa la Cité de Cordoüe sur vn lieutenant des Califes nommé Ioseph, lequel voulant empescher ce nouveau venu perdit vne bataille & la vie tout ensemble, & lors ledit Abderaman se porta pour Miramamolin d'Espagne, sans plus recognoistre les Califes de Balzac, ou d'Asie; ainsi que ses predecesseurs Amiras de Cordoüe auoyent fait. Mais ayant pour ennemis beaucoup de Sarrazins gouuerneurs és autres villes & prouinces d'Espagne, l'autorité du siege de Cordoüe demeura grandement diminuee: pour ce que les autres se declarerent semblablement Rois de leurs gouuernements: qui est l'origine de tant de Roiaumes iadis tenus en Espagne auant que Dom Philippes qui maintenant possede le pays, les eut reunis par la succession de son pere, ou la conqueste n'aguere faite de Portugal.

Le premier qui print tiltre d'Amiras en Sarragoce fut Ibnalarabi ou Ibnalaba, duquel nous voulons parler. Quant à Froilla Roi de Leon, il mourut l'an sept cents soixante & six: & eut pour successeur Dom Aurelie son frere, qui mourut l'an sept cents septante & deux. Sillon qui auoit espousé sa sœur, en debouta Vermond nepueu du deffunct, & regna iusques à l'an sept cents quatre vingts. Aucuns auteurs Espagnols nous veulent faire croire que Charlemaigne, incité par Alphons le chaste Roi de Leon (qui n'ayant esté iamais marié n'auoit point d'enfans, & promettoit l'adopter) entreprist le voyage d'Espagne, esperans de joindre les deux Royaumes: mais il n'y a point d'aparence, puis qu'Alphons voulant regner apres la mort de Sillon fut chassé par Monresgar bastard, lequel à l'aide des Sarrafins tint le Roiaume de Leon, iusques à l'an sept cents quatre vingt cinq, auquel Veremon (nepueu de Froilla son fils adoptif) ayant regné deux ans apella ledit Alphons son cousin pour regner avec luy, & puis se rendit Moine. En ce temps les Sarrafins aduertis de l'estat des Chrestiens de Leon, sous la conduite d'un grand Capitaine, & bien soixante & dix mil hommes de guerre entrerent en Asture, où ils furent deffaits par Alphons. Ce que ie dis icy par anticipation de temps, & pour ne rompre le fil des affaires de France, que nous allons reprendre en leur vray ordre.

## CHAP. XIII.

*Preparatifs du Roy Charles pour aller en Espagne. Monts Pirenees difficiles à passer. Charles assiege Pampelune. Preparatifs des François pour le siege. Resistance des Sarrazins. Pampelune prise d'assaut. Charles passe l'Ebro, & prend Sarragoce. Enuoye gens au secours des Galiciens: par le moyen desquels ils se gardent des Sarrazins. Partie de l'armée Françoisse deffaitte par les Basques à Roncevaux, où mourut Roland, & autres Seigneurs François. Fanceté de l'histoire publiée sous le nom de Turpin. Bandouliers rendus à Charles. Asnar premier Comte d'Arragon.*

878.



O V T l'hyer, de l'an huit cens septante huit, fut par Charles employé aux preparatifs du voyage d'Espagne, & à faciliter tant le passage des Monts Pirenees, que pouruoir aux empeschemens & difficultez qui pourroient suruenir à l'execution d'une si penible entreprise. Pour laquelle d'auantage assseurer Charles vint faire Noël à Donac, ce dit le Chronicó de S. Aubin, & Pasques à Cassinogilum Palais Roial d'Aquitaine: qui peut estre Casseneil d'Agenois ville & Chasteau assis deçà la riuiera d'Olt, en intention de passer en Espagne, nonobstant toutes difficultez. Car les soldats François accoustumez de trauffer les Alpes, ne s'estonnoient des pas estroits des Monts Pirenees & de leurs Roches perçás les nuës, ou des cimes des Montaignes blanches de neiges, & meslees parmy le Ciel, ne des chemins rompus, coupez & bien souuent en precipices, ou des valles profondes, ne du bruiet des riuieres tumbans avec horrible son, ne du país desnüé de bestial, & d'humaines habitations: Car comme nature par les Alpes a defendu l'Italie des Gaulles, aussi a elle l'Espagne par les Pirenees: mais les Alpes de plus long téps, ont esté passageres aux armées que les Pirenees. Et pour ce, d'autant qu'on les voyoit moins habitees, l'on estoit en plus grád soucy que les Bádouliers n'assailissent l'armée, donnans en flanc ou sur la queue, ainsi que l'occasion sy presenterbit. Et neantmoins, tout se porta bien, ou par le bon ordre que le Roy y mit, ou pour n'y auoir trouué l'ennemy, n'autres guetteurs de chemins. Encores Charles qui ne se fioit beaucoup aux parolles des Rois Sarrazins, craignant qu'ils n'eussent quelque intelligence avec ceux du país, & possible abusé par d'autres: conclud d'entrer en Espagne par deux endroits: A ceste fin mandant tous les vassaux de ses Royaumes, pour d'auantage se renforcer, il receut iusques à des ieunes Seigneurs Danois, que Paul Emil, dit estre venus trouuer le Roy de France, desirans monstrer leurs prouesses à ce voyage tant renommé. Quant au Roy il mena les François, Vestréens, Aquitans, & autres peuples, qui sont deçà la Meuse, avec lesquels il tira vers Biscaye pour descendre en Nauarre: & afin de s'assseurer d'auantage de Ibnabdale il luy demanda ostages. Le Sarrazin voyant ja les François dans son país voisin des M<sup>o</sup>-



raignes, non seulement n'en fit aucune difficulté, mais qui plus est, les receut dans ses places, & leur fournit de tous viures & necessitez, faisant plus qu'on ne luy demandoit. Aussi ceste courtoisie fut cause de bien traicter ses subjects, & d'espargner son pais: sans le contraindre luy-mesmes de se faire baptiser. L'an de  
Jesus  
Christ.

Auec ce bon ordre l'armee passa vers Pampelune principale ville de Navarre, bien garnie de toutes choses necessaires, pour vn long siege. Dequoy Charles aduertit enuoya sçauoir des Sarrazins (en bon nombre retirez dedans) s'ils vouloient luy rendre la ville, ou donner la bataille: pour bien tost deliurer le pauvre peuple d'opression. Ils demanderent temps d'y aduiser: & vn iour leur eust donné, depuis, ils essayèrent d'en obtenir d'auantage: pendant lesquels ils peussent enuoyer vers les Rois leurs aliez, sçauoir s'ils voudroyent les secourir: & que le temps expiré ils se rendroient à luy eux & leur ville, au cas qu'il ne vint personne les deliurer. Car (disoient-ils) c'estoit plus le profit du Roy François de l'anoir entiere que destruite par assauts ou desesper de ceux qui la defendroient. Que les François ne perdoyent rien en ceste attente, d'autant que s'ils gaignoient la bataille sur les Sarrazins, le lendemain la ville leur seroit ouuerte à la premiere sommation. Ce qui seroit & leur honneur & le profit des deux partis: afin que les villes innocentes & pour la deliurance desquelles les François se disoient venir, ne fussent contraintes endurer d'vne part & d'autre, les maux qu'un siege aporte par necessité ou l'insolence des gens de guerre. Le Roy pensant que les Sarrazins tinssent ce propos pour retirer en longueur la guerre commencée de si grand courage, d'autant que bien souvent les premieres aduertences les font encliner de mesme, ne voulut à ses ennemis donner loisir de s'apprester d'auantage: & les Sarrazins accoustumez de vider leurs guerres par le hazard d'une iournée, puis qu'il leur en estoit mal pris contre les François, suyuant la coustume des anciens Espagnols, ne faisoient que des escarmouches: qui plustost entretenoient, qu'elles ne vuidoient la guerre. Car si elles estoient à leur aduantage ils les poursuyuoient visuellement, si douteuses, il tempoisoient, si contraires, ils se tenoient sur la defensiue: attendans que le temps leur amenast occasion de mieux faire. Mais les François duits aux sieges des villes par celuy que si longuement ils auoient tenu deuant Paue, se monstroient d'autant plus actifs en cestuy-cy, auquel ils auoient seulement affaire aux mortels ennemis de la Chrestienté, là où à Paue se estoit contre vn Prince de pareille creance qu'eux.

Et pour-ce apres auoir batu les edifices & les arbres prochains, ils apporterent au camp le Marrain propre à bastir des engins. Ce pendant les ennemis sortoient incessamment & leur donnoient les empeschemens dont ils se pouuoient aduiser, metans le feu aux ouurages ja commencez ou parfaits: & tuans les ouuriers, & soldats commis à la garde si soudainement, qu'ils estoient plustost sur leurs bras qu'on les eut aperceuz: & bien souvent retirez, ayans exécuté leur volonté, auant que les nostres fussent prests pour les empeschier. Du commencement du siege ils donnerent force alarmes aux tranchées du camp. Puis quand on les eut garnies de corps-de-garde, principalement à l'opposite

*L'an de* des portes, ils ne laisserent de sortir avec pareille audace, iusques à ce qu'on les  
*Iesus* eut totalement enceintz. Car lors ils deffendirent vaillamment leurs murail-  
*Christ.* les, & non pas leurs corps, par l'épaisseur des murs de leur ville. Durant cela  
 les François auoient fait deux tours de bois plus hautes que les deffences de  
 Pampelune, non seulement afin d'enuoyer ceux de dedans, mais encores pour  
 leur faire abandonner les murailles: & puis seruir de ponts à descendre dessus,  
 lesquelles aduancees en diuers endroiçts, les assiegez qui auoient préparé des  
 grenades, pots à feu & d'autres artifices, esblouysoyent les yeux, ou appor-  
 toient vn merueilleux effroy où ils tomboyent.

Vne des Tours aprouchee plus près des murs, fut incontinent abandonnee  
 par ceux de dedans qui craignoient les feux artificiels des assiegez, & l'autre  
 par faute d'auoir bien fermement aplany son chemin, demoura engagée: pour-  
 ce que les rouës enfoncerent iusques au moyens: tant à cause de la trop grande  
 masse, que le nombre des gens dont elle estoit plaine: non sans la ioye des assie-  
 gez, que la fâcherie des nostres qui auoient grâde esperance en ces machines,  
 & engins. Toutesfois les François s'opiniastrent à endurer toutes les incom-  
 moditez d'un camp esloigné de son pais, plustost que monstrier vouloir aban-  
 doner le siege; & allerent trouuer d'autres matieres pour refaire de pareils en-  
 gins. Durant que nos gens cherchoient leurs commoditez & preparatifs, les  
 Rois Sarrazins s'aprestoiēt, non pour donner bataille, ains de fois à autre en-  
 uoyoiēt des Cheuaux legers, lesquels approchant le camp par sentiers incon-  
 gneus, quelquesfois rescueilloient les Chrestiens, plus souuent de nuit que de  
 iour passant au trauers les tranchées, remplissoyent les assiegez de bonnes es-  
 perances; avec desplaisir de Charles: qui n'ayant pas acoustumé de perdre, ne  
 pouuoit endurer ces brauades. A ceste cause assemblant son conseil il luy re-  
 » monstre, dit Emil, que chacun s'efforçast de mettre fin à l'entreprise. Que  
 » ceux là sabusoient, qui estimoient que la valeur aparut seulement aux batail-  
 » les rangees. Que la patience & vigilance, & les nuits passées presque sans dor-  
 » mir, les iours plains de travail, & le perpetuel combat contre la longueur &  
 » fâcherie du temps, estoient les principales parties de la discipline guerriere.  
 » Que ce leur seroit vne grande honte si les infideles monstroient plus de coura-  
 » ge pour deliurer les assiegez, que les François à les forcer dans leurs murailles.  
 » Que chacun fit gaillardement son deuoir & ne donnast occasion à l'ennemy de  
 » l'abuser: mais se tinssent & leurs gens aussi tous prests. Car pour son regard,  
 » il mettroit les escoutes & le guet aux lieux necessaires. Que les chefs s'acoustu-  
 » massent premierement, & puis leurs soldats, à garder l'ennemy de la campai-  
 » gne de forcer leur tranchee en voltigeant: sans laisser respirer ceux de dedans  
 » non plus que de coustume. Apres cela, il fait des tranches deuant & derriere  
 son camp, non moins soigneusement gardees vers la ville, que la campagne; &  
 lesquelles assaillies, par les infidelles avec pareille esperance que deuant, arre-  
 stés sur cul, ou vaillamment repoussez: ne s'opiniastroient point d'auantage en  
 tels vains efforts: encores qu'à leur signal les assiegez eussent fait vne sortie.  
 Mais quand ceux de dehors eurent esté lourdement repoussez, & que les assie-  
 gez rembarrez iusques dans leurs portes, tombans morts les vns sur les autres,  
 furent

furent contraints de se retirer: les Sarrazins abandonnerent l'entreprise du se-  
cours: & les assiegez furent pressez & environnez de toutes parts.

Il y avoit si grande quantité de gens de guerre accouruz au camp, tant de  
vaillans chefs & Capitaines de guerre, vn Roy si actif, que le siege continuant  
iour & nuict, & chacu allant à la garde l'un apres l'autre, l'on y employoit tou-  
tes sortes de ruses, d'engins, & de machines; finalement le Roy François vn  
iour commanda escheller les murailles, desquelles nos gens furent repoussez  
avec grande perte. Puis quand toute constance & opiniastré des assiegez  
vaincuë; les engins de batterie approchez eurent fait bresche, tout aussi tost  
nos gens se jeterent à l'ouuerture, & d'autres eschelerent les murailles nonob-  
stant la resistance des assiegez; toutesfois avec grand meurtre d'une part &  
d'autre. Lors ceux de dedans voyans ne pouvoir soustenir la multitude des  
François, se retirerent plus au dedans de la ville, où ils furēt quant & quant sui-  
vis des nostres: qui cependant faisoient l'enceinte des murailles, & les portes:  
mettant le feu es maisons voisines. Dequoy les Pampelunois estonnez, icte-  
rēt leurs armes & fuyrent de tous costez principalement vers le chemin de  
Sarragoce. Mais quand le Roy Charles eut fait crier qu'on ne tuast que ceux  
qui feroient resistance, les Sarrazins mirent les armes bas, ayant iusques là  
mieux aimé mourir, que se rendre, tant qu'ils eurent moyen de se defendre  
des nostres: qui aussi commencerent de faire des prisonniers & courre au pil-  
lage tresgrand, & de choses de pris: comme sur des infidelles qui avoient pil-  
lé toute la terre: Nonobstant ce que dessus j'ay dit, apres Paul Emil, que  
ie trouue dans les anciens livres que Pampelune se rendit par compo-  
sition.

Ainsi le Roy de France poursuivant sa bonne fortune s'advança en pais: &  
refraischy de son autre armee composée de Prouençaux, Lombards, Ro-  
mains, Bourguignons, & Austrasiens venus le chemin de Parpignam & de Ca-  
thelonne, se joindre au camp de Pampelune, il passa avec eux la riviere d'El-  
bro sans plusieurs fois reconter l'ennemy. Iusques à ce qu'il fut devant Sarra-  
goce qu'il prist, & rédit à Ibnabdalla ieune Roy. Duquel, & d'Abitaur & d'au-  
tres Sarrazins, il receut des ostages: remplissant toute l'Espagne de son nom, &  
de la crainte de ses armes. Toutes-fois à ce que sa venuë ne fut plus cause d'ir-  
riter les autres Sarrazins, que profitable aux Chrestiens, qui habitoient ceste  
Prouince, il enuoya secours de gens au Roy d'Asture & de Galice, par le moyen  
desquels ils furent non seulement assurez de leurs ennemis, mais encorés  
les alloient chercher: tellement que depuis les Chrestiens ne les redoute-  
rent.

L'Espagne ordonnee, sur la fin de l'Automne Charles voulut retourner en  
France; & pour ce qu'il se deffoit de pouvoir garder Pampelune, il commanda  
raser les murs: puis se mit en chemin chargé de grandes richesses. Et ren-  
voyant partie de son armee par Narbonne, avec l'autre il marcha en Basque.  
Venu dans les môtagnes, d'autāt qu'il cuidoit estre en pais d'amis, il changea  
l'ordre accoustumé de tenir. Car se voyant loing des Sarrasins, & parmy ses al-  
liez ou sujets, il enuoia devant les gens de guerre, & le bagage qui souloit estre

○○○

*L'An de* milieu demoura derriere, avec peu de gens pour le garder. Le bruit de la  
*lesus* proye que les François emmenioient estoit grand, & auoit couru par tout ius-  
*Christ* ques aux Basques & Bandouliers des môtagnes voisines, lesquels acoustumez  
 au brigandage, sans respect de qui que ce soit, voyant l'armee Françoisse asseu-  
 ree de leur alliance, & que les chemins estroits & coupez de precipices, neces-  
 sairement separoient les troupes, se jetterent sur le bagage, emmenans les mu-  
 lers & sommiers, apres auoir tué les vallers & quelque peu de soldats qui les  
 conduisoient, ou firent de la resistance.

Or iacoit que les François fussent plus gens de guerre que ces Montagnars,  
 si ne peurent-ils leur resister ne monstrer leur vaillance, pource qu'estât char-  
 gés d'armes, & en lieu où il n'y auoit moien de s'en aider & les manier bien ai-  
 sément, ils furent desconfits par ces hommes legers, acoustumez à courre &  
 gravir par les montaignes: Charles au bruit de la surprise fit tourner visage à  
 l'armee, pour venir au secours, mais en vain: car la difficulté des lieux qui les  
 contraignoit marcher en longue file, la nuit qui les surprit, avec la legereté  
 des ennemis, qui se sauuerent au plus haut des Rochers, luy firent reprendre  
 son chemin: plus triste de la perte qu'il auoit faicte de ses amis & seruiteurs  
 que de la conqueste d'Espagne, & de l'honneur par luy acquis à Pampelune &  
 Saragoce. En ceste surprise mourut Anseaulme Comte du Palais, Roland  
 Marquis de Bretagne, (c'est pourquoy il est appellé aux Romans Comte de  
 Maine, Egibart Comte de la table du Roy; vn Annaliste Latin dit Scalco, qui  
 estoit Maistre d'hostel, que depuis on a appellé Senechal: que le Roy auoit  
 fait Capitaine de l'arriere garde, avec plusieurs autres grands Seigneurs: c'est la  
 tant renommée bataille de Roncevaux, escrete en plusieurs Romans tous for-  
 gez sur vne faulce Cronique donnée à Turpin Archeuesque de Reims: mais ou-  
 tre la lourderie de ce liure, la menterie est euidente, en ce que celui qui la for-  
 gé n'a pris garde que Turpin estoit mort deuant Charles, & dans ceste fable il  
 fait viure l'Euesque apres l'Empereur. Je trouue en vne bonne histoire, que  
 Charles fut ruy marry de ceste perte, qu'il menassa les Basques de retourner en  
 leur pays, & les destruire, s'ils ne rendoient à sa mercy ceux qui auoient fait la  
 détropulle, dont les seigneurs du pays estoient vindrent trouuer le Roy, & luy  
 remonstres que ce n'estoit du consentement public, ains, d'aucuns Bádouliers  
 qu'ils liuerent en partie, combien que les autres se sauassent dans les môtai-  
 gnes & lieux inaccessible: pour lesquels poursuiure & prendre, le Roy laissa  
 garnison au pays. Et voila ce tant renommé voiage de Charles en Espagne, en  
 laquelle n'estant retourné, depuis, ne mené armee en personne, ie m'estonne  
 où le Prouerbe (qui dit: Autant que Charles fut en Espagne, pour monstres  
 vne longue & difficile entreprise) a pris son fondement, veu que c'estoit plu-  
 tost de Saxe, qu'il le falloit entendre. Si ce n'est, que l'on comprende les voyages  
 de Louys son fils. Tant y a, que les Romans ont embelly leurs contes fabuleux  
 de ceste defeatte de Roncevaux: où ils font mourir tous les Pairs, & meilleurs  
 cheualiers de la cour dudit Roy. Iacoit que lors, il n'y eut point de Pairs de la  
 qualité, que cinq cents ans apres aucuns seigneurs ont prise: ainsi que j'ay mon-  
 stré en mon liure des dignitez & Magistrats de France.

Je ne puis oublier l'orgueil & vanité d'aucuns Espagnols, qui en ce mesme temps faisant Garzie Inigues Roy de Nauare, ne parlent point de la conqueste de Pampelune faite par Charles : contre ce qu'on disent tant d'auteurs qui ont escrit de ce temps-là mesme. Et pource ie dis apres eux, qu'estant Garlie Ximenes ( qui conquist Nauarre & Biscaye ) mort l'an sept cens cinquante & huit, Garlie Inigues son fils, luy succeda & regna quarante quatre ans. De maniere qu'il fait que le dit Inigues eut esté chassé de Pampelune par les Sarrafins, puis que sur eux-mesmes Charles la reprint, & que ledit Inigues la reconquist depuis, ou l'obtint du Roy François: les armes duquel estonnerent tellement les Sarrafins, que plusieurs Seigneurs de la frontiere s'aduan- cerent en Espagne, comme auoit fait Asnar fils d'Eude Duc d'Aquitaine, ce di- sent les Espagnols: & duquel i'ay cy deuant parlé.

L'an de  
lesus  
Christ.

CHAP. XV.

*Retour de Charles en France. Natiuité de Louys son fils. Comtes mis es villes d'Aquitaine. Origine des Ducs, Comtes, & autres grands estats de France, & leur comparaison avec les dignitez des Ecclesiastiques. Commencement des Chanoines es Eglises Cathedrales. Vint & indiesment aucuns Danois contre les François: & avec eux court le pays de Hés. Charles les fait poursuiure, & surprendre avec leur butin sur la riuere Adermie. Hildebrand Duc de Spo- lete, vient faire hommage au Roy. Sesnes deffaits à Bucholt. Vestfalie con- quise sur les Vestfalois, & Angriens baillent ostages au Roy.*



**H**ARLES de retour en Aquitaine, trouua Hildegarde sa fem- me acouchee de deux enfans males : dont l'un estoit mort in- continent; & l'autre qui viuoit, fut nommé Louys : depuis Empereur apres son pere. Ademar qui a dicté la vie dudit Louis, à vn Medecin & Astrologue qui seruoit ce Prince, dit: que lors Charles pour asseurer le pais d'Aquitaine, y establit des Comtes & plusieurs vassaux tous François, afin que par leur force & pruden- ce, il peussent preuenir la malice de ceux qui voudroient troubler l'ordre par luy mis au pais. Aufquels Comtes & vassaux il donna la charge de ce Royau- me (entendez de celuy que souloient tenir les Vvisligots en Gaule) tant pour garder des limites & Domaine Royal, que pour receuoir la prouision Royallé, lors appellee *Foderum*: du mot *Thion*, d'ot vient fourrage, fouriers & foarre: ainsi que i'ay dit autre-part, qui estoit vne charge que ceux du plat-pays fournis- soient aux gens de guerre & de la suite du Roy.

Imbert fut premierement mis à Bourges : & ne faut pas trouuer estrange si l'auteur nomme ceste ville la premiere: car c'est le premier siege d'Aquitaine & peu apres Sturin. A Poitiers, Abon: à Perigueux, Vvrbault, en Au- uergne, Ithier: en Vellay, Bulé: à Thoulouse, Corson, ou Turin: nouuel-

L'an de  
Jesus  
Christ. lement de Sarrafin fait Chrestien, & les predecesseurs duquel auoient possédé le mesme pais. A Bourdeaux fut mis Seguin : en Alby, Aimon, qui doit estre le pere de Renault, Allart, Guichard & Richard de Montauban, renommez par les Romans: en Limosin, Roger.

Ce lieu icy remarquable pour la creation de tant d'offices, merite bien reciter en sommaire l'origine des Comtes, encores que i'en aye parlé au liure que i'ay fait des dignitez & Magistrats de France, & que par le discours de ces Annales, l'on puisse apercevoir quels ils estoient. Quant à moy ie pense que ceste dignité a pris son nom & origine du temps des Empereurs Romains : car deuant que ceste grande puissance tombast entre les mains des Cezars, les Magistrats & routes autres dignitez se donnoient par l'authorité du Senat & du peuple. Caligula le premier se dit Seigneur absolu de Rome : car Iules Cesar & Auguste portoient de l'honneur au Senat, & faisoient beaucoup de choses par son aduis. Cetuy-cy le dissipa & ruina presque : comme aussi Neron, Othon, & Vitel: puis la tyrannie de Domitian. Mais venant l'Empire à estre gouverné par Adrian, il esleut des gens de bien & honorables pour le suiure: si ne laissa-il pas d'auoir à Rome vn Senat, & tous les ans des Consuls nouueaux. Toutesfois parce qu'il aimoit à voyager, il tenoit des gens de sçauoir pres de soy, afin de le conseiller; quand les Proconsuls & gouverneurs des Prouinces demandoient ce qu'il vouloit estre ordonné en plusieurs affaires de consequence, mesmes de iustice; & sur nouuelles difficultés: ainsi que nous trouuons par tout nostre droit, d'autres Empereurs l'auoir fait. Ce fut pourquoy ceste compaignie s'appella *Comitatus*: d'un mot Latin, qui signifie suite: & *Comites*, des hommes choisis : pour tenir comme vn priué conseil pres l'Empereur. Ceste façon de faire fut obseruee par les successeurs d'Adrian, à cause du soulagement qu'ils en sentoient: se deschargeans de maintes affaires, tant de guerres que de polices & finances sur ces *Comites*: lesquels depuis destinez à charges particulieres, selon leurs commissions, & nommez *Comites largitionum*, les tresoriers generaux: & *Prætorum* ceux qui manyoient le Domaine particulier: pour la guerre & iustice d'Orient, d'Afrique, d'Ilirie, des limites du Palais, voire iusques à vn Chasteau: le Capitaine duquel se trouue auoir esté appelé *Comes*. Or iacoit qu'Alexandre Seuerus Empereur eut donné aux soldats & leurs enfans de pareille vacation que les peres, des terres en heritages: ainsi que dit Lampride, si est-ce que les *Comites* de son temps, ne tenoyent pas en propre les villes, Prouinces, Chasteaux, ou offices qui leur estoient donnees en gouvernement, ains estoient changees de la volonté des Empereurs. Trop bien eurent ils quelque peu plus d'autorité es pays de Gaule & d'Italie, du temps de Theodose & d'Archade Empereurs: quand ces *Comites* entreprirent de grands aduantages, pour la necessité des guerres, ou ciuilles, ou estrangeres, suruenues durant le declin de l'Empire: & qui empêcherent leurs maistres d'enuoyer lors des successeurs à ces gouverneurs; ainsi que au precedent l'on souloit: tellement que les Roys de France, & de Lombardie, arrestez en leur pais de conqueste, vserent de ces gens comme de gouuerneurs; ayant la charge tant de la guerre que de la iustice.

& finance de leurs ressorts : qui fut vn bon aduis de nos Rois pour gaigner le cœur des peuples vaincus : lesquels ne voyoient rien alteré en leur ordinaire gouuernement. Par dessus ces *Comites*, y auoit en aucunes provinces des *Duces* qui est aussi vne parolle Latine, signifiant conducteurs & chefs : Et à aucuns de ces *Ducs*, les auteurs modernes donnoient douze Comtes. Durant la premiere famille de nos Rois les *Ducs* auoient encores des *Patrices* plus grands, & comme lieutenans generaux en vn Royaume ou nation. Mais ie n'ay point leu qu'il y en eut autre-part qu'ë Bourgongne & Gothie, de l'origine desquels i'ay parlé cy dessus : & plus en mon liure des dignitez. Du temps de Charlemagne & ses successeurs la dignité de *Patrice* fut esteinte en l'Empire François, au moins ie n'ay point leu que personne fut honoré de ce tiltre que luy: appellé *Patrice* des Romains, auant que d'estre Empereur : mesme il se trouue peu de Princes auoir eu le tiltre de *Duc* auant l'an neuf cens. Quant aux *Ducs*, & *Comtes*, ils commencerent d'auoir l'autorité qu'ils tiennent apres la mort de Charles le Chauue : durant la minorité de Charles le Simple : car lors, presque tous ceux qui estoient du sang, ou auoient espousé des filles ou parentes des Rois : pourueus des grandes & meilleures places du Royaume, sous couleur de les deffendre contre les Normands, en firent leurs propres heritages : jaçoit qu'ils ne prinsissent que le tiltre de *Comtes*, sans adiouter le nom de la Prouince. Et depuis les ayant tenuës (car outre la nécessité susdite, on ne destituoit pas volontiers les Seigneurs de leurs charges, sans forfaiture) leurs enfans & successeurs se les firent infeoder, comme ja estoient les petites terres données aux vassaux Royaux, que l'on appelloit *Leudes* & *Liges* : & prenant à tiltre de *Comtes* des principales villes de son domaine. Tellemēt que Hugues Capet venant à la couronne, laissa chacun en sa possession, afin d'auoir plus de gens obligez. Vvalafrid Strabon en son liure cōpare les Patriarches aux *Patrices* : qu'il dit estre apres les Césars. Les Archeuesques aux Rois, les Metropolitains aux *Ducs*, cōmandant à toute vne Prouince, où il ne doit auoir qu'un Archeuesque. Que les Euesques sont comme les Côtes, c'est à dire preposez à vne seule ville : & comme les *Comtes* auoient des Cōmissaires, appelez *Missi*, pour vuidier les plus petites causes, & les Lieutenans & Vicaires sont preposez par les villages, ainsi sont les Curez par les parroisses. Les diseniens, qui sont sous les centeniers & exercent les petites charges, sont comme les Prestres : & comme sous les Diseniens y auoit des Collecteurs quarteniers & *Duonniens* qui assembloient le peuple ; & par leur nom monstrent qu'ils sont moins que les Diseniens. Les Archiprestres ont l'œil ès Eglises Cathedrales sur les Chanoines, & les Archidiaques sur la famille & biens de l'Euesque : aussi les Enquesteurs examinoient les Criminels en la iurisdiction temporelle. Et voila vn sommaire discours des estats temporels & spirituels de nostre France ancienne, que i'ay bien voulu icy représenter, comme en vn lieu propre : afin de ne distraire le lecteur, & presentant autresfois occasion de nommer quelqu'un de ces officiers. L'on dit aussi que ceste année furent instituez les Chanoines des Eglises Cathedrales, qui lors ne differoient gueres de l'estat des Moynes, car outre l'Euesque, ils auoient des Abbez au lieu de Doyens, mais volontiers nobles : car

L'an de comme i'ay dit, il n'estoit permis à chacun de se faire ordonner Clerc.

Iesus  
Christ.

Reprenant la narration de nostre histoire : Quand Charlemaigne eut mis ordre en Aquitaine ainſi que dit eſt, ſans rompre ſon armée il paſſa Loire pour reuenir à Paris, car les Seſnes aduertis que le Roy de France eſtoit arrêté au ſiege d'une forte villed'Espagne, & depuis auoit eſté deſtrouſſé en reſſant les monts, comme gens qui reſolus de conſeruer leur liberté eſtoient toujours preſts de ſoy rebeller au premier empeſchement qu'auroient les François : & ſans auoir eſgard aux oſtages par eux baillez, ſe laiſſerent eſmouoir par Guitclechin, lequel faiſant la perte des François plus grande par lettres, & en perſonne mutinoit ſes amis & aliez : Mais principalement les Danois. Auſquels apres auoir obtenu audience publique il remonſtra que les entrepriſes des François deuoient eſtre redoutées de tous les autres royaumes & nations voiſines : qu'il eſtoit né libre & viuoit parmy des gens libres, qu'il auoit eſté chaffé de ſa maiſon, & pouuoit ſeruir d'exemple aux autres, pour aduiſer à leur fait auant qu'ils fuſſent perdus, & que de maîtres ils tombaſſent en ſeruitude. Qu'il falloir entrer en France; vuide de gens de guerre employez en Espagne: car non ſeulement l'on en pourroit tirer du butin, mais encores tellement l'affliger de meurdres, de pillage & de feux, qu'à l'aduenir elle ſongeroit pluſtoſt à ſe garantir des eſtrangers, qu'à deſtruire les Royaumes voiſins. Il y auoit apparence que le peuple Danois ſ'eſmoueroit de telles paroles agreables à la ieuneſſe & autres ignorans les hazards de la guerre, ſi vn vieil gentil-hôme Danois reſpecté pour ſon aage & experience aux affaires de leur eſtat, n'eut remonſtré aux ſiés que Guitclechin vouloit faire croire que ſa cauſe eſtoit commune à toutes nations, afin de meſſer la miſerable cōdition, avec celle de Danemarck qui ſe portoit bien. Et que cepédant il fut couuert de l'Eſcu d'autrui, puis que le ſien ne luy auoit de rien ſerui: Que pour ſon pauvre eſtat il n'auoit deu tenir autre langage, comme celui qui ne cherchoit qu'un cōpagnon à ſon mal-heur, auquel il ne trouuoit point de remede. Que les affaires de Dannemarck eſtoient en autre poinct : & ne pouuoit aider l'exil de Guitclechin que d'une pitoyable compaſſion de ſes maux: & iāçoit qu'on peuſt dire que le butin de la France eſtoit certain, il portoit quant & ſoy vn hameçon, lequel retiendroit ceux qui l'angouleroient. Car iamais la France ne fut tant vuide d'hommes, d'armes, cheuaux & harnois, qu'il ne s'y en trouuaſt aſſez pour ſe defendre des eſtrangers: Pluſtoſt ſortiroient de terre des hommes armez, & les pierres ſ'animeroyent, qu'il y euſt en France faute de ieuneſſe pour la defendre. A ceſte cauſe il ne voyoit point que ce fut leur proffit de l'agacer maintenant qu'elle eſtoit cōye. Et tant plus l'armée que le Roy de France tenoit hors ſon païs, eſtoit grande, tant plus deuoient-ils craindre ſon retour, ſ'il eſtoit par eux agacé. Qu'il regnaſt en Espagne: car il ne l'en rappelleroit iamais, & tant qu'il ſeroit ſage, il n'auoit volonté d'ailaillir Dannemarck : qu'ils deuoient tenir chere comme leur patrie. Que leur plus grand bien conſiſtoit en armes, que leur pauvreté leur ſeruoit de rempart & ſeure defence, avec ce qu'il y auoit au camp de France pluſieurs Gentils-hommes Dannois leurs parens, & amis qui courroient la meſme fortune de Charles, lequel eſtant vaillant,



debonnaire & noble, ils aimoient sa vertu comme ils voudroient qu'il fau-  
risast la leur.

*L'an de  
Jesús  
Christ:*

Ces remonstrances eurent tant de pouuoir que Guiteclchin ne fut aidé du public, ains seulement de ceux qu'il peut desbaucher, & avec lesquels ramassez de toutes pieces, il courut le país de Hés, & les frontieres depuis Turcio iusques à Maience & la riuere de Rhim. Car pensant que Charles eut receu plus grand dommage en sa retraite: ils mirent à feu & à sang tout ce qu'ils rencontrerent, tuans hommes, femmes & enfans, sans pitié ne discretio d'age ou de sexe, & sans espargner les Eglises qu'ils brullerent, tuans les Prestres, & forçans les Nonnains: Brefs ils firent tant de maux que l'on cognoissoit bien que ce qu'ils en faisoient estoit plustost pour se venger des pertes & dommages receus, que pour butiner: Car ils gasterent tout le pays depuis vn village nommé Durie, voisin de Colongne, iusques au cours (ie croy de Conflans & de Mozelle) ou comme dit l'Abbé de Vrsperg de Salla: qui est plus croyable, que de dire qu'ils fussent venus iusques sur la Mozelle, puis qu'il leur eust fallu passer le Rhim. Et lors vne partie se retira, mais le plus grand nombre se voyant à mesmes les biens en toute abondance, comme en vn pays qui ne se doutoit d'vn tel ravage, & pensant ne trouuer autre empeschement, contraignirent leurs Capitaines de demeurer sur le país ravagé, & dont mal leur en prit.

D'autant que Charles venu en Auxerrois, & aduertý de leurs violentes courses, enuoya vn Scarre de gens de cheual Austrasiens les arrester, cepédant qu'il s'aduançe vers Haristal, ramenât le reste de l'armée pour se rafraischir. Les Austrasiens passerent outre, cuidans encores trouuer les Saxes en leur país: mais ils s'estoient retirez par la contrée de Longueue: & attendans leur venue, & les François marries d'auoir perdus leurs peines, se hasterent de les suyure sur leurs brisées, tant qu'ils les trouuerent en Hés, en vn lieu nommé Liefi comme ils vouloient passer la riuere Adernie ou Hermensüe.

Là ils les chargerent & en tuerent si grand nombre que peu retournerent dire les nouvelles de leur aduerture.

L'an d'apres Charles partit d'Haristal où il auoit fait les festes de Noël & Palques, & vint en Vvestrie au Palais de Compiègne (ces mots font cognoistre que le país de deçà Meuse s'appelloit Vvestrie aussi bien que celuy d'entre Seine, Loire & la Mer) pour aduiler à ses affaires, puis retourna en Austrasie. En son chemin il rencontra Hildebrand Duc de Spolette, qui luy fit hommage & presenta de riches dons pour acquerir sa grace: car ce Duc estoitonné de la fortune de Rotgand craignoit vn partil traitement. Mais il fut humainement receu & caressé du Roy, & apres auoir de luy receu d'honnestes presens, renuoyé en son país: & toutesfois Blond & les Italiens disent, que Charles auoit quitté Beneuent au Pape. Que s'ils cuident se sauuer, disans qu'il auoit retenu le droit de souveraineté, ie leur respondray comment les Papes l'ont peu donner en fiefs aux Rois de Sicille, sans le consentement des Rois de France ou Empereurs souverains?

Cepédant Charles qui n'auoit autre pensément qu'à dompter les Saxes,

1<sup>er</sup> an de l'assemblée son armée à Duric, & ayant passé le Rhin vint sur la rivière de Lupic. Les Sefnes l'attendirent en vn lieu nommé Buchot ou Buelit & Holhots, pour luy faire teste : mais il les mit en route, & poursuyuant sa victoire il entra en Vvestfalie, qu'il mit toute en son obeissance, contraignant les habitans à venir à sa mercy. Cela fait il tire vers la rivière de Vefere, & assis son camp en vn lieu nommé Mandufili ou Medisulle, là où il s'arresta quelques iours en attendant les Agriens & Ostfalois, qui tous luy firent serment de fidelité & donnerent des ostages, puis ramena son armée en France passer l'hyuer à Vvormes, & y faire les festes de Noel & Pasques de l'an sept cens quatre  
780. vings.

## CHAP. XVI.

*Charles retournant de Saxe, fait baptiser les Bardingaux & Nortlendes. S'aduanee iusques aux Conflans d'Elbe & Hore. Va à Rome : où le Pape couronne Pepin son fils Roy d'Italie, & Louys Roy d'Aquitaine. Pepin encores couronné Roy de Lombardie à Modece par l'Archeuesque de Millan. Tassillon Duc de Banieres vient faire hommage à Charles. Le Roy va en Saxe. Destruict un temple d'Idole à Magdebourg. Figure & interpretation de l'Idole. Charles assemble un Parlement en Cologne. Passe le Rhim. Reçoit les Ambassadeurs de Dannemarck, & du Cagan des Huns. Viti-kind rompt la paix des Sefnes : & les Sorabes & luy courent le pays voisin allié des François. Trois Commissaires du Roy deffaits en Saxe par leur outrecuidance, & enuie sur Thierry cousin du Roy. Vassaux se font tuer avec leurs Seigneurs. Quatre mille Sefnes traîtres decolez. Mort de la Royne Hildegarde femme de Charles & ses enfans. Charles gaigne la bataille à Thiotmele sur les Sefnes. Et encores vne autre, par le moyen de laquelle il gaigne le pays iusques à l'Elbe. Charles épouse Fastrade Française & fille du Comte Raoul. Mort de Berthe uesue du Roy Pepin, & mere du Roy Charles.*



As pour cela n'estoit encores paisible, ce fut pourquoy si tost que le prin-temps s'aduança, le Roy mit son armée aux champs, pour retourner vers son pais de conquête, du costé d'Eresbourg & la source de Lippie, où il auoit assigné son parlement & l'assemblée de son camp : il fit quelque sejour en ce lieu, puis tourna son chemin vers Orient, tirant à la rivière Oouracre, où suyuant son commandement, tous les Sefnes Orietaux vindrent au deuant de luy, en vn lieu nommé Horcheim, qui est delà Oouracre : là vne grande multitude de gens portans le nom de Bardingaux, & Nortlendes fut baptisée,

baptisée, plus par saintise que par zelle de nostre Religion; ce fait Charles pas-  
 sa outre iusques aux Conflans de Hore & d'Elbe, où il sejourna avec son ar-  
 mée, attendant qu'il eut pourueu tant aux Sefnes de deça, qu'aux Slanes qui  
 sont outre l'Elbe: puis retourna en France, donner ordre à ce qui estoit ne-  
 cessaire au voyage qu'il entendoit faire à Rome.

L'an de  
 Jesus-  
 Christ.

Son equipage appresté, il s'achemina vers l'Italie, accompagné de Hilde-  
 garde sa femme, & de ses enfans, avec lesquels il passa les Monts, & vint faire  
 la feste de Noël, de l'an sept cens quatre-vingts & vn, à Turin. Autres disent  
 Paue, où il passa l'hyuer. Vne des principales causes de ce voyage, estoit, que  
 se voyant empesché aux guerres de Saxe, & d'Espagne, il craignoit que l'Ita-  
 lie accoustumee d'estre gouuernee par vn Roy, ne s'en pourueut de quelqu'un,  
 à son apertit: car Hildebrand Duc de Spolette, l'auoit aduertty, qu'Adalgise fils  
 du Roy Disier, auoit vne armee de mer, presté d'y reuenir. Que la mort du  
 feu Duc de Frioul l'auoit empesché de passer outre, & s'estoit retiré en Con-  
 stantinople, seulement pour se renforcer de gens & de vaisseaux, ce qui te-  
 noit les Lombards & leurs partisans eueillez, regardans de quel costé la for-  
 tune tourneroit. Quant aux anciens Italiens: qu'ils aymoient mieux auoir vn  
 Roy demeurant en leur pais, que dehors.

781.

Pour donc preuenir ces inconueniens, Charles fit vne assemblée le premier  
 iour de May, en laquelle se trouuerent beaucoup d'Euesques, & Nobles, où  
 apres auoir fait publier des loix & ordonnances, qui se trouuent encores au-  
 iourd'huy imprimees, il presenta Pepin son fils pour estre Roy d'Italie; puis  
 le treziesme an de son regne, ce dit Pierre d'Auxerre, il prit le chemin de Ro-  
 me, reueremment & honorablement receu de tous les Seigneurs des villes par  
 où il passoit, & des Euesques, auxquels aussi il donna des franchises & priuile-  
 ges, comme telles gens sont assez prompts de se faire payer en forte monnoye,  
 les courtoisies & largesses des benedictions & viandes qu'ils presentent aux  
 Rois passans chez eux. Le Pape Adrian ne luy fit moins d'honneur, se souue-  
 nant des anciens biens-faits de Pepin, & nouveaux priuileges octroyez  
 par Charles à son Eglise. Ce fut pourquoy facilement il luy octroya le iour de  
 Pasques (qui lors fut le quinzieme d'Auril) de Couronner Pepin Roy d'Ita-  
 lie, en la presence des Seigneurs du pais, comme aussi il couronna Roy d'A-  
 quitaine, Loys son frere, estant bien petit, & encores leua des Fonts vn au-  
 tre fils du Roy, qu'il nomma Pepin: Mais la Chronique ne dit, si ce fut le  
 Roy d'Italie, & celuy lequel Marian Scot dit auoir esté auparauant nommé  
 Carloman.

Ces choses accomplies, Charles retourna le chemin de France, & yint à  
 Paue, & si vous croyez Sigoigne, fit Couronner à Modece, de la Couronne  
 de fer (par Thomas Archeuesque de Millan) Pepin son fils, ainsi que luy-  
 mesme l'auoit obserué & ordonné estre fait apres la conqueste de Lombar-  
 die. Ce qui me fait soupçonner que le Royaume de Lombardie fut separé de  
 celuy d'Italie: autrement le Couronnement du Pape estoit superflu. Et n'est  
 croyable que Pepin eut voulu auoir vn tiltre de Roy d'Italie sans territoire:  
 puis que Lombardie estoit comprise sous les susdites limites; & que le Pape

PPP

*L'an de  
Jesui  
Christ.* tenoit le reste d'Italie avec Rome. Si ce n'est ce droit de superiorité Royale, retenuë par Pepin & Charlemaigne. Qui est vn argument que les Papes n'estoient pas lors Souuerains de Rome, ne des terres du patrimoine, qu'ils appellent de S. Pierre : & tesmoignage de l'ingratitude d'aucuns d'eux enuers les François.

Au mesme temps Charles fit par ledict Thomas leuer des Fontz vne sienne fille qu'il nomma Gisle, puis s'achemina en France, laissant en Italie le nouveau Roy, auquel il commanda se tenir à Milan pour les causes que i'ay dictes. Les Italiens se trouuerent bien de ce change, voyant que par la presence de leur Roy, ils n'estoient contrains d'aller chercher la iustice & raison de leurs differends hors de leur pays : & aussi en esperance que par son ayde, ils repousseroient les Huns & Sarrazins, qui par terre & par mer les pressoient de tous costez.

Ils ne furent abusez : car Pepin avec le temps les traitta aussi debonnairement que ioyeulement ils s'estoient donnez à luy. Essayant le ieune Roy à se monstrier digne de sa charge & rendre vne bien-veillance pareille. Car il fit re-stablir les villes qui en auoient besoin, & publia des loix propres à les tenir en repos. Sigoigne dit, que son habitation fut à Rauenne, soit qu'il prist plaisir à l'ancienne magnificence de ceste ville, ou (qui est plus croyable) que les affaires de la mer l'y retinssent.

Mais pour le regard de Charles, si tost qu'il fut passé les Monts ; il pourneut à son Royaume d'Aquitaine, & enuoya Louys son fils, en la ville d'Orleans : où Arnoul Bail, & gouuerneur de ce Roy enfant, le fit monter sur vn cheual tel que pouuoit endurer son aage : & en cest equipage le mena prendre possession du Royaume que son pere luy auoit donné. Cependant Charles vint à Vvormes & y tint vn Parlement pour telle occasion.

Durant son sejour à Rome, il s'estoit plaint au Pape, de Tassillon Duc de Bauieres, lequel suscitë par Liutperge sa femme fille de Disier jadis Roy de Lombardie, ne pouuoit demeurer en paix, & d'autant que la guerre de Bauieres eut peu apporter de l'incommodité aux affaires d'Italie, le Roy François par l'aduis du Pape conclud d'enuoyer des gens deuers le Duc l'admonester de garder le serment que iadis il auoit fait au Roy Pepin & à luy son fils. Damase & Formose Euesques y allerent de la part du Pape : & de celle de Charles, Ranulf Diacre ou Chappelain, avec Euerard Maistre des Eschançons, lesquels tellement adoucirent le courage du Duc, qu'il promist de venir en Cour : & apres auoir receu ostages pour la seureté de la personne, vint à Vvormes faire le serment qu'il estoit tenu, baillant douze ostages tels qu'il pleut au Roy de nommer : depuis amenez à Crecy ou Compiègne, par Ingobert Euesque de Rigensbourg, ou Bauieres : iacoit que le Duc retourné en son pays ne tint pas grand compte de son serment.

A l'issuë du Parlement de Vvormes, le Roy fit vn voyage en Saxe, où il commanda de démolir vn Temple d'Idoles basti en la ville de Magde-

bourg sur la riuere d'Elbe. Dedans estoit l'image d'une femme assise dans un chariot, ayant la teste couronnee de Meurte, & sur son estomach un brandon ardent : en sa dextre la figure du monde, & en la fenestre trois pommes dorees, derriere estoient trois pucelles, comme celles que les Grecs appellent Charites, ou par les Latins Graces, qui les mains & bras entrelassez auoient leurs visages tournez les uns vers les autres, & sembloient presenter ce qu'elles tenoient. Le chariot estoit attelé de deux Cignes & autant de Pigeons. Les Gentils par ceste Idole signifioient Venus, qui domine sur tout le Monde: obscurcissant un si beau mystere, & le corrompant par vaine & impie Religion.

*L'an de  
Jesus  
Christ.*

En ce temps lon vit plusieurs fois le signe de la Croix es vestemens des personnes : & le Roy apres auoir fait les festes de Noel & de Pasques de l'an sept cens quatre vingts deux, au Palais de Crecy; Quand la saison fut venue, que lon peut tenir le Camp aux champs à cause des Prez qui sont fournis d'herbe, il assemblea à Cologne son Parlement general des Seigneurs & peuple de France, comme il auoit accoustumé : & là fut conclud d'aller en Saxe. Ce fait l'armee passa le Rhin, & vint iusques à la riuere de Lippie, où il assist son camp pour mettre ordre au pais, & y séjourna attendant Abton ou Addon, & Hofmond Ambassadeurs de Giefroy ou Sigifroy Roy de Dannemarck, & ceux que Cagan & Ingurre ou Vigaue Prince des Huns, ( ce sont les Hungres ) auoient depeschez vers luy pour auoir sa paix. Ces Ambassadeurs ouys & renuoyez, aussi-tost qu'il eut ordonné l'Estat de Saxe, il s'achemina vers le Rhin, & repassa en France pour rompre le Parlement & assemblee de Colongne.

Par cecy vous cognoissez que ces Parlemens & assemblees n'estoient pas seulement pour les plaids, ains meslees d'actions paisibles & guerrieres.

Cependant Guitclechin qui s'estoit sauue en Normandie vers Sigifroy Roy de Dannemarck, retourna en son pais aduertie de la rupture du Parlement, & fit tant enuers ses partisans, qu'il les emplit d'une vaine esperance de la victoire sur les François. De maniere qu'ils briserent la paix & alliance par eux faicte avec le Roy, recommençans la guerre. Charles en eut tout aussi-tost les nouuelles ; & dauantage que les Sorabes, Sclaues, ou Vandalles : qui habitoient entre les riuieres d'Elbe, & Sale, estoient venus en Tuinge & Saxe gaster & piller le pais voisin du leur. Trois Seigneurs François à sçauoir Algise grand Chambellan, Gillon Comte de l'Estable ( qui estoit comme grand Escuyer ) Conrad ou Volrad, Comte du Palais ( qui estoit le grand Preuost de l'Hostel ) Lieutenans & Commissaires de Louys Roy d'Aquitaine ( ce dit un Autheur de la vie de Charles, autre qu'Eginard ) accompagnez d'aucuns François & Sefnes fideles, desirans faire quelque bel exploit, mirent leurs gens aux champs, & entrerent sur le pais des ennemis ja assemblez pour leur resister. En chemin ils rencontrerent Thierry cousin germain du Roy, lequel s'estoit hasté pour les secourir, mais qui ioinct avec eux, il s'aperceut bien ( dit nostre Chronique François ) qu'ils s'abandonnoient trop solement, dont il les aduertit,

PPP ij

*L'An de* & leur conseilla recognoistre l'estat des ennemis auant que les charger, car  
*Iesw* lors ils pourroyent les assaillir si le lieu se trouuoit tel qu'ils peussent com-  
*Christ.* battre de front & en plaine campagne. Chacun fut de son aduis & de com-  
 pagnie allerent iusques en vne montaigne nommee Suntal, pres laquelle  
 les Sefnes festoyent logez, en vn des costez qui regarde le Septentrion.  
 Thierry se campa de l'autre part, & les trois autres Seigneurs firent à  
 leurs gens passer la riuere de Vezere & tendre leurs pauillons en vn au-  
 tre costé pour mieux enuironner ceste montaigne, ayans les quatre chefs  
 arresté entr'eux de ne charger point les Sefnes qu'ils ne fussent par eux  
 assaillis, afin que chacun peust mieux ayder à son compagnon. A la veri-  
 té les trois Seigneurs François chefs de l'auant-garde estoient bien No-  
 bles, mais outre que Thierry estoit si proche parent du Roy, ainsi que  
 i'ay dict, & encores son Lieutenant en ceste frontiere: Il sembloit pour  
 l'opinion que lon auoit de ses suffisances qu'il deust emporter l'honneur  
 de ce qui seroit bien fait en ce voyage: au grand regret de Gilon, lequel  
 à cause de sa qualité (ce dict Emil, qui en fait vn Connestable d'armee)  
 cuidoit estre interessé sil combattoit en sa compagnie. Et pour ce ils re-  
 solurent d'assaillir les ennemis, enuiron le changement du troisieme guet,  
 marchans en tres-mauuais ordre & comme s'ils deussent trouver les Sef-  
 nes desconfits. Puis quand sur le poinct du iour ils eurent enuironné la  
 montaigne, les trouuant rengez & prests à les recevoir. Ce neantmoins  
 Gilon encourageant les siens à se venger de la perfidie des Sefnes par eux  
 tant de fois vaincus, sans auoir esgard à sa troupe nullement egale au  
 grand nombre des ennemis, & plus depité contre Thierry que contre les  
 Sefnes: il donne dedans & encor avec mauuais ordre: Car les soldats aus-  
 si temeraires que leurs Capitaines couroyent çà, & là, comme ils estoient  
 menez par les cheuaux, qui les portoyent. Aussi les Sefnes voyant ce-  
 ste confusion, les attendirent de pied coy, & en si bonne ordonnance, que  
 les ayans enclos ils les tuerent presque tous, fors ceux qui se retirerent au  
 camp de Thierry.

La perte de ceste desconfiture fut trouuee plus importante à cause de la  
 mort des Seigneurs que pour le nombre des autres hommes occis. Car  
 Algise & Gillon deux Commissaires ou Lieutenans du Roy y demurerent  
 avec quatre Comtes & vingt autres Seigneurs des plus Nobles: sans leurs  
 vassaux qui auoyent mieux aymé mourir que les suruiure, comme c'estoit  
 la coustume des plus courageux de ce temps-là: qui pensoient estre des-  
 honorez le reste de leurs iours, si en vne bataille ils laissoient leur Sei-  
 gneur de fief mort ou pris: aussi bien que les Ambastes & Solduriers des  
 anciens Gaulois, suruiuans ceux à qui ils festoient donnez. Les nouuel-  
 les entendues par le Roy, il rassembla aussi tost vne armee & la mena en  
 Saxe, iusques au conflans de la riuere Alare & Vezere: où les plus grands  
 du pays le vindrent trouuer, & desquels il senquist qui estoient les au-  
 theurs de la rebellion. Tous crierent d'une voix que Guitclechin en estoit  
 cause, avec ceux qu'il auoit desbauchez: mais que la generalité du peu-

ple estoit innocente du fait. Et neantmoins ils ne pouuoient représenter *L'an de* ce boute-feu, pour s'estre sauué au pays de Normandie incontinant après *lesus* la défaite des François : toutesfois ils liurerent quatre mil hommes de *Christ.* ceux qui auoient esté des premiers à le suiure, lesquels menez sur la riuiere Alare, en vn lieu nommé Ferde ou Feroy, eurent tous le col coupé par le commandement de Charles. Certainement ce nombre semble bien grand, pour de sang froid estre executez par iustice : si leur opiniastrété passant toute miséricorde, n'eust contrainct le Roy de France chastier la brutalle meschanceté de ce peuple rebelle, par vne punition aussi memorable que rigoureuse. Toutesfois il s'en trouua parmy ceste indompree nation aucuns qui pour leur paix, ou touchez de Religion, s'en allerent à Rome. Vne partie du Vatican leur fut donnée, afin de l'habiter.

Trois iours après ceste vengeance, le Roy partit pour venir hyuérher à Thionuille, où il fit Noël & Pasques, de l'an sept cens quatre vingt & 783. trois en la maniere accoustumée, puis ayant recueilly son armée (assemblée dès le Printemps) il entra en Saxe pour chastier les rebelles plus fierement esmeuz que iamais. Quand sur le point de partir la Royne Hildegarde sa femme mourut au Palais de Thionuille le iour de l'Ascension de nostre Seigneur.

Ceste Princeesse laissa au Roy pour enfans, Charles, Pepin, & Louys, avec autant de filles nommées Rotrud, Berthe, & Gisle : son corps fut porté pour enterrer à Saint Arnould de Mets, & ses obsèques acheuées, le Roy marcha droit en Saxe : aduertie que les Sefnes s'estoient campez en vn lieu nommé Thertueli avec toute leur puissance, en intention de les combattre. Ce qui luy fut tant agreable (pour ce qu'il desiroit mettre fin à ceste guerre) qu'il les alla trouuer iusques sur le lieu mesme, où ils faisoient contenance de le vouloir attendre.

Là abandonnez de bon heur, plus que de courage, ils perdirent la bataille avec si grand meurtre de leurs gens, qu'il eschappa bien peu de ceste opiniastré multitude naguères par eux assemblée : Incontinant après le Roy vint à Paderbrun attendre le rafraichissement qui luy venoit de France : & cependant il ouyt nouuelles que les mesmes Sefnes s'estoient rassemblez sur la riuiere Hasse prochaine de Vvestfalie. Car n'y ayant lors pas vn homme de conseil en toute Saxe, la pluspart de la ieunesse voyant que rien ne se faisoit à leur appetit, se retira en Vvestfalie : là où de gré ou de force (car les Vvestfaliens auoient baillé ostages aux François) ils les contrainquirent se mettre aux champs, en deliberation de presenter vne autre bataille à Charles s'il approchoit, dont il fut tant irrité qu'il mena contre eux & sa premiere & sa nouvelle armée venue de France, sans que les Sefnes (tous resolus de mourir ou de vaincre pour la liberté de leur patrie) eussent crainte de rien, mais ils perdirent la bataille avec tres-grand meurtre du commun & de la pluspart de leurs chefs, qui demourerent sur le champ outre les prisonniers & le butin.

Lors Charles s'aduança premierement vers la riuiere de Vezere puis ius-


PPP iij

## DES ANTIQ. FRANCOISES LIVRE VI.

*L'An de* ques à l'Elbe, pillant & gastant tout le país. Ce fait plain d'honneur & de gloire plus que de riche butin, il retourna en France pour tost apres espouser Fastrade, Françoisse de nation, fille du Comte Raoul.

*Iesus  
Christ.*

La mesme année & le douzième Juillet mourut à S. Denis près Paris, Berthe veuve du Roy Pepin & mere du Roy Charles : Dame tres-vertueuse, & qui pour euit aux oyssiuetez feminines ( disent les Annales du temps ) trauailloit de ses mains à filer. Elle fut enterrée en ladite Abaie pres son Seigneur de mary : nos Romans la nomment Berthe au grand pied, pour ce qu'ils disent qu'elle en auoit vn plus long que l'autre : & en ont compté plusieurs fables, loüans toutesfois sa vertu, aussi bien que les vrayes histoires qui l'ont fort estimee. Mais ie ne sçay où les vns ont trouué qu'elle estoit fille d'heracle Empereur de Constantinople, car le temps ne s'y accorde pas. Aussi d'autres disent qu'elle l'estoit de Flore Roy de Hongrie : & ie me tien aussi assuré d'un party que de l'autre : les estimant tous deux mal fondez, n'y ayant point encores de país appelé Hongrie, ne qui fut voisin d'Allemagne.







# LIVRE SEPTIESME DES L'an de Iesus Christ.

## ANTIQUITEZ GAVLOISES ET FRANCOISES.

### CHAP. I.

*Les Sefnes se rebellent sous la faueur des Frizons leurs allies. Charlemaigne brusle Vvestfalie, iusques à la Vesere. Charles son fils met en route la Cheualerie des Sefnes, & en ayant tué quatre mil, retourne en Saxe l'huyet. Tient le Parlement à Paterbrun, où Louys d'Aquitaine vient avec ses forces. Albion & Vvisikind Sefnes se font baptiser, & Vvisikind est fait Duc d'Angrie. Dudit Vvisikind est venu le Roy Hugues Capet. Comu-  
ration d'Austrasiens contre Charlemaigne, & leur punition. Corson Com-  
te de Thoulouse pris par Alaric Basque. Mort de Mady Amiras d'Espagne.  
Bretons rebelles vaincus. Andulf Senescal. Aregise Duc de Benenent se  
declare Roy : & contraint Charlemaigne d'aller en Italie. Florence reba-  
stieprend la Fleur de Lys pour blason. L'armee Françoise ayant prié Ca-  
poüe, Aregise reconnoist Charlemaigne à Seigneur. Chant Romain ap-  
porté en France par Charlemaigne : qui aussi y ayant fait venir des mai-  
stres de Grammaire, & d'Arithmetique, commencent des Vniuersitez. L'or-  
dre & Messes Romaines accoustumées en France.*



**E**s Sefnes pouuoient bien estre barus, tuez, & vaincus en bataille : mais non pas soy garder d'esprouuer le hazard des aduëures de la guerre : & vendre leur seruitude le plus cher qui leur seroit possible : Entretenus en telle obstination par le secours des Frizons nouvellemēt joints à eux. Ce fut pourquoy le Roy, qui tout exprés auoit fait à Heristal les festes de Noël & de Pasques de l'an sept cens 784. octante quatre, le Printems venu assembla ses forces : & passa le Rhin à Lhipenheim, faisant gaster les villages des Vvestfalois, iusques à la riuiere de Vesere, où il arreſta son armee en vn lieu nommé Huxulbi, ou Hutolong. Mais ne pouuant passer la riuiere enſlee des grandes pluies, il

L'an de  
Jesús  
Christ.

destourna son chemin en Thuringe, commandant au Prince Charles son fils, & partie de l'armée, demourer en Vvestfalie: & quant à luy, il vint en la campagne qui est entre les riuieres de Sale, & d'Elbe; où il fit piller & bruler iusques à Stanfurt ou Taquesfur & Scaninge, villages appartenans aux Sefnes Orientaux, puis retourna en France. Cependant, Charles son fils rencontra près Draigny ou Dragire (lieu voisin de la riuere de Lippie) les Sefnes à cheual qu'il mit en routte; & en tua plus de sept mil: puis vint à Vvormes trouver le Roy son pere; lequel par ceste victoire se voyant maistre de la campagne de Saxe, pour avec pareille opiniastrété dompter le rebelle courage des ennemis, ayant sur l'hyuer de la mesme année rassemblé son armée, retourna en Saxe. Et afin de gaster ce pais sans relasche, il planta son camp en la contrée nommée Huragogne, pres d'un chasteau nommé Skidrobours, où il fit la feste de Noël de l'an sept cens octante cinq.

Cependant les François couroient iusques à Rimy ou Rummy, qui est au conflant de Vesere & Vvergone ou Vvachon, de laquelle place Charles approcha son camp pour y séjourner: mais tant à cause des grandes eaux, que pour la rigueur du temps il revint à Eresbourg, & pour ce qu'il auoit resolu de passer l'hyuer en Saxe, il y fit venir sa nouvelle femme & ses enfans: ausquels ayant laissé bonne garde, luy-mesmes alla courre le pays ennemy, iusques à ce qu'il eut tout destruit, tant par luy que par ses autres capitaines. Encores non content de ce degast, quand la saison nouvelle fut de retour, il fit venir gens & viures de France, & assembla le Parlement general à Paderbrun, où se trouua Louys son fils Roy d'Aquitaine, par luy mandé avec les forces de son Royaume. Ce Prince ja bien à cheual, vint accompagné d'aucuns enfans de son aage, vestu à la façon de Gascongne: à sçauoir, d'un mandil ród & court, les manches de sa chemise bouffans, les chausses escarteles & larges, les espérons entez dans ses brodequins, & portant vn jaelot en sa main. Le Roy son pere le vit bien volontiers en cest equipage, & le mena à Eresbourg, où il le fit demourer iusques à la fin de l'Esté qu'il prit congé de son pere, pour retourner passer l'hyuer en son Royaume. Le Parlement de Paderbrun & tout ce qui y appartenoit acheué, Charles vint à Bardangean, où il fut aduertty qu'Albion & Guitlechin, qui tant luy auoient donné de trauaux, estoient passez outre la riuere d'Elbe: Il leur fit dire par les Sefnes qu'ils vinssent parler à luy, & le recognoistre à Seigneur: ce qu'ils n'oserent faire sans ostages, qu'on leur enuoya par Amaulry vn Seigneur de la Cour du Roy, & sous l'assetturance desquels, Albion & Guitlechin vindrent en France, au Palais d'Atigny où ils furent baptizez: non sans louanges du Roy, qui plus gaigna par sa clemence que par ses armes. Car ces chefs appeiez, l'infidelité des Sefnes cessa quelque temps, n'ayant plus le commun aucun qui les sollicitast à rebellion, & pour ce aussi que Guitlechin se contenta du Duché d'Angrie, qui luy fut laissée en fief. Aucuns Auteurs disent que de luy, fut Hugues Capet: car il se trouue en vne miene ancienne Chronique sans nom, que Robert le vaillant Marquis de France, viuant sous Charles le Chauue, pere des Rois Eude & Robert, estoit fils d'un Virikind Saxon, mais elle ne dit pas que ce fut ce rebelle: jaoit que

Hilgand

Hilgand en la vie de Robert, fils dudit Hugues Capet, recite que ledit Hugues <sup>L'an de</sup> Capet, se disoit issu de Saxe: & Reginon dit, que Robert le vaillant Marquis, <sup>Jesus</sup> pere du Roy Eude, fut Sefne. <sup>Christ.</sup>

Comme Charles pensoit auoir donné ordre de ce costé, il se trouua en France en plus grand danger; pour vne conspiration d'Austrasiens desbauchez par vn nommé Hartred. Mais le Roy en fut de si bonne heure aduertty, qu'il y pourueut & la preuint, & nonobstant l'entreprise (qui à la verité estoit tresdangereuse) les coniurez furent saisis au corps & aucuns bannis, les autres perdirent les yeux. La clemence du Roy en fut d'autant plus louée pource que pas vn d'eux ne mourut, hors-mis trois, occis en se defendant quand on les voulut prendre. La où au contraire la cruauté de la Royne Fastrade auoit esté cause de ladicte conspiration: Comme elle fut encores de celle de Pepin, dont sera parlé cy apres. Au mesme temps & durant que Charles estoit en Saxe, Torfon ou Corson, comte de Thoulouse, fut semblablement pris par vn Basque qui ne le voulut laisser aller sans luy faire iurer son alliance. Le Roy Loys, pour remedier à l'audace du Basque, assembla vn Parlement des Princes & Seigneurs de son Royaume, en vn lieu nommé la Mort aux Gots, où le Basque fut appelé, & lequel se sentant coupable n'y voulut venir sans ostages. La crainte de perdre lesquels fut cause que non seulement il ne fut chastié, mais au contraire renuoyé avec presens, en rendant les ostages baillez pour son assurance, comme aussi les siens luy furent rendus. Il semble qu'environ ce temps, l'on peut mettre ce que dit le Marechal d'Arles, que Abdemelech Roy Sarrazin entra en France & brulla les faux-bourgs de Narbonne, faisant vn grand degast au pais d'environ. Comme il alloit assieger Carcassonne il fut pris par le Comte Guillaume, en vne grande bataille. Ceste année mourut Mady Sarrazin & Admiras en Elpaigne, & apres luy Moïse regna par deux ans.

Or Charles qui auoit passé l'hyuer de l'an sept cens octante six, au Palais d'Arigny, pensoit se reposer l'Esté prochain, quand il fut contraint d'enuoyer vne armée en Bretagne, pour vne telle occasion. Sous l'an six cens quarante quatre, i'ay dit (apres Argentré) comme les deux Comtez au Royaume de Bretagne Armorique, auoient esté reduites sous l'obeissance de Salomon second: puis sous Allain second qui regna iusques à l'an six cens nonante: apres luy regna vn Daniel, l'origine duquel est ignorée; encores qu'il fut vaillant: & regna iusques à l'an sept cens vingt: & apres luy regna Budie Comte de Cornouaille: puis Maxime son frere: puis Iean Reth, & Daniel Huua, tous gens sans effect, & ombres d'hommes, qui occuperent le pais iusques à l'an sept cens soixante & sept: estans receus (ce dit Argentré) en tiltre de Roy, par la diuision des plus forts qui tenoient le Royaume Breton en desolation: d'autant que chacun gouuerneur prenoit tel tiltre qu'il vouloit, sans cause ne iustice, de maniere que lors il se trouua au pays iusques à sept Comtes tous chefs de part, & qui oserent (ainsi qu'il est croyable) se monstrier durant que Charles Martel estoit empesché à dompter les Seigneurs François ses ennemis: ou que résistant aux Sarrazins, il ne se soucioit pas tant de ce pais esloigné duquel il faisoit peu de conte: scachant qu'il ne pouuoit luy eschaper apres l'entiere con-

QQQ

L'an de  
Iesus  
Christ. queste du Royaume François, estendu sur toutes les Gaules. Pour mesme raison est-il croyable, que Pepin laissa ces Roitelets s'entremanger, comme aussi Charlemagne son fils, iusques à ce que prosperant en ses autres guerres, il voulut aussi admonnester les Bretons de leur deuoir, & luy porter obeïssance accoustumée d'estre par eux faicte aux Empereurs Romains, & depuis aux Rois de France leurs successeurs, en la seigneurie des Gaules : dont Bretagne faisoit partie comme enclauée en ceste Prouince. Mais les Bretons cuidans ce leur sembloit faire vn corps separé de la France, maintindrent non seulement n'estre subiects des Rois François, voire encores de l'Aroheuesque de Tours leur Metropolitain, refusans ceste année payer les charges qui leur souloient estre imposées : qui fut la cause pourquoy Charles enuoya contre eux Andulf son Seneschal, lequel tout incontinent assoupit le tumulte, ayant en peu de iours pris plusieurs Chasteaux assis en lieux marecageux ou dans les espoisses forests, à la façon du pays. Puis mena à Vvormes les ostages par luy demandez, ensemble plusieurs chefs & Capitaines Bretons, qui promirent fidelité au Roy.

Charles donc paisible en tous endtoicts, le dixneufiesme an de son regne (ce dict Pierre d'Auxerre) voulut aller à Rome, non tant pour faire ses oraisons & prieres, que pour parlementer avec les deputez de l'Empereur, & donner ordre à l'Italie, presté à se remuer, aussi qu'il estoit aduerti par lettres de Pepin son fils, qui luy mandoit qu'Adalgise fils du Roy Disier sollicitoit Tassillon Duc de Bauieres son beaufrere, pour entrer en Italie, du costé de Frioul, accompagné de grand nombre de Huns, gaignez par argent & belles promesses. Quant audit Adalgise, que les Grecs appelloient Theodal, il vagoit en mer, attendant l'occasion d'entrer en quelque endroit d'Italie, aduantageux pour luy, ne se fiant du tout aux Grecs qu'il voyoit prests de s'apointer aux François, en cherchant leur alliance. Toutesfois Sigoigne dit, que la vraye cause de la venue de Charles, fut l'orgueil d'Aregise, Duc de Beneuent, qui par certaine grandeur voulut estre appellé Roy & Prince au lieu de Duc, & se faire couronner par les Euesques ses subjects à la Royale. Car le mesme Auteur, pense que les Ducs portoient lors couronne, & mettoient au bas des lettres despechées sous leur nom, *Donné en nostre sacré Palais*, ainsi que les autres Princes souverains auoient accoustumé de faire. Encores voulant ce Duc monstrier qu'il pourroit entreprendre d'auantage, sous couleur de ce que les limites estoient encores incertains vers Rome, pour la nouuelle seigneurie des Papes en ce quartier, il entra en armes au pais voisin de son Duché, sans craindre la puissance de Pepin Roy d'Italie, & de Charles son pere, ou se représenter la miserable fortune de Disier son beau-pere, entierement ruiné pour semblables entreprises. Mais nos Chroniques, & ledit d'Auxerre disent que la principale cause de ce voyage fut pour reduire Beneuent en l'obeïssance des François, afin de reunir ce Duché au Royaume d'Italie. Et neantmoins ce qui s'ensuit monstre que la raison de Sigoigne est plus vray semblable.

La rigueur de l'hyuer ne garda Charles de passer les monts avec son armée, & venir faire le Noel de l'an sept cens octante sept à Florence, à laquelle plu-

seurs croyent que lors il donna le nom & les armes que ceste ville porte: apres auoir permis de la rebastir, & releuer ses ruines quand elle fut destruite par Atilla; iaçoit qu'il est certain par des anciennes Inscriptions Romaines, qu'il y auoit en cest endroi&t de Tolcane vne ville appellée Flurentia, encores que Pline face aussi mention de Florentia, & des Flurentini, voisins de ce quartier. Tant y a que ceste ville demeurée plusieurs années en ruine, s'est accruë par la deffai&te de Fisoles, voisine de trois mil. Et la Fleur de Lys de gueule en champ d'argent que les Florentins du iourd'huy portent pour armoiries publiques, fait penser qu'ils tiennent cest escu de Charles. Iaçoit que ie doute s'iluy-mesmes portoit les Fleurs de lys. Mais nous parlerons autrepars de l'origine de l'Ecu de France, & des armoiries des Seigneurs & nobles maisons. Au partir de Florence Charles vint droit à Rome où il print conseil du Pape, touchant la guerre de Beneuent. Car Aregise s'estant encôres assez à temps aperceu de la faute, & du peu de moyen qu'il auoit de resister aux forces du Roy de France, auoit enuoyé Romoald son fils aîné, avec presens supplier le Roy François n'entrer en armes en son pays, & qu'il satisferoit au Pape à sa volonté. Le Pape irrité pour les courses qu'Aregise auoit faites sur le territoire Romain, conseilla au Roy de n'entendre à ses offres, comme aussi les Seigneurs François desirieux de voir la guerre; & pource Charles conclud de passer outre, puis qu'il estoit tant aduancé. Mesmes retenant Romoald il commanda aux siens marcher iusques à Capouë chercher les ennemis: mais n'ayans rencontré aucun qui leur fist teste, apres auoir saccagé ce qui estoit dehors les villes, Capouë se rendit pareillement. Lors Aregise de crainte que Beneuent fist le semblable l'abandonna; se retirant à Salerne qu'il fortifia, comme ville plus assurée pour estre sur la mer, & du costé de l'Empereur Grec, & par consequent auoir plus grand moyen de s'armer, si Charles le venoit chercher. Car l'exemple tout recent de Didier, l'admonestoit de fuir pareil inconuenient que le sien; & les douteux euenements des sieges. En fin reduit presque à l'extremité, il enuoya Grimoald son second fils vers le Roy de France, avec charge de luy offrir toutes choses & faire sa volonté, pourueu qu'il ne fust point contrain&t de venir en sa presence. Charles luy pardonna, sous condition qu'il rendroit au Pape ce qu'il auoit usurpé sur l'Eglise, & que Grimoald demeureroit pleige de la promesse de son pere. Que ceux de Beneuent feroient serment de fidelité au Roy de France & donneroient douze ostages tels qu'il luy plairoit. Mais si Beneuent estoit del'hommage du Pape, pourquoy Charles en prenoit-il les ostages? il falloit donc que du moins il en eut retenu la souueraineté, qui estoit la Regalle susdire.

Ces choses acheuées & les Ambassadeurs de Constantin Empereur, qui estoient venus demander la fille de Charles en mariage depeschez, le Roy vint à Rome faire Pasques avec le Pape, où (comme dict la Chronique de Saint Marcial de Limoges) il auint vn différent entre les Chantres de la Chappelle du Roy, & ceux de Rome, que i'ay bien voulu mettre icy pour monstrer que Charles ne laissoit rien passer qui seruiſt à gaigner le cœur des Italiens, mesmes

QQQ ij

L'an de  
Iesus  
Christ.

par des exemples tels que cestuy-ci : & comme de petites choses , ont grandement serui à l'aduancement des ceremonies Romaines par toute l'Eglise Latine. Les François donc oyant chanter les Romains aux feries de Pasques ne se contentèrent, disant que leur chant estoit plus harmonieux : & ceux de Rome soustenans qu'ils chantoient bien, ainsi que saint Gregoire leur auoit enseigné : le debat vint iusques aux oreilles du Roy, qui voulut entendre les raisons des deux partis. Les François s'estimants forts pour la presence de leur Prince, debatirent leur cause contre les Romains, qui tresbien se defendirent, appuyez sur leur sçauoir & doctrine : disans que les François estoient ignorans & grossiers, & qu'on deuoit plus estimer la tradition de saint Gregoire, que la lourderie Françoisse. Charles voyant que les siens contestoient plus par opiniaistreté que par viues raisons, pour mettre fin à leur plaid, demanda à ses Cappelains, qui auoit l'eau plus nette, ou la fontaine ou les ruisseaux ia esloignez de leur source.

Tous respondans, que c'estoit la source (car tant plus les ruisseaux s'esloignoient, plus il s'ordissoient.) Alors le Roy respondit que c'estoit la verité. Et pource qu'eux qui auoient corrompu le chant Ecclesiastique retournaissent à leur source, que Saint Gregoire auoit monstrée. Le differend vuidé, il demanda des chantres pour instruire les Prestres de France, & le Pape luy bailla Theodore, & Benedict, estimez les meilleurs & plus sçauants chantres de l'Eglise Romaine, pour auoir esté enseignez par Saint Gregoire. Toutesfois il semble que ce bon Pape estant mort, l'an six cens quatre, les Chantres eussent esté trop aagez, pour bien chanter, & falloit que ce fust Gregoire deux, ou troisieme Pape. Mais encore le dernier mourut l'an sept cens quarante & vn. Ces chantres apporterent en France des Antiphoniers nottez de notte Romaine par Saint Gregoire. Et Charles de retour mit vn des Chantres à Mets & l'autre à Soissons, commandant à toutes les Eglises de son Royaume enuoyer les maistres Chantres en leur Colege, apprendre le chant desdits Romains, lesquels corrigerent les Antiphoniers François, auparauant gastez ainsi que l'on auoit pris plaisir d'y adiouster & diminuer, & tous nos Chantres apprirent la notte Romaine, que le Moyne de Saint Martial dit, que de son tēps en Aquitaine l'on appelloit *Notam Francicam*, excepté (dit le mesme Autheur) que parfaictement ils n'ont peu exprimer les tremlantes vniuerselles & collifibles, voix qui se coupoient au chant, que par barbarie les François corrompoient en leurs gosiers, plustost qu'ils ne prononçoient, que la plus grande maistrise de Chanterie en France, demeura lors en l'Eglise de Mets. Et d'autant que le chant Romain passe en bonté de chant celuy de Mets : d'autant celuy de Mets passe les autres Eglises de France. Les mesmes Chantres Romains apprirent aux François à toucher les Orgues : Outre ceux-cy le Roy emmena de Rome des maistres de Grammaire & de l'art de compter, qu'on appelle Arithmetique, pour estendre par tout son Royaume les lettres & sciences humaines. Car deuant luy plusieurs cuidēt qu'il n'y auoit aucune estude en France (ie croy que par le mot de *studium*, ils entendoient vniuersité ou Colege public d'arts liberaux) & que les Monasteres ou Eglises Cathedrales se conten-

royent d'auoir des hommes de sçauoir qui instruïsoient la ieunesse, possible de leur Clergé, & lisoient aux plus aduancez : Les dignitez de Scolaſtic d'Eſcolaſtre ou maire d'Eſcole. Et en Languedoc & Prouence, ſe nomme Capiscol (c'eſt chef d'Eſcole, qui demouré en aucunes Eglifeſ Cathedralles m'en donne le ſouſçon) d'autant qu'ils ont encores l'intendance ſur les maîtres des petites eſcholles de l'a b c, & le Chancelier de l'Egliſe de Paris, eſt celuy qui Doctoriſe les Maîtres de tous arts. Car ie n'oſe paſſeurer qu'il n'y euſt point d'Eſcolles publiques, ou pour parler plus proprement, ſeculieres: d'autât qu'il eſt certain que durant l'Empire Romain, aux principales villes de Gaulle, il y auoit des lecteurs publics en langue Grecque, & Latine: Mais il eſt croyable que depuis le rauage de tant de nations barbares, & l'occupation que les François en firent, la cognoiſſance deſdites lettres & ſciences demoura aux Gaullois Romains, leſquels moins employez aux armes & affaires d'eſtat, pour le ſouſçon que les victorieux auoient d'eux; ſe rendoyent du Clergé (ainſi que j'ay dit) où ils auoyent plus de moyen de ſ'ayder des lettres, & ſciences, pour enſeigner le Chriſtianisme aux nations Idolatres, qui leur auoyent oſté le gouvernement de la choſe publique. De maniere, que les gens d'Egliſe (que lors on appelloit Clercs) eſtans preſque ſeuls qui entendiffent les lettres & ſciences, furent cauſe de les faire appeler Clergie, & Clercs; non ſeulement ceux qui ſ'en aydoient & les pouuoient monſtrer aux autres: mais encores ceux qui ſçauoyent ſeulement lire, ou peindre les lettres. Meſme le mot d'Vniuerſité, qui eſt donné au corps des Docteurs ou Maîtres qui enſeignent la Theologie, Iuriſprudence, Medecine, Aſtologie, Logique, & Grammaire, monſtre la difference qu'il y auoit entre les Eſcolles publiques & vniuerſelles pour tous, & les particulieres des Abbayes; ſoit que ces publiques euſſent pris leur nô, pour eſtre vniuerſellement ouuerſes à tous: Ou pource que toutes les lettres & ſciences y fuſſent indifferemment & vniuerſellement môſtrées & enſeignées. Ce qui n'eſtoit paſ aux Eſcolles priuees ou Eccleſiaſtiques, eſtablies (comme j'ay dit) pour les Clercs & gens deſtinez au ſeruiſe de l'Egliſe.

Toutesſois Guillaume Durant adjoûſte, que Charles aporta en France l'ordre Romain, ou pluſtoſt de Gregoire, en la celebration de la Meſſe: & contrainſit tous ſes ſujeſts à l'oſeruer, diſant que ce n'eſtoit raiſon, puis qu'ils ſuiuoyét vne meſme foy que les Romains, qu'ils fuſſent cōtraires en ceremonies: & toutesſois ceſt ordre Romain n'eſtoit point ſi ancien. Car comme dit Jean Diacre, S. Gregoire compila vn liure que Gelafe Pape auoit fait, de la celebration des meſſes: Auquel il oſta beaucoup de choſes, en changea & adjoûſta aucunes, puis fut ſuiuy par tout l'Empire de Charles: & les Eſpagnols prirent ceſt ordre Romain du temps d'Alphons ſixieſme Roy de Caſtille, ſous Gregoire ſeptieſme, c'eſt à dire, l'an mil ſeptante quatre: quiſtant la Meſſe des Moſarabes, & dont la cauſe peut eſtre veuë dans l'hiſtoire de Roderic de Toledede: quand pour eſprouuer la verité de l'une & de l'autre, elles furent jettees dans le feu, duquel la Moſarabique fut tiree entiere.

## CHAP. II.

*Concile de Nice pour les Images. Tassillon adiourné au Parlement fait defant. Estonné de la venue de Charlemaigne en son pays, luy fait hommage, & baille son fils en ostage. Aleric Basque confiné. Duché de Thoulouse osté à Corson, & baillé à Guillaume. Moysé Amiras d'Espaigne mort: Aaron son frere luy succede. Sang sorty de terre. Tassillon accusé de trahison par les siens, est condamné par les Pairs: luy & son fils confinez & faictz Moines. Bauieres diuisee en Comtés non hereditaires. Huns entrez en Bauieres, perdent deux batailles. Adalgrise Lombard accompagné des Grecs & d'un Sacellaire Imperial, pert la bataille en Calabre, est pris & tué. Quatre batailles gaignees par Charlemaigne en un an.*



ITALIE donc appaisée ainsi que dit est enuiron Octobre, Charles s'en retourna en France par les Alpes de Verone & de Trente, auquel temps Irenee Emperiere, meré de Cōstatin, fit assembler à Nice de Bithinie, vn Concile de trois cens cinquante Euesques, où il fut dit, que la Croix & les Images se-toient adorees, *Vt desicam Trinitatem*, comme la Diuine Trinité: & les Euesques d'opinion contraire cōdamnés. Ce Concile appellé vniuersel par les Orientaux, fut acheué au mois de Nouembre & les Euesques allerent en Constantinople, où en presence des Empereurs, ils reciterent les actes dudit Concile, qui furent signez de la propre main des Empereurs, auant que donner congé aux Euesques.

D'autre costé Charles ayant passé en Frâce vint trouuer Fastrade la femme & ses enfans, à Vvormes, où il auoit aussi fait donner assination à tout le peuple, pour y tenir vn Parlement & assemblee generale, à laquelle estoit semonds Tassillon Duc de Bauieres. Là le Roy declara deuant tout le peuple, les choses par luy faictes en Italie; & comme estant à Rome le Duc Tassillon auoit enuoié Aymé Euesque, & Henry Abbé ses Ambassadeurs, prier le Pape de l'appointer avec luy, dont Adrian ioyeux, l'admonesta d'y entédre: & que là dessus les Ambassadeurs Bauarrois appelez, il demanda s'ils auoient puissance de negotier: mais ils respondirent qu'ils n'auoient autre charge que de faire entendre à leur Maistre la volonté du Roy, dont le Pape fasché, d'autant que ce luy sembloit estre vne ruse & deffaiete pour tenir les choses en lagueur, auoit excommunié ledict Duc, & tous ceux de Bauieres qui romperoient la foy promise au feu Roy Pepin, son frere. Quant à luy, qu'il auoit fait appeller Tassillon au Parlement, pour scauoir quelle estoit son intention, & si besoin estoit par armes le contraindre de faire son deuoir. Personne ne respōdit pour le Duc, lequel d'auantage irrité par l'excommuniement du Pape (c'est le premier exploit qu'il se trouue de Pape sur Prince (car celuy de Theodose estoit pour meordre, & celuy de Leon & Constantin, ces Empereurs commandans en Italie) se mit sur ses ap-



prests de la deffensue, poussé à cela par Therberge sa femme, fille du roy Disier: *L'an de  
laquelle* laquelle au danger de son mary eslaioit à venger la mort de son pere, & l'exil *lesus  
d'Adalgise son frere; & cōseilloit Tassillon faire du pis qu'il pourroit aux Fran-  
çois, se ioignant avec les Huns voisins de Bauieres, du costé du Soleil levant.* *Christ.*

Mais Charles, pour de bonne heure remedier au danger qui le menassoit de ce costé-là, si la guerre eust pris traict, fit la plus grāde armee qu'il peut, & laquelle il diuisa en trois: afin qu'entrans en Bauieres par autant d'endroits, le Duc ne sceust auquel entendre. Car Pepin Roy d'Italie eut charge de passer la vallee de Trente & de venir à Bauzon. Les François Austrasiens avec les Sefnes marcherent iusques au Danube & vn lieu nommé Pfering. Quant à Charles, il vint iusques au faubourg d'Augsbourg, & s'arrestant sur la riuere de Lech, qui fait la separation de Bauieres & d'Allemaigne, c'est à dire de Suabe; il delibera avec si grandes forces que les siennes, entrer au pais ennemy, si Tassillon eut continué en sa rebellion. Mais quand le Duc se vit enclos de tous costez, & l'esperance du secours des Hungres moindre qu'il ne s'atendoit, il craignist de se perdre & son peuple aussi, lequel cognoissoit le tort de son Prince, & ne vouloit suivre sa folie. Dequoy le Duc courroucé ne sachant plus que faire, vint trouver le Roy & demander pardon, luy faisant hommage de son Duché, comme à son Seigneur. Le Roy qui estoit misericordieux de nature, luy pardonna, & pour assurance de sa foy prist en ostage son fils avec douze Seigneurs de Bauieres, desquels & du peuple aussi, il receut le serment: puis retourna en France passer l'hyuer à Ingelheim vn Palais assis sur la riuere du Rhin pres Maience.

Au mesme Parlement se trouua le Basque Aleric, pour se purger de la prise de Corson Comte de Thoulouse, ce qu'il ne peut faire, & pour ce il fut confiné, & à Corson osté le Duché qu'il tenoit (l'Auteur ne l'ayant apellé iusques icy que Comte fait penser que c'estoit de Languedoc) pour auoir fait recevoir telle honte aux François, que de se laisser prendre & faire serment à autrui. Sa place fut baillée à vn Seigneur nommé Guillaume, homme bien aduisé, & qui par finesse & subtilité, depuis eut bien dompter les Basques legers de nature, & insolens pour la victoire par eux obtenue sur Corson, & encores despits de l'exil de leur Seigneur. Ceste année trespassa Moïse Amiras des Sarasins d'Espagne, & en sa place regna Aaron son frere.

Or Tassillon retourné en son pays, ne pouuoit celer son courroux, & tout ouuertement se plaignoit qu'à tort il estoit accusé de rebellion, & que sans cause le Pape l'auoit excommunié par la crainte de Charles, lors le plus fort en Italie. Qu'il ayuoit mieux moustré les armes au poing, qu'estre traicté de telle sorte. Toutesfois si le Roy vouloit faire iuger leur differend en plain Parlement des François, il estoit prest de s'y trouver en personne, & là deffendre son droit. Ces parolles rapportees au Roy, il fit sçauoir au Duc, qu'il estoit tres-content qu'il eust choisi la voie de iustice, plustost que celle des armes: où le peuple est plus foulé que les Princes; à ceste cause il publia vn Parlemēt general des principaux Seigneurs du Royaume, pour estre tenu ceste année au Palais d'Ingelheim, où tous les vassaux François se trouuerent au iour nom-

L'an de  
Iesus  
Christ.

mé, & Tassillon aussi comme l'un d'iceux. Là par les gens mesmes, le Duc de Bauieres fut accusé de trahison & conspiration contre le Roy son seigneur, voire depuis le serment n'agueres par luy fait, en portant homage & les ostages par luy baillees. Qu'il auoit sollicité les Huns de faire la guerre aux François : & contraignoit ses vassaux promettre qu'ils ne tiendroient le serment par eux iuré au Roy de France, & autres choses qui ne pouuoient estre faites ne dites que par vn ouuert ennemy.

Auentin dit que Tassillon respondit hardiment, & sembla à plusieurs auoir satisfait à toutes les accusations, fors à ce qu'il auoit dit, que jaçoit qu'il eust baillé vn de ses enfans en ostage, que toutesfois, il ne laisseroit d'estre ennemy iuré des François, quand bien il en auroit baillé dix. Ces parolles aigriront Charles, avec ce que plusieurs des assistans se souuenoyent encores, que laschement il auoit abandonné le Roy Pepin en vn voyage d'Aquitaine, fait contre Hunaud, qui estoit vn crime nommé en langue Thioïse Heresclit (c'est à dire, camp abandonné) capital entre les François : ainsi qu'on peut lire dans les loix publiques sous ledit Charles. Il n'y eut pas vn de ses Pairs qui ne le iugeast digne de mort, non pas mesmes aucuns des Seigneurs François, Bauarois, Lombards, & Sefnes, là presens : Mais le Roy eut pitié de luy, pour ce qu'il estoit son cousin, & apres luy auoir demandé qu'il entendoit deuenir, le Duc se iettant à ses pieds requist mercy, & luy estre permis d'entrer au Monastere d'Otho, par luy fondé, pour faire penitence de ses pechez : autres disent à Loresheim, & d'autres à Gemieges, ainsi qu'on lit dans la vie de Hugues, Archeuesque de Rouën, n'estant impossible qu'il n'ayt esté transporté d'Abbaye en autre, là où pource que peu apres sa femme mourut, il fut tondû Moine avec Theudon son fils, & y vesquirent aussi sainctement qu'ils y estoient entrez de bonne volontré. Quelque peu de Bauarois coupables de la rebellion de leur Prince, furent confinez en plusieurs lieux, & en Bauieres n'y eut plus de Duc hereditaire, ains fut le pais diuisé en Comtés.

Ayant cy dessus dict que Tassillon fut iugé par les Pairs, il ne faut pas entendre ces grands Seigneurs renommez pour le grand territoire que jadis ils tindrent en Bourgogne, Normandie, Aquitaine, Flandres, Champagne, & Thoulouse, ains les Princes & autres gés honorables, choisis pour assister aux Parlements. Car lors chacun estoit iugé par son Pair, & depuis l'erection des siefs avec iustice, tous hauts Seigneurs auoyent des Pairs de leur Cour, ainsi que nous auons dit autre part.

Tout aussi-tost les Huns sous couleur de n'auoir esté appelez à borner les limites de Bauieres, entrerent en ce pais, & encores enuoyerent vne partie de leurs gens contre le Frioul & la marche d'Aquilee : Mais ceux-cy furent repoussez par les Italiens, avec grand meurdre des plus aduancés, & les Bauarois conduits par Sarahund & Odacre (cestuy ie croy frere de la Roïne) Lieutenans & Commissaires du Roy, presenterent aux Huns (venus en leur pais iusques au champ nommé Ibola) la bataille, dont les François eurent la victoire, encores qu'ils fussent en plus petit nombre que les Huns, lesquels irrités plus tost que mattez par ceste desfaicte, retournerent aptes avec plus forte armee, cuidans

euidans vanger la honte receuë à Ibosâ: toutesfois ils furent detechef battus<sup>L'an de</sup> par les Frâçois & Bauarrois, qui en tuerent dix milles sur le champ, & les pour-<sup>les</sup> suivirent si vivement, que plusieurs Huns furent noyez, voulant trauerser la<sup>Christ.</sup> Dunoüe, pour se sauuer de l'autre part. Ces courses estoient faites à la fuscitation de Tassillon:jaçoit que les Huns tout couuètement pretendissent (ce dit Emil) que les Bauarrois estans leurs parens, alliez, & voisins, ils ne deuoyēt sans eux faire accord avec le Roy de France, ne souffrir borner le pais commun sans les appeller: dont sortit la plus sanglante guerre de toutes celles qu'eut iamais Charles apres la Saxonne. Car elle dura huiët ans, non sans plusieurs rencontres, & sacs de villes: predits par le sang, qui ceste annee sortit du Ciel & de la terre: ainsi que pense le Croniqueur Sigebert. Quant à ces Huns ou Auarrois, ils faisoient vne partie des Huns qui depuis ont pris le nom de Hungres.

Pour cela l'Italie n'estoit paisible: car l'Empereur Cōstantin marry que Charlemaigne luy eust refusé sa fille en mariage, ainsi que i'ay dit, euuoia Adalgise fils du Roi Disier s'efforcer d'entrer en Italie: & fit ses Lieutenans Jean Saccalaire (c'estoit vne sorte de Iuges) & Theodore gouuerneur de Sicille, pensans que l'Italie se deust esmouuoir à la venue du fils de Disier. Grimoald estoit lors Duc de Beneuent, & lequel par l'octroy du Roy de France, auoit succédé à son pere n'aguieres mort. Cestuy-cy plus pres des coups, incontinent aduertit le Roy Pepin de l'entreprise des Grecs, ayant mieux la grace des Frâçois, que fauoriser Adalgise, frere de sa mere. Pepin commanda au Duc Hildebrand se preparer, & à Viginise Lieutenant ou Commissaire de Roy, marcher avec les gens de pied & de cheual pour aller au secours de Grimoald, & soustenir l'effort des ennemis, s'ils donnoient de ce costé. Cependant Adalgise & les Grecs prennent terre en Calabre, pour venir à Beneuent proche de là, & ce Duché conquis, se ietter sur les terres del'Eglise. D'arriuee ils se firent maistres de tout le pais qui est outre la riuere Aterne, à sçauoir Pesquiere, l'Abruze, & de Beneuent mesme, cedit Pandolphe Collenutio. Lors Vicregise, Hildebrand & Grimoald joinctz ensemble, allerent au deuant des ennemis, en intention de les combattre auant que recevoir plus de dōmage. Et d'autant que les Grecs s'aduançoient tousiours en pais, les armées se rencontrerent en Calabre, où elles combairent d'aussi grand courage que leurs Capitaines eussent sceu souhaiter, desirans les Italiens & Lombards, faire preuue aux Frâçois de leur fidelité, & les Grecs de leur vaillance. Ce qui fut cause de tenir pour quelque temps la bataille en mesme estat, sans qu'on peust iuger qui auroit du meilleur iusques à ce que les Grecs commencerent à bransler, puis à se retirer, & tout aussitost à fuir à van-de-route, abandonnant la place aux Italiens & Frâçois victorieux. Il y eut grand nombre de morts, & d'auantage de prisonniers, & de bon butin: mais la prise de la personne d'Adalgise fut estimee plus que tout, & lequel Pierre d'Auxerre diët, que l'on fit cruellement mourir à la question, pour le chastier, ou descourrir ses complices, & les menees de tant de rebellions qu'il auoit pourchassees contre les Frâçois, au pais d'Italie. Toutesfois que peut moins faire vn Prince banny de sa terre, qu'essayer d'y r'entrer par tous moyens. Mais les Rois victorieux ont tousiours des raisons pour

R R R

*bien de* courir le chastiement de ceux qui faschent. Et pource les Princes chassiez de leurs terres, tant qu'ils peuuent se doiuent garder de tomber vifs-és mains des conquerans, s'ils ne veullent finir comme celuy-cy: Conradin, & tant d'autres leurs semblables.

Ceste victoire fut cause de tenir l'Italie en longue paix, & que Charles ayant eu l'honneur de quatre batailles gaignees en mesme annee, vint à Ratisbonne ordonner Bauieres, & reigler la frontiere de ce pais, contre les courses des Auarrois: Ce fait il alla passer l'hyuer au Palais d'Aix, où il fit aussi les festes de Noël & Pasques de l'an sept cents octante & neuf.

789.

## CHAP. III.

*Golphe de la mer Balthique, & les nations d'alentour. Charlemagne fait vn pont sur l'Elbe. Vvilizan Prince des Vvilizes se rend. Salle Palais de Charlemagne: lequel enuoye des presens aux Amiraux Sarrazins, afin de bien faire traicter les Chrestiens leurs suiets. Retient Alcuin & Claude, sçauans disciples de Bede, pour fonder l'Vniuersité de Paris. Fondation de l'Abaye de Cormery. Charlemagne va contre les Auarrois. Leurs Ringues ou cercles, & forts gaignez apres qu'ils eurent perdu la bataille contre les François. Autriche pourquoy ainsi appelée.*



Le vn Golphe de mer qui comence depuis le Cherfonnesse Cimbric (aujourd'huy le destroit de Dannemarck) à l'endroit de deux Chasteaux, & s'aduance bien auant vers le Soleil leuât & le Nord, sa largeur (au cōpte de l'Annaliste ancien) ne passe cent lieuës Alemandes, & en aucuns endroiets elle est moindre, & fait la mer jadis nommee Balthique: tout le long de Mexelbourg, Pomerane, Prusse, & Pologne, puis retournât vers Liuonie, se courbe contre le Nord, du costé de Suede. Du temps de Charles plusieurs nations qui maintenant ont changé de nom, habitoyent à l'enuiron: nommez Danois, Suenons, lors appelez Normands, & qui peuuent auoir esté les Sueois, qui encores tiennent le costé de Septentrion, avec routes les Istes dudit Royaume. Quant au riuage du midy (c'est à dire du costé de Germanie) vn peuple appelé Sclaue; ou Selaue, Aistes, avec diuers autres, dont les principaux l'appelloient en leurs langues Volatiques, & en François Thyois, Vvilles: de tout temps ennemis iurez des François & de leurs alliez & subiects. Ausquels ceux-cy, comme à leurs plus proches voisins, sans cesse faisoient guerre. & facherie, à ceste cause Charles les fit admonester qu'ils eussent à se contenir en leurs limites: Puis voyant qu'ils n'en tenoient compte, les menassa de guerroyer, dont ils se soyrierent aussi peu, continuant leurs courses, pour lesquelles reprimer, le Roy assemble son armee, passe le Rhin à Cologne, & de là au trauers de Saxe, vint iusques sur la riuere d'Elbe, où il fit arresta pour y faire deux ponts: l'un desquels de chascun costé, il fortifia de deux Cha-

beaux, faits de bois & de terre, puis mit dedans bonne garnison. Ce fait il passe l'an 781  
la riuere, en vn endroit choisy pour plus aysément gaster le pays des Vvilzes: <sup>l'ame</sup>  
mais jaoit que le peuple fust vaillant & en grand nombre, voyant le degast, <sup>Christ.</sup>  
& vne si grosse armee que la François, il redouta l'effort du Roy, qui aussi entra au pays iusques à la ville nommee Dragunti. Lors Vvilzan le plus honnable d'entre les Vvilzes, tant à cause de sa vieillesse que pour sa grande autorité, estonné de l'appareil des François, vint au deuant du Roy amener les ostages demandez: Sur le champ luy, & à son exemple tous les autres Seigneurs & Princes Sclaues iurerent de garder la foy & loyauté que lors ils promirent. Demaniere que le Roy bien content, retourna en France le mesme chemin qu'il estoit venu, assauoir sus les ponts nouvellement bastis. En ce voyage les Frizons le suyurent avec leurs vaisseaux iusques à la riuere nommee Labola, comme aussi firent aucuns Sclaues nommez Subnoby, & les Abodrites.

Les Vvilzes ainsi conquis en vn seul voyage, Charles s'en vint faire les festes de Noël & Pasques, de l'an sept cens nonante à Vvormes, où il ouyt les 790.  
Ambassadeurs Auarrois, lesquels depeeschés, il enuoya les siens en leur pays, & en Bauieres nouvellement acquise. Car il estoit question des limites & confins de ces Prouinces, & dont proceda la guerre que les François eurent avec les Huns. Cependant le Roy se fit mener par la riuere de Meing en son Palais nommé Salle, à cause de la riuere sur laquelle il est assis, & que lon pense auoir donné le nom aux plus grandes habitations des autres Chasteaux, Palais, & nobles maisons. Iaoit qu'il puisse aussi tost venir du Latin *Sala*. Puis reprenant le mesme chemin, il vint aussi par eau iusques à Vvormes où il passa l'hyuer, durant lequel par cas forruit le feu se mit en son Palais, & neantmoins il ne bougea de la ville, deliuré de toutes occupations de la guerre, & non pas d'œures pitoyables. Car se voyant craint & respecté de ses voisins, il desira encores d'estre cogneu des Princes plus esloignez, enuoyant aux Chrestiens d'Egypte, Syrie, Afrique, & principalement à ceux de Hierusalem, les aumosnes: cherchant l'amitié des Princes de ce pais-là, encores qu'ils fussent Sarrafins; seulement afin qu'ils traictassent bien les Chrestiens leurs sujets, ainsi que dit Pierre d'Auxerre.

Il n'estoit pas seulement charitable: car encores il aymoît les lettres, & les hommes qui en faisoient profession, entre autres Alcuin Anglois Saxon, & vn Claude Clement, disciple de Bede, lesquels scachants que les sciences estoient presque esteintes en France, vindrent d'Escoffe où d'Hibernie par deça, crians science à vendre: avec si grand contentement du Roy, qu'il les retint près de foy, & l'on croit que cette annee ils fonderent l'vniuersité de Paris, depuis paruenue à si grande excellencé que nous l'auons veüe en nostre ieunesse: & de l'aduanancement de laquelle nous parlerons antreparr. Vn Cronicon de S. Aubin d'Angers dit, qu'ils furent enuoyés en France par Offit Roy de Merx.

Cependant nous dirons que les Escossois remarquent que le vingt-troisiesme an du regne dudit Charles, fut practiquee leur alliance avec les François, au secours desquels Archaye Roy d'Escoffe enuoya quatre mil hommes sous la

RRR ij

*L'an de* de conduicte de Guillaume son frere, qui amena aussi lesdicts Claude, Clement, &  
*Iesus* Alcuin, & deffors Chambré, Escossois dit, que les Roys d'Escoffe chargerent  
*Christ.* leurs armoyries d'un cercle de fleurs de lys. Mais ie doute encores si nos Roys  
 mesmes les portoyent en ce temps ainsi que i'ay dit.

Ceste mesme annee Loys Roy d'Aquitaine tint vn parlement general à Thoulouse, ou Abitator, vn des Amirats d'Espagne, avec les autres Seigneurs de ceste frontiere, luy enuoyerent des messagers & presens: Lors Cormery, Abbaye de Tournai (bastie & augmentee des biens de Saint Martin de Tours) eut Ithier pour premier Abbé: le ving-deuxiesme an du Royaume de Charles, ce dit ledit Chronicon, & sous vne telle occasion,

L'estat Monachal estoit lors si corrompu (ce dit l'Abbé Odon) que ces Moines de S. Martin de Tours viuans delicieusement, estoient vestus de foye, portoyent des fouliers *Vitres coloris*, vn autre dit, des miroiers à leurs souliers, pour contempler leurs beaux habits, mesmes dans l'Eglise. Dequoy Dieu irrité enuoya deux Anges, l'un desquels monstrant au doigt celuy qu'il vouloit estre frappé, l'autre l'exécutoit: les estranglant & tuant tous; fors vn nommé Ithier trouué lisant les Epistres Saint Paul, lequel depuis fonda Cormery Abbaye, luy donnant ce nom, pour ce qu'il eut le cœur marry de la punitiō de ses compagnons. Mais i'ay entendu de gens de bien & d'honneur, qui disoyent le tenir des plus anciens: Que les bourgeois desirans se venger de l'outrage receu par ces ribaux Moines, es personnes de leurs femmes & filles, les tuerent tous par vn matin, & de fait pour memoire de ce meurdre aduenu pour telle occasion, ou par autre tumulte populaire, le iour Saint Michel en Septembre quand le Prestre veut dire le *Per omnia* que l'on chante deuant l'elevation du Sacrement: i'ay veu les Clercs de l'Eglise venir fermer les portes qui regardent le bourg Saint Pere, laissant neant-moins ouuertes celles du costé du cloistre. Ce qui me donna occasion de m'enquerir de la cause laquelle me fut rapportee telle que cy dessus ie l'ay escrite. Mais les Chanoines disent que c'est afin que l'Euesque ne vienne en l'Eglise Saint Martin, acoustre *In Pontificalibus*, pource que ce cas aduenant, ils demoureroient ses subiects, là où ils le font du Pape seulement, qui est vne bien foible raison, & ie m'en raporte à ce qui en est. Tant y a que ce iour de Saint Michel, l'on void par l'Eglise de S. Martin plusieurs pots plains de charbon, sur lesquels on iette force Encens: possible pour la mauuaise odeur des corps morts lors tuez, & le Chronicon remarque, que le vingthuitiesme an dudit Roy, il y auoit ja des Chanoines à S. Martin, ce qui reuiert à l'an sept cens nonante six.

791.

Cependant Charles qui auoit fait ses festes de Noel & Pasques, de l'an sept cens nonante & vn, en la ville de Vvormes, en partit au commencement de l'esté, accompagné de sa femme, de Charles, Pepin, & Louis ses enfans: & route sa Cont, pour venir à Rarisbonne, où il auoit commandé d'assembler les forces de tous ses Royaumes, afin de rendre aux Auarrois le payement des courses & pilleries par eux faictes: ayant deuant que partir de Vvormes, ceint l'espee à Louis son fils, qui à mon aduis est la premiere marque que nous trouuons en nos Annalles, de ceste ceremonie obseruee depuis par les Cheualiers. Car de-

ans, & du temps mesmes des Empereurs Romains, voire des Rois de la premiere maison de France, ceux qui estoient destinez au seruice guerrier, de Iudicature, ou du Palais Royal, portoient vne ceinture, appellée Bâltheus, & par nos François Bauldrier, pource que ceste courroye estoit volontiers de cuir sec, portée pour marque de leur vocation ou qualité, dont nous parlerons cy apres plus amplement, pource qu'il n'est besoin de remplir vne histoire du discours entier de toutes les matieres qui se presentent en si longue continuation de faicts, comme ceux des François. Ce qui me seruira d'excuse, si tant souuent ie r'enuoye les lecteurs à mes autres liures. Durant cela, Charles ne s'oubloit pas, ains faisoit passer son armée vers la riuiero Anise, qui fait separation de Banières: Apres des Letanies ou processions de trois iours. Puis quand il fut à Luneberg, il r'enuoya Louys son fils faire compagnie à la Roynne Fastrade, attendant l'issuë de son voyage. Ce fait il partit son armée en deux, dont il en bailla vne au Comte Thierry & Maugenfrid son Chambellan avec les Frizons & Sefnes, auxquels il commanda marcher le long du Danube, sut la riuie Septentrionale: & luy avec les François & Supabes venoit semblablement le long de la mesme riuiero, sur le riuage de Midy, tirant vers Pannonie, qui est Autriche & Hongrie: pour chercher les ennemis, & Pepin avec les Bavarrois, amenoit par eau les viures, & vn pont fait de bateaux pour passer de l'vn à l'autre camp.

En ce temps les Auarrois fortifioient leurs pais en la maniere qui s'ensuit, comme recite Adalbert, qui fut en ceste guerre. Ils partissoient leurs pais en neuf cercles ou clostures, appelez en leur langue, Helgan, & Ringues en Thyois, aussi eslongnés les vns des autres que le chemin de Turie à Constance: & Auentin dit, quarante mil pas, qui reuiennent à cinq lieues de Suabe, & vingt lieues Picardes. Ceste closture estoit tellement bastie de Pieux, *Quauris Fagus & Abigenis*, de Foutaux & de Sapins: que de largeur elle contenoit vingt pieds, autant de haur, l'entre-deux estoit remply de pierres tres-dures, croye gluante, & le dessus & les faces couuertes de gazon bien espais: parmy estoient plantez des arbrisseaux propres à nourrir le bestail, & qui se rondent pour se chauffer. Les villages & les maisons champestres estoient assises en telle distance, que l'on pouuoit s'entendre de l'vne à l'autre, & les portes de ces murs ou rempars estroictes, comme pour seruir à des brigands, & par lesquelles non seulement ceux du premier cercle pouuoient sortir, mais encores les autres du dedans, pour aller rauager le pais voisin. Ces clostures venoient tousiours en amoindrisant, comme il faut aussi que de plusieurs cercles, ceux qui tendent au centre soient moindres que ceux qui les enuironnent: & toutesfois les habitations disposées en façon que de l'vne à l'autre l'on pouuoit entendre le son d'vne trompette. Dans ceste limace ou cercle, ce peuple Hun ou Auarrois, auoit ja demeuré l'espace de deux cens ans, & retiré toutes les richesses de l'Occident, sans auoir esté assaillis de pas vne autre nation.

Charles considerant à quelles gens il auoit affaire, & comme ils estoient en reputation de vaillants, auant qu'approcher plus pres de leurs limites arresta son armée, pour quelque temps seiourner & encourager les siens, qui sem-

L'an de  
Jesum  
Christ.

bloyent plus mornes que de coustume, à cause du bruit qui courroit parmyeux de la valeur des ennemis, & difficile assiette de leur terre ainsi remparée que j'ai dit. Mais après avoir inuoké l'aide de nostre Seigneur, & faitcrier vn ieulme de trois iours, il marcha contre l'ennemi, & vint iusques à ces forts. L'un desquels regardant vers le Septentrion, estoit planté sur la riuere Cambin, assez pres de la ville Chienau: & l'autre du costé du midy, estoit assis sur la montagne Cauremberg, pres la ville Comagenes, ce dit Auentin: qui semble (contre ce que luy mesme a dit) monstrer que ces forts ou Ringues n'estoient l'un dans l'autre: Aussi eust-il esté vn merueilleux circuit, pour ouurage de main d'homme, si l'un eut esté enuironné de l'autre.

Pour reprendre nostre fil, aucuns des ennemis desirās entretenir leur reputation de vaillance, & sçauoir des nouuelles, s'aduancerent & presenterent l'escarmouche aux François, qui les mirent en route, & tout aussi tost gaignerent les leuées, non sans la mort de ceux qui les voulurent deffendre, mesmes le dedans fut mis au feu & à l'espée, avec si grand estonnement des Auarrois chargez des deux costez, & par le milieu de ceux qui estoient sur le Danube, qu'ils se retirerent outre la riuere Arabone, en des bois où ils sauuerent leurs femmes & leurs enfans, & ce qu'ils peurēt emporter de leurs biens. Car ils s'asseuroient qu'une si grande armée que celle des François, ne scauroit longuement demeurer en leurs terres, & qu'incontinent apres leur retraite ils pourroient recouurer leurs maisons & heritages.

Le Roy aussi aduertit qu'en vain il poursuinoit ces gens espars & esloignez, & qu'ils auoient enuoyé leurs femmes, & enfans, au pais des Pencines (c'est Bohesme) apres les auoir poursuynis iusques où la riuere Arabone entre dans le Danube, il s'arresta quelques iours à ses Conflans: & pource qu'en la campagne il ne se trouua personne de resistance, il chassa ceux qui s'opiniastrent à deffendre les forts & leuées, dont nous auons parlé: laissant des garnisons au pais conquis avec Henry Duc de Frioul, & Gerould, pour estre ses Lieutenans en Buieries afin que de compagnie ils acheuaissent: Gerould eut charge d'y mener des peuplades de Bavarrois, & y dresser des Temples & Monastères de Chrestiens, lequel pais dès lors print le nom d'Austrie, pource qu'il est assis vers l'Orient de Buieries; & l'a depuis retenu, toutes-fois corrompu en Autriche, c'est à dire Royaume Oriental, jadis appelé *Noricum Ripense*, par les anciens Romains: Auentin dict, que Charles de ce lieu renuoya Louys son fils, & il y a de l'apparence que luy ayant ceint l'espée à Ingelheim, il le mena en l'armée: jaçoit que les vieilles Annales, & la vie dudit Louys, disent qu'il n'y fut point.

Ainsi Charles ne trouuant personne qui luy fist teste, commanda aux Sclaves & Frisons que menoit Thierry (comme j'ay dit) retourner par Boesme, & quant à luy par Sabarie (qui fut le pais de S. Martin) il vint à Ratisbonne trouuer sa femme & ses enfans, où il rompit ainsi son armée, sans auoir receu aucun domage excepté de cheuaux. Car l'on n'en tamenā pas la dixiesme partie pource que d'aucuns disent qu'il en mourut huit mil. Charles donc s'arresta tout l'hyuer à Ratisbonne, où il fit les festes de Noel & Pasques de l'an sept



cens nonante & deux, y demeurant afin de donner ordre au païs de Bauieres & d'Autriche, pour dresser vn pont sur des batteaux retenus avec des ancrs, afin de s'en aider à la guerre contre les Auarrois, s'il n'eust esté empesché à d'autres affaires. L'an de  
Iesus  
Christ.

CHAP. IIII.

*Felix Euesque d'Orgelle nie Christ auoir en nature diuine & humaine ensemble. Pepin bastard de Charlemaigne coniare contre son pere. Lideric de Harlebec fait Comte de Flandres. Louys Roy d'Aquitaine va en Italie au secours de Pepin son frere, & ensemble font la guerre à Beneuent. Entreprise de Charlemaigne pour nauiger du Rhin au Danube, & la commodité de ce dessein rendu inutile par les pluyes.*



**O**RGELLES (dit l'ancien Annaliste, qui possible entend parler d'Origela d'Arragon) est vne cité alisee sur le plus haut des monts Pirenées, de laquelle estoit Euesque vn Espagnol nommé Felix : cestuy-ci estant interrogué par Heliprand Euesque de Toledé, s'il luy sembloit que Iesus Christ en son humanité deuoit estre appellé fils de Dieu, ou adoptif; respondit bien legerement & contre la doctrine de l'Eglise Catholique, qu'il estoit adoptif: & non content de cela, en fit vn liure qu'il publia. Dont le Roy aduerti, luy fit donner assignation à Ratisbonne au Parlement, où les Euesques assemblez monstrerent à Felix sa faute euidente, puis en la compagnie d'Engilbert Euesque, l'enuoyerent à Rome vers le Pape Adrian, en la presence duquel il renouça de bouche seulement, à son erreur, confessant son peché deuant ceux qui estoient en l'Eglise de saint Pierre. Ce fait il fut r'enuoyé en sa ville.

Ces propositions, ainsi que recite Sigisbert, estoient; Que Iesus-Christ en sa nature diuine, estoit vray fils de Dieu, & en l'humaine adoptif & noncupatif: par le moyen de laquelle distinction il faisoit deux fils de Dieu, l'vn vray, & l'autre adoptif: ce qui sentoit l'heresie de Nestor & d'Arrius. Car pour adopter quelqu'un, il faut qu'il ne soit pas naturellement nostre fils, ne par loial mariage; Comme nous qui sommes enfans d'ire & de peché, sommes faits enfans de Dieu, par l'adoption qu'il a faite de nous en nostre foy & Baptême. Mais quant à Iesus Christ, il ne fut iamais que fils de Dieu: & tout ainsi qu'en la Diuinité il est fils de la vierge Marie, par vne nature liée & vnue ensemble à ladicte Diuinité, & non pas par adoption, & pour ceste cause elle est appelée Mere de Dieu. Ainsi Iesus-Christ est fils de Dieu selon l'humanité, & non par adoption, & toutesfois à cause de l'vnité & conioction de sa personne en deux natures, Diuine & humaine. Iacoit que ce haut point doctre

*Il au* de estre traité par des Theologiens, & qu'il soit raisonnable que la decision de  
*es* tels secrets de nostre Religion ne soit communiquée à tous, principalement  
*Christ.* aux simples. Car il est escrit (que celui qui recherchera trop auant la gloire de Dieu sera accablé d'icelle) si n'est-il point mauuais d'en laisser quelques traits par l'histoire, pour aduertir les plus curieux, de se donner garde de tels baboins qui sement des poincts de dispute pour nouueaux, combien que ia ils soient condamnez, ainsi qu'il fust aduenü de cestuy-ci, qui alloit ietter les Chrestiens dans les tenebres d'Arrius, & dont l'Occident estoit sorti, depuis que Richard Roy d'Espagne y eut renoncé avec son peuple, pour se ran ger à la croyance commune & Catholique, ainsi que i'ay dit. Encores remarquez vous par la comparition de cest Euesque, d'une ville des Pirenées, l'estenduë de la Seigneurie de Charles.

Mais comme le mesme Roy inuincible par armes estrangeres, essayoit à nettoyer son Royaume de ceste mauuaise doctrine, il se trouua en danger de perdre la vie, par vne coniuration domestique, machinee contre luy enuiron l'esté.

Il auoit vn fils naturel, beau de visage, mais bossu, nommé Pepin, nay deuant tous les autres enfans. Cestuy-ci accompagné d'aucuns François qui se plaignoient de l'orgueil de la Royne Fastrade, ou (comme dit Paul Emil) marri que Charles employast aussi tost ses autres suiets qu'eux (qui pour estre d'Austrasie, originaire pais du Roy, cuidoient estre preferez) faignant d'estre malade, conspira contre son pere, pendant qu'il seiourne à Ratibonne avec peu de gens, pource qu'il auoit renuoyé son armée & rompu le parlement, se tenant assez assésuré d'aucuns de sa Cour. Le temps sembla propre aux conspirateurs, d'autant qu'il n'y auoit à sa suite que des femmes. Voulans dōc les coniuirez aduiser à leur fait, la nuit, precedente le iour qu'on deuoit tuer le Roy pour mettre ce bastard en sa place, ils s'assemblerent au Temple de S. Pierre, faisans semblant d'y estre venus prier Dieu pour la santé du Roy, au lieu que c'estoit pour aduiser à s'en depescher.

D'auenture vn pauvre Prestre, Lombard de nation, nommé Fardulf s'estoit endormy en vn coing, lequel ayant entendu les propos que ces gens tenoient, quand il vit l'occasion de sortir, accourut soudain au Palais, & encores qu'il fut noire nuit, considerant que le danger estoit si prochain, pressa tant les gardes qu'il parla au Roy, & luy declara l'entreprise: touraussi tost les coniuirez qui ne pensoient estre descouuers furent saisis, & apres la verification de leur fait aucuns furent decapitez, autres pendus & aueuglez: & Pepin tondu Moine à S. Gal, puis enuoyé en l'Abbaye de Prumie, qui est en l'Euesché de Treues, au iourd'huy nommée Prom: Fardulf pour recompence de la trahison par luy descouuerte, fut fait Abbé de S. Denis, pres Paris.

Ce nonobstant le Roy ne bougea ceste année de Ratibonne, à faire travailler au pont susdit, si industrieusement composé que lié de cordages & retenu d'Ancre il pouuoit estre des-assemblé, & reioint au besoin pour s'en ayder à passer le Danube, en la guerre qu'il entendoit faire aux Auarrois. Auentin dit, que Charles ayant descouuert la trahison de son fils, enuoya demander

der à Pepin ce qu'il deuoit faire des prisonniers, & que ces messagers le trou-  
uerent sarclans son iardin, & en cest estat luy declarerēt le mandement du Roy  
son pere: Pepin respondit que si son pere eust creu son cōseil, il ne fust à la pei-  
ne qu'il se trouuoit, ne luy accusé de ceste trahison. Les messagers qui n'en-  
tendoient ce qu'il vouloit dire, le presserent de parler plus ouuertement: mais  
luy courroucé se retournant vers eux: leur dict qu'ils s'en allassent dire à son  
pere qu'ils l'auoient trouué sarclant son iardin & le nettoyant de mauuaises  
herbes: afin que les bonnes y peussent croistre. Ces messagers retournez se  
plaignirent de l'orgueilleuse responce du Prince. Mais le Roy plus aduisé en-  
tendoit bien ce que son fils vouloit dire par ambageois. Car tout aussi tost il fit  
executer les Autheurs de la coniuration, & entre-autres vn Seigneur: lequel  
ayant choisi vne haute montaigne, y auoit fait bastir vn chasteau pour son  
habitation, où il fut pendu à vne potence tout au plus haut de la mesme mon-  
tagne. Ce neantmoins il y a grande apparence que ce Pepin à qui Charles en-  
uoya demander ce conseil fut le Roy d'Italie. Car pourquoy le bastard eust-il  
opiné contre soy & ses alliez?

Ceste année Lideric de Harlebec fut déclaré Comte de Flandres, le dix-  
septiesme iour de Mars si vous croyez Meier. Cestui-cy fut pere de Ingrand  
pere de Baudouin surnommé Bras de Fer, mary de Iudith fille de Charles le  
Chauue. Outre la dignité de Comte le mesme Auteur dit, qu'il fut Admi-  
ral de Flandres, & forestier: pour ce que ce quartier mal peuplé faisoit vne par-  
tie de la forest d'Ardennes, si est-ce qu'il y auoit ja des villes, comme The-  
roienne Euesché, Gand, Tournay, Anuers & autres. Et encores ledit Meier  
adionstant que Charles donna ce Comté en heritage audit Lideric & les siens,  
me fait soupçonner de faux son opinion, pour ce qu'en ce temps les Rois n'a-  
uoient accoustumé de donner ces grandes terres en heritage.

La mesme année il seismeut vn tumulte à Beneuent, la cause duquel n'est de-  
claree par les Autheurs du temps, comme aussi ils passent bien legerement sur  
plusieurs grands faits: jaçoit que Sigoigne cuide que ce fut pour autant que  
Grimoald refusa d'obeir aux François ainsi qu'auoit fait son pere, dont Char-  
les aduertty escriuit aussi tost à Pepin, afin de mettre sus l'armee d'Italie, & qu'il  
luy enuoyeroit Loys Roy d'Aquitaine son frere pour le secourir, lequel sui-  
uant la volonté de son pere incontinent se met aux champs: & par ces che-  
mins tortus & difficiles du Mont Cenis passa en Italie, se hastant d'aller trou-  
uer Pepin son frere, avec lequel il fit Noël de l'an sept cens nonante trois en la 793.  
ville de Rauenne; puis de compagnie allerent gaster le pais de Beneuent, où  
ils prindrent vn Chasteau, & retournerent trouuer leur pere aduertty de la  
suscite coniuration. Car il y auoit apparence (dit Sigoigne) que Grimoald  
estonné de tant de forces qu'il se vit sur les bras, retourna en l'obeyssance ac-  
coustumee, & n'est croyable que les deux Rois eussent si tost retiré leur ar-  
mee d'Italie, & principalement Louys (venu de si loing que d'Aquitaine) sans  
quelque prompte reddition dudit Grimoald. Toutesfois cecy cōme plusieurs  
autres faits de nostre Antiquité demeurera enseuely sous l'incursiosité & ne-  
gligence de nos predecesseurs.

L'an de  
Jesus  
Christ.

Encores duroit à Charles l'enuie de mettre fin à la guerre des Auarrois & sy preparoit, ayant (comme i'ay dit) fait bastir vn pont sur le Danube, irrité à ce faire par les Auarrois mesme qui tout aussi-tost que les François furent partis de leur pais y retournerent sy loger. Cependât que le Roi seiourne en ce quartier là, il fut persuadé que s'il faisoit vne fosse entre les Riuieres de Altmult & Redits pour receuoir les eaux des marets voisins, bien aysément lon pourroit nauiger du Rhin au Danube, & par ce moyen beaucoup soulager le charroy qu'en si grand nombre il conuenoit employer pour le transport des viures necessaires à vne telle armee que celle qu'il luy couenoit auoir pour dompter les Auarrois. Car Redits se descharge à Bamberg dans le Mein qui vient dans le Rhin pres de Mayence, & Altmult entredans le Danube pres d'vne ville nommee Kelhani. Que si le Roy vouloit entreprendre tel ouurage (grand à la verité, mais Royal) il rendroit l'Europe passagere par terre & par eau, & donneroit occasion d'oster partie des brigandages de la Mer, & tant plustost finiroit ses guerres, si de la Mer Mediteranee par le Rhosne & la Saosne : & de celle-cy, comme ces anciens gouuerneurs de Gaule essayèrent (ainsi que dit Tacite) lon pouuoit ouurir vn canal entrant en la Moselle qui se mesle avec le Rhin à Conflans. Que si lon nauigeoit du Rhin au Danube pour aller en la Mer Major, le commerce de toutes choses seroit bien plus aisé d'Orient au Septentrion & en l'Occident : & les Mannes de tant de diuers quartiers du monde seroient plus facilement communiqees au grand honneur des François, qui par leurs armes & industrie auroient ouuert ce passage pour aller commodément par l'Vniuers.

Ce fut pourquoy le Roy avec toute sa Cour vint sur le lieu, & fit assembler vn nombre infiny de gens pour commencer l'ouurage, auquel ils besongnerent toute l'Autonne, en si grande diligence, qu'ils firent vne fosse large de trois cens pieds, & longue de deux mil pas, tendant (ainsi que dit Auentin) du village Grabem à Vilembourg, & neantmoins ce traual demeura inutile: pour ce qu'il pleut tant, & le lieu se trouua si marescageux, que la terre fouillée le iour, la nuit retomboit, d'où elle auoit esté tiree, à cause de sa mollesse & humidité. Mesmes il sembloit que l'entreprise fut faite en despit de Dieu, tant il apparut de prodiges qui monstrent qu'elle luy desplaisoit: Il se trouua par les champs de grandes meulles & tas de froment & autres grains, desquels si le bestial en goustoit, il mouroit incontinant: Que si lon en faisoit de la farine elle venoit à rien. La nuit lon oyait des voix environ le plus haut fassé, meslees de mugissemens & de gayeté: & tous les iours il pleuuoit sans cesse. A ceste cause les entrepreneurs estonnez, comme par vn miracle, persuaderent au Roy faire cesser l'ouurage desaggreable à Dieu, & la face que nature auoit donnee à ce quartier de terre demeura telle qu'elle auoit esté depuis la creation: comme il est presque aduenu en toutes telles autres entreprises.

Car Ptolemee Roy d'Egypte, voulant tirer vn canal depuis le port d'Arfinoe, qui est celuy de Suez (assis sur la Mer Rouge) iusques au Nil, pour ioindre les mers Rouge & Mediteranee, trouua qu'acheuant son œuvre, ja fort

aduancé, il innunderoit l'Egypte plus basse que la mer Rouge, ainsi que rap-  
 porterent les Niveleurs & tous ceux qui ont voulu trancher l'Istme (c'est vne  
 languette qui ioinct la Grece & le Peloponessé, maintenant Moree) ne l'ont  
 jamais peu acheuer, encores qu'il n'y ait que six mil de terre, ce qui luy a don-  
 né le nom d'Examille. Non pas mesmes Neron entrepreneur & executeur des  
 choses impossibles: Non plus que Vetus gouverneur de Belgique, sous le mes-  
 me Neron, qui voulut mener vne fosse depuis la riuere de Doux (sortant de  
 la Franche Comté pour entrer dans la Saône) & de là iusques à la Mozelle,  
 afin que les Romains peussent faire venir de la mer Mediteranee en celle de  
 Belges, l'attirail de guerre, pour s'ayder contre les Germains, sans faire ce  
 grand circuit à l'entour d'Espagne, Armorique & Belgique. Le Roy François  
 premier fut conseillé d'en faire autant de la riuere d'Aude, qui passe à Nar-  
 bonne & Carcassonne à la riuere de la Riege, & cela ayant esté arresté au  
 Conseil Priué, & aduisé des moyens & hommes pour cest exploit, la mort  
 du Roy rompit ce desseing, qui n'estoit pas malaisé à effectuer au Roy d'un si  
 florissant Royaume, & nos guerres ciuiles ont empesché le mesme ourage.  
 Car il me souuient que depuis l'an cinq cens quatre vingts, j'ay veu apporter  
 au Conseil du Roy Henry troisieme, le plan du desseing que lon tenoit tres-  
 facile & despence non excessiue pour si grand ourage, & pour ce ven les de-  
 stourbiers qui suruiennent en ces entreprises: il semble que Dieu se plaist  
 d'empescher ces correcteurs de nature, leur enuoyant des empeschemens si  
 grands, qu'ils sont tousiours contrains d'abandonner leurs ourages impar-  
 faits, comme il aduint à nostre Charlemaigne.

Car estant ainsi embesogné, il eut deux nouuelles qui luy despleurent: l'v-  
 ne fut que les Sefnes s'estoient rebellez de tous poincts. Et ayant defait en vn  
 lieu nommé Rnisti (qui est sur la riuere de Vezere) le Comte Thierry & son  
 armee qu'il enuoyoit en Frize, s'estoient retournez à l'Idolatrie. Iasoit qu'ils  
 eussent esté huiet ans sans faire semblant de vouloir la guerre: l'autre que les  
 Sarrazins entrez en Seprimanie auoient tué les Capitaines de la frontiere &  
 defait leur armee, avec plusieurs Seigneurs François: puis s'estoient retirez en  
 leurs païs, & sans rien perdre. Ce que le Roy dissimulant, remit à vne autre-  
 fois, & son entreprise du fossé, & le voyage de Hongrie. Puis sortant de Ra-  
 risbonne au mois de Decembre, il fit porter sur terre des vaisseaux (ie croy du  
 pont du Danube) & vint à Saluatelle, tirant au chef du fossé d'enhaut; puis  
 entrant dans ces basteaux iettez sur le Redits, il descendit dans le Mein, & en-  
 uiron la fin de ce mois vint à Virterbourg, où est le sepulchre de S. Chillian,  
 faire la feste de Noel de l'an sept cens nonante & quatre.

## CHAP. V.

*Parlement de Francfort : où l'adoration des Images, vt deificam Trinitatem, est condamnée. François ont bien tard receu les images en leurs Temples & sur les Autels. Tassillon renonce au Duché de Bauieres. Mort de Fastrade femme de Charlemaigne. Sesnes rebelles, & le tiers d'entr'eux transportez en Flandres, font d'un Diable deux. Ceux d'outre l'Elbe ayant tué Vuitzan Roy des Abodrites, leur pays est couru & eux tuez iusques à trente mil. Aix Palais. Mort de Turpin Archeuesque de Reims. Droict de Regalle. Mort du Pape Adrian, qui le premier, au lieu de la Messe de saint Ambroise introduict la Gregorienne. Leon Cardinal luy succeda.*



L'HIVER passé le Roy vint à Francoufurf (c'est à dire le gué des François) & maintenant Francfort, où il fit Pasques, ayant la assigné vn Parlement general, & tous ses vassaux : auquel aussi se trouuerent les Euesques de Gaule, d'Italie, & Germanie, avec Theophylacte & Estienne Legats, representans la personne du Pape Adrian : qui sont les premiers apres Boniface, que nous trouuerons auoir esté enuoyez en France, & auoir fait comme la planche à ceux qui depuis plus souuent vindrent avec pareille autorité.

En ce Parlement : (l'extrait duquel escrit il y a plus de six cens ans i'ay autrefois veu) il est dit que l'heresie de Fœlix (dont i'ay parlé) estoit condamnée : & arresté que nostre Seigneur Iesus Christ entant qu'il est homme, est fils de Dieu. Et en vn article, l'erreur du Sinode de Constantinople, par lequel estoit dit qu'il falloit adorer les images *vt deificam Trinitatem*, est aussi condamnée : & dit, que tant s'en faut qu'il deust estre appellé vniuersel, que mesme il ne meritoit le nom de Sinode ou assemblee.

Au troisieme article, Tassillon Duc de Bauieres, tant en son nom que de ses enfans, renonce au droit qu'il pretendoit au Duché de Bauieres, au profit du Roy Charles. Ce qui monstre que ce Duché estoit hereditaire : apres y a plusieurs ordonnances tant pour les monnoyes que vente des bleds. Au quatorzieme est dit, que nuls Saints soient reuerrez ne leurs memoires (c'est aussi tost images que sepulchres) esleuees par les chemins : sinon de ceux (la bonne vie desquels auroit esté cogneuë par miracles, ou autre digne certification.) Apres cela y a plusieurs reglemens pour les gens d'Eglise. En fin le Roy prie l'assemblee de luy permettre se seruir d'Alcuin & autres. Mais ie ne puis deuiner pourquoy il faisoit telle requeste, si ce n'est qu'estant Ecclesiastique, il le voulust exempter de la seruitude claustrale, pour le tenir pres de soy : l'ayant bien fort à cause de sa doctrine, ou pour ce qu'estant estranger, il ne

pour estre du conseil sans la permission du Parlement ; qui seroit trop diminuer la Majesté Royale. L'an de  
Jesus  
Christ.

Je me suis vn peu estendu en la declaration des particularitez de ce Parlement, pour tant mieux descouvrir ce qui se traictoit : mais pour le regard de la reuerence que les François ont faite aux images, voicy ce qui en est : Nos anciens Euesques, plus que les Moines, ont bien longuemēt empesché qu'elles fussent tant communes, principalement sur les autels : car il y a plus de mil ans que les parois des Temples Chrestiens en ont esté peincts, & est demouré en beaucoup d'Eglises Cathedrales de ce Royaume vne grande marque de la contradiction de la veneration desdites images, d'autant qu'en la plus part d'icelles basties d'ancienneté, voire depuis trois cens ans, il n'y a point de niches ou corbeaux (comme parlent les Architectes) pour les soutenir, sinon ceux qui ont esté adioustez apres le bastiment acheué : ainsi qu'euidement lon peut voir en celles de Vienne & de Lyon, ou encores en ceste-cy : Il n'y en a qu'une de saint Iean Baptiste, mise au bas d'un pillier : esleuee de terre seulement d'un pied, si i'ay bonne memoire. Et mesmes à Paris, les images des Apostres ne sont sur les autels, ains contre les murs & au portail ; cōme à la Sainte Chappelle du Palais de Paris, bastie par Saint Louys, voire il n'y en auoit point sur le maistre Autel de la grande Eglise, ainsi que i'ay entendu dire à mon pere (qui le tenoit de plus anciens que luy) & que depuis six vingts ans (disoit-il) quelqu'un donna certain poids d'argent pour faire l'image de la Vierge Marie, tenant son enfant entre ses bras, que lon y voit de present sur le grand Autel. Car l'histoire de la Passion de nostre Seigneur Iesus Christ esleuee en bosse à l'entour du chœur des Chanoines (comme aussi les images des portaux & murailles, enuironnans ladite Eglise, semblent auoir esté mises plustost pour histoires, que pour adorer). Et il est certain que nostre Eglise mesmes n'a vsé d'images (voire de peinture plate) dans les Temples (car les Grecs ont sustenu la peinture plate plus que la sculpture, comme si ceste-cy fust moins defendue par les commandemens de Dieu) sinon quand l'idolatrie commença de n'estre plus crainte entre les Chrestiens, ja faits Seigneurs de l'Empire Romain. Durant ce Concile de Francfort mourut la Roynne Fastrade, fascheuse & superbe femme, qui aigriissoit son Seigneur, de nature douce, laquelle fut enterree à S. Aulbin de Mayence.

Tost apres, & le Concile acheué, les Sefnes marris (ce dit Emil) d'une leuee de gens qui se faisoit en leur pays pour mener en Hongrie, se rebellerent ; & non seulement ruèrent les Commissaires enuoyez pour la faire, mais encores Godescal que le Roy enuoyoit en Dannemarck. Cela fut cause que Charles delibera de les assaillir avec grande puissance ; & par deux endroits, faisant deux camps : l'un desquels il mena luy-mesmes par la Turinge qui regarde Saxe vers le Midy. Et l'autre que le Prince Charles son fils conduisoit, ayant passé à Colongne, venoit pour les charger du costé de l'Occident. Or combien que les Sefnes fissent contenance de vouloir resister, s'estant assemblez à Sinisfeld : Quand ils virent le grand appareil que le Roy auoit, considerans sa puissance, ils perdirent courage & l'espoir de la victoire : de maniere que

SSS iij

L'an de  
Jesue  
Christ.

vaincus sans coup ferir, ils luy rendirent les mains, l'asseurans de sa clemence (plus souuent experimentee que sa rigueur) encores qu'ils eussent tant de fois esté batrus par luy. Ils pouuoient estre tuez, afin que tant souuent ils ne troublassent le repos de la France. Mais le Roy desirieux de laisser ce pais peuplé, voulut espargner leur sang; & pour les empêcher de se souleuer, à cause de leur grand nombre, & la commodité de ce territoire, le troisieme d'entre eux fut tiré du pays avec leurs femmes & enfans (Emil dit les plus nobles, iacoit que les plus vieilles Chroniques ne facent ceste distinction) & logez sur le riuage de Flandres, sous la charge de Lideric qui fut leur Amiral, si vous croyez ledit Emil. Et il est certain, que les premiers Sefnes estoient gens de mer, ainsi que l'ay monsté ey dessus. Mais ces hommes indomptables, ne luy demeurèrent iamais fideles, & gasterent les naturels du pays de Flandres, qu'ils infecterent de leur opiniastrété, laquelle depuis s'est veüe en ceste nation tousiours hargneuse, & ayant perpetuelle riote ou querelle à ses Princes.

795. Les Sefnes ainsi soudainement rangez, les armées Françoises repasserent le Rhin; & le Roy vint à Aix, où il fit les festes de Noël de l'an sept cens nonante cinq. Mais iacoit que les Sefnes eussent l'an passé iuré fidelité montrans vn courage ennemy, ils n'en tindrent compte, & aussi peu de se faire Chrestiens, ainsi qu'ils auoient promis. Ce fut pourquoy Charles assigna vn Parlement pour tenir le mois de May en la ville de Lufestin, ou Fermesin, qui est delà le Rhin, assez pres de Mayence; sur la riuere de Mein: là où aussi se trouua son armée qu'il fit marcher vers la riuere d'Elbe, & laquelle des l'entree de Saxe commença à piller le pays iusques à Bardangeau, puis s'arresta & campa en vn lieu nommé Bardennuing, pour attendre les Sclaves mandez; quand Charles fut aduertty que Vviltzan, Roy des Abodrites (c'est Mequelbourg) auoit esté occis sur le chemin, & son armée defaite par les Sefnes, en vne embusche dresseë au passage de la riuere d'Elbe, en vn lieu nommé Luns ou Helum. Cela irrita si fort le Roy de France, qu'il abandonna le pays aux soldats, lesquels le coururent sans pitié, tuans iusques à trente mil hommes de guerre tous Sefnes. Ce fait le Roy retourna en France emmenant les ostages par luy demandez.

Comme il estoit encores sur la riuere d'Elbe, des Ambassadeurs Auarrois le vindrent trouuer, & avec eux Zotan fils de Theudon, l'vn des principaux seigneurs Auarrois; qui promettoit soy faire baptiser & venir en la Cour porter obeysance au Roy, pour luy & tout son peuple. Ces Ambassadeurs recueillis, & r'enuoyez avec presens, le Roy compit son armée pour venir passer l'hyuer à Aix, place assise au Duché de Iulliers entre les riuieres . . . . & le Rhin, où il y a des bains d'eau chaude, qui luy a donné le nom d'Aix, tiré du Latin *Aqua*, lequel sciour, Charles qui aimoit à se baigner & nager trouua si agreable, qu'il y fit bastir vn beau Palais, & encores vn plus excellent temple, en l'honneur de la Vierge Marie, faisant venir de Rome & de Rauenne des Colomnes pour l'embellir.

En ce temps mourut Tilpin Archeuesque de Reims, qui est celuy que les Romans appellent Turpin. Et d'autant qu'il ne fut si tost pourueu de succes-



feur à ceste prelatüre vacante, le Roy mit en sa main les biens de ladite Egli-  
se, ainsi qu'il se trouue par vne vieille declaration de Hincmar Arche-<sup>L'an de</sup>  
uesque de Rheims, qui retira la terre de Nouillac sur les heritiers d'Au-<sup>Iesus</sup>  
cher Sefne, à qui ledit Roy l'auoit donnee durant vacance : Ce qui soit <sup>Christ.</sup>  
dict pour monstrier que des-lors nos Roys vsoient du droit de Regalie.

L'an sept cens nonante six ( auquel ledit Roy fit Noël & Pasques à Aix ) 796.  
commença par la mort de Adrian Pape, trepassé le lendemain de Noël, avec  
aussi grand regret du Roy, comme fil eust esté son frere ou son fils bien-  
aymé. Lon dit que ce fut luy qui premier fit celebrer la Messe à la Gregorien-  
ne, abolissant celle de saint Ambroise obseruée par l'Italie, iaçoit que l'Ar-  
cheuesque de Millan ne luy voulust obeyr pour ce regard. Cest Adrian fut vn  
grand personnage, & qui dura longuement; car il tint la chaire vingt quatre  
ans dixhui& iours. Le mesme iour de son trespas, Leon troisieme Cardinal  
Prestre fut esleu tres-volontiers par les Princes, que le Latin dont i'ay pris  
cecy entend estre Senateurs & principaux du Clergé, Nobles & peuple  
de la ville: Le lendemain il depescha les Ambassadeurs pour venir aduertir le  
Roy de France de son eslection, & luy porter les clefs de la confession de  
saint Pierre, avec la banniere de la ville, ensemble des autres presens honno-  
rables, & le prier vouloir enuoyer quelqu'un de ses Princes, prendre du peu-  
ple Romain le serment de fidelité, ainsi que de ses suiets ( car ce sont les mots  
des anciens liures & d'Aymon. ) Ce qui tousiours sert à remarquer la seigneu-  
rie que le Roy ( comme Parrice ) s'estoit reseruee sur la ville de Rome. Engil-  
bert son bien-aymé gendre ( car il auoit espousé Berthe sa fille ) Abbé de saint  
Richer pres Centulo en Ponthieu, pere de Vvitard nostre historien, y fut en-  
uoyé avec partie des richesses que Henry Duc de Frioul auoit apportees du  
pillage nagueres fait sur les Auarrois en Ringville, ou plustost cercle & clo-  
sture des Huns.

## CHAP. VI.

*Auarrois defaictz par Henry Duc de Frioul, qui print Ringue leur principale ville, avec leurs thresors qui enrichirent les François. Theudon Auarrois est baptizé, puis rebelle est tué. Pepin Roy d'Italie ayant gagné une bataille sur les Auarrois, est chassé par delà le Constant de Draue & le Danube. Zad ayant pris Barcelonne, en vient faire hommage à Charlemaigne. Sesnes chasse jusques au bord de l'Océan à Carllesend : où Abdelle fils de Hismange Sarrazin chassé de son pays, luy vient demander secours. Nicette Ambassadeur de Constantinople. Haristalville bastie en Saxe par Charlemaigne. Louys Roy d'Aquitaine espouse Irmengard : & fortifie Auffont d'Espagne, Cerdaine & Iastaseire, qu'il donne à garder à Bera, Comte. Maniere de viure dudit Roy Louys, louable : & ses quatre Palais en Aquitaine. Alphons Roy de Galice enuoye un pavillon à Charlemaigne, qu'il appelloit son Seigneur. Sesnes tuent les Iuges François. Ceux d'outre l'Elbe deffaictz par Trasilin Duc. Les Abodrites baillent ostages. Ambassadeurs de Constantinople excusent Irene, de ce qu'elle auoit fait auengler son fils Empereur. Alphons Roy de Galice prend Lisbonne. Achin Roy d'Ecosse fait alliance avec Charlemaigne, qui fait bastir des Hospitaux en France & Germanie pour receuoir les Ecossois. Rhaban & son frere hommes doctes. Maures pirates courent Maiorque, & les Danois la coste de France & d'Angleterre.*



**Q**UELQUES anneés au précédent, le Roy pour changer la forme du gouuernement de ceste frontiere, apres l'execution de Rothaud Lombard: auoit fait Duc de Frioul Henry Prince François, lequel ayant par le commandement de Pepin Roy d'Italie, assemblé vne armee, sur le discord esmeu entre les Auarrois, soudainement se ietta en leur pays qui est outre la riuiera Arabone, Iring & Ingierre Cagans (c'est à dire Rois ou Ducs) qui auferent venir contre luy, furent occis avec leurs gens, & par le moyen d'un Capitaine Sclaue nommé Vviuene: Il prist & pilla Ringa, la principale ville du pays qu'il rasa, emportant tous les thresors que par si long temps les Auarrois & Huns auoient assemblez du pillage de toute l'Europe. Tous les auteurs nomment ceste ville pillée Ringa, & toutesfois ils ont aussi appelé Ringues les cercles des Auarrois cy-dessus descrits : & le Moine Aimon dit, que les Cercles s'appelloient Ringues, en langage Lombard Camp, comme aussi les vieilles Annales les nomment. De sorte qu'il y apparence que ceste Ringa fut le principal cercle ou Ringue des Neuf,

Neuf, dont j'ay parlé cy dessus. Car Auentin dit, que de son temps, (il est criuit enuiron l'an mil cinq cens vingt) ces Cercles s'appelloient encores Ringues & Lauduneches. Au mesme temps Teudon Roy des Auarrois, suyuant sa promesse fut baptisé avec grand nombre des siens, & son nô changé en Theodoald, puis r'enuoyé pour regner au païs qui est sur la riuiera Arabonne, duquel il fit hommage au Roy, ne gardant pas long temps sa fidelité, pour auoir esté aussi tost tué par les gens du Roy Pepin, & les Bauarrois qui tenoient grosse garnison en ceste frontiere.

Auentin dit, que ce Theodoald commandoit au païs que iadis habitoient les Zapignes, sur la riuiera de Terise, & que la principale ville de son Royaume s'appelloit Bomamon assez pres d'Agua, où il est enterré. Quant aux Auarrois qui se peurent sauuer, ils se rassemblerent & receurent vn autre Roy nommé Cahian, lequel se voyât enclos des forces de France: & n'auoir moyen de fuyr, pensa luy estre meilleur de combattre & vaincre, ou mourir honnorablement les armes au poing, en essayant la fortune de guerre. La dessus il amassa ce qu'il peut de gens, & se presenta pour donner la bataille: que les nostres acceptèrent: le combat fut tres-aspre. & l'opiniastreté des deux peuples le fit durer quelque réps: Mais quand les Auarrois virét leur Roy mort, ils tournerét le dos; & Pepin victorieux, conquist tout le païs depuis les riuieres Arabonne & Peison, ou Lac de Endenbourg, iusques à la riuiera de Draue; & de là iusques où elle entre dans le Danube: mettât à l'espee tous ceux qui firent resistance, & chassant les autres qui se sauuerent outre la riuiera Tisse: puis emplit les villes & chasteaux de François, Bauarrois, & Venedes, afin de garder le païs. Cela fait, & chargé de despouilles, il vint au Palais d'Aix trouuer le Roy son pere, ja retourné du voyage de Saxe. Encores que ceste guerre des Auarrois fut la plus sanglante apres celle de Saxe, & où Charles fit le plus d'effort: ce neantmoins il ne s'y trouua qu'une-fois en personne: & l'acheua par ses Lieutenans, ou le Roy Pepin son fils, & avec peu de sang des nostres, mais leur tres-grand profit, pour le riche butin qu'ils y gaignerent. L'an sept cens nonante sept, le Roy fit Noel & Pasques à Aix. En ce temps, la ville de Barcelonne assise aux limites d'Espaigne, de laquelle les Sarrazins & François se faisoient maistres selon qu'ils estoient les plus forts, finalement fut prise par Zad où Thatin: qui sur l'entrée d'esté vint à Aix de son gré, pour en faire l'hommage au Roy, lequel considerant qu'elle luy pouuoit seruir à la conquête d'Espaigne, commanda au Roy d'Aquitaine son fils, d'aller assieger Osca ou Ouesca, vne autre ville: sans que les auteurs disent ce qu'il y fit. Cependant Charles n'estoit otiex, car faisant charger des vaisseaux sur des chariots, il entra en Saxe, pour abaisser l'orgueil de ce peuple mutin; qu'il poursuyuit iusques sur le bord del'Ocean, & païs inaccessible pour les marais, iusques à vn lieu iadis nommé Aulaba ou Olca, & aujourd'huy Carlesend: pource (dit-on) qu'il y câpa & s'arresta quelques iours, puis s'en retourna en France au Palais d'Aix, là où Abdelle fils d'Ibenmange ou Abemmanze Sarrazin, le vint trouuer pour luy demander secours contre son frere, qui l'auoit chassé de son Royaume, & contrainct fuir en Barbarie. En ce mesme lieu vint aussi Theophile ou Teogliste,

T T T

L'an de  
Jesus  
Christ.

Ambassadeur de Nicete Patrice de Sicille, apportant lettres de l'Empereur. Or Charles considerant le travail que ceste indomptable nation de Sefnes luy donnoit, pour en auoir la fin, il fut conseillé de faire hyuerner son armée sur le pais. A ceste cause, enuiron le mois de Nouembre il partit de France avec la Cour, & vint loger sur la riuere de Vesere, en vn lieu qu'il voulut estre appellé Heristal, à cause d'un Palais ainsi nommé en Austrasie, où ses predecesseurs auoient accoustumé de loger. Car en Thiois Heristal signifie demeure ou estable d'armes, là il prit la mesure d'une ville qu'il entendoit bastir sur le lieu, & la peuplet pour tenir en bride les Sefnes, & comme s'il eust delibéré de n'en partir qu'ils ne fussent destruits, il fit venir Pepin & Louys ses enfans, rendre compte de leur voyage de Hongrie & d'Espagne: à quoy ayans obey, sur la fin de l'hyuer il l'enuoya Louys en Aquitaine, & commanda au Sarrafin Abdelle de le suyure, pour aduiser aux moyens de le remettre en son estat. Louys de retour en son Royaume, trouua les Ambassadeurs de Bahaluc Sarrafin (qui commandoit aux montaignes voisines de Gascongne) & ceux d'Alphons Roy de Galice, avec presens. Qu'à Abdelle il fut renuoyé en son pais, & assigné entre les mains de ceux qu'il desiroit l'accompagner pour recouurer son heritage à la faueur des François, & de ceux qui attendoiēt sa venue. En ce temps Louys Roy d'Aquitaine espousa Hermengard, fille du Comte Ingrand tres-noble, & le mesme Roy pour sa seureté, fortifia les villes d'Aussonne, (ce n'est pas celle de Bourgongne) Sardaigne, & Castacerre assise sur la frontiere d'Espagne, de long temps abandonnées: qu'il donna en garde au Comte de Bera ou Borel.

789. Ce Roy Louys fut tres-sage en sa ieunesse, & viuant d'une façon belle & digne d'estre imitée par les bons Rois, pour le soulagement de leur peuple. Car par le cōseil de Gisleber (depuis Archeuesque de Rouën) & de Richart Comte, qui auoient la charge de son domaine; il tenoit quatre Palais Garnis de toutes choses & prouisions necessaires pour vn qui veut passer l'hyuer en vn lieu. De maniere que d'an en an, il changeoit & viuoit de ce qu'il auoit fait amasser sans la foule de son peuple. Ces Palais s'appelloient Theodual, Cassinogil (que les Chroniques de S. Denis appellent Longigny, & disent estre assis entre Dort & Garonne riuieres): Mais le Sieur de la Scale dit, que Cassinol est Cassianeil ou Cassaneuil en Agenois, & Longigni le *Lucaniacus* d'Auzone: lieu fort celebré par les vers de son maistre. Andrac le tiers, & le quart Eurogille, & peut estre l'*Eubromagus*, qui est Bourg sur Gironde: si bien garnis qu'ils estoient suffisans pour fournir à la despée domestique. Ceste prouisiō faite, il deffendit aux siens d'aller en fourrage: jaçoit que les guerriers en fussent bien marris. Mais le Roy scachant l'outrage des gens de Cour & de guerre, & la pauureté du peuple, il aima mieux le prendre sur soy: Auquel temps, il deschargea ceux d'Albi, du bled & du vin qu'ils fournissoient: ayant lors pres de soy vn Conseiller nommé Meginhart, que luy auoir donné le Roy son pere, lequel prist si grand plaisir à cet ordre, qu'il deffendit en France de bailler du grain aux soldats; & fit corriger d'autres abus. Puis enuiron le Noel del'an sepr cēs nonante & huiet (que le Roy estoit à Heristal où il fit aussi Pasques) Froilla ambassadeur d'Alphons

Roy de Galice & d'Asture, luy vint presenter de la part de son maistre vn pavillon d'incroyable grandeur. Ce Roy estoit Chrestien (comme i'ay dit) & est celui que les Espagnols appellent le Chaste, pour n'auoir iamais espousé femme, lequel comandoit à toute la coste marine d'Espagne, qui regarda la France vers le Poictou & Bretagne, estant lors tout le bon pais de ceste Prouince tenu par les Sarrazins, ausquels ce vaillant Roy donnoit de grandes affaires, tant pour leur diuision & partage (que lors ils firent de leurs conquestes en petits Royaumes) que par le support du Roy de France, qu'il appelloit son Seigneur, quand il luy escriuoit, & s'entretenant en son amitié par toutes courtoisies & semblables recognoissances que ceste-cy.

L'an de  
Iesus  
Christ.

Peu apres & deuant que l'herbe peust nourrir les cheuaux, & que le temps de mener les armées aux champs fut venu, les Sefnes d'outre l'Elbe (lors appelez Nordlieudes) auioird'huy Holsates & Nordalbingues (ce dit Krants) tuerent les Lieutenans & Commissaires enuoyez par le Roy, pour faire & tenir la iustice en leur pais; excepté aucuns qu'ils retindrent pour en tirer rançon: & ceux qui se sauuerent pour venir apporter les nouuelles. Godescal Ambassadeur de Charles pres Sigifroy Roy de Dannemarck, lors retournant de sa charge, fut tué avec les autres: dont le Roy se trouua tât offensé, que tout soudain il fit assembler son armée à Mûde, lieu assis sur la riuiera de Vesere, & de là courir le pais qui est entre ladite riuiera & celle d'Elbe, qu'il mit tout à feu & à sang. Cependant ceux de delà Elbe plus orgueilleux; pource qu'il leur sembloit que le Roy occupé autre part ne les molesteroit, vindrent assaillir les Abodrites, de tout temps aliez & compagnons des François en leurs guerres: Traciscon ou Tranac Duc du pais, aduertit de la venue (jaçoit qu'il n'eust toutes ses forces assemblées) ce neantmoins, accompagné d'Enorse ou Hebbain Lieutenant du Roy, qui menoit la pointe droicte de ceste armée, vint au deuant des Sefnes en vn lieu nommé Suentane, où il les combattit & deffia, avec le meurtre de quatre mil d'entr'eux qui demurerent sur le champ, & le reste se sauuant, enuoya vers Charles demander la paix. Or le Roy cuidant que l'esmeute deust estre plus grande, auoit commandé à Louys son fils de venir hyuerner en Saxe; avec la plus grande armée qu'il pourroit leuer. Mais sur le chemin & comme il auoit ià passé Neustrie, & arriué à Ostfalo (vn lieu voisin du Rhin) il luy manda de choisir vn endroit pour camper: d'autant qu'il auoit conquis tout le pays de Saxe, & ne se presentoit chose digne de l'employer. Ce fut pourquoy le ieune Roy attendit là son pere; lequel tout aussi tost arriua bien ioyeux de voir son fils tant estimé pour ses meurs louables, & son bon gouuernement cy dessus recité: de là ils vindrent à Aix, puis à Franchescain au Parlement: où furent presentez les ostages de Saxe; tous les plus nobles du pais, puis ayant le pere donné congé à son fils, il retourna en France: & vint à Aix receuoir Michel Ganglian Patrice de Frigie, & Theophile prestre de Blachernes, vne Eglise du fauxbourg de Constantinople; Ambassadeur d'Irene Empereiere. Leur charge estoit de traiter de la paix & des moyens de conseruer l'Empereur & le Roy de Frace en amitié. Aussi Charles les despescha avec bones paroles, & leur rēdit Sisenne frere de Troasse Patriarche de Cōstātinople:

TTT ij

L'an de  
Jesus  
Christ.

pris en vne rencontre faite en Italie. Ceste Irene marrie de ce que Constantin son fils ne voulut vser de son conseil, principalement pour le fait des Images (l'adoration desquelles il n'approuoit comme sa mere) elle le fit mettre prisonnier, & renoncer au droit de l'Empire; puis luy esteindre les yeux: dont il mourut de deuil ou de douleur. Incontinent apres, Irene occupa l'Empire: enuoyant vers Charlemagne, pour (sous espee de traicter de la paix) courir le parricide qu'elle auoit commandé faire, & s'en descharger sur vne rage de peuple, & ainsi le faire croire aux François. Bazile & Froja derechef enuoyez par Alphons Roy de Galice, presenterent semblablement au Roy sept Maures & autant de mulles & de cuirasses, pour tesmoignage du butin que le Roy Espagnol auoit fait en la prise de Lisbonne, par luy nouuellement conquise sur les Maures. Ils furent humainement receus; jaçoit qu'aisément l'on cogneust que ce present estoit fait plus pour montrer la victoire de leur maistre, que pour autre occasion: aussi furent ils renuoyez de mesme, avec presens dignes d'eux. Aucuns pensent que ceste année ou la suyante, Achain Roy d'Ecosse fit alliance avec Charles & renuoya Rhaban & Guillaume freres, hommes de sçauoir pour la conclure. Rhaban fut retenu pour Lecteur à Paris, & le Roy d'Ecosse enuoya quatre mil Escossois au seruice de Charles. Quoy qu'il soit de ce fait, il est certain qu'il y auoit des hospitaux en ce temps pour les Escossois establis en diuers endroits de France & Germanie: lesquels ont longuement duré & sont encores en Allemagne: ie croy pource que c'estoient des Escoliers & gens de sçauoir nourris par les disciples de Bede: qui sans doute conserua les lettres és deserts d'Ecosse, pendant la destruction des Gaules, d'Italie & d'Espagne. Au mesme temps les Isles anciennement appelées Balears & maintenant Maiorque & Minorque, furent courues par les Pirates Maures: comme aussi les Danois (depuis appelez Normands) commencerent à escumer les costes maritimes de France qui regardent l'Angleterre. La mesme année les Astrologues remarquerent n'auoir point vu l'Estoile de Mars, depuis le mois de Iuillet de l'an precedent, iusques au mesme mois de ceste année. Toutesfois vn exemplaire dit, depuis Iuillet sept cens nonante neuf iusques audit mois de l'an huit cens. Auentin dit, que ceste année Charles enuoya en Italie & à Rome des Seigneurs François, faire iustice: dont les principaux furent Paulin Euesque d'Aquilée, Aruim Euesque de Salzbουργ; & qu'il passa son Hyuer au Palais d'Aix: où il fit aussi ses festes de Noël & Pasques de l'an sept cens nonante neuf.

799.

## CHAP. VII.

*Leon Pape outragé par les Romains vient trouuer Charlemagne iusques en Saxe. Renuoyé, & les malfaitteurs amenez prisonniers en France. Charles fils du Roy met ordre en Saxe. Gerold Duc de Bauieres tué, ordonnant ses batailles contre les Auarrois : comme aussi Henry Duc de Frioul tué pres Tarsatica. Guy Marquis de Bretagne aporte au Roy les Escus des Bretons par luy vaincus. Enseignes des Sarrazins chassés de Maiorque aportees à Charlemaigne avec les clefs d'Osca. Charlemaigne enuoye des prestres en Hierusalem. Auarrois enuoyez outre Draue. Vvinides Bohemois suiets des François. Fin de la guerre & du nom des Auarrois. Commencement du nom d'Austriche & Hungrie.*



**I**TALIE se reposoit apres les trauaux endurez par les guerres passees ou voyages d'armees, quand la crainte que chacun auoit de la ressource des Lombards ( par le moyen des Grecs ) cessants: les Romainstrop gras & à leur aise ne vouloient plus estre suiets du Pape, & non contés de l'Estat present, essayèrent à recouurer leur ancienne liberté malgré le Pape mesmes. Et cuidans sur telle resolution auoir occasion propre pour leur dessein, esleuerēt vn tumulte: qui fut cause de changer l'estat d'Occident. Les principaux autheurs de l'esmeute feurent Paschal Primicere, & Campulle Sacelaire : qu'aucuns disent auoir esté Prestres & parens de feu Adrian & les plus grands seigneurs de Rome. Vne de leur couuerture fut, que Leon vouloit casser aucunes ordonnances & dispositions de son predecesseur: celle des autres estoit, pource que le Pape homme vertueux les reprenoit de leurs fautes & orde vie. Les Romains donc superbes, & enflambez par ceux-cy, mirent sus aucuns crimes au Pape: & pource qu'ils ne les peurent verifier, ils resolerent de le tuer. Le iour venu auquel ces gens esmeus auoient destiné de se venger du Pape, cōme il se fut preparé pour de Lateran aller en procession à l'Eglise S. Laurens surnommé de la Grille ou *In Lucina*, & de la, aussi venir en procession à celle de S. Gregoire Martyr, pour y dire la Messe ( d'autant que c'estoit le iour de S. Marc, auquel se fai& à Rome vne solemnel le procession. ) Au sortir du Palais, Paschal & Campulle à cause de leurs dignitez, se mettent aux costez de Leon, marchans avec luy iusques à ce qu'ils fussent deuant le temple de S. Estienne & S. Siluestre. Car lors ceux qu'ils auoient la mis en embusche sortirent incontinent, & se ietterent dessus le Pape, qu'ils abbatirent de cheual, le despouillerent de ses vestemens: luy coupperēt la langue & luy creuerent les yeux comme il sembla: d'autāt qu'ils luy auoient donné vn coup de rasoir sur les paupieres: durant que Paschal luy tenoit la teste, & Campulle les pieds : encores les meurdriers non contents de cela, le traînerent dans le temple prochain, & deuant l'autel luy donherent plusieurs

TTT iij

*L'an de  
lesus  
Christ* de coups, puis tout sanglant & demy mort, le portent au monastere S. Erasme par le commandement desdits Paschal & Campulle, qui soulez de vengeance, faignoient de le vouloir faire guarir; iacoit que ce fust pour le garder prisonnier, là où, par la grace de Dieu il recouura la veüe & la parole; que iusques là il sembloit auoir perdue. Cependant Aubin son Chambellan le desirant sauuer, assembla ses amis; & trouue moyen de le faire sortir du monastere, le denalât du haut des murailles: puis sans que les gardes s'en apperceussent, ils l'amenèrent en l'Eglise S. Pierre qui est au Vatican, avec grand ioye du peuple, loüant Dieu de ce qu'il luy auoit rendu la veüe, guarý deses playes & sauué de la main de ses ennemis.

Au bruit de ce tumulte, Vinigise Duc de Spolette estoit accouru à Rome, pardeuers lequel Leon se retira, & s'en alla avec luy en son pays. Le lendemain de la fuite du Pape, les coniuerez retournerent au monastere: où aduertis qu'il festoit sauué, ils mirent le feu en sa maison paternelle. Puis craignans que Charles trouuast mauuais vn si vilain acte, il enuoyerent en France des Ambassadeurs preuenir leur accusation: Aucuns ont escrit que l'Ange de Dieu sauua le Pape & luy rendit la veüe & la parole, s'estant retiré à S. Pierre: où de bon heur pour luy, Veran Abbé commissaire, & Vinigise Duc de Spolette estoient venus par ordonnance du Roy François.

En quelque sorte que ce fut, le Pape mal traitté des Romains prist occasion de s'acheminer en France, pour en auoir la raison, & passa les monts du costé de Bauieres; accompagné de plusieurs Euesques & gentils-hommes, iusques au nombre de deux cents cheuaux.

Pour lors Charles estoit prest d'entrer en Saxe: car ayant fait assembler vn Parlemēt general à Lipenhein, & mis ses forces aux chāps, il passa la riuere au mesme lieu: puis vint à Paderbrun, où il s'arresta avec son armee, pour attendre le Pape. Toutesfois, afin que ceste veüe n'empeschast son dessein, il enuoia au deuant Hildemalde Archeuesque, & le Roy Pepin son fils, qui l'estoit venu trouuer. D'autre costé, il commanda à Charles son fils aîné, d'entrer en Saxe: ce que le ieune Prince fit, & vint sur la riuere d'Elbe avec partie de l'armee, pour apaiser certains differends d'entre les Vuilses & Abodrites, & receuoir les Nordlieudes en vn lieu nommé Bardengeau.

Cependant que le Pape s'aduanee en Alemaigne, le Roy aduertý de sa venue alla au deuant le receuoir; à l'exemple de Pepin son pere. Et quelque temps apres leur entreueue, Emil dit que Leon en plaine assemblee, remonstra les outrages par luy receus en public, & au milieu de Rome: priant le Roy de vouloir l'aider à maintenir l'authorité que ses Predecesseurs auoient sur les Romains ses sujets: Que ceste entreprise venoit d'aucuns qui apres la cheute & ruine des Lombards, n'ayant plus crainte de rien vouloient s'affranchir de la sujection des Papes, pour retourner en leur ancienne liberté: commençant par l'outrage fait à sa personne. Qu'à la verité il se deuoit retirer vers l'Empereur, que d'ancienneté l'Eglise retenoit pour son protecteur. Mais pource que dés long temps, il festoient declarez tels enuers l'Eglise Romaine, que l'on deuoit plustost les craindre, qu'esperer secours d'eux, joint que pour



L'heure vne femme tenoit l'Empire; il ne s'estoit voulu adresser à eux, ains à l'en de  
luy : qu'il recognoissoit affectionné à l'Eglise. Auentin adioust, que le Pape l'esne  
dit que la ville de Rome ne seroit iamais en paix, si Charles qui en estoit Patri- Christ  
ce, Consul, & Tribun perpetuel, ne donnoit ordre à l'entiere police & gou-  
uernement d'icelle : puis qu'il ne falloit s'attendre à ceux de Constantino-  
ple.

Le Roy respondit qu'il estoit bien marry de ses outrages, & qu'en bref il  
pouruoyeroit à la vengeance. Cependant, il luy conseilloit de retourner : &  
pour sa seurreté, luy donna Hildoald maistre de sa Chapelle, & Arnon Arche-  
uesque de Saltzbourg, qui le reconduirent en Italie par Bauieres; honorable-  
ment receu par les villes où il passoit, & mesmes de ceux de Rome, menacez de  
griefues peines, s'ils ne luy portoient obeissance. Le Clergé & toutes les es-  
choles (c'est à dire, Colleges & societez) des François, Sefnes, & Lom-  
bards, luy allerent au deuant iusques à Pontemole, qui est à deux mille de Ro-  
me: où par semblant, ioyeusement ils y receurent le Pape la veille de S. André,  
vingt & neufiesme de Nouembre: puis avec les Croix, & les Bannieres, ils le  
menerent en l'Eglise S. Pierre: & peu de iours apres, les Commissaires du Roy,  
Comtes, & Iuges François, informerent des outrages faits au Pape: comme  
aussi des crimes à luy imposez. Et pource qu'il ne l'en trouua aucune suffisante  
preuue, apres que Leon se fut purgé par serment, le peuple le remena en son  
Palais de Vatican, & les coniurez pris par l'ordonnance des Commissaires, fu-  
rent enuoyez prisonniers en France.

Durant cela le Roy ne bougea d'Aix: attendant le retour de Charles son fils  
qui estoit allé donner ordre aux affaires des Sefnes & Venedes: & lequel vint  
trouuer son pere à Aix, où estoient les Ambassadeurs d'Irene, & de Michel  
Patrice de Sicille.

Au mesme temps, les Auarrois prindrent les armes pour recouurer leur  
liberté, ne pouans endurer le ioug des François: & memoratifs de la vaillan-  
ce de leurs ancestres, qui vn temps fut, donnerent la loy aux autres nations, &  
non pas comme maintenant, qu'ils estoient contrains de la receuoir des Fran-  
çois. Gerold Duc de Bauieres (frere de Hilderic Duc de Suave, & de Hildegar-  
de premiere femme de Charles) grãd mignon du Roi, aduertý de leur rebellion  
sortit en campagne pour les combattre. Mais comme il rangeoit ses batail-  
lons, il fut occis de coups de fiesches, avec deux autres qui le suiuoient, sans que  
iamais on peut sçauoir qui auoit fait le coup. D'autre costé, Henry Duc de  
Frioul victorieux en tant de batailles gaignees sur les Huns, fut semblable-  
ment tué pres Transilca, vne ville de Liburnie (c'est de Frioul) en vne embus-  
che que ceux de ladite ville luy dresserent. Le Duc mort fut apporté enterrer en  
l'Abbaye de Richienau (qui est Augela-riche) bastie en vne Isle du Lac de Con-  
stance, à laquelle il auoit fait beaucoup de biens: où son corps est reueré com-  
me d'un Martir, ce dit Auentin: de sorte que non sans cause, vn Chartreux dict  
à philippes de Commines (parlant de Galeas Duc de Milan, enterré en la be-  
lle Chartreuse de rauie) qu'en Italie les Moines sanctifient leurs fonda-  
teurs.

L'an de  
Jesuy  
Christ.

Ces mauuaises nouuelles de Frioul & de Bauieres, furent adoucies par la venue de Guy Comte de la Marche, ou Marquis de Bretagne: qui a l'aide des autres Comtes ses voisins, retourna victorieux de ce pais, par eux entierement dompté, ainsi qu'il sembloit: & apportoit les escus & armes (ie ne sçay s'il entend les boucliers peints des blasons des Ducs ennemis) avec les noms de ceux, qui eux & leurs peuples s'estoient rendus suiects au Roy. Par ce moyen la Bretagne fut entierement conquise (ce sembloit) n'eust esté la foy legere des habitans: ce que iamais n'estoit aduenu au precedent, ce dit Rheginon, qui parle de ce peuple plus qu'autheur de ce temps-là que i'aye veu.

L'on apporta aussi les enseignes gagnes aux Isles Majorque & Minorque, sur les pyrates Maures, par les François enuoyez l'an precedent, au secours de ceux du pays: & lesquels apres auoir repoussé leurs ennemis, acquerent au Roy François la seigneurie de ces Isles. Outre cela, Azen ou Athan Sarrazin, enuoia les clefs de la villed' Huesca promettant la rendre entre les mains du Roy, quád il luy plairoit d'y enuoyer.

Il vint aussi vn Moine de la part du Patriarche de Hierusalem, qui apporte des Reliques, & lequel fut bien receu: & quand il voulut retourner, on luy bailla Zacharie Prestre du Palais Royal pour l'accompagner & porter les pressens que le Roy enuoyoit aux Saints lieux de Hierusalem.

I'ay cy deuant parlé des Chappellains & Archichappellains, comme de gens honorés entre les Ecclesiastiques. Maintenant ie diray, que c'estoient les chefs des Clercs de la maison du Roy, que Pepin (car c'est sous luy que primierement commença ceste qualité) tenoit en bon nombre; pour seruir en l'oratoire & lieu d'oraison particulier, pour prier pour luy & ses domestiques, appellé Chappelle, à cause de la Chape de saint Martin, que luy & ses predecesseurs faisoient tenir (comme vn principal reliquaire preseruatif contre tous malheurs) à ceste fin la portant sur eux aux batailles ainsi que plus amplement i'ay dit autrepars.

Cependant, afin d'empescher les Auarrois, Charles qui auoit deliberé de ne bouger d'Aix pour aduiser aux affaires de Saxe, enuoya Arnon Archeuesque de Iuuania, (c'est Viuan, & maintenant Saltzbourg) retourné d'Italie, & le Roy Pepin avec vne grosse armee, sur la frontiere Orientale de Bauieres: lesquels entrans au pays des Auarrois, les chasserent & destruirent entierement: estendant les limites de Bauieres iusques à la riuiera de Draue: & y mirent des peuplades de Bauarrois & Venedes: que ie pense estre Croaciens, lesquels multiplierent & emplirent tout le pais, jadis appartenant aux Huns, & qu'ils tiennent encores meslez avec les Hungres: qui sont ceux de Hongrie. Les premiers Capitaines Bauarrois que l'on y enuoya furent, Guntherin, Garnier, Aubry, & Godefroy. Les Capitaines Venedes, furent Primisslas, Ceme, Stomac, & Auger. Mais les successeurs de ces Venedes, & le pais qu'ils tenoient entre les sources de Saue & Draue, depuis fut baillé aux Ducs de Bauieres, & pour accoustumer les habitans à nostre Religion, le Roy y fit edifier des Abbayes, & y ordonna vn Euesque nommé Thierry.

Ainsi prist fin la guerre des Auarrois, huit ans apres son commencement: &

& non fans plusieurs & sanglantes batailles, toutes à l'aduantage des François: car il n'y mourut que deux hommes de nom, à sçauoir Gerold Duc de Bauieres, & Henry Duc de Frioul: & les François y gaignerent de si grandes richesses, & en rapporterent tant d'or & d'argent, qu'eux (qui au parauât sembloient estre pauvres) dessors, commencerent à se parer plus magnifiquement: & les soldats François à faire cas des armes dorees: Avant esté distribué le butin aux Chefs & gens de guerre. Au contraire, toute la Noblesse Auarroise fut esteinte aux batailles, & la gloire par eux acquise de si long temps, avec leurs biens venans du pillage de toute l'Europe, furent portez en France, & distribuez aux Eglises, ou particuliers, ainsi que dit est. Voire le nom des Auarrois, finalement esteint: car le país conquis bien auant iusques aux confins de Draue & Danube fut appelé Oestrich: c'est à dire en Thiois, Royaume Oriental (ayant esgard à Bauieres) & partie duquel regardant l'Occident & la riuere de Lech, s'appelle encores Autriche, & la basse qui fait partie de Hongrie fut par l'Empereur Henry donnée à Estienne Roy de Hongrie, qui espousa Gilles sœur du dit Empereur: affin d'entretenir ce peuple farouche en nostre Religion. L'hyuer de ceste annee fut si fort, que la mer Maior gela iusques à cent mil, vers l'Orient: ayant la glace cinquante coudees d'épais, si vous croiez Marian Scot.

CHAP. VIII.

*Charlemaigne visitant la coste de Belges vient à Roüen & Tours: où Hildegarde sa femme mourant est enterree à S. Martin. Louis Roy d'Aquitaine y vient voir son pere. Gelee à glace à la S. Jean Baptiste. Louis Roy d'Aquitaine prend Huesca. Charlemaigne passe en Italie, chastie ceux qui auoient tué le Duc Henry: En la place duquel il met Cadolac. Venu à Ancone il enuoye Pepin faire la guerre en Beneuent. Entree de Charlemaigne à Rome. Le Pape se purge par serment des crimes à luy imposez. Ambo à Eglise. Patriarche de Hierusalem enuoye à Charlemaigne la Banniere du S. Sepulchre, que l'on pense estre l'Oriflambe. Pourquoi Charlemaigne fut déclaré Empereur. Son Couronnement Imperial. Adoré par le Pape. De quelle salutation estoient honorez les anciens Empereurs, Euesques & autres hommes de qualité. Pourquoi les Euesques presentent baiser leur main à l'Offertoire.*



LE ROY qui auoit fait le Noël de l'an huit cents à Aix, ayant 800. depéché les Ambassadeurs de Hierusalem avec Zacharie, Prestre de son Palais, pour porter les presens qu'il enuoyoit au Sepulcre de nostre Seigneur, & les aumosnes aux pauvres du País d'Orient, sortir d'Aix au mois de Mars, pour visiter la coste marine de France, depuis Braban, iusques en Bretagne, Et fit bastir des vaisseaux pour resister aux courses des Normands,

V V V

*L'an de  
Jes  
Christ* qui escumoient la mer de ceste coste : mettant garnison sur les lieux propres à les empescher. Puis vint faire Pasques à Centulo, lieu proche de S. Richer, appartenant à Engilbert son gendre bien aymé : ainsi que j'ay dit. De là, il vint tout le long de la marine iusques à Rouën, où il trouua Adelmars (c'est Aymar, ie croy le noble Moine, mais lors Comte, à la relation duquel la vie de l'Empereur Louis le Debonnaire a esté composée) pour le prier de la part du Roy d'Aquitaine, de venir à Cassinogille, vn Palais de son Royaume. Mais Charles l'en remercia, & luy manda de venir audenant de luy à Tours : Aquoy le fils obeït, & trouua son pere qui ja auoit passé la Seyne pour aller faire son oraison à S. Martin de Tours, où il fut contrainct de demourer quelques iours, à cause de la maladie de Luitgarde sa femme, qui depuis y trespassa, le cinquiesme iuin, demourant enterree en ladite Eglise.

Les fnerailles accomplies, le Roy se met au retour, passant par Orleans & Paris pour reuenir au Palais d'Aix. Ceste annee, le sixiesme Iuillet il fit vn gresil, & gela à glace, sans aucun dommage des biens de la terre : Ie croy pource que ja ils estoient trop forts. Or Charles se voyant craint & redouté de tous ses voisins, avec lesquels il estoit en paix, apres que (à son aduis) il eut bien pourueu aux frontieres de son Royaume de France, au cōmencement du mois d'Aoust assembla vn Parlement à Mayence : où il declara qu'il estoit delibéré de passer en Italie. Il sembloit estre tiré en ce païs par la mort de Henry Duc de Frioul, tué par vne conspiration des siens ; la rebellion de Grimoald, & l'outrage faite au Pape : toutes lesquelles choses ne pouuoient auoir esté cōmises qu'à la suscitation des gens mal affectionnez au party François, & auxquels il falloit resister, s'il vouloit maintenir son autorité en ce païs-là.

Mais afin que durant son absence il ne s'esmeur quelque guerre du costé d'Occident, il contremanda Louis son fils Roy d'Aquitaine, qu'il pensoit mener en Italie : & luy enioingnit de deffendre la frontiere de son Royaume : ce que non seulement le ieune Roy accomploit, mais encores conquist la ville d'Huesca (ce dit Auentin) & Ademar recite, qu'ayant lors assemblé vn Parlement à Thoulouze, il mena son armee en Espagne, & que Zad ja deuenu homme de Charles, vint au deuant de luy, ainsi qu'il approchoit de Barcelonne : sans toutes-fois la liurer. Ce fut pourquoy le Roi d'Aquitaine passa outre vers Illerde (c'est Lerida du iourd'huy) qu'il prit & raza, tirant vers Huesca : faisant par ses soldats couper & brusler les bleds & mettre le feu par tout ce qu'il trouua aux champs : puis sur l'hyuer retourna en Aquitaine.

Cependant Charles accompagné de Pepin Roy d'Italie son fils, & d'vne armee de gens choisis, partit de Mayence enuiron la fin d'Autonne & vint en Italie par Liburnie (c'est Frioul) où il fit couper la teste à aucuns habitans de Tarfatica : pour venger la mort de Henry leur Duc, par eux tué : & en la place il mit Cadolac. Ce fai& il prit le chemin de Rauēne, où il demoura sept iours ; puis vint à Ancone : d'où il renuoia Pepin son fils, avec partie de son armee contre Grimoald Duc de Beneuent, qui à la suscitation des Grecs s'estoit rebellé, & guetroyoit les Romains. Quant à luy avec le reste il s'achemina vers Spolerte.

Le Pape aduertý de la venue de Charles , partit de Rome , & vint audeuant *L'an de* deluy iufques à *Iefus* *Chrift.* *Nomentum* ( c'eft Lomentana ) qui eft à douze mil de Rome : où bien honnorablement il receut le Roy , & foupperent enfemble. Le lendemain le Pape retourna à Rome , & deux iours apres , les Romains enuoyerent les Bannieres & Croix au deuant du Roy , ayant mis par troupes les gens , tant de la ville qu'eftrangers , de tous costez accourus voir vn Prince tant renommé , pour chanter fes loüanges. Le croy dire, viue le Roi , & d'autres semblables cris de ioye : avec grand plaisir de Charles & de fes Capitaines , qui se sentoient vraiment loués par toutes sortes de langues.

Quant au Pape , accompagné des Euesques & du Clergé , il l'attendit en haut des degrez du Temple S. Pierre , au bas defquels le Roi descendit de cheual & puis mótant il fut receu du Pape en la maniere accoustumee , & par luy conduit à l'Eglise , le Clergé chantant qu'il fut le bien venu au nom de Dieu. Aucuns difent que ceste receptió fut faiçte le vingtquatriefme Nouëbre , & selon d'autres le fixiefme Decëbre. Mais i'ay mis l'opinion de Sigon ; jaçoit que nos Auteurs difent que ce fut en Decembre. Sept iours apres le Roi fit assembler les Romains , en la prefence defquels il declara la caufe de fa venue : & qu'ayant receu l'honneur de Patrice & de Confül des Romains , il auoit deliberé de reftablir la ville en fa grandeur ancienne , pour faire viure vn chacun en paix , deftraciant les caufes des diffentions. Et puis qu'ils se plaignoient du Pape , fil y auoit aucun qui vouluft dire & foustenir les crimes à luy impofez ; qu'il vint auant. Toutes-fois il ne se trouua aucun : & le Pape non content de celà , pour d'auantage fe iuftifier , tenant en fa main le texte des Euangiles , monta en la haute chaire nommée Ambo ( qui à Rome eft volontiers contre les paroirs des fept Eglifes ) ainfi appelée pource qu'on y monte de deux costez.

Là apres auoir inuouqué à fon ayde la Sainte Trinité , il iura deuant le peuple , qu'il n'eftoit rien de ce qu'on luy mettoit fus. Car c'eftoit la coustume des Euesques anciens , encores qu'il y eut des tesmoings contr'eux , de soy purger par ferment , & iuger de leur innocence fuiuant l'article d'vn Concile : meflé parmy les Canons recueillis par Bouchart Euesque de Vvormes. Paul Emil , & Sigon apres luy ( pour tousiours comme Italiens foustenir l'authorité des Papes ) ont efcrit que les Euesques ne voulurent fouffrir que Leon se laiffaft iuger par Charles , & se leuerent pour l'empescher : jaçoit que nos hiftoriens non moins reuerans la fainteté Papale que les Italiens , difent qu'il ne se trouua aucun accusateur. Et neantmoins il eft bien certain que le Roy de France ayant la dignité de Patrice , & retenu les droicts Royaux par fes Commiffaires , iouïffoit de la Iurifdiction Romaine : ainfi qu'auons monftre cy deffus. Et en confequence eftoit Iuge du Pape fon fubjeçt feudataire.

Le mefme iour arriva Zacharie Prestre : enuoyé en Hierufalem au commencement de l'annee , qui amena avec luy deux moines , l'vn du mont d'Oliuet , & l'autre de S. Saba ou Bethleem : que l'Euesque de Hierufalem enuoya au Roy de France avec les clefs & la Banniere du S. Sepulchre & de Caluaire. Charles humainement les receut , & les ayant tenus pres de soy iufques au moys

L'as de d'Auril enfuyuant, les renuoya avec grands dons.

Iesus  
Christ.

L'ay veu vne Chronique en François qui dict que ceste Banniere a esté depuis appelée Oriflambe; le plus renommé estendart que nos Roys ayent porté iusques à Charles septiesme de ce nom. Car il ne me souuient point que l'on en ait vſé de son temps. Toutesfois, ie croiroy volontiers que cest Oriflambe soit la Banniere semée de fleurs de lys: lesquelles ainsi figurees que les portent nos Roys, ressemblent des flambes d'or, plustost qu'à des lys. Il est vray que tout panonceau ou estendart ayant la poincte partie en deux, en ondoyant represente le mouuement de la flambe: ce qui la fait aussi appeler *Auriflamma*, & i'en parleray autre-part plus amplement.

Ces choses accomplies, Leon se sentant grandement obligé à Charles, songeoit en soy mesme comme il luy pourroit faire quelque recompense, digne de rât de trauaux pris pour le repos de l'Eglise. Sans doute, depuis que Conon Empereur se mit à trauailler le Clergé Romain, & Gregoire second Pape (qui viuoit l'an sept cents seize, il n'y eut parmy eux faute de gens qui dissent qu'il falloit chercher autre appuy & deffence que les Grecs; pour deliurer l'Eglise d'oppression: qui estoit à dire (comme l'interpretent les plus aduisez) donner le nom d'Empereur à vn autre. de fait il en fut plusieurs fois parlé: apres qu'on s'apperceut que Constantin Copronime & ses successeurs auoyent des opinions contraires aux Romains; touchant les Images, leur mauuaise conduite en guerre, & qu'ils ne tenoient plus compte de deffendre l'Eglise contre les Lombards.

Cela estoit vray, & ceux qui en vouloyent aux Grecs; adionstoient la cruauté d'Irene enuers son fils: & jaoit qu'elle eut enuoyé plusieurs Ambassadeurs pour effacer ceste opinion, les Grecs (ja hays & à contre-cœur aux Occidentaux, & Irene mesme diffamée par l'outrage fait à son propre fils) auoient beau s'excuser, la haine tenant ja les esprits de plusieurs occupez de ceste opinion: avec ce qu'il n'y auoit celuy qui trouuaſt bon qu'une femme commandast, & eust le gouvernement de l'Empire Romain. A ceste cause, personne ne doutoit que s'il y auoit quelqu'un digne du tiltre d'Empereur, que ce ne fust Pepin, & apres sa mort Charles son fils, illustres & treschrestiens Rois de France: à qui cest honneur estoit deu pour les seruices par eux faits à l'Eglise Catholique, en domptant les rebelles, chassant les heretiques, & se montrans si affectionnez & liberaux enuers l'Eglise. Et nos Roys François (principalement Charles) se promettoient cest honneur du viuant mesmes d'Adrian, ainsi qu'a bien ſceu remarquer Sigon en vn tiltre duquel il a laissé vn eschantillon en son histoire des Roys d'Italie. Leon donc, prenant occasion sur les troubles, esquels si souuent la ville de Rome tomboit, pour n'auoir point de Seigneur certain, accomplit ce qu'Adrian desiroit faire, à fin de se preparer vn fort bouclier contre ses ennemis. Il persuade donc aux Seigneurs Romains d'honorer le Roy François de ce tiltre. Ce que luy estant accordé des principaux, il conclud de le publier le iour de Noël prochain. Toutes-fois pour rendre l'assemblée plus magnifique, l'on manda Pepin Roy d'Italie, qui laissa son armee à Vvinigise, Duc de Spolette, pour faire la guerre à Grimoald

Duc de Beneuent : & ce Roy amena quant & soy vne infinité de noblesse, de-  
sireuse de voir si grande nouveauté. Le couronnement donc fut conduit en tel-  
le sorte. Le iour de Noel de l'an huitcens vn; le Roy Charles se trouua de  
grand matin en l'Eglise; où s'estant agenouillé devant l'Autel de la confession  
de S. Pierre il y fit son oraison, laquelle acheuée le Pape (si vous croyez les an-  
ciens auteurs) le vestit de la chappe Imperiale & mit sur son chef vne Cou-  
ronne d'or garnie de pierres tres-precieuses qu'il auoit fait faire expres: puis  
le peuple s'escria par trois fois à haute voix (ce dit Eginard & les Annales)  
Hénors, longue vie; & victoire aduienne à Charles auguste, le grand & pai-  
sible Empereur des Romains, que Dieu a Couronné: qui sont les propres  
mots d'une vieille Chronique. Apres ce cry, le Pape le sacra & oignit Empe-  
reur: & Roy d'Italie Pepin son fils, puis dit la Messe ainsi que recite Sigon.  
Mais nos anciens historiens François, en vne vie de Charles, & Adon Arche-  
uesque de Vienne, adioustent que le Pape adora Charles, à la façon des anciens  
Empereurs (c'est du moins à genoux si voulez interpreter le mot Latin) & que  
dors le Roy quitta le tiltre de Patrice.

Ceste submission que le Pape fit à l'Empereur, & qui maintenant est changée  
(car c'est luy qui la fait au Pape) sera cause que ie diray vn mot de la reuerence  
qu'on souloit porter aux Empereurs, Seigneurs de Rome. Ammian Marcellin  
dit qu'on saluoit les premiers Empereurs, ainsi que les Iuges de son tēps: iusques  
à ce que Diocletian (autres disent Caligula) le premier voulut estre adoré, cōme  
les Rois de Perse: & Diocletian courut les brodequins de pierres precieuses,  
cousus sur le pourpre (car ils les auoient tousiours de ceste couleur) à fin qu'on  
eust moins d'horreur de baiser ses pieds ou genoux. Car nous remarquons dās  
vne epistre de Saluian à Hipatius, & . . ., ses pere & mere, que les esclaves bai-  
soient les pieds de leurs Seigneurs: les nourrissons, les genoux de ceux qui les  
auoient eleuez, & les enfans la bouche de leurs peres: & telles ceremonies pra-  
tiquées aux Couronnements par humilité Chrestienne (plustost que par gran-  
deur) s'est retenuë (ce deuous-nous croire) par le Pape: lequel à l'imitation des  
Empereurs Payens: souffrant maintenant baiser sa pantoufle, couronnement re-  
tient celdroi & Seigneurial sur tous les Chrestiens: voire sur l'Empereur mesme  
à son Couronnement: jaoit que pour courir ce qu'on luy pourroit reprocher,  
il face coudre vne croix dessus à fin qu'il ne soit estimé insolēt, si les Rois s'en-  
clinent, non pour luy baiser les pieds, ains la Croix qu'il porte à sa pantoufle.  
Toutesfois en quelque façon que l'on desguise ceste ceremonie d'homage, il  
semble à d'aucuns n'estre gueres seant de mettre le signe de nostre redemption  
si bas. Quant aux Euesques anciens, ils estoient saluez par les Chrestiens cōme  
les autres hommes d'honneur, en leur baisant la main: ainsi qu'on peut voir en  
la vie de S. Ambroise. Et encores auourd'huy les Euesques gardēt ceste façon.  
Car en la Messe qu'ils disent, quand l'on vient à l'offrande, ils presentent leur  
main couuerte d'un gand, sur lequel volontiers il y a vne bague cousue: Au lieu  
que les Curez & cōmuns Prestres presentent à baiser la platine du Calice: mais  
c'est trop parlé de ce fait, & ploust à Dieu qu'il n'y eust que cela à reformer en  
nostre Eglise, ie croy que les Papes mesmes quitteroient bien tost ceste grāde

*L'an de* L'An de Auentin dit, quel' image de l'empereur fut attachée dans l'église de S. Pierre, *Jesus* deuant laquelle le reste du peuple passa, se deffulant & mettant le genouïl en *Christ.* terre, comme l'on souloit faire à celle des anciens empereurs, portées entre les Aigles & autres marques des compagnies de la gendarmerie : & aussi enuoyées par les villes de l'obeïssance Romaine, incontinant apres leur declaration : ce que ie ne doute auoir esté lors fait à nostre Roy, comme par coutume de tout temps obseruée.

## CHAP. IX.

*Jurisdiction de l'Empereur Charlemaigne à Rome. Commoditez que les Papes ont tirees par l'aduanacement des François. Grimoald prend Vinigise, lequel ne pouuant desbaucher, luy mesme se rend. Roselme Duc de Thite pris. Grecs faisant semblant de desirer le mariage d'Irene avec Charlemaigne l'empeschent de conquerir toute l'Italie & la Sicille. Liutfred fait Comte de Foix apres la mort de Burgandion. Basques rebelles chastiez.*



**P**Ev de iours apres, l'Empereur commanda qu'on appellast & mit en Iustice, ceux qui l'an precedent auoient outragé le Pape. Les informations du fait veuës, & rapportées en son conseil, aucuns de ceux qui se trouuerent chargez furent condamnnez à mort, ainsi que criminels de leze Maïesté. Mais le Pape priant pour eux, ils eurent la vie & les membres saufs : & furent seulement confinez. Les principaux estoient Paschal Nomenclateur, Campulo Sacelaire, avec plusieurs Gentils-hommes Romains : par mesme sentence condamnnez. Ce nonobstant vn compilateur de Chroniques dit : qu'à vn iour il y eut trois cens nonante six Romains decolez en la place de Lateran : sans les autres qui furent bannis. Qui est bien pour monstrier la Jurisdiction que l'Empereur auoit en ceste ville. Aussi vn Auteur prochain du temps adiouste, que tant les Euesques que lays & peuple, iurerent fidelité à l'Empereur : & que son Commissaire demouroit à Rome, pres l'Eglise Saint Pierre ; pour vacquer à l'expedition des causes : & lequel auoit certains gages, taxe par iour, & des viures en especes, ie croy par le reiglement de *Parata*. Que si aucune pauvre personne se venoit plaindre au Commissaire, il enioignoit aux Iuges Romains de luy faire iustice : & les amendes sediquoient par esgalle portion, entre ces Commissaires & les Romains. Si vn Euesque, ou Iuge (c'est Senateur) Romain auoit failli, ils estoient presentez à l'Empereur, ou le Duc de Spolette venoit, qui l'enuoyoit en exil : & la maison du delinquant estoit scellée iusques à ce que l'Empereur eust mandé sa volonté : afin que si le criminel obtenoit grace, ses biens luy fussent rendus : sinon distribuez aux soldats. Si le criminel estoit renuoyé deuant les Iuges, l'on ordonnoit quant & quant vn Commissaire pour cognoistre du faict. Et de ceste coutume vserent les Romains, iusques au temps de Louys deuxies-



me Empereur, fils de Lotaire : qui est la cause pour laquelle les Autheurs ont remarqué que le Pape Leon blessé se retira vers Vvinigise Duc de Spolette : qui estoit logé pres de Saint Pierre : puis que vous voyez (par ce que dit est cy dessus) que c'estoit la residence des Commissaires, & Lieutenans de Charles Patrice : voire des estrangers Sefnes, Lombards, & François : là retirez par deuotion.

Ainsi donc l'Occident trois cens trente ans apres que Mortille Augustulle fut chassé de l'Empire, recommença d'auoir des Empereurs : au grand contentement des Romains paisibles, qui louoient le bon adais du Pape. Disant, que ses predecesseurs par leur merite auoient introduit la religion Chrestienne en ce monde, les Gots, Vandalles, & autres gens ayant destruit l'Italie, & tellement trauaillé l'autorité Papale, qu'elle n'auoit osé leuer les yeux auant Charles Martel. Que ce Prince esmeu par les prieres du Pape, auoit embrassé la protection de l'Eglise, Pepin pere de l'Empereur, tres-bien recognéut la courtoisie des Romains, en leur donnant l'Exarquat ; pour auoir conseillé son election. Que Charles ne ceddoit en pieté & liberalité à son ayeul, n'à son pere aussi : De fait, l'Empereur nouveau, par la bonne affection qu'il monstroir à chacun, secondoit l'amour que les Italiens luy portoient : n'oubliant rien qui seruiſt à l'augmentation des commoditez de ce pais. Beaucoup pensent, que ce qui esmeut les Romains à luy donner l'empire, fut le desſeins qu'ils auoient d'estre commandez par vne femme, & leur differend avec les Grecs, pour l'adoration des Images. Quelque occasion qui les ait meus, la Chrestienté, & principalement l'Italie, s'en trouua bien : & les Papes plus que tous. Car l'autorité de Charles arresta le cours de plusieurs heresies, qui commençoient. Les ceremonies Romaines plus fort s'enracinerent en l'Occident : & les Papes s'agrandirent tellement des bien-faits des Princes François, que depuis ils ont fait croire aux Empereurs Germains, qu'ils ne tenoient grandeur que d'eux, combié que ce soit le contraire : ainsi qu'on peut cognoistre par le discours precedent. Car la liberalité des Papes enuers nos Rois, n'a esté que contrainte, & pour leur commodité & profit. D'autant que voyans que le peuple de Rome ne leur vouloit obeir ; & que les Empereurs Grecs preferans l'habitation de Constantinople, ne tenoient plus compte de Rome, ils s'adressoient aux François les plus forts Rois d'Occident ; & qu'ils pensoient moins rusez que les Grecs (pour parler plus ciuilement) & par consequent plus aisez à manier. Car les Romains en leur cœur, tiennent pour barbares toutes autres nations, comme s'ils estoient enfans des anciens, victorieux de tout le monde, & non pas la race de tous les peuples refugiez à Rome depuis sa destruction, voire vne partie de la racaille du monde : là retirée pour la liberté de ceste ville, qui tant souvent change de Seigneurs de diuerses nations. Quant à Charlemagne : (car io le veux ainsi doreſnauant appeller, tant à cause de son aduancement à l'Empire, que pour ses beaux faits) il vint tout hien à ordonner des choses d'Italie, & appoincter des differens du Pape & des Romains.

Auant le Couronnement de l'Empereur, Pepin (comme j'ay dit) faisoit la guerre en Beneuent contre Grimoald, qui donnoit beaucoup d'affaires.

*L'an de  
Jesuy  
Christ.* aux François, leur coupant les viures, & apportant plusieurs incommoditez à leur armée, mais quand il fut appelé par son pere pour venir à Rome, le Duc de Beneuent reprit courage, voyant qu'une grande partie des Seigneurs François estoient allez avec luy, pour voir la feste : & qu'ils n'auoient plus en teste que le Duc de Spoletté, auquel les soldats ne portoient tel respect qu'à Pepin. Aussi Grimoald se monstroît plus actif que Viginise, qui n'estoit que Lieutenant : & lequel malade de melancholie ou autrement, s'enferma dans Nocerre : ou depuis il fut assiégé, & pris par Grimoald, auât que pouuoir estre secourus de l'empereur. Toutesfois il fut courtoisement traité par le Duc de Beneuent, qui le pensoit tirer de son party : luy remontrant qu'il deuoit aider à tirer de seruitude les Lombards, en consideration de la nourriture par luy prise avec eux : & qu'estant nay Gentil homme, il ne deuoit employer ses mains pour asservir sa patrie. Que les autres pour estre Rois & Patrices, se precipitoient aux dangers : & quant à eux ne se monstreroient-ils point homes pour recouurer leur liberté ? veu qu'avec si grand courage ils s'efforçoient d'estre inuincibles pour augmenter la seigneurie d'autrui ? Que seulement ils se declarassent chefs de ceux qui la vouloient reconuer, & ils n'auroient faute de gens pour les ayder. Viginise fit semblant qu'il ne tenoit conte des paroles de Grimoald : avec ce que la bonne fortune de Charlemagne augmentant tous les iours, luy donnoit crainte. Tellement que Grimoald mesmes, ayant avec le temps considéré qu'en vain il s'efforçoit de remettre sus la querelle d'une nation tant de fois vaincue, & du tout abaissée : & que depuis, Roselme cuidant garder *Cité de Cherté*, auoit esté pris, sa ville bruslée : Ortone destruite par Pepin retourné de Rome, & luy serré de plus pres dans Beneuent, voyant que l'on luy offroit la vie sauue, il se rendit à l'empereur : qui se contenta de le confiner à Paue, sans luy bailler autre garde : Mais ce fut l'esté suyuant que cela aduint & ie l'ay amassé ensemble pour ne rompre le fil de ma narration.

Vn si grand changement d'estat en Italie, passé à l'aduantage des François, fit que de tous costez Charlemagne fut recherché par Ambassadeurs, & neanmoins, il n'y en auoit point de plus effroyez que les Grecs : tousiours au guet, pour sçauoir de quel costé tourneroient les affaires d'Italie : & ayans esperance que la guerre de Beneuent prendroit trait. Que si Grimoald auoit du bon, ils pouuoient encores par le moyen de la Sicille, Pouille, & Calabre, (qui estoient de leur obeissance) recouurer quelque chose sur les François. Mais quand ils virent que de deux villes qui auoient suyui la fortune de ce Duc, l'une auoit esté ruinée, & l'autre prise, Beneuent rendu, & Grimoald confiné, ils abaissèrent leur orgueil : & les François comencerent d'estre plus que de coustume estimez en Calabre : Tellement que Leon, Spartaire de l'empereur Grec (nos Chroniques l'appellent maître sergent) partit de Sicille, & vint trouuer Charlemagne à Rome, sans demander congé à Irene, laquelle au bruit du Couronnement du Roy de France, enuoya des Ambassadeurs luy demander la paix : incertaine s'il vouloit l'empire en commun, ou party. Toutesfois les Grecs s'asseuroient que deux ne pouuoient estre longuement empereurs, sans faire la guerre. Que si Charlemagne (puissant comme il estoit) se tut

se fut resolu, lors qu'une femme tenoit l'Empire, d'vser de sa bonne fortune, l'Italie toute entiere, & les Isles voisines, bien aysement fussent entrees en son obeyssance. Et ja Pepin plus fier pour son aage & sa victoire toute recente, estoit party de Noeere pour chasser d'Italie les Grecs, quand eux plus rusés (& possible par commandement ou consentement d'Irene) commencerent à traiter du mariage d'elle & de Charlemaigne, qui estoit vesue: par le moyen duquel tout l'Empire (disoient-ils) venoit à retourner en vn corps. Ces Ambassadeurs gaignerent cest aduantage, que cependant trefues furent accordees, Pepin reuoké, & que Charlemaigne entretenu de telles esperances demoura dans Rome, à ordonner des affaires d'Italie, qu'il vouloit affermer en l'obeissance de son fils & du Pape: honorant les Gentils-hommes du pais selon leurs merites. Ayant donc fait Pasques à Rome, plain de toute bonne esperance, il en partit le vingt-cinquiesme Aueil: suiuy de si grand peuple, que son chemin en fut plus lent: car il n'arrina que le trentiesme à Spolette: ou comme il est festoyé par le Duc Vinigise, la seconde heure de la nuict, la terre trembla en Italie, Gaule, & Germanie: de telle sorte, que les montaignes s'affaisserent en d'aucuns endroits, sans differer de la campagne: & en d'autres il s'esleua des monts; des villes furent abyssées, & d'autres abbatues; des riuieres retournerent à mont, & la ville de Rome mesme sentit ce mal. Car le lambris ou toit de l'Eglise S. Pierre tomba, & les saisons furent tellement dessaisonées, que l'hyuer sembla printemps, & gela le iour de S. Iean Baptiste: puis la peste qui vint en Autonne, empescha qu'on ne se resiouist de la paix alors vniuerselle.

Au partir de Spolette l'Empereur vint à Rauenne, où il demoura quelques iours: comme aussi à Paue. Là aduerty que les Ambassadeurs d'Aron Roy de Perse (que d'aucuns appellent Miramolin, & pensent auoir esté Roy de Cordoue) estoient descendus au port de Pise, il enuoya des gens pour les luy amener à Verfeil & Yree. L'un d'eux estoit Perse, & l'autre Sarrasin d'Afrique: Ambassadeur d'Abraham Amiras d'un lieu nommé *Fessatum*: ainsi appelé, pour le lieu où jadis les Romains planterent & fortifierent leur camp, & auourd'huy Fez. Il eut aussi nouvelles que Isaac Iuif; quatre ans au precedent depesché avec Lantfrid & Sigismond ses Ambassadeurs vers le Roy de Perse, estoient arriuez: mais que Lantfrid & Sigismond estoient morts par le chemin. L'Empereur enuoya Archambaud son Secretaire vers la riuere de Genes, faire bastir vn vaisseau: avec lequel on luy peust amener l'Elephant & autres presens à luy enuoyer: & pour son regard vint faire la feste de S. Iean en la ville d'Yree, puis passa les Monts. Petrus auparavant Zad gouverneur de Barcelonne, venu à Narbonne à la persuation de quelqu'un qu'il pensoit son amy, fut arresté & amené à Louys Roy d'Aquitaine, qui tenoit vn Parlement à Thoulouse: lequel l'enuoya à son pere estant encores en Italie. De maniere qu'il fut présenté à l'Empereur, le mesme iour que d'autre costé Roselane luy fut enuoyé.

En ce Parlement, Louis donna à Lintard le Comte de Foix, plustost que de Fesclac qui estoit en Guyenne: jaçoit que celui-cy s'appelle aussi bien *Fidentia*.

XXX

*Ann. de* *cus Comitatus* que celui de Foix, qui est dans les Monts Pyrenees, vacant par la  
*lesus* mort de Burgondion, nagueres decedé. Dont les Basques ou Gascons furent  
*Christ.* si corroucez, qu'ils tuerent & bruslerent aucuns de ses gens. Dequoy Louys  
 aduertty, les fit appeller pour rendre raison de ce forfait : mais ils n'oserent  
 venir si tost : & toutesfois, aucuns depuis furent punis de mesme peine qu'ils  
 auoient fait mourir les seruiteurs dudit Burgondion. Vne vie de Charlemai-  
 gne, & de vieilles Annalles, mettent ceste annee, la prise de Barcelonne, con-  
 tre ce que dit Emard, en la vie de Louys de Bonnairé, qui la reiette à l'an huit  
 cens quatre : & lequel i'ayme mieux suiure, pour ce qu'il y estoit present. L'O-  
 ctobre suiuant, le Roy fut aduertty que l'Elephant estoit arriué à *Porto Venere*,  
 & lequel il ne fut possible de faire passer les Monts ceste annee à cause des nei-  
 ges : tellement qu'il demeura à Verseil.

## CHAP. X.

*Charlemagne publie vint trois chapitres de loix. Le Roy de Perse luy en-  
 uoye vn Elephant, rare en France. Irène chassée par Nicephore. Louys Roy  
 d'Aquitaine ayant par deux ans assiégré Barcelonne, la prend, & la baille en  
 garde à Bera. Partage de l'Empire entre les Grecs & François. Gots & Espa-  
 gnols viennent habiter Languedoc & la frontiere, par permission de Char-  
 lemagne, & de Louys son fils. Cathelogne.*

802.



L'EMPEREUR ayant passé l'hyuer & la feste de Noël de  
 l'an huit cens deux, au Palais d'Aix, suiuant la coustu-  
 me, assembla vn Parlement le deuxiesme Feurier : au-  
 quel entre autres, se trouua Louys son fils Roy d'Aqui-  
 taine, ainsi que son pere luy auoit mandé à Charlemai-  
 gne ; fit renouveler à ses vassaux leur serment ; ie croy  
 afin qu'ils ne pensassent estre exempts de la sujection,  
 pour auoir le tiltre de l'Empereur de Rome, que les Fran-  
 çois ne recognoissoient point pour seigneur : & qui possible fut l'occasion  
 pourquoy il retint en ses tiltres celui de Roy des François : il ordonna aussi  
 des Commissaires par ses Royaumes pour faire iustice, & visiter les Prouin-  
 ces de son Empire ; faisant publier vingt & trois articles de loix, qui sont en-  
 core au liure intitulé Capitulaires de Charlemagne Empereur. Comman-  
 dant à tous (mesmes à Pepin Roy d'Italie son fils) de les faire obseruer : com-  
 me on peut voir par la preface addressée audit Roy d'Italie : sans que les au-  
 theurs disent l'occasion du renouvellement du serment. Apres cela, & enui-  
 ron Carême, il donna congé au Roy d'Aquitaine, pour l'apprestier au voya-  
 ge dont nous parlerons. Il enuoya aussi courre le pais de Saxe, durant que les  
 habitans d'ourelle estoient esleuez durant son voyage de Rome : quant  
 à luy il ne bougea du Palais d'Aix, où le vindrent arrouer les Ambassadeurs

d'Irene Emperiere, qu'il depescha : enuoyant à Constantinople Iessé Euesque d'Amiens, & Eligaud Comte: pour faire la paix, & parler du mariage de l'Emperiere & de luy : car le Pape promettoit d'en estre l'entremetteur: & Irene de vray, ou par feintise, ne refusoit d'y entendre. Dont Nicephore Logothete (c'est comme vn Chancelier) aduertty par Arthemie Patrice son frere, afin que ceste ambitieuse femme ne transportast l'Empire vniuersel hors de Grece, se sentant fort aymé des soldats, prist Irene, & le premier iour de Nouembre audit an, luy ayant fait renoncer à l'Empire, la confina en Lesbos, qui est en l'Isle de Metelin. Et neantmoins, il ne laissa d'humainement traicter les Ambassadeurs François: ayant esté esleu Empereur auant que ceux du Pape fussent arriuez en Constantinople.

Le vingt & vniésme Iuillet Isaac Iuif amena l'Elephant, & deliura à l'Empereur Charlemagne les dons & presens que le Roy de Perse luy enuoyoit. Le nom de ceste beste (car on dit qu'ils se plaisent d'estre appelez par quelque nom: & c'est merueille de ce qu'on raconte de leur memoire & raison, s'il faut ainsi parler d'une beste) estoit Ambulabar. Je ne trouue point que nos Roys en ayent eu deça, car celuy qui fut enuoyé à S. Louis mourut à Marseille: & nous ne lifons point que iamaïs il en soit venu si pres du Septentrion: sinon dernièrement l'an mil cinq cens soixante, qu'il en fut amené vn à Anuers: & pour ce, il ne faut pas trouuer estrange si l'Empereur Charlemagne fut tant curieux de le voir viu, & tant soigneusement le garder. Mais reuoyant ces Antiquitez & Annalles, quand j'entendis que lon en auoit amené vn à nostre Roy Henry quatriésme, & qu'il l'auoit enuoyé pour present à ceste magnanime & sage Roine d'Angleterre; j'en eus regret: tant pour auoir priué la France de la veüe d'un tant rare animal, que le bon augure qu'il semble porter, n'ayant iamaïs esté veu en France que sous de tres-grands Rois, tels que les susdits.

Quelque temps apres, Louys Roy d'Aquitaine eut le commandement de faire le voyage d'Espagne, resolu au Parlement d'Aix, & d'assieger Barcelonne: laquelle apres la prise de Zad n'auoit voulu luy ouurir ses portes, ayant fait vn nouveau Duc. Et d'autant que ceste ville estoit tres-forte, il partit son armee en trois, dont il retint l'une au pais de Roussillon, enuoyant l'autre au siege, sous la charge de Rostang de Geronde, & la tierce aux champs, pour empescher le secours qui eust peu venir aux ennemis.

Cependant les assiegez enuoyerent à Cordoue demander secours; lequel tout aussi tost leur fut octroyé par le Roy Sarrazin: mais sur le chemin ils entendirent que le Roy Louys tenoit ceste troisiésme armee presté à les charger, & laquelle estoit conduite par Guillaume Gonsalomes, & Aymar (je croy le noble Moine alors Comte, qui a dicté la vie dudit Roy Louys) avec bonne & forte compagnie; & de fait ceux-cy aduertis de la venue des Sarrazins se destournerent en Asture, comme s'ils eussent voulu fuir: puis soudain retourné sur eux, les chargeront ainsi qu'ils ne s'en donnoient de garde: & en tuèrent grand nombre. Ce fait ils reuindrēt au siege se ioinde à leurs compagnons, serrans la ville si estroitement, qu'apres plusieurs mois (car lon dit que le siege dura deux ans) les habitans furent contraincts d'arracher les peaux

XXX ij

L'an de  
Jesue  
Christ.

de leurs boucliers pour les manger ; pressez de malle rage de faim , & aucuns se precipiterent des murs par desespoir. Toutesfois les autres resistoient, sous l'esperance que la rigueur de l'hyuer qui approchoit, contraindrait les François de se leuer: mais quand ils virent les soldats amener du bois pour faire des loges ( comme s'ils eussent voulu passer l'hyuer deuant la ville ) ils perdirent l'esperoir d'eschapper : & quelque temps apres liurerent Hommar , par eux fait seigneur apres Zad son cousin , prisonnier es mains du Roy Louis , qui permit au peuple de sortir , & s'en aller où il voudroit avec ses biens. Auant que la ville se rendit, les Seigneurs & chefs du siege, la voyant preste à parlementer, afin que le Roy eust l'honneur d'auoir pris vne ville de telle importance, le firent venir au camp , où il demeura six semaines : à la fin desquelles la ville fut rendue aux conditions susdites.

L'ordre de l'entree du Roi fut telle: le premier iour il enuoya garder les portes, & peu de iours apres il voulut que les Prestres chantans vinsent au deuant de luy & son armee, iusques à la porte de la ville, où il entra pour aller à l'Eglise de Sainte Croix, remercier Dieu de la victoire qu'il luy auoit donnee, ce qui fait soupçonner, que les Sarrazins souffroient les Chrestiens parmy eux. Aimon dit, que le siege fut deux ans deuant, & Aymar semble mettre la prise l'an huit cens quatre: Mais ie l'ay mise icy pour trop souuent n'interrompre ma narration.

La ville ainsi prise, Bera ou Borel, avec le secours des Gots fut ordonné pour la garde d'icelle : Ces Gots estoient des Espagnols refugiez en Languedoc, auxquels le Roy Pepin & Charlemagne auoient donné le quartier de Roussillon, & la plus part de ceste frontiere, pour habiter avec des Comtes de leur nation ; aux conditions qui sont portees par les lettres d'o&roy, qui encores se trouuent au thesor de Narbonne : & pense lon que le pais voisin de Barcelonne, prist lors le nom de Cathelognie ; comme si des gens yssus des Gots & Allains, le fussent venu habiter. Mais ce sont vents d'Espagne, & de gens qui de peur d'estre estimez issus des Sarrazins ( si long temps Seigneurs de ceste terre ) ayment mieux estre veus descendre des Gots Arriens, comme s'ils eussent esté plus gens de bien & vaillans que les Sarrazins : autant ennemis de la Trinité, & qui pour cela nous reprochent la pluralité de Dieux, aussi bien que les Gots Arriens. Toutes-fois il n'est impossible que ceste Colonie d'Espagnols ne fut aussi meslee de Sarrazins faits Chrestiens.

Durant ces exploits d'Espagne, l'Empereur craignant que son fils n'y fust assez fort, auoit despesché Charles son aîné pour aller au secours de son frere: quand arriué à Lyon avec son armee, il entendit la prise de Barcelonne; & qu'il ne luy estoit besoin de passer plus auant. Ce fut pourquoy il retourna vers son Pere: lequel manda aussi au Roy Louis, de ramener l'armee en Aquitaine, & le venir trouuer le iour de la Chandeleur suiuant, au Palais d'Aix, où il auoit passé l'hyuer, & la feste de Noël l'an huit cens trois. Auentin dit que l'an precedent il s'estoit tenu vn Conuile provincial à Strasbourg, auquel fut ordonné que les oblations des Eglises, seroient distribuees à l'Euef-

que : & pour l'entretienement des Prestres , nourriture des pauvres , & reparations des lieux Ecclesiastiques : qui n'estoit qu'un renouvellement de l'vniuersiel article du premier Concile d'Orleans.

L'an de  
Jesus  
Christ.

L'huyet de ceste annee , la terre trembla pres d'Aix ; & peu apres la peste s'esleua : & Pepin vint trouuer son pere , pour appoincter le Duc Grimoald. Aussi les Ambassadeurs de France retournerent de Constantinople , amenans quant & eux ceux de Nicephore : sçauoir , Michel Euesque , Pierre Abbé , & Calixte Candidac : estat de la Cour de Constantinople , duquel Ammian Marcellain fait mention : & pouuoit estre comme les Escossois Archers du corps ; que nous voyons auoir encores leurs hocquetons blancs. Ces Ambassadeurs vindrent trouuer l'Empereur arresté sur la riuere de Sala , en vn lieu nommé Selts , où il les expedia , & leur donna le traicté qu'il entendoit faire avec Nicephore : lequel ayant tousiours ce prouerbe en la bouche quand on luy parloit des François , disoit

*Pour amy le François ayez,*

*Mais son voisin point ne soyez.*

Recherchoit Charlemagne d'amitié & d'alliance : à quoy aussi l'Empereur François entendoit volontiers , tant pour se confirmer en sa nouvelle dignité , que pour estre ja sur l'age. Ces Ambassadeurs portoient aussi lettres de Charlemagne , adressantes au Pape , afin que suyuant son aduis , de Rome ils passassent en Constantinople. Nicephore ne refusa aucune condition , estant pressé des menaces du Roy de Perse , allié de Charlemagne. Il fut dit par ce traicté , que Charlemagne & luy s'appelleroient freres , & Augustes : & que l'un se diroit Empereur d'Orient , & l'autre d'Occident. Que pour le regard d'Italie , tout ce qui estoit depuis les riuieres d'Aufidum ( c'est Fanto ) & Vulturne ( c'est Vulturno , l'une riuere se deschargeant en la mer de Venise , & ceste-cy en celle de Rome iusques à la mer vers Sicille ) appartiendroit à l'Empire des Grecs ; & ce qui est deça appartiendroit à Charlemagne , avec Hongrie , Dace ( c'est Bulgarie ) Sclauonie ( ce dit Auentin ) fors quelque peu de villes qui recogneurent l'Empereur d'Orient. Outre tout cela , toute l'Allemagne , Gaule , & l'Espagne.

Ceste paix vint bien apoinct à Nicephore , lequel si vous croyez Sigébert , la mesme annee se trouua assiegé en Constantinople par Aaron Roi de Perse : avec lequel il fut contrainct traicter , de luy payer trente mil sols d'or de tribut , & trois mil pour son chef , & celuy de ses enfans. En ce temps florissoit Alcuin Philosophe ; fait par Charlemagne Abbé de S. Martin de Tours , & qui fut ainsi nommé ( ce dit vn vieil Autheur sans nom ) pour ce qu'il auoit la face blanche.

XXX iij

## CHAP. XI.

*Sesnes rebelles à la suscitation de Godefroy. Septentrion appelée Normandie. Armee pour aller en Saxe. Ostfalois se font baptiser. Dix mil transportez en Flandres. Lideric de Harlebec restaurateur de Flādres. Iuges de Vvestfalie establis pour chastier les Sesnes parricides. Sesnes ou Sousfles transportez en Heluetie. Fin de la guerre de Saxe. Godefroy Roy de Dannemark s'appointe avec Charlemaigne: Leon Pape en France. Sang de Iesus Christ à Mâtoüe. Obeler Duc de Venise chassé de Malamant. Ieū Duc. Léō sacré. Le pays voisin d'Arabonay doné à Theodore Auarrois, & apres sa mort à Abraham. Charles fils de l'Empereur fait la guerre en Boheme qu'il conquist apres la mort de Lezhon Duc ou Roy du pays. Florence affranchie par Charlemaigne.*

804.



INSI Charlemaigne redouté de chacun, alla en Bauieres, pour donner ordre aux affaires de Pannonie, & puis au mois de Decembre, vint au Palais d'Aix passer l'hyuer, & faire la feste de Noël de l'an huit cens quatre. Toutes nations estranges vaincues par les François, trouuoient encores moins indigne leur suietion à Charlemaigne maintenant Empereur, puis que ja elles luy auoient obey comme à Roy de France: & leur sembloit en ce faisant, estre deliurees de seruitude, puis que la majesté de l'Empire Romain estoit rapportee en l'Occident: & possible eust-on veu la fin des guerres, & de l'enuie que les autres peuples portoient à la prosperité des François, si les Sesnes par vne cruelle haine à l'encontre de nous, pensans que l'auancement de Charlemaigne estoit leur ruine: & peut-estre, suscitez par les Grecs pour empescher les nostres, n'eussent tiré de leur party les Vvestfalois leurs voisins, pour tout ouuertement se rebeller: soustenus en celà par les Ostfalois, & autres habitans outrel'Elbe, principalement solicitez par les Normands & Godefroy leur Roy, lors Seigneur de la plus part des païs de Septentrion, qui son delà le Cherfoimese (c'est à dire Isle tenant à terre) Cimbric, à sçauoir Dannemark, Suede, & Norueghe, Gothie, & Finland iusques sous le Nord, qui a donné à tous ces peuples le nom de Normands. Ce Roy grandement puissant d'hommes & de vaisseaux, (car tous les habitans de la mer Balthique estoient siens ou de son alliance) faisant semer le bruit entre ces farouches nations, que les François agrandis par le nom Imperial, seroient heritiers de l'ambition des Romains, qui autres-fois les auoient vifitez: Et d'autant qu'ils estoient plus voisins de leur marche, d'autant auoient ils plus de commoditez & d'enuie de les assuiettir: si de bonne heure ils ne secoüioient le ioug encores nouveau: & auant que les François s'enuieillissent dauantage en si grande seigneurie, que celle



qu'ils se preparoient. Car Charlemagne croissant tous les iours en dignité, auoit deliberé de ne laisser en Germanie aucun seigneur & Roy qui ne le recogneust pour superieur: & bien tost se ietteroit sur la Sarmatie (c'est la Pologne d'aujourd'huy) si d'un commun consentement on ne l'en gardoit. L'Empereur fut aussi tost aduertý de ces menees, & d'autant que la peste de l'an precedent l'auoit retenu en sa maison, la voyant ceste amee appelee, il amassa son armee de tous costez, puis vint planter son camp sur la riuere d'Elbe: ayant fait venir de France Charles son fils, qui passa à Nimeghe: comme aussi fit à Nuz Louys Roy d'Aquitaine avec son armee, pour ioindre les autres forces de l'Empereur son pere. La Cheuallerie de ceste grande armee estoit de François de toutes contrees: & les pietons d'alliez, Abodrites, Franconiens, & Bauarrois: ces trois, cedans (dit Emil) aux deux nations ennemies: non qu'elles fussent en plus grand nombre, mais en vaillance & courage: soit que nos alliez combattissent moins opiniastrement pour nostre auancement; ou que les autres pour se garentir de seruitude, soustinsissent de plus grand courage l'effort de la cheuallerie Francoise. Mais quand les alliez combattans en teste monstrerent de tenir ferme, alors les Sefnes reprirent le chemin de leur camp où ils se sauuerent pour ce qu'il estoit assis en lieu fort, non routes-fois sans meordre d'eux ou de ceux qui les vouloient empescher. Cependant que les François sont à la poursuite de ceux-cy, les Vvestfalois eurent plus grand loisir de s'eschapper, & les François entrèrent en Vvestfalie: laquelle mal garnie d'hommes fut d'autant pluſtost conquise, qu'elle estoit desnuée du secours esperé, & qu'elle se trouua plaine d'une armee victorieuse.

Ils ne pouuoient mieux appaiser l'Empereur qu'en se faisant Chrestiens, aussi se firent ils baptiser à l'enuy. Et de là, Charlemagne retourna en Saxe, vuide de gens de guerre, de noblesse, de chefs, & d'esperance de mieux auoir. Ce qui les fit ployer sous la necessité: & confessans d'auoir failly par vne rage populaire; ils obtindrent pardon: à la charge que ceux d'outre l'Elbe nommez Vvlhunchi anciennement Holsates, viendroient habiter avec leurs parens: ia transportez deçà le Rhin. De maniere, que ceste Colonie se trouua mieux peuplee que le pays de Saxe en Germanie. Dix mil d'entre eux furent choisis pour estre distribuez par la France. Et afin que la terre de laquelle ils auoient esté tirez, ne demourast des-habitee, elle fut donnee aux Abodites pour la peupler: lesquels comme si le terroir les eust infectez, prirent incontinent le contrage des Sefnes, & se rebellerent, comme disent aucuns auteurs: & aussi ceux qui furent distribuez en Braban, & Flandres, ne se trouueront jamais bons François. Car me souuient d'auoir leu, que dès ce temps, lon disoit en proverbe, que Charlemagne transportant les Sefnes en Gaule auoit fait d'un diable deux: estant ces peuples transportez, demeurez opiniastres & mal obeyssans à leurs Princes; & toutes-fois ceste penplade seruit à remplir des pais vuides; & principalement en Flandres où commandoit Luderic de Harlebec: qui s'efforçoit de la faire valoir: redressant les chemins, & chassant les brigands, ce dit Meier.

L'An de  
Jesw  
Christ.

Or pour tenir plus de court ceux qui estoient demourez en Saxe, l'Empereur establit vn conseil au pais, de gens fort ses confidens; qui auoient puissance de chastier de mort les Sefnes turbulens: & principalement ceux qui estoient conuaincus d'auoir faucé leur foy, & abaddonnoient la religion Chrestienne. Ces Iuges choisis entre gens de bien, auoient charge de se pourmener par la Vvestfalie sans qu'on s'en apperceust, pour noiter la vie & les paroles des Sefnes: & quand ils trouuoient quelqu'un conuaincu des crimes susdits, ils le faisoient pendre sans remission, ou respect de la qualité. De sorte, que tous les iours il s'en trouuoit de nouuellement pendus: & disoit on de ces executez, il est là pour auoir faucé sa foy: qui estoit vn grand exemple pour retenir les autres sous l'obeyssance des François: & de ceste façon de proceder, a vsé la Cour Vvestfaloise, tant renommee pour sa seuerité: car les meschans estoient plustost punis que menassez. Toutes-fois ceste inquisition secrette fut laissée, & supprimee (dit Auentin) il y a cent ou six vingts ans: pour les abus qui s'y commettoient. Vne partie de ces Sefnes appelez Schimans ou Souuits, fut logee entre les Heluetiens: d'où lon pense que sont sortis les Suisses du iourd'huy: nation tres-belliqueuse, & seule de toute l'Europe viuant en liberté Democratique ou populaire. Ainsi fut mise à fin la guerre de Saxe, trente trois ans apres qu'elle eust esté commancee: & le trente septiesme du regne de Charlemagne, ainsi que dit Helmode, Chroniqueur ancien, & auant luy Aymar, qui a escrit la vie dudit Empereur. Et lequel estime que ce transport abattit le courage des Sefnes deuenus plus souples, & qui oublièrent leur fierté, se trouuans meslez parmy les autres François. Il y a des Auteurs qui disent que les Sefnes suscitez par les Danois, se rebellerent encores: & se trouue que Godefroy Roy de Dannemark, avec vne tres grosse armee de mer, & vne autre par terre (où il y auoit force cheuallerie) vint camper en vn lieu nommé Slietorf ou Stretorf: aux confins de son Royaume & de Saxe, en esperance d'esmmouoir les opiniaistres Sefnes, demourez au pais. Leur remonstrant, qu'estant vray Getmain, il ne pouoit voir asseruir leur mere commune: que ce bastart Empereur ayant changé les mœurs de son pays originaire, pour prendre celuy des Gaulois & Italiens, les vices desquels il imitoit par son ambition, tous les iours alloit estraignant de plus en plus: & pour ce, si les Sefnes auoient desir de reconurer leur liberté, qu'ils prissent les armes, secouassent le ioug des François, & laissassent les traistres qui les suiuoient; sans alliance avec luy, & reprenans la religion de leurs peres plus ancienne que celle des Chrestiens. Il en esmeut aucuns, & les plus mal aduisez s'estans iettez aux champs; auant que les Danois fussent en leurs terres, ils se trouuerent chargez par les garnisons que l'Empereur auoit au pais: qui les mirent en pieces. Cependant Charlemagne vint à Hardunstain vn lieu voisin de la riuierre d'Elbe, où il auoit amassé son armee; aduertty de la venue du Roy de Dannemark. Lequel degousté de son entreprise; par la desfaite des Sefnes; & le petit support qu'il trouua de ce costé-là, entendit volontiers à la paix, quand des gens se furent aduancez du costé & d'autre pour en faire l'ouuerture: car lors, Charlemagne mesmes inuita Godefroy de venir parler avec luy.

Ce

Ce que le Roy de Dannemarck accorda, s'acheminant pour ce faire : iusques à ce qu'il en fut destourné par aucuns des siens, qui luy conseillerent de ne se mettre à la mercy de l'Empereur, le plus fort : & que si les François auoient affaire de luy ils le vinssent chercher. Il les creut & rebroussant chemin se retira en sa ville nommée Slesmue, lors principale de Dannemarck : où l'Empereur enuoya demander les traistres qui l'auoient abandonné, & les prisonniers de guerre : offrant sa paix & son amitié aux Danois, s'ils venoient luy demander pardon. Ce furent plustost paroles de grandeur que plaines d'effect : aussi les Danois asseurez en la forte assiette de leur terre & leur pauvreté ( le plus fort rempart contre les Princes riches ) qu'apres plusieurs allées & venuës ils s'accorderent à la paix : aux conditions que les prisonniers & les traistres seroient rendus d'une part & d'autre. Que chacun de leurs subiects pourroient viure en telle religion qu'ils voudroient, & selon les loix : Qu'ils seroient amis des amis, & ennemis des ennemis les uns des autres.

Les choses ainsi accordées, l'Empereur retourna à Cologne enuiron la my Septembre : où il rompit son armée pour venir chasser en Ardenne, & de là au Palais d'Aix : & ainsi prist fin la guerre de Saxe. En ce lieu d'Aix l'empereur receut lettres du Pape Leon, qui le prioit de faire le Noël prochain avec luy, quelque part qu'il le peust rencontrer. Ce qui luy fut volontiers accordé : enuoyant Charles son fils pour le recevoir. Le Pape auoit pris occasion de venir en France, sur ce que ie ne sçay qui auoit en ce temps apporté à Mantouë, ville de Lombardie, vne portion de sang, qu'il disoit estre sorti du costé de nostre Seigneur Iesus Christ, quand il viuoit en ce monde : il y moit grand allée de peuple pour voir vne chose tant pretieuse, & le bruiet en estoit venu iusques aux oreilles de l'Empereur qui manda au Pape s'enquerir de ce miracle : & Leon partit de Rome au mois de Novembre pour le verifier. Estant à Mantouë, & informé de la verité ( les auteurs ne disent quelle ) il fit sçauoir à l'Empereur qu'il desiroit parler à luy ainsi que j'ay dit. Chacun cognoissoit bien qu'il falloit faire la guerre à l'empereur de Grece, & ne sçauoit par où elle commenceroit : aussi le Pape qui la preuoyoit de loing, prist l'occasion de ceste Relique, qui ne le mouuoit pas tant, que les troubles prests d'esclorre en Italie, desquels il vouloit acertener l'empereur, & dont l'origine fut telle. L'an huit cens deux, il s'esmeut sedition entre les Venitiens, de laquelle s'ensuyuit la destruction d'Heracle, Isle du lac Venitien. Iean Duc de Venise, qui fauorisoit le parti de Nicephore, auoit fait eslire euesque d'Oliuolo (c'estoit lors vne des soixante & douze Isles qui font la ville de Venise, & maintenant est le siege des Patriarches) vn nommé Christophle natif de Grece, au desplaisir des Tribuns Venitiens; qui prièrent Iean euesque de Grade, de ne le point sacrer. Ce que Iean non seulement leur accorda, mais qui plus est l'excommunia : dont Iean Duc de Venise fut tant marri, qu'ayant assemblé vne armée de mer, il vint accompagné de Maurice son fils; deuant Grade, qu'il prist du premier assaut, & precipita d'une haute tour le patriarche : apres la mort duquel, Fortunat parent du deffunct fut mis en sa place, par la brigade & menée des Tri-

YYY

*Eus  
Iesus  
Christ.* de buns : & auquel le Pape Leon enuoya le *Pallium*, le vingtiesme de Mars de l'an huit cens trois; vniesme indiction. Cestuy-cy ayant appelé Obeler Tribun de Malamauc; vne autre Isle du Lac, fut conseillé de venir en France se plaindre des Ducs de Venise, comme trop enclinans au party Grec: contre les articles du dernier traité fait entre les Empereurs d'Orient & d'Occident. Les Ducs aduertis de l'intention dudit Obeler, dresserent incontinent vne armée qu'ils menerent en Grade, de laquelle ils contraignirent vider Fortunat & Obeler, où les bannis de Venise esleurent pour Duc Obeler ou Vvillier: Et Fortunat (ainsi qu'entre eux il auoit esté arresté) vint en France faire sa plainte. Cependant & ladieste année huit cens quatre Obeler sorty de Treuis avec bon nombre de gens surprend Malamauc: & ayant chassé Iean & Maurice son fils, s'estant fait couronner Duc appella à la participation de l'honneur Ducal Beat & Valentin, du gré & consentement du peuple: Iean euesque d'Oliuolo pour l'amitié qu'il portoit à Iean Duc chassé, sortit incontinent de son Isle: & en son lieu fut mis Iean Diacre, & Fortunat arriué en France pour auoir raison du meurtre de son predecesseur; remonstre à l'empereur; que les parties aduerses enclinoient trop du costé des Grecs. Et voila la vraye cause de la venue du Pape en France: au deuant duquel Charlemaigne enuoya son fils aîné, qui le vint trouuer à Saint Maurice de Gaure, au pays de Chablais en Sauoye pour honnorablement le receuoir. Quant à l'empereur il s'achemina à Reims, où il trouua le Pape qu'il mena au Palais de Crecy faire ensemble la feste de Noel de l'an huit cens cinq.

805.

La feste passée & le Pape ayant esté huit iours avec l'Empereur, ils partirent de Crecy pour venir ensemble au Palais d'Aix, ayant l'Empereur pris occasion de l'y mener pour consacrer l'Eglise, qu'avec grand magnificence il auoit fait bastir pres de son Palais. La ceremonie achiuee, le Pape partit chargé de dons & grands presens, & prit le chemin de Bauieres, passant en Italie par les monts de Trente, pour venir à Rauenne: tousiours bien & honnorablement accompagné des Seigneurs François, que l'Empereur luy auoit donnez pour le conuoyer. Cette mesme année Theodore Gagan des Auarrois, vint prier l'empereur de luy donner & à son peuple, le pais qui est entre Sabarie & Carinthie, au dessus de la riuere Arabona, du costé d'Occident: où lors il n'y auoit que Bauarrois. Car il disoit que les Sclaves Bohemois, conduits par vn Duc nommé Lothon, le pressoient si fort & son peuple, qu'il ne pourroit leur resister, ayant toute la noblesse esté occise en guerres ciuiles: & ce qui restoit contrainct sortir du pais. Charlemaigne humainement le receut: car il estoit Chrestien, & luy accorda ce qu'il demandoit, luy faisant outre cela de grands presens: puis le renuoya en son pais, ou peu apres il mourut. Mais son peuple ne laissa de venir au pais à luy octroyé, auquel il fut donné pour Duc ou Gagan vn nommé Abraham, qui tout incontinent enuoya prier l'Empereur de luy vouloir continuer l'honneur de son predecesseur: disant estre prest de se faire baptiser. L'empereur le luy accorda, le declarant Gagan: puis apres son baptisme (qui fut le iour de Saint Marthien vingtiesme de Septembre) il fut estably selon l'ancienne façon du pais.

Durant ces choses l'empereur auoit enuoyé Charles son fils avec vne armée composée de Bauieriens & Suaves, faire la guerre aux Venedes Sclaves, appelez Bohemes en langue Thioise : & en la leur Lechi. Ceste armée les trouua plus gens de guetres que brigands, ainsi qu'on les estimoit : & qui l'eussent plus fait durer, si Lothon leur chef, faisant estat non seulement de Capitaine, mais de gendarme, apres auoir de sa main tué beaucoup de François, n'eust esté occis, comme sans respect de sa qualité, il se fut iecté avec les plus vaillans des siens, en la plus grosse presse de ses ennemis. Car lors tous les Bohemes eurent du pire, & furent contraincts de fuir : jaçoit que la perte fust presque esgalle tant d'un costé que d'autre : pour ce que de la part de l'empereur il y mourut plus de gens de secours que de naturels François. Mais les Bohemes qui n'auoient que des gens de leur païs, perdirent tous les principaux de leur ieune Noblesse : Et le Prince Charles victorieux, entra par les destroicts de la Forest de Schruartz vvald, dans le païs de Bohême : qu'il fit mettre tout à feu & à sang, iusques à ce que les habitans fussent venus à sa mercy, puis retourna triomphant vers son pere : lequel sorty d'Aix pour venir à Thionuille & Mets, estoit passé en Vauge & à Remiremont faire la chasse d'Autonne. Là Charles trouua son pere en vn lieu nommé Camp : d'où la chasse acheuée, l'empereur partit pour venir passer l'hyuer au Palais de Thionuille. Iean Villany Chroniqueur Florentin dit, que ceste mesme année Charlemaigne retournant de Rome, & se trouuant à Florence le iour de Pasques, y tint vne grande Cour, & y fit plusieurs Cheualiers : affranchissant la communauté de ladite ville & de trois lieues à l'entour, sans payer cens ne taille, que vingt-six deniers pour feu : comme il dit auoir appris des Chroniques de France. Iacoit que nous ne trouuons point que ceste année, l'empereur ait fait vn voyage à Rome : ce qui nous fera croire qu'il y a faute au datte suyui par ce Florentin, mais le fait peut estre aduenü en autre voyage dudit Charlemaigne.

## CHAP. XII.

*Obeler & Beat Ducs de Venise, demandent secours à Charlemaigne contre leur ennemy, comme aussi fait Paul Duc & Esclauonnie contre les Grecs. Partage des Royaumes de Charlemaigne fait à Aix.*



NCONTINENT apres le Noel de l'an huit cens six, que<sup>806.</sup> l'Empereur auoit fait au Palais de Thionuille, Vvillard & Beat Ducs de Venise, Paul Duc, & Donat, Euesque de Iadere, Ambassadeurs de Dalmates, le vindrent saluer & luy faire de grands presens : pour le supplier de prendre la protection des Veniziens & des Esclauons. Car l'an precedent, Iean & Maurice Ducs, chassés de Venise, & retirés à Mantoné, ayants aduert

YYY ij

## DES ANTIQ. FRANCOISES LIVRE VII.

*L'en de* Nicephore du pauvre estat auquel ils estoient , pour luy vouloir faire service, *Iesus* obtindrent de luy vne armée , à fin d'estre remis en possession : ou bien *Christ.* en faisoient courre le bruit. Ce qui auoit esté cause de faire partir de Venise (ainsi que dit est) Obeler & Bear , & laisser Valentin leur frere avec forces pour garder leur maison , cependant qu'ils seroient pres l'Empereur François.

Paul remonstroit à Charlemaigne, que ce seroit grand honte aux François, s'ils souffroient que la coste d'Esclauonie & Dalmace, qui de si pres regardoit l'Italie, & qui estoit du partage de l'Empire d'Occident , demeuroid en la puissance des Grecs : car ce seroit faire perdre aux François la possession de la mer Adriatique. Qu'il la falloit prendre auant que la guerre commençast entre les deux Empereurs. Que iusques icy l'Empereur auoit assez montré sa patience, sur la dissimulation & secrette enuie de Nicephore : Mais si le Grec le premier se faisoit d'Esclauonnie , sans doute les François ne se trouueroient si forts de ce costé-là , quand il faudroit entrer en guerre ouuerte. L'empereur ces remonstrances entendues , pensa qu'ils disoient vray : & pource ils furent depeschez tout aussi tost. Et les Rois ses enfans mandez venir au Parlement ; où entre plusieurs choses il aduisa au partage de son empire & Royaume, afin d'entretenir en paix & vnion ses enfans , mesmes apres sa mort ; quand chacun scauroit ce qui luy deuoit appartenir : retenant tousiours la iouissance sa vie durant , & laquelle diuision il fit par forme de testament, que l'on trouue encor en plusieurs Librairies, & i'en ay vne copie escrite ( ie croy ) il y a plus de six cens ans : que i'ay translatée en François pour la mettre icy , comme en vn lieu bien à propos , afin de monstrer l'estat de l'empire de ce grand Prince : le partage donc commençe ainsi.

Charles empereur , César inuincible , Recteur de l'empire Romain, debonnaire , heureux & Triomphant , tousiours Auguste. A tous les fidelles de la Sainte Eglise , & tout le peuple Catholique present & aduenir : les gens & nations qui sont sous son Empire & gouvernement.

Tout ainsi qu'il est notoire à vous tous ( & comme nous croyons, personne ne l'ignore ) que Dieu nous a enrichis par vne grande benediction, & nous donnant trois enfans, il a selon nostre desir confirmé l'esperance de garder nostre Royaume, & par ce moyen, nous a soulagez du soing que à l'aduenir eussions peu auoir; Aussi voulons nous vous aduertir, que s'il plaist à Dieu, nous desirons apres nostre decez, laisser nos enfans heritiers de cedir Royaume ou empire, que Dieu conseruera, non en confusion, pour leur donner occasion de querelle; ains partageant tout le corps du Royaume en trois : à fin que leur ayant à chacun distribué la part qu'il doit gouverner, il soit content d'icelle, suiuant nostre ordonnance: & avec l'ayde de Dieu, il puisse deffendre les limites de son Royaume, qui se trouueront du costé des estrangers : & garder paix & amour avec son frere. Quant au partage de nos Empire & royaume conseruez & à conserner de par Dieu, il nous a pleu les faire tels. Que toute l'Aquitaine & Gascogne ( excepté Touraine, & tout ce qui de la regarde vers

l'Occident & l'Espagne) la cité de Nevers qui est assise sur la riuere de Loire avec tout le pays de Niuernois, d'Aualon, l'Auxois, Chalonnois, Mafconnois, Lionnois, Saouye, Mocienne, Tarentaise, Mont-Cenis, Val de Suze iusques à la mer, ces pais avec leurs citez iusques aux Châses, & de là par les bornes des monts d'Italie iusques à la mer. Ces pais avec leurs citez, & tout ce que depuis iceux est contenu vers le Midy & l'Occident iusques à la mer, ou iusques en Espagne, (c'est assauoir ceste portion de Bourgongne, Prouence, Septimanie & Gothie) nous la consignons à Louys nostre bien aimé fils. Mais l'Italie, qui aussi s'appelle Lombardie, & Bauieres (comme Tassillon l'a tenuë excepté les villages, nommez Ingolstar, & Liutrahahes que iadis nous infeodasmes à Tassillon & appartiennent au pais de Norgoue & d'Alemagne) la partie qui est sur la riue du Danube, tout le long des limites iusques à la riuere du Rhin, sur les confins du pais de Clergoue & Hegoue, au lieu qui est appellé Euge, & de là à mont le Rhin, iusques aux Alpes; tout ce qui se trouue dans ses limites, tout le Duché de Coire; & le pais de Durgoue fera pour Pepin nostre bon fils: mais tout ce qui se trouuera estre de nostre Royaume outre lesdites limites, c'est à dire France, Bourgongne, excepté celle part qu'auons donnée à Loys nostre fils, Alemagne, excepté la portion qu'auons donnée à Pepin, l'Austrasie, & Neustrie, Turinge, Saxe, Frize: & la partie de Bauieres, qui s'appelle Norgoue, nous l'octrôions à Charles nostre bien aimé fils. Tellement, que Charles & Louys puissent auoir chemin en Italie: pour si besoing est, passer au secours de leur frere: à sçauoir Charles par le Valdaoste qui est de son Royaume, & Loys par les Alpes Noriques & Coire.

Nous ordonnons aussi ces choses en ceste façon; Que si Charles qui est l'aîné, vient à mourir auant ses freres, la part du Royaume soit diuisee entre Pepin & Louis, ainsi que iadis elle fut entre nous & Carloman nostre frere: & tellement, que Pepin ait la portion qu'auoit Carloman, & Louis celle que nous eusmes en partage.

Que si viuans Charles & Louis, Pepin vient à mourir, Charles & Louis diuiseront encores le Royaume qu'il auoit en la maniere qui l'ensuit. Depuis l'entrée d'Italie par la Cité d'Osse, Charles prendra Yuree, Verfel, Paurie: & delà par la riuere du Pau, tout le long iusques aux confins de la ville de Rege, & Rege mesmes: & les Citeneufue & Modece, iusques aux bornes de St. Pierre. Ces Citez avec leurs faux-bourgs, territoires & Comtés, qui leur appartiennent; & tout ce que de là allant à Rome, regarde la main gauche de ceux qui vont à Rome: avec le Duché de Spolette, apartiendra à Charles pour sa part du Royaume de Pepin: Mais tout ce qui desdites Citez & Comtez est sur la dextre de ceux qui vont à Rome, faisant partie desdicts Royaumes de Pepin (c'est à sçauoir la portion demeurée du pais d'outre le Pau, avec le Duché de Toscane, iusques à la mer de midy & de Prouence) sera pour l'augmentation du Royaume de Louys. Que si les autres viuans, Louys vient à mourir; la partie de Bourgongne que nous auons iointe à son Royaume, avec Prouence & Septimanie ou Gothie, iusques en Espagne, sera pour Pepin: Aquitaine & Gascongne pour Charles.

L'an de  
Jesue  
Christ

Que si desdits trois freres il naist vn fils, tel que le peuple le vaille estre pour succeder à son pere en l'heritage de son Royaume: Nous voulons que les oncles de cest enfant, consentent & souffrent regner ce fils de leur frere, en la portion du Royaume que leur frere son pere aura eue.

Après l'ordonnance de ceste nostre volonté, il nous a pleu arrester & commander pour la paix que nous desirons estre entr'eux, que nul d'eux presume d'enuahir les bornes & limites de son frere, ou frauduleusement y entrer pour troubler son Royaume ou diminuer les marches. Mais chacun aydera son frere contre ses ennemis, ainsi que de raison, selon son pouuoir: soit en paix, soit contre les nations estrangeres.

Aucun d'entr'eux ne recusa l'homme de son frere, qui se retirera par deuers luy, pour quelque chose ou coulpe que ce soit; afin d'interceder pour luy. Car nous voulons, que chacun homme qui aura failly & besoin d'intercession, ait recours dans le Royaume de son Seigneur, soit aux lieux saints, ou hommes d'honneur; afin que de là il merite tirer son intercession.

Semblablement, nous commandons que tout homme franc & libre, qui aura laisse son Seigneur contre sa vplonté, & sera allé d'un Royaume en l'autre, ne soit receu par ce Roy: lequel aussi ne consentira que tel homme soit receu par ses gens, ou iniustement par eux retenu. Ce que nous ordonnons non seulement des hommes libres, ains encores des serfs & fugitifs: afin de ne laisser aucune occasion de discorde.

Et parce que il nous semble apres nostre trespas, deuoir estre commandé, que les hommes & vassaux de chacun de nos enfans prennent leurs fiefs chacun au Royaume de leurs Seigneurs, & non ailleurs, afin que si d'auenture ils le faisoient il n'aduienne du scandale. Mais quant aux terres de succession, chacun les pourra tenir en quelque Royaume qu'elles leur soient escheues.

Que chaque homme libre, apres la mort de son Seigneur aura permission *se commendand*, soy donner en vasselage, dans l'un desdits trois Royaumes, comme aussi celui qui de present n'a donné sa foy à aucun.

Quant aux cessions & ventes qui se font entre les particuliers: Nous ordonnons que nul desdits trois freres, puisse recevoir cession ou vendition de chose immeuble du Royaume de l'autre, c'est à dire, terres, vignes, forests, ou serfs (*casari*) ie ctoy manans & habitans (car encores en Prouence & Languedoc, l'on appelle Caze celui qui demeure sur le lieu, & Chazeau signifie heritage) ja destinez au seruice de quelqu'un ou d'un heritage, ou d'autre chose qui vient de hoirie ou succession, soit en argent, pierres, armes, vestemens, ne seafe (*non casari*) non destinez à seruices: & autres especes qui proprement se demement entre marchans.

Mais si aucunes femmes (comme il aduiant entre les parties & Royaumes), estoient demandeés en mariage, elles ne seront refusees à ceux qui honnorablement & raisonnablement les demanderont. Ains sera loisible de les recevoir & donner, afin de tousiours entretenir les peuples par tels parentages: & auront lesdites femmes puissance sur leurs biens assis au Royaume duquel el-



les seront sorties. Iacoit qu'elles doiuent habiter en celui de leur mary, à cause de la societé qu'elles ont avec luy. Evan. de  
Iehan  
Christ.

Quant aux ostages, *Qui propter redentibus*, (qui pour assurance) des presens par-taiges, ont esté distribuez en diuers lieux, Nous voulons que le Roy au Royaume duquel ils sont ne les puisse renvoyer en leur pays sans la volonté de leur Roy. Mais plustost à l'aduenir se prestent l'un à l'autre ayde à recevoir des ostages, si par raison le frere requiert l'autre de ce faire.

Autant commandons-nous estre fait de ceux qui pour leurs domerines sont condamnez en exil, ou le seront cy apres. Que si cause ou achoison de debas se presente entre lesdites parties, pour les bornes & confins desdits Royaumes, telle que par le tesmoignage des hommes elle ne se puisse delater, ne esclaireir ou desfinir: lors nous voulons, que pour la declaration & esclaireissement d'icelle chose douteuse, la verité des faits s'enquiere par le iugement de la Croix, & volonté de Dieu. Et que iamais pour telle cause, l'on ne vienne à champ de bataille.

Que si quelqu'un homme du Royaume accuse deuant son Seigneur un autre qui ne sera pas de mesme Royaume, & maintient qu'il n'est loyau au Roy frere de son Seigneur, il l'enuoira vers son frere, pour prouuer ce qu'il a dict de cest homme accusé.

Sur tout, nous commandons que ces trois freres prennent ensemblement le soing de la deffence de l'Eglise S. Pierre, ainsi que jadis ont fait nos ayeulx Charles, & le Roy Pepin, nostre pere de bonne memoire, & depuis estre receu par nous: afin que avec l'ayde de Dieu, ils s'efforcent de la deffendre des ennemis: & entant que à eux sera, & la raison le requerra ils luy facent obtenir son droit.

Autant commandons-nous qu'ils en facent aux autres Eglises qui seront sous leur puissance: à ce qu'elles ayent leurs honneurs & droits, *iussums*, & les Pasteurs & gouverneurs des lieux venerables iouissent des choses appartenantes ausdits saints lieux, en quelconque desdits trois Royaumes que se trouuent lesdites possessions desdites Eglises.

Que si de ces Statuts & ordonnances, quelque chose par quelcun adueni- (ce que ne desirons pas) est enfrainct: Nous commandons que le plustost que faire se pourra, ils le facent amender selon droit & iustice; de peur que par dilacion, plus grand dommage n'en puisse croistre.

Quant à nos filles, sœurs de nosdits enfans, nous commandons que apres nostre deceds, elles ayent chacune pouuoir d'eslire sous la tuition & deffence duquel elles se voudront transporter. Et quiconque d'elles voudroit eslire la vie Monachalle, il luy soit loisible honnorablement viure sous la deffence du frere au Royaume duquel elle aura choisi sa demeure: Mais celle qui iustement & raisonnablement sera requise en mariage par homme de la sorte, & il luy plaist de viure mariee, que telle vie ne luy soit desniee par ses freres, si l'homme qui la demandera & la volonté de la fille s'y accordent.

Quant à nos neueux, scauoir les enfans de nosdits enfans, tant nez que à naistre, il nous plaist commander que aucuns de nosdits enfans pour quelque oc-

*L'as de* cation que ce soit, s'ils estoient accusez deuant eux sans iuste occasion ou legitime examen, ne puisse estre tué ou mutilé de ses membres, ou tondu contre son vouloir. Mais nous voulons qu'ils soient honorez chez leurs peres ou oncles: & qu'ils leur soient obeissans, avec toute telle sujection qu'il appartient entre gens de telle consanguinité.

*Iesus*  
*Christ.*

Finalement, nous ordonnons que tout ce que nous semblera deuoir estre par nous adiouté à ceste presente ordonnance & disposition, pour le profit & vtilité de nosdits enfans, soit de choses ou loix & constitutions, soit par nosdits enfans obseruee & gardee, comme ce que ja par ces presentes a esté par nous ordonné ou escrit, deuoir estre gardé.

Toutes ces choses ont esté par nous disposées, & tellement confirmées, que tant qu'il plaira à la Majesté Diuine de nous tenir en ceste vie corporelle, la puissancé nous demeurera sur les Royaume & Empire qu'il a pleu à Dieu nous conseruer: comme iusques icy a esté, pour le regard du gouuernement & disposition de toute seigneurie Royale & Imperiale.

Et afin que nous ayons obeissance de nos enfans bien aymez, & de nostre peuple bien aymé de Dieu, avec toute la sujection qui est deuë par les enfans au pere, & par les sujets à leur Roy & Empereur.

Ce partage escrit, fut signé de la main dudit Charlemaigne Empereur, & par Eginard porté au Pape pour estre soubsigné de luy: comme aussi il le fut par les Princes & Seigneurs de l'Empire, & du Royaume François.

Il y auoit grande apparence, que ce partage deust estre profitable à toute la France, pour entretenir la paix des freres. Mais Charles & Pepin venants à mourir auant leur pere, Louis fut heritier de tout, fors de Lombardie. Et neantmoins, les ennemis de Louis de Bonnaire, se seruirent contre luy de l'article par lequel il estoit desendu de faire mourir ou mutiler de ses membres aucuns des petits fils de Charlemaigne. Comme si ledit Louis sans iugement precedant, eut fait estaindre les yeux & puis tuer Bernard Roy d'Italie, ainsi que nous voirrons. Il faut encores remarquer, qu'en ce partage les terres que le Pape pretend, comme de la donation de Constantin, sont partagees, & que le nom d'Empereur n'est point donné à aucun des enfans.

## CHAP. XIII.

## CHAP. XIII.

*Charles fils de l'Empereur enuoyé contre les Sarrabes d'Elbe. Court la terre des Sclaues : & Miledune leur Duc, est tué. Bastit deux Chasteaux outre l'Elbe. Va en Bohesme. Ademar Comte de Genes tué par les Maures. Louis Roy d'Aquitaine ranage l'Espagne. Vallis banna, vallee des monts Pyrenees. Nauarrois retournent en l'obeissance des François. Trois Eclipses de Lune, & vne de Soleil en moins d'un an: & autres observations Astronomiques. Ambassadeur de Perse accompagné de ceux de Hierusalem, apportent vn Horloge à Charlemaigne. Bouchard Comte de l'Estable deffait les Maures en mer. Charlemaigne fait bastir des vaisseaux sur toutes les riuieres de France pour resister aux Normands. Aquitaniens font la guerre en Espagne. Et leur ruse pour surprendre les Sarrazins, qui furent desconfits. Pepin Roy d'Italie fait trefues avec Nicetas. Paul Diacre recueillit la vie des Saincts, fort aymé de Charlemaigne. Vvitskind Sesne, est tué.*



P R E s cela, l'Empereur donna congé à Pepin de retourner en Italie, comme à Louis en Aquitaine: & retint Charles près de soy, ainsi que de coustume. Quant à l'Empereur, au sortir de Thionuille, il vint par la Mozelle & le Rhin, hyuerner à Nîmeghe, qui est en Badua. Mais cependant, Charles fils aîné fut enuoyé contre les Sarrabes habitans sur l'Elbe: La terre des Sclaues, fut couruë, Miledune leur Duc tué: puis le Prince Charles fit bastir deux Chasteaux, l'un sur le riage de Sala: (possible Ysala branche de Rhin) & l'autre sur l'Elbe. Ce fait il vint trouuer son pere à Silly, qui est sur la Mozelle. Le mesme Prince Charles fut encores r'enuoié en Bohesme, avec vne armee composee de Bauarrois, Alemands, & Bourguignons, laquelle gasta vne grande partie du païs, & retourna sans grande perte des nostres. Pepin aussi enuoya en Corse vne armee de mer contre les Maures; qui n'attendirent pas nos gens. Et toutesfois Hademar gouverneur de Gennes combattant contre eux mal à propos, fut tué. Mais Louis Roy d'Aquitaine, estant le Careme retourné en son païs (ainsi que dit est) mit aux champs vne armee pour faire quelque conqueste en Espagne: & vint en Barcelonne: puis à Taragonne: donnant la chasse à tout ce qu'il recontra. Il prist bon nombre de prisonniers, & mit au feu & à l'espee tous les villages & hommes des chasteaux qui sont iusques à Tortose: puis voyant que ses ennemis ne luy faisoient point de resistance, separa son armee en deux, & retenant la plus grande partie & plus pesamment armee, il bailla l'autre armee à la legere au Comte Aymart, Ifambart, Bera & Borel, pour gaigner le haut païs des monraignes: à fin qu'ayant passé la riuere d'Ebro ils rencontraient en teste ceux qui fuy-

Z Z Z

*L'an de* roient deuant: ou à tout le moins, par leur soudaine venue, ils effroyassent le  
*Iesus* pays qui ne s'en doutoit. Cependant, le gros de l'armee Françoisse tira droit & à  
*Christ.* Tortose, & les François gaignerent le haut des môraignes, marchâs seulement  
 de nuit: & tant qu'au septiesme iour ils se trouuerent sur la riuere d'Ebro, &  
 Tinga: qu'ils passerent sans estre aperceuz, iusques à vn village nommé *Vila Rubea*  
 qu'ils prirent avec grand butin trouué dedâs: comme sur gens qui ne se fussent  
 iamais doutez de telle entreprise. Aucuns de ceux du village fuyans donnerent  
 vne bien chaude alarme par tout le pays; tellement que les Sarrazins Maures, pas-  
 semblerent pour attendre les François au pas d'une vallee nommée *Vallis banna* (il y a  
 en Bearn vne vallee nommée *Vallis Hanna*, & Auzone fait mention d'un lieu nommé  
*Valebana*, où vn Paon deuint Paonnesse) fort profonde, & de tous costez clausé  
 de rochers & precipices; dans laquelle si par la grace de Dieu ils ne se fussent  
 gardés d'entrer, il n'en fut iamais eschappé vn seul: pource que sans aucun dan-  
 ger, les ennemis les eussent deffaits ou arrestez prisonniers seulement à coups  
 de pierres. Mais cependant que les Maures sont empeschez à garder le pas, les  
 Aquitannois trouuerent vn autre chemin plus large & commode: de maniere  
 que les Maures & Basques qui les cuidoient tenir enclos, se trouuerent derrie-  
 re eux: & croyans que la diligence dont nos gens vsoient procedast de frayeur,  
 ils les suiurent. Lors nos François laissant le butin en seureté, quand ils se vi-  
 rent aduantagez des lieux, tournerent visage aux Sarrazins, qu'ils mirent en  
 fuite; apres en auoir tué plusieurs: puis retournerent à leur bagage, lequel avec  
 le butin nouuellement gagné, ils cōduirent à sauueré: & vindrent trouuer leur  
 Roy, vingtiours apres qu'ils se furent departis de la grande armee.

Ainsi le Roy Louys retourna en Aquitaine victorieux, & ayant gasté le pays  
 ennemy sans grande perte des siens: & les Nauarrois & ceux de Pampelune,  
 qui les annees passées s'estoient retournez du costé des Sarrazins (ce dit la vie  
 de Charles) reuindrent à l'obeissance de l'Empereur.

Au mesme temps, Nicetas Patrice, que Nicéphore Empereur d'Orient en-  
 uoyoit avec vne armee appaiser les troubles d'Esclauonnie; arriva sur la mer  
 Adriatique, faisant retourner tout le pays voisin en l'obeissance des Grecs,  
 aussi legerement qu'ils l'auoient laissée. Mesmes ce Capitaine Grec receu à Ve-  
 nise, pria les habitans de reprendre les Ducs par eux chassés: la dessus Beat Duc  
 fut enuoyé en Constantinople, dire leurs raisons & excuses pour ce fait. Mais  
 Fortunat se retira en France, & le Roy Pepin, combien qu'il eut desir de l'ai-  
 der, afin de sauuer son honneur & dignité Royale: & entretenir ses alliez en  
 son amitié, en leur gardant la foy, ne bougea pour ceste annee. Car Nicetas  
 ne faisoit aucun acte d'ennemy des François: Les Ambassadeurs desquels ve-  
 nans de Perse, il laissa passer au trauers de son armee, & desambarquer au port  
 de Treuis pour venir trouuer l'Empereur Charlemagne qui hiuernoit à Aix:  
 où aussi il fit le Noel de l'an huit cents sept, sous lequel les Annalistes  
 remarquent, que s'estant fait vne Ecclipsé de Lune au mois de Septembre  
 precedent, que le Soleil estoit en la septiesme partie de la Vierge, & la Lune en  
 la sixiesme des poissons. Ceste annee, le dernier iour de Ianuier, on vid  
 l'Estaille de Iuppiter passer au trauers de la Lune qui estoit en son qua-

rième iour. Et l'vnziesme Feurier, il y eut Ecclypse de Soleil à midy: étant le Soleil & la Lune en la vingtcinquiesme partie du Verseau, & encores le vingt & six dudit mois, il y eut Eclipse de Lune: aussi il apparut au Ciel des batailles de feu de merueilleuse grandeur, étant le Soleil en l'onziesme partie de la Vierge: & le dixsept de Mars l'Estaille de Mercure fut veüe au dessus du Soleil, comme vne petite tache. L'auteur dit, qu'il la contempla huit heures, sans qu'il peust voir quand elle entra ou sortit, à cause des nuees qui l'empeschèrent. Plus, le vingt & vn d'Aoust, il y eut Eclipse de Lune à trois heures de nuict, le Soleil étant en la troisieme partie de la Vierge, & la Lune en la cinquiesme des Poissons. Ainsi, depuis le precedent mois de Septembre, iusques à celuy de ceste presente annee, il y eut trois Eclipses de Lune, & vne de Soleil: qui sont des obseruations Astronomiques, non inutiles, & que les Annalistes ne doiuent oublier pour la memoire & conseruation d'une si grande science.

*L'an de  
l'es  
Christ.*

Cependant, l'Ambassadeur de Perse nommé Abdala, arriua en Cour, accompagné de deux moines de Hierusalem; à sçauoir George Abbé du mont d'Oliuet natif de Germanie, & qui en son propre nom s'appelloit Angelbold, & l'autre nommé Felix. Car Ratbod enuoyé par l'Empereur quatre ans au precedent, estoit mort en chemin: mais Thomas Patriarche de Hierusalem enuoyoit ces moines vers l'Empereur François afin d'accompagner l'Ambassadeur Persien: les presens duquel furent tresmagnifiques. Car il y auoit vn pauillon avec son auant logis, de grandeur incroyable, fait de soye de diuerfes couleurs; & le cordage tout de mesme. Outre cela plusieurs manteaux de draps de soye bien precieux: des senteurs, baulmes & vnguens, vn horloge de cuire industrieusement faite. Sa montre estoit partie en douze, avec autant de boules: lesquelles venans à tomber dans vn timbre, aduertissoient quelle heure il estoit: Encores y auoit-il douze Cheualiers, qui les heures sonnees sortoient pardouze fenestres lesquelles ils fermoient en les poussant: avec plusieurs choses que l'auteur (duquel j'ay pris cecy) dit auoir esté audit Horloge, trop longues à reciter. Il presenta aussi deux Chandeliers (la Chronique de S. Denis dit deux Cheualiers) de mesme matiere; de grandeur & hauteur incroyable, plus excellents pour l'ourage que pour la matiere: que l'Empereur prit grád plaisir de voir pour leur nouueauté; & principalement l'Horloge: retenât pour vn temps les Ambassadeurs, qu'il r'enuoia par l'Italie attendre le téps pour retourner en leur pays par la mer, qui estoit lors mal seure, à cause des Corsaires Maures: lesquels plus joyeux d'auoir tué le Comte de Gennes, qu'abaissés par leur derniere deffaite, auoient remis sus vne autre armee: dont Pepin aduerty, en fit aussi équiper vne, sous la charge de Bouchart Comte de l'Estable; qui par son commandement l'a mena en Corse, où les Maures faisoient tous les ans coustume de descendre & la courre, comme ils s'attendoient encores faire ceste annee, estants sortis d'Espagne à ceste intention. Toutesfois portez en Sardaigne par la violence du vent, il descendirent en terre où ils trouuerent les habitans prests à les empeschier de fourrager leur pays.

ZZZ ij

L'an de  
Iesus  
Christ.

Les Maures leur présenterent la bataille, que les Sardes soustindrent de grand courage, & en eurent la victoire: ayant sur le champ tué trois mil Sarrazins, & tellement poursuivy ceux qui fuyoient vers leurs Nauires, qu'ils en tuerent encores autant de ceux qui s'entrepressoient pour les premiers y entrer.

Iale Comte Bouchard estoit arriué en Corse, où les Sarrazins l'allerent chercher: s'atendans que ce grand Escuyer mieux appris à manier des cheuaux, & ses François plus duits aux faits d'armes de terre, n'auroient meilleure yssue que le Comte de Gênes par eux tué: là où eux, depuis cent ans s'estoient rendus seigneurs de la mer, & les François n'auoient osé assaillir pas vne seule Isle de l'Océan. Toutesfois Bouchard assuré de la vaillance & courage des siens, & encores aydé du calme qui fit, que ses gens accoustumez aux combats arrestez: apres auoir abordé les Maures ennemis, & iceux approchez avec les mains de fer, rendirent ce combat de Naual comme terrestre: voire & d'autant qu'ils estoient plus assurez à ceux de main, ils osoient bien accrocher deux vaisseaux Sarrazins à vn des leur quand il estoit besoin, & combattre aux deux bords de leurs vaisseaux. De maniere que par leur vaillance ils esgallerent la multitude de leurs ennemis, lesquels voyans le carnage qui se faisoit de leurs gens, apres auoir perdu treize Galeres, quitterent la bataille, monstrans combien leur Chorme estoit bonne pour les sauuer: car les Nauires Maures estoient plus legeres, leurs Chormes meilleures, & leurs Patrons plus experimentez. Les auteurs n'ont point dict le nombre des Nauires combatans, ains seulement des perdus du costé de l'ennemy. Car il ne s'en trouua vne seule du costé des François, qui de ce iour demourerent maistres de ceste mer, où les Maures souloient commander comme les plus forts.

En mesme temps Louis Roy d'Aquitaine ayant mis sus vne grosse armee, festoit apresté pour entrer en Espagne: quand sur le poinct qu'il voulut partir il luy fut deffendu d'y aller en personne. Car en mesme temps, l'Empereur auoit commandé d'assembler tous les vaisseaux des ports de France, & de l'Empire, pour resister aux Normands, qui sembloient menasser le pays: festans les Normands peu auparauint meslez avec des Danois, pour courre Saxe, Frize, & l'Angleterre. Et pource il auoit enjoinct à son fils de faire bastir des vaisseaux sur les riuieres de Rosne, Garonne, Silide, qui passe par Angoulmois (que ie croy estre la Charante:) De maniere que Louis demoura en son pays: & Ingobert commissaire de l'Empereur, eut charge de mener l'armee d'Aquitaine (ja preste) avec laquelle il passa iusques à Barcelonne, où les Capitaines aduiserent ensemble de surprendre les Sarrazins, par vne habilité qui fut telle.

Ils firent faire des vaisseaux qui se pouuoient partir en quatre: & vn se charger sur deux sommiers, ou mulets, pour au besoin estre rassemblez: à ceste fin ayant porté, poix, cire, estoupes, & tout ce qu'il couient pour assembler, & jeter les vaisseaux sur l'eau. La plus grande partie de l'armee conduite par Ingobert, fut enuoyee vers Tortose amuser les ennemis: & ceux qui furét deputez pour sayder des basteaux, conduits par Aymar, Bera, & autres, marcherent par trois iours dans les montagnes, sans Pauillons & esquipage, ayans le Ciel pour toute couuerture: mesmes ils n'osoient faire du feu, crainte d'estre des-

couverts de nuit par la flambe, & de iour par la fumée : & se cachant le iour <sup>L'an de</sup> tant qu'ils pouuoient, de nuit à grand malaise, marcherent par les bois & <sup>Iesus</sup> montaignes, iusques au quatriesme iour : qu'arriuez sur la riuere d'Ebro, ils <sup>Christ</sup> rassemblèrent leurs bateaux pour passer les hommes, qui tenoient par la bride de leurs cheuaux nageans.

Ia ils auoient conduict leur entreprise heureusement, quand par vn inconuenient aydé par le subtil iugement d'vn homme, ils furent descouverts. Abundum Duc ou Amiraz de Tortose, aduerti de la venue des François, & comme ils s'attendoient d'entrer en son pais, ayant assemblé ses forces, les auoit estendues sur ladite riuere : & ne se doutant point que ses ennemis eussent moyen de la trauerser au dessus, tant à cause de la difficulté des chemins, que pour n'estre la riuere gueable en ces endroits. Mais d'auenture vn Maure de sa compagnie s'allant baigner apperceut que le cours de l'eau trainoit à val de la fiente de cheuaux. Lors (comme les Maures sont gens subtils & imaginatifs) il luy prist enuie de sçauoir que c'estoit, & l'alla querre, puis l'approchant de son nez, il iugea que c'estoit fiente de cheual, & de ce pas l'alla porter à ses compagnons, les aduertissant de se tenir sur leurs gardes : & que ce n'estoient fumées ne repaires ou fientes d'Asnes sauuages, n'y d'animal qui eut coustume de paistre ou brouter, ains de Cheuaux ou Mulets : puis qu'ils pouuoient y voir des grains d'orge & d'auoine tous entiers. Sur l'aduis de celuy-cy, l'on fit monter à cheual deux Maures, pour descouurer si les François estoient passez. Et ceux-cy n'eurent gueres cheminé, qu'ils les rencontrèrent ja tous passez. A ceste cause, ces coureurs retournerent tout court, apres auoir descouuert ce qu'ils desiroient voir, donnant tel effroy aux Maures, qu'ils abandonnerent leur camp : & les François approcherent si pres d'eux, qu'entrant dans les logis ennemis, ils trouuerent leurs tantes & Pauillons encores dressez : où ils se tindrent tous aises de leurs biens abandonnez. Cependant Abundum reuenu de sa frayeur, considerant la faute qu'il auoit faite, d'auoir abandonné son Camp, ramassa ses forces, & le lendemain scachant bien au vray qu'il n'y auoit que partie de l'armée Française, leur vint presenter la bataille, en intention de courir la honte que le iour precedent il auoit receüe. Mais les François (combien qu'ils fussent peu) ne refuserent le choq, ains combatarent si courageusement, qu'ils emporterent la victoire sur leurs ennemis : lesquels doublerent leur honte, au lieu de la courir : fuyants bien vilainement, poursuyuis iusques au soir; que les nostres las de tuer, de prendre des prisonniers, & de butiner, cessèrent de courre apres, pour retourner au grand camp laissé à Tortose.

Cet exploit, & les deux autres prochainement escrits, & ceux qui suivent, ont esté mis par moy sous les années que les trouuerez plus à l'auenture qu'à la verité : n'ayant l'auteur de la vie de Louys le Debonnaire, certainement cotté le temps que cela est aduenü, de sorte qu'il m'a fallu le deuiner. Ainsi toute ceste année, les Maures ne firent que perdre : ce que plusieurs attribuerent à punition diuine : pource que l'an precedent, passant les Pirates Sarrazins par l'Isle Patelaire (ily a vne Isle

*L'an de* entre Sicile & Thunis, qui s'appelle Pantalaree, qu'on pensé estre la Pacomia  
*lesus* des Anciens; & Leon Pape en les epistres à Charlemaigne nomme Pecontia,  
*Christ.* ou Patalaria) ils auoient pris soixante moines, qu'ils vendirent en Espagne: aucuns desquels l'Empereur fit racheter, & depuis renuoyer en leurs monasteres.

Au mesme an, Pepin Roy d'Italie (quiauoit delibéré d'assaillir Nicette Patrice descendu à Venise) fit trénes avec luy iusques au mois d'Aoust. Et ceste année Charlemaigne commanda à Paul Vvarnefrid Lombard de nation, & Pierre d'Aquilée, de recueillir les vies des Saints, qui depuis ont esté leuës aux Eglises les iours de leurs festes. Ce Paul auoit esté pris à la conqueste de Lombardie: & pour la noblesse de sa maison & son excellente doctrine, fut retenu au seruice du Roy François: mais depuis, accusé d'auoir sollicité le Roy Disier de sortir de la prison par les moyens qu'il luy ouuroit, le Conseil de France fut d'aduis de luy faire couper le col, ou en quelque sorte le faire mourir. Mais Charlemaigne demanda à ceux-là, qui composeroit son histoire, si Paul n'estoit plus? Et comme ils eurent respondu qu'il luy falloit donques couper la main dextre, le Roy repliqua, & de quelle autre la pourroit-on escrire, si Paul perd la sienne? Ce fut pourquoy il fut confiné en vne Isle, ainsi qu'il se trouue par escrit en l'histoire des hommes illustres de l'ordre de Saint Benoit: auquel ce Paul entra sur la fin de ses iours, avec si grande faueur de l'Empereur, que bien souuent il luy escriuoit de sa propre main. Le mesme autheur duquel j'ay pris cecy dit, que l'histoire de Paul que nous auons, n'est qu'un abbrege de celle qu'il composa: & laquelle de son temps se trouuoit entiere par les Biblioteques. Qui est vne grande perte pour la connoissance du temps: mais encor plus d'auoir perdu l'exemple des Princes aussi amoureux des gens lettrez, que fut Charlemaigne de ceux qui lors vnoient.

Ceste année Vvitikind-Sefne, fut tué par Gerold Duc de Suaube, & eut pour successeur Vvipert son fils, ce dit la Chronique de Saxe: qui peut estre Robert, le vaillant Marquis d'Aniou: duquel sera parlé cy apres. Et qui fut pere des Rois Eude & de Robert pere de Hugues le Grand: le nom de Vvipert s'estant facilement changé en Robert, par ceux qui n'entendoient la prononciation Saxonne. Toutesfois les genealogies de la maison de Saxe, donnent d'autres successeurs à Vvitikind.



## CHAP. XIII.

Godefroy Duc de Dannemarck fait prendre vn Duc des Abodrites. Rend suiets les deux tiers de ceste nation. Destruit Reric abord de toutes marchandises. Fait vne leuée de terre entre son pays & les limites de France. Ardulf Roy des Nordalbinges d'Angleterre chassé de son pays, est remis en son Royaume de l'autorité de l'Empereur, & du Pape. Lideric de Flandres meurt. Laisse Engerran pour successeur : qui changea ses armes pour prendre celles de sa mere, qu'aujourd'hui les Comtes de Flandres portent encores. D'où elles sont venues. Louys Roy d'Aquitaine passe en Espagne. Pepin Roy d'Italie gaigne vne bataille nauale sur les Grecs, qui auoyent pris Plombin : prennent Calarj principale ville de Sardaigne. Godefroy Roy de Dannemarck demande à parlementer à Traciscon, Duc des Abodrites. Court le pays des Vultizes. Mort de Felix Aureol Comte de la frontiere d'Espagne. Sarraxins courent Sardaigne & Corse. Concille de France ne veut rien conclurre sur la proceßion du S. Esprit : & attend plus grande assemblée. Traciscon tué en trahison à Reric. Charlemagne fait bastir la ville d'Essefelt, sur la riuere de Sturie. Auber Comte, Lieutenant du Roy Louys, assiege Huesca sans effect.



L'HIVER de ceste année, fut tref-moite & pestilencieux : ce fut pourquoy le Roy (qui auoit fait les festes de Noel de l'an huit cens huit, à Aix) partit de là, 808. pour venir passer le Carefme à Nimeghe, & y faire Pasques, lesquelles claufes, il reuint à Aix, ayant entendu que Godefroy Roy de Dannemarck, auoit fait passer son armée en Germanie, pour guerroyer les Abodrites : Car lors, Charles fils de l'Empereur, fut enuoyé avec bon nombre de François & Sefnes, camper sur la riuere d'Elbe, pour resister à la folle entreprise de ce Roy, s'il vouloit entrer dans Saxe. Mais Godefroy vint camper sur le bord de la mer : & ayant fait assaillir aucuns chasteaux des Sclaves, il les prit avec grand dommage des siens : & iacoit qu'il eut chassé de son pays Traciscon Duc des Abodrites (qui ne s'osoit assenrer des siens) il fit pendre Godelaire, l'autre Duc des Abodrites, par luy subtilement pris : & rendit tributaires les deux parts de ce peuple, où il perdit les plus hardis & vaillants qu'il eut, & entr'autres vn fils de son frere, nommé Regnault, tué au siege d'un chasteau, avec les principaux Seigneurs Danois. Ce qui fut cause (avec la venue de l'armée François) de le faire retirer. Krants dit, qu'il y eut bataille entre Charles & Godefroy, de laquelle tous deux estimerent auoir l'honneur : qui fait soupçonner quelque

*L'an de  
Jesui  
Christ.* grande deffai&te de part & d'autre. Toutesfois il est certain par nos anciens Chroniqueurs, que Charles ayant fait passer l'Elbe à son armée, sur vn pont qu'il y fit dresser, vint guerroyer les Linons ou Hillinons & Semeldingues, tournez du party de Godefroy. Et apres auoir gasté leur pays, repassant la riuere sur le mesme pont, retourna victorieux en Saxe.

En ceste guerre, les Sclaues, qu'on appelle Viltzes, volontairement accompagnerent le Roy de Dannemarck, seulement pour l'ancienne inimitié qu'ils portoient aux Abodrites: & quand il retourna en son Royaume, ceux-ci chargez du butin gaigné sur les Abodrites, semblablement reprirent le chemin de leurs maisons. Quant au Roy Godefroy, auant que de partir, il fit abatre vn lieu nommé Reric en sa langue, où il auoit grand abord de nauires, & foire de toutes marchandises: qu'il fit transporter autre part: avec grande cōmodité des habitans de son Royaume, & de luy mesme, pour le peage & Gabelle qui se leuoient: & demarant de là, il vint en vn lieu nommé Slietstorf ou Slietcault où il s'arresta aucuns iours pour designer vne leuée sur la frontiere de son Royaume, à l'endroit opolite de Saxe, deuers la mer qui regarde le Soleil leuāt nommé Osterzelt, iusques à l'Ocean Occidental, & la riuere Egidore, couurant aussi le riage de Septentrion, d'vn rempart auquel il ne laissa qu'vne porte, pour l'entrée & l'issue des chariots, & gens de cheual: pui ayant diuisé l'oufrage entre les Capitaines pour l'acheuer, il se retira en son pays.

En ce temps, l'Isle d'Angleterre estoit gouuernée par quatre Rois portans tiltre de Rois de Merx, de Vvest Saxons, de Kentz, & Nordanumbres; que nos anciennes Chroniques appellent aussi Nordalbingues, où lors vn nommé Eardulf commandoit. Lequel chassé de son Royaume & terre, vint trouuer l'Empereur qui estoit à Nimeghe, & luy declara les causes de sa venuë: puis de la fut à Rome vers le Pape: qui l'ayant honorablement receu, le rénuoya accompagné d'Andulf Diacre, Saxon d'Angleterre, son Ambassadeur: lequel avec Rothard Abbé de S. Omer, le reſtablirent en son Royaume. Par où l'on cognoist, que l'Empereur auoit ja quelque autorité & puissance audict pays: estant (ainsi qu'il est croyable) la qualité d'Empereur encores respectée par les Anglois. Et toutesfois, ie n'ay point trouué que Charlemaigne ait esté en personne en Angleterre: trop bien lit-on en Pierre d'Auxerre, que les Rois d'Escoſſe l'appelloient le Seigneur: comme il apparoit par les lettres encores communes du temps dudit Auteur: & que l'Empereur leur escriuoit: & les Escoſſois se vantent d'estre nos alliez dès ce temps-là; & quel l'Empereur leur dressa des Hospitiaux & Monasteres pour les retirer en particulier, passant ou demeurant en France & l'Allemagne. Voire plusieurs de ces Hospitiaux, sont demeurez en Germanie. Ceste mesme année, l'Empereur fit par ses Lieutenants bastir deux chasteaux sur la riuere d'Elbe pour y mettre garnison, puis vint passer l'hyuer à Aix.

Cependant la guerre recommence en Italie entre les Grecs & François: car si tost que les Tresues furent expirées, Nicete s'approcha d'Esclaunnie, puis de Venize, & sur le cōmencemēt de l'hyuer enuoya vne partie de ses vaisseaux vers Comacle. Pepin qui en fut aduertit, alla au deuant pour le combat-

tre:

tre : & Sigoigne assure qu'il y eut bataille , mais lon ne sçait à la verité qui en eut la victoire : pour ce que les Venitiens disent que ce fut Paul , & les François , Pepin : ce qui faict penser qu'il y eut grand meurtre de gens. Si est-ce que le mesme Autheur dit que l'annee prochaine , ils parlerent d'appoinctement.

L'an de  
Jesus  
Christ.

Lideric de Harlebec mourut lors : & laissa d'Ermengard de Roussillon sa femme , vn fils nommé Angilran : lequel à la fuscitation des parens de sa mere changea le Blazon de ses armes ( iadis d'or à trois faces ou lambeaux d'azur. Meier dit (*in Parma aurea tria segmenta*) pour porter d'argent au Lyon de sable, c'est à dire noir : armes retenues par les Comtes de Flandres , iusques auourd'huy. Toutesfois i'ay dit vne ou deux fois , que ie doute si les Seigneurs de ce temps-là auoient des armoiries hereditaires , & certaines pour leurs hoirs. Car ie croy bien , que les gens de guerre portoient des deuises & figures en leurs Escuz , aussi bien que les anciens Troyens , Grecs , & Latins : ainsi que nous lisons dans Homere & Virgille. Mais que telles deuises fussent tousiours portees par leurs heritiers , il est malaisé de le prouuer : c'est pourquoy , ie vous renuoye à ce que i'en ay dit en mon recueil d'Origines , au Chapitre des Armoiries. Cest Angilran fut forestier de Flandres , & de son temps viuoit Adelgart Abbé de Corbie sur Somme , natif de Vscia pres Audenarde , lequel avec Bernard Eueque de Vvormes , fut enuoyé à Rome vers le Pape Leon , pour en vn Concile , arrester le differend de la procession du S. Esprit.

La mesme annee , Louis Roy d'Aquitaine fasché que les siens n'eussent fait plus grand exploict l'an passé , delibera d'aller assieger Tortoze en personne , luyuy d'Heribert , Quitard , & Izambert Comtes , & d'vne forte compagnie de François ; il passa les Monts Pyrenees garny de tout ce qui appartenoit au siege d'vne si puissante ville : deuant laquelle ayant arresté son camp ; il fit dresser les engins , lors nommez Beliers ( & sont ceux qu'en l'artillerie lon appelle Foutouiers ) Magonneaux , ( c'estoient engins qui iettoient grosses pierres pour accabler les toicts des maisons ) Mantelets , & autres instruments de guerre , pour approcher les murailles à couuert , afin de les battre ou sapper.

La diligence des François fut si grande aux approches & batteries , que les assiegez perdans toute esperance de pouuoir resister à telle violence , ou d'estre deliurez , apporterent les clefs de la ville , quarante iours apres le siege : non sans estonner grandement les Maures , craignans que à l'exemple de ceste ville ( estimee tres forte ) les autres moindres ne fissent le semblable. Ce neantmoins , le Roy Louis ne passa outre ; ains retourna en son pays : & luy-mesme vint apporter les clefs de Tortoze à son pere qui arresté à Aix , y passa l'hyuer , & y fit aussi le Noel de l'an huit cens neuf.

809.

Le premier exploict de ceste annee , fut la guerre de Venise , de laquelle i'ay cy-dessus parlé , selon l'aduis de Sigoigne : encores que nos François la content autrement , & Pierre d'Auxerre nommément dise , qu'elle commença le huitiesme an del'Empire de Charlemaigne. Les François sembloient inuincibles par terre , comme les Grecs cuidoient estre plus forts par mer , Histric , le

AAA A

*L'an de  
Jesu  
Christ.* Frioul & ce qui est de Dalmatie vers la terre ferme, estoit ia en l'obeyssance des François auant qu'ils perdissent la coste de ceste mer : & l'Empereur Nicéphore pour arrester l'equipage naual des François, auoit enuoyé Paul Patrice avec partie de ses Galleres, saisir la coste de Dalmatie : cependant que Paul gouuerneur de Chefalenie, avec le reste de l'armee nauale, composée de Grecs nommez Orobiotes ( ie croy Mangegrain ) vient en la mer de Rome, prendre terre en Toscane : où tout incontinent il assailit la ville de Plombain, qui ne s'en donnoit garde : & laquelle il eut plustost prise, pillée & brulée, que les galeres de Genes & d'Ampuries ne fussent arriuees au secours.

Durant cela, Pepin estoit allé par terre à Rauenne, assembler au port de Comacle les vaisseaux qu'il auoit en la mer Adriatique. Mais Nicette voulant plustost assaillir qu'endurer d'estre chassé, s'estant venu presenter deuant Comacle, se trouua si rudement assailly, que tout besoin luy fut de se sauuer en Dalmatie, pour garder ceste coste de mer : cependant que les Venitiens amis des deux parties, s'efforçoient de mettre paix entre les Empires : & dont ils n'obtinrent rien, fors que la malle-grace de Pepin, qui disoit que sous couleur de la paix ils auoient aydé de viures & d'argent ses ennemis. Avec ce que Paul traictant sans l'aduis d'Obeler & Beat Ducs de Venise, s'apperceut qu'on luy dressoit quelque embusche, & fut contrainct de se retirer.

D'autre costé les Sarrazins d'Espagne descendirent en Sardaigne : & le proprioir de Pasques, prirent Alara, ie croy Calary, principale del'Isle : de laquelle ils transporterent tous les habitans fors l'Euesque, & quelques vieilles gens.

Enuiron ce temps, les Ambassadeurs du Pape & de l'Empereur ; retournans d'Angleterre : apres auoir mis en possession de son Royaume Eardulf, repasserent la mer seurement, fors Eardulf qui fut pris des pirates, & mené en Bretraigne : où Cornulfl vn des gens du Roy le racheta.

Lors Godefroy Roy de Dannemarx, par le moyen d'aucuns marchands, fit sçauoir à l'Empereur qu'il auoit entendu le mescontentement que sa Majesté auoit de ce qu'il estoit entré au païs des Abodrites ; dont il vouloit s'en purger : & monstrier que c'estoit eux qui les premiers auoient rompu les trefues : & que ce qu'il auoit fait, n'estoit que pour represailles. A ceste cause il demandoit qu'il luy pleut deputer aucuns de ses Comtes & Commissaires, pour ensemble conferer en quelque lieu, sur les limites de son Royaume ; & la riuiera d'Elbe : afin d'amender, s'il estoit possible, ce qui se trouueroit auoir esté mal-fait. Car il craignoit d'estre assailly par l'Empereur, lequel ne refusa point ce Parlement : tenu delà l'Elbe, en vn lieu nommé Melard ou Bardeuf : toutesfois sans conclusion.

Or combien que Tracifcon pour contraincte eut baillé son fils au Roy de Dannemarx, il enuoya demander secours à l'Empereur : qui l'ayda de Sesnes, avec lesquels ce Duc courant sus aux Viltzes, gasta leur terre : la mettant toute à feu & à sang : puis retourna en son pays avec grand butin. Et encores ayant derechef assemblé plus grandes forces, il print vne

bonne ville de Smeldingues , par ses victoires contraignant ceux qui se-  
stoient departis de l'alliance de l'Empereur , d'y reuenir & r'entrer en son  
obeyssance. L'an de  
Iesus  
Christ.

Auquel temps mourut le Comte Aureol , du lignage de Felix Aureol,  
Comte de Perigueux, duquel i'ay cy-dessus parlé. Ce Comte demouroit aux  
confins d'Espagne , outre les Monts Pyrenees , pres Huesca & Sarragoce. Les  
places & Chasteaux duquel Amoros prist, & y mit garnison: mandant à l'Em-  
pereur qui estoit à Aix , où il faisoit sa feste de Noel del'an hui& cens dix, 810.  
que toutes ses terres & pays estoient à son commandement : & qu'à ceste fin  
il luy pleust mander aux Comtes de la frontiere d'Espagne, qu'ils eussent à par-  
lementer avec luy: ce que l'Empereur accorda, mais pour plusieurs causes qui  
suruindrent, cela demeura imparfait. Car les Maures ramassez de toute l'Es-  
pagne, firent vne grande armee de mer; avec laquelle ils descendirent pre-  
mierement en Sardaigne, puis en Corse: qu'ils mirent presque toute en leur  
obeyssance, pour ce qu'ils n'y trouuerent point de garnison.

Durant cela, & l'an precedent, l'Empereur au retour de la chasse d'Ardan-  
ne, auoit au mois de Nouembre assemblé vn Concile pour disputer de la  
procession du saint Esprit, sçauoir s'il procedoit aussi bien du Fils que du Pe-  
re. Ceste question (disent les Annalles du temps) fut premierement meüe  
en Ierusalem, par vn Moine nommé Iean: pour vuidet & deffinir laquelle,  
le Roy enuoya à Rome Bernard Euesque de Vvormes & Adallier Abbé de  
Corbie susdit. Adon Archeuesque de Vienne allegue vn passage del' Apoca-  
lipse pour iuger ce differend. Et l'Ange monstra vne riuere claire comme cri-  
stal, procedant du siege de Dieu & del' Agneau, qui luy semble assez fort: &  
ie le mets pour monstrier comme lon interpretoit en ce temps là, les passages  
del'escriture: car ne doutez que cét autheur ne l'allegue que pour bien receu.  
Lon disputa aussi del' estat de l'Eglise, de la vie, façon de viure, & conuer-  
sation de ceux qui sont appelez au seruice de Dieu. Il ne fut rien conclud: par-  
ce qu'il sembloit à plusieurs que la matiere estoit trop haute pour estre arre-  
stee par vn Concile prouincial.

En mesme saison l'Empereur aduertty de l'orgueil & vanterie de Godefroy  
Roy de Dannemark, delibera d'edifier vne ville ou chasteau outre la riuie-  
re d'Elbe, & y mettre garnison. A ceste fin ayant assemblé en France & Ger-  
manie vne armee, il fit preparer tous les instrumens & choses necessaires au  
bastiment: & les passer par Frize, & conduire au lieu destiné. Cependant il  
est aduertty que Tracise Duc des Abodrites auoit esté occis en trahison, en  
la foire de Reric: par les gens de Godefroy. Egbert Comte fut enuoyé outre  
la riuere d'Elbe, planter la ville destinee au Conseil de l'Empereur, & laquelle  
fut assise sur la riuere de Sturic, en vn lieu qui fut nommé Afelfelt: & l'execu-  
ta à l'aide des Sesnes voisins: commençant enuiron le quinziesme Mars de l'an  
hui& cens dix.

La mesme annee Louys Roy d'Aquitaine enuoya Herbert Comte & Com-  
missaire, assieger Huesca ville d'Espagne. Cestui-cy d'arriuee mit en suite ou  
fit prisonniers tous ceux qu'il rencontra: mais pendant que son armee de-

AAAA ij

*L'An de* meure deuant ladite ville, aucuns ieunes Gentils-hommes s'approchans des  
*Iesue* murailles agacerent premierement d'iniures les assiegez, puis lancerent contre  
*Christ.* eux leurs lauelots. La garnison quiles vit en si petit nombre, tout soudain ouure les portes, & leur courut sus: pensans les surprendre. Mais quand le guet du camp suruint, ceux de la ville se retirerent, avec perte de costé & d'autre: & ledit Comte apres auoir gasté le païs d'enuiron sans autre effect, quelque temps après fut contraint leuer le siege & venir trouuer le Roi Louis qui chassoit enuiron la fin d'Autonne.

## CHAP. XV.

*Assiete & description de Venise. Pepin prend les petites villes d'alentour le Lac, & Malamau siege Ducal. Contrainct se retirer apres la bataille navale. Siege Ducal transporté à Rialte, & l'Euesque à Oliuola: iettant les premiers fondemens du Palais de Venise. Rotrud fille de Charlemagne fiancée à l'Empereur de Grece meurt. Godefroy fait une armee de deux cens vaisseaux. Leue tribut des Frizons. Charlemagne mene une armee contre Godefroy: qui est tué par son fils. Pepin Roy d'Italie mort à Raouenne. Charlemagne fait paix avec les Grecs, & Sarrazins d'Espagne. Louys Roy d'Aquitaine chastie les Basques. Va en Espagne. Donne ordre à Pampelune. Deux Eclipses de Soleil & deux de Lune, en moins de sept mois. Paix faicte avec Heming successeur du Roy Godefroy de Dannemark.*



LE Roy Pepin courroucé de l'infidelité des Ducs de Venise, qui s'entendoient plus avec les Grecs, qu'avec les François, s'appresta pour leur faire la guerre: & si vous croyez les nostres, mir la ville & les Ducs en son obeissance: & puis enuoya son armee de mer piller les ports de Dalmatie, mais ses Capitaines ayants senty que Paul gouverneur de Chefalenie venoit avec son armee secourir les Dalmates, ils se retirerent aux ports de l'obeissance des François.

Toutes-fois, les auteurs Venitiens content l'affaire autrement: & disent que Pepin entreprist ceste guerre pour remettre en possession Obeler & Valentin chassiez par Beat, comme partisans de France. Or tout ainsi que l'appareil de ceste guerre fut grand, aussi en fut l'issuë memorable: car il est certain qu'elle apporta vn changement à l'estat de Venise. La grandeur de laquelle ville me donnera occasion d'en escrire l'assiete, & le commencement de sa peuplade. Dautant que maintesfois nous aurons occasion cy apres d'en parler, pour la grande participation que les habitans de ceste ville ont eu avec nos François, aux conquestes de Leuant.

La mer sortant d'entre les Isles del' Archipel venant à rencontrer de front <sup>L'an de</sup> Candie, & la Moree, volontiers s'estendrait librement entre l'Italie & l'Af- <sup>Iesus</sup> <sup>Christ.</sup> frique, n'estoit que l'une des poinctes ou langues de la Sicille semble contraindre la mer Ionique de se separer & fendre en deux bras, dont l'un & le plus fort, coule au long du bas d'Italie vers Rome, & jadis s'appelloit mer Thirene ou de dessous, & l'autre passant entre vne coste de Sicille, de la Calabre & l'Epire(c'est Albanie) vient s'engoulfer entre l'autre coste d'Italie & de l'Esclauonie. Lequel bras jadis s'appelloit mer de dessus ou Adriatique, à cause d'une ville de ce nom, assise en la coste d'Italie, & aujourd'huy porte le nom de Golphe de Venise, d'autant que ceste ville est la plus puissante de ladite mer. Ce Golphe dis-je, se trouue long d'environ deux cens cinquante lieues, iusques à ce que ladite mer ait affronté le pays de Frioul & la basse Lombardie, du costé de Padouë, Ferrare & Rauenne : où ses eaux comme lassées, se viennent à baisser, & perdre leur profondeur, dans les marets, vases & bourbiers, que la grande riuere de Po, & plusieurs autres qu'elle traine avec soy engendre : comme aussi les autres sortans des montagnes de Trente & de Frioul, cause en cet endroit. Ce marets ou estang, ainsi qu'on le voudra nommer, a la forme presque ronde; & contient de trauers huit ou neuf lieues. Du costé du Soleil leuant, y a vne leuee naturelle, soigneusement entretenue appelée *gli Argini* de neuf lieues de long, en façon d'arc, qui empesche que les tempestes de la mer poussent le sable dans la rondeur de ce marets : & toutes-fois, pour la commodité de la ville, la mesme leuee est ouuerte en cinq endroits : & à chacun d'iceux, il y a port pour l'aïssance des habitans, & l'entree des plus petits vaisseaux, & aussi pour tenir les marets plains d'eau à suffisance. Le premier de ces ports qui regarde le Septentrion est appelé trois ports : celui d'apres *Liso maior* (c'est à dire grand riuage) celui d'apres Saint Erasme. Puis celui des deux chasteaux : qui est pour toutes Nauires, Galleres & autres grands vaisseaux : & à cinq mil de là, est le dernier nommé *Malamanc.*

Ceste leuee & riuage; ainsi que j'ay dit, commence du costé du Leuant, tirant par le Midy en Occident : & du costé du Septentrion c'est terre ferme. En ce marets souloit auoir plusieurs Isles, les vnes pres, les autres loing : mais aujourd'huy celles qui estoient vers le milieu, sont presque ioinctes ensemble, faisant vn grand corps : comme si de petites villes sans murailles fussent assemblees; separees d'un grand Canal d'eau en façon de serpent, qui semble les diuiser par le milieu, comme les autres le sont de petits. Toutes lesquelles Isles aujourd'huy portent le nom de Venise, pour ce que ceux qui premierement les habitoient, s'appelloient Veneres du nom d'un peuple de Bretaigne Gauloise, où est Vennes : qui ayans accompagné les autres Gaulois quand Segouese & Belouese partirent de Gaule, l'an du monde trois mil trois cens cinquante : Et six cens treize ans auant la natiuité de nostre Seigneur Iesus-Christ, venans habiter l'Italie, eurent ce quartier pour leur partage : comme gens qui souloient aussi estre voisins de la mer, ainsi que j'ay dit au premier liure de ces Antiquitez & Annalles. Je sçay bien que d'autres soustiennent

*L'an de  
Iesus  
Christ.* que les Venetes sont venus de l'Asie Mineur, mais il y a bien autant d'auteurs d'une opinion que d'autre. Tant y a que Atila sortant de Hongrie pour entrer en Italie, apres auoir destruiſt la ville d'Aquillee, donna occasion de peupler dauantage ces Isles : Quatre cens cinquante deux ans apres la natiuité de nostre Seigneur; quand ceux du riuage de terre ferme, fuyans ce Roy barbare, & autres qui bien longuement trauaillerent ces quartiers, se vindrent ietter dans les Isles susdites, lors inhabitees fors de peſcheurs.

Or pour ce que ces refugiez en trouuerent vne plus esleuee que les autres, ils l'appellerent *Riale* ( c'est à dire haute riue ) sur laquelle on dit qu'ils habiterent premierement : & par succession de temps se renforcerent, & emplierent les autres ainsi que lon voit : où ils demourerent defendus de leur pauvreté, & la difficulté d'approcher des marest incogneuz aux estrangers. Car il n'y a point de murailles qui enuironnent la ville, ains seulement l'eau, regorgeant de la mer haute ou basse en diuers endroits, seulement pratiquez des habitans. De maniere que quand vn estranger y voudroit aborder, il n'en scauroit approcher avec de grands vaisseaux sans danger, ou la guide de ceux de la ville, qui est esloignee de deux lieues & demie de terre ferme, & lieue & demie de la chaussee naturelle.

Quant au gouuernement qu'elle a eu dès son commencement iusques au temps dont ie parle, i'en diray le sommaire apres Pierre Marcel auteur Venitien, afin de mieux entendre ceste guerre, & le changement qui pour cela aduint en ladite ville. Il dit donc que l'an quatre cens vingt & vn de nostre Seigneur, les refugiez d'enuiron sestants assemblez à *Riale*, comme en lieu plus commode, ietterent les fondemens d'une ville, pour s'y retirer en necessité, où ayans créé des Consuls, qui commandoient non seulement en ceste ville, mais encores aux Isles voisines, estants changez tous les ans: Quand les Lombards commencerent à les molester, sestans assemblez à *Heracle*, ils aduiferent de faire vn Duc : qui eut puissance d'assembler le conseil, & de choisir des Tribuns pour chacune Isle. Tellement que l'an six cens nonante sept vn bon preud'homme nommè *Paulace d'Heracle* fut créé, deux cès octâte deux ans apres la fondation de ladite ville : lequel regna 20. ans six mois. Apres luy fut Duc *Marcel d'Heracle*, qui regna neuf ans. A cestuy-cy succeda *Horlee l'Ours*, l'an sept cens vingt six, durant le regne duquel il y eut du trouble en son estat. Tellement que l'vnzième an de son Duché il fut tué des siens : cessant la forme de l'Estat Venitien pour six ans, durât lesquels y auoit vn maistre de la Militie qui fut nommè *Dominique Leon* : & apres luy *Felix Corneille*, & apres *Theodat* fils de l'Ours r'appellé de son exil, qui tint l'estat l'an suiuant, & apres luy *Iulian Cerapius*. Le cinquiesme an fut pourueu de l'estat *Zian Fabrice*, lequel auât l'an fut auéglé par le peuple. Et sur vn differéd d'entre les *Heraciens* & les *Insulaires*, ils retournerent à remettre sus le Ducat : creans *Theodat* fils de l'Ours, l'an sept cens quarante deux, lequel auéglé le trezième an de son Duché par vn nommè *Galla*, il fut chassé de son estat, l'an sept cens cinquante cinquiesme. *Galla* fait Duc, vntaussi meschamment, le



deuxiesme an d'icelle, il fut semblablement aueuglé & chassé: & Louis Monégar substitué. Mais à cause de sa fierté il luy fut donné deux Tribuns comme associés. Lesquels neantmoins ne pouuant dompter son naturel, il fut aueuglé le j. an de son Duché: & en son lieu fut mis Maurice d'Heracle l'an 764. lequel pour son excellente bonté & iustice, obtint que Iean son fils luy fut donné pour coadiuteur: contre lesquels Fortunat Euesque de Grade accompagné d'autres, coniura, & descouuert, craignant la puissance de ses ennemis, vint faire la cour à l'Empereur Charlemagne, qui manda à Pepin son fils, d'aduiser à remedier aux affaires d'Italie, & d'assiéger Venise sus le differend desdicts Maurice & Obeler, Ducs esleus en contention.

Pepin donc ayant fait assembler son armée à Rauenne, partit du port de *Chiaffi*, en Latin *Classe* (c'est à dire armée ou vaisseaux d'armée) & se vint ieter dedans le Lac susdit: où de premiere arriuee il print Brundollo, Chiose, Palestrine, Albibrolle, petites villes: & tout le riuage & bord de ce Lac. Ce fait, il dresse le cours de ses Nauires vers Malamauc, qui pour lors estoit l'habitation des Ducs: laquelle il conquist, festants rendus les Ducs mesmes. Toutesfois les auteurs Venitiens disent, que ceux de Malamauc estonnez de si grand appareil, incontinent l'abandonnerent, & chargerent femmes & enfans, & leurs plus precieux meubles dans ces petits vaisseaux qu'ils appellent Gondolles, pour se retirer en vne autre Isle plus esloignée d'un mil ou deux appelée Rialte, & à Oliuola, But leur Duc cuidant estre plus seurement en ces Isles, à cause du grand Canal, qui est entre deux. Là pareillement se retirèrent les Tribuns des autres Isles, afin que tous ensemble ils peussent defendre leur liberté.

Pepin n'ayant trouué dans Malamauc que les maisons toutes vuides, les abatit: & courut la leuee iusques au port des deux Chasteaux. Puis aduertie que toutes les forces Venitiennes estoient retirées dans Rialte & Oliuola, il conclut de les y assaillir. Et pour ce que ceux qui recognoissoient le pays r'apportoient qu'il n'estoit possible d'approcher les Isles ennemies avec de grands vaisseaux, il fit venir tous les batteaux des riuieres d'environ, & outre cela faire des Radeaux de marrin, qu'il dressa en Chasteaux, pour assaillir ses ennemis: desquels Obeler luy promettoit facile victoire.

Ces Radeaux attachez ensemble, & tirez par des batteaux à fonds plat, on poussa à force de bras, s'aduacérét quelque peu, mais venus en l'eau profonde ils ne peurét plus estre gouuernez à cause de leur pesáteur. Ce qu'apperceurent des Venitiens, & que le flot retourna emportoit les vaisseaux François, ils sortirét de leurs Isles avec leurs Gondolles & autres nauires legers, d'ot ils auoiét grande quantité, & couperét les chables & cordages, renans ces Radeaux attachez aux autres batteaux, partie desquels ils priérét & firent couler en fonds avec les hommes qui estoiet dessus. Ce fait ils assaillirét les Radeaux emportez par les vndes de la mer, ou arrestez aux basses des marers. Les François voyás ne pouuoit resister aux Venitiens plus duits au combat de marine, se ieterét és plus bas endroits de l'estág pour gagner la leuee, cuidás que le fonds fut bô par tout, mais ils enfondroiet és vases & bourbiers. Tellemét qu'ils furent là tous morts ou pris.

L'an de  
Iesus  
Christ.

*L'ens des* Lors Pepin demeuré à Malamauc avec peu de gend'armerie, voyant la décom-  
*les* sure des siens au lieu de la victoire qu'il s'attendoit d'auoir, se retira à Rauenn-  
*Christ.* ne avec lesdits Obeler & Valentin Dueschassez.

Incontinent apres ceste grande victoire, les Venitiens ordonnerent vne nouvelle forme de gouuernement: car Beat voyant Malamauc destruite, iugea estre plus seur de retenir les Citoyens à Rialte & Oliuola, assez grandes pour loger le peuple retiré avec luy, & asséurer la chose publique, qu'il auoit imaginé de mettre sus. A ceste cause avec le conseil & aduis des Tribuns, il planta son siege au lieu de Rialte, mais pour ce qu'il trespassa auant qu'acheuer son entreprise, Ange Patriciat ayant esté mis en sa place, parfit ce qu'il auoit commencé: & destinant Oliuola pour l'Euesque, & Rialte pour le Duc, il ietta les premiers fondemens du Palais Ducal, au lieu où maintenant il se voit: & les Isles voisines de Rialte & Oliuola, furent appellees Venise, pour la raison que i'ay dite: car tel fut le commencement de ceste noble cité & Republique, aujourd'huy tant estimee pour sa bonne conduite Aristocratique ou de nobles: qui lors n'eut point de territoire ou iurisdiction de plus grande estendue que depuis Grade, iusques au bout de la leuce.

Durant ce siege mourut Rotrud fille de l'Empereur, iadis fiancee à Constantin Empereur d'Orient. Charlemagne estoit lors encores à Aix, où il deliberoit vn voyage contre Godefroy, quand il receut certaines nouuelles qu'une armee de deux cens Nauires partie de Normandie (c'est à dire Dannemark & pais du Nort) auoit pris terre en Frize, gasté le pais & les Isles voisines, & gagné trois batailles sur les Frizons, auxquels les Danois victorieux auoient imposé tribut: & receu deux cens liures d'argent du pais vaincu. A ceste cause l'Empereur courroucé de telle brauerie, assembla vne armee composee de routes les Prouinces de son Empire, & luy-mesme incontinent sortit de son Palais, voulant premierement faire teste à l'armee de mer: puis ayant passé le Rhin en vn lieu nommé Lippie, il attendit quelques iours les compagnies qui deuoient arriuer; & l'armee assemblee marcha vers Alare.

L'Empereur assist son camp au conflans des riuieres d'Alare & Vesere, attendant la venue du Roy Godefroy, qui se vantoit de luy donner bataille. Mais quinze iours apres l'Empereur fut aduertty que l'armee ennemie content du pillage & course de la Frize s'estoit retiree, & que Godefroy auoit esté occis par vn de ses gardes, ainsi qu'il leuoit à vn Faucon sa proye: ou par son fils (ce dit Krants) merry qu'il eut chassé sa mere pour en prendre vne autre. Dauantage, que le Chasteau Hohbuoc proche de la riuere d'Elbe, qu'Odon vn de ses Lieutenants gardoit avec la garnison de Sefnes Orientaux, auoit esté pris par les Vviltzes: & que Pepin Roy d'Italie retourné du voyage de Venise à Rauenne, estoit mort à Millan (Onufre dit à Verone) le hui&iesme Iuiller, le quarante deuxiesme an du regne du Roy son pere, & trente trois de l'aage de ce Roy d'Italie, dit Tegan.

Ce Roy Pepin fut vn excellent Prince, & qui viuant plus long temps n'eust esté inferieur à ses peres & ayeuls: il fut enterré à Verone au Monastere de sain& Zenon qu'il auoit fait bastir & doué de grandes possessions: où  
dans

dans le Cimetiere se void encores auourd'huy son sepulchre enfouy assez a-  
uant dans terre. Il laissa vn fils de Concubine nommé Bernard duquel sera as-  
sez patlé & des filles. Ceste mort du Roy d'Italie despleur grandement à l'Em-  
pereur, comme il aduient aux peres qui <sup>L'an de</sup> <sup>Jesus</sup> <sup>Christ.</sup> ~~vivent~~ grand' aage de voir plusieurs  
choses fascheuses, & le plus souuent les morts de leurs bien-aymez enfans. A  
ceste cause se trouuant aussi cassé, & les affaires luy croistre tous les iours, il  
commença d'entendre à la paix. Mesmes aduerti qu'il estoit venu des Ambas-  
sadeurs de Constantinople & de Cordoue, il laissa les affaires de Saxe iusques  
à vne autre occasion, & vint en France.

En ce voyage la mortalité fut si grande sur les bœufs, qu'à peine en eschappa  
il: & non seulement ce dommage regna au camp, mais par toutes les provin-  
ces de l'Empire, la mort courut sur telles especes d'animaux, & vn seul Abbé  
en perdit cent pour vne nuit.

Durant le sejour à Lippie l'Elephant que le Roy de Perse auoit enuoyé  
mourut subitement, au grand desplaisir de l'Empereur: qui au mois d'Octo-  
bre retournant à Aix, donna audience à Assaphie Tribun ou Spataire, Ambas-  
sadeur de Nicefore. Ce Grec depeesché il ouyt ceux d'Abulas Sarrazin Roy de  
Cordoüe, avec lequel il fit la paix: & retira le Comte Henry des long-temps  
prisonnier des Sarrazins d'Espagne.

Ceste année aussi Louys Roy d'Aquitaine, aduertty qu'une partie des Bas-  
ques suiets des François se vouloient rebeller, fit en plain Parlement ses re-  
monstrances pour empescher leur entreprise, & là fut conclud de les chastier.  
Encores cependant qu'il amassa son armée il donna assignation aux accusez, de  
se trouuer à Dax deuant luy: où ils refuserent venir. A ceste cause il fit marcher  
son armée plus auant, & laquelle arriüée aux confins des rebelles, pillá & raua-  
gea les terres à eux appartenantes, iusques à ce qu'ils fussent venus requerir  
pardon: puis quand il eut passé les monts Pyrenées, l'armée d'Aquitaine des-  
cendit à Pampelune, où le Roy Louys ainsi longuement demeuré qu'il pensoit  
estre besoin pour donner ordre au pays, retourna par les montagnes. Et pour-  
ce qu'il cognoissoit le naturel des habitans, prompts à tromper, il fit pendre le  
premier qui s'aduança pour courre sus aux liens, & prendre les femmes & les  
enfans des autres, iusques à ce que les François fussent venus en lieux où ils  
ne pouuoient plus les tromper ou leur nuire. Ce fait le Roy passa avec son ar-  
mée saine & sauue.

Ceste année le Soleil & la Lune eclipsèrent deux fois chacun: le Soleil le 6.  
Iuin & le dernier de Novembre, la Lune le 21. Iuin & le 15. de Decembre. Et l'is-  
le de Corse fut derechef pillée par les Maures, auquel temps Amors chassa de  
Saragoce Abulas: & le contraignit de se retirer à Huesca.

D'autre costé apres la mort de Godefroy Roy de Dannemarc, Heming fils  
de son frere luy succeda; & traicta de paix avec l'Empereur. Volcain Euesque  
de Liege fonda lors le monastere S. Hubert qui est en Ardenne (ce dit Nicolas  
Gilles) & Sigisbert dir l'an precedent.

L'Ambassadeur de Constantinople depeesché avec la paix, l'Empereur Char-  
lemagne le fit accompagner des liens à seauoir Heto Euesque de Balle &

BBB

L'an de  
Iesus  
Christ. Abbé de Richenouë; qui a escrit son voyage ainsi que ie l'ay ven : & Hugues ou Brig Duc ou Comte de Touraine , Age Lombard natif d'Aquilee ou Frioul , Leon Sicillien : qui s'estant rendu François dès que Charlemagne fut couronné à Rome , auoit demeuré avec luy : & maintenant s'en retourna de son consentement ; comme aussi Obeler Duc de Venise : en intention que par le moyen du traité & pacification d'entre les deux empereurs , il peust rentrer en son Duché.

## CHAP. XVI.

*La paix avec les Danois. Armee contre les Hillinons. Charlemagne refoitifie Huochburg. Vne autre contre les Hungres. La tierce contre les Bretons qui auoient fait vn Roy. Tour d'ordre pres de Boulongne. Gand ville de Flandres. Ambassadeurs de Dannemarck & des Seigneurs Sclaves à Aix. Charles fils aîné de Charlemagne meurt. Heming Roy de Dannemarck meurt. Amulon & Rinfroy se donnent bataille pour la succession, & y meurent tous deux. Heriold & Rinfroy faits Rois. Biorn Roy de Suede enuoye demander à Charlemagne des gens pour prescher le Christianisme en ses pays. Nicefore Empereur tué , Michel luy succede. Ambassadeurs Grecs appellent Charlemagne. Patir vasiléus. Pont de bois sur le Rhin bruslé. Louys Roy d'Aquitaine déclaré successeur de l'Empire. Partages esgaulx ont destruit les successeurs de Charlemagne.*

811,



EPENDANT le pour parler de la paix, qui l'an precedant auoit esté offert avec Heming Roy de Dannemarck , ne laissa pas de se poursuivre : encores que l'Empereur & luy fussent en armes, car ils ne pouuoient se mal-faire, estans les chemins clos par la rigueur de l'hyuer. Mais si tost que le Printemps de l'an huit cens vnze apparut , dix Seigneurs François & autant de Danois s'assemblerent sur la riuere Egidore, en vn lieu nommé Clatis ( ce dit Aimon ) mais i'ay peur qu'il faille *Datis vicissim Obsidibus* ; ou quelque mot pareil ; & conclurent la paix qui fut iurée d'une part & d'autre, selon la maniere des sermens de leur pais. Les Seigneurs François furent Gelach, c'est Galon ou Ganelon, fils de Bernard, Bouchard, Vin-roch, Bernard, Egbert, Thiery, Abon, Oldach, Vigman : de la part des Danois Hancanin Agender frere du Roy de Dannemarck , Orfrid surnomé Fuodunulo, Varston, Sumonny, Vrim, vn autre Osfrid fils de Helison , & Osfrid de Schammue, Hebert & Ammin. Ceste paix accordée, l'Empereur selon la coustume, assembla le Parlement à Aix : où il conclut d'enuoyer trois armées en trois diuers endroits de son Empire , à sçauoir vne de la l'Elbe contre les Helingens, qui gasta leur pays , & refoitifia Hochburg, chasteau assis sur la ri-

niere d'Elbe, l'an passé destruit par les Viltzes. L'autre en Hongrie, faire re-  
ste aux Slaues & Hungres. La troisieme contre les Bretons : pour les chastier  
de leur foy mentie, & qui ne vouloient pas recognoistre l'Empereur à souve-  
rain, mais ils furent vaincus avec Cœnulf Ceault ou Machon, par eux esleué à  
la dignité Royale. Les deux autres n'eurent pas moins bonne fortune : ayans  
heureusement acheué ce pourquoy elles auoient esté enuoyees : puis retour-  
nerent en France sans rien perdre. Quant à l'Empereur, il vint à Boulôgne sur  
la mer, voir les vaisseaux que l'an precedent il auoit commandé faire & assem-  
bler en ce lieu, où il fit reſtablir vne haute tour, sur laquelle ſouloit estre mis  
du feu, pour l'adrefſe des Nauires paſſans. Ces tours iadis s'appelloient Fares, à  
cauſe de celle que pour meſme vſage fut baſtie deuant le port l'Alexandrie d'E-  
gypte : & poſſible que pour ceſte lanterne qu'une Galere Capitaneſſe porte  
s'appelle pour celà Fanal. Celle de Boulongne eſt encores debout, & mainte-  
nant s'appelle la Tour d'ordre : où l'on voit vne pierre, en laquelle ſont grauées  
des lettres difficiles à lire, pour eſtre par le temps effacées. L'Empereur apres  
auoir luy meſme mis le feu à la lanterne de ceſte tour, partit de là, pour venir  
sur la riuiera del'Eſcaut, en vn lieu nommé Gand, pour lors bien peu de choſe,  
& maintenant la principale ville de Flandre : & des plus grandes & peuplées  
de l'Europe : voir des vaisſeaux preparez par ſon commandement, puis retour-  
na au palais d'Aix enuiron la my Nouembre.

Là Ammin & Helby, Ambaſſadeurs de Dannemarck, le vindrent ſaluer, &  
luy apporter des preſens, avec paroles ſeruant à entretenir la paix. Il y trouua  
auſſi d'autres gens de Hun<sup>die</sup>, qui l'attendoient : l'un ſe nommoit Cauzeucy  
Prince des Auarrois, & l'autre Tudoim, avec autres Princes Slaues, habitans  
de la riuiera de Dunoe : enuoyez par les Lieutenans de ceſte frontiere.

Cependant Charles ſils ainſné de l'Empereur (par aucuns mal appellé baſtard)  
mourut le quatrieſme Decembre, de l'an quarante & troiſieſme de ſon pere (ce  
dit Tegan) au grand regret de l'Empereur : qui deſnué du ſupport de deux ſi  
vaillans ſils que ceſtuy-ci & Pepin, ſur ſon vieil aage ſe trouua d'autant plus  
enclin à entretenir la paix avec ſes voiſins, & n'entreprendre voyages d'ar-  
mées que neceſſaires.

Au commencement de l'année ſuyuante, c'eſt à dire huit cens douze, 812.  
l'Empereur receut nouuelles de la mort de Heming Roy de Dannemarck, &  
que Sigefroy neveu de Godefroy, & Amulo ou Halnido neveu du Roy He-  
riold : luy vouloient ſucceder, leſquels ne pouuans s'accorder, apres auoir af-  
ſemblé leurs amis ſe donnerent bataille, en laquelle ils moururent ſous deux,  
avec dix mil neuf cens quarante hommes : ainſi qu'il fut lors rapporté : mais la  
part d'Amulo victorieuſe eſtablit Roy Heriold & Reinſroy freres dudit A-  
mulo, qui par neceſſité furent recognus Rois.

Au meſme an Biorn Roy de Suede, enuoya demander des gens pour in-  
ſtruire ſon peuple au Chriſtianisme : Hebert ou pluſtoſt Ebon (car cy apres il  
apert qu'il fut enuoyé en Saxe pour y preſcher) y fonda vne eglise en la ville de  
Lincope.

Mais en Grèce Niceſore apres auoir fait tant de belles choſes demeura

BBBB ij

L'an de *Iesus* *Christ.* tué en vne bataille; qu'il eut contre Gran Roy des Bulgares: pour n'auoir sceu vser de sa victoire, avec luy moururent plusieurs Sénateurs, & Stauration son fils blessé en l'espaule se sauua: qui tint l'Empire deux mois dix iours: & iusques au mois de Novembre, qu'il fut contrainct y renoncer au profit de Michel son beau-frere: qui receut les Ambassadeurs enuoyez par Charlemagne à Nicefore, & qui en renuoya d'autres, sçauoir Michel Darlase, & Theogniste Protospataire (c'est à dire selon nos Chroniques premier sergent) confirmer la paix commencée entre ledit Nicefore & Charlemagne, que les Grecs vindrēt trouuer à Aix: où ils furent receus avec vne risée, que Hecton Euesque de Basle a laissé par escrit: pour monstrier quel estoit l'orgueil des Grecs; & comme nos François en tenoient peu de conte: iasoit qu'il y a quelque apparence que la reception des Ambassadeurs doit estre mise l'an huiet cens treize, s'il est ainsi que Nicefore fut tué l'an huiet cens douze. Ces Ambassadeurs donc venus à Aix, receurent dans l'Eglise le traité de la paix, que l'Empereur leur bailla de sa main: & eux l'appellerent en langue Grecque *Patir Pafileus* (c'est à dire pere Roy) & s'enclinerent deuant luy, baisant la terre à la mode de leur país. Ce qui confirme ce que j'ay dit cy dessus de l'adoration des empereurs. Puis de là allerent à Rome, receuoir du Pape vn pareil traité: ou plustost l'approbation d'iceluy.

Les Ambassadeurs Grecs expediez, Charlemagne tint vn Parlement à Aix: & de là renuoya en Italie Bernard fils de Pepin: conduict par Vvalach fils de Bernard, iadis oncle paternel de l'empereur, pour donner ordre aux affaires de ce quartier, menassé d'vne armée, qui d'Afrique & d'Espagne deuoit descendre pour le ranager.

Cependant, les Sartazins aduertis comme les Italiens s'armoient, & de leurs grands preparatifs, n'ayans esperance de ce costé, descendirent partie de Corse, & partie de Sardaigne: mais ceux cy furent tous deffaits.

Les Normands aussi descendirent ceste année en Hibernie, lors appartenant aux ascotlois: dont ils furent honteusement repoussez, & contraincts retourner en leurs país: apres auoir perdu vne bataille. Auquel temps, l'empereur malade & fâché de la mort de ses enfans, cherchoit (ainsi que j'ay dit) la paix pour le reste de ses iours. Ce fut pourquoy il traita avec Abulas Sarrazin, qui du Roy d'Aquitaine obtint treues pour deux ans. Et afin d'aporter pareil repos à l'Italie, Charlemagne s'appointa avec Grimoald: lequel aussi deuenu plus sage par sa prison, chercha la paix de l'empereur, qui le renuoya en son Duché: à la charge de payer tous les ans sept, ou vingt & cinq mil escus de tribut: & les Rois Herold & Rinfroy enuoyerent aussi prier Charlemagne de leur rendre Heming leur frere.

Ceste année il y eut vn voyage contre les Vviltzes: lesquels furent contraincts bailler ostages, mais l'empereur qui auoit passé l'hyuer à Aix au commencement du prin-temps de l'an huiet cens treize, enuoya en Constantinople pour Ambassadeurs Amalar Archeuesque de Vienne, & Pierre Abbé de Nonantule pres Modeceville de Lombardie, confirmer la paix entre luy & Michel empereur d'Orient. Et au mois de May le pont de bois, qui (aux

despens de toutes les Prouinces de l'Empire) auoit esté basty sur le Rhin de la longueur de cinq cents pas, & sembloit si fort & bien fait qu'on le iugeoit de-  
noir à iamais durer, par la fraude & malice d'aucuns enuieux, & de ceux qui  
contre raison vouloient prendre tribut des basteaux passans dessous fut bruslé  
en trois heures : tellement qu'il n'y demeura vn ais entier : encores qu'on eut  
employé dix ans à le faire. Il ne peut estre restabli, pour la vie briefue de l'Em-  
pereur, qui auoit desir de le refaire de pierre s'il eut vescu. Marian Scot dir;  
qu'il fut bruslé par le commandement de Riolf Archeuesque de Maience: pour  
ce que les brigands apres auoir volé les passans, iettoient les corps dans le  
Rhin.

Ceste annee, l'Empereur fut malade de gouttes qui le prirent aux pieds, chaf-  
fant és forests d'Ardenne: il en fut si fort tourmenté, qu'il prit occasion de son-  
ger dauantage à pouruoir à son Estat, durant qu'il seroit empesché de maladie.

Pour lors estoit en Cour Geric, *Cæpius Prælatum* (dit le Latin de la vie de Louis le  
Debonnaire, & ie ne sçay s'il entend Conte ou Euesque) attendant l'expedi-  
tion des affaires du Roy d'Aquitaine son Seigneur. Cestuy-cy admonesté tant  
par les seigneurs François que Germains, de l'estat auquel l'Empereur se  
trouuoit, & qu'il y auoit apparence que le regret de la mort de ses enfans & ses  
autres ennuis le pourroient bien tost emporter, en aduertit son Roy, lequel  
ayant assemblé son conseil, pour aduiser ce qui estoit de faire la dessus, ne trou-  
ua aucun qui ne fut d'aduis qu'il deuoit aller en Cour. Mais le Roy Louis ayant  
de plus pres regardé à son fait, ne voulut les croire craignant de se rendre sus-  
pect à son pere, d'auoir souhaité sa mort, suiuant l'ordinaire des Princes mala-  
difs ou chassés de vieillesse. Toutesfois il accorda paix pour deux ans avec ses  
voisins, qui la luy demanderent. En quoy apparut la bonté diuine (dit Ai-  
mar).

Car l'Empereur considerant qu'il declinoit, & craignant par sa mort laisser  
en confusion le Royaume & l'Empire que par la grace de Dieu il auoit si bien  
establi. Au releuer de sa maladie il fait assembler vn Parlement à Aix, là où il  
remonstra que son aage requeroit de l'aide au gouuernement de l'Empire qu'il  
ne pouuoit seul manier, à cause des maladies dont il estoit pressé. Que pour cui-  
ter aux guerres tant ciuiles qu'estrangeres, qui pourroient sourdre apres sa  
mort, il auoit delibéré faire venir Louis son fils Roy d'Aquitaine, & toutes  
ses forces: Euesques, Abbez, Ducs & Comtes: avec lesquels quand ils furent  
assemblez, ayans eu longs propos, sur les causes susdites, il les admonesta se  
monstrer fidelles à son fils, leur demandant à tous depuis le grand iusques au  
moindre, s'il leur plaisoit qu'il donnast le tiltre d'Empereur à son fils là pre-  
sent. Tous firent responcé, que cét aduis luy venoit de Dieu. Lors il declara le-  
dit Louis son cõpagnon à l'Empire: & Bernard qui estoit absent Roy d'Italie.

La ceremonie fut telle, l'Empereur vestu de ses habillemens Royaux, & la  
Couronne sur la teste, vn Dimanche seiziesme Nouembre, vint en l'Eglise qu'il  
auoit fait bastir à Aix: où marchant iusques à vn autel plus haut esleué que les  
autres, il fit mettre dessus vne autre Couronne que celle qu'il auoit sur le chef.  
Et apres que luy & son fils eurent longuement prié Dieu, oyant toute l'assem-

BBBB iij

## DES ANTIQ. FRANCOISES LIVRE VII.

*L'An de blee des Euesques & Princes: Il admonnesta son fils d'aymer & craindre Dieu*  
*Iesus* sur toutes choses, garder ses commandemens, gouverner les Eglises, & les  
*Christ* deffendre des mauuais hommes: se monstrier en toutes choses charitable, &  
 " misericordieux enuers les sœurs, freres, nepueux, & parens, honorer les Pre-  
 " stres comme ses peres, aymer son peuple comme les enfans, contraindre les  
 " orgueilleux & mauuais hommes à cheminer la droicte voye, se monstrier mi-  
 " sericordieux & consolateur des Monasteres & des pauvres, establir des mini-  
 " stres fideles & craignant Dieu: qui hayssent les presens déraisonnables, ne pri-  
 " uer de sa charge aucun sans cause: & en tout se monstrier irreprehensible de-  
 " uant Dieu & le peuple.

Ces paroles & autres dictes en la presence de l'assemblee, il demanda à son  
 " fils s'il vouloit pas obeir à ses commandemens: à quoy le Roy Louis ayant res-  
 " pondu ouy, & qu'avec l'ayde de Dieu il estoit prest de les accomplir; il luy dict,  
 " aprochez-vous, & vous-mesmes en memoire des commandemens & admo-  
 " nitions que ie vous ay faictes, allez leuer la Couronne qui est sur l'Autel, &  
 " vous la mettez sur la teste, pour vous seruir de parement & de deffence à mes  
 " Royaumes, & la Chrestienté: gouvernans l'Empire par vn mesme conseil: puis  
 " la Messe ouye, ils l'en retournerent au Palais. Ledit Louis soustenant son pere,  
 comme il auoit fait venant à l'Eglise. Peu de iours apres, Charlemaigne ayant  
 honoré son fils de plusieurs dons, & fait faire le serment par les Princes au  
 nouuel Empereur, l'instruisit des affaires de l'Empire: l'aduissant sur tout de  
 garder la paix avec ses voisins & nepueux. Icy faut noter, que Charlemaigne  
 declarant son fils Empereur, n'arend point le consentement du Pape & des  
 Romains: ny qu'autre que son fils touche à la Couronne Imperiale; pour la  
 mettre sur son chef, non pas mesmes des Euesques: chose que ie n'estime auoir  
 esté faite par le vieil Empereur sans mystere, & pour monstrier qu'il ne tenoit  
 l'Empire que de Dieu seul: puis qu'il enuoye son fils l'ayder sur l'Autel,  
 comme de la main de Dieu. La façon d'eslire de son vivant des successeurs  
 Empereurs; mais plus de partager les autres enfans en Royaumes, fut obseruee  
 par les Rois François qui vinrent apres. Ce qui mit à neant ce bel & grand  
 Empire, acquis aux François par la vaillance de Charlemaigne: Car ses succes-  
 seurs partageants la dignité Royale esgallement entre freres, sans estre sujets  
 les vns aux autres, affoiblirent par trop la dignité Royale. En quoy les succes-  
 seurs de Capet, sont plus louables, lesquels reiettrons ceste parité de digni-  
 té, ont conserué le nom Royal en la maison de leur aîné, là où partageants es-  
 galement, avec le temps ils se fussent trouuez aussi petits, que le Roi d'Huetot:  
 ou que les Ducs & Comtes d'Allemaigne: qui obseruent les partages esgaux. Et  
 c'est chose plus ridicule qu'honorable, quand le nom magnifique de Roy, n'est  
 accompagné de puissance pareille: tout de mesme que c'est mocquerie d'apel-  
 ler Geant vn petit Nain.



## CHAP. XVII.

*Charlemaigne corrige des liures. Fait tenir cinq Concilles en vn an. Heming frere du Roy de Dannemarck à luy rendu avec la paix. Les Maures retournans de Corse destrouffez par les François: & le Comte d'Empuries gaste Ciuita ueché. Michel Empereur vaincu par les Bulgares se rendant Moine, Leon luy succede: qui tua Chran Roy de Bulgarie. Fables de Turpin suivies par Emil. Charlemaigne meurt. Ceremonies de sa sepulture. Canonisé.*



Es ceremonies acheuees & le Parlement rompu, l'Empereur nouveau fut r'enuoyé en Aquitaine, & le vieil ne cessa de prier Dieu, faire des aumosnes, & corriger des liures. Le dernier desquels auant sa mort fut celuy des Euangilles de saint Mathieu, Marc, Luc, & Iean: ce qu'il fit tresbien, & avec grande curiosité; & ayant à ceste fin appellé des Siriens, & Grecs.

Quant à Bernard, il fut par l'Archeuesque de Milan Couronné à Mo-dece.

La mesme année l'Empereur fit assembler en plusieurs endroits de France cinq Concilles Princiaux: à sçauoir à Mayence, Reims, Tours, Chalō sur Saosne, & Arles, pour corriger l'estat ecclesiastique: Floard dit, que celuy de Reims fut tenu sous l'autorité d'Vlfarie Archeuesque du lieu: & qu'il y eut quarante trois articles accordés, touchant le gouuernement de l'eglise & police du Royaume: coppie desquels fut laissée en chacune eglise, & vne autre au tresor du Roy.

En ces Concilles ou Parlements furent commis seize seigneurs: afin de s'assembler avec autant de Danois, aux confins de Dannemarck, & sur la riuere d'elbe, pour conclurre la paix que demandoient des Rois de ce pais: & ce faisant rendre Heming leur frere. en ce lieu ils iurerent les articles accordés, & emmenerent le Prince Heming, Cependant que les Rois de Dannemarck estoient allez faire la guerre en Vvesterfælde (la dernière Prouince de leur Royaume, assise entre Septentrion & Occident du costé qui regarde la partie Septentrionnale d'escoffe, que ie pense estre Norueghe) pour reduire en leur puissance les Roys de ce pais rebelles: & lesquels domptez, les Rois de Dannemarck trouuerent à leur retour leur frere rendu, & quant & quant la guerre sur leurs bras.

Car les enfans du Roy Godefroy, & aucuns Princes & Seigneurs Danois, dès long temps bannis & retirez en Suede, assemblerent des forces de tous endroits, pour leur faire la guerre: & appuyez du grand nombre de peuple qui les suiuoient, presenterent la bataille aux Rois, de laquelle les bannis eurent la victoire, & bien aisément chasserent les Rois de Dannemarck, avec Heming leur frere.

L'an de  
Iesuu  
Christ.

Mais du costé d'Espagne, les Maures qui retournoient chargez du butin gaigné en Corse, furent guetez pres de Majorque, par le Comte d'Empuries, qui surprint hui& de leurs Nerfs, où il y auoit bien cinq cens Chrestiens prisonniers. Dequoy les Maures irritez, vindrent gaster Centuncelles, c'est *Cinira* *Reché*, & Nice de Prouence.

en ce mesme temps, Michel empereur d'Orient, fut vaincu en Bulgarie par Chran Roy du país. Dont cest empereur fut si despir, qu'il deuestit ses habillements Imperiaux, & se rendit Moine : se disant indigne de l'empire. Lors vn nommé Leon fils d'Apduas ou Bardas, Patrice, fut mis en sa place : mais Onufre dit, quel vnzieisme Iuillet, Michel & Theofilacte furent contraints renoncer à l'empire : & que le mesme Leon fut esleu. Depuis Chran Roy des Bulgares, enfiery pour ses victoires, assiegea par deux ans Constantinople : là où comme il faisoit la ronde par dehors la ville, Leon saillit sur luy tant à propos, qu'ayant mis ceux de sa suite en route, il blessa de sa main Chran, qui leua le siege : & trois iours apres mourut de sa playe. Icy finit vne Chronique cy deuât mal donnée à Theodulph.

En ce temps aussi Muhamed Roy des Sarrazins d'Espagne, eut bataille contre Abdelle son frere : qui la perdant, fut aussi contraint souffrir regner avec luy le victorieux. Ceste guerre empescha grandement les Princes Sarrazins de trauailler les Chrestiens, & apporta du repos à Louis Roy d'Aquitaine. Paul xmil suiuant ie ne sçay quel Roman (car ie n'ay veu ce qu'il dit en vn Auteur du temps, & n'est croyable qu'Aymar l'eût oublié en la vie de Louis) parle d'une adoption qu'Alphons Roy de Castille vouloit faire de Bernard Roy d'Italie : & d'une defaictte à Roncevaux ; jaçoit qu'il n'y ait point d'aparence : Car tous disent que Roland mourut à Roncevaux, ainsi que ie vous ay monstré l'an sept cents soixante & dixhui&. et il ne se lit point, que iamais Charlemagne passast les monts Pyrenees que ceste fois-là : & Marfille, Baligant, Feragut, & tels autres noms, sont pris de la fable de Turpin.

814.

Or comme Charlemagne passoit l'hyuer au palais d'Aix, la siebure le prit sur la fin de Ianuier, de l'an hui& cents quatorze, ainsi qu'il sortoit d'un baing, laquelle se renforçant ils voulurét apaiser par abstinence, ainsi qu'il souloit, ne mangeant ou beuuant point qu'un peu d'eau, pour se rafraichir, là dessus la pleuresie le saisit le septiesme iour, lors il fit appeler un euesque nommé Hiltibald, fort son familier, pour le consoler en la mort, qu'il sentoît prochaine. Toutesfois estant encores trauaillé ce iour, & la nuit suivante, le lendemain au point du iour sachant qu'il luy conuenoit mourir, il estendit sa main & se signa de la Croix, ainsi qu'il le peut faire, puis reioignant ses pieds & estendant ses mains sur son corps, il dict, qu'il rendoit son arme és mains de Dieu : trespasant le septiesme iour qu'il s'ali&ta, & la troisi&me heure, du vingt & huitiesme Ianuier, de l'an hui& cents quatorze : le soixante & douzi&me de son aage, Indiction septiesme, quarante & troisi&me de son Royaume en France, le tresiesme an avec un mois de son empire.

Son corps oingt par les euesques presens, l'on douta où il deuoit estre enterré, finalement il fut iugé qu'il ne le pouuoit estre plus honorablement qu'en l'Eglise

L'Eglise de la Vierge: qu'il auoit fait bastir à Aix pres de Liege. Ce qui fut accompli le mesme iour de sa mort, avec grand magnificence; si vous croyez la Chronique de sainct Martial de Limoges: qui dit qu'après sa mort l'on fit embausmer son corps, lequel vestu de ses accoustremens d'Empereur, fut assis dans vne chaire, ayant sur la teste vne Couronne attachee à vne chaine d'or, affin qu'elle ne cheut. On luy mit aussi en la main vne pomme ou boulle d'or (ie croy pour représenter la figure du monde, auquel les Empereurs sont estimez deuoir commander) & la voute remplie d'odeurs & senteurs precieuses, avec plusieurs joyaux d'or. Deuant le corps estoit pendu le Sceptre & l'escu d'or, consacré par le Pape Leon: sa face couuerte d'un linge & sa teste soutenue; ayant deuant vn texte d'Euangilles, & vne haine: pource que durant sa vie, secrettement il en portoit sous ses habits. On luy bailla encores vne panetière de pelerin: celle mesme, qu'il portoit allant à Rome.

Au liure qui fut de S. Martial de Limoges, contenant, sa vie, il y auoit la figure d'un Empereur ou Roy, couronné, assis & tenant vne espee, non pas droicte ne leuee la pointe vers sa teste, ains de plat, le long de son vêtre: le pommeau en la main dextre, qui auoit le poulce vers le pommeau: & la pointe en la fenestre, le poulce de ladite main vers la pointe: qui n'estoit pas sans signification de quelque secret que ie n'entends point, si ce n'est la paix, & qu'il n'auoit plus que faire de la tenir leuee pour fraper les rebelles, ou ses ennemis. Toutesfois Sifrid dict, qu'estant assis en sa magnificence & Throsne Royal, de son viuant mesmes, il souloit mettre son espee sur ses genoux: qui pourroit estre l'occasion de la peinture susdite. Car quelque lourd que fut celuy qui fit celle dudit liure, il sçauoit bien que ce n'estoit pas la façon de la tenir pour commander en Roy.

La sepulture close & scellée, vn Arc doré fut leué sur le tombeau: portant l'image du deffunct, avec ce tiltre. Cy dessous gist le corps de Charles grand, & tref-fidelle Empereur: qui noblement augmenta le Royaume des François, & le gouerna quarante six ans.

On ne sçauoit dire les regrets & plaintes faites pour sa mort par toute la terre: car il n'y eut pas iusques aux Payens, qui ne l'appellassent pere de l'Vniuers; Mais les Chrestiens, & principalemēt ses sujets de tous ses Royaumes, le ploierent ameremēt, car il fut estimé tressage: & tel que chacū l'admiroit, aymoit, & craignoit. Aussi fut-il tref-profitable au peuple, qu'il gouerna honnestement: & combien que les François & autres nations à qui il commandoit, fussent gens rudes, & tels que les Romains n'en peurent onc cheuir, toutesfois il les retint par vne crainte moderee. Tellement que de son temps, ils ne firēt entreprisedeune, qui peust nuire à la chose publique. A ceste cause, sa memoire est demeuree saincte, à l'endroi de plusieurs Rois venus de puis: comme Frideric Empereur, qui le fit canoniser & sanctifier, & mesme Louis vnziemes de ce nom Roi de Frâce, ordonna que sa feste seroit celebree: enuoyant gens par les villages, commander de ne travailler ce iour, sur peine de la vie. Toutesfois comme les hommes se sentent tousiours du vieil Adam, ses mœurs & vie domestiques ne sont tant loüees: pour son incontinence. Et

CCCC

*L'an de* comme les grands sont sujets aux calomnies, & leurs actions (tant cachees  
*Iesus* qu'ils les cuidoient estre) bien souuent publiques; il n'a pas esté exempt de censure  
*Christ.* ne ses mœurs domestiques, ny ses filles aussi, pour auoir dissimulé & eue trop  
 peu de soin de leur maniere de viure pour ce qu'elles furent blasmees d'in-  
 continence.

Mais il ne faut pas croire ce que quelques auteurs ont escrit indignes de  
 luy, & au deshonneur d'un si grand Prince, qui merite d'estre comparé à Au-  
 guste, & qui a tant merité de la Chrestienté.

Et Seissel en la louange de Louis douzième Roy de France; recite, que le  
 mesme Charlemaigne tua de sa main l'Abbé de Grace, pres Narbonne, reuestu  
 & prest pour chanter Messe à l'Autel, pource qu'il auoit refusé de nourrir un  
 gen-darme, *oblas*: dont depuis merry, il fonda beaucoup d'Eglises. Ainsi que  
 i'ay veu dans un liure de ladite Abbaye mesme estant sus le lieu, qui me fut  
 monstté par les Moines tous nobles & tres-honorables.

## CHAP. XVIII.

*Presage de la mort de Charlemaigne. Ses rencontres plaisantes. Figure de son  
 corps. Habillements. Maniere de viure. Sciences. Exercice de son corps &  
 de son esprit. Son Testament.*



L y eut plusieurs signes de sa mort prochaine, dont non seu-  
 lement luy mesme, mais d'autres se douterent: Car de frequen-  
 tes Eclipses de Soleil aduindrent les trois derniers ans de son  
 Empire: & par sept iours, l'on vit vne marque noire dans le  
 Soleil; un Porche ou gallerie de longue estenduë, qu'il auoit  
 fait bastir entre l'Eglise & son Palais, cheut iusques aux fonde-  
 ments, le iour de l'Ascension de nostre Seigneur, & le pont basti sur le Rhin  
 pres Mayence, fut bruslé en trois heures: ainsi que i'ay dit. Luy-mesmes au der-  
 nier voyage qu'il fit en Saxe contre Godefroy Roy de Dannemarck, veit sou-  
 dainement choir du Ciel vne torche avec grande lumiere, qui passa de la dex-  
 tre à la fenestre, estant l'air clair & serain. Et comme chacun fut lors esmer-  
 uillé que cela pouuoit signifier, tout soudain son cheual baissant la teste rum-  
 ba, & renuersa contre terre si rudement, que le bouton de son saye en rompit:  
 comme aussi la boucle du Baudrier, auquel pendoit son espee. Tellement que  
 ceux qui accoururent pour le releuer, trouuerent son espee, manteau, & jae-  
 lot (qu'au parauant il tenoit en sa main) estoignés de plus de vingt pieds de  
 luy. Outre cela, le Palais d'Aix trembla, & les poutres, sommiers & planchers  
 de la maison qu'il habitoit ordinairement, craqueterent comme s'ils eussent  
 esté prests à rompre ou fendre. L'Eglise aussi en laquelle il fut depuis enterré,  
 fut touchée de foudre: & la pomme d'ores dont le comble estoit orné, dissipée  
 d'un coup de Tonnerre, & jettée sur la maison Abbatiale ioinct, mesmes dans  
 la Cornice qui regnoit par dedans l'Eglise, entre les premières & secondes ar-

cadés, où estoit escrit de Sinople, le nom de celuy qui auoit fait bastir le temple, & au derniet vers ces mots *Princeps Carolus*. Aucuns noterent, que le mesme an & peu de mois auant sa mort, les lettres du mot *Princeps* furent tellement effacees, qu'on n'y cognoissoit plus rien: mais il dissimula ou mesprisa toutes ces choses, comme si elles ne luy eussent touché en rien: Car il estoit d'assés joyeuse nature, & quelquesfois se plaisoit à des rencontres, semblables à celles cy que ie reciteray.

*L'an de  
lesus  
Christ*

Vn iour il donna vn Euesché à vn ieune homme, lequel sen retournant du Palais fort content, ses seruiteurs luy amenèrent son cheual pres d'un montouer: mais cest Euesque voulât monstrier qu'il estoit isnel, sans vser d'auantage se lança de terre si rudement en la selle, que peu sen salut qu'il ne saurast de l'autre costé. D'auenture l'Empereur estoit à la secrette fenestre de son Palais: lequel ayant veu ce Cheualier tant dispos, l'enuoya querir, & quand il fut en sa presence, luy dit: vous voyez comme ie suis tât empesché à trouuer de bons gen-d'armes, pour resister à nos ennemis à ceste cause, ayant veu comme vous estes alaigre, i'ay delibéré vous retenir à ma suite, & vous faire compagnon de mes trauaux. Par ceste gaye reprehension chastiant l'Euesque en herbe. Vn iour ayant aussi demandé à vn autre Euesque du pain benedict, le Prelat fit la benediction sur vn pain, duquel il retint sa part, & presenta l'autre à Charlemagne: qui luy dit, mōsieur l'Euesque, gardez-le tout entier: refusant la benedictio de cest Euesque inciuil: & qui par honneur deuoit retenir ce que l'Empereur luy eut laissé. Il passa tant souuent en la maison d'un autre Euesque, que ce Prelat homme liberal & courtois, & qui vouloit faire honneur à son Roy, despendit tout le sien. (Car les Rois anciens auoyent droit de giste & hostelage en certaines Abbayes). Toutefois l'Empereur sans auoir autrement esgard aux moyens d'un tant honneste homme, y vint encores: & le trouua fort empesché à la faire nettoyer, haut & bas, sans se donner peine d'emplir la cuisine, ne couvrir la table, l'Empereur le voyât ainsi empesché, luy dit: que tout estoit assez net, & qu'il prenoit trop de peine, mais l'Euesque respondit: c'est bien la raison, Sire, que tout demeure net iusques au fond; Charlemagne aussi bon entendeur quel Euesque honneste & courageux, luy dit: ne vous souciez, i'ay aussi bonne main pour remplir que pour vider. Et tout incontinent luy donna vne bonne terre, pour luy & ses successeurs.

Iamais il n'octroya qu'une Comté à vn seul homme, ny à vn Euesque, Abbaye ou autre Eglise: si ce n'estoit pour cause raisonnable, disant à ceux qui luy en demandoient la raison: avec vn tel fief, court, ou petite Abbaye, i'acquiers vn aussi bon vassal, que ce Comte ou Euesque a pourueu d'un autre. Il auoit fait bastir son Palais de telle sorte, que par vne secrette fenestre de sa chambre, il pouuoit voir tous ceux qui entroient & sortoient: & les logis des Seigneurs de sa suite estoient dressés en suspenduë, ou des arcades, de sorte que non seulement les *Milites Militum*, que ie n'ose apeler Cheualiers des Cheualiers (pour ce que ie ne scay s'il y en auoit lors): mais encores leurs seruiteurs, & tous autres qui auoient à faire au Palais, pouuoient demourer à couuert, & estre veuz de luy.

CCCC ij

L'an de  
Iesue  
Christ.

Luitfred Preuost de son hostel, eut l'intendance sur les ouuriers : qui beaucoup y gaigna par son avarice. Quant à la stature & composition de la personne dudit Empereur, les auteurs de son temps ont laissé par escrit, qu'il eut le corps large & robuste ; qu'il fut de haute stature ; & non toutesfois plus qu'il appartenoit : car il ne passoit la hauteur de sept de ses pieds, ie croy qu'il faut dire six : car Vitruue dit, que c'est la mesure des hommes bien formez. Il auoit le sommet de la teste rond, de fort grands yeux, & vifs, le nez vn peu plus grand que de raison ( jacoit qu'autres disent qu'il fut camus ). ses cheveux & poil blancs & beaux ; avec la face joyeuse & plaisante. Et soit qu'il fut assis ou debout, il monstroir vne grande majesté, voir encorés qu'il eut le col gras ; & court, & le ventre grand, toutesfois la proportion de tous les autres membres cachoit ce defaut : mais la voix trop claire ne conuenoit & seioit pas bien à la forme de son corps.

Il ne fut subject à maladies, fors que sur les quatre derniers ans de son regne, qu'il eut souuent la siebure. Et finalement clocha d'vn pied, lors il se gouerna plus à sa fantaisie que des medecins, lesquels presque il hayssoit : pour ce qu'ils luy deffendoient la chair rotie, de laquelle il auoit accoustumé d'vser, & luy voulants faire manger du bouilly plus souuent qu'il ne souloit.

Ordinairement il s'exerçoit à la chasse ou à cheuaucher & picquer cheuaux : car lors ne pouuoit-on trouuer sous le Ciel (disent les auteurs du temps) gens qui le sceussent mieux faire que les François. Il se plaisoit aussi aux baings chauds, nageant souuent par exercice : & en deuint si grand maître, que l'on n'eust sceu en trouuer vn meilleur que luy. Qui fut l'occasion de bastir la grâd' falle d'Aix : là où combien qu'il se baignast en presence de plusieurs Cheualiers & autres gens de sa suite, il ne le fit iamais deuant ses enfans. Il s'habilloit à la Françoisse, sçauoir contre la chair, d'vne chemise & brayes ou hault-de-chaussée de lin, (car ce n'est que depuis les courts habillemens, qu'on porte des haults de drap) & dessus cela vne Tunique ou Inppe de soye : qui ne passoit les genoux, & quelquesfois elle estoit de laine à vn borb de soye : enuoloppoit ses jambes de chausses liees de jartieres ; & de souliers à courroies. L'hyuer il se couuroit les espaulles & l'estomach, d'vn Surcot ou pourpoint, fait de peaux de Loutrés. Son saye estoit de couleur d'Azur : & dessus ceignoit vne espee à la poignée & garde d'or ou d'argent, & quelquesfois garnie de pierreries : mais ce n'estoit qu'aux festes principales : ou quand il venoit des Ambassadeurs d'estranges nations. Il ne tenoit comte des vestemens estrangers quelques beaux qu'ils fussent : & ne souffroit qu'on l'en vestit, excepté qu'vne fois, à la requeste du Pape Adrian, & vn autre estant à Rome, à la priere du Pape Leon, il vestit vne tunique & robe longue : chaussant des souliers à la Romaine. Aux festes solennelles, il portoit vne robe de drap d'or & sa chausseure accoustree de pierreries : avec vne courroie ou ceinture à boucles d'or : qui luy serroit son saye : & vn Diademe ou Couronne d'or enrichie de pierreries : Les autres iours son habillement n'estoit recogneu ; & peu differend de celuy du peuple.

Il estoit sobre en boire & manger, mais plus en sa boisson : car il ne beuuoit

que trois fois, & encores rarement : tant s'en faut qu'il prist plaisir à Pyron-  
gnerie, qu'il auoit en horreur toute personne qui s'en yuroit : mais il ne se pou-  
uoit pas si bien garder de manger, parce qu'il se plaignoit que le ieusne luy e-  
stoit contraire. Il banquetoit peu souuent, & seulement aux principales festes  
solennelles : & encores estoit-ce en grande compagnie. Tous les iours il n'e-  
stoit seruy que de quatre mets (possible escuelles) sans le rost, lequel il se faisoit  
apporter par les Veneurs tout embroché, & dont il mangeoit plus volontiers  
que de toute autre viande. Durant le manger, il oyoit deuifer quelqu'un, ou  
lire des histoires, ou les faits des Anciens Rois : ce qui a esté obserué par les  
successeurs aux grandes festes ; Car ie trouue que du temps de Charles cin-  
quiesme, le Comte de Tancarville estoit lecteur du Roy : deuant lequel és fe-  
stins solemnels il exerceoit son office.

Les liures de S. Augustin, principalement de la Cité de Dieu, luy plaisoient  
plus que les autres. En esté, apres midy il mangeoit des pommes, & beuuoit  
vn coup : puis se despouilloit & deschauffoit pour dormir, comme s'il eut esté  
nuict, reposant deux ou trois heures : la nuict, il dormoit de telle façon, que  
non seulement il rompoit son somme quatre ou cinq fois, mais aussi se le-  
uoit : & à son leuer, pendant que l'on le vestoit ou chauffoit, il laissoit non seu-  
lement entrer ses Princes, mais encores si le Comte du Palais luy rappor-  
toit qu'il y auoit quelque procès & differend qu'il ne peut iuger sans luy  
en parler, il faisoit entrer les parties, & donnoit son arrest, comme s'il  
eust esté en son lit de iustice. Lors non seulement il oyoit les parties, mais s'il  
y auoit quelque chose à commander à aucuns pour ses affaires, c'estoit là qu'il  
l'expedioit.

Il estoit abondant en parolles, & fort aisément pouuoit donner à entendre  
ce qu'il auoit conceu en son esprit : ayant outre sa langue naturelle, employé  
le temps à apprendre les estrangeres, principalement la Latine : en laquelle il  
harenguoit aussi bien qu'en sa maternelle. Quant à la Grecque il l'entendoit  
mieux qu'il ne sçauoit la prononcer. Bref il estoit tant eloquent, qu'il sem-  
bloit (dit Eginard) auoir esté maistre d'escolle : & vne Chronique dit, qu'on  
l'appelloit Truchement : c'est à dire interprete.

Il faisoit grand cas des arts liberaux, & portoit honneur à ceux qui les  
sçauoient : & ausquels il fit de grands biens : jasoit qu'il n'aymast moins les ar-  
mes, dont l'on ne parleroit point, & qui periroient avec les Capitaines, sans  
la plume des bons auteurs. Pour la Grammaire, il se seruit de Pierre de Pise,  
qu'il ouyt, estant ledit de Pise ja vieil : Mais aux autres disciplines Aubin (dit  
Alcuin) Diacre, Sefne d'Angleterre, fut son precepteur : sous lequel il employa  
beaucoup de tēps, & de peine à apprendre la Rethorique & Dialectique : mais  
principalement l'Astronomie, estā tres-curieux d'entēdre le cours des Astres.

Il aprit aussi l'Arithmetique, & mit peine de peindre les lettres : pour cet ef-  
fect tenant des tablettes sous son cheuet, afin d'y employer le temps quand il  
auoit le loisir, & y accoustmant sa main. Iasoit qu'il n'y profitast pas beaucoup,  
pour y auoir commencé trop tard.

Il garda tresbien la Religion en laquelle il auoit esté nourri dès son enfan-

## DES ANTIQ. FRANCOISES LIVRE VII.

*L'an de ce,* & fit bastir plusieurs Eglises & Monasteres; Et Nicolas Gilles dit, que des *Iesus* tresors que ledit Charlemagne auoit eus des Rois & Princes par luy subiu- *Christ.* gueuz, il decora & enrichit grandement l'Eglise sainct Iacques: & en ladite Eglise fonda & mit Chanoines de la reigle de S. Ysidore, & ce fait s'en retourna en Frâce: & du reste des tresors qu'il auoit gaignez en Espagne, il edifia plusieurs Eglises en l'honneur & reuerence de mondit seigneur S. Iacques, auquel il eut depuis toute sa vie singuliere deuotion & reuerence. Et entr'autres, il edifia la Chapelle de nostre Dame d'Aix, en Allemagne, où il est enterré: & S. Iacques à Bourges, S. Iacques à Thoulouze, S. Iacques qui est entre Agde, & S. Jean de Sorde, S. Iacques entre Paris & Mont-Martre (lequel est de présent enclos dedans Paris, & nommé S. Iacques del'Hospital) S. Philebert, S. Iosse, pres Montereuil sur la mer, S. Florent pres Saumur, S. Maixant, & Charrous en Poictou, Conches, Menat, Mainlieu en Auvergne, Moissac, S. Sauin en roitou, Noillac, S. Tienfion, S. Paizant, Sainte Croix à Poictiers, S. Aignan d'Orléans, & plusieurs autres Abbayes, Colleges, & autres Eglises, en nombre non croyable: & toutes les decora & enrichit moult, tant en edifices, en rétes & reuenus, que d'or, argent, pierres precieuses, ornemés & reliquaires, leur dōnant de grands & beaux priuileges: & mit en chacune Eglise vne lettre d'or vallant cent liures, en laquelle estoit escrit l'année de la fondation d'icelle, en memoire perpetuelle, & s'en trouue encores en aucunes desdites Eglises & Abbayes.

Il fit vne Grammaire de sa langue maternelle: & donna aux mois & aux vents des noms en sa langue, de laquelle il translata en Latin des vers vulgaires, contenans les faits des anciens Rois: l'autheur ne dit s'ils estoient rhimez ou non; jaçoit qu'il y eut apparence qu'ils le fussent.

Il fit des testaments, par lesquels il instituait heritieres ses filles, & aucuns enfans qu'il auoit de concubines, mais ils ne peurent estre parfaits, parce qu'il commença trop tard à y besongner. Quant au partage & diuision de son tresor, argent, vestemens & meubles, il l'auoit fait trois ans deuant sa mort, en presence de ses amis: les ayant priez & adiurez de le faire garder en son entier apres sa mort, tant qu'ils pourroient: faisant vn sommaire de son intention, dont la teneur ensuit.

Au nom du Pere, & du Fils, & du S. Esprit: Ensuit la distinction, ou diuision faicte par le glorieux & deuot Seigneur, Monsieur Charles Empereur Auguste: L'an del'Incarnation de nostre Seigneur Iesus Christ, huiet cens vnze, le quarante troisieme de son regne en France, en Italie le tréte six, de l'empire, le vnze: indiction quatrieme: laquelle pour aucunes bonnes & saintes raisons, il a delibéré faire & parfaire moyennant la volonté de Dieu: & ce, de ses tresors & deniers, qui pour ceste heure se sont trouuez en sa chambre. Par laquelle diuision il a principalement voulu pourueoir qu'aumosne fut faite de ses deniers, comme l'on a accoustumé des possessions & terres qui sont données par les autres Chrestiens: mais aussi afin que toutes doutes ostées, ses heritiers cognoissent clairement ce qui leur appartiendra; & puissent entr'eux sans querelle & proces faire leur pottage & diuision, sous telle intention & de liberation.



Il veut donc estre fait trois parts de tous ses meubles & biens, tant or, argent, pierres precieuses, qu'autres ornemens royaux, lesquels (ainsi que dit est) se trouueront lors en sa chambre. Et puis que subdivisant deux d'icelles, il en soit fait vingt & vne : reseruant la troisieme desdites trois premieres. Item que de ces deux tiers partis en vingt & vne, la diuision sera telle. Pource qu'en son Royaume il y a vingt & vne eglise Metropolitaine, il veut que par les mains de ses heritiers & amis, à chacune desdites Metropolitaines soit baillée vne vingt & vnieme partie. Et que l'Archeuesque qui lors se trouuera, ayant receu sa part, la repartisse avec ses sufragans : en telle maniere, que le tiers appartienne à son eglise, & les deux autres à seldits sufragans.

Item que le partage de ces deux tiers montant à vingt & vne partie, autant qu'il y a de Metropolitaines, ayant esté separé, l'autre sera remise dans vne quaiße à part : avec l'etiquette.

Que ces villes Metropolitaines, ausquelles il veut estre faite ladite donation, sont Rome, Rauenne, Millan, Frioul, Grade, Colongne, Mayence, Viuian (jadis *Iuuania*, & maintenant Saltzbourg) Roüen, Treuis, Bezançon, Lion, Reims, Arles, Vienne, Tarentaise, Ambrun, Bordeaux, Tours, & Bourges.

Quant à l'autre partie, qu'il a voulu laisser entiere, il en sera ordonné ainsi qu'il s'ensuit. Les deux autres tiers ainsi diuisez que dit est, & enfermés sous des seaux : Ceste troisieme sera dorenuant employée pour l'usage ordinaire, comme non aliénée de sa possession : & ce, tant & si longuement qu'il viura, ou en voudra user.

Mais apres sa mort, ou que volontairement il sera retiré des affaires de ce monde : Ceste mesme part sera diuisée en quatre : dont l'une sera adioustée aux vingt & vne seldites ; l'autre sera esgalement diuisée entre ses fils & filles, petits fils & petites filles. La tierce, suyuant la coustume des Chrestiens, sera employée en aumosnes. La quatre, sera semblablement aumosnée & distribuée entre ses seruiteurs & seruantes du Palais.

A ceste troisieme partie du total, qui semblablement consiste en or & argent comme les autres, sera adiousté tout ce qui se trouuera de cuiure, fer, ou autres metaux : soit en vases & autres vstencilles, avec les armes & vestemens, & autres choses precieuses & viles ; meubles de diuers usages : comme courrines ou couuertures, cuiures, chalits, tentes & pavillons : materas & contrepointes, & tout ce qu'aujourd'huy a esté trouué en la châtre & garderobe : & ce pour augmenter ladite partie, & auoir moyé d'aumosner à plus de personnes.

Quant à sa Chappelle, c'est à dire à ce qui sert au ministère de l'eglise, il veut que tout, tant ce qu'il a fait faire, que ce qui luy est escheu de succession paternelle, demeure entier, sans estre diuisé : & s'il se trouuoit des vaisseaux, ou liures, ou autres ornemens, lesquels il apparut clairement n'auoir esté par luy donnez à ladite Chappelle, il permet à chacun de les acheter, en baillant la iuste valeur d'iceux.

Autant en veut-il estre fait, des liures de sa Bibliotheque : par luy assemblez en grand nombre & quantité, qu'il permet à chacun d'acheter à iuste prix, ce qui sera distribué aux pauvres.

*L'an de* Entre ses trefors il y a trois tables d'argent, & vne d'or bien grande & pesante : desquelles il ordonne estre fait ce qui s'ensuit, à sçauoir, que celle qui est carrée, & contient la figure de Constantinople, soit portée à Rome, avec les autres choses destinées à ladite ville; pour estre présentées en l'Eglise de Saint Pierre Apostre. L'autre qui est ronde, & contient la description de Rome, soit donnée à l'Euesque de Rauenne. La troisieme qui est plus belle & plus pesante que les autres, & laquelle iointe en trois ronds contient la description du monde en bien petites figures, & semblablement celle d'or qui est la quatrieme, seruira d'augmentation à la troisieme part de ses heritiers, & distribution d'aumosnes.

Ce testament & ordonnance a esté faite en presence des Euesques, Abbez, & Comtes qui lors se trouuerent presens : & desquels les noms sont cy dessous escrits. Les Euesques furent Hildebeld, Riolf, Arn, Vvelfaire, Bernon, Landrad, Iean, Theodulf, Iessé, Hern, Valgaud : Les Abbez, Fridergise, Adalering, Angilbert, Iuum : Les Comtes Valach, Meguibart, Otulf, Estienne, Varoch, Bouchart, Meguihart, Adon, Ricon, Edd, Arechangaire, Gerold, Bero, Hildegaire, Roculf, tesmoins dudit testament.

Quand ledit Empereur mourut, il ne luy resta de tous ses enfans legitimes & massés, que Louys Roy d'Aquitaine, de filles, plusieurs, le nom desquelles n'est pas certain, ayant les auteurs meslé les legitimes, avec celles qui estoient venuës de concubines. Et de bastards, que Dreus, Hugues, & Thierry. Et de Pepin Roy d'Italie vn fils, nommé Benard bastard, à qui de son viuant il auoit donné le Royaume, que son pere tenoit en Lombardie : & lequel plusieurs sans raison pensent auoir esté legitime : contre ce qu'expressément Tegan nous en a laissé par escrit.

Aucuns tiennent ce testament pour suspect, d'autant que l'escruiain a obmis les Archeuesques d'Aix, Narbonne, Auchz, & Sens, anciennes : Toutes-fois si l'ay-ie, escrit en parchemin, de caracteres qui passent six cens ans; & la distribution qu'en fit Louys son fils, & recitée en sa vie le monstre veritable. Laçoit qu'il puisse y auoir faute au nombre des villes oubliées par les Copistes.

F I N.

LIVRE



# LIVRE HVICTIESME DES

## ANTIQUITEZ GAVLOISES

### ET FRANCOISES.

L'An de  
Jesús  
Christ.

CONTENANT LES FAITS DE LOVYS  
le Debonnaire, Empereur & Roy de France.

#### CHAP. I.

L'Empereur Charlemaigne mort. Louys son fils Roy d'Aquitaine vient à Aix, où les Seigneurs François le recognoissent pour Seigneur. Aucuns tuez ou prisonniers, pour le mauuais gouvernement des filles du feu Empereur. Louys accomplit le testament de son pere : & donne sa part aux pauvres. Abbayes donnees en recompense. Ambassadeurs de Constantinople en France, & des François en Constantinople. Grimoald Duc de Beneuent, met sa terre en l'obeyssance de L'Empereur. Commissaires enuoyez par les Provinces, pour les visiter, & amender les fautes des Comtes & Iuges. Bernard Roy d'Italie, fait homage à son oncle. Bataille entre les Roys de Dannemark. Heriold se retire vers l'Empereur, qui rend la liberté & l'héritage ausdits Sefnes transportez. Heriold accompagné des François, cuidant y entrer en son Royaume, est empesché par les enfans de Godefroy. Sardes font rompre à l'Empereur la paix qu'il auoit aux Sarrazins d'Espagne. Pape fait executer à mort des Gentils-hommes Romains. Ambassadeurs François retournez de Constantinople. Tremblement de terre. Vinigise Lieutenant de l'Empereur chastie les Romains. Reglement des limites des Eueschez de Soissons & Noyon.

Leson-  
dmet de  
ces An-  
nales est  
prie de  
celles qui  
finissent  
l'an 829.  
de la vie  
dudit  
Empe-  
reur, es-  
crite à la  
relatiõ de  
Adamar  
son do-  
mestique,  
de Tagã,  
de Ni-  
tard, &  
d'une co-  
tinuatiõ  
d'An-  
nales,  
iusques à  
l'an 883.



L'EMPEREUR Charles mort, ses enfans & ceux qui auoient charge de ses funerailles, depescherent Rapon ; afin d'en aduertir Louis son fils ; & l'admonester de venir incontineñt. Cõme ce messager passoit par Orleãs, Theodulf qui lors en estoit Euesque, se doutant bien de la cause qui le halloit, enuoya soudain vn homme vers l'Empereur Louys, demander seulement s'il l'attendroit en sa ville, ou s'il le viendroit trouuer en chemin.

DDDD

L'an de  
Jesue  
Christ.

A cét aduis (mieux entendu qu'en apparence il ne sembloit signifier) fut respon-  
du qu'il vint. Et depuis cōme plusieurs aduertissemēs arriuaissent les vns sur les  
autres; le 5. iour d'apres, l'Empereur partit de Thedoald; où ja il auoit assigné  
vn Parlement general du peuple d'Aquitaine, au iour de la Purification nostre  
Dame, que nous appellōs la Châdeleur, à cause des châdelles & cierges ardāts,  
que ce iour là (deuxiesme Feurier) nous portons en nos Eglises à la procession.  
Ceste assemblee lui vint assez à propos, d'autant qu'il en fut mieux accōpagné:  
mais ne se fiāt encores en ses forces, il mt ensemble le plus de ses hommes qu'il  
peut en si bref temps amasser, auec lesquels il s'achemina; car il craignoit Vva-  
lach ou Galon, le premier homme qui fut pres du feu Empereur: lequel tou-  
tesfois aussi tost arriué, bien humblement se soumit à son commandement &  
protection, luy faisant hommage, selon la coustume des François.

A l'exemple de cestuy-cy, tous les Princes & Seigneurs du Royaume de  
France, vindrent au deuant par troupes, & comme à l'enuy.

Or jaçoit que l'Empereur fut naturellement doux, si estoit-il marry de ce  
que ses sœurs faisoient à la suite de son pere; aussi estoit-ce la seule tache que  
lon eut peu remarquer en la maison & Cour de Charlemaigne. A ceste cause,  
pour y mettre ordre, & pour euitier que scandale n'aduint, pareil à celuy dont  
Odillon & Altruide furent jadis causēs (ie ne sçay si il entend Odillon Duc de  
Bauieres, qui raut la fille de Pepin: ou si Odilles duquel sera parlé, fut trouué  
auec vne des filles de l'Empereur) il enuoya deuant à Aix le mesme Galon,  
Vvarnyer (c'est Garnier) Lambert & Ingobert; remedier à ceste honte, & dex-  
trement se saisir, iusques à sa venue, d'aucuns trop enfez pour l'impudique  
acoitrance qu'ils auoient auec ces filles: & cependant il tira à Aix, par Hari-  
stal.

En ce chemin, il pardonna à ceux qui l'en requirent; & commanda au peu-  
ple estant à Aix (ie croy Courtisāns & officiers) de l'attendre sans crainte: Mais  
le Comte Garnier accompagné de Lambert son nepueu, sans le sçeu de Ingo-  
bert & de Gallon, manda Oudin, ou Odilles, (suspçonné d'entretenir ces  
filles) pour venir parler à luy: pensant le chastier, & aussi tost en faire iustice.  
Oudin, jaçoit que sa conscience l'aduertit de la cause du message, ne voulut  
(pourtant) se cacher: ains delibera faire vne chose, qui encores plus remar-  
qua sa felonnie. Car il vint trouuer Garnier, qu'il tua: & tellement blessa In-  
gobert en la iambe, que pour long temps il le rendit impotent: mais aussi Ou-  
din fut sur le champ tué à coups d'espee.

La mort de Garnier, grandement aymé de l'Empereur, l'irrita de telle sorte  
que Tullies accusé de pareille faute qu'Oudin, & à qui il sembloit vouloir  
pardonner, eut les yeux creuez. Trente iours apres que l'Empereur fut party  
de Thedoald il vint à Aix; où tout aussi tost il se fit monstrier les tresors de son  
pere: qui estoient bien grands: tant en or qu'en argent monoyé, & non mon-  
noyé, pierres precieuses, & autres meubles: puis auec resiouissance de ses pa-  
rens, & du peuple François, là assemblé à grand nombre, pour la seconde fois  
il fut vnanimement déclaré successeur du Royaume, & Empire, faisant ache-  
uence qui estoit des funeraillēs.

Deschargé de cest office pitoyable, il remercia ceux qui en auoient eüe le soing; se fit lire le testament de son père partageant loyaument entre luy, & ses sœurs, les meubles qui leur estoient escheus fors l'equipage Royal, qu'il laissa à la posterité: comme aussi il enuoya aux Eglises metropolitaines, leurs portions testamentaires. Quant à la sienne il la donna aux seruiteurs & seruantes royaux (ie croy domestiques) Prestres, pauvres estrangers, vesues, & orphelins: & encores enuoyant à Rome du temps de Leon Pape, la plus grâde partie des thresors: reseruant seulement vne table d'argent, partie en trois, comme des escus ioints ensemble; où estoit descrite la terre habitable, qu'il garda pour souuenance de son pere, apres l'auoir achetee certain prix.

Cela fait, il met incontinent ses sœurs hors du Palais, avec vn grand tas de femmes qu'il y trouua: fors celles qu'il iugea necessaires à l'estat Royal; enuoyant ses sœurs demourer en leurs Monasteres: & à celles qui n'en auoient point, il leur en bailla. Car de ce temps-là, nos Roys faisoient tenir les riches Abbayes par leurs fauorits, au lieu de recompense de seruices. Quant à Hugues, Dreux, & Thierry ses freres bastards, d'autant qu'ils estoient ieunes, il les fit nourrir en son Palais, & manger à sa table, se monstrant tres-charitable enuers eux.

Cest ordre donné, & mis en son estat, & affaires en son Royaume; il ouyt les Ambassadeurs enuoyez tant à son feu pere, qu'à luy-mesme. Les principaux estoient Christophle Spataire, George Diacre: que Leon successeur de Michel Empereur de Constantinople, ayant desesché, Amalart euesque de Treues, & Pierre Abbé de Nonantulle (enuoyez en Grece par le feu empereur) renuoyoit avec le traicté de paix; pour asseurer Charles, & respondre à tout ce qui auoit esté mädé à Michel. Les Ambassadeurs Grecs furent desfrayez tant qu'ils demourerent par deçà: & apres leur auoir fait de grands presens, renuoyez avec Norbert, euesque de Rege, & Ricoin Comte de Poictiers: pour renoueller les anciennes alliances, & confirmer les nouveaux traictez.

Au mesme temps, l'empereur fit semondre Benard Roy d'Italie son neveu, de luy venir faire hommage. Cependant, Grimoald Duc de Beneuent, enuoye ses deputez mettre toute sa terre en la puissance de l'empereur; & promettre par chacun an sept, ou (selon d'autres) vingt cinq mil sols d'or, pour cens. et toutesfois, les Italiens soustiennent que Charlemagne l'auoit quitté l'an sept cens soixante & dixsept.

Cette année fut tenu vn Parlement à Aix: où par l'aduis des Seigneurs, & pour releuer le peuple d'oppression, l'empereur enuoya par toutes les Provinces, des gens de bien & notables, appelez *Missi* (c'estoient comme des Commissaires) afin de rendre iustice à chacun: renoueller & confirmer les donatiōs de tous les biés faits par ses predecesseurs aux eglises, à qui il octroya lettres signees de sa main: & encores pour enquerir si aucune iniustice auoit esté faicte, & où ils trouueroient des complaignans qui eussent resmoings: de les faire venir en sa presence. Ces deputez; trouuerent innumerables personnes oppressees, tant pour auoir esté priuees de leurs heritages, que de leur

*L'an de liberré & franchise, par la violence des mauuais ministres & gouuerneurs des lieux. Ce que le bon Empereur fit amâder, & rendre tout ce qui auoit esté iniustement pris du temps de son pere, par ses iniques officiers : & retint en franchise, tous ceux qui auoient esté asseruis contre raison : gardant longuement ceste façon de faire.*

Ces Commissaires estoient meslez de Clercs & Lays, qui en visitant les Provinces, s'enqueroient de la vie des Euesques, Abbez, Abbeses, Comtes & Iuges des lieux de leur departement ; & quels Vidames & Auoiers les Eglises auoient, faisant de tout rapport au prochain Parlement. l'adiousteray, que le mesme Empereur, deffendit aux Comtes, d'estre Auoiers des Abbayes, assises en leurs Comtez : afin ( ce croy-ie ) que leurs suiets, plus hardiment se plainnissent, s'ils estoient oppressez d'eux.

Lors Benard Roy d'Italie, vint faire hommage & serment de fidelité à son oncle, qui volontiers le receut, & apres luy auoir fait de grands presents le renuoya en son païs. Comme aussi il enuoya en diuerses contrees, ses enfans propres : c'est à sçauoir Lothaire en Bauieres, & Pepin en Aquitaine: retenant pres de soy pour sa ieunesse, le troisieme nommé Louis.

En ce temps, Heriold & Raginfroy qui se disoient Rois de Dannemark, & l'an precedent chassez de leur Royaume par les enfans de Godefroy, assemblerent leurs forces & puissances & se donnerent bataille: en laquelle mourut le susdit Raginfroy, & le fils aîné de Godefroy : Heriold qui se deffioit de ses forces, vint deuers l'Empereur, auquel il fit hommage, à la façon des François. Ce fait, on le renuoya en Saxe, attendre le temps propre, pour luy donner moyen de recouurer son Royaume.

Au mesme temps, par grande humanité, & douceur, furent rendus aux Sefnes, & Frizons, leurs Alleuds (c'est à dire propres heritages) avec tel droit de franchise, qu'auoient leurs peres : iustement à eux ostez par l'Empereur Charlemaigne, à cause de l'infidelité de ces peuples tant de fois rebelles: permettant qu'ils peussent retourner en leur païs naturel. Et afin de leur en donner plus d'enuie, & courage d'abandonner leurs habitatiôs nouuelles, l'Empereur permit de tester à ceux qui retourneroyent (ce qui aussi leur auoit esté deffendu) ostant à ceux qui demeuroient en Gaule, ceste liberté de faire testament. Lon parla diuersement de telle liberalité : car les vns ingeoient que c'estoit vn acte magnanime, & les autres yn mauuais aduis & conseil : pensans que ce peuple (naturellement farouche) deuoit estre contraint & tenu court, par ceste bride & seruitude; de peur que se voyant libre, audacieulement il ne reprist les armes. Mais au contraire, l'Empereur estima que tant plus il feroit de courtoisie à ces gens courageux; plus estroittement il se les rendroit alliez, & suiets. Aussi ne fut-il trompé en ceste attente : Car depuis, les Sefnes, & Frizons (comme obligez par telle & si grande liberalité) luy demourerent tres-fidelles, & humbles suiets à sa deuotion; se monstrans obeissans à tous ses commandemens.

Or l'Empereur qui n'auoit oublié la promesse faite à Heriold Roi de Dannemark, l'an huit cens quinze, commanda aux Comtes Sefnes, & Abodri-

res ( de long temps suieſts des François ) de se preparer au voyage qu'il entendoit faire pour le remettre en son Royaume. Et à ceste fin, l'armee par deux fois essayade passer en hyuer la riuere d'Elbe : Mais dautant que la saison changeant de son acoustumee rigueur deuint plus douce ; la glace qui auoit couuert ceste riuere, & deuoit seruir de pont pour la trauerser, fondit : tellement que l'entreprise demoura, & fut remise à la my May : & à vn plus beau temps. Lequel venu, les Comtes de Saxe, avec les forces des Abodrites, que menoit Baudri ou Baudoin Lieutenant de l'Empereur, passerent la riuere d'Egit: & entrerent au pais des Normands appelez Sindleudes ( possible Suddleudes ) qui seroient les habitans d'Holsace, tenant le Midy de Dannemark, Suede, & Norueghe ( que l'auteur appelle Normands, d'un nom general ) en intention d'ayder au Roy Heriold, ainsi qu'il leur auoit esté commandé par l'Empereur.

Le camp marcha en pais sept iours, iusques à vn lieu nommé le bord de l'Ocean : où il y seiourna encores trois autres : Mais jaçoit que les enfans de Godefroy eussent de grandes forces, & deux cens Nauires, ne voulans venir à la bataille : ils se retirerent en vne Isle esloignee de terre de trois mil : & nos gens apres auoir gasté le pais, pillé & bruslé tout ce qu'ils recontrerent, & encores receu quarante ostages, que les Sindleudes auoient baillez pour seureté de leur promesse, s'en retournerent vers l'Empereur qui estoit à Paderbrun, ville dudit pais de Saxe, où il auoit passé l'hyuer, y ayant assigné vn Parlement & assemblée generale de tout son peuple. Car mesmes Benard Roy d'Italie y vint pensant accompagner son oncle au voyage de Normandie.

En ce lieu furent ordonnees beaucoup de bonnes choses : & tous les Princes & Ambassadeurs des Sclaues Orientaux ( entendez, eu esgard à la Germanie ) s'y trouuerent, demandants la paix : comme aussi ceux de Saxe, & toutes les nations Payennes leurs voisines : Là ceux de Calary principale ville de l'Isle de Sardaigne, apporterent des presents à l'Empereur, pour le prier de commander de rompre la paix faite depuis trois ans avec Abulas Roy Sarrazin d'Espagne : Dautant qu'elle estoit dommageable, tant ausdits Sardes, qu'au Royaume d'Italie. Qu'à la verité, Abulas eut peu l'entretenir de son viuant : mais que depuis sa mort tout estoit changé ; pour ce que les Pyrates Sarrazins ne les souffriroient en repos, iusques à ce qu'ils fussent contraints à force d'armes, comme ils l'auoient maintesfois esté auparauant.

L'Empereur qui les creut commanda rompre la paix ; & denoncer la guerre ausdits Sarrazins : Combien que les affaires d'Italie ne fussent du tout en repos ; car estant encores audit Parlement, il eut nouuelles que des Gentilshommes Romains ( que malicieusement lon disoit auoir conspiré de tuer le Pape Leon ) estants descouuerts & conuaincus, auoient esté par luy condempnez à mourir, suivant la loy Romaine. Ce que l'Empereur trouua bien mauuais, mesurant son naturel debonnaire, à la rigoureuse iustice, dont le premier Eueſque des Chrestiens auoit vsé enuers ses ennemis. Et pour ce, il fit incontinent partir le Roy Benard, tant afin de sçauoir la cause & verité du fait, & l'en aduertir par Gerald ( qu'il enuoyoit quant & luy ) que pour donner or-

DDDD iij

L'an de dre au pais d'Italie : & pouruoir à la requeste des Sardes. Quant à luy, apres  
 Iesus  
 Christ. auoir garny la frontiere de Saxe, il vint à Francfort : où se trouuerent Nort-  
 bert Euesque, & Ricoin Comte de Poictiers, retournez de Constantinople  
 avec le traicté de paix d'entre les Empereurs d'Orient & d'Occident.

Ces Ambassadeurs rapporterent que durant leur seiour en Constantinople, estoit suruenu vn croule qui auoit duré cinq iours : par lequel plusieurs edifices de ladite ville & d'autres Citez, furent abatus : & les habitans agrauâtes dessous. Lon disoit aussi qu'au mois de Septembre, la ville de Xaintes ( qui est en Guienne ) auoit tremblé, & le Rhin enflé des eaux & neiges des Alpes, se desborda plus de coustume.

Cependant, le Roy Benard vint à Rome, faire l'enqueste dont il auoit esté chargé. Mais surpris de maladie, Gerard Comte, qui luy auoit esté baillé pour Lieutenant, appaisa le differend. Et par luy mesme, Benard aduertit son oncle de la verité del'esmeute Romaine, & punition des accusez.

Le Comte François fut aussi tost fuiuy de Iean Euesque de Silua Candida, & de Theodore Donneur, & de Serge, Duc : qui satisfirent à l'Empereur des cas imposez au Pape. Toutesfois, l'inimitié des Romains ne peut estre appaisée : Car depuis, estant Leon tombé malade à Blere ( possible Velित्रे ) ils s'assemblerent en grand nombre; pillerent & bruslerent toutes les *Domuscultas* ( ie croy maisons de plaissance ) par luy nouuellement basties, presqu'en toutes les contrées voisines : deliberans d'aller à Rome pour rentrer en leurs terres qu'ils disoient leur auoir esté rauies. Dont Benard aduertty, & voyant que par lettres & messagers, il ne pouuoit les appaiser ; enuoya contre eux vne armee conduite par Vinigise Duc de Spolette ; qui assopit la sedition ; & fit le procès à plusieurs mutins, qu'il enuoya en France à l'Empereur, lequel les confina en diuers lieux : apres auoir esté aduertty par le Duc, de toutes leurs fautes, & de l'occasion de la querelle : Ce qui sert d'une marque pour monstrier la iurisdiction que l'Empereur auoit à Rome.

Ceste mesme annee, Vulfarie Archeuesque de Rheims, tint vn Synode prouincial en l'Eglise de Soissons ; où assisterent les Euesques de sa Prouince : A sçauoir Hildoard de Cambray, Ermenon de . . . . . Iessé d'Amiens ; Ragembert, de . . . . . Grimbold de . . . . . Rotard de Soissons, Vandelmars de Noyon, Ostrold de Laon, Valtar, & les Corepiscopes, c'est à dire Euesques Champetres ( ie ne sçay si les Doyens Ruraux leur ressemblent ) des Abbez : Albar, Nantair, Forad, Erion, Holderic, Remy, Ebon, Siglabd, avec tout le Clergé, Prestres & Diacres : ensemble les Comtes Guichard, Rotfrid, Gislebert, Otner : Pour vuidier le differend d'entre lesdits Rotald, & Vandelmars Euesques : touchant les limites de leurs Parroisses & Dioceses. Là il fut conclud ; que les lieux d'outre la riuier d'Oise vers Noyon, demoureroient dudict Diocese : à sçauoir Norinne la ville, Champtrapiac, Hierusalem, Haer, Haudianisme, l'Eglise ou paroisse de saint Leger, avec les villages qui faisoient sembloient ausdictes paroisses. et que tous les autres lieux outre ladite riuier, appartiendroient audit Diocese de Soissons. Ce qui fut accordé des parties, & signé de leurs mains, & celles de leur Clergé. Je n'ay fait mention de



ceste assemblée, sinon pour monstrier la façon, & les gens appelez aux Synodes des Prövinciaux.

L'an de  
Iesus  
Christ.

## CHAP. II.

*Sorabes rebelles domptez. Gascons battus en deux batailles. Seguin leur Duc se retire vers les Sarrazins. Leon Pape mort. Estienne luy succede : qui fait iurer aux Romains la fidelité à l'Empereur : & s'excuse de son election faicte sans auoir appellé l'Empereur. Vient en France. Couronne l'Empereur à Rheims. S'en retourne avec les Romains deliurez. L'Empereur fait composer la regle des Chanoines. Paix octroyee aux Sarrazins d'Espagne. Bornes de l'Empire. Enfans de Godefroy se plaignent de Henriold : auquel l'Empereur donne secours.*



**L'**HYVER passé, les François Austrasiens, & les Sefnes, par commandement de l'empereur ( qui auoit fait le Noel de l'an huit cens seize à Aix ) firent vn voyage 816. contre les Selaues Sorabes accusez d'estre rebelles & desobeyssans, & lesquels bien-aisément furent accablez. Car apres la prise d'vne de leurs villes, tout le reste eut si grande frayeur, qu'ils mirent les armes bas.

D'autre costé, les Gascons habitans entre la Garonne & les montagnes; suiuant leur accoustumee legereté ( ce sont les mots des Annalles du temps ) entierement se rebellerent, à cause de Seguin leur Duc ou Comte, osté de sa charge pour sa mauuaise & insolente vie. Ce neantmoins ils furent tellement chastiez en deux batailles, gaignees par les François leurs voisins, que pour leur foiblesse ils n'eurent plus moyen de se mouuoir. Ains se rendirent, bien ioyeux d'estre receus en la bonne grace de l'empereur. Mais Seguin desesperé; aussi traistre qu'auaricieux & meschant, aima mieux prendre le hazard de la guerre, qu'attendre le rigoureux iugement que le Parlement eut donné contre luy : & se retira en Espagne vers les Sarrazins; sous l'esperance d'estre par eux couuert, & fauorité par le support de leurs armes.

Cependant l'empereur est aduertý de la mort du Pape Leon, trespasé le xxij. May, ou quatriesme de Iuillet : & que estienne Diacre estoit mis en sa place. Ce nouveau Pape, tout incontinent commanda aux Romains iurer fidelité à l'empereur Louys : & renuoya ses Ambassadeurs en France, l'aduertir que volontiers il le viendroit trouuer la par qu'il seroit; dont Louys fut tres-joyeux. Et d'autre costé, le Pape deux ou trois mois apres, s'achemina en France. Toutes-fois, il enuoya deuant des Ambassadeurs, satisfaire à l'empereur touchant son election au Papat. Qui semble estre encores

## DES ANTIQ. FRANCOISES LIVRE VIII.

*L'an de  
Iesus  
Christ.*

une recognoissance du Pape, à l'endroit de la Majesté Imperiale. Aussi Louis aduertit de ceste venue, commanda au Roy Benard de l'accompagner. Et quand le Pape fut plus approché, luy enuoya d'autres gens pour le conduire ainsi qu'il appartenoit. Quant à luy, il prist le chemin de Rheims, où il deliberoit de le recevoir. Toutesfois le sentant approcher, il enuoya encores au deuant Arlebold Archichapelain du Palais; & Theodulf Euesque d'Orleans: & depuis commanda à Jean Euesque d'Arles, qu'il le receut accompagné d'autres supposts de l'Eglise, vestus d'habillemens sacerdotaux. Cependant l'Empereur vint en l'Abbaye de saint Remy, lors voisine de Rheims; & quand le Pape fut à demie lieuë pres, il alla au deuant (& comme disent Tegan, & apres luy Frodoard, qui a escrit les gestes des Archeuesques de Rheims) en plaine campagne descendit de cheual, si tost qu'il apperceut le Pape, par trois fois s'enclinant en terre deuant luy, & en disant: Benist soit celuy qui vient au nom de Dieu: le Seigneur Dieu nous a illuminez. Et le Pape aussi tost descendu, respondit: Benist soit nostre Dieu, qui nous a fait la grace de voir de nos yeux vn second Roy David. Cela dit, ils s'entrebaiserent, puis ayant l'Empereur pris le Pape par la main, le conduisit en l'Eglise de saint Remy, où longuement ils prièrent Dieu. Et l'Hymne de *Te Deum laudamus* chantée, le Pape & son Clergé à haute voix firent les louanges Roiales à l'empereur (c'est à dire à mon aduis) firent les cris de ioye accoustumez en la recognoissance & reception des nouveaux empereurs: & que ie croy auoir esté pareils à ceux que i'ay recitez au Couronnement Imperial de Charlemaigne: puis que c'est icy leur premiere rencontre.

Ce fait, le Pape fut mené en la maison preparee pour luy à saint Remy: où il recita à l'empereur les causes de sa venue: dont l'une des principales, estoit pour retirer & emmener avec luy aucuns Romains confinez en France, pour la sedition esmeuë contre Leon Pape son predecesseur: de laquelle a esté parlé cy-dessus. Il fut volontiers escouté, & apres auoir pris du pain & du vin ensemble, l'empereur se retira en la ville, où depuis il fit venir le Pape; qu'il festoya de banquets & presens, comme aussi fit le Pape l'empereur, trois iours apres: ne se voulant laisser vaincre en magnificence & liberalité. Pour le comble de laquelle, le Dimanche d'apres durant la Messe, il mit sus la teste dudit Louis, vne Couronne d'or enrichie de pierreries, par luy apportee de Rome, & vne autre aussi sus celle de Hermengard femme dudit empereur: les appellant tous deux Augustes. Pour memoire dequoy, l'ebon Archeuesque de Rheims fit peindre au haut & faiste de son eglise, les images de l'empereur, & du Pape. Lequel ayant expedie les affaires qui l'auoient amené en France, à l'instant prist son chemin pour s'en retourner, chargé de presens. Car l'empereur (plus coustumier de donner que de recevoir) luy presenta vne Croix d'inestimable valeur, pour mettre en l'eglise de saint Pierre: & commanda qu'il fut bien receu, & festoyé par tout où il passeroit: ainsi le Pape ayant bien fait ses besongnes, retourna tout ioyeux, avec les Romains: deliurez de la prison où l'empereur les auoit condempnez.

Quant à Louys, il prist le chemin de Compiègne, afin d'ouyr les Ambassadeurs

deurs des Abodrites , & ceux d'Espagne ; venus de la part d'Abdiracman <sup>L'an de</sup> fils d'Abulas Roy de Sarragoce, qui demandoit la paix. Ceux-cy ne furent <sup>Iesus</sup> si tost expediez, ains r'enuoyez attendre l'Empereur à Aix : lequel s'y ache- <sup>Christ.</sup> mina, apres auoir seiourné vingts iours à Compiègne. En ce lieu d'Aix, il passa l'hyuer ; pendant lequel il tint vn Parlement ou Synode, la dixiesme Indiction, le troisieme an de son Empire, & de l'Incarnation de nostre Seigneur huit cens seize.

816.

Là, fut posé de faire vne reigle pour les Clercs, à ceste cause appelez Reguliers : tirée de diuerses escritures des Peres, laquelle il vouloit aussi estre obseruée par les Moynes. L'on peut recueillir du liure d'Amalar, vne partie de la harangue de l'Empereur ; lequel apres auoir dit beaucoup de choses propres & necessaires pour l'aduancement de l'estat de Sainte Eglise, vfa de ces mesmes paroles. Que pour l'amour de celuy qui l'auoit racheté de son saint & precieux Sang, & promis de ne l'abandonner iusques à la consommation du siecle, Dieu luy auoit fait la grace d'assembler ceste sainte & venerable compagnie ; à fin d'aduiser, & en l'admonestant conseiller, de regarder à aucuns Prelats de l'Eglise : lesquels partie par ignorance & paresse, tenoient peu de compte de leurs subjects : & de l'hospitalité moins qu'il n'est iuste ne raisonnable, ou besoin d'estre : adioustant, que son aduis estoit, & conseilloit d'extraire la vie & l'ordre des Chanoines, ainsi qu'elle estoit esparse en plusieurs Canons, & escritures des saints Peres, pour seruir aux simples, & autres moins capables. Par laquelle, la vie des Prelats, & de leurs subjects fut cogneuë & clairement montrée : à fin que tous ceux qui feroient profession de vie Canoniale, marchassent selon la voye qui leur seroit montrée par leurs Prelats : pour vnanimement seruir à Iesus-Christ. Mais afin que cela se peut impetrer de Dieu, il falloit que chacun le priaist que telle fust sa volonté : & de leur en faire la grace pour l'aduenir. Lors tous ceux de l'assemblée leuans les mains au Ciel, louerent Dieu de leur auoir donné vn Prince & Empereur qui eust si bonne volonté : Accordans tous d'un commun consentement, que l'on deputast des gens sçauans, pour recueillir des liures des saints Docteurs, les fleurs & sentences pour composer telle reigle. Quant à moy, ie croiroy volontiers que c'est l'ordre que deuoient tenir les Clercs des Eglises Cathedralles, qui n'estoient tant libres en leur vie que maintenant, ny exempts de la correction de leur Euesque, ainsi que sont la plupart des principales Eglises du iourd'huy, pour se mettre à celle du Pape : trop esloigné ( ce me semble ) pour donner prompt remede aux fautes de telles gens : Car les Euesques demeurans sur le lieu, peuvent mieux & plus seurement remedier aux inconueniens. Je sçay bien que ie l'ay dict autre part, mais l'abus que l'on void accompagner ce priuilege, merite bien que l'on s'en plaigne d'eux & trois fois, puis que c'est le miroir & la pepiniere du Clergé d'un Diocese. Les Moynes de Saint Augustin disent tenir ceste reigle ( lors recueillie par Amalar Diacre & Grammairien ) du commandement de l'Empereur : qui l'ayda de plusieurs

EEEE

## DES ANTIQ. FRANCOISES LIVRE VIII.

*L'an de  
reſus  
Chriſt.* liures eſtans en ſon Palais. Pareil liure fut compoſé pour les Abbeſſes, à fin de leur enſeigner ce qu'elles deuoient eſtre : comme auſſi pour leurs religieuſes, viuans aux cloiſtres. Ce que les Abbeſſes deuoient auoir pour leur eſtar, de quelles graces, qualitez, & ornemens vertueux elles doiuent eſtre doiüées. Le meſme Amalar, fit d'autres liures dediez audict Empereur : comme des offices diuins : l'ordre des Pſalmes ſelon l'vſage del'ancien Clergé : ainſi que l'on peut voir au troiſieſme Tome des Conciles. Au meſme parlement furent ouys les Ambaſſadeurs d'Eſpagne : auſquels fut leur demande accordée : & eurent la paix : Mais ils ne furent congediez de trois mois apres, contre leur eſperance : d'autant qu'ils ne cuidoient iamais voir leur pays.

En ce lieu d'Aix, vint Nicephore Ambaſſadeur de Conſtantinople, que l'Empereur Leon enuoyoit vers Louys : tant pour entretenir leur amitié, & ſociété, que pour l'affaire des Dalmaces. Toutesſois, par ce que Cadolac qui auoit charge de ceſte frontiere n'eſtoit preſent, & bien toſt l'on eſperoit ſa venue, l'Ambaſſadeur Grec attendit. Cadolac venu, & enquis ſur les differents d'entre luy & le Grec, pource que l'affaire touchoit pluſieurs Sclauons, & Romains (c'eſt à dire comme ie croy Italiens) & ſubiects de l'Empire Occidental (car ceux qui habitoient depuis le Rhin iuſques à la riuiera de Loire, portoient le tiltre de François, comme par priuilege) & qu'il eſtoit queſtion de l'Empire Occidental (il s'eſtendoit lors iuſques en Pologne, & en Italie iuſques à Beneuent, en Eſpagne iuſques à Saragoce, & comprenoit tous les monts Pirenées) à fin de ne rien iuger ſans la preſence des habitans de la frontiere, l'on enuoya ſur les lieux Cadolac, & l'Ambaſſadeur Grec, avec Albigeat, ou Adalger, nepueu du Duc Vinroch. Les enfans auſſi de Godefroy enuoyerent des Ambaſſadeurs pour auoir la paix, ſe plaignans des moleſtes que leur faiſoit Heriold, encores qu'ils fuſſent preſts (diſoient-ils) de garder les conuentions entre eux accordées. Mais parce qu'il ſembloit à l'Empereur que c'eſtoit plus par feintife, que de bonne volonté, ils furent renuoyez : & ordonné ſecours à Heriold. Il y eut Eclipse de Lune le cinquieſme de Feurier, & vne comette pareille à vn glayue (ie croy eſpée) qui apparut au ſigne du Sagitaire, ou Cocher : car vn Auteur dict *Agratons*.

## CHAP. III.

*Estienne mort, Paschal est fait Pape. S'excuse d'auoir accepté le Papat. L'Empereur renonce aux droicts qu'il auoit à Rome (ainsi que d'aucuns auteurs ont mis par escrit.) L'Empereur blessé d'une cheute de galerie. Gardes gardiennes. Lothaire fils de Louys déclaré compaignon de l'Empire. Pepin Roy d'Aquitaine. Louys Roy de Bauieres. Sclaomir & les Abodrites rebelles, repoussez d'Esesfelt. Benard Roy d'Italie rebelle : conspire contre l'Empereur, & l'occasion. Arresté prisonnier.*



R, Estienne Pape retourné à Rome, ne la fit pas longue : car il mourut trois mois apres son retour ; le vingt cinq de Ianuier, de l'an huit cens dixsept : & au bout de deux iours fut mis en son lieu Paschal : qui tout incontinent apres son eslection, enuoya des Ambassadeurs à l'empereur, avec presens ; luy remonstrer que contre son vouloir, & par force il auoit esté esleu du peuple. Ces excuses furent receues : & toutesfois le Clergé & le peuple Romain admonestez que c'estoit leur profit de garder la forme accoustumée, & que dorenavant ils n'offensassent la Maiesté Imperiale, par semblables entreprises. Mais le Pape non content de telles assurances, renuoya encores vne autre Ambassade en France ; de laquelle fut chef Theodore Donneur, pour renoueller le traité fait avecq' ses predecesseurs.

Paul emil suyuant sa coustume, contel l'affaire bien plus à l'aduantage des Papes : car il dit, que Paschal blasme par les gens de l'empereur, de ce qu'il auoit osé consentir à l'eslection sans les en aduertir ; respondit : Que les choses faites par la nécessité des temps & saisons, ne deuoyent estre estimées ne tenues pour loix certaines & arrestées, par les bons & deuotieux Rois. Comme s'il eut voulu dire (ainsi que i'entens) que si bien pour resister à la violence des Lombards, les Rois de France auoient esté faits empereurs, il ne falloit que pour cela ils pensassent auoir le droict des anciens Seigneurs de Rome. Laquelle excuse (dit emil) fut receuë de Louys qui pour plus grande seurété, ordonna par edict : Que cy apres aduenant la mort des Papes, ceux qui auoient droict d'eslection : s'assembleroient pour en eslire vn : & tout incontinent aduerti- roient l'empereur. Lequel afin d'obuier aux troubles qui aduenoient entre luy & l'eglise pour les limites des terres & villes de Toscane, declaira que celles d'Areze, Volterre, Clusi, Floréce, Pistoye, Luques, Pise, Peruse, Siene, Vieille, & Lune seroiēt de l'empire : & le reste au Pape. Toutesfois les auteurs du temps non pas Platine, ne mesme Sabellic, n'en parlent point. Au contraire, Blond dit : que le Pape s'excusa, & que l'empereur confirma les pactions faites entre leurs predecesseurs. Le mesme Blond adioust, que Reginard, Paul, & Richard

EEEE ij

L'an de  
Jesús  
Christ.

auoient laissé par écrit. Que Louys renonça aux droicts accordez à Charles son pere, sans autrement les esclaircir : & il deuine que ce fut l'eslection. Mais le contraire se void aux suyuant eslections : de sorte, qu'il faut que ce fust quelque droict de Domaine, ou de iustice : Combien que ie pense que nos Rois retindrent pareil droict que les Empereurs de Constantinople y fouloient auoir : & lesquels confirmoient les eslections Papalles, ainsi qu'il se void en la vie de Gregoire Pape. Aussi la Chronique de Cassin se contente de dire, que Louys (qu'elle appelle *Almus & sanctus*) à l'exemple de Pepin & Charles ses predecesseurs, donna vne confirmation à sainct Pierre, & à Paschal son Vicaire : qu'il fit soubsigner par dix Euesques, huit Abbez, quinze Comtes, le Bibliorequaire, le Mansionaire, & Portier. Et pour encores môstrer, que l'autorité des empereurs estoit en toutes choses respectée à Rome, les Papes mesmes cottoient le temps de leurs bulles & lettres, par les années de l'empereur : disans, *Imperante Domino nostro Carolo ou Ludomico &c.* iusques à ce que Charles le Chauue eut renoncé à ceste prerogatiue de confirmation d'eslection, ainsi que nous dirons.

Cependant, le Ieudy que l'on fait la Cene, ou selon la Chronique de S. Denis, le iour de Pasques Fleuries (ainsi appelée à cause des Rameaux que le peuple ce iour porte à la procession, ou que les arbres sont volontiers fleuris en ce temps) il aduint, que l'empereur retournant du seruice diuin, aucunes solines de la galerie de bois, par laquelle il passoit pour venir en son Palais, ne pouuans endurer le faix de tant de gens qui le suyuoient, à cause de leur pourriture, fondirent à bas avec l'empereur, & bié vingt homes, qui estoient à l'entour de luy.

Toutesfois, combien que les autres fussent griefuement blessez en diuers endroits de leur corps, il n'eut autre mal, que la poictrine vn peu offensée du pommeau de son espée, & l'oreille dextre esgratignée, avec la cuisse vn petit foulée d'vne piece de bois. Mais il fut si bien pensé, que vingt iours apres, il monta à cheual, pour aller chasser à Nîmeghe.

A son retour, il tint le Parlement à Aix : où les Abbez de son Royaume <sup>29</sup> appelez, il les admonesta de garder la reigle de sainct Benoist. et pource, il rem <sup>30</sup> mit en sa main celles que bon luy sembla : à fin que les euesques & Comtes ne les peussent traualier. Qui possible est l'origine des gardes Gardiennes, que plusieurs Abbayes ont, pour ne plaider si bon ne leur semble que deuant les Baillifs & Seneschaux Royaux de leur territoire.

Les Abbez aussi firent lire aucuns articles de leur reigle, qui furent arrestez deuant l'empereur : & signez de luy & des euesques presents. Mais du Bouchet Chroniqueur d'Aquitaine, dit : que ceste reigle ne fut pas agreable à beaucoup de Prelats, & nommément à ceux qui viuoient en Cour : où par ambition couuerte, ils vouloient auoir la sur-intendance de toutes affaires. A ceste cause, voyans que par telle reformation il leur conuenoit viure, & retourner en leurs Monasteres, Abbayes, & Dioceses, ils voulurent depuis faire croire aux enfans de l'empereur (rigoureux executeur de la nouuelle reigle) qu'il refusoit ; & que luy mesme meritoit d'estre Cloistrier. En ce lieu, l'empereur couronna Lothaire son fils aîné, le declarant participant de son nom &

dignité Imperiale: et toutefois ie n'ay leu aucun tiltre de ce temps, qui portast son nom avec celui de son pere. Quant aux deux autres, il les feit Rois: à sçavoir Pepin d'Aquitaine, & Louys de Bauieres; les enuoyant chacun en leur Royaume: à fin que les peuples aduertis à qui ils deuoyent obeyr, toute occasion de querelle fut ostee pour l'aduenir.

*L'an de  
Jesus  
Christ.*

Le Parlement fini, l'empereur alla chasser en Vauge: où il rencontra les Ambassadeurs de Grece: lesquels n'ayans autre charge, que celle proposée par Nicefore dernier Ambassadeur, furent depechez incontinent que l'Empereur vint au Palais d'Ingelheim, qui est pres Mayence: où il l'estoit acheminé, aduertiy de la rebellion de Sclaomir: & des Abodrites, aduenü pour vne telle occasion.

Après la mort de Traciscon, il fut commandé à Sclaomir Duc des Abodrites, faire part de sa dignité à Ceadrague fils dudit Traciscon, dont Sclaomir fut si despité: qu'il iura ne passer iamais la riuere d'elbe, ne venir au Palais faire seruice à l'empereur, & la dessus, il se rebella avec ses subiects: enuoyant des Ambassadeurs outre mer (l'Auteur entend Dannemarck, & Suede) vers les enfans de Godefroy; avec lesquels il fit alliance: & de compagnie trauaillerent le pays de Saxe, qui est de là la riuere d'Elbe: faisans rebourser à leurs vaisseaux ladicte riuere, iusques au Chasteau d'Esfeld, pour gaster tout le riuage de Sturie. Cependant que Gluomir gouverneur de la frontiere pour les Normands venoit par terre iusques audit Chasteau; qu'ils assaillirent, mais en vain: pour ce que les nostres vaillamment se deffendirent, & les contraignirent de leuer le siege, sans que l'Empereur (qui auoit bien pourueu en cest endroit) discontinuast sa chasse.

Ceste mesme année, Benard Roy d'Italie, à la suscitation d'aucuns mauuais hommes, se voulut esleuer contre son oncle, & le chasser de l'Empire: ayant en plusieurs endroits, tant d'Italie que de la Cour, de grandes intelligences, & des conseillers fauorisans son entreprise: certainement descouuerte à l'Empereur, par Rorald Euesque, & Suppon. Il y a grande aparence que ce Prince fut esmeu à telles conspirations, quand il se veid frustré de la dignité Imperiale, donnée à Lothaire la mesme année. Et Benard ja mis en possession du Royaume d'Italie, pensoit estre intéressé; voyant transporter hors du païs (où le siege Imperial auoit si longuement demouré) cet excellent tiltre & dignité: comme aussi il y a grande aparence, que le mesme regret tenoit les Seigneurs d'Italie ses sujets. Mais c'eust esté contre raison, que Benard fils d'une concubine, passast en dignité les enfans legitimes de l'Empereur. Toutesfois Paul Emil, plus hardy que plusieurs autres, dit: que la cause de la rebellion de Benard fut telle.

Gallon (duquel auons parlé) fut jadis vn des principaux & plus prinéamy & paré de Charlemagne, qui le fit gouverneur de Benard. Après la mort duquel Empereur, les sœurs de Benard soupçonnées de se mal gouverner, ceux qui les entretenoient furent (ainsi qu'auons dit) poursuuyis comme criminels de leze Majesté, pour auoir desbauché ces filles. Gallon qui en eut la commission, voyant que sans la honte des Princesses sœurs de son Pupille, il ne pouuoit enfoncer ce proces, le voulut tirer en longueur; à fin que le temps estouffast ceste

EEEE iij

L'an de  
Iesus  
Christ.

querelle. Mais les accusateurs, qui auoient l'oreille del'empereur, pressoiēt Gallon de l'instruire: ce qu'il dissimuloit & dilayoit faire: & cependant, les Princes qui accompagnoient Benard le declarerent Roy de France. Car le mesme Paul Emil raconte, qu'il se trouue des Autheurs qui disent: que Benard estoit fils legitime de Pepin Roy d'Italie, qui fut fils de Charlemaigne; plus aîné que Louis, & partant, que Benard auoit droit de quereller le Royaume par droit d'ainesse, que Charlemaigne par sa disposition ne pouuoit diminuer: de maniere, qu'il se trouua beaucoup de Seigneurs fauorisans le party de Benard. Au contraire, Tegan qui viuoit du mesme temps, dit: nommément que Benard estoit fils d'une concubine de Pepin Roy d'Italie. Toutesfois, les menées de Galon furent si grandes pour Benard, qu'il eut bien l'audace de fortifier les Cluses & Pas qui sont aux Alpes pour entrer en Italie; prenant le serment des villes & Seigneurs de ce pays, aucuns desquels il contraignit de le suiure. L'Empereur donc aduertý de ceste rebellion, par le moyen que j'ay dit, en fut d'autant plus marry, qu'il auoit esté cause enuers Charlemaigne de donner l'Italie à Benard. Et pource, tout courroucé de telle ingratitude, il assemble incontinant vne armée de gens de deçà les monts, & avec le gros d'icelle, il vint à Chalon sus Saone; pour de la passer en Italie: Quand le miserable ieune homme vid les grands preparatifs de son oncle, il s'aperceut du mauuais conseil que luy auoient baillé les meschans, & que mesmes ceux qui estoient à la garde des Cluses les abandonnoient, & que plusieurs sous la faueur & apuy desquels il estoit entré en ieu, oublians leurs sermens, se rendirent à la premiere sommation de l'Empereur, apres vne ou deux legeres escarmouches donnees de là les monts, ainsi que disent Plarine & Sabellic (car les Auteurs du réps disent, sans résistance) & qu'il perdit courage. Ainsi donc Benard mal assuré de ses forces, & les armes mises bas; s'en vint à Chalon se rendre à l'Empereur: auquel biē humblement il demanda pardon: & neantmoins, fut arresté prisonnier avec ceux de sa compagnie. Car j'interprete ainsi le mot Latin, *Commendati sunt* (dont v'se vne Chronique) le quel mot autre part signifieroit, firent hommage. Les principaux coniuérateurs estoient ledict Gallon, ou Gilles: que nos François appellent Egidons, le plus grand, prés l'Empereur Charlemaigne, Renier nagueres Comte du Palais du feu Empereur, & lors Euesque d'une ville d'Italie: Renier fils de Maimier Côte, l'ayeul maternel duquel nommé Hardrade Duc d'Autriche, auoit autres-fois cōspiré contre le feu empereur, lors estant en Germanie (& qui possible a donné le nom à vne assez haute montaigne voisine de Vertus en Champagne, pour auoir esté pendu au sommet: ) Renault ou Guy grand Chambellan du Roy. Il y auoit aussi plusieurs autres Seigneurs & hommes illustres, tant Clercs, que Laycs, coupables de ladite coniuration, & mesmes des euesques: à sçauoir Anselme de Milan, Vulfold de Cremone, Theodulphe d'Orleans, tous lesquels furent enuoyez prisonniers pour faire leur procès en plain Parlement.



## CHAP. IV.

*Proces fait à Benard & ses complices. Sa mort. Ses enfans & successeurs, Comtes de Vermandois. L'Empereur fait tondre ses freres Moynes. Vult que Lothaire porte le nom d'Empereur. Bretons font de Marman leur Roy: & lequel tñé, son pays est conquis par l'Empereur: qui donne le Duché à Nomené. Centulle Duc des Basques, rebelle, vaincu en bataille. Hermengard femme de l'Empereur meurt. Sigon Duc de Beneuent s'excuse de la mort de Grimoald. Thimothiens & Goduicans se rendent à l'Empereur. Lieudeuit à tort se plaint de Cadelle. Sclaomir présenté à l'Empereur, est confiné: comme aussi Loup Gascon. Raban publie son liure de la croix: Ses disciples. Loix publiees. L'Empereur espouse Iudith: Mort de Cadolac Duc de Frioul. Lieudeuit rebelle, vaincu par Bauldry Duc de Frioul: s'enfuyant met en route Borne Duc de Dalmace. Pepin Roy d'Aquitaine, rompt les Basques. François menent Heriold en Dannemarck. Sannille Goth, ayant accusé de trahison Berre Comte de Barcelone, le vainquit en champ de bataille, Berre est confiné. Lieudeuit assailly par trois armées. Carniolles se rendent à Bauldry: Paix faite avec les Sarrazins, rompue. Normands rauagent la Flandre. Pillent Bourdeaux. Pestilence à cause des playes. Claude Euesque de Thurin blasme l'adoration des images.*



**L**AN huit cents dixhuit, l'empereur fit la feste de Noël à 818. Chalon sur Saone: & au partir de là, vint passer l'hyuer à Aix, où apres Pasques il fit vne grande assemblee de tous ses peuples & subiets. Les proces des conieurez y furent instruits: tant des François que Lombards ou Italiens, lesquels au premier interrogatoire confesserent leur trahison: & cōbien que tous (fors les euesques) fussent condamnés à mort, selon la loy des François, l'empereur consentit que Benard avec aucuns de ses complices, eussent seulement les yeux crenez, & les euesques deposez en vn Sinode, furent enfermez en des monasteres: cōme aussi plusieurs autres Seigneurs Italiens occis pour tenir le pays en repos. Ainsi Benard condamné, fut auēglé par Bertmund gouverneur du Lionnois, qui le tenoit prisonnier avec Reinier: & trois iours apres portans impatiemmet leur punition, moururēt, ou (qui est la plus commune opinion) eurent les testes coupees. et toute fois i'ay vne bonne Cronique Latine, qui dit, que Benard condamné à perdre les yeux, quand on voulut executer la sentence, desgaignant son espee, se rua sur ceux qui le vouloient prendre, & tua cinq vaillans hommes François, & qu'à la fin il fut bccis à coups d'espees, dont l'empereur plora, & encores depuis fit penitence, pour n'auoir empesché ses Cōseillers de faire telle punition: mais il n'est pas croyable qu'on eust laissé des

L'an de l'espees à tels prisonniers. Benard fut enterré à Milan en l'église saint Ambroise, où lon void encores son Cercueil, portant ces mors, tournez du Latin. Cy gist Benard fils de Pepin, Roy de metueilleuse ciuilité, & doué d'autres saintes vertus, qui regna quatre ans cinq mois, & mourut le premier iour de May, Indiction quinziesme, *alias* le seiziesme Auril. Il laissa trois fils, Benard, Pepin, & Heribert, qui tua Raoul Comte, fils de Baudouin, & peu apres fut tué par Aldouyn Satellite de Baudouin, fils de Renoul: lequel Baudouin tint le Duché de Flandres de nostre temps, ce dit Reginon. Dudit Pepin vindrent les Comtes de Vermandois, desquels cy apres sera parlé.

Telle feuerité blasmee de plusieurs, engendra vne crainte & desfiance à l'empereur, que ses freres ne voulussent imiter Benard. et pource il les appella au Parlement, où il les fit tondre comme Clercs, & mettre en des Monasteres avec honneste garde, contre l'ordonnance de Charlemagne, & dont tous les maux de Louis procederent.

Au mesme Parlement, il fit nouveau partage à ses enfans, & reconfirma les donations par luy faites: à sçauoir de Royaume d'Aquitaine à Pepin, de celuy de Bauieres à Louys, ses enfans puis; & declara Lothaire son successeur à l'empire apres sa mort, voulant que dès lors il en eut le nom.

Ces choses ainsi ordonnees, il fut aduerti d'une émeute de Bretons: A ceste cause, ayant assemblé une grosse armee, il s'achemina vers la Bretagne, pour se trouuer au Parlement assigné à Vennes. Cependant, il prit les Chasteaux & forteresses des rebelles, & en quarante iours mit tout le pays en sa puissance: depuis que Murman, lequel les Bretons, (ayans totalement secoué le ioug, & obeissance des François) auoient déclaré Roy, contre leur coustume, eut esté occis par vn nommé Coste, garde des Cheuaux Royaux, pendant que ce Duc ou Roy Breton estoit en son camp avecq' son bagage: Toute la Bretagne tendit les mains à l'empereur, preste de souffrir telles conditions qu'il luy plairoit, & ne se trouua Breton qui refusa d'obeir, ou donner les hostages qu'on luy demanda. La paix establie en Bretagne, & vn autre Duc ou Prince créé au lieu de Murman (que d'aucuns disent auoir esté decapité par ordonnance de l'empereur) l'armee Françoisse retourna le chemin d'Angers; où Hermengard l'emperiere gisoit malade de fieures: pour laquelle visiter, & aussi donner ordre aux affaires de Gascongne, l'empereur s'achemina vers ce pais. La mort de Murman Breton, est cottee sous l'an huit cents vingts six, par mon original, cōtre tous autres auteurs: & lequel dit encores, que l'an d'apres l'empereur donna le Duché de Bretagne à Nomené.

Au mesme temps, Loup Centulles, Duc des Basques, s'estoit rebellé: mais comme il pensoit s'aduançer, il donna vne bataille contre les Comtes Guerin d'Auuergne, & Beranger de Thoulouze, qu'il perdit avecq' beaucoup de gens ses partisans: & entr'autres Guerfand ou Bachand son frere, homme singulierement fol & outrecuidé. Quant à Loup, il demouroit avec les autres, s'il ne se fut sauué de viffesse. A ces nouvelles l'empereur rompit son camp, & vint à Angers: où deux iours apres, & le treziesme d'Octobre audit an, mourut l'emperiere Hermengard.

Ses

Ses funerailles accomplies, Louis s'achemina vers Rouën, & de là venant par <sup>L'an ed</sup> Amiens, & Cambrai, il tiroit à Aix pour y passer l'hiuer, quand il rencontra <sup>Iesus</sup> au Palais d'Haristal plusieurs Ambassadeurs, & entre autres, les Messagers <sup>Chryst.</sup> de Sigon Duc de beneuent, avec grands presens: pour l'excuser de la mort de Grimoald; qu'il monstroït auoir esté tué par Radelche Comte de Compo. Ceux des Abodrites, y estoient semblablement: & borne Duc des Goduscans, & Thimotiens, qui nouuellement auoyent quitté l'alliance des bulgres pour prendre celle des François: aux confins desquels ils estoient retirez. Ceux aussi de Liudeuit gouuerneur de la basse Pannonie (ie croy Hongrie) y estoient, pour se plaindre (mais à tort) comme depuis il apparut, de la cruauté & insolence de Cadolac Comte de la Marche de Frioul (car ielis ainsi au Latin) qu'ils disoyent estre insupportable. Ces gens despeschez, l'Empereur prit le chemin d'Aix pour y passer l'hyuer, ainsi qu'il auoit deliberé. Ceste annee y eut Eclypse de Soleil, le huiëtiesme Iuillet. Au Parlement d'apres Noël, de l'an huiët cens dixneuf tenu à Aix, les Comtes de Saxe, & Lieutenans du pais, qui <sup>819.</sup> l'annee passée estoient allez outre la riuere d'Elbe, avec vne armee de Sefnes & François Aufrasiens, pou chastier Sclaomir de son pariure, le presenterent à l'Empereur. Les principaux de son peuple l'accusoyent de plusieurs choses, & entre autres, qu'il auoit quitté le party François dont il ne peut se purger: au moyen dequoy il fut confiné: & son Royaume donné au fils de Traciscon. Pareille condamnation receut au mesme lieu, Loup Gascon: lequel amené deuant l'Empereur, & ne pouuant couvrir la rebellion que les Comtes Guerin d'Auuergne, & Beranger de Thoulouse luy mettoient sus, fut confiné. Là mesme, Raban Maure, moine tresdocte, presenta à l'Empereur vn merueilleux liure de la Theologie de la Croix: Et ie croy que c'est celuy que voyons imprimé en vers, dont aucunes lettres ingenieusement distribuees par endroicts, representent diuerses figures de la Croix. Ce Raban fut precepteur d'Alcuin. Car Bede enseigna Simplicie, & cestuy-cy Raban. Lequel recueilly en France par Charlemagne & fait Euesque, enseigna Alcuin: Alcuin Simplicie, cétuicy Theodulf, Euesque d'Orleans, Theodulf Helie d'Ecosse: Euesque d'Angoulême, Helie, Henry (ie croy d'Auxerre) Remy & Vebald le Chauue, Moines, qu'il laissa heritiers de sa philosophie, ce que j'ay voulu ramenteuoir pour la succession de la doctrine de ces vaillants personnages, & monstrier où les lettres florissoient en ce temps-là.

Au mesme Parlement, furent ouys les Commissaires, enuoyez par le Royaume pour la reformation de l'estat de l'Eglise, abaissée & mesprisée pour le mauvais gouuernement d'aucuns ministres d'icelles: comme aussi estoit l'estat de Iustice. Et pource, à la relation desdits Commissaires, l'Empereur ordonna ce qui luy sembla vtile pour le reestablissement de l'un & l'autre estat. Et cependant, il adiouta plusieurs Chap. de Loix aux liures precedents, necessaires pour vider les differends du peuple: desquelles on vse encores, ce dit l'Auteur.

FFFF

*L'an. de* En ce temps, l'empereur fut cōseillé de se marier: car plusieurs au moyen de sa  
*Iesus* vie paisible & deuote, craignoient qu'il ne quitast l'administration de l'Empi-  
*Christ.* re: & pource, il se fit amener les filles de tous ses Princes; entre lesquelles il  
choisit vne nommee Iudith, tres-belle, fille de Helpon tres-noble Duc de Ba-  
uieres, & d'une bien noble Dame, yssue de Saxe. Nicollas Gilles est seul, qui  
nomme ce Prince Baudouin. Ce mariage, fut la principale occasion de tous  
les trauaux, que depuis l'empereur eut le reste de sa vie: ainsi que nous di-  
rons.

L'esté d'apres, & comme le peuple eut esté assemblé au Palais d'Ingelheim  
au mois de Iuillet, l'empereur receut nouuelles que l'armee d'Italie, enuoyee  
en Hongrie contre Liudeuit rebelle, auoit esté contrainte de retourner pres-  
que sans rien faire. Dequoy Liudeuit plus glorieux, enuoya ses Messagers de-  
mander la paix, avec des conditions que l'empereur ne voulut accorder, mais  
luy en proposa d'autres: que Liudeuit semblablement n'aceptea, ayant  
mieux demourer en sa rebellion. A ceste cause, & pour se fortifier, il enuoya  
des Ambassadeurs à tous ses voisins, à fin de les tirer de son costé, com-  
me il fit les Timotiens, qui n'agueres auoient renoncé à l'alliance des Bul-  
gres, pour entrer en celle de l'empereur, & lesquels tellement il persuada,  
qu'ils ne firent rien de tout ce qu'ils auoient promis aux François: & au con-  
traire se tournerent du party de Liudeuit plus hardiment, d'autant que Ca-  
dolac Duc de Frioul (qui s'aprestoit pour chastier ce rebelle, & à ceste fin amas-  
soit vne armee de Pannoniens) mourut de sieure en son pays, Mais Baldrit (c'est  
Baudry) qui luy succeda, trouuant l'armee de son predecesseur toute preste,  
s'aduança par la Carinthie: où il rencontra Liudeuit, avec les siens arresté sus  
la riuiera de la Dunoé. Toutes-fois quelque petit nombre de gens qu'eut Baul-  
dry, au regard de Liudeuit, il le chargea; & tua grand nombre d'ennemis,  
chassant ce rebelle de Hongrie.

Comme ce Duc vaincu fuoyoit, il rencontra sur la riuiera de Lopin ou Co-  
lapie, Borne Duc de Dalmace, avec beaucoup de gens.

Mais à la premiere charge le Dalmace fut abandonné par les Goduscans (on  
ne sçait si par trahison ou de crainte) & neantmoins, il eschappa avec l'ayde de  
ses domestiques, ayant perdu la bataille: où mourut Dragomose beaupere de  
Liudeuit, qui au commencement de la rebellion de son gendre, s'estoit retiré  
vers Borne, lequel depuis chastia les Goduscans, & les batit iusques dans leur  
pays.

L'hyuer d'apres, enuiron Decembre Liudeuit entra en Dalmace, & la mit à  
feu & à sang. Car Borne trop foible; apres auoir fait retirer dans les Cha-  
steaux ses gens inutiles à la guerre, avec le reste donna sus la queue & aux co-  
stes de l'armee ennemie, pour la harasser; ne souffrant gaster sa Prouince à  
l'appetit de Liudeuit, pressé tellement par telles escarmouches des François,  
qu'il fut contrainct partir du pays, avec la perte de trois mil hommes, sans le  
bagage destroussé, & troiscens cheuaux pris: dont Borne aduertit l'Empe-  
reur.

Cependant, Pepin Roy d'Aquitaine, entra en Basque par le commande-

ment de son pere: & rendit ce pays paisible, & si net de seditieux, qu'il sembla *L'an de*  
 n'y en estre demeuré vn seul. D'vn autre costé, Heriold fut porté par ses Na- *lesus*  
 uires dans le pays des Abodrites, suiuant le commandement de l'Empereur, *Christ*  
 pour entrer en possession du Royaume qu'il querelloit: Avec luy se ioignirent  
 deux enfans de Godefroy, pretendans aussi d'y auoir part (car les autres fuy-  
 rent) mais l'on pensoit que c'estoit par tromperie.

Quand l'Empereur eut rompu le Parlement, il vint premierement à Crut-  
 znach, puis à Binge, deualant le long du Rhin, iusques au Conflans de la  
 Moselle, & de là en Ardaïne, pour chasser, ainsi qu'il auoit acoustumé  
 faire. Puis vint à Aix passer l'hyuer, pource qu'en ce lieu il auoit assigné son  
 Parlement au mois de Ianuier ensuiuant.

Là furent mis en deliberation les moyens de resister à Liudeuit, & chastier  
 sa rebellion. Borne, jaçoit qu'il eut deuant enuoyé des gens s'en plaindre, &  
 aduiser au remede, y vint luy mesme, & proposa ceux qui luy semblerent les  
 meilleurs: En fin, il fut arresté de mettre sus trois armées, composees de Ses-  
 nes, François, Austrasiens, Allemans, Bauarrois, Italiens, pour gaster le  
 pays de ce rebelle, & reprimer son audace. Au mesme Parlement, Bere Com-  
 te de Barcelonne, par ses voisins accusé d'infidelité, & de fraude enuers l'Em-  
 pereur, s'en voulut purger à la mode de son pays, par gaiges de bataille: toutes-  
 fois, il fut vaincu par Sanille son accusateur, Got comme luy: & fut mort com-  
 me criminel de leze Majesté, si l'Empereur luy faisant misericorde, ne l'eut  
 confiné en la ville de Roüan.

L'hyuer passé, & si tost qu'on peut nourrir les cheuaux de l'herbe nouuelle,  
 les trois armées ordonnées contre Liudeuit, s'acheminèrent vers le pays  
 ennemy. Celle d'Italie alla par les Alpes Noriques (c'est Frioul) l'autre par  
 la Carinthie, & la troisiésme par Bauieres & la haute Pannonie: qui est  
 l'Austriche. Quant aux armées dextres & senestres, elles marcherent lente-  
 ment, pour ce que l'vne estoit empeschée à passer les Alpes, les Pas des-  
 quelles auoient esté garnis par les ennemis, & l'autre ne s'auançoit guieres  
 plus, tant pour la longueur du chemin, que pour la riuere de Draue qu'il fal-  
 loit passer. Celle qui entra par Carinthie, eut meilleure fortune: pource que,  
 nonobstant que les ennemis fissent resistance en trois lieux, ils furent repous-  
 sez: & si elle arriua plustost que les autres, encores qu'il luy conuint trauerser  
 la mesme riuere de Draue. Quant à Liudeuit, il ne fit aucune resistance, ains  
 se retira en vn fort chasteau basti sus vne montaigne, & par luy garny de bon-  
 nes gens: sans faire la guerre, ny enuoyer des Ambassadeurs, non pas mesmes  
 demander la paix:

Les trois armées ioinctes, commencerent à piller le pais ennemy: qui fut  
 mis à feu & à sang, puis retournerent arriere, apres y auoir fait grand dom-  
 mage: mais l'armée qui auoit marché par l'Austriche, fut trauaillée d'vn flux  
 de ventre, que les gens d'armes auoyent pris en gayant la riuere de Draue, &  
 beuuant de mauuaises eauës, dont plusieurs moururent. Quand ces trois ar-  
 mées furent retournees d'où elles estoient venues, les Carniolles (ce sont Ca-  
 rinthiens) qui habitoyent le long de la riuere de Saue, & touchent presque

FFFF ij

L'an de au pays de Frioul, se rendirent à Baudric Duc François. Le semblable fit la partie des Carinthiens, qui s'estoit retiree de nostre alliance pour suiure Liudeuit. Au mesme temps la trefue faite entre nous, & Abulas Roy des Sarrazins d'Espagne fut rompue, comme n'estans profitable à l'vne ne à l'autre des parties. Et des Pirates Sarrazins enfoncerent huit nauires de marchans Chrestiens, ainsi qu'ils retournoient de Sardagne en Italie. Aussi treze nauires de Pirates Normans, coururent premierement la coste de Flandres (c'est le premier endroit où i'ay trouué le nom de ceste Prouince dont les peuples s'appelloient Morini durant l'Empire Romain) bruslerent aucunes maisonnettes du riuage : emmenans vn peu de bestial : mais ils furent repoussez. Ils en vouloient faire autant à l'emboucheure de Seine, quand cinq des leur furent tuez par les gardes : ce qui fit prendre au reste vne autre route, voyans ceste coste trop bien gardee. Finalement ils descendirent en Aquitaine, où ils eurent meilleure fortune : car ils pillerent le *Dium* ou Badium (possible Bourdeaux) & retournerent en leur pays avec grand butin.

Ceste annee plusieurs meschefs aduindrent à cause des pluyes continuelles, & le temps par trop humide, qui fut cause de grande pestilence d'hommes & bestes, par tout le royaume de France : & rant qu'à peine se trouua vne seule Prouince exempte de ce mal, tellement que l'on ne peut aussi recueillir les bleds à cause desdites pluyes : mesmes ceux qui furent serrez pourrissent, le vin (dont l'on eut bien peu) fut encores tref-vert : & sans saueur, par faute de chaleur : les riuieres debordees, en aucuns lieux empescherent la semence desdits bleds, & la Lune eclypsa le vingt-quattiesme Nouembre. Apres le Parlement tenu à Crutznac, l'Empereur (sa chasse d'Autonne acheuee) vint à Aix passer l'hyuer. Au mesme an viuoit Claude Euesque de Thurin, Espagnol de nation : qui blasmoit l'adoration des images : apres la mort duquel, & bien long temps depuis, Iessé Euesque d'Orleans escriuit contre luy. Ceste annee les Sarrazins d'Afrique prirent Palerme, aujourd'huy la principale ville de Sicille, laquelle ils tindrent depuis si longuement, que les principaux edifices en portent encores les marques.

## CHAP. V.

*Parlement tenu à Aix, & la guerre conclue contre Liudeuit. Autre Parlement tenu à Nimeghe, où fut publié le partage des enfans de l'Empereur, & eux enuoyez en leur Royaume. Borne mort Ladasidée luy succede au Duché de Dalmace. Leon Empereur de Grece tué, Michel est mis en sa place. Lothaire espouse Hermengard. Benignité de l'Empereur enuers les conspirateurs. Riuieres gelées. Gazon merueilleux. Terre leuée de soy mesme. Vinigise Duc se fait moine. L'Empereur fait penitence de la violence par luy faicte à ses freres. Dom Ramire Roy de Castille, institue l'ordre de Saint Iagues. Pays d'Itemars Breton, couru par les François. Pepin espouse la fille du Comte de Mets. Bastimens nouveaux de l'Empereur à Francfort. Corbie Abbaye de Saxe. Naissance de Charles le Chauue. Lothaire couronné Empereur par le Pape. Puisné agreable au peuple des Vultzes, est preferé à l'aisné. Liudeuit tue son hôte en trahison.*



V mois de Feurier de l'an huiet cens vingt & vn, le Parlement assemblé à Aix, entre autres choses traicta de la guerre contre Liudeuit, & conclud de retourner gaster son pais. Autant en fut ordonné pour la marche d'Espagne: & enioinct aux gouuerneurs de la frontiere d'excuter la dite conclusion. 821.

Vn autre Parlement fut aussi publié pour estre tenu en la ville de Nimeghe, le premier iour de May: où semblablement furent adiournez les Comtes pour s'y trouuer. Et apres plusieurs autres choses expedies, l'Empereur se fit baïsser par la riuiere de Meuse, en ladite villo de Nimeghe: là où en plein Parlement il fit lire le partage de son Royaume, que dès long temps il auoit fait entre ses enfans: & lequel il confirma par le serment des Princes qui s'y trouuerent: deliberé d'enuoyer Lothaire en Italie, Pepin en Guienne, & Louys en Bauieres: à fin que chacun de leurs subiects congneut à qui il deuoit obeyr.

Au mesme lieu vindrent les Ambassadeurs du Pape Paschal: à sçauoir Pierre de Ciuita Veche, & Leon Donneur; qu'il depeſcha incontinent comme aussi les Comtes qui deuoient mener l'armée en Hongrie contre Liudeuit. Puis ayant quelque peu seiourné à Nimeghe, il reprit le chemin d'Aix, & passant par Treues & Mets, il vint à Remiremont aux Bois, & Deserts de Vauges; employer le reste del'Esté, & la moitié d'Automne à la chasse.

Cependant, Borne Duc de Dalmace mourut: & Ladasidée son neuen luy succeda au Duché du consentement de l'Empereur. Lequel en ce temps eut nouuelles de la mort de Leon Empereur de Constantinople; qui le dernier

FFF ij

*L'an de  
Jesue  
Christ.* L'jour de l'an precedent, auoit esté occis en son Palais; par la conspiration de ses Princes & domestiques: dont le principal fut Michel, dit Traulos ou le Begue: depuis à la faueur du peuple & soldats de la garde, fait Empereur; & lequel regna huit ans neuf mois sept iours.

À la my Oôtobre fut tenu vn Parlement à Thionuille, où se trouua grand peuple. Et là, Fortunat Patriarche de Grade accusé deuant l'Empereur par vn sien Prestre nommé Tybere, d'auoir encouragé Liudeuit en sa rebellion, & enuoyé des ouuriers & massons, pour reparer ses chasteaux, il luy fut commandé de venir en Cour. Le Patriarche prit le chemin d'Istrie comme s'il eut voulu obeyr: puis feignant de retourner à Grade, sans aduertir de sa volonté à aucun des siens, il se retira par mer à Iadere (qui est la Gadre de nos Romains) vne ville de Dalmace, où il declara la cause de sa venue, à Jean gouuerneur de ceste Prouince pour les Grecs: & lequel tout incontinent l'enuoya par mer en Constantinople.

Audit lieu de Thionuille, Lothaire fils aîné de l'Empereur, en grand triomphe espousa Ermengard, fille du Comte Hugues, de la race d'un certain Duc nommé Edilh, le plus craintif & couard homme de tout le monde, ce dit Tegan. Les Ambassadeurs du Pape s'y trouuerent aussi, à sçauoir Theodore Primicere, & Flore, avec grands dons. Les Comtes semblablement qui auoient esté gaster la Pannonie, & terres alliées de Liudeuit, y vindrent pour rendre compte de leur voyage. En ce Parlement apparut bien la misericorde de l'Empereur enuers aucuns qui avec Benard son neveu, auoient en Italie conspiré contre sa vie & son Royaume. Car il ne leur laissa pas seulement la vie & les membres, mais encores il les remit en leurs biens: faisant reuenir d'Aquitaine Adellard, iadis confiné au Monastere de S. Philibert, que Nangis cuide estre Oleron, & auquel il rendit l'Abbaye de Corbie, qu'il souloit tenir: & pardonnant à Bernier ou Bernard son frere, confiné en l'Abbaye de S. Benoist; que semblablement il r'enuoya en ladite Abbaye de Corbie. Ces choses faites, & le serment d'aucuns Princes receu en ladite ville de Nymeghe, l'Empereur alla passer son hyuer à Aix, & apres les nopces enuoya Lothaire son fils à Vvormes, pour y seiourner durant l'hyuer.

Ceste année toutes choses furent paisibles du costé de Dannemarck: Car Heriold receu par les enfans de Godefroy, pour compagnon au Royaume qu'il querelloit à l'encontre d'eux, fut cause de ladicte tranquillité: & par ce que Cadrague Prince des Abodrites, estoit soupçonné d'auoir mauuaise intelligence avec vn des enfans dudit Godefroy, Sclaomir son competeur audit Royaume (qui l'année precedente auoit esté confiné) fut renuoyé audit pais, mais il mourut en Saxe, apres s'estre fait baptiser. Ceste année la semence des bleds fut empeschée par les pluyes continuelles: & l'hyuer d'apres fut si long & si aspre, que non seulement les petites riuieres, mais aussi les grandes & renommées, comme le Rhin, Dunoe, Elbe, Seine & autres de la Gaulle & de la Germanie qui s'embouchent dans la Mer, furent si gelées l'espace de trente iours, que les chariots passerent & repasserent dessus, comme par des ponts. Puis à la desferre & fonte des gla-



ces, les villages du long du Rhim, furent bien fort endommagez.

L'an huit cens vingt & deux, en vn lieu du pays de Turinge; fut trouué vn Gazon de cinquante pieds de long, quatorze de large, & d'vn & demy d'espois. Et en la partie Orientalle de Saxe, qui touche aux limites des Sorabes, en vn lieu desert, pres le Lac ou Estang nommé Arusco, la terre s'enfla ou entr'ouurit comme vn rempart & leuée d'vne lieuë de long, sans qu'il y eut apparence d'ouurage humain.

L'an de  
Iesus  
Christ.  
822.

Au mesme temps Vinigise Duc de Spolette cassé de vieillesse, laissant ses vestemens seculiers, prist l'habit de Moynes; & peu apres mourut: En son lieu fut mis Suppon, Comte de Bresse en Lombardie. Et la mesme année au mois d'Aoust, l'Empereur tint vn parlement au Palais d'Atigni, où se trouuerent tous les Euesques & principaux Seigneurs de son Royaume: Là, il se reconcilia avec ses freres rendus Moines par contraincte: dont il se confessa, & fit penitence publique (les Auteurs du temps ne disent quelle) tant de ladiëte force, que de ce qu'il auoit faict contre Benard son neveu, contre l'Abbé Adalard, & Vallon son frere, donnant l'aumosne, & amendant toutes choses faictes tant par luy que son pere: comme si lesdites punitions eussent esté commandées par sa cruauté naturelle, & non par ordonnance de Iustice.

Itenuoya aussi en rannonie vne armée d'Italiens; acheuer la guerre de Liudeuit, qui abandonna Siscie sa ville, & se retira vers les Sorabes (vne nation qui tient partie de Dalmace, autres que ceux qui en mesme temps estoient voisins de Saxe, ainsi qu'auons dit) où il fut recueilli par le Duc de ce pais, & auquel peu de temps apres il couppa la gorge. Ce neantmoins combien qu'il fit guerre à nos gens, & ne parlementast avec eux, toutesfois enuoyant des Ambassadeurs vers l'Empereur, il confessa d'auoir failli, & qu'il estoit prest de venir en sa Cour. Cependant, les Sefnes fortifierent vn chasteau outre la riuiere d'Elbe, en vn lieu nommé Delbende, & en chasserent les Sclaues qui l'auoient occupé: y mettans grosse garnison de Sefnes, pour resister aux courses des Sclaues.

Aussi les Comtes François de la marche d'Espagne, entrerent au pais appartenant à Aben Cassin, qui s'estoit reuolté contre Abdiracman Roy de Cordouë: où ils bruslerent plusieurs villages: puis retournerent avec gros butin. Auquel temps aussi, Don-Ramire Roy de Leon en Espagne, gaigna vne bataille sur lesdits Sarrafins: en laquelle luy semblant auoir esté assisté de la faueur de S. Iacques, il donna depuis occasion aux Espagnols d'estimer ce Saint leur Patron, & mettre sus l'ordre des Cheualiers qui portent son nom: Pareillement les Comtes de la Marche de Bretagne coururent les terres d'un Breton nommé Vinnomarch ou Iuemars, rebelle, & entrerent en son pais apres l'equinoxe d'Automne: mettans tout à feu & à sang.

Le Parlement d'Atigny fini, l'Empereur alla chasser en Ardenne, suyuant la coustume des François: & enuoya Lothaire son fils, & sa femme en Italie: luy donnant pour compagnie Galon Moyne son parent, & frere d'Adelard, avec Guerault ou Géronge maistre des Portiers: ou (si croyez les

*L'an de* Chroniqueur François) son Chamberlan : pour le conseiller tant aux affaires  
*Iesus* de la maison, que celles d'estat. A son arriuée en Lombardie, Sigon dit, qu'il  
*Christ.* fut couronné à Modece par l'Archeuesque de Milan : mais il est seul Auteur  
 qui l'ait remarqué, & ceux du temps que nous auons leu, n'en font point de  
 mention. Pepin fut aussi enuoyé en Aquitaine, apres qu'il eut espousé la fille  
 de Thiebert Comte de Mets.

Quant à l'Empereur, sa chaste acheuée : il se retira à Francfort, où il fai-  
 soit de nouveaux edifices : pour passer l'hyuer, & y tenir vn Parlement de  
 tous les peuples d'outre le Rhin, & des Seigneurs, appelez pour deliberer des  
 affaires de la frontiere Orientale de son Royaume. Car en celieu là, vindrent  
 avec presens les Ambassadeurs des peuples de Germanie, à sçauoir Abodri-  
 tes, Sorabes, Vvilses, Boësmes Marauchens (ie croy Moraues) Predenecen-  
 tes, & Auarrois, demeurans en Pannonie : ils y trouua aussi des Ambassa-  
 deurs de Normandie, tant de la part de Heriold, que des enfans de Godefroy,  
 lesquels semblablement il depescha : puis fit acheuer les nouveaux edifices  
 par luy commencez. Ceste mesme année fut fondée l'Abbaye de Corbie de  
 Saxe, ainsi nommée pour celle de France, assise sur la riuere de Somme : la-  
 quelle ayant possible, fourni de Moynes à peupler celle de Saxe, luy donna  
 aussi le nom.

823.

Le troisieme Ianuier de l'an huitcens vingt & trois (vn vieil Martiro-  
 loge dit en Iuin) l'Emperiere Iudith accoucha au Palais neuf de Francfort,  
 d'un fils qui fut nommé Charles (depuis surnommé le Chauue) avec aussi  
 grande reiouissance de l'Empereur, que dommage de luy mesme, & de ses  
 subiects.

Or comme Lothaire exerce la iustice en Italie au contentement de cha-  
 cun, ainsi que luy auoit commandé son pere, & qu'il se preparoit pour ve-  
 nir en France; il fut prié du Pape Paschal d'aller à Rome faire Pasques; à quoy  
 il s'accorda : & ayant esté honorablement receu, le propre iour de Pasques  
 (qui lors aduint le cinquiesme Auil) il fut couronné Empereur Auguste. Ce-  
 la fait il prist le chemin de Paue, pour retourner en France trouuer son pe-  
 re au mois de Iuin, & luy rendre compte de l'ordre par luy mis en Italie :  
 & de ce qui restoit à faire. Et pource qu'il n'auoit acheué de tenir la iusti-  
 ce : l'Empereur son pere commit Adellard Comte du Palais pour avec Mau-  
 ring & Gondulf Comte de Bresse, aller ensemble en Italie, faire ce que son  
 fils auoit commencé : Car Lothaire disoit, qu'il falloit vne armée à refraindre  
 l'insolence d'aucuns.

Cependant, au mois de Mars, l'on tint vne assemblée & Parlement au Pa-  
 lais d'Haristal : auquel se trouuerent les Princes de France Orientale, de  
 Bauieres, d'Allemagne, & de Bourgongne, voisine d'Italie; & du païs,  
 qui est le long du Rhin, ainsi qu'il auoit esté commandé. Outre les Amba-  
 sadeurs estrangers, deux freres Rois de Vviltzes, se presenterent pour vider  
 leur differend, l'un d'eux se nommoit Meligaste, & l'autre Celeadrague, ou  
 Ceadrague, enfans de Lube Roy des Vviltzes : lequel encores qu'il eust  
 son Royaume diuisé d'avecque ses freres, toutesfois à cause de l'ainesse eut

la

la principale charge des Viltzes ; Depuis fut occis en vne bataille contre les Abodrites : mais apres sa mort ses suiets auoient esleu Meligaste l'aîné de ses enfans : & neantmoins pour ce qu'il gouernoit mal son Royaume, & cõtre la façon du pais, ioinct sa negligence, fut chassé du peuple, se tournât du costé du plus ieune : qui fut la cause de les faire veuir deuant l'Empereur, lequel apres les auoir ouys, & cogneu que le peuple estoit plus enclin à donner la Royauté au ieune, ordonna qu'il demoureroit Roy : & toutes-fois il fit des presens à l'un & à l'autre : Puis ayant pris le serment de tous deux, les renuoya en leur pays.

Au mesme Parlement, Ceadrague Prince des Abodrites, fut accusé de n'estre fidelle aux François : & que dés long temps il dissimuloit de venir en la presence de l'Empereur. Les Commissaires enuoyez pour luy signifier l'arrest du Parlement, amenerent des principaux de son pais, par lesquels il promettoit de venir l'hyuer prochain voir l'Empereur. La conclusion dudit Parlement fut, que l'Autonne suyuant il s'en tiendrait vn à Compiègne, au mois de Nouembre. Ce faict, l'Empereur donna congé aux assemblez : & comme il vouloit partir, nouuelles luy vindrent, que le tyran Liudeuit venu en Dalmace voir Lindenulfe oncle du Duc Borne, l'auoit depuis tué en trahison ; & saisy sa ville.

---

## CHAP. VI.

*Seigneurs Romains. executez en la maison Papalle. L'Empereur enuoye à Rome pour en informer. Pape se purge par serment. Ceadrague accusé est renuoyé en son pays. Heriold demande secours à l'Empereur. Ebon Archeuesque de Rheims, va prescher en Dannemark. Dreux frere de l'Empereur, fait Euesque de Mets. Fille est sans manger par deux ans. Foudres. Omorgat Roy des Bulgares enuoye des Ambassadeurs en France. Paschal mort, Eugene est fait Pape en sa place. L'Empereur & deux de ses enfans courent la Bretagne. Il y a neuf Eueschez en icelle. Liure de la Hierarchie de saint Denis. Jurisdiction de l'Empereur dans Rome. Adelart fait Duc de Spolette.*



AUTRE costé, enuiron le mois de Iuin, le ieune Empereur sortant de Paue pour venir en France, fut aduertý que Theodore Primicere (par toute la Chronique de saint Denis appellé premier Secretaire) de l'Eglise, & Leon Donneur son gendre, apres qu'on leur eut premierement esteint les yeux, auoient eu les mains, les pieds, & finalement les cols coupez, dans la maison Patriarchalle de Lateran (principal domicile des Papes de Rome) pour leur fidelité enuers le ieune Empereur : ainsi que lon tenoit pour tout certain. Le bruit lors courut,

GGGG

L'an de  
Iesus  
Christ.

& telle estoit l'opinion des Romains : d'autant que l'exécution s'estoit faite en la maison du Pape, que c'estoit par son commandement; ou du moins de son consentement. Et il estoit vray semblable, qu'ayant sceu l'entreprise; il l'auoit dissimulée. Les Empereurs qui ne pouuoient croire vne si rigoureuse punition proceder du vouloir d'un Ecclesiastique, enuoyerent Adalung Abbé de saint Vvast d'Arras, & Hunfred Comte de Rethie ou de Coire (principalle ville des Grisons) pour diligemment informer de ceste execution. Mais auant qu'ils fussent à Rome, Iean Euesque de Noua-villa, & Benedic Archediacre du siege Romain, Ambassadeurs du Pape, arriuerent en Cour, supplier l'Empereur Louys de vouloir oster l'infame soupçon, qui auoit esté conceu contre le Pape, lequel n'auoit iamais consenty à la mort desdits Secretaire & Donneur. Toutesfois l'Empereur ne laissa d'enuoyer à Rome, enquerre ce qui en estoit: & ce pendant, ayant passé par Vvormes, il vint chasser en Ardaine, attendant le Parlement de Compiegne.

Les Ambassadeurs venus à Rome, ne peurent certainement descourir la verité de ce pourquoy ils estoient enuoyez : par ce que le Pape nia fermement estre consentant du fait. Et en plaine assemblée de trente quatre euesques & Prestres, & de cinq Diacres s'en purgea, comme aussi firent plusieurs autres euesques. Et toutesfois, il ne voulut rendre ne montrer les meurdriers; ains les defendit : & comme estans de la famille de S. Pierre les absout, & retint au pays : prononçant que les morts auoient esté iustement occis, comme criminels de leze Majesté.

Ie confesse que ie n'entends point de quelle Majesté l'Authheur a voulu parler. Car s'il entend de l'Imperialle, le Pape n'en pouuoit estre iuge, si de la Papalle, il est euident que les Papes ne prenoient encores cét aduantage sus les empereurs. Mais quant à ce qu'il ne voulut rendre les seruiteurs de S. Pierre, il le pouuoit faire : soit pour la franchise de son eglise, soit pour la iustice que les euesques auoient lors sus leur famille, & comme encores nous voyons que plusieurs euesques & Prelats de France l'ont sus leurs hostes & Censuels, jaçoit qu'ils ne soient ecclesiastiques : ains seulement à cause de la demeure que tels suiects font dans les siefs de l'eglise : ce que d'aucuns Royaux pensent leur estre venu par vsurpation. Et neantmoins, lon apprend par les histoires de ce temps-là, que les empereurs commandoient à Rome, aussi bien que long temps apres.

Quand donc le Pape se fut purgé, il r'enuoya lesdits Commissaires, avec Iean euesque de Noua-villa, Serge Bibliothecaire, Quirin Soubs-Diacre, Leon Maistre des Cheualliers, faire entendre ses iustifications audict empereur Louys; lequel prist tout en bonne part, comme celuy qui estant d'un naturel doux, portoit grande reuerence aux Papes; quels qu'ils fussent. Et dont les quatriemes qui vesquirent de son temps, s'en trouuerent bien, estans par luy fauorisez contre les mutineries des Romains.

Au mois de Decembre, Ceadrague assésuré sus les promesses à luy-faites, vint à Compiegne; suivi d'aucuns Seigneurs de son pays. Là il dit l'occasion

pourquoy de si long temps il n'estoit venu au Palais de l'empereur : aussi furent ses excuses trouuees assez raisonnables : & encores qu'il peut estre repris d'aucunes choses, si est-ce que pour les grands seruices de son pere & de ses parens, tant s'en falut qu'on le punist, qu'au contraire il fut renuoyé en son pais avec grands dons. Heriold Roy de Normandie (entendez Danoise) y vint aussi demander secours contre les enfans de Godefroy, qui le menassoient de chasser de son Royaume, deuers lesquels Theotar & Rotmond Comtes furent enuoyez pour informer del'affaire. Ces Commissaires apres auoir veu l'estat dece Royaume, s'enquirent de la iustice & droit desdits enfans, & auant le retour d'Heriold firent leur rapport. Ebon euesque de Rheims, qui par le conseil de l'empereur & l'autorité du Pape, estoit allé prescher audit pais, retourna avec lesdits Comtes : ayant presché tout l'esté, & baptisé plusieurs qui s'estoient conuertis à la foy Chrestienne.

Ceste mesme annee trespassa Gondulphe euesque de Mets : & le Clergé d'un commun consentement esleut euesque, Dreux frere de l'empereur, qui viuoit comme Chanoine de ladite eglise. Ce fut chose merueilleuse, que de tout le Clergé & peuple, il ne se trouua vn seul contredisant : au grand contentement de l'Emperur, lequel bien volontiers en accorda l'eslection, & le bailla pour Euesque au Clergé & peuple qui le demandoient.

Les prodiges & choses ceste annee aduenües contre nature, troublerent fort l'Empereur assez religieux, ou plustost superstitieux. Car le Palais d'Aix trembla, & lon ouyt des sons de nuit. Au territoire de Toul, au village de Commercy vne fille d'environ douze ans, apres auoir esté Communiee par le Prestre, fut premierement dix mois sans manger pain, & puis sans vser d'aucune viande, insques au bout de trois ans, qu'elle retourna manger comme deuant. En Saxe au pays de Frihaz ou Frisazi, le feu du Ciel brulla vint trois villages ou fermes ; plusieurs fouldres cheurent du Ciel en temps sercin, & les bleds furent gastez de la gelle en aucun pays : parmy laquelle estoient cheütes de vrayes pierres bien grosses & pesantes. Beaucoup de maisons, hommes & bestes furent foudroyez, contre l'ordinaire des lieux, & apres vint vne peste & mortalité qui courut toute la France : & consumma vne innombrable quantité de personnes, de tous aages & sexes : ce qui donna occasion à l'Empereur de commander des ieunes & oraisons publiques afin d'appaiser l'ire de Dieu.

Ceste annee vne maniere de gens nommez Vziens couroient par la Mesie & autres prouinces de l'Europe, par troupes & se messans de dire la bonne aduenture : comme font auiourd'huy ceux que les Allemands & Italiens appellent Zingani, & nous Egyptiens & Bohemiens. L'hyuer aussi fut si grand, que plusieurs hommes & bestes moururent de froid.

Au commencement de l'an huit cens vingt & quatre, Omorgat Roy de Bulgarie enuoya ses Ambassadeurs vers l'Empereur, faire alliance & paix avec luy : non sans merueille des François, qui iamais n'auoient veu sa pareille en France : ce fut pourquoy l'Empereur desirant sonder la cause, depescha vn

GGGG JJ

*L'an de* certain Michelin natif de Bauieres , lequel reconuoya ces estrangers iusques  
*Iesus* en Bulgarie.  
*Christ.*

Or les Ambassadeurs du Pape retournent à Rome , trouuerent Paschal si malade qu'il mourut peu de iours apres. En son lieu furent esleuz Zinzim & Eugene , pour la contention d'aucuns : mais Eugene Archipreste de Sainte Sabine , obtint la place , à cause du support qu'il auoit des Nobles : & lequel fit enterrer dans l'Eglise de saint Pierre le corps de son predecesseur , malgré les Romains qui l'empeschoient : disans qu'il estoit homicide.

Comme l'Empereur tenoit le Parlement à Compiègne , enuiron le vingt & quatriesme Iuin : les nouuelles de ceste eslection luy furent apportees par Quirin Sous-Diacre , autres-fois Ambassadeur en France. Mais d'autant que l'Empereur estoit là empesché aux aprests de la guerre qu'il entendoit faire en Bretagne , il enuoya Lothaire son fils en Italie , afin de traicter avec le peuple de Rome , & le nouveau Pape , des choses necessaires à sa charge.

Le ieune Empereur partit apres la my-Aoust , & le ieil différa son voyage de Bretagne , à cause de la trop grande famine lors regnant en France. Puis quand les bleds furent recueillis , il assembla son armee , & vint iusques à Rennes : qui est ioignant ( ce dit l'autheur ) & à l'entree de Bretagne : par où lon cognoist qu'il n'y auoit que le pays où lon parle Breton Bretonnant , qui s'appellaient Bretagne : Car de neuf Eueschez de ce pais , Nantes , Rennes , & S. Malo parlent François. Vennes , S. Briou & Dol , François & Breton. Leon ou S. Pol , Landriquet & Cornouaille , Breton Bretonnant : ces trois estans la vraye Bretagne , que nos Romains ont appellee Romaine : pour auoir receus les Bretons d'Albion , chassés avec la garnison Romaine par les Anglois Sefnes , ainsi que i'ay dit autre part. L'Empereur ayant sus la marche de ce pais , party son armee en trois , en bailla deux à Pepin & Louis ses enfans : retenant la troisieme pour soy : puis tous trois entrèrent par diuers endroits au pays ennemy , qu'ils mirent à feu & sang , durant quarante iours qu'ils y seiournerent. Mais quand il eut receu les ostages que ce peuple infidelle bailla , il s'achemina vers Roüan , où il auoit mandé sa femme de le venir trouuer : & luy-mesme y arriua le seiziesme de Novembre.

Là , il auoit commandé aux Ambassadeurs de Michel , Empereur de Grece , de venir parler à luy : avec lesquels estoit aussi Fortunat Patriarche de Grade , qui se presenta à l'Empereur. Et combien que les Grecs , entre autres presents , apportassent le liure de la Hierarchie de saint Denis ( pour lors inconnu aux François ) & eussent lettres de leur maistre touchant la paix , ils ne parlerent point dudit Fortunat , qui fut renuoyé à Rome , pour examiner la cause de sa fuite ( qui est le second renuoy de saint Louis Roy de France ait fait au Pape , si i'ay bonne memoire ) comme aussi furent ledits Ambassadeurs : Pour ce qu'ayans proposé quelque chose touchant la veneration des Images , ils disoient auoir charge de leur maistre , d'en sçauoir l'aduís dudit Empereur , lequel respondit ; puis qu'ils desiroient parler au Pape , qu'ils allassent à

Rome : où ils trouueroient Lothaire son fils : & ainsi les ayant depeschés, il vint à Aix passer l'hyuer.

*L'an de  
Iesus  
Christ.*

Cependant Lothaire honorablement receu à Rome, par Eugene second Pape, fit enqueste sus la mort de ceux qui auoient esté executez du viuant de Paschal : & pourquoy, veu qu'ils estoient fidelles aux François, à l'Empereur son pere, & à luy : on les auoit fait mourir : & ceux qui en ceste ville soustenoient le party François, estoient moquez & desprizez de chacun. Semblablement, pour quelle occasion tant de plaintes se rapportoient à l'Empereur, contre les Papes & les Iuges, que ie croy auoir esté Nobles & Senateurs, ainsi qu'on peut deuiner, par ce que i'ay cy-dessus escrit. Il trouua lors, que par l'ignorance & paresse d'aucuns Papes, & l'insatiable auarice des Iuges, les heritages de plusieurs auoient esté confisquez : à ceste cause il fit rendre les biens iniustement ostez : ce qui donna occasion de grande ioye au peuple Romain. Puis ordonna que suyuant l'ancienne coustume, l'Empereur enuoiroit des gens de sa suite, afin d'exercer la iustice, & rendre droict à chacun : pouruoyant qu'à l'aduenir tant ladite ville de Rome, que le Royaume d'Italie, ne fussent trauaillez de tumultes & seditions. Ce qui me fait estonner, comme Blond, voire Paul Emil, ont osé dire que Louys renonça entre les mains de Paschal, au droict de nommer des gens pour rendre iustice en la ville de Rome. Veue que si tost apres la mort de ce Pape, nous trouuons ceste tant signalee marque de iurisdiction Imperiale. Aussi i'ay vne Chronique Françoisse, qui dit : qu'apres cela fut establie (possible a r'on failly d'escire restablie) l'ancienne coustume, que doresnauant les Iuges seroient à Rome esleus du Palais de l'Empereur, & non pas du Pape : afin qu'ils fissent iugement droict & loyal au peuple. Lothaire ayant ainsi doucement des-messé ce fait, retourna vers son pere l'aduertir de tout à son grand contentement : quand il vit que son fils auoit releué d'oppression les affligez : qui sont les mots de ladite Chronique.

Ceste annee trespassa Supon Duc de Spolette : & Adalart surnommé le Mineur, Comte du Palais, eut sa place : lequel cinq mois apres auoir tenu l'estar, mourut de siebure. Mauring Comte de Bresse, qui auoit esté esleu pour successeur, n'eut pas si tost receu les nouuelles de sa prouision, qu'il saluta ; & peu de iours apres semblablement mourut.

GGGG ii)

## CHAP. VII.

*Eble & Asinaire pris par les Basques, & leur armee defaictte. Glaçon merueilleux. Enguerrand de Flandres mort. Normands prennent Seuille en Espagne. Yuemars Breton, tué. Heriold Roy des Dannois baptisé avec sa femme: est fait Comte de Riusty. Azon rebelle aux François. Ceadrague accusé, renuoyé en son pays. Azon court la frontiere d'Espagne: & avec l'aide des Sarrazins pille le territoire de Barcelonne & Geronde. Dons annuels presentez à l'Empereur. Theodulf Euesque d'Orleans deliuré. Heriold chassé de son pays de Dannemark. Eugene Pape, mort.*



**D'**AUTRE costé, les Comtes Eble & Asinaire, qui auoient mené vne grosse armee delà les Monts Pyrenees, & iusques à Pampelune, ayans fait ce pourquoy ils estoient allez (aucun ne dit quoy) à leur retour tomberent aux embusches, que les habitans de ces montagnes ont accoustumé de dresser à ceux qui les passent, ou leur armee fut entierement defaictte, Eble pris & enuoyé prisonnier à Cordouë: Mais Asinaire arresté par les parens, fut laissé aller par pitié. Ceste année (autres disent huit cens vingt trois) enuiron les plus longs iours d'Esté, l'air soudainement changé en vne tempeste, espendit beaucoup de gresle avec laquelle lon dit qu'il cheut au territoire d'Augstun vn glaçon de quinze ou vingt cinq pieds de long, sept de large, & deux d'espoisseur.

Comme l'Empereur estoit à Aix, il eut nouuelles que les Ambassadeurs Bulgares estoient en Bauieres. Il enuoya au deuant, leur dire qu'ils attendissent le temps propre pour les ouyr. Quant à ceux des Abodrites, vulgairement appelez Predeneçentes, voisins des Bulgares qui les molestoient: & demandoient secours contre eux. On les renuoya en leurs maisons: attendre le iour assigné aux Bulgares: pour en leur presence faire leurs plaintes. En ce temps mourut Enguerran de Harlebec Forestier de Flandres: auquel succeda Oudacre: Et vne armee de Pirates Normands aborda en Espagne, lesquels chasserent par Ramire Roy de ce pays: allerent prendre la ville de Seuille, qu'ils garderent vn an, ou enuiron.

825. L'an huit cens vingt & cinq, l'Empereur fit Pasques au Palais d'Aix, & apres la feste alla chasser du costé de Nimeghe, où il enioignit aux Ambassadeurs Bulgares, de se trouuer au Parlement general qui deuoit estre tenu à Aix, à la my-May: ainsi qu'il auoit ordonné à son retour de Bretagne. Pareil commandement fut fait aux Princes & Seigneurs d'y venir: & apres la chasse, il ouyt lesdits Ambassadeurs, sus le differend qui estoit entr'eux, & les François, pour raison des cōfins & limites des deux Seigneuries, & la paix d'icelles.



Presque tous les Seigneurs de Bretagne se trouuerent à ce Parlement, & entre autres Yuemars : qui pour son infidelité auoit esté cause des troubles : & contraint l'Empereur de faire le voyage de Bretagne : toutesfois il ne craignit se venir rendre à luy. Mais combien qu'il eut receu de grands presens de l'Empereur, & eut esté renuoyé comme les autres en sa maison, si est-ce que suyuant la coustume des gens de son país (ce sont les mots de l'Autheur) il ne garda point sa foy : aucontraire il gasta les terres de ses voisins, qu'il brusta, & pilla tant qu'il peut : & iusques à ce que les hommes de Lambert Comte de Nantes, l'eussent tué, mesmes dans sa maison.

Les Ambassadeurs Bulgares depeschez, avec lettres adressantes à leur Roy, l'Empereur rōpit l'assemblée : & vint chasser en Vauge à Remiremont, où il receut Lothaire son fils, retourné d'Italie. La chasse finie, il tint encores vn Parlement general au mois d'Aoust : où entre les autres legations de diuers peuples, se trouua celle des enfans de Godefroy, pour demander la paix, qui leur fut octroyée : & le mois d'Octobre ensuiuât, iuree & confirmée sus leur frontière.

Le Parlement rompu, l'Empereur avec son fils aîné, alla chasser à Nîmeghe : enuoyant Louys son fils en Bauieres : & quant à luy il vint au Palais d'Aix passer l'hyuer. Cependant les Ambassadeurs Bulgares retournerent vers leur Roy, avec la responce de l'Empereur, laquelle ne le contenta pas, quand il vit n'auoir obtenu ce qu'il desiroit : au moyen dequoy il r'enuoya les mesmes ; dire que les Frâçois missent vne borne cōmune entre les deux Seigneuries, ou que chacun gardast sa frontière, ainsi qu'il en auoit la force & le pouuoir. L'Empereur ne leur rendit si tost responce : aduert y que ce Roy auoit esté occis par vn Seigneur de son Royaume : pour dequoy estre assuré, il depescha Bertric ou Briques Comte de son Palais, vers les Comtes Baudry & Gueroult, gouverneurs de la frontière Auarroisse (c'est Hongrie) lesquels pour lors gardoient la Prouince de Carinthie. Toutesfois ayant depuis sceu que l'aduertissement estoit faux, il r'enuoya lesdits Ambassadeurs Bulgares, sans leur donner responce par escrit.

Durât cela, Pepin Roy d'Aquitaine vint à Aix, avec les Seigneurs de la frontière d'Espagne, trouuer son pere enuiron le premier Feurier de l'an huit cens 826. vingt & six, suiuant ce qui luy auoit esté commandé, pour traicter avec luy du moyen de garder la Marche Occidentale (il en tend de tout l'Empire en general) contre les Sarrazins. La resolution prise, le mesme Pepin fut r'enuoyé en son país ; où il demeura tout l'Esté : & enuiron la my-May, l'Empereur partit d'Aix, pour venir au Parlement qui se deuoit tenir à Ingelheim.

Là, se trouuerent plusieurs Ambassades qu'il depescha : dont la principale fut celle du Pape, de laquelle estoient chefs, Leon Euesque de Ciuita-vecchia, Theofilacte Donneur. D'outre mer & de Palestine, y estoit Dominique Abbé du mont d'Oliuer : semblablement celle des enfans de Godefroy, Roix de Dannemarx, enuoyez pour faire leur paix. Il y auoit aussi du país des Sclaues aucuns Princes Abodrites, qui accusoient Ceadragüe leur Duc. Vn Prince des Sorabes, nommé Vnglon ou Tonglon, fut semblablement accusé : mais pour ce que la preuue n'estoit pas assez suffisante ne claire, on leur fit sçauoir, que

*L'An de  
Iesus  
Christ.* Les fils ne se trouuoient au Parlement d'Octobre, qu'on les chastieroit de leur desobeyssance. Les gouuerneurs de la frontiere de Bretagne y amenerent aussi des Seigneurs Bretons : & le Roy Heriold vint à Mayence avec sa femme, & grand nombre de Danois ou Normands : la où en l'Eglise de saint Aubin il fut baptisé avec la Roïne, & ceux qui les auoient suiuis : l'Empereur leua Heriold des fonds, & l'Emperiere la femme dudit Heriold : Ce fait, apres auoir receu de grands dons, ils s'en retournerent en leur pais, par la Frize : où l'Empereur auoit donné audit Heriold la Comté de Riusti, pour se retirer en cas de necessité : craignant le Roy Danois, que pour s'estre fait baptiser, ses sujets refusassent de le receuoir en son Royaume. Les Comtes Bauldry & Gueroult gouuerneurs de la frontiere de Pannonie, se trouuerent aussi audit Parlement ; & rapportèrent, n'auoir peu descourir si les Bulgares se deuoient mouuoir, ou non. Auecq' ledit Bauldry estoit vn Prestre de Venise nommé Georges, natif de Beneuent, qui promit de faire des Orgues à la façon des Grecs, dequoy l'Empereur fut ioyeux : car l'vsage en estoit lors fort rare en France, au moyen dequoy il commanda au Maître de sa Chappelle nommé Vantulfe ou Hendulf, de l'enuoyer à Aix & luy fournir toutes choses necessaires pour son œuvre.

La conclusion du Parlement fut, que lon se trouueroit à vn autre, qui se tiendrait au mois d'Octobre : puis l'Empereur partit de là, pour aller outre le Rhin : en vne ville nommee Salts, assister à vne assemblée du peuple de Germanie. en ce lieu les Ambassadeurs des Neapolitains le vindrent trouuer ; & depeschez, furent renuoyez en leur pays. Il fut aussi aduertty de la rebellion d'Azon (ce pourroit bien estre Asinaire, duquel a esté parlé cy dessus) gouuerneur d'Aquiraine, lequel fuyant de la Cour, auroit surpris la ville d'Aussone (ce n'est pas celle de Bourgongne, ains d'Espagne) abusant le peuple d'icelle. Toutesfois voyant qu'il ne la pouuoit garder, il en abatit les murs, & garnit les chasteaux d'environ, de ce qu'il y vit necessaire, & qu'il trouua les meilleurs & plus fortifiables ; cependant qu'il auoit enuoyé son frere vers Abdircaman Roy Sarrazin, querre le secours qu'il amena.

Or jaçoit que l'empereur entendoit ces nouuelles avec grand-creuecœur, si ne voulut il rien faire sans ouyr l'aduis de ses conseillers, delibéré d'attendre le Parlement d'Octobre. Mais pour l'heure il enuoya Elisachar Abbé, vers Azon, l'admonester de garder sa foy : ce que l'Abbé ne luy sceut persuader, estant le Gascon resolu en sa trahison.

La chasse d'autonne acheuée, l'empereur descendit à Franc-fort par la riuere de Mein, & de là à Ingelheim ; à l'assignation du Parlement qui sy deuoit tenir en Octobre. Ceadrague Duc des Abodrites, & Gloin ou Tonglon, accusez au Parlement precedent sy trouuerent. Tonglon eut congé, & son fils fut retenu pour ostage : & enioin& à Ceadrague de suiure la Cour, pendant que lon enuoya des Commissaires vers les Abodrites, sçauoir s'ils le vouloient bien auoir pour Roy. Ceste assemblée rompuë, l'empereur retourne passer l'hyuer à Aix : où les Commissaires pour le fait des Abodrites reuindrent : rapporter, que la volonté du peuple estoit diuerse. Toutesfois que les principaux

principaux estoient tous d'aduis de recevoir Ceadrague : qui fut la cause pour-  
quoy l'Empereur le r'enuoya, apres auoir pris des ostages de luy.

L'an de  
Iesus  
Christ.

Durant ces choses, Hilduin Abbé de S. Denis, impetra du Pape Eugene les  
os de Saint Sebastien Martyr, qu'il mit en l'Eglise de Saint Medard de  
Soissons : estans en ce temps-là les reliques des Saints en merueilleuse  
estime.

Auant que l'Abbé & Prestre Elizachar, & les Comtes Hildebrand &  
Donat, fussent retournez de leur commission, pour appaiser les troubles ad-  
uenus sur les confins d'Espagne, Azon à l'ayde des Sarrazins auoit tant don-  
né de peine aux gouuerneurs du pays, par continuelles courses, que plu-  
sieurs abandonnerent les Chasteaux de la frontiere qu'ils auoient en garde,  
Guillermond fils de Bere Comte, & plusieurs autres suyuant la naturelle  
legereté (disent les Autheurs) des gens de ce païs, se tournerent de son co-  
sté, & accompagnez de Sarrazins, bruslerent le païs de Ceretanie (ie croy  
Cerdaine près de Perpignan) & celuy de Valez (possible celuy que la grand  
Cronique appelle Valage, & ie diroy volontiers Vellay s'il n'estoit trop a-  
uant en Languedoc) Elizachar auoit charge d'assembler les Cipenons ( ce  
pourroient estre ceux des Ceuennes ) & les Gothiens, ( ce sont ceux de  
Languedoc ) & se ioindre avec Berard ou Benard Comte de Barcelonne,  
qui vaillamment deffendoit son pays, & mettoit peine d'appaiser les Go-  
thiens & les Espagnols habitans de ce quartier, employant toute son in-  
dustrie à se guerter des embusches & tromperies des ennemis. Ces Go-  
thiens, & Espagnols, estoient venus de ceux que Charlemagne auoit tirez  
d'Espagne, en vertu d'un priuilege, qui se trouue encores aux Archiues  
de l'Eglise de Narbonne, pour habiter le quartier de Cathalongne, de  
Roussillon, & du bas Languedoc. Mais Azon renforcé du secours qu'Ab-  
diracman luy enuoya par Abunarman parent dudit Roy Sarrazin, ne vou-  
lut entendre à aucun traicté, & se promettant auoir le dessus de la guer-  
re, s'approcha de Saragoce & de Barcelonne. Dequoy l'Empereur aduer-  
ty, & considerant que l'entreprise estoit de consequence, assemble vne gran-  
de armée de François, qu'il donna au Roy Pepin son fils, pour deffendre ses  
limites, sous la conduite des Comtes Hugues, & de Manfroy.

Ceste grande compagnie, eut peu faire quelque bon exploit, si par la non-  
chalance des chefs qui la menerent trop lentement, Abunarman n eust eu loir-  
sir de piller tout le territoire de Barcelonne, & de Geronde, pour ce fait, em-  
porter ce qui estoit hors des villes, & sans rien perdre, se retirer le chemin de  
Saragoce, auant que nostre armée le peut voir.

Ceste honte & perte sembla auoir esté predite & signifiée, par des batailles  
veües au ciel, enflammées & rouges comme sang.

Audit an, & durant ceste leuée, l'Empereur auoit tenu vn Parlement  
à Nimeghe, où il attendit Horisch fils de Godefroy Roy de Dannemarck,  
qui auoit promis de s'y trouuer. Il en tint vn autre à Compiagne, pour  
recevoir les dons annuels, & aduertir ceux qui deuoyent aller en Espagne  
de ce qui appartenoit à leur charge. Ces dons estoient presentez aux Rois

HHHH

L'an du  
Jesus  
Christ.

de France, non seulement par le peuple, mais aussi par les Seigneurs mesmes, & les Ecclesiastiques, selon leur puissance, qui estoit taxée & limitée, au fort du reuenu des fiefs, & terres qu'ils tenoyent : ainsi que l'on peut voir par vne epistre, que Loup Abbé de Ferrieres escrit à Ludouic tres-noble Abbé, viuant sous Charles le Chauue. Toutes-fois, ie n'ose asseurer que les Seigneurs & Barons y fussent subiects : Car ils deuoyent seruice personnel, mais quant aux Abbez, il est bien certain par ce qu'en dit Loup. Ces dons annuels se font de trois en trois ans (ainsi qu'on dict) aux Rois de Nauarre, & Comtes de Cathalongne, outre & par dessus le reuenu de leur domaine : Mais il faut qu'ils soyent au pays : autrement on les leur garde iusques à ce qu'ils y viennent les receuoir en personne.

Le Parlement fini, l'Empereur alla par les Palais, & bois qui sont entre Compiègne & Crecy, se promener iusques au commencement de l'hyuer. Les Ambassadeurs de Michel empereur de Constantinople se trouuerent à Compiègne, enuiron le mois de Septembre, pour confirmer la paix. Ils apporterent de grands dons, aussi furent-ils magnifiquement receus, & renuoyez avec liberalité pareille.

327.

Sigibert Croniqueur, a opinion que ceste année huit cens vings & sept, Anségise Abbé de Lobbie, assembla en vn volume les edicts & loix faites par les empereurs Charlemagne & Louys son fils, touchant les choses ecclesiastiques : & Amalar celuy des offices diuins : & que Theodulf euesque d'Orleans emprisonné à Angers, fut deliuré pour le plaisir que ledit Louys prist, oyant Theodulf chanter ces vers Latins commençans *Gloria, laus & honor &c.* Et que depuis le iour de Pasques Fleuries, l'eglise chante deuant la croix : & auant que rentrer en l'eglise fermée : Mais nous ne trouuons point que l'empereur fut ceste année audit pays.

Cependant les enfans de Godeffroy contraignirent Heriold vider le pays de Normandie, & le debouterent de la societé du Royaume. Les Bulgares pareillement dresserent vne armée sur la Dunoë, avec laquelle ils gasterent par feu, & par glaue, le pays des Sclauons, qui habitent le long de ladite riuiere. Le Pape Eugene mourut aussi le dixiesme Decembre, & en son lieu fut mis Valentin Diacre, qui à peine tint le Papat vn mois dix iours. Ceste année les Danois occuperent l'Angleterre sous vmbre de la discorde des Anglois ; qui faisoient coustume de tuer leurs Rois.

## CHAP. VIII.

*Valentin Pape mort. L'Empereur confirme le Pape esleu. Lieutenans d'armées deposez de leurs dignitez pour coïardise, comme aussi Bauldry Duc de Frioul. Aprest contre les Sarrazins d'Espagne. Heriold rompt la trefue des Danois, qui est renoüée. Boniface Comte de Corse, faict vne desroute des Sarrazins pres Tunis. Bled cheut du Ciel. Quatre Sinodes tenus en France en mesme temps. L'Empereur donne à Charles (son fils & de Iudith) l'Allemagne, Rethie & partie de Bourgongne. Bernard Comte de Barcelonne, faict Lieutenant general de l'Empereur : fut cause d'esmouuoir les enfans contre le pere. Commencement de la ruyne de la maison de Pepin. Robert fils de Vithikind Saxon, vient en France, & est source de la maison de Capet.*



**L**E vingt & deuxiesme iour de Ianuier, & l'an huiët cens 828. vingt & huiët, mourut Valentin Pape : & quatre iours apres fut esleu Gregoire quatriesme, Citoyen Romain, Prestre de S. Marc, lequel (ce dit la Cronique de S. Cibar) ne fut sacré iusques à ce que les Commissaires del'Empereur eussent examiné l'eslection faicte par le peuple : & quel'Empereur y eut presté consentemët. Platine dit, que Louys ne le fit par orgueil, ains pour garder les droiët de l'Empire : que s'il dit vray, comme donc a osé Paul Emil, escrire que ledit Louys Empereur renonça au droiët del'eslection Papalle?

Quant à moy, ie croy que Charlemaigne ne quitta rien (ainsi que i'ay dit) de ce qui appartenoit au droiët Imperial : Bien y a-il apparence, que luy & les siens gratifierët de grands reuenus & terres les Papes en recompense de l'honneur qu'ils receuoient par leur menée : Mais qu'ils retindrent l'administration de la Iustice sous leur nom ; comme aussi la confirmation del'Euesque & Pape Romain ; ainsi que droiët Imperiaux. Et Charles Sigoine Italien recite, en la vie de Lothaire, vne copie d'ordonnance dudit Empereur ; par laquelle il appert, qu'il auoit autorité sur les Iuges de Rome, puis qu'il leur commande de luy venir rendre conte de l'administration de leur Iustice.

Au Parlement tenu à Aix, furent rapportez les exploits du voyage d'Espagne, & les Lieutenans de l'armée, pour leurs fautes furent deposez de leurs estats & honneurs, comme ils auoient meritë par leur nonchalance & coïardise. Bauldry Duc de Frioul, fut pareillemët priuë de ses estats, pour sa lascherë, estant l'Empereur marry, que par faute de courage de deux ou trois de ses Capitaines, le nô François eut receu telle honte. Mais d'autant que les Bulgares auoiët gästë la frontiere de Pannonie sans empeschemët de ce Duc, sa Province & Duchë fut diuisëe en trois ou quatre Comtez de pareille puissance.

HHHH ij

L'an de Toutes ces casseries ne seruirent que de matiere & nourriture aux mau xqui  
 Iesus se preparoient. Car encores que l'Empereur eut laissé la vie à plusieurs qui  
 Christ. meritoient de la perdre, si en furent-ils ingrats : & les premiers se banderent  
 contre luy. Mesmes Lotaire son fils (que tous les vieils liures Françoisappel-  
 lent Lohier) pensa auoir esté intéressé en ceste diuision du gouuernement de  
 Frioul : comme s'elle eust diminué son autorité.

En ce temps retournerent de Constantinople Hildegair Euesque de Cam-  
 bray, & Ansfred Abbé de Nonantulle; tres-contens de l'honneur que leur  
 auoit fait l'Empereur d'Orient. Au mesme Parlement, l'Empereur Louys  
 voyant son pays affligé de famine, & assailly d'ennemis (comme il estoit Reli-  
 gieux) enuoya lettres à tous les Euesques, pour commander au peuple de ieus-  
 ner trois iours, à fin d'appaïser l'ire de Dieu, & le prier de monstrier les causes  
 & aussi en quoy chacun l'auoit offensé: ordonnant vn Parlement general pour  
 ses subiects : lequel ne peut estre tenu à cause de ses ennemis, que les Croni-  
 ques ne nomment point : mais il est croyable que ce fut la prochaineconiura-  
 tion : Toutesfois estant venu au Palais d'Ingelheim & puis à Commerci, il  
 tint vn Parlement par aucuns iours, pour sçauoir s'il enuoyeroit Lothaire &  
 Pepin ses enfans, vers la marche d'Espagne, avec l'armée que lors il fut con-  
 seillé d'assembler. Car il auoit entendu que les Maures deuoient entrer en A-  
 quitaine (c'est à dire au Royaume de Pepin) du costé de Geronde, & Barcello-  
 ne, & par autres endroits & terres de l'Empire de France : comme aussi luy a-  
 uoit mandé le Pape Gregoire. Lequel redoutant plus grande entreprise des  
 Sarrazins (qui n'aguieres auoient chassé les Siciliens de la plus part de leur Isle)  
 ne se fioit à la resistance que leur faisoit Michel empereur de Grece: jaçoit que  
 defendant aux Venitiens le trafic de Leuant; il les eut contrains de se ioindre  
 avecque luy en ceste guerre. Mais encores qu'il eut bon nombre de nauires, si  
 n'osa-il affronter les Maures : lesquels aussi de peur, ou faonlez & chargez de  
 pillage, abandonnant la Sicile: donnerent occasion de rompre l'armée Chre-  
 stienne, & faire retourner les Venitiens en leur ville.

Lors Gregoire craignant vn autre effort des Sarrazins, & aduertit du Parle-  
 ment que l'Empereur tenoit à Aix, enuoya Quirin Protonotaire (il le nomme  
 Primicere) & Theophilaëte Donneur, luy faire entendre l'estat d'Italie, & de-  
 mander secours : Pour ce fait Alger euesque de Chartres (ce dict Blond) & ie  
 croy plustost qu'il faille dire Hildegair de Cambray, & Ansfred Abbé de No-  
 nantulle, retournerent en Constantinople, prier Michel vouloir d'vn commun  
 consentement guerroyer les Sarrazins; & sur telle conclusion furent r'en-  
 uoyez les Ambassadeurs Papaux.

Quant à l'empereur Louys, il alla au Palais de Francfort, où il demeura quel-  
 ques iours; puis vint à Vvormes & à Thionuille. Cependant Lotaire s'ache-  
 mine à Lion, où il seiourna, attendant certaines nouuelles des Sarrazins : &  
 parlementa avec Pepin son frere, puis s'en alla trouuer son pere à Aix.

Durant cela, & comme les deputez de l'empereur estoient sur les confins  
 de Normandie pour traicter de la paix qui se deuoit faire entr'eux & les Fran-  
 çois, au profit de Heriold; & que presque tous les Comtes & Marquis

de Saxe y estoient empeschez, Heriold, trop desireux de faire ses besongnes, <sup>L'an de</sup> rompit les traictez aduancez, & la paix confirmee par ostages, qui ja auoient <sup>Jesus</sup> esté baillez : car il brusla & pilla aucuns villages de Normandie. Ce qu'enten- <sup>Christ.</sup> du par les enfans de Godefroy, incontinent ils assemblerent leur armee, vindrent en ceste Marche, & passerent la riuere d'Egidore ou d'Egit, puis se ietterent sus nos gens qui ne s'en doutoient, & les mirent en fuite, pillans leur bagage & le camp : ce fait ils s'en retournerent en leur logis. Mais aduertis que les François n'estoient coupables du fait de Heriold, ils eurent crainte d'auoir offensé : & pource ils enuoyerent deuers lesdits Comtes, Commis- saires de l'Empereur ; remontrer qu'ils auoient esté assaillis : & toutesfois estoient prests de satisfaire, selon le iugement de l'Empereur ; pourueu que la paix se conclud, nonobstant la susdite desconfiture.

Durant ces choses, les Italiens n'estoient oysifs : Car Boniface Comte, gou- uerneur de l'Isle de Corse, sous l'empereur Louis, mit sus vne petite armee de mer, pour aller chercher les Pyrates, rodants la coste d'Italie. Auec luy estoient Benard ou Bertaire son frere, & aucuns Comtes de Toscane : lesquels apres auoir vogué à l'entour des Isles de Corse & de Sardagne, par fois se cachoient derriere les Caps & Rochers, pour espier les Nauires Sarrazins. Et ne trou- uans aucuns Corsaires, descendirent en l'Isle de Sardagne, qui lors estoit ter- re d'amis : où ils prirent des Mariniers pour les conduire en Afrique. Là, re- fraischis de ce qui leur estoit necessaire, ils descendirent entre Vtique & Car- tage (c'est le pais voisin de Thunis) où de premiere arriuee ils trouuerent vne infinie multitude d'habitans du pais assemblez : pour empescher les descentes & courses des Chrestiens. Nos gens combattirent quatre ou cinq fois ces Afri- quains, qu'ils vainquirent tousiours avec grand meurdre de leurs ennemis ; & toutesfois, non sans la perte de quelques François, des plus hazardeux. En fin le Comte se retira en ses vaisseaux, laissant vne tresgrande frayeur aux Maures d'auoir pis, si vne plus forte compagnie les reuenoit voir.

Ceste petite armee seruit grandement aux nostres, d'autant que les Sarrazins presque maistrès de la Sicille, furent contraints de se retirer en leur pais. Pierre d'Auxerre met ce voyage l'an quatorziesme de l'Empire de Louis : lequel enui- ron la S. Martin, vint à Aix, où il demoura l'hyuer : & cependant fit plusieurs assemblees pour les affaires de son Royaume, troublé tant par les courses des estrangers, que la mauuaise volonté des siens enuers luy. Ce qui sembloit estre signifié par infinis prodiges lors apparus : car la Lune Eclipsa le premier Iuillet au poinct du iour : & l'on apporta à l'Empereur du bled plus petit que fromér, que lon disoit estre cheut du Ciel, pres la ville d'Agen. Au mesme an Hieremie, Archeuesque de Sens, mourut : qui obtint le priuilege contre les Iuges de sa ville, ce dit Odoran : sans autrement specifier si ce fut l'exemption de la Iurisdiction Royale, ainsi qu'il est à croire.

Le iour de Noël, premier de l'an huit cens vingt & neuf, au compte de ce <sup>829.</sup> temps-là, il y eut Eclipse de Lune à minuit : & quatre iours auant Pâques, de nuit il fit vn si grand tremblement de terre, avec vn vent si violent, que non seulement les petites & foibles maisons voisines, mais aussi les grands edifices,

HHHH ij

## DES ANTIQ. FRANCOISES LIVRE VIII.

*L'an de* tant del'Eglise d'Aix, apellée la Chapelle de Charles le grand, que ceux du Palais  
*Iesus* & tresor, furent descouverts de leurs entablements de plomb, mis dessus pour  
*Christ* couuerture. Toutesfois l'Empereur au moien de ses grandes affaires, n'en bou-  
 gea iusques au premier Iuillet, qu'il en partit pour venir au Parlement d'Aoust,  
 assigné à Vvormes: tant pour plusieurs autres affaires, que pour sçauoir la reso-  
 lution de quatre assemblees, peu auparauant par luy commandees d'estre faites  
 par les primats de son Royaume: à sçauoir Otgar de Treues, Adubald, Heton,  
 Bernuin, qui se deuoient assembler à Mayence avec leurs suffragans.

D'autre costé par celuy qui deuoit estre Archeuesque de Sés, Ebon de Reims,  
 Regenard de Rouen, Landran de Tours: qui se trouuerent à Paris le sixiesme de  
 Iuin, avec leurs suffragans. A Lyon furent assemblez Agobard Archeuesque  
 du lieu, Benard de Vienne, André, Benedic, Ageric, aussi avec leurs suffragans.  
 Et le quatriesme à Thoulouze où deuoient estre Nethon, Barthelemy de  
 Narbonne, Adeleldeme, Agiulf, avec leurs suffragans. En ces Concilles, l'Em-  
 pereur voulut qu'on traitast des choses appartenantes à la religion Chrestienne,  
 & reformation tant des Princes, que du Clergé & du peuple. Mais il desfendit  
 de publier aucune chose, auant le temps qu'il ordonna: eslisant à ceste fin vn  
 Notaire, pour escrire les articles arrestez pour la reformation; avec serment  
 de les tenir secrets.

En ce Concile de Mayence, Gontault fils de Bernon Comte de Saxe, se plai-  
 gnit que Raban l'auoit tondue contre sa volonté. Ce qu'estant verifié, le ieune  
 homme fut rendu à son pere. Auant que l'empereur partit d'Aix, il eut nou-  
 uelles que les Normands auoient assemblé leur armee pour guerroyer la Saxe  
 d'outre l'Elbe: & qu'à ceste fin ils s'estoient approchez de nos limites. Il manda  
 aussi tost gens de toute la France, & assigna le passage à Nus enuiron la mi-Iuil-  
 let. Toutesfois aduertty que ce brui& estoit faux, il tira le chemin de Vvormes,  
 ainsi qu'il auoit delibéré, pour venir au Parlement de my Aoust: auquel il re-  
 ceut les dons annuels, & les Ambassadeurs tant de Rome, de Beneuent, que  
 d'autres pays loingtains.

Lors il donna à Charles son fils, qu'il auoit eu de Iudith, les pays d'Allemai-  
 gne & de Rethie: & vne partie de Bourgongne: en la presence de Lothaire &  
 de Louys ses enfans, qui en furent courroucez, aussi bien que Pepin.

De celieu il enuoya Lothaire en Italie: & preuoyant les secretes conspira-  
 tions d'aucuns, delibera de leur oposer vn homme bien subtil & vaillant: sus le-  
 quel il peut s'asseurer. A ceste cause il choisit Benard ou Berard, Comte de Bar-  
 celonne, Duc de Septimanie, & gouverneur de la frontiere d'Espagne, Prince  
 du sang Royal (ainsi que dict Tegan) qu'il fit Châbellan de son Palais, & como  
 son Lieutenant general. Puis ayant disposé toutes choses à son aduis, il donna  
 congé au peuple. Ce qui ne seruit pas seulement de semence, mais aussi d'aug-  
 mentation aux discordes. Car ceux qui auoient esté cassez de leurs estats, se  
 plainquirent aux enfans de l'Empereur, disant que leur pere vouloit affoiblir  
 l'ancienne noblesse, pour en esleuer de nouuelle: à quoy les enfans presterent  
 l'oreille, & sous main taschoient de chasser du manient des affaires,  
 ceux qu'ils voyoient fauoriser ses actions. Cela fut cause d'engendrer, premie-



rement des enuies, puis de la diuision, entre les enfans & l'Empereur, lequel ne se fiant à l'ancienne noblesse par luy molestee, fut cause de la mettre au desespoir, & songer à sa deffence : dont s'ensuyuit la perte & ruine du Royaume François : voire de la maison de Charlemaigne, laquelle depuis ce temps alla tousiours en decadence.

*L'an de  
Iesus  
Christ.*

Car l'empereur mal assure des François par luy offencez, se retira en Aquitaine: & fit venir des Sefnes à son seruice. Entre lesquels fut Robert fils de Vviti-kind (ie ne sçay pas assuremēt si c'estoit le Roi ou Duc Sefne ennemy de Charlemaigne) qui fut pere des Roys Eude & Robert: & ce dernier, ayeul de Hugues Capet Roy de France, lequel esteignit la maison de Pepin, pour mettre la couronne sus sa teste. Le mesme empereur retira aussi pres de foy des Bauieriens & Allemands, qu'il prefera aux François, courroucez de si estrange changement: quand ils venoient à se souuenir, cōme Charles & Pepin ses pere & ayeul, par leurs armes & au prix de leur sang, auoient conquis ceux, qui maintenant leur commandoyent. Toutes-fois pource qu'ils ne pouuoient executer leur mauuaise volonté, ne descourir & monstrier leur courroux, ils attédirent vne autre occasion.

Ainsi donc les affaires de ce Parlement despechees, & chacun renuoyé en sa maison, l'Empereur commande à son fils aîné d'aller en Italie: & quant à luy il s'en vint à Franc-fort, faire sa chasse d'Autonne: laquelle acheuee, enuiron la Messe de S. Martin, il retourna au Palais d'Aix, passer l'hyuer, les festes de S. André, & de Noël. Les Allemans disent, que ceste Messe de S. Martin est vne foire: mais ie la prends icy pour la celebration de la feste de ce Sainct; honnoré par toute l'Eglise Latine: & quand ils parloient lors de foire, c'estoit pource qu'aux grandes assemblees, telles que celles des festes des Saincts renommez, volontiers s'y trouuoient aussi les marchands, pour y vendre leurs marchandises, tesmoing la foire du pardon de S. Denis, lors qu'on y môstroit les reliques du lieu: au peuple qui de toutes pars y acouroit: comme aussi les marchâs, sous telle occasion y apportoient diuerfes especes de marchandises. Durant cecy les Bulgares ayants assemblé des vaisseaux sus la riuere de Draue, vindrent courre & rauager aucuns villages voisins de ladite riuere.

Icy finissent les Annales d'un Moine de S. Benoist, qui semble auoir esté de Loreshaim: cōtinuees iusques en l'an hui& cents quatre vingts & trois, par vn autre: du labeur duquel, & de la vie dudit Empereur Louis, composee par vn sien domestique, à la relation d'Ademar tres-noble Moine, grand amy & familier dudit empereur, ensemble de ce que Tegan a escrit, de la captiuité dudit Prince, de l'histoire aussi de Nirard petit fils de Charlemaigne, ie feray le fondement de ces Annales.

Ie dy donc apres eux, que le premier Octobre audict an, mourut Michel le begue Empereur de Constantinople, auquel succeda Theophile son fils, & Pierre d'Auxerre tesmoigne, que le quinziesme an dudit Empereur Louys, estoit le quatre mil sept cents quatre vingt huit du monde: & la fin du neuuiesme grand an: qui en cōtenoit cinq cents trente deux: jaçoit qu'apres Ciceron, Tacite & Quintilian, au liure des nommez Orateurs, disent que le yray grand an, contient douze mil huit cents cinquante quatre ans,

## CHAP. IX.

*Coniurateurs, par la bouche d'Anseaulme Comte de Chalons suscitent Pepin Roy d'Aquitaine contre son pere: qui amasse vne armee & vient à Orleans d'où il chasse Eude Comte, & chastient les parens de Benard. Contraignent l'Emperiere Iudith, de persuader à l'Empereur de desceindre son Bauldrier de Cheuallerie. L'Empereur mis en prison à Saint Medard de Soissons: Iudith à Sainte Ragonde, ses freres faicts moines. Hardouin moine trouue l'inuention de communiquer avec l'Empereur. Gombault moine pourchasse sa deliurance. L'Empereur recouure son auctorité. Coniurez confinez. Iudith ramenee à l'Empereur, se purge. Loix Ecclesiastiques publiees.*

830.



N VIRON le Carefme del'an 830. comme l'Empereur visitoit ses villes maritimes, les principaux coniurateurs ne pouuans d'auantage contenir leur mal talent sans le decouurir, firent vne ligue qu'ils iurerent. Tous ceux qui desiroient nouveauté, & qui par la ruine d'autrui, entendoient faire leurs besongnes & s'enrichir, asseurez par leur grand nombre, se retirent deuers Pepin Roy d'Aquitaine, & par la bouche d'Anseaulme Comte de Chalon, luy remonstrerent le peu de  
 » compte que son pere tenoit de luy, & l'insolence de Benard grand Chambrier,  
 » le mespris & abbaissement des autres Gentils-hommes & Seigneurs, l'outrage que ce Benard faisoit à son pere, de coucher avec l'Emperiere Iudith, qui  
 » encorès estoit sa parente. Que tant s'en falut que l'Empereur enchanté, en peut  
 » faire la vengeance & punition, que mesme il ne s'en aperceuoit. Partant s'il  
 » vouloit se monstrier bon fils, il falloit donner à cognoistre, que la honte de  
 » son pere luy déplaisoit, le remettre en son bon sens, dignité, & autorité. Que  
 » vertueusement poursuuant celuy qui estoit cause de tel scandalle, il auroit  
 » moyen d'aggrandir son estat, & d'acquerir la reputation aupres des François,  
 » par luy deliurer de ceste publique honte. Telle fut la couuerture des coniurez,  
 » mais la vraie occasion semble auoir mieux esté decouuerte par Nitard, qui dit:  
 que apres la mort d'Ermengard premiere femme dudit Empereur, & mere des Rois Lothaire d'Italie, Pepin d'Aquitaine, & Louis de Bauieres, l'Empereur qui sembloit iamais ne deuoit se marier, chageant d'aduis espousa Iudith: laquelle bien tost apres luy fit Charles. et d'autant que ja il auoit partagé tout son Royaume, voyant qu'il n'y auoit plus rien pour ce nouveau venu, il pria ses enfans luy quitter vne partie de ce qu'ils auoyent, à quoy Lothaire s'accorda, iurant qu'il luy seruiroit de tuteur, & le defendroit contre tous ses ennemis. Laçoit que depuis à la persuation de Hugues son beau-pere, & de Manfroy,  
 callez

cassez (comme dit est) de leurs estats, il s'en repentit, cherchant trop tard les <sup>L'an de</sup> moyens de rompre sa promesse, & son serment. Ceste menée ne peut estre ca- <sup>Iesus</sup> chee au pere, & encores moins à la mere de Charles: lesquels pour ceste cause <sup>Christ.</sup> esleuerent Benard Duc de Septimanie, fileul de l'Empereur qui luy donna les estats, que i'ay dit, & la garde de Charles, le faisant le premier de sa Court, Benard vsa mal de sa puissance, & indiscrettemēt gouerna le Royaume: car il abatit ce qu'il deuoit soustenir (diēt vn Autheur) traictant rudement la noblesse du party des enfans, ainsi que lon peut apprendre, par ce qui est escrit cy dessus.

Au mesmē temps la Germanie (il faut entendre le haut du Rhin par ce qui est prochainement dit & que c'estoit la *Prima Germania*, des Empereurs Romains) est baillée à Charles, en plain parlement: & lettres sur ce à luy octroyees, ce qui dépleut & irrita bien fort Lothaire: qui par là, cuida auoir iuste cause de soy plaindre du mauuais gouuernement des affaires: & commença de practiquer ses freres, & tout le reste du peuple, soubz ombre de donner ordre à la chose publique. Mais Aimon allegue, que les coniuerez s'adresserent principalement au Roy Pepin, & cachans leur mauuaise volonté, soubz l'honneste couuerture de vouloir remedier à la honte de l'Empereur. Pepin assemblant le plus de gens qu'il peut, vint à Orleans, accompagné de Hilduin Archichapelin du Palais, de Iessé Euesque d'Amiēs, Hugues, Manfroy, & plusieurs autres trahistres (ce diēt Tegan) de laquelle ville, il chassa le Comte Eude, y remettant Manfroy. Cela fait, il prist le chemin du Palais de Verimbrie (ie croy Verberie: comme aussi fait le Croniqueur de Saint Denis) assis pres la riuere d'Oise. L'empereur aduertty de ceste damnee entreprise faicte contre luy, sa femme & ses principaux seruiteurs, & que les cōiurez obstinez, estoient en armes avec mauuaise intention, commande à Benard de prendre la fuite, & à sa femme, de se retirer à Laon, au Monastere de la Vierge Marie (que ie croy estre l'Eglise Episcopalle) & quant à luy il s'achemina vers Compiègne. Benard eut si bonne fortune, qu'il arriua sain en Languedoc: Mais Hebert son frere (Paul Emil diēt fils) estant pris, eut les yeux esteints: & puis fut enuoyé prisonnier en Italie, faisant Pepin les mesmes fautes & violences, desquelles à tort il blasmoit son pere: ainsi qu'ordinairement font ceux qui voulans remuer vn estat se trouuent contrediets de plusieurs gens qu'ils ne s'estoient imaginé, & tombent és mesmes fautes qu'ils font semblant de vouloir corriger.

Cependant les coniuerez venuz à Verberie, enuoyent Guerin, Lambert & plusieurs autres, querre l'Emperiere Iudith, qu'ils trouuerent en chemin, ou enleuerent dudit Monastere de Laon, pour la mener à Compiègne: auquel lieu par menaces & crainte de mort, ils luy feirent promettre, qu'elle persuaderoit à l'Empereur, qu'il abandonneroit le monde, quicteroit les armes, & descindroit son baudrier d'armes (ie n'ay osé dire de cheualerie: encores qu'il y ayt au Latin *cingulum militare*, & que les latineurs du temps prochain, appellent *militres* les Cheualiers: car ie doute si lors il y auoit institution d'ordre (& il est certain que le Baudrier estoit vn don du Prince) pour entrer en vn Monastere, & se faire tondre Moine: & qu'elle prendroit le voile de Religieuse, ce qu'elle promit: & ils la creurent aussi legerement, pource qu'il n'y auoit cho-

*L'as de* se que plus ils desirassent. Ainsi abusez ils l'enuoyerent bien accompagnée vers  
*Iesus* l'Empereur, lequel ayant trouué moyen de parler à elle en secret, l'assura  
*Christ* que pour sauuer leur vie, il permettroit toutes choses.

Ainsi donc, sous telle assurance l'Empereur entra en vn Monastere, & prist le voile de Religieuse. Ce neantmoins l'Empereur demanda temps pour deliberer quand il y entreroit : & cependant il fut mis au Monastere de saint Medard de Soissons: gardé de si pres, qu'il n'auoit pas moyen (en allant mesme à l'Eglise) de parler à aucun. Paul Emil dit; que ledit Louis fut déposé de l'estat Imperial, en vn Concille de Lion, mais plustost Laon, depuis desauoué par Gregoire Pape; & l'Euesque du lieu chassé: mais ie ne sçay où il a pris ceste particularité, oubliée par Tegan, Nitard, & l'Auteur de la vie dudit Empereur: qui tous trois disent qu'il fut deux fois prisonnier: & Paul Emil vne fois seulement. En quoy nous pouons cognoistre le dommage, que reçoit la nation qui laisse escrire son histoire par vn estranger, comme cestuy-cy, qui pour la pluspart s'est r'apporté à Blond, sans foy trauailler à visiter les Librairies de la France, lors qu'elles estoient si plaines de bonnes histoires, que nonobstant le degast de nos guerres Ciuilles, il s'en est trouué la quantité que depuis i'ay veüe, & que d'autres apres moy ont publiees. Mesmes la perte que nostre France a receu, pour n'auoir fourny d'assés amples memoires à vn si grand personnage que ledit Emil, vn autre Tite-Liue, & lequel pour grossir son liure, ou plustost pour l'honneur de sa nation, trouuât occasion, fait aussi tost vne course en Italie, quand il ne trouue rien de France. Ce qui m'excusera enuers ceux qui font cas de luy: ausquels il pourra sembler que trop souuent ie le contredits: mais ie les prie, de croire que ce n'est par malignité ou mespris; car l'on voit bien que tout ce que ie dis de beau vient de luy, de Sigon, & d'autres sçauans: mais i'ayme encores plus la verité, que i'apprends des bonnes gens du temps, plus fideles qu'eux, encores que mauuais latineurs : & si l'on croit Aristote, nous deuôs pour la verité fouler aux pieds voire nos propres choses. Cependant tenons Paul Emil pour le plus eloquent Historien qui ait esté depuis Tite-Liue: mais non pas le plus fidele Historien François. enuiron la my-May, toute la compagnie des coniurez se retira vers Lothaire, comme chef de l'entreprise: mais encores qu'il ne fit aucune honte à son pere, si est ce qu'il approuua sa prise, & le tint sous honeste garde, luy donnât des Moines pour l'enseigner en la vie Claustrale. et cependant, il prist la charge de la chose publique: laquelle toutesfois n'amendoit pour son nouveau gouvernement : car chacun en prenoit telle part que bon luy sembloit, & selon qu'il se faisoit croire de le meriter pour ses bons seruices, ou l'estre plus ouuertement déclaré contre le vieil empereur, ainsi qu'il aduient en toutes rebellions: où les plus outrageux & insolents, veullent que l'on croye qu'ils ont plus aduancé la besongne. Quelque temps apres, l'Empereur amenee à son mary, à la clameur du peuple, fut enfermee au Monastere de Sainte Ragonde de Poictiers. Conrad & Raoul ses freres tonduz Moines, & baillez à Pepin, qui les enuoia garder en Aquitaine: eude aussi qui estoit son cousin germain de par sa mere, fut degradé de la militie, comme fauteur des choses reprochees à l'Em-

periere sa parente si proche.

Toutes ces punitions estoient faites contre la volonté de l'empereur : au moyen dequoy, tant les Moines qui l'auoient en garde, que ceux qui estoient marris de son affliction & voyoient l'estat public n'améder point, ayans pitié de luy, secrettement l'enquirent, si le reſtaſſant en son estat, il estoit delibéré de virilement l'administrer, & principalement pour le regard de l'estat ecclesiastique: ce que volontiers il promit : toutes-fois, il demoura gardé tout l'esté, sans auoir que le nom d'empereur. Cependant Gombault vn Moine de sa garde, s'aduſa par le moyen d'Hardoin, qui tous les iours disoit la Messe deuant l'empereur (ie croy en priué, ce qui monstre que ja elles estoient secretes, jaçoit qu'il semble par ce que ie diray cy apres parlant de la mort dudit empereur, que tousiours quelcun autre que le Prestre y communioit) l'aduertir que sa femme (qu'il pensoit morte) viuoit enſermee en vne Abbaye, & Charles son fils n'auoit receu aucun mal: le moyen de communiquer avec luy plus aſſeurément fut tel. Quand l'empereur alloit à l'oſſrande, Hardouin l'aduertissoit, qu'il vint à l'autel, quand chascun seroit party: & la prist vn billet, auquel seroit eſcrit ce qu'on vouloit qu'il fit: & par telle maniere le moyne Gombault dépeſché vers Pepin & Louis ses enfans, ſoubs eſpece de religion, ayſément passa: & leur fit ſçauoir, que ſ'ils remettoyent leur pere en sa dignité, il leur augmenteroit les Royaumes qu'ils tenoient: A quoy tres volontiers ils entendirent: marris que tout dependoit de leur aîné. Il ſe trouue deux lettres dudit empereur par lesquelles il recite son affliction, & comme il estoit prest de renoncer à l'estat Imperial, si Theurer Abbé de ſainct Medard, ne luy eut donné courage, luy remonſtrant, que Dieu l'ayant eſtably garde & protecteur de ses ſujets, il ne les deuoit abandonner. Ce qui luy fit mieux eſperer de sa fortune.

L'Automne venu, ceux qui estoient contraires à l'empereur vouloient que le Parlement ſe tint en quelque lieu de France: ce que ſous main il empeſchoit, ſe ſiant plus aux Germaines qu'aux François. Toutesſois sa volonté fut ſuiuie, & le Parlement assigné à Nimeghe (vne place aſſiſe ſus vne branche du Rhin appellé Vahal) autres diſent à Mayence, où il ſe trouua grand nombre de peuple. Toutesſois l'empereur craignant encores que le peu de gens qu'il auoit de son party, fut ſurmonté par la multitude de ceux qui luy estoient contraires, commanda aux Seigneurs mandez, de venir en ſimple eſtar, & avec petite compagnie: meſmes à Lambert Comte de Nantes, de garder la frontiere de Bretagne, ſus laquelle il estoit commis: enuoyant elisachar Abbé avec luy, pour faire la iuſtice. Finalement l'aſſemblee ſe tint à Nimeghe, où toute la Germanie ſe trouua preſte de ſecourir l'empereur. Lequel pour d'auantage aſſoiblir ſes ennemis, demanda en courroux à Hilduin Abbé, pourquoy il estoit en armes, veu qu'il auoit eſté ordonné de venir en ſimple eſtar. L'Abbé qui ne peut nier la verité, eut lors commandement de vuidier le Palais, & en petite compagnie aller hyuerner aux champs, & demeurer en vn pauillon de camp pres Paderbrun. Il commanda auſſi à Galon de retourner en son Abbaye de Corbie, pour y eſtre gardé, ſuiuſant la règle dudit Monastere.

IIII ij

L'an de  
Iesus  
Christ.

Quand les aduersaires de l'Empereur virent ces choses, il entrèrent en desespoir ; & deliberez d'employer ce qui leur restoit de forces , s'assemblerent au logis de Lothaire , où ils passerent toute la nuit à consulter , s'ils deuoient combattre ; ou se retirer quelque part sans attendre leur congé. Dont l'Empereur aduertý dès le matin, enuoia dire à son fils, qu'il n'eut à croire leurs ennemis communs ; ains se retirer deuers luy : qui estoit son pere. Lothaire obeyt : & nonobstát la priere & exortation des autres qui luy conseilloyent le contraire, vint au logis de l'Empereur ; lequel humainement le receut : & suyuant sa douceur naturelle, le reprit modestement , & sans aigreur de parolles. Comme le pere & le fils estoient dans le Palais ensemble ; le peuple furieusement s'esmeut, & courut aux armes, tout prest de s'entre couper la gorge ; n'eust esté que Louis sortit avec son fils : ce qui apaisa le tumulte. De maniere que ceux qui estoient esmeus se retirerent en leurs maisons , par le commandement du vieil Empereur : lequel apres cela fit garder & mettre en prison courtoise , les auteurs de la cõiuration : que depuis il mit en iustice. Mais encores qu'ils fussent condamnez, tant par les enfans mesmes de l'Empereur , que par ses Conseillers & Commissaires , de perdre la vie comme criminels de leze Majesté , si ne voulut-il faire mourir aucun d'eux : ains vsant de sa clemence accoustumee, (laquelle il sembloit à plusieurs deuoir oublier pour ce coup ) il enuoia les Laics en certains Monasteres , pour y estre tonduz ; & les Clercs semblablement, afin d'y estre gardez : Iesús entr'autres, fut condamné par les Euesques, & déposé de sa charge. Qui est vne marque de la liberté de l'Eglise Gallicane & Françoisse, laquelle ne recognoissoit ( pour le moins en crimes de leze Majesté ) l'appellation en Cour de Rome.

Après cela l'Empereur vint à Aix : menant avec soy Lothaire son fils : & enuoia en Aquitaine querre sa femme, avecq' Conrad & Raoul ses freres, ja tonduz dès le commencement de l'emeute. Toutesfois il ne voulut recevoir Iudith comme sa femme, iusques à ce qu'elle se fut purgée en iustice, des cas à elle imposez : selon vne certaine forme qui luy fut prescrite. Quant à Lothaire l'on ordonna qu'il se contenteroit d'Italie : à la charge de n'entreprendre sus l'empereur son pere : qui le laissa retourner : l'admonestant de ne rien faire d'importance sans en auoir permission & congé de luy : Par ce moyen les affaires de France eurent quelque paix.

Il trouue en Sabellic & autres Italiens , qu'au mesme an il fut tenu vn Synode ou Parlement , auquel furent publiees aucunes bonnes ordonnances, principalement pour le fait ecclesiastique , qui pourroit bien estre ce qui auoit esté conclud l'an precedent. Entre autres choses il y fut dit que dorénavant les Prestres & Clercs, n'vseroient de robes de soye ; qu'ils ne porteroient pierres precieuses aux doigts , sinon en sacrifiant : ne ceintures , cousteaux ou souliers garnis de boucles d'or , ou pierreries. Que leurs Mulles , Pallefrois & Cheuaux n'auroient bride, ne freins dorez ; pour euitier aux pompes scandaleuses. Et encores à fin d'oster toute excuse , que les Clercs ne seroient sujets aux commandemens d'homme , qui que cest ( ie croy Laic ) : car le premier Concille d'Orleans les fait subiects de l'Euesque ; & faut dire que c'estoit

quelque Aduoirie, introduite du temps de Martel (aussi bien que la donation des decimes aux Seigneurs des villages). Plus que chacune Eglise (ie croy paroisse) dōneroit assignation pour le viure de ceux qui feroient le diuin seruice: à fin que par faute d'honneste entretien, il n'y eut rarité de gens qui voulussent entrer en ceste charge. L'on adiousta aussi que les Prestres ne fissent marchandise; car il n'y en auoit aucune, qui ne fut vile & honteuse, à gens de tel estat. Et l'Empereur publia par vne ordonnance (qui encores se voit au neuuesme Capitulaire, verset huietiesme) par laquelle il declare que toutes les sepmaines il veut tenir audience, pour les parties appellantes du Deny de iustice, tant des Comtes, que des Commissaires par luy enuoyez: Qui est tant excellente, que par tout, elle deuroit estre inuiolablement obseruée. Pour le regard du viure des Curez, dont est fait mention cy dessus, il faut dire, que les Dismes ne leur estoient encores obligées, non plus que depuis, du temps de Maurice Euesque de Paris, que ie trouue auoir iouy de celles de son Euesché: & lesquelles il distribua à aucunes Abbayes: ainsi que i'ay veu en plusieurs & diuers tiltres, octroyez sous le nom de ce Prelat. Pource (possible) qu'estant lors seul qui receut les Dismes, il estoit aussi chargé de la nourriture des Curez de son Diocese, auxquels il donnoit portion Canonique: estans les Chanoines de l'Eglise Cathedralle, comme la Pepiniere des Clercs du Diocese pour enuoyer aux parroisses les Curez: Et lors ces enuoyez aux parroisses, s'appelloient Prestres de l'Eglise de Paris, à l'Autel de la Magdelaine, de S. Seuerin, de S. Germain, de S. Geruais: & selon que la ville est creüe.

## CHAP. X.

*L'Empereur donne la vie aux condamnez, pour la sedition & conspiration faite contre luy. Ambassadeurs Sarrazins demandent la paix. Benard offre de soy purger par champ de bataille, des cas à luy imposez. Pepin retenu par son pere. Louys Roy de Bauieres est contraint venir demander pardon à son pere. France de delà le Rhin. Pepin Roy d'Aquitaine contrainct se trouuer à Orleans pres de son pere. Gombault Moine, cause de nouvelle querelle, par son ambition. L'Empereur estant allé en armes en Aquitaine, contrainct Pepin, & l'enuoye prisonnier à Treues: d'où il eschappe. Connié de se trouuer au Parlement. Fait deffaut. L'Empereur donne son Royanme à Charles son fils, le contraincant sortir d'Aquitaine.*



Es iugemens finis, & le iour de la Purification de l'an huiet cens 831. trente & vn venu, le vieil Empereur donna la vie à tous ceux qui auoient esté condamnez à mourir, & permit à Pepin de soy retirer en Aquitaine, & à Louys de faire le semblable en Bauieres. Quant à luy il demeura au Palais d'Aix, pour y faire le ieufne de Carefme, & la feste

*L'an de* de Pasques : Apres laquelle il vint à Ingelheim : où suyuant sa bonté naturela-  
*1<sup>re</sup> feu* le, il rendit les biens aux condamnez, & permit à ceux qui estoient Moines,  
*Christ.* de demeurer s'ils vouloient aux Monasteres, ou reprendre leur habit seculier:  
 de là il vint à Remiremont en Vauge, passer le temps à chasser & pescher, lais-  
 sant aller Lothaire son fils en Italie.

Cependant, il fit publier le Parlement d'Autonne, pour estre tenu à Thion-  
 uille. Là se trouuerent trois Ambassadeurs d'outre mer : deux Sarrazins & vn  
 Chrestien, ie croy d'Affrique & de Ierusalem: car personne ne dit de quel païs:  
 ils apportèrent des presens de senteurs, & draps de leur pays : demandans la  
 paix, qui leur fut accordée. Benard aussi qui s'estoit sauué aux confins d'Espa-  
 gne, y vint & se presenta pour respondre des cas à luy imposez, & s'en purger  
 par le iugement des armes, à la mode des François: qui est ce que l'on appelle  
 en camp clos, & par gage de bataille. Mais pource qu'il ne se trouua aucun ac-  
 cusateur, encores que l'on fit diligence d'en trouuer, il se purgea par serment.  
 Et de là l'Empereur s'achemina au Palais d'Aix: où sa femme vint au deuant de  
 luy, & fut receuë par le commandemēt du Pape Gregoire, & iugement des au-  
 tres Euesques: & si il faut remarquer en cet endroiēt comme l'Empereur s'ay-  
 da de l'autorité du Pape, outre celle des Euesques François.

Combien que l'Empereur eust ordonné que Pepin son fils se trouuaſt audit  
 Parlement il n'y vint point, sinon apres la rupture: qui fut la cause pourquoy  
 son pere le retint à Aix (quasi par force) iusques à Noel, comme s'il l'eut vou-  
 lu punir de sa des-obeissance, & legeres complexions.

Lors ce Prince fasché de la violence qu'on luy faisoit, il se desroba & fuit en  
 Aquitaine: Et l'Empereur passa l'hyuer à Aix.

832.

Enuiron le Printemps de l'an huit cens trente deux, nouuelles coururent  
 que Louys Roy de Germanie, à la suscitation de Lothaire, auoit deliberé de ve-  
 nir visiter l'empereur, autremēt qu'il n'appartenoit. Et que mesme ils s'estoit ja  
 approché iusques au Monastere de sainct Nazare, qui est l'Abbaye de Lores-  
 heim. Toutes-fois entendant que son pere estoit à Mayence, où il auoit as-  
 semblé son armée, il y demeura peu, & retourna en sa maison pour se deffen-  
 dre, suyui iusques à Aufbourg par l'empereur, qui luy commanda de le venir  
 trouuer: à quoy le Roy de Baviere obeit, & obtint sa paix. Puis chacun re-  
 tourna chez soy: à sçauoir le fils en son Royaume: & l'empereur en France.  
 Comme il estoit à Francfort (c'est le premier endroiēt où i'ay trouué que le  
 païs d'outre le Rhin à l'endroit de Maience, fut appelé France: car la France  
 d'Ammian Marcelin estoit vers Cologne) Lothaire y vint pour soy purger:  
 que Louys son frere, n'auoit point molesté son pere à sa persuation: & sembla  
 l'auoir fait croire à d'aucuns; mais cependant l'on entendit que Pepin d'au-  
 tre costé, s'apprestoit pour fascher l'Empereur son pere; lequel preuoyant vn  
 plus grand trouble aduenir, auoit ja assigné vn Parlement à Orleans, & en-  
 ioinēt au Roy d'Aquitaine, de s'y trouuer: ce qu'il fit bien enuis.

Ces brouillis procedoient de plusieurs mal-contens: & entre autres de Gom-  
 bault Moyne, lequel pour auoir esté cause de la restitution de l'empereur vou-  
 loit estre le second au Royaume: ce que le Duc Benard (qui autrefois auoit eu



credit) ne pouuoit endurer, ains l'empeschoit tant qu'il pouuoit; comme aussi Pepin & Louys (jaçoit que suyuant la promesse à eux faicte, ils eussent receu augmentation de partage) vouloient pareillement auoir creance aupres de leur pere, & chacun estre le premier. Mais ceux qui lors gouuernoient le Royaume, ne le pouuoient souffrir, & destournoient l'empereur de l'amitié deuë à ses enfans, qu'ils disoient estre legers: & principalement Pepin, aisé à detraquer de l'obeissance paternelle, par le conseil d'aucuns mauuais hommes qu'il tenoit pres de soy: & entre autres de Benard (possible c'est Beraiadis confiné à Roüen) & qui pouuoit estre retourné en sa Cour, lequel il croyoit plus que tous, & lors estoit en Aquitaine. Cela esmeut l'empereur d'y aller, & de fait il passa la riuere de Loire, venant avec tout son bagage & appareil iusques à Thedoal, & au Palais de lagontiac, que la Chronique de Saint Denis appelle Loquigny, assis en Limosin.

En ce lieu fut debatue la cause de Pepin & de ses gens: & pource que Benard (ou plustost Bera) accusé d'infidelité & trahison ne s'en voulut purger par gage de bataille, ou plustost comme dit ladicte Chronique, parce que les accusateurs ne voulurent aller auant iusques à gage de bataille, & que l'on auoit grand soupçon de luy. Pour ceste presumption il fut osté de son estar, & pepin enuoyé à Treues, à fin d'y estre gardé en prison courtoise. Mais ceux qui eurent la charge de le mener, luy donnerent tant de liberté, qu'il eschappa de leurs mains, errant çà & là par le Royaume, iusques à ce que son pere sortit d'Aquitaine.

En ce temps l'empereur fit vn partage entre Lothaire & Charles ses enfans; qui ne tint point, à cause des troubles suruenus depuis. Et le mesme empereur pensant ramener en son obeissance ledit pepin, l'enuoya semondre, & sommer de soy trouuer au parlement qu'il vouloit tenir à la S. Martin: à quoy il n'obeit point. Ce qui donna occasion à son pere de luy oster l'Aquitaine, pour la bailler à Charles: auquel il fit recevoir le serment des Seigneurs dudit pais là presens.

L'hyuer de ceste année commença par des pluyes: & puis il gela si fort, que personne ne pouuoit aller à cheual, dont l'armée de l'empereur se trouua tellement harassée, avec les courtes que les Aquitaniens faisoient sur les siens, qu'il fut contrainct de repasser la riuere de Loire, à vn village nommé Reste pour venir hyuerner en France: non pas tant honnorablement (dit Aimon) qu'il appartenoit à la Majesté Imperiale.

*Les enfans du premier liët de l'Empereur coniurent contre luy. Il va à Vvormes contr'eux. Gregoire Pape fauorifant les enfans se trouue en leur armée. Vient trouuer l'Empereur. Et retournant pour le reconcilier avec eux ne reuiuent point. L'Empereur abandonné des siens. Ses enfans partiffent ses Royaumes. Pape retourne en Italie. Iudith y est confinée. Liberté de Frideric Euesque de Trait cause de sa mort. L'Empereur Louys prisonnier à Soissons. Charles son fils à Prumie. Assemblée à Compiègne pour déposer l'Empereur Louys. Ebon Archeuesque de Reims principal boute-feu de la coniuration.*



**R** les enfans du premier liët de l'Empereur, despits de l'affection si grande que leur pere portoit à Charles, eurent opinion qu'il les vouloit destruire comme Pepin; & pour ce faisant courre le bruiët que le Royaume estoit mal gouverné, ils se liguerent ensemble, tirans de leur party les Seigneurs, marris de voir tels changemens aux affaires: & appellerent Vvallon, Elisachar, Manfroy & les autres bannis. Ils enuoyerent aussi en Italie prier Lothaire de venir prendre le gouvernement, & amener le Pape Gregoire, afin que sa presence les autorisast d'auantage: & qu'il eut à se trouuer en certain lieu pour en deliberer ensemblement. L'Empereur aduertty de la menée, s'achemina droit à Vvormes bien accompagné de gens-d'armes, pour donner ordre à son fait: & enuoya deuers les enfans Benard Euesque, les admonester de le venir trouuer: & dire au Pape, qui accompagnoit Lothaire, que s'il venoit comme ses predecesseurs Papes, pourquoy il tardoit tant à se presenter à luy. Que l'on scauoit bien les occasions de sa venuë, & celle qui mouuoit les Seigneurs, par le bruit qui en courroit: mais ces Ambassadeurs descoururent en ce voyage, que le Pape estoit là expressement, pour excommunier l'Empereur & les Euesques, qui ne voudroient obeyr tant à luy, qu'aux enfans. A ceste cause les mesmes messagers considerans telle presumption (ce sont les mots d'Aimon) dirēt au Pape, qu'ils n'estoient deliberez de luy obeyr: & que s'il venoit pour les excommunier, que luy mesme retournaist excommunié, puis qu'il ne suyuoit les anciens Canons, qui le contredisoient en cela. Mais ces Canons, & les raisons du Pape, ne celles des Euesques François, n'estans point alleguez: ie croiroy volontiers, que lesdits Euesques voulans maintenir la liberté Gallicane reprocherent au Pape, l'vsurpation qu'il faisoit sur l'autorité Imperiale: ou que se voulant entre-mettre de la correction de gens subiects d'autres Euesques que luy, en mettant sa faucille en la maison d'autrui, ils le tenoient pour excommunié, s'il entendoit se mesler de leurs affaires, autrement que par l'amiable. Cependant

Cependant les armées s'approcherent, & les trois enfans camperent en vn lieu nommé Glissara en la montagne Huiguualdi, où par menées sourdes, ils sollicitoient les gens de leur pere à l'abandonner. L'an de  
Jes  
Christ.

Le iour de saint Iean de l'an huit cens trente trois l'Empereur & ses enfans sortirent aux champs, & rangerent leurs batailles, prests de combattre en vne campagne ou champ qui est entre Basle & Strasbourg, depuis nommé Menteur; à cause de ceux qui là mentirent & faucherent la foy par eux promise à l'Empereur: Toutesfois sur le point de choquer, il fut dit à l'Empereur que le Pape venoit à luy, comme ja il estoit à la teste de ses batailles il le receut, non toutesfois en telle reuerence qu'il auoit accoustumé les autres: car de pleine arriuee, l'Empereur se plaignit, de ce que luy-mesme estoit cause qu'il ne le receuoit ainsi qu'il appartenoit. Et neantmoins il le mena en sa tente: où le Pape s'excusa, disant n'auoir fait si long chemin, que pour la reconciliation avec ses enfans, la plainte desquels l'Empereur ne vouloit escouter: & n'estoit là que pour mettre le bien entr'eux, ainsi que requeroit son estat. Le Pape ouyt aussi les raisons de l'Empereur: & ayant seiourné quelques iours avec luy, retourna comme pour aduancer la paix, apres auoir fait des presens à l'Empereur & receu de luy d'autres, qui furent portez par Adalung Abbé.

Cependant le peuple, du party del'Empereur, corrompu par dons, promesses & menasses, principalement ceux qui ja l'auoient offensé, se retirerent du costé de ses enfans, & la plus part de sa compagnie sur la nuit (comme elle n'a point de honte) l'abandonna, laissant leurs tentes: & le Pape mesme ne reuint point, ainsi qu'il luy auoit esté commandé. Ce que sçachans ceux qui fauorisoient les enfans, principalement la populace, s'esmeurent pour courre sus à l'Empereur; enuiron la feste de saint Pol ou de saint Martial, qui est à la fin de Iuin. L'Empereur qui vit ne pouuoir resister à si grande infidelité de gens conuërez, conseilla ceux qui estoient demeurez pres de luy, de se sauuer; afin (disoit-il) qu'à son occasion aucun d'eux ne receut dommage: enuoyant dire à ses enfans qu'ils ne l'abandonnassent au peuple.

Ils luy manderent qu'incontinent il s'acheminast vers leur camp, & qu'ils iroient au deuant de luy; iurans qu'aucun tort ne seroit fait à sa femme. L'Empereur les creut, ou en fit le semblant: & comme ils furent descendus de cheual pour le saluer, il les admonesta de luy tenir promesse, & à sa femme & à son fils: à sçauoir de ne les faire mourir, ou mutiler d'aucun membre, ce qu'ils luy assurerent: & lors il les baïsa & suiuit.

Mais il ne fut pas si tost en leur camp, que le iour mesme sa femme fut mennee au logis de Louys Roy de Bauieres. et quant à l'Empereur avec Charles son fils (encores bien ieune) Lothaire les conduist au sien: puis laissa son pere en petite compagnie, dans vn pauillon dressé pour luy. Cela fait les enfans prirent le serment du peuple, & partirent entr'eux l'empire en trois. Gregoire Pape honteux d'auoir esté comme l'un des principaux instrumens de ceste prise, retourna bien tard à Rome: & cependant, le Roy Louys enuoya Iudith l'Empereiere, en vne ville d'Italie nommee Tortone; & pour couurir telle

KKKK

L'an de  
Iesus  
Christ.

separation, les enfans mirent en auant que son mariage estoit incestueux, pour estre en degré defendu. C'estoit vne couuerture, afin de monst<sup>r</sup>er que leur pere n'estoit pas sage : & de fait, ce mariage auoit tousiours esté blasmé, mesmes par des euesques; aucuns desquels s'en trouuerent mal, ou défavorisez : comme il se lit en la Chronique Hirsangience; laquelle recite, que Frideric euesque de Trait, (estimé Saint) estant vn iour assis à table avec l'empereur Louys, fut requis par luy, d'vser de son autorité episcopale, & puissance Ecclesiastique, sans espargner aucun. L'euesque respondit, Sire, vous semble-il qu'il vaille mieux entamer ce poisson par la queue que par la teste? (car de fortune il y en auoit vn tres beau deuant eux). Il me semble, dit l'Empereur, que la teste vaut mieux; ie suis d'aduis que commencez par là. C'est bien dit, replique l'euesque, ie commenceray donc par vous, afin que vos suiets y prennent exemple. Et par ce ie vous admoneste de laisser Iudith, que vous tenez pour femme, contre raison: veu qu'elle est vostre parante de trop prés. Ces paroles rendirent confus l'Empereur, qui n'attendoit estre chargé de ce costé, ne tel reproche luy estre fait en si grande compagnie. Aussi l'Empereur qui craignit le divorce, pour le blasme que tant de gens faisoient de son mariage, fit tuer cest euesque, dans le thesor ou reuestiaire de son Eglise. Ce qui esmeut beaucoup de gens contre elle.

L'Empereur Debonnaire, arresté ainsi que dit est, Louis son fils s'en alla le chemin de Bauieres, Pepin Roy en Aquitaine: & Lothaire le mena quant & foy, le faisant cheuaucher à part avec sa garde. en cest equipage, il arriua à Merle, que la Chronique de S. Denis appelle Melange: (& possible est-ce Marle) où Lothaire despescha aucunes affaires, & assigna le prochain Parlement à Compiègne. Cependant, il vint au Monastere nommé Maurmoustier pres Saurne, pour passer en Vauge & de là à Mets, puis à Verdun, & à Soissons; où il laissa son pere enfermé au Monastere de S. Medard, avec bonne garde; luy commandant d'y demeurer toute sa vie; à quoy il ne voulut s'accorder. et pour ce, tous les iours il estoit molesté (lon ne particularise point comment) tant par les euesques qu'autres, principalement de seruille cōdition ou estrangers, par luy contre raison esleuez aux dignitez, ce dit Tegan. Quant au petit Charles, il fut enuoyé prisonnier en l'Abbaye de Prum, qui est au Diocèse de Treues (& non pas Prouins, comme pense Nicolas Gisles) sans toutesfois le tondre.

En attendant le Parlement, Lothaire alla chasser iusques au premier d'Octobre, qu'il vint querre son pere, pour le mener à Compiègne au iour assigné. Là vindrent les Ambassadeurs de Constantinople: à sçauoir Marc euesque d'Ephese, Tullus Protospataire (que la grand Chronique de S. Denis appelle maistre Sergent du Palais) enuoyez en France pour saluer l'empereur Louis. Toutesfois Lothaire les receut avec leurs presens: r'enuoyât les Ambassadeurs chargez d'une plainte Tragique, & non iamais ouye en France; à sçauoir d'un pere Roy, captif de ses enfans. Au mesme Parlement, plusieurs furent accusez de s'entendre avec le vieil empereur, & auoir quitte le party du fils: lesquels se purgerent de paroles simplement: mais les autres furent contraints de iurer. Toutesfois chacun auoit pitié de Louys, fors ceux qui en estoient cause, & les

auteurs de sa prison : lesquels craignans le retour de fortune, delibérerēt avec L'an de  
 aucuns Euesques, de le degrader del'empire; & luy ostant le Baudrier de Mi- lesus  
 litie; derechef le contraindre à faire penitence, & requerir pardon des offen- Christ.  
 ces, dont j'ai auoit satisfait : afin qu'il n'y eut plus de remede en son affliction.  
 Ce qui estoit contre les loix diuines & humaines : lesquelles deffendent de  
 donner deux sentences pour vn mesme delit.

Peu de gens s'opposèrent à ce iugement : au contraire la pluspart y consen-  
 tit de bouche seulement, de peur d'offencer les grands : comme il aduiēt touf-  
 iours, qu'en cas semblables le plus grand nombre surmonte les plus sages.

Outre les Rois enfans de l'Empereur, il y auoit assez d'Euesques, & d'autres  
 Prelats marris de la reformation nouuellement ordonnee contre les Ecclesia-  
 stiques, ou qui auoient des inimitiez particulieres. Le plus aspre de tous, estoit  
 zbon Archeuesque de Rheims : natif de Germanie, frere de lait & compa-  
 gnon d'escolle de l'Empereur Louis : serf de main morte ( car i'interprete ainsi  
 les mots, *ex originalium seruorum stirpe*, dōt vſe Tegan) paillard, & tres cruel: Ies-  
 sé Euesque d'Amiens, r'appellé de son ban par Ebon: erebold d'Auxerre, Ago-  
 bard de Lyon, Barthelemy de Narbonne, qui le chargerēt de plusieurs crimes  
 faux, & qui luy dirent & firent des vilenies, non iamais ouyes ne pratiquees  
 en la personne d'un tel Prince. Puis sans qu'il confessast aucune chose, ils le  
 menerent dedans l'Eglise de S. Medard & S. Sebastien, où ils le contrain-  
 rent, suivant le iugement des Seigneurs qui s'entendoient avec eux, de poser  
 ses armes, vestir vne robe noire, & la haire : Ce fait, ils le cachèrent en vne  
 maison sous bonne & seure garde.

Ce Parlement rompu enuiron la Messe de S. Martin, le peuple retourna fort  
 triste de ce qu'il auoit veu, & Lothaire mena son pere passer l'hyuer au Palais  
 d'Aix.

Or Louys Roy de Germanie aduert y du rigoureux traictement que lon fai-  
 soit à son pere, partit de Bauieres & vint au Palais de Franc-fort : & de la en-  
 uoya Gosbald Abbé, & Morhard Comte de son Palais, commander à Lothaire  
 de se montrer plus humain à l'endroit de leur pere. Ce que le ieune Empereur  
 ne prist de bonne part. Mais ces Ambassadeurs de retour, Louys en r'enuoya  
 d'autres, qui furent empeschez de voir Lothaire: lequel depuis venu à Mayen-  
 ce, le Roy Louys le fut trouuer, & parlementerent ensemble. Toutesfois  
 pour ce que ceux de sa compagnie estoient tous fauorables au vieil empereur,  
 & ceux du nouveau ses ennemis; rien ne fut accordé : Ce qui donna occasion  
 à Lothaire de retourner faire sa feste de Noël à Aix; & remontrer au peuple  
 qui murmuroit; comme iniustement l'empereur son pere auoit esté deposé,  
 il fit enuoyer par tout, le proces verbal de sa deposition qui se trouue encores  
 és anciennes Librairies, recueilly par Tegan Coreuesque (c'est comme eues-  
 que Rural) de Treues: qui fut present à l'affaire : & que i'ay bien voulu tour-  
 ner icy mot à mot : pour montrer vne telle & tant remarquable Antiquité,  
 & les abus que bien souuent lon commit sous honneste couuerture. Ledit Te-  
 gan commence donc ainsi.

KKKK j

## CHAP. XII.

*Proces verbal de la deposition de l'Empereur Louis le Debonnaire. La croix  
lors portee aux enseignes.*



E qui s'enfuit, a esté fait au Palais de Compiègne, contre le tres-Chrestien Empereur Louys, apres qu'il a esté priué de son Royaume, pour vn temps, non pour seruir d'exemple, ne pour estre suiuy comme arrest de quelque sainct Concile, ains pour estre reietté comme vne conspiration meschante, & pernicieuse entreprise. L'auteur de ce mal-faict, fut Ebon, appuyé d'aucuns autres Euesques, qui l'aiderent par erreur, cuidans bien faire, ou qui par crainte le consentirent.

## P R O C E S V E R B A L.

**T**Ous ceux qui sont de la religion Chrestienne, doiuent sçauoir quel est le ministère des Euesques : quelle vigilance & soing ils doiuent employer, pour le salut de tous : Puis qu'il est certain, qu'ils sont Vicaires de Iesus Christ, & gardiens des clefs du Royaume des Cieux : & ausquels Iesus Christ a donné tant de puissance, que tout ce qu'ils lieront sur la terre, sera lié au Ciel : & tout ce qu'ils deslieront sur la terre, sera deslié au Ciel. Et en quel danger ils sont eux-mesmes, s'ils negligent de bailler aux ouailles de Iesus Christ, la pasture de la vie spirituelle : & par prieres & reprehensions, ne s'efforcent de leur pouuoir, à ramener au chemin de verité, celles qui s'en fouruoient : suiuant ce qui est escrit au Prophete. Si tu n'as (dit-il) annoncé à l'inique son iniquité, & il vient à mourir en son impiété, je demanderay son sang de ta main, &c. & maints autres passages semblables, touchant le ministère Pastoral : qui çà & là sont esparsés saintes Escritures, Parquoy lesdits Pasteurs de Christ, doiuent grandement estudier & trauailler, de tenir vne bien discrete moderation es fautes des delinquans : afin que suiuant la doctrine de saint Gregoire, par leur humilité, ils sequent d'enseignement à ceux qui sont bien : & par vn zeile de iustice, soient vigilants & roides, contre les vices de ceux qui sont mal : à ce que toute paresse & longueur humaine, faueur ou crainte mondaine ostee, ils exercent tellement leur estat & ministère, qu'ils puissent à ceux qui viuent à present, donner salutaire conseil, & monstrent exemple à ceux qui sont à venir.

Toutesfois, pour ce qu'au champ de Dieu (qui est l'Eglise) à la suscitation de l'ennemy ancien, toutes choses mauuaises ne cessent de croistre, & est necessaire avec le Sarcloir Episcopal, les arracher iusques à la racine. Et d'autant que plusieurs malins ne veulent, ou sont plustost semblant d'entendre qu'embrasser les choses bien faites & la verité, il faut suiuant la coustume gardee en

l'Eglise, que les mesmes Pasteurs mettent par escrit les choses, qui pour l'vtilité ou correction publique, ont esté ordonnees en leurs assemblees : à celle fin de couper entierement à ceux qui sont à venir, toute doute & iuste occasion d'en mesdire, ou de les reprendre : il nous a semblé necessaire, de faire sçauoir à tous les enfans de l'Eglise de Dieu, tant presens qu'auenir : comme nous Euesques, estans sous l'empire du glorieux Prince Lothaire, l'an del'incarnation de Iesus Christ huit cens trente trois, Indiction douzieme, & le premier dudit Prince, au mois d'Octobre, nous sommes generallement assemblez à Compiègne : où en toute humilité, auons ouy ledit Prince ; & là, târ à luy qu'aux Seigneurs, & generallement à tout le peuple qui venu y estoit, suiuant ce qui nous est enioinct, nous sommes efforcez de faire entendre, quelle est la vertu & puissance du ministration des Prestres : & de quelle sentence doit estre condamné, celuy qui ne veut obeyr aux admonitions sacerdotales. Puis nous sommes efforcez de faire sçauoir, tant au Prince qu'à tout le peuple, s'estudier de tout leur courage de plaire à Dieu, & sans delay l'appaiser, en ce qu'ils l'auoient offensé : \*\* car il se trouue en cest empire beaucoup de choses aduenues par negligence au scandale de l'Eglise, ruine du peuple & destruction du Royaume : que necessairement il falloit corriger, ou en toutes manieres eiter pour l'aduenir.

\* Il y a  
deffaut  
en l'original  
du pro-  
ces ver-

Entre autres choses, il a esté par nous dit & ramentu à chacun, comme ce Royaume, augmenté & tenu vny par feu de bonne & heureuse memoire bal. l'empereur Charles, & le travail de ses predecesseurs, a esté laissé en grande paix à Monseigneur Louys empereur : lequel la gouuerné en ceste paix, tant que suiuant les commandemens de Dieu & l'exemple de son pere, il s'est conduict par le conseil de gens de bien. et comme depuis avec le temps, ainsi qu'à chacun il estoit manifeste, par son imprudence & negligence, il seroit tombé en telle ignominie & mespris que non seulement les amis en auoient duell, mais encores les ennemis s'en moquoient.

Or pour ce que ledit Prince s'est negligemment acquité de sa charge, & a fait ou contrainct & permis faire, plusieurs choses desplaisantes à Dieu, & au scandale de l'Eglise, & que mesmes puis nagueres (oubliant les autres choses qui sont sans nombre) il a mis le peuple, à luy suict, au danger de se perdre, & totalement destruire : De sorte que par iuste iugement de Dieu la dignité Imperiale luy a esté ostee : Toutesfois nous memoratifs des commandemens de Dieu, de nostre ministration, & de ses bien-faits : auons estimé d'estre raisonnable, sous l'autorité dudit Prince Lothaire, d'enuoyer des Commissaires au nom dudit Concile & assemblee, l'admonester des fautes par luy commises, afin de prendre sur ce bon aduis, & resolution. A celle fin qu'ayant ja perdu l'autorité terrienne, par le conseil diuin & ecclesiastique autorité, maintenant il s'efforçast (en la necessité où il se trouuoit) de sauuer son ame seconde. Lequel escoutant les bons & saints conseils & aduertissement desdits deputez, auroit demandé temps, & espace pour y penser : & assigné iour pour rendre responce à leurs salutaires admonitions.

Ce iour estant prochain, ladite sainte assemblee, d'une volonté se transf-

K K K K iij

*L'An de* porta vers ledit venerable personnage, & luy ramentut en quoy il auoit offen-  
*Iesus* cé Dieu, scandalizé la sainte Eglise, & troublé le peuple qui luy auoit esté  
*Christ.* donné en gouuernement.

Lequel prenant de bonne part cest aduertissement & graues remonstrances: en contenance presque ioyeuse, supplia qu'on luy fit incontinent ( & routes choses cessans ) venir Lothaire Empereur son fils, avec ses Princes, à celle fin que premierement il se peut reconcilier à luy, ainsi qu'il appartenoit à Chrestiens: Et que s'il demouroit en leurs cœurs quelque tache, purement & humblement il en peust cy-apres demander pardon, en la presence de tout le peuple, & comme penitent recevoir le iugement qu'en donneroient les euesques.

Ainsi donc, en l'Eglise de la Vierge Marie, où reposent les corps de saint Medard Confesseur, & saint Sebastien Martyr, où estoient les Prestres, Diacres & grande multitude de peuple; tant que l'Eglise en pouuoit tenir, ledit Louys s'estant ietté à terre sus vne haire estendue deuant l'Autel, confessa deuant tous, s'estre mal aquité de sa charge: & qu'en icelle il auoit offensé Dieu en plusieurs sortes, scandalizé l'Eglise, & par sa negligence auoit esté cause de grands troubles entre son peuple: Et pour ce il desiroit en faire confession & penitence ecclesiastique & publique: à celle fin que par la misericorde de Dieu, & moyennant leur ayde & ministration, il peust recevoir absolution de tant de crimes: par ceux à qui Dieu auoit donné puissance de lier & deslier. Et lequel outre cela, les mesmes euesques comme spirituels Medecins, admonesterent, que sa confession deuoit estre pure & simple. Et à ceste cause que publiquement il dit ses fautes, principalement celles par lesquelles il auoit offensé Dieu, sans rien cacher ou vser de feinte en la presence de Dieu, afin qu'avec vn cœur double, il ne l'irritast plustost à courroux qu'à pardon: Car il estoit escrit, que les doubles & feints irritent Dieu à courroux. Sus laquelle admonition il a déclaré.

Qu'il auoit failly, en tout ce dont il auoit esté iustement admonesté par les  
 „ Euesques, tant familièrement que par escrit. Le sommaire desquelles fautes  
 „ estant reduit en vn brief, qu'ils luy auoient baillé, il tenoit en ses mains. Con-  
 „ tenant ( comme il estoit porté audit breuet ) .

„ Qu'il estoit tombé en sacrilege, parricide, & homicide, ayant contre l'ad-  
 „ monition de son pere ( faite avec terrible inuocation du nom de Dieu, en  
 „ l'Eglise deuant l'Autel, & en presence des Euesques, & grande multitude de  
 „ peuple ) fait violence à ses freres & parans: permettant tuer son nepueu qu'il  
 „ pouuoit sauuer.

Et que sans auoir souuenance de son serment, depuis il auoit commandé de faire le signe de la sainte Religion, pour se vanger de son indignation.

Que luy estant autheur de scandalle, perturbateur de la paix, & violateur des sermens, il auoit rompu l'accord fait entre ses enfans, pour le bien de la paix, tranquillité du peuple & de l'Empire, contraignant ses suiets de faire vn autre & nouveau serment. Au moyen dequoy il seroit tombé en pariure.



Aussi Dieu monstrant combien cela luy deplaisoit, n'auoit voulu que luy ne son peuple fussent demourez en paix depuis ce temps-là : ains par iuste iugement de Dieu, portans la peine de leur peché, tous ont esté induits à perturbation.

*L'ar  
Iesus  
Christ.*

Que contre la religion Chrestienne, contre son serment, sans aucune vtilité ou publique necessité, trompé par le conseil d'aucuns mauuais hommes, il a fait vne generale leuee de gens, & icelle menee durant le Saint temps de Carefme, à l'extremité de son Royaume, lors que la feste de Pasques se doit celebrer. Quoy faisant (en tant qu'à luy) il a esté cause de grand murmure entre son peuple, & a destourné les Euesques de leur accoustumé deuoir : & greué les pauures.

Qu'il auoit outragé aucuns de ses suiets, qui pour son bien & celuy de son Royaume, amiablement & reueremment l'aduertissoient des tromperies de ses ennemis : que neantmoins contre tout droit diuin & humain, il auroit despouillez de leurs heritages, & confinez.

Que faisant condamner à mort des gens absens, & contraignant les iuges de donner faux iugement, sans doute il a fait preiudice aux Euesques & Moines : quoy faisant il estoit encouru en crainte d'homicide, comme violateur des loix diuines & humaines.

Qu'ayant contrainct ses enfans & son peuple de iurer des choses cōtraires, le crime de pariure tomboit sur luy : Aussi Dieu scauoit combien il auoit offensé en la iustification des femmes, & autres iniques iugemens, & faux témoignages par luy soufferts estre donnez & portez.

Qu'il auoit fait faire plusieurs voyages d'armees inutiles, dont il s'en estoit ensuiuy de grands dommages aux peuples, rauissemens & autres maux innombrables, qui tournoient tous contre luy, puis qu'il en auoit esté cause.

Que temerairement contre le bien de la paix, & le salut de l'Empire il auoit diuisé ses Royaumes, contraint le peuple iurer & maintenir tel partage, & soustenir les vns contre les autres. Enquoy il auoit failly, puis qu'il les pouuoit appaiser par son autorité paternelle, & le conseil de ses vassaux.

Que non content de ce que dessus, faict & adueni par sa negligence, & dont seroit ensuiuy la perte & le des-honneur du Royaume ; pour vn comble de misere, il auoit assemblé tout son peuple pour se destruire l'un l'autre : qui estoit bien loing d'estre sa guide & conduite pour le sauuer, quand Dieu, par vn moyen non iamais ouy, & digne d'estre ramentu, a tiré son peuple de telle misere.

A ceste cause, recognoissant avec larmes, d'auoir failly en toutes les susdites manieres, il en a demandé pardon deuant les Euesques & le peuple : afin que par vne publique penitence, il satisface à l'Eglise par luy offencee. Et tout ainsi qu'il a esté cause de scandalle public, il serue d'exemple ; faisant publique penitence.

Ceste confession faicte, pour seruir de memoire à l'aduenir, il presenta aux euesques vn petit papier contenant ses pechez ; lequel ils mirerent sus l'Autel. Puis il osta son Baudrier de militie, que semblablement il mit sus l'Autel, &

## DES ANTIQVITEZ FRANCOISES LIV. VIII.

*de* despoellant ses habits seculiers, il prist de la main des euesques, celuy d'un penitent. Laquelle penitence est telle & si grande, que quiconque la faicte, ne peut plus retourner à l'estat seculier (ce dit l'Authéur.)

Après cela, il fut aduisé que chacun euesque mit par escrit, comme le fait estoit passé, & le soubsignast & presentast audit Prince Lothaire, pour seruir à l'aduenir.

Finalement il fut aduisé par nous tous qui fusmes presens (ce dit Tegan) que tout ce qui auoit esté fait fut mis en vn brief & sommaire, sousigné de nos propres mains.

Et voila le proces verbal de la deposition de ce grand empereur, tel que nous la laissé Tegan, ou Vvallafrid Strabon, auteurs du temps : & qu'il m'a semblé necessaire d'estre incorporé en ces Antiquitez, pour les causes que le mesme Tegan a dit au commencement d'iceluy : & aduertir les Roys de n'estre tant superstitieux, que fut ce bon Prince. Car il sied bien à vn Roy de monstrier au peuple qu'il craint & reuerse Dieu : qu'il porte honneur aux euesques; qu'il ayme les choses Sainctes : mais sur tout qu'il doit pardonner aux humiliez, vaincre & terrasser les superbes : ce qu'il peut faire entre les siens, les contraignant d'observer les loix, & rendant iustice à chacun : qui est le principal deuoir du Roy, & qu'il doit exercer en personne : estans les Prestres preposez, pour faire ce que les Rois & le peuple ne peuuent tant commodément faire : estans leurs charges presque contraires, sinon que nous deuons tous estre preud'hommes.

Quant au signe de la †, qu'on reproche à l'empereur Louys : ie croy qu'ils entendoient celuy de ses estendards. et il est croyable, depuis qu'il apparut à Constantin, combattant contre Maxime, que cét empereur Romain porta la † en son Labarun, Pennon ou Cornette Imperiale : au bout de la hante; ainsi que les peintres donnent à Iesus Christ resuscitant : & le Monogramme \* au voile. Car lon voirra cy apres, que Charles le Chauue faisoit porter la Croix deuant soy, allant contre Lothaire son frere : auant la bataille de Fontenay. et il y a grande apparence, que les Chrestiens depuis Constantin, ont marqué leurs enseignes de la Croix, comme aussi leur monnoye.

## CHAP. XIII.

## CHAP. XIII.

*Murmure du peuple, pour la deposition de l'Empereur. Louys Roy de Germanie, sollicite sa deliurance. Dequoy Lothaire aduertiy, le transporte à S. Denis. Agobart partisan de l'Empereur Louys, presente la bataille à Lothaire pour deliurer son maistre, qui empesche le combat. Pepin vient au secours de son pere, comme aussi Guerin, & Benard. Responce de Lothaire à ceux qui le pressioient de restablir son pere, par luy laissé à S. Denis. Lothaire se retire à Vienne, apres auoir deliuré Charles son frere. L'Empereur Louys reprend sa Couronne & ses armes. Iudith deliurée n'est receue de son mary, qu'apres s'estre iustificie. Eude Comte d'Orleans, & autres voulans chasser Manfroy & Lambert, perdent la bataille, avec la mort de plusieurs Seigneurs. Lothaire s'aduançe vers Chalon sur Saone, qu'il prist & brusla, chassians aucuns seruiteurs de son pere : lequel vint au deuant de son fils. Lothaire estonné des forces de son pere, luy demande pardon en pleine campagne. Puis est renuoyé en Italie.*



A I s les peuples de France, de Bourgongne, d'Aquitaine, & de Germanie, fâchez de l'infortune du vieil Empereur, tout l'hyuer ne cessorent de s'en plaindre, & s'assembler par troupes. Ceux de France estoient conduits par Egrard, ou Agobart, Guillaume Comte de l'estable (que Guaguin pense estre Connestable, & mal, parce qu'en cet endroit ce n'estoit qu'un grand Escuyer : & Connestable a depuis esté autre dignité, ainsi que dirons autre part) accompagnez d'un grand nombre de gens, mesmes les Rois Pepin, & Louys, considerans que de la honte faite à leur pere il ne leur en demeureroit que l'infamie d'auoir esté traistres : & le profit à Lothaire (qui se vouloit faire maistre de tout, & les abaisser) ne le peurent souffrir d'auantage.

Car Louys Roy de Germanie, se voyant abusé par l'empereur nouveau, & qu'inutilement tout l'hyuer il luy auoit endoyé des messagers, despescha en Aquitaine l'Abbé Hugues, Dreux Euesque de Metz son oncle, & autres, prier Pepin de s'armer. D'autre costé Benard & Guerin, presserent le peuple de Bourgongne, de se ioindre avec eux, les amenant à ce faire tant par promesses, que sermens : & Louys Roy de Germanie, apres la feste des Rois de l'an huit cent trente quatre, enuoya derechef des Ambassadeurs vers son pere : à scauoir Grimould Abbé fort renommé, Gebellard Duc tres-noble & fidele, lesquels arriuez au Palais d'Aix, demanderent à voir le vieil Empereur, ce que Lothaire accorda, en presence de ses confidens : l'un desquels estoit Otger Euesque de Treues, & l'autre le traistre Richard, ce dit Tegan.

LLL

*L'an de  
Jes  
Christ.* Les Ambassadeurs venus en la presence de l'Empereur Louys, ils s'enclinerent contre terre; & le saluerent de la part de Louys son fils: Mais ne pouuans plus ouuertement luy declarer sa volonte, luy firent signe qu'il estoit tref-mari du traitement qu'on luy faisoit, puis s'en retournerent, sans l'auoir en rien soulage.

Au contraire, Lothaire resolut de le deplacer d'Aix, pour venir à Compiègne. Dont le Roy Louis aduertí, assembla son armée, la plus grande qu'il peut: & pressa ceux qui encores portoient affection à son pere, de declarer tout ouuertement leur intention. Il en trouua grand nombre, & le temps assez propre à son entreprise: d'autant que la maison mesme de Lothaire n'estoit exempte de partialité: pource que Lambert & Manfroy cherchans chacun d'estre le premier & plus grand en sa Cour, ne se soucioyent de bien gouverner l'Empire: & commencerent à discorder, tirans tous à leur profit particulier: ce que le peuple ne pouuoit endurer. Toutesfois la honte que les enfans receuoient, d'auoir par deux fois aydé à mettre en prison leur pere, les piquoit d'auantage à pourchasser sa deliurance. Lothaire s'apperceut bien de l'entreprise du Roy de Germanie, & pource ayant (comme i'ay dit) transporté d'Aix son pere, sur le Prin-temps estoit venu au país de Hasbein (il y a vn quartier de la forest d'Ardaine qui porte ce nom) & prenoit le chemin de Compiègne & de Paris, où il fit garder le vieil Empereur: Ce fut pourquoy les Rois ses enfans y ordonnerent leur rendez-vous. Et d'autant que le Comte Agobard, & ses autres aliez s'estoient plus aduancez, & aprochez de S. Denis, Abbaye voisine de Paris (où ils scauoient que le vieil empereur auoit esté enfermé) ils presenterent la bataille à Lothaire: quand fut le point de choquer, le vieil empereur craignant le meurdre qui se fut ensuyui de ses suiets, & le danger où possible la personne fut tombée, les pria de ne point venir aux mains.

Cependant, Pepin sorty d'Aquitaine avec son armée, tout ainsi qu'il auoit le premier esté cause de la prise de son pere, desirant se monstrier le plus diligent à sa deliurance, vint iusques sur la riuiere de Seine: où trouuant les ponts rompus, & les Bacs esfoncez, il fut contrainct de s'arrestier, voyant son passage empesché.

En mesme temps, les Comtes Guerin & Benard, ayans aussi assemblé leurs troupes, se trouuerent sur la riuiere de Marne: où pour auoir les ponts aussi esté rompus, comme contre Pepin, ils furent contrains de se iourner à Bonnoeil en Brie, & autres villages voisins: avec ce que la saison mauuaise, les admonnesta d'attendre ceux qui estoient derriere. Puis environ la premiere semaine de Carême, ils enuoyerent vers Lothaire l'Abbé Arlebald (c'est Arlebault ou Rimbault) & le Comte Gauzelin, comme Ambassadeurs, les sommant de leur rendre le vieil empereur, & le mettre hors de prison: Que s'il le faisoit de sa volonte, ils moyenneroient teniers son pere, & sa bonne grace, & l'entretènement de ses honneurs: Mais s'il faisoit autrement, il se mettroit en dāger d'estre destruit à jamais. Car ils estoient deliberez de le rauer par armes: (esperans que Dieu les fauotiserait en si iuste querelle) Lothaire respondit, qu'il n'y auoit personne à qui l'affliction de son pere deplut tant qu'à luy, ne qui fut

plus ioyeux de sa prosperité : Qu'on ne luy deuoit imputer à faute, s'il auoit reçu la Seigneurie & le gouvernement des affaires de l'Empire, veu que c'estoit eux-mêmes qui auoient traby & mis leur pere en prison. Que chacun scauoit bien que c'estoit par le iugement des Euesques; & puis qu'il le retenoit par l'ordonnance des Seigneurs du Parlement, il estoit content de le deliurer par leur mesme volonté : Et telle fut la responce que Lothaire publiquement fit aux Ambassadeurs : leur commandant à part, de dire aux Comtes Guerin & Eude, & aux Abbez Foulques & Hugues, de venir deuers luy, pour donner ordre à la deliurance de l'empereur, & à l'accomplissement de leur requeste, & qu'au l'endemain ils l'aduertissent, si ces Princes viendroient pour aduancer la besongne.

Toutesfois Lothaire par le conseil des siens changea d'aduis : car voyant qu'il n'estoit esgal aux forces de ses aduersaires, laissant son pere en l'Abbaye de S. Denis, il donna liberté à Charles son frere.

Ce fait il prit le chemin de Bourgongne, & avec ses mauuais conseillers, il se retira à Vienne, auant que ses freres se fussent ioincts. Car il y auoit assez de gens, qui deliberoient de luy faire violence. Lors ceux qui demorerent avec le vieil Empereur, luy conseillerent de reprendre ses ornemens Imperiaux; mais jaoit qu'injustement il eust esté priué de la communion de l'Eglise; comme dessus dit a esté, si ne voulut. il pas obeir à sa deliurance tant soudainement. Et attendant au l'endemain (qui estoit iour de Dimanche) il voulut estre reconcilié à l'Eglise, & absous par les Euesques; reprendre & rectindre ses armes par leurs mains en l'Eglise de S. Denis.

En ce lieu, les Euesques & le peuple, par deliberation & conseil luy rendirent la Couronne & les armes; remerciaient Dieu de sa deliurance. Outre ceste ioye commune, encores l'occasion s'offrit de renforcer la gayeté de l'assemblée: car la saison qui au precedent estoit pluuiieuse, se tourna au beau temps, & les riuieres si desbordées qu'on ne pouuoit nauiger, retournerent en leur Canal ordinaire: mesmes l'impetuosité des vents cessa: tellement que chacun croyoit qu'il n'y auoit pas iusques aux Elements qui ne se resiouissent de la restitution de l'Empereur; lequel ne voulut poursuire son fils: mais enuoya des gens; luy commander de repasser les Alpes, combien qu'il fut assez conseillé par d'autres d'aller apres.

Quant à luy il vint à Nantueil, & de là au Palais Royal de Crecy, attendre Pepin son fils, & ceux qui estoient outre la riniere de Marne; ensemble ceux de delà le Rhin, menez par le Roy de Germanie.

Le Dimanche de Careme, que l'Eglise à l'introite de la Messe chante *Letare Ierusalem*, tous ceux qui luy auoient esté fidelles, se presenterent à luy avec Pepin son fils, qu'humainement il receut: les remercia du travail pris pour le deliurer. Il l'enuoya tout aussi tost Pepin en Aquitaine, & commanda que chacun eut à se retirer en sa maison. De là il s'achemina au Palais d'Aix, accompagné des Comtes & gouverneurs du Royaume qui l'estoient venu trouver.

Lors ceux qui gardoient l'Emperiere Iudith, entendans la retraite de Lothaire; comme son pere estoit rétabli en son autorité, prirent la fuite:

LLL ij

*L'an de  
Jesus  
Christ.* & Judith & Charles son fils furent presentez à l'Empereur, par les Euesques Rorald de Soissons, & Boniface.

Or iacqoit que l'Empereur eut fort agreable la deliurance de sa femme, si ne voulut-il si tost la recevoir en son liët, iusques à ce qu'elle se fut purgée des crimes à elle imposez. Toutesfois d'autant qu'il ne se trouua personne pour l'accuser, elle & ses parents satisfirent à l'Empereur, iurans son innocence deuant tout le peuple, à la façon de ce temps-là. Quant au Roy Louys, il vint à Aix trouuer son pere, qui le receut bien humainement, & luy commanda de demeurer pres de sa personne pour sa seurété; où ils passerent les festes de Pasques: & puis l'empereur alla chasser en Ardaime: & encores apres la Pentecoste, chasser & pescher à Remiremont.

Lothaire se retirant, auoit laissé les Comtes Lambert de Nantes, & Manfroy d'Orleans, & plusieurs autres demeurans deçà Loire, & sur la Marche de Bretagne, deliberez de garder ce pais avec les forces qu'ils auoient: Mais le Comte eude, & autres Seigneurs habitans du mesme quartier, setuiteurs du vieil empereur, marris de telle assurance, les voulurent chasser; ou bien les combattre, toutesfois par leur faute & mauuaise conduite, ils furent mis en route. Car ces rebelles estans peu en nombre, demurerent vnis & ferrez: la où au contraire les fidelles à l'empereur, temeraire & sans ordre, au moyen de leur grande multitude, ne s'entr'entendoient pas, ains s'entrequerelloient. Dequoy lefdits Lambert & Manfroy aduertis, ensemble de leur negligence, les chargerent & les contraignirēt de tourner le dos. En ceste rencontre moururent le Comte eude, Guillaume son frere, Vodon Comte d'Orleans au lieu de Manfroy, Vivian & Foubert, Theodo Abbé de S. Martin de Tours (entendez Commendataire) & grand peuple. Le reste se sauua, & les victorieux voyans qu'ils ne se pouuoient ioindre avec Lothaire, & que s'ils s'acheminoient vers luy, l'empereur Louys les pourroit rencōtrier, & que pour leur petit nombre il n'y auoit pas moyen de demeurer où ils estoient, enuoyerent en diligence vers Lothaire, l'aduestir de leur danger: lequel pour les deliurer aduança, & tout aussi tost vint à Chalon sur Saône, le chasteau de laquelle ville, le Comte Guerin auoit fortifié pour sa retraite, en aduersité.

Cela fut cause que Lothaire qui le haïssoit s'arresta là, pensant le surprendre: ce qu'il ne peut: & se contenta de brusler tout dehors, puis assaillit la ville par cinq iours, & en fin la prist par composition. Et neantmoins la pillà, & gasta les eglises, esquelles il fit mettre le feu, qui consumma tout, fors l'eglise de S. Georges, sauuée comme par miracle. L'on disoit que ce feu y auoit esté mis contre le vouloir de Lothaire, lequel se monstra vindicatif & cruel à l'endroit des Comtes Gauzelin, Samille, & Madeleine vassaux de son pere, qu'il fit decapiter à la clameur de ses gens-d'armes. Outre cela, & par l'aduis de ses mauuais conseillers, il fit enclorre en vn vaisseau qui auoit serui à du vin, vne Religieuse nommée Gerbich, fille du Comte Guillaume, & sœur du Duc Bernard, & la tenir dans l'eau tant qu'elle fut estouffée: luy mettant sus qu'elle estoit sorciere: & pardonna à Guerin qui luy iura fidelité.

L'empereur aduertit des cruels exploits de son fils, ainsi qu'il estoit à lan-

gres accompagné de Louis Roy de Germanie, enuoya l'Abbé Marcuax, & L'an de  
autres ses feaux, porter des lettres à Lothaire, par lesquelles il l'admonétoit <sup>lesu</sup>  
soy souuenir des commandemens de Dieu qui dit : Honore ton pere & ta me- <sup>Christ.</sup>  
re, Et que qui mesdit de ses pere & mere, est digne de mort. Lothaire en-  
flé de ses prosperitez, receut de mauuais visage ces Ambassadeurs, & les me-  
nassa: Ce qui les fit retourner vers leur maistre plus tristes, & pour l'aduertir  
de ce qu'ils auoient veu & ouy. A ceste cause, l'Empereur voyant quel orgueil  
de son fils meritoit chastiement: assembla ce qu'il peut de gens, & fit venir  
d'Aquitaine Pepin, comme aussi de Germanie, de grandes forces: pour l'ayder  
en ceste guerre. Dont Lothaire ne se soucioit, trompé par ses mauuais conseil-  
lers, & sa bonne fortune: laquelle par ces deux exploits derniers sembloit luy  
promettre tout l'Empire. Au contraire, partant de Chalon avec ceste esperan-  
ce, il prist le chemin d'Augstun, tirant vers Orleans, & le Maine, où il s'arresta  
en vn lieu nommé Malual, que la Chronique de S. Denis appelle Viruller:  
& le vieil Empereur accompagné (comme i'ay dit) de Louis son fils, & d'une  
grosse armee, le suiuit.

Lothaire qui pensa (comme de coustume) attirer les Seigneurs & la suite de  
son pere, tout court s'arresta au deuant de luy: & se campa en vn lieu nommé  
Caluiac, qui possible est Chaumont sur Loire. Au contraire le vieil Empe-  
reur craignant que son fils luy eschappast, essayoit à luy couper chemin, ius-  
ques à ce qu'il vint pres le Chasteau de Blois, au lieu où la riuere de Rize en-  
tre dans Loire: auquel lieu il s'arresta, pour ioindre Pepin son fils qui venoit  
d'Aquitaine, avec la plus forte armee qu'il auoit peu assembler. Ce nouveau  
secours abbatit du tout le courage de Lothaire, qui vne nuit s'esloigna comme  
pour fuir: se deffiant des siens, & voyant qu'il perdoit temps à solliciter les  
François, honteux de tant souuent abandonner le vieil Empereur: avec ce qu'il  
ne pouuoit eschaper sans combattre. Ce fut lors que les plus sages commence-  
rent à s'entremettre de la paix: & aussi que le vieil Empereur enuoya Baradad  
Euesque de Saxe, Gobellard tresnoble Duc, & Began, commander à Lothaire  
de par Dieu & ses Saints, qu'il eut à se separer des sedueteurs, & se monstrier  
fidelle & obeyssant fils. Les Ambassadeurs volontiers s'acquiescerent de leur  
charge: & Lothaire estonné des forces assemblees contre luy, les pria eux mes-  
mes de le vouloir conseiller en telle necessité: ils responderent, que luy & ceux  
de sa suite vinssent demander pardon à l'Empereur, ce qu'il accorda: & les  
Ambassadeurs asseurez qu'il le feroit, retournerent vers leur maistre. Lothai-  
re ne faillit de venir au camp de son pere, qu'il trouua assis en vn Paillon haut  
esleué, & rendu en vn champ environné de son armee: & ayant ses loyaux en-  
fans entour soy. Quand Lothaire fut pres du throsne Imperial, il se ietta aux  
pieds de son pere, accompagné de Hugues les Couard son beau-pere, de Man-  
froy & d'autres: confessant auoir grandement failly. Et lors le vieil Empereur  
apres l'auoir vn peu tancé, receut de luy le serment, que dorenuant il n'en-  
treroit en France sans congé, & ne feroit aucune entreprise contre luy. Ce fait,  
il luy donna & à tous ceux de sa suite, main-leuee de leurs biens, fils gar-  
doient leur serment, & permit à Lothaire de retourner en Italie, avec tous les

L'an de  
Iesus  
Christ

Princes & Seigneurs de son party, lesquels firent pareil serment. Toutesfois pour plus grande seureté, l'empereur Louys fit garder les passages & destroits des Alpes, de peur qu'aucun ne sortit d'Italie, sans le congé desdites gardes: Puis acompagné du Roy Louis vint à Orleans, où il donna congé à chacun de retourner en sa maison: & quant à luy, il prist le chemin de Paris.

## CHAP. XIII.

*Ebon Archeuesque de Reims, se voulant sauuer en Dannemarck, est arresté. Commissaires Imperiaux enuoyés pour rendre les biens aux Ecclesiastiques, & chastier les brigands. Restitution de l'Empereur approuuée au Parlement. Proces fait audit Ebon: qui fut déposé en plain Parlement.*



Es la premiere fuite de Lothaire, plusieurs Euesques & Seigneurs se sauuerent où ils peurent, & entre autres Ebon Archeuesque de Reims, oyant le reestablishement du vieil Empereur, apres auoir recommandé ses biens à aucuns de qui il se fioit, leur assigna le temps & lieu, où ils deuoient le trouuer, puis ayant fait vn paquet de l'or & l'argent de l'Eglise, qu'il peut trouuer, la nuit il partit de la ville de Reims, acompagné de peu de seruiteurs, & d'aucuns Normands qui sçauoient les ports & adresses de la mer. En tel equipage, il passa son Euesché: & puis le país de Belges, sans que personne le poursuiuit, prenant son chemin vers les Normands (c'est Dannemarck) ausquels jadis cōme Euesque, il auoit par les Papes Paschal & Eugene, esté enuoyé prescher la parole de Dieu. Quand l'Empereur aduertit de sa retraite, par aucuns des siens, le fit ramener par les euesques Rothald de Soissons, & echenard de Paris. Puis apres luy auoir osté sa cheuâce, il l'enuoia garder au Monastere de S. Boniface, en attendant le Parlement. Hilduin Euesque de Beauuais, à tort accusé d'auoir adheré à Lothaire, fut serré au Monastere de S. Vast d'Arras, & le reste des autres Euesques, se sauua en Italie le mieux qu'ils peurent.

La feste de S. Martin venuë, le Parlement fut assemblé au Palais d'Atigny, auquel plusieurs choses tant ecclesiastiques, que d'estat (cy deuant mal ordonnees) furent reformees. Car l'empereur depescha vers Pepin son fils, l'Abbé ermauld, pour incontiner faire rendre les biens, que les Seigneurs de la Cour vsurpoient sur les eglises de son Royaume: enuoyant des Commissaires par tous les Monasteres, à fin de r'establir en la forme ancienne, l'estat ecclesiastique, de long temps ruiné. Il ordonna semblablement que lesdicts commissaires, yroient par toutes les Citez, faire iustice, & refraindre les brigands: qui durant les troubles susdits, l'estoient leuez en grand nombre: leur donnant puissance, d'appeller les Comtes & vassaux Royaux, & les hommes des euesques, pour prendre & mettre en pieces ces larrons, s'il estoient trop forts, & résistoient à la puissance de la iustice ordinaire. Et qu'ils rapportassent au Parlement (qui l'hyper prochain se deuoit tenir à Vvormes) les proces verbaux de ce qu'ils auroient fait.



Cependant, l'Empereur passa vne partie de l'hyuer à Aix, puis vint à Thion-<sup>L'an de</sup>  
ville auant Noël, où il auoit ordonné que le peuple se trouuaſt. <sup>I eſus</sup>  
<sup>Christ.</sup>

Durant ces choſes, les Sarrazins apres auoir trauaillé l'Italie & Rome vou-  
lants retourner en Afrique perirent en mer, ſurpris par la tempeſte.

La feſte de Noël de l'an huit centz trente cinq faite par l'Empereur en la <sup>829</sup>  
ville de Mets avec Dreux ſon frere, eueſque du lieu, il vint tenir le Parlement  
de la Chandeleur au Palais d'Aix: où il ſe complaignit de pluſieurs eueſques qui  
auoient eſté preſents à ſa depoſition, aucuns deſquels ſ'eſtoient abſentez en  
Italie, & les autres ne voulurent aſſiſter audit Parlement, engores qu'ils y euſ-  
ſent eſté ſemôds. Le villain Ebon (Tegā l'appelle ainſi) Archeueſque de Reims,  
ſeul de tous les accuſez ſ'y trouua, non de ſon gré, ains arreſté, comme dit eſt,  
pour ceſt eſſect. Auquel eſtant enioin & de dire les cauſes de la depoſition de  
l'Empereur, il reſpondit, n'eſtre raiſonnable que luy ſeul rendiſt compte de ce  
qui auoit eſté conclud en la preſence de pluſieurs: Mais les autres eueſques  
monſtrerent auoir eſté cōtraints. Ce fut pourquoy l'Empereur fit ſigner à cha-  
cun ſon reſtaſſement, qui luy fut baillé par eſcrit, & publiquement approu-  
ué, meſmes par ledit Ebon comme eueſque, & non encores priué de ce tiltre.  
Par icelle eſtoit porté: Que tout ce qui auoit eſté fait en la ſuſdite depoſition,  
eſtoit iniuſte & contre droit.

Après cela, l'Empereur & les Princes vindrent à Mets, là où le Dimanche  
precedant le Careſme, en l'Egliſe de S. eſtienne, Dreux eueſque, deuant la  
Meſſe, leur publiquement au peuple l'acte du reſtaſſement de l'Empereur;  
qui fut approuué de tous: & durant la Meſſe, ſept Archeueſques chanterent  
ſus luy ſept Oraifons reconciliatoires: & lors le peuple ſe reſiouit, & fut iugé  
que ledit Ebon chef & autheur de ladite depoſition, auoit mal & iniquement  
procedé: & qu'à bonne & iuſte cauſe l'on r'eſtaſſoit l'Empereur. Cela fait, la  
compagnie ſ'achemina vers le Palais de Thionville: là où Hildeman eueſque  
de Beauuais, ſe purgea de l'accuſation qui luy auoit eſté miſe ſus, monſtrant  
auoir eſté forcé d'aſſiſter à ladite depoſition, & adherer à Lothaire. Mais en ce  
Parlement, Ebon fut accuſé par la bouche meſme de l'Empereur, qui luy re-  
procha: Que fauement il l'auoit chargé, & encores plus melchamment chaffé  
de ſon Royaume, & degradé de l'ordre Militaire.

Que ſans auoir rien confeſſé, ou eſtre conuaincu par teſmoignage, il l'auoit  
excommunié, & priué de l'Egliſe, & compagnie des Chreſtiens: luy reprochant  
qu'il eſtoit entré en telle aneece pour auoir l'Abbaye de S. Vvaſt, à luy pro-  
miſe par Lothaire.

Que ce deuoit eſtre grande honte à luy, d'auoir fait vn tel outrage, à ſon  
Empereur, à ſon Roy, à ſon frere de lait & compagnon d'eſcolle.

Qu'il apparoiſſoit aſſez de la verité de ſon accuſatiō, puis que le meſme Ebon  
auoit confeſſé ces choſes en preſence de l'aſſemblée, & ſignees de ſa main.

Qu'outre cela, reſtoit aucuns chefs d'accuſation, pour leſquels il auoit autre-  
fois eſté deſeré à l'Empereur, & dont il n'eſtoit encores Canoniquement pur-  
gé: ains auoit ſeulement eſté banny du conſeil Imperial.

Ebon honteux pour tant de reproches, & voyant que la verité deſcouuerte

*L'an de* il me la pourroit nïez, demanda loisir de se retirer à part & que sa cause ne fut  
*Iesus* point debatue en la presence de l'Empereur: ce qui luy fut accordé. Mesme les  
*Christ.* autres Euesques n'osans le deposer & proceder contre luy suiuant les formes  
 accoustumees, craignants qu'il les accusast de pareille faute & les trahist, luy  
 conseillerent de monstrier luy-mesme, comme il ne pouuoit tenir l'estat d'E-  
 uesque.

Ce fut pourquoy ayant appellé aucuns d'entr'eux, de son propre mouue-  
 ment & sans contrainte, il requist pardon: disant qu'on ne luy fist de la ver-  
 gongne, si aduenoit que son proces se fit en public: ains qu'on sauuaist l'hon-  
 neur de Prestre pour euitier au scandale que le peuple en prendroit, si falloit  
 „ produire & mettre en euidence les preuues faites contre luy: & qu'en sa per-  
 „ sonne & de sa bouche, il fut contrainct de confesser aucuns crimes, qui luy  
 „ estoient mis sus, dont les Laics se mocqueroient: & qu'en cela il falloit garder  
 „ le Concile d'Afrique.

„ Pour ceste cause, luy-mesme par le conseil d'aucuns euesques, dicta & signa  
 l'acte de sa degradation: qu'il leur en plain Sinode, de quarante & trois eues-  
 ques: renonçant à son euesché, en la forme qui s'ensuit.

Je Ebon indigne Euesque, recognoissant la fragilité & fais de mes pechez,  
 ay prins pour tesmoins de ma presente confession: Auculf, Archeuesque, Ha-  
 „ dard, & Modoin Euesques, pour estre iuges de mes fautes, que ie leur ay con-  
 „ fessees en pure verité: & d'icelles leur ay demandé le remede de penitence, pour  
 „ le salut de mon ame: à fin de m'oster de l'estat & ministere de Prelature, dont ie  
 „ me recognois indigne & incapable, à cause de mes fautes & pechez: que secret-  
 „ tement ce iourd'huy ie leur ay confessez: en telle sorte que ie veux, qu'ils en  
 „ soient creuz comme tesmoins; pour mettre & consacrer: en ma place, vn au-  
 „ tre, qui dignement puisse presider en l'Eglise, que iusques icy i'ay gouuerné.  
 „ Et à fin que cy apres ie n'en puisse faire aucune repetition ou demande, par le  
 „ moyen & autorité des Canons, i'ay sous-signé la presente de ma main, & au  
 „ bas: Ebon jadis Euesque. Cest acte fut aussi sous-signé de six Euesques, & par  
 „ la main de Ionas, baillé à Helie Notaire, qui y mit la datte de l'an huit cents  
 trente cinq, & vingt & troisieme de l'Empire de Louis. Quand ebon presen-  
 toit son escrit à chacun euesque, il luy disoit: puis que ce que tu as dit & escrit  
 est veritable, abstien toy du ministere de l'euesché.

Ce proces iugé, ebon se retira delà les monts: où il demoura iusques apres la  
 mort de l'empereur Louys: & en son lieu fut Archeuesque de Reims vn Pre-  
 stre nommé Foulques. I'ay esté vn peu long en ce recit, pour le desir de repre-  
 senter vne seconde deposition d'euesque, & les formes lors obseruees: & mon-  
 strer que les Papes n'auoient encores Iurisdiction sur les euesques de la Gaul-  
 le, & *in partibus Gallia*, ce dit le Canon: car il est bien certain, veu l'inimitié  
 que ebon portoit à l'empereur, que si le Pape eut esté supérieur de l'Eglise  
 Gallicane, il eut appellé deuant luy, ayant le support de Lothaire: & quand il  
 fut en Italie, il eut fait renouir son proces. Qui est tousiours vne marque de la  
 liberté de nostre eglise Françoisse & Gallicane, & que la Iurisdiction des  
 Papes en France n'estoit que *Inter Volentes*.

Après

Après Ebon, Agobard Archeuesque de Lyon fut appellé, par trois fois, & L'an de pource qu'il ne comparut, il fut priué de son Euesché par l'Eglise & Sinode. <sup>Iesus</sup> Hildeman Euesque de Beauuais, aussi accusé de vouloir s'enfuyr vers Lotaire, <sup>Christ.</sup> & pour ceste occasion enfermé en l'Abaye de S. Vvast, se purgea audit Parlement; ainsi que dit Floard; qui a escrit les gestes des Archeuesques de Reims: duquel i'ay pris ce proces d'Ebon.

## CHAP. XV.

*Comtes chastiés, pour n'auoir gardé leurs Prouinces des courses de brigands. Iudith sous main, recherche que Lothaire se rapointe à l'Empereur son pere, pour prendre la protection de Charles son fils. Descente de Normands en Frieze. Dorstat, Enuers, Vitā, villes par eux bruslees. Ils sont chassés par l'Empereur. Grand nombre de Seigneurs de la suite de Lothaire morts en deux mois. Bretons esleués, r'appaïsés. Feste de Toussaints. Popin fait rendre le bien usurpé par les Aquitaniens, sur les Ecclesiastiques. Euesques de Lyon & de Vienne traistres. Benard demeure au gouuernement de Gothie ou Languedoc. Normands descendus en Vvalachre, tuent le Comte. La ville Leonine de Rome, ou le Bourg de S. Pierre, fortifiée.*



ELA fait, l'Empereur passa le Caresme à Thionuille, & Passaques à Mets, & après la Pentecoste prist le chemin de Vvormes, pour tenir le Parlement general: auquel se trouuerent Pepin & Louis ses enfans: & les Commissaires, par luy enuoyez (comme dit est) par les Prouinces, à fin de chasser les brigands, qui apporterét leurs proces Verbaux. Mais l'empereur aduertý qu'aucuns des Côtes auoient esté lasches & paresseux de garder leurs terres, & prendre vengeance des larrons & malfaiçteurs, esleuās leurs enfans, & foullans les gens de bien, il les condamna diuersement selon leurs demerites. Ces Comtes (dit la grand' Chronique en cest endroit) n'estoient pas hauts Seigneurs, ny hommes qui tinsent les Comtez par heritage, ains comme Baillifs, que le Roy ostoit & mettoit à temps, & punissoit de leurs meffaiçts quād ils le deseruoiet. Si releua l'Empereur les preud'hommes, qui auoient esté mal menez & greuez à tort par ses enfans, qu'il blasma & reprist des griefs par eux faits à ceux qui deuoient estre par eux gardez: & leur deffendit que plus ne le fissent; s'ils ne vouloient desobeyr à son commandement: autrement qu'ils l'amendroient selon droit iugement, qui sont les mots de ladite grand' Chronique. . .

Atant finit l'Empereur le Parlement, & auant que partir, en fit crier vn autre, puis vint à Aix: & cependant il mādē à Lothaire son fils qu'il luy enuoyast de ses Gentilshommes, pour traicter avec luy de leur mutuelle reconciliation.

L'Emperiere Iudith fut cause de faire dépescher ce messager en Italie: Car

M M M M

*L'an de* sentant tous les iours diminuer la force corporelle de l'empereur à cause  
*I'esus* de son aage, pour euitier le danger qui pourroit suruenir tant à elle qu'à Char-  
*Christ.* les son fils, elle fut conseillée de s'apuyer de l'un des enfans du premier li& de  
 l'empereur : & d'autant qu'il luy sembloit n'y en auoir point de plus propre  
 que Lothaire, elle persuada l'Empereur, d'enuoier vers luy, quelqu'un qui l'in-  
 uitaist de chercher luy-mesme cest apuy & protection : comme aussi Lothaire  
 ne faillit d'embrasser ceste occasion, qu'il l'aprochoit de la personne de son pere :  
 despeschant plusieurs Seigneurs (desquels Gallon estoit le principal) qui vin-  
 drent trouuer l'empereur à Aix: où Gallon mena le fait si dextrement, que non  
 seulement il reconcilia le fils au pere, mais encores obtint pardon pour luy-  
 mesme : & manda au ieune empereur de venir incontinent pour son profit: ce  
 qu'il ne peut faire si tost, au moyen d'une longue maladie.

Or l'empereur fasché, tant de l'indisposition de Lothaire, que du mauuais  
 traitement qu'il faisoit aux eglises d'Italie, & du peu de compte qu'il mon-  
 stroit tenir du serment par luy nouvellement fait; enuoya Hugues son frere  
 Bastard, & le Comte Adalger, luy remonstrer qu'il eust à maintenir les fran-  
 chises de l'Eglise, & principalement celle de Saint Pierre de Rome; que Pepin  
 son ayeul, Charles son pere, & luy-mesme auoient pris en leur protection; &  
 neantmoins, il entendoit qu'il en molestoit & cruellement traitoit les vas-  
 saux & suie&ts. Non content de ceux-cy, il en despescha d'autres, pour com-  
 mander à son fils de venir sans delay: l'aduertissant qu'il ne deuoit souffrir telles  
 fuyelles & oppressions: ains se souuenir que quand il luy bailla le Royaume d'I-  
 talie, par mesme moyen il luy donna charge, de defendre l'Eglise Romaine  
 contre ses aduersaires. Qu'il ne souffrist donc qu'elle fut pillée par les siens, &  
 eust memoire des serments & promesses, que n'agueries il luy auoit faites,  
 Que s'il n'en tenoit compte, il l'asseuraist d'en estre puny à l'aduenir, par iuge-  
 ment diuin. Encores pour luy donner plus de crainte, il commanda de faire des  
 Estapes sur le chemin de Rome: & Tegan dit, qu'il fut iusques à Lyon: où Pepin  
 & Loys ses enfans le vindrent trouuer : & qu'il y demoura quelques iours, at-  
 tendant la responce des Messagers par luy enuoyez en Italie.

Icy finist Tegan sa petite histoire: en laquelle d'un zele vraiment François  
 (c'est à dire, loyal à son Seigneur) il décrit la deposition de l'empereur Louys,  
 lequel cependant qu'il donne ordre à son voyage d'Italie, est aduertie de la des-  
 cente des Normands en Frize: ce qui le cōtraignit de tourner sa pensee de ce co-  
 sté, & prendre le chemin d'Aix. Et neantmoins il enuoya vers Lothaire l'Abbé  
 Fouques, le Comte Richard, Alebald ou Rimbault Abbé; Fouques & Richard  
 pour luy r'apporter la responce de Lothaire: Rimbault pour tirer iusques à Ro-  
 me, & cōsulter avec le Pape, de ce qui estoit à faire pour le bien du pais; & luy  
 dechaser la volōté de l'empereur, selō qu'il portoit par les articles de sa charge.

Ceste ambassade seruit de quelque chose: car Lothaire commanda de ren-  
 dre partie des biens de l'Eglise, qui estoient sous sa puissance, disant ne pouuoir  
 accomplir le reste. Ce qui fut rapporté par lesdits Fouques & Richard à l'Em-  
 pereur: Lequel apres auoir chassé les Normands qui auoient gasté la ville  
 de Dorstat, & brulé celles d'Anuers & Vitan (un grand abord sur l'embon-

heure de Meuse) & receut tribut des Frizons, s'en vint à Francfort, s'esbarre *L'an de*  
 en la chasse d'Automne auant que venir à Aix, & laissant le voyage d'Italie, *Iesus*  
 vint passer l'hyuer à Aix. Cependant Rimbault venu à Rome: trouua le Pape *Christ*  
 Gregoire malade d'un flux de sang par le nez: & qui ce nonobstant bien joyeux  
 de sa venue, honorablement le receut: & apres luy auoir fait de grands pres-  
 ents, l'en uoya accompagné de l'euesque Pierre de Ciuita-Veche, Georges  
 Regionaire de Rome (ie ne sçay si c'étoit un Caporion) ce qu'ayant Lothaire  
 entendu, il enuoya soudain un nommé Leon, fort fauorisé de luy, pour les  
 deuancer.

Cestuy-cy les trouua à Boulongne la grasse, ville de Lombardie, où telle-  
 ment il les intimida qu'ils furent contraints de s'arrester. Toutesfois l'euesque  
 donna ses lettres à Rimbault, qui secrettement les bailla à un sien seruiteur  
 Medecin pour les porter iusques à ce qu'ils fussent deçà les monts. L'on  
 tint pour chose miraculeuse, qu'en deux mois de Septembre, & d'Octobre de  
 ceste annee (autres disent de la suiuite) Lothaire perdit presque tous les Sei-  
 gneurs de sa suite. Car les Euesques Iessé d'Amyens, elie de Troyes, Gallon  
 Abbé de Corbie, les Comtes Hugues, Manfroy, Lambert, Godefroy, Richard  
 & Godefroy son fils, Aguibert Comte du Perche, Al. d'Artois, Bouchard ou  
 BURGARET jadis grand Veneur de l'empereur, moururent: qui estoient reputez  
 l'honneur & la force de France. Par la mort desquels, elle fut estimee comme  
 vesue, & desnuee de conseil & de sagesse: Dieu monstrant par là (dit un au-  
 theur du temps) que le sage ne se doit glorifier en sa sagesse, ne le riche en ses ri-  
 chesses. et toutesfois combien qu'ils fussent tous ennemis de l'Empereur, tant  
 s'en salut qu'il s'en resiouit, qu'au contraire il en plora, & pria Dieu auoir pi-  
 tié d'eux.

I'ay autresfois pensé que ce Gallon fut le Ganelon de nos Romans, non pas  
 nepueu, ains cousin germain de Charlemagne: & que les trahisons faites à  
 Louys, auoient esté appropriees audit Charlemagne: considerant que nos Ro-  
 manciers ont pris les noms de tous les rebelles, tant à la maison de Pepin, que  
 Hugues Ceper: pour en faire les parents de ce Ganelon. Il ne faut aussi penser  
 que Vvallon ou Gallon soient deux, non plus que Charles & Charlon; Guil-  
 leaume, Vvilleaume, & Guillon. Encores ie vous veux aduertir que c'est chose  
 controuuee, que Galon ou Ganelon fut de la race de Clouis: & tout de mesme,  
 que voulant ce Comte ou Abbé rendre la Couronne de France à sa maison, &  
 chasser les Brabançons, il fit les trahisons recitees par les Romans. D'autant  
 qu'il ne se trouue rien de cela par les bons liures & histoires du temps: Vous  
 ayant cy deuant dit (parlant des choses de l'an sept cents soixante & dixhuit)  
 que le liure publié sous le nom de Turpin, est faux, & se dement soy-mesme: à  
 fin que pour le conuaincre, ie n'emploie tant d'auteurs qui ont vescu du  
 temps mesme de Charlemagne: avec ce que j'ay montré que Vvallon ou Gal-  
 lon, estoit fils de Benard oncle dudit Charlemagne.

La mesme annee les Bretons s'esleuerent, & furent aussi tost appeis: & la  
 feste de Toussaincts qui souloit estre le 12. de May, par ordonnance du Pape  
 Boniface, à la priere de l'empereur Louys, fut transferee au premier iour de

M M M M ij

L'an de l'An. de Novembre, ce disent Siegebert & Vincent de Beauuais : & du Tillet la cote  
 le sus. sous l'an huit cents trente.  
 Christ.

837.

L'an huit cents trente sept commença par vn mauuais presage : car le trentiesme Decembre en la ville de Paue ( qui est en Lombardie ) la terre trembla de nuit par huit fois , ce qui estonna les gens du pays , ja assez troublez par la mort & maladie de la pluspart des Seigneurs de la Cour de Lothaire, ainsi qu'auons dit. Et vne Comete aparut au signe des Balances , le vnziesme Aueil, qui fut veuë par trois iours. Cependant, l'empereur tint vn Parlement au iour de la Purification: où il sy trouua d'auantage de Prelats que d'autres Seigneurs, pource que l'on y traita des choses ecclesiastiques, plus que d'autres: & principalement des tors, que Pepin Roy d'Aquitaine & les siens faisoient aux eglises de son Royaume. Hilduin Abbé de S. Germain des prés, Archichappelain du Palais, estoit là present, & qui s'en plaignoit: au moyen dequoy, l'empereur tant de son autorité, que de celle du Parlement, fit admonester Pepin & les siens, de se garder d'offencer Dieu, vsurpant ce qui auoit esté donné à l'vsage de ses ministres: & qu'ils n'eussent à se mettre en danger, receuant les choses donnees à l'eglise. L'aduertissement fut profitable, car Pepin fit tout rendre: avec lettres patentes scellées de son scel, desquels l'on void encores la copie au cinquiesme liure d'Aimon, touchant le bien qui lors fut rendu à ladite Abbaye de Saint Germain. L'autre Parlement d'apres fut tenu en esté au païs de Lionnois, en vn lieu nommé Starnac, où se trouuerent les Rois Pepin & Louis: & vne maladie empescha Lothaire d'y assister. En ce lieu, la cause des eglises de Lyon & Vienné fut plaidee: car on les estimoit vacantes, par la forfaiture & trahison des euesques Agobart de Lion, & Benard de Vienne. Pour le regard d'Agobard, il n'y vint aucunement: & Benard s'estant présenté, s'enfuit depuis ce qui empescha la voidange du differend, sans que les auteurs alleguent autre raison: l'on trouue vn liure de cest Agobard assez bien escrit, qu'a Anthoine du Verdier. La cause des Gots ( ie croy qu'il entend ceux qui sous l'autorité de Charlemaigne & de Louis Debonnaire, estoient venus demourer en Languedoc, & dont nous auons parlé ) y fut aussi plaidee. Vne partie fauorisoit Benard, & l'autre Beranger, fils du feu Comte de Huroine ( ie ne sçay si c'est Turaine ou Touraine ) mais la pluspart de Septimanie demoura à Benard, pource que Beranger mourut bien tost apres.

Cependant les Normands vindrent en l'Isle de Vvalachre ( elle fait vne parrie de Zelande ) pour leuer le tribut : ou le seize Iuing, ils tuerent Egidhard Comte du lieu, & Heming fils de Halpedan, avec plusieurs autres, en vne bataille qu'ils gaignerent.

837.

Le Parlement finy, l'empereur vint faire sa chasse d'Automne au païs de Sens: puis retourna passer l'hyuer au Palais d'Aix, où il demoura & y fit Noël & Pasques de l'an huit cents trente sept. On pense que ceste annee, ou la precedente, le Pape Gregoire fit clorre le bourg de Saint Pierre de Rome, pour resister aux courses des Maures d'Afrique: & nomma ce lieu la ville Leonine; soit que ce fut Leon qui premier commença de le fortifier, ou que ce fut Lothaire ( lequel l'an huit cents vingt & neuf, ce dit Nangis ) commença de la rem-

parer aux despens (ce dit Guaguin) de l'Empereur son pere : qui la nomma ainsi. Ces courtes de Pirates estoient lors si violêtes, que non seulement les Comtes, mais aussi les Euesques, estoient contraints de prendre les armes pour resister aux Sarrazins. Car Lothaire (dit Sigon) ne se donnoit pas grand' peine d'y mettre ordre, fasché de ce que les Italiens ne l'auoient pas assisté contre son pere, ainsi qu'il desiroit : Mais outre la mort de tant de Seigneurs qui l'auoient affoibly, ie croiroy volontiers que Lothaire remonstroit aux Italiens, que leurs Euesques se pouuoient aussi bien armer contre les Maures Sarrazins, que ceux de France contre les Sefnes Idolatres : ce qui estoit mal-aisé à persuader, à gens de leur qualité & qui desiroient d'espargner leur vie.

*L'an de  
Iesus  
Christ.*

## CHAP. XVI.

*La terre trembla pres de Vvormes & Pauie. Nauires faits par toutes les emboucheures des riuieres de France, pour resister aux Normands. Comette remarquée par l'Empereur sçauant en Astrologie. Charles puisné de ses enfans. Charles depuis surnommé le Chauue est partagé de Neustrie par l'Empereur, qui luy ceignit l'espée. Ceux de Languedoc se pleignent de Bernard. Sarrazins noyez en mer. Oudacre Comte de Flandres mort. L'Empereur defend à Louys son fils de s'appeller Roy de France de delà le Rhin: dont ce Prince irrité s'appreste à la guerre. Comme aussi l'Empereur.*



LE dixseptiesme Ianuier la terre trembla à Loreshheim, comme aussi à l'entour de Vvormes, Spire & le país lors appellé Lobarduneuse. En ce temps l'Empereur fit faire des Nauires pour resister aux courtes des Normands; contre lesquels il s'apprestoit. Et enuiron Pasques, vne Comette apparut au signe de la Vierge, en la partie où le serpent lie la queuë du Corbeau, avec la robe de la Vierge. Or pource qu'elle ne titoit point en Orient comme les Estoilles errantes, ains demeura au Ciel par vingt cinq iours, passant par les signes du Lyon, de l'Escruiue & des Iumeaux; & que finalement elle vint esteindre son Globe, & l'oguer queuë ardante au chef du Taureau sous les pieds du Chartier, cela sembla bien estrange aux sçauans en Astrologie. L'Empereur fut le premier qui s'en aperceut, & nota son chemin. Et pource qu'il prenoit plaisir à telle science, vn soir auant que se coucher, il manda deux Astrologues (l'un desquels a escrit la vie dudit Empereur) & leur demanda ce qu'ils en sçauoient. Ils requierent temps iusques au l'endemain, pour la contempler & plus asseurement faire leur rapport. Mais l'Empereur se doutant bien qu'ils vouloient dilayer à luy faire sçauoir de mauuaises nouuelles, leur dit qu'ils allaissent en la maison voisine, & luy rapportassent ce qu'ils en sçauoient : car il estoit asseuré qu'il n'auoit veu ceste estoille le soir precedent, & que ce deuoit estre vn signe de Comette, du-

MMM iij

L'an de  
Jesús  
Christ.

quel ils auoient parlé les iours passez : qu'ils ne faillissent donc à luy dire ce qu'elle signifioit : & pour aucunement le contenter, ils luy en dirent sur le champ quelque chose, mais il repliqua qu'ils ne luy disoient pas tout: & il leur declaroit qu'elle signifioit changement de Royaume & mort de Prince; les Astrologues luy alleguerent le passage de l'écriture, qui dit, Ne craignez point les signes du Ciel: à quoy magnaniment il respondit, qu'il ne falloit craindre autre, que celui qui nous auoit creéz: & ceste Estaille aussi. Et toutesfois on deuoit bien admirer & louer sa preuoyance, laquelle encores que fussions pecheurs & impenitens, nous vouloit biē admonester par signes. Puis donc que ce signe admonestoit & luy & tous gens de bien en general, il se falloit amēder: de peur que cependant qu'il alongeoit & estendoit sa misericorde, & qu'ils ne faisoient point de penitence, ils s'en trouuassent indignes. Ces paroles dites, il prit du vin & inuita les assistans à en prendre: & puis donna congé à chacun de soy retirer. Quant à luy il ne dormit point de toute la nuit, & ne cessa de prier & louer Dieu.

Au point du iour, il fit appeller ses seruiteurs, pour porter des aumosnes par les Monasteres d'hommes & femmes; faisant dire des Messes, par tous ceux qu'il peut trouuer (ce passage peut seruir pour monstrier que les Messes ne se disoient pas lors seulement les Dimanches & festes) non tant pour crainte de soy-mesme, que de l'Eglise, & du peuple qu'il auoit en sa charge.

Après cela il alla en Ardaine chasser; où il fut plus heureux que de coustume, & mesmes en toutes autres choses qu'il voulut faire ou entreprendre.

Retournant au Palais d'Aix, il fut conseillé & sollicité par l'empereire & autres ministres du Palais, de donner à Charles son bien-aymé fils, vne partie de son empire. Dont Lothaire & Louys ses autres enfans aduertis, furent trefmarris & parlementerent ensemble en la vallée de Trente, auant la my Carême. Toutesfois voyans ne pouuoir y donner ordre, ils dissimulerent, & par ce moyen facilement ils eurent l'indignation & courroux de leur pere, fâché de leur assemblée faite à son desceu. Cependant Pepin Roy d'Aquitaine vint à Aix trouuer l'empereur: lequel asséuré que le peuple n'auoit plus volonté de l'abandonner, donna à Charles son fils vne partie de Vvestrie, que souloit tenir Charles fils de Charlemaigne. Et Nitard dit, que ce Royaume contenoit depuis les limites de Saxe, iusques à ceux des Ripuariens, toute la Frize, & par les limites des Ripuariens, les Comtez d'Apille, Haer, Traheumolent, Massagouuy (noms qui ne sont plus cogneus pardeçà) puis tout ce qui est depuis la riuere de Meuse, iusques à celle de Seine: & iusques en Bourgongne: le Toullois, Ordonnensois, Badensois, Blesois, Perche (c'est vne suite depuis mal écrite, pour le regard de ces deux derniers) les deux Barrois, Brie, Troyes, Auxerre, Sens, Gastinois, Melun, Estempois, Chartrain, Paris: & du long de la riuere de Seine iusques à la mer Occeane, & de là iusques en Frize: toutes les Eueschez, Abbayes, Comtez & Domaine Royal, & tout ce qui est depuis ces limites comme il le possédoit, priant Dieu qu'il en peust iouyr paisiblement.

Ainsi donc l'empereur, ayant (comme il luy sembloit) mis bonne paix entre Pepin & Charles ses enfans; pour asséurer ledit Charles en la part du Royau-



me que nouuellement il luy auoit baillé; les Princes & Seigneurs qui furent là presens iurerent entre ses mains le serment de fidelité, & luy firent hommage: mesmes entre autres Hilduin Abbé de S. Denis, & de Sainte Marie de Paris, Archichappellain du Palais tres-noble, & Gerard Comte de Paris: avec tous ceux qui se trouuerent là: comme aussi firent depuis les absens.

Auant que partir d'Aix, vn Parlement fut publié pour l'Automne prochain, estre tenu à Crecy sur Oise: auquel l'Empereur appaisa vn tumulte prest à se leuer: & là (ce dit Nitard) il ceignit l'espée à Charles son fils, luy augmentant sa part de Royaume, & le Couronnant Roy: les auteurs ne parlans point d'Eueques en ce Couronnement. Tous les nobles de Septimanie, se trouuerent en ce Parlement; pour se plaindre de Berard ou Benard leur Duc, qui usurpoit les biens tant des Ecclesiastiques, que des particuliers: prians l'Empereur de les vouloir prendre en sa sauuegarde, & enuoyer des Commissaires au pais, qui par leur autorité & prudence, les remissent és heritages à eux ostez par force. Les Comtes Boniface & Donat y furent enuoyez avec Rimbaut Abbé de Flauigny. Ce fait l'Empereur alla faire sa chasse d'Automne, & puis reuint à Aix, passer l'hyuer. Sigebert & Nangis apres luy, mettent en ceste année la descente des Normands & prise de Dorstat.

Les Sarrazins coururent aussi iusques pres de Rome, mais les Romains aydez par les Napolitains, les combattirent: & moyonnant vn grand vent que Dieu enuoya, les Sarrazins perirent tous en mer: de maniere qu'il n'en eschapa vn seul.

Mejer dit, que la mesme année, Odacre Comte de Flandres mourut à Aldembourg: auquel succeda Baudouyn dit bras de fer, pour sa force. Vne chronique recite, qu'ayant l'Empereur tenu vn Parlement à Nimeghe au mois de Iuin, l'an huiet cens trente sept: par le conseil d'aucuns principaux Seigneurs de France, & par ses lettres patantes: defendir à Louys son fils de plus se nommer Roy de France Orientale (ie croy de celle d'outre le Rhin) qu'autresfois il auoit tenuë par son oëtroi: Mais Louys scachant que c'estoit à la suscitation de ses malueuillans, apres auoir fait publier son Ban, vint à Francfort le trentiesme Decembre, qui estoit le commencement de l'an huiet cens trente huit. L'Empereur aduerti de sa deliberation, assembla vne grosse armée, avec laquelle il estoit j'ay venu à Mayence, où il fir la feste de Noel duditan: & le septiesme Ianuier ensuyuant passa le Rhin en Bateaux avec son armée: ayant deuant soy les Sesnes, que le Comte Albert, partie par menaces, & partie par promesses, auoit seduits & retirez de l'alliance du fils.

L'an de  
Iesus  
Christ.

837.

838.

*Louys fils se retire en Bauieres. Où estoit l'Allemagne de ce temps-là. Lothaire reconcilié avec son pere. Partage la France avec Charles son frere. Pepin Roy d'Aquitaine meurt. Quels enfans il laissa. Normands en Vvalachre. Louys de Bauieres marry de ce dernier partage, s'efforce de prendre ce que son pere auoit delà le Rhin : mais il est empesché par son pere, qui le contraint luy venir demander pardon. Ebrouin Euesque de Poictiers. Enfans de Pepin ne sont pourueus du Royaume de leur pere, craignant l'Empereur leur mauuaise nourriture. L'Empereur va en Aquitaine, où il fait recognoistre Charles fils de Iudith pour Roy.*



PENDANT, le premier Ianuier, il apparut vne Comette au signe du Scorpion : & le Roy Louys voyant que son pere auoit passé le Rhin, & qu'il faisoit mal de luy resister, se retira en Bauieres. Ce nonobstant l'Empereur vint à Francfort, où il s'arresta : & commença le Carême : puis passant par l'Allemagne (cela montre que lors ce nom ne comprenoit la generalité de Germanie) il vint faire Pasques le long du Lac de Constance, & apres la feste retournant à Vvormes, se reconcilia avec Lothaire son fils, qui d'Italie l'estoit venu trouuer en ce lieu. L'empereire Iudith l'aydoit en ceste pacification tant qu'elle pouuoit : car elle & les Seigneurs de la Cour, voyans que l'Empereur s'abbaissoit fort de vieillesse, & que s'il mouroit en l'estat que les affaires estoient, l'inimitié pourroit croistre entre ses enfans ; delibererent d'en reconcilier quelqu'un avec le pere : à fin que deux ioincts ensemble, fussent plus forts pour resister à leurs ennemis. Or apres y auoir bien pensé, ils trouuerent que si Lothaire y vouloit entendre, il n'y en auoit point de plus propre pour eux : car autresfois il auoit promis à son pere, qu'il seruiroit de Tuteur, & ayderoit à Charles son frere, à garder telle portion qu'il plairoit à son pere de luy bailler : & pour ce Iudith auoit (comme j'ay dit) enuoyé en Italie des gens de la part de l'Empereur, l'asseurer que s'il vouloit prendre telle protection, il oublieroit toutes choses passées, & le receuroit en sa bonne grace, partageant avec luy le Royaume en deux, excepté Bauieres. Lothaire le trouua bon, & assés de la foy de son pere, vint (ainsi que i'ay dit) à Vvormes, où bien humblement & à genoux il luy demanda pardon, disant : Qu'il confessoit auoir grandement offensé Dieu, & luy, son pere & son Seigneur. A ceste cause il ne luy demandoit pas vn Royaume, ains sa misericorde & pardon de sa faute. L'Empereur adoucy par vne tant humble satisfaction, luy pardonna tout : & le receut en sa bonne grace, à la charge que dorefnauant il ne fit chose qui fut contre sa volonté, ne contre Charles en son Royaume.

Puis

Puis l'ayant leué & baifé, remercia Dieu de luy auoir rendu son fils desbauché. *E'en de*

Aufortir de là, ils allerent dîner ensemble : & l'Empereur fit bonne chere *Iesus*  
à tous les gens de Lothaire : & dés le lendemain il vit avec son fils, les traittez *Christ.*  
accordez entre leurs conseillers. Le iour d'apres, comme ils se fussent encores  
assemblez : l'Empereur dit à Lothaire qu'il fit deux parts de l'Empire entier : &  
qu'en ce cas, le choix en fut audit Empereur & à Charles : mais s'il le faisoit  
luy-mesme, que Lothaire choisiroit. Le fils demanda temps d'y aduiser, & au  
bout de trois iours, fut conseillé par ses gens mesmes, de prier son pere faire  
luy mesme ce partage : & qu'il luy en laissast le choix, suyuant sa promesse : iu-  
rant qu'il ne le faisoit, sinon pour ce qu'il ne cognoissoit les pais & leurs com-  
moditez. Ainsi donc, l'Empereur & les siens, diuisèrent le Royaume le plus  
iustement qu'ils peurent ; excepté Bauieres, reseruée à Louys : que ledit Em-  
pereur ne voulut y comprendre. Lothaire prist l'Austrasie, depuis la riuere de  
Meuse iusques en Allemagne : & s'accorda que la partie Occidentale fut bail-  
lée à Charles. Ce partage fait, & le peuple assemblé au Parlement, Lothaire le  
confirma : & publiquement deuant tous, dit : qu'il accordoit que son frere  
iouïst de sa part. Dont l'Empereur fut tresioyeux : & pensant auoir vni ses en-  
fans, les pria d'estre bons freres, s'aymer & supporter l'un l'autre : & particu-  
lierement Lothaire, auoir soing de Charles, comme de son fils : & Charles re-  
uerer son frere aîné, comme son pere.

Ainsi l'Empereur cuidant auoir semé (par maniere de dire) vne amitié en-  
tre eux & leurs subiects, au commencement de Iuillet, r'enuoya doucemēt Lo-  
thaire en Italie, chargé de plusieurs dons & presens : luy ramenteuant, com-  
bien de fois il luy auoit pardonné, & qu'à tout le moins il gardast ce dernier  
serment, fait en si grande assemblée, sans aucunement y contreuenir. Puis luy  
ayant donné sa benediction, s'en retourna à Aix. Icy faut noter qu'en ces par-  
tages de Lothaire & Charles, Bauieres & l'Aquitaine ne sont comprises, com-  
me Prouinces (ce croy-ie) hors du nom de France, l'une desquelles, comme i'ay  
plusieurs fois remarqué, ne souloit passer le Rhin, & l'autre la riuere de Loire :  
auant qu'on eut adiousté à vn Royaume, la Franconie d'outre le Rhin.

Peu de temps apres ce partage, nouuelle occasion de soucy se presenta. Car  
Pepin Roy d'Aquitaine, mourut au mois de Nouembre ensuyuant : & fut  
enterré en l'Eglise de sainte Ragonde, qui est sainte Croix de Poictiers. Ce  
ieune Roy laissa deux fils : Pepin & Charles, avec deux filles, l'une mariée à  
Girault Comte de Poictiers, & l'autre à Rathaire aussi Comte (ie ne sçay de  
quel lieu, si ce n'est d'Angoulesme). Ceste mort entendue par l'Empereur, il  
partit incontinent accompagné de Charles son fils, pour donner ordre au pais.  
Car d'aucuns auoient mis en la place de Pepin deffunct, son fils de mesme nom ;  
contre le vouloir de l'Empereur (ce dit Reginon) lequel auoit autresfois eu vo-  
lonté de faire d'Eglise ledit Pepin, n'aguières mort : & à ceste intention, l'auoit  
baillé à Dreux son frere, Eueque de Mets, pour l'instruire. Mais Lothaire son  
fils aîné le luy osta par force, & depuis fut Roy d'Aquitaine, où il ne se gou-  
uerna iamaïs bien : yurongnant iour & nuict : tant, que finalement il en per-  
dit l'esprit, & deuiñt Maniaque, puis mourut honteusement. Chose diffi-

N N N N

L'an de  
Jesue  
Christ.

cille à penser dudit Pepin fils de l'Empereur Louys : car il fut déclaré Roy par son pere l'an hui& cens dixsept : & Dreux ne fut Euesque qu'en hui& cens vingt & trois, ayant ledit Pepin esté marié l'an hui& cés vingt & deux. De maniere qu'il y a grande apparence , que ce que dit Reginon , se doye entendre de Pepin son fils , chassé par Charles le Chauue. Aussi ie trouue en vne vieille Chronique, que Pepin fils de Louys , bastit par le commandement de son pere les Monasteres de S. Iean d'Angeric (c'est d'Angely) ceux de S. Ciprian de Poitiers, & Brantome, pres la Roche-Foucault d'Angoulmois : & fit prendre l'habit Monachal , aux Clercs qui estoient à S. Cibar d'Angoulesme : preposant à ces Monasteres pour Abbé, vn nommé Martin.

Durant cela, les Normands ne cessoient de piller la coste de Frize, Holande & Zelande : leuans tribut de Vvalachrie: iusques à ce que l'armée enuoyée par l'empereur contre eux, leur eut fait abandonner ceste Iste. C'est l'entrée du rauage que les Normands ou Danois, firét par toute la coste de la mer de France : commençans par le país que maintenant tiennent les Estats du país bas du Roy Philippes d'Espagne, & Dieu vueille que ceux-cy ne fassent de mesme. Car il semble, ~~veu~~ nos diuisions , que nostre país se prepare à receuoir autant de maux, qu'il en souffrit en ce temps-là. Dieu plantant vn autre siege de liberté, pour ces gens-là : aussi bien qu'il fit aux François leurs grands peres, contre la violence des Romains.

Ceste année vne Comete aparut au signe du Belier : & furent vens d'autres prodiges au Ciel, comme petits feus courans ainsi qu'Estoilles. Quand Louys Roy de Bauieres fut aduertty du partage nouvellement fait entre ses freres, il ne peut aucunemét souffrir d'auoir ainsi esté mal traité par son pere: ains delibera de saisir par force tout ce qui est delà le Rhin, où il pensoit auoir bonne intelligence, à cause de son droit ancien, & du voisinage. Mais l'Empereur qui se doura de son entreprise, resolut de l'en destourner: & ne différa d'y donner ordre, que iusques au temps nouveau.

839.

Car incontinent apres Pasques , de l'an hui& cens trente neuf, il passa le Rhin à Mayence, & avec grandes forces vint à Triburies : où il demeura quelque temps, pour en recueillir d'auantage : & lesquelles venues il marcha vers Bedonna (possible est-ce Badé Marquisat) où son fils estonné (jaçoit que bien enuis) vint humblement luy requerir pardon, confessant d'auoir mal-fait , & promettant famender. L'Empereur le tança , & apres l'auoir rudoyé de paroles luy remit son mal-talent, puis le renuoya en son pays: & quant à luy repassant le Rhin il vint en Ardaïne chasser, ainsi que de coustume. Comme il estoit empesché en cest ordinaire exercice, il est certainement aduertty, qu'aucuns seigneurs d'Aquitaine, attendans quel ordre il donneroit en leur país, estoient pour entrer en gros differend; d'autant que plusieurs se faschoient qu'il eut baillé ledit Royaume à Charles, aimant mieux les enfans de feu Pepin leur dernier Roy. Là dessus ebroin tres-noble euesque de Poitiers, vint à Flatere trouuer l'empereur, & l'aduertit que tant luy que les autres principaux Seigneurs du país, attendoient qu'il declarast sa volonté touchant ce fait, d'autant qu'il estoient prests d'obeir à ses commandemés. Avec l'euesque estoit Reinald

ou Reinault Comte *Arabilacensis pagi* ( que ie n'ay peu remarquer , sinon qu'il n'estoit pas loin d'Angoulesme ) le Comte Girault gendre dudit Pepin, le Comte Rathaire son autre gendre, & plusieurs Seigneurs. Mais l'autre partie du peuple (le chef desquels estoit Emenō ou Emery) prit Pepin fils dudit deffunct, & le portant çà & là, destruisoit & pilloit tout par où il passoit, ainsi que l'on a accoustumé de faire en pareille diuision. Et pource l'æuesque prioit le Roy de vouloir remedier à tels inconueniens, & à ceste fin venir luy-mesme bien tost en Aquitaine, à fin d'empescher que plusieurs qui branloient, ne fussent entachez de ceste rebellion. L'æuesque fort remercié de sa bonne affection, pour recompense de si bon office, s'é retourna avec le don de l'Abbaye de S. Germain des prez les Paris, vacante par le trespas de Hilduin, & eut charge de dire aux Seigneurs qui luy estoient fidelles, tout ce qu'il verroit estre bon pour les entretenir en son seruice : Et sur tout qu'ils enuoyassent aucuns d'eux au Parlement, qui au temps d'Automne prochain, se deuoit tenir à Chalon.

L'an de  
Iesus  
Christ.

Aymar dit, qu'on ne deuoit pas croire, quél'Empereur par cruauté, chassast d'Aquitaine Pepin son petit fils; mais parce qu'il sçauoit le naturel des gés du país (comme celuy qui d'enfance auoit esté nourri parmy eux) & cognoissoit leur inconstance & foy legere, & qu'ils rendroient ce ieune Prince, tel qu'auoit esté son pere. Ayans chassé tous ceux qu'il auoit baillez audit Pepin, en intention de le gouverner comme luy-mesme l'auoit esté sous Charlemaigne, apres la retraitte desquels, les maux que l'on voyoit estoient aduenus, tant au dommage du public que des particuliers. Aussi l'Empereur vouloit que ce ieune Prince fut si bien nourri, qu'il peut estre profitable à ses subiects, sans estre corrópu de vices. Il se souuenoit (dit le mesme Autheur) auoir leu qu'un Prince sollicité de bailler son Royaume à ses enfans encores bien ieunes, respondit: Je ne porte enuie à mes enfans, & ne veux empescher qu'ils ne soient honorablement traitez: mais ie sçay bien que le commandement & la Royauté est vne mauuaise nourriture; qui rend la ieunesse plus farouche, & l'y entretient.

Le Parlement de Chalon tenu, & les affaires tant ecclesiastiques qu'autres publiques & priuées depeschées, l'empereur partit pour venir donner ordre au Royanme d'Aquitaine. Il auoit en sa compagnie l'empereiere & Charles son fils, avec vne grosse & forte armée, par luy assemblée entour Chalon: de là, passant Loire, il vint à Clermont d'Auuergne; où ceux qui luy estoient fidelles le furent rencontrer, & lesquels benignement il receut, leur faisant prester serment, & porter hommage à Charles son fils, à qui ja il auoit donné le Royaume d'Aquitaine. Quant aux autres qui ne luy voulurent obeir, & courroient la campagne, il les fit pourfuyure par iustice, & executer à mort ceux qui peurent estre empoignez: s'aprouchant de Poictiers en diligence, pour y faire la feste de Noel de l'an huit cens quarante.

840.

## CHAP. XVIII.

*L'Empereur Louys aduertty que le Roy de Germanie son fils auoit seduit les Sefnes & François Orientaux, part d'Aquitaine, & vint passer le Rhin: chassant de Turinge Louys : qui s'enfuit en Bauieres. Et l'Empereur venu à Ingelheim y est malade. Echypse merueilleuse. L'Empereur communie sous les deux especes. Meurt & est enterré à Mets. Ses mœurs & complexions. Ses loix. Fut le premier Auteur des petites terres infeodées. Figure de son corps. Aduertissement aux Princes sur les vices, & deffauts dudit Empereur.*



NCONTINENT apres la feste, nouuelles vindrent que Louys Roy de Bauieres, accompagné des Sefnes & Turingeois par luy seduits, auoit faisi le pais d'outre le Rhin, comme à luy appartenant : & que passant par Allemaigne (c'est Snaube en cest endroit) il estoit venu à Francfort; où par finesse il auoit tiré aucuns Seigneurs François Orientaux de son party; ce qui caufa vn grand ennuy: & encores plus grand travail de corps à l'Empereur son pere, lequel ja sur l'aage, cassé & molesté d'une abondance de flegmes, augmentez par le temps d'huy, qui luy bleferent l'estomach, esbranlé par vne toux vehemente; & combien qu'il fust de tresdoux naturel, tres-magnanime, & ferme en sa Religion, il s'attrista de telle maniere, que ceste Pituite tourna en mortel Aposteme, engendré dans son corps. Ce neanmoins come il auoit le courage inuincible, voyant que l'Eglise de Dieu estoit troublée par ceste guerre (les auteurs du temps appellent ainsi la communauté des François) il ne se laissa tant aller à la facherie, ny à la douleur, qu'il ne pourueut à ses affaires. Et encores qu'il eut regret de sortir d'Aquitaine auant qu'y auoir mis ordre, il enuoya deuant Dreux Archichapellain du Palais, & Adelbert Comte, garder le riuage de Rhin, avec bonne troupe de gens de guerre.

En ce temps, durant quelques nuits il apparut en l'air vne grande rougeur, de maniere qu'une longue traînée venant d'Orient, & l'autre de Circius (c'est vn vent d'entre Occident & le Septentrion, autrement nommé *Tracias* & auourd'huy Nord Nord V est impetueux le possible) s'assemblerent en pointe, monstrans au plus haut du Ciel vne maniere de sang caillé, comme pour pronostic de celuy qui bien tost se deuoit respandre. Or nonobstant que l'Empereur fust (ainsi que dit est) travaillé de maladie, si est-ce qu'environ l'entree de Careme (que ja il auoit commencé de solemnizer) ayant laissé sa femme & Charles son fils à Poitiers, il se mit en chemin pour appaiser la tempeste de guerre prestee de s'esleuer. Et combien qu'il eust accoustumé d'employer ce temps à chanter des Psalmes, prier Dieu, faire dire des Messes, & donner l'aumône (se reseruant à peine, vn ou deux iours de la semaine à monter à

cheval pour prendre exercice il ne voulut à ce coup, faire aucune feste, à fin <sup>L'an de</sup> de mettre paix entre les siens. Aussi avec bien grand travail & peine, il arriva au Palais d'Aix, pour y faire Pasques: apres lesquelles il passa le Rhin & vint en Thoringe, où il auoit entendu qu'estoit Louys son fils. Mais il l'enfuit en Bavières, passant par le pays des Sclaues (ie croy Bohemois), desquels il acheta le passage. L'Empereur mit ordre au pays abandonné par son fils, & retourna au village Royal de Salts, pour y faire les Letanies de l'Ascension durant lesquelles & le Mercredi sixiesme de May, troisieme iour de la grande Letanie, à la neuuesime heure du iour, le Soleil Eclipsea plus fort que de coustume: Car les tenebres furent si grandes, qu'elles n'estoient point differentes de la nuit, pour ce qu'aparamment l'on voioit les Estoilles, mesmes la Lune qui estoit à l'opposite, commença de donner lumiere, comme s'elle eust esté au Croissant de son premier ou second iour, iusques à ce que finalement elle donna pleine.

Or jaoit que cet accident fut naturel, la triste yssue de ce voyage, le fit depuis estimer prodige à plusieurs, qui iugeoient cela signifier la mort de l'Empereur, tenu pour la lumiere du monde, à cause de ses excellentes vertus, par lesquelles il surpassoit tous les Princes de son temps. Cependant il tint vn Parlement general à Vormes, durant lequel Charles son fils & l'Emperiere demourerent en Aquitaine: et Lothaire son fils fut par luy mandé pour adioïster aux affaires de la guerre: Car il se sentoït trop mal de sa personne. Aussi devint il morne de fâcherie, & mangeoit sans appetit avec ce qu'il estoit pressé & batu de souspirs & sanglots, qui peu à peu luy faisoient perdre la force & vertu de son corps. Quoy voyant, il se fit par la riuere de Meim descendre à Frankfort, & peu de iours apres commanda dresser des Tentes & Pavillons en vne Isle voisine de Mayéce, au lieu d'Ingelheim où il se fit porter, & coucher dás vn lit: d'autant qu'il n'en pouuoit plus. Il y auoit pres de luy plusieurs Seigneurs de Conseil: entre autres Oger Archeuesque de Treups, Aimar de Mayence, Dreux son frere euesque de Mets, & Archichappellain auquel il se fioït plus qu'à personne. Mesme il se confessoit tous les iours à luy: & par quarante iours, prist le corps de nostre Seigneur, vn iour il commanda à son frere, de faire venir ses vallets de chambre, & luy apporter ses principaux meubles, qui consistoient en Couronnes, armes, linceux, & vestemens: desquels il donna ce qu'il vouloit apres sa mort estre baillé aux Eglises, aux pauvres, & à ses enfans.

Sus le champ il enuoia sa couronne & son espee garnie de pierreries, à Lothaire son fils, à la charge de tenir sa promesse à Charles son frere, & à Iudith sa mere, d'entierement garder & souder son frere la pater du Royaume, ainsi que cy deuant il auoit partagé avec luy en presence des Seigneurs du Palais. Lors l'euesque Dreux craignant qu'il ne demourast courroucé contre Louys son fils Roy de Germanie, doucement l'aduertit de luy pardonner le paigistement commencement, & se souleua dans son lit, pour conter les torts qu'il luy auoit faits. Egarant mains (dist il) puis qu'il ne peut estre cy pour m'en demander pardon ne feray ce qui est en moy: Car en vostre presence ie duy remèder toutes ses offenses: enuers frere. Mais vous luy iurez, qu'encores que ie luy

*L'un de* pardonne, si doit-il se souuenir d'auoir mené à la mort douloureuse, son pere:  
*Iesus* vieil & caduc.  
*Christ*

Après ces mots, pource qu'il estoit Samedi & bien tard, il commanda de dire Matines, & Vigiles nocturnes, & qu'on luy mir la croix sus son estomach, se signant luy mesme de la main: & quand il estoit las, il le commandoit à son frere.

Le lendemain qui estoit Dimanche, il fit dire la Messe par son frere, qui aussi le communia & luy bailla vn peu de precieux sang sacré (car lors on communioit sous les deux especes, & nos Roys l'ont retenu iusques à présent) puis il prist vn breuuage chaut. Ce faict il pria son frere & les assistans d'aller reposerz disant qu'il attendroit bien.

Vn peu auant la mort, il ioignit le poulce avec les doigts, qui estoit le signe pour appeller son frere, auquel il demanda la benediction. Ainsi qu'on disoit tout ce qu'il faut à vn qui trespasse, il tourna les yeux à gauche, & côme courroucé il l'escria tant quil peut, *Hui, Hui*, qui estoit à dire en vieil François; hors, hors: puis les tourna vers Ciel avec vn visage ioieux, il rendit l'ame à Dieu, le vingtiesme iour de Iuing: soixante & quatriesme an de son age, & vingt & septiesme del'empire.

Après sa mort, Dreux son frere prist le corps, & le porta enterrer en l'Abbaye de S. Arnoul de Mets: où sa mere auoit aussi esté mise. Plusieurs Euesques, Abbez, Comtes, Seigneurs, & vassaux tant du Clergé que du peuple, se trouuerent à la conduite du corps: autant regretté que de Prince qui fut oncques. Car il estoit de douce nature, au moyen dequoy, voulant gouverner son Royaume de mesme, il souffrit beaucoup d'injuries tant de ses enfans, que des Seigneurs ses subjects. Lesquels estans de naturel & pais diuers, à sçauoir Allemands, Sefnes, Italiens, François, Bourguignons, Gascons, & Bretons, qui ne vouloient ceder l'un à l'autre, il estoit impossible, qu'entr'eux n'aduint du discord: & principalement quand il les eut séparéz par Royaumes, & donné des maistres particuliers, comme s'il eust diuisé leurs volonzes avec le partage de ses enfans: qui fut vne des premieres causes de la ruine de l'empire François.

Il fit en son temps plusieurs loix & ordonnances qu'il se trouuent: entre autres, pour la guerre, il ordonna que les gens-d'armes ne fussent vestus de foye, & ne portassent en guerre, garnitures d'or ou d'argent: Grand fél (disoit-il à ceux qu'il rencontroit ainsi parez) ne suffit-il pas que tu sois tué, sans de tes despoilles encorcs enrichir les ennemis, pour nous continuer la guerre avec tes richesses? Toutefois, j'ay vñ vn liure d'vn Moine de sainct Gal, qui donne aussi tel rencontre à Louys Roy de Germanie; l'vn & l'autre auoit raison: car la victoire s'acquiert non par les belles armes, & bien ouurees, ains par le tranchant & la pointe du fer: tel homme de guerre doit estre affreux, non pas damasquiné d'or & d'argent: assuré par vn bon courage, couuert de bon fer: Car tels autoes paremens seruent plustot de proye, que d'armes defensiues, belles & reluisantes auant le combat, laides & mal seures entre la poussiere, la fange, le sang, & les coups. Aussi la prouesse & la vertu, sont les plus vrais ornemens, que puisse auoir le Gentil-homme d'armes; & la victoire tire apres soy



les richesses du vaincu : & tout ce qu'autresfois il a possédé, sert de salaire au victorieux. Si ne laissa l'Empereur Debonnaire de les gratifier : car ce fut luy <sup>L'an de</sup> le premier donna en fief hereditaire à ses gens-d'armes les terres qui auoient esté à luy, son pere, ayeul, & bisayeul : & leur en octroya lettres scellees de son cachet, & signees de sa main : qui possible, est l'origine de nos fiefs hereditaires. Pource que nous trouuons, que de son temps les dignitez ne l'estoient pas encores : ainsi qu'auons monstré en nostre liure des Magistrats. <sup>Christ.</sup>

Quant à la figure du corps dudit emperèur : Tegan la décrit ainsi qu'il s'en suit. Il estoit de mediocre stature, & auoit les yeux grands & clairs, le visage luyfant, le nez long & droit, les leures ne trop espesses ne trop tennes : l'estomac fort, les espauls larges, les bras tresforts : & tant, qu'il n'auoit son pareil à enfoncer vn arc, ou donner coups de lance, les mains lógues, les doigts droicts, longues iambes, & de bonne proportion, grands pieds, la voix qui sentoit son homme. Il auoit esté instruit en Grec & Latin, mais il entendoit mieux le Grec, qu'il ne le parloit. Quant à la langue Latine, (entendez la Grammatique) il s'en aydoit comme de sa maternelle, laquelle ie cuide auoir esté telle, que celle du serment que ses enfans firent l'an 842. & que nous reciterons cy apres, & estoit la langue lors commune entre le peuple de Gaule, & de deça les monts : & pour ceste cause appelée *Vulgaire Latinum*. Il estoit fort agile de ses membres, laborieux, & tardif à se courroucer : sobre en son manger & boire, moderé en habillemens. Iamais il ne se vestit de drap d'or, qu'aux grandes festes, comme souloient ses predecesseurs : Car lors il estoit vestu tout d'or, fors la chemise & les chausses : qui encores estoient bordees d'or. Le Bauldrier & son espee garnis d'or, ses botines & sa robbe d'or trait : la Couronne sur sa teste enrichie de pierres precieuses : & tenant en sa main vn baston ou Sceptre d'or. Iamais on ne luy ouyt hauffer sa voix en riant : non pas mesme quand aux festes de recreation, il faisoit venir des jongleurs & basteleurs, plaisans chantres, & joüeurs d'instruments, pour resiouyr le peuple. Car lors chacun rioit deuant luy moderément, mais pour son regard, il ne monstra iamais ses dents, encores qu'elles fussent tresblanches. Tous les iours il faisoit donner l'aumosne auant d'isner : & quelque part qu'il allast nourrissoit des pauures, & auoit des Hospitaux qui le suiuoient. Il chassoit au mois d'Aoust, lors que les Cerfs sont en grande venaison, & iusques à ce que les Sanghiers y fussent aussi ; suiuant l'ordinaire des François. Il administra sagement toutes choses & prudemment, fors, qu'il croyoit ses conseillers trop plus qu'il ne conuenoit, ce qui luy aduint pour s'occuper trop à lire, & Psalmodier. Toutesfois il auoit souuér en la bouche ce mot *Ne quid nimis*, c'est à dire, rien de trop : Car combien que ce soit chose bien seante à vn Prince d'estre sçauant & deuotieux, si doit-il estre plus en action qu'en contemplation : pour euitier le mespris de ceux, qui penseroient que telle retraite fust par lascheté de courage, ou pour chercher ses plaisirs, secrets & vilains. Et encores le Prince se doit monstrer eueillé, quand ce ne seroit que pour oster à ses ambitieux seruiteurs, l'esperance de pouuoir tout : comme presque il aduint à tels maistres solitaires.

Outre cela il fut suiet à vn mal, qui n'auoit commencé de son tēps : assauoir,

*L'au de* qu'il n'empescha les serfs, & autres de vile condition, d'estre aduancéz aux dignitez d'Euesques, & Prelats: qui est (dict Tegã) vn tresgrãd mal pour le peuple. *Iesus* Car depuis que telles gens sont esleuez, ils ne sont iamais si doux & courtois *Gorgis* que deuant: ainste tout incontinent deviennent colerez, hargneux, medisans, ob-  
 sinez, iniurieux, & menaçans leurs suiets: comme si par là, ils deuoiẽt se  
 faire craindre & louer. Encorẽs ils taschent à tirer de seruitude leurs familles  
 & parentez, quelques des-honestes & basses qu'elles soyent. Et pource ils en  
 font instruire aux lettres yne partie, & marient l'autre à des gentil-femmes:  
 contraignans les nobles leurs vassaults, d'espouser leurs parentes, de sorte  
 qu'il n'y en a pas vn, qui puisse viure avec eux, s'il n'est de leur alliance; lais-  
 sans les autres en grande tristesse de se voir ainssi rebutez, pour vouloir gar-  
 der leur rang. Ce pẽdant leurs parens se moquent des autres gentils-hom-  
 mes, les mesprisent, sont hautains, legers, eshontez: enquoy l'on cognoit qu'il  
 leur est demeuré peu de vertu, puis qu'ils ont chassé l'honneste honte & sain-  
 te, qui doit accompagner leur dignité. Que si les parens de tels Prelats sont  
 pauvres, il leur conuiẽt faire du bien comme à des pauvres: & non pas em-  
 ployer les biens donnez au commun des autres pauvres de leur Eglise, à leurs  
 parens seuls: puis que les Euesques sont peres de tous leurs suiets: & pource  
 autant tenus aux vns qu'aux autres: Estant en Prouence i'ay perdu le dernier  
 cayer de mon original, pour ce Lecteur tu te contenteras de ce que i'ay peu  
 fournir icy par ma memoire.

*Fin de la Fleur de la maison de Charlemaigne.*









